

叢書集成續編

五七

新文豐出版公司印行

# 叢書集成續編

## 第五七册目錄

社會科學類



### 奏議

少保于公奏議十卷·····	明	于謙撰	武林往哲	一
關中奏議全集十八卷·····	明	楊一清撰	雲南	二六三
諫垣奏議一卷補遺一卷·····	明	李維樾撰	敬鄉樓	七三九



少係子公真義士卷

平湖徐善聞題

錢塘丁氏重刊明杭州府本

于肅愍公奏牘序

嘗聞天之所興與以治人是故成周之興則姬旦召奭  
弼其治方叔召虎濟其艱國朝之興則中山岐陽翊其  
運肅愍于公輯其勢皆值氣運隆興國祚方永篤生異  
人為之輔佐非天其就為之而亦知命世之才非可數  
數見也予惟稽古尚友賢肅愍于公之為人承命按部  
浙下謂其祠低回而不能去索其書三復之曰茲天人  
也非古所謂安社稷為悅者乎聖門新於稱仁獨再許  
管仲以尊周攘夷之功大也土木之變醜虜陸梁鯨奔  
稀矣燎原之勢亦孔棘矣而肅愍公實運籌決戰砥柱  
不移挫陷大敵中夏底甯豈非所謂民到於今受其賜

于公奏議王序

者乎至於乾樞轉軫機務盤錯公親扶紫極推旋日轂  
獨運在心任大遺艱雖賁育猶將狼顧失措而公以道  
御氣神守自若嗚呼茲非天之所生關盛衰之運者乎  
抑其心事明白如日月皎然方之敬仲又為見伊呂而  
失蕭曹者公亦何修而得此乎語曰無欲之臣可語王  
佐諸葛武侯百代偉人亦得養心之助傳稱公不御綺  
麗強年失配周旋一僕賜物外無餘資焉蓋養定則神  
清氣固鬱積磅礴煜為光華亦固然耳公奏牘十卷誠  
經世偉議夫學古固靡按圖索驥然昔讀書可裨神志  
神而明之亦存其人耳而況昭賢勵後道揚風勸又予  
按部之職守也是帙舊本失傳且多散逸屬杭郡陳守

仕賢計資鳩工刊輯書成而序其槩如左云賜進士第  
巡按浙江監察御史對川王紳序嘉靖辛丑仲冬朔旦

于公奏議王序

此處為多欄空白區域，可能為原書之留白或待錄內容。

少保于公奏議序

皇朝汎掃胡元奠厥中夏民物幾百年不知兵正統末醜虜稱突統莫棄師而西南獠夷亦陸梁爲患時不有經國大臣屹然足以秉大猷繫眾志曷所底定若少保兵部尙書于公謙者固其人哉公才識弘達練習舊章奮其激發之衷於樞務叢委之閒每朝下得四方警報眾庶陳言文記沓至剖析如流凡某可將某可攻某可守某城可軍某軍可調某人言可用不可一日或上四五疏一疏或數千言無不審固精詳算無遺策即吏罷於繕寫兵民上下覘公起居以爲命公處之裕然若無有卒之夷虜頓顛疆土廓清雖宗社之祚無疆而帷幄

于公奏議李序

之籌公則多矣是以雖晚罹讒愆而跡彌彰賓不敏辱知爲深開得其一時奏議凡若干篇於今兵部尙書項公忠所而敬讀之深歎國史收入有限簡牒散軼無幾而登對密勿之言又外人所不及知遂恐後世無以稽公戮力朝廷懇至如此竊取所得諸篇正譌詮類釐爲十卷圖永其傳寶觀古之名臣當國步顛越之日寓誠章奏隨事就規終能成撥亂反正之功者惟唐陸宣公贊迄今耿耿有餘烈焉公所遭與宣公適相類而事勢之難易功力之小大識者當能辨之乃或有以案牘委瑣辭采弗逮疵公者亦淺之乎知公矣昔人稱宣公者不過曰精於吏事固未嘗舍此取彼知所重之不在彼

也又或疑公書生不知兵而遙制閫外其不失事機幸也非與夫兵政事之一周稱文武吉甫仲尼之門則仲由冉求之能事公之才識施無不可而於此固以濟一時之急耳茲集旣行後之人可因是而通夷夏之情熟山川道路之險易審餽餉戎馬調發之宜不必遠探隆古之規而皆的然如指諸掌邦政之舉允有攸賴又豈徒以濟一時而已哉僭序篇首以俟知者成化丙申夏六月朔日資德大夫正治上卿太子少保兼都察院左都御史前南京兵部尙書參贊機務溫陽李賓書嘉靖二十年十月杭州府重刊

于公奏議李序

少傑于公奏議卷之一

北伐類

兵部為陳言邊務事該鎮守大同參將都督僉事計費  
奏查得正統十四年十二月內節該欽奉詔書內一欵  
朝廷求言本欲聞善道知警戒凡四方災異事干國體  
者所在官司即時聞奏欽此欽遵臣照得大同三路自  
舊歲七月以來至今達人不時攻圍四散搶掠臣守西  
路地方又係緊關衝要敵行四通道路節次侵犯攻圍  
臣領所部官軍相機截殺追趕累次奏報外切見邊城  
軍民趁空樵採柴草搶割田禾度日不為經常之道即  
目正當農種之時雖令各人照舊耕種但聞邊墩不時

于公奏議卷一

舉放礮火人心驚恐自不安生況今達人聚集人馬眾  
大少者五七千多者一二萬整陣入境攻圍各城在邊  
軍民人等不敢出城樵採收割又無經營各衛倉廩舊  
歲民間該納秋夏糧料草束為因路阻運送不前見在  
邊儲官軍馬匹按月支給有減無增再照西路五衛馬  
隊原有官軍四千九百二十員名先於乾河等處與賊  
對敵陣亡中半回衛見在者又有被傷旗軍告令弟男  
替代俱係未經操習戰陣之人舊役慣戰馬軍十無三  
四又況見在馬匹止有二千一百餘匹中間多有新例  
借勸收買兒騾小馬不堪騎戰十有三比與原舊馬  
數缺少二千八百餘匹及照本年二月內臣差千戶張

鑑管領無馬官軍一百八十一員名前去墳嶺墩設伏  
有賊到墩攻圍未戰之時內有達子三人通曉漢話叫

稱我一箇是女直同知一箇是浮石參謀一箇是哈密  
指揮我來近墩打話你每聽者要講和著管你每的大  
頭目奏將去連夜差使臣來我每便回去你若不來講  
和我每三班人馬輪流打攪你不得種田等因已行具  
本奏報外今敵聚眾復入境內擾攘軍民不得耕種切  
慮四月以後青草茂盛儻若敵勢眾大就於腹裏駐劄  
趁草牧馬城門關閉人不得樵採馬不得牧放欲便興  
師戰鬪尤須量已料敵設若真不敵眾如之奈何臣一  
介魯夫昧於戰守誤蒙聖恩濫叨今職晝夜懷憂不能

于公奏議卷一

補報伏望皇上憐憫在邊軍民乞敕在廷內外文武大  
臣將前項打話達人要行講和情由從長計議便利上  
策分免聖主之憂臣之愚見莫若遣使齎敕與敵假以  
和好為詞暫示休兵照舊修飭墩隘廣積儲備練習士  
卒飽養馬匹密定討伐之計若敵仍復逆天背理侵犯  
邊城我既有備以逸待勞守邊將官運謀出奇統率銳  
士奮力復仇務在一鼓而擒之必矣具本該通政使司  
官奏奉聖旨兵部知道欽此鈔出到部查得先該福建  
道問刑監生練綱題稱在廷文武羣臣中間有以主和  
議為詞即是姦臣就乞誅之勿留誤國等因節該奉欽  
依他說的是欽此續該巡北走回軍餘陳旺等說稱要



差內使一人通事五十人去迎太上皇等因本部參係  
重務乞會多官計議節該題奉欽依虜情誦詐不必會  
官計議欽此欽遵今都督僉事許貴又奏要與賊講和  
暫示休兵待人馬強壯密定討伐之計一節切詳達酋  
也先違天悖德負義忘恩自逞梟獍之雄烏合犬羊之  
眾既侵犯邊境而拘留上皇復入寇京畿而震驚陵廟  
其爲仇恨庸可勝言且以和議一事論之當去年秋冬  
之間正虜勢方張之際朝廷亦嘗遣都指揮李鐸指揮  
岳謙等齎執金繒往使虜庭賄賂纜入於穹廬虜騎已  
至於關口繼遣少卿王榮通政王復又往虜營不見上  
皇鸞輿而還虜眾知我戰守有備尋皆望風遁去朝廷

于公奏議卷一

三

灼見虜情誦詐和不足恃以故絕使不通往還惟敕邊  
將修武備勵人心固守城池相機戰守今許貴又奏和  
議之說臣等竊惟今日之事理與勢皆不可和何者中  
國與寇有不共戴天之讐和則背君父而忘大義此理  
有所不可和也又醜虜貪而多詐萬一和議既行而彼  
有無厭之求非分之望從之則不可違之則速變此勢  
有所不可和也苟以爲虜強難制姑從和以緩其兵臣  
等請質之兩代宋眞宗澶淵之役契丹之眾累被我兵  
摧阻既盟之後朝廷尙歲輸銀絹三十萬兩匹迨及季  
世徽欽北狩中國名將如張韓劉岳之徒屢敗金師及  
姦臣秦檜一主和議朝廷既割境土以與之又輸歲幣

以賄之甚則不得已降去尊號其爲舍垢忍恥屈己從  
和固無所不至卒之人心解體國勢陵夷無救成敗而  
後已援古證今和議之不足恃也明矣爲今之計莫若  
選將練兵養威蓄銳敵若來侵則相機而剿殺敵若遠  
遁不貪利以窮追萬一虜寇罪惡稔盈鬼啟其衷復有  
大舉入寇之謀則我兵操習有素加以將帥思奮臣等  
當盡死効力以圖剿滅以雪國恥必不出犬羊之下其  
或皇天厭亂列聖有靈點虜自知數寇不利變惡爲善  
遣使入貢則示以善意量與賞賜遣回亦不拒絕而已  
若欲朝廷先遣使臣往彼通好則示彼以弱而啟其輕  
侮之心萬萬不可此則方今之要務而臣等之愚見止

于公奏議卷一

四

於如此也及照許貴叨居重任保障邊方不能銳意滅  
敵卻乃倡爲和議畏縮之跡既明忠義之心何在合將  
本官明正典刑以謝天下以戒將來緣係陳言事理又  
係備邊將官合無姑記其罪差人馳驛齎文切責許貴  
令其整飭邊務操練軍馬作興士氣固守地方必期滅  
敵以贖前罪如仍退縮誤事治以重罪仍通差人齎文  
前去遼東宣府大同陝西等邊及永平山海居庸白羊  
紫荆倒馬等關口總兵鎮守等項內外官員令其整棚  
人馬固守地方如遇敵人來攻務要相機行事毋得聽  
信哄誘因而失誤機務仍通行在京五軍三千神機等  
營總督總兵等官嚴加訓練官軍諭以忠義犬節使之

感激思奮以圖成功不許苟且因循致誤大計緣奉欽依兵部知道事理具題景泰元年四月十九日奉聖旨是欽此

兵部爲邊務事內府鈔出鎮守大同太監陳公題審得生擒達人指揮把速台供係克里革思人先因往瓦刺進貢就留在彼住坐曾跟隨兀刺思弁察古三次來朝比先下番使臣回還之時也先安排筵席與馬清馬雲送路令達子歌唱作樂有馬清等說不希罕我回去討一班笙簫細樂會唱的婦人來與你也先聽言歡喜後次又有使臣到彼和番也先令兒子出來勸酒有使臣亦說好與中國結親我回去奏知務要成事也先就進

于公奏議卷一

五

馬三匹不期使臣回去不見結親事情又無歌唱婦女因此發怒領兵前來廝殺見今在於小黃河駐劄時常發遣哨馬或多或少往南探聽聲息搶掠人口頭畜今次聞知石總兵領三十萬人馬要往迤北征進也先令其弟賽罕王領一萬餘人牽騎馬二三萬匹前來緝探知得石總兵止領人馬三萬已回五日去訖來時也先分付就看腹裏人民種田不種各處城池有軍無軍又說也先時常議論不見中國差人講和若講和了時只差一二百回子將下番官軍并先搶人口分一半送太上皇回去若不講和一發搬取家小就在沿邊住劄搶掠不回也先人馬通不及四萬餘人脫脫不花已回去

2 / 20 1. 1. 3

23

了屢差人勸也先回還也先說稱中國整理軍馬要來廝殺恐怕各枝人回散了急難再聚又說下邊小人兒心裏想家要回還老窩裏去審供得此行閒又據節次被虜走回男子鄭道童等亦稱也先弟兄領人馬來大同答話相和若不和時五六月連老小都來大同周圍住坐七八月往大都十一月往甯夏搶掠又說要將槍得犁鏵安上木柄攻跑應渾懷仁等處土地等因會同總兵官定襄伯郭登參謀軍事左都御史沈固右參將潘輿議得自景泰元年四月二十三日達人入境往南去後至今未回除差夜不收人等分投緝探及飛報武清侯石亨太監裴當等知會隄備外緣係虜情及傳報

于公奏議卷一

六

聲息具本差夜不收王鎖兒等於本月二十六日起程齎奏至二十八日早有王榮等回報行至聚落驛忽遇達人數騎趕散王榮同馬夫張彥友被賊剝去衣服奏本四封亦被搶去棄馬藏躲得脫回還內王鎖兒不知下落今將前奏情由具本差夜不收齊二敢勇餘丁鄧斌親齎具題該本部官欽奉聖旨兵部看了來說欽此又該征西前將軍鎮守大同總兵官定襄伯郭登等亦題前事通鈔到部參照各官奏稱比先下番使臣馬清馬雲曾許賊首先討笙簫細樂會唱婦女及以後使臣到彼和番又許也先與中國和親一節除以後使臣別無開到年分職名無憑參擬外臣等切見比年以來

因脫脫不花王弁太師也先等年例遣人朝貢朝廷厚加禮遇遣使報聘以示恩信篤和好也豈期差去使臣止知貪利以肥家不思屈節而辱國於虜情之虛實畧不以聞禮義之大節全不暇顧及回還復命又復架捏虛詞誇大張皇肆為欺罔甚至透漏消息而陰結虜人妄報根腳而希求陞賞以致敵人放肆有輕中國之心邊境不寧釀成今日之禍今照馬清馬雲前項辱命緣由雖係擒獲達人把速台所說未可憑信然此事中外臣民知之已久事不妄傳必有所自若不明白處治無以痛快眾心合將馬清馬雲拿送法司嚴加勘問明白奏請定奪處治庶使典法昭明臣民稱快其言敵酋也

于公葵議卷一

七

先說稱若中國差人講和送上皇回來等因顯是敵人益逞姦詐之謀故為誣妄之說誘我邊將弛我邊備假以講和為名意在乘虛深入合無差人馳驛齎文與大同總兵官定襄伯郭登等同守備雁門偏頭等關都督同知等官杜忠等嚴加訓練官軍用心守禦城池儻遇敵人侵犯務要効死盡力隨宜守戰不許聽信哄誘失誤事機仍令郭登等差人密切跟尋原差奏事人王鎮兒得見下落通行具奏及照差來夜不收齊二敢勇餘丁鄧斌不避艱險奏報聲息勞苦可憐合無俱量陞一級以勵將來緣奉欽依兵部看了來說事理具題景泰元年五月十一日奉聖旨是欽此

欽差總督軍務少保兼本部尚書于謙為預定安邊事照得宣府大同地方即日達人侵擾去來不常或攻圍城池或剽掠人畜或以輕騎襲我輜重或以人少誘我官軍聲東擊西出此入彼邊民不得耕種士馬不得休息臣切料此敵必欲搔擾大同宣府使之公私匱乏不能固守此其姦計不淺有必來侵犯京師之意今朝廷所倚任者石亨楊洪柳溥孫鏗衛穎范廣張軌數臣其次則署都督僉事張義雷通諸人今虜勢猖獗邊務方殷京師軍馬雖操練頗有次第然萬人之命懸於一將將有必戰之心則士有効死之力苟計不先定心不齊一彼此異見而將無必戰之心上下隔絕而士無効死

于公葵議卷一

八

之力緩急之間恐誤大計伏望皇上聖明乞敕石亨楊洪柳溥孫鏗衛穎范廣張軌張義雷通等各陳己見以為今日虜勢如此之猖獗邊務如此之弗寧當何處置可得寧安萬一虜寇侵犯京師或近畿甸州縣及山西等處地方當何設法禦敵戰守或除戰守之外別有何策可以安邊保民不須會同計議文飾虛詞務在各出己長直言無隱令石亨等各另具題封進皇上聖斷采擇其可行者請敕各官遵守施行若是果有窒礙亦聽各官陳奏必期上為朝廷分憂下為邊境除患不許面為承順退有後言敵至互為異同以誤國家大計況耕當問農織當問婢今日之事若不責成於石亨楊洪諸

人而欲以臣等書生之淺見以爲議論則是徒爲紛紛而未  
能濟事也臣材本庸劣叨掌兵機切見方今邊務誠爲危急計慮預防  
不容髮萬一事無預定倉卒生變臣雖萬死不足以贖謹陳愚見  
伏候聖裁具題景泰元年五月十四日奉聖旨說的是宣府大同  
乃京師之藩籬虜情猖獗各處剽掠使我士馬疲困若不預爲處  
置愈生邊患便著他每各思長計如何安妥開寫來看  
欽此

兵部爲邊務事兵科鈔出總兵官武清侯石亨題欽奉會同  
彼處總兵等官計議挑修溝塹擺布營陣築立墩臺撥哨隄備  
但見倉場糧料數少馬草全無今雖要官

于恭葵議卷一

九

饋運爲因虜寇犯邊聲息不絕糧道阻滯大同并應州等處糧草纔旬  
三萬餘石束恐被大軍食用消費大同官軍日後缺乏愈難存住  
臣會同太監裴當右僉都御史任宣計議將原領官軍於內挑選  
次等馬步官軍共壹萬五千餘員名委都指揮田貴等管領前去  
易州保定等處收放住劄已行具奏外乞敕該部計議合無將前  
項官軍調取回京惟復只在保定等府有糧去處操守遇有賊寇  
過山侵犯京師臣等就便調領往衝要路口隄備會合京軍夾攻  
剿殺庶保萬命儻欲再添調大兵前來大同糧草十分欠缺不可  
輕易及山西民壯亦合暫且存留代州令都指揮翁信提調操練候  
有警急

調取策應庶爲兩便係于邊情具題該本部官欽奉聖旨兵部  
看計議停當來說欽此欽遵鈔出到部參照武清侯石亨奏稱  
彼處糧草不敷已將原領馬步官軍挑選一萬五千餘員名令  
都指揮田貴等率領回還保定易州有糧草去處操守收放遇  
有賊寇侵犯會合夾攻一節切詳足食者足兵之道治內者攘  
外之本今既本處糧草供給不前而京師亦當增兵操守合無  
將前項退回官軍不必在於保定等處屯駐令該府差人沿途  
催趕田貴等就令率領赴京操練隄備不許在途延緩及照  
大同地方係西北重地合當嚴謹守備今本處所積糧儲有限  
日逐支用無窮又兼馬草全無措辦而敵

于恭葵議卷一

十

情誦詐僞聞知石亨等率領大軍在於大同城內住劄分遣  
人眾剽掠牽制我軍使其內外隔絕應援不繼意在乘虛寇襲  
趁此青草未發之時敵人馬匹瘦弱之際若不設法處置非  
惟師行日久而財用匱乏抑且京師有警而缺人調用合無  
請敕石亨令會同彼處總兵鎮守等項內外官員定襄伯  
郭登左都御史沈固會都御史任宣太監陳公等從長計議  
如果彼處邊備整理已有序第見在糧草委實不敷其石亨  
所帶官軍應合回京就便會同差人馳奏將石亨取回其所  
帶官軍內挑選精壯者一二千或三五千俱與遊擊將軍都  
指揮石彪兼同原帶官軍五千員名仍在大同協同郭登等巡

哨相機行事候邊境寧謐另行具奏取回其餘官軍一  
同石亨回還不許猶豫不決致貽方來之患其言要將  
山西民壯暫留代州操練一節委的內外兩得其便亦  
合准擬將山西府縣所選大同民壯合去代州聽把守  
雁門關副都御史朱鑑都指揮翁信等調度操練遇警  
調用仍加意撫恤不許親管官員人等生事虐害因而  
逃竄緣奉欽依兵部看計議停當來說事理具題景泰  
元年四月十五日奉聖旨是欽此

兵部爲備邊保民事戶科鈔出都察院司務陳典庸題  
近蒙兵部題准以臣所言防邊禦寇恢復虜警事件俱  
各有理令起大理寺卿孔文英都督同知顧興祖處計

下公奏議卷一

七

議備邊方畧臣自到關以來所見達人經過去處草房  
焚燒人跡蕭疏十室九空逃亡未復追惟往事實是寒  
心但以識淺才疏言輕行寡不足以救目前之急然以  
大勢觀之今易州蔚州渾源昌平等處近邊百姓自去  
歲被達人殺掠人口搶去頭匹至今警急雖有城郭山  
寨聊且安身而口外屢報聲息未得安居卽今五月將  
終天氣亢旱種子少布何敢望收恐至失所朝廷難盡  
賑濟又且各口軍士微弱不堪持重衣甲器仗尙有未  
全儻使達人乘虛深入雖不敢輕犯邊關未必不侵擾  
邊民近聞大同等處城門日閉樵牧斷絕四境之外俱  
爲敵衝人民乏食何以全生況兼虜掠中原婦女更多

遂成生育不過數年賊眾數千倍矣其無涯之費可不  
爲之遠慮乎爲今之計貴在宣揚威武慎守封疆以固  
國本合無於宣府大同等處廣儲糧草以若防秋仍較  
總兵官各率大軍於極邊去處屯駐邏剿此誠切於事  
體非惟應援京師其實保障中原使達人遠遁而不敢  
再肆侵掠此亦兵家計畫之一端也至於復讐姑待事  
集然後別舉但恐變詐多端遲留竊發果於深入不待  
秋高馬肥則必藉此二軍部曲堅重迭相犄角一則畏  
我躡其後二則畏我搗其巢使敵計窮力疲不能偷踰  
宣府大同之險而來設使二處無備賊必內驅不獨邊  
民被其殘擾抑且中原爲其驚恐臣愚不足以計邊務

下公奏議卷一

七

伏乞聖斷於短中取長而行之緣係邊備保民重務不  
敢緘默具題該通政使司官奏奉聖旨說的理常備邊  
禦寇國之重事宣府大同切近京師達人恃其輕騎在  
彼剽掠朕慮邊患如此便著戶部兵部計議糧草如何  
措辦軍馬如何戰守只在今秋事有成效邊境寧息務  
要區畫停當上緊來說欽此欽遵鈔出到部除糧草戶  
部另行外參看得陳典庸奏稱要令總兵官各率大軍  
於極邊去處屯駐邏剿一節臣等切詳防邊禦寇之策  
固在於增兵然必食足而後可以戰守也今照宣府大  
同係西北重鎮合當遣將增兵協濟守備但彼處各城  
所積糧儲不繼聲息警急欽命鎮朔大將軍總兵官武



清侯石亨等往大同整飭邊備命游擊將軍都指揮同知楊能總兵官都督同知范廣等往宣府巡視懷來一帶爲因糧草不足以給軍馬難於駐劄以此將范廣石亨等取回存留楊能在彼巡哨及遊擊將軍都指揮僉事石彪又將所帶官軍內威遠衛留一千馬邑所留六百山陰所留五百員名今盛暑方降之際石亨等初回之時軍馬之勞困未甦道路之供餉未備若再選將調軍前去宣府大同屯駐非惟二處糧儲愈爲耗盡抑且虛勞士馬迄無成功及查宣府大同在城官軍亦向守備而京城守禦爲重軍馬未可輕動合無行移該府差人馳驛齎文與朱謙郭登等令其整飭人馬固守地方

于公奏議卷一

七

遇有敵寇來攻務要相機守戰若是敵人深入亦要計度邀截設謀襲取以成夾攻之勢而圖剿滅之功既不許畏縮而拘於守備亦不許輕易而果於追逐務在計出萬全事無一失仍行紫荆倒馬白羊偏頭雁門等關口守備官員及鎮守易州等處總兵等官都督同知劉安石僉都御史曹泰等一體提督官軍晝夜用心巡守外爲邊境之應接內爲京師之屏蔽并令在京五軍三千神機等營總兵等官石亨楊能柳溥等嚴謹操練官軍時常點看器械馬匹候今秋若有邊報緊急另行陳設方略奏請調兵殺敵若武藝未精士氣未振必須以身率先教閱振作論之以大義申之以軍令使下有所

感發自然所向成功不許姑息苟且自沮軍法及推諉軍弱自餒其志以致上下成風怠慢臨期舉手無措因而失誤大事如違治以重罪緣節該奉欽依務要區畫停當上緊來說事理具題景泰元年五月二十七日奉聖旨是欽此

于公奏議卷一

高

兵部爲緊急軍情事內府鈔出鎮守大同西路右少監章力轉題景泰元年五月十七日十八日達人臨城攻圍臣同右參將許貴二次出兵殺敗敵眾往東去訖十九日據彼虜放回餘丁劉四說稱達人四千人馬在於本城地東二十里駐劄牧馬說也先兄弟到六月初一日前來大同講和就送大明皇帝來大同住坐鐵頭太師坐右衛右頭城脫脫太師左衛左頭城放回你去將這番字一紙箭一枝送與你城裏那顏知道等因又多寫下牌檄分占牧馬地方緣係番字敵情不敢緘默今將番字箭枝共進具題該本部官欽奉聖旨兵部知道欽此欽遵鈔出到部參照所奏顯是敵酋也先等假以送太上皇爲名詐令餘丁劉四回還傳說意在緩我邊備以圖乘虛襲取若不預爲隄備誠恐倉卒之閒彼處鎮守總兵等官智慮不及處置乖方有誤大事合無請敕太監陳公定襄伯郭登左都御史沈固等公同計議如法整擄軍馬撫綏人民晝夜隄備固守城池如遇敵寇率眾到於城下務要相度敵情緩急事勢可否以爲

守戰凡一應事務當以朝廷宗社爲重不可聽信哄誘因而失誤大事果有別項難以處置事情星馳差人作三四起齋本具奏定奪以防中途衝截疏虞之患務在十分用心毋得意忽誤事緣係區處邊務及奉欽依兵部知道事理且題景泰元年六月初九日奉聖旨是欽此

兵部爲聲息事內府鈔出鎮守宣府等處內官監左監丞柏玉題景泰元年四月二十一日辰時據夜不收呂關兒等走報本月二十日卯時有達子三百餘人馬從石峯口入境隨即放礮二箇關兒等那往北山潛伏瞭見敵人到關將南北門樓二座放火燒毀又有敵人哨

并公奏議卷一

七

馬五十餘騎到於洪贊口本日申時各寇仍從石峯口出境去訖據報得此臣會同總兵官左都督朱謙等議係敵人出沒事理除行都督范廣并守備懷來永寧都指揮楊信等整擱軍馬相機行事及行沿途哨守官軍嚴加提備外具題又該提督軍務右副都御史羅通鎮朔將軍總兵官左都督朱謙等俱題前事該本部官欽奉聖旨范廣羅通於懷來駐劄相離長安嶺路途不遠達人入境折開邊牆燒毀門樓又縱容出去兵部看了來說欽此欽遵通鈔到部案查先爲達人入寇已經具奏欽命都督同知范廣充總兵官都察院右副都御史羅通提督軍務率領馬步官軍二萬一千員名前去剿

捕獲該羅通題稱宣府節報聲息動稱幾萬餘賊官軍到彼不過一二百餘軍哨則去軍回則來意在疲憊我師今日北天色高亢青草未長舊草尋盡合無班師回京等因本部又經議擬奏准行令羅通公同范廣等從長計議如果本處敵情不甚緊急所蓄糧草支給不敷所帶官軍應合回還就便全軍臺營而還若聲息緊急未可輕動明白回奏去後今奏前因切詳范廣羅通率領重兵巡邊殺敵已經四十餘日累於長安嶺等處遇敵多有二三百少不過三二十不能擒斬一寇反彼射傷官軍今照前敵止是三百餘人縱橫入境將關門折開門樓燒毀仍從本口出去進退自由如蹈無人之境

并公奏議卷一

其

從容按轡全無畏忌之心蓋因范廣羅通平日紀律不嚴戰陣無勇既不嚴督邊關官軍謹慎備又不挑選士卒出奇截殺以致敵人肆輕侮之心關隘失守禦之策似此縱寇失機遠巡畏縮合當問罪及照總兵參將等官都督朱謙等與游擊將軍楊能等遇警不行救應俱屬失機誤事亦合問罪但仰目邊務緊急各官見統大軍在彼巡哨若便提問誠恐缺人提督軍馬愈加誤事合無請敕切責范廣羅通令其且未回京并朱謙楊能等整擱人馬哨探敵情若虜騎仍前在邊出沒各要選帶精銳官軍或躬親督令或委偏將相機行事運謀設法或夜襲敵營或按伏要害除邊患以贖失機之

罪不許虛勞士馬糜費糧草暴露日久卒無成功如違一體治以重罪緣節該奉欽依兵部知道事理具題景泰元年四月二十四日奉聖旨是欽此

兵部爲軍務事兵科鈔出鎮守陝西興安侯徐亨等題近准寧夏總兵官征西將軍都督同知張泰等手本景泰元年四月十一日節該欽奉敕也先聚集人眾留住斷頭山一帶駐劄救至爾等即將岷洮等衛土兵及延綏官軍量宜調到爾處操練伺候進攻毋失機會欽此欽遵會同鎮守太監來福等計議照依敕內事理將郎中汪濬檢校何英原選土兵官軍舍人餘丁土民人等調取連馬匹軍器什物各兼程倍道定限赴寧夏操練

于公奏議卷一

七

聽調河州等衛又稱切近番虜恐番達乘虛攻劫缺人戰守中乞定奪等因爲照係是奉敕調取土兵官軍及係寧夏總兵官處置事理未敢定奪回報臣等查得正統十四年十月內爲因敵寇侵犯京師蒙差戶部郎中汪濬都察院檢校何英齋敕馳驛前來河州西寧洮州鞏昌秦州平涼岷州臨洮等八衛廣集驍勇精壯官軍舍人餘丁土軍土民及諸色人等限十一月中到京殺敵後各官延至十一月終方到止稱各衛存留見在操備守城屯田餘軍原召募民壯義勇不問老弱輾數各官調集之數十無一二又出榜召商中納鹽馬不問好歹概便收受印烙給軍騎操起程開景泰元年正月內

又因敵人犯邊敕汪濬何英將所集河州等八衛人馬不拘番漢土民等項共轅一萬率領前去寧夏操練聽調務在兵精馬肥何英率領河州西寧岷州洮州人馬已到寧夏汪濬率領臨洮鞏昌秦州平涼人馬內臨洮鞏昌人馬行至中途又因西寧等衛奏稱缺人守備本處城池將各衛人馬發回操備緣各衛到寧夏路程寫遠往回之間遠者五千餘里近者三四千里以致人馬疲困內馬匹死傷數多今都督同知張泰等不照見奉敕內事理將洮岷等衛土兵量宜調取操練卻將原轅數守城屯操官軍舍人餘丁召募民壯義勇一概調取若使人馬再到寧夏不無愈加疲困死傷豈能進攻委的

于公奏議卷一

十六

徒勞人力虛費糧料不能濟事及延綏官軍雖近寧夏緣地方廣闊寨堡數多卽日常報聲息急用人馬隄備再照寧夏今春敵人深入分散搶掠直到城下敵徒不過十七八人寧夏官軍閉門不出並無一將一軍敢發一矢與敵後敵人遠出城門猶且關閉日久不開軍民怨嗟似此畏縮無謀若使發兵進攻必致失機誤事況敵情詭詐居止無常朝更夕移難以料測伏乞聖斷合無罷進攻之議設守禦之方將延綏各寨堡及岷洮等八衛官軍暫且停調候九月秋成官軍進息馬匹肥壯寧夏果有聲息不爲常例於岷洮等衛每衛揀選精兵或四五百員名或三四百員名赴彼添助備禦候來年

春暖河開邊境少盜放回操守遇警再調庶使邊務不誤人情獲安具題該本部官欽奉聖旨兵部看計議來說欽此又該鎮守內官王莊兒等亦題前事通鈔到部查得先該監生練綱奏要差人往陝西土番等處徵兵刻期入援等因會議得練綱所言係禦寇急務合無准言通行請敕差官整理等因正統十四年十月十五日節該奏奉欽依便寫敕差官徵召土番壯兵來京策應欽此欽遵請敕差戶部郎中汪濬都察院檢校何英齋去選取續該寧夏總兵官都督同知張泰等題景泰元年正月日期不等節有達人犯邊搶掠人畜要添調官軍併力殺敵等因會議得汪濬等原調土番先已奉敕

升公奏議卷一

九

令在寧夏操備未審曾無到彼合無請敕汪濬等查勘前項土番若是已到寧夏就聽張泰等調度殺敵若是中途未到就便相機進止或就所止去處操練聽候或取便道兼程前進務在斟酌得宜不許畏縮誤事具題奉聖旨是欽此欽遵又該鎮守西寧都指揮僉事汪清鎮守內官保壽俱奏稱缺軍守備要將檢校何英原選到西寧驍勇官軍人等存留在衛以安邊境等因本部為照前項官軍雖令汪濬何英等統領策應寧夏未審即今曾無到彼及照即日黃河凍開教人漸退合無仍令汪濬何英率領新起土軍在寧夏總兵官張泰等處操練惟復發回原衛所令彼處鎮守等官提督操守處

池聽候調用將汪濬何英取回本部官題奉聖旨是著回衛所操守城池汪濬何英取回欽此欽遵又該寧夏總兵官都督張泰等題節該欽奉敕近得敵中走回人口說稱也先聚集人眾待草飽時往大路搶劫其老營留在斷頭山一帶駐劄至爾等即便從長計議停當或將岷洮等衛土兵及延綏官軍量宜調到爾處操練聽候爾等即先差夜不收出口四散哨探如敵老營在彼空虛勢有可襲即便量率輕騎或乘夜劫營或倍道進攻務在相機審勢計出萬全欽此欽遵會議得岷州等八衛土兵乞令原選郎中汪濬檢校何英星馳前去岷洮等處將原選土兵一萬員名內挑選精壯者八千

升公奏議卷一

五

員名每二人馬三匹星夜前來寧夏聽調出境等因具題本部議得汪濬等新起土軍已令回還原衛守禦城池今又重複起調前去寧夏聽調出境殺敵非惟原衛汪濬等又係欽取回京官員合行張泰等會同太監來福僉都御史韓福等從長再議哨探達人老營是否長在斷頭山應否調前項土軍人等去彼劫營中間有無窒礙明白回奏定奪本官題奉聖旨是欽此欽遵今照興安侯徐亨同副都御史劉廣衡及巡按監察御史陝西都布按三司內官王莊兒等俱奏敵情譎詐居止無常朝更夕移難以料測乞罷進攻之議設守禦之方將

延綏各寨堡及岷洮等八衛官軍暫且停調候九月秋成官軍甦息馬匹肥壯遇警再調一節切詳敵酋也先等委的變詐多端況敵人隨水草以爲居止其奧魯巢穴未必常在斷頭山屯駐况近日敵中走回男子高全等說稱這達子人馬車輛俱在貓兒莊駐劄要於本年三月二十一日大勢都來攻圍大同等因當此盛暑之時敵無定居之處若令寧夏總兵官張泰等必欲出兵往斷頭山襲擊也先老營不惟出無所得虛勞士馬抑恐深入敵地別有疏虞又况延綏等處官軍近該都督同知王禎等奏留本處守禦城池并策應山西河南等處殺敵難以調去寧夏等處今若止將寧夏見有官軍

千公奏議卷一

三

令張泰等統領出境誠爲不可合無將寧夏原議出境官軍照依興安侯等官徐亨等所奏暫且停止其延綏岷洮等處官軍俱各不必起去寧夏令其自守地方以後若有機會可以乘虛襲敵另行計議方略具奏庶可固邊城而有大利休士馬而免疏虞及照徐亨等奏請汪許何英先前敕限十一月中到京殺敵後各官延至十一月中方到止將各衛存留見在操備守城軍餘及原選屯軍召募民壯義勇不問老弱輾數各官新集之數十無一二又出榜召商申納鹽馬不問好歹輒便收受印烙給軍騎操等因顯是汪許何英俱係陝西土人假以選軍中馬爲由在鄉延住恣意妄爲徇私作弊以

致軍士馬匹俱爲虛文京師寧夏兩不策應及至欽取回京延今五箇月不到似此挾詐營私方命誤事法難容恕今徐亨等既以奏發合無行移法司給批差人馳驛前去沿途直抵汪許何英原籍挾提各官赴京問擬明白奏請發落再照徐亨等奏稱寧夏今春敵軍深入分散搶掠直至城下敵徒不過十七八人寧夏官軍閉門不出並無一將一軍敢發一矢與敵後敵軍遁去城門尚猶關閉日久不開軍民怨嗟一節顯是寧夏總兵參將等官都督同知張泰等并參贊軍務僉都御史韓福無勇無謀推姦畏縮以致敵軍得以深入軍民被其患害亦合問罪但各官俱係守邊大臣即今邊境累報

千公奏議卷一

三

聲息緊要用入合無請敕切責張泰丁信王榮韓福熊震等令其整飭人馬固守地方今後遇有敵人犯邊務要相機督率官軍乘虛襲殺建功以贖前罪不許似前退縮誤事如違定行參奏拏問治以重罪緣汪許何英係京官及奉欽依兵部看計議來說事理具題景泰元年五月二十九日奉聖旨是汪許何英都察院出批錦衣衛差人鋪馬裏去挨拏來問其餘都准擬欽此兵部爲軍務事照得近該宣府等處并紫荆關總兵守備官員節奏達軍糾集人眾意圖深入爲寇等因言雖未可憑信事亦不可不備及照京師官軍已經議奏分定京城九門列營操練設若敵軍來京侵擾臣等仰遵



聖算罄竭愚衷當鼓舞大眾士卒相機戰守必不出犬  
羊之下京師可保無虞但以涿鹿保定真定易州一帶  
城池外則接連關口內則切近都城恐敵人深入覬知  
京城有備不敢侵犯即時分投剽掠各處城池不無腹  
裏人民被其驚擾縱使京師調軍前去截殺又恐道途  
寫遠士馬疲勞一時追逐不及緩急難於濟事查得涿  
州除原有涿鹿等三衛官軍舍餘外又差都指揮陳旺  
沈興率領在京官軍共七千五百員名保定除原有大  
寧都司保定左右中前後五衛官軍舍餘外又差都指  
揮石端等率領在京官軍共七千員名真定除真定神  
武右三衛原有官軍舍餘外又差都指揮王信張智率

千公奏議卷一

三

領在京官軍三千七百員名易州除調茂山衛全伍官  
軍舍餘外又差都指揮王虹率領在京官軍六千五百  
員名俱各前去修守城池應援內外又有總兵官都督  
同知劉安右僉都御史曹泰統領在京各營精銳馬隊  
官軍伍千員名往來巡守各城各關今議得雖有前項  
官軍在於各營操守然恐各官因見分定地方遇警不  
能相機策應雖有總兵官劉安等巡守官軍又恐地方  
廣闊倉卒不能周遍臨期因而誤事未便合無再於在  
京五軍營撥精銳馬隊官軍四千員名神機營撥馬隊  
神銃官軍一千員名共五千員名請敕右都督楊俊充  
遊擊將軍率領前項官軍并口外原跟隨本營慣熟頭

目人等前去涿州保定真定滄州河間等府州地方往  
來巡哨遇有達軍去處聽楊俊節制出軍截殺不許退  
避輕易縱敵剽掠其總兵官都督同知劉安參將都指  
揮僉事魏中顏彪令策應易州并白洋紫荆倒馬等一  
帶關口守備官軍相機殺敵若有機會可以與楊俊會  
合亦要同心協力以圖成功不許自相矛盾因而僨事  
其合用行糧草料行移戶部差官預先整理如此庶內  
外得以應援而敵軍不敢深入緩急得以相濟而人民  
有所倚仗具題景泰元年六月二十四日奉聖旨是欽  
此

千公奏議卷一

四

兵部題爲軍務事照得山西地方外則接連邊境內則  
屏蔽京師先因達人入寇人民被其搶掠近該鎮守山  
西右侍郎等官張敏節奏忻州等處地方又有達人人  
境剽掠查得山西除偏頭雁門二關并鄰邊振武振西  
等衛原有官軍守備其腹裏軍衛有司俱各城池空虛  
官軍數少雖有敕命署都督僉事王良有副都御史羅  
通前去鎮守緣無官軍可調遇警卒難措置萬一敵軍  
深入平陽等府地方爲患非惟居民被其荼毒抑恐中  
原因而不安今看得都指揮石彪驍勇有謀曾經戰陣  
先充遊擊將軍在於大同并代州等處巡哨節次劫殺  
敵軍有功合無將石彪量與陞擢於五軍營選撥精壯  
馬隊官軍二千員名神機馬隊神銃官軍一千員名請

敕令石彪充遊擊將軍統領前項官軍前去山西太原等府地方往來巡哨其本部原奏差監察御史等官起調延安綏德官軍四千員名暫於平陽府駐劄偏頭關官軍三千員名暫於太原府駐劄與各城應有操守官軍民壯義勇俱聽石彪公同王良羅通提督遇有敵軍深入就令本官統領出奇截殺其所在鎮守等官不許占留不發及忌嫉功能以沮大計有功重加陞賞誤事罪有所歸仍行守備偏頭關都督同知杜忠左參議葉清守備鴈門關都指揮同知翁信右副都御史朱鑑如是探有賊勢虛弱機會可乘亦要期約石彪等同心合力調度官軍互相襲擊毋得自相矛盾因而債事自取

千公奏議卷一

三五

重罪緣係請敕差遣官軍隄備敵軍事理具題景泰元年六月二十四日奉聖旨是石彪陞都指揮同知署都督僉事著充遊擊將軍欽此

兵部爲軍務事先該本部照得易州涿州保定真定通州俱爲京師屏蔽緊關要衝合當增兵操守以爲應援已經議擬奏准於五軍營撥馬步官軍二萬員名易州涿州保定各五千員真定三千通州一千令署都指揮僉事陳旺等五員管領前去各城操練如遇各關或京師有警就便策應及請敕都督同知劉安充總兵官右僉都御史曹泰參贊軍務五軍等營撥精銳官軍五千員各隨同劉安等於前項地方關口內外往來巡守及敕

都指揮僉事魏忠顏彪分巡東西二路關口遇警相機調度去後合照口外宣府懷來并山西蔚州等處節報達軍大舉入寇聲息緊急紫荆白羊等關口守備官員亦奏敵軍切近關隘等因臣切詳各關委係京師屏蔽緊關衝要去處若是敵人深入爲寇必先攻犯關口誠不可不上緊隄備查得各關除原有官軍外節次在京撥去官軍紫荆關共一萬二千餘名倒馬關五千二百餘員名白羊口共五千八百員名然中間軍士爲因衣鞋破損過活艱難逃竄數多雖是設法挨拿倉卒未能盡獲陸續撥補卽今尙未充足及照涿州原操官軍係是策應白羊口易州保定原操官軍係策應紫荆關真

千公奏議卷一

三五

定原操官軍係策應倒馬關各處雖是相去不遠倉卒難於調度欲將前項操守涿州等項官軍計議量撥各關守備緣係邊務難以遙制合無請敕都督同知劉安右僉都御史曹泰及操守涿州署都指揮僉事陳旺易州都指揮僉事劉全保定都指揮同知石端真定署都指揮僉事張智公同各處鎮守文武官員計議將在京原撥去操守官軍照依地方應合那調若干前去各關兼同本關官軍守備或團營操練聽候殺賊或各關原有官軍堪句修守不必添調其陳旺等所領官軍依舊於各城操守遇有警急敵情及礮火聲息就便相機統領前去各關策應殺敵二者之間何者爲當量宜處置

通行具由星馳會奏以憑定奪務在城池關口俱不失  
誤腹裏境外兩無疏虞不許視常輕易偏執占吝及自  
求安逸避遠就近以致守備不固遇警誤事罪有所歸  
緣係請救處置邊關事理具題景泰元年六月二十四  
日奉聖旨是欽此

兵部爲邊務事內府鈔出鎮守宜府等處內官監石少  
監柏玉題照得宜府地臨極邊控制敵人之要害實爲  
京畿之藩籬向者敵軍入剽尙賴朝廷洪福城池堅固  
士卒効力僅保無虞邇來酋長也先累遣醜類講和奉  
送太上皇帝回京緣勢尙猖獗其情難測誠恐指以和  
好爲由因而窺伺虛實不可不預爲隄防然自去年敵

于公奏議卷一

美

人侵犯京師蒙調總兵官昌平侯楊洪率領精銳官軍  
五千餘員名前去截殺事寧就留本官在京及存留馬  
步官軍都指揮梁泰等三千餘員名跟隨守備緣前項  
官軍原係備邊人數況兼遺棄家小經年在外衣鞋破  
損盤纏罄乏無人供送委的艱難臣會同總兵官都督  
朱謙等議得先因達人分投入剽圍困各城除將宜府  
原操馬步神統官軍量數發回萬全左右懷安蔚州廣  
昌等衛所固守城池外今查得見操馬隊官軍有馬者  
四千六百八十三員名無馬者二千九百六十二員名  
步隊官軍四千八百五十員名神統手一千六百三十  
九員名共有一萬四千一百三十四員名實是人少地

廣衛所隔越調用不敷卽目秋高馬肥恐敵侵犯難以  
抵敵乞敕廷臣從長計議將前項存留在京官軍仍發  
本處俾依家小住過操備養其銳氣敵至相機勦殺庶  
爲便益具題該本部官欽奉聖旨兵部知道欽此又該  
總兵官左都督朱謙亦題前事通鈔到部查得先該昌  
平侯楊洪奏准存留口北開平等衛官軍指揮梁泰等  
三千餘員名在京隨操聽候警急調用續該總兵官左  
都督朱謙內官柏玉等奏要將梁泰等官軍盡數發回  
本部節經議擬京師天下根本卽今敵人雖已請和姦  
詐難測不可不增兵防備又經奏准暫留在京候敵情  
虛實何如另行計議發回近該本部照得獨石等處城

于公奏議卷一

美

池屯堡先因敵軍侵擾因而失守倉庫糧儲等項俱各  
見存緣此等城堡俱係緊關去處控制邊境關係非輕  
敵人今已請和久經奏准請敕總兵官左都督朱謙會  
同鎮守巡撫參將等官計議修設守備并沿邊一帶墩  
臺屯堡俱要設法修築以備哨守如果事體重大應合  
奏請明白上聞去後今奏前因參照官軍梁泰等三千  
餘員名原係口外守備人數合當發回原處以備守戰  
及照口外獨石馬營龍門長安嶺等處城池俱係緊關  
要害去處外控朔漠內蔽京師去年因敵眾入寇勢孤  
援寡俱各捐棄失守茲當聲息稍寧之時可以措置之  
日若不從長設法作急區畫停當萬一敵人渝盟未免

似前誤事雖經具奏令朱謙會議修設守備誠恐各官互相矛盾遷延月久不卽整理有妨邊備看得昌平侯楊洪都指揮同知楊能先在口外年久備諳彼處山川險易道里遠近士馬強弱敵情緩急合無請敕楊洪或楊能令其帶領原留在京官軍三千餘員名前去宣府與同總兵官都督朱謙內官柏玉及參將鎮守等官侍郎劉連愈都御史任寧弁巡按監察御史萬全都司堂上官公同計議獨石馬營等處城池及龍門長安嶺一帶墩臺隘口若何設法守備每城堡合用官軍若干其各處城堡或照舊修設或相度併立或止用原有官軍協濟操守務在用心協謀逐一勘議允當經久利便就

于公奏議卷一

无

便急忙用工應修理者趁時修理應設立者上緊設立俾聲勢得以連絡彼此互爲應援仍將原帶官軍梁泰等三千餘員名分派各城守備以實邊境通將處置過緣由具實回奏令差去官員回京以後若有地方疏虞罪坐差去之人緣係欽依兵部知道事理具題景泰元年八月二十八日奉聖旨是欽此

兵部爲軍務事照得近該鎮守山西內官懷忠副都御史羅通署都督僉事王良弁守備偏頭關都督同知杜忠鎮守鴈門關副都御史朱鑑等節奏景泰元年七月以來日期不等節有遠軍或百十餘人或千餘人到於山西腹裏保德等州河曲等縣殺掠人畜等因通行隄

備外今訪得虜中走回人口并山西奏事人員說稱前項達人不是也先部下人數係兀良哈達子約有三千餘人一向在於櫃子山屯駐四散出沒剽掠因無官軍截殺所以益肆猖獗今照山西見有遊擊將軍署都督僉事石彪率領馬隊官軍三千五百員名在於太原府又調到延綏官軍四千員名在於平陽府操守偏頭關官軍三千員名在於太原府操守俱係久在邊方慣戰人數共山西都司所屬衛所及偏頭鴈門二關并境外大同威遠渾源懷仁朔州等處各有守備官軍若不從長設法調度官軍將前項達人早爲截殺即日山西太原府州縣人民已是被其虜掠驚疑逃竄數多慮恐各

于公奏議卷一

三

軍因來腹裏搶劫得慣熟知道途險易遠近往來得肆侵掠非惟大同糧草難以饋運接濟抑恐中原人民不得安生合無各另請敕王良羅通石彪同偏頭鴈門二關守備都督同知杜忠都指揮同知翁信副都御史朱鑑左參議葉清及大同總兵官定襄伯郭登參謀軍事左都御史沈固鎮守太監陳公弁鎮守大同西路右參將都督許貴及巡按山西監察御史都布按三司堂上官從長會議量度前軍實有若干的於何處駐劄或用官軍若干合當分爲幾路何者爲正兵出戰何者爲奇兵掩襲何人分擾其前何人邀截其後何處係敵人出沒要害去處用兵若干拒截何處係敵營寨所在用兵

若干圍困逐一區畫停當務在先勝後戰就令石彪統領各項官軍并各城民壯人等或令羅通提督王良等隨後策應翁信杜忠各出精兵夾擊或許貴等量調土馬按伏邀拒務在同心協力計出萬全作急剿殺以圖成功不許自分彼此互相推調因而玩寇重貽邊患其合用馬匹軍資器械宜從羅通石彪王良杜忠郭登等隨宜措備啟行仍將調兵方畧先行差人星馳具奏有功重加陞賞誤事罪有所歸緣係會議調兵剿殺敵軍事理具題奉聖旨兵部同石亨楊洪柳溥仔看了向緊來說欽此欽遵通鈔到部會同各官計議內安遠侯柳溥說稱鎮守廣西年久迤北等處地方城池等情俱不

于公奏議卷一

三

知識不敢妄言及武清侯石亨昌平侯楊洪各將邊境合行事宜寫出中間有不可行者有窒礙者另立前件於後今議得大同宣府地方自敵人犯邊以來官軍消耗數少沿邊墩臺壕塹俱被敵毋撥無人瞭望致使出入自由縱橫剽掠以致城門終日緊閉不敢放出樵採頭畜餓死房屋折盡田禾不得收割草束俱被焚燒況今春農在邇若不設法掃蕩敵寇人心委的不安合無請敕石亨楊洪各帶精銳馬步官軍四萬員名內步軍三萬五千馬軍五千石亨自紫荆關往大同楊洪自居庸關往宣府沿途巡哨就行提督守備官軍人等堵塞關口修理牆樁墩堡及布列營陣暗設埋伏備敵若勢大

來攻以計破之如敵勢小以兵剿之遂敵遠去依舊瞭守遮護彼處軍餘人等耕種秋成一體廢軍防守戶部委官措備糧草供給軍餉候布置停當事體寧帖仍舊回京其餘計議未盡事件宜從各官臨時處置務在區畫得宜經久利便上足以鞏固京師下足以控制邊境今將各官寫出邊境事宜議擬開立前件開坐具題景泰元年八月二十八日於奉天門節該奉聖旨領軍巡哨及措置邊務都准議行但京城守備尤重每還自從長計議石亨楊洪柳溥內推一員足以付託的來看欽此

于公奏議卷一

三

兵部為邊備事兵科鈔出鎮朔將軍總兵官後軍都督府左都督朱謙等題欽奉敕鎮守宣府石少監柏玉總兵官左都督朱謙參將都督同知紀廣侍郎劉璉俞都御史任寬獨石等處城池屯堡俱係緊要控制邊境去處所繫非輕先因敵人侵擾因而失守其倉庫糧儲等項俱各見存即日邊境稍寧不可不趁時修理救至爾等即便從長計議設法修理整治照舊守備其沿邊一帶墩臺屯堡亦須修築以備哨守如果事體重大應奏請者明白奏來處置務在從宜區畫以圖經久不許因循怠忽有誤邊務欽此欽遵照得獨石開平衛等城堡原有調撥宣府前等衛所官軍在彼守備先因敵軍侵犯將各城堡拋棄臣等會同柏玉劉璉任寬巡按御史



張吳議得前項城堡官軍被時被敵殺擄驚散逃故者多欲便照依舊數撥軍守備緣宣府等處被敵搶虜及逃遁者亦多況宣府係是總鎮去處合當聚集軍馬團操以備併力殺敵其萬全左右懷來俱係極邊軍馬數少若再摘撥前去儘遇寇至難以戰守乞敕廷臣從長計議合無於獨石除見有官軍二千五百員名合於在京官軍添撥一千五百員名馬營堡除見有官軍二百七十五員名合於在京添撥一千員名雲州堡除見有官軍一千二百八十員名合於在京添撥一千員名赤城堡除見有官軍四百八十員名合於在京添撥一千員名龍門衛除見有官軍一千二百八十六員名合於

千公奏議卷一

謹

在京添撥一千五百員名龍門千戶所除見有官軍一千九十九員名合於在京添撥一千員名長安嶺除見有官軍二百九十六員名合於在京添撥一千員名每處揀選智謀驍勇都指揮一員提督仍推選參將一員總理公正老成文職一員贊助務在戰守合宜撫綏有道敵至則相機剿殺平時則蓄威養銳如此則邊疆復振而人民安妥矣緣係欽奉敕旨區畫經久事理具題又該朱謙等亦題前事通鈔到部案照先准本府咨該昌平侯楊洪言懷來相去宣府一百五十里原有土木雞鳴山二驛官軍走避近因達人侵犯俱被驚散凡有聲息往來飛報猝難相通見得土木西北雷家店西離

宣府八十里至懷來七十里北接麻峪口外通板峪等處亦係達人出沒之處路當衝要合築城一座將保安衛弁美峪千戶所官軍安插在此守備便益等因已經會議委官踏勘量計丈尺合用人工議將宣府前衛所除存留守城官軍外於內弁操備步隊內亦撥五千名共二萬名相兼修築彼時為因聲息緊急不曾與工今會同柏玉劉璉任密張吳議得即今聲息稍寧欲要修築緣楊能等軍馬已調回京况宣府池西萬全左右懷來保安等四衛城堡俱歸極邊控制衝要除將原轄築城步隊弁無馬旗軍二千六百六十名退回各守城池外合用工程浩大委的人力不敷乞敕該部調遣官

千公奏議卷一

謹

軍一萬五千名宣府各衛摘撥軍餘一萬五千名共轄三萬名內一萬名各帶軍器防護二萬名做工庶得城池易完事不失誤等因具題該本部官奉聖旨兵部知道欽此欽遵查得先該內官柏玉左都督朱謙等各奏要將昌平侯楊洪奏留在京口外開平等衛官軍都指揮梁泰等三千員名仍回原衛所操守本部為照前項官軍原係口外守備之數合當發回守戰及口外獨石馬營龍門長安嶺等處城池先因勢孤援寡俱各捐棄失守茲當聲息稍緩合當設法措置合無令昌平侯楊洪或都指揮楊能帶領楊泰等官軍前去宣府與同朱謙等計議將各該城堡修設守備題奉聖旨冬月

口外水土早凍人受寒苦事不能成且罷待明年春暖  
再來說欽此本部又照柏玉等奏討梁泰等官軍合無  
先行發回宣府等處操守惟復待春暖一發前去奉聖  
旨待春暖一發整理欽此欽遵今朱謙等奏要添撥在  
京官軍前去獨石等處守備各選都指揮一員贊助及  
於雷家店築立城堡一節緣在京原操官軍數內但係  
江南衛所運糧者俱已放回其餘又調各關修守遊擊  
等項見在官軍委實數少京師天下根本敵情變詐難  
測今雖朝貢請和不可不嚴隄備所據見操官軍難便  
輕易掣動及照朱謙等先奉敕計議邊務別不曾出一  
計策動一官軍修一墩堡設一防守又不開奏彼處原

于公奏議卷一

五

先捐棄城堡即今樓櫓倉庫廢存若何及沿邊一帶墩  
臺何處可以修復何處可以用工其見在糧儲應否撤  
運止是奏要撥添官軍前去似此徒具文移豈不有誤  
邊務況今日之事邊備爲重苟修一城堡則有一城堡  
守戰之益築一墩臺則有一墩臺瞭望之便合無差人  
馳驛齎文與朱謙公同鎮守參贊等官內官柏玉侍郎  
劉聰僉都御史任宣參將紀廣等計議雷家店等處城  
堡若可以用工修築作何調度見有官軍人等上緊逐  
漸修築仍撥精銳官軍嚴加防護不許仍前怠忽致有  
疏虞其文職宣府已有劉璉任宣在彼參贊又有紀廣  
若再推舉添差不無官多徒爲煩擾難以准理合用都

指揮領軍分投各城守備宜從量調見有官軍於萬全  
都司見任都指揮內差委驍勇有謀者管領前去務在  
揀選至公不許徇私濫用仍將計議處置過邊務緣由  
可行可止逐一從實開奏以憑定奪毋專以添軍爲由  
展轉延調如若遷延苟且日後誤事罪有所歸緣節奉  
欽依兵部知道事理具題景泰元年九月初八日奉聖  
旨是欽此

兵部爲邊務事照得宣夏地方切近敵境近該彼處總  
兵參將等官節奏有達軍侵犯地方殺掠人畜等因除  
通行隄備截殺外臣等竊聞邊方者京師之藩籬將帥  
者士卒之司命必得將帥謀勇兼全然後邊方保無疏

于公奏議卷一

五

失今訪得宣夏總兵官都督同知張泰雖稱頗知軍旅  
殊少勇敢守則有餘戰則不足及節次敵中走回人口  
俱稱達人每言進馬使臣若賞賜的輕先去搶了陝西  
等語若不早爲處置萬一虜酋也先等渝盟逞姦糾眾  
侵擾陝西地方宣夏實當其衝誠恐總兵官畏怯不肯  
領兵出戰縱令深入腹裏則關陝一帶俱不得寧利害  
所繫不爲不重詢訪得陝西都司都指揮使馬讓驍勇  
便捷堪爲戰將合無將本官量陞都督僉事請敕充副  
總兵令去宣夏協同總兵官都督同知張泰鎮守地方  
遇有敵軍侵犯務要設法調度身先士卒相機截殺有  
功陞賞不吝不許畏縮怠忽互相推調縱寇爲害仍各

另請敕張泰太監來福參贊軍務右僉都御史韓福佐  
理軍務都指揮使熊震各要彼此協心與馬讓公同體  
量敵情共濟戎務以爲邊方保障毋得互相矛盾忌嫉  
功能彼此分爭墮廢機務自取重罪緣係選用邊將及  
請敕事理具題景泰元年十二月初四日奉聖旨是欽  
此

兵部爲邊計事禮科鈔出禮部尙書楊寧題正統十四  
年八月達人犯邊獨石龍門一帶及永寧懷來邊將皆  
棄城不守以致數十年之經營數十萬之蓄積一切委  
諸草莽罪不容誅事往難論比聞欲調官軍復守獨石  
龍門等處斯固攸宜臣切惟爲政當理內及外守邊當

于公奏議卷一

三

自近及遠京師者四方之本永寧懷來宣府直抵大同  
皆京師藩籬也各處見在軍馬以之專守尙慮未足爲  
固而又分之以守獨石等處則兵愈寡而勢愈弱一旦  
邊報卒至救援不及切恐人心惶惶事如前日未可知  
也獨石等處一搖則永寧諸處人心必不自安誠不可  
不慮又況足食而後足兵今宣府大同皆告缺糧以近  
邊猶爾又安能遠供餽也今之計邊儲者或曰軍運或  
曰民運或曰納粟冠帶或曰開種鹽糧或曰銀貨雜買  
言者紛紛而皆不求其本而惟末之圖古人屯金城屯渭  
秋歛奈之何不務其本而惟末之圖古人屯金城屯渭  
濱屯塞下具有成法實邊之道無以逾此往者不可諫

來者猶可追中國之有夷狄猶君子之有小人來則禦  
之去則備之法之良也不賞邊功以沮外徼生事之人  
意之善也今之爲邊將者士卒不恤而一意希求陞賞  
外侮不禦而一概妄報功次有斬獲一二首級而報功  
至一二百人者有止稱殺敵眾斬獲首級而全不開  
數者其爲欺妄不言可知此果何功於朝廷何益於邊  
備至如臨陣亡死者固皆可愍然軍勝而死此勇進而  
至喪生其忠可奇軍敗而死此退走而被追殺正當論  
主將之罪今一槩陞一級是死者以退走爲功而生者  
不以敗亡爲懼又非所以示勸懲也臣愚以爲永寧懷  
來宣府直抵大同京師藩籬當益兵積糧選將固守彼

于公奏議卷一

三

固則此自安獨石龍門等處姑候此有餘力然後議及  
遺下糧米設法以近就近搬運給軍瓦剌新來和好必  
不卽爲邊患一帶田地可以趁時設法屯種令各該總  
兵參將等官及侍郎劉璉都御史沈固任寧并巡按御  
史分投委官提督親行勸課如是田多軍少先儘軍種  
遺下餘田聽令近邊官豪勢要一應人等有力之家儘  
力開耕無種子者官爲借給秋成抵斗還官明行榜示  
景泰二年子粒并地畝稅糧俱免徵納所得花利令自  
糶賣仍行納粟冠帶開種鹽糧銀貨糶買等法人人見  
利而趨則耕者不勸而勤得穀必倍可資邊儲北直隸  
山東山西河南近邊去處宜令各衛所府州縣官專委

一員提督耆農布種仍與設法置買牛具種子俱從巡按御史管屯僉事比較其有用心勤得數多者指實具奏量加褒賞以勸其餘則家給人足可資供餽沿邊守將遇有聲息且須預將在外人畜收入城堡嬰城固守俟敵老氣惰然後乘便擊之如彼肆無忌憚越關內侵則內外台兵令其腹背受敵計無不克有功官軍陞賞以信如有似前棄城不守率眾在逃無分貴賤不限親疏必殺不宥然後人知勸懲其有斬首少而報功多及妄報殺敵眾斬獲首級希求陞賞者合無其功皆不必錄軍勝陣亡官軍與軍敗失陷者陞賞亦須量有節減以止貪冒以戒退怯庶得爵賞不濫臣誠愚昧仰蒙

千公奏議卷一

五

聖恩莫能補報比因議及邊事不得長策晝夜思惟寢食不安輒有所見不敢緘默儻有一得可采乞敷該部施行緣係邊計具題奉聖旨戶部兵部看計議來說欽此欽遵鈔出到部除屯種等項戶部另行外查得先該本部照得獨石龍門長安嶺等處俱係萬全都司所屬緊關城池去年敵眾深入俱各捐棄失守茲當聲息稍寧可以措置雖經具奏令總兵等官朱謙等修設整理誠恐各官遷延有妨邊備已經節次議擬奏准令都督僉事董斌提督前項衛所官軍修理城池防護糧儲等項及昌平侯楊洪原留在京開平龍門等衛官軍三千員名并其餘俱係口外衛分在京報効等項官軍俱令

都指揮楊能盡數領回原衛所操守近該董斌題稱獨石馬營雲州鵬鵠長安嶺等處城池委係外控敵境內庇宣府懷來一帶若獨石馬營等處城守嚴固則腹裏衛所自然無虞今議將前項城池重復整飭修設屯營誠安邊禦侮長策合設都指揮一員在彼分守地方請降敕書并給符驗及將獨石等處衛所官軍男婦人等俱要聽伊鈐束督發原處以實空虛之城并將萬全都司帶俸都指揮推選有謀有勇之人分派獨石馬營李家莊鵬鵠龍門等城專一守備操練聽伊調遣等因具題鈔出本部又經逐一依擬奏准通行去後今尙書楊憲奏要將獨石龍門等處候有餘力然後議及一節臣

千公奏議卷一

四

等切詳各處土地城池俱係祖宗經營創建其獨石龍門一帶正係極臨崩境緊要去處外爲邊境之藩籬內爲京師之屏蔽去年虜酋糾眾入寇守臣慮恐勢孤援寡因而捐棄失守至今清議不容今也先等已來請和邊報不甚緊急所宜興帶補做修設故疆以爲久遠之計以圖復讐之舉況前項城堡已命董斌提督并原守各城軍馬俱已發回即日正在營置之際彼處總兵鎮守等官並不曾奏難以修復緣由豈可自餒自畫輕易擲棄且我退一尺則賊進一尺我失一寸則賊得一寸得失進退之機安危治亂所繫就使于戈擾攘之日尙當固守封疆況平居無事之時不宜自蹙土地兼且守

備各城自用原有軍馬而非那移他處官軍今以理勢論之必當修復整理合無通行請敕宣府總兵參將鎮守參贊巡撫官員撫寧伯朱謙右都督紀廣內官柏玉侍郎劉璉僉都御史任寧都督僉事董斌等將獨石馬營赤城雲州李家莊鷓鴣龍門長安嶺等處一帶邊務查照本部節次議奏事理會同計議區處斟酌人情之勞逸相看地形之夷險先其急而後其緩舉其大而畧其小果係緊關去處上緊修復不係緊關去處從緩整理其各城合用都指揮務在推遷至公俾邊城守備得人而糧儲防護有法不許各持己見怠忽因循自餒其志廢弛兵備若因此失誤事機必治以重罪不恕其奏

千公奏議卷一

聖

永寧懷來宣府直抵大同當益兵選將固守緣永寧懷來已有都指揮同知楊信萬全右衛已有都督僉事江福提督宣府已有總兵官撫寧伯朱謙參將右都督紀廣大同已有總兵官定襄伯郭登參將都指揮潘興東路已有參將右都督方善西路已有參將都督同知許貴宣府大同所屬前項各城除總兵參將及把總提督守備官軍外又有都指揮或一二員或三四員守城管操而所在衛所官軍止句固守別無相應官軍可以增添其奏有功官軍陞賞以信如有似前棄城不守率眾在逃無分貴賤親疏必殺不宥其有斬首少而報功多及妄報殺敗賊眾斬獲首級希求陞賞其功皆不必錄

軍勝陣亡官軍與軍敗失陷者陞賞亦須節減一節臣竊惟兵之勝負固係乎賞罰而賞罰運用必在乎嚴明近年以來因南北敵寇紛擾所在用兵撫捕其有功官軍中閒若有不明者本部議擬行令所在提督參贊軍務等項都御史及監察御史等官重復體勘明白方纔定奪陞賞而總兵參佐等官若有失機誤事亦往往覆奏降黜如向者所陞德勝等門紫荆關及大同宣府等處官軍俱係殺敗敵眾保全城池有功人數該總兵等官造冊奏要陞賞節行駁勘明白若不照例陞用何以激勸人心其有退縮覆潰如陽和口外土木等處官軍雖已死於鋒鏑未嘗陞用一人況兵家之事以捷勝破敵為全功不以斬首多寡為勳蹟若止以斬首多寡定為陞賞崇卑則人皆顧戀首級未免為敵所制今稱有妄報殺敗敵眾斬獲首級希求陞賞緣無指實無憑查究合無通行各處總兵鎮守參贊等項文武大臣今後若是奏報殺敵有功官軍務要體勘明白要見何人奮勇當先為首何人協力跟隨為從何人生擒敵徒何人斬獲首級從實開奏以憑定奪不許徇私泛濫將無功之人一槩冒請陞授以致賞罰不明士氣消沮如違一體治罪及奏沿邊遇有聲息預將人畜收入城堡固守候敵師老氣惰然後擊之如彼越關內侵則內外合兵令其腹背受敵等情俱係用兵常法亦係見行事理別

千公奏議卷一

聖

無定奪緣節該奉欽依兵部看計議來說事理具題景泰元年十二月初八日奉聖旨是獨石龍門一帶乃宣府藩籬若棄城不守宣府必孤京師以何禦寇寫敷與朱謙董斌每上緊修守不許因循誤事欽此

兵部爲走回人口事內府鈔出鎮守宣府等處內官監柏玉題景泰二年五月十四日准提督獨石馬營等處都督僉事董斌手本本年五月十二日哨探馬營夜不收百戶李長目兒等送到敵中走回婦女郭四女俱係易州涑水縣民人郭義女正統十四年八月內被達人搶去近日達人連家小牛半馬匹盡往南行一箇月纔到兩路牆煙墩下四女連夜脫走一宿到馬營准此會

千公奏議卷一

聖

同副總兵紀廣等議得係千虜中走回婦女傳說達人近邊駐劄除整棚見操人馬及行沿邊巡哨官軍嚴加隄備外連人具本具題又該副總兵右都督紀廣亦題前事本部官俱欽奉聖旨兵部知道欽此欽遵鈔出到部除審得郭四女與柏玉等奏內相同外參照郭四女所說前項達人往南行走去邊不遠雖未審是何部落及所說前言未委虛的緣本婦係在涑水地方搶去先前也先入寇之時正從此處回還本婦被虜在彼今又帶同前來則知前敵係也先部落無疑若不早爲區處嚴謹隄備卽目雨水霑足青草長茂誠恐各敵在於近邊去處駐劄放分遣虜眾四散侵擾非惟邊人不得

田作而日加疲做抑且道路梗澀不通而難於饋運則人心終日驚疑邊備愈難措置臣等會同總兵官武清侯石亨昌平侯楊洪及左右副總兵參將都督孫鏜范廣過興張義遊擊將軍石彪雷通等議得前敵雖侵犯之跡未著而寇邊之意已萌防微杜漸不可不慮除選差乖覺夜不收星馳前去懷來宣府令彼處鎮守總兵等官一體差遣夜不收同去獨石馬營等處密切哨探是否帶有家小人眾卽今見在何處屯駐其人馬號色是何種類有無南牧犯邊之意作急從實回報如果事情緊急臣謙先行親詣懷來宣府等處計議相度敵軍眾寡事情緩急仍令石彪雷通帶領原議奏官軍六千

千公奏議卷一

聖

員名每人關與銀一兩布二匹炒五升隨即啟行前去懷來屯駐相機行事務在奮勇設謀以濟邊務既不許擁兵自衛坐蠹糧儲亦不許率易輕出致墮敵計及行總督軍務工部尙書石璞副總兵右都督紀廣參將都督僉事楊能提督獨石等處都督僉事董斌孫安并贊理軍務左侍郎劉璉等將石璞原先議奏挑選宣府龍門懷來萬全官軍一萬餘員名兼同石彪等帶去官軍相看敵人眾寡事勢緩急若是敵人四散出沒可以乘虛掩襲就便調遣官軍或乘夜撲捕或按伏邀截務要成功以挫其鋒以遏其進以壯軍士之氣以安邊人之心設若敵勢浩大難於爭鋒務要堅壁清野持重自守

差人馳奏京師調遣大軍總兵等官統領前去臣謙就便督同隨宜設法分投應援庶幾有備無虞邊事不失仍令戶部設法措備糧草本部通行大同遼東陝西延綏甘肅寧夏永平山海密雲古北口居庸紫荆倒馬白罕偏頭鴈門廣昌等處關口總兵鎮守官員各要整棚人馬用心隄備遇警相機行事不許因循怠忽致有疏虞及照走回婦人郭四女開關跋涉回自虜地首先傳說敵情合無令禮部量與賞賜發回原籍給與完聚以爲方來之勸緣係處置軍務及奉欽依兵部知道事理具題景泰二年五月十七日奉聖旨是欽此

平公奏議卷一

五

後軍都督府備兵部咨呈該臣等准左參將右都督方善手本據雙山兒墩外地名石窟山哨探夜不收任奴兒等報景泰二年六月初一日瞭見境外正北柳河溝內有火一處約離一十餘里至初二日見達人一百餘騎順河往東去訖及據東土山等墩瞭見煙火并放礮等因具本該本部官奏奉聖旨這聲息未見何處敵有無侵入邊境兵部便差人鋪馬裏去著郭登等哨探是實星夜奏來欽此欽遵查得近據守備天城都指揮孫瑛備守東土山墩哨守指揮談誥呈本月初三日該守接界懷安衛尖山兒墩百戶馬興呈送虜營走回婦女一口王妙善係遼東廣寧右屯衛中所百戶黃泰下小

旗李用妻正統十四年七月內被達人搶去草地隨任說稱邊外有野賊三營搶我的一營約有八十餘人去老營裏偷馬未回止留男婦五十餘人趕馬百餘匹在東北下營近邊藏躲至五月二十日至晚妙善得脫走回又該青松嶺墩小甲張子名呈報瞭見先前在柳河裏駐劄達人俱騎牽馬匹於初三日往來去訖又於本年六月初九日該守周家嶺墩大同前衛指揮王璣備鴉兒崖墩百戶郭瑛呈本月初七日瞭見迤北海東走回婦女一口到墩呈送前來審係直隸順天府固安縣民人張林妻孟氏正統十四年十月內被達人搶去有兀良哈達軍約有一千餘人不肯跟同也先回去將氏

平公奏議卷一

五

帶去海西頭隨任後各敵去老營偷馬二次被也先人馬搶殺人口數多其搶氏本營達子十數餘人景泰二年六月初六日在地名梁城兒起營往東北去訖不敢近邊侵擾遺氏得脫四日夜走回除將各婦遞回營家外會同總兵官定襄伯郭登等議得前項敵寇係兀良哈達人欲往北去恐被也先搶殺欲往南來又懼官軍剿捕俱各四散隨逐水草潛住並不曾入境除整棚軍馬隄備外緣奉欽依回奏事理具題該本部官欽奉聖旨兵部知道欽此又該總兵官定襄伯郭登亦題前事通鈔到部查得先該本部爲照宣府并龍門等處總兵提督等官節次具奏并敵中陸續走回男婦傳說獨石



馬營等處往來出沒達人多係兀良哈種類其數不多若不出兵追剿誠恐敵人愈肆等因奏准行令宣府總兵鎮守等官隨宜設法調兵出境剿殺續該鎮朔大將軍總兵官昌平侯楊洪奏督令董斌領軍在於石溝等處哨遇兀良哈達子對敵擒獲達軍人口解京近又該楊洪等奏龍門千戶所等處有達子七十餘人議差參將楊信等領兵去彼追剿等因具題除通行外今照馬慶等所奏雙山兒等處哨見達人及據走回婦女說稱前敵亦係兀良哈之人先在獨石馬營等處搶掠因見楊洪等不時遣將出軍截殺以此又去大同地方況前敵其數不多一向在邊剿掠既不跟隨也先往來出沒

于公奏議卷一

聖

不定若不早為設法令各邊出兵夾攻不無長竅縱寇邊人難以田作今郭登等止是奏到瞭見敵人緣由不見發兵剿捕方畧合無行移該府差人馳驛齎文與郭登等再差乖覺夜不收四散哨探前敵即今見在何處屯劄頭畜貨有多寡如果的係兀良哈種類其實不甚浩大可以發兵剿殺就便挑選精銳官軍選委驍勇慣戰頭目統領密與楊洪楊信期約或乘夜掩襲或據險按伏或俟其四散牧放之時賊其分鈔邊境之際務在內外夾攻表裏襲擊以成殺敵之功以挫敵人之勢以壯軍士之氣以安邊人之心其有功官軍人等朝廷自有重大陞賞不許逡巡畏縮怠惰因循外假慎重之名

內懷偷安之計主將無敢勇殺敵之心偏裨無協力贊襄之道縱敵剽掠畧不經心以致邊事日弛敵愈得計本部仍行昌平侯楊洪照依先次議奏令參贊楊信等務要計出萬全事無一失仍要期約郭登等軍馬和同計度相機行事不許自分彼此因而不能成功緣奉欽依兵部知道事理具題景泰二年六月十四日奉聖旨是欽此

少保于公奏議卷一終

于公奏議卷一

聖



少保于公奏議卷之二

北伐類

兵部為邊務事照得近該瓦剌也先續差使臣察赤輕等二十七名來京進貢該宣府總兵官右都督紀廣等問討鐵牌看驗說無止有番書一紙差伊帶領朵顏三衛達子來因為阿魯台和寧王的根腳在三衛來取不與著軍馬來收三衛如今放回怕邊上人驚差我領他每來朝見今三衛老小車輛盡在小黃河牛頭山一帶住劄打圍等因本部已經覆奏通行曉備去後今照朵顏三衛達子素號驍悍叛服不常不恥敗亡敢為剽掠觀勢強弱以為從違先因也先犯邊各種部落多有結

于公奏議卷二

連往往在於近邊去處潛藏出沒剽掠人畜其為邊患不可勝言既被也先收捕今又放令回還名為在邊住種其實姦詐難測安知不為也先腹心而為我邊患害況小黃河牛頭山一帶正係虜寇出入要途不可不備今既察赤輕帶領來朝若便待之如常置之不問非惟不足以發其姦抑且不足以彌其患合無令通事都督僉事昌英等將察赤輕帶來朵顏三衛使臣嚴加曉諭備述先前擾邊之罪朝廷恩同天地因其臣順來朝一切不問爾等當感恩報毋蹈前非仍請敕令其齋回曉諭朵顏三衛頭目人等爾等蒙國恩開設衛分享有官爵務要敬順天道尊事朝廷鈐束部落以為我邊藩

籬若有外寇侵擾必須奮勇勦殺以除邊患或有逃北走回人口不得邀載殺害就便差人護送來京朝廷陞賞不吝若違背天道辜負國恩犯我邊疆朝廷調度大軍勦殺必不容貸如此庶使恩威得以並行夷虜知所感懼緣係處置邊務夷情具題景泰三年正月十二日奉聖旨是欽此

兵部為被虜走回人口事內府鈔出鎮守陝西內官王莊兒等題景泰三年正月初二日酉時准總兵官征西將軍都督同知張泰等手本景泰二年十二月十九日據黑山管哨備署都指揮僉事任信呈送被虜走回男婦三名口到官會同鎮守太監來福副總兵都督僉事

于公奏議卷二

馬讓參贊軍務右僉都御史韓福審據韓成供係寧夏中護衛左所百戶毛俊下選擇土軍陝失丁戶內餘丁先於景泰元年正月初十日被達人賽罕王識字人訛力帖木兒搶去跟隨到於地名土刺河老營住過是成因曉番語今年秋間聞知也先差使臣赴京進貢留下達子五百在於口外駐劄等候使臣回後又聽得也先怪恨脫脫不花王要人馬去征殺了要著他的外甥阿入丁王的男做王子有阿哈忽知院不忿領部下二枝人馬又有哈刺噶三千人馬都投順脫脫不花王去了有脫脫不花王整點人馬要與也先廝殺有賽罕王得知收拾人馬報與也先一同前去說忽兒孩地面躲

避有也先又將原收訛專一枝人馬連家小都放回原  
地方去了等用著你時來成等跟隨訛力帖木兒行了  
十程至十一月二十日夜同妻李氏商議約同直隸  
山衛右所百戶賈貴下總旗孟成其偷兒騙馬七匹  
夜脫走沿途倒死五匹於本年十二月十八日到於  
黑山營轉送前來據供告報等因准此參看得緣係走  
回人口告報境外虜情事理專差舍人吳能齋本具題  
該本部官欽奉聖旨兵部知道欽此又該鎮守陝西與安  
侯徐亨亦題前事通鈔到部除走回人口另行外查得  
近該池北走回男子段大口等說稱也先要與脫脫不  
花營殺等因本部為照也先之與脫脫不花其營嫌猜

于公秦議卷二

三

忌之心非止一日今稱營殺理或又之及恐虜情姦詐  
假以營殺為名意在犯我邊境不可不備已經節次奏  
准行移各邊各關總兵鎮守等官嚴加隄防去後今鈔  
前因參照走回男子韓成等所說聽得也先怪恨脫脫  
不花要領人馬去征殺著他外甥阿八丁王的男做王  
子一節緣與段大口等所說事情頗同及稱有阿哈刺  
忽知院同哈刺曠人馬都投順脫脫不花王等因緣哈  
刺忽在虜中人頗知道理畧曉天道人事必是因見也  
先邪謀彰露厲階已成且恐不利於已以此結連投順  
雖傳說之言未見的實然以理揆之也先違天悖德罪  
惡貫盈或者鬼啓其衷使其自相吞噬以速滅亡且夷

狄相攻中國之利先事預備防患之策萬一虜人果於  
自相攻擊其潰散敗亡之寇不無有欵我邊誠恐所在  
總兵等官倉卒之際處置乖方失誤事機未便合無令  
該府差人馳驛齎文與各邊各關總兵等官務在整飭  
人馬固守地方若有敵人近邊來降覆審明白果無虛  
詐就便差人伴送赴京其有散亡部落或在我邊地方  
潛形隱跡或相率侵擾必須哨探賊衆多寡斟酌形勢  
強弱可以乘虛襲取即便挑選官軍運謀設法出其不  
意掩其不備奮勇勦殺仍星馳差人具奏有功之日朝  
廷陞賞不吝仍令各邊總兵等官務要上念皇上委任  
之隆下軫邊事付託之重當賊寇間隙之際正將臣立

于公秦議卷二

四

功之秋時不可失志不可餒凡在邊內外文武官員十  
分用心公同計慮相機而行以掃虜虜之腥羶以為邊  
方之保障既不許遠巡退縮以誤事機亦不許輕率無  
謀以中敵計緣係處置夷情及奉欽依兵部知道事理  
具題景泰三年正月十四日奉聖旨是欽此  
兵部為邊務事該欽差總督軍務少保兼兵部尚書等  
官于謙等題近該各邊送到走回人口屢報虜酋脫脫  
不花與也先營殺而大同等處亦報煙火聲息臣等竊  
惟也先違背天道辜負國恩一旦無故生變侵擾邊境  
荼毒生靈雖悔過據誠遣使入貢而罪大惡極終不可  
容臣謙備員總督臣亨叨任總兵日夜兢惕思所以報

朝廷之恩思所以雪前日之恥今犬羊自相吞噬是天授以復讐之機而不可失也且虜寇驚散擾亂必來窺伺我邊今春東作之時未免有妨耕種若非振以兵威令其遠遯則邊方屯田之事恐未能成臣等再三計議欲各統在京馬軍五千臣謙往宣府臣亨往大同其餘將佐於范廣楊俊孫鐘過與張義雷通石彪郭英劉深崔福劉鑑等內定奪前去蓋京師非無軍馬若帶去太多恐費邊儲且兵貴乎精不貴乎多故也臣等到邊遇警則所在各城軍馬悉聽臣等調度如敵勢大必用添軍剿殺另行奏請定奪如蒙允臣等所請就將三營團練軍馬內挑選停當整理部伍收拾軍裝什物等件至

千公奏議卷二

五

二月中旬以後天氣漸和啟發前去兵部仍先行各邊各關整擄軍馬以為聲援預備策應其餘軍前合用事件臨期具奏臣等素乏謀勇之材又無勳閥之望叨受恩寵任寄兵戎苟於此時而不奮忠義之氣竭涓埃之報則是負天地生成之恩其於天下後世之清議亦有所不容者臣等昧死具題景泰三年正月二十二日兵部為聲息事兵科鈔出守備永寧都指揮同知周全等題准管墩都指揮僉事向賢咨備高山墩軍人馬牌等報三月十一日酉時瞭見境外東北煙火一處相離本墩五里又瞭二人身穿青衣一人身穿黑衣俱到墩下行走等因備咨准此參照前項達人出沒恐有侵犯

邊境除呈鎮守懷來永寧右參將都督僉事楊信等處并差夜不收千戶楊榮等前去爪探本日夜據原差官軍走報本日午時到高山墩四海冶王達子莊緝見前項步行達子三人仍在彼往來行走當即放砲一箇各墩接連舉放復從舊路去訖得此誠恐敵眾誘我官軍出境在彼四散埋伏侵犯邊境已將見操官軍整擄隄備外緣係達人出沒事理具本專差夜不收小旗侯勝親齎具題又該奉御王整等亦題前事又該宣府左參將都督同知楊能題為走回人口事先准鎮朔將軍總兵官右都督紀廣咨景泰三年三月初六日酉時准提督獨石馬營都督孫安咨開獨石池南高山墩平坡舉

千公奏議卷二

六

煙一把黃土嶺平地舉煙一把俱未息滅備咨會同鎮守等官右少監柏玉等議得先該孫安屢咨三月初九日修守獨石馬營今又報瞭煙火不遠為此議撥馬隊官軍一千員名咨臣統領於本月初七日起程間又准後軍都督府咨准兵部咨呈為聲息事咨臣等量選官軍前去策應臣已於本月初九日卯時到於赤城會同都督孫安將原守官軍家小護送至晚到於馬營安插至初十日酉時據守備雲州堡都指揮沈禮呈本年三月初十日未時該提調墩臺指揮劉壺備守青石峯夜不收梁小十二報瞭見嗟下達子二人行走當即問據內一名董清係遼東廣寧中衛左所百戶劉敬總旗陳

居子下軍人董興旺男先於正統十四年七月二十一日被脫脫不花王部下達子必赤頭搶去不知地名住過至景泰三年二月內不記日期同搶去女直達子小厮脫走一月偷騎馬三匹說稱中途倒死一匹行至長城外有不知是何部下達人約有三千餘人馬在長城東行走將原來馬二匹偷去步行到於嗟下連人呈送到臣會同都督孫安隨差原帶通事千戶花脫合尼審得數內一名小厮係開元人自幼被女直搶去失記衛所姓名一名董清係前項衛所餘丁自阿兒台地面走回一月方到長城至夜將騎來馬二匹偷去天明爪探止有十餘匹馬蹄蹤跡具說與原來呈文語言前後不一

于公奏議卷二

七

一緣係走回人口傳說虜中事情未委虛的除將原來軍馬整糊齊備於馬營堡駐劄遇有報到聲息相機會勦及行總兵官右都督紀廣等行屬提備外理合具本順差夜不收百戶錢鏞親齎具題又該提督獨石等處郡督同知孫安亦題前事該本部官俱欽奉聖旨兵部知道欽此欽遵通鈔到部除審走回男子董清小厮二名所說虜情與楊能等奏內相同外參照永寧地方切近居庸關及天壽山等處今止有達子步行三人入境雖埋伏之人難測而瞭見之人止此又況本部先前節有議奏通行各處守邊將臣遇有緊急軍情務要相機守戰而周全等卻乃畏縮無謀明知敵寇入境其數不

多又無馬匹可以馳驟故意虛放礮火使之驚散並不發兵截殺控邊人奮勇之心長彼敵窺之計萬一逃哨官軍失於瞭望又似龍門千戶所平湖墩臺被敵攻坍將夜不收殺掠貽患邊徼決非細故兼且哨見無馬賊寇三人尙不敢出儻遇勁敵四散入境豈能前驅推原所由蓋因提督懷來永寧都督楊信平昔號令不行以致所部頭目怠忽誤事再照走回男子董清說稱長城不知是何部落達子約有三千人馬一節訪得都督楊俊說稱長城只是離邊三十餘里顯是敵人已近我邊必有窺伺侵犯之謀及查得達人將平湖墩攻坍殺掠夜不收軍人蔡英等本部已將提督官都督孫安及

于公奏議卷二

八

守備都指揮張壽等參奏行令各官聽調勦殺前敵以贖前罪經今日久殺敵功蹟茂聞敵兵縱橫自若雖董清等傳說三千未必實有是數其種類雖非也先之衆必是兀良哈三衛殘部遺孽受彼節制故向在潮河川長城一帶潛藏因見我邊將臣畏怯不敢襲殺往往乘虛窺瞰剽掠似此略無忌憚出入自由若非振以兵威挫折其勢其患不止於攻坍墩臺殺掠夜不收而已即目獨石赤城等處正要設法償運糧儲又係邊人畊種時月一旦糾衆突入爲寇豈不有誤邊方大計合無令該府差人馳驛齎文與楊信嚴督都指揮周全等差人哨探前敵若是仍在近邊去處隱見出沒哨有的確蹤

跡就便量帶精銳官軍多方出奇乘機勦殺以贖先前  
怠忽誤事之罪務在量敵而進不許輕率誤事如果探  
無下落持重固守相時而動如違定行參奏一體治罪  
及齋文與孫安楊能公同計議先差乖覺夜不收哨探  
敵營下落備得兵數之多寡敵勢之強弱如果可擊隨  
宜設策或日則伏兵趁草喂馬夜則銜枚倍道兼行出  
其不意攻其無備以成擒殺之功以壯軍士之氣以便  
邊城之饋運以興邊境之屯田有功官軍朝廷陞賞不  
吝不許偏執已見剛愎妄爲圖保一時身家乃忘經久  
計慮及謀不先定意圖倣效中敵計自取罪愆又查  
得近有奏准事例迤北走回男子有情願投充勇士者

于公素議卷二

九

准令收充勇士送御馬監養馬遇有調軍出口殺敵令  
其指引道路今審走回男子董清小廝俱情愿投充勇  
士看得各人俱各精壯乖覺合無照例收充勇士送御  
馬監養馬定於武驤右衛食糧聽候差用緣係處置敵  
情并走回人口及奉欽依兵部知道事理具題景泰三  
年三月十六日奉聖旨是欽此

兵部爲邊務事兵科鈔出鎮守遼東總兵官左都督曹  
義題節該欽奉敕爾等務在晝夜用心從長計議設法  
區畫戰守長策設若虜人率衆來侵何人領兵當先何  
法可以出奇取勝何地可以設伏截殺何處可以屯兵  
固守如何使敵衆不致於深入如何可使邊民不被其

搶掠凡軍士有無精壯糧儲有無充實器械關堡墩臺  
牆壁等項有無堅利完固務在各臻實效欽此欽遵臣  
會同鎮守遼東太監宋文毅提督遼東軍務左副都御  
史寇深巡撫左副都御史李純副總兵左都督焦禮施  
聚右參將都督僉事劉端計議得遼東地方極臨邊境  
西自山海關外起東北直抵開原沿邊衝要平坦處多  
海州遼陽迤東雖隔遼河亦有灘可通人馬廣寧義州  
錦州寧遠前屯一帶曠野別無阻隘俱難設伏西北大  
寧舊遼陽河上哨兀良哈三衛達子東北腦溼江松花  
江灰扒江黑龍江海西各種野人女直東南婆豬江河  
迷等處建州三衛女直接連巢居往來在邊住劄近年

于公素議卷二

十

以來前項夷人有挈家投順脫不花有被收捕聽其  
約束指引來邊爲患今又被也先收併出沒不常敵情  
難測緣遼東所屬惟廣寧開原二處最爲緊要原有鎮  
守太監總兵參將等官在彼團兵其餘各城人馬俱在  
本處操守每年春夏量數分布邊堡防護屯種秋冬拘  
收人畜歸併回城操守官軍常川巡瞭上年天雨連縣  
衝塌墩臺壕牆累督修整完固照舊防守今奉敕旨從  
長計議臣等公同衆議副總兵焦禮施聚各不妨守備  
寧遠義州地方但聞廣寧虜衆寇邊聲息星馳前來會  
議同右參將劉端內使覃璣領兵當先臣同太監宋文  
毅左副都御史寇深調度殺敵內焦禮劉端就分巡遼

河池西直抵前屯衛地方遼陽瀋陽海州地方有警左副都御史李純同掌都司事都督僉事王祥等領兵出戰王祥仍不妨管事就分巡遼河池東至瀋陽地方開原鐵嶺有警左參將都督同知胡深同左監丞范英內使韋明領兵出戰胡源仍分巡開原起至蒲河地界各量領人馬時加往來巡督修理城池邊堡墩臺壕牆整點官軍器械務在堅利完固及督各城戰守都督都指揮等官梁宣宋政魯全孫璟周瑛鄧鐸等如法操練軍馬固守城池謹慎備若遇有警星馳傳報臣同宋文毅寇深相度遠近事勢會調鄰境軍馬隨機應變及查得各處合用糧料止是本處屯軍種納子粒并銀糴米

于公奏議卷二

二

豆支應別無有司供給見在糧儲止句本處人馬一二  
年支用以後陸續收積緣係區畫邊務那調官員分巡  
戰守事理開坐具題又該太監宋文毅左副都御史寇  
深亦題前事該本部官俱欽奉聖旨兵部知道欽此欽  
道通鈔到部案查前事已行去後今鈔前因參照所奏  
係于備邊方略既已總兵官曹義會同各官計議停當  
具奏俱台准擬仍行曹義等逐一依擬施行臣等又議  
得遼東地方相離京師不遠又有野人女直各種夷人  
周回雜處而夷虜之性變詐不常瞰我邊備虛實以爲  
從違向背往來靡定叛服不時或陰附強寇而搔擾我  
邊或窘於飢困而搶掠頭畜逼逐緊急則逃遁防閑稍

緩則復來即日各邊俱報有煙火聲息而遼東一帶墩  
臺上年因雨水連綿多有水浸坍塌即今雖稱修整完  
固誠恐總兵等官不曾差委的當人員著實點看止恐  
哨守官軍回報因而有名無實遇警不能接報以致失  
誤事機合令曹義寇深等務將前項議到備邊方略儻  
有緊急敵情毋徒託諸空言必要見諸行事以副朝廷  
付託之重以銷殘敵反側之患以爲邊方保障之計以  
爲經久利便之圖如或言之有餘行之不足以後疏虞  
邊務責有所歸其奏合用糧料合行戶部徑自查照定  
奪奉欽依兵部知道事理具題景泰三年四月初六  
日奉聖旨是欽此

于公奏議卷二

三

兵部爲走回人口事兵科鈔出鎮守大同總兵官定襄  
伯郭登等題准左參將右都督方善咨據陽和衛貓兒  
莊墩哨備指揮王瑛備本墩百戶黃忠呈該瞭高軍人  
薛友亮等報瞭見境外正北有一人騎馬前來到墩呈  
送到職審據候敬供係大同前衛後所餘丁先於景泰  
元年正月內在於本城西南錫蠟溝牧放牛隻被也先  
下達子歹兒下平章搶掠送到迤北一向在彼住過有  
也先今年正月內將平章放回往南行到撈鹽海子被  
也先差達子前來將平章當住後也先將平章就連老  
小放回往東行走本役於景泰三年三月十五日夜騎  
馬一匹走回本役在營時聽得達子說稱脫脫不花領

人馬與也先廝殺也先得勝將脫脫不花趕往東北去了後脫脫不花領好人馬復來要與也先廝殺也先得知就領人馬往西北去了又聽得也先說若是脫脫不花趕上我就便與他講和陪話備供連人馬咨送前來會同太監裴當右少監馬慶審得侯敬於前項年月日被也先頭目柔兒般平章下達子雪良歹搶至迤北送與達人不自處隨住景泰二年十月內有也先將朵兒般平章人馬約有四五千人放回撈鹽海子北邊駐劄二月復調回與脫脫不花廝殺敬在營看放馬牛不曾跟去景泰三年正月內朵兒般平章領人馬回營聽得二十年搶去漢人說也先將脫脫不花殺敗脫脫不花往東北去訖又說脫脫不花若趕上我時就便順他趕不上時罷本年三月十七日朵兒般平章領人馬起營往遼東地面種田敬跟隨兩程得脫脫不花一匹晝夜行走五日到邊等因參照本人所供言詞與前咨不同及稱脫脫不花要借人馬還與也先廝殺一節與節次走回人口所說不同中間恐有未盡情由具本差人伴送具題該本部官欽奉聖旨兵部知道欽此欽遵又該鎮守太監裴當及山西行都司都指揮使孔旺等俱題前事通鈔到部除審候敬所知前項虜情與奏內相同外查得先該節有迤北來降夷人及走回男子往往說稱脫脫不花王被太師也先人馬殺敗或言脫脫不花

于公奏議卷二

三

已被殺死或言將帶人馬往東去訖等因及稱櫃子山見有屯住達人本部已經不次具奏通行各邊總兵等官嚴加隄備行令大同總兵官定襄伯郭登差人密切哨探櫃子山敵兵有無見在動靜何似若果別有犯邊情由宜從相機守戰去後今侯敬又說稱脫脫不花要往北邊借毛人毛馬來與也先廝殺有也先往西北去了說稱脫脫不花若趕上我時就便順他趕不上時罷等說雖前後不同未委虛的設使果如侯敬之言脫脫不花借兵與也先營殺自相攻擊彼既自有費端顧籍不暇豈能別起姦謀犯我邊境所謂醜虜相攻誠為中國之利但事情未可深信而隄備不可不嚴合無通行在京五軍三千神機等營并各邊各關總兵等官各要整擄人馬加意訓練務俾號令嚴明兵備修舉勿謂虜寇敢釁而有懈怠之意勿謂目前苟安而忘經久之圖務得預備無患期保萬全又查得近有奏准事例迤北走回男子有情願投充勇士者照例收充勇士不愿投充勇士者發回原籍優免差役終身今審得餘丁侯敬情愿原衛其帶來馬一匹已送內府交收合無送禮部照例給與馬價令該府差人沿途應付口糧送去大同總兵官處轉發該衛隨住照例免其差役終身緣係處置走回男子并奉欽依兵部知道事理具題景泰三年四月初八日奉聖旨是欽此

于公奏議卷二

四



兵部爲軍務事兵科鈔出鎮守遼東總兵官左都督曹義等題景泰三年四月初九日起至本月十五日止節據遼陽瀋陽況河海州廣寧義州寧遠備禦守備都指揮周瑛李武河尖山分水嶺孤炭場墩臺各報瞭見境外黃山老營湖老虎林連二莊窠大黑山雙峯山筆架山葬山柏凌河蛤刺灣等處有火光煙火并舉號煙三四把共二十二處又寧遠寺兒山墩瞭見達人三十餘人馬義州分水嶺寺兒墩二次瞭見步行五人又五人身披明甲騎馬往南行走前屯平山墩瞭見七人各騎馬匹離牆四五里往來行走招旗俱不來打話各往西北東北去訖臣同提督軍務左副都御史寇深鎮守

于公奏議卷二

五

太監宋文毅等議得前項地方各報瞭見境外火光煙火燒火號火不絕及有人馬往東行走顯是達人故近邊牆窺瞰聲東擊西人情難測除差人分投馳驛齎文前去著落各該守備都督都指揮等官如法操練人馬設法巡哨防護屯種週警相機截殺外會本具題又該鎮守遼東太監宋文毅提督遼東軍務左副都御史寇深俱題前事又該曹義等題爲走回人口事景泰三年四月初九日據廣寧操備都指揮李芳呈該白土礮煙墩差軍報送境外走回婦女一口到城委官審得本婦供係義州衛軍人張真妹張妙喜同母劉氏兄張敬張廣勝等在城南屯住景泰元年八月內被達子人馬搶

去往西北行五六日將少壯男子同兄張敬等八人殺死母劉氏半路丟撇其餘人口又行半箇月到老小營聽得漢人對說這達子多是裏頭的也有建州的各將人畜分散了妙喜分在達子加郎加家配與伊男加款爲妻住至今年正月內有也先領人馬來與脫脫不花王廝殺二日脫脫不花走了也先差人馬趕回講和了兩家人馬都收在一處分作四營趁草放馬就分人馬出來尋捕三衛達子建州海西野人女直回來了二月間見一箇老達子頭兒到我每營裏聚眾達子在一處分付各報馬數與他好馬用心養著不要騎又看弓箭但有不好的就打一頓刀背著重新整理每人打一尺

于公奏議卷二

六

長鎗頭帶在腰裏到五月間青草長時多收拾人馬去搶開原瀋陽先躡一箇小城子看若軍馬多處多分些人馬去他若趕將來時便與他廝殺聽記在心伺夜偷拐馬二匹脫身走回據供備呈臣同左副都御史寇深太監宋文毅等議係虜中走回人口報說聲息事情雖未委虛的緣卽自四月中旬青草漸長敵情不測除行各該地方嚴整人馬鋒利器械如法操哨及督墩臺官軍晝夜仔細瞭望但聞虜中有警相度歸併人馬拘收屯田人畜堅壁固守加謹防備及將走回婦女查明照例給賞發衛依親寧家外會本具題又該宋文毅寇深亦題前事本部官欽奉聖旨兵部知道欽此欽遵通鈔



到部參照所奏係干瞭見達人在邊出沒又況所見境  
 外煙火數多顯是彼處按伏人眾故意差遣或三二十  
 人或五七人到邊吸賺我軍意在乘虛搶掠兼且走回  
 婦女又說稱也先與脫脫不花人馬都在一處整點馬  
 匹器械到五月間要搶開原等因雖傳聞之語未可憑  
 信而隄備之策不可少忽又况即目四月將終邊方青  
 草漸已長茂邊軍耕種人畜在野而開原正係遼東極  
 邊城池控制虜境萬一敵人逞姦侵擾慮恐所在守備  
 官員忽於戰守之道因而有誤大計未便合無就令差  
 來奏事人馳驛齎文與寇深曹義等嚴督各該守備等  
 官整擻人馬申嚴號令用心防範仍差人哨探境外敵

于公奏議卷二

七

情動靜何似若果事出非常務在隨宜行事敵少則出  
 兵截殺敵眾則堅壁以待仍飛報總兵等官發兵策應  
 不許互相推調輕易怠忽致彼得計自取罪愆本部仍  
 通行永平山海密雲居庸宣府獨石馬營等處總兵守  
 備等官一體謹慎隄備毋致疏虞緣奉欽依兵部知道  
 事理具題景泰三年四月二十二日奉聖旨是欽此  
 兵部為整飭邊備事兵科鈔出總督邊儲參贊軍務都  
 察院右僉都御史李秉題臣聞制狄之方固莫先於講  
 武以練兵安邊之策尤莫先於據險以固守照得獨石  
 馬營等處城池形勢險隘官軍頗多戰守有人敵若勢  
 寡則有寡不敵眾之心不敢輕進勢眾則有腹背受敵

之患不敢深入又有都督孫安在彼提督號令頗嚴官  
 軍知畏縱有警急亦無足慮所可慮者惟宣府而已切  
 照宣府地北沿邊一帶大小白陽常谷青邊張家等口  
 中間多有通行人馬去處正統初年該太監興安尙書  
 魏源親詣彼處相度形勢築立城堡調撥神銃馬步官  
 軍輪流守備以絕邊釁固安人心續該總兵官楊洪奏  
 准將大小白陽等處城堡原守官軍馬匹歸併葛峪堡  
 操練比因青邊口張家口西陽河等處城堡係緊要去  
 處仍前守備不曾歸併後因達人犯邊前項城堡無人  
 守備俱各廢弛及照青邊等口內近宣府外通沿河十  
 八村等處況往宣府等處軍餘俱由彼處出入前去馬

于公奏議卷二

末

管獨石般運糧米被達人搶虜者甚多此等之人深知  
 鄉導是以被虜軍餘王春等入境打細由此進入其原  
 立城堡若不仍前復設調撥軍馬照舊守備非惟無以  
 嚴邊防誠恐有以啟敵意臣屢以此事與鎮守總兵等  
 官柏玉等極陳利害商榷施行柏玉等僉曰可行獨總  
 兵官紀廣執迷不從說稱沿邊墩臺俱有守瞭官軍便  
 不守這堡也不妨臣切慮沿邊墩臺相離通人馬去處  
 城堡少者四五里多者十數里縱有姦細乘夜進入守  
 墩之人豈能瞭望及照原守城堡即今見存其守備官  
 軍俱在宣府等處團操前項城堡缺人守備儻有姦細  
 投間抵隙因而入境窺探虛實貽患非輕臣叨居言路

之官濫應參贊之任義所當言豈敢緘默如蒙乞敕兵部行移鎮守等官將不係歸併團操青邊等口緊要去處量撥官軍馬匹仍舊修守分委都指揮或的當指揮一員專一在彼提督精銳馬步官軍輪流守備仍行左參將楊能量帶官軍於墩空添築墩臺以便瞭望其歸併大小白陽等處遺下城堡隘口仍令守備萬全右衛都督江福萬峪堡都指揮楊文提督墩臺都指揮梁泰等嚴督該管官軍常川遠出哨探以備不測不許怠忽以墮敵計務要關防周密而嚴謹隄備相機行事而邊境無虞仍行都督紀廣從長斟酌如果要害去處可以不設守備本官別有禦寇長策令其明白具奏定奪具

于公奏議卷二

九

題該通政使司官奏奉聖旨兵部知道欽此欽遵鈔出到部參照青邊等口地方比先俱各築有城堡控制虜寇近因達人犯邊守將不能銳意捍禦致將臨邊城堡多有損棄廢弛茲者虜衆遠遁整飭邊備乃其急務況古人之馭夷狄以守爲上今日之事若不將沿邊一帶緊要城堡逐漸修復以實守備誠恐敵人姦詐難測萬一再有動搖未免愈加壞事今僉都御史李秉建言議要修復前項城堡此實保邊禦侮長策而紀廣身任總戎顧乃偏執不從推原本心不過苟圖目前之不思經久之計若不早爲處置不無臨期失措合無准其所奏令該府差人馳驛齎文與紀廣公同參贊鎮守參將

內外官員從長設法計議一一照依李秉所奏將青邊等口緊要去處趁今邊務稍暇天氣晴明量撥官軍修守并分委都指揮等自提督精銳馬步官軍輪流守備仍令左參將楊能量帶官軍躬親前去踏勘添設墩臺其歸併大小白陽口等處遺下城堡隘口令守備萬全等處都督等官江福楊文等嚴督該管官軍提督哨瞭候整飭邊備完日令紀廣等明白具由回奏仍令紀廣今後凡有一應邊務須要博采衆長從公整理不許因循苟且偏執誤事如今日偷安怠忽不卽區畫措置異日儻失事機罪將何追緣奉欽依兵部知道事理具題景泰三年五月二十五日奉聖旨是欽此

于公奏議卷二

三

兵部爲軍務事兵科鈔出提督遼東軍務都察院左副都御史寇深題先據寧遠備禦指揮劉英呈景泰三年五月初五日未時據中右千戶所差馬軍報哨達人入境搶掠劉英隨領在城馬隊官軍追出境外及興水堡按馬署都指揮僉事任義聽得西南礮響隨差劫殺百戶周潤探見前敵當領人馬追至境外白芒山遇見本所官軍葛敬一齊追出黃山坡見敵約有三百人馬身披明甲青甲就與對敵交鋒戰至地名棗園兒殺傷各兵人馬被搶去訖陣亡旗軍高八兒等九名又有達子五千餘人馬將先靈寺堡攸放馬匹搶去本堡按馬指揮劉英領軍堵截歸路對敵劉英同軍人薛哥兒等被

傷天晚收軍回還等因據報臣等當議分巡總兵焦禮  
領調靈遠并附近前屯錦州地方馬步官軍署都指揮  
任義阿海等二千員名追剿及差官踏勘得約有三百  
餘人馬蹤跡小團山空西中臺東分中跑開牆二處入  
境搶掠種田大小男婦四十三名口牛三十六隻并仙  
靈寺堡牧放等項官私馬八十五匹兩空臺守瞭軍丁  
俱不知覺達人入境與之對敵陣亡軍人婁原射傷官  
軍指揮劉慶百戶潘安等二十員名射死官馬七匹射  
傷官馬一十二匹得獲敵人刀箭追下原搶男婦二十  
二名口牛驢羊三百九十九頭隻回還具結回稱是實  
又准左副總兵焦禮手本回稱本月十二日追至境外

千公奏議卷二

三

地名五指山約有八十餘里敵迹去遠領軍各回原處  
操守外行間本月十六日據廣靈西北細河邊堡架礮  
總旗周斌馳報有敵從地方駱駝嶺西空折牆入境順  
山往東到細河搶掠據報當職調右參將劉端同內使  
覃璣領馬隊官軍都指揮馬貴等三百餘名前去正北  
魏家嶺堡鈔截又調都指揮馬敬高飛領馬隊并劫殺  
官軍共六百員名往西北細河策應本役二更時分該  
蒙州備禦并細河堡都指揮瞿賢常洪各差百戶高昱  
廖貴相繼報稱本日午時分據本堡守墩臺軍人朱旺  
報瞭見堡西山坡有達子人馬撲搶牧放馬匹常洪隨  
領築堡按馬官軍三百員名出堡南門外剽隊當有達

子七百餘人馬身披明甲青甲皮甲頭戴明盔白纓紅  
纓衝突下山內有漢人叫說你每來和你所殺後有大  
勢人馬便到官軍奮勇向前就與對敵彼攻堡門墩臺  
放銃打中一人落馬被敵拖去得獲弓一張衆人退至  
教場隨有義州城守備右副總兵施聚親領官軍都指  
揮瞿賢等六百餘員名策應到來同常洪等官軍與敵  
厮殺至未時分敵見官軍勢勇就行退走奪下原搶馬  
七匹搶去官馬一百八十四匹自己驢四頭敵仍奔駱  
駝嶺西原跑牆處所出境有副總兵施聚督領官軍追  
趕到白土廠東敵人又合人馬復來對敵官軍勇進銃  
矢交發射打傷死敵人被奪去訖亦被敵就陣射死軍

千公奏議卷二

三

人李東等射傷軍人金祥等戰至申時分敵敗纔退出  
境往西北遁走當有右副總兵施聚因見天晚恐敵衆  
哄賺官軍出境墮敵姦計隨令常洪瞿賢等官軍擺劄  
隊伍將跑開牆缺砌合令軍各回城堡固守及右參將  
劉瑞等回稱當夜三更時分各領官軍到細河敵已退  
遁去遠親到義州駱駝嶺達人原跑牆處所看得牆合  
領軍回還差官踏勘是實臣同鎮守太監宋文毅總兵  
官左都督曹義計議參照守靈遠地方仙靈寺堡按馬  
指揮同知劉慶百戶劉傑防備不謹同分巡邊空總旗  
方敬之朱婁子亦各怠慢致敵夤夜跑牆入境搶掠人  
畜及小團山空并中臺守瞭小甲落五邵敏并義州地

方駱駝嶺煙墩守瞭百戶彭真分巡邊空千戶席興各不知覺達人入境不曾放礮差軍走報以致達人深入細河搶掠俱屬誤事失機失瞭人犯欲照敕諭內事理拏問卽今邊方累報煙火不絕顯是達子窺瞰意圖竊掠恐愈缺人哨守合無免提將失機失瞭官劉燾等四員俱充爲事官立功當先殺賊旗甲四名守墩哨瞭五年滿日著役候各有功時奏請定奪庶得邊方不缺人用紀律嚴明其陣亡旗軍高八兒等九名傷故軍人妻原各殞於鋒鏑合將戶丁補伍被傷官軍五十九員名係交鋒對敵奮勇人數合照諭內陞賞激勵勉勵後來今將失機失瞭陣亡傷故被傷官旗軍餘姓名開坐具

于公奏議卷二

三

題又該宋文毅曹義俱題前事該本部官欽奉聖旨兵部知道欽此欽遵通鈔到部參照遼東地方係是緊要邊境內則附近京師外則控制野人女直諸種夷虜朝廷差遣提督總兵等官統領官軍分投守鎮正所以防姦禦侮安人保邊今遼東開原等處節有敵寇入境攻跑墩臺搶殺人畜往來不絕出沒非止一次本部節有議奏行移各官調兵設法截殺而總兵官曹義顧乃怠惰放肆畧不究心既無折衝之勇又無料敵之謀以致敵人益肆縱橫畧無忌憚公然糾率大眾四散犯我邊陲殺傷官軍剽掠頭畜難以悉數其縱寇長姦失機誤事之罪又孰有大於此寇深等既不能躬親督軍運謀

設策瞰敵人搶掠之餘按人馬爲掩襲之計俾敵人出而復來如蹈無人之境風聞到京日久一向不曾具奏延今半月之上自知傷損官軍數多無由遮掩其過卽乃止將失機失瞭官指揮劉燾等奏要降充爲事官立功又要將傷故官軍陞賞各人不會立有擒斬達人功勞豈可濫加恩賜又況此敵未審是何部落觀其所奏敵人中間有帶明盛明甲者想必也先部落因其將脫脫不花王人馬及野人女直等類俱已收集一處知我遼東守備單弱及所在屯堡溝牆俱各被兩坍塌而總兵等官又皆怠忽苟且故率新附烏合之衆前來侵擾萬一隄備不嚴敵寇乘虛深入京師未免動搖貽患方

于公奏議卷二

三

來決非細故兼且曹義等朝廷屢垂寬宥畧不改過革非縱寇擾邊日甚一日所據寇深曹義等俱合拏問治罪以警其餘但前項敵人數多未曾遁去其姦詐之計不可測度正宜用人守戰之際若便行提究問誠恐缺人統領軍馬愈加誤事未便合無請敕切責寇深曹義等記其失機誤事之罪令各官務在和同計議差人密切達哨敵人卽今有無在邊曾無遁去若果尚在邊方出沒就便挑選精壯馬步官軍選委驍勇憤戰頭目統領或就令副總兵焦禮施聚統率多方設法於要害去處按伏或夤夜掩襲其營壘或分投邀截其歸路以成擒殺之功以贖先前之罪以摧敵人之鋒以壯軍士之

氣以安邊人之心其擒殺達人有功官軍明白造冊開  
奏朝廷自有陞賞若敵人遁去哨無蹤跡亦要堅壁清  
野特重以待雖當無事之際常如臨敵之時既不許率  
意輕進中敵姦計亦不許退縮無謀縱敵剽掠如若似  
前不行悔過怠忽誤事定罪及身家不恕其指揮劉  
夔等照依寇深等擬奏事理施行本部仍行提督永平  
山海軍務僉都御史鄒來學嚴緊操練官軍整肅兵威  
隄備策應仍行該府轉行遊擊將軍都督劉深等將原  
選策應遼東官軍上緊整理齊備聽候緊急調用并行  
宣府大同居庸白羊紫荆倒馬等處邊關總兵守備等  
官一體留意隄備遇警相機行事緣係請敕切責邊將

于公奏議卷二

美

及奉欽依兵部知道事理景泰三年五月二十八日奉  
聖旨是欽此

兵部爲煙火事兵科鈔出鎮守遼東總兵官左都督曹  
義等題自景泰三年五月二十三日起至本年六月初  
六日止節據遼東都司并開原瀋陽廣寧義州等處備  
禦都指揮朱直魯全瞿賢李芳等呈該律驛站榆林駱  
駝嶺北關白土廠魏家嶺等墩空各差軍報瞭見境外  
地名北平山有達子步行五人在彼潛伏義州駱駝嶺  
等墩瞭見境外黃山坡有達子十人白崖子有達子十  
五人各騎馬匹離墩五里行走招呼不來打話俱往西  
北去訖等因臣會同鎮守太監宋文毅提督軍務左副

都御史寇深等議得各該地方俱有人畜在外耕牧卽  
今沿邊累報瞭見境外火光煙火及達子人馬誠恐近  
邊窺伺乘隙竊掠除通行各該守備都督都指揮等官  
嚴整人馬鋒利器械設法操防及督墩空官軍無分晝  
夜加意用心仔細瞭望謹慎隄備外具題又該曹義等  
題爲敵情事景泰二年六月初七日巳時據義州等衛  
備禦都指揮瞿賢呈報初五日夜時該右刺山等墩空  
差軍傳報錦州地方邊山有達子三百餘人馬入境往  
東行走有副總兵右都督施聚隨領人馬前去追襲據  
報當議右參將都督僉事劉端內使覃磯亦領廣寧精  
騎五百名前去策應行間據廣寧中屯等衛備禦署都

于公奏議卷二

美

指揮僉事孟貴呈該守興福寺堡千戶張貴差軍走報  
有達人跑牆入境隨領官軍鈔追至半邊山空遇遊軍  
王接五說稱初四日一二更時分巡空聽得達人跑牆  
隨卽奔走向城放礮三箇前人隨退出境去訖就同把  
總指揮李雋郝昇等各領官軍黏蹤追襲獲敵丟下套  
馬竿一百二十根又追至三道溝爲因天雨霧暗樹木  
稠密不敢深入領軍回還並無搶掠人畜除原跑牆缺  
砌合各領回還原處操守等因臣會同太監宋文毅左  
副都御史寇深議得敵人自四月以來不時有一二十  
及二三百人馬近邊行走或跑牆入境雖被官軍追趕  
出境不曾搶掠人畜顯是敵眾在邊故意分遣人馬忽

出忽沒窺覘虛實啜誘官軍擾我邊鄙乘隙竊掠除行各該守備都指揮等官嚴整人馬設法操防并督墩空官軍晝夜用心巡瞭及差夜不收密切哨探遇警相機行事外具題又該宋文毅寇深俱題前事該本部官俱欽奉聖旨兵部知道欽此欽遵通鈔到部查得先該曹義等題稱盜遠等處達人入境殺傷官軍搶掠頭畜等因鈔出本部已將各官參奏請敕切責令其挑選精兵相機截殺以贖前罪去後今鈔前因參照所奏遼東邊境煙火綿互不絕又有達人近邊數多顯是此敵糾集大衆在邊屯住按伏日久因見我邊總兵等官怯懦不行發兵剿殺以故全無忌憚出沒往來意在乘虛深入

于公葵議卷二

三

爲患況奏內開稱施聚劉端等調兵追襲霧暗樹密不敢深入領軍回還等因中間顯是逗遛不進縱敵出境兼且遼東地方失利非止一次軍士寒心敵人肆志今所奏聲息比之平日尤爲緊急而將臣視爲泛常一切虛勞士馬師出無功邊務至此實爲可慮若不嚴加隄備設法挨捕即日秋期已近百草成實馬匹俱已添臙敵騎可以馳騁儻或率衆深入四散侵擾若使一城不支未免別城搖動其貽邊患不可勝言合無令該府差人馳驛齎文前去遼東令總兵等官曹義公同計議多方設法差人遠爲瞭探敵兵卽今有無在邊如果屯劄未退可以乘虛襲取總兵等官就便挑選精銳馬隊神

統官軍躬親統率分投出奇或聲東擊西或按伏人馬或分據要害相機襲殺務圖成功不許畏縮無謀及輕易窮追因而中敵姦計致壞邊務若是哨無蹤跡亦要堅壁清野持重以待仍令曹義等當此敵旣已聚衆在邊日久不退其間必有姦謀必須十分用心區畫以副朝廷委託之重以贖屢次失機之罪毋得爾我猜忌各持已見儻誤大計罪將焉歸本部通行永平山海宣府獨石馬營等處總兵鎮守都督等官一體整飭人馬謹慎防範遇警相機策應及行都督劉深將原領策應遼東遊擊人馬整搦聽候不許因循誤事緣係處置敵情及奉欽依兵部知道事理具題景泰三年六月十五日

于公葵議卷二

三

奉聖旨是欽此

兵部爲走回人口事兵科鈔出提督遼東軍務都察院右副都御史寇深題節該欽奉敕以後但有此等逃回之人審實奏來欽此欽遵景泰三年六月初十日據部指揮夏霖呈送被虜走回婦女一口委官審得本婦係海西兀者衛女直古冷哥女亦納乞嫁與都督刺塔爲妾脫脫不花人馬來到同夫搶去行至中途將夫射死亦納乞在達子阿哈家住至去年十二月內有也先領人馬來殺散脫脫不花人馬都收去了亦納乞與不知名達子使喚受苦不過晝夜走回又撞三衛達子猛古乃邊去爲妻同達子男婦約有一千餘人往來在北

山內駐劄後見也先差使臣二人來與猛古乃說脫脫不花已走了如今尋著了你我不投順呵敢往那裏去猛古乃回說我的腸順也先只是沒飯喫要去尋食過活使臣就回去了猛古乃與達子將帶男婦在池北紅山兒往西行每日探聽北邊聲息整理弓箭要往漢人地面搶些牛馬食用聽說在心脫身走回等因臣等議得本婦說稱敵人要來搶擄緣敵情難測急要防禦就留右參將都督僉事劉端廣寧守備都指揮馬敬高飛夏霖韋洪等三千員名臣同鎮守太監宋文毅總兵官左都督曹義等親率於六月十二日夜起程十三日早到細河邊堡按馬劄營當差乖覺夜不收分投出境密探

于公奏議卷二

元

及調右副總兵都督施聚亦領義州錦州二處馬步劫殺官軍都指揮朱政驥賢等一千五百員名同日到清河堡按伏本月十五日早據原差夜不收總旗李五兒等報稱十四日一更時分探至西平山東南地名竈洞山北瞭見火光七處正是達人安營處所我留同去旗軍顧賽哥李得春二人在後我每三箇先回報知據說臣等差人馳報右副總兵施聚知會各領人馬分爲兩路並進於十五日酉時令李五兒等領路晝夜出境分投鈔截撲斃至十六日天明時分兩路軍馬俱到達人燒火處所會台出境約一百餘里敵人先已起營隨即四散搜山見有殺死一人認是小旗顧賽哥身屍其軍

人李得春不知下落午時分領軍回至半路忽有達兵三十餘人馬從西山溝內趕鹿走出撞遇義州衛劫殺官軍攔截對敵達人因見官軍勢勇沿山策馬奔走都指揮朱政韋洪等領軍追趕各人遁入山林至申時分欲要窮追緣出境路遠山林險隘恐敵藏伏又兼天晚收軍回還十七日各帶原調官軍俱回本處瞭守除將亦納乞給與伊親支糧隨住其殺死小旗顧賽哥照例優卹其家不知下落軍人李得春挨究至日另行并通行遼東都司及各該備禦都指揮等官嚴整人馬設法哨探拘收人馬固守城池及督墩空官軍晝夜用心仔細瞭望謹慎防備外具題又該寇深題爲煙火事本年

于公奏議卷二

辛

六月日期不等瞭見境外各有煙火達子十餘人騎馬行走隨即舉煙一把招旗擂鼓不來打話往西南去訖等因又該寇深題爲邊務事內稱朝鮮國送到被虜漢人王教化等說稱李滿住子來刺哥都弓等及管下人金納魯等爲因年饑欲要討糧再到朝鮮境界本處官司不肯給糧生理艱苦近日託以典販欲往遼東等因具題又該總兵官左都督曹義鎮守太監宋文毅等俱題前事該本部官俱欽奉聖旨兵部知道欽此欽遵通鈔到部案查先該寇深曹義等節奏前項敵情本部已經參奏請敕切責令其整擄人馬設法勦殺去後今鈔前因參照在邊敵人經今日久出沒不退人馬或衆或



算道路或東或西來去自由圍獵馳騁如蹈無人之境全無畏懼之心蓋因總兵等官怯懦不曾奮勇截殺以致恣肆縱橫且如今次各官雖奏躬親督令官軍按伏邊境意在劫殺尤恐虛張聲勢實無此事既然各官親率大軍巡哨必是軍勢振揚敵寇知覺緣何將夜不收殺死及致於官軍出境撞見趕鹿達子三十餘人而義州錦州劫殺官軍奏內開有一千五百員名竟不能擒獲一敵斬馘一級貽笑邊方益長敵志莫此爲甚兼且走回人口俱說稱達人要往漢人地方遼東境內搶掠興販而煙火聲息連日不絕虜人姦計難測邊方所繫至重今各官怠忽誤事若此非惟不能成殺敵之功抑

于公奏議卷二

三

且不能建禦寇之策萬一自守不勝不無有誤大計又兼遼東係緊要邊境去京不遠訪得近來彼處總兵鎮守等官不肯和同行事多有將邊境失機事情隱匿不行奏報惟圖因循月日罔肯盡心效忠卽目將近秋期百草成實馬匹添騰之時敵騎得計之際臨期倉卒愈難措置合無就令差來奏事人馳驛齎文與寇深曹義公同宋文毅等督調官軍分投出境哨探賊寇所在務要乘虛襲殺以圖成功以壯士氣以安邊人固守之心以挫敵人深入之計如或此寇人衆勢大未可輕敵亦須堅壁清野練兵蓄銳相機而行一面星飛差人具奏亦不許輕率無謀致墮敵計益長敵人之姦釀成後口

之患如以後玩寇誤事各官取罪非輕仍令曹義等差人齎文與朝鮮國王令其整飭人馬固守地方若有野人女直指以討糧爲由到於地界侵擾度其氣勢可以截殺從宜相機而行仍飛報遼東總兵策應不許容留隱匿以乖朝廷待遇之恩本部通行永平山海獨石馬營三府等處總兵官一體用心嚴慎隄備緣奉欽依兵部知道事理具題景泰三年六月二十六日奉聖旨是欽此

于公奏議卷二

三

兵部爲軍務事內府鈔出鎮守遼東司禮監太監宋文毅題景泰三年七月二十七日據開原備禦都指揮吳眞呈該威達堡守備指揮吳誠差馬軍馳驛報本月二十日卯時那木川二墩守瞭百戶張敬差軍報說本日巳時分聽得本墩北空約有達人二四百人馬聲息跑牆入境辰時分到城東舊馬市堡將種田餘丁龔添保砍訖三刀昏迷在地又將人口馬牛俱各搶去當有左參將都督同知胡源左監丞范英等調領官軍都指揮甯榮等前去追襲等因及節據廣寧備禦都指揮瞿賢等呈該松山等墩空各報瞭見境外各有煙火共五處臣同提督軍務左副都御史寇深議得開原地方報稱達人黃夜跑牆入境搶掠人畜砍傷種田餘丁已調官軍追襲未回除差人星馳前去取勘被搶人畜有無追回同殺傷人丁的實緣由至日另行及行義州等處地

方整擲人馬用心瞭望隄備外緣係邊情具題又該左都督曹義等亦各題前事該本部官俱欽奉聖旨兵部知道欽此欽遵通鈔到部參照所奏前因係干達兵入境殺傷人命搶擄頭畜重事雖稱左參將胡源等調領官軍前去追襲未審曾無殺獲成功及照遼東地方今年自春以來達人犯邊非止一次墩堡被其挖掘人畜被其殺擄又兼各邊屯劄日久不退如入無人之境全無忌憚之心詳其所由蓋由遼東總兵等官互相矛盾彼此猜忌既無安邊禦侮之謀亦無折衝奮發之勇兼之在上者既不能同心協力則在下者亦莫不解體沮氣以致敵騎縱橫恣意搶掠而曹義等視之漠然畧不

十八卷 議卷二

謹

動心似此怠忽誤事若不嚴加譴責卽日秋高馬肥正係達人肆志之日又况遼東切近京師止隔山海一關便係腹裏去處慮恐敵寇益肆猖獗結連諸種部落大舉入寇臨期倉卒愈難措置不無貽患邊方有誤大計合無請敕切責宋文毅曹義寇深等數其節次玩寇失機之罪令其嚴警各城都指揮等官固守地方謹慎哨瞭必一乃心力以濟邊務毋自相矛盾以誤大計仍俟胡源回日動靜若何務要同從長計議要見前項敵人是何部落實有若干其輿魯巢穴有無定止去處宜從設策選調大軍令總兵參將分投統領寇深等監督出奇剿殺以挫敵人深入之謀以安邊人固守之志有

功照例陞賞誤事取罪匪輕不許似前息忽爾我觀望縱以騎之縱橫而不慮視邊人之被害而不恤及輕率無謀墮敵姦計以致疏虞壞事再照野人女直各種夷虜之人俱附近遼東地方近來相率投降者多朝廷推曠蕩之恩宥其反側之罪許以改過自新授以官職加以賞勞而遼東總兵等官往往定議就於遼東自在州并東寧等處城堡安插者動以千數此等之人狼子野心不可測度卽今彼處犯邊賊寇未必不係野人女直并兀良哈三衛殘寇誠恐此等安插男婦因見犯邊賊寇得志我軍失利遂起姦謀透漏消息結連內應其貽後患決非細故矧近日遼東安插達人糾台謀反出城

十八卷 議卷二

謹

潛從敵人者動以一二十計此其明驗不可不防合無行令寇深公同宋文毅曹義等通行計議區畫將已安插夷人若何設法關防撫恤鈐束以銷意外之虞以爲經久之便既不許視爲泛常全不介意亦不許彰露形跡致生激變及今後來降者合無起送赴京處置或量與官賞令回原處住種何者爲宜或別有長策可以安內攘外防患彌姦令寇深等明白具由星馳回奏不許因循遲延及協議不當因而處置乖方重爲邊患仍令該府通行永平山海宣府總兵等官將前項敵情用心隄備遇警相機行事緣奉欽依兵部知道事理具題景泰三年八月初六日奉聖旨是欽此

兵部爲聲息事內府鈔出鎮守靈夏直殿監太監王清  
題景泰三年九月十四日據宿魏口外淡溝塘哨探夜  
不收景彥成走報本月十三日酉時分瞭見正西水高  
有達子八人騎牽馬一十五匹到於賀蘭山後口外松  
林內砍打椽棒至戌時分駛往舊路去訖得報會同總  
兵官都督同知張泰右監丞王春副總兵都督僉事馬  
讓參贊軍務右副都御史韓福議得虜人原無定止惟  
往來趁逐水草今次採打椽木必有所見況兼秋高馬  
肥正敵出沒之際顯是近邊窺瞰虛實動靜故以少人  
引誘官軍意在聲東寇西緣敵情誑詐俱難測度除當  
調馬隊官軍兵三百員名委署都指揮僉事任信管領  
於十五日早先行出口密切爪探隨又調選二千員名  
議委副總兵馬讓右監丞王春管領神銃太監馬平統  
率於十六日出境前去遇有敵人近邊潛住相機掩襲  
勦殺及通行東西二路左右參將都指揮使熊震王榮  
嚴督沿邊墩臺營堡哨守官軍晝夜仔細謹慎隄備外  
緣係調兵出境哨探勦捕敵寇事理具題又該總兵官  
都督同知張泰等亦各題前事又該鎮守大同太監裴  
當及總兵官定襄伯郭登山西行都司署都指揮使孫  
英等各亦題稱景泰三年九月二十四日節該左右參  
將方善許貴開報大同前後威遠陽和高山等衛黃山  
坡威靈十分嶺等墩瞭見境外正北偏西正西偏北及

于公奏議卷二

奏

正東俱有煙火一二處約遠二三百里等因又該提督  
獨石馬營等處都督同知孫安鎮守獨石內官弓勝等  
各題稱景泰三年閏九月初三日戌時雲州墩青石嵯  
等墩瞭見境外正東火光一處離墩約遠一百餘里等  
因該本部官俱欽奉聖旨兵部知道欽此欽遵通鈔到  
部參照所奏前因係干煙火聲息況靈夏所報敵情已  
見達子八人入境雖稱砍打木植駛載去訖誠恐敵人  
懷蓄姦計指以採木爲由故意窺伺虛實別有糾衆侵  
犯之謀又況靈夏遠在黃河之外遇警卒難策應兼且  
大同獨石等處近日節報煙火不絕綿互接連動輒數  
百餘里既有形跡必有實情若非遣使來朝必是播毒  
扇禍若不預爲防範未免臨期有誤合無令該府差人  
馳驛齎文與靈夏總兵官張泰公同參贊鎮守等官整  
搦人馬固守地方仍差乖覺夜不收分投哨探敵人有  
無在邊出沒務在相機戰守以安邊鄙以除禍害不許  
自相矛盾推諉畏縮縱寇長姦因而疏虞大計自取罪  
愆仍齎文與大同獨石等處總兵等官郭登孫安紀廣  
江福許貴方善當此邊報絡繹之際虜情未定之時各  
官必須十分謹慎隄防若果事出非常度其可戰則運  
謀設策互相約期出兵截殺如其不可則堅壁清野持  
重固守仍一面星馳奏報如或虜面遣使到邊或稱朝  
貢或稱打話亦須審勢度情隨宜措置不許怠忽致有

于公奏議卷二

奏

疏失緣係處置隄備敵情并奉欽依兵部知道事理具題景泰三年閏九月初八日奉聖旨是欽此

兵部爲預備邊務事內府鈔出鎮守大同太監裴當題該後軍都督府准兵部咨呈兵科鈔出總督軍務少保兼太子太傅兵部尚書等官于謙等題該右僉都御史李秉題稱虜中差來使臣鴻臚寺序班楊冕男楊玉說稱也先老營只今安在哈喇莽地面住坐統領精兵見在沙窩一帶藏住等因會同總兵官太子太師武清侯石亨等計議得賊酋也先違天悖理志驕氣盈假以進貢爲由遣人瞞我虛實而又糾集犬羊之衆日漸近我邊方侵犯之謀既已彰露隄備之策不可不嚴其大同

于公奏議卷二

三

地方雖係緊要相離京師寫遠卒難應援兵部節次行移總兵等官郭登等令其計議應否遣將增兵而各官執稱糧草不敷并虜使來朝不必增添難便定奪合無再行郭登等計議如果應合遣將領兵前去調遣戰守徑自具奏定奪等因具題節奉聖旨懷來操備一節待明年春暖緩急定奪欽此欽遵會同總兵官定襄伯郭登等及都司衛所管事管操等頂都指揮等官孫英等議得賊酋也先指以進貢爲名糾集犬羊之衆故彰聲勢逼近邊隅肆其無厭之求邀以難從之請名雖曰和實則啟釁然制敵之道在於有備無虞用兵之方貴乎知彼知己今大同見操官軍除東西二路外馬隊官

軍止有六千餘員名以近守則有餘以遠戰則不足步

隊官軍雖有八千八百餘員名止可排營列陣不能爭先趨利數內亦有精壯好漢爲因無馬俱各步操如蒙聖恩憐憫邊城兵力寡弱乞敕該部量撥精銳馬隊官軍一萬餘騎前來餘外另帶附餘馬數千匹每馬就馱行糧數斗糧則給軍食用亦可存省邊儲其附餘馬匹聽臣等於步隊內選人騎操如若馬步軍士數少卽於正統十四年原選各衛所餘丁并大同府民壯查照原來量爲增減整點齊備聽候有警相機調用如此則軍威強壯邊事可以有爲人無浮允供給不至缺乏臣等再照大同府四州七縣之民生長邊方安其習俗性既

于公奏議卷二

三

勇悍尤耐飢寒自昔至今多於腹裏及迤南衛所充當軍役其各該衛分有二三千里有五七千里者或歲久年深拋家失業者供役者少事故者多或因路程寫遠中途死者有之或因不服水土到衛死者有之或因貪贓官吏受囑賣放者有之起解者未至逃亡者復來該衛無實用之人原籍有清勾之擾既僉長解又歛盤纏况今兵燹以來鄉里彫零至極軍伍旣不能足民戶因而靠損其本府州縣官吏里老累次於臣等處告稱艱難若得就近於大同等衛所當軍情愿自備鞍馬不敢便支糧賞奮勇殺賊以圖補報臣切惟天下衛所相同者多祖宗制度難於更改但國家政務有經有權夷狄

事機有急有緩今者北虜之於西夷大同之與他處非  
惟理勢輕重有不同其實事機急緩之懸絕若不先其  
所當重者急者而後其所當輕者緩者則守經用權之  
道未見其可如蒙准題乞敕該部從長計議除大原府  
等處邊衛軍役外其餘不拘在京在外衛所校尉力士  
旗軍幼軍等項今後遇有逃亡事故在營無人補伍例  
當清句者不爲常例俱各於大同就近照名充當軍役  
聽其自備鞍馬暫且不支糧費於大同前後二衛帶管  
收操待後積有數多另立衛分管轄仍行原先衛分開  
豁籍冊永不勾補緣此等之人既免背井離鄉之苦得  
遂安家戀上之情若使撫恤有方教演有法遇有警急

于公奏議卷二

堯

一則不忍棄其祖宗墳塋一則不忍毀其宗族產業無  
不心懷敵愾樂於戰鬪此與山西河南調來操備官軍  
主客既殊堅肥亦異庶使民戶無分析之患軍衛獲有  
用之兵所謂一舉而兩得也緣係計議回奏請旨調發  
京兵及改調軍役事理具題該本部官欽奉聖旨兵部  
知道欽此又該鎮守大同總兵官定襄伯郭登等亦題  
前事通鈔到部案查先爲前事已行勘議去後今鈔前  
因參照奏要量撥精銳馬隊官軍一萬餘騎就帶附餘  
馬數千匹前來操守一節查得在京各營官軍見蒙敕  
諭選揀一十五萬團營操練聽調殺賊其餘次撥官軍  
又有運糧等項差占數多況大同各城蓄積糧草有限

供給彼處官軍尙且不敷節有奏報聲息未有十分緊  
急若是添撥官軍前去操守不無坐食邊儲愈見彫耗  
兼且京師守備爲重官軍難以輕動合候有警之日另  
行奏請命將發兵前去策應其前項馬匹合無行移太  
僕寺揀選一千五百匹令郭登等差人關領前去給與  
選出步隊精銳官軍并彼處舍餘民壯騎操應用其稱  
要大同府所屬州縣清解各衛所校尉力士旗軍幼軍  
等項俱於大同附近衛充當軍役一節緣校尉力士幼  
軍俱係隨侍等項緊要人數又兼其數不多難以存留  
外所據清解各衛旗軍合無准言不爲常例存留彼處  
操備聽調殺敵候邊方寧息另行定奪仍令各該有司

于公奏議卷二

聖

軍衛將清句收發過旗軍姓名通類造冊繳部以憑查  
考不許指此爲由生事擾害緣奉欽依兵部知道事理  
具題景泰三年十二月二十六日奉聖旨是欽此  
兵部爲邊務事該欽差總督軍務少保兼兵部尙書于  
謙等題近該延安綏德并遼東等處節次瞭見人馬煙  
火除行隄備外切惟虜情姦詐變態百端雖稱遣使來  
朝姦詐未易測度况虜使之來需求無厭或取討遠年  
人口或請要差遣使臣雖聖恩特賜寬容終不能滿其  
所欲且今次差來使臣達子數少回回數多此輩將及  
回還而各邊屢有聲息并宣府又報虜使折牆入境切  
恐虜酋故以使臣緩我御遣人分投侵擾尤恐皮兒馬

黑麻并察占等回還因其不滿所欲遂爾別起釁端糾率醜類爲我邊患未便臣等會同計議得萬一虜情變動則宜府大同與陝西沿邊必先有警宜府離京不遠易爲策應陝西離京至遠連接三邊而虜寇又屢有侵擾之謀台當嚴慎隄備大同係緊要邊方自經擾攘之餘軍民彫瘵未復加以糧儲數少馬草不敷兼且路途頗遠懸隔關隘儻有警急難於策應欲臨期調兵則恐緩不及事欲預先增兵恐坐蠹糧草有此兩難不可遙制臣等議得若宜府有警則京師約量敵勢多寡調兵前去策應陝西沿邊一帶合預先請敕令總兵鎮守參贊內外文武官員各要整擻人馬固守地方凡要害去

于公奏議卷二

聖

處俱要分兵拒守差人哨瞭遇警相機行事可戰則戰可守則守務在計出萬全事無一失凡一處有警則鄰近去處互相策應有功則一體陞賞誤事則厥罪惟均不許自分彼此坐視不理以誤事機大同請敕郭登年富方善許貴等并太監裴當等公同計議若大同有警各人設何方略可以禦寇作何布置可以克敵彼處軍馬糧草可否敷用應否京師命將統兵預先前去策應或不須京師調軍自可濟理邊務斟酌自己強弱廣詢下人輿情明白從實具奏毋得偏執苟且致貽邊患若奏請至日如果應合調軍臣謙照依比先奏奉欽依事理領軍前去總兵參將等官於團營數內臨期奏請定

奪仍行戶部查算各邊見在糧草數目應合預備者就便早爲整理毋臨期誤事及照虜使回還經過懷來宣府等處俱係緊要邊境固當振肅軍威使彼知我有備彼中糧草有限不宜費用過多合無於都督石彪雷通劉深三員內請旨令一員仍充游擊將軍名目請敕帶領原統官軍三千員名前去協同所在官軍守備城池以壯軍威候使臣出口回京仍令兵部行文宣府懷來獨石一帶一體嚴慎隄備臣等仍將在京各營見操軍馬候春煖如法操練以備緊急調用及行各關守備等項官軍一體固守關隘以備不虞不許怠忽誤事臣等又惟戎狄爲患自古有之惟人君修德於上人臣効忠

于公奏議卷二

聖

於下則其患未有不平者皇上撫運中興宵旰圖治今醜虜畏威納款皆皇上修德之效臣等俱以駑劣叨膺重寄萬一犬羊改慮自速致亡臣等當捐軀効力以圖殲滅此敵以圖補報國恩若苟祿全身以誤大計罪甘赤族緣係會議邊務事理具題景泰三年十二月二十日各官奏奉聖旨是卿等爲國家慮患正當如此但今日每從長計議敵果入寇如何可以出戰剿殺如何可以固守無虞敵若不來亦當如何操練軍馬或分或合可以百戰百勝以防不虞務在的然有可憑恃毋事虛言遊擊將軍著雷通充待使臣將起時領軍就關行糧



出去事畢回京欽此

兵部爲邊務事該欽差總督軍務少保兼兵部尙書等官于謙等題該臣等計議方略會本具題節該奉聖旨卿等便同各管頭目每從長計議敵果入寇如何可以出戰勦殺如何可以固守無虞敵若不來亦當如何操練軍馬或分或合可以百戰百勝以防不虞務在的然有可憑恃毋事虛言欽此計議得國之所恃者兵兵之所賴者將將得其人則兵無不精兵無不精則國威自振而寇虜之患自平矣臣等俱以庸劣叨膺重寄馭兵乖方致厯聖慮今議得各營見操官軍已選十萬分作五營團操以備出戰每二萬人爲一營每隊五十名一

于公奏議卷二

聖

人管隊每二隊又立領隊官一員每千人把總官一員每三五千又立把總都指揮一員其管隊把總大小總兵官員各量其才器高下謀勇如何而選用之使之互相統屬兵將相識如遇下教場操練之時臣等出其不意量調一隊或三隊五隊點閱但喚把總管隊官姓名各官自行管領本隊軍士前來內喚出軍士一二人或三五人令管隊把總官識認是何姓名衛所卻將軍人懸帶牌面上原開寫姓名衛所年貌查對若有不同就將管隊等官量情責罰仍比較弓箭牌刀長鎗等項武藝精熟者量爲獎勵生疏者一體懲治使管軍者知軍士之強弱爲兵者知將士之號令體統相維彼此相識

不致臨期錯亂難於調遣大意前項團操軍十萬合則爲一營分則爲五營萬一敵人侵犯人多則各營俱動人少或分調一二營或調一萬三五千隨機應敵其平日選定大小該管頭目已定則交戰之時多用則多調少用則少調止調該管頭目則士卒自隨平日相處既久同輩之人易以相機管事之人易以使令如手足之捍頭目子弟之衛父兄比之平日混同操練不辨強弱不知號令將各營之人逐漸鞏合者不同庶幾可以成功取勝又敵之所恃者弓馬衝突而已彼知我火器一發之後未免再裝遲慢以此我軍放罷火器就便馳突前來今若與之對敵我軍列陣外用鹿角遮護持滿以

于公奏議卷二

聖

待敵若來緊堅陣不動先以弓弩對敵神銃未發先以火藥爆炸之敵必謂我火藥已盡不復畏避馳馬來攻則我軍火銃火礮飛鎗火箭弓矢齊發若勢重又以大將軍擊之待敵勢動分調精銳馬軍用長鎗大刀勁弓射砍步軍用團牌腰刀一齊衝入敵陣或刺射人馬或砍其馬足臣等以身率先衝冒矢石獎勵士卒俾無退縮如有退縮者卽以軍法治之此則臣等愚見操軍出戰分合之勢如此仰惟皇上德威遠布敵必不敢侵犯京師臣等謹當用心設法將各營已選團操并其餘軍馬一體操習整飭隊伍申嚴號令務使人馬強盛武藝精熟除團營之外另選次等精壯以備緩急調用以



助團營軍威每日除演習弓馬武藝之外仍令馬步官軍兼習陣法及交鋒衝突安營走陣以爲戰鬪之勢使之耳目慣熟步驟輕健能知進退坐作之法免致臨敵畏怯失措至如固守之法則今日士卒頗多京師城垣堅固又有戰車鹿角器具敵縱勢衆可以固守無虞雖臣等愚見如此但用兵之法不測如陰陽難知如鬼神貴在臨機應變難以一定而求況醜虜矯捷去來之間如飄風驟雨應敵之際非勇無以挫其鋒非智無以破其詐必謀勇兼濟而後可以成其功岳飛有言陣而後戰兵家之常運用之妙存乎一心又曰文官不愛錢武官不惜死天下太平矣臣等既蒙朝廷大恩授以重任

十公奏議卷十一

聖

敢不潔已愛軍以振士氣捐軀効死以報國恩緣係會議戰守事理具題景泰三年十二月二十二日各官奏奉聖旨是兵貴乎精將在謀勇卿等務要同心協力操習軍馬有事運謀或戰或守若無事則撫恤士卒養其銳氣遇警易爲調用這等不負朕委託之重欽此  
欽差總督軍務少保兼太子太傅兵部尚書于謙等爲軍務事該各營總兵等官太子太師武清侯石亨等會議得迤北賊酋也先忬逆天道屯聚虜衆近我邊疆若不預爲設法選練設使遣將調兵軍不識將意將不識軍情不能爲用今五軍三千神機等營各有總兵掌管規矩不同儻遇調遣驟撥前去非惟軍將俱不相識抑

恐號令不一誤事不小合無於五軍三千神機等營選揀精銳馬步官軍一十五萬內五軍營八萬神機營五萬三千營二萬分爲十營一營一萬五千用坐營都督一員五千用都指揮一員共用三員一千名用都指揮一員或指揮一員把總共用一十五員五百名又用指揮一員把總共用三十員每隊用管隊官二員前項坐營把總等官各於營內選揀廉能驍勇之人管領操練俱聽臣等往來提督管操太監劉永成原管神機營阮讓原管三千營取自上裁令其提督操練監鎗內臣隨同前去各營監鎗如有聲息各調官軍若干或用一營二營三營就著某總兵官及坐營都督統領前去互相

十公奏議卷十一

聖

策應征勦其餘官軍令的當頭目管領各於本營操練如此庶得號令歸一人易遵守內外兩得其濟臨敵必能成功緣係會議軍務守禦京師事理具題奉聖旨是欽此  
欽差總督軍務少保兼兵部尚書于謙等爲軍務事先該宣府等處總兵等官奏報敵人聲息緊急欽命臣同各營總兵官計議戰守方略臣等已將議到方略逐一開奏該奉欽依是欽此除欽遵外今照總兵官武清侯石亨同左右副總兵參將都督孫鐘范廣過與張義等見今挑選到五軍三千神機營頭撥精銳官軍六萬員名分作三營團操內神機營精銳官軍二萬員名均派

三營照舊操練外臣等原先議奏方略內要領大將軍礮十六箇并量領大礮飛鎗手把銃以備衝敵之用俱未曾關領今照火礮之具實乃軍威亦敵人平昔所畏必須平居之時領出聽總兵等官設法令軍士演放操習慣熟量其高低遠近緩急疾徐一旦臨敵方能不亂而有成功又況今日夜不收往獨石等處哨探回還說稱哨馬營一帶俱有達人駐劄其勢浩大竊料此軍候秋高馬肥氣候漸涼恐有侵犯邊方深入為寇之意兵家之事以先戒為寶防患之策以預備為要況神機營撥到官軍數多礮少周而擺列不敷切恐臨期難於禦敵乞敕工部合無將後項開列銃礮火器具件照數作

于公奏議卷二

聖

急於內府關出交與總兵等官石亨等如法收貯隨宜操演并大將軍礮十六箇斤重數多人力不能背負合用駝載車輛亦乞行移工部成造具題奉聖旨是欽此欽差提督軍務少保兼兵部尚書等官于謙等為軍務事照得先該會官議擬奏准令武清侯石亨都指揮同知楊能等各統官軍往大同宣府巡邊後因宣府節報達人近邊欲來攻圍宣府以此暫緩行期數日以來差人哨探不見的確聲息顯是虜寇窺伺我邊進退未定若不整擗士馬遙振軍威切恐黠虜驕矜愈加得計臣等議得合無令石亨將原選定官軍二萬餘員名楊能將原選定官軍一萬五千內再添五千其轄二萬員名

關領賞賜衣甲糧鈔聽候聲息遠近虛實於二月中旬起程前去巡邊殺敵務在相機行事計出萬全既不許退縮畏避以損軍威亦不許深入貪功以中敵計臣等仍於各營挑選精兵五萬或六萬亦皆關與鮮明衣甲精利器械各委勇敢頭目分管另行操練聽候調用殺敵其餘官軍一體嚴加操習不許視常怠忽及出口巡邊追勦敵人全憑馬力伏望聖恩量加草料餵養庶使馬得騰壯而便於馳驟軍增銳氣而易以効力具題奉聖旨是欽此

于公奏議卷二

少保于公奏議卷二終

聖

少保于公奏議卷之三

南征類

兵部為懷柔遠人事吏科鈔出吏部左侍郎何文淵題  
臣訪得貴州地方洪武年間止設貴州思南思州宣慰  
司管屬土民仍設都司衙門鎮守其地太祖高皇帝命  
鎮遠侯顧成在彼鎮守事簡民安遠人畏服永樂十一  
年湖廣布政司參政蔣廷贊具奏於貴州開設布按二  
司將思南等三宣慰司地方改設六府每府所管不過  
三四長官司人民每司不過一二百戶官多民少點差  
弓兵阜隸門子庫子驛夫等項應答不前官吏在彼廉  
潔者少貪墨者多又從取索民財土民受逼日漸困窮

于公奏議卷三

以致去歲苗賊反叛殺害軍民總兵官宮聚又生事激  
變水西等處土官共起謀逆劫殺地方燒毀衙門驅虜  
人口官軍征討屢嘗交鋒殺人盈野自去春以來米糧  
艱難人多餓死傷天地之和召水旱之災未必不由於  
斯今兵疲民困又遣將南征師旅之行糧餉為先湖廣  
四川雲南三布政司饋運供給勞苦萬端恐生他變貴  
州地方山嶺高峻林木深奧雖有雄兵猛將急難成功  
又且土人之性叛服不常如蒙乞敕兵部會多官計議  
其被賊燒毀衙門弗復起蓋布按二司并各府大小官  
吏及從征官軍俱各取回地方止照洪武年間設立宣  
慰司衙門管屬土人設都司衙門都指揮等官以鈐束

軍衛遣大將一員前去鎮守仍降敕書出給賞賜命大

臣一員便於言語者前去招撫便宜行事宣布恩威賞  
勞土官土人候西北胡寇寧息另行計議復設衙門於  
今多事之秋且置此小寇於度外等因具題本官奏奉  
聖旨該衙門看欵此欵遵鈔出到部查得先因貴州等  
處苗賊生發攻圍畢節平越等衛城池敵殺官軍剽掠  
人畜已經節次具題欵命總督總兵等官王驥等領兵  
剿殺去後續該巡按貴州監察御史黃鎬題稱彼處賊  
勢猖獗城池圍困及稱王驥老病等因本部又經具題  
欵命保定伯梁瑄充總兵官替王驥領兵殺賊及差官  
量調直隸九江等衛官軍前去協助殺賊去後今侍郎

于公奏議卷三

何文淵奏要將貴州地方被賊燒毀衙門弗復起蓋布  
按二司并各府大小官吏及從征官軍俱各取回止設  
宣慰司及都司衙門一節臣等切詳貴州地方雖僻在  
一隅人多頑獷係我太祖高皇帝開創于前太宗文皇  
帝經營于後迄今八十餘年法制已定地方無虞比年  
以來為因邊將處置乖方加以征南之師數出兵疲於  
久戍民困於遠輸遂致各種賊寇乘機生發殺掠人畜  
上干聖慮勞師遠征已及一年之上各該城池雖被蠻  
賊圍困而各城官員皆能効力死守及總督總兵參將  
巡按三司等官又不曾要將貴州地方遺棄并征進官  
軍取回緣由具奏泥土地祖宗之土地人民祖宗之人

民豈可輕易棄擲兼且事干邊務難以遙制合無行令  
總督軍務本部左侍郎侯璉總兵官保定伯梁瑄等將  
本官所言取回各衙門官員等項緣由公同勘議明白  
務在斟酌停當處置合宜上不違祖宗之成法下不貽  
邊境之後患通行具實回奏定奪其言要出給賞賜命  
大臣一員前去招撫一節緣此賊勢已猖獗惡已稔盈  
四出紛擾種類不一倚山箐而為險效蜂蟻而屯聚既  
無所指定處又無常管頭目非得深曉夷情熟知道路  
之人卒難招撫訪得何文淵先已出差貴州備詰本處  
山川險易夷情向背合無將本官量與陞職請救并關  
領賞賜前去貴州與同侯璉等相度賊勢便宜招撫惟

十六公奏議卷二

三

復不必差官只差人馳驛齎文與侯璉公同總兵官保  
定伯梁瑄等審度前項賊情量宜撫捕務在日下窰帖  
其合用賞賜銀布等件就彼官庫量為支給不必京師  
運去務俾撫捕兩得其宜地方不致失陷緣奉欽依該  
衙門看事理具題景泰元年四月十九日奉聖旨是不  
必差官只行文書與侯璉梁瑄整理欽此  
兵部戶部急邊常事兵科鈔出鎮守廣西總兵官征蠻  
將軍都督僉事田眞等題准右軍都督府勘合准兵部  
咨呈該總兵官田眞等奏鈔出本部議擬請敕令左僉  
都御史等官楊信民等看議如果廣東賊徒生殺官軍  
守備不敷卽於屬衛所府州縣揀選舍餘民壯及設法

招募土兵協同見在官軍相機守備殺賊不許指以人  
少馬無因而失誤地方等因備咨前來照得近該參府  
都指揮使武毅手本開稱見統軍士并會合廣東江西  
等處官軍至南海縣金利巡檢司見得賊船不下千百  
餘隻不次前來迎賊嚴督軍兵連日對敵殺退賊衆遁  
於石門等處等因臣會同廣西巡撫刑部右侍郎李棠  
巡按監察御史胡新都布按三司右布政使等官章聰  
等議得廣西地方卽目慶遠來賓融縣等衛所城池俱  
被賊人圍困東泉洛谷攬灘大汾等處賊寇不計萬數  
四散屯聚攻劫各縣柳州一帶水陸道路俱各不通殺  
虜洛谷永福等縣鄉村男婦不計其數遠近軍民肝膽

十六公奏議卷三

四

塗地賊人又行聚眾要劫永福縣治及蘇橋等處逼近  
廣西城池甚至向化夷人俱被賊人扇惑及逼脅競起  
為惡事勢十分危迫節差百戶程源劉成等具題去後  
今廣東賊徒既已殺退比與廣西賊勢稍緩又有南京  
江西等處官軍足旬追捕合照兵部奏准相度兩處賊  
情緩急互相為援事理將廣西官軍取回策應欲候奏  
請不無遲誤除差官馳驛將參將武毅原領去官軍土  
兵星夜取回救援及行廣東都司轉行鎮守左副總兵  
董興左僉都御史楊信民等嚴督南京江西等處調到  
官軍追捕餘賊外緣係取回策應廣東官軍事理具題  
該本部官欽奉聖旨兵部看欽此又該總兵官田眞題

爲賊情事照得廣西所屬府州縣徭種夷人遞年作耗前總兵官右都督等官山雲等鎮守之時俱有調湖廣貴州廣東各都司官軍前來協同廣西官軍哨守尚且不敷賊人窺伺出沒不意正統十年冬爲因兩廣賊寇生發將廣東都司調來征進廣西官軍俱各取回策應又欽奉敕書選調廣西精壯官軍士兵一萬員名前去廣東會同剿賊爲是撤去守備廣西賊寇處處蜂起不能固守節經具題外續因柳州等處賊勢猖獗已經差官馳驛前去屬衛調遣署都指揮使范信著指揮使鄧敦各領官軍前到柳州會合都指揮同知孫麒官軍併力剿殺賊徒於景泰元年二月二十五日行至北流縣

于公奏議卷三

五

遇賊攻打縣治督軍殺獲首級二十八顆三月初四日行至來賓縣被賊前後攻打來賓千戶所城池有范信連日督軍對敵破賊藥箭射傷下臂穿出右腮賊人退遁烏石堡等處緣范信鄧敦二哨官軍止有一千四百員名其賊徒卻有七千衆寡不敵雖經不次催調路阻未能會合近該富川縣徭賊盤性子等自稱彌勒佛王令其賊衆造爲妖言扇惑地方夷民無知一時響應旬日之間聚至千餘爲照土兵合謀不可稍緩又摘指揮葛宗蔭管領官軍一千員名星夜前去乘其未定以擊之今照慶遠柳州融縣來賓洛容等處賊人不計萬數攻打城池堡分殺虜鄉村逼近廣西城池除調指揮馬

宜量領官軍於都狼山等處及都指揮曹福領軍於蘭麻等處指揮覃祥領軍於永福等處險隘去處據守防其衝突庶可等待應援緣賊徒衆多非得大勢以折之適足以長其侮慢邊備之心不可輕動除另行會本具題取回征進廣東官軍救援外緣係備邊事理具題該本部官欽奉聖旨兵部看了來說欽此欽遵通鈔到部查得先該鎮守廣西總兵官田眞等節題彼處蠻賊生發攻打縣治殺死官軍要將參將武毅領軍回還非惟不能以救廣東之危尤恐一時亦未能到廣西應援無彼此妨誤兩無成功節次奏准行令廣東鎮守總兵等官都督同知董興等會同武毅調度各起官軍士兵

于公奏議卷三

六

人等務將前賊作急剿滅就令武毅領軍回還操守去後今照田眞奏稱廣西賊勢十分危迫已行差官將武毅原領官軍士兵取回一節臣等切惟救患睦鄰乃將臣之當務專權方命在國法所難容今照田眞當參將武毅已到廣東往往具奏本處賊寇滋蔓既不能調度見有官軍人等隨宜撫捕又不候奏請定奪輒將武毅官軍取回似此方命專權姦詐欺罔法所難容況卽目四方多故寇賊縱橫調軍策應乃是邊境常事若是將帥互相做效各將自己官軍取回豈特違朝廷命令必致壞軍國重務況兼廣東總兵等官都督同知董興等屢奏彼處賊首黃蕭養等聚衆僭號勢甚猖獗而廣東

軍民願望武毅之來應援甚於饑渴之欲飲食今田真與武毅互相串同逗遛不進輒自取回以致徒勞士馬虛費糧儲兩處地方俱不得濟所據田真合當擊送法司究問以爲將臣專權欺罔之戒緣卽目邊方多故緊要用人合無請敕切責田真令其查勘武毅所領官軍若在廣東未回仍令就彼作急剿殺賊寇黃蕭養等盡絕仍回廣西守備若是已到廣西將領回官軍數內一半存留本處守備一半或令武毅或另委勇敢都指揮一員統領前去廣東殺賊務在兩處地方俱無失所仍令田真等用心奮勇剿殺本處賊寇以贖專擅欺罔之罪如是失機誤事治以重罪不恕本部仍行廣東廣西

于公奏議卷三

七

巡撫鎮守官員并巡按御史都布按三司一體協力各將本處賊寇剿殺盡絕以除軍民之患毋得互相推倚玩寇殃民自取重罪不便緣係請敕及奉欽依兵部看并兵部看了來說事理具題景泰元年四月二十九日奉聖旨是欽此

兵部爲苗賊聚衆劫殺等事兵科鈔出湖廣按察司分巡湖南道僉事程志學題景泰元年十月二十九日據長沙府寧鄉縣申准安化縣儒學牒呈准本學教諭鍾旻關稱本年十月二十一日早忽有苗賊生發結構人衆前來安化縣地面劫虜人財殺人放火有本縣知縣馬思敬帶領衙人等先自般移不知去向十一月初

四日又據本府湘鄉縣申景泰元年十一月初二日辰時分忽有苗賊數多各執鎗弩器械鳴鑼擊鼓張打旗號來縣劫掠吶喊數聲驚散人民爲因火夫人等對敵不過俱各奔走殺傷人命虜去人馬燒毀房屋等因到道臣照得先據寶慶衛經歷司申稱苗賊聲言要來湘鄉縣流劫當委長沙衛府指揮僉事胡勝正千戶周僖推官李鐸帶領軍餘火夫三百餘名前去湘鄉等縣議集本境民夫隄備撫捕去後今各申前來除添撥軍餘民壯設法追捕外緣係賊情具題該通政使司官奏奉聖旨兵部知道欽此又該湖廣長沙府通判顧元等亦題前事通鈔到部查得先該湖廣都司等衙門都指揮

于公奏議卷三

八

使等官馬翔等題稱湖廣寶慶府武岡邵陽等州縣地方俱有苗賊殺掠人畜燒毀衙門房屋等因本部鈔出已經議擬奏行總督湖廣貴州軍務右都御史王來總兵官保定伯梁瑋并湖廣都布按三司捕盜官員及巡按監察御史各要整擗官軍民壯人等互相剋期設法將前賊截殺如果賊情十分緊急及別有處置呈馳奏報去後今奏前因參照前項苗賊先已到於寶慶府所屬州縣搶掠因無官軍隄備截殺以致益肆猖獗蔓延到於長沙府地方殺人放火全無畏懼及照長沙實控大江上流相去武昌不遠今已被賊侵擾則是湖廣腹裏地方亦被其害顯是彼處司府州縣官員平居素無

武備過警望風奔走坐視民患略不介意若不早為嚴  
督處置誠恐賊勢益張民愈受害合無本部差人馳驛  
齎文與王來梁瑤并續差去都御史李質督同都布按  
三司捕盜官員及巡按監察御史設法調度官軍人等  
務將前賊及早撲捕盡絕勿使滋蔓張大如若似前延  
緩縱賊殘害人民罪有所歸仍將剿捕過賊寇緣由作  
急馳奏緣奉欽依兵部知道事理具題景泰元年十二  
月初三日奉聖旨是欽此

兵部為捷音事兵科鈔出右副總兵右都督方瑛等題  
景泰元年四月二十七日該總督軍務兵部尚書侯璉  
調臣統領都指揮同知劉玉等官軍直擣賊首郎賞改

于公奏議卷二

九

寨攻勦叛寇官兵剋破賊巢百戶金亮等擒獲偽王王  
阿同郎賞改斬首二十六級當日尚書侯璉又調右副  
總兵田禮統領署都指揮僉事李鑑指揮僉事高勳等  
官軍掩襲銅鼓等寨攻開賊巢生擒賊人阿王斬首二  
十四級二十八日復調右參將都指揮使李友統領都  
指揮同知巨真都指揮僉事陳禎等官軍達官人等由  
清平徑趨都勻衛解圍進至狗場遇賊藏伏截路當督  
都指揮僉事陳禎指揮僉事楊海等官軍達官人等奮  
勇向前與賊對敵殺敗賊眾就彼駐兵五月初一日至  
都勻解圍初六日右參將都指揮使李友統領都指揮  
巨真陳禎等官軍達官土兵攻勦都勻槩管琵琶等寨

反叛蠻賊攻破賊寨斬首一十七級生擒五人餘賊奔  
遁山箐初八日仍令官軍土兵搜山剿捕斬首一十七  
級生擒三十一人十一日右參將李友統領都指揮巨  
真陳禎等官軍達官人等用彼所鎮撫陳良等作鄉道  
就彼開通舊路透出龍里地界兵進邦木擺忙等處箐  
口遇賊先據高山各執器械奔衝而下官兵奮勇併力  
夾攻斬首一十五級餘賊潰散十四日兵次葛里鋪遇  
賊率眾邀截我師當督官軍交鋒力敵殺敗賊眾斬首  
數級生擒一人十五日回軍龍里臣同右參將李友統  
領官軍達官人等進剿大小平仗上馬轎白納等長官  
司不服招撫者擺省等寨蠻賊十八日臣領都指揮鄭

于公奏議卷三

儁等分剿革亞等寨克破賊巢殺敗賊眾斬首三十八  
級生擒首從賊徒七名餘賊奔遁掠其委積焚其巢穴  
右參將李友統領都指揮巨真陳禎等分剿把路擺多  
等寨殺敗蠻賊斬首二十五級生擒賊人四名餘賊遠  
遁獲到人口牛馬就給有功官軍二十日臣又同參將  
李友復統官兵分剿擺省等寨殺敗賊眾斬首二十一  
級生擒二人二十四日尚書侯璉調都指揮劉玉脫孫  
貴州宣慰使司宣慰使宋昂等官軍達官土兵人等攻  
剿貴州所屬狗場等寨叛賊見官軍一到棄寨奔走乘  
勢追逐斬首十餘級六月初四日據守備平越衛都指  
揮張任呈報羊腸河等處先次殺敗蠻賊不服招撫復



糾醜類截殺官軍臣同右副總兵田禮統領都指揮俞  
事高遠鄭備陳禎孫諒等官軍兼程復回平越相機剿  
捕尙書侯璉督調右參將李友率領都指揮劉玉臣眞  
尹璿張貴等官軍達官人等前進普定一帶地方分兵  
會剿十二營長官司蒙登上下公具七伯房等寨爲惡  
蠻賊就令安撫蕭節作鄉道差官齎執旗牌督兵哨至  
蒙登等寨賊先聚衆據險迎敵我軍分哨齊力並進登  
高逆衝賊寨殺敗衆賊棄寨奔走官兵乘勝追逐斬首  
二十級生擒八人餘賊奔遁山箐十一日進剿七伯房  
上下公具等寨賊窺官兵進剿先移家小過江止留精  
壯各執鎗弩挨牌拒敵官兵奮勇並進左右力擊攻開  
排柵殺敗賊衆賊既披靡且奔且拒官軍分列追至七  
伯房江邊通斬首一百七十二級生擒一十三名餘賊  
墮江落水死者不計其數復令官軍鈔其積聚米穀牛  
馬大小賊寨二十餘處縱火齊燒營寨悉爲煨燼招撫  
逃竄遣回復業本月二十日尙書侯璉復調指揮劉端  
郭貴等官軍士兵人等進剿十二營長官司管下不服  
招撫白石崖等處蠻賊先埋排柵聚衆據守石關官軍  
奮勇攻破關口殺敗賊衆追至河邊斬首數級餘賊槍  
船過河洩死不知其數本月二十八日右參將李友統  
領都指揮劉玉臣眞尹璿脫孫等官軍達官人等進剿  
寧谷寨長官司不服撫化七寨九十九等寨官兵進至

于公奏議卷三

七

牛蹠關遇賊聚衆各執器械把關督兵攻開關口殺敗  
賊衆斬首數級七月初一日兵進賊首阿信寨前深潭  
關遠天生石橋止過一人馬騎難行賊立排柵七層用  
板遮護後山高聳當督官軍攻莫能開分兵二哨左右  
與賊對敵右哨伐木取路擊截其中賊不能支首尾自  
亂官軍併力克破排柵直搗山巔賊居巢穴通斬賊首  
四十四級盡獲牛馬米穀火其巢穴其餘未剿寨分蠻  
賊一見破此險惡硬寨畏威投戈赴營告降七月初二  
日臣與同右副總兵出禮統領都指揮高遠鄭備等官  
軍達官到於平越羊腸河哨捕緝知爲惡蠻賊遁往翁  
平等寨當督官軍直抵各寨蠻賊恃險拒敵官軍齊力  
併進賊見我師奮勇懾駭敗走督軍追殺斬首一十六  
級投崖死者不知其數初十日委都指揮僉事陳禎等  
統領官軍護送糧米前往都勻接濟有賊首楊阿別等  
復聚爲惡就領官軍於十二日徑趨本寨蠻賊約有三  
百餘人各執鏢弩拒敵當督官軍達官士兵人等奮勇  
殺敗賊衆斬獲首級一十四顆生擒一名餘賊潰散本  
月十三日尙書侯璉調右參將李友統領指揮巨眞等  
官軍達官士兵人等分路進剿西堡長官司管下不服  
撫化阿姜等寨十四日官軍進彼看得山勢連環林巖  
險惡賊立三寨首督官軍克破二寨斬首數級賊投入  
高山硬寨猶以死敵遂督牌手盤山取路衝冒矢石奪

于公奏議卷三

七

取高峯會合都指揮劉玉等官軍四面夾攻克破賊寨  
噍類無遺十六日侯璉復調指揮王政等領兵攻克安  
莊池東白石崖等寨通斬首一百八十九級剽其牛馬  
等畜焚其賊寨掣兵回還二十日分調右參將李友統  
領都指揮王眞尹瑑等官軍達官前進畢節開通路道  
八月初四日臣與右副總兵田禮統領官軍達官人等  
前往羊腸河哨捕蠻賊約有三百餘人在於楊老堡吹  
角吶喊拒敵官軍與賊對敵斬首數級餘賊敗遁收軍  
回還本月初八日賊首沈九又在谷蒙等處惑眾爲惡  
臣同右副總兵田禮督調指揮趙信并達官軍人等由  
羊腸進兵分爲二哨徑搗本寨遇賊約有三百餘人倚

于公奏議卷三

七

山崎嶇設伏隘口截路當督官軍整擄齊備與賊迎敵  
奮勇殺敗賊衆斬獲首賊申俊等六十七級生擒一名  
餘賊奔遁就彼劄營搜捕初十日收軍復回平越十六  
日准尙書侯璉手本開稱本職回至普定得患傷寒等  
病見在官軍無人統領勦殺疾早前來調度臣於十七  
日帶領輕騎兼程到於普定侯璉先已病故當督見在  
官軍撫勦餘賊及差諳曉夷情之人撫出爲惡四十餘  
寨及母總管奢牙等諭令回寨復業其有得法等寨累  
招不服本月二十日調領都指揮劉玉等官軍達官士  
兵人等直抵賊寨蠻賊拒敵當督官軍追殺斬首數級  
生擒二名餘賊奔走過江淪死數多獲其人畜火其巢

寨收軍回還普定等處賊情稍寧節該巡撫巡按等官  
王恂黃錦等節報貴州垂西等處苗賊聚眾劄營扇惑  
爲惡宜乘早進兵撲捕等因臣於本月二十七日統領  
都指揮劉玉脫孫等官軍人等復回貴州會同各官計  
議十月初六日親領都指揮劉玉李鑑脫孫陳禎宣慰  
宋昂等官軍達官土兵追勦初七日至小垂西兵分四  
哨攻打昆阻從等三寨各賊據險作亂埋立排柵拒敵  
我師臣督官軍身先士卒攻破賊寨斬首數級生擒四  
名各寨蠻賊投崖死者甚多火其巢寨剽其米穀牛馬  
人口給賞有功官軍就彼安營初八日差宣慰宋昂撫  
出開合等六十二寨寨長李深等赴營告降諭回復業

于公奏議卷三

十四

守路十六日移兵革馬等寨搜捕次日革馬罵等出營  
歸欵亦令復業其谷頂加等寨生勦督兵進勦倚恃山  
高陡峻林木深密樹立排柵二層拒守迎敵官軍人等  
伐木取路不避矢石奮勇力戰攻破排柵蠻賊中傷敗  
走投等當督官軍追殺斬首數級餘賊奔遁墜巖死者  
不知其數火其巢穴收軍復回貴州十八日右副總兵  
田禮統領都指揮鄭雋孫諒等官軍達官人等進勦大  
小平伐等處復聚爲惡蠻賊官軍至彼賊人預先將家  
小搬移遠遁止是精壯披甲執弩迎敵當領官軍人等  
殺敗斬獲首賊把肘亞等首級餘賊潰散本月二十二  
日准右參將都指揮使李友手本於八月十七日兵到

畢節九月十三日統領都指揮臣眞尹璿等官軍達官起程進至赤水哨至母猪洞箐木稀鋪下營差人哨看到馬砍隘口賊人伐木逐節開路兩傍林內苗賊藏伏十四日整棚精兵調都指揮同知臣眞等爲前鋒將關路樹木般伐取路並進有苗賊三百餘人占據山巔弩石如雨當督官軍分爲兩哨攀緣林木蟻附上山併力夾攻奮勇殺賊斬首四十五級餘賊潰散哨至層臺菁口賊兵約有一千餘徒各持挨牌鎗弩迎敵我師當令指揮劉潤等爲左哨田凱爲右哨都指揮臣眞等爲中哨官軍達官人等衝入賊陣銃砲火器舉發苗賊敗走斬首七十八級生擒二名追至層臺站邊又有苗賊二

于公奏議卷三

五

百餘衆迎敵官軍勇戰斬首四十六級生擒二名餘賊奔遁焚其賊巢兵進層臺前所左邊山上下營前後蠻賊約有三十餘人設伏迎敵官軍奮勇殺賊斬首三百二十八級生擒七名十六日官軍進至白崖賊兵約有三百餘人於草內突出後哨都指揮尹璿官軍達官奮勇追殺斬首二十四級餘賊投善遠遁當日兵至赤水衛會合四川行都司指揮鄭能等官軍隨差赤水衛諸曉夷情千戶劉本軍丁張宜等前去喚出永寧宣撫司土官宣撫奢普把事阿烏等到於赤水就令本官差人著令祿肇總管把事普奴撫出把事屋口等三十餘名出官欽遵詔書內事理撫化諭令復業各立界牌分保

赤水至永寧一帶道路其水寧畢節赤水普市摩泥等處站堡逐漸起發見在官軍人等復還本處蓋房住種及行永寧宣撫司差委通把人等前來白崖摩泥普市三處起蓋驛舍備辦站馬照舊應當驛傳等因備行到職臣等看得貴州地方諸夷雜處自去歲生苗倡首至今元惡未除遂使脅從之徒已散而復聚狐鼠之妖既降而復逆生靈荼毒邊境不寧臣等自奉命以來夙夜驚惕思竭愚衷仰仗恩威鼓舞士卒雖苗蠻屢次猖獗幸官兵所至克捷即今貴州自清平壩普定直抵畢節等處道路稍通苗蠻頗靖獨有平越清平都勻一帶夷類繁多恃強生劫其都勻僻處萬巢之中自官軍解圍

于公奏議卷三

六

擊兵之後蜀途仍被阻塞臣等除督見在漢達官軍往彼撫勦及委官軍分哨畢節等處地方候保定伯梁珪調領東路大軍至日會議邊事相機而行除將獲功并陣亡官軍人等取勘另行外緣係捷音事理具題該本部官欽奉聖旨兵部知道欽此欽遵鈔出到部切照貴州地方其赤水畢節清平平壩永寧普定等處自正統十四年以來爲因苗賊作耗糾集人衆殺掠民財攻圍城堡所在環爲盜區露齒蔽野皇上軫念蒼生特命尙書侯璉都督方瑛等充總督副總兵等官統領本都司及雲南等處官軍土兵人等前去撫捕以致賊勢屢敗圍困漸解後侯璉病故方瑛等乃能式遵神謀作興士

氣節次督領官軍出奇設法擣取賊寨斬馘凶徒化反側之心而為效順掃氛禳之氣而覩清明雖平越清平之寇孽未盡剪除而畢節普市之弊壞漸已修復其所建功績誠為可嘉若不先加褒獎何以激勵人心合無請敕獎諭副總兵方瑛田禮參將李友并殺賊頭目人等令其益勵忠勤鼓舞士卒勿為驕泰務收全功會同總督軍務右都御史王來總兵官保定伯梁瑤等將平越等衛一帶苗蠻密為期約表裏夾攻務在盡絕以除民害仍請敕王來梁瑤上緊統率各項官軍星馳前去策應方瑛等殺賊不許退縮遲延因而縱賊復作如違罪有攸歸候賊平之日通將有功官軍取勘明白備造

千公奏議卷三

七

文冊奏繳以憑定奪陞賞緣係請敕獎諭邊將及奉欽依兵部知道事理具題景泰元年十二月十八日奉聖旨是欽此

兵部為捷音等事兵科鈔出總督軍務都察院右都御史王來題先節該奉敕諭湖廣貴州等處地方苗賊作耗殺掠人民財畜肆為猖獗已嘗命將統率官軍并調達官土兵人等在彼征剿而賊尚未息若非設法撫捕必致師老兵疲人民不得安業其為邊方之患非細今特陞爾前職即命爾自河南往彼總督軍務自總兵參贊以下悉聽爾節制開今總兵參將等官各率官軍分駐辰沅并貴州等處動隔千里不能會合以致難以成

功爾須親詣各官屯駐所在會同總兵官保定伯梁瑤并副總兵都督方瑛等從長設法或分兵剿殺或併力剿捕務在剋期殄滅盡絕以靖地方欽此欽遵臣謹星馳前到湖廣辰沅靖州督調總兵參將等官分領漢達官軍土兵人等將天柱靖州銅鼓五開城武平等處苗賊截殺剿捕及逃遁餘賊俱各撫捕寧息節次捷音具題去後續該節奉敕得副總兵都督方瑛等奏貴州赤水畢節等處地方雖已稍寧然獨平越清平都勻一帶夷類尚多負固未靖要候梁瑤調領東路大軍至日會議相機行事敕至爾等作急計議如果湖廣賊寇稍靖可留參將等官在彼搜剿爾等即便統領官軍星馳

千公奏議卷三

其

前去策應方瑛等併力殺賊不可託故遲延縱賊猖獗如或湖廣賊勢眾大未可擊動重兵亦聽爾等相度而行務在詳審緩急之勢不許因循延緩就易避難有誤事機賊平之日通將有功官軍取勘明白備造文冊奏繳以憑陞賞欽此欽遵臣等議得湖廣之賊莫強於天柱靖州銅鼓五開等處今既撫捕寧息別無生劫事情合就統率官軍前去策應方瑛等併力殺賊就於沅州將官軍通行賞犒作其敵愾之氣示以攻擊之方於景泰二年二月初六日到營揆次兵糧俱進貴州興隆清平平越等處催督方瑛等軍馬前來東西會合臣等定議協謀督調總兵參將等官分路進兵將各處為惡苗

賊逐一擒勦兵鋒所指勢若摧枯各哨官軍齊進香爐山寨周圍下營嚴加固守致將偽稱苗王賊首韋同烈等捕獲捷音具題及將苗王韋同烈等解京去後爲照香爐山寨餘賊雖稱投降卻要官軍退出纜方下山聽撫領榜臣看得香爐山占據清平平越之中懸崖峭壁形如磨盤至頂約有七十餘丈周圍計句二十餘里其賊環頂立寨堅築排柵三層人莫能上固爲至險實乃首惡之巢又且都勻草塘諸處之賊皆來探此事情相爲消長今官軍既已劄營圍守若即從擊這恐賊設計量我虛實以此圍守益堅埋築排柵五層晝夜巡警不息及有湖廣都布按三司左參政宋欽右參政甄完右

于公奏議卷三

九

參議孫節按察司副使陳質僉事沈慶署都指揮僉事楊茂等俱各効謀奮力星夜運糧前到軍前相濟自辰州起至貴州清平平越都勻等處水陸路程雖是遙遠各官設法裝運將人夫船隻驢匹擺列行伍魚貫而來千里相連絡繹不絕士卒歡心益增軍勢但緣山崖峻陡攻打之具如飛鎗火箭弓弩之類皆不得到圍至五十餘日其賊畏威堅執不下後有右參將都指揮李震并把總都指揮曹廣江澤雲南左衛指揮僉事狄武荆州左衛正千戶黃貴等詣曉襄陽礮臣令各官提督各營星夜製造完備自五月初九日至十四日連日四面節次攻打礮石纔得到寨裂其崖壁破其房屋約計萬

有餘間傷亡在山賊衆不知其數於是各賊怕死無計只得哀告我等俱係苗王韋同烈等係從人衆今大軍攻圍正是怕死不敢下山若放我生路情愿下來投膏認納糧差臣等議得貴州之賊惟興隆清平平越都勻等處皆因賊首韋同烈等扇從爲惡猖獗尤甚今賊首既擒而餘賊圍困日久事情已極不戰而屈矣以此許其苗頭人等親到軍前審勘真實以憑招撫本月十五日在山灣溪菜潮等寨苗頭羅義等一十二名各用藤舊辦納糧差情愿起蓋屯堡房屋子子孫孫永遠不敢爲惡等情臣等宣布詔書寬恤事理致其將虜去軍民

于公奏議卷三

十

男婦共二百五十七名口并糧俱送到官從公驗發收領苗衆皆跪拜感激盡將其山林木砍伐房屋燒毀苗衆俱赴軍前請榜當卽省令羅義等就爲寨長管領各苗回寨住種外至本月二十四日移軍清平臣會議都勻答干爛土諸寨地接廣西南丹草塘西煙等處境屬四川樓州比先圍城陷軍之賊雖係賊首韋同烈等糾集肆惡而賊衆圍聚則結打草塘都勻自賊作耗以來並無官軍抵其巢穴恩威未加未能畏服今平越清平都勻之境固已寧息而結聚之處若不乘勢長驅且撫且捕悉以平之譬猶止沸而不抽薪山成而虧一篑於是按圖相機審用鄉道誓戒官軍務全已成之功無勞

再役之舉於是大眾咸動各相奮勵剋期於本年六月初二日分哨前進臣督同右副總兵都督方瑛左參將都督陳友右參將都指揮安順并右益丞梁達守備都指揮張任貴州布政司右參議尹弼把總都指揮汪澤任忠指揮李景周宗并諸曉鄉道平越衛指揮同知趙信等統領官軍由平越一路進抵王都堡等寨總兵官保定伯梁瑄并監察御史焦寬統調都指揮曹廣吉世英范真等并守備黃平諸曉鄉道指揮楊鑑等統領官軍由興隆一路進抵黃平上塘等寨及行巡撫四川本院右僉都御史李匡將守備播州官軍就彼整朔進至草塘彼此協應左副總兵都督毛福壽右參將都指揮

于公奏議卷三

五

李震參贊軍務兵科給事中劉清并協贊軍務按察司副使李睿等統領官軍由必撥等寨併進直抵都勻是日啟行雖當暑月而天氣清涼將士同心軍威大振旌旗耀日戈戟飛霜撫捕兼行軍民皆慶天道助順皇上威德之所洽也既而進兵之處各路附近苗蠻修理橋道迎迓官軍臣遣千百戶蕭俊錢雄等齎執旗牌前去各哨傳報但是來降苗人令其各置布旗一面開寫已招二字於各寨門首懸掛不許官軍一毫搔擾後有都勻邦水及王都堡二百榜等諸處各寨之苗聞知大軍四面齊進自本月初二日至十一日率其種類牽趕牛羊驢馬趨諸軍門投降歸順者千百為羣惟恐後期且

言賊首韋同烈等驅脅逼從之故今大軍到來乞全殘命情愿辦納糧差永為良民及將比先失陷被虜軍民男婦節次送到七百餘名俱已遞發原籍原衛收領臣等謹遵敕命昭宣德意開諭禍福內取其年齒可以服人者立為寨長名色令其管束苗眾保守地方舉皆感激悔罪請領榜文而去隨處軍民男婦無老無幼相聚觀駭咸謂苗賊投降未有如今日之盛其草塘等寨諸苗各稱俱有本管官司俱赴播州宣慰司等衙門聽招去訖臣惟湖廣之靖州天柱銅鼓五開貴州之平越清平都勻興隆等處苗蠻夷類俱已撫捕盡息二處地方皆已無虞矣仰惟皇上膺天眷之隆撫中興之運聖謨

于公奏議卷三

五

神武震越萬方俊德成功光昭四海是以臣等庸劣之才奉諭討賊仰仗天威得以伸犬馬之勞效涓埃之力累月之間掃除凶慝大拯塗炭宏復疆土廓清邊方四民樂業萬里騰歡振旅旋師凱歌載道誠萬萬年太平之福也豈勝榮幸臣等會議得從征官軍民壯人等委的在外年久況今天道炎熱糧餉不充俱各疏放回還及照貴州平越清平都勻等衛被賊圍困月久官軍餓死數多即今城池空虛會同副總兵方瑛計議將四川雲南該放官軍內暫且減數量留各衛防守另行具題其前項衛分已有都指揮僉事張任陳源及湖廣靖州等處已有都督同知陳友各奉敕書提督守備外及見



在達官舍民合無分俵辰沅靖等州衛安插就令陳友  
管領協同各衛官軍操守惟復仍令都指揮曹廣帶回  
臣同總兵官保定伯梁瑄俱至荊州將取剿到獲功自  
軍人等功次查類文冊奏繳及副總兵參將參贊等官  
俱於沅州等處駐劄聽候數內右參將都指揮僉事李  
震安順俱係銓注湖廣都司官員合無令其回司并內  
官阮黎梁達內使龔榮張貴俱係欽差選調達官前來  
殺賊等項官員惟復一體回京緣係捷音及聽候班師  
事理具題又該總兵官保定伯梁瑄亦題前事本部官  
欽奉聖旨既地方俱已寧靖兵部計議可留鎮守撫民  
及取回名數來說欽此又該巡撫貴州大理寺右丞丞

于公奏議卷三

三

等官王恂等題為防禦邊患等事該貴州都司等衙門  
都指揮同知等官張銳等呈據金筑安撫司申景泰二  
年五月初八日備把事蔣潮斌呈有賈搖寨長桑種等  
報本日夜被賊約有三百餘眾各點火把進寨燒毀房  
屋米倉殺傷紐的七等虜去黃牛三十一隻馬三匹男  
婦的郎一十八名口等因來報督同馬軍何用彰等追  
到翁階寨被賊在彼圍住將本處田木用刺拖毀為是  
賊寇猖獗人馬寡少不能追捕及據翁階寨民人劉文  
恭報同夜有賊三百餘徒進寨燒毀房屋米倉殺死男  
婦唐氏捉去男女阿妹等三人水黃牛五隻馬三匹砍  
死豬鵝等件當督馬兵分投追趕賊往東苗坡上去訖

于公奏議卷三

三

又於本月日期不等節據貴州宣慰安順等州司并貴  
州等衛軍民楊存恭等節報苗賊出沒截殺人口搶掠  
牛畜家財等因類呈到司已經呈蒙巡撫巡按等官轉  
行領兵官員督軍撫捕外今照前因會同貴州布按二  
司左布政使等官董和等參看得前項賊情因是大軍  
分駐各處及貴州官軍數少不能剿捕本年自正月以  
來節據貴州宣慰等州司并普定等衛呈報賊情殺死  
軍民男婦三百四十八名口虜去軍民男婦一千一百  
五十二名口搶劫牛馬家財不計其數要行量調官軍  
駐剿等因先已累呈各該總兵等官去後緣副總兵方  
瑛等雖稱統領雲南四川官軍駐守貴州其見在數少  
而苗賊恬不知懼仍復出沒劫掠蒙督總兵領軍征  
剿湖廣天柱等處苗寇開通路道軍威遙振而貴州遠  
近苗賊聞風稍畏遁其永寧畢節一帶衛分有參將  
李友在彼統領官軍亦藉大軍威勢頗得固守地方稍  
通糧運本年二月二十一日有副總兵方瑛統領官軍  
前去清平等處會合大軍剿賊議留雲南都司都指揮  
鄭儒等管領官軍分哨擺堡協同貴州官軍駐剿護運  
糧道比之先在官軍愈加數少又大軍攻圍香爐山寨  
未曾統臨貴州以此前寇窺伺虛實復縱劫掠尤甚於  
前聲言等候大軍回還要來攻城等語其貴州屬衛守  
城旗軍先因苗賊殘耗數多連年不得耕種饑餓切身



如此賊情不息不能安生多有逃移轉徙各處求食雖常招撫不見回衛今在衛官軍多者不過五六百名少者僅有二三百名城池空虛缺軍固守況苗賊巢穴相近各衛要害若大軍不歷貴州各處征剿不惟鄰近衛分難守其永寧畢節一帶苗賊爲患難測又貴州米糧卽今高貴爲因軍民饑餓困弊難累加賑濟終無充餉況倉糧數少存留供給征進大軍支用別無接濟實難存恤照得雲南四川官軍調征年久因聞班師逃移數多雖有見在之數不免思鄉戀土似無戰心及照先該總兵官官聚統領大軍僅能開通剗佐抵寨一路其新平越等衛不曾遍歷苗賊出沒攻劫營堡幾陷城池後

于公奏議卷三

美

有總督軍務侍郎侯璉進兵各衛方得解救不期輒便回還掣兵其彼處一帶苗寇復作殺死四川官軍百餘員名前項衛分道路仍復阻壅查得近奉總督軍務右都御史王來劄付內開大軍班師在邇若不請留持久駐剿誠恐各賊尤肆猖獗聚眾攻城無軍策應地方難守且貴州係雲南要衝貴州儻或失守雲南關係非輕呈乞定奪等因備呈到職查得前項賊情已經通行去後今呈前因會同巡按貴州監察御史汪瑗并都布按三司都指揮同知等官張銳等計議相同除案令貴州都按二司轉行右副都御史王來保定伯梁珩外緣臣等撫巡地方深爲可慮伏望聖恩憐念邊方生靈乞敕

該部合無將雲南四川官軍著落各都司照數另撥更替輪班征剿仍乞敕總兵官平蠻將軍保定伯梁珩等駐兵邊剿候賊情寧靖地方安妥奏請定奪實爲軍民之幸緣係賊情及請留官軍駐剿事理具題該通政使司官奏奉聖旨兵部知道欽此欽遵通鈔到部參照總督軍務左副都御史王來總兵官保定伯梁珩具奏湖廣之靖州天柱銅鼓五開貴州平越清平都勻興隆等處苗賊夷類俱已寧息二處地方皆已無虞要行班師回京而巡撫貴州寺丞王恂同巡按貴州監察御史及都布按三司官劄奏貴州普定永寧畢節等處苗賊復竄劫掠尤甚於前聲言等候大軍回還要來攻城仍乞

于公奏議卷三

美

梁珩等駐兵剿賊一節緣貴州地方正與湖廣辰沅靖州等處相連所在土官衙門蠻夷種類數多易動難安合當留意整飭庶幾地方安妥今湖廣邊境賊寇雖已平安而貴州地方苗蠻仍復剽掠所據王來梁珩等係是總督總兵等官統領大軍撫捕賊寇各官舉動之間兩處安危所繫難便輕易准令班師及看得前項殺賊官員內都督王斌先在延綏等處守備累次攪擾邊務該本部參奏欽調貴州殺賊今訪得本官年老目疾不堪任事及都指揮曹廣先蒙管領東昌等處達官民舍往湖廣貴州聽都督毛福壽等調度殺賊今照前項達官民舍既有毛福壽陳友等管束合無行移該府差人

馳驛齋文將王斌曹廣取回赴京曹廣就留在京操練  
王斌合無令應襲兒男替職仍請敕王來梁瑤毛福壽  
陳友李震安順劉清等調度原領官軍達官人等星馳  
前去貴州會同方瑛李友督同彼處都布按三司并各  
該土官衙門官員分投選調官軍土民人等將貴州并  
永寧普定畢節等處作耗苗寇設法運謀相機撫捕務  
在擣其巢穴而翦其根株俾患害蠲除而人民安堵明  
白開奏不許輕易回師及逗遛不進以致賊勢益張地  
方受害自取罪愆仍令王來梁瑤等計議雲南四川調  
來殺賊官軍應否行移原衛撥人更替徑自區處施行  
并請敕方瑛李友同巡按貴州監察御史等官嚴督各

平公奏議卷三

五

該官軍土兵人等約會王來梁瑤等夾攻剿殺賊寇不  
許推調遷延因而誤事候兩處賊情十分寧帖公同湖  
廣貴州巡撫巡按并三司官員會奏聽候明降班師緣  
節該奉欽依兵部計議可留鎮守撫民及取回名數來  
說及奉欽依兵部知道事理具題景泰二年七月十一  
日奉聖旨是欽此

兵部爲軍務事兵科鈔出巡撫四川都察院左僉都御  
史李匡題欽蒙敕令臣提督都行二司官軍撫捕播州  
苗寇除欽遵外照得播州貴州相爲唇齒貴州在平南  
而賊附於播州播州在於北而賊附於貴州其草塘江  
清水江在乎貴播之中蓋賊人之巢穴也播州雖有官

軍七千餘衆僅能據烏江之險守要害之地者九處以  
防禦侵境之賊及隄備貴州糧道若欲勦平草塘等處  
賊人必得貴州大軍會合夾攻庶幾事有成效而無意  
外之失近該總督軍務本院右都御史王來同正副總  
兵參將等官統領大軍自湖廣前來貴州臣咨請王來  
先行會兵取草塘等處使播州無回顧之心就調守備  
播州官軍併力前進以靖地方用緩民力績准王來回  
咨開待貴州香爐山剋伐之後分兵會取草塘等處後  
訪得香爐山極貴州之險爲照用兵之道當先取易以  
振威不可先難以到銳致被其頑之賊負固抗敵日久  
不下臣竊以貴播地方之平在此一舉若或稍御賊風

平公奏議卷三

五

益熾臣於景泰二年五月初六日摘撥守備播州各隘  
口官軍二千員名親自領去策應十四日行至龍里衛  
據貴州按察司奉右都御史王來劄付開彼處軍馬足  
句調用仰本司轉行與臣領軍回還臣依呈回至播州  
本年五月三十日該王來差百戶余瑾馳驛齋咨與臣  
開香爐山賊人招撫下山議令副總兵毛福壽方瑛參  
將安順李震等分領官軍俱於六月初一日起程自平  
越衛進一路自黃平千戶所進一路自偏橋衛進俱至  
草塘會合播州官軍剿除前寇臣訪得平越與黃平到  
草塘路該兩日軍行四日播州到於草塘路該六站當  
於各隘口摘撥官軍四千土兵二千亦於六月初一日

起程初五日到烏江初六日過江初七初八日就彼駐劄探聽貴州軍馬聲息據監察御史焦寬呈開會同都指揮曹廣等統領軍馬已到黃平臣初九日起營十一日到草塘官軍分作前後三營土軍分作左右兩營並無貴州三路軍馬來致被彼處賊人渺視孤軍深入重地日夜在於西山吹角吶喊臣恐各賊邀截後路拘喚經過去處聽招寨長到營諭以利害禍福給與賞勞令將精壯人丁隨軍征進杜其異心其餘以次人丁守備糧道戒諭官軍死戰則生又有陞賞之榮退縮則死雖逃生而又有犯法之辱官軍自知深入重地援兵未至莫不激勸奮勇本月十三日夜賊人不知其數來劫

于公奏議卷二

无

前營官軍知覺奮勇對敵斬首九級賊人退散壯勇官軍生擒賊人四十五日賊人約聚二萬餘衆前來拒敵前營都指揮僉事李銘領軍當其中後營指揮同知陳道李經等領軍扼其左中營指揮使李璠同知李文郭振等領軍扼其右土兵隨官軍之後一正兩奇四圍夾攻官軍奮勇効死一戰斬首四百四十五級生擒三人餘賊丟棄鏢弩挨牌盔甲盡行潰散官軍追逐三十餘里焚其巢穴煙焰漲天獲到被虜軍民男婦二十一名口軍勢奮迅賊風披靡若得貴州官軍加以數千策應則草塘等處地方可不一月平定臣於十六日差健步前去各寨招安各寨苗頭前來黃平千戶所取軍前來

策應及差土人前去各寨招安各寨苗頭漸來納款續據本所申稱總督總兵等官已行班師去訖爲是孤軍及恐苗情多詐只得回還參照會兵剿賊最爲重事雖是時刻不可稽遲今右都御史王來約臣進兵深入重地卻乃班師回還非獨欲陷臣致死實欲損朝廷之軍馬誤朝廷之地方原其立心實是陰險幸藉朝廷洪福全勝旋師於本月十九日起營回還緣係捷音及照右都御史王來亦合有罪具題該本部官欽奉聖旨兵部知道欽此欽遵鈔出到部查得先該總督軍務右都御史王來總兵官保定伯梁瑤各奏湖廣之靖州天柱銅鼓五開貴州之平越清平都勻等處苗蠻夷類俱已撫

于公奏議卷三

无

捕盜息二處地方亦皆無虞要行班師回京及該巡撫貴州寺丞王恂同巡按貴州監察御史都布按三司官又奏貴州金筑安撫司并普定畢節等衛苗頭復縱劫掠尤甚於前聲言候大軍回還要來攻城仍乞梁瑤等駐兵剿殺等因具題本部已經覆奏請敕王來梁瑤等調度原領官軍達官人等星馳前去貴州撫捕賊寇續該王來又奏貴州三司不當將前項賊情奏報等因本部爲照貴州係是重地其都布按三司等官既見賊寇侵擾地方不得不奏王來係總督軍務官員不思自己不能統兵前進肅清邊境卻歸罪於別人事屬不當又經覆奏就令差來奏事人馳驛齎文與王來梁瑤等作

急督領官軍前去會合右副總兵都督方瑛照依敕內  
事理設法撫捕苗寇去後今鈔前因臣等切惟受上命  
而弭寇安民者責任之至重挾姦計而玩寇殃民者法  
令所難容照得都御史王來猥以小才驟膺重任職都  
風紀總督兵戎正宜竭忠盡誠運謀勦力掃除作耗之  
苗蠻慰安遠方之黎庶必候事盡寧安方可奏請班師  
豈期本官懷姦挾詐長寇殃民惟陰險之是圖棄信義  
而弗顧既行移巡撫四川僉都御史李匡領調官軍到  
於貴州草塘會合剿賊及至李匡督率官軍冒險遠進  
累遇賊衆而王來卻乃先行班師並不發兵策應以用  
兵爲兒戲視邊務如等閒俾李匡進退兩難使孤軍深

于公奏議卷二

入無援若非李匡等仰仗天威奮勇敢戰萬一寡弱不  
支誤中賊計非惟益賊寇之縱橫抑且遺蠻夷之恥笑  
所據王來不忠不義陷人死地止知遂己之姦謀不恤  
朝廷之大計其爲罪惡實等淵海及照總兵官保定伯  
梁珣與王來彼此相資同惡相濟不候賊寇殄滅輒便  
一同班師原其情犯厥罪惟均況今邊方多事軍務爲  
先王來梁珣爲總兵之官而廢法玩事如此若不行提  
問罪無以大彰天討垂戒將來合無令法司將王來梁  
珣通行提取赴京問罪仍乞聖裁另選忠誠智勇文武  
大臣各一員代替王來等充總督總兵前去貴州撫捕  
苗寇如其聖恩寬大未卽加誅亦乞請敕切責王來等

令其改過遷善奮勇設謀務在蕪滅遺寇候事畢另行  
提取問罪及請敕獎勵僉都御史李匡旌其能恤鄰邦  
之忠躬提孤軍深入又能殺敗賊寇擒斬賊首當益勵  
忠勤用心教練軍士聽候調用仍將殺賊有功官軍取  
勘明白從實造冊開奏以憑定奪陞賞緣王來梁珣係  
欽命總督總兵官員及奉欽依兵部知道事理具題景  
泰二年七月二十七日掌部事少保兼本部尙書于謙  
等於奉天門奉聖旨李匡離奏王來梁珣如此姦謀玩  
寇殃民未知虛實邊境正用人之際便寫敕去著上緊  
領兵前去貴州殄滅賊寇將李匡奏的事情與他看著  
從實回將話來欽此

于公奏議卷三

兵部爲軍務事兵科鈔出總督軍務等官都察院右都  
御史王來等題景泰二年八月十四日節該欽奉敕諭  
巡撫四川左僉都御史李匡奏爾等差人往彼期約於  
六月初一日三路進兵俱至草塘會合播州官軍剿除  
苗寇及李匡領軍到彼而爾等班師致令孤軍無援幾  
陷賊計朕覽貴州三司并李匡所奏則彼處地方多未  
寧靖而爾等不行用心殄滅輒便班師玩寇殃民罪不  
容恕但今用人緊急姑記爾罪救至爾等作急統領官  
軍前去貴州將前項有賊地方逐一搜剿盡絕掃除邊  
患不許頃刻稽遲縱令各賊復肆猖獗有誤事機仍先  
將李匡所奏事情從實回話奏來處置欽此欽遵續准

兵部咨該巡撫四川左僉都御史李匡題欽蒙敕令臣  
提督四川行都二司官軍撫捕播州苗寇除欽遵外照  
得播州貴州相為唇齒貴州在乎南而賊附於播州播  
州在乎北而賊附於貴州其草塘江渡三百勞清水江  
在乎貴播之中蓋賊之巢穴也播州雖有官軍七千餘  
衆僅能據烏江之險守要害之地者九處以防禦侵境  
之賊及隄備貴州糧道若欲剿平草塘等處賊人必得  
貴州大軍會合夾攻庶幾事有成效而無意外之虞近  
該總督軍務右都御史王來同正副總兵參將等官統  
領大軍自湖廣前來貴州臣咨請王來先行會兵攻取  
草塘等處使播州無回顧之憂就調守播州官軍併力

于公奏議卷三

三

前進以靖地方用緩民力續准王來回咨開待貴州香  
爐山克破之後分兵會取草塘等因後訪得香爐山極  
貴州之險為照用兵之道當先取易以振威不可先難  
以挫銳致冥頑之賊負固抗敵月久不下臣以貴播地  
方之平在此一舉若或稍卻賊風益熾臣於景泰二年  
五月初六日摘撥守備播州各隘口官軍二千員名親  
自領去策應十四日行至龍里據貴州按察司呈奉石  
都御史王來劄付開彼處軍馬足句調用仰本司轉行  
與臣領軍回還臣依呈回至播州本年五月三十日王  
來差百戶余瑾馳驛齎咨與臣開稱香爐山賊人招撫  
下山議令副總兵毛福壽方瑛參將安順李震等分領

官軍俱於六月初一日起程一路自平越衛進一路自  
黃平千戶所進一路自偏橋衛進俱至草塘會合播州  
官軍剿除苗寇臣訪得平越與黃平到草塘常行路該  
兩日軍行路該四日播州到於草塘路該六站各隘口  
摘撥官軍四千土兵二千亦於六月初一日起程初五  
日到烏江初六日過江初七初八日就彼駐劄探聽貴  
州軍馬聲息據監察御史焦寬呈開會同都指揮曹廣  
等統領軍馬已到黃平臣於初九日起程十一日到草  
塘官軍分作前中後三營土兵分作左右兩營並無貴  
州三路軍馬來致被賊人渺視孤軍深入重地日夜  
在於四山吹角吶喊臣恐各賊邀截後路拘喚經過去

于公奏議卷三

三

處聽招寨長到營諭以利害禍福給與賞勞令將精壯  
人丁隨軍征進杜其異心其餘以次人丁守備糧道戒  
諭官軍死戰則生又有陞賞之榮退縮則死雖或逃生  
而又有犯法之辱官軍自知深入重地援兵未至莫不  
激勸奮勇本月十二日夜賊人不知其數來劫前營官  
軍知覺奮勇對敵斬首九級賊人退散生擒四人十五  
日賊人約聚二萬餘衆前來拒敵前營指揮僉事李銘  
領軍當其中後營指揮同知陳瑄李經等領軍出其左  
中營指揮使李璿同知李文郭振等領軍出其右土兵  
隨官軍之後一正兩奇圍夾攻官軍奮勇効死一戰  
斬首四百四十三級生擒三人餘賊丟棄鎧弩盔甲挨

牌盡行潰散官軍追逐三十餘里焚其巢穴煙焰漲天  
獲到被虜軍民男婦二十一名口軍勢奮迅賊風披靡  
若得貴州官軍加以數千策應則草塘等處地方可不  
一月平定臣於十六日差健步前去黃平千戶所取軍  
策應及差土人前去各寨招安各寨苗頭漸來納款續  
據本所申稱總督總兵等官已行班師去訖爲是孤軍  
或恐苗情多詐只得回還參照會兵剿殺賊寇最爲重  
事時刻不可稍違今右都御史王來約臣進兵深入重  
地卻乃班師回還非獨欲陷臣致死實欲損朝廷之軍  
馬誤朝廷之地方原其立心實是陰險幸藉朝廷洪福  
全勝旋師於本月十九日起營回還緣係捷音及照右

于公奏議卷三

奏

都御史王來亦合有罪係掌握兵柄大臣通行具題伏  
乞聖裁該本部官欽奉聖旨兵部知道欽此欽遵鈔出  
到部查得先該總督軍務右都御史王來總兵官保定  
伯梁瑄各奏湖廣之靖州天柱銅鼓五開貴州之平越  
清平都勻等處苗蠻夷類俱以撫捕盡息二處地方皆  
已無虞要行班師回京及該巡撫寺丞王恂同巡按貴  
州監察御史都布按三司又奏貴州金筑安撫司并普  
定畢節等衛苗賊復縱劫掠尤甚於前聲言候大軍回  
還要來攻城仍乞梁瑄等駐兵剿殺等因具題本部已  
經覆奏請敕王來梁瑄等調度原領官軍達官人等星  
馳前去貴州撫捕賊寇續該王來又奏貴州三司不當

將前項賊情奏報等因本部爲照貴州係是重地其都  
布按三司等官既見賊寇擾地方不得不奏王來係  
總督軍務官員不咎自己不能統兵前進肅清邊境卻  
乃歸罪別人事屬不當又經覆奏就令差來奏事人馳  
驛齎文與王來梁瑄等作急督領官軍前去貴州會合  
右副總兵都督方瑛照依敕內事理設法撫捕苗寇去  
後今該前因臣等竊惟受上命而弭盜安民者責任至  
重挾姦計而玩寇殃民者法令難容切照右都御史王  
來猥以小才驟膺重職任都風紀總督兵戎所宜竭忠  
盡誠運謀勳力掃除作耗之苗蠻慰安遠方之黎庶必  
候事盡靈妥方可奏請班師豈期本官懷姦挾詐長寇

于公奏議卷三

奏

殃民惟陰險之是圖棄信義而弗顧既已行移巡撫四  
川僉都御史李匡領調官軍到於草塘會合剿賊及至  
李匡督率官軍冒險遠進累遇賊衆而王來卻乃先行  
班師並不發兵策應以用兵爲兒戲視邊務如等閒俾  
李匡進退兩難使孤軍深入無援若非李匡等仰仗天  
威奮勇敵戰萬一寡弱不支誤中賊計非惟益賊寇之  
縱橫抑且遺蠻夷之恥笑所據王來不義不忠陷人死  
地止知送已之姦謀不恤朝廷之大計其爲罪惡實等  
淵海及照總兵官保定伯梁瑄與王來彼此相資同惡  
相濟不候賊寇殄滅輒便一同班師原其情犯厥罪惟  
均况今邊方多事軍務爲先王來梁瑄爲總督總兵之

官玩法壞事如此若不行提問罪無以大彰天討垂戒將來合無令法司差人將王來梁瑞通行提取赴京問罪仍乞聖裁另選忠誠智勇文武大臣各一員代替王來等充總督總兵前去貴州撫捕苗寇如其聖恩寬大未卽加誅亦乞請敕切責王來等令其改過遷善奮勇設謀務在殄滅遺寇候事畢另行提問及請敕獎勵李匡旌其能恤隣邦之患躬提孤軍深入又能殺敗敵寇擒斬敵首當益勵忠勤用心教練軍士聽候調用仍將殺敵有功官軍取勘明白從實造冊開奏以憑定奪陞賞等因具題該本部官奉聖旨李匡雖奏王來梁瑞如此姦謀玩寇殃民未知虛實邊境正要用人之際便寫

于公奏議卷三

奏

敕去著上緊領兵前去貴州殄滅苗賊就將李匡奏的事情與他看著從實回將話來欽此欽遵通行備咨到臣除行總兵官保定伯梁琦欽遵外臣來查得景泰二年二月內准巡撫四川左僉都御史李匡咨開貴播賊徒相爲依附播賊非貴州之賊附集其衆不敢屯聚方今貴州之賊重在清越播州之賊結在草塘草塘雖隸播州其協草塘之民以非爲者又皆平越等處之苗令臣分兵一二萬令一總兵自興隆取路前來直抵岑貴與李匡會合併力克復草塘等因彼時臣與總兵參將等官俱於湖廣靖州回軍出至沅州犒賞官軍前進貴州議得貴州之賊惟平越清平都勻興隆最爲首惡之

處況賊首韋同烈等一向在彼圍城截路欲依李匡之計分兵取路先進草塘以安四川播州之境則彼官軍固爲快意可以釋其備禦之久而然貴州之平越清平興隆一帶賊寇方且阻截大路邀奪糧餉草塘何由而進縱萬一得進我之官軍如在甕中何由而出決然不可必須大軍且於大路前進與隆直抵清平平越會合副總兵方瑛等軍馬將附近大路爲惡苗賊東西夾攻以通糧道候前項去處道路疏通撫捕平靖兵糧並進其勢自屈不過掃蕩撫捕而已備由回咨去訖臣等統調大軍於本年二月二十二日至二十三日進至興隆果有賊首苗王韋同烈等聚徒三萬餘衆逞凶拒敵及砍

于公奏議卷三

奏

橋奪路當督官軍奮勇殺賊隨即乘勢直抵清平會合副總兵都督方瑛等官軍分哨長驅勢如拉朽各路苗賊無不望風披靡旣而躡探得賊首苗王韋同烈等因被官軍殺敗卻乃般上香爐山寨又欲糾合賊衆來拒官軍臣等又會同計議香爐山寨固爲至險是乃賊衆觀望之地今賊首韋同烈等奔潰去彼又欲聚衆儻或持久其勢益強卒難取勝莫若乘其弊敗衆心分攜之際嚴督各哨官軍俱進香爐山寨併力齊攻庶賊首可擒而餘賊可滅於是戒誓各哨官軍鼓勇奮銳分路攻打爲惡苗寨徑抵香爐山下週圍列營齊攻夾擊仰賴皇上聖威神武致將賊首韋同烈等擒獲餘賊聽招聞



本年五月初十日又據貴州按察司呈奉李匡副付近聞大軍攻圍香爐山寨而彼蠢然無知賊人尙猶據險未下今當職擇於本月初六日率領官軍前來策應合先行剗付本司轉報總督總兵等官知會如是克破請作急報知以免官軍往復等因備由具呈前來彼時臣等看得香爐山寨賊首已擒餘賊將下況見在官軍已旬攻圍今李匡既稱要行作急報知以免往復必是未曾起行況今天道炎熱未免虛費糧餉以此行文報知阻其前來免致軍士往復後於本月十二日香爐山寨苗羅義等率眾下山聽招臣等逐一撫令安業至本月二十四日領軍出至清平又行會議貴州所屬興隆清

于公奏議卷三

堯

平平越至西極險之處俱已勦捕甯息其都勻草塘雖係偏隅即合分兵撫捕以靖地方庶可班師臣來督調副總兵參將等官都督方瑛等統領官軍於平越一路臣珩統調都指揮曹廣吉世英并監察御史焦寬於興隆黃平一路俱進草塘左副總兵都督毛福壽等統領官軍俱進都勻仍行報知李匡將彼守備播州官軍前來協應俱於六月初一日起行前進會合撫捕自本月初一日至初八日節准都督方瑛等手本開將平越所進地方王都保等處苗頭阿郎等及黃平安撫司太平等寨寨長甘把楊等俱已招撫領榜及開草塘青池西煙等處各寨苗眾等俱稱四川播州管轄俱往原首官

司聽招去訖及據監察御史焦寬呈將前項緣由已呈李匡知會外候至本月初十日臣來於清沾患痢疾有都督方瑛到臣歇處說稱草塘苗民怕當兩處差撥以此要去播州聽招別無生拗事情會議間又准李匡咨稱四川守備官軍五年不曾更替飢寒切身死亡相繼在外征進疲弊之甚為照香爐山之賊既已投降都勻草塘必皆易取則是地方可平班師可必令臣來會同總兵等官早將四川都司官軍放回等因臣等議得四川貴州地里相參至為鄰近若將四川官軍先放其湖廣諸處官軍苦涉尤多則又何以拘執况大軍之眾進退一律豈可偏意自由以妨大計臣等不置准允候至

于公奏議卷三

堯

十四日因彼絕其消息回報臣又備將前項緣由及回軍事情行文差百戶余瑾馳驛齎報為是天道酷熱疫疴大作又恐糧餉不充官軍大衆勢不能駐且貴州以後別無事情來報以此公同副總兵參將參贊等官會議明白疏放官軍將前情各具本奏請定奪班師並無別項情由豈期李匡懷此深機逞功卻奏臣等立心陰險欲損軍馬欲誤地方臣等明領總督總兵之任使有損軍誤事臣等之罪何所容逃此李匡蓋是曠怪臣等不從其計先進草塘致其在彼守候月久又且阻其回軍不曾得與克平香爐山寨之功及不先放四川官軍以此結怨加詞過毀借使草塘之賊可以孤軍進剿則

播州守備官軍在彼經及三年咫尺一江猶且不敢過岸若非湖廣貴州官軍東西會合擒獲賊首韋同烈等及將清平平越興隆并香爐山素一帶地方剿撫盜息李匡未必肯來及至行文報知尙且遷延直待苗衆聽招之後纔方伺隙乘虛以計取功臣等又看得李匡等奏稱彼處苗賊渺視孤軍深入重地日夜在山吹角吶喊恐賊邀截後路拘喚經過去處聽招寨長到營諭以利害福福給與賞勞令將精壯人丁隨軍征進以次人丁守備糧道一節似非的實旣是深入重地賊人渺視孤軍恐有邀截緣何彼處又有聽招寨長與其同處一類之人肯出精壯人丁隨同征進以次人丁守備糧道

十公奏議卷三

聖

恐無是理其後又稱差人前去招安各寨苗頭漸來納款爲是孤軍只得回還此等情詞無非要見草塘之地皆李匡撫捕之功無有臣等軍威之力况草塘之苗先該副總兵參將開稱俱往四川播州該管官司聽招去訖各行李匡知會今其苗旣已聽招亦各放心自在忽見李匡官軍復來如何不驚惶吶喊防備抵禦是固情理之常若草塘之苗未曾聽招之時李匡官軍守備年久豈能領軍獨進前項事情軍民共知瞭然明白實難虛妄前者臣等具題聽候班師本內俱已開陳詳悉但臣等識見愚闇不能預防李匡陰謀致其羅織如此罪重丘山伏望聖恩憐憫特加寬宥臣等下情尤乞聖明

俯垂鑒察臣等益當盡心竭力統調官軍前進貴州將未靖地方逐一撫捕以除邊患及奉欽依李匡雖奏王來梁珩如此姦謀玩寇殃民未知虛實邊境正要用人之際便爲救著上緊領兵前去貴州殄滅苗賊就將李匡奏的事情與他看著從實回將話來事理臣等不勝戰慄感激具本及將李匡節次原來咨文及臣來回文謄寫隨本封進具題該本部官欽奉聖旨該衙門知道欽此欽遵鈔出到部案查先該巡撫四川左僉都御史李匡奏前事已經通行總督軍務右都御史王來總兵官保定伯梁珩令其照奉欽依內事理從實回話去後今鈔前因參看得王來回奏及繳到與李匡往復文移

十公奏議卷三

聖

內事情其王來旣於本年五月內克破香爐山寨出至清平會議得都勻草塘雖係偏隅卽今分兵撫捕以靖地方庶可班師王來督調都督方瑛等官軍於平越一路俱進草塘仍報知李匡將彼守備播州官軍前來協應俱於六月初一日啟行會合撫捕後李匡果於初一日領兵起程十一日到草塘地界彼時王來正當督兵倍道兼行前去策應設或人衆路遠倉卒難至都指揮曹廣軍馬已到黃平去草塘師行路止四日亦當飛檄曹廣領兵赴援表裏夾攻則草塘等處苗寇或可剿無遺類計不出此卻乃懷挾姦詐嫉忌功能不思李匡孤軍深入重

地寇賊環繞進則不可退又不能三軍之命懸於毫髮其望救援甚於水火而王來自五月二十四日到清平至六月十四日前後共二十日端坐一城稱疾不行啟發又不督令別路官軍前進至憑都督方瑛手本反據本官口說苗民聽招等因輒差百戶余瑾馳報李匡回軍又與梁瑤將大軍擅自疏放以致賊黨未平地方未妥及照王來身任總督手握重兵緩急賊情所宜知悉清平相離草塘不甚爲遠豈無差去哨探之人卻奏李匡絕無消息顯是躡探得李匡人馬已臨賊境忌有成功故意掣回大軍陰欲壞彼之事逞己之能又看得繳到與李匡往復文移內報知李匡要伊領兵前來草塘

于公奏議卷三

鑒

協應會合撫捕賊寇緊要咨文隱匿不曾奏繳卻將李匡今年正月內與伊促兵殺賊咨文內並不干涉者混黏奏繳又將五月三十日李匡與伊稟取回四川官軍咨文奏改於六月十一日到清平會議之後又不輸情服罪調弄繁文雖曰展轉彌縫終係辭理不直似此榮惑聖聽遮掩已非姦欺不忠行險誤事合當治罪再照李匡任風紀之要職膺巡撫之重寄明知四川播州與貴州都勻等處相連苗賊爲惡非止一日城池被其圍困人財苦於殺掠擁兵觀望不肯救恤聞知王來等大軍已於今年二月間起程進至香爐山寨等處撫捕賊寇漸已成功李匡至五月間纔領軍前去策應顯是虛

張聲勢意圖邀功及王來回報彼時官軍已旬攻圍止回李匡官軍中心不平卻將四川調去貴州殺賊官軍擅自移咨要行取回各逞私忿不顧大軍亦合有罪但王來見今總督軍務往來貴州湖廣地方撫捕賊寇李匡巡撫四川俱係軍事合無令法司差人將各官通提赴京問擬明白奏請發落另行奏差忠誠才智文職大臣二員更替王來李匡整理事務惟復且不提問各另請敕切責王來李匡并梁瑤等今後各要洗心滌慮改過遷善協心北志以副朝廷之託運謀勩力以安反側之患其有未平賊徒各照地方務在設法撫捕果有地界毘鄰勢必兩相應援必須救災卹患你我相濟以圖

于公奏議卷三

鑒

成功以社民害不許似前疑忌矛盾互相訐構是非有失大體致誤軍務如違一體治以重罪緣係具奏回話改奉欽依該衙門知道事理具題景泰二年九月初四日奉聖旨王來李匡各逞私忿不顧朝廷大事理當究問今邊境未寧且寫敕切責他每著用心整理邊務再不許互相訐構事發不饒欽此兵部爲地方賊情事兵科鈔出廣西按察司題准本司僉事蕭燮開據柳州府融縣申該里老盧志亮等呈節被羅城縣武陽等鄉首賊韋萬保等并本縣西山等處生擒梁非二等招邀賊衆千餘爲徒流劫鄉村殺虜人口自景泰元年正月至本年終殺虜男婦四千二百六

十三名口節經具告未蒙剿戮止是招撫前賊面從心異愈肆劫掠又自景泰二年正月起至本年七月止殺虜男婦四千二百九十八名口牛財房屋燒燬一空今蒙大軍征剿慶遠地方呈乞轉達移兵順剿等因又節據本縣并本府羅城縣申各據民人謝安奴等告景泰二年十一月十二月日期不等節被首賊韋公行覃朝鶴等糾合思恩府流來賊人岑勒陳等前來圍閉村寨殺虜人口今思岑勒陳係思恩府知府岑英屬兵其父岑公盤見跟知府用兵征進深知消息等因又准慶遠府牒呈據天河縣民羅錢等告被首賊韋善智等殺虜人口及節據本府宜山縣申據里老覃善通等呈告本

于公奏議卷三

呈

縣獠種村峒先因作耗撥與思恩府管轄今又復反蒙大軍抵巢戮其首賊俱未全復間有出官向化者終是面從心異近於景泰三年正月日期不等又劫本里中里等里古邕隴黑陳河大塘等村殺虜人口搶掠牛財聲言軍退又要殺害一縣乞調官軍搜殺等因備申移關到司又准本司僉事王驥關據梧州府里老民人涂立通等告景泰二年十二月十一日有本府赤水鎮巡檢司飛報蠻賊在於本府藤縣地面打劫至十二日有賊八十餘名到本府城外殺死人口二十七名口虜去男婦八十餘名口燒毀民房二百二十六家延燒城上房樓二千餘間將靖江王府奉祠周源虜去有梧州千

戶所千戶李順關閉城門任從賊人劫殺自卯至未不肯開門救護待賊過江住劄索要銀兩取贖人口有本府官用銀將周源贖回又據蒼梧縣儒學訓導郭紳呈被賊八十餘名在城外搶劫有千戶李順在家因娶男婦設席會飲將城門關閉不肯領軍出城其巡檢張進先知賊人流劫卻令民歛於城內蓋房般移家小入城亦不領兵出城以致將本職家小妻子大小一十一口盡數虜去且如丁憂知縣李素在家率領家人各執器械殺退賊人及民歛莫以密執鎗在街賊不敢闖等情移關到司又准平樂府牒呈據梧州府蒼梧縣民人陳廣昌告用船裝載軍人尹釗等鹽貨前往廣西景泰三

于公奏議卷三

呈

年正月初六日行至本府地名豬牙灘遇見蠻賊一蹤各執刀弩行凶打劫軍人童昇被趕落水身死本月十一日蠻賊又到本府廣運驛殺死水夫一名將站船燒毀等因又准潯州府牒呈據桂平縣木盤浦巡檢司申景泰三年正月初五日見得地名武宣陸廟有小船四十餘隻裝載賊人各帶鎗刀不知數目又有小船二十餘隻裝載妻小亦到說稱我們有一千人入龍山去了今有二千來合眾去打各處鄉村又准梧州府牒呈據蒼梧縣申景泰三年正月十三日有大腦山蠻賊黃大用等約有五百餘名流劫本鄉地名小水邊棹等一十二村財物殺死民人梁新等四十二家人口男婦三十

六名口虜去耕牛一百二十四隻燒毀房屋四十二家  
禾倉四十三座等因牒呈到司除行左副總兵都督僉  
事武毅等及行各巡檢司整棚兵牌嚴加隄備外照得  
卽今廣西各府地方蠻賊肆暴略無畏懼蓋因今次行  
師多在招撫其爲惡首賊韋萬秀等俱已遠遁不曾被  
剿以此各處賊人愈加肆志緣此等猛蠻稟性其頑可  
以威服而不可以德化故軍威盛則受招軍威退則肆  
暴經年累歲習以爲常必須痛加剿殺方可制服廣西  
人民被害至極伏望皇上重念邊民乞教左副總兵都  
督僉事武毅等將前項蠻賊痛加剿殺以除民患及照  
千戶李順遇賊畏縮關閉城門致賊人殺虜人口數多

于公奏議卷三

聖

合當提問具本該通政使司官奏奉聖旨兵部知道欽  
此欽遵鈔出到部參照廣西按察司奏稱前項賊勢猖  
獗蓋因今次行師多在招撫不曾剿殺以此賊人肆志  
要乞總兵官痛加剿殺一節切緣華夏蠻貊之人皆係  
朝廷赤子兵刑二者固不得已而施貴在恩威並行然  
後人無不服故防姦禦侮之道固難一於招撫亦難專  
於誅殺蓋可撫則撫可捕則捕貴在相機而行隨宜而  
處豈可專務威刑果於殺戮又况各項賊寇比先俱係  
良民或因飢荒衣食所窘或因不才官吏侵漁激變以  
致結聚爲非連歲不已總兵等官又行息忽玩寇不卽  
撫捕寧息因而賊勢盛張人愈受害合無差人馳驛齎

文與廣西提督軍務刑部左侍郎李棠公同副總兵都  
督僉事武毅等督同都布按三司委官調度官軍民快  
人等將前項賊寇務在相機設法安撫剿捕日下盡絕  
以除民患不許猶豫狐疑因循退縮以招撫爲名縱賊  
寇之猖獗或行師不以紀律殺害良民致貽激變以誤  
藩方大事臨期卒難整飭如違一體參究治罪其奏梧  
州千戶所千戶李順遇賊退縮關閉城門致賊殺虜人  
口數多要行提問顯是李順無勇無謀失誤事機合當  
懲治以警其餘合無行移都察院轉行巡按廣西監察  
御史將李順提問如律監候具奏發落緣係處置賊情  
參問軍職及奉欽依兵部知道事理具題景泰三年四

于公奏議卷三

聖

月初九日奉聖旨是欽此  
兵部爲邊情危急事兵科鈔出左副總兵都督僉事武  
毅等題據慶遠府備宜山縣申該本縣古陽鄉民人謝  
包等告景泰三年二月初十日被思恩府述晃等鄉首  
賊韋萬秀覃潮海李應填韋法勝等一千餘徒各帶衣  
甲張打金鼓旗號分攻打蓮塘等四村殺死父弟謝  
宗舉等三十六名虜去男婦六十九名口將父謝宗舉  
等四名綁去賊營刺血祭旗營內寫書一紙罵稱父宗  
舉賣地方與岑瑛先前作反皆因科擾重大激變後象  
宜山縣招安你要告大軍來殺我你衆人不去告討地  
方還我務要殺絕一縣良民得此切思本縣作耗地方

比先撥土官知府岑瑛管治以蠻治蠻止望軍民安業不期自撥之後科擾重大因此激變殺害軍民今知府岑瑛見賊數多坐視不救等因又據本府備宜山縣申該古陽鄉民人石應等狀告本年二月十二日寅時分被首賊韋萬秀等約有一千餘徒騎馬各執鎗刀圍閉鄉寨殺死民人莫永端二十四名生捉謝暖等三名祭旗虜去男婦八十三名口劫去牛隻燒毀房屋劊營二日韋萬秀大叫若退地方與彭大人同宜山縣我每再不做賊若不退地方仍與岑知府管你百姓休望種田務要殺截等因又據本府備宜山縣申該民人陳子狀告被首賊韋萬秀等五百餘徒圍閉小廖等寨殺死莫

千公奏議卷三

覽

敬方等六名乞撥官軍救應等因備申照得近准右參將都督同知孫麒咨本年二月十八日有賊二千餘徒圍劫德藤小廖寨及稱要行打劫城堡關廟鄉村又有洛東田心等村賊人約有一千餘徒搶去大曹驛放草馬二匹賊在提點江埠聚劊首賊韋萬秀又招天河富祿白藤魚良等處賊人蒙陳萬等隨同節次殺虜人財四面蜂起要添調官軍前去截殺等因臣會同巡撫廣西兼督軍務刑部右侍郎李棠巡按廣西監察御史張瀾廣西布按二司布政使夏時按察使王增祐等議得先該首賊韋萬秀等聚眾作耗不服招撫仍復聚眾殺虜不息又經調撥官軍土兵於景泰二年冬月抵巢征

勦有首賊韋萬秀等逃遁不獲至景泰三年正月土兵回還農種存留右參將孫麒統率原征官軍四千三百餘名在於慶遠河池駐劄哨捕及將地方暫令土官知府岑瑛撫管聽候并將征剿前賊勦撥地方緣由會本具題去後今報賊人蜂起殺害人民要添官軍戮殺及賊稱要退地方與彭都指揮同宜山縣撫治不願岑瑛管束等情形聞又准右參將孫麒咨據岑瑛呈要將前地方退與宜山縣招撫本職領軍回府聽調等因除取調都指揮同知彭英齋榜前去招撫以順夷情就留本官在彼常川哨守查得原領抵巢勦賊官軍除調到土兵及分守各處緊要地方官軍難以摘動止有調征官

千公奏議卷三

辛

軍六千一百餘名內存留右參將孫麒處官軍四千三百餘名及咨委左參將署都指揮使范信摘領官軍一千五百餘名前去潯梧二府策應緊急賊情在彼亦難摘離臣原領并回柳州官軍共一千六百餘名又因來賓柳州等處賊徒出沒陸續調去策應即今臣處止存官軍六百餘名刑無官軍調去慶遠策應賊人四散傳遞木刻招聚徒眾守把險要江路日加滋蔓况柳州府馬平遷江等處及慶遠府忻城天河河池等縣招撫向化獠獠雖緒釋差人省諭安業各蠻原係狼子野心儻窺伺邊備不固被其扇惑隨同為惡變生不測失誤地方事勢至此尤難拯救伏望聖恩憐念邊方乞敕兵部

量加添調官軍前來策應庶解邊民創懸之苦緣係邊境危急事情具本該通政使司官奏奉聖旨兵部看計議來說欽此欽遵鈔出到部查得先該慶遠府宜山縣知縣張宗等奏稱本縣原有逃晁等鄉民獐村分洪武年間開設管治正統六年間有老人黃祖記等交結思恩府知府岑瑛奏蒙總兵等官將前項地方撥與岑瑛管束自撥之後首賊韋萬秀等不服岑瑛管束流劫不已要照舊仍屬宜山管束等因行該副總兵都督僉事武毅等回奏會議得若依張宗等所奏將逃晁等鄉賊峒退還本縣誠恐原撥過武緣上林地方獐獐數多一舉倣效動搖為患非小合仍令岑瑛管束等因具題鈔

于公奏議卷三

至

出本部為照即今副總兵等官武毅等計議回奏要令岑瑛管束合當依擬已經奏准行移武毅等照依所擬事理施行續又該武毅同廣西都布按三司等官節奏彼處賊情緊急又經不次具奏行令武毅等務要調度官軍上緊設法撫捕并催督廣東等處原調廣西操備官軍作急赴廣西聽調去後今鈔前因參照宜山縣逃晁等鄉地方既是夷情如此激切不願岑瑛管束拮据歛怨不能奉公撫恤而副總兵武毅等比先亦各因循苟且不曾仔細體訪下情符同回奏今岑瑛管治不旋踵間而賊首韋萬秀等不甘因而作耗貽害良善武毅等卻奏又要撥還宜山縣管治前後所奏不同彼此才

斤不一蓋因各官平日循私廢公處置乖方以致賊劫鄉村殺掠人財良善受害不可勝言而武毅等顧乃因循日月擁兵自衛邊務民患畧不究心近該廣西按察使王增祐等具奏彼處賊勢猖獗蓋因今次行師多在招撫以此賊人肆志等因於此可見武毅等在彼不能振肅兵威懾服姦宄以副朝廷之委託以為地方之保障似此無勇無謀玩寇誤事不謂立有寸功專務虛文延調所為若此人何賴焉且廣西都司查得官軍舍餘共有四萬四千八百之上又有民快人等相兼調用

于公奏議卷三

至

及有廣東湖廣輪班操備官軍不能設法調遣又要量添官軍且附近廣西如湖廣等處俱已調撥官軍前去廣西操備殺賊見今各處自有賊寇生發俱有官軍撫捕巡撫湖廣右副都御史李實尚且具奏要將該調廣西官軍存留本處本部具奏不曾准理揆之事體委的別無相應之人堪以添調無從區畫合無令該府差人馳驛齎文與武毅公同侍郎李棠等計議設法將逃晁等鄉地方如果衆情不願岑瑛管束及岑瑛亦願退還令其照舊退與宜山縣撫管其各賊寇務在調度見有官軍人等申明號令賞罰作興士氣人心相機撫捕日下務要靈息具由回奏不許畏縮無謀坐視民患不即



拯救以致地方疏虞人受荼毒如違定行參奏治罪仍  
令該府行移湖廣廣東二都司將輪該廣西操備官軍  
照數依期督發前去操備及各將調去官軍數目星馳  
回奏不許遲誤有違軍務緣奉欽依兵部看計議來說  
事理具題景泰三年四月初十日奉聖旨是欽此

兵部爲軍務等事兵科鈔出總督軍務都察院右都御  
史王來應看得湖廣貴州實爲唇齒之邦往因苗蠻作  
耗攻圍城池官軍被害殘耗數多又且勢分力寡防禦  
不敷致使猖獗莫能克伐昨蒙敕命臣來總督軍務臣  
珣臣瑛等充總兵副總兵參將得以總調官軍東西會  
合仰仗天威遠加已將猖獗之賊剿捕盡息照得湖廣

于公奏議卷三

三

邊境見有左參將都督同知陳友奉敕總督守備又有  
都指揮僉事陳節分守平谿清浪鎮遠偏橋等衛署都  
指揮僉事汪迪分守辰沅靖州銅鼓等處及有布按二  
司專設參政甄完副使呂圓巡察邊務及貴州邊境見  
有參將都指揮張任奉敕總督守備又有按察司副使  
張海職專撫鎮蠻夷其所屬興隆清平平越新添龍里  
黃平六衛所則有署都指揮僉事趙信守備清普定  
安莊安南普安六衛則有署都指揮僉事張貴烏撒畢  
節亦水永寧四衛則有署都指揮僉事安義其都勻一  
衛偏入東南境接廣西至爲孤僻則有都指揮僉事陳  
原并布按二司各有參政胡拱辰參議盧斌尹弼李顯

僉事王貫譚琬張淑在於各路協同分守布置周密官  
員數多使皆同心協力事無不濟但驅轍分於彼此緩  
急豈能齊同必設總兵官以統制之庶得柄歸於一便  
於調度如有警急自然同心協力互相應援軍勢益大  
而蠻夷畏威防制既嚴而醜類罔肆緣臣已將前項事  
情敷陳具奏該部擬候地方密日另行奏請定奪近該  
查據貴州都布按三司守備分守等官左參政胡拱辰  
等呈開各處殘破屯堡鋪舍俱已逐旋脩治其逃遁苗  
蠻始雖畏懼軍威藏匿巖穴近該陸續招撫出官向化  
復業照舊認當糧差別無猖獗賊徒地方漸底寧靖然  
臣切見四川雲南等處征進官軍連年在外衛所俱係

于公奏議卷三

三

無軍替換不依原數仍調前來委的體無完衣用無完  
器勞苦艱難隨到隨逃欲即差人沿途挨拿恐其別生  
事端止是行文而已及見各處運糧人夫搬運頻煩不  
得休息往往棄糧劫貨中途走躲此等軍民既怕原衛  
原籍拏捉不敢回還無非四散流離日久缺食難保無  
虞及訪得貴州等衛所軍旗餘丁多有棄撤父母妻子  
情願在於苗寨住過不肯回還察其事情不過畏避差  
操夫兵師之興在於除暴國家大計惟以安民今大軍  
久駐邊境支用糧料停候捕捉而見在總兵參將之中  
有見地方漸寧即謂無事而縱欲敗度日加放肆者其  
分守地方之軍有專募大軍駐劄而得以偷安避姦者

若不各嚴其責預爲定計臣恐彼此不肯同心延至天  
道炎熱嵐氣鬱蒸既而師老兵疲費耗糧餉逃者愈多  
莫能禁遏加以人民不得安業重貽方來之患深爲未  
便欲候撫捕次第將四川雲南等處征進官軍與同總  
兵三司等官計議如數量留分撥緊要地方暫且守備  
餘令放回輪班更替使知有期各安乃心待後貴州衛  
所清句軍士填補稍備屯堡完固前項輪班官軍亦可  
撤罷惟是前項鎮守統領之官台先定奪以從邊方之  
望以一軍民之心俾其任專責重將撫捕已定地方一  
面提督各該守備等官分投用心經畫整擱軍士器械  
修理城堡屯種互相防範守把嚴密比至班師之期始

于公奏議卷三

五五

終有備無虞查得右副總兵右都督方瑛自都指揮陞  
充參將由參將而陞都督充副總兵一向在於雲南貴  
州二處調度軍馬諳曉邊務究知夷情寡欲鎮靜實優  
同列委的軍民畏服苗蠻警懼先該巡撫貴州大理寺  
寺丞等官王恂等奏保本官陞充總兵鎮守貴州該部  
具奏准令方瑛充總兵官候貴州賊情寧息仍行鎮守  
貴州今湖廣貴州二處邊境一帶府衛州所相連參錯  
既有參將都督都指揮等官各奉敕書總督守備及分  
守地方撫鎮蠻夷巡察邊務官員足句提督而總兵爲  
專治之官若令一人兼理見有總督尚且參差不齊向  
後豈能可不相濟合無該部計議於見在總兵副總兵

內從公選取一員令充總兵官鎮守湖廣貴州統制二  
處地方軍馬往來督理守備庶幾身任其責知所干繫  
實爲事體利宜軍民便益臣仍將鎮遠清浪等處撫捕  
官軍嚴督副總兵參將都督毛福壽安順等統領前來  
將貴州東苗并大小平伐乖西等處地方作急併力撫  
捕另行奏請聽候定奪班師臣誠愚闇仰承恩命叨總  
軍機夙夜思惟勉圖補報凡有纖悉幾微罔不盡心勤  
力然事關利害豈容緘默致貽後患緣係地方軍務事  
情及恐程途爲遠緩誤事機具本該本部官欽奉聖旨  
兵部知道欽此欽遵鈔出到部看得右都御史王來奏  
稱蠻夷向化復業別無猖獗賊徒地方漸底寧靖要將

于公奏議卷三

五五

四川雲南等處征進官軍如數量留其餘放回輪替一  
節參照前項官軍雖是調征年久委的疲勞推原所由  
亦出於事不得已蓋以貴州湖廣兩處地方苗蠻相扇  
爲患積有年歲所在官軍數少調遣不敷以此動調雲  
南四川官軍兼同領用卽日湖廣武岡州及永州府江  
華等縣并附近廣西地方貴州東苗大小平伐乖西等  
處苗蠻節次出沒擾害地方未嘗寧復節該巡撫等官  
右都御史李實等具奏賊勢猖獗殺傷官軍又况苗賊  
之性反復不常官軍到來則推稱聽招復業一見軍退  
則依舊搶掠爲非若非整肅兵威安能懾服鎮靜兼以  
湖廣貴州兩都司官軍爲因連年征進中間彫耗數多

若將雲南四川湖廣官軍量減放回雖爲俯徇下人之情實非防範姦宄之策萬一苗寇瞰我官軍掣動重復聚眾逞姦斯時再爲徵調未免欲逸反勞欲靜反動路途往復愈加艱難儻或誤事咎將安歸王來所奏未必無見但所見者一時之事臣等所慮者久遠之圖所據前項調征官軍難便疏放其稱都督方瑛身欲鎮靜軍民畏服要於見在副總兵內充總兵官鎮守湖廣貴州統制二處軍馬一節緣貴州湖廣地方土官衙門數多壤地四散爲遠實爲南方大藩每處總兵官一員尙且提轄不周賊情反復若以一人總制兩處則事務多而智慮有限地方遠而且目不及其餘邊務之利害豈能

十公奏議卷三

五

悉知賊情之緩急豈能盡見施之於平居無事之時或宜減省用之於邊方多事之秋未見其可況方瑛候賊平之日充總兵官鎮守貴州陳友充參將總督守備湖廣邊境俱係比先議奏已定不可紛更有乖軍務合令方瑛仍暫充副總兵陳友依舊守備辰沅等處候事體十分寧靖另行定奪本部仍差人馳驛齋文與王來公同總兵官保定伯梁瑄并方瑛陳友等調度官軍將各起未靖苗寇務在設法撫安剿捕以除軍民之患以爲久遠之利務俾根株斷絕勿使枝葉蔓延貽患日後不得杜絕仍令梁瑄必須始終一心先後一節毋謂賊寇稍安輒便縱慾敗度贖貨害軍棄廢前功自貽後悔而

王來亦當往來提督撫綏鎮靜革弊防姦圖惟經久以寧邊境若果賊寇十分寧息朝廷自有明降班師不必再三具奏其方瑛亦須益固廉節益殫忠勤勿謂名已著而易其初心勿以事小寧而息其武備異時功勳茂著朝廷陞賞弗吝若貴州賊平照依先奏令充總兵官鎮守其雲南四川調來官軍亦候貴州地方事體十分寧息另行疏放緣奉欽依兵部知道事理具題景泰三年四月十二日奉聖旨是欽此

十公奏議卷三

五

海寇有腹心之患外則獠黎有邊境之虞乞將原調廣西官軍俱留哨備等因鈔出到部參照廣東廣西地方相爲唇齒遇有賊情自當互相應援今議調策應廣西官軍要行存留難以准理合無行令廣東左副總兵右都督董興將廣西守備兩班官軍其未調之數委能幹頭目務在日下統率起程不許延誤本部擬奏咨呈該府行移到臣先查得廣東都司所屬除沿海衛所全伍守城備倭不動外腹裏衛所原額設官軍事故者多調用不敷已將缺軍緣由并地方賊情會題去後今該前因緣係勦調官軍會同左副總兵右都督董興巡撫兵部左侍郎揭稽巡按監察御史周文郁都布按三司右

布政使戴升等會奏行移廣東都司卽行腹裏廣州左等衛所將操候上班哨守雷廉等處地方官軍內摘撥一千五百員名整擄軍裝器械戰船齊備推委廣州後衛指揮同知邵清把總於景泰三年三月十八日起程前去廣西兼領指揮席珍先領去官軍一千員名共二千五百員名策應外再會議得廣東地方見據高肇等府瀧陽信電等縣累被廣西北流岑容陸川博白等縣賊首李受本等聚眾動輒千百爲羣往往越境流劫鄉村攻打化州城池石康縣治及瀧水猺賊趙音旺黎宗安等不服招撫反將招主莫宗貴等五名殺死聚眾出沒又據化州石城新興陽春等州縣八狀申備民人李

于公奏議卷三

元

永忠等告被廣西流賊糾合盜賊一千餘名或三五百名景泰三年月日不等到來劫殺家財人命及劫去獨鶴驛鋪陳三十八件絡繹不絕委實缺軍調用固守城池伏望聖恩憐憫乞敕該部轉行廣西左副總兵都督武毅將前項調去官軍指揮邵清等不爲常例暫行策應回軍之日發回廣東照舊哨守地方庶不缺軍調用有備無患實爲便益具題又該左副總兵右都督董興亦題前事該本部官欽奉聖旨兵部知道欽此欽遵通鈔到部參照前項官軍原係比先年間議奏調撥廣西輪流操備邇者廣東賊發之時廣西曾動調官軍一萬之上前來廣東策應今廣西賊勢猖獗而廣東副總兵

都督董興等既不調兵應援又要將輪流操備官軍二千五百員名候回軍之日發回廣東顯是董興不惟却邦之患惟徇一己之私聽從下人囑託詭計朦朧捏奏不思廣西賊勢若急未免延蔓本處又況廣西副總兵等官武毅節奏賊寇十分緊急要調大軍協濟本部爲無相應官軍覆奏催督廣東官軍上緊起程赴廣西聽調今董興議要發回虛張賊勢非惟怠忽軍務抑且逞肆姦謀及照董興先在廣東其初持身蒞事頗有可稱訪得近來改易節操穢行彰聞近該兵科右給事中黃士儔陳奏風聞人言若董興仍在廣東二年必再有黃蕭養者出貪贖誤事灼然可知若不行移督責誠恐本

于公奏議卷三

六

官指以其奏爲由故將廣西輪班官軍掣回搖惑人心沮壞兵備賊寇益肆剽掠爲兩處地方之患合無令該府差人馳驛齎文與董興公同巡撫廣東左侍郎揭稽等督發輪該廣西操備官軍依期前去輪換常川聽調不許懷姦挾詐捏詞支吾以致軍士無奮勇之心地方被賊寇之患如違定行參奏治以重罪該府仍行廣西副總兵武毅知會緣奉欽依兵部知道事理具題景泰三年四月十五日奉聖旨是欽此

兵部爲防患事兵科鈔出巡撫廣東兵部左侍郎等官揭稽等題該兵部奏准咨臣公同總兵鎮守內外官員及巡按御史都布按三司堂上官從長計議何處賊寇

十分盡絕何處賊寇尙未平妥何處軍馬可以散回何處官軍宜暫守備何方可以絕後日之患何策可以爲經久之計備將議過防患者畧逐一具由差人馳奏定奪臣等會同鎮守廣東左監丞阮能左副總兵右都督董興巡按監察御史周文郁都布按三司都指揮僉事干羽右布政使戴弁按察使馮傑等議得前項事情逐一開立前件會本具題該本部官欽奉聖旨兵部知道欽此欽遵鈔出到部今將所言事件議擬開立前件謹題請旨景泰三年四月十六日奉聖旨是欽此

計開

一何處賊寇十分盡絕軍馬可以散回

于公奏議卷三

空

前件議得廣東先因南海縣叛賊黃蕭養等烏合醜類乘虛攻犯城池上千宸聽命將出師方得凶渠授首餘黨殄滅卽今雖已盡絕緣南海縣所管一百一十都該三百二圖內東涌馬甯西林三都該一百八十圖俱臨邊海地方闊遠江海瀾漫人民梗化平居無事之時其仰船岡等處亦有強賊出沒及黃蕭養等聚眾則賊徒蜂起響應以致延蔓臣等已嘗取勘彼處合立一縣并設千戶所一處庶爲經久另本具奏伏乞聖裁其原調官軍俱已撤回原衛所別無未散之數

前件查無揭稽等具奏要於南海縣設立所縣緣由

合無行移揭稽公同副總兵都督董興并都布按三司堂上官及巡按監察御史徑自從長計議若果南海縣合當設立一縣并千戶所一處將備細緣由并調那是何去處官軍及是何縣所名目明白開奏以憑定奪務在斟酌得宜經久利便不許偏執已見及輕易更張以致有損無益反爲後患

一何處賊寇尙未平妥官軍宜暫守備

前件議得廉雷高肇四府地方接連廣西彼此俱有猺獞不入版圖不遵治化專尙劫殺洪武年間大軍勦殺致數十年地方寧靖人民安業近年此類蕃眾其賊首趙音旺等糾合廣西賊徒動以千數開張旗

于公奏議卷三

空

號各執凶器大則包圍城堡燒毀衙門小則流劫鄉村殺虜人財已嘗增築城池設立營堡調撥官軍分按守備奈何猺山星散恃其險阻叛服不常我軍稍失防閑輒敢大肆侵掠數年之間良民被其劫殺數千餘家卽今多被殺散不敢復業田土拋荒稅糧無徵委的民不聊生而猺賊虎狼之心貪暴不已必須動調大軍會合兩廣總兵協謀運策尅期夾攻殲除渠魁傾其巢穴庶使獞類消耗邊患可息緣廣西蠻賊未寧未得會兵合行今秋會同右都督董興量調官軍達官民壯開通道路直抵賊巢仍委布按二司堂上官員閱視相機行事可剿則剿可撫則撫果有

真心向化衆所信服者欲照福建貴州撫捕蠻夷事  
例乞敕臣等就與獠首冠帶量授職事專撫獠人及  
於要害去處照依廣西事例添設巡檢司衙門僉點  
牌兵協同官軍哨守則撫捕兼行恩威並著庶幾地  
方可寧前項官軍宜暫守備

前件看得廣東賊情既已未曾平安總兵等官理合  
調軍作急設法相機撫捕若候今秋方纔區畫未免  
長姦玩寇且賊寇之患甚於倒懸拯民之急甚於水  
火豈可移文推調不卽撲捕祛除致使蔓延滋甚重  
貽邊患又況給授冠帶職事係是恩典出於朝廷非  
臣下所敢專制及貴州等處撫捕苗蠻總督總兵等

于公奏議卷二

三

官亦無徑自授人冠帶事例難准合行揭稽公同副  
總兵都督董興等調度官軍無分明夜將所在山嶺  
賊寇躬親前去設法撫捕以除民患具實回奏不許  
推調遷延殃民玩寇仍公同各官計議前項要害去  
處合設巡檢司幾所將巡檢司名目并合僉弓兵若  
干備細具由開奏若果獠首招撫有功臨期奏請定  
奪

何方可以絕後日之患何策可以爲經久之計  
前件議得廣東廣西地方相連風土不異廣西既有  
總兵參將以總兵政廣東亦宜照例存留總兵添設  
參將精進三司堂上并府州縣正官善加撫恤軍民

衣食既足則何以有後日之患軍士缺少乞救該  
部轉行清軍御史并布按二司官督屬嚴限清解逃  
故等項軍丁補足原伍專一守備本處地方不許別  
項差調庶爲經久之計

前件看得廣東原無總兵參將名目近因賊寇生發  
欽命都督董興充副總兵領軍殺賊難比廣西地方  
蠻夷數多原有總兵等官一槩濫設況處置民情軍  
務貴在得人得其人則一人任之有餘非其人雖衆  
人任之不足今廣東既有董興總兵又有揭稽巡撫  
若董興能整飭武備振肅兵威而不致貪黷害軍揭  
稽能修政立事撫恤軍民而不致因循誤事則屬官

于公奏議卷二

三

自然守法下人自然得所境土自然寧謐盜賊自然  
祛除難再添設參將重爲軍民之擾所言難准其稱  
要行清軍御史并布按二司官嚴限清解不許視常  
怠忽徒具虛文致誤兵備及稱精選三司堂上并府  
州縣正官合行吏部得自查照定奪

兵部爲求討等事准禮部咨禮科鈔出巡撫四川都察  
院左僉都御史李匡題准本院咨備兵部咨開董卜韓  
胡宜慰使司掌司事都指揮同知克羅俄監祭節次奏  
要於舊威州保縣出境已該鎮守四川內官陳涓等奏  
有窒礙合無敕令鎮守松潘刑部左侍郎羅綺同僉都  
御史李匡巡按御史三司等官將克羅俄監祭所奏從

長計請除保縣威州不准開通外其餘舊日經行別無  
違礙道路可以入貢者宜從相度停當要見作何處置  
可以折其覬覦之心若何區畫可以消其反側之意使  
蜀地安全蠻夷納款具貢回奏或照內官陳涓所奏今  
後遇有進到馬匹盛甲卻之不授等因具題奉聖旨是  
欽此欽遵備咨到部行間又准侍郎羅綺咨煩照欽奉  
敕內事理前來威州會議准此訪得舊威州在保縣之  
外八十里唐李德裕謂其據高山絕頂三面臨江在戎  
虜平川之中是漢地入兵之路號為無憂城臣竊謂此  
地若漢人得而守之番人不敢東向若番人得而守之  
則漢人不可西行本州與撲頭党者木瓦石夕蘭日駐

于公奏議卷三

三

陸寨先係保縣管轄克羅俄監祭伊父南葛自永樂八  
年歸附之後凡有進貢俱從日駐等寨經過於保縣出  
境宣德七年雜谷安撫司安撫定日思結將前項六寨  
占據阻截董卜道路正統七年間草坡賊人作耗都司  
調軍征剿其董卜乘時調頭番兵迎合官軍剿賊就送  
馬匹從草坡出境赴京進貢奏要開通古墩道路該四  
川三司勘得古墩係雅州靈關其路險狹正統八年間  
敕令董卜仍從銅門山樸頭日駐保縣出境被雜谷仍  
前阻當正統十二年間定日思結病故伊弟阿拜管事  
將守把達思蠻長官司豆若寨頭日松蓬挫辱及有阿  
拜異母兄朵魯只兒結伊姐嫁克羅俄監祭為妾忿恨

不承襲管事與弟觀綽達兒并松蓬俱去投託董卜正  
統十三年間董卜撥人守把豆若寨搶古達思蠻長官  
司地方正統十四年董卜以追還日駐等寨給還保縣  
為名搶占雜谷安撫司地方就將雜谷原占保縣舊維  
州亦行撥人守把景泰元年間董卜要進馬匹盛甲從  
保縣出境內官御史三司官不能必其順逆之勢備由  
具奏欽蒙敕令董卜將馬匹盛甲免進景泰二年三月  
內董卜差人進貢至保縣地方三司官親詣撫卻其差  
來之人執稱未奉之先馬匹已行出境續被雜谷達思  
蠻番人將董卜差來之人截殺連馬趕逐回還本年十  
月二十四日董卜差人二千餘眾護送馬一百餘匹赴

于公奏議卷三

三

保縣交割其餘番人盡行退還自後頗聽撫諭將原窩  
張阿賞杜阿泰王板的丁師保董伯浩等俱發回威州  
保縣復業訖今該前因臣與內官陳涓并三司掌印官  
親詣威州會同侍郎等官羅綺等計議得舊維州先係  
保縣管轄後為雜谷侵奪今為董卜占據若得此州城  
量行撥人守把則可以杜董卜覬覦之心不得此州城  
仍係番人居住未可以絕董卜往來之路已經會案若  
通事人等前去撫諭克羅俄監祭著將舊維州退還保  
縣未據回報聞有疊溪千戶所該管永鎮等衛地方番  
人聚眾上路殺虜官軍侍郎羅綺內官陳涓各往松潘  
等處行事去詎臣竊以為欲杜董卜覬覦之心必須得



此州城欲消董下反側之意必須厚加管待向使懷柔之道不至雖得此州城亦爲無用阻彼一路亦爲徒勞考之於古唐司徒中書令韋泉嘗與吐番大戰於維州則是吐番非因雅州維州之險而不來也今阻其行維州之路則保縣一方固美矣又令其從靈關而來則雅州一方何罪焉况且又有一路從草坡出汶川縣一路從僚擇壩出灌縣一路從清溪口出崇慶州是皆不可阻之路若或四路並出竟將何術制馭抑闕本番之放肆起於小節之不周臣自受任以來仰體聖心凡遇番使之至尤甚加意以今較昔漸覺聽撫兼且番使之來雖曰進貢實則圖其口腹利吾賜予以故韋泉治蜀開

于公奏卷三

奏

清溪道以通羣蠻入貢又選羣蠻子弟聚之成都教以書數羣蠻之既而軍府厭於原給同平章事杜棕奏滅其數羣蠻遂叛伏望聖恩因其使人之來嘉其向化之忠俟其回還令齎敕與克羅俄監衆著將舊維州碉房退還保縣管管臣在成都日少仍乞敕四川三司并鎮守等官凡遇董下使人之至必須撫之以恩待之以信與之以酒食施之以小惠馬匹既已阻卻盛甲仍令進奉則在我懷柔之道得而番人反側之意定矣臣之愚見如此除候原差通事人等回日另行會議具奏外具題該禮部官欽奉聖旨禮部看欽此欽遵鈔出咨移到部看得董下韓胡宣慰使司掌司事都指揮同知克羅

俄監衆自恃部落強盛陰懷異圖非止一日其控御之術防閑之道誠不可不加之意今既僉都御史李匡與內官陳涓侍郎羅綺及都布按三司掌印官公同計議彼中地方險易事情緩急要行請敕克羅俄監衆將舊維州碉房退還保縣掌管并請敕四川三司鎮守等官凡遇董下韓胡使人之至必須撫之以恩待之以信與之以酒食施之以小惠阻卻馬匹令進蓋甲係干慮置夷情合當俯徇羣議合無通行議敕克羅俄監衆并鎮守四川松潘及三司內外官員依擬施行本部仍差人馳驛齎文與李匡當知克羅俄監衆之姦當念地方撫巡之重其於一應夷情邊備務要博采衆長折以中道

于公奏卷三

奏

剛柔兼濟寬猛適宜本之以廉明濟之以通變毋生事而激變毋縱惡而長姦毋貪小利以墮賊計毋邀近功而妨遠圖必須十分用心不許纖毫怠慢致貽後患緣係處置夷情具題景泰三年五月初九日奉聖旨是欽此兵部爲強賊流劫鄉村殺死人命等事內府鈔出鎮守廣東印殺監左監丞阮能題據肇慶衛府呈稱景泰三年四月初六日備陽江所縣申報本年三月二十七日該水軍都民唐馬保等狀告本年正月二日日期不等有鄰境新興縣得行等都松柏上期等甲那慶雙運橫洞等處賊首曾大奴等各稱總管相公頭目統帶徒黨五

百餘徒各持鎗刀豎旗爲號聲鐸播鼓流劫水東仕洞  
二都民財三月二十五日又見賊首曾大奴等仍統千  
餘徒到村包圍放礮連聲喊殺馬保得見賊衆潛身走  
出當被殺死男唐璞唐三育男岑三奴截傷男婦一十  
二人放火燒屋掠去牛隻家財向往那處而去前賊見  
在地名白馬寺山不時截路劫殺過往人員告乞轉達  
調軍剿殺又據本縣申本年四月初二日該水東仕洞  
二都排年里老岑瓊等亦告前賊流劫鄉村截路劫殺  
人財人民驚阻不能耕種喬馬都里長鄭慶呈備民人  
李養等告稱本年三月十八日被強賊一羣約有一百  
餘徒到來包圍本村劫去耕牛家資放火燒毀房屋殺

于公奏議卷三

堯

死民人黃八仔肖一妹各人走躲謂是那處峒賊首譚  
成辰等流劫聚齊回峒去訖及據新興所縣備雙看等  
都里老羅進呈節被高要新會等縣強賊入境明火劫  
虜牛財子女殺死人命告蒙新興守禦千戶所調委巡  
哨百戶蘇烈領軍出捕卻乃畏縮不進本年三月初八  
日期不等行劫獨鶴驛及燒劫那云村都能表村殺死  
民人梁遲等命虜去麥時習等家人畜各畏懼殺俱不  
敢告只今正係農耕時月人民無牛田土失耕告乞添  
撥官軍人等哨捕等因備申通行呈報到臣已經會議  
於哨守陽春地方指揮徐昇官軍內調撥四百員名委  
指揮李全管領督同新興新會陽江海郎四千戶所巡

哨官軍陽江等縣民壯并巡司官兵人等前去賊人出  
沒處所勘捕及行府縣委官撫安地方民人夫後今據  
報到再會同左副總兵右都督董興巡撫兵部左侍郎  
揭稽巡按監察御史周文郁都布按三司左布政使戴  
弁等議得前賊猖獗合委都指揮使梁興前去陽春等  
處地方總督操調官軍哨備督回先差指揮徐昇回還  
差撥於廣州左等衛添調精壯官軍指揮千百戶劉清  
等 千員名并量調衛所官軍府縣巡司官兵人等及  
先調官軍除已遵委辦理按三司都指揮使事胡英等  
統領左參政黎曉命事蔣敬陶親前去所報賊情地方  
同心協謀設法將民人唐馬保等所告賊首曾大奴等

于公奏議卷三

辛

照名擒拏其協從之人若聽召撫許令出首告免罪  
復業如是負固不服就使嚴督所統官軍人等直抵那  
處等峒賊巢相機剿捕等因具題又該既能惡爲軍務  
事節該欽奉敕臣等公同議守巡撫內外官員將原調  
廣西操備官軍未調一千五百員名作急起調差委的  
當官員管領前往廣西聽武毅等調度殺賊仍行整飭  
大軍候至今秋果無別警衛等即便親自統領前往廣  
西先差人約會武毅等相機運謀腹背夾攻剿滅前賊  
欽此欽遵會議未調官軍一千五百一十二員名於腹  
裏廣東左等衛所操候上班廉雷等處地方哨備官軍  
內照數掣調推委廣州後衛指揮同知邵清把總前去

廣西統領指揮席珍先領去官軍一千員名共二千五百一十二員名聽都督武毅不爲常例暫行調用策應外再會同左副總兵右都督董興巡撫左侍郎揭稽巡按監察御史周文郁都布按三司左布政使戴弁等謹遵敕旨計議整棚大軍查得腹裏見在堪調官軍數少已選屯種官軍及高州隴水等處回還官軍六千六百六十員名不敷之數再行沿海衛所借撥除潮州碣石海南三衛所原係極邊屯種備倭官軍不動止調見在守城官軍九百員名其雷廉神電南海廣東莞新會香山等衛係是依山沿海就近酌借調備倭屯守精壯官軍共七千四百九十一員名操候今秋殺賊緣照

于公奏議卷三

七

廣東高肇潮州等府德慶化州隴陽等縣各報山海賊情臣等統兵欲往廣西慮恐賊盜乘虛竊發彼此顧藉不及除行仰廣東都司差委指揮張通楊經尹通分投馳往各該衛所照數點選整棚該用軍火器械船隻齊備編成隊伍委官管領專一操候及將餘有官軍餘丁舍人家人一體編成隊伍操練固守城池合用糧料行移廣東布政司委堂上官一員整理預備應用外擬於今秋直抵賊巢布按二司堂上官員公同閱視相機務在殄滅以靖地方後功官軍具奏陞賞敢有臨陣畏縮審問明白並照軍法處治緣係整棚大軍剿捕寇賊事理具題該本部官欽奉聖旨兵部知道欽此欽遵鈔出

刊部案照前事已經請敕去後今該前因參照所奏係干賊寇聚眾侵擾地方及係調兵會合剿殺鄰境賊寇重事及照廣東廣西相爲唇齒其廣東比先賊發之時廣西曾調官兵一萬之上前去協濟撫捕今廣東大勢賊寇俱已不安止有前項猖獗倚山爲勢不時出劫而副總兵董興等俱各遷延歲月不即成功尤恐各官因見奉有敕旨令其調兵會合廣西總兵等官殺賊故意虛張賊情意圖遮掩多難救卹鄰邦及照名雖差人具奏其實逗遛不進肆意遷延致使賊寇蔓延未免彼此受害合無行令該府差人馳驛齎文與廣東副總兵都督董興公同侍郎揭稽等將肇慶府地方賊寇務在設

于公奏議卷三

七

法上緊嚴督所在守備頭目撫捕日下盡絕其實回奏仍選調精兵副總兵等官董興等躬親統率依期會合廣西官軍剿殺賊寇務要彼此協謀以圖成事不許爾我顧望致誤機務有功之臣朝廷自有陞賞誤事之罪法令必不容貸況今秋期已近正係進兵時月不可虛應故事有誤廣西救援該府仍行廣西總兵都督武毅整棚官軍申明號令候廣東官軍到彼期約會合夾攻剿殺賊寇必須計出萬全事無一失不許輕易苟且抗寇殃民如違罪有所歸緣奉欽依兵部知道事理具題景泰三年六月初六日奉聖旨是欽此兵部爲陳言禦寇救忠等事內府鈔出鎮守廣東印授

監左監丞阮能題據廣東布政司呈據經略司案呈鈔  
蒙欽差監察御史王允案驗節該欽奉敕廣西潯梧柳  
慶等處盜賊連年生發流劫鄉村殺掠民財邊民受害  
朕甚憫之近言者謂必得廣東調兵與廣西兵會合夾  
攻庶幾可滅前賊然廣東累報茂名等縣賊寇出沒不  
絕兩廣賊勢未審緩急若何遣將調兵難以遙制今特  
命爾星馳往彼察勘廣東賊勢如果稍緩即便會同彼  
處鎮守巡撫內外官員著令都督董興量領大軍并彼  
該調輪班官軍作急前去會合廣西都督僉事武毅等  
將應有賊寇逐一剿滅以靖地方其董興等不許似前  
推避縱賊殃民若廣東亦賊勢未寧董興難於調動或

千公奏議卷三

七

先調輪班官軍前去接應務在相度事勢從宜區畫停  
當而行欽此欽遵行據廣東都布按三司各呈開景泰  
三年四月內日期不等節據肇慶等府陽江等縣及福  
建流來海賊登岸共三十八處各申報自本年正月等  
月以來賊寇出沒劫掠人財不絕等因轉呈臣因見侍  
郎揭稽前往潮州府公幹未回及見各處賊情緊急已  
經會同御史王允會案轉行都布按三司并都督董興  
量撥官軍星馳於緊要有賊去處暫且剿滅去後今侍  
郎揭稽回還臣等就會同御史王允查得前項州縣委  
有盜賊生發陸續劫殺人財情由若將董興調去廣西  
會合都督武毅夾攻殺賊見今廣東所屬地方賊勢未

寧難便調動除行董興知會仍行本官候有飛報賊情  
量調官軍剿賊及查得本處該調輪班官軍共二千五  
百一十二員名差指揮席珍等已於景泰二年六月初  
二日并景泰三年三月十八日起程前往廣西接應殺  
賊去訖及行廣西都司轉行總兵等官知會外緣節該  
奉敕若廣東亦賊勢未寧董興難於調動或先調輪班  
官軍去接應事理具題該本部官欽奉聖旨兵部知道  
欽此欽遵近該鎮守廣東左監丞阮能等題遵依敕旨  
計議整擱大軍擬於今秋同左副總兵董興等欲往廣  
西剿殺賊寇等因具題鈔出到部已經奏准行移董興  
等今秋務要選調精兵躬親統率依期會合廣西官軍

千公奏議卷三

七

將賊寇設法撫捕并行廣西副總兵都督武毅一體整  
擱官軍會合殺賊去後今鈔前因看得前項題本一本  
相去不過二三日一則奏稱調動大軍前去廣西殺賊  
一則奏稱董興難以擅離止是先調輪班官軍前去似  
此前後展轉不一顯是董興不以邊務賊情為重故意  
串同捏奏及照廣東比先賊發之時武毅曾親率官軍  
一萬之上前來救援以此將廣東賊首黃蕭養等擒斬  
地方無虞今廣西賊勢十分猖獗其望廣東救兵之來  
如解倒懸之急而董興等不思地界毗連彼此安危所  
繫若能救援廣西平安則兩處地方俱可寧息卻乃展  
轉推調豈不難寇長姦及照廣東都司見有都指揮梁

興等俱係分布各屬守邊賊之數若執留董興在於廣東不知梁興等所幹何事兼且廣東地方不過強盜劫財比之廣西賊勢猖獗不同事有輕重合當斟酌台無令該府差人馳驛齎文與董興公同侍郎揭稽內官阮能等作急調度官軍今秋務要起程前去廣西會合武毅等同計議運謀設策將各起賊寇招撫剿捕盡絕以除一方之患具實回奏施行不許逗遛願望致貽後日之患其廣東本處地方賊寇亦要上緊剿除以安軍民不許因循怠忽兩相妨誤緣奉欽依兵部知道事理具題景泰三年六月初八日奉聖旨是欽此

少保、公奏議卷三終

千公奏議卷三

五

少保于公奏議卷之四

南征類

兵部為處置邊務事內府鈔出鎮守廣東印綬監右監丞阮能題據廣東都司呈奉左副總兵征蠻將軍都督武毅劄付節該欽奉敕已敕廣東左副總兵都督董興今秋統率大軍會同爾等腹背夾攻剿殺前賊欽此除欽遵外劄仰轉呈都督董興欽遵施行等因備呈到臣會同左副總兵右都督董興巡撫兵部左侍郎揭稽巡按監察御史周文郁都布按三司左布政使戴弁等計議查得廉雷等府所屬化州并石庫遂溪電白海豐香山一十三處及廣西福建梧州漳州二府節次報到山

于公奏議卷四

海賊情緣各處猛賊先已委都指揮等官孫旺等提督將調去官軍一萬二千五百餘員名分布各處地方守備要害遇警飛報策應有都督孫旺指揮徐靈林清等官軍節次殺獲賊功已經會題及海洋聲息不次行移備倭等官指揮杜信等嚴督潮州等府州所縣多調官軍牌兵民壯人等追捕前賊未報近該監察御史王允奉敕到來體勘賊情會合兩廣總兵今秋夾攻已行三司開報前項賊情并哨備官軍數目外臣等慮恐各處哨守官軍不敷又議添調官軍一千員名推委都布按三司都指揮等官胡英等總領前去陽江等縣原報賊處相機撫捕去後今該前因緣照廣東衛所官軍調撥

于公奏議卷四

哨備山海地方并廣西策應之外見在精壯官軍數多況兼賊情不息都督董興未敢輕去廣西會兵夾攻除將選到廣州左等衛所官軍操候今秋剿捕肇慶等所地方搖賊外緣係處置邊務事理具題該通政使司官奏奉聖旨兵部知道欽此欽遵鈔出到部查得近該鎮守廣東左監丞阮能題該監察御史王允案驗節該奉敕廣西潯梧柳慶等處盜賊連年生發流劫鄉村殺掠民財邊民受害朕甚憫之近言者謂必得廣東調兵與廣西總兵會合夾攻庶幾可滅前賊今特命爾往彼即便會同彼處鎮守巡撫內外官員著令都督董興量調大軍前去廣西會合都督僉事武毅等將應有賊寇逐一剿滅其董興等不許似前推避欽此欽遵會同查得廣東肇慶府等處賊寇出沒劫殺人財不絕若將董興調去廣西殺賊見今廣東所屬地方賊勢未寧難便動調等因具題鈔出本部為照廣西賊勢十分猖獗其望廣東救兵之來如解倒懸之急及照廣東見有都指揮梁興湯節孫旺等分布各屬守邊殺賊已經奏聖旨是欽此欽遵去後今鈔前因參照所奏情詞非惟董興逗遛不肯前去廣西會兵殺賊抑且原調官軍意在不行依期發遣似此故違敕旨偏執誤事所奏難准合無行移該府差人馳驛齎文與董興查照原今議奏并欽遵敕旨整朔所選官軍并器械等件齊備令驍勇慣戰頭

目統率候今秋親自督師仍先與武毅等剋期定於某處會合將各起賊寇乘機剿殺以除邊患以安人民具實回奏其廣東打劫賊徒亦要上緊殄滅不許故意玩寇貽患以圖後日藉口因而兩不得濟致誤軍機自取重罪仍行武毅董興等官軍到來亦要躬親統率官軍會合同計議相機行事各圖成功不許自相矛盾失誤期約如違責有所歸緣奉欽依兵部知道事理具題景泰三年六月初九日奉聖旨是欽此

兵部爲賊情事內府鈔出鎮守湖廣內官梁還等題據湖廣都司守備武岡署都指揮僉事范眞呈據武岡所州將撫過蘭牛等洞二十二寨及生劫不服招撫上下岸頭等二十四寨開申到職已經呈報及劄仰撫諭去後續據結申原撫蘭牛扶城等寨仍復爲惡其四十餘寨其各洞卽今缺食糾合廣西都廠等寨分一槩不時四散出沒各路從溪儀山道每於日晚劫虜財畜及至各處告報隨調前去路徑往復四五十里至六七十里又且官軍止可一二更追趕苗賊姦詐連夜退遁去訖其餘出劫去處缺軍分捕緣守備官軍餘丁見在雖有三千員名止是充數而已中間老弱疾懦不堪者多於中選揀不上一千六七百員名堪調兼且守護王國城池調度不週見今苗賊滋蔓殺虜人財燒毀房屋彼眾我寡制敵不敷欲便盡數調撥係于守護地方及武岡

于公奏議卷四

四

州見在倉糧止有四千一百餘石呈稟暫於長沙等四衛原征官軍量度一二衛前來協助調用候大軍剿其巢穴寧息之日仍聽回衛便益等因具呈到臣參照呈稱苗賊仍復爲惡殺虜人財燒毀房屋軍寡不敷要於長沙等四衛量撥官軍協助調用具題又該梁還等題據寶慶府該武岡州新寧縣申景泰三年五月初四日據民人羅眞狀告本月初三日被蘭牛扶城等苗賊約有五干餘徒各執鎗刀出劫長湖等處搜山捉虜男子陳華傅子興男傅成保等人峒去訖實被害不能安生告乞備達撥調官軍剿捕等因到縣參照所告係干賊情備申到府行聞又據寶慶府民人陳勝等告本年五月初三日仍被蘭牛苗賊約有二十餘徒各執鎗刀張打旗號出劫本縣地名長湖金田等處四散搜山捉虜男子姚五子等家財等項盡行劫去將被劫情由并虜去男子姓名開狀來告乞爲轉達調撥官軍剿捕等因到縣係干賊情據申到府除申備禦湖廣署都指揮僉事范眞及行寶慶衛并本府同知瞿福麟嚴督官軍民壯人等提備哨捕截殺外具申到臣參照前事係干苗賊出劫捉虜人口事情具題又該梁還等題據湖廣按察司經歷司呈景泰三年五月二十八日該寶慶府牒呈本月二十日據武岡州新寧縣申前事本月十七日據扶陽一都人李慶告先於正統十四年七月內被



苗賊出沒劫虜家財人口燒毀房屋禾倉人口驚移前來本州安樂地名獨峯寨趁食耕種田土與同本州儒林鄉民楊正茂及附近軍民李友勝等就彼修築獨峯寨潛往往來邀殺賊徒報官外不期景泰三年五月十五日五更時分被苗賊約有五百餘徒前來攻破本寨殺死虜捉男婦共一百二十四名口被火燒毀房屋禾囤劫去家財牛羊孳畜俱各無存內認得蘭牛等洞苗賊雷文可雷仲文雷通昌等若不狀告係干殺虜人口數多節被滋蔓出劫不能安業據告得此參照所告係干賊情具申到府行開又據武岡州申為邊務事鈔蒙本府批文差火夫曹景文到州該鈔蒙湖廣按察司副

于公奏議卷四

五

使呂國白牌前事仰照牌內事理即便查勘地名即今賊情有無生發出沒明白具申星馳回報施行蒙此依蒙卷查節據楊通希告係儒林等鄉里長楊仲均等下軍民籍景泰三年五月十五日被城步蘭牛等洞苗賊八百餘徒前來攻破獨峯寨將各家男婦殺死一百二十名虜去男女二十三口牽去耕牛一十三隻家財豬畜不開外放火燒毀本寨等因到州已經通行申報去後今蒙前因備申到府又准本府同知瞿福麟關同前事參照係干苗賊出沒殺虜人財事理除申呈備禦湖廣三司委官署都指揮僉事范眞等官及行寶慶備弁本府同知瞿福麟嚴督官軍民壯巡司官兵人等設法

隄備哨捕截殺外備申具呈到臣參照前事係干苗賊出劫殺虜人口事情具題該本部官俱欽奉聖旨兵部知道欽此欽遵通鈔到部參照所奏係干苗賊節次出沒流劫地方殺掠人財重事又況武岡州見王國在內所宜加意防護及查得先該湖廣三司等官具奏武岡州并新寧縣節有苗賊侵擾本部已經不次覆奏行令彼處總督總兵等官右副都御史王來保定伯梁瑤等調度官軍設法撫捕去後經今日久而前項賊盜日甚一日小民被害不可勝言顯是各官互相推調不即窮除非惟老師匱財而事無成功抑且長姦縱惡而賊愈得計況兵貴拙速未視巧遲今各官躬提大軍動以萬

于公奏議卷四

六

計曠日縣歲而前項苗賊出沒多不過一千之上少或三五百人不能鼓動期殺愈加縱橫得志官民奔竄地方弗寧而各官方且張皇虛誕日報捷音上欺朝廷下壞邊務事勢如此若不上緊處置誠恐各洞賊徒因見官軍畏縮搶掠人財已是得計互相扇動連結為非遺地方後日之患決非細故合無就令差來人馳驛齎文與王來梁瑤及都督陳友等調度官軍躬親統領前去賊發地方隨宜設法招撫期捕務在痛斷根株勿使枝葉延蔓仍將撫捕過緣由具奏不許似前推調顧望益長賊計及以負為勝妄報捷音愈張賊勢重貽後患本部仍行巡撫右副都御史李實公同鎮守內官梁遠等

及巡按監察御史都布按三司等官查照前項地方如  
果官軍調遣不敷將長沙等四衛除輪班廣西操備之  
數不許占留督令依期前去彼處聽調殺賊外其餘在  
城守備屯田等項官軍舍餘弁民壯內宜從李實等量  
數挑選精壯之人或聽王來等調遣或就令守備武岡  
州官員管率兼同彼處官軍民壯人等剿殺賊寇各官  
必須和同計議以圖成功毋得爾我矛盾疑忌致誤軍  
務如違罪有所歸其缺少食糧本部行移戶部設法徑  
自措置緣奉欽依兵部知道事理具題景泰三年六月  
十七日奉聖旨是欽此

兵部爲賊情事內府鈔出鎮守湖廣內官梁還等題據

于公奏議卷四

七

湖廣都司守備武岡署都指揮僉事范眞呈景泰三年  
六月初六日三更時分據打信軍人鄧思晚等走報苗  
賊一起不知其數從地名木瓜橋等處出沒會同布按  
二司委官照磨王泰等計議當時調遣指揮陳福高勳  
侯俊管領原選殺手敢勇頭撥官軍一千六百餘員名  
差百戶尹良刁榮一汪安喬雄等分投督哨及武岡州  
委官粟福巽管領民壯協同前去苗賊出沒處所相機  
截殺續據指揮陳福等回呈依蒙領軍前到地名惟塘  
市木瓜橋遇苗無數一起約有二千餘徒各執鎗弩張  
打旗箭分投於渡頭橋威溪清溪鼓山遍村打劫燒毀  
房屋隨督官軍奮身向前當用飛鎗火箭藥弩等器敵

退各賊隨住高山占剽愈肆猖獗聲言要搶武岡城池  
等語爲因山嶺險峻道路崎嶇不能追捕又據打信軍  
人林貴伯等走報後路桑林田白水源等處苗賊窺見  
官軍調出要來攻劫關廂長街必須掣軍回州護守具  
呈到職除將官軍分投設伏四面賊衝要路截殺外切  
照武岡州所轄城步攔牛扶城等四十餘寨苗蠻缺食  
生物不服糾合大小等峒苗徭不時潛從各路桑林田  
船田鋪等處出來節調官軍前去截殺追退後來不絕  
先據步城巡檢司火牌飛報上下崖頭中坪蓬峒苗人  
蔣插田禾已了糾合各寨苗蠻要往本州攻劫等因整  
棚官軍哨備爲照賊路數多官軍禦調不敷通行去後

于公奏議卷四

八

今呈前因參照前項苗賊在於地名惟塘市渡頭橋清  
溪等處流劫緣係王國地方除晝夜固守又且本州見  
在倉糧止有二千四百石係干賊情猖獗逼近城池重  
務擬合差人馳報等因備呈到臣參照苗蠻賊寇四散  
流劫燒毀房屋聲言要打武岡城池等語係干苗賊逼  
近城池重情具題該本部官欽奉聖旨該部知道欽此  
欽遵鈔出到部除倉糧行移戶部徑行外參照武岡州  
地方先該湖廣三司等官節奏見有苗賊或三五百人  
或十餘人侵擾剽掠殺傷官軍本部已經不次覆奏行  
令總督總兵等官右都御史王來保定伯梁瑤等調度  
官軍設法撫捕去後經今月久功效蔑聞而前項賊寇

聚有二千餘徒比舊愈加數多其勢愈加猖獗且聲言要打武岡城池等語而梁瑤等非惟不能設法奮勇剿殺抑且並無一字奏報顯是各官因循怠忽互相推調不肯躬親督兵撫捕若不督兵剿除即日興師轉餉已及三年之上地方不定人心搖惑而武岡州又係在王國去處與衡州長沙岳州武昌一帶大江接連慮恐賊勢益張沿江上下聞風驚懼重貽後患未便又況寇不可玩兵不可久玩則賊情愈肆久則供給浩繁財力屈殫皆非經理之道治安之策合無差人馳驛齎文與王來梁瑤督同守備湖廣都督陳友等上體朝廷付託之重下念軍民擾攘之艱躬親統率官軍將武岡州等處

千公奏議卷四

九

苗賊作急招撫剿捕務在和同計議協力齊心以收萬全之功不許顧望遷延玩愒歲月致貽一方之患若今日各官苟且文具儻或賊寇勢大卒難整飭失誤事機罪將何追若果官軍調遣不敷宜從將附近武岡州所在軍衛有司官軍民壯人等隨宜調用務圖成功以保地方以安人心仍將撫捕賊寇盡絕緣由具實回奏緣奉欽依該部知道事理具題景泰三年七月初一日奉聖旨是欽此

兵部爲陳言禦寇救患等事兵科鈔出欽差監察御史王允題節該欽奉敕廣西潯梧柳慶等處盜賊連年生發流劫鄉村殺掠民財邊民受害朕甚憫之近言者必

得廣東調兵與廣西兵會合夾攻庶幾可滅前賊然廣東亦累報茂名等縣賊寇出沒不絕兩廣賊勢未審緩急若何遣將調兵難以遙制今特命爾星馳往彼察勘廣東賊勢如果少緩即便會同彼處鎮守巡撫內外官員著令都督董興量領大軍并彼該調輪班官軍前去廣西會合都督僉事武毅等將應有賊寇逐一剿滅以靖地方其董興等不許似前推避縱賊殃民若廣東亦賊勢未寧董興難於調動或先調輪班官軍前去接應務在相度事勢從宜區畫停當而行爾仍須從公道體訪二處賊情有無虛實及其守禦等官有無蒙蔽及董興武毅等有無貪虐明白具奏區處毋或因循忽畧及

千公奏議卷四

十

狗人情不言如違罪有所歸欽此欽遵臣於景泰三年五月初二日已將廣東都布按三司經歷司呈報劫殺人財盜賊起數并都督董興難於調動情由照依敕內事理會同左監丞阮能侍郎揭稽具題外近查得廣西賊情六十二起比之廣東賊情中間多係流劫鄉村殺掠民財重情并體得兩廣守禦守備官員賣放軍士備禦缺人盜賊得以縱橫害民守禦等官彼此互相蒙蔽及體訪得都督董興隱占廣州左衛旗軍董童狗等七十五名前衛所旗軍羅孫等五十六名右衛總旗王孝保曾斌等一百一十一名後衛小旗黎二仔梁堅等共一百一十二名每名按月辦納月錢二百文俱董興人

已賣放歇役景泰三年董興將增城千戶所該調原征輪班精壯百戶唐忠不令廣西征進卻改調幼弱百戶郝公明頂替前去中開顯有受財枉法情由及訪得都督僉事武毅參將范信自到廣西守備號令不嚴專一剝削軍士且如湖廣每年該調輪班官軍若到廣西武毅范信每衛官軍名下索要拜見銀一錢入已俱係主文寫發軍人胡朴等過送景泰二年巡按御史奉都察院劄付查出桂林中右二衛官軍戶下成丁餘丁王紀等共六千四百七十二名照兵部奏准事例相兼官軍操守城池今訪得此等餘丁並無操守及體得馴象衛鎮撫馬驥係軍前聽調人數今卻買閒在家又不隨操

于公奏議卷四

十一

等因致被本衛經歷司知事方岳舉呈事發中間顯有武毅范信受財賣放情由比之已故總兵官山雲守備之時勇智廉介號令嚴明猺賊聞之心寒膽戰有不佞人與不得人爾今照都督董興都督僉事武毅參將范信素乏武畧叨掌兵戎號令不嚴操練無方又且指跟隨而賣軍空閒假拜見而索銀入已改調不公則董興玩法之罪難逃受財賣放則武毅范信欺君之惡難掩貪濫之狀大著於兩廣科擾之弊流及於三軍逮至有警董興則巍然高坐城池不卽率軍剿殺武毅范信則徒然領軍在外焉敢與賊對敵致使被害良民死者怨

氣冲天生者哭聲動地罪惡至斯人皆痛恨其中武毅已年六十之上筋力日衰威名日退以此土官之不信從猺賊之肆劫殺沉廣西地方軍少賊多不可不慎再照兩廣都指揮指揮千百戶等官徐昇張顯等俱係守備守禦官員不以地方為重惟以財色為務縱賊殃民彼此蒙蔽原其罪犯俱屬失機若不懲治於既往誠恐貽患於方來合將徐昇張顯等查提問罪董興武毅范信差人提取赴京送問仍乞敕另選素有智謀廉介如山雲武臣三員前來更替以為地方保障便益內董興武毅范信俱係武職大臣徐昇張顯等俱係守邊軍職其本該通政使司官奏奉聖旨該衙門知道欽此欽遵

于公奏議卷四

十二

鈔出到部查得先該兵科右給事中黃士雋題稱都督董興占恡官軍一千五百員名以致賊勢猖獗及稱武毅往往以廣東官軍不至為詞推調不行殺賊且聞本官操守甚是不潔又聞人言董興若仍在廣東二年必再有黃蕭養者出等因具題本部議得合行都察院選差有風力御史一員請救前去體勘各官有無貪虐情由應否存留取回免致貽患明白具奏定奪等因節該奉聖旨是欽此除欽遵外近又該武毅李榮同巡按監察御史廣西都布按三司具奏鎮安府土官岑永壽伊男岑祖德糾合目兵及邀請交阯蒙當保樂貳州里宵獠狍約有一萬餘徒攻破城池殺害兄弟趕逐親父虜

去男婦二千之上及稱桂林柳州平樂梧州潯州等府  
永福荔浦來賓等州縣節報賊寇共七十二起攻打城  
池燒毀村堡殺虜男婦剽掠財物滋蔓不息等因具題  
鈔出本部又經議擬前項賊情既已如此危急而武毅  
等卻乃視爲泛常怠忽自如畧不經心整飭若不另爲  
處置慮恐失陷地方未便合無請敕差錦衣衛能幹頭  
目一員同有風力御史一員再行馳驛前去廣西體察  
賊情何似及武毅李棠有無總兵提督之才一應事務  
曾無盡心區畫堪否任用具實回奏等因奏奉聖旨是  
欽此除欵道外今鈔前因參照前事既已御史王允爵  
董武毅平日賣放軍士辦納銀兩弁怯懦無爲縱寇

千公奏議卷四

七

長姦矣機誤事流毒生靈貽患地方各項實情體出回  
奏明白所據錦衣衛官弁積後御史不必再差臣等切  
詳董興武毅等各掌三軍之重權卻爲兩方之巨蠹以  
賣軍得財爲能事視縱賊殃民爲等閒貪污不才猥懦  
無恥董興則擁兵自衛而不敢出城武毅范信則率領  
官軍而不敢應敵迹其所爲蓋天地鬼神之所不容而  
婦人女子之不若是致數年以來地方攪擾賊勢猖獗  
聲息殆無虛日生靈畧無寧歲軍疲於賊守民困於轉  
輸戰骨隨處而有哭聲無處無之上而辜負國恩下則  
感傷和氣皆董興等爲之其爲痛恨庸可勝言今近侍  
之官發之於前而風憲之職實之於後事跡彰露情犯

明白若不量加黜罰另選賢能則兩廣地方兵連禍結  
曷有紀極譬則人之有疾而付之庸醫非惟不能治療  
而反以增劇若非更張必致危殆始此係地方人民重務  
難從姑息臣等再三籌畫必須將董興武毅等量爲究  
治庶可維新政令以冀收效方來看得鎮守涿州良鄉  
署都督僉事陳旺操守廉介軍旅整嚴所在軍民無不  
信服及鎮守雁門關署都指揮使翁信廉幹謀勇歷練  
老成俱堪大受合無將陳旺翁信各陞實授都督僉事  
俱充副總兵官陳旺令去廣西翁信令去廣東代替鎮  
守地方武毅董興差人行取來京請敕前去到彼之日  
務要痛除宿弊一新號令益厲廉清之操務得軍民之

千公奏議卷四

七

心勤於教閱公於行事振揚軍威作興士氣撫恤土官  
土人俾其畏威感德仍將各起賊寇躬親督兵相機撫  
捕若果官軍調遣不敷廣西則拘集各該土官宣明朝  
廷恩威量加獎勞起調狼軍相兼官軍領用仍許以有  
功之日重加陞賞其開土官若有克效勤勞合當頒降  
璽書旌異弁加與陞賞宜從馳奏定奪廣東亦將土兵  
弁各衛所舍人餘丁盡數選揀協助官軍守戰各官必  
須懲戒前失恪守初心使下人有所表率賊寇有所畏  
懼以爲藩方保障以除軍民患害果有利國便民之事  
宜從商確而行事體重者明白具奏不許纖毫怠忽致  
誤軍機重務若事千兩處地方必須會兵勦殺及計議

施行者亦要協心比志和同而行不許各持己見互相  
矛盾成功則俱受陞賞壞事則厥罪惟均仍將在京五  
軍營隨操署都督僉事陳友代替翁信鎮守雁門關把  
總都指揮僉事王濬代替陳旺鎮守涿州良鄉亦各另  
請敕付各官前去臣等又議得各邊參將等官先因貪  
淫酷暴該本部等衙門劾奏行取赴京中間多有仍復  
原舊爵秩得以安享優閒甚至營求管事管操者頗乖  
事體殊失勸懲今照董興武毅畏怯貪婪之迹已著總  
兵統馭之任難勝雖不行提赴京明正國法亦當量加  
降黜以中公義合無將董興武毅范信俱降為事官就  
於本處跟隨總兵官殺賊果有大功另行定奪務在安

卅公奏議卷四

五

分効力悉聽總兵等官節制不許僣蹇傲慢有違軍法  
如違聽陳旺等輕則量情決罰重則奏聞區處如臨敵  
不用命照依軍法處置其都指揮指揮千百戶等官徐  
昇張顯等并主文說事過錢軍人胡朴行移巡按御史  
查提究問明白監候具奏發落以昭朝廷法令之公以  
慰地方人民之望則兩方賊寇可以冀其消弭而百萬  
之軍民可以洩其怨氣而保其性命及照先因廣西賊  
情緊急本部累曾具奏行令廣東總兵等官董興等調  
兵前來會合撫捕而董興公然不肯啟發展轉捏詞具  
奏詳其所由蓋是兩處總兵官不相統攝彼此頡頏難  
於行事况兵家之事貴有節制而軍中號令貴在專一

借使人各異見豈能併力成功今兩廣道路相接賊寇  
更爲出沒又兼土官衙門數多若無平日有名望大臣  
一員總督其事節制兩方未免各相推調不肯應援卒  
難成功看得太子太傅安遠侯柳溥先充廣西總兵官  
名望素著蠻夷懷服近日廣西三司亦曾奏保合無令  
本官仍充總兵官掛征蠻將軍印節制兩廣軍馬剿殺  
賊寇凡一應事體悉聽便宜處置不惟土官信服而狼  
兵易於起調亦且苗蠻聞風而賊勢自能消沮如安遠  
侯不可輕動合無令臣謙或太子太保兼戶部尙書金  
濂太子太保兼都察院左都御史王朝內請旨點差一  
員充總督軍務請給敕旨并總督關防前去兩廣調度

卅公奏議卷四

六

官軍撫捕賊寇一應軍務陞賞悉從便宜而行所在總  
兵等官並聽節制將廣西征蠻將軍印暫令陳旺署掌  
候寇賊大勢已息地方日漸安妥差去總兵或總督官  
回京只令陳旺翁信在彼鎮守再照都督董興武毅等  
穢迹彰聞而侍郎楊稽李棠與之共事公然蒙蔽不以  
上聞中間顯有通同故縱情由亦合究問緣兩處地方  
緊關用人合無請敕提督廣西軍務右侍郎李棠巡撫  
廣東左侍郎楊稽務在洗心滌慮持廉秉公上爲朝廷  
分憂下爲軍民造福凡有一應軍務等項事件必須會  
同總兵等官從公計議而行苟或事有窒礙無益軍民  
者亦須執法舉正務歸至當自總兵官以及管軍頭目

若有貪財害軍不守兵政者就便指實舉奏不許貓鼠  
同眠同惡相濟以玷名節以乖事體以負國恩知違罪  
有攸歸前項所議事件俱係軍國重務俯聽聖裁緣奉  
欽依該衙門知道事理具題景泰二年七月初四日奉  
聖旨是陳旺翁信且都著署都督僉事俱充副總兵令  
兩廣代替武毅董興鎮守地方待有功時一發陞賞陳  
友王濬准擬董興武毅俱降做爲事官就於本處聽總  
兵官調度殺賊有功時定奪柳溥在京領軍操守不許  
動著王朔充總督軍務前去兩廣調度官軍撫捕賊寇  
李棠揭稽寫敕去切責他著洗心改過同總兵等官協  
和行事再仍前怠惰誤事不饒欽此

干公奏議卷四

七

兵部爲苗賊出劫殺死人命事兵科鈔出巡按湖廣監  
察御史張翰題景泰三年六月十五日據湖廣布按二  
司委官照磨等官王泰等呈本年六月初八日據寶慶  
府武岡州中本月初七日據儒林鄉民人潘必政等連  
名狀告本月初六日巳時分忽被城步關牛水等峒苗  
賊約有五百餘徒張打旗號前來本州城名木瓜橋駐  
劄四散於惟塘市渡頭橋等處流劫離城五里之路殺  
死各家男婦潘接保等九名口虜去男婦一十八名口  
耕牛八十一隻放火燒毀房屋家業畜產盡行劫虜人  
口奔走投城顧命卽今苗賊仍在本鄉住劫不退等因  
具呈到院臣查得先該湖廣都布按三司經歷司呈俱

干公奏議卷四

七

奉本司劄帖爲苗賊出劫等事據靖州綏寧縣申據赤  
水等圖寨老人易通等節次呈告本年二月初二日有  
苗賊於金田等處打劫張文質等家人財本月十一日  
有苗一百七十餘徒打劫本里楊通曉十二日又有七  
百餘徒劫掠本里民人唐時畧等十四日二百餘徒劫  
虜楊正榮等十五日三百餘徒經過石井十八日二起  
各三百餘徒往長湖二十五日一起往新寧縣俱流劫  
殺虜人口財畜本年三月初三日有一百餘徒打劫石  
門初八日七十餘徒劫破大水洞民李再林等家十三  
日六百餘徒攻打田心寨十四日有一千七百餘徒劫  
殺石牛圖民人劉進華等家人四十一日十六日據水  
峒民龍玄壇等告有苗頭吳英帶領一百二十餘徒入  
圖殺傷男婦八口十八日一起有三百餘徒長湖捉虜  
民人曾仕密等一起二百餘徒在赤塘捉虜民人曾和  
等又往長湖二十二日八十餘徒又在長湖二十五日  
四百餘徒攻夏抑圖接日攻打新寨至二十八日往大  
水峒去訖二十六日五百餘徒劫溪塘二十七日七百  
餘徒劫長湖二十九日二百餘徒出石門當日三百餘  
徒於木瓜橋劫虜人民四月初三日五人殺傷趙惟志  
男婦六人十二日二百餘徒金田屯殺死軍餘朱祖保  
二十九日二百餘徒金田出劫王成等家五月初三日  
一百二十餘徒長湖金田等處十五日五百餘徒攻破



峰寨殺死楊正茂李慶等家男婦一百二十四名口虜去二十三名口十七日五百餘徒前來蔡家塘威溪出劫等因參照守備武岡州署都指揮僉事范真等明知苗賊自二月以來四散流劫軍民殆無虛日大肆猖獗離城五里路程殺虜人財尙且坐視不救俱屬誤事合當拏問以警將來緣范真等係方面軍職具題該本部官欽奉聖旨兵部知道欽此欽遵鈔出到部除前項賊情近該鎮守湖廣內官梁還題本部已經奏准通行總督總兵等官右都御史王來等督兵勦捕去後別無定奪所據奏稱守備武岡州署都指揮范真等明見苗賊自二月以來四散流劫軍民離城五里殺虜人財坐視

于公奏議卷四

九

不救要行拏問一節緣范真係守備武岡州官員卽目彼處賊寇正在猖獗之際緊用將官管領軍馬守戰地方合無將范真行移巡按監察御史照名提究問另選知勇都指揮一員代替守備惟復且不提問令巡按御史將范真等取具死罪招伏令其照舊在彼設法運謀將前項苗賊務必設謀剿殺以贖前罪緣范真等係方面軍職及奉欽依兵部知道事理未敢擅便具題景泰三年七月初四日奉聖旨不問著巡按御史取了死罪招仍捕前賊再不用心不饒欽此

兵部爲軍務事照得廣西各該土官衙門比先年間總兵官行事公道各官並聽節制遇有起調土兵撫捕賊

寇隨卽用命起發所向成功以此地方寧靜軍民安妥近年以來爲因副總兵都督武毅等怯懦無謀處置乖方以致各該土官不肯信服甚者中間心持兩端強梁跋扈重爲地方之患卽目武毅等已是降黜欽命太子太保左都御史王翱前去總督軍務勦殺賊寇正在用人之際而土官所部土兵委係驍勇慣戰賊人素所畏懼若不維新號令盡革宿弊誠恐不得其心未免難於調用況以夷攻夷爲策之上而恩威並行制事之宜合無請敕王翱候到彼之日拘集各該土官宣明朝廷遞年優待之意并各人享有爵位之隆茲當地方不寧正宜効力補報如土官都指揮黃珖先因爲事提問後都

于公奏議卷四

七

察院具奏要行疏放宜從王翱斟酌所犯事情可以疏放還職就便疏放又如土官知府岑瑛具奏要行赴京陳情必是事有平不以此欲來探訴自今宜竭盡臣節捍禦地方仍調所部土人協助官軍勦殺賊寇若有成功朝廷陞賞不吝其餘各府土官但有克効勞勤與黃珖岑瑛等果能據忠効力合當賞勞輕則聽王翱便宜處置事體十分重大者明白奏請定奪及黃珖岑瑛俱係蠻夷大頭目久在邊方積威有素假其兵力雖可成功原其本心未易測度凡百調度處置及事委曲宜從王翱密切處置停當具由開奏取自上裁務在措置公平而事體允當夷情悅服而緩急得濟緣係獎勵土官

事理具題景泰三年七月初九日奉聖旨是欽此

兵部爲軍務事准太子太保兼都察院左都御史王翱咨近准來咨照得廣西各該土官衙門比先年間總兵官行事公道並聽節制起調土兵隨即用命所向成功近年以來總兵參將怯懦無謀處置乖方以致各該土官不肯信服甚者中間心持兩端強梁跋扈重爲地方之患卽日欽差王翱前去總督軍務正在用人之際其土官所部狼兵委係驍勇慣戰賊人畏服若不維新號令誠恐不得其心未免難於調用合無請敕王翱到彼之日拘集各該土官宣明朝廷優待之意享有爵位之隆正宜効力補報協助官軍勦殺賊寇若有成功重陞

王公奏議卷四

三

重賞必不吝惜等因除具奏外移咨准此參照廣西夷賊生發誠是總兵政者禦寇賊不得其法待土官又非其道以致地方不寧人多受害再照夷賊所畏懼者必在乎土兵而土兵聽調効力者又在乎土官而土官得人用命又先結之以恩然後宣朝廷威德明賞罰之公庶可使革心向化地方獲安今請敕當職前去省諭不若徑請敕各土官黃玠岑瑛等體天道順朝廷盡忠協力捕賊悉聽王翱節制事平之日重加陞賞仍先請給官庫或戶部折糧銀一千兩表裏四五付齎去會同總兵侍郎等官先將得用土官黃玠岑瑛等每人給賞一二表裏銀一二十兩以固其心庶幾恩威並行易成

功其餘土官應該賞者斟酌給與剩餘者就彼收庫糧等項公用便益等因移咨到部看得來文內開稱要請敕諭并銀兩表裏賞賜勉勞土官黃玠岑瑛一節緣廣西地方土官衙門數多其黃玠係廣西都司土官都指揮使領軍守備潯州等處土官岑瑛係思恩府知府比之各處土官其部落頗盛氣勢頗強彼處蠻夷素所畏服兼正統十四年廣西賊寇生發以來而各官往往率領土兵協助官軍勦賊其中心雖未可測而兵力則有可憑及兵家亦有以夷攻夷使詐使僞之說兼且蠻夷之性惟利是圖若欲結其歡心必用賞賜誘掖古人有言成大事者不計小費又曰重賞之下必有勇夫是

王公奏議卷四

三

也今王翱又係欽命充彼處總督軍務官員旣已籌畫停當建明前策合無准擬請給敕諭二道內一道與黃玠一道與岑瑛并行戶部禮部依數開與銀兩表裏就付王翱帶去招集黃玠岑瑛到官或差人齎捧降與敕諭量授銀兩表裏宜以朝廷恩威諭以逆順禍福俾之悉心効力恪遵朝命益堅臣節無事則謹守地方保無疏虞遇警則調度人馬聽受節制凡有賊寇生發就便率領土兵協同官軍勦殺果能建立大功肅清邊境俾蠻夷懾服軍民獲安朝廷公論如天日之明自有重大陞賞必不惜吝務在竭忠委身以濟邊務不許陰持兩端心懷疑貳緣係請敕賞勞土官事理未敢擅便具題

景泰三年七月十一日奉聖旨是欽此

兵部爲邊情事准禮部咨禮科鈔出巡撫四川都察院左僉都御史李匡題景泰二年十二月內臣差威州陰陽典術袁劍伴送董下韓胡宣慰使司掌司事都指揮同知克羅俄監燦差來番僧刺麻回還就令克羅俄監燦將原占雜谷安撫司并達思蠻等官司地方印信退還各司掌管近據袁劍回說雜谷地方印信董下退還故安撫定日思結第昆綽達兒掌管帶本人前來回話到舊維州因時證痘瘡在彼住歇達思蠻地方董下亦退還本司頭目牙册掌管印信係番僧刺麻星吉齋往魚通寧遠宣慰使司遊方未回但先前雜谷達思蠻各

于公奏議卷四

董

管地方不受董下約束卽今雜谷達思蠻雖得地方俱聽董下節制保縣舊維州地方董下不肯退還等語及將董下書一紙內一紙送臣銀酒罐一箇計重十兩金珀珠一顆又一紙問臣計御製大誥一部爲善陰騰書一部孝順事實一部洪武韻禮部韻廣韻玉篇周易尚書毛詩小學註解士林廣記居家必用方輿勝覽成都記釋文三註古文一部書中詞語甚恭非若每時放肆有見感戴聖恩洗心向化之意所送銀罐金珀珠若便卻回夷人以爲羞恥反生猜疑臣受收隨此封進及將來書一紙咨繳禮部知會外照得求討書籍一節考之唐玄宗之世吐番遣使求毛詩春秋禮記正學于體烈

以爲與之書使知權畧愈生變詐非中國之利尙書裴光庭以爲吐蕃久叛新服因其有請賜以詩書庶使漸陶聲教化流內外體烈徒知書有權畧變詐不知忠信禮義皆從書出於是玄宗賜以詩書今照董下求討前項書籍臣以爲成都記卽成都府志書也一府之形圖關隘於此乎載不可以此志與之使其知成都之地方也方輿勝覽天下之形象關隘於此乎載不可以此書與之使其知天下之地方也其餘書籍可以與之誦讀使其知忠君親上之道佩仁服義之節若不與彼來朝之人市於書肆之中亦不甚難不若因其請而與之可以固結其心書籍係董下所無有朝廷所未賜臣不

于公奏議卷四

董

敢以私與如蒙乞敕禮部計議將董下所求書籍遣人量加頒賜因而敕令將舊維州地方退還保縣彼必感恩知報可免西顧之憂臣之愚見如此具題該禮部官欽奉聖旨該衙門知道欽此欽遵鈔出到部除奏討書籍另行奏請給與外所據今將舊維州地方退還保縣一節移咨到部參照董下韓胡克羅俄監燦其謫詐之心桀驁之狀陰懷異圖非止一日今雖要令將舊維州退還本縣誠恐本人反復多端貪戀土地人民不肯退出并雜谷安撫司達思蠻長官司雖稱退還亦不見著實其稱印信帶出遊方等語俱屬虛詐又稱雜谷達思蠻雖得地方俱聽董下節制則是雖有退還之名其實

占管如故李匡所謂洗心向化未必不爲虛言今既禮部將前項書籍給與所據舊維州地方合無行移維荷再行公同鎮守都指揮周貴等從長計議其於夷情邊務如果董卜韓胡革心向化變惡爲善實有遵奉朝廷之心別無變詐不實就便差人齎文與克羅俄監燦以謂爾今奏討書籍朝廷已允其請但舊維州係附近保縣去處爾既有恭慎之心不失臣節宜將本州地方退回本縣以表臣順以見忠誠毋得猶豫狐疑自持兩端仍令羅綺當知克羅俄監燦之姦當念地方付託之重必審勢度情必輕利重義今後蕃夷饋送物件雖不可遽然辭卻以生夷人疑貳之心亦不可輕易接受以啟

子公奏議卷四

美

夷人輕侮之意務在處置停當俾上下相安緩急有濟以折蕃夷之姦謀以爲地方之保障儻有疏虞責有所歸緣奉欽依該衙門知道事理具題景泰三年七月十五日奉聖旨是欽此

兵部爲賊情事兵科鈔出廣東布政司高州府知府楊仰譽等奏照得景泰二年十二月日期不等節據化州并梁沙巡檢司及茂名吳川二縣申該民里老李永中等告報節被廣西強賊越境前來打劫州縣陵羅銘信等鄉地名馮塘登教等村民人龍得洪昭張仲九等家財物燒毀房屋禾倉殺虜人口等因到府不次卽刻通行備達轉報本府地名廣東都司都指揮僉事孫旺指

揮同知黑爽李福操守指揮僉事劉靖等官及附近神電高州信宜藍川等衛所各速調督官軍及本府帖委照磨所檢校蘇芳部領在官民丁土獐李雄等四百二十名協同官軍截捕近今景泰三年正月十三日據檢校蘇芳呈稱與賊交鋒對敵殺獲賊級九顆餘敵散入大山去訖呈送功級通行發於賊路梟掛續據化州并茂名等縣申各准原委判官范昭等牒關據里老莫宗貴等勘得民人龍得等家委於景泰二年十一月日期不等節被廣西北流陸川等縣羅下等里民賊李受本男李秉等波河等猪賊首章尙明等糾引潯州等府大藤峽炭山等處強賊或一三三百不等各從北流等縣

子公奏議卷四

美

地名竹聽窪白米文黎扶來等山村越過梁家沙白梅竹山等營堡地方入境分宗流劫州縣鄉村累報各該守哨官軍不能設策截敵強徒得勢凶暴猖獗殺人放火捉虜男婦有銀者贖脫無銀者虜回去訖見今駐屯原居山峒不散人民驚疑遠避久無復業等因備將勘過緣由殺虜人財等件花名戶口數目繳結各申到府除節次備由申呈巡按廣東監察御史布按二司等處及仰州縣委官存郵被賊逃散人民復業安居者量免糧差外臣等切思廣西陸路接通本府地方俱有軍堡巡司截把又有哨捕官軍縱容強徒連年越過通合北流等縣交通民猪顯是前賊在於該管衙門符同捏稱

生理別故告給文引照過構集爲盜及本府原設梁家沙白梅竹山等堡俱奉議調神電弁高州等衛所三百二百不等各有指揮千百戶等官郭禎等督備守把廣西賊行要路今卻往往躲避任賊越入境內照得被劫大井等村俱各附近信真電白高州化州靈川神電等衛所各處又有都司委官指揮黑爽馬貴劉靖李福等官在彼守備當於本府月報支糧卷內查得各官統領哨捕軍通計五千二十六員名俱屬都指揮僉事孫旺總督各官職專其事明知累報強賊不肯親自領兵敵捕止使承調官軍千百戶周欽等遇賊無謀罷陣退走殺害軍民強賊得肆民遭荼毒存者驚散難以安生若

千公奏議卷四

三

不設法剿除固守恐後構集遂成大患貽累邊方城池殘害生靈實難保備如蒙准奏乞敕廣東廣西總兵官巡撫鎮守巡按三司等官計議合無趁今強賊未散惟復秋晴多調精銳官軍尅期前來兩廣交界地方設法併進合先將北流等縣羅下等里竹窪等村民賊李受男李秉等波河等猛賊首章尙明等抵巢盡數剿滅絕其根蘖兩廣交界原設營堡照舊存留仍乞添撥官軍守把各議委有謀公廉都指揮一員時加往來總督操守城堡今將州縣勸過殺虜人財等件緣由具本專差典史曾祿親齎具奏又該高州府茂名縣縣丞廖清亦奏前項賊情內稱都指揮孫旺等統軍鎮守卻乃在城

坐視覓娶妻妾楊氏等及通房使女無數在家飲酒但遇報賊公然閉門不理探知賊退止調千百戶等官部領軍旗出外東躲西藏不肯進軍剿殺致使強徒得志四散流劫鄉民受害等因又該高州府化州知州鄧敏等亦奏前項賊情該通政使司官俱奏奉聖旨兵部知道欽此欽遵通鈔到部查得先該鎮守廣東左監丞阮能及巡撫侍郎等官揭稽等俱題前項賊寇劫虜軍民擾害地方等情并都指揮等官孫旺等遇警閉門高坐臨敵束手傍觀耽酒戀色玩寇殃民等因本部議擬合無行移巡按廣東監察御史將都指揮千百戶等官孫旺等照名查提問擬明白監候奏請發落等因節該奏奉

千公奏議卷四

三

聖旨都指揮千百戶等官著巡按御史取了死罪招令用心務要撫捕前賊以贖前愆欽此欽遵外今鈔前因參照都指揮等官孫旺等係管領軍馬守備地方官員明見前賊流劫鄉村殺掠人畜不思躬親督兵設法撫捕卻乃擁兵自衛端坐一城耽戀酒色槃樂怠傲視賊情如兒戲輕人命如草芥壞法貪淫無所不至失機誤事累惡不悛天地鬼神所不容官吏軍民所共怒本所以除患而反爲患本所以安民而反害民雖聖恩俯賜於寬容奈軍法難從於姑息况孫旺僥倖獲免卻乃大肆貪淫穢迹惡聲聞於遠邇若不依法究治懲一戒百卽戶廣東等處地方寇賊猖獗人民被害日甚一日推

其所由蓋因統軍官員貪淫怯懦各驕己私縱姦玩寇之所致也又況見今欽命總督總兵等官太子太保兼左都御史王翺等前去兩廣撫捕賊寇正宜申明軍令作新士氣以冀收功於方來以除軍民之患害今董興已蒙降黜而孫旺未正典刑合無行移王翺等到彼調度官軍將各起賊盜上緊設法招撫勦捕務俾日下盡絕盜安以副朝廷委任仍將都指揮孫旺拘提到官究問失機誤事貪淫害軍情犯明白或依律照例決斷或便宜發遣充軍立功以爲將臣不律者之戒仍將孫旺占娶軍民子女并受要贖物給還原主以雪下人之怨以表國法之公若犯該重罪監候奏請定奪其餘干問

于公奏議卷四

五

官員宜從王翺照例施行如此庶使號令行而凶頑不致肆非兵政舉而賊寇易於殄滅緣係懲治失機誤事官員及奉欽依兵部知道事理具題景泰三年七月十五日奉聖旨是欽此

兵部爲陳言撫安夷民事兵科鈔出總兵官征蠻將軍都督同知沐璘等題照得先該總兵官黔國公沐斌准右軍都督府勘合准兵部咨呈兵科鈔出禮部等衙門主客清吏司郎中姬堅等題切見雲南所屬木邦緬甸孟養等處地方被麓川賊首思任發劫掠人民太上皇帝憫念生民遭此荼毒發軍征勦本賊伏誅其賊子思機發尙未殄滅潛居孟養不時出沒搶殺人口師旅經

年備邊差撥軍民接運糧草給餉差役繁重斯民不勝勞苦今木邦見差頭目前前來奏討麓川地方誠恐又行激變擾害軍民深爲未便如蒙乞敕該部計議差官帶領原差來夷人頭目同齎捧詔敕前去麓川宣奉朝廷寬恤之意復其舊土仍賜冠帶金牌印符令遵洪武永樂年間事例歲辦差發象馬依前進貢庶得邊境寧靖等因鈔出到部查得先該鎮守雲南太監蕭保題據木邦宣慰使臣罕蓋法緬書告稱要討麓川地方會同總兵等官議得麓川地方已開設隴川宣撫司止有孟止一處未曾定撥欲將孟止地方撥與木邦管屬等因本部議擬未審孟止地方相去木邦地里遠近及撥與管

于公奏議卷四

三

屬有無利便仍行雲南總兵等官體勘回奏定奪正統十一年六月二十六日本部官員奏節該奉太上皇帝聖旨既蕭保會沐斌每計議奏來了不必再勘候進去雲南時通行寫敕與他著同沐斌蕭保及三司官每公同商確孟止地方與隴川無干可與木邦管屬准他每奏欽此欽遵外續於兵科鈔譯出木邦陶孟弄孟等番字宣慰罕蓋法著我奴婢每送反人首級來天皇帝前叩頭乞討地方分付我奴婢每說我木邦罕蓋法著去管麓川今年若都與麓川地方可與麓川河邊者蘭幾處貼著我每木邦地方等因本部又照前項地方與麓川委無妨礙再行雲南總兵鎮守等官通行勘議應否

撥與明白回奏定奪正統十一年九月二十五日本部  
官奏節該奉太上皇帝聖旨者蘭等地方著總兵鎮守  
官勘議奏來不許輕忽致有忿爭欽此又經通行欽遵  
勘議去後又該木邦軍民宣慰使罕蓋法等番字奏天  
皇帝可憐見我木邦著管者蘭景綫地方那反人不佳  
時木邦欲要計較等因鈔出本部又經議擬合無再行  
雲南鎮守等官照依先奉欽依并今奏要管地方緣由  
從長計議應否撥與宣慰使罕蓋法管治其餘邊情事  
有無相應遵礙務要區畫停當處置得宜俾其事妥夷  
安不致紛爭攪擾明白具實回奏定奪景泰元年四月  
十六日本部官奏奉聖旨是欽此欽遵通行去後今鈔

于公奏議卷四

三

前因參照奏稱木邦見差頭目前來奏討麓川地方誠  
恐有所激變要行差人齋詔前去撫綏一節緣係夷情  
況蠻賊叛服不常姦詐難測事當臨機處置不可預爲  
定擬及無雲南總兵等官回奏前項地方緣由本部難  
以遙度定奪合無行移雲南鎮守等官并雲南都布按  
三司堂上官及巡按監察御史照依在先節奉欽依內  
事理公同勘議前項地方應否撥與木邦管治并今所  
奏應否差人齋捧詔敕前去麓川撫綏其餘邊情事體  
有無便利務在勘議停當處置合宜通行具奏定奪本  
部官奏奉聖旨是欽此欽遵移咨准此查得先准右軍  
都督府勘合准兵部咨呈兵科鈔出木邦軍民宣慰使

司宣慰使罕蓋發奏討者蘭景綫地方等因臣等已經  
遵守會議委官分撥停當會本回奏訖今該前因會同  
鎮守雲南奉御黎義參贊軍務大理寺左少卿鄭顯左  
參將署都督僉事胡志巡按雲南監察御史柳春雲南  
都布按三司左布政使賈銓按察使李璽指揮同知劉  
玉勘議得麓川地方原係賊首思任發管治後因思任  
發叛逆侵犯邊境被官軍勦捕奔竄緬甸斬首解京朝  
廷已將本賊原有境土開設隴川宣撫司衙門除授土  
官宣慰等官刀歪孟等撫管已定難再更變其賊子思  
機發冥頑無知逃據孟養不服招諭見被緬甸宣慰卜  
刺浪調兵勦獲拘留在彼候其解送赴京當正典刑以

于公奏議卷四

三

彭天討今差人齋捧詔敕前去麓川撫綏復其舊土賜  
以冠帶金牌信符令遵洪武永樂年間舊例歲辦差發  
金銀象馬進貢使其歸化緣蠻夷之性誦詐無恆易惑  
難化縱使加意撫綏終是內懷疑懼面從心異不肯信  
服又恐差去之人或爲賊所餌事既無成反貽輕侮邊  
夷騷動政體有妨尤爲未便會本具題該通政使司官  
奏奉聖旨該衙門知道欽此欽遵鈔出到部案查先爲  
前事已經通行勘議去後今鈔前因參照議得麓川地  
方原係賊首思任發管治後思任發叛逆被官軍追勦  
已將本賊境土開設隴川宣慰司撫管已定難再更變  
其賊子思機發見被緬甸拘留今若差人齋捧詔敕前



去麓川撫綏復其舊土終是面從心異反貽輕侮未便一節係干衷情邊務既已總兵官沐璘公同各官計議停當郎中姬堅所奏委有窒礙難行合行照舊令該府行移沐璘將隴川宜慰司照舊開設其冠帶金牌信符撫綏一事不必施行仍照原令事理整肅兵威鞏固邊境緬甸送到賊子思機發必須外示撫納密切防閑一則使之畏威感恩二則使其知我有備務在處置得宜而事體靈貼不許紛擾怠忽致有疏虞緣奉欽依該衙門知道事理景泰三年七月二十六日奉聖旨是欽此兵部爲海賊等事內府鈔出鎮守廣東印綬監左監丞阮能題據委官指揮使歐信呈蒙左副總兵右都督董興等會委統領廣州左等四衛官軍四百員名前去廣海衛會同總督備禦都指揮僉事杜信提督邊務右參政謝祐巡察邊務副使項忠都司委官指揮僉事張通嚴督廣海南海東莞香山新會五衛所官軍人等勦捕海賊得獲以靖邊方等因依蒙景泰三年五月二十四日起程二十七日到廣海衛有項忠杜信張通在彼先已差人分投歸德靖康等鹽場借取槽船未到官軍住劄至六月初三日方得海晏場駕到槽船三十隻分派官軍不分晝夜修理節據廣海衛備倭指揮僉事王俊差小旗施彥深等報稱海賊雙桅白船一隻單桅船二隻在於清水澳灣泊會同杜信項忠張通統領指揮孫

于公奏議卷四

三

攀等官軍船隻於初六日晚開船星夜前去至初七日早到清水澳不見所報賊船問據王俊說稱賊船初五日夜開往潯州海洋去訖初八日謝祐統領南海東莞衛所官軍船隻到來會同各官分投於海澳密緝哨捕不見前船顯是王俊脫放妄報包圍遮掩情罪緣連日暴風淋雨船隻顛跌損壞十三日統領官軍船隻回還廣海修理本日酉時又據東莞千戶所出海百戶徐勇差旗軍馬泰旺等報有海賊雙桅白船二隻在於香山海面十字門外洋隨潮上下行使據報隨船向各官統領前項軍船十五日到香山緝訪前船又往雞公頭海面行使有謝祐項忠會議杜信與本職嚴督官軍十七日到彼不見隨即差人密緝哨聽前船在外洋深澳十九日一更時分與杜信張通嚴督領軍指揮孫掌王俊章俊等官軍船隻前去至三更時分見得賊船在彼賊人不知其數本職與杜信當督官軍奮勇齊力向前與賊對敵各用飛鎗神礮等器敵至二十日辰時傷死賊人在船及落水淹死不計其數獲得賊船二隻并犁頭鎗三十把長鎗五十條當有杜信被賊鏢傷左脇等處仍督軍船黏蹤追敵緣賊船船身高大所駕槽船扁小攻敵架低風浪勇急火器燒盡追至未時到於鞞鞋北尖大海洋風急賊船望東行使去緣海洋廣闊船隻扁小風浪浩大難以追敵收軍回還石澗灣住劄有杜

于公奏議卷四

四

信被傷身死行委指揮孫擊相驗明白其船對敵被傷官軍取勘另報及督官軍緝捕前賊外備呈到臣臣等查得先為飛報海賊登岸事已經會本將潮州等衛所失機官員具題該兵部官奏節該奉聖旨潮州等衛所台問官員著巡按御史提問明白照例發落有干礙謝祐等奏來處置欽此除欽遵外又為海賊登岸事會間得蔡佛保係福建漳州府龍溪縣八都人招稱有本都賊嚴二總即嚴凱晟積年下番劫掠海道事發送本府司獄司監候脫逃糾集原下番賊首鄭禮謨與佛保等一百八十餘徒搶得福州地面大海船二隻小船四隻節次劫殺官軍人等及到廣東海豐鄉村打劫蒙官軍緝捕各賊奔走上船將佛保捉獲等因除將蔡佛保問擬斬罪監候照出嚴凱晟鄭禮謨并賊徒一百八十餘名節行都指揮杜信參政謝祐副使項忠嚴督官軍人等擒捕及具題外今該前因會同左副總兵右都督董興巡撫兵部左侍郎揭稽巡按監察御史周文郁布按三司左布政使戴弁等計議得都指揮僉事杜信既已陣亡台委都司管事都指揮僉事干羽前去會同參政謝祐副使項忠并續委指揮使歐信嚴督各該官軍人等務在口下跟捕反賊嚴凱晟鄭禮謨等及挨拏通番人船通行解報另行其都司印信暫委管屯都指揮僉事張玉署管外參照指揮僉事王俊統領官軍職專備

于公奏議卷四

五

倭卻乃與賊交通縱賊開洋卒難追捕失機誤事合另具本參奏及照指揮張通孫肇章俊并指揮使歐信不能相機齊力策應致被傷死杜信事屬違法緣即今山海賊情緊急用人之際合無候事寧之日拏問緣係軍職未敢擅便具題又該阮能題據委官指揮使歐信呈被海賊將都指揮僉事杜信殺死等因已經具題外案照先為海洋船隻事據廣海衛呈景泰三年五月初四日戌時准本衛出海備倭指揮僉事王俊關本日辰時據望頭等墩烽夫陳道存等走報海賊雙桅白船一隻單桅白船一隻在黃金門望西南行使將近望頭村前海拋泊男子約有二百餘徒各披盛甲器械意欲登岸據報隨督百戶王俊等官軍民壯於望頭村海傍藏伏當職督令官軍衛鎮撫王雄等船奮力向前包圍合關本衛煩將皮甲火器及添撥官軍催促備倭千戶馮意等官軍前來策應准此除已行策應外備呈又該廣東都司呈據廣海衛呈本年五月二十五日酉時據許昇狀告係錦衣衛鎮撫司帶管百戶中到廣東引鹽募靖康等處船隻前去雙恩場關支本月十五日令表弟李筠在船開至十六日午時行至廣海衛陳山頭海面忽遇賊船一隻各掛望斗擺列鎗刀追趕筠見勢凶復回躲至夏春長濬口當有巡海指揮王俊領軍在濬豈料不行救護被賊將稍人杜貴船一隻連人捉去清水澳

于公奏議卷四

美

賊首大船邊昇去巡捕指揮王俊處告鳴至二十日將弟許學說船上物件衣籠盡行搬檢賊分付要取錢米贖還據告轉呈到臣又據廣東都司呈爲走報海賊登岸事行准備倭都指揮僉事杜信等會案咨稱照得本職先往香山新會二處及與副使項忠前在廣海選取守城并備倭官軍民壯人等共一千五百員名除小樣哨船不算外操船二十一隻及右參政謝祐調到南海東莞衛所官軍民壯人等一千八十餘名除小樣哨船不算外操船二十五隻會同指揮使歐信等分投各往外洋大溪山清水澳潯州等處緝捕並無賊船蹤跡備咨轉呈到臣又據廣東都司呈爲賊首違法等事據黃

于公奏議卷四

三

清楊演首係廣海衛總旗景泰三年四月二十七日跟隨所鎮撫林榮領軍隨同指揮王俊前往夏春長港等處巡捕海賊至五月初八日有指揮王俊令總旗王政就夜故差千戶馮意帶領清等駕駛槽船一十一隻夤夜跟船到於望頭村灣泊初九日午時望見白船一隻在下川嘴掛篷行使有千戶馮意就時追捕趕至荔枝灣海面得獲白船一隻裝載檳榔蘇木等物賊人俱下小船望洋奔走其船物件係百戶沈禎著令小旗葉深等坐駕至初九日酉時駕回夏春長港灣泊有指揮王俊在穩江坐視不行督運追捕前賊將官軍者打趕出港口灣泊仍將前船撐進港內就夜同百戶毛俊總旗

王俊軍伴李源藍神旺等二十一名駕放料船二隻將原獲船內檳榔蘇木等物約有二百餘擔竹籠十箇俱各封記盡行般裝回家止留白船一隻檳榔六簍差百戶沈禎領軍解送前來據首備呈到臣已經節次會案令都指揮僉事杜信參政謝祐副使項忠嚴督官軍人等跟捉前賊及將黃清等所首行提事內人犯追問未報今該前因會同左副總兵右都督董興巡撫兵部左侍郎揭稽巡按監察御史周文郁都布按三司左布政使等官戴弁等計議參照前項賊船在於廣海衛該管地方清水澳任經一箇月餘其本衛備倭指揮僉事王俊統領千戶馮意百戶毛俊沈禎共一千員名在彼與

于公奏議卷四

三

賊船對劄不行剿捕任其劫掠若罔聞知先稱奮勇包圍賊船後稱並無賊船顯是王俊等與賊交通透漏消息縱賊開洋卒難擒捕以致殺死都指揮杜信非惟失機誤事抑且重貽邊患合將指揮等官王俊馮意毛俊沈禎拏問明正典刑以警將來具題該本部官俱欽奉聖旨兵部知道欽此又該巡撫廣東兵部左侍郎揭稽等并巡按廣東監察御史周文郁等俱題前事內周文郁參出參政謝祐副使項忠俱合拏問緣廣東俱有山海賊情緊要用人之際合候事宣通行拏問等因通鈔到部參照指揮僉事等官王俊等統領官軍職專備倭御乃懷姦不忠交通賊寇將獲到船所載檳榔蘇木等

物約有三百餘石竹籠十箇盡行搬載回家止留白船一隻檳榔六篋送官及至官軍到彼要行追捕反行透漏消息縱賊開洋卒難追捕以致官軍失利將都指揮杜信被賊殺死與賊寇以相通陷主將於非命異時海寇得志未必不由於斯原其情犯實爲深重誠國法之所難容神人之所共怒若不明正典刑無以申嚴軍法合無行移總督軍務太子太保兼都察院左都御史王翱查提王俊弁奏內人犯問擬明白將王俊就彼處決號令其餘依律議擬監候通行具由回奏及照董興先充左副總兵在於廣東領軍殺賊節該廉雷等府山獠出沒流劫鄉村殺掠人財焚燒衙門勢甚猖獗本官端

于公奏議卷四

堯

坐廣東城中不肯領軍剿殺及本部節次具奏廣西賊情比之廣東尤爲緊急令董興調度官軍會合廣西總兵官夾攻剿滅經今月久董興止用虛文展轉延調並不發兵前去今廣東沿海已有三司委官備倭又無大勢賊寇設使瞭有一二船隻當飛報三司委官相機處置不知因何差委指揮歐信以庸常無謀之人督海洋殺賊之事失誤事機實由於此今董興雖已降充爲事官員原情定罪亦難容恕及參政謝祐副使項忠雖稱文職終係原委巡海官員既已誤事亦合無令王翱將董興謝祐項忠一體提問明白監候奏請定奪惟復賊情未寧姑且不提令其上緊殺賊以贖前罪再照杜信

緣係廣東總督備倭官員陣亡見委都指揮于羽暫管合無就令于羽代替杜信總督備倭仍行該府轉行本官務在革除前弊維新號令整飭官軍船隻往來操守地方遇有海賊聲息必須相機行事如其可襲則黏蹤盡剿度其不可則持重固守不許貪圖微利循蹈舊轍以致疏虞誤事如有違誤治以重罪緣王俊等係軍職謝祐等係方面及奉欽依兵部知道事理具題該本部官奉聖旨是都不問著上緊殺賊務要得獲再怠惰誤事不饒欽此除董興謝祐項忠已蒙恩有不問并都指揮于羽行移本官代替杜信總督備倭外參照指揮僉事王俊等係阮能等參出交通外寇陷主將於非命情

于公奏議卷四

單

重人犯內王俊乃其首惡合無行移王翱照依本部先該擬奏查提王俊等弁事內合問人犯通行究問明白將王俊就彼處決號令其餘千戶馮意百戶毛俊等依律議擬監候具由奏請定奪具題景泰三年八月初八日奉聖旨是問的明白奏來處置欽此  
兵部爲禦寇等事兵科鈔出廣東雷州府知府莊敏題切照本府地方南連大海西接廣西山嶺險峻路途曠野每年冬夏猖賊出沒搶劫鄉民所屬遂溪縣近年以來常被搶劫人民驚疑至今不能安生本府城池相離咫尺在城雖有雷州一衛四所官軍分撥石城等處守堡等項數多在衛操守城池軍餘不過二三百名兼有

老弱不堪之人本府原編附近民壯二千餘名遇有各處飛報賊情緊急俱是臣等有司掌印官率領民壯守護城池景泰二年十一月日期不等節據遂溪縣申報廣西強賊一蹤不知其數攻入廉州府石康縣劫掠人財又有一蹤攻圍吳川縣城池聲揚要來石城遂溪二縣搶劫臣已躬親整點民壯守護地方及委各縣掌印官嚴督巡司官兵民壯人等踴躍備外切緣本府城池門禁原屬軍衛掌管臣只是率領民壯備遇賊寇一至不免當先對敵守城軍人不聽調度誠恐軍民相推事無歸一不無臨時失誤事機未便如蒙准題乞照例賜臣敕書一道令臣遇有緊急隨直處置軍民悉聽調度庶

于公奏議卷四

望

得事體歸一不致失誤緣係請命禦寇事理具題該通政使司官奏奉聖旨該衙門看計議來說欽此欽遵鈔出到部看得雷州府地方既係嚴峻濱海之處近來賊寇生發流劫鄉村殺掠人畜迨今未息本處雖設有軍衛緣因循年久武備廢弛平時不能保障居民遇警不能奮勇殺賊以致賊寇肆志日甚一日今知府莊敏具奏前因雖志存殺賊所言無理緣體統有在難以管攝合無不必請赦差人齎文與廣東布政司轉行莊敏令其整搦民壯申明號令及一應軍器等件必須堅完鋒利仍聽彼處總督總兵等官提調節制遇有緊急賊情行移該衙門撥官軍一同民壯設法督領剿殺有功之

日朝廷陞賞不吝不許假此為由虛張聲勢因而壞事玩寇長姦本部仍行該府轉行廣東都司著落雷州衛如遇雷州府移文調度官軍務要隨即調撥不許時刻稽遲仍須彼此和同共濟國事毋得爾我矛盾致誤軍機若有疏虞責有所歸仍通行總督軍務太子太保兼右都御史王翱副總兵翁信一體用心提調若所在軍衛蔑視有司怠忽賊情遇警不行調兵宜從王翱等量情懲治緣奉欽依該衙門看計議來說事理具題景泰三年八月初九日奉聖旨是欽此

于公奏議卷四

望

境左參將都督同知陳友手本據委官指揮王福湖廣署都指揮僉事汪迪等呈該調領漢達官軍前去武岡綏寧等處哨捕流劫苗賊景泰三年六月二十一日午時據寶慶府武岡城步巡檢司火牌報有橫嶺莫宜江頭高平大地大侯獨宿黃茅坪蓬洞上下崖頭上下邊溪桃林城溪平水等洞寨苗賊約有一千餘徒到塔溪沖駐劄聚眾等候賊稱說要打開十圍徑出武岡攻打水南橋長街當時又據打信軍人王瘦兒等報苗從地名塘泥隘惟塘市吳家平等處分投三路不計其數前來據報當督原領官軍分投於賊出要路藏伏至二十二日巳時分果有苗賊三千餘徒張打黃白旗號三路

前來臨城吶喊攻劫關廟各賊當將官軍分爲三哨王  
福與同署都指揮汪迪等左哨旗牌千戶陶成等有哨  
旗牌千戶孟壽等各督漢達官軍指揮夏宗侯俊等奮  
勇衝入賊陣殺敗賊眾就斬獲首級一百一十七顆生  
擒三名中路馬走者不計其數奪獲苗賊器具旗鎗等  
件督軍追至地名惟塘等處各苗奔遁去訖官軍全勝  
收軍回州除將生擒會同見在武岡布按二司委官照  
磨王泰檢校蕭必忠審係扶城等洞苗賊蓋正明盧善  
字盧肖子等首級驗實發與州所臬掛生擒賊八監候  
取領備照蒙鎮南王將綵段與王福汪迪及旗牌千戶  
陶成等掛紅綵係擒殺苗賊事理合行呈乞施行得此

于公奏議卷四

呈

先據署都指揮汪迪呈報苗賊聚眾要行攻打武岡州  
關廟長街當職與同原差旗軍百戶楊暹等親率漢達  
官軍於六月二十五日前進到綏寧縣據指揮王福等  
呈報前項賊徒盡行殺敗捷音齋報除領官軍仍回靖  
州等處哨領外手本到院查得先准總督守備湖廣邊  
境左參將都督陳友手本爲賊情事開據署都指揮僉  
事汪迪呈依蒙統領漢達官軍前去會合守備武岡署  
都指揮范眞軍馬截捕苗賊六月十五日到於綏寧縣  
當差百戶方聰馳驛回去會合外至十七日到於關峽  
劄營據黃陽平寨人季仁宗等報有苗賊三起約有  
九百餘徒見在黃茅堡駐劄當領官軍兼程前進十八

日酉時分到於黃茅坪劄營除差本處五開衛屯小旗  
張清緝探前賊果有在彼又有二起賊人在近各處鄉  
村剽掠等因回報到職除選精壯官軍前去緝探裝伏  
外爲因賊多軍少遣牌前去會合守備都指揮范眞多  
帶官軍前來尅於十九日寅時夾攻隨准范眞咨文會  
合緣由到職本職等率領官軍與賊對敵就陣殺死蠻  
人數多前賊退於高山駐劄各賊因見官軍數少及冬  
處剽掠苗人聚眾協同前賊復來迎敵官軍奮勇殺賊  
並無武岡軍馬前來策應切思武岡官軍相離三十里  
之程已有咨文會合尅期及至對敵之時俱聞礮聲故  
不策應備呈得此照得守備武岡署都指揮僉事范眞

于公奏議卷四

呈

呈及靖州綏寧縣火牌報稱武岡城步營屬各洞苗賊  
聚眾流劫各處民寨呈乞分調漢達官軍前來協同截  
捕已經委調都指揮汪迪統領漢達官軍於本年六  
月十三日前三武岡會同署都指揮范眞官軍相機截  
捕去後今呈請參照署都指揮僉事范眞所領官軍  
民壯不下四五百在彼守備本處地方累被苗賊劫掠鄉  
村離城五里一帶不出及至署都指揮汪迪領軍行文  
約會殺賊相離二十餘里不行依期前來且靖州調去  
官軍行途五六十里到黃茅人馬疲敝況彼處賊多軍少  
設有挫失豈不誤事等因手本前來查得先節准兵部  
咨該巡撫湖廣本院右都御史李實并內官梁選及湖

廣都布按三司巡按監察御史等官奏稱武岡地方城步扶城上下巖頭并原撫關牛等洞苗人聚眾在於本州并新寧縣地方等處流劫鄉村等因該部議擬令臣督同守備湖廣邊境都督陳友等調度官軍運謀設策作急撫捕前賊務在日下盡絕以靖地方以安軍民不許推調遷延以致長姦玩寇仍行巡撫右都御史李實嚴督都布按三司委官著落所在軍衛有司整朔官軍民壯固守城池以備總督等官調遣策應殺賊毋得纖毫怠忽致誤事機奏奉聖旨是欽此欽遵備咨到職除欽遵外爲照武岡城步等處地方賊情先已剿撫寧息續該湖廣署都指揮僉事范眞并添撥官軍四千餘眾

千公奏議卷四

罪

在彼守備又有布按三司分守并巡察邊務等官提督操守而臣見在貴州調彼官軍征勦東苗及四川草塘等處苗賊相去武岡隔越萬山豈能遙制定奪已經節次通行都督陳友及范眞等整朔范備官軍民壯人等務將前項出沒賊徒設法撫捕盡絕其實回報及差官舍楊暹等齎執旗牌嚴督去後今該前因緣武岡出劫賊徒既被都督陳友督調署都指揮僉事汪迪等統領漢達官軍前去殺敗緣係捷音合當馳報參照武岡一境先因守備等官不行用心防守致被廣通等謀爲不軌差人招誘已撫苗蠻復聚爲惡累經委調都督陳友等領軍前去綏寧木洞等處截殺敗遁地方後就寧息

今武岡添調官軍至於四千有餘專一在彼守備而范眞安坐城中任其賊寇不時出沒畧不哨捕防禦止據里老人等告報申呈而巡撫等官雖則節次具奏並無到彼親歷巡督及至參將都督陳友委調都指揮汪迪領兵前去剋期會合其范眞等仍又畏縮違期不行策應若非汪迪等官軍奮勇殺敗彼賊何由而退似此違誤事機合擊問罪及照巡撫都御史李實亦不遵照原奉欽依內事理嚴督都布按三司并巡察邊務分守等項官員在彼調度策應止令照磨檢校等官虛應故事豈能督調官軍防守地方似此方命推姦俱合原情問罪庶警其餘緣係殺賊捷音及究問前項失誤官員事

千公奏議卷四

罪

理具題又該欽差都知監左監丞梁還亦題前事內參出武岡州守備官軍在城食糧安坐不肯哨捕賊寇及湖廣守備等官不行用心隄防致令賊寇反復等因該本部官欽奉聖旨兵部知道欽此欽遵通鈔到部查得先該巡按湖廣監察御史張翰題稱守備武岡署都指揮僉事范眞等明見苗賊四散流劫離城五里坐視不救要行擊問等因本部爲照武岡地方賊寇猖獗緊用將官守戰合無將范眞等令巡按御史查提問罪惟復且不提問令巡按御史取其范眞等死罪招服殺賊立功贖罪等因具題奉聖旨不問著巡按御史取了死罪招仍捕前賊再不用心不饒欽此除欽遵外續該王來



題稱武岡已有巡撫都御史李實另委都指揮范真添撥官軍在彼守備各官卻乃仍恃微倖罔知警畏致使賊徒窺伺不時出沒要重加黜罰另差的當官員體履處置等因本部又經議擬王來李實俱係右副都御史王來則總督軍務李實則巡撫地方品秩既崇委任尤重又有總兵參將巡按三司官員難再差官合無通行差人齋文與王來李實各官務在和同共濟國事將武岡賊寇調度官軍民壯上緊撫捕不許結構是非有乖大體等因具題奉聖旨是欽此欽遵今鈔前因除都指揮范真已蒙恩宥外參照右都御史李實職專巡撫所

下公奏議卷四

哭

都布按三司官員俱係方岳重寄職任軍民遇有地方賊盜生發則當以身先下設法撫捕今各官視為尋常致賊得計既該王來參奏俱合究治但李實係巡撫重臣地方正用人整治合無差人馳驛齋文前去切責李實并都布按三司今後務在上體朝廷委任之重下念地方生靈之苦遇有所在賊情軍務若總督總兵等官一時不在巡撫三司官彼此和同計議調度官軍民壯相機撫治不許似前推調耽延致賊滋蔓重貽後患仍將武岡未盡餘寇作急撫捕盡絕以為經久無虞之計不許仍前怠忽誤事仍差人齋文與王來公同總兵官梁瑤參將陳友調度官軍兼同武岡州原有官軍民壯

掃除殘寇務圖萬全之功以盡厥心毋徇一時之勝遂有怠忽毋爭睚眦毋乖大體其有功官軍自有定例陞賞不許心懷不平重復煩瀆聖聽及因而縱賊復作重為人民之患緣奉欽依兵部知道事理具題景泰三年八月十三日奉聖旨是欽此

兵部為乞恩保安邊境軍情事兵科鈔出廣西布政司桂林府知府吳惠等奏准本府知府吳惠關前事照得廣西地方險遠山深谿峒繫係夷獠編民十無二三自古及今戰鬪不息設使兵食有餘則凡總戎可以坐制不難若兵少而糧不足欲使苗寇不大肆猖獗而不遺朝廷之憂者未之有也切見左副總兵都督僉事武毅

于公奏議卷四

哭

當兵食不足之秋獨任廣西一面不曾誤事可謂難矣何以知之緣自正統十四年廣東賊人黃蕭養作耗本官為參將征進未及半年廣西蠻賊接壤蜂起惟本府所屬修仁荔浦等縣猖獗尤甚所至敵殺官軍焚燒營堡殘破縣治搶奪庫藏殺虜男女不計其數官吏軍民漫散不知下落近而廣西三十里外皆為賊壘負郭民居遑遑晝夜走避城中遠而柳慶等府水陸不通彼時喪失官軍不知其數雖有總兵官田真卒無可奈何遂至憂忿成疾而斃以後武毅克平廣東旋師在途先用信牌差人招出修仁荔浦等處首賊無慮數百悉赴軍前俯伏謝罪面聽撫諭回巢於是各縣官吏居民仍復

如故連年地方稍安續被湖廣武岡州廣道王謀爲不軌差人邀結所屬義寧縣都版等寨首賊楊文伯等統領苗兵要行反叛本賊思慕武毅平日信義不肯聽王邀結卻去偽受官爵等項不從其後王反而地方無虞都版等寨猶犄不下萬數俱各安居住種皆武毅之力也及本官自任總兵以來思念出身廣西起自千戶之微叨膺今上明聖付託之重夙夜惓惓惟知訓練士卒以靖地方以圖補報本分之外並無毫髮科擾有司亦無軍民嗟怨此係衆所共知均有兩廣軍功而又不至驕矜其爲賢將世豈多得哉今聞本官被劾降用一節但恐所劾之事遙聞不的設武毅果有貪婪違法等事

于公奏議卷四

覽

其巡撫巡按等官必不容縱坐視兼有按察司及巡撫邊務等官俱係風憲亦豈容默然不言雖蒙聖恩不忍提解問罪此天地覆育之深恩爲武毅等將何補報第臣所惜者方今朝廷正係邊境有事用人之際豈因曖昧苞苴之故輒肯降黜名將尤慮在邊武臣從而解體且廣西軍少糧乏兼以被賊去處不能耕種連歲田禾薄收人民缺食見今天時亢旱柳慶等府饑民流離餓死走失者甚多邊患危窘至此極矣尙賴武毅生長廣西熟知邊鄙夷情連年鞠躬盡瘁整理地方雖無甚密息亦無甚可憂況臣所屬修仁荔浦係盜賊淵藪其反側之徒動以萬計一聞舊總兵降責心懷疑懼或再反

叛扇動各處犄犄禍難復作後將有不勝之患矣臣盪守斯土將及九年雖才不堪頗知邊情設或畏避不言其後地方誤事罪將安逃且臣與武毅分雖不同而利害實有所關繫故不敢緘默上千聖聽伏望皇上憐念廣西係國家重邊選年征戰不絕只今地方多事屢報賊情不絕軍民疲弊已甚乞垂睿覽俯察臣言若武毅情犯果有可矜可疑乞賜聖恩開釋無辜仍還節鉞協同新除總兵用心整理地方實爲社稷之福邊境之幸備關准此緣係保安邊境軍情重事具奏該通政使司官奏奉聖旨廣西地方蠻夷讐殺不常武毅在彼年久熟知夷情兵部計議停當來說欽此鈔出到部查得先

于公奏議卷四

覽

該兵科右給事中黃仕備題稱廣西賊寇猖獗民被其害急如水火武毅等欲待秋月然後會兵剿殺其緩師縱敵莫此爲甚且古人救災恤患不暇擇時武毅等不念生靈肝膽塗地卽爲拯救何忍待秋而後舉乎又武毅往往以廣東班軍不至爲辭顯是推調畏卻不行用心以致賊窺其端因而猖獗民遭連歲劫殺之害軍受積年暴露之苦且聞本官近日以來操守甚是不潔故其臨賊以致流連乞計議差素有風力御史一員前去體訪武毅等有無貪虐情由應否存留取回免致遺患等因具題本部已經依報覆奏行移都察院差御史請敕前去體察外續該欽差監察御史王允題稱訪得

都督僉事武毅等自到廣西守備號令不嚴專一剝削軍士且如湖廣每年該調輪班官軍若到廣西武毅等每衛官軍名下索要拜見銀一錢入已俱係主文寫發軍人胡朴等過送景泰二年巡按御史依奉都察院劄付查出桂林中右二衛官軍戶下成丁餘丁王紀等共六千四百七十二名照例相兼官軍操守城池今訪得此等餘丁並無操守及體得馴象衛鎮撫馬驥係軍前聽調人數今卻買閒在家又不隨操致被本衛知事方岳舉呈事發中間顯有武毅等賣放情由比之已故總兵官山雲守備之時勇智廉介號令嚴明猺賊聞之心寒膽戰大不侔矣況武毅貪濫之狀大著於兩廣科擾

于公奏議卷四

聖

之弊流及於三軍致使被害良民死者怨氣衝天生者哭聲動地罪惡至斯人皆痛恨武毅年已六十之上筋力日衰威名日退以此土官之不信猺賊之肆劫合將武毅等差人提取來京送問仍乞另選素有勇智廉介如山雲武臣前來更替以爲地方保障等因具題本部又經議擬合無將鎮守涿州良鄉署都指揮陳旺量陞前去廣西充副總兵代替武毅降爲事官就於彼處跟隨總兵官立功殺賊等因具題節該奉聖旨是陳旺陞署都督僉事充副總兵代替武毅鎮守地方武毅降做爲事官就於本處聽總兵官調度殺賊有功時定奪欽此欽遵已經通行欽遵去後續又該武毅題稱廣西所

屬府州縣良民數少猺獞數多自前至今作耗不息詳其所以蓋緣臣保廣西都司金州千戶所副千戶述年聽受總兵官指示方略立有微功屢蒙聖恩陞授都督僉事充副總兵掛印鎮守才智短淺猥承重任不能除暴安民有負朝廷付託恐因循積久有誤地方況臣自永樂年間以來征剿賊寇三次被藥箭傷一次被石礮傷幸延殘喘至今六十二歲氣衰力弱箭風時常舉發則頭痛目脹嘔吐頻煩彌旬不能理辦軍務以致誤事切照比先總兵官都督山雲安遠侯柳溥鎮守廣西俱自朝廷命遣前來猺獞土人畏懼不敢恣肆今湖廣廣東等處各有內臣在廷軍職大臣鎮守總兵乞敕內臣

于公奏議卷四

聖

一員在廷軍職大臣一員前來廣西鎮守總兵等因具題節該奉聖旨內臣司禮監整理欽此又經通行欽遵去後今鈔前因臣等切照廣西地方係是巨藩大鎮諸種蠻夷躡居錯處比先年間節該總兵官韓觀山雲柳溥等相繼守鎮行事出於至公蠻人斂手聽命令行禁止上下相安遇有調遣隨即啟行以致寇盜不作地方安妥自武毅充副總兵鎮守廣西二三年之間節該本官同鎮守巡按三司等官及土官衙門具奏桂林柳州平樂梧州等府永福荔浦來賓等州縣報有賊寇或二三十起或六七十起攻打城池燒毀村堡殺虜男女剽掠財畜聲息殆無虛日生靈畧無寧歲軍疲於戰守民

困於轉輸戰骨隨處而有哭聲無處無之上而辜負國恩下而感傷和氣若使武毅頗有謀勇善於處置則一方賊寇之禍必不至如是之慘今武毅貪懦無狀威令不行貽害生靈流毒良善近侍之官發之於前風憲之臣實之於後武毅自知不爲所容上章陳情退避已蒙聖斷俯念一方生靈另行差官前去整治而吳惠係一府官其責任在於宣化承流撫安百姓今武毅素無統馭之才以致蠻賊流毒民受其害吳惠不此之慮因係附近府分久在武毅治下人情稔熟願乃不恤大計不畏國法不體公道上言武毅德政原其所由必是武毅與同彼處巡撫三司官員因見朝廷從公處置將武毅量情降黜主使吳惠上言武毅之長遮護各人之短苟爲日前之謀不思經久之計其爲懷姦不忠欺罔之罪莫甚於此及照武毅既是熟知邊情緣何先前京師差御史王允前去體勘吳惠不行申達辯明及至體審回奏處置已定方纔誇張謬論煩瀆聖聽情弊昭然可見中間又言要行仍還武毅節鉞協同新除總兵行事一節緣總兵所以專閫外之計其可並用二人而使之互相掣肘迹其所言大抵欲行一己之私以壞朝廷之事其爲繆戾不忠尤難容恕若不重爲繩治非惟姦詐之徒肆無忌憚抑且邊方大事因而廢弛除武毅已奉聖斷降爲事官本處聽總兵調度別無定奪外合無行移

于公奏議卷四

壘

都察院轉行巡按廣西監察御史將吳惠提取究問聽信何人主使具奏前項情由議擬明白牢固監候奏請發落本部仍行總督兩廣軍務太子太保兼都察院左都御史王勳公同副總兵署都督僉事陳旺查勘彼處賊情卽今若未寧息務在竭力運謀相機撫捕以爲一方之保障以洗往日之陋習不許輕易息忽殃民玩寇其武毅照舊令其聽調殺賊毋得展轉營求自取重罪如此庶使處置合宜機務不誤緣節該奉欽依兵部計議停當來說事理具題景泰三年閏九月初四日奉聖旨是吳惠有爲民之心不問還行文書與他知道欽此兵部爲陳言邊患等事兵科鈔出巡撫廣西兼提督軍務刑部右侍郎李棠題節該欽奉敕近得御史奏廣西賊情七十二起多係流劫鄉村殺掠民財燒毀村堡重事并稱都督武毅參將范信守備號令不嚴專一剝削害民索要銀兩賣放軍士餘丁上下互相蒙蔽等因以此盜賊得以縱橫連年用兵有敗無勝兵民受害不可勝言爾爲提督之官所職何事而致如此法司奏爾顯有通同故縱等項情由乞加究問朕念用人之際姑寬宥爾已將武毅等降用外今命太監班祐與同總督軍務太子太保兼都察院左都御史王勳并命署都督僉事陳旺充副總兵前來爾處調度軍馬撫捕賊寇敕至爾卽洗心滌慮持廉秉公凡有一應軍務等事必須會

于公奏議卷四

壘

同協助從公計議而行欽此除欽遵外臣切念一介草  
茅叨蒙任使守邊禦寇木非所長上勞聖憂下貽眾怒  
不職之罪固莫勝誅幸沐殊恩曲加寬宥措躬無地日  
夜慚惶然考之唐陸贄有言曰據理辯直則涉於私黨  
之嫌希恩順情則違於臣輔之義涉嫌止貽於身患違  
義實玷於君恩贄之斯言臣所佩服故於邊方事宜不  
敢避嫌隱默謹條陳於後廣西之境自正統十四年以  
來湖廣廣東草賊生發廣西各村峒蠻寇乘虛蠶起圍  
困撫州來賓等處城池攻破脩仁荔浦等處縣治敵殺  
官軍劫虜良民難以遍舉桂林東南至於潯梧西南至  
於柳慶水陸道路阻遏不通兵民受害莫此為甚前總

千公奏議卷四

奏

兵官田真為因兵少不能制服得病身故景泰元年七  
月開左副總兵都督武毅從廣東回還就在梧州遣牌  
招撫立山荔浦脩仁等處蠻寇出官向化一帶江路漸  
可通行本年九月武毅同臣與巡按御史三司官領軍  
前去柳州府駐劄調到各處土兵議欲分投剿殺為因  
巢峒廣闊蠻夷數多官兵土兵不勻分布猶慮舉此遺  
彼後事難圖遂將軍兵屯操耀武振威招撫凶獷之徒  
漸輸欵附後就移兵將全州與湖廣武岡州接界地方  
及鬱林州天容山等處猖寇剿殺數起獲首級一千餘  
顆景泰二年四月內柳州府馬平等縣積年賊首韋朝  
天韋公猛等糾合一千餘徒從融縣清流鎮渡江聲言

直抵桂林地方行劫武毅與參將孫麒左參將范信五  
路出共相為犄角殺敗賊眾斬獲賊首韋公猛等首級  
七百餘顆兵威振揚賊頗斂迹本年十月內宜山縣首  
賊韋萬秀等以地方為詞流劫不息奏調軍兵抵巢剿  
殺已斬獲賊級九百餘顆正分兵搜捕間因田州府上  
官知府岑紹病故土兵潰散各首賊不能全獲班師之  
後又復猖獗隨調都指揮彭英前去招撫一向未盡密  
息景泰三年夏月以來右參將孫麒哨節次殺獲北三  
等處首賊韋多烹韋公寫等并從賊首級一百五十八  
顆左參將范信哨殺獲大藤峽等處首從賊人候通三  
等首級二百三十七顆自景泰元年八月起至景泰三

千公奏議卷四

奏

年八月止各處抵巢并擒捕通獲首從賊級四千一百  
七十五顆生擒偽稱勝道君王賊首盤勝子奪回被虜  
男婦一千五百七十一名口前被官軍殺賊止是本年  
二月并七月內孫麒調指揮張顯等在河池地方武毅  
調指揮范義在全州地方各與賊對敵傷故官軍俱係  
會奏明白不敢隱蔽其餘用兵不計起數上賴宗社威  
靈國家厚福屢能克敵且無喪敗但緣廣西占賊久反  
之地洪武永樂年間兵力眾盛蠻寇流劫不能全無況  
今兵少寇多一時不能盡滅羈縻控制自古皆然且下  
雖未全安願亦勝於去歲顧此邊夷之境官與內地不  
同事必徐圖方可窺一武毅范信已蒙降用所奏各官

賣放軍士餘丁情由乞敕法司拘集被害弁出錢之人  
審勘如果是實明正其罪使受罰者無詞言事者有據  
日邊將之任民夷具瞻黜陟廢置關係非小伏惟聖明  
俯垂照鑒臣稟性昏愚罔知兵務下不能庇邊民之命  
上不能分朝廷之憂前罪蒙肆赦之恩末由報稱後事  
監負乘之戒益切冰兢今蒙差太監御史副總兵前來  
其理邊務各官至日相宜處置外即日廣西旱災相仍  
民遭困苦揆厥所自豈無其由實以臣之不職致於如  
此古人以災異策免大臣亦是常理伏乞聖慈憫臣愚  
陋容臣將原降關防并原奉敕書進繳削去官名放回  
田里一以償不職之罪一以謝神人之怒庶回天意以

于公奏議卷四

奏

救民生臣不勝犬馬感恩待罪之至具題該通政使司  
官奏奉聖旨該衙門知道欽此欽遵鈔出到部查得先  
該欽差監察御史王允題稱廣西副總兵都督僉事武  
毅自到廣西守備號令不嚴專一剝削軍士且如湖廣  
每年該調輸既官軍若到廣西武毅等於每衛官軍名  
下索拜見銀一錢入已俱係主文寫發軍人胡朴等過  
送景泰二年巡按御史依奉都察院劄付查出桂林中  
右二衛官軍戶下成丁餘丁王紀等共六千四百七十  
二名照例相兼官軍操守城池今訪得此等餘丁並無  
操守及體得馴象衛鎮撫馬驥係軍前聽調人數今卻  
買閒在家又不隨操致被本衛知事方岳呈舉事發中

開顯有武毅等賣放情出比之已故總兵官山雲守備  
之時勇智廉介號令嚴明猶賊聞知心寒膽戰大不伴  
矣武毅貪濫之狀大著於兩廣科擄之弊流及於三軍  
致使被害良民死者怨氣衝天生者哭聲動地罪惡至  
斯人皆痛恨武毅年已六十之上筋力日衰威名日退  
以此土官之不信猶賊之肆劫合將武毅等差人提取  
赴京送問仍乞另選素有勇智廉介如山雲武臣前來  
更替以為保障等因具題鈔出本部已將武毅等參擬  
并照出侍郎李棠係提督軍務巡撫地方官員武毅等  
穢跡彰聞李棠與之共事公然蒙蔽不以上聞中間顯  
有通同故縱情由亦合究問但緊關用人合無請敕李

于公奏議卷四

奏

棠務在洗心滌慮持廉秉公凡有一應軍務會同總兵  
官從公計議施行事有窒礙亦須執法舉正自總兵官  
以及管軍頭目若有貪財墮事指實具奏不許徇鼠同  
眠同惡相濟以玷名爵等因具題節該奉聖旨李棠寫  
敕去切責他著洗心改過同總兵等官協和行事再仍  
前怠惰誤事不饒欽此除欽遵外今鈔前因參看得李  
棠所奏前項事情大抵因見朝廷降敕切責令其洗心  
改過并將武毅降黜以故心懷不平言涉怨望假以災  
異免官實欲佈非文過一則迴護武毅一則遮掩自己  
臣等切惟朝廷之恩固多從夫寬宥有大臣之心當益  
加夫敬謹今照廣西賊寇之患非止一日人民被災不

可勝言查得自景泰元年起至今二三年之間節該武毅李棠及巡按三司府州縣土官衙門具奏賊寇生發共有七十餘起殺虜官吏軍民人等共一萬六千之上燒劫倉糧二萬三千剽掠牛馬頭畜一萬有餘并燒奪船隻布鈔皮張衙門樓櫓村寨不可數計自古受兵之慘莫過於此其李棠既以巡按地方又兼提督軍務民之肝腦塗地而不加恤朝廷之恩澤如天而不知感方且調弄虛文欺罔天聽揆之國典刑章尤有甚於武毅合當行提問罪以爲人臣不恭者戒緣本官先前已蒙恩宥卽目廣西賊情未寤正係緊急用人之際合無差人馳驛齎文與李棠令其照舊在彼提督軍務與副總

于公奏議卷四

奏

兵陳旺等務在彼此同心共濟國事其有一應賊情未寧地方未妥必須從長計設方畧隨宜撫捕務俾患害肅除人民安堵以副付託之重以爲保障之計不許心懷疑忌陽予陰擠忌嫉功能推託利害以致政令不一人無表率因而號令不行長姦玩寇如違定行治以重罪緣奉欽依該衙門知道事理具題景泰三年閏九月二十三日奉聖旨李棠在彼賊寇生發不能與總兵等官協同和謀殄滅以除邊患卽容他過卻又飾詞遮掩已罪行文書與他知道今後著洗心改過凡一應事務須與陳旺等計議而行再誤事不饒欽此

兵部爲守備地方事兵科鈔出總督軍務都察院右都

御史王來題景泰三年九月二十二日准兵部咨兵部鈔出貴州都司等衙門都指揮同知等官張銳等題照得貴州僻在西南極邊與諸種蠻夷雜處其人性類犬羊叛派不常喜則相聚以安生怒則警殺以爲患從古皆然爰自洪武年間開設衛所控制防禦誠爲良法且貴州等二十衛所比先原額旗軍一十四萬五千一百七十六名以守則堅固以調則旬用所以七八十年之間軍民安堵邊境以寧往者節因調征麓川等處旗軍消耗數多苗賊窺伺空虛以致正統十四年被湖廣洪江及四川重慶等府賊首韋同烈等僞稱王號總兵等項名目扇聚各處苗賊張打旗號舉鳴金鼓攻圍城堡

于公奏議卷四

奏

劫劫軍民仰荷朝廷憐念生靈欽命總督憲臣及總兵等官與師征討卽今賊首就擒餘賊從撫邊患稍寧其軍見進東苗平伐乖西平浪及四川播州所屬草塘等處分投駐劄將漸克平班師在邇但貴州所屬各衛軍士見在多者不過五七百名少者僅有三四百名雖是類行各處清句見今到衛數少委的邊備乏人若不存留官軍守備誠恐班師之後蠻賊又復乘虛出沒深爲未便看得威清普定平越畢節四處比與各衛尤爲要害之地如蒙乞敕該部計議合無將雲南四川見今征進官軍行令總督總兵等官於內摘留一萬五千員名分與前項威清等處守備每年輪班更替遇警聽調候



各處清解軍士到衛完足另行奏請定奪實為邊方經久之計可免官軍征調之勞緣係守備地方重務會本具題該通政使司官奏奉聖旨兵部知道欽此欽遵鈔出到部參照所奏係干重務未經勘議難便定奪合就移咨前去煩為會同副總兵都督方瑛查勘前項征進官軍應否存留守備有無窒礙明白具由回奏施行准此查得先據貴州都布按三司等衙門都指揮同知等官張銳等會議前事為照大軍先已分遣貴州普定四堡金筑東苗草塘乖西大小平伐等處地方勦撫寧息見今又進都勻平浪等處會兵勦捕已就克平所據前項征進官軍俱係原征麓川孟養之數經年在外又因

于公奏議卷四

查

駐劄日久逃故者多誠恐糧儲缺乏聽候艱難已經行准副總兵右都督方瑛手本議得貴州所屬地方先因苗賊出沒攻圍城池流劫屯堡官軍傷餓而死十無一二今雖大軍撫勦暫寧緣各衛所委的官軍數少不敷防守合於雲南四川行都司征進漢達官軍內量留一萬二千五百餘員名相兼各衛官軍分守威清平壩平越畢節赤水等處一年一替遇警調用控制苗賊以保邊疆待兵食稍足邊務修舉之日各回原衛操守將擬定緣由并存留漢達官軍總數又經依擬通行留撥守備去後今准前因仍行右副總兵都督方瑛勘議相同外參照貴州實雲南之喉襟四川之關隘防貴州之邊

即安雲南四川之境尤恐彼處官司不思地方係是公同所繫輒又託故展轉誤事不便緣係議留官軍守備地方事理合無該部通行雲南四川都布按三司照依原留官軍名數各選都指揮一員管領每年依期前來輪替庶免遲誤為此今將議留守備官軍員名開坐具題該本部官奉聖旨兵部知道欽此欽遵鈔出到部案查先為前事已經查勘去後今鈔前因參照所奏既已彼處總督副總兵等官勘議區處已定別無定奪合無准其所擬行移總督軍務右副都御史王來會同都督方瑛從長計議將前項雲南四川征進漢達官軍內依數量留一萬一千五百餘員名選委能幹驍勇都指揮

于公奏議卷四

查

一員管領相兼各衛官軍分守威清平越等處地方控制苗賊保守邊疆遇警一體調用仍令一年一換依期輪替待以後兵食完足邊境無虞另行奏請定奪不許私役苦害因而逼迫逃移緣奉欽依兵部知道事理具題景泰三年十月初九日奉聖旨是欽此兵部為班師事照得近該巡按貴州監察御史等官邵進等題稱湖廣貴州等處苗賊平息邊境寧安要將雲南四川官軍量留守備其餘見征官軍合當疏放等因本部議擬具題節該奉聖旨便寫救與方瑛陳友每在彼領軍鎮守但有賊寇生發務要設法勦捕盡絕王來梁瑄梁選等都著回京欽此欽遵外查得先該總督軍

務右都御史王來題稱貴州所屬地方俱係苗夷之境  
控制之法要在緊飭兵戎撫恤之方尤在除革姦弊今  
湖廣四川雲南三處地方軍民疲困不勝雖猖獗之賊  
已將擒剿敗散之眾悉皆招復譬之久病之人纔得少  
瘥必須保養調息庶幾可至安全切恐地方寧靖之後  
軍衛有司視為無事即加剝削罪雖有在實貽邊患以  
臣愚見須擇剛毅有才識卓立之官以撫治之然後邊  
患可除蠻夷可撫要將貴州布政使司右參議盧斌量  
陞京憲職事撫治貴州地方等因具題奉聖旨吏部兵  
部計議來說欽此欽遵會議得參議盧斌職居方面撫  
治人民分所當為及照貴州見有右都御史王來在彼

于公奏議卷四

奎

總督軍務今本官具奏要將盧斌陞任京憲職事查得  
都察院都御史見任二十六員難再除授合無就令右  
都御史王來在彼巡撫總督軍務班師之日另行具奏  
定奪等因具題吏部等衙門太子太保兼本部尚書王  
直等奏奉聖旨是欽此欽遵已經通行去後今該前因  
緣右都御史王來係欽命巡撫貴州兼總督軍務官員  
卽今彼處雖稱苗賊稍平未見十分寧靜正當撫摩存  
恤庶幾事安民安兼且各處俱有文職大臣職專巡撫  
地方貴州又係緊要去處似難缺人管理所據右都御  
史王來合無照依今奉欽依事理令其隨同回京惟復  
照依先奉欽依事理令其在彼巡守專一撫恤邊民俾

其安生樂業遇有草寇生發會同方瑛計議相機撫捕  
務在同心協力以濟邊事不許互相矛盾自取罪愆緣  
係處置巡撫官員事理未敢擅便具題景泰三年十月  
十三日奉聖旨是貴州地方窄狹王來著回京巡撫官  
別選欽此

兵部爲預防邊患事內府鈔出總督廣西軍務尙膳監  
太監班祐題景泰三年七月內欽奉敕諭往廣西總督  
軍務鎮守地方除欽遵於本年九月二十九日到於廣  
西欲行整朔官軍先到緊要獠獞去處就便因而撫恤  
查得廣西在城止有官軍一千三百一十五員名舍餘  
家人一千一百七十二名數少不敢輕出及查得在外

于公奏議卷四

高

雖有調到湖廣廣東廣西官軍止實有二萬九百二十  
七員名分守潯梧柳慶等一十九衛所并永福等縣堡  
五十二處俱係萬山獠獞衝要賊人去處尙且不敷操  
守不敢輕動臣會同總督兩廣軍務太子太保兼左都  
御史副總兵侍郎等官王勣等計議節次出榜撫諭遠  
近獠獞自昔爲惡不肯出官舊賊韋公宣等約有八百  
餘名陸續俱來廣西軍前伏聽省諭管待回還暫皆順  
服目下稍得寧帖緣廣西地方二年不收軍民獠獞見  
俱缺食恐饑窘急迫開春必致動作仍復爲患不卽剿  
殺諸處倣倣爲患不小比時土官土兵各照常年定例  
回還農種有急卒難起調若不預先斟酌區畫臨期謀

事取罪非輕如蒙准題乞將南京江西袁賴等衛所見  
操官軍內那調二三千員名前來操練守城遇警廣西  
官軍出哨策應殺賊候明年地方頗有收成賊少生發  
陸續送還原衛實爲便益具題該本部官欽奉聖旨兵  
部知道欽此欽遵鈔出到部參照奏稱要將南京江西  
見操官軍那調二三千員名前去廣西操守殺賊一節  
緣南京係祖宗根本重地守備不可缺人官軍不可輕  
動其江西地方相去廣西寫遠兼且所在軍衛官軍數  
少而又不習廣西水土若准調去非惟事體不便徒爲  
煩擾尤恐衝冒瘴癘因而失所難以准理合行移文總  
督兩廣軍務太子太保兼左都御史王翺會同太監班

千公奏議卷四

奎

祐副總兵陳旺等公同計議從長區處將彼處見有官  
軍用心提督操練鎮守地方遇有賊寇出沒守戰不敷  
量調湖廣廣東輪班官軍并所在土兵隨宜設法調度  
相機剿殺毋得指以軍少爲由因而坐視邊患致誤軍  
務緣奉欽依兵部知道事理具題景泰三年十一月十  
一日奉聖旨是欽此

兵部爲選情事准禮部咨禮科鈔出提督軍務刑部等  
衙門左侍郎等官羅綺等題准兵部備禮部咨禮科鈔  
出巡撫四川都察院左僉都御史李匡題差委陰陽典  
術袁釗伴送董卜差來番僧回還就令將原占雜谷達  
思蠻地方印信退還各司掌管近據袁釗回說雜谷地

方印信董卜送還達思蠻地方亦退還本司頭目掌管  
印信係番僧喇麻齋往魚通遊方未回舊維州地方董  
卜不肯退還等語及將董卜書一紙討御製大誥爲善  
陰騰孝順事實洪武韻周易尙書毛詩各一部其中詞  
語其恭足見洗心向化乞救禮部將所求書籍酌量加  
賜因而敕令將舊維州退還保縣彼必感恩知報具題  
該禮部官欽奉聖旨該衙門知道欽此欽遵除書籍另  
行外移咨到部案照董卜今雖要將舊維州退還保縣  
誠恐本人貪戀地方人民不肯退還并雜谷達思蠻雖  
稱退還未見著實其稱印信帶出遊方俱屬虛詐合無  
行移羅綺公同鎮守指揮周貴計議其於夷情邊務如

千公奏議卷四

奎

果董卜革心向化實有尊事朝廷之心就便差人齎文  
與克羅俄監掣以謂爾奏討書籍朝廷已允其請但舊  
維州地方退還保縣已見忠誠仍令羅綺審勢度情處  
置停當具題奉聖旨是欽此欽遵備行移咨准此除會  
同鎮守松潘都指揮周知周貴查得先該董卜韓胡都  
指揮同知克羅俄監掣申奉左僉都御史李匡劄付要  
將舊維州退還保縣掌管本番回稱舊維州係雜谷家  
搶得不在漢人手裏搶得有這等鈞旨我九日想九夜  
夢也不夢出來這舊維州沒有拳頭大一塊石山你每  
不要尋取若尋取時這一場離殺一千年也不盡詳觀  
此語實包禍心宜以賊首嚴防不可至誠相待近該招

論生番指揮周剛回說稱董卜克羅俄監察察之生番  
衆多并地方人口要來朝廷投獻納貢本番使人將松  
州迤西地名羊哈兒將本土守把不容生番經過又將  
馬甲銀兩分投給散啖餌夷性取集番人意在置之左  
右助彼聲勢臣恐夷人貪圖微利或於啖餌變易初心  
仍差本官順帶銀器茶米等物帶領官軍百戶劉進等  
五百餘名前去兩番接取投拜生番拜探董卜事情務  
必以術籠絡不可遂彼姦計續該招撫通事張伏保方  
昇回還說稱董卜累次設計用財賄邀夷情要收各番  
管束各役與番人說知朝廷法度利害衆番尋思日久  
方纔聽信將馬甲隨同前來有董卜不遂姦計將原搶

于公奏議卷四

卷

雜谷達思蠻百姓恐與投拜生番會時漏泄事情俱各  
趕入長河西等處住坐臣等詳得雜谷達思蠻地方見  
今占管百姓俱聽董卜節制及舊雜州本番令人守把  
議得雜谷達思蠻地方人民於國無益得之不足以爲  
榮失之不足以爲辱臣將董卜所差之人雖稱優待終  
防姦詐所謂洗心向化不可測度又據番僧妙覺禪師  
端竺譯說有董卜分投差人每番一名給與三梭布四  
疋言如今又說有箇主人你每不要北京進貢都來董  
卜家進貢你每要銀印也有要金印也有要大官職也  
有將我招得生番趕回不容投拜言語不遜似無君上  
之心臣以董卜恨力齏粉隨於各番宣諭朝廷恩威將

投拜爲頭番僧一百三十名做造紵絲及絛布衣鞵襪  
每人又賞布一疋酒食優待另行起送已將禮部送到  
書籍先已齎董卜讀誦外況董卜路通松潘雜州保縣  
寒水本番目今狐疑猶豫未決反復無定輒便差人齎  
文著令將舊雜州退還保縣尤恐乘機變易初心儻一  
旦生釁則四面長驅臨期爲患卒難收撫臣等熟知禪  
師端竺素爲董卜讎人所管人衆伏望聖恩將端竺陞  
以國師職事令其保守地方日後董卜生釁臣將端竺  
并原管之人調遣俾其以夷攻夷自相殘害臣於沿邊  
修治餉道增修城池操軍養銳以逸待勞安邊之策不  
待外求捍禦之功於此有備庶幾以寬聖主之憂以折

于公奏議卷四

奏

姦人之計便益具題該本部官欽奉聖旨該衙門知道  
欽此欽遵鈔出到部除奏要將端竺陞以國師職事本  
部另行外移咨到部案查先爲前事已經奏准另行左  
侍郎羅綺等勘議處置去後今該前因參照奏稱董卜  
韓胡克羅俄監察差人守把雜谷達思蠻地方及不肯  
退還舊雜州與保縣一節其狡黠無狀陰懷異圖不言  
可知若不預爲防範慮恐事出不測臨期有誤機務合  
無差人馳驛齎文與左侍郎羅綺會同都指揮周貴等  
從長計議隨宜區畫整頓所在軍馬嚴謹隄備遇有緊  
急事情就便相機行事其舊雜州并雜谷達思蠻地方  
如果不肯退出不必再三驅迫亦不可許其管束惟當

羈縻牽制操縱牢籠使彼既不能自起釁端又不能必遂茲計及番僧端竺等如果堪以結納於其回還之日就便加意撫諭令其戒飭部落固守邊境毋得縱彼爲惡若有功勞陞賞不吝若遇董卜韓胡差人到邊尤須外示優待內切防閑不許自露怯弱以啟夷人輕侮之心及違爲阻絕以生邊境合猝之患務在審勢度情謀定後動以折夷人之姦計以保地方之無虞如有疏失責有所歸緣係處置邊務事理具題景泰三年十一月十四日奉聖旨是欽此

兵部爲被賊殺虜人命等事兵科鈔出廣西布政司慶遠府宜山縣右陽鄉永泰里民人陸淵澄等奏切見本

于公奏議卷四

奏

縣所轄地方接連谿峒獠獠最多自克復之初歸附立籍當差至永樂五年以來有本縣述昆等鄉首賊韋公本等倚山爲勢不服糧差糾合賊衆流劫鄉村殺虜人民蒙總兵官都督韓觀內官雷春將作耗村峒賊徒征剿地方一向寧息至永樂十九年首賊韋萬黃等僞稱王侯名色糾合柳州府馬平等縣賊衆劫掠州縣殺死御史諸瑛等官告蒙總兵等官征蠻將軍鎮遠侯顧興祖統率大軍抵彼剿捕各賊聞風奔入山林或投於鄰境土官州縣倚親藏住十無二三及其大軍退後各峒蠻賊仍前出劫民受其害正統七年開本縣知縣朱斌將前項作耗地方奏准撥與思恩府土官知府岑英管

治正統十年間有首賊韋萬秀等糾合賊眾流劫本縣鄉村并河寧守禦千戶所驛鎮殺虜軍民萬普等蒙總兵官柳溥統調大軍將各峒賊徒捕剿仍前撥岑英管治後因本官征進廣東不在於景泰元年二月內仍被首賊韋萬秀糾合本縣浴西等里首賊韋萬累等并柳州府馬平等縣五都首賊藍茄等千百爲羣張打旗號流劫臣等寨殺死父陸端廖仕華等及本縣中里等里毛村等村寨殺死民人陳志廣等三百八十餘人虜去臣母譚氏等男婦二千八百餘口家財房屋盡行燒劫雖蒙司府差委人員招撫各峒首賊韋萬秀等不服向日日益聚眾愈加猖獗攻打小廖等寨殺死民人莫敬

于公奏議卷四

奏

隆等以致人民不得安生臣等思得有父被賊殺死屈害無辜虜去人口節告官司未蒙追給人民被其擾害今經四年之上不能住種田土荒蕪人民餓死在途者有之逃移外境求食者有之致使父子不能相顧兄弟妻子離散深爲失所情實痛切如蒙伏望聖恩憐憫乞敕該部轉行鎮守總兵等官會同都布按三司官員統領大軍將本縣作耗村峒賊徒征剿肅除民害先行差智謀勇敢官員密切率兵於鄰境州縣嚴督守把賊人遁逃小路方可進兵駐劄跟蹤剿捕所獲原虜良民人口俱送總兵官處准作功次給領完聚務要一年之上衛民耕種秋成之後家道安置方纔退兵使賊人逃遁

者糧食盡絕必遭餓死矣仍於各峒設立長官司衙門或土官子孫有兵力者或向化數內眾所信服者舉保任長官司管束以夷治夷庶使地方寧息實是民得安生永爲利便有此今將作耗村峒首賊章萬秀等姓名開坐具本親齋具奏該通政使司官奏奉聖旨該衙門知道欽此欽遵鈔出到部照得廣西地方先因副總兵武毅等在彼鎮守擁兵自衛畏縮無謀以致猖賊猖獗殺虜人民已該本部參奏降黜欽命太子太保兼左都御史王翱總督軍務署都督僉事陳旺充副總兵官往彼鎮守地方專一撫捕賊寇近日以來節奏擒獲賊徒地方寧謐今民人陸淵澄等奏稱前因緣彼處俱有軍

于公奏議卷四

五

衛有司相兼管轄既有前項事情何不具告合于上司轉達總督總兵等官知會調官撫捕卻乃驀越赴京所奏中間恐有別故況于邊務賊情難便定奪除將齋本人令該府發回外欲行總督兩廣軍務太子太保兼左都御史王翱副總兵署都督僉事陳旺如遇陸淵澄投到究問前項所奏事情有無虛詐違礙如果彼處地方見被村峒賊徒聚眾作耗搶掠人口等情俱實即今尙未寧息就便運謀設法調兵撫捕務在日下盡絕以除民患以濟邊務若是前項地方即今係是寧靜村峒賊徒別無作耗情由不當調兵征剿其陸淵澄等所奏別有另項緣由徑自究問仍具實回奏定奪務在區處得

宜俾地方寧靜不許輕易苟且致邊方擾攘緣係處置邊務及奉欽依該衙門知道事理具題景泰四年正月二十六日奉聖旨是欽此

兵部爲邊情事兵科鈔出巡按廣西監察御史張昊題奉都察院劄付准太子太保兼本院左都御史王翱咨爲陳言禦寇救患等事該本官題准帶臣至兩廣理辦軍務臣欽遵前去於景泰三年九月十八日到廣東訪得彼處軍民自洪武開以來一向安妥後因黃蕭養之徒作耗在所司者不能設法處置惟務偷安兵政無備以致招集無籍釀成凶禍展轉不能禁遏及至戰艦抵岸蠻賊寇城又各畏縮推避畧無禦寇之謀相顧惶惶

于公奏議卷四

五

莫効安民之策遂使賊兵所至村堡爲墟劫掠其資財繫縲其妻子封豕長蛇大肆其毒一方受害不可勝言推原其故皆由彼處統馭之將非人既不能安保預備於無事之日又不能禦禦招撫於賊發之後故也本年閏九月二十一日又到廣西見彼處土人種類非一其曰生猿熟猿曰獐人欵人曰伶人曰獠人皆強橫悍疾之名曰溪曰洞曰寨曰團曰隘咸負固自保之所既無城郭可居亦無溝池可守不過依山傍險爲自全計雖其衣服言語與中國不同然其好惡情性則與良民無異平居之際亦各往來以營生至於有急自相屯聚而保護觀其背叛不服實非本心乃出於不得已也皆緣

將臣所司不得其人德不足以緩懷威不足以懾服甚至欺其遠方無告拮据殘忍使不得安其生謂其蠢爾無知顛倒是非俾不得順其性既害其生又拂其性雖良善懦弱之人猶不免於動作況素無教令而稟性強梁者動之則易安之實難遂致攻劫鄉村侵擾百姓或報復私讐或貪取小利或聚或散出沒不時兩廣之民日見彫弊殺傷疾患不能聊生上賴陛下神謀廟算其首惡俱已殄滅尙有一二餘黨未除以致猶塵聖慮命臣等前去撫除差人四散招撫耆老獐老人等總兵官會合土官上兵前來申以朝廷恩威之重諭以善惡禍福之由彼皆稽顙俯伏歡忻鼓舞許自遷改禮待而歸

于公奏議卷四

五

及各處獐獐人等所在眾多雖不能一一招撫亦皆轉相告戒臣又密切訪得彼皆自謂朝廷見差大官人每招撫我今後不要出去作歹各歸鄉峒生理且臣始到兩廣之時查得賊情尙有三四起自九月以後少有報到聲息聞有一二亦皆鼠竊狗偷今亦散去此皆陛下神威遠著聖化旁行遂至蠻夷之徒感恩自服回邪之黨不戮自夷然臣猶未敢保其始終不出以誤朝廷久遠之計益彼雖難治情欲可知苟得其所養而安其所利可保久安若一有所擾而不遂所欲則其反側又必難制臣親臨彼境頗識其情今已回還敢陳愚見冒瀆宸聽伏願皇上量弘天地赦舊圖新仍敕該部行移廣

東廣西總兵鎮守大臣并各都布按三司府州縣等官趁此邊務稍靖之時務求久遠常行之計洗心滌慮革去前非其餘前項獐獐人等已歸者必撫之以恩未來者必申之以義號令必信賞罰必公巨惡必誅小過必有而又整飭戎伍堅甲利兵以臨之使彼既慕其德又畏其威則悍然不顧恃然不遜之氣自消矣若有仍前侵尅致生釁端必罪不宥如此則海隅嶺表之民庶得安生不勝幸甚爲此合將所得邊情具題該本官奉聖旨兵部知道欽此欽遵鈔出到部臣等切惟地方之安危係乎人情之得失人情得則轉禍而爲福人情失則變安而爲危近年兩廣地方黃蕭養之徒聚眾作耗村

于公奏議卷四

五

峒獐獐縱橫出沒人民被害不可勝言蓋由彼處鎮守總兵并三司官員無事之時既不能撫綏懷來遇警之際又不能奮勇剿殺惟務苟且因循甚則貪酷虐害以致如斯近該本部參奏將彼處總兵鎮守等官并加黜罰欽命太子太保兼都察院左都御史王翺總督軍務署都指揮僉事陳旺翁信充副總兵官往彼撫捕賊寇鎮守地方卽今事體稍寧人民復業所宜鎮靖撫綏庶幾潛消姦宄今御史張昊奏稱前因誠爲有理合無依擬行移左都御史王翺并陳旺翁翁信會彼鎮守提督及巡按三司戒飭各該軍衛有司官員務在安不忘危理常思亂前滌宿弊惟新政務毋因小利而分擾下人毋



邀近功而激變貉獐已服者懷之以恩信使彼知所感  
悅未服者振之以兵威使彼知所畏懼務求長治久安  
之計勿爲苟且淺近之圖凡所施行事務必思上不負  
朝廷之倚注下不貽地方之患害如此庶使事體相安  
經久利便緣奉欽依兵部知道事理具題景泰四年正  
月二十六日奉聖旨是欽此

少保于公奏議卷四終

于公奏議卷四

三

少保于公奏議卷之五

雜行類

兵部為災異等事兵科鈔出戶部右侍郎兼翰林院學士江淵題臣本乏學識誤蒙天地厚恩萬一莫報凡有所知敢不盡言臣竊見今歲六月初一日朔旦日食謹按春秋之書日食或妾婦乘其夫或臣子背君父或政權在臣下或夷狄侵中國皆陽微陰盛之證而先儒胡安國以為日者眾陽之宗人君之象克謹天戒則雖有其象而無其應弗克畏天則必召災天之示人可謂顯矣伏惟皇上以聖神之德居至尊之位削平僭亂中興邦家踐祚以來勤於宵旰董正庶官選賢任能恢弘治

于公奏議卷五

理而又進講經筵以求帝王為治之道大開言路以通天下幽隱之情圖治之心可謂切矣夫何上天告戒不一而足今春上星恆近日太白晝見今又日食於朔日視朝之時夫豈無故而然哉其必庶官失德紀綱不振法度縱弛大政乖缺而致之也況今胡虜日近邊境入寇為患不言可知且天心眷愛人主凡有災祥必先示之以兆欲其脩德政以圖承天休保無疆之治也臣伏望皇上思祖宗付託之重念繼統守成之難因天告戒惕然恐懼減膳徹樂避御正殿廣求直言省已有過則速改之更加嚴畏復召一二大臣講求所以敬天法祖保邦致治安邊禦寇之策君臣同心無事虛言務敦實

行見諸事功則天變可消人心自順國治兵強夷狄之禍不足慮矣臣見今春星變之異大臣亦嘗上言求退朝廷未允其請其餘當退者則又貪位顧祿濫官無恥莫此為甚且天地以至誠無息故能成其覆載之功人之應天亦必至誠無偽而後可以格天豈可以虛偽動之哉臣實自愧才識疏淺過承拔擢捐軀報稱惟恐或後然自應任將及二載叨祿苟容分毫無補上孤天恩下招眾議皇上天地之量曲為包容而臣犬馬之心誠不自安乞將臣先行黜罷放歸田畝以答天意以謝天路然後陛下慎簡中外賢才以資任使以召天地之和

于公奏議卷五

以開萬萬載太平之治不勝幸甚所有事宜條具於後具題奉聖旨說的是圖治之道先以撫安四夷為要戎狄悅服則邊方無虞便與各處鎮守總兵等官好生撫諭夷人各衛官舍軍餘只著應襲兒男操練其餘放回生理供給軍裝幼軍的兵部計議停當因獄有冤枉法司與他辯王振罪惡已被誅戮了罷今後但有指他為名訐告平人者罪坐原告該衙門知道欽此欽遵鈔出到部除撫諭諸夷推鞠罪囚等件欽遵行移各處鎮守總兵等官并法司外今將所奏要放回各衛所官舍軍餘及幼軍一事議擬開立前件具題景泰二年六月初三日奉聖旨是新選舍人有精壯者且留操備欽此

計開

一先該少保兼兵部尚書于謙等奏准將在京軍職旗軍除正身外軍職取其應襲兒男旗軍選其少壯應替餘丁各一丁入營操備已經御史給事中等官通行查勘造冊在部令該司官又復照冊行取除正身并應該襲替二丁差操外其餘人丁亦要操練一家有三丁四丁五六丁差操者中間亦有殘疾老弱及生理在外者該司輒嚴督衛所本管官旗坐名勾擾直至有名無人不得已而用錢雇覓他人代操者有之且一家止有兩丁在操其軍裝什物衣服飲食尙且供給不敷今至四五丁差操則人之困苦甚况一家之內父母妻子待

千公奏議卷五

三

其養贍京師之人既無田產又無生業不過經營微息僅足餬口兼要貼補正餘軍裝今當無事之時正宜使之自求生理以給其家而乃盡收在官使其父母凍餓妻子失所不能保養已失其心而又欲驅之鋒刃之下以出死力則彼豈爲國家用哉一旦遇敵望風奔潰動搖人心顧其得小而貽患大也乞敕該部即將前項操軍加軍職則本身與應襲兒男軍旗則正身與代替壯丁常川征操其餘釋放寧家無害其生理庶兵無冗雜人無驚擾便益

前件查得先該兵科都給事中葉盛題稱要行在京各衛官下舍人家人等項通行取勘括而盡之可得

萬數俱與口糧令其操練等因本部節次議奏欽差給事中御史取勘造冊其該八萬六百三十名本部覆奏除應襲兒男并比先年開選定操練者照舊操練外其餘本部委官同各衛堂上首領官逐一斟酌選取一千七百九十五人送營操習又查得先該本部爲照在京在外都司衛所軍下餘丁年久不曾取勘造冊中間多有新生續長隱瞞不曾報官之數遇有警急無憑查調已經議奏通令給事中御史查造在京各衛其該一十九萬六千三百一十名本部覆奏行令各營總兵官查勘但有隊伍空缺具數轉行各衛選取丁多之家補操其餘人丁俱聽自在生

千公奏議卷五

四

理去後今奏前因緣在京軍職之家亦有應襲兒男不堪操備其弟男子姪堪以操備者又况前項取勘到舍餘八萬之上止選出一千七百有零以數計之十分中所取不及一分又行關支口糧在營操練五軍內原設舊舍人營見委都督一員坐營管束并自願投充報効舍人達舍多有不係應襲之數中間多有精壯敢勇節次征戰巡邊挺身立功陞授官賞與見選頭撥團操聽調者等其餘丁存留在衛本部別不曾選出各營操練止是各營遇有事故軍人數多無有正軍補替者該衛於餘丁內揀選精壯之人補數若干預本部此亦係永樂宣德年間舊例然好

逸惡勞人之常情嗟怨異議容或有之今若一槩疏放誠恐軍少遇警不敷調用況在外赴京操備官軍即日放班回還因爲口外奏報虜情精選官軍團操及各關各城往往又要添撥先因土木等處虧折正軍數多全靠餘丁補操及查得各營舊操官軍四十三萬五千四百三十員名今止有二十六萬三千三百一十一員名數內又有輪班放回及事故之數比舊尙欠數多委的未敢輕易疏放臣等職掌兵政不容緘默亦不敢不任怨以誤大計合無將前項選到舍人及各營見操餘丁照依江淵所奏疏放惟復將新選舍人一千七百餘名內有幼弱不堪者疏放其

于公奏議卷五

五

餘精壯之數與餘丁俱暫留操備若有應該撥補者該營總兵等官徑自行移該衛揀選補操其衛所不許循私作弊賣富差貧及將丁少之家一槩選補摺塞致令嗟怨失所候邊務十分寧息另行具奏取自上裁

一府軍前衛幼軍皆是永樂年間選取民間壯勇子弟當時皆年及二十五六三十歲者到今將四十年多是六十以上俱成老疾不堪差操緣此等軍役例不旬丁遇有事故另命壯勇更替今多告老兵部恐軍缺伍不肯釋放仍留在伍與米三斗食用行移原籍官司選取解補其原籍官司因見本軍在伍未缺故意遷延或聽

人買囑展轉那移不卽僉補有四五年聽候者軍伍雖稱不缺其實征操不得其用且虛費糧米以養無用之軍深爲未便乞敕該部查理如係永樂年間僉充幼軍者不問老疾等項卽便放回行移原籍官司照名僉補如是故違來遲治以軍罪其宣德年間選補者及今亦二十餘年如有老疾亦審實放回照例僉補庶使軍得精壯行伍不缺且無虛費糧米之失深爲便益

前件查得府軍前衛幼軍係永樂年間太宗文皇帝選民間精壯子弟應充例不旬丁及查永樂十一年節該奉聖旨隨侍皇太孫操練的幼軍有亡故了的著原選官司選來補不要少了原數若是那亡故了的

于公奏議卷五

六

的戶下有年歲相應精壯有氣力快走路這等戶下情願要補的着他來補欵此又查正統九年五月初六日節該奉太上皇聖旨老疾軍旗多有該管官旗人等作弊把總該部官輒便信憑疏放以致缺伍今後告老疾把總官同兵部堂上官看果不堪應役的具奏疏放或年老有精力的也准他告還撥把門等項輕省差用但有旬補人到時放回欵此除欵遵外近又該巡撫河南都御史王來咨開巡按直隸監察御史全智奏在外僉點幼軍委的擾害州縣人民爲因達人侵犯逃移數多宜當撫安鎮靜乞候今年秋成之後將該僉幼軍選點等因本部依議奏准通行

去後今奏前因緣前項老疾幼軍例該有司另僉至日方纔替回各軍在衛止當輕省差使關支老軍月糧若便先行放回誠恐所僉之人一時不到而見在軍士又已疏放缺人應役合無候今年秋成之後將前項老疾幼軍通行各該原籍官司務要照名作急僉補前來更替回還不許故違

兵部爲軍務事臣等切惟兵者國之大事所以防姦而禦侮保大而安民然軍必有將將者三軍之司命也兵法有大將有萬人之將有千人之將有百人之將要使小大之任各得其人然後調度之際克濟乃事國朝用兵之制一本之以古法而參之以時宜一軍之中有總

于公奏議卷五

七

兵有左右副總兵參將又有坐營把總管隊等項官員往往擇其人以任之蓋欲防姦禦侮保大安民者也奈何近年以來爲同承平日久兵備懈弛總兵乏統馭之才偏裨失遴選之道其把總管隊等官多有資緣冒進非才濫充以致軍士不揚戰陣無勇其則貪圖賄賂剝削害軍視兵政爲等閒與士卒如讐敵失利債事職此之內邇者恭親皇上繼承大統赫然奮發思翦刈羣盜附眾強兵累敕在京總督總兵等官留意訓練官軍從公揀任將士臣謙繆膺總督之任與總兵官武清侯石亨等祇奉德意卽將各營把總等項官員分別賢否具奏黜陟已定近取勘到各營坐營把總管隊官員姓名

數日在部備照行移武清侯石亨安遠侯柳溥都督張帆係驍楊俊衛穎范廣令將選定把總等項官員照依先前定擬用心提督操練不許徇情作弊因而輕易動那以後若有事故陞調等項應合選人代替者該營把總等官務要遴選至公堪把總者令其把總堪管隊者令其管隊仍將選補過把總管隊官員職名具奏任用及開報本部以憑查考果有坐營等官將把總管隊官員私自那勅委用者宜從總督總兵官指實參奏拿問治以軍罪庶使體統不紊而任用得人武備修舉而不誤邊事緣係處置軍務事理具題景泰二年六月初十日奉聖旨是欽此

于公奏議卷五

八

兵部爲軍務事該通政使司送張善等首係河南都司河南等衛并直隸河間等衛所軍人原在五軍營操練景泰二年二月間蒙放班回還原衛所取討衣鞋盤纏爲因患病不能依限赴京今已痊可首乞復操等因到部查得先該總兵官武清侯石亨題稱要將在京見操在外官軍輪該放班回還原衛取討衣鞋等因本部參議得合將各營應合疏放輪替官軍人等俱分作三班常留兩班在京一班回家定立限期令其回還務要依限赴京若有因而在逃捏故不來旗軍舍餘全家調發邊衛充軍義勇民壯人等發原衛充軍官員捏稱老疾或指以軍政管軍等項希求在任躲避操練者降三級

終身守邊等因節該題奉欽依准卿等計議行欽此除  
欽遵外今首前因參照河南都司河南等衛所官軍例  
該五月二十日到京直隸河閒等衛官軍例該四月初  
一日到京今各軍俱過違原限不行前來雖稱患病未  
委虛的欲送法司究問緣係自首人數兼此等未到官  
軍數多即日正係用人團營操練聽調之際非惟懼罪  
不肯首出亦恐緩急不敷調遣欲准所言免其究問送  
營操練又恐依限見到官軍因見各人來遲全無罪責  
無所懲艾次班回還官軍放做風愈加怠慢以致軍  
政墮廢遇警缺人調用誤事未便又況在逃等項官軍  
送法司問罪者多係的決還役即日天氣炎熱干礙人

平公奏議卷五

九

眾合無俯念下情酌量事體將此等放班回限不到軍  
人有能自首赴部者一體送該營總督總兵官處查照  
各違限月日遠近著落坐營把總都督等官公同著實  
責決仍令照舊操備不許徇情作弊一概不行懲戒以  
致人心不服紀律不修臨期誤事自取罪愆其開若有  
在逃捏故不來者行提至日仍依原擬發遣充軍降等  
守邊庶幾激揚得宜緩急濟事緣係處置軍務事理未  
取擅便具題景泰二年六月初十日奉聖旨是欽此  
兵部為軍務事兵科鈔出總兵官武清侯石亨題准後  
軍都督府咨准兵部咨呈開民壯夏勝一等先送該營  
操練已後回還原籍經今一年之上其坐營把總管隊

官員全不作逃掣解中開顯有通同脫放情由台無令  
該管總兵等官查照緣何明知各人在逃一向不行具  
奏及行移本部挨拿并各人糧賞曾無關支指實參奏  
拿問等因具題奉聖旨是欽此鈔出備行臣處欽遵施  
行移咨准此查得先准後軍都督府咨送民壯夏勝一  
等前來已經劄發報効營收操去後今准前因行據該  
管坐營指揮杜山呈稱夏勝一等一百八十八名於景  
泰元年二月十四日到營收操陸續在逃已將張興二  
等一百七名通類呈逃數內夏勝一等八十一名為因  
事充失於拘查作逃景泰二年二月二十日已行開逃  
外及本職先於本年二月二十四日為事至五月初六

平公奏議卷五

十

日復職管事各人在逃之時係原坐營把總指揮郭亨  
等在營管事其夏勝一等糧賞不曾關支見解本營操  
備等因具呈得此參照指揮郭亨等自台加意撫恤軍  
士操習武藝各人既已在逃台就行拿解問以警其餘  
卻乃止將張興等一百七名開逃其夏勝一等八十一  
名不行作逃雖不關支糧賞中開顯是扶同縱放及照  
指揮杜山於前項月日為事復職管事不即查理卻於  
景泰二年二月二十日纔作夏勝一等開逃俱合問罪  
緣指揮郭亨等俱係軍職開坐具題該本部官欽奉聖  
旨且饒他這遣再犯不饒欽此鈔出到部查得先該直  
隸廬州府廬江縣申據民壯夏勝一等狀告蒙僉作民

壯赴京操練爲因艱難具本奏准蒙兵部職方清吏司出給印信批文照回等因告繳到縣看得批文印信篆文不明恐有詐僞差老人陳真等連人批管解赴部查得並無夏勝一奏准鈔呈在卷顯是虛詞遮掩僞印情由合將夏勝一等同一起回還民壯并僞批通送法司究問及照夏勝一等同先送該管操練已後回還原籍經今一年之上坐營把總管隊官員全不作逃拿解中開顯是通同脫放合令該管總兵等官查照緣何明知各人在逃不行具奏行移本部挨拿各人糧賞曾無關支指實參奏拿問不許誣下罔上容情不舉以致姦人得計軍政墮廢等因奏奉聖旨是欽此欽遵外今鈔前因

于公奏議卷五

十一

臣等切詳克敵之要在乎將得其人爲將之方貴乎兵有其制前日大同陽和後口并土木等處我軍失利賊寇肆志者皆由平日將帥庸懦號令不明假寬厚持重之名以遂貪私苟安之計上下遠近習以成風致有此禍卽日邊務方殷虜情不測正當盡革宿弊豈宜仍蹈前非況前項民壯夏勝一等等一百八十餘名自景泰元年四月開捏寫僞印批文逃回原籍該管坐營把總等官朦朧隱下不行作逃被各原籍官司舉發解來本部奏送法司問罪及令該管總兵等官查明回奏方纔捏稱於今年二月開開逃遷延日久若非各逃原籍官司及本部具奏則各人終於賣放在家名數虛存營伍空

缺朝廷何由而知兵備何由而肅及照奏內開稱民壯夏勝一等糧賞不曾關支行該戶部四川清吏司手本開查得前項民壯內夏永一等四十九名已於景泰元年四月分造冊關支糧米徐朝四等四名又於景泰元年六月分造冊關支糧米今卻妄行奏稱不曾關支顯是該營把總等官指揮郭亨等比先通同作弊受財脫放宵關月糧侵欺分用懼怕有罪又行捏詞脫免瞞官作弊情犯昭然今各營見在坐營把總管隊官員數多因見郭亨等賣放民壯盜關月糧全無忌憚互相效尤作弊官軍日見消耗兵政日益廢弛萬一失誤事機追悔何及再照武清侯石亨本無汗馬之大功謬膺朝廷

于公奏議卷五

十二

之重寄惟知市恩而誣下不思申令以正人縱容該管把總等官作弊壞事及至本部奏奉欽依查勘又復延調日久不卽回奏都督衛穎累次於教場呼喚郭亨等查究抗拒不服卻乃私到石亨家送與公文本官輒又聽從首領官金以忠并當該掾史聽受郭亨等買囑通同隱下賣放民壯侵盜月糧實情捏稱失於揭查等詞石亨出名朦朧奏准致令姦人得計兵政廢弛似此上下交通互相蒙蔽若不通提問罪切恐貽患方來合無行移石亨嚴加戒飭本官并各營總兵等官今後務要竭忠盡誠修舉戎政以副朝廷之委託以爲下人之表率不許似前罔上孤恩苟安日月及縱容下人受財壞



事致令坐營把總等官將見操官軍容縱脫放如違一體治罪其把總官員數內杜山先因為事不即查理情罪頗輕合照節奉欽依且饒他這遭事理施行所據實放民壯盜支月糧情重指揮郭亨吳能并石亨處通同作弊首領官金以忠及掾史人等合提送法司明正其罪仍於郭亨等名下追糧還官庶人心警懼而法令昭明武備克修而事無謬戾緣係整飭軍務及參問軍民職官事理具題景泰二年七月初一日奉聖旨是欽此兵部等衙門掌部事少保兼太子太傅兵部尚書等官于謙等為寬恤事該本部奏查得景泰元年閏正月初三日本部官節該欽奉聖旨五軍三千神機等營在京

于公奏議卷五

五

各衛在外調來并那懷來永寧龍門等處驚散到京及在各邊官軍自景泰元年正月初一日以後但有畏避差操躲離職役腹裏軍人押發邊衛充軍守墩哨瞭邊軍全家調發極邊衛分守哨官降三等終身守邊欽此又查得景泰二年七月初一日本部官節該欽奉聖旨近聞五軍三千神機等營見下草場放馬官軍多有公然帶馬逃回營幹私事恁兵部便出榜將去京城內外并往草場一路張掛曉諭他每知道都要連人馬到草場如法放敢有故違不到許他該管官旗并錦衣衛五城兵馬四鄰出首俱送兵部轉交法司追罰馬各一匹入官人調解口外衛分守墩哨瞭欽此欽遵又該會

議奏准今後在京操備官軍但有不候該班疏放擅自逃者不分旗軍舍餘義勇民壯人等揆拿得獲發極邊衛分守瞭官降三等終身守邊其放回旗軍人等或囚而在逃或捏故不來者旗軍舍餘全家調發邊衛充軍義勇民壯人等發京衛充軍官員捏稱老疾或指以軍政管事等項各自希求衛所保留在家管事以避操練者亦降三等終身守邊已經通行去後臣等切惟天下之事弛張緩急各有其宜當邊務擾攘之秋國家多事之日而軍政固當謹嚴適災異薦臻之餘軍民艱難之際而人情尤所當恤所據前項在逃并拐棄馬匹及放班違限官軍合當斟酌事情量為寬恤合無將前項違

于公奏議卷五

四

犯之人除已問結不動外其見監未結及事發已提未曾到官與今後有犯者官免其降三等守邊止調邊衛差操旗軍人等有犯者免其調衛止問本等罪名畢日送發開平等處守瞭五年滿日復役其義勇民壯人等仍發京衛充軍免其句丁止充本身其拐馬在逃官軍俱發邊衛守哨五年滿日各還原衛免其終身凡拐棄馬匹照依舊例追罰入官行移法司知會若以後年歲豐熟人力寬餘而官軍人等又復玩法違犯仍照前例發落如此則國法人情得以兩盡該本部官具題節該奉聖旨法令嚴明人不敢犯然有故誤犯法之情難拘一例行還與法司計議停當來說欽此欽遵會同刑部

等衙門掌部事太子太保兼本部尚書等官命士悅等議得統馭士卒非嚴無以服眾情消彌災傷非寬無以回天意罪有初犯再犯法當從重從輕合無將在京在外操備與在京不候該班在逃及故回休息不來官員榜例及會議奏准事理該降三等終身守邊已擬免其降等止調邊衛今再減作發邊衛守哨五年滿日回衛若原係邊衛者亦調別衛守哨五年滿日一體回衛俱免降調在逃及放班不來旗軍舍餘榜例及會議奏准事理該發邊衛充軍守哨已擬開平等處守哨五年免其調發今再減作守哨三年民壯義勇人等會議奏准事理亦該發邊衛充軍守哨後改作發京衛充軍又擬

于公奏議卷五

五

減作止充本身免其句丁難再動移其牧馬在逃官軍榜例俱該調解口外衛分守哨已減作邊衛守哨五年滿日回衛免其終身今再減作三年再照帶馬在逃與棄馬在逃情犯雖同而棄馬在逃其情尤重蓋帶馬在逃者猶不致失所棄馬在逃則是置而不顧萬一死傷走失甚為誤事若將帶馬在逃者照例發遣而棄馬在逃者止問杖罪發落則是情重罪輕不為均平合無一例發落減前擬罪寬恤事例除已發落不動外其餘見問未結及事發已提未到與今後再犯者俱照此例若冥頑姦詐之徒因見寬恤減免故意再犯者仍照先奉欽定榜例與會議奏准事理問斷施行不在寬恤之例

如此庶幾寬嚴兼濟而輕重適宜官軍知懼而不敢再犯緣節該奉欽依計議停當來說事理具題奉聖旨是欽此

兵部為邊務事兵科鈔出譯出緬甸大頭目馬哈息哈速刺番字奏文一道緬甸頭目馬哈息哈速刺十分敬願奏知天生寶位管主萬方善人上與利益惡人上與法度的天皇帝的敕諭常時聽見了臣十分敬願天皇帝他賊子弟兄兩箇住處天皇帝的尚書總兵同臣頭目計議征伐天皇帝總兵官來時他賊子聽的逃躲山中了他躲了時總兵官住的日少眾總兵官將地方與了臣回去了時節臣就差軍馬征收去了臣將地方

于公奏議卷五

五

西領亞輪買息睿古擺康板卜浪撒兒割板藥杭戶哀長梯展踏橐馬達處都依了大城池官守住這等計議時賊子兩箇又復出來占了如今時他還住的不穩天皇帝可差人同臣齊力征伐這賊時賊子容易得了斷絕根芽地方又得了如今若不征取他住定時難了臣得的百夷每臣跟前也住不穩若過後計議天皇帝邊差人馬來時誠恐勞苦故先差人去奏知因孟養緣臣人馬不得在一處不好計較臣地方邊上常有木那人馬打攬不絕軍馬常常守備總兵官都知道了天皇帝可敕諭木邦敬信天皇帝聖旨若取孟養時天皇帝可差人馬一處好計較因此臣差兩箇頭目去天皇帝前

聽聖旨該本部官欽奉聖旨兵部知道欽此欽遵鈔出到部參照緬甸奏稱差人同取賊子一節切詳隴川賊首思任發已就誅戮遺孽思機發等假息窮荒再不曾犯我邊疆況今邊務方殷而貴州廣西等處事體未寧俱用官軍防守難便調大軍前去其稱木邦人馬打攪不絕要行請救等因緣朝廷發號施令干礙事體重大難憑外夷一而之詞就便依擬施行況無雲南總兵官具奏緣由合無行移該府轉行征南將軍都督同知沐璘參將參贊等官及都布按三司堂上官巡按監察御史計議體勘木邦有無人馬打攪緬甸地方情由果有此情從總兵官差人齎文前去撫諭木邦頭目務在忠

于公奏議卷五

七

順朝廷和睦四鄰各保境土共享富貴不許生事縱令下人攪擾他人地方以致鄰邦失和睦之道朝廷與討罪之師悔將何及若無此事總兵官但嚴加鈴束密切關防於寬大之中萬威嚴之意使彼之動靜我必先知不必前去撫諭仍差人齎文與緬甸大頭目諭以朝廷具悉爾等臣節已令總兵官體勘木邦擾爾地方事情另行處置但以賊子思機發遠遁窮荒不曾欵邊難遽加兵爾當整飭所部頭目人等用心保守地方例廷法天行事命德討罪其賊子思機發遲速當正典刑爾不可不益勉忠順益堅臣節以爲永遠之利緣係處置夷情及奉欽依兵部知道事理具題景泰二年七月十四

日奉聖旨是欽此

兵部爲聲息事內府鈔出鎮守大同右少監馬慶題該右參將都督同知許貴手本准征西前將軍鎮守大同總兵官定襄伯郭登咨欽奉敕書內事理備行本職差委乖覺夜不收每衛分作二路每路四名十日一換直抵沿邊墩臺以外哨探已經行仰各城守備都指揮等官差撥外續據守備大同左衛都指揮李顯等呈景泰二年七月十九日據雲川衛守瞭安子山墩百戶張俊呈該夜不收許六十報蒙差沿邊哨探聲息晝伏夜行本月十七日潛至菱角海子南山瞭見北山達子人馬約有一百往來行走六十等伏至戌時回至中途山四

于公奏議卷五

六

忽遇達子五人各役回避不及被將敢勇軍人范丑丑張營王喜林射重身死六十被傷走回等因得此爲無守備都指揮李顯等呈報前因當差大同前衛千戶徐政親詣本城及行仰各官拘集原被傷軍人等八十同已死軍人親屬鄰里人等審問軍人范丑丑等的於何年月日出口回還行至是何地方遇敵射重身死只令身屍有無見在惟復被敵搶虜或驚散未回明白回報去後今據都指揮李顯等及大同左雲川二衛呈據被傷夜不收許六十供稱七月十三日辰時到菱角海子人頭山見有達子一百人馬在於北山往來行走回至塔兒左窩遇敵五人將六十射傷其范丑丑等二名趕

散不知存亡下落本職等並不曾呈報參將許貴等因結報查得先該後軍都督府備兵部咨呈該臣等題押河溝報有達子往來行走參無發兵剿捕方略行移再差乖覺夜不收四散哨探前敵在於何處屯劄實有多寡會兵剿捕等因已行差人分投緝探外會同總兵官定襄伯郭登委參將都指揮潘興挑選中路及東西二路馬隊神銃官軍四千員名分副從馬匹聽候若果報有聲息會同左參將方善出兵剿殺西路報有聲息會同右參將許貴出兵剿殺除咨兵部知會外續於本月日期不等該左右參將方善許貴手本據東路哨至斷頭山西路哨至七寶山等處夜不收楊出生陳孫孫等

于公奏議卷五

九

回稱各處地方並無聲息今該前因會同總兵官定襄伯郭登等議得菱角海子離邊一程係是左衛哨守地方今被達子將哨探軍人殺死恐敵窺伺入境當委參將潘興管神銃右監丞阮阿山統領前項選定官軍會同左參將許貴於左衛有敵地方相機剿殺仍先差人再行哨探前敵的實處所勢力強弱多寡務在計出萬全事無一失已於本月二十二日領兵去訖照得大同各城每遇差人出口哨探臣等備管著令十分用心晝伏夜行不露形跡不許輕易怠忽致有疏虞今都指揮李顯張鵬獨守一城爲無上司鈐束貪暴縱肆靡所不爲凡百邊務視爲泛常略不經意不行差委的當乖覺

之人哨探致使遇敵失陷係干緊急事情其有敵地方止是離邊一程不知有何緣故九日之上公然不行呈報臣等知會及至委官前去查勘方纔差人爪探回文糖塞脫稱敢勇軍人范丑丑等不知存亡儻被敵人搶去走漏消息見今各城軍民盡數在外耕種田禾牧放馬匹探打秋青草東及河南山西人民饋運糧儲等項敵若審知虛實突入剽掠豈不重爲邊禍似此失機誤事深爲未便合將各官拿送法司明正其罪重加懲治以警方來庶使武備無怠慢之失邊臣有警懼之心再照右參將許貴分守池西城池不行用心整治邊務號令不嚴委差失當及照來文內明稱據李顯等呈今李

于公奏議卷五

五

顯等卻稱不曾呈報其行移與李顯所呈被敵殺死并趕散不知存亡日期先後不同亦合提問緣係參奏方面官員及動調官員事理具題該本部官欽奉聖旨兵部知道欽此欽遵鈔出到部參照前項差去夜不收被敵殺死趕散顯是守備都指揮李顯等不行嚴加分付仔細哨探以致各人失所又不隨即呈報似此怠忽因循失機誤事合當問罪及照大同左雲川二衛正係大同西路地方凡一應差撥軍馬隄備敵情俱聽大同提督總兵等官隨宜處置其親臨提督又有參將一員在彼今照前敵百十成羣在於邊方出沒一向隱匿不行奏報及差夜不收分投哨探又不遴選的當之人申嚴

節制丁靈戒約令其書伏夜行謹慎巡哨致破敵人殺死失誤邊務其年富郭登等雖稱議遣參將潘興等領兵前去剿殺誠恐視為泛常虛應故事不能設謀奮勇卒難成功亦各難逃罪誥合無請敕切責提督軍務左副都御史年富總兵官定襄伯郭登右參將都督同知許貴宥其失機誤事之罪令其盡心守備奮勇殺敵以贖前愆今後如再似前輕率怠忽差人不當以至失機俱治以重罪不恕仍令潘興許貴等務在躬親率領軍馬嚴謹哨探前敵如果尙在地方出沒就便調兵剿殺既不許畏縮以損軍威亦不許輕率以墮敵計其李顯張鵬合無行移都察院轉行巡按御史提問明白具奏

于公奏議卷五

主

發落惟復且不提問令巡按御史各取其死罪招服令其殺敵贖罪再犯依律處治緣係請敕并提問沿邊軍職及奉欽依兵部知道事理具題景泰二年七月二十九日奉聖旨是李顯張鵬不問著巡按御史取死罪招服令其殺敵贖罪欽此

兵部爲邊務事兵科鈔出譯出緬甸使臣荅加速等番字奏文三道該本部官欽奉聖旨該衙門知道欽此欽遵通鈔到部今將所奏事情會同通事都督僉事昌英等譯審明白逐一議擬開立前件謹題請旨

計開

一道緬甸使臣荅加速等今將緬甸卜刺浪拜奏天皇

帝前情由奏知賊子思機發弟兄兩箇爲送的他父親前來計恨著常川要廝殺如今博刺浪還廝殺不作專待天皇帝敕諭如何計較整理事務奴婢的卜刺浪拜奏所有天皇帝整理事務的雲南金齒騰衝人都得我的財物我使臣要到御前時他每不肯計較著來天皇帝可憐見時有會百夷話的人差來整理事務大賞賜并金牌等物送將來時天皇帝的洪福得瞻仰了奴婢的卜刺浪十分歡喜奴婢征伐賊子情由知覺得著實如此情由御前奏知

于公奏議卷五

主

前件查得先該緬甸大頭目馬哈息哈速刺奏稱要差人同伊征取賊子思機發等因鈔出本部爲照賊首思任發已就誅戮遺孽思機發等假息窮荒再不曾犯我邊境况今邊務方殷貴州廣西等處事體未寧俱用官軍防守難便再調大軍已經奏准行令征南將軍總兵官都督同知沐璘等差人齎文與緬甸大頭目諭以朝廷具悉爾忠誠但以賊子思機發遠遁窮荒不曾欵邊難遽加兵爾當整飭所部頭目人等用心保守地方朝廷法天行事命德討罪賊子思機發遲速當正典刑爾不可不益勉忠順益堅臣節以爲永遠之利去後今奏前因又審荅加速等說稱賊子思機發比先總兵官征討他時他只領得一千人來見官軍勢大躲了如今他收拾人馬約有十萬

不時出來緬甸地方廝殺攪擾我緬甸宣慰不敢望朝廷訓軍只待敕書一道或量調騰衝金齒官軍見得有一敕書軍馬到彼我每自調人馬與思機發廝殺又說朝廷這一遭與緬甸大賞賜回還路經木邦等處共有十五站方到緬甸若得朝廷差曉百夷說話的人送他每回去使木邦各處知道緬甸與朝廷出氣力來等因據說臣等切詳軍馬固難動調蠻夷所當撫綏況騰衝人係新近設立去處而雲南各衛官軍多有調征貴州者若便量調協同緬甸征剿賊子思機發非惟軍少不足以張兵威抑恐徒勞無功而惹他變合無只請敕緬甸大頭目諭以爾之竭盡

于公奏議卷五

話

臣節爲國効力朝廷具知但以賊子思機發遠遁孟養地方設若量調官軍同爾往捕不無彼此牽制難於行事又況隆州境土俱爾地方若果賊子侵擾爾當運謀設法督率頭目人等隨宜守戰以爲邊境保障以殄賊寇遺孽如有成功明白開奏朝廷重加陞賞必不吝惜仍行雲南總兵官知會庶懷柔遠人之道盡而以夷攻夷之策得矣其言乞差曉百夷話的人伴送回還一節係夷人求請未敢擅便定奪取自上裁

二道緬甸使臣荅加速等天皇帝御前奏知今將奴婢緬甸卜刺浪拜奏的情由所有天皇帝事務臣十分出

力來思任發得了時我十分敬重天皇帝便差莽刺劄等眾頭目將頭畜牛羊米糧酒禮總兵官尙書處迎接來總兵官便要思任發一時不到就將莽刺劄等拿來天皇帝可憐見將莽刺劄等放回來了這頭目每得養他父母臣十分歡喜死的死了也罷今有御前留住的頭目當丙潘達已那思傑賈賈康勒改同從人七名臣與天皇帝整理事務有功的人這頭目不來時古刺荅冷百夷必笑我天皇帝可憐見放回來時得養活他的父母古刺荅冷百夷聽得時必然都歡喜

于公奏議卷五

話

前件查得當丙等同從人七名先係欽留四夷館辦事人數近該緬甸宣慰卜刺浪奏要討各人回還本部爲照係外夷求請未敢擅便定奪奏奉欽依既留四夷館辦事罷欽此除欽遵外今奏前因又審得荅加速等說稱見留當丙等比先都是緬甸管事頭目爲因擒住思任發著他每先到軍前來報破總兵等官拿來後蒙朝廷恩賜將他每一般來的使臣莽刺劄等都放回了留住當丙等如今九箇年頭他都有父母妻子終日在家嗷哭思想可憐見放回去等因據說參照當丙等係節奉欽依內事理四夷館辦事人數今又奏要令各回還詞頗懇切情亦可矜緣係外夷乞恩未敢擅便定奪伏乞聖裁

三道緬甸使臣荅加速等天皇帝前奏知所有把事郭

丑奴管奴婢地方上事務如今死了有他男郭景善自他父死奴婢地方事務一般整理可憐見冠帶與時百夷每敬重他天皇帝御前奏知

前件查得近該左軍都督府照會據雲南都司呈亦爲前事本部爲照郭景善係是土軍難准已經立案外今奏前因又審得答加速等說稱緬甸做把事郭丑奴卽郭春奴係騰衝土人比先死在緬甸地方他男郭景善卽郭景賢到緬甸三次以此保他替他父親做把事見有雲南都司保他文書也到部等因據說參照郭景賢雖係土軍例難准保但以一入之身至微一方之事至重夷情懇切所宜俯徇以盡懷

千公奏議卷五

五

柔之道合無不拘常例將郭景賢准令做冠帶把事照舊整理緬甸宣慰使司地方事令其務竭忠誠導彼爲善不許挾詐懷姦致誤邊務如違治以重罪仍行雲南總兵官知會景泰二年八月二十日奉聖旨是這裏不必差人伴送當內等七人既他懇切奏討著回去欽此

兵部爲陳言邊務事准都察院咨刑科鈔出山西行都司大同後等衛老軍吳淮等將左副都御史年富不法事情開坐具奏奉聖旨該衙門知道欽此欽遵除剋減斛米貪淫無恥等事本院施行數內開僭越職級事本官職居三品欽差提督軍務自合以禮守職其定襄伯

郭登係伯爵先承敕命掌征西將軍印鎮守總兵今年富自倚風憲不遵職級到任之日就與並坐僉押公文凡發號施令不容定襄伯啟口妄執已見意在專執蠹政下人實難遵守係兵部掌行開咨到部臣等參照年富係副都御史三品之職受朝廷敕旨令其提督軍務凡軍中一應大小事務悉皆提挈綱維自總戎而下咸聽節制況都御史爲風紀之官與侯伯無相統屬既係欽命提督當居總兵之左豈有不許並坐之理臣又看得武臣總兵文臣監督從古爲然昔春秋之時齊之田穰苴以布衣監莊賈軍莊賈違軍法穰苴斬賈而破秦晉之師唐之裴度以御史中丞督視淮西軍馬卒平淮

千公奏議卷五

五

蔡事有明驗朝廷酌古準今選用文職大臣充提督軍務等項皆便宜從事而左都御史王翱右僉都御史鄒來學提督遼東等處軍務亦坐總兵官之左凡發號施令軍中賞罰皆係王翱等處置此係朝廷舊例軍務事宜體統已定非臣下所敢專制而吳淮等以一介老軍倚恃刁潑妄言變亂沮壞軍務中閒必有主使之入合無行移都察院將老軍嚴加勘問聽信何人教唆主使朦朧具奏前因務在開擬明白奏請究治及行年富照依王翱等事例施行緣係處置軍務具題景泰二年九月二十七日奉聖旨是欽此

兵部爲聚眾謀殺土官事兵科鈔出左副總兵征蠻將



軍都督僉事武毅等題據守備龍州太平千戶所副千戶夏顯呈據緝事軍人韋公直報緝知附近思明府聚有兵馬眾多在府不知有何緣故得此隨委總旗莫大一一前去體勘續據呈稱景泰二年八月十四日前去思明府果見兵馬眾多圍裹一府鈔獲知府黃瑠等父子并家人頭目就於本府監禁至十五日夜三更時分忽聞兵喊放礮三聲次日聞知黃瑠等俱被殺死隨於本府流官處說明等因又據把總領哨都指揮使黃玘呈本年八月二十五日得原籍思明府黃灝差家人黃清齋書報說本年八月十一日二更時分不知何處兵馬約四五千餘名包圍本府至十二日天明將弟知府黃

于公奏議卷五

三

瑠等俱各擒拿去訖本日一更時分復聚人兵又來包圍本職房屋叫說我們都是本府四牌十二圍百姓被知府殺害親戚強娶妻女占住祖業田產將兒女打吊討銀還債百般科害大人也不勸他我百姓十分當他不過所以聚人來問他討銀兒女你若不替我每主張又去護他替他動文書我每眾人也破蕩你家有男黃灝回說府家之事于我甚事各人失信住至三更時分退去即日遂互相挾讐亂行差人縛牛討錢不息書報到職係干邊境府治及弟姪都不知存亡如蒙乞為差官前去安撫及體緝弟姪下落便益具呈案照先據原差調兵潯州等衛千戶宋廣等呈報前去思明府調兵

本年八月十一日夜一更有土人圍住館驛聲叫土人爭官警殺十二日早聞彼土人說稱土官害民被眾人拿下知府黃瑠并父黃灝等原調土軍俱各散回等因已經會同欽差巡撫廣西兼提督軍務刑部右侍郎李棠巡按廣西監察御史張瀾廣西都布按三司都指揮彭英左布政使夏時按察使王增祐等計議案委南寧衛指揮余英馳驛前去會同太平府所掌印官勘撫去後今該前因仍會同各官計議係于邊境恐有警急除委廣西都布按三司堂上官前去思明府等處酌量事情設法整理撫安至日另行外緣係邊境殺害土官重事具題該本部官欽奉聖旨兵部知道欽此欽遵鈔出

于公奏議卷五

五

到部參照所奏前因緣係土人聚眾謀殺土官重事又況土官知府黃瑠父子拿去不知下落詳其所由雖係土人生擒不知利害聚眾逞凶將所管官員謀殺亦由土官知府黃瑠平昔不能撫恤下人生事凌虐以致小民激變若不早為設法整理撫安切恐前項土民自知所為不律懼怕罪及身家因而愈肆凶強勢欲止而不可遂至猖獗滋蔓重為地方之患合無令該府差人馳驛齎文與武毅李棠等或躬親前去或核委參將等官公同都布按三司堂上官及巡按監察御史量帶官兵親詣思明府地方宣明朝廷恩威撫安人眾仍設法挨拿前項為惡土人為首者追究知府黃瑠下落有無見

在具由連人奏報若各人悔過認罪將知府黃瑠送官就將土人撫令復業仍將知府黃瑠省令聽候不許管事仍將本官平昔有無貪贓苦害土人情由星馳差人具奏定奪仍禁約見在流官務在革心改過守己愛民不許互相效尤致貽他變如果爲首之人未獲及所聚人眾未散別有寇擾重情一時撫恤不下相度事情必須用兵宜從李棠等調度官軍且撫且捕務在事安民安寇盜不作既不許怠慢以誤事機亦不許輕易致有激變緣奉欽依兵部知道事理具題景泰二年十一月十一日奉聖旨是欽此

千公奏議卷五

完

等近蒙聖恩分作三班放回取討衣鞋緣卽目邊務甫盡人心稍定民之逃移者未盡復業地之荒閒者未盡開耕又係青黃不接之時東作將興之際切恐此等官軍人等沿途生事攪擾居民及該管頭目不行鈐束禁治因而激變小民引惹事端未便今照放班在邇合無照依上年事例行令總兵等官武清侯石亨安遠侯柳溥都督張軌等嚴加戒約該管頭目務要鈐束軍士人等不許沿途生事攪擾敢有搶奪偷盜財物頭畜并作踐人家田禾強買鋪店物貨占奪過往船隻與姦淫婦女拐帶人口占住房屋砍伐桑棗或恃強凌弱毆傷平民者許被害人赴所在巡撫鎮守巡按巡河官員并合

千上司或府州縣巡檢司具告就將違犯之人擒拿解送本部轉送法司不分旗軍餘丁舍人民壯人等俱問調邊衛充軍瞭哨仍將該管頭目一體問罪調衛守邊本部先行備榜於在京教場并人煙輳集去處張掛禁約仍行各處軍衛有司巡檢司一體備榜禁約如此庶使法令嚴明而姦頑知所警懼道途寧靜而小民得以安生緣係照例出榜禁約事理景泰三年正月十三日奉聖旨是欽此

千公奏議卷五

完

兵部爲缺軍征守事兵科鈔出巡撫湖廣都察院右都御史李實題據湖廣都司呈案照先准湖廣按察司牒呈奏本院劄付備仰本司轉屬行查守備廣西官軍人等額定名數及從前至今死亡數目呈報施行備牒奉此行據荊州德安等衛所呈申查得遞年輪班廣西征進官軍每年蒙撥哨守潯梧等州大藤等峽爲因感患山嵐瘴氣死者一年每衛所一班不下百十餘名不免要軍撥補其事故旗軍節經發冊有司清句延及一二年十無三四解衛見在旗軍節因湖貴地方苗賊作耗并漕運京倉及饋運糧米軍餘盡數征差去訖似此連年廣西備禦不絕衛所旗軍日益事故數多委的缺軍護守城池各將遞年事故死亡數目開申到司除茶陵寧遠二衛夷陵守禦千戶所未據開報外今將荊州等二十七衛所原調廣西兩班備禦遞年事故官軍數目

開呈到職案照近據岳州衛申據本衛輪班廣西備禦千戶楊麒呈前事自正統十四年八月內管領旗軍滿辛三等一百五十四名前往廣西聽副總兵征蠻將軍都督武毅調撥鬱林州等處哨守景泰元年至景泰三年八月內瘴疫傳染陸續病故六十名在逃二十名止有七十四名回衛呈乞撥補聽候換班行據左右等五千戶所申稱旗軍盡數差撥征進運糧別無空閒軍人可補隨查本衛止有食糧正軍一千八十四名廣西二班三百五名漕運六百五名於內逃故五十五名無軍撥補已將餘丁補運外續調常德等處策應殺苗一百三十七名原征麓川復征香爐山等處二百三十四名

于公奏議卷五

五

於內逃故陣亡病弱六十名後調貴州殺賊選要精壯緣無軍選補又於策應軍內揀選精壯四十八名并餘丁轉補起程外餘存軟弱八十九名係策應之數奉總督軍務右都御史王來劄付仰令整朔在衛操備聽候調用比照原數尙欠四十八名無軍補完移關到衛照得班次在邇前項逃故數多無軍撥補不無有誤申乞定奪等因到職參照岳州衛申稱原撥旗軍潘辛三等一百五十四名前往廣西哨守內病故六十名在逃二十名止存七十四名回衛輪該景泰三年二月初一日前去換班及逃故名缺行據各所申稱旗軍盡數征差運糧策應等項無軍轉補要行定奪一節爲照岳州乃

湖湘衝要之地見今靖州等處苗寇生發城池必須固守斯無後患卽日在衛別無正軍止有新選餘丁數不滿百既稱無軍暫免轉補候征進官軍班師之日照舊撥補前去廣西守備所據見在官軍合行依限換班其逃故軍人亦合照名取補除通行查勘去後今呈前因臣訪得廣西地方洪武年開原無官軍守備至永樂二十一年因欽差總兵等官在彼鎮守奏撥湖廣所屬衛分官軍五千員名隨同備禦遂成定例後因官軍病故數多建議者欲行停罷復添撥官軍五千員名分作上下二班輪流緣廣西係煙瘴之鄉本土人民尙有死亡其前項官軍素非本處生長不服水土俱各染疾名雖在彼備禦實乃養病度日不堪操調虛費糧賞無命者俱卽病故幸生者多致風靡從前至今官軍相繼輪班一家有死一二人者有三五人者姑以總數計之其原額共該官軍一萬餘員名除茶陵等衛未曾開報今查荊州等衛所已死一萬六千六百餘員名逐年輪班回還死者過半俱要本衛所補轉又兼近年以來麓川等處賊寇竊發調軍征進及襄河運糧等項差役重繁官軍逃故數多無軍撥轉蓋因死者愈速而生者不繼爲今之計欲令官軍照舊守備未免罹此瘴疫是以無罪之人而置諸必死之地徒有守備之名而無守備之實欲將官軍停罷不設誠恐彼處獠獠不時出沒侵擾地

于公奏議卷五

五

方必須有備然後無患臣識見短淺計莫能及乞敕該部會同多官計議斟酌可否務使邊境有備禦之方官軍免速死之患緣係邊備軍情事理具本該通政使司官奏奉聖旨兵部知道欽此欽遵鈔出到部參看得李實所奏前事大意欲要將廣西輪班官軍存留在衛另行設法撥補前去廣西操守臣等切照廣西地方多係土官衙門蠻夷雜處易動難安先因彼處官軍數多議將湖廣官軍調撥一萬員名分作兩班輪流前去守備經今年久比因廣西賊寇生發十分猖獗該副總兵等官都督武毅等節奏官軍數少調遣不敷要行添調大軍征勦本部為照附近廣西各該都司地方俱有賊盜

于公奏議卷五

謹

生發俱用官軍撫捕卒無相應堪以添調已經覆奏行令湖廣廣東二都司將原定廣西輪班官軍依數上緊催促前赴廣西聽調今查湖廣都司所屬衛所官軍舍餘共一十四萬二千二百餘員名廣西都司所屬衛所官軍舍餘止有四萬四千八百餘員名以一十四萬之中一班輪流五千赴廣西操備其數不多今若要行存留不肯調撥委的廣西地方賊情緊急其他去處別無相應之人可以那調況廣西湖廣地方兩處相為唇齒賊情緩急互為應援即日湖廣永州地方被廣西流賊越境侵擾設使廣西兵勢振肅自能撫捕未必貽害他方況本處官軍數少別處調來守禦非獨廣西為然且

如京師見有七十六衛所官軍又行添調河南山東等都司并北直隸衛所官軍輪班赴京操備而河南等都司官軍亦調大同并陝西延綏等處備禦與原衛地方相離驚遠並無干涉倘然那調何況湖廣附近廣西而地界聯屬賊寇往來出沒一處有警則兩處不安今要存留不行調去匪獨為廣西之患抑且非湖廣之利臣等又議得一歲之中所在軍民尙有死亡事故今以前項輪去廣西備禦官軍二三十年之閒豈無彫耗物故兼且各司府州縣清解軍丁自有本處衛所而囚犯編發充軍亦各有限實是無從區畫另調前去廣西備禦所奏難准合無行令該府行移湖廣都司將廣西輪班

于公奏議卷五

謹

官軍照數依期督發起程更替仍整擲在衛軍士并舍餘人等操守城池遇有緊急賊情聽總兵等官調度守戰不許指以軍少為由因而怠忽兵備候廣西賊寇十分窺息將前項調去備禦官軍另行議奏定奪緣奉欽依兵部知道事理具題景泰三年四月初五日奉聖旨是欽此

兵部為邊務事照得近該遼東總兵等官左都督曹義等具本差人伴送建州右衛賊子卜花禿赴京本部備將本人先前背叛朝廷搶掠邊境情罪參擬具奏奉聖旨待他到京朝見之日憑該部劾奏請旨發落欽此欽遵景泰三年三月十六日將本犯具本劾奏奉聖旨這

斯凶惡不守法度論法本難容他是夷人自來服罪饒  
這遭著遷善改過欽此除欽遵外今卜花禿將還臣等  
切詳朝廷之慶賞刑威猶天之風霆雨露非雨露無以  
滋其發生非雷霆無以振其號令故中國之馭夷狄必  
使恩威並行然後遠邇畏服切照卜花禿原係建州右  
衛已故都督凡察男當正統十四年遠人犯邊之時跟  
隨伊父節來我邊剽掠人畜後又糾合遠人潛入遼陽  
地方偷搶馬匹射死舍丁又將走回餘丁佟得受暗行  
殺死其爲凶惡罪犯深重雖都督董山李滿任等俱係  
同類夷人親屬先前輩山等赴京通事昌英等審得各  
人俱要殺死卜花禿以報讐怨則是卜花禿非徒獲罪

于公奏議卷五

五

於朝廷抑且致怨於同類今雖自來服罪非其本心實  
出於遼東差去都指揮王武等之所誘致雖皇上洪恩  
俯從寬宥奈夷情姦詐亦難姑息若不量爲處置使之  
稍有警懼非惟外夷聞風而無所勸懲抑且此賊凶強  
而終爲患害况獵獸出柙而吞噬之性尙存飢鷹去羸  
而飛揚之態自若防患慮後不得不嚴合無令該府差  
人馳驛齎文與遼東總兵官曹義公同太監宋文毅及  
提督軍務左副都御史寇深等從長計議候卜花禿回  
還到彼或暫且羈留遼東密切防範仍行文與海西建  
州各種女直野人頭目使其知卜花禿先不合背叛  
朝廷侵擾邊境原情定罪合置極刑朝廷但念其躬親

赴京服罪寬宥其死令在遼東隨軍聽調使其革心向  
化刷恥易行永不敢爲非候本人果能變惡爲善另行  
定奪惟復就令曹義差人將卜花禿押送李滿任董山  
等處令其收管務在如法嚴固鈴束不得縱令生事爲  
非儻或因事發露一體坐罪此外別有長策奇計可以  
使賊子知懼不爲後患夷人間風亦知警畏宜從曹義  
等一面施行一面差人具由奏報不許心懷猶豫處置  
乖方以致事體謬戾自貽後患緣係處置夷情事理具  
題景泰三年四月初五日奉聖旨是著曹義等差的當  
人押送李滿任董山處收管好生鈴束不許縱容生事  
爲非或別有長策奏來處置欽此

于公奏議卷五

五

兵部爲賊情等事兵科鈔出錦衣衛指揮僉事盧忠題  
先蒙欽差前往湖廣武岡州公幹沿途看到事件逐一  
開坐具題景泰三年四月初八日該錦衣衛指揮僉事  
林福欽奉聖旨該衙門看欽此欽遵鈔出到部除要添  
差御史巡按湖廣及填塞沙灣二事行部察院工部  
另行外今將所言事件議擬開坐具題請旨

計開

一件看得湖廣武岡州等處苗賊不時出沒劫掠民財  
頭畜殺傷人命乞敷兵部行文前去著落總兵等官處  
置設法於緊關去處晝夜守備庶使軍民安妥  
前件看得防患禦侮之道雖當無事之際亦宜杜漸

防微矧今賊寇未平尤宜謹慎守備合准所言行移  
彼處總督總兵等官右都御史王來保定伯梁瑄等  
務在整肅兵威嚴慎防守各該緊要關隘去處著落  
三司委官提調軍衛有司晝夜用心守禦地方隄備  
賊情不許彼此因循爾我推諉以致苗賊愈加猖獗  
地方因而疏虞

一件看得漢陽府地方劉家隔常有人四五萬居住中  
間刁潑者數多俱是江寧等處無引之人恐有強竊賊  
盜逃躲在彼潛住況此處止有巡司一所難以關防乞  
敕該部計議或設立一衛築立城池鎮守關防便益

前件看得前項地方要立軍衛修築城池鎮守一節

于公奏議卷五

五

防姦保民之道固宜如此但恐中間別有窒礙又無  
相應官軍堪以設立衛所合行巡撫湖廣右都御史  
李實公同都布按三司堂上官及巡按監察御史從  
長勘議劉家隔是否住有趁食之人數多中間有無  
來歷不明及日後貽患別情應否設立衛所有無相  
應官軍堪以那調如果此地堪以設立衛所城池將  
合調官軍并丈量城垣及人工物料數日開奏以憑  
區畫若有窒礙及有別項策略可以潛消姦先保障  
居人亦要明白回奏不許苟且怠忽及輕易更張已  
後因而誤事責有所歸

一件看得荊州襄陽二處有遼府襄府乞敕該衙門計

議推舉廉能官一員前去鎮守荊州襄陽劉家隔便益  
前件看得湖廣已有總督總兵等官右都御史王來  
保定伯梁瑄等調度官軍撫捕賊寇又有右都御史  
李實專一巡撫及有都督陳友守備辰沅一帶并有  
都布按三司官同巡按監察御史分理事務今奏要  
推舉廉能官一員鎮守荊州襄陽劉家隔一節誠恐  
差官太多未免下人勞擾合行巡撫右都御史李實  
公同三司及巡按監察御史從長計議前項地方應  
否委官專一守鎮有無窒礙如果相應合當就彼差  
委是何官員或在京命去或不必差官自有理辦備  
由明白回奏務要斟酌停當不許輕易怠忽以乖事

于公奏議卷五

五

體

一件看得裕州多有各處人民在彼買賣中間恐有逃  
軍囚匠人等潛住乞敕兵部計議設立一衛築立城池  
鎮守關防便益

前件看得河南地方所在多有逃民趁食非獨裕州  
一處為然今稱要設立一衛鎮守關防一節未審有  
無相應窒礙合行巡撫河南右副都御史王暹公同  
都布按三司堂上官及巡按監察御史從長計議前  
項地方應否設立衛所有無相應窒礙如果相應合  
將何處官軍那調或不必設立亦無害於事體明白  
聲說回奏定奪

一件看得河南地方廣闊人民浩大任居寫遠乞敕該部計議推選廉能官一員前去鎮守撫諭人民便益

前件看得河南見有右副都御史王暹專一巡撫又有三司官員弁巡按監察御史今奏又要推選廉能官一員前去鎮守撫諭人民一節誠恐彼此掣肘而難於行事抑恐下人奉承而愈爲煩勞所言難准合無行移王暹務在竭忠盡心革弊除姦當念彼處地方流民如此之多當體朝廷委任付託如此之重視軍民如赤子理公務如家事凡一應民情軍務務在身先倡率激勵撫卹俾政務修舉姦宄潛消良善獲安姦貪斂息以爲一藩保障不許因循日月致貽後

于公奏議卷五

堯

患景泰三年四月初十日奉聖旨是欽此

兵部爲陳言事兵科鈔出遼東鐵嶺衛軍曹習古謹進策言竊嘗謂保國之要莫先於武備安民之務必急於禦寇武備修則國家寧謐虜寇息則黔黎樂業國泰民安而天下和平矣邇者胡寇逞凶深入京畿恣爲剽掠被其荼毒人皆痛切今雖附順而猖獗之勢暫息觀視之心猶存將欲緩其師懈其兵也不可不爲之備孫子曰無約而請和者計謀也又曰用兵之法無恃其不來恃吾有以待之也無恃其不攻恃吾有所不可攻也吳略曰君子於安平之世刀劍不離其身所以安居慮危治平防盜之故爲今之計當堅甲利兵深溝高壘儲糧

57 26

練上秣馬養銳嚴飭防備及用行開則寇可息所有備禦切要之事謹陳于左該通政使司官奏奉聖旨該衙門看欽此該兵科參看得軍人曹習古獻策自干理合具本奏聞今卻止將本策徑進事屬有違宜從鈔行通鈔到部除職軍糧儲行移工部等衙門另行外參照軍人曹習古不合止將本策徑進不行具奏事屬有違難比差錯今既該科參出合行巡按山東監察御史將本軍提問如律但係建言事理今將所言事件逐一議擬開坐謹題請旨

計開

一練兵蓋人有古今而兵無古今今之兵卽古之兵也

于公奏議卷五

聖

昔太公繕法戎車百輛虎賁三百人以立軍制陳師牧野以成武功以四萬五千人勝敵七十萬眾其所勝者在乎人皆一心量敵虛實臨時應變出奇取勝所致也洪惟聖朝擢數百萬精兵論兵之多古弗及也況國富兵強相賢將智雖古之良平馮鄩無出其右政在中興之日尙何慮乎漢諸葛武侯八陣天地風雨龍虎鳥蛇四爲正四爲奇正爲敵則奇爲應奇爲敵則正爲應奇旋左正旋右正旋左奇旋右奇正相生所以取勝也有正無奇難制勝有奇無正亦難制勝今大軍俱集京都恐敵突然掩襲一時難以出師調軍制御乞命大將統大軍於京師操練陣分奇正以奇出奇名爲內兵量調

10 B



馬步軍四萬分於花園馬駒橋南海子蘆溝橋西山昌平南清河東鄭村壩八處每處五千各置營堡以爲外奇令智銳官練操各有正奇四外維持八方拱衛保國都如泰山之固護民庶若磐石之安有警則大將出內兵以勦敵八方爲奇以策應所謂奇正相應則寇四面受敵難以走避所謂出奇取勝者此也設置烽墩礮臺大將有令晝則舉烽夜則放礮爲信外兵哨有聲息亦舉烽礮爲報鄰堡周知表裏相應軍法整肅寇來則剿寇息則守外兵則就彼屯操養馬以逸待勞今分軍置堡雖一時之難分置停當有久遠之利漢將趙充國擊匈奴分軍一萬屯田有十二便利且耕且守匈奴畏服

于公奏議卷五

聖

八堡軍士各自每日輸流屯操官給牛犁種子亦可以禦寇屯操一年則四萬人馬糧料草束可以自給每歲十餘萬計不勞官關可不添人馬以省糧儲今各軍日常用本等兵刃操練外另用軟弓皮鬚頭皮骨朵木刀似真廝戰若只用垛子跳牌走馬爲勝恐臨陣有怯合設彼此對敵隊陣有正有奇各出機謀韜略相爲戰敵毋致相傷務見相勝以觀其志勝者常激勵奮勇齊以一心習慣自然遇寇可以取勝及草爲人馬下置轉軸繩索令人遠爲牽動往復馳驟其銃手用平頭木箭發銃熟試臨陣有準無失

前件看得兵家之事貴在臨機應變難以預擬遙度

又況諸葛武侯入陣近因邊務方殷中外官員軍民人等陳言亦往往備述其事累行各營總兵等官從長採擇依法措置又今要京師操軍分奇正及量度馬步四萬分於花園馬駒橋等八處操練一節緣京師操軍教場自永樂年間已有一定之處又況附近京師如通州夏鄉涿州天壽山及居庸關白羊口等處自有彼處都指揮等官操習軍馬與京師相去不遠氣勢互相聯絡部位各有統率遇有警急亦易策應今若又將官軍分派各處非惟軍士居止不一愈加勞擾抑且營伍號令紛更難於遵守又如皮骨朵木刀等件營中操軍亦閒用之若一切以爲常事則

于公奏議卷五

聖

軍士習於用輕而臨敵難於舉重似有窒礙難行合行五軍三千神機等營總兵等官武清侯石亨安遠侯柳鴻都督張軌孫鏜楊俊衛穎范廣等將本軍所言練兵方略從長採錄中間若有可行宜從施行如果于礙事體重者明白具奏定奪不許因循偏執致誤大計

一勵士夫行兵之法以勵士爲先戰陣之卒以養銳爲本然士卒遂志則銳氣自盛人皆一心可以勝敵於今數百萬兵中有弓馬熟嫻智銳過人者加賞退縮者量罰謀畧者錄用飢寒者與衣糧陣亡者賞及妻子皆得以遂其志有合古人用兵勵士之意兵書香餌之下有

懸魚重賞之中有死夫又曰視卒如嬰兒可與赴深溪視卒如愛子可與之俱死視愛若此則士卒咸懷進死爲榮退生爲辱之志矣昔吳起說魏侯以三等之禮享勵士卒皆効死以五萬人破秦五十萬眾其令不煩而威振天下由勵士養銳同心協力之所致也

前件看得用兵之道勵士實爲先務故兵法有怠者作之之言而吳起四機亦以氣機爲首但今朝廷用兵未嘗無激勵之法有功者陞誤事者罰陣亡者錄其子孫飢寒者給與衣食但恐各該官軍頭目中閒亦有不能仰體朝廷講武勵士之心因循月日保位偷安甚者假公營私役使拮据惟爲身謀不思國計

于公奏議卷五

聖

以致軍士無所表率往往逃避犯罪合行在京五軍三千神機等營并各邊各關總兵鎮守等官當知國家之事惟軍務爲最重取勝之道惟勵士爲最先將所部官軍務在設法團練激勵俾人懷敵愾緩急得濟不許先懷怠忽以致下人效尤沮喪士氣致誤大計

一訓民夫今之急務惟兵與農兵強則寇息寇息則農興農興則食足食足則民安前年賊入眞定保定大肆殺虜無能制禦緣彼處人民生長於承平之日居處於田野之間干戈不識弓馬不習遇寇無爲縮手待縛且一寇能拘二三十人若羣羊無復脫計夫婦子女盡爲

胡奴深可痛傷皆因武備不修之故孔子曰以不教民戰是謂棄之至哉聖人之言誠爲萬世之謨訓可不慎歟今於近京府州縣合無照前撫民官事例添設演武官一員於軍民中選舉諳曉兵法識見出眾知民疾苦者充任職專訓教民壯并在官弓兵演習武藝勤飭操練修置城堡以備外寇仍各將所轄田野四散農莊或二十五家或三五十家團併一處置立牆柵編成甲隊於務農之暇時常操習武藝借與孳牧馬匹騎操使馬亦得以調良人亦得以習戰其演武官往來教督兼勸農務庶得兵農兩盡京師要兵亦可掣用呂公謂武王曰田里相伍有吏官有長其將帥也闢其田里是富國

于公奏議卷五

聖

強兵之道所以古者兵出於農聚則爲兵散則爲農兵農相濟以成其治也今能若此則虜聞內外兵振莫敢來侵而民得盡力於隴畝斯可以樂業安生

前件查得先因達人犯邊附近京師去處官軍多已調取赴京所在城池空虛已經議奏差官分投選取民壯編成牌甲製成器具就各處巡撫鎮守等官提督操習每年春夏歸農秋冬講武已是見行今奏又要設演武官一員及將所轄田里四散農莊團併一節緣安土重遷細人之常情恬靜撫綏牧民之常法若依所言則是令棄已成之產業就荒閒之田野加以添設演武官員則是官愈多而民愈困既非人情

亦乖政體誠恐重為下民之擾別生意外之虞所言  
難准

一兵器蓋用兵之器得宜則強暴之寇可制夫虜性狠  
悍雲台鳥散惟憑馬力其所畏者牌也今團牌合彩畫  
鮮明虎面兩眼帶鈴口掛紅皮為舌牌跳鈴響舌動馬  
驚虜跌自相淆亂則大軍可得乘機攻剿夫神銃即古  
之飛火鎗也乃兵中第一利器胡寇最所畏者奈銃手  
既發一箭再裝藥綫不及見賊凶突及遇狂風驟雨大  
雪黑霧驚怖不能展施箭有不中賊視為常直衝跟前  
今每隊合設銃手三班一班發箭即退裝藥二班發箭  
裝藥三班趨前發箭三班更相裝藥舉銃必中賊之人

千公奏議卷五

聖

馬其虜箭不遠只在三四十步閒望人頭面額喉纔發  
今軍盔前簷合垂齊眉後簷合垂齊項左右加掩耳甲  
領高護喉頸面帶神臉以銅為之青赤二色以壯軍威  
燒酒溼紙乾為藥綫使不透雨凡遇虜陣當令遊兵周  
圍急撒鐵木蒺藜以阻其陣俾不得奔趨且神銃有一  
百步力彼陣既阻此銃可施使寇不能進退者此也

前件看得在京各營見有操練之法其團牌火器并  
頭盔護項等件俱係常用器具但恐中閒製造之法  
比與所言大同小異合行五軍三千神機等營總督  
總兵等官徑自從長探擇若是其言果有可行就便  
依法措置不許偏執有誤事機

一製營凡兵宜速戰擊其無備其寇遠遁跋涉罷倦未  
能設備待其安營度其多寡四面設伏兵預製木拒馬  
每馬高三尺長五寸用兩頭尖木六根橫木一根穿成  
一木選勇敢之士於夜半候賊睡熟繞營外周匝置放  
拒馬二三重每重相離三尺其安放馬人銜枚疾走禁  
聲無言勿令賊覺置馬停當用連珠礮一窩窳竊送入  
營內用罐藏火點放藥綫礮發人馬驚跳馬蹶人仆互  
相躡害賊難進退兵以間礮聲為號即各舉銃望營攻  
打賊無不斃此其遇敵不戰而取勝者也

前件看得在京各營并各邊近來亦各製有木拒馬  
行則扶舉而為陣止則聯絡而為營實堪禦敵今言

千公奏議卷五

聖

要於擊賊之時將木馬暗置賊營外然後點放火器  
取勝一節緣虜騎往來捷如風火我軍貴在隨機應  
敵若欲候虜睡熟以行前計恐難如其所料合行五  
軍三千神機等營并各邊各關總兵等官如遇統領  
官軍與賊對敵宜從將本軍所言從長探擇施行

一牛陣用兵之機貴乎應變禦寇之要在乎制勝應變  
由人制勝在物物有所制可以勝敵且虜寇之勢猶如  
猛獸當用獸以制之夫牛之為物力本強壯驅使有方  
可以取勝凡遇賊陣度其事之堅弱量用牛之多寡相  
機發縱務取其勝每牛身用黃白黑煤各塗一色畫以  
黑白文似虎以木刻虎面帶於牛頭用鋼叉縛於角出

頭前三尺牛尾束葦驅牛周圍向賊陣燃葦牛奔觸陣賊必傷潰隨發伏兵向賊左右前後用銃攻擊使戰不能進退不能出然此牛必預先教養整治如法臨時應變驅馳取勝

前件看得兵家之事其制勝取勝非止一端田單以火牛破燕而江道則以火雞破羌孫臏行兵滅竈以示弱而虞詡行兵則增竈以示強蓋兵形象水初無定居運用之妙難拘法制有依古法而取敗有觸兵忌而取勝者兼且牛性遲重而馬性輕捷如飛非牛車所能追逐今若令各該管軍官員止用牛車應變誠恐拘泥不通合行在京各營并各邊各關鎮守總

千公奏議卷五

聖

兵等官將所言禦寇器具徑自從長採擇若是可行依法措置若有窒礙宜從照舊

一固邊夫孤城遠處難以獨守恐賊突至無鄰策應宜將威遠及大同右玉林等孤零寫遠衛分併於貓兒莊總置一城差都指揮總督軍士屯操以障大同府衛軍民屯種生理秋成有望軍得給賞民免飢餓深有便益若各衛依前散遠居處則軍士晝夜守備不閒何暇及屯軍糧餉不免勞民遠運艱難尤甚今密雲古北口永平喜峯等口紫荆倒馬等關但賊可以往來者大處置堡令智銳頭目操兵固守小處挖濠裝塘堅壁深塹設立烽礮官軍哨瞭有警則當處官軍勦敵寇多則鄰兵

策應務各防備嚴密使寇自然退息所謂籬牢犬不入也

前件看得大同威遠右玉林等衛并密雲古北口永平喜峯口紫荆倒馬等關所在城堡濠塹俱係比先年間設置已定用工已成官軍任成家業地方得以控扼見有守備等官提督修理已有年歲況今多事之餘邊境軍民不勝彫瘵正宜安養撫綏豈可紛更煩擾所言難准其餘俱係見行

一用閒蓋楚漢相爭兩勢相持高祖能用陳平之計與金四萬斤不計其出隨其所用以行閒卒致滅楚今虜性貪利若以高帝之金陳平之計行閒何難之有其虜

千公奏議卷五

聖

使來京擇其出眾服人者賞以金帛恣其食啗延欵稱意令智睿通事朝夕相隨吸誘虜中之虛實及虜將之謀為必得其情此則可以用計制禦及示以兵甲堅利軍旅強盛防備密切之勢諷其回彼反閒虜必見信其朝臣使於虜庭者當加以官爵託以腹心與之金銀器皿錦繡之類齎使虜處隨宜所與結和虜主及將并左右必情熱相合虜無猜忌得以窺覘其所為密其機謀回還計議推其所謀按其虛實投以其機或與奇巧女樂盡惑虜志以迷其性以懈其勢或用藥術使至彼訪人傳虜之占候及為軍師者皆中或用藥術使至彼訪其所以厚賂斯人使之行閒亦可及賂哈密回子掠其

巢穴以分其勢俟其勢寡然後擊其無備庶幾讐可以復昔越王被吳攻圍之急能用范蠡之計卑辭厚禮遣大夫種獻寶器美色與吳太宰行閒而解其圍復用蠡計而滅吳呂父亦用美女奇物獻紂以傾其政而滅商此皆可法之事也乞命大臣熟議而爲之則其事可圖功可成也

前件看得差遣使臣覘敵虛實此雖古法然時宜不同亦難拘泥邇者遠寇糾眾犯邊非是比先不曾遣使往來而卒至虜寇犯邊債事則遣使之不足恃也明矣又說誘虜人以金帛女樂雖足以蠱惑其心然非古之聖帝明王制馭夷狄之道故賈誼獻五餌三

于公奏議卷五

聖

表之論後人譏之今朝廷華夷一統士馬壯盛而黠虜畏威悔過遣使來廷皇上待以天地之量賜與官賞咸有定法矧國勢事勢非越王之比亦難效范蠡之計而卑辭厚禮以事夷狄且古馭夷狄之法來則不拒去則不追惟羈縻之斯爲上策今日當養兵蓄銳堅甲利兵作與士氣申明大義以圖滅賊以雪前恥所言皆非正道難准景泰三年四月十一日奉聖旨是建言之人不問欽此

少保于公奏議卷之六

雜行類

兵部為來歸人馬事兵科鈔出提督軍務都察院右僉都御史鄒來學題准兵部咨該提督遼東軍務左都御史王錫題據遼東都司草木司地方章驛站煙墩走回逃北男子三名差人送到廣寧委官審得速克等供說境外也先事情掌部事少保兼本部尙書于謙等欽奉聖旨兵部知道欽此欽遵鈔出到部參照各人傳說虜中前項事情雖係一面之詞未見的實然近來逃北走回人口同來降夷人亦往往備述其事但未見傳說脫脫不花王有無見在今稱破哈八王殺了人馬跟也先

于公奏議卷六

二處去等因臣等切詳也先倚恃凶強違天悖德罪大惡極凌邁古今一旦無故將脫脫不花殺害雖傳聞之語未可憑信萬一果如速克等所言則也先既將脫脫不花人馬吞併其部落氣勢不無益加強盛志驕氣盈愈無顧忌又況也先桀驁狠敢為不義已將本主殺逆自知惡不可掩罪不可逃雖欲改悔其道無由近雖遣使朝貢姦謀未易窺測誠恐漸有圖大之意復萌犯邊之謀故意遣使來京一則張大殺敗脫脫不花一則使我懈怠不為設備雖天地鬼神不容而有必敗之理然犬豕豺狼之暴不可不為設備切慮今年夏秋之間分遣虜衆在邊剽掠不無邊事日急臨期難以措置兼

大同係西北重鎮為山西及雁門紫荆倒馬等關一帶藩籬而遼東永平山海宣府延綏寧夏甘肅俱係緊急邊境去處雖是節有議奏行去各該總兵鎮守等官隄備事理誠恐視為泛常彼此因循月日卒遇警急賊情不能相機守戰設若一處不支而稍到鋒銳未免諸處聞風而遞相動搖况安邊之道以先戒為寶而防患之策以預備為先日遼東及偏頭關等處節奏瞭見敵營火發數多往南行走不可不備合無令該府差人馳驛齎文與遼東永平山海宣府大同延綏寧夏總兵鎮守守備等項文武內外官員從長計議儻或虜寇也先等搖動扇惑侵擾邊方設何計策可以阻截剿殺不令

于公奏議卷六

深入用何方畧可以保固邊境俾無疏虞所在領軍頭目何人堪以出戰何人堪以守城何城軍馬數少堪以增添何處軍馬太多堪以那調沿邊一帶墩臺中間有無堪以添設所在糧餉草束有無收積堪以支用逐一區畫停當具實回奏定奪等因具題奉聖旨是欽此欽遵備咨到院臣切照賊首也先遠居沙漠鼠伏一隅向者恃一時之微倖來犯京師而還已出於犬羊之望外今又謀害本主凌虐同類雖曰傳言不足盡信然豺狼無厭理或有之使其終不知止再敢犯邊鄙是自罹敗亡之禍以我之逸待彼之勞以我之險扼彼之危取勝之道何有哉臣深荷天恩叨承重寄不諳軍旅素無

克敵制勝之才從事邊方謹陳設險守備之畧未知可  
否伏乞聖裁緣係其實回奏事理今將永平山海直抵  
密雲一帶邊情開坐具題該通政使司官奏奉聖旨兵  
部看欽此欽遵鈔出到部今將所言事件議擬開立前  
件謹題請旨

計開

一永平山海薊州等處地方會同鎮守右少監郁永總  
兵官都督僉事宗勝參將胡鏞馬榮計議得自山海至  
豬圈頭止沿途路經一千二百餘里新舊營堡三十四  
處每營分委指揮一員管束每二三營或四五營選把  
總指揮一員提督數內揀選精銳勇敢之人屯聚四處

千公奏議卷六

日駐操營無事之時不守關隘分爲一等二等專一操  
練有警之際某營策應某關俱照平日定擬成規不致  
推託又選揀輕健善能遠走便於藏伏素知地里者聚  
爲一營專聽截殺劫營緊急調用原設并新增大小關  
寨一百一十七處每關修砌甃牆關外又重立攔馬石  
牆深挑溝塹整理簽樁廣置掛木自關至二三十里之  
外陡峻狹隘兩傍俱積木石其有總路險要處所又行  
重別設備一則可以爲關外之藩屏一則可以遏敵人  
之歸路沿邊一帶地方除十分陡峻全不通人者不必  
用工其餘平漫并崎嶇頗容往來處所通削偏坡雖有  
高底頑石亦必用火燒煨成牆壁開有深渠小口難

以披削者則用灰石砌塞大關用指揮一員分關用千  
戶等官一員職事守把另選把總指揮人員分投提督  
守事則守信地無事則輪流燒造甃灰增添防備新舊  
墩臺五百二十座前後聯絡烽火相望關外至五十里  
止各有接連架礮士卒五十里之外至百里止又有長  
哨夜不收推選熟知地里官員不時往來點視自營而  
至關自關而至外平居之日各司其事卒遇邊警會而  
爲一又必累行踏勘籌度敵寇何路而來何路而去來  
則何以禦之去則何以邀之此平昔設法之方大槩如  
此使其敵寇小至誠恐聲東擊西分兵誘我乘隙而入  
各該關營照舊操守不必調遣止調原定策應營堡官

千公奏議卷六

四

軍協同本關相機剿殺大至則通調見有官軍俱各赴  
受敵處所左右屯駐臣與總兵躬親當其前分調參將  
挑選精健士卒從關出關控據險隘之所以遏其後馳  
勇頭目又各分兵埋伏乘機而動我之兵力雖寡有險  
可恃彼之人馬雖衆無計可施使其進無所得退無所  
歸蛇豕雖毒已投於陷阱幾何而不至於覆亡也哉然  
兵家情狀變態不一儻彼有兵相繼設伏以餌我無可  
爲之機無可乘之勢則當整慎勿戰固守要害不可輕  
動以墮其計彼之人馬乏食漸至罷弊必不能持久而  
自退矣我則萬無一失何邊患之足慮哉看得管軍頭  
目總兵參將而下皆可隨機應用把總提調營堡指揮



李濟等十員頗有驍勇堪以出戰把總提調關隘指揮陳宜等八員處事勤慎堪以守關都指揮僉事劉輔等僅可以固守山海永平薊州遵化等處城池其關營軍馬沿途墩臺等項俱已區畫增那停當各處倉驛糧草見旬支用

前件看得所奏係干邊務既已鄒來學會同彼處總兵鎮守等官都督僉事宗勝等計議停當俱合准擬仍行鄒來學等照依所處事理逐一施行務在提督有方用求實效不許虛應故事徒爲文具仍嚴加禁約各該關隘把總都指揮等官將所部士卒加意撫卹訓練聽候調用毋得假公營私役占虐害以致軍

于公奏議卷六

五

令不行士心不附遇警不能守戰致誤事機

一密雲地方會同鎮守內官張溥協贊軍務監察御史張斌鎮守都指揮同知趙致署都指揮僉事張興計議得東自黃河口起至西臺田峪止路經八百餘里關塞七十四處墩臺一百五十六座營堡八所操守官軍舍餘四千八百一十六員名沿邊一帶平漫去處俱已修削偏坡關口修砌堅厚牆城關外重置欄馬石牆挑掘壕塹廣置簽樁又有軍民夜不收輪流架礮出哨關內營堡官軍常川操習聽候調遣無事之時都指揮趙致分督古北口迤東署都指揮僉事張興分督古北口迤西內官張溥御史張斌鎮守古北口通行提督密雲中

後二衛古北東西二路軍馬如有聲息敵少各照地方調用附近營堡之人策應敵衆通調東西二路官軍於受敵處所駐劄可守則堅壁清野控據要害分布官軍翼其兩哨奪其高峰使之勇無所施衆無所用人馬罷弊將不戰而自退矣可戰則鎮守內外協贊官員躬率士卒以禦其衝突密切選委驍勇頭目帶領精銳官軍潛伏險隘以遏其歸路挑選勇敢之夫長戟巨斧火器短兵強弓勁弩齊力奮勇或晝而摧其堅陣或夜而襲其營壘臣等之經營圖畫設險守備不過如此切詳都指揮趙致等固可以領軍出戰指揮劉榮毛顯亦可以守城緣要害數多兵力寡少有一關官軍止十餘名者

于公奏議卷六

六

少則五七名者平居之時畫地分守尙且不敷遇警之際將何調用有如古北口湖河川并龍王峪五寨俱各寬漫平坦路通大小興州沙漠賊巢可容千萬人馬往來藉子嶺賴採子四馬等關俱係曾經敵寇侵犯之處雖有貼守海運之人全無器械武事生疏不過因循月日懸望輪班而已儻有遺調豈得實用今照石匣驛正係東西地里適均之處水旱利便可以照依永平山海等處建立駐操營一所乞敕該部計議取回海運官軍免致徒費糧賞將密雲中衛并附近營州前營州左興州後等衛在京操備官軍摘撥二千員名選委驍勇都指揮一員管領前來常川駐劄使其住成家業不必輪

班專一操練聽候策應仍聽內官張溥協贊監察御史張斌節制如此庶使首尾相連緩急得用其邊備之謹嚴可以與永平山海等處同一無虞矣儻臣言爲無足取直待報有聲息臨期奏請定奪雖調京軍前來必須往復固守一時應援不及貽患非輕再照本處見在馬草頗旬支用倉糧數少已經具題外乞敕該部急爲處置便益

前件看得密雲中衛并營州左興州後等衛在京官軍係比先年閒選取赴京操備之數即目多已揀作團營操練聽候警急出口殺賊而彼中事體比之各邊及京師頗緩難准撥去守備又前項撥去海運官

于公奏議卷六

七

軍比先原有此故京保暫時增添候邊事寧息亦當取回況差撥前去已久操習有成且在京各營亦有此等淮安等處退下運糧官軍有等操練既久弓馬熟嫻多有選作團營頭撥之數豈可盡謂徒費糧儲所據前項官軍亦難取回況非無勇怯之分法有激勵之道若所在鎮守等官能將前項軍士設法訓練用心撫卹自然衆心歸附武藝精熟則軍威必致於整肅武事豈終於生疏合行鄒來學等仍將前項發去相兼彼處原有官軍如法團營操練守禦地方不許親營官旗私殺虐害以致衆情不附遇警債事其奏倉糧數少一節合行戶部徑自查照定奪景泰三

年四月十六日奉聖旨是欽此

兵部爲整點軍伍等事兵科鈔出守備紫荊關左軍都督府右都督陶瑾題節該欽奉敕諭今特命爾往紫荊關代都督同知顧興祖守備本關并所屬一帶口子凡有牆垣修築未堅厚者加意修築壕塹挑掘未深闊者加意挑掘但係漫山可通人馬之處皆須親自逐一踏勘斬截砍削令其陡峻照依地方修築墩臺垣堡分撥官軍常川操守哨瞭以防不虞如遇敵寇侵犯或分兵拒敵或合衆勦殺不許頃刻怠忽有誤事機欽此除欽遵外臣今將點看得本關并黃土嶺等口守備官軍不便等項事件開坐具本該通政使司官奏奉聖旨兵部

于公奏議卷六

八

知道欽此欽遵鈔出到部除軍器并軍人口糧二件行移工部等部另行外今將所言整點軍伍等事逐一議擬開立前件謹題請旨

計開

一件整理軍伍事臣點看得本關并各口守備圍子手伍軍等營并大寧都司官軍除放班事故外見在官軍九千七百一十三員名內揀選得精銳五千六百二十五員名次撥官軍四千八十八員名今已編隊伍操備切緣前項官軍皆係守禦緊要關口預備戰守之數今次撥數多儻遇警急恐誤調用已將前項官軍數目開單行移兵部外如蒙乞敕該部轉行都督衛穎圍子手

坐營都督過興等如遇換班之時將各營點選精銳官軍前來更換及行五軍所管山東河南大寧等都司及南北直隸衛所如遇放班回衛之日務要點選精壯軍士兌替前來庶不虛費糧賞而守邊得用矣

前件台候陶瑾開到前項官軍數日行移該營都督衛穎等公同總督總兵等官徑自斟酌定奪不許指此為由將團營及頭撥官軍動撥致誤緊關調用仍通行山東等都司南北直隸衛所如遇紫荊關官軍放班回還其不堪之數務要選揀之人兌替前去操守亦不許將堪中軍士聽囑存留及將輟弱不堪一概輾數事發重治以罪

于公奏議卷六

九

一件缺官守備事臣看得紫荊關西北浮圖峪盤石等八口已有指揮千百戶等官及今差都指揮汪禮等并東北右龍安馬水等一十一口見委都指揮左能及指揮等官在彼分投操守今看得西南黃土嶺常家溝等口一十二處正東乾河官坐嶺等屯口處共一十九處雖有指揮一員千百戶八員俱無老成之人有一人守二三處者况山多崎嶇險萬一遇警實難來往看管及照本關地方俱係大寧都司所管如蒙乞敕該部將大寧都司見在都指揮內添調都指揮二員指揮二員千百戶一十一員前來分於前項東西黃土嶺乾河等口操備過警調用便益

前件看得黃土嶺常家溝等口已有指揮千百戶八員守備若再添委都指揮等官非惟卒無相應抑且官多人擾兼大寧都司屬衛除京操等項差占外見在官數不多難再差遣合行陶瑾公同大理寺卿孔文瑛等徑自計議查照前項隘口守備官員俱無老成之人宜從於本關見有軍職內選揀的當官員前去兌換往來守禦務俾軍士有所鈐束地方不致疏虞

于公奏議卷六

十

一件逃故官軍事臣點看得五軍神機等營原撥來關守備官軍數內鄒敬等九百六十七員名自景泰元年二年三月日不等陸續在逃為事病故等項去訖及查得卷內已經節題挨拿送問撥補去後至今未蒙發到今照官軍鄒敬等俱係兵部奏准撥來守備邊關人數即目口外屢報聲息缺人調用除責據各營把總指揮董林等將前項在逃事故官軍花名衛所查勘明白開單行移至兵部外如蒙乞敕該部轉行各營先將前項逃故官軍照數作急撥補前來守備仍著落各該都司衛所將在逃官軍鄒敬等照名挨拿送法司究問以警見在官軍庶使邊關得人應用不致誤事便益

前件看得前項軍士俱係在京各營撥去守禦之數設有事故合當行移原衛所挨拿撥補今若要於在京先行撥補非惟卒無相應堪以撥補尤恐姦頑做

微互相逃躲衛所因見撥有替換未免因循怠忽不行著實揆究選撥姦頑愈加廢弛合候開到前項事故官軍行移都察院轉行各該巡按監察御史著落各該都司衛所挨拿得獲問擬明白管解赴院詳審照例發落若有原先病故老弱等項軍士應合撥補者令巡按御史嚴督該衛依數揆究精壯者解來補替不許占吝致誤邊務緣數內指揮鄒敬等係軍職未敢擅便景泰二年四月十六日奉聖旨是欽此

兵部爲邊患等事兵科鈔出貴州布政司思南府蠻夷長官司土官長官安逸奏伏觀大明律內一款若內外大小官員但有本衙門不便事件許令明白條陳實封

于公奏議卷六

上

進呈取自上裁若知而不言苟延歲月者在內從監察御史在外從按察司糾察欽此欽遵臣任土官不敢緘默合將本處地方不便事件逐一開坐具本親齋伏望皇上體祖宗之成憲憫邊境之生靈仍命內外廷臣斷以至公早爲救濟庶幾邊患可息軍民可安臣一介草茅罪當萬死下情不勝惶汗之至具本該通政使司官奏奉聖旨該衙門知道欽此欽遵鈔出到部今將所奏事件逐一議擬開立前件謹題請旨

計開五件

一件安邊事有鎮遠府印水一十五洞蠻夷長官司十四寨反叛苗人原係前思州田宣慰親管永樂十年內

本官調領各寨苗人攻破思南地方後改府治將前長官司撥隸新設鎮遠府其性凶惡得肆姦謀累蒙總兵官都督梁福等貴州左布政使蔣廷瓚擬調官軍剿滅豈期鎮遠州土官同知楊政麟妄意招撫總兵官信其惑亂不曾征勦連年滋蔓宣德年間有湖廣都指揮何貴往來備禦見得縱橫奮勇生擒賊徒斬首抽腸是以地方寧靖本官與按察使應履平不和被其排奏革去自此守鎮不嚴乃於前歲糾合播州宣慰司草塘貴州平越等衛凶苗出境謀殺軍民放火燒破大小衙門經今三年未曾寧息苗賊聞知大軍數多而從心異雖是靖遠伯王驥招撫不過一月又將石阡思南二府人民

于公奏議卷六

上

重復殺虜逃命者至今招撫不回藏山者缺食餓死苗賊不時猖獗若非添撥大軍討滅終被侵害乞敕兵部定奪調遣江南都司衛所軍馬湖廣江西四川雲南四布政使民壯兼同各處宣慰宣撫安撫招討長官司勇猛蠻軍土兵土軍通行總督軍務都御史總兵等官調度將前項爲惡凶苗盡行勦滅勿聽招撫仍於四川播州宣慰司照舊除授軍職副使僉事協同土官宣慰撫治其湖廣貴州邊衛分撥總兵參將守鎮如此則地方可寧也

前件看得貴州地方先因苗賊生發致命總督總兵等官右都御史王來等統領官軍在彼撫捕近因各

賊未平已經節奏行王來等作急設法處置今奏要添調江南官軍民壯將凶苗盡行剿滅勿聽招撫一節緣王來等處已有調到雲南四川二都司官軍兼同本處原有官軍守戰又況近日湖廣貴州等處俱有盜賊擾攘各用官軍撫捕別無相應堪以起調兼且區畫賊情撫捕殺戮二者相須爲用若專於殺戮不聽撫捕非惟賊類數多不可勝誅抑恐鋒刃所及橫罹無辜合行王來等務在整擱官軍人等將前項苗賊上緊設策撫捕其間若有悔過遷善誠於納降者則開以更生之路使之復業怙惡不悛終於反覆者則振以官兵之威俾其授首既不許一於招撫縱

于公奏議卷六

七

賊長姦亦不許果於殺戮濫及無辜必須處置合宜而思害蠲除地方寧謐而經久利便仍將撫捕賊寇盡絕緣由具實回奏其稱要於播州宣慰司除授軍職副使僉事協同土官宣慰撫治查無事例難准又況各處土官衙門已有都布按三司官員分巡整治難再濫設及稱湖廣貴州邊衛要分撥總兵參將查得湖廣邊境已有都督陳友等守備貴州邊境已有都指揮張任守備兩處總兵參將又有保定伯梁瑄都督方瑛都指揮安順等難再差遣重爲地方之擾一件戶口糧馬事照得本長官司原管夷民四里內有三里八戶俱被各處苗賊殺虜零落不存雖有避命巖

崖藏住又遭疫疾死亡少有復業干礙糧馬無人應當臣切思本府所屬五長官司一縣戶口多有隱瞞漏報秋糧驛馬高下不均以致遞年差役靠損貧民比先開設府治止憑黃冊朦朧僉點官府不曾稽考中間里分多而糧馬少戶口增而差役輕今被苗賊殺虜卷冊燒毀兩無查照難以分辯若不從長編造不無富者愈富貧者愈貧殃及小民深爲未便乞敕戶兵二部照清軍事例各遣主事二員會同布政司官員親詣各長官司縣不分虜殺與見在人戶從實取勘見丁編冊量力多寡注定糧差驛馬攢造黃冊備照及將消乏圖里照例歸併其死絕戶下糧馬明白開除以甦民困敢有隱瞞

于公奏議卷六

七

詐冒合戶者官吏里老依律取問仍行思州等五府各長官司一體均平造報非惟不負朝廷愛養邊方之意抑且糧差無拖欠矣

前件看得奏要差主事攢造馬冊緣彼處自有三司等官理辦難再差官其要將死絕戶下馬匹開除緣彼係是極邊地方又兼屢經擾攘宜從寬緩令貴州布政司委官查勘明白徑自分豁所據攢造黃冊合行戶部徑自查照定奪

件舉用賢才事有參贊軍務貴州按察司副使李睿先蒙坐委經理屯田守鎮蠻夷詢察官員賢否任用以來民安事妥不期前歲貴州等處諸種苗蠻作耗攻圍

城池被其久困本官忠義勇敢日夜運謀効力死守眾皆推服功莫大焉又有貴州平越衛千戶趙信武藝精通弓馬慣熟抑且苗蠻畏服不敢出沒本官爲事去後苗賊乘機出境劫殺官民切思趙信平昔播州草賸貴州平越等處凶苗聞其威勢稱號老虎似此軍職百無一二實堪任用以上文武賢才二員乞敕吏兵二部再加陞擢專一提督貴州四川湖廣有苗地方節制軍務候賊寧息仍令守鎮便益

前件除要陞擢副使李睿行移吏部另行外查得近該總督軍務右都御史王來奏保平越衛指揮同知趙信素負敢勇苗蠻稱爲老虎要量授署都指揮僉

升公奏議卷六

廿

事守備興隆等衛地方等因本部已經奏准趙信量陞署都指揮僉事守備興隆去後今奏要陞擢平越衛千戶趙信一節未審本官卽係王來所保趙信惟復別有姓名相同者之人緣職事不同難以定奪合行王來等查照若趙信卽係先前奏保署都指揮行令本官照舊守備若係別項官員就使體勘本官有無前項才能應否陞擢明白具由回奏以憑施行  
一件官制事臣本長官司官制蠻夷二字係正六品印信衙門正統十四年被鎮遠府印水草塘等處蠻夷出劫按山將臣堂弟安達殺死罵說他是蠻夷長官司百姓與我一般不肯同反殺了無事又將漏溪等圖人民

殺虜罵說若是別箇長官司百姓少殺他臣思始祖陝西人氏前元時輔討西蜀堯平古州入萬地方有功卜地義陽往坐生下兒男洪武年間舉任長官職事子孫承襲以來宣布朝廷威德土民向化年久今被州郡苗蠻謀反上欺國法下侮官制因而殺死堂弟情理不甘乞敕禮部定奪合無不拘舊額將蠻夷官制改賜義陽長官司請降印信令臣齎回行使不惟用夏變夷抑且永霑聖化便益

前件看得思南府蠻夷長官司衙門係比先年閒設置已定今要將蠻夷官制改作義陽長官司另降印信誠恐有違舊制又況蠻夷長官衙門貴州見有二

升公奏議卷六

廿

十餘處要將一處更改不無諸處倣效非惟事體紛更抑且成規紊亂所奏難准  
一件撫安地方事臣思貴州左布政使蔣廷瓚駱龐奏准將湖廣布政司舊管思州思南五宣慰司地方分設管貴州宣慰司并軍民衛分上官衙門卻與貴州開設布按二司並不係蔣廷瓚征勦化外克平郡置實乃人民稀少不敢重複干冒近者貴州普定都勻清平平越等處并四川播州宣慰司草塘黃平重安苗賊糾合鎮遠衛府所屬諸種苗蠻自正統十四年以來造反劫殺軍民受害不計其數止有思南石阡銅仁三府之民中

間雖有苗類不敢爲惡反被前項衛府宣慰不行鈴東  
撫捕縱令毒害生靈臣先於正統九年間曾將六府民  
情應合歸併緣由奏聞奉吏部勘合行移貴州三司體  
勘不期前巡按監察御史虞禎徇執不由都按二司公  
論止憑布政易節私議妄行回報致有今日之患比先  
二宣慰司所管貧薄夷民自洪武永樂年間湖廣管屬  
之時止是秋糧驛馬餘無阜隸月糧是以蠻民守法無  
事雖二宣慰爭占於民並無相干今照貴州自添設三  
司以來遞年拜進表箋朝覲公差丁憂任滿等項下至  
龍里鎮遠一帶衝要衛府雖稱軍民官制中間庶生  
熟不同刀耕火種別無生理所辦雜泛科差只得典賣

于公奏議卷六

恭

兒女田產奉承不暇每遇雲南貴州往來官員或舉家  
還原籍扛擡浩繁苦楚尤甚因此激變致生邊患荷蒙  
聖恩命將出師費用糧賞將及三年未行平妥在京大  
臣有欲革併照舊奈何中間又有羅織裁減官員終爲  
不便臣叨任土官豈容坐視切思貴州城池原立都司  
總兵鎮守附郭止有貴州長官司里長五名方面難爲  
況六府官民逆上貴州山路陡險不通舟楫肩擔背負  
民力艱辛謹按貴州古爲思方之邊思州六府近湖廣  
辰沅之一隅乞敕吏兵二部都察院考古再行計議仍  
將思州六府官民歸併撥還湖廣布政司管轄一水便  
利以紓民困其貴州宜慰司并軍民衛分土官衙門仍

隸四川布政司照舊提督如此則科差減省軍民安妥  
矣

前件查得先該吏部左侍郎何文淵題稱要將貴州  
被賊燒毀衙門勿復起蓋布按二司并各府大小官  
吏并從征官軍俱各取回止照洪武年間設立宣慰  
司衙門管屬土人設都司衙門鈴束軍衛等因具題  
鈔出到部爲照貴州地方係我太祖高皇帝開創於  
前太宗文皇帝經營於後殆今八十餘年近因征南  
之師數出遂致各種苗蠻乘機生發各該城池雖被  
苗賊圍困各城官員皆能効力死守況總督總兵參  
將巡按三司等官又不曾要將貴州地方遺棄征進

于公奏議卷六

文

官軍取回緣由具奏係于邊務難以遙度已行奏准  
行令彼處總兵等官保定伯梁瑄等將何文淵所言  
公同勘議處置務要上不違祖宗之成法下不貽邊  
境之後患通行回奏定奪續據貴州銅仁府烏羅長  
官司土官長官楊敏等奏稱本處入府土官衙門永  
樂年間開設貴州布按二司除授流官令點承差阜  
隸等項辦納月錢擾害非止一端以至正統十四年  
賊寇生發人民被害要照洪武年間將本處地方原  
係四川所轄者撥付四川原係湖廣所轄者撥付湖  
廣等因具奏鈔出本部查照何文淵所奏事理又經  
覆奏通行梁瑄王來等計議處置俱各未報今奏又



將思州六府歸併湖廣管轄其貴州宣慰司并軍民衛分土官衙門隸四川提督一節緣無王來等回奏緣由係干邊方重事難便定奪合無再行王來梁瑄公同副總兵方瑛及四川都布按三司巡按監察御史查照原今所奏應否改隸務在會同勘議斟酌停當上有益於朝廷下有便於民庶作急具由回奏不許輕易怠忽致貽後患及日久不即剖決多致各該土官展轉具奏事無結絕景泰三年四月二十一日奉聖旨是欽此

兵部爲撫安等事禮科鈔出貴州布政司思南府蠻夷長官司土官長官安逸奏今將本處地方軍民不便事

于公奏議卷六

九

件具本開坐伏望聖恩憐憫殘生毒害之苦敕內外廷臣早爲救濟免用三司體勘如此則軍民有益臣一介草茅罪當萬死下情不勝惶汗之至具本該運政使司官奏奉聖旨該衙門着欽此欽遵鈔出到部今將所奏事件開立前件謹題請旨

計開

一件糧馬事今照本長官司正統十四年景泰元年糧課奏奉勘合著落布按二司巡按御史體實除免外所有景泰二年三年糧課仍被播州草塘西煙青池苗賊不時劫殺其在山殘民些需佈種又被秋雨浸爛少得收成有等星散夷民盡丁守把各處關隘缺食者多俱

採草糧救命本身糧課無從徵納臣於去冬起程間遇有飛報湖廣鎮遠衛所部苗賊糾同鎮遠府已招撫十回寨反賊出焦溪大路劫掠糧船又有播州草場黃平重安苗賊串同偏橋等衛司白洗寨苗賊聲言再有三年四年劫殺各處復業軍民聞風俱又奔散荷蒙聖恩命將討滅費用糧賞經今四年之上不見寧息乞敕戶兵二部大臣議擬將貴州布政司思州鎮遠石阡思南銅仁五府被賊殺敗各長官司拖欠景泰二年三年一應糧課并原額馬驛鋪陳什物廩給等件再行停免以安夷人反側之心庶不激變逃竄仍乞添遣巡撫湖廣都御史李實親詣前項接連地方督察各該總兵設法撫

于公奏議卷六

五

捕再不平靖查提親管三品以下軍衛指揮宣慰土官依律降罷賞罰明信不惟邊方生靈寧妥抑且腹裏軍民皆休息矣

前件除要停免景泰二年三年拖欠一應糧課戶部另行外查得先該總兵官兵部尙書靖遠伯王驥題稱貴州赤水畢節等處驛站鋪舍俱被苗蠻燒毀走遞馬匹鋪陳什物搶劫殆盡要令因人自備馬匹送驛走遞并令該管官司設法補置鋪陳什物等因具題鈔出本部已經依擬奏准通行去後今奏又要停免一節緣即目貴州地方苗賊未盡凡遇緊急聲息必須差人馳報若便一槩停免誠恐有誤邊務又查

得近該安逸奏要將死絕戶下馬匹開除本部爲照  
彼處係極邊地方累經擾攘合從寬緩又經奏准行  
移貴州布政司徑自分豁外所據備陳什物合無再  
行貴州布政司從長勘議前項土官衙門驛站鋪陳  
什物如果夷情艱難應合將景泰二年三年原額之  
數暫且停免宜從分豁若有違礙難便寬減恐誤軍  
務仍要照舊亦要斟酌緩急整理毋得逼迫人難其  
奏要添遣巡撫湖廣都御史李實督察各該總兵設  
法撫捕再不靖查提親管三品以下軍衛指揮宣  
慰土官依律降罷一節緣貴州見有右都御史王來  
巡撫兼總督軍務湖廣地方廣闊難將李實添遣又

于公奏議卷六

三

況提問軍職并土官宜慰必須奏請不許專擅此係  
舊制難准紛更合無行移王來將貴州一帶苗賊務  
在躬親提督官軍設法撫捕日下盡絕其實回奏果  
有領軍頭目退縮誤事干犯軍法情罪輕者量爲處  
置情罪重者具奏定奪務俾賊寇殄除而地方得以  
安妥賞罰明信而將士力於事功不許苟且耽延以  
致長姦玩寇亦不許任情用法因而事有激變景泰  
二年四月二十五日奉聖旨是欽此

兵部爲軍務事兵科鈔出總督邊儲參贊軍務都察院  
右僉都御史李秉題臣聞軍士有強弱者必先於慎揀  
選軍職有賢否者必在乎公進退切照宣府等處團操

軍士中間有身體雖壯膽氣怯弱弓馬生疏者有身雖  
矮小而膽氣雄壯弓馬熟閑者此等之人把總管隊官  
員深知其詳遇警出戰必先揀選其把總管隊官必公  
其議論第其優劣某軍有勇而弓馬熟閑某軍無勇而  
弓馬生疏雖有私情不敢苟且爲其生死同致其憂也  
成敗同任其責也關繫甚重各不敢輕查得宣府見操  
軍士先該提督軍務工部尙書石璞選其精壯者一萬  
一千餘名定爲頭撥每名月加米一斗其餘定爲次撥  
三撥照舊支給月糧八斗近該臣奏要左右參將楊能  
楊信各帶官軍一千員名協同馬營等處官軍修理邊  
備其參將楊能說稱尙書比時挑選軍士止是出於已

于公奏議卷六

三

見不曾詢問下人一時挑選不精因而各隊軍士強弱  
不一如今過口恐有緊急聲息須用台兵勦殺賊寇當  
與鎮守等官柏玉公同管隊官員選揀身力精壯弓馬  
熟閑軍士一千餘名其所選堪中軍士次廢者多頭撥  
者少甚至又有領馬軍人馬堪與戰人無鬪志者將好  
馬搭配選中軍士暫且過口候回還俱入各隊混同操  
練臣看得不堪過口軍人名爲頭撥食糧雖多而實怯  
懦選中過口軍人名非頭撥食糧雖少其實情銳不惟  
人心多不肯平誠恐遇警不得實用當與總兵官紀廣  
計議要將見操軍士重別揀選精壯弓馬熟閑者定爲  
頭撥遇有警急當先殺賊其餘定爲次撥三撥分兵應

接都督紀廣惟推頭撥官軍規矩已定曾經具奏不可更改臣切詳論無當否合輿情者為確論法無定在協公道者為良法為總兵者自合廣詢衆論俯順下情務使見操官軍強弱不至於混淆勇怯不雜於並進庶幾人馬相得兵將相識儻有警急庶克有濟今都督紀廣不恤人言偏執已見掌兵柄如兒戲視邊備若等閒操練無法紀律不嚴人心愈見其懈怠兵政日覺其廢弛似此因循故常過警豈能成事再照各城堡見操把總都指揮等官多有年力衰憊之人素無膽畧濫分兵權况卽今邊報不絕人心未安挑選官軍尤為急務若不早為處置誠恐有誤大計臣職居言路不敢緘默乞敕

于公奏議卷六

三

兵部從長計議合無令臣公同各處鎮守等官著落把總管隊官將見操軍士挑選身力少壯弓馬熟閑定為頭撥其餘定為次撥三撥各另編成隊伍如頭撥軍士馬匹矮小者就於次撥好馬內對換騎操其管操把總都指揮等官內有年力衰憊無謀無勇及曾經告發剝削害軍等項官員就便黜退令其隨操或守城管事另選有謀有勇官員專委把總管隊常川操習以防調度仍將挑選過官軍數目明白開奏如此則官員知所勸戒遇敵可圖成功緣係挑選操練官軍事理具題該通政使司官奏奉聖旨兵部知道欽此欽遵鈔出到部臣等切詳禦侮之道莫先於練兵練兵之要必分其強弱

故兵法曰兵無選鋒曰北又曰兵以治為勝百萬之衆不用命不如萬人之鬪不如百人之奮此言兵不貴多貴乎精多而不精莫若少而精之為愈也切照宣府地方正係控制虜境拱衛京師要害去處達人不時出沒侵擾而迤北差遣使臣朝貢往來於此經過正宜簡練士卒整肅兵威以捍禦寇盜鞏固藩籬以防不測之虞以為經久之計豈期總兵官右都督紀廣不思朝廷委任之隆地方付託之重賊情之姦詐難測軍務之關繫甚大止知利身利家並不為公為國凡事因循苟且以致軍士強弱混淆而無簡練之法人心弛懈日肆而無鼓舞之方無事則苟延歲月有事則倉惶失措庸常怯

于公奏議卷六

三

懦之名彰彰在人耳目而李秉職任風紀委以參贊當邊方多事之秋值虜情不測之日因見宣府各城官軍簡練不精建議要公同各官重複揀選此實整飭邊備振肅兵威安邊禦侮長策為紀廣者當協心比志和同計議而行卻乃不恤人言偏執已見以因循為得計視邊務如尋常執稱規矩已定不肯採納輿情推原本心不過將各衛所精壯軍士私役在己或辦納月錢或種田覓利懼怕盡數選出以失私役以此不肯揀選執要混淆况揀選軍士定為頭撥次撥三撥操練正係京師見行亦非李秉臆見若不照依李秉與鎮守等官內官柏玉議奏事理趁此邊報稍寧上緊選揀萬一虜寇逞

彼凶姦仍復擾我邊境軍士素無分別強弱混爲一途未免彼此負累進止兩難不能成功尤恐因而壞事又况馬營等處地界接連尤宜謹慎防備簡練兵卒乃爲至要合無一一准其所奏差人馳驛齎文與李秉公同總兵鎮守等官都督紀廣楊能楊信孫安江福及內官栢玉各該守備都指揮等官計議設法將所部地方城池官軍人等作急躬親選揀精壯之人定爲頭撥其餘分爲次撥編成隊伍如頭撥軍士馬匹矮小就於次撥好馬內對換其把總都指揮等官內官老弱怯懦庸常害軍之徒就便黜退隨操另選勇智善戰衆所佩服管率軍士各官不許聽從囑託互相容隱虛應故事迄無

于公奏議卷六

三

成效仍將選定撥次備造文冊在總兵等官處收掌查照備開總數馳奏不許仍前齟齬遲違如果紀廣似前循私偏執推調耽延不卽整飭宜從李秉指實參奏提問懲治緣係整肅兵備及奉欽依兵部知道事理具題景泰三年五月二十九日於奉天門奏奉聖旨是欽此兵部爲殺虜事兵科鈔出左副總兵征蠻將軍都督僉事武毅等題據廣西思恩軍民府申本府古津等村獐民覃潘趙等各告本處獐山通感等峒原係賓州上林縣管轄先因作耗蒙總兵官山雲統軍征勦撥與本府管束招撫潘趙等出官向化辦納稅糧至今二十餘年不料景泰三年三月二十一日有柳州府遷江營屬北

三等都首賊韋多烹等糾合莫狂述昆忻城龍山等處賊人一萬餘徒攻圍賓州城池打破廂關使令徒賊章公盤等來峒邀約潘趙等思得本府管束人民安業不肯順賊隨領各村男子前來那學堡同上林縣附近村分民人在堡拒守本月二十七日被賊攻打本峒古律那勞等入村殺死弟覃公盤等男婦三十三名擄去男婦一百九十四名水黃牛二百六十四隻燒毀禾倉等因備申及據思恩軍民府管知府事岑瑛備頭目章珣呈本年三月初九日一更被賊首章公催等三百餘徒攻入入遷堡前門殺傷軍人陸隊等七名將公廟營房串樓倉糧米燒毀等因又據慶遠府申承奉掌府事石

于公奏議卷六

三

參政楊禧劄付今照本府宜山縣作耗蠻夷不服思恩府管屬協警殺害良民其土官管知府事岑瑛已將作耗地方退還宜山縣帶領甲兵盡行還將入遷堡自行放火燒毀等因又准右參將都指揮同知孫麒咨據指揮李玉報景泰三年四月十二日緝有賊人一千餘徒聲言攻打穿山堡報警爲是軍少掣出被賊燒毀本堡驛站巡司賊往象州西鄉攻打自村本權大黃等村轉往絡更等因臣會同欽差巡撫廣西兼提督軍務刑部右侍郎李棠巡按廣西監察御史張彌廣西都布按三司都指揮同知等官杜銜等計議係于賊人出沒劫殺重事查得賊人圍打賓州城池被官軍敵退已經會

本具題外今該前因除行恩恩軍民府知府岑瑛加意撫諭本府該管地方人民各安生業任種督領甲軍人等嚴謹哨捕本境地方遇賊出沒相機截殺及行右參將孫麒并慶遠府領哨都指揮彭瑛掌府事右參政楊葆體勘莫往逃昆等處賊徒如果出劫就便設法撫捕并挨追思恩軍民府被虜人牛給主及行劫是否被賊燒毀入遷堡并糧米的確另行外緣係賊情事理具題該本部官欽奉聖旨兵部知道欽此欽遵鈔出到部參照所奏前因係干賊徒聚眾攻圍村堡殺虜男婦燒毀公廨營房串樓倉糧米穀重情若不早為撲捕慮恐此賊互相扇動侵擾日久愈加滋蔓重為地方之患又况

于公奏議卷六

老

八遷堡逃昆等鄉先係宜山縣管轄後將本縣入遷等堡與岑瑛撫治蠻人不服連年劫殺今岑瑛難將前項地方退還誠恐各官互相爭管而事無統紀彼此顛顛而人無管束流劫地方殘害良善而賊無珍絕之時兵無休息之日始而不能熟慮終將悔之無及今後武毅等雖是差官體勘撫捕整治慮恐徒具虛文無有實效曠日經歲愈長賊計未便合無令該府差人馳驛齎文與武毅公同侍郎李棠及都布按三司堂上官同巡按監察御史務在從長計議設法辦酌事體將前項賊寇或調兵剿殺以絕根株或設法招撫以安衆心二者之間探其長者而行以除一方之患其體勘追究前項槍

劫物件事情亦要從公處置務在夷人悅服事體便利上下相安久遠無虞具實回奏不許徇私廢公遷延推調以致賊情愈加滋蔓事體日難整飭自取重罪殊奉欽依兵部知道事理具題景泰三年六月初九日奉聖旨是欽此

于公奏議卷六

老

兵部為邊務事兵科鈔出總兵官平羌將軍右軍都督府都督同知王敬等題准鎮守涼州右監丞福保手本景泰三年五月十三日該陝西行都司差人伴送走回男子谷義到涼州經過於本職處說稱我是騰驤左衛帶管總旗被達人碧去因曉夷語一向在於哈密忠順王處使喚彼處見有箇和尚眾人說是國師王比先同也先調領人馬各處廝殺又到北京一帶搶掠殺人都是和尙主意如今見在哈密里做國師他如今差一箇畏兀兒四方面皮的人裝做回回常穿一領禿袖子答刺卜花皮襖與了他幾匹馬假做進貢名色專來腹裏探聽事情我臨來時去甘州館驛裏關口糧見他同三箇差來的大使臣都在一處安歇據說手本到臣查得先據肅州鎮守都指揮僉事吳鈞呈審得被虜放回男子谷義供係騰驤左衛帶管總旗正統十四年八月二十六日在於土木被賊搶去景泰二年七月內脫走到於哈密被一回回捉住送與忠順王家住至景泰三年正月內聽得瓦刺人來說也先死了有忠順王的娘子

哭了兩三日後有忠順王同都督脫脫不花喚義同一  
般被搶入党小四去密說我每這裏有中國一千多人  
都是回回每搶的也有用錢買的我放他回去不抱  
怨如今先將你兩個放去到朝廷奏了但有旨意文書  
來時我便都放回去本年三月初三日將義等放了跟  
同使臣法六等前來等因已經具題及案令陝西行都  
司差委的當人役將谷義等伴送赴京去後今准前因  
參照谷義等彼時到於甘州止是供稱先被達人搶去  
脫走到於哈密被忠順王放回情由別無哄說有箇國  
師差一畏兀兒人假作哈密使臣前來探聽事情前後  
語言不一中間未委虛的欲將谷義等差人趕回甘州

于公奏議卷六

无

識認緣各處進貢使臣數多恐生驚疑如蒙乞敕該部  
計議合無將谷義等再行研審如果的實候使臣到京  
令其識認若是使臣數內查無前項夷人仍乞敕該部  
行移臣知會令甘州管批關回都指揮僉事等官哈  
玉等於存留甘州使臣內密切訪察果有本夷在此嚴  
加關防星馳差人具奏處置及行各該守備官員嚴督  
各城堡墩臺隘口埋伏哨守官軍晝夜用心隄備外緣  
係被虜放回人口供報夷情具題又該鎮守甘肅石少  
監蒙奏亦題前事該本部官俱欽奉聖旨是兵部知道  
欽此欽遵鈔出到部查得先該王敬等題稱谷義俱稱  
行哈密忠順王喚義等密說我這裏有中國一千多人

如今放你回去但有旨意文書來我便都放回去是義  
等跟隨使臣哈只等赴京進貢審問明白案令陝西行  
都司將谷義等差人管送赴京等因鈔出本部爲照谷  
義等原係中國之人被敵搶去在於哈密地面住過年  
久一旦無故哈密王疏放各人回還傳說前情俱有可  
疑又況哈密忠順王姦詐之徒未易窺測今雖聲言彼  
處見有中國人一千之上若文書來我便放回他去等  
語言雖如此心未可知兼且哈密既欲將人口送回則  
當隨進貢之人遣送前來何必要求文書然後遣放有  
此逐節疑惑合無候谷義等至日令通事再行審實果  
無前項異情將谷義送去親管官司查收著役仍候哈

于公奏議卷六

无

密使臣哈只等到京回還之日請敕令哈只等齋去曉  
諭哈密忠順王謂彼處有中國一千餘人若差人盡數  
送還朝廷重賞不吝汝當體念國恩毋願望以懷忝心  
毋猶豫以失信義等因奏奉聖旨是欽此欽遵外今鈔  
前因參照谷義既已總兵官王敬等奏稱前項語言不  
一及稱哈密差一畏兀兒人假作使臣前來探聽事情  
一節未委虛的然哈密陽雖尊事朝廷陰則結連北虜  
交搆往來非止一日其姦謀詭詐誠難窺測而谷義之  
言展轉不一亦有可疑矧今邊務方殷虜情未定所宜  
謹慎防範庶幾可保無虞合無行移通事都督僉事等  
官昌英等候哈密使臣同谷義等到京照依本部前次

議奏將谷義等重覆審實仍令密切識認差來使臣數  
內有無畏兀兒一人在內若有此人昌英等務要認識  
仔細不許聲說泄漏就便作急密切具奏以憑處置若  
無前項夷人亦要回奏本部行移王敬等知會依擬令  
哈玉等於存留本州使臣內體察果有本夷嚴加關防  
及整飭軍威使知我邊境有備以折姦謀仍差人馳奏  
定奪如此庶使先發其謀免致臨期誤事緣奉欽依兵  
部知道事理具題景泰三年六月十一日奉聖旨是欽  
此

兵部爲邊務事該鎮守薊州永平山海等處尙膳監右  
少監郁永題照得先該右監丞林春節該欽奉太上皇

千公奏議卷六

聖

帝敕諭兀良哈泰寧朵顏福餘三衛達子頭目謫詐多  
端往往指以進貢爲由頻數差人往來打聽聲息或夾  
帶瓦剌脫歡差來之人在內亦未可知茲者敕遣往諭  
三衛掌衛事大頭目知之今後掌衛事大頭目常時差  
人進貢悉皆優免庶免繁勞俱於冬節年節聖節大頭  
目欲差人進貢許差的當頭目三五員來或有緊急眞  
實聲息不拘時月許差二三人來奏報其餘部屬小頭  
目人等遇時節欲來進馬不必他自己來聽其附搭頭  
目所差來人帶進賞賜一般給與若非時節進貢及無  
緊要聲息俱免其頻數差人來往今令通曉番字序班  
徐亮前來爾處職專驗其番字奏文如果大頭目遇時

節差人來進貢或不拘時月差人來奏報聲息許放入  
關令人伴送來京若非時節進貢及非奏報聲息并不  
係大頭目差來人員戶部屬差來頭目人等悉皆當  
回庶免勞擾不許泄漏欽此除欽遵外今景泰二年五  
月二十六日該泰寧等三衛都指揮楊干帖木兒等差  
使臣指揮散母奴等九十二員并也先處回回指揮迭  
里必等二員名前來進貢臣會同提調軍務都察院右  
僉都御史鄒來學鎮守總兵官都督僉事宗勝議得近  
來虜寇當背義肆惡之餘有去逆效順之舉欲將人馬  
當回恐阻夷人向化之心乖朝廷柔遠之意兼以傳說  
境外事情已示驗放入關差人伴送及具奏外臣等切

千公奏議卷六

聖

許朵顏等三衛餘孽先年勢孤鼠伏一隅不足爲慮自  
正統十四年也先猖獗犯邊已結成一黨乘機搶掠今  
既隨回也先遠遁而復來本處居住顯係也先部落之  
數假以進貢爲名包藏禍心有未可測或自起不忠之  
邊而探我道路之險易或糾合也先之徒而窺我兵馬  
之虛實卽日遼東屢被其患腥羶之計稍遂犬豕之態  
益驕臣等所鎮永平山海一帶相去賊巢不遠履霜堅  
冰之戒政在今日乞敕該部計議今後遇有外夷來者  
除歸順及有專報警急聲息等項當卽具奏許令入關  
其餘來非時節及無眞實境外事情合無照依太上皇  
帝敕旨就便阻回候聖節及冬節前來進貢照例審實



驗放伴送赴京仍要多方密切差人哨瞭如或此賊勢  
衆離邊竄遠必須指實具奏定奪儻若近邊屯聚意在  
搔擾我有可爲之勢即便調領所部軍馬出口相機設  
法剿捕以彌後日之患緣係處置邊務事理具題該本  
部官奉聖旨兵部知道欽此欽遵鈔出到部參照奏稱  
兀良哈泰寧朵顏福餘三衛達人頭目照依比先年間  
敕令今後歸順傳報聲息許令入關其餘就便阻回候  
冬年令節照例赴京一節臣等議得前項夷人自祖宗  
以來世受官員屏蔽我邊往來通使不絕後因在邊出  
沒大出官軍征剿以此堅彼黨與之心遂懷叛逆之意  
迺者也先大衆犯邊皆倚此賊爲前鋒鄉道自也先革

于公奏議卷六

蓋

心向化遣使朝貢請和遁去而兀良哈三衛達子亦各  
回還本處雖時有人馬在邊出入陰有窺伺之心未曾  
明白寇擾近又節次遣使臣赴京進馬朝廷禮待如初  
今若無故一旦阻絕彼必以爲有異謀因懷疑貳或奔  
投也先或自相糾聚侵擾邊方自貽後患兼之此輩部  
落正在南北二邊之間凡我被虜之人自地北逃回者  
必從此處經過平居無事之時尙且被其截虜今若拒  
而不納則是愈激其變萬一大羊致慮阻絕道路使我  
人不得回還非惟失陷之人自是永無歸期抑且虜中  
消息從此無由知會有此窒礙理難拒絕況朝廷之馭  
夷狄本之以大公待之以寬恕來則不拒去則不追斯

乃防姦禦侮保邊彌患長策即目京師內外百穀茂盛  
人民安和守有城池操有軍馬彼雖欲來探我虛實我  
則示以至誠無僞或者因此知我有備益堅向化之誠  
若果遽然斷絕慮恐自開邊費且虜寇姦詐固不可測  
而大計所關亦不在於兀良哈三衛數人往還之間便  
透漏中國消息且也先之遣使來朝中國陰謀不測比  
之此輩尤甚揆之事體亦可以拒絕之乎兼措置邊務  
撫柔外夷有當守經有當行權者斯時寇也先等吞  
併諸種部落正在縱橫之際而兀良哈三衛名雖遣使  
朝貢實則暗受也先約束所宜行權以盡懷柔之道庶  
使虜虜無詞不敢輕動臣等又惟大羊之性無常所利

于公奏議卷六

蓋

者貨財飲食其受制於也先未必心悅誠服不過威脅  
勢迫而已朝廷待以恩信加以賞勞既得彼之歡心安  
知不爲我邊屏蔽臣等再三籌慮所奏難准合無行移  
永平山海等處提督軍務僉都御史鄒承學總兵官都  
督宗勝公同鎮守參將內外官員嚴督一帶邊關守備  
官軍晝夜謹慎防閑遇有虜使到關審問來歷明白別  
無寇擾情由隨即驗放差人伴送赴京不許日久留難  
致生疑惑以開邊釁其間如果虜使數多帶有器械衣  
甲及哨探隨後別有虜騎按伏事在不測情有可疑宜  
從各宜設法處置相機戰守仍一面星馳差人具奏不  
許指此爲由一槩縱令入境而失誤邊務自取重罪緣

奉欽依兵部知道事理具題景泰三年六月十八日奉  
聖旨是欽此

少保于公奏議卷六終

于公奏議卷六

少保于公奏議卷之七

惟于頌

兵部掌部事太子少保兼本部尚書臣于謙奏為災異事切見自去歲以至今春時序乖和雨雪不降比者閏正月十四日風氣淒寒甚於冬月昨於二十二日大風晝晦光景沈伏臣切惟災沴之來必有所自天人感召其應不虛伏念臣質本凡庸性復偏執時遭明盛位極人臣既居師保之官又兼六卿之職欽命總督軍務俾以振興國威臣才器不逾於常人聲望弗協於輿論報國之心雖切而濟時之術全疏經濟之學蔑聞而輔導之職奚稱上不能寅亮天工以為聖明之助下不能阜

于公奏議卷七

成兆民以匡太平之休兼且素乏統馭之能弗稱總戎之任今四方多故百姓流移東南之寇盜未除西北之邊報至戡定綜理固難其人苟臣蒙恥而冒榮其奈妨賢而僨事引咎思退分所宜然伏望皇上宸斷罷臣職務而道歸田里或仍臣任職別與差遣另選賢良以代今職庶幾上回天意下協輿論以彰皇上知人之明以免愚臣固位之責臣不勝戰慄待罪之至伏候敕旨兵部掌部事太子少保兼本部尚書臣于謙題為乞恩事欽蒙聖恩賜臣房屋居住臣粉骨碎身不能補報臣才非經濟質本凡庸遭際聖明驟膺顯擢官資崇重方慚無補於涓埃門地寒微何意遷居於大廈況朝廷多

事之秋非臣子安居之日加以臣比年以來染患痰疾動輒喘急行步遲緩寓宿直房庶便朝謁雖居數椽之屋足以棲息微軀非曰矯情實以取便臣又惟臣子之於君上惟知盡其所當為而弗計其所當得故曰為臣死忠為子死孝臣素無分寸之功而叨受非分之賜撫心知懼揣分何堪兼之近日以來土星犯太微上相而臣備員大臣正當貶損以禳天譴豈宜厚享以重災愆伏望聖恩察臣愚情暫停所賜候邊務十分寧息四方俱以無虞臣另行具本奏討不勝感恩俟命之至

于公奏議卷七

兵部掌部事太子少保兼本部尚書臣于謙題為陳言事近該內官監太監陳謹題稱本監差內使管領打捕戶於真定河開等處打捕野魚戶於直沽海口等處打魚令用口糧腳力扛擡軍士人夫該衙門照例差撥應用等因該工部官欽奉聖旨是只著本監魚捕戶自打有時起送遞運所船隻車輛遞送前來不許勞動攪擾軍民犯的不饒欽此欽遵行移應付臣有以見皇上愛養人力而不欲勞擾軍民之盛心矣但真定河開并直沽等處遭寇賊擾攘之餘正人心未定之際而在軍民流移公私匱乏屢蒙恩例寬恤一時未能蘇息加以天旱不雨五穀未種頭畜牲口損失殆盡而軍衛有司遞運所選集軍餘民壯備守城池地方或借倚車輛船隻運送軍器物件差役繁重非止一端况即日當

春夏長養之時正物類生育之際所宜對時育物以廣好生之仁兼且天氣日漸炎熱醜造亦非所宜萬一採取前來失時恐難食用伏望聖恩乞將前項事務暫且停緩待秋成以後斟酌整理如此則人物咸得其所而恩澤益以周流公私兩得其安而事體永爲利便臣叨受國恩備員輔導苟有所見不敢不言具題景泰元年三月二十日奉聖旨卿言的是罷不必去欽此

兵部掌部事太子少保兼本部尙書臣于謙題爲乞恩事臣聞賞罰以示公論爵祿以待有功此古今之通義也此者強虜入寇犯我京畿欽命臣總督軍務同武清侯石亨勦賊賴宗社石靈皇上洪福軍士奮勇殺退胡

于公奏議卷七

三

寇臣本書生素不知兵旣無騎射之能又乏運籌之畧因人成事豈曰有功叨蒙聖恩陞臣少保臣自揆淺薄上章辭節恩命下臨未俞所請臣以此時兵事未嘗寧息臣身猶在營壘勉受職命未敢再辭今虜寇遠遁人心向安雖有殘虜流劫爲非見行發兵追勦指日殄滅臣旣乏功能難居重任況師保之職上以輔佐天子下以表儀庶官必才德兼優聲望素著者然後足以當之豈臣後生晚輩庸陋鄙薄之人所能負荷臣宵旰榮寵不自揣度其如士大夫清議何其如天下後世公論何臣又以爲國家之治亂繫乎用人之當否用人不當則眾心不服眾心不服則治功無由而成禍亂無由而弭

矣伏望聖恩憐憫准臣所請乞回少保總督之命仍臣尙書舊職管理部事誓竭庸薦以圖補報若有違慢罪甘萬死庶幾上無負於國恩下以協乎輿論臣不勝戰慄俟命之至

兵部掌部事太子少保兼本部尙書臣于謙題爲乞恩事欽蒙聖恩陞臣少保兼兵部尙書伏念臣猥以淺薄致位六卿任重才疏已出望外今虜寇未靖兵事未寧當聖主憂勤之時正人臣效死之日豈以犬馬微勞遽膺師保重任所有恩命未敢祇受如蒙聖恩憐憫仍臣舊職扞督軍馬殺賊以圖補報庶協輿論臣不勝恐懼俟命之至

于公奏議卷七

四

兵部爲擅調官軍事內府鈔出奉御黃整等題今蒙差臣等前往永寧守備臣於景泰元年閏正月初一日奉領官軍夜不收一千五百員名到永寧守備外至本月初八日據夜不收飛報聲息有都指揮同知楊信調去官軍三百五十員名本月二十二日又調官軍二百五十員名本城止有官軍九百員名守備不敷本年閏正月二十三日又有參將楊俊差夜不收齊帖前來永寧調去都指揮王琳帶領馬步官軍盡數前往懷來城內守備將永寧城西門砌塞等因臣切思先奉敕命專一守備永寧緣係金陵山後未奉敕旨臣難擅離城池具題該本部官欽奉聖旨該衛門知道欽此欽遵鈔出到

部案查先該總督軍務少保兼兵部尚書于謙總兵官武清侯石亨昌平侯楊洪會議得懷來永寧一帶內則捍禦居庸外則接連宣府至為緊要若二城無人守備則一路聲息不通南北道路阻絕非惟虜寇得以逞發而京師亦不利便合無令都指揮楊信總領都指揮王琳李剛率領官軍夜不收共三千員名量給賞賜前去懷來永寧二城各安插一千五百員名修理城池築立墩臺收割田禾預備糧草探報聲息隄備賊寇具題節該欽奉聖旨准他說欽此欽遵今奉御黃整奏稱本月二十三日右參將都督僉事楊俊差夜不收齎帖前來永寧調取都指揮王琳帶領馬步官軍前往懷來城內

于公奏議卷七

五

守備將永甯城西門砌塞等因參照前項官軍原係奏奉欽依調去永寧守備之數皇上特命臣監督其本官不令楊信預先知會又不與總兵官公同計議奏請定奪都乃擅出票帖將欽調官軍改調別城又要將永甯城門砌塞似此方命專權擅作威福下欺主將上侮朝廷禮邊務如等閒弄軍馬如兒戲強梁跋扈倘若無人方當軍馬調動之際而虜寇乘閒來攻彼此聲勢相懸豈不重為邊患及照本官先在馬營守備專一弄術舞智驕矜誇大種田貨殖私役官軍才不逾於斗筭心實惡於泉貨蔑視同列交結權貴一旦達人臨城不能竭忠死守窺伺賊稍退去輒將馬營獨石數處堅城弁倉

敷錢糧盡行捐棄在逃以致士卒潰散邊境失守開賊奔竄之路因而喪師辱國至今人皆痛恨雖伊父楊洪亦當慎之切齒今卻不洗心改過仰答皇上委任之重仍復恃權妄為愈加放肆謂國法不足畏謂軍士不足恤謂剛愎為可恃謂驕縱為可久徇私積怨人所共知若不整治於今日無以警戒於後來合將本官提送法司明正典刑以為邊將棄城專權之戒仍令都指揮楊信將原調懷來永寧守備官軍依數分派二城用心提督操練固守城池遇警相機行事若有應合動調緣由務要奏請定奪緣楊俊係軍職及奉欽依該衙門知道事理具題景泰元年正月二十七日奉聖旨楊俊擅自

于公奏議卷七

六

調弄軍馬致令緊要城池無備這等妄為論理法難饒如今虜寇聲息緊急防守至重且記他這遭再違了不饒還行文書與他知道欽此兵部為建言事兵科鈔出都察院右副都御史羅通題臣本一介書生永樂六年弱冠之時蒙太宗文皇帝作養之恩叨中鄉舉永樂十年登名進士授監察御史歷陞今官臣在仕途年久各處邊情頗知其畧譬如近日遼東來報聲息此必徵調遼東軍馬其遼東守將因境外有一二達人行走即便詐稱達人數千犯邊以止所調之軍甘肅寧夏大同宣府亦然且其遇敵之時殺獲敵人十餘人輒便稱說見敵數千殺敗敵眾斬獲首級

十餘顆妄奏邀功似此所爲比比皆然不必遠求向者德勝關等門外殺賊功次不知殺得幾百千賊卻陞官軍六萬六千有餘萬目所視萬手所指者尙且如此何況邊塞之遠朝廷所不能見者而不行詐哉此皆已往之事不必追究但方來之計不可不預備也爲今之計宣府大同各宜屯重兵操練宣府合於獨石馬營或德勝口屯練大同或於威遠衛屯練各選武將之驍勇而不怯懦者充總兵官文臣之剛斷果毅而不猶豫者充總督軍務時常遣夜不收諳曉胡語者身穿胡衣裝扮達子出境探聽敵情各敵在三百里之內二百里之外則卽按孫子兵法出師神乎神乎而不許颺軍之聲微

于公奏議卷七

七

乎微乎而不許現軍之形或乘月銜枚而行或乘霧捲旗而趨使賊不見灰塵出賊不意掩其不備夜擣敵營敵雖恃健馬勁弓卒然而至無所施矣如此則敵可擒而我軍萬全無失矣敵必遠去不敢近邊若止是正正之旗堂堂之陣白日行營敵非惟望塵而遁去抑且埋伏以待我軍其勝負利鈍非臣所敢知也臣之管見如此然古之名將韓信起於行伍穰苴拔於寒微乞敕兵部五軍都督府令都指揮指揮千百戶衛所鎮撫及有勇畧總小旗其中必有知兵如韓信穰苴者可與議而行之若腰橫玉帶頭簪貂蟬者皆是苟全性命保守爵祿之人與憎賢忌能徒能言而不能行者不足與議此

也具題本官欽奉聖旨兵部知道欽此欽遵鈔出到部  
奏看符羅通奏稱近日遼東甘肅寧夏大同宣府虛報聲息妄報功次一節照得遼東宣府大同陝西寧夏延綏等處近日該報聲息絡繹不絕若依所言一槩參奏不實誠恐邊將果有聲息不行奏報不無有誤事機合行都察院轉行各該巡按監察御史體勘遼東甘肅寧夏大同宣府總兵鎮守提督參贊等官近日奏報聲息功次有無虛詐明白徑自回奏定奪其奏德勝關等門外不知殺得幾千百敵卻陞官軍六萬六千有餘一節查得近該總兵官武清侯石亨等奏繳前項功次文冊到部通該六萬四百三十一員名本部已經查例議擬

于公奏議卷七

八

覆奏欽蒙將數內當先一萬九千八百八十員名陞一級陣亡三千一百一十八員名陞二級其餘齊力等項止是給賞不曾陞六萬六千餘名續該兵科掌科給事中覃浩等題稱前項功次不明節該奉欽依都察院便差公正御史一員兵科推公正給事中一員通行查勘他每功績有無曾無陞賞的從實來說不許徇情妨廢公道欽此欽遵通查未報今羅通既稱前項官軍不曾殺敵合將臣謙同石亨等已陞職爵革去其餘官軍合無不必查勘俱且不陞止是給賞惟復仍候御史給事中查勘回奏至日另行定奪伏乞聖裁又奏宣府大同各宜屯練重兵選驍勇剛斷者充總兵總督官遣夜不

收探聽賊情出其不意掩其不備則敵可擒要令知兵都指揮指揮千百戶衛所鎮撫總小旗如韓信穰苴者議而行之若腰橫玉帶頭簪貂蟬者皆是苟全性命保守爵祿之人與憎賢忌能徒能言而不能行者不足與議一節查得先該本部會同戶部分總兵等官石亨楊洪柳溥等議得大同宣府地方自虜寇犯邊以來官軍損耗沿途墩隘壕塹俱被坍塌無人瞭望致使出入自由縱橫剽掠以致城門終日緊閉不敢放出樵採頭畜餓死房屋折盡田苗不得收割草束俱各罄盡況今春農在邇若不設法掃蕩殘敵人心委的不安合無請敕石亨楊洪各帶精銳馬步官軍四萬員名內步軍三萬

于公奏議卷七

九

五千馬軍五千石亨自紫荆關往大同楊洪自居庸關往宣府沿途巡哨就行提督一路守備官軍人等堵塞關口修理牆樁墩堡及布列營陣暗設詐備敵眾來攻以計破之敵少以兵期之若其遠去依舊瞭望遮護彼處軍餘人等耕種秋收一體防護戶部委官措備糧草供給候布置停當事體寧帖仍舊回京其餘未盡事件宜從各官臨事處置務在區畫得宜經久利便等因具題節該奉聖旨領軍馬巡哨及措置邊務都准議行欽此除欽遵外緣係已行事理合用總督參贊官員至期另行奏請定奪所據推舉武職已有令諭詔書事例其舉到部者俱送石亨等處試驗量才擢用雖係才畧不

齊亦可隨機任用未見有如韓信穰苴者及照武清侯石亨昌平侯楊洪安遠侯柳溥等頭簪貂蟬與都督孫鐘范廣衛穎等俱係腰橫玉帶之人亦有守戰功績不見苟全性命保守爵祿實情俱蒙欽命管操今羅通奏其不足與議此事又自薦伊仕途年久各處邊情頗知本官見蒙欽命參贊楊洪軍務所言如此切恐有韓信穰苴堪任大將之人未施於用者合無就令在京五府六部都察院堂上官將堪任大將之人指實姓名開具實跡明白奏保仍命內臣同文武大臣博採羣議從公試驗如果將才過於石亨楊洪等誠如古之韓信穰苴另行奏請定奪不許徇私偏執濫舉非才致誤大事再

于公奏議卷七

十

照羅通所言選文臣之剛斷果敢者充總督軍務官切念臣謙粗通章句濫厠縉紳既無剛斷果敢之才又乏折衝禦侮之力猥以孱薄魯鈍素不知兵叨蒙聖恩總督軍務揆以輿論委的不堪羅通所言切中臣病乞罷臣少保總督之命或就令羅通或另選老成大臣代臣管理臣止管部事當捐軀盡瘁以報聖恩一有違慢罪當萬死如此庶使上不有誤軍國之務下以協乎輿論之公緣奉欽依兵部知道事理具題景泰元年正月二十七日本奉聖旨著五府六部都察院翰林院堂上官及六科給事中各道御史將于謙羅通所言通行詳看停當來說欽此



兵部爲安民事該太子太保兼戶部尚書金濂題切照京畿天下之本稼穡衣食之源稼穡足則生民有所依京畿安則天下有所仰且如畿內八府人民舊歲達人入寇近者被虜遠者驚散聖慮屢加安撫懷鄉復業者固有而疑懼流竄者尙多卽今春和農事在邇各府民人棄產業而弗居拋田土而不作逋逃不已州縣空虛蓋緣保定一帶軍威不振而民無保障之所致也查得在京并在外操備官軍四十萬六千九百二十八員名月支月糧二十九萬四千八百五十餘石騎操并上直馬七萬八千六十四月料豆九萬三千六百七十八石雖以操練爲名未見禦侮之實況兵以衛民生而民以

于公奏議卷七

七

供兵食今軍馬之費旣皆取給於民民被其害而兵不能保障者是民徒給平兵而兵不衛平民也民心之失實由於此及照保定定州河間南北之要衝也眞定人民安業者多而募操者眾獨保定地方又被差調官軍經過擾擾臣職專民務豈敢緘默如蒙乞敕在廷文武大臣從長計議合無將在京馬步官軍保定量調一萬員名定州河間各調八千員名選任良將統領前去三處操備嚴明號令振揚威武務在上以接應京師下以安定民志有警則相機用事以衛民生無事則秣馬勵兵以壯國勢庶使人民觀感復業南畝而耕作不失其期轉輸得人國用恒足而京畿得以永固矣具題奉聖

旨兵部知道欽此欽遵鈔出到部參照金濂所奏誠欲經國用以寬民力防外患以固內備所言有理緣三處操練一節查得保定見有都指揮趙瑄等率領在京官軍二千員名同大寧都司保定左等五衛官軍舍餘及保定府所屬民壯人等在彼操守定州見有署都指揮吳玉率領神武右等衛官軍舍餘及撥在京官軍七百員名同定州民壯人等在彼操守河間見有署都指揮董宸率領瀋陽中屯等三衛官軍舍餘同河間所屬民壯人等在彼操守及照在京各衛營官軍俱係存留防護京師緊要預備殺敵人數况又不時差撥運送軍器糧草等項及調各處關口守備卽日又蒙欽命總兵官

于公奏議卷七

七

武清侯石亨都指揮楊信等統領大軍分投出口巡邊而宣府等處近日奏報敵寇聲息絡繹不絕京城守備尤不可緩所據在京見操官軍合無照依金濂所奏添調保定定州河間三處操備惟復止令保定定州河間鎮守都指揮趙瑄等及兪都御史祝暹等提督見有官軍民壯人等如法操練固守城池撫安人民防備姦宄不許因循苟且怠忽誤事候聲息稍寧另行整理等因具題景泰元年二月初三日奉聖旨且著眞定保定河間見有官軍民壯操練固守待聲息稍寧整理欽此兵部爲教習功臣子孫等事刑部石侍郎江淵題伏惟國家隆古崇德報功之典凡勳臣之家前代旣加褒錫

後世子孫得以承襲爵祿或遇蒙任使管理軍務然彼皆出自膏粱素享富貴惟務安佚不習勞苦賢智者少荒怠者多當有事之際輒欲委以機務莫不張惶失措一籌莫展不惟有負朝廷恩遇之隆抑且恐誤天下要切之事詳其所自皆由平日養成驕惰不學無術之所致也如蒙准言乞將近年襲替過公侯伯等官及未襲替其餘子弟各家除與學識正大教官一員專教其習讀經典武經等書講明君臣父子綱常之道仍令隨各營總兵官日逐操練觀用兵進退奇正之法如此實爲有資於朝廷任用且使各官皆得展効才力不致坐享厚祿始終保全與國咸休矣具題奉聖旨兵部看了來

于公奏議卷七

七

說欽此欽遵鈔出到部參照左侍郎江淵奏稱要將近年襲替過公侯伯等官及未襲其餘子弟各家除與教官一員專教習讀經典武經等書仍令隨各營總兵官日逐操練一節切詳將臣之任不博於古典無以達事理之宜不練習於平時無以應倉卒之變比因國家承平日久將臣子弟往往溺於流俗幸於世好以致卓異者少庸碌者多茲當多事之秋正宜簡將之日所據公侯駙馬伯之家雖閒有奏討學錄訓導等項在家教書然其中亦有不曾奏討者合無行移五軍都督府轉行各該公侯駙馬伯查勘各家若無教官訓誨子弟者令其徑自具奏吏部查照明白即便簡拔學識正大相應

之人奏請除與專一教習經書開導禮義使知尊卑之分及公侯駙馬伯持身處事之道并隨住弟男子姪若有年力精壯堪以操習者俱開報本部日逐赴營隨同總兵官演練武藝不許宴安怠惰因循度日以負朝廷之恩以墮父祖之業如此庶禮義之道明而將不乏人駙躬之藝熟而用不誤事緣奉欽依兵部看了來說事理具題景泰元年二月十九日奉聖旨是欽此

兵部爲邊務事兵科鈔出鎮守延安等處都督同知王禎題景泰元年三月二十一日准協同守備都督僉事王斌咨節該欽奉敕候春暖河開卽將前項州縣寨堡軍民撫卹前去照舊安插守備欽此今據旗軍龍五等

于公奏議卷七

七

狀告蒙臣等鈞帖仍謁前去神木縣照舊守備切思本衛相離神木縣二千餘里路途寫遠供給艱難等因具告除將所告指揮白玉等官員二百五十員名調守本衛安邊營地方操備及具題外備咨知會准此查得正統十年八月十八日准本府咨該王斌題要將原調綏德地方操守慶陽備冬官軍七百三十六員名連馬匹軍器退撥與伊川派各守地方等因鈔出到部覆奏聞又於兵科鈔出協贊軍務監察御史馬恭題合無將延綏慶陽沿邊地方榆林莊等二十五寨堡軍馬令王禎王斌共管遇秋九月十五日以前一遞一年前去安邊營就領本處官軍備各防禦敵寇候到次年二月十五

日以後春煖河開仍來榆林莊一處與臣等計議邊務行專及不時輪流或分投前去該管營寨整飭軍馬器械城池壕塹糧料草束庶無分爭事妥邊安實爲便益具題兵部查得先奏奉太上皇帝聖旨是朝廷選任將官要行協和安邊先著王禎王斌共守地方分投督兵備敵他怎麼不知以國事爲心節次挾私忿爭今且不問兵部便差人齎文書與他著依原敕共管延安綏德慶陽沿邊榆林莊等寨堡軍馬每年防秋時候令王斌往安邊營操兵防敵春煖仍回榆林莊以安邊境但失機一體坐罪凡遇邊務須公同計議奏來敢有故違不遵偏執誤事的不饒還著馬恭與王禎等從公商議果

于公奏議卷七

五

安邊營見守備官軍不句調用酌量添撥官軍去兼守不許妨事欽此欽遵通行王斌馬恭欽遵去後續准本府咨該臣覆奏會同監察御史馬恭計議得慶陽衛原調綏德地方備冬指揮白玉等馬隊官軍二百五十六員名係臣原奏隨操之數後因神木縣缺軍調去相兼操守不動外臣等遵奉欽依內事理將本衛常年調來高家堡備冬官軍四百八十員名就帶執把軍器火器於正統十年十月二十日撥去慶陽地方安邊營操備訖今後若王斌仍再不足偏執攪擾惟事紛爭乞令本官前去所奏迤東易守地方孤山兒府谷東村等三寨協守臣仍前總督安邊等一帶營寨操備往來殺敵上

無煩瀆聖聽下使邊備得一緣奉欽依還著馬恭王禎從公商議果安邊營見守備官軍不句調用酌量添撥官軍去兼守事理具題本部官欽奉太上皇帝聖旨既添撥官軍去安邊營操備了罷再生事紛爭的不饒兵部還行文書與王禎王斌每知道欽此欽遵施行外又准本府咨該王斌又題要將沿邊營寨地方乞敕協贊軍務監察御史馬恭從公酌量寨堡地里分派軍馬等因具題該兵部參看本部官已奏奉太上皇帝聖旨既添撥官軍去安邊營操備了罷再生事紛爭的不饒兵部還行文書與王禎王斌每知道欽此又通行欽遵去後今王斌又奏前因看得奏內係本年十一月二十二

于公奏議卷七

末

日具題恐前奉欽依公文未到以此本官又行紊煩具奏合咨呈該府轉行臣并王斌馬恭俱照前奉欽依事理欽遵協和守備不許各執己私故違聖訓生事紛爭有失大體誤事不便備咨又經通行去後今准王斌咨稱除將慶陽衛指揮白玉等二百五十六員名取調迤西安邊營操備一節緣前項官軍係奏定迤東神木縣領馬常川操備人數蓋是各官軍要得附近本衛易得私家往來捨遠就近投託在彼買囑王斌又行妄奏煩瀆聖聽係干累經兵部參擬奏奉欽依已定年久操守官軍今彼受私擅便調去安邊營自逞已威欺罔朝廷法度安在查得神木縣都指揮施政卽今有操備官軍

二千三百八十二員名不敷調用安邊營卻有見操官軍二千三百九十員名此分爭之時又添西安左等三衛并直隸潼關平涼等衛官軍五百員名尙自不足及照都指揮同知神傑在前具奏要將延安衛撥在慶陽地方顯是王斌主使神傑朦朧妄奏當該兵部灼見情弊參照神傑所奏係干動那邊備官軍未經勘議難便定奪行移臣等查勘回報緣王斌與神傑俱係虜人不顧廉恥不知大體不思朝廷邊備爲重故將各寨操備軍馬往往攪擾紊亂定規且如慶陽調守甘肅官軍及河南都司南陽潁上衛所并直隸崑山潼關等衛官軍調在延綏地方守邊相離本衛各有三千餘里并二千五百里者卻於何處寨堡操守爲當致令神木縣見缺軍馬不敷調用安邊營軍馬愈加數多兩處不均實難操守再照王斌既知奉敕將州縣寨堡軍馬撫恤前去照舊安插守備卻將原守神木縣常備馬隊官軍白玉等擅便調在安邊營有此故違緣延安慶陽一帶邊寨軍馬俱係都御史陳鑑王文靖遠伯王驥等節次整飭邊備已定事理臣係鎮守官員若不具奏誠恐因而有廢大事未便切惟兵部職掌天下軍馬政務日有萬機被其繁文尢辭巧捏妄奏一時不能周知依允准行不惟調動邊軍正中姦邪詭計如蒙伏望皇上明鑑萬方察正除姦乞敕該部參議施行庶使邊軍安妥邊務不

于公奏議卷七

七

致攪擾民安政舉實爲便益具題該本部官欽奉聖旨該衙門知道欽此欽遵鈔出到部查得先該延安衛操備指揮同知神傑等題先調中寧寨營領延安衛軍馬操備蒙鎮守延慶等處都督同知王禎鈞帖該本官奏准將寧寨安邊定邊三營隨操軍馬暫收慶陽衛城內安插除遵依外續蒙協同守備都督僉事王斌鈞帖開寧寨安邊定邊三營守備并隨操軍馬安邊寧寨二營守備官軍卻撥延安城內俱不得自守地方誠恐激變下人從長區畫將慶陽衛隨操并各營守備官舍軍餘令都指揮僉事張友王榮領回慶陽衛操守將延安衛守備寧寨營官舍軍餘八百五十員名令臣等領回延安各守地方若不預先具奏誠恐地方有警兩相推調誤事等因具題鈔出本部爲照所奏係干動那邊官軍未經勘議難便定奪已經轉行王禎王斌馬恭等從長勘議應否將各營守備官軍各回原處其於人情邊務有無違礙明白具由回奏定奪續該都督僉事王斌題稱都督同知王禎共有官軍一萬五千八百二十五員名仍隨伊操其餘官軍指揮吳信等一千六百五十二員名并慶陽衛指揮白玉等官軍二百五十六員名放還各衛守備誠恐王禎又將放回延慶二衛官軍復調伊處操備臣領官軍委的寡少若不增添實恐誤事除

于公奏議卷七

六

王禎放回延慶二衛指揮白玉等所領官軍并各衛召募壯丁就地守備各處地方外所據延安衛指揮王貴等官軍四百二十六員名只今仍在綏德王禎處隨操亦合退回臣處分撥守備爲當等因具題鈔出本部又照所奏前項官軍係先議定守邊人數經今年久一旦奏要紛更恐有偏徇窒礙又經行移延綏等處鎮守參贊等官都督同知王禎等從公計議定奪應否將所奏官軍退回王斌分守地方明白會奏外今王禎又奏前因臣等切聞兵者國之大事將者人之司命必主將偏裨之協和然後軍務緩急之不誤切照都督僉事王斌狡詐無狀剛愎不仁叨受國恩而謬膺重寄統領軍馬

千公奏議卷七

五

而協守邊方自當盡心効力和睦主將以濟邊務以圖成功可也豈期本官非我中國之族類罔念邊務之重經素無汗馬之勤勞恣肆犬羊之暴戾自往延綏地方守備以來遞年虛張謬論煩瀆聖聽偏執己見沮壞邊務調弄軍馬有同兒戲欺侮主將視爲尋常先因本官專權方命恣肆妄爲非止一端累該本部參奏欽蒙恩宥自合刷恥易行改過遷善今卻全無忌憚愈肆強梁將奏准調去神木縣禦邊官軍擅自改調安邊營操備既不奏請於朝廷又不曾咨於主將設使邊務守備率是以行是則賞罰予奪之柄不出於朝廷而強梁跋扈之臣得逞其己計其爲後患庸可勝言況本官終係寇

虜遺孽難令守備邊方矧當多事之秋宜慎防閑之術合將王斌拿送法司明正典刑以爲邊將專權不忠者之戒或皇上憐念本官守邊微勞寬免刑誅亦合量爲改調勿使終誤大事合無差人馳驛齎文行取本官不必來京就令前去平蠻將軍總兵官靖遠伯王驥處令其領軍當先剿殺貴州苗賊以贖前罪及令王禎馬恭等共同計議推薦歷練老成知兵都指揮或指揮一二員奏請陞授代替王斌守備若是王斌仍前倔強飾詞攬擾不行隨即前去就便拏問治以重罪如此庶法令得以歸一邊務不致失誤緣奉欽依該衙門知道事理具題景泰元年三月二十九日奉聖旨是王禎既累次

千公奏議卷七

五

奏王斌攬擾邊備難令協守王斌不孥便寫與敕去著做參將馳驛往貴州靖遠伯王驥處領軍殺賊還行文書著王禎同馬恭便從公推選用兵老成熟知邊務都指揮勝如王斌的一二員奏來代替王斌協同守備卽今緊關用人之際但徇私謬舉致有失誤事機一體重罪不饒欽此

兵部爲糾劾事嘗謂食祿居官志當存於報國喪師失律罪難追於殺身徇曲法以伸恩必長姦而縱惡切照前軍都督府都督僉事張軌器非遠大質本凡庸素無汗馬之勞幸際風雲之會列官資於五府萃恩寵於一門惟知縱欲以肆非罔顧越理而犯分驕奢淫佚而僭

踰之惡屢彰鹵莽羸疏而統禦之才安在邇者太上皇帝因湖廣貴州辰沅等處苗賊作耗殺害官民特命本官充左副總兵前去領兵撫捕乃於正統十四年七月日期不等與同總兵官都督宮聚率領官軍一萬五千餘人在於貴州平越等衛地方遇見苗賊對敵本官止憑羸率並無計謀兼以紀律之不明營陣之無法既不稟命於主將又不審察於賊情而總督軍務本部尙書靖遠伯王驥恐其壞事再三戒飭令其嚴整部伍相機行事張軌倚恃凶暴而執拗不從口出穢言而當眾毀罵縱未整之士卒犯不測之鋒鎗罔知審勢而度情遂致亂軍而引戰輕率而前進退失據賊刃未交而甲騎

于公奏議卷七

三

先已遁去官軍潰散而萬人死於無辜張軌棄甲曳兵徒跣逃命垂首喪氣莫敢聲言上而玷辱朝廷下而遺笑夷狄致被王驥將失機情由奏蒙皇上俯垂寬宥未卽加誅欽蒙取回今已到京臣等切聞賞罰者天下之公論恩威者天子之大權故賞必及於有功刑必加於有罪然後合上天之心愜眾人之議今照張軌平昔縱欲敗度茲者辱國喪師偃蹇自如素無人臣之節威福恣肆難膺將帥之權服飾僭踰貨利充斥用之於承平之日清議猶恐未然用之於變故之秋大事安得克濟若令再典軍旅必致有誤事機况賞從賤故賞一人而千萬人勸罰從貴故罰一人而千萬人懼以張軌之貴

顯驕縱而加以總率兵戎有罪不誅何以示戒合將本官拏送法司究問明正典刑以爲人臣蹇慢不恭覆軍債事之戒臣等職典兵政不敢緘默欲於大班糾劾緣張軌係應議官員具題景泰元年四月初五日奉聖旨能欽此

兵部爲糾劾事嘗謂竭力盡忠乃人臣之當務懷姦避事在國法所難容切照竈遠伯任禮本以庸流叨居重任所宜感激奮勵不避艱危用竭犬馬之勞以圖涓埃之報可也今本官外示退遜而中藏詐謀身躋顯榮而心無補報膏粱紈綺嗜欲以爲能介胄干戈咸捨置而不問先年甘肅鎮守惟務營私利己不能禦侮安邊

于公奏議卷七

三

窺見邊務方殷遂乃上章辭職既蒙取回赴京自合辭祿致仕卻又不安本分望外希求計囑昌平侯楊洪奏保似曾經戰陣精神未邁乞令管軍以備調用已蒙欽准本官令在三千營同楊洪操練軍馬並無寸長可稱亦無一策可措近該本部照得紫荊白羊倒馬關口等處易州涿州保定眞定通州係屏蔽京師緊關衝要去處合當增兵守備遣將巡督議擬撥官軍委官統領前去臣等先見任禮係先朝舊臣邊陲宿將若是簡拔任用必能宣力竭忠豈徒望其禦侮折衝而實賴其發蹤指示乞請敕命本官統兵於前項地方關口內外往來巡守已於本年四月二十六日奏准行令任禮欽遵



去後豈期任禮罔顧人臣之義終懷負國之心奏稱年  
老不堪領軍切詳任禮先該楊洪薦伊在京管操軍馬  
欣然就事畧無難色乃致擬差前去畿甸巡守輒稱老  
病不肯放行臣等切惟周之姜尙八十而佐武王滅紂  
興周漢之趙充國七十餘而請自將屯田以降先零今  
任禮年齒無姜尙充國之邁又況各關各城去京不遠  
此人心搖惑之際國步艱難之時本官一身体戚實與  
國家共之今卻不思忘身而濟難乃敢方命而辜恩原  
心實出於姦謀論罪當加於極典及照楊洪明知任禮  
倚老推姦不肯盡心爲國意在擅作威福暗邀人心聽  
從囑託朦朧薦舉夫以任禮楊洪俱爲大臣受恩深重

于公奏議卷七

七

手握兵權身倚安危方且欺心玩法退縮願望若此將  
何以爲羣臣之表率朝廷之倚賴哉合將各官通行拏  
送法司究問治以重罪以爲人臣懷姦不忠欺上方命  
者之戒緣任禮楊洪俱係應議官員具題景泰元年四  
月三十日奉聖旨楊洪任禮都不問任禮既告老罷不  
差也不用他管軍馬著在閒養老通州直抵眞定地方  
隔遠誠恐有警一人卒難提調恁再計議選差二員分  
管提調欽此

兵部爲糾劾事嘗謂臣子以忠孝爲先而不忠不孝者  
天討所不宥將帥以威福爲戒而作威作福者國法所  
難容切照右都督楊俊猥以淺薄遭際盛明以分寸之

微勞受一品之重任驕蹇暴虐知有己而不知有人奢  
縱貪婪知爲身而不知爲國待偏裨若奴隸視人命如  
草芥近該伊父昌平侯楊洪奏稱楊俊歷官都督命爲  
參將自幼無知處貴已極且其性資驕率言語輕躁致  
爲眾人之所擠排士夫之所非議非惟長惡不悛必誤  
邊事抑恐終陷刑憲不能保全乞將楊俊取赴京師隨  
營日逐操練欽蒙聖恩取回卽今本官見在臣等竊惟  
褒賞有功誅罰有罪此國家之常典亦天下之公論今  
楊俊明蒙聖恩忝居重任不能修德以效忠卻乃縱情  
而肆虐先在獨石馬營等處守備專一弄術舞知假公  
營私蔑視同列交結權貴及遇達人臨城不能効力死

于公奏議卷七

七

守輒將獨石馬營等處堅城并倉廩錢糧盡行捐棄在  
逃以致士卒潰散城池失守開賊奔竄之路因而辱國  
喪師貽禍患於無窮致令人皆痛恨後充宣府參將率  
領馬步官軍在於懷來等處巡哨不候計議奏請擅出  
批票將欽調永寧守備官軍要調懷來守備又將永寧  
城門砌塞該守備永寧奉御黃整等奏發本部已將本  
官方命專權擅作威福緣由參擬覆奏欽蒙恩宥卻乃  
不行改過愈肆非爲悻悻而抱不平揚揚以爲自得畧  
無顧忌益肆驕矜凌辱守臣欺蔑主將又將都指揮陶  
忠無故拷打陵辱身死今伊父楊洪恐其敗壞邊務終  
陷刑辟具奏取回切照楊俊既不能盡忠於國又不能



盡孝於親喪地棄城而謀勇之畧安在恃恩玩法而人臣之節全無懷挾私讐打死人命眾心因之而不附邊務由是而廢地誠國法之所難容人神之所共怒若不明正其罪無以警戒將來合將本官拏送法司究問明正典刑庶爲後人之戒而愜士論之公緣楊俊係軍職具題景泰元年五月初二日奉聖旨楊俊拏了三法司門前問楊洪罷欽此

兵部爲軍務事兵科鈔出協同守備延安綏德慶陽等處地方後軍都督府都督僉事王斌題節該欽奉敕茲者貴州等處苗賊劫掠鄉村攻圍城池雖已累調官軍征進而賊眾大肆猖獗爲患不已今以爾在邊方年久

于公奏議卷七

奏

熟於戰陣特命充左參將就被星夜前往貴州地方協同總兵官靖遠伯王驥等率領官軍勦殺前賊爾見管協同守備一應文書并軍馬文書姓名數目悉交付僉都御史馬恭收掌爾即起程毋致稽遲欽此欽遵外切照彼處相離貴州路程寫遠水陸道途亦有不通之處及臣披衣甲軍器并自備戰馬獨身遠馳無人跟隨路途艱難除帶領原隨操軍舍鄭玉等六名沿途應付陸路腳力人夫水路站船口糧於本年四月二十六日起程前到貴州仍令各軍舍回操今將帶去軍舍名數開坐具題又該協贊軍務都察院右僉都御史馬恭亦題准王斌手本開稱前項帶去軍舍鄭玉等六名等因查

得鄭玉等俱係領馬邊操征調人數未經與臣等計議緣路途遙遠急不得回往復中途恐有違礙未便今既預已帶去理合具題該本部官俱欽奉聖旨兵部知道欽此欽遵通鈔到部切詳軍舍所以守禦邊城驛傳所以傳宣上命若無明文豈敢擅用今都督僉事王斌非奉朝廷明文又不與本處鎮守協贊等官計議擅將邊衛見操軍舍鄭玉等六名應付腳力站馬船隻口糧私自帶去似此違法合當行提問罪但卽日貴州賊情緊急本官已是起程前去若便推問誠恐缺官領軍殺賊合無姑記其罪行移鎮守延綏等處都督同知王禎差人跟趕鄭玉等回衛操備及行王斌著令將鄭玉等照

于公奏議卷七

奏

名發回不許占吝仍要當先殺賊建功以贖專權之罪若有怠忽治以重罪緣奉欽依兵部知道事理具題景泰元年五月初八日奉聖旨是欽此  
兵部爲軍務事照得先因湖廣貴州苗賊生發欽命總兵官統領本處量調雲南四川南京等處官軍及東昌德州河間達官人等前去勦殺續該巡按貴州監察御史黃鎬等題稱彼處苗賊猖獗圍困城池要乞添調官軍協助殺賊等因本部已經議擬具奏請敕署郎中事主事王高起調江南安慶九江福建宣州等衛官軍一二萬送赴貴州總兵官保定伯梁瑄處交割調用近該總督軍務本部左侍郎侯璉等題齊同副總兵等官都

督方英田禮等領軍已解龍里新添平越清平興隆都  
勻等處城池圍困開通雲南直抵湖廣道路本部又經  
議擬具奏欽蒙將侯璉等陞尙書方英田禮陞都督令  
將未盡賊寇務在勦捕盡絕及查署郎中事主事王高  
所調官軍止是鎮江一備軍餘八百七十員名於本年  
六月十三日起程其餘衛分官軍未見奏有起程日期  
并調過數目臣切詳治國之道必居重以馭輕禦侮之  
術必安內而攘外今照南京爲國家根本之地東南總  
會之所守備不可不嚴士馬不可不增況比先已調官  
軍達官人等一千二十員名前去貴州殺賊而近日南  
京災異尤甚苦雨連綿江河泛溢城池坍塌人畜漂沒

于公奏議卷七

夫災異之來其應不虛上天告戒亦所當慮今南京所  
操官軍其數不多況當天氣盛暑之時軍士遠投瘴癘  
之地亦非所宜兼且貴州賊勢已漸平妥道路日漸開  
通若不從長區畫先事而慮將附近南京衛所官軍一  
槩起調前去非惟南京有警缺人調用抑且軍士疲勞  
徒爲往復合無差人馳驛齎文與署郎中王高同巡按  
直隸監察御史令將原擬調軍衛分除已到貴州外其  
未曾起程到彼之數俱送南京守備豐城侯李賢等處  
交割兼同原有官軍操守城池以備不虞就令王高通  
行具數回奏仍行總兵官保定伯梁瑄等嚴督原有官  
軍會合總督軍務等官尙書侯璉等搜捕餘寇務要日

下珍滅如果官軍調遣不敷應合添調星馳差人具奏  
另行定奪不許指以軍少爲由退縮不進以致長寇殃  
民自取罪愆不便緣係改調官軍守備京城事理具題  
景泰元年六月二十四日奉聖旨是欽此

兵部爲軍務事照得先該本部議得山東東昌府臨清  
縣係是水陸衝要又有間牆數多以便船隻往來并收  
受各處饋運糧儲軍國之需不可不築立城郭防範姦  
頑已經奏准差平江侯陳豫副都御史孫曰良前去本  
處鎮守地方積度地勢築立城堡續該孫曰良并山東  
三司等官奏稱百姓艱難不曾修築近又該鎮守眞定  
右僉都御史陸矩題稱訪得民間傳言達人差人來宣

于公奏議卷七

晉泊內踏看水草要去臨清搶擄截路合於臨清設法  
併工修築城池等因本部又經議奏行移陳豫孫曰良  
并巡按山東副都御史洪英會同山東都布按三司堂  
上官并巡按監察御史公同勘議如果相應築立城池  
其合用人工物料或官爲措辦或自行設法於何時起  
手扣至何時得完呈馳具奏一向因循未曾回報今照  
口外宣府懷來及山西蔚州并白羊紫荆關口總兵守  
備官軍節奏達人大舉入寇聲息緊急等因除另行議  
奏隄備外臣等切聞居安慮危有備無患此古今通論  
又兵法曰用兵之道無恃其不來恃吾有以待之設若  
虜寇萬一似前深入知我京師有備不敢來侵徑往臨

清剽掠緣此處既無城池保障則軍民難於安插以守則不能固以戰則難取勝其見收倉糧動經十數餘萬又有四方客商人等以及公私物貨等件其數不少皆所以上給京師之用度下通四方之貿易兼且襄河一帶水陸經行而臨清關壘尤為緊要儻或守備不固被賊毋掘非惟水路之阻塞不通抑且朝廷之供給不繼其為患害庸可勝言又況臨清等處地震晦冥此乃兵象上天告戒厥應不虛及達人要搶臨清之說雖是未可深信然亦不可不備合無請敕鎮守臨清平江侯陳豫副都御史孫日良洪英并山東都布按三司堂上官及巡按監察御史務要各人親詣臨清地方照依原今

于公奏議卷七

完

事理從長計議或量為設法起倩彼處居住軍民人等措辦物料修築城堡以安軍民以護糧儲以守關壘其或別有長策可以速於成功可以保護人糧不致重為民擾亦要明白開奏不許視為泛常互相推調及轉委屬官勘議虛文延調月日以致臨期失誤守備自取重罪不便緣係地方重事具題景泰元年六月二十四日奉聖旨是欽此

兵部為軍務事伏觀景泰元年八月十九日節該欽奉詔書各處運糧官軍先因虜寇侵犯暫令操守令民代運今後悉令照舊運糧以甦民力欽此除欽遵外查得在京五軍三千神機等營府軍前并錦衣武驤左等衛

所報到景泰元年七月分馬隊官軍實有三十四萬八百員名除公差紫荆關等處修築并運糧草放馬匹及輪流上直披明甲管糧識字等項共一十九萬八百六十一員名見在止有一十四萬九千九百四十員名今照前項實有官軍於內約有五萬七千之上係原運存留在京採備之數中間多有見撥遠方運送糧草及各關守備緣京師實為天下之根本即日寇虜雖已請和其犬豕豺狼之心未易測度不可不為隄備若將運糧官軍盡數疏散又要在京撥軍前去邊關等處兌換不無京營見操官軍愈加數少臣等切惟事貴因時而制宜兵貴有備而無患食固王政之所先兵實國家之

于公奏議卷七

字

重務運糧乃民之常事操備為軍之正役撥軍運糧是乃權宜之術而非經久之道大抵民以給軍軍以衛民此古今之通論也今議得江南官軍善於水路駕使船隻江北官軍善於陸路騎馬馳射況江南糧多原係軍士償運江北糧少多係百姓自運合無因時制宜先事而慮將在京原留運糧官軍若係江南蘇州鎮江南京各衛并九江湖廣都司黃州等衛不問見在各營并守關等項悉照今奉詔書事理疏放回還原籍運糧其江北揚州鳳陽廬州六安淮安等處及山東等都司所屬并直隸天津等衛所官軍仍留在京採備聽候警急調用其所屬糧儲令戶部照舊暫令民人償運候一二年

問邊務十分靈帖將各官軍發回饋運糧儲惟復不分南北遠近一概放回運糧未敢擅便定奪具題景泰元年八月二十一日奉聖旨是江南衛所官軍放回照舊運糧江北衛所官軍且暫留在京操練待寧息定奪欽此

兵部爲軍務事伏觀景泰元年八月十九日節該欽奉詔書各處運糧官軍先因寇虜侵犯暫令操守今後悉令照舊運糧以甦民力欽此除欽遵外今照浙江江西湖廣三都司所屬衛所運糧官軍先因各處賊盜生發缺軍調遣中間多有調去勦殺賊寇其所運米糧戶部差官量起人夫價運近該湖廣等處總兵官保定伯梁

于公奏議卷七

三

瑄等并廣東都布按三司及福建鎮江浙江等處侍郎薛希璉副都御史軒輓等節奏彼處賊寇依前聚眾殺害軍民剽掠人畜未曾寧息若將各處原調殺賊運糧官軍一槩疏放運糧其各項賊徒雖有欽奉詔書事例令所在鎮守三司御史等官撫令投順宥其本罪誠恐此等賊徒自知罪惡稔盈不肯革心向化依前糾眾剽掠而運糧官軍已是疏放若再重復起調不無緩不及事往復人難且糧餉固所當急而賊情亦不可緩合無差人馳驛齎文與湖廣總兵官保定伯梁瑄鎮守浙江副都御史軒輓鎮守福建侍郎薛希璉廣東殺賊副總兵石都督董興巡撫江西侍郎楊瑩等令將原調殺賊

運糧官軍照舊存留各處兼同民壯人等將各處未平賊寇務在設法作急撫捕盡絕將運糧官軍就便放回不許遷延歲月兩相妨誤其各官軍所運糧米仍令戶部勦酌定奪緣係處置軍務事理具題景泰元年八月二十三日奉聖旨是欽此

兵部爲軍務事照得先因武清侯石亨題稱要將在京達官家下弟男子姪等項有熟弓馬者許自置鞍馬當先殺賊無鞍者官給有不報者許該管知識人等舉保等因具題會議得合令石亨設法招募每人賞銀十兩月支口糧五斗跟隨石亨操練殺賊有功照例陞賞節該奏奉聖旨是欽此欽遵續該兵部及兵科都給事中

于公奏議卷七

三

葉盛等題稱在京軍職官員之家多有弟姪子男空閒在家其中有素習弓馬不得操練者有懶惰好閒甘於游蕩者一家多或五七人少不下三四人括而盡之可得萬數乞通行取勘從實開報并行五城兵馬排門挨究陸續送營操練等因具題本部議擬即日正係緊關用人之際合無准擬行令在京各府衛所挨查前項弟男子姪等項并陞調出外遺下弟男子姪家人除顯跡不堪操備外其餘空閒年力精壯者盡行著落親管官旗取勘送部轉送五軍營總督總兵官處立營操習武藝每名月支口糧三斗及行五城兵馬司著落鄉佑人等挨究等因具題奉聖旨是欽此除欽遵外今查前項

達官家下弟男子姪經今日久並無招募到官顯是武清侯石亨空言無實徒爲文具及照在京各衛并五城兵馬經該官吏明知都給事中葉盛等具奏本部議擬奏准取勘卻乃互相朦蔽不以軍務爲重不行盡數報出查得各衛見報到弟男子姪止有九百二十名除送營操練外中間有全不開報者有止報委官職名而無人送部者及照在京通該七十六衛所額設管事官員每衛額設指揮千百戶衛所鎮撫該八十餘員又有多餘帶俸官員每衛多者至二三千員少者三五百員或三五十員通計不下萬餘若以家下人丁計之奚啻數萬如遇承襲職事其無親男者有將堂兄堂弟人等保

千公奏議卷七

三

送襲替及致選要堪操之人通不及一千之數臣等切聞兵戎者國家大事所以防姦而禦侮也京師實爲天下之本不可不廣爲增添士卒精於訓練教閱近年以來武備懈弛人無警懼以致平居無簡練之方臨敵無制勝之效茲者恭遇皇上運啟中興留意武備臣等猥以庸才謬典兵政切以醜虜之心雖已請和而變詐之態終難測度況思患預防聖經之訓志戰必危兵韜所戒若不維新法制一洗往日之陋將何以禦侮防姦期收方來之效以雪前日之恥乎欲行武清侯石亨令將先前所奏在京達官家下弟男子姪多方設法招募務求實效毋事虛文其招募到營之人按月具數開報本

部照例定奪糧餉及通行在京各府衛所從實取勘粟衛官軍其應襲弟男子姪叔伯甥婿家人等項及陞調出外官遺下成丁男子俱要見數清出令當該官吏開具總數并不致隱瞞緣由定限本年九月二十日以裏徑自具奏仍備開年歲姓名數目造冊并不致扶同重甘結狀連人送部斟酌選揀堪中者送營操備不堪者退回生理幫貼軍裝不許增減年歲隱瞞不行造報或揆究得出或被入告發家長送法司問罪所隱之人發京衛充軍及日後保送承襲職事冊內查無姓名者不准承襲仍行錦衣衛分差的當官員與同五城兵馬嚴督各該地方鄰佑人等排門揆究若有通同隱瞞事發

千公奏議卷七

請

該城兵馬司官吏人等一體治罪如此庶使人知警懼操備得人緣係處置軍務事理具題景泰九年八月二十四日奉聖旨是欽此

兵部爲軍務事臣等切聞兵戎者國之大事所以防姦而禦侮弭盜而安民古之聖帝明王雖當國家治平之時其於武備未嘗不留意整飭近年以來因雲南麓川賊首叛逆朝廷特命大將統兵征戰繼而福建浙江湖廣貴州兩廣賊盜相扇而起所在用兵捕剿近因地北賊虜也先等糾眾深入以致在京在外衛所官軍中間征傷陣亡事故數多雖以各處招募義勇并僉點民壯人等協同官軍操習緣此等之人生長田間不諳戰鬪

止可充數守備難以克敵成功緩急之間誠恐誤事況今也先等自知違天悖德改過遷善遣使赴京朝貢請和而南方賊寇多已殺獲是皆皇上聖德神功所致以敵中與太平之治實兆於此臣等謬以菲才叨掌兵政切以爲今日之事正當作新士氣嚴飭武備思患預防以收方來之效厲兵講武以雪前日之恥爲宗社萬萬年之計近差監察御史前往各處清理軍政所有合行兵備事件理合逐一議擬開坐謹題請旨

計開

一查得正統七年間該本部奏准令在京在外各該衛所將官軍隨營舍人餘丁逐一取勘造冊送部備照遇

千公奏議卷七

差

有警急官軍調遣不敷令其相兼守城經今年久多有少者長壯及新生續有之數俱各不曾開報中間亦有姦詐之徒懼怕餘丁差役隱占不行報官近該本部議奏令該衛所挨究空閒餘丁等項撥補陣亡官軍操備往往不能足數因是前項造到文冊年久難以考究合無在京行移各衛所令掌印首領官吏將槩有旗軍隨營餘丁并見任帶俸官員伯叔不分弟男子姪女婿義男大小口數公差見在備開年歲姓名總數定限本年十一月終徑自開奏仍造備細文冊具不扶重甘保結繳部外請敕差去各處清軍監察御史如無清軍御史去處請敕巡按監察御史公同布按二司清軍官員督

同都司衛所經該官吏逐一取勘明白先將總數類奏仍著落各該衛所備細造冊具結依限差人北直隸大寧萬全遼東山西行都司俱限次年正月終山西河南山東江北直隸中都留守司俱限次年二月終江南直隸南京各衛浙江江西都司俱限次年三月終湖廣陝西福建行都二司俱限次年四月終四川行都司陝西行都司俱限次年五月終廣東廣西雲南貴州俱限次年六月終到部如有過限不行造報照依歲報官軍馬騾文冊事例先將差來人員送戶部納米經該官吏取招送部俸吏典照卷查問其有查勘不明隱瞞增減年歲或查究得出或被入告發家長與造冊官吏通提

千公奏議卷七

差

問罪所隱之人另發附近衛所充軍前項文冊各該御史務要親臨提督嚴加取勘造繳不許視爲虛文有妨軍政

一照得在京在外各該衛所官軍戶下多餘人等比先年間有例除存留幫貼正軍外其餘俱於附近有司寄籍納糧當差其意蓋欲人無游惰糧無侵欺奈何中間有等姦詐之徒一家或三五人十餘人止用三人寄籍有司其餘俱各隱蔽在家不當差役衛所拘役執稱寄籍有司有司拘役卻稱上冊軍伍及至正軍缺役買囑該管官吏朦朧造冊原籍清句似此兩相影射籍貫不明年久愈難查考茲當緊急用人之際民間精壯人丁

多已僉作民壯相兼官軍操習而前項附籍之人原係軍中生長人數卻容附籍有司影射軍役實是輕重不倫事體未便合無在京行移各衛所并大興宛平二縣在外請敕清軍御史如無清軍御史去處請敕巡按監察御史著落都司衛所司府州縣經該官吏從實查勘但有比先年間官吏戶下多餘人丁於有司附籍者不分年歲久近除該納糧草仍於有司上納人丁盡數發回軍衛相兼官軍操守城池若有起調征進等項此等退出餘丁存留守城不許調動其各有司不許占吝不發有誤兵備仍令各該巡按清軍御史將退出餘丁類總作急具奏另造文冊一本送部備照

千五奏議卷七

七

一照得近因達人犯邊遼東宣府大同并山西北直隸軍衛有司各該官員軍民人等多有驚疑逃殺或於原籍或四散趁食潛住者本部雖議奏榜文事例各處張掛許令自首原免本罪各還職役實家緣今人心搖惑未定多有未曾首出誠恐在外日久畏懼罪累或為飢寒所迫結聚為非不可不防微杜漸合無請敕各處清軍巡按監察御史著落司府州縣并巡檢司等衙門官吏嚴加省令地鄰人等排門粉壁逐一挨究但有先前被賊驚疑官員軍民人等逃來潛住許令赴所在官司具首一體免罪量給口糧差人管赴合干上司轉送原衛原籍官司各還職役實家如文書到後過遲一月之

上不行首送者許諸人擒拏送所在官司審實牢固枷釘解發其各該御史及司府州縣官員務要寬猛得宜撫綏有方俾人無失所不許縱容下人恣意虐害以致激變果有豪右人戶將此等逃來軍民人等占隱在家不聽復業者事發治以重罪

一先該本部尙書張本奏准頒行軍政條例各該府州縣衛所遵守施行經今年久前項條例多有視常奉行未至況今邊務方殷緊要用人之際若不通行申明誠恐因循既久愈加懈怠合無請敕差去各處清軍御史并各該都布按二司及直隸府州縣衛所清軍及軍政官員如遇清解軍丁務要照依軍政條例施行不許故

千五奏議卷七

七

違以弛兵政景泰元年九月初一日奉聖旨是軍政之事時常清理方得人用今既年久未曾整理如今在外見有御史等官在內各衛所亦差御史給事中上一發清理務要原伍不缺餘丁數有清切易為調用欽此兵部為劾奏事刑科鈔參謀軍務事左都御史沈固題景泰元年八月二十四日鎮守太監陳公總兵官定襄伯郭登右參將都指揮潘興等同臣等俱至本衙門公同查比今年四月二十三日東門殺賊官軍功次間有太監陳公同內官馬慶姪馬祥言罔談彼短怎麼說又言劉定保這尖嘴比先在京裏捏造諸人是非專要害人他要出境燒荒今番卻好著他去又引汝為君子



無為小人儒攻其惡無攻人之惡等語諱諱不已其意專為譏刺在坐者富有郭登稱言且整理公事閒言語不必多說不期陳公變色發怒唱言我到此十箇月何嘗敢違理法生事害人你卻唆使都司官排陷我奏藁尚在你處等詞郭登遂喚都司都指揮僉事姚貴等對眾駁問因而互發醜言兩相爭鬪其都指揮姚貴等亦各辭色不遜出語抵觸人眾傍瞻甚失體統當得內官馬慶阮阿山等勸解各散臣切見太監陳公定襄伯郭登自從其事以來心不相孚意不相睦凡諸行事各有短長每有退後之言恐壞當行之事甚至聚會言不相讓面不相同故兵法曰兵貴和合則一心用則無疑又

于公奏議卷七

堯

曰師克在和今各官奉命守備同舟共載動輒矛盾何以克濟況即今民物彫弊邊務未甚靈輻若不改圖終恐誤事乞教該部計議合無於內調取一員別用另差一員前來鎮守操軍撫民固守邊城則所在有司瞻仰臣亦得免失職之咎具題該都察院官欽奉聖旨大同係極邊緊要城池鎮守總兵正當協和以防不虞陳公郭登怎麼互相矛盾恐誤邊備兵部都察院將他每計奏事情逐一詳看計議處置停當來說欽此欽遵鈔出又該鎮守太監陳公題奉敕鎮守大同見得總兵官定襄伯郭登職居主將兼以讀書明理大小事務不敢擅行預先啟稟本官方以施行不期本官逞己聰明執已

偏見全不運臣商和一切事務公然擅行每令家人回京於內外衙門逢人唱說臣與總兵不和主使自保都指揮僉事姚貴張瑀等排陷告臣及訪得山西行都司都指揮僉事姚貴等聽令郭登主使排陷奏臣私役軍人侵剋鈔沒太監郭敬家財料斂銀兩金箔顏料入己等因意在逐臣回朝報復前讐實是不甘將各官捏告臣事件開坐具題又該陳公題臣自到彼經年累月虜寇猖獗四野剽掠軍士辛苦萬端豈敢害一軍民今姚貴等奏臣蓋因平昔與總兵官定襄伯郭登不和各官俱係本官比先奏保官員不知奏臣幾事不敢伸訴待候明文另行分豁今將姚貴等不法事情逐一開坐乞

于公奏議卷七

堯

差公正廉幹官員前來體勘臣仍將姚貴等追究主使寫本之人等因具題又該陳公題稱景泰元年八月二十四日有都御史沈固會臣到衙門與同總兵官郭登內官馬慶等眼同開看原封東門出戰有功官員花名數目比對查得數內一名劉定保原封數內有名續報無名是臣說稱原是臣處辦事寫字因差赴京奏事本人奏要燒荒報效後有勘令到於總兵官處聽調不知有何事因將本人決打六十發去常川瞭墩去訖因此無人與他報功是臣聞說這廝已前好來只為尖嘴害了自身總兵官不知何情就便用言惡罵唱叫眾都指揮在那裏有都指揮齊聲叫應張瑀李英盛廣姚貴林

盛等一齊向前用言佐使發鬧是臣見得郭登凶惡手下人眾只得迴避走回等因具題又該大同府知府霍瑄亦題陳公郭登不和切照大同殘弊至甚軍民流移十去八九即日邊境稍寧鎮守總兵官今乃不相和諧似難相處奏乞計議定奪等因具題欽奉聖旨都察院知道欽此欽遵查得先於刑科鈔出山西行都司都指揮姚貴等奏有鎮守太監陳公節次科派金箔顏料木植等物私役軍士辦納月錢出境探捕被賊將官軍殺死侵欺犯人郭敬家財等物奪要官軍搶回賊馬縱容家人強奪良家妻室為妾使令伴當開張店房邀接客商侵奪民利占用屠戶菜戶日逐供納下飯菜蔬等因

三 公奏議卷七

聖

乞將陳公提取赴京明正其罪具題奉聖旨都察院行文書與鎮守巡撫等官逐一體勘明白奏來定奪欽此欽遵已行體勘去後今鈔前因會官議得陳公所奏總兵官定襄伯郭登都指揮姚貴張瑀李英盛廣畢英王全李俊盛林不法事情及陳公自行分豁辯明冤枉事件中間皆係一面之詞俱未委虛的又有犯在革前難以追究者况姚貴等奏陳公前項違法事情先已行移鎮守巡撫等官體勘未報難以處置除總兵等官定襄伯郭登係陳公奏內干涉官員難令體勘外合無將姚貴陳公等先後奏詞逐一鈔寫行移巡按監察御史并山西都布按三司各委公正堂上官員親詣大同公同

將各官許奏事情逐一體勘除革前外若有犯在革後及事須改正追究者就便從公改正追究明白若有干問人犯就便提問如礙軍職及郭登陳公等明白通行奏請定奪不許徇私偏向以致事在人冤亦不許推託干繫遷延不卽奏報及照陳公係近侍內臣郭登係總兵官重任俱各欽奉上命鎮守邊方國家多事之秋邊務方殷之日所宜同寅協恭以副朝廷委託之重一乃心力以爲邊城保障之計可也豈期各官各逞已私互相猜忌惟執一己之見全無爲國之心乃者當公廳議事之時正羣僚聚會之際無一言及於軍士艱難無一語及於邊方利害卻多各發醜語極力擠排非惟有失

四 公奏議卷七

聖

眾人之觀瞻抑且蔑視朝廷之綱紀且兵法云不和於軍不可以出陣不可以決勝今醜虜雖已請和而姦詐未易測度大同實當衝要而守將必慎其選各官平居無事尙且矛盾忿爭借使遇敵出兵豈肯互相應援失誤軍機事勢之所必然合無將郭登陳公內取回一員另行差官前去更替庶事體歸一而下人易於遵承彼此協和而邊務不致失誤緣節奉欽依兵部都察院將他每許奏事情逐一詳看計議處置停當來說事理今將陳公等節次許奏事件開坐具題景泰元年九月初九日奉聖旨便爲敕與左監丞馬慶鎮守右少監阮阿山守神銃與同郭登協和行事還寫敕與郭登知道陳

公著回京欽此

兵部爲糾劾事嘗謂竭盡忠誠乃人臣之當務交通外寇在國法所必誅切照都督僉事毛忠本以俘虜濠休寵恩累官至五府之榮參將受一方之託自合精白一心以圖補報可也豈期本官挾詐懷姦欺心負國當虜寇猖獗之際正邊方多事之秋卻乃潛蓄異謀陰圖不軌近因喜靈之謀逆敗露明正典刑自揆朝廷之天罰不容遂懷疑貳乃陳情而自釋蒙恩典以宏敷旣不加誅復官其子冀以感恩思報庶幾改過自新然天地之量固無不涵容而豺狼之性終難於馴伏邇者禮部侍郎李實出使迤北回還說稱本官曾遣人到於也先等

于公奏議卷七

聖

處傳遞言語意在約爲內應引賊襲我邊城敢負更生之恩自造滅門之禍姦謀未遂形迹已彰是皆上天默佑聖明鬼神陰誅叛亂是以逆臣就縛而邊境獲安也臣等切惟大易謹履霜之戒春秋慎無將之誅若不明正典刑實無以謝天下合將本官拏送法司究問明白碎屍萬段以昭法令之公以爲後人之戒緣係應議官員未敢擅便謹具奏聞伏候敕旨景泰元年九月二十八日奉聖旨恁每說的是這是傳說言語未知虛實他在邊年久多効勤勞且饒他這遭放了欽此

少保于公奏議卷七終

少保于公奏議卷之八

雜行類

兵部爲保舉官員事吏科鈔出把總修守紫荆關指揮  
僉事等官董琳等題先因達人侵犯之時多從紫荆關  
經過該兵部奏准差撥臣等管領官軍前來本關修守  
除依蒙到關看得本關牆城低薄山勢平漫敵騎人馬  
所行之跡縱橫猶存彼時官軍驚惶寢食不寧莫知所  
措眾皆曰難以修守幸蒙守備本關大理寺卿孔文英  
都督同知顧興祖運謀設法撫恤軍士盡心竭力不避  
艱險晝夜區畫提督官軍將關口牆垣打取糙面大石  
插和灰泥幫加高厚燒辦甃瓦圍造城門起蓋樓鋪添

于公奏議卷八

築墩臺增修關馬哨牆差人架炮哨瞭平漫去處盡行  
斬削挑掘深溝險峻人馬俱不能通遂使遠近居民及  
諸士卒皆賴以安本年八月內各官又因見本關城內  
窄狹不能多積糧草駐劄大兵於城西原舊有大木廠  
一處被敵燒毀不存地勢雖低丈量圍插立標杆分定  
功程提督臣等亦用打取糙面大石修創新城一所土  
卒樂於趨事赴工一月之間而城已完亦用甃造城門  
起蓋樓鋪墩臺等項俱皆齊備其城周圍廣闊儘可積  
聚糧食駐紮重兵其餘隘口俱各增修添砌堅固即今  
達人亦知關隘修理堅固俱皆遠遁臣等切見自去年  
以來官軍中有殺獲敵一首級者俱蒙皇上悉加陞擢

今本關修守官孔文英顧興祖前項晝夜用心之勞効  
力設法之苦所修邊關險固致使敵寇聞風遠去論其  
功績亦宜陞擢勉勵將來緣係舉保官員事理具題該  
通政使司官奏奉聖旨該衙門知道欽此又該吏科參  
看得本內修築關口乃一事之勞達人遠遁實天威所  
致今大理寺卿孔文英都督顧興祖俱任文武重臣自  
合據忠盡節卻乃通同所屬負緣保陞宜從鈔出奏請  
施行通鈔到部查得先該守備紫荆關都督同知顧興  
祖大理寺卿孔文英奏稱本關把總指揮董琳性資篤  
實管事公勤能撫軍士要乞量加陞擢等因具題本部  
鈔出爲照軍職論功陞授董琳別無軍功難准陞擢已

于公奏議卷八

將奏詞立案今董琳等又奏顧興祖孔文英晝夜勤勞  
所修關隘險固敵騎聞風遠去要將各官陞擢一節臣  
等切聞將帥以謀身爲本而無謙無恥者人望所不副況造辱  
人臣以廉恥爲先而無廉無恥者人望所不副況造辱  
國之罪復懷朋比之心雖致極刑猶有餘罪切照都督  
同知顧興祖猥以庸才先膺侯爵受浩蕩之聖恩掌神  
機之兵柄不能矢心爲國惟務箕斂害軍剝眾人之膏  
脂營一己之私計以致羣情怨怒而士氣沮銷兵備廢  
弛而貪風益振及在京營謬當前鋒一敗不支六軍遂  
覆上皇留滯於虜庭敵寇進逼於畿甸下而生民荼毒  
上而陵廟震驚推原罪惡凌厲古今及照大理寺卿孔

文英本以一介書生任湖廣按察使不能頓綱振紀惟務峻法嚴刑仁政全無清譽素乏爲事奏提來京遇赦在部聽候皇上軫國家軍務之方殷念各官任事之頗久特頒敕旨期與維新既任願與祖以五府之官復授孔文英以棘寺之長使率領軍馬共守邊關期以洗心効勞屏蔽都邑今照紫荆關原有官軍已及一萬之上而各官在關守備將及一年之期本部爲因修守本關久無成效節經議奏請敕督責縱使修理堅完亦係分內事務豈期各官敢負更生之恩互爲朋比之舉願與祖等明知董琳係是部下別無軍功而奏要陞擢董琳等明知願與祖孔文英係是大臣不當援引而上言稱

于公奏議卷八

三

薦且云虜寇之通實彼修關之功蔑視朝廷欺罔君上原心實出於姦謀論罪當加於極典致被吏科參出資緣保陞情犯合將各官令法司差人通取赴京究問明白奏請發落仍乞聖裁另行差官前去更替庶公道昭明人臣知懼緣願與祖董琳等俱係軍職孔文英係京官及奉欽依該衙門知道事理具題景泰元年十月二十八日奉聖旨各官互相舉保乃人情而已非爲重事都不問恁部裏行文書去與他每知道著用心整飭邊務有功時陞賞朝廷不吝欽此

兵部爲病故官員事景泰元年十一月十二日禮科鈔出雲南都司等衙門署都指揮使事都指揮僉事胡誌

等題有總官兵黔國公沐斌先於正統十四年九月初二日忽患風溼手足緩弱節次請醫調治稍痊一向扶病管事景泰元年九月十九日又加嘔吐咳逆病症至二十八日轉加痰疾喘急醫治不痊至本年十一月初五日身故緣係總兵鎮守官員具題該禮部官欽奉聖旨該衙門知道欽此欽遵鈔出到部除另行外照得雲南地方多係土官衙門自國初以來皆係黔國公父子相繼世守其地號令素行蠻夷信服今沐斌旣已病故一旦改委他人代總兵政切恐眾心不服難於統理況隴川等處賊子遺孽未曾殄除而附近貴州四川俱有盜賊生發必須主將得人然後地方安妥訪得沐斌應襲之子尙幼其姪沐璘見任雲南都司署都指揮僉事威望雖未素著實乃沐氏宗枝夷人頗知其名遠近亦皆屬望若是權宜陞用事體實爲允當及照右都督方英見任雲南充參將征進隴川驍勇善戰廉介不貪雲南之人素所畏服亦堪委任但本官見在貴州殺賊先因巡撫貴州右寺丞王恂奏保方英堪充總兵鎮守貴州本部爲照貴州等處已有總兵官保定伯梁瑄方英見充右副總兵賊寇未曾平安難便准令鎮守已經議擬奏准令方英仍充副總兵與梁瑄等督軍勦賊候事平之日就令方英充總兵官鎮守貴州去後今照貴州等處賊寇尙未盡絕正用能幹將官撫捕方英難便那

于公奏議卷八

四

等題有總官兵黔國公沐斌先於正統十四年九月初二日忽患風溼手足緩弱節次請醫調治稍痊一向扶病管事景泰元年九月十九日又加嘔吐咳逆病症至二十八日轉加痰疾喘急醫治不痊至本年十一月初五日身故緣係總兵鎮守官員具題該禮部官欽奉聖旨該衙門知道欽此欽遵鈔出到部除另行外照得雲南地方多係土官衙門自國初以來皆係黔國公父子相繼世守其地號令素行蠻夷信服今沐斌旣已病故一旦改委他人代總兵政切恐眾心不服難於統理況隴川等處賊子遺孽未曾殄除而附近貴州四川俱有盜賊生發必須主將得人然後地方安妥訪得沐斌應襲之子尙幼其姪沐璘見任雲南都司署都指揮僉事威望雖未素著實乃沐氏宗枝夷人頗知其名遠近亦皆屬望若是權宜陞用事體實爲允當及照右都督方英見任雲南充參將征進隴川驍勇善戰廉介不貪雲南之人素所畏服亦堪委任但本官見在貴州殺賊先因巡撫貴州右寺丞王恂奏保方英堪充總兵鎮守貴州本部爲照貴州等處已有總兵官保定伯梁瑄方英見充右副總兵賊寇未曾平安難便准令鎮守已經議擬奏准令方英仍充副總兵與梁瑄等督軍勦賊候事平之日就令方英充總兵官鎮守貴州去後今照貴州等處賊寇尙未盡絕正用能幹將官撫捕方英難便那

動合候貴州賊平另行定奪伏望聖恩先將沐璘量陞都督同知或都督僉事請敕充總兵官掛征南將軍印令其鎮守雲南撫安夷民操練軍馬禁革姦細保障地方凡百所行務在上體聖心遠法祖宗毋貪淫暴虐以失人心毋怠忽因循以誤邊務如遇邊境地方蠻寇生發會同參佐并守土官員計議停當相機撫捕不許輕易畏縮因而失機誤事及訪得雲南都司署都指揮使事僉事胡誌練戎政比眾為優合無實授都指揮使請敕本官充左參將協同沐璘鎮守仍令沐璘胡誌公同鎮守雲南內官郝寧參贊軍務副使鄭嗣及都布按三司堂上官巡按監察御史於彼處都指揮或指揮內

于公奏議卷八

五

推舉堪充右參將二人開其實跡作急會奏以憑定奪不許徇私濫舉緣奉欽依該衙門知道事理具題奉聖旨是沐璘陞都督同知掛征南將軍印充總兵官鎮守雲南胡誌陞署都督僉事充左參將協同沐璘鎮守撫安軍民務要事安夷安欽此

兵部為邊務事兵科鈔出鎮守山西都察院左副都御史羅通題准本院咨准兵部咨兵科鈔出欽差刑部右侍郎江淵題節該欽奉敕命爾往山西鴈門關等處巡視凡彼處整理關隘一應事務悉聽爾便宜處置欽此除欽遵外今將便宜合行事件開坐具題奉聖旨該衙門看欽此欽遵鈔出到部逐一議擬開坐具題本部官

欽奉聖旨是欽此欽遵將開奏事件鈔咨該院煩行鎮守山西右副都御史羅通并鎮守鴈門關右副都御史朱鑑等俱照依本部奏奉欽依內事理欽遵備由移咨到職臣除會同鎮守山西署都督僉事王良鎮守鴈門關右副都御史朱鑑守備偏頭關都督同知杜忠等巡按御史涂謙并都布按三司官計議外今將議過事件開坐具題本部官欽奉聖旨該衙門看欽此欽遵鈔出到部案查先該右侍郎江淵題前事已行議奏行移勘議去後今奏前因合行開坐謹題請旨

計開

于公奏議卷八

六

一守備代州偏頭關等處各衛所州縣官軍民快人等先因聲息緊急該鎮守鴈門關都指揮同知翁信奏准作長班操守不許更替即今天時漸寒軍士離家月久衣鞋不給受苦不堪陸續在逃十去六七及至官府催促官軍則潛避不出民壯則合家在逃欲悉照例究治恐有激變別生他故欲姑息不問則往往倣倣愈肆姦頑以致邊關空虛失守誤事未便即今聲息寧息合無將前項軍士分作兩班每班半年一替其替回者仍於原衛州縣操備就令置辦衣鞋軍器聽候班次行取則人皆知有更替一定之期必能固守不致逃竄而衣鞋軍器且得鮮明堅利該兵部議得先該右副都御史朱鑑奏要將原召并續召軍民壯勇分作兩班半年一換

等因行該署都督僉事王良等會同都布按三司并巡按御史回奏勘得前項民壯一萬九千四百八十二名內在逃未到數多見在者各守一隅分撥已定今朱鑑奏要半年一換雖是民情利便緣人數不伺事有窒礙合照舊操備仍乞優免各人雜差等因已經議擬奏准馬隊者每戶免其二丁步隊者免其一丁差役供給軍裝去後今奏前因合無再行鎮守山西右副都御史羅通署都督僉事王良并巡按御史三司等官公同勘議應否輪班操備惟復止是照舊其於人情事體何者相應利便何者窒礙難行臣等議得先聲息緊急民壯數少不可分班今邊境已寧合依侍郎江淵所言分作

于公奏議卷八

七

兩班互相更替如此則人不在逃得其實用而衣鞋盔甲器械亦得鮮明鋒利

前件查得近該鎮守鴈門關都指揮同知翁信奏稱義勇未嘗到官數多其到者又各在逃要行催甸點齊存留山西有糧去處操備等因本部為照山西聲息頗靖邊儲不敷田禾少收人民艱難已經奏准行移左副都御史羅通等通將前項義勇著落所司拘齊就存各府州縣兼同本處官軍人等操守去後今羅通等又奏議要分作兩班操備難便定奪合無再行羅通王良朱鑑翁信從長計議如果應該分作兩班就便照依擬奏事理分班依期赴操若是各就本

處操備便益宜從本處操守聽調務在處置得宜人無失所

一偏頭關見有操備官軍九千餘員名欲要屏障河曲保德等州縣及太原左等衛屯堡今敵往來不經本關卻從應朔等州直入靜樂靈化保德境內殺掠軍民窺伺太原平陽其偏頭關僻在境外雖擁重兵無從策應看得鎮西衛當三岔衝要之處有路直抵平陽等府若不早為隄備深為未便合無將偏頭關原有官軍止留二千在彼哨守其餘盡撥鎮西等衛分守要害則糧運近便控制有方而平陽等處可保無虞該兵部議得偏頭關官軍係比先撥定之數若便一概那動恐黃河結

于公奏議卷八

八

凍之時達人過河侵擾合無行移山西左副都御史羅通署都督僉事王良公同都督同知杜忠左參議葉清從長計議本處地方應否止用官軍二千員名守備相度本關與鎮西衛地形險易敵情緩急或可照依侍郎江淵所奏施行或將鎮西一衛調去偏頭關官軍發回或依舊不動三策之中孰為可行孰為難行務在彼此兩無妨誤明白折衷臣會同王良杜忠葉清計議得鎮西衛至偏頭關二百八十里內有岢嵐州保德州河曲縣三處人民及太原左右前三衛鎮西衛共四衛屯田之所俱在偏頭關之內鎮西衛之外其鎮西衛三岔路口有八柳樹堡子舊城一座見有太原右衛屯軍在內



居住路當衝要一路通朔州一路通偏頭關一路通鎮西衛乃扼喉之處合將此堡作哨馬營撥偏頭關官軍二千員名駐劄哨守仍屬都督杜忠提調過警則屯軍可以守城馬軍可以出戰朔州偏頭關鎮西衛三處出軍策應皆可一日而到如此則敵無入寇之路而保德崑嵐河曲與太原等四衛屯所可保無虞而平陽之路敵不敢窺矣其偏頭關仍舊不動

前件既已各官會勘得八柳樹堡路當衝要合准所擬行移王良羅通杜忠等將本堡修設堅完照數差撥官軍二千員名差委委敢勇頭目管領前去屯駐聽杜忠提調過警則相機守戰無事則趁時耕牧務在

有備無患

于公奏議卷八

九

兵部爲邊務事兵科鈔出提督獨石馬營等處操守後軍都督府都督僉事董斌題近該兵部議擬奏准令臣提督獨石馬營雲州雕鶚赤城龍門李家莊長安嶺等處邊城修理墩臺防護糧儲等項切照前項城池委係外控虜境內庇宣府懷來永寧一帶若獨石馬營等處城守嚴固則腹裏衛所自然無虞比先年閒獨石馬營等城俱係修理堅完樓櫓壯固倉儲廣積器用全備又有精壯官軍帶有家小分投守備遇有警急易爲措置近因達人犯邊將各城捐棄不守以此敵無忌憚往往在於長安嶺一帶出沒搶掠人畜而獨石馬營等處城

池樓櫓房屋倉庫多有被敵燒毀殘壞其各該城堡官軍雖已起那腹裏又多彫耗十無四三邇者天威遠加醜虜向化皇上制治保邦留意邊備前項城池重復整飭修設此誠安邊禦侮長策但臣智慮淺疏弗稱任使竊以爲今日之事邊備爲先況前項城堡殘壞士馬消耗若不惟新令圖將何以慎固封守今將合行邊備事件開坐伏乞聖斷早爲施行邊方幸甚具題該本部官欽奉聖旨兵部看了來說欽此欽遵鈔出到部今將本官所奏事件逐一詳看議擬開坐具題景泰元年十一月二十六日奉聖旨是欽此

計開

于公奏議卷八

十

一照得守備懷來永寧等處都指揮楊信等俱有奉到敕書行事今臣提督地方比之永寧尤爲切要若不綸音渙頒下人無所畏懼儻有警急調遣一時不肯聽從不無誤事乞賜臣敕便益

前件照得都督僉事董斌既已欽命提督獨石馬營雲州雕鶚赤城龍門李家莊長安嶺等處修理城池防護糧儲等項係于重務合無准奏請敕本官令將一應邊備用心整飭務求實效毋事虛文果有安邊禦侮長策宜從區畫事體重者具奏施行不許假公營私苦害邊軍及因循日月致誤重務

一獨石馬營赤城雕鶚李家莊龍門等衛所官軍除昌

平侯楊洪帶領赴京三千員名近蒙兵部奏准發回原衛所令臣率領提督其餘未曾赴京之數中間雖有強弱不一然有在懷來永寧暫且安插者有在宣府等城差使操備者今要將前項城堡修復若不將各城原有官軍人等盡數令臣管束委係孤懸城池憑何守戰又況各官軍畏懼原處守備往往希求腹裏衛所居住苟且度日乞敕兵部計議合無將口外衛所官軍但係獨石龍門李家莊等處城堡官軍原先暫且安插腹裏衛所并舊日跟官隨操等項不分老少男婦務要一名名令臣鈐束點開或就令回還原衛所或候明年春暖回還原處守禦隨住以實虛懸之城不許各該守備等項

于公奏議卷八

七

官員占吝便益

前件合准所奏行移該府轉行宣府總兵等官撫寧伯朱謙等將獨石龍門李家莊雲州雕鸞赤城等處但係安插宣府永寧懷來及各該衛所城堡住坐并舊日跟官隨操等項不分老幼男婦著落經該官旗逐一點齊俱令董斌鈐束其閒有願去原衛所趁柴薪米糧養贖者聽從其便若自不願前去候明年春暖盡數督發回還不許各該守備官員占吝及託故縱放來京躲避住有誤邊備仍令董斌加意撫恤以濟邊務不許生事虐害致令失所

一照得獨石馬營等城遠在宣府之北臣若率領軍馬

到彼往來提督修守遇有緊急事情必須差人奏報緣無起馬符驗若候行移萬全都司差人不無展轉遲誤乞給臣符驗庶得便於奏報

前件合准所奏關給達字號雙馬符驗一道就令原差奏事百戶鹿鏞齋與董斌收用

一照得獨石馬營等處城池委係孤懸境外臣今提督修守敢不罄竭衷誠但以謀貴先定兵貴有制若不提綱挈領非惟人無統屬抑且推調誤事乞敕兵部計議合無將萬全都司多餘都指揮數內摘差老成能幹者數員分投獨石馬營李家莊雕鸞龍門等城著令專一守備操練官軍不許輕動臣往來提督巡視遇有緊急

于公奏議卷八

七

事情並聽臣調遣庶不臨期誤事

前件合准所言行移宣府總兵官撫寧伯朱謙公同鎮守參將參贊巡撫等官內官柏玉右都督紀廣侍郎劉璉僉都御史任寧及都督僉事董斌等從長計議獨石馬營赤城李家莊雕鸞龍門雲州長安嶺等處合用都指揮幾員就於萬全都司都指揮內推選有謀有勇之人分守前項城堡嚴督所在官軍人等專一隄備遇有緊急俱聽董斌節制調遣不許退縮不即前去及擅離信地營求別差其總兵官亦不許徇情偏向將精壯官員占留卻將怯懦之人充數致誤邊務事發一體治罪仍令朱謙等將選委過都指

揮職名作急開奏

兵部爲陳言備邊事兵科鈔出本科給事中黃仕儁題  
切見中國土地雖是無窮而其財賦所出亦日有限原  
其所由天惟生此以供朝廷及百官俸祿之需初非期  
有夷狄勞費之耗是夷狄本供費所不識而百姓實國  
家所宜恤以培植邦本爲供應之具而已今者敵虜乞  
和請許莫測必以還我上皇則兵備不約而解珍物不  
求而得府庫不劫而虛民力不用而弊國銳不攻而靡  
觀上皇歸時虜使未起而運糧之卒卽各遺歸各邊見  
其散軍而戒嚴之意不無十緩三四非墮緩兵之計歟  
見其和成兵緩大起無厭之求今日求某物與之明日

于公奏議卷八

三

求某物亦與之今年遣使增數百明年遣使增數千及  
其久也多而無數使輒往來絡繹不絕又其久也求之  
旣屢待之必厭欲不應之恐自壞和好其短在我以召  
禍釁欲曲意應之誠以府庫之財有限民之脂膏枯竭  
又恐乘我不虞以啟一旦襲虛之患至於不可磨滅訪  
得去歲也先大同敵殺之際其伯顏帖木兒親與總兵  
官石亨打話言累年我使來貢求金銀銅錢等器織金  
蟒龍等衣寶石珍珠等物俱不見與是以興兵遠來蓋  
求物不得遂致入寇則將少有厭忽之心必致入寇可  
知臣詢侍郎趙榮等言脫脫不花固不見有南侵之意  
至於也先姦雄黠狡則有莫測之機觀其卽今遣使至

於數千折牆強入略無忌憚皆恃去歲土木之利逼城  
之敵氣驕志滿縱橫自如蓋以興兵南來狃於多勝未  
遭我軍敵殺之苦痛控狼戾之氣順之則和拂之則寇  
況西北諸夷今已蟻附而今所求器物又皆帝王之具  
陰謀不軌意已明甚豈可信其必和以爲久安長治之  
計哉伏望聖上念祖宗創業艱難今日守成不易勞心  
焦思兢業圖理毋以土木而寒其心毋以逼城而危其  
意推原所由皆因權姦所誤非區區醜虜之力乃能至  
此然好生惡殺貴人賤畜天之心也人之願也今彼掠  
我軍民不啻草芥糞土無分貴賤牧馬放羊餓死不知  
其數凍死不知其數因而遭虐疾病者亦不知其數是

于公奏議卷八

高

乖天之心也拂人之心也故曰天作孽猶可違自作孽  
不可道今彼殘虐天民自作其孽莫此爲甚是自干天  
誅天又將假手於我陛下殄滅之昔我太祖皇帝奉天  
之罰師至應昌太宗文皇帝肅將天威埽清沙漠皆不  
聞彼以狹悍而能禦我今皇天上帝以中興之運付之  
陛下正猶天命太祖太宗之時也況天之所助者順人  
之所助者信陛下惟能修德勤政順天信人則天自順  
乎我人自信乎我彼雖狹悍豈不足以削平以享無疆  
太平之治且和可暫而不可久利於虜而不利於我也  
昔有商之世鬼方跋扈而高宗討之有周之時玁狁作  
慝而宣王逐之使鬼方玁狁可和而利於我則高宗宣

王必先與之和而不煩士馬之勞矣因其譎詐無定利不可恃故直舉兵討之以靈華夏延祚數百年二君至今稱爲中興令主但卽日以時觀之虜勢猶張我師尙弱姑豺狼以餉之犬馬以畜之伴存和好以養銳蓄威待時雪恥然九重深遠下情難達邊事內攻幽遠莫知萬機之暇乞御文華殿或進內閣儒臣或召元老碩輔少降天顏從容諮訪或令口陳或具題帖陛下從而采擇可否次第施行如京師天下根本軍馬幾何士卒操法精緻者何營則必賞其頭目庶怠惰者自知警懼將臣素著謀勇者幾人陛下從而親書其姓名倉卒調用庶不失人某有將才淹在卒伍之下者拔之某事措尅

于公奏議卷八

五

墮我士卒之心者罪之京軍貴多欲備調用今而數少設何法以增之軍士日練本期克敵今而多怯行何計以銳之猾虜分外之求難事之請從何長以處之西北諸夷聞風降附施何閒以孤之威敵必先以其所畏宣府大同迤西一帶京師緊關屏蔽急要驍勇謀將今朱謙謀勇不及楊洪而紀廣慈柔郭登雖曰謀勇且久患風疾而裨將無聞今虜人所畏惟楊洪石亨父子然二人已總重兵在京固難輕動而楊俊石彪俱驍勇有謀合令協副朱謙郭登雖曰謀勇趁時設備庶免臨時掣肘他如各邊某無謀略徒擁將名久妨邊務卽別擇能者以代之書云去邪勿疑是矣某懷智略久被忌抑一

籌莫展卽特命以伸之書曰任賢勿貳是矣某處將臣不智必致相激非國之福也陛下卽以所記將臣領其事俾不智者知所畏懼矣某處兵寡而將勇爲可託某處兵眾而將怯爲可憂某處衛堡不堪策應某處堪宜益兵添將相兼守把某處將帥頭目剝削士卒相繼逃竄邊關空虛匿不以聞某處堪宜經理屯田未及議奏處置某處宜廣蓄軍餉節被管糧官員措置顛倒糧儲有名無實某處武職鎮邊年久精忠可褒獎以勵廉污某處文職貪酷宜行體實劾去以安士卒又如各邊年久文武官員貓鼠一家軍士疲憊今後合每年宜遣諸曉邊務大臣數人分行稽其弊端以憑賞罰如此一一

于公奏議卷八

六

諒訪而處置之則邊事無一而不舉矣至於都司方面風憲守令等官某向也廉今也貪而殃民某官雖曰能事其實暴不堪命某官雖曰忠厚其實罷軟無益民事某官老邁不能舉事而乃貪得不去某官措斂以阿上官見留某官鯁忠以直事人見黜某官聽政超異堪宜褒勸某官才堪大用久滯下僚凡軍民有無利病四方有無休戚及今後亦合每年分遣廉明大臣詢察以憑黜陟如此一一采擇而舉行之則內政亦無一不修矣邊事內政旣皆修舉則將士勇奮堅如泰山民之供餉如子趨父昔宋用孟宗政金人不敢窺襄漢中國相司馬遼人不敢犯其邊今我之精擇賢能養銳蓄威如此

至若狡虜敢肆無厭之求仍遣無數之使必發敕也先喻以禍福令各守分雖古者遣使彼此不過正副從者不過數人今後遣使不過百人以通和好儻過其數則其短在彼因而責之庶或守分不敢違約使若侵犯邊境則必縱我銳兵奮其勇武大舉勦殺痛挫鋒銳彼勢力自散計算自迷將以奔遁無門退保無暇正如太祖太宗應昌沙漠之舉也安敢窺我中原擾我疆場以犯我士馬哉由是戒飭邊關無通其使中國自中國夷狄自夷狄不惟莫測我之虛實以息費端且亦得免夷狄之耗以固我邦本則將來太平景祚延至無窮又自陛下開之而其中興功業之隆直與高宗宣王同一垂休

千公奏議卷八

七

無疆矣儻不此之圖陛下惟廣天地之量應無厭之欲臣恐彼以多事之請固不能一一遂欲不遂其欲必致交兵惟恐邊力不支又或有如前日毀關逼城之患而我京軍止足以自護而不能策應邊關邊軍止足以自守而不能掣援京師甚至被扼所援而進退無路又或舉我南北要區坐困我師雖有勤王義兵莫由內應又恐他道亦聞風而起其郡縣軍衛亦被牽制不敢北望事至如此思欲走檄多方招募民兵則又有兵無將京師急欲調用則又有將無兵況民兵素不識戎募之雖多亦奚以爲昔宋賊劉豫大募民兵七十萬南侵至廬州等處一鼓敗之北走原其所以皆由閒暇之時失於

豫圖方略早建事機故也書曰惟事事有備無患傳曰凡事豫則立不豫則廢又曰雖有智慧不如乘勢惟願陛下乘此暇時汲汲留意焉宗社幸甚天下幸甚其題本官於奉天門奉聖旨朕覽其所說都是憂國保民之心戶部兵部會官詳看可行可止即便議擬停當來聞欽此欽遵會官看得奏稱賊虜也先等狃於多勝未遭我軍敵殺今已蟻附所求器物皆帝王之具陰謀不軌意已甚明要發敕也先喻以禍福令各守分今後遣使不許過百若違約侵犯邊境則必縱我銳兵大舉勦殺一節臣等切詳也先自其父脫歡以來世受朝廷厚恩一旦豺狼改慮侵犯邊境進逼京畿震驚陵廟其爲仇

千公奏議卷八

七

恨何可勝言也先自知罪惡稔盈人怨神怒及知我中國有備遣人納款和好如故皇上軫念蒼生俯徇其情節次差來之人朝廷倍加賞勞邇者也先又遣昂剋等二千六百餘人到京進馬皇上天日之明豈不知虜情誦詐所遣數多一則費我財用一則探我虛實但以彼旣因進貢來亦難拒而不納以此待遇之禮不廢而防範之法亦未嘗不慎今昂剋等已還合無候也先再遣使到京請敕令其齎回曉諭也先自爾等革心悔過敬順天道節遣使臣朝廷俱待以殊禮茲者昂剋等若干人到京委實太多又況口外宣府懷來等處先因爾等侵擾所在人力艱難自今已後爾等當體念我祖宗待

爾之厚誠爲和好保全始終所遣使人多不可過百十人朝廷敷大信於天下必不渝盟致有怠慢候也先仍前差遣人眾臣等另行議奏處置其奏要萬機之暇乞御文華殿進內閣儒臣或元老碩輔從容諮訪或令口陳或具題帖陛下采擇可否次第施行一節查得近該南京工科給事中張雲翰奏前事該禮部議擬覆奏節該奉聖旨今後各衙門如有軍國重務得失的事面奉施行欽此欽遵已有前項奏奉欽依事理別無定奪其奏要令楊俊石彪協副朱謙郭登一節照得宣府見有總兵官撫寧伯朱謙參將左都督紀廣又有都督僉事董斌提督獨石龍門等處江福守備萬全右衛等處都

于公奏議卷八

九

指揮楊信守備懷來等處大同見有總兵官定襄伯郭登參將都指揮潘興及都督方善分守東路許貴分守西路及照今年自春初以來虜寇不時攻圍各該邊境所在鎮守等官俱能竭力防守或出兵對敵况楊俊先充宣府參將伊父昌平侯楊洪奏伊年幼無知富貴已極性資粗率語言輕躁非惟長惡不悛必誤邊方大事乞取赴京隨操等因已蒙欽准將楊俊取回石彪充遊擊將軍帶領官兵往山西巡哨回京未久若將各官再行分差宣府大同非惟官多人少下情不堪尤恐節制不一人難遵守已後若緊急用人另行定奪共奏各邊某無謀略徒擁將名某懷智略人被忌抑某處兵寡將

勇可託某處兵眾將怯可憂等項緣無指實合無行移宣府大同遼東陝西等處巡撫鎮守都御史侍郎及巡按監察御史令將彼處守臣勇怯兵備虛實城堡道路險夷糧餉器械多寡等項一應邊務逐一用心體察訪何人可存何人可去何者可以修復何者可以用工無廢何處險要合當增兵守備何處偏僻不當多用軍馬何法可以實邊何方可以禦寇務要體覆詳審處置允當上副朝廷下合輿論明白奏請以憑裁決其奏都司方面風憲守令等官某官貪而殃民某官罷軟老邁某官忠鯁以直見黜某官德政超異等項合每年遣廉明大臣調察一節查得各都司方面守令等官節有欽

于公奏議卷八

九

奉詔敕行令各處巡撫風憲等官從實體察賢否奏請黜陟合再申明通行各處巡撫官巡按御史查照先節奉詔書事例務要巡行所管地方將軍衛有司官員從公體察賢否具實奏聞以憑定奪不許因循怠忽徇情作弊以致妨政害人不便具題景泰元年十二月初六日奉聖旨是欽此

兵部爲擒獲遼人事內府鈔出鎮守大同右少監馬慶題該左參將右都督方善手本據高山衛哨備指揮李英呈該守土山兒墩百戶蕭勝報本年十二月十九日午時分軍人趙蘆斗瞭見境外有步行人腰帶弓箭前來隨令夜不收呂小良等二名下墩潛入關馬牆內因

見向墩射箭認是達人其呂小良等奮勇向前擒獲連人解到審係奄克帖木兒也先部下有也先差賽因帖木兒等將領人馬二百餘騎在邊哨探接取進貢使臣因我省得漢語差來打聽消息就被捉住等因行移知會會同總兵官定襄伯郭登巡按直隸監察御史鄭韶等計議得達人出沒不肯暫離鞍馬今奄克帖木兒步行到墩又止一人既稱打聽進貢使臣其守墩官軍只合溫言撫接卻乃掩襲搶擄非惟有失朝廷大信抑且引惹事端又恐係來降及走回人口小人邀功駕禍無辜如蒙准題乞救該部通行禁約沿邊官軍惟當謹守信地嚴加瞭望不許貪圖小利妄生邊釁等因具題該

十六公奏議卷八

三

本部官欽奉聖旨兵部知道欽此又該總兵官定襄伯郭登等亦題前事通鈔到部臣等切惟中國之馭夷狄固當振之以兵威尤當撫之以恩信所以折其強而結其心也今也先節次遣人朝貢其誦詐之謀雖未可知而和好之禮則未嘗有失今以使臣未回遣人探聽迎接其奄克帖木兒既不騎坐鞍馬又不潛入邊城明說探接使臣別無姦細情節而守墩官軍就將本人搶擄只貪一時之近功不顧朝廷之大體而都督方善又不斟酌事情輒便輕信起解今訪得奄克帖木兒見行監問切以爲此特一俘虜爾殺之不足爲武而或有以啟費舍之不以爲怯而或有益於事如蒙聖恩乞救法司

再行研審委的止是探聽使臣消息別無其餘重情請敕令該府差人連奄克帖木兒齎送前去大同總兵官定襄伯郭登等處收領撫令聽候邊上如有也先差來之人就彼交與領回仍諭也先以朝廷忠厚撫待之意使知感激本部仍行都督方善并各邊總兵鎮守等官今後各要整朔軍馬固守地方果有敵寇侵犯相機勦殺若虜中遣人來邊打話止是一二人三五人別無姦細情由及遠探隨後再無跟隨掩襲人馬就便撫令回還不許貪圖小利邀功生事以啟邊釁以貽後患亦不許指此爲由縱賊入境剽掠以誤邊務緣係請救及奉欽依兵部知道事理具題景泰二年正月初三日奉聖

十六公奏議卷八

三

旨是欽此  
兵部爲意廢軍政事該刑科等衙門劾奏都督同知衛穎等交通飲酒姦宿樂婦意廢軍政等情欽奉聖恩寬宥弗加罪責此誠天地生物之仁然臣等切惟衛穎等俱以凡才叨膺重任擢居都府分掌兵戎不能宣力而竭忠乃敢縱欲而敗度況終日飲酒爲樂又復用錢買姦若非剝削害軍此物從何而得即日虜人雖已請和而邊報未甚寧息脅恥未雪當人臣臥薪嘗膽之時大舉未圖宜將帥捐軀致命之日而衛穎等所爲若此上辜朝廷之恩下失軍士之望惟願一己之嗜欲豈恤眾情之艱難曩者土木之潰大事幾危正由爲將帥者平



日貪淫敗度受財賈軍且相交通負緣黨比戰鬪之事不習兵戎之政不收將帥互為仇讐上下自相矛盾以致臨敵無功望風瓦解前日之覆轍未久而衛頴等又復效尤廉恥蕩然全無忌憚比者在營軍士逃者數多動以萬計安知不為衛頴等賈放逼迫所致杜漸防微不可不慎且賞從賤罰從貴此古今之通典而兵家之要術也今衛頴等位重任隆而貪婪無度則下人何所取法而管軍者何以為戒所據各人罪名已蒙聖恩寬宥而此等駟僮之才終難任爪牙之寄台無將衛頴范廣陶瑾張義郭英穆晟俱不許管理府衛事務及坐營領軍調任開平獨石大同一帶操守殺敵以贖前罪庶

于公奏議卷八

三

使法令昭明而餘人知懼恩義並行而戎政修舉臣等猥以駑鈍叨掌兵戎願惟將帥之用舍繫乎國家之安危事有當言不敢緘默具題景泰二年二月三十日奉聖旨衛頴等朝廷擢用掌管兵戎不能竭忠表率下人卻貪亂酒色罪本難恕既已饒他罪今後著改過自新但再犯必不赦欽此

兵部為操備省減糧儲等事兵科鈔出五軍中軍大寧都司茂山衛管操指揮同知夏正奏切照保定真定涿州易州等處因與紫荆倒馬關相近正係緊關去處節蒙聖慮每處差撥官軍不等有五千員有七千五百員名前去守備中間多係在京并通州神武中等衛官軍

其保定衛官軍尚有四百八十九員名俱各在京操備緝知各處亦然臣切照京衛官軍在京月支糧一石在外各處又支行糧四斗五升在外旗軍在衛月支四斗在京又支糧五斗有此重費糧米如蒙准題乞敕該部計議合無將真定保定等衛官軍查數替回在京等衛官軍每一千名月省在外行糧四百五十石保真等衛旗軍回還各處操備每一千名月省在京行糧五百石其一千名內外省糧九百五十石如此不惟糧儲減省抑且衣鞋盤纏免致缺乏遇有逃故等項便於旬補其各關口山徑險隘鄉道平昔諳曉進退無礙戰守兩便調用不失實為經久之計具題該通政使司官奏奉聖

于公奏議卷八

四

旨該部看欽此欽遵鈔出到部參看得保定等衛所官軍比先年間除輪班赴京操練及守城屯田等項其餘各照地方量撥紫荆倒馬等關修守近因虜寇侵犯所任官軍統領前去數少本部節該議奏欽命文武大臣在京各營量數選撥官軍統領前去各城各關兼同彼處原有官軍人等操備修理今奏要將前項撥去官軍取回卻將保定真定并通州神武中等衛在京操練官軍發回於糧儲雖日頗減於事體則有窒礙蓋在京撥去各關各城官軍其數不下十萬而各衛赴京操備官軍每衛不過三五或千餘人今又分作三班輪流放回一班取討衣鞋若將保定真定等衛原撥在京并各

關各城操備官軍取回原衛不無守備缺人遇警無憑  
調遣況在京見留官軍俱係選作頭班預備殺賊人數  
決難放回及照自去年春初以來境外節報賊寇聲息  
各城守備官員往往奏要在京撥軍前去後因侍郎江  
淵具奏已將保定眞定右衛中所調去紫荆關眞定衛  
中所調去倒馬關涿州中衛後所調去白羊口其前項  
調去所分官軍不問在京五軍三千等營盡數起發況  
在京官軍撥去邊關修守乃權時之宜在外官軍輪班  
赴京操練實經常之道今若將前項衛分官軍發回原  
處則山東河南地方亦係鞏固之師重地各都司衛所  
赴京官軍俱要照依此例回還本處京師止用在京各

于公奏議卷八

三

官軍操備是豈居重馭輕治內攘外之道揆此事體委  
的難行大抵夏正所奏不過假借省費糧儲之言以遂  
取回軍士之計所奏難准合無將保定眞定等衛赴京  
官軍照舊輪班操練其各城各關京師撥去官軍候邊  
務窳息另行議奏定奪緣奉欽依該部看事理具題景  
泰二年二月二十二日奉聖旨是欽此

兵部爲邊務事職方清吏司案呈准後軍都督府經歷  
司手本奉府案令准鎮朔將軍撫寧伯朱謙咨據金吾  
右衛帶俸正千戶王信呈宣德十年自願前來宣府報  
効操練今奉後軍都督府勘合各處報効操備官軍合  
人餘丁卽今邊境稍寧虛費糧賞暫且回衛入伍呈乞

放回移咨連人送府轉送到司案呈到部臣等切詳邊  
方者京師之藩籬軍馬者朝廷之重事必使事體各歸  
職掌庶幾緩急不致誤事今照宣府大同遼東并陝西  
各邊俱係緊要去處正用官軍守備朝廷慮恐本處官  
軍不敷往往設法添撥或招集報効之人或揀選空閒  
之士遇有緊急相兼守戰近有虜寇侵犯邊務愈加留  
意而宣府總兵官未審因何卻將自願報効操備官員  
擅自放回原衛誠恐奉有別衙門行移止知減省糧儲  
不顧邊務緩急因見虜寇請和將謂邊方無事遂將各  
邊見操官軍人等一概疏放回家儻有賊寇聲息城池  
空虛憑何戰守又恐見操官軍人等意圖回還原衛申

于公奏議卷八

三

同該管官員不行經由本部援例徑自回還典守之官  
無由得知姦詐之人得遂私計萬一虜寇緝知官軍掣  
動乘閒來攻貽患邊方決非細故兼且各邊屢稱見在  
官軍數少具奏要行增添豈可將見在邊操守十餘年  
之上官員輒便放回臣等職掌兵政若今日緘默不言  
則異日罪將何追況近日虜使方回中間姦詐難測防  
微杜漸不可不慮除千戶王信仍送該府轉發宣府總  
兵官處照舊操練外合無通行各邊各關總兵鎮守等  
項內外官員將原有見在官軍人等務要用心提督操  
練非奉敕旨及本部奏奉欽依明文不許輒准別衙門  
行移擅便掣動疏放以致邊方缺人遇警誤事自取重

罪不便仍行在京各衙門知會緣係處置邊務事理具題景泰二年三月十一日奉聖旨是欽此

兵部爲糾劾事嘗謂移孝爲忠乃人臣之當務懷姦避事在國典所不容切照左軍都督府右都督王禎猥以庸材叨膺重寄因人成事素無汗馬之勞荷國寵榮遂極人臣之位不能盡忠圖報惟務扶詐偷安明知卽日邊務方殷正係用人之際自合捐軀以先士卒庶殫臣子之心卻乃陳言要回陝西在城省視伊母周氏緣延綏亦係陝西地方本官既有孝親之心合般移就養今妻妾隨住而同享天祿老母遺棄而不得霑恩處已若斯孝心安在及見邊方多事卻欲給假省親不過假此

于公奏議卷八

七

爲名以遂懷姦之計皇上明照萬里燭見其姦聖斷昭然不蒙准理臣等切惟自古求忠臣者必於孝子之門今王禎平居則棄其親而弗養遇事則假其親以欺君不孝不忠不仁不義雖聖恩不加其誅責奈王法莫縱於纖毫合將王禎拿送法司問罪以爲萬世臣子之戒緣係守邊軍職具題景泰二年四月二十九日奉聖旨罷都察院通行文書與他知道欽此

兵部爲軍務事兵科鈔出提督遼東軍務左都御史王翔題景泰二年四月日期不等節據遼東都司並廣寧錦州義州寧遠等處備禦都指揮劉英等呈該尖山鎮北山荆條山寧遠河牛心山雙山寨兒山駱駝嶺白土

廠等墩空各差軍走報瞭見境外千家峪金銀廠大黑山羊羔山筆架山刀筆山白雲山泥河兒官音山雙林兒等處各有煙火一十六處及廣寧小黑山墩又稱瞭見境外達人三千一百并五百有餘人馬約離牆十里往東南東北去訖及據廣寧前屯衛備禦都指揮劉鐸等呈該石子河劫殺小旗高昇走報本年四月十一日酉時瞭見達人三十餘騎從松柏煙墩西充內跑牆入境搶去三千營種田舍餘自己馬牛驢一十三隻官馬三匹別無搶去人口結呈到來臣等議得廣寧前屯衛地方敵人入境松山等墩守瞭官軍人等不行隨即舉放煙火以致種田舍餘不得知覺被敵人將官私馬牛

于公奏議卷八

天

驢一十六隻搶去及巡視地方指揮姚鑑亦不嚴謹巡視俱各取招量情責罰照舊巡守官馬三匹著落都指揮鄧鐸何鑑同馬軍均追還官再照各該沿邊累報瞭見沿邊人馬煙火除通行守備都督指揮等官整擱軍馬於緊關邊堡去處按伏相敵嚴實行事并督守墩官軍晝夜十分加謹用心仔細瞭望謹防隄備外具題又該王翔題先節該欽奉敕爾等先行差人省諭建州等衛賊首李滿住等卽將節次搶去各邊人畜盡數送還親來軍前伏罪若不肖送還人畜又不前來伏罪悉聽爾等出兵勦殺欽此臣等欽遵親領官軍到遼陽瀋陽駐劄當有李滿住等差指揮李官音奴等來告要通事

撫取人口隨議通曉夷語經歷佟成等齋文分投前去  
建州等衛省諭李滿住等回稱各女直都帶人口往遠  
處四散藏躲去了一時收拾不起先收拾在近的人口  
共三百二十九名口各差弟姪李官保奴等同女直都  
指揮趙歹因加等齋印信文書送來回話等因除將送  
出入口各發寧家生理外議得李滿住等不行親送人  
口前來服罪又議差指揮王武等齋文就踏看道路前  
去省諭候回還至日另行及差來女直都指揮趙歹因  
加等告要赴京進貢已經准令起送具題外今該原差  
指揮王武等回還呈稱四月十三日到完名河等處尋  
見李滿住董山卜花禿念文書各人商議要來至十五

于公奏議卷八

疏

日忽報脫脫不花人馬見在罕里名河等處下營相離  
一日路程各人俱自收拾家小藏躲有李滿住又說差  
千戶高完帖董山差親弟董陽等隨後趕來回話至今  
未到王武等連夜回還具呈得此臣等議得李滿住董  
山等又因脫脫不花人馬到彼不能前來及走回人楊  
伴叔郭貴成等俱說脫脫不花人馬見在海西灰扒江  
等處尋殺野人女直但見漢兒指引放回已是實事又  
該左軍都督府差人馳驛齋文據走回人間長受說稱  
脫脫不花領人馬要來遼東搶掠等因臣等議係緊急  
軍務誠恐備東失西已經斟酌事體輕重將所調軍馬  
於四月十八日領回原處操守李滿住董山等差親

弟董陽等來回報至日另行處置外具題又該鎮守遼  
東太監宋文毅總兵等官左都督曹義等俱題前事該  
本部官俱欽奉聖旨兵部知道欽此欽遵鈔出到部參  
照所奏前項賊人入境搶掠頭畜王朔等既已照例將  
巡視地方指揮姚鑑取招量情決罰均追官馬還官了  
當別無定奪係于聲息合當隄備及照建州等衛賊首  
李滿住等係欽奉聖旨令其親來軍前服罪人數今稱  
脫脫不花人馬在彼下營各人收拾家小藏躲差人從  
後趕來回話等因未審各人即今曾無見到及事體有  
無寧妥合無行移該府差人馳驛齋文與王朔曹義等  
公同宋文毅等嚴督各城守備官員用心整飭人馬晝

于公奏議卷八

疏

夜嚴加隄備仍差人密切遠為哨探果有賊寇近邊務  
在相機行事不許纖毫怠忽因而有誤事機仍令王朔  
等選差諳曉夷情頭目前去建州等衛撫諭李滿住董  
山等諭以只今脫脫不花已是差遣使臣從宣府長安  
嶺地方入境赴京朝貢爾等當體朝廷大恩已將爾等  
先前不臣之罪寬宥不問開其自新之路許以親詣軍  
門服罪毋得猶豫狐疑心持兩端若是脫脫不花退去  
當即親出服罪輸情送還所搶人畜則待遇如故恩禮  
有加如若觀望延調不肯實心納款宜從王朔曹義等  
調兵設法勦捕明白具奏務在處置得宜毋或疏虞誤  
事緣奉欽依兵部知道事理未敢擅便景泰二年五月

初六日奉聖旨是欽此

兵部爲關隘事內府鈔出鎮守居庸關都知監左少監潘成題節該欽奉敕瓦剌脫脫不花王差使臣碗折鐵木兒太尉等九十一名前來進馬敕至爾等如遇前項使臣人馬來即便驗實照數放入款待差人送來仍嚴切戒飭守備官軍十分防備毋致疏虞欽此欽遵景泰二年五月初二日據守門直隸隆慶衛指揮胡綱呈有內官陳瑤都指揮馬政帶領百戶旗校家人白全等八員名并瓦剌差來使臣碗折鐵木兒太尉等七十六名并被留送回所鎮撫高能等七員名進馬二百三十四匹及自己羣馬四十七匹到關會同右僉都御史蕭

千公奏議卷八

五

啟都指揮使夏忠辨驗入關照例款待就差千戶梁忠管領官軍隨同懷來衛原差指揮張聰一同護送赴京及嚴戒官軍隄備外緣係內外官員并外夷使臣入關事理具題該本部官欽奉聖旨該衙門知道欽此欽遵鈔出到部審據高能等七員名係遼東三萬等衛所鎮撫總旗舍人職役內高通係三萬衛千戶高宜弟景泰元年九月間被賊搶去人數其高能等俱係景泰元年十二月內蒙遼東總兵等官左都督曹義等差齎敕書往海西等衛撫諭都指揮等官加哈等令其歸順朝廷將搶去邊上人畜退出本月二十日到都指揮弗刺出寨內當有脫脫人馬來將弗刺出等捉去問說朝廷

有使臣在此弗刺等不肯承認脫脫將弗刺出等剝去衣服用皮條細縛弗刺等方纔說出高能等在寨至被拘去將各人所齎敕書開看就將各人交與皮兒馬黑麻等收領令在營內說我如今替朝廷收捕野人女直你每就眼看收了時差人送你每去脫脫領人馬自松花江起直抵腦溫江將兀者等衛一帶頭目寨子都傳箭與他著他投順中間投順了的著車輛裝去不肯投順的殺了亦有走了的寨子俱放火燒訖有考郎衛都指揮加哈成討溫衛指揮婁得的女兒部與了脫脫兒子做媳婦脫脫到白馬兒大泊子去處將都督刺塔伯勒哥都指揮三角兀及野人頭目約有三四百人盡數

千公奏議卷八

五

都殺了脫脫身上得了浮腫病證又害腳氣乘馬不得只坐車回還留下五千人馬在木里火落等處餓馬要去收捕建州等衛都督李滿住董山等脫脫將高能等帶到驢駒河一帶趁草駐劄說到五月間要那去兀魯骨河駐劄離長安嶺只有十日高能在此中時早晚得皮兒馬黑麻照顧他曾說我吃的穿的都是朝廷與我的我不敢忘你每放心我說與脫脫王放你每回去你若到朝廷時說兩下裏差使臣往來是和好的意思我每替你收了野人女直除了你的邊患後脫脫差脫失知院領一千人馬并差使臣同高能等一同來京進貢本年四月二十四日到獨石城外下營脫失人馬說道

只在紅羅山一帶巡哨搜殺兀良哈三衛犯邊達子若  
拿住時送來朝廷約在五月二十日前後還來獨石迎  
接使臣又聽得說也先太師同阿剌知院各差人馬也  
來搜殺兀良哈朵顏三衛達子又說脫脫不花今次收  
了野人女直等處大小人口約有四五萬內精壯約有  
二萬脫脫人馬回來馬匹多瘦弱節次搶去邊上人口  
多無吃的人都耍逃走又說高能等比先差去時共又  
人內二人是康英一人是童勝俱係安樂州達官舍人  
脫脫人馬到弗刺出寨時他二人走了後將高通頂作  
使臣名目以此高通得回又說弗刺出自寨上別後不  
見本人下落聽得說也被脫脫殺了等因據說參照各

于公奏議卷八

五

人所說前因雖是未委虛的緣脫脫不花既將各人送  
來而收捕野人女直之時又不侵犯遼東邊境并王翺  
等亦奏脫脫不花邊上但遇漢人多護送回還雖此等  
事情未必出於誠心然因事制宜亦當綏懷順撫合候  
使臣碗折鐵木兒等同還之日請敕脫脫不花諭以具  
知可汗敬順天道尊事朝廷之意其賞勞等件宜頗從  
優厚以堅其向慕之心而皮兒馬黑麻身在虜境心慕  
朝廷若彼亦有進貢馬匹其馬價等件亦宜比眾稍優  
以答其忠順之誠其餘別有陳情亦望聖恩俯念從其  
一二虜酋懷恩畏威不起釁端而我得以爲備以圖大  
舉及照前項虜人軍馬尚有五千在於木里火落等處

要行收捕建州等衛此亦不可不備合無行移遼東總  
兵鎮守等官一體整擄軍馬嚴加隄備遇警相機行事  
不許纖毫怠忽仍令王翺等齋文曉諭都督李滿住等  
務須遵守朝廷法度保守地方不許私通外寇陰持兩  
端致有疏虞自貽後悔仍將先次搶去人口盡數送還  
親赴軍前服罪如或願望遷延令王翺等發兵相機勦  
捕及照高能等跋涉艱險回還又行傳報虜中事情合  
無將各人量陞一級仍令禮部定與賞賜以酬其勞以  
爲方來出使外夷之勸陞賞畢日發回遼東原衛所各  
還職著役隨住仍令宣府大同總兵鎮守等官一體整  
擄軍馬隄備遇警隨宜戰守務在計出萬全事無一失

于公奏議卷八

五

若有疏虞責有所歸庶使虜人感恩而畏威邊境有備  
而無患緣係處置邊務及奉欽依該衙門知道事理具  
題景泰二年五月初六日奉聖旨是脫脫不花王敬順  
天道差人貢馬又送我的人來皮兒馬黑麻心慕中國  
亦宜加賞以慰其心還寫敕書說與脫脫不花比先差  
使臣去都被小人激惱王因此壞了事如今不差人去  
但王差人來我只依禮款待高能等便與陞賞打發他  
回去欽此

兵部爲軍民利便事兵科鈔出兵部等衙門左侍郎等  
官孫原貞等題准兵部備刑部咨該臣原貞題前事照  
得見獲溫處二府瑞安青田等縣首從賊寇翁朝原等



并幼小男女俱各解京發落爲照賊犯家屬多未揆擊緣千人眾各處一概揆究恐人心驚懼不安乞不爲常例候賊平之日查勘隨征軍士無家小者將已獲賊屬婦女先儘有功軍人給與爲妻幼男紀錄候長定奪并幼女隨住未獲賊屬矜免鈔提具題該通政使司官奏奉聖旨該衙門知道欽此欽遵鈔出到部參照先擬作耗賊屬男子律該處斬婦女給配欽蒙朝廷寬恤男子充軍家口隨住若再矜免無以懲戒俱難准理又言要將賊徒婦女給配有功軍人一節照得賊屬內有隻身婦女無男子隨住者合無准其所言查勘原征旗軍人等曾見功勞應該賞賚見無妻室者給配爲妻兩得其

平公奏議卷八

美

便再照各處賊徒家屬候事平之日陸續挨解則事無逼迫人得安寧該刑部官具題奉聖旨是欽此欽遵轉行移咨除欽遵外臣等同欽差鎮守浙江太監李德鎮守處州奉御阮隨議得反寇攻城掠邑拒敵官軍殺害生靈燒毀房屋搶虜婦女貲財累赦不悛原其罪惡雖赤其族猶有餘辜况處温等府麗水青田瑞安平陽等處地方節次生擒殺死賊犯動以萬計今欲照戶鈔其家口少者二三口多者十餘口或三四十口賊屬之眾不可勝數其間有父子姪或避難在外或報効在官一概鈔提若造惡渠魁家屬法固難有其被脅爲從家屬情有可矜今班師振旅反側稍安其屬仍要陸續挨

拿府縣不無督責鄉里未免驚疑賊屬逃遁山林必致復聚爲非難於撫捕未便如蒙准題乞敕該部計議賊首家口照例鈔提發落賊徒家口特降聖恩矜免卽書所謂殲厥渠魁脅從罔治之意且以安疲困之民息逋逃之患會本具題本部官欽奉聖旨該衙門知道欽此欽遵鈔出到部參照奏稱要將前項賊徒家口特降聖恩矜免一節緣浙江地方近年以來其處州等府所屬州縣節有賊寇糾集人眾殺掠人財已該彼處鎮守等項官員欽遵上命督領官軍宣明朝廷恩例隨宜設法撫捕賊首多已成擒地方漸就平安正當一視同仁誕布維新之化量爲矜恤以安反側之心所據前項賊徒

平公奏議卷八

美

多有賊首逼脅不得已而爲非家下人口眾多若便一概鈔提非惟牽連負累情有可矜抑恐紛擾驚疑因而激變又况中閒見在者少逃移者多爲因畏懼罪責終無復業之期儻復嘯聚山林安知不爲後患合無俯狗下情照依侍郎孫原貞等所奏除賊首家口照例鈔提其賊徒家口伏乞聖恩原宥令其安生樂業永爲良民若再逃移生事必誅不宥仍令孫原貞等會同太監李德并巡按御史及都布按三司查照施行務在仰體聖心公道行事俾賊首之家不致脫免而脅從之眾咸與生全以副皇上好生之仁以消地方意外之患緣奉欽依該衙門知道事理具題景泰二年五月十二日奉聖



旨是欽此

兵部爲備邊禦寇事兵科鈔出吏部考功清吏司郎中陳疊題臣聞夷狄自古爲中國患在乎有以禦之禦之道以禦之則憑凌桀驁其患不可勝言矣比見瓦剌初與朝廷通好歲時貢獻賞賜鉅萬豈期自啟釁端侵擾邊鄙頃歲以來猖獗尤甚近聞又分人馬一枝往遼東一枝往陝西且又遣人來京進馬求要使臣愚切計瓦剌人馬本自強盛今謀欲攻宣府大同以及京師故先遣人馬收掠遼東陝西邊境之人以益其眾且恐朝廷知其勢分力寡乘其不備出師擊其各枝人馬仍復

于公奏議卷八

奏

假設遣人進馬求要使臣以緩中國用兵之意俟其遼東陝西人馬回聚一處秋高馬肥併力內侵此其狡計也今議者皆以兵備未修糧草未備祇欲遣使往答其意以圖延緩不復敢言戰者殊不知彼虜求欲遣使實非畏威懷德而來蓋將東征西討而以此延緩我師矧縱遣使臣量亦不能釋其素負驕悍之氣不此之察是自失機會而墮其計中矣如蒙准言乞敕總督軍務總兵官量率精銳官軍數萬倍道趨遼東或陝西邊境仍敕遼東或陝西主將分兵刻期會於近邊去處物色醜虜所在上賴祖宗之靈合兵出奇擊其一枝人馬彼進不敢敵退無所援強盛之眾將自窮蹙殄滅可待也計

不出此後因議者之言遂巡畏縮日復一日使其收掠遼東陝西二邊之人大眾復合併力內侵宣府大同一或失守京師之患又孰甚焉夫用兵雖貴持重然堂堂天朝文武大臣効用之日久矣當國家多難之際必有效忠奮勇之士乘時而出兵部掌軍馬戶部掌糧草職專任重亦必預爲之計動以其時宜無不可若敵臨境誘以未備則豈持重備禦之策哉昔唐憲宗欲伐吳元濟羣臣以其兵利卒頑皆謂不可憲宗明斷不疑命將出師迄成平蔡之功竊觀今日之事亦頗類此伏望皇上斷而行之天下幸甚臣愚叨祿無補偶有所見不敢不言具題本官欽奉聖旨兵部看欽此欽遵鈔出到部

于公奏議卷八

奏

看得郎中陳疊奏稱要總督總兵官量率精銳官軍數萬倍道趨遼東或陝西邊境及令遼東陝西主將分兵期會於近邊去處殄滅虜寇一節臣等切詳虜酋也先等自正統十四年肆爲姦謀鳩集虜眾侵犯邊境殺掠人畜其罪惡稔盈人所同憤實宜統率大軍聲罪致討但自去年以來節次遣使朝貢欽命武清侯石亨充總兵官都督孫鏜范廣過興張義充左右副總兵參將於五軍三千神機等營挑選精銳官軍六萬分作三營團操及令都督劉深另操官軍三千聽候策應遼東等處都督石彪雷通另操官軍六千聽候策應宣府等處并令工部尙書石璞總督宣府等處軍務遇有警急賊

請各城軍馬並聽節制相機勦殺近該石璞具奏彼處  
烽火不見邊事頗寧又況兵家之事以直爲壯以曲爲  
負而制勝之策以主爲逸以客爲勞必使計慮出於萬  
全然後戰守可無疏失今也先等雖陰懷邪謀而尊事  
朝廷之禮不廢離間聲息而侵擾邊境之事未舉在我  
當爲預備難以自開豐瑞又況關陝遼東相去京師竄  
遠卽日天氣炎熱大雨時行若使統領大軍出境未審  
賊營果在何處駐劄待我兵至非惟輕易舉事而弗中  
機會抑恐虛勞士馬而迄無成效況各邊所積糧草有  
限軍馬用度無窮揆之事勢未見其可合令在京總兵  
等官武清侯石亨并都督劉昇石彪等將選到團操官

于公奏議卷八

疏

軍務要申嚴號令齊備器械俾軍威壯固士馬精強不  
時點閱教演以備警急調用旣不許怠惰偷安以廢紀  
律亦不許先爲長縮以損軍威仍令石璞等將宣府等  
處軍馬用心整飭差人嚴密哨探若有賊寇犯邊必須  
相機行事若果賊勢眾大星馳差人奏報京師發兵前  
去應援勦殺并行遼東陝西大同總兵鎮守等官左都  
督曹義定襄伯郭登興安侯徐亨都督王禎張泰王敬  
都御史王翱年富陳鑑馬恭韓福宋傑等各照地方將  
應行軍馬務在躬親逐一挑選精壯之士留意訓練諭  
以大義嚴其紀律使將士相知上下同心候有賊寇來  
侵就便隨宜戰守或堅壁清野以待其弊或乘虛掩襲

以挫其鋒旣不許畏縮無謀縱賊搶掠亦不許輕易窮  
追墮賊姦計此乃保邦禦寇長策緣奉欽依兵部看事  
理具題景泰二年五月十六日奉聖旨是欽此

兵部爲糾劾事該錦衣衛指揮使劉源等題該廣西道  
監察御史陳叔紹等奏稱守備倒馬關署都督僉事劉  
聚於奉天門復命照得劉聚先因責放守關軍人及私  
聚於奉天門復命等情該兵部奏准行移巡按直隸監  
察御史全智將這廝提問未見發落今這廝擅自來京  
合當拏問奉聖旨拏了欽此欽遵見今收在直房具題  
奉聖旨著兵部查他原發來看欽此欽遵鈔出到部查  
得先該協同守備倒馬關都指揮陳友題稱臣到於倒

于公奏議卷八

早

馬關點視得原撥守關軍人王成劉志張廣兒三名不  
到審據管隊指揮何清等說稱鎮守都督劉聚放回在  
京一向不曾到關守備顯是受財賣放臣看得各關隘  
口多有未曾修理卻有劉聚擅撥官軍千戶郭仁等五  
百餘人在於倒馬關西門外新册寺院一所有此不行  
奉公專一營私利已等因其題鈔出本部爲照劉聚不  
以邊務爲重將原撥守關軍人王成等賣放回京以致  
各關隘口多未修理又行擅撥官軍私自蓋立寺院於  
法難容合行巡按直隸監察御史將本官提問明白具  
本解京奏請發落若是有礙職事另行定奪如是無礙  
原職令嫡親兒男替職仍先請敕陳友代替劉聚守關

等因具題本部官奉聖旨是欽此除欽遵通行外今鈔前因參照劉聚本以庸材叨居重任先在浙江等處殺賊無勇無謀失機誤事已該本部等衙門節該劾奏欽蒙恩宥降做爲事官續蒙上恩令署都督僉事守備倒馬關本官自合洗心改過加意修守以贖前罪以答皇上之恩卻乃怠廢邊務肆無忌憚既將守關官軍賣放回京又行擅撥官軍私造寺院以致下人失所邊務廢弛致被陳友奏發本部又經奉欽依令巡按御史提問豈期本官益肆桀驁蔑視國法公然不服行提卻乃赴京復命似此冥頑無狀方命辜恩若不嚴加懲治無以警戒眾人合將本官令法司照依本部原先參奏并

三公奏議卷八

聖

今次不服提解緣由開擬明白奏請發落庶使法令昭明茲願知懼緣奉欽依著兵部查他原發來看事理具題景泰二年五月二十七日奉聖旨這厮姦頑著三法司門前問欽此

兵部爲乞恩憐憫事兵科鈔出山東都司濟南等衛所指揮僉事王震等奏臣等俱在五軍右哨操備景泰元年月日不等有萊州等衛馬步軍人王受兒等私自逃回原籍取討衣鞋已經具數造冊轉送揆擊去訖後於景泰二年二月內遇蒙恩宥其王受兒等照例具狀首出收操轉達任提致蒙兵部參照違例擅收在逃軍人王受兒等把總管隊官員提送本部轉送法司問罪兵

部奏奉欽依是欽此欽遵備由劄付到哨將臣等查提送問臣等俱係軍職愚昧多不識字比因操事繁冗失於仔細查理自合省令各軍赴通政使司首告轉達送發不合擅自收操合當有罪況臣等八十二員本哨見選管領頭撥官軍六千員名在團營六萬數內操練聽調人員及青州左等衛指揮僉事劉安等三十員名該班領軍回衛取討衣鞋人數今將臣等送問不無遺下隊伍旗軍無人鈐束又慮團操旗軍因見放班中閒恐有不知利害之人一概逃竄儻遇調用有誤事機未便臣等在京操備二年之上衣鞋破碎實爲困苦艱難如蒙伏望聖恩憐憫乞將臣等并坐營把總等官都指揮

三公奏議卷八

聖

同知毋瑛等暫且團營管操聽用候取討衣鞋官員赴操之日仍前受罪便益臣等干冒天顏不勝感戴之至具本該通政使司官奏奉聖旨罷兵部知道欽此欽遵鈔出到部查得先該後軍都督府經歷司手本准該都督同知衛穎備署都督僉事劉鑑咨據五軍右哨都指揮趙輔等呈據萊州等衛軍人王受兒等狀首景泰元年月日不等私自逃回原衛首乞收操等因到哨呈乞任提等因到部爲照王受兒等俱係赴京操練之數不思補報公然在逃該營已經具數行移本部通提去後未審各軍因何不經通政使司照例具告送部轉發卻乃徑自赴營亦未知卽今有無見在顯是把總管隊官

員互相欺蔽朦朧擅專恐有買囑情弊合將各官并在逃軍人王受兒等通行提送法司問罪不許總兵把總等官徇情作弊等因具題奉聖旨是欽此除欽遵外續該部指揮趙輔等奏稱要暫候輪班回還取討衣鞋來京問罪等因本部又照各官奏准提問人犯難准推姦又經駁仰提解去後今鈔前因除指揮等官王震等已蒙恩宥別無定奪外參照都指揮等官趙輔等俱係坐營官員一應事務俱係各官主張比先徇情作弊欺公玩法將在逃軍人王受兒等聽囑違例擅收在營不曾問罪卽今各軍亦未審有無因被本部奏發提問懼怕法司問出真情一向不服提解今又自不出名左使指

三公奏議卷八

聖

揮王震等連名陳奏意在乘機脫免以遂姦計似此舞文欺罔阻壞軍法難以容恕及照先次放班回還官員指揮夏正先因帶領軍士不到揆解軍數不完本部奏奉聖旨提問延今日久其坐營都督衛穎等公然不行提解亦欲倣趙輔等左使下人捏詞妄奏脫免況國家重務莫先於兵人之生死實繫乎將必使將帥竭忠盡誠然後軍士輸心効力先前土木之敗皆因平昔將帥之姦欺威令之不立賣放軍人者以爲尋常墮廢軍政者恬不加意以致虜寇得計我師挫衄今放班回還將帶去官軍不肯回京該補官軍又不足數及致參奏擊問又復方命故違萬一倣倣成風則一次放班一次

軍少積弊既久又復如前非惟緩急之際有誤調用抑且軍政不立壞事非輕及二次放班回還官員亦有欠少軍數多者因見前班誤事官員不服提問亦皆互相效尤全不整理其帶去并該補軍士爲見圍營操練以備出哨俱各畏懼征操通同回班官員躲避不出其把總都督等官並不比併追究亦不參奏查明止是調弄虛文苟延度日平居如此遇警可知臣等猥以菲才叨典兵政竊惟今日之事正當申明軍令期收方來之效豈可因循苟且仍蹈前日之轍今趙輔等不改前非仍復作弊若不提問懲治無以警戒眾人除指揮等官王震等若干員照依欽依事理任提外其坐營官不過三四員必須通提問罪以懲一戒百合將坐營都指揮趙輔等并各都司衛所放班赴京違限及揆究官軍不完官員行移該府轉行該營令總兵把總等官逐一查究送部轉送法司問罪及將第二次放班各軍官員一體參奏擊問如不欠軍者不許一概朦朧奏提如若仍前懷姦展轉日久不卽提解通同捏詞妄奏將該管總兵等官一體參奏擊問不許姦詐小人市恩一己歸怨他人以誤大計庶使姦頑知懼法令昭明兵備不致廢弛緩急不致誤事便益緣節該奉欽依兵部知道事理具題景泰二年五月二十八日奉聖旨是趙輔等送刑部問欽此

三公奏議卷八

聖

四員必須通提問罪以懲一戒百合將坐營都指揮趙輔等并各都司衛所放班赴京違限及揆究官軍不完官員行移該府轉行該營令總兵把總等官逐一查究送部轉送法司問罪及將第二次放班各軍官員一體參奏擊問如不欠軍者不許一概朦朧奏提如若仍前懷姦展轉日久不卽提解通同捏詞妄奏將該管總兵等官一體參奏擊問不許姦詐小人市恩一己歸怨他人以誤大計庶使姦頑知懼法令昭明兵備不致廢弛緩急不致誤事便益緣節該奉欽依兵部知道事理具題景泰二年五月二十八日奉聖旨是趙輔等送刑部問欽此

兵部爲防患事切照福建浙江湖廣貴州廣東等處地方近年以來爲因旱澇相仍民多艱窘有司不才官吏不能盡心撫綏卻乃生事逼迫以致盜賊竊發良善被害上于宸慮勞師遠征天心助順將士効力所在寇盜以次削平各處地方漸就寧謐此誠國家萬萬年太平之慶臣等切惟大易有思患預防之言虞書著儆戒無虞之訓是以古之聖帝明王制治保邦之心未必不先事而慮今朝廷凡一應軍需財用糧餉物料大率取辦江南軍民償運供給當此賊寇頗寧人心甫定之際所宜維新命令以防患於未萌看得湖廣貴州苗蠻多係巢居穴處其性頑獷易動難安其靖州曾定等處餘寇

未盡窮除福建浙江多係山深林密去處爲

產有銀

礦頑民往往尋蹤竊取稍失防閑輒便仇殺近雖温州等處地方各起盜賊已曾擒獲千連鈔提人口該鎮守官侍郎孫原貞具奏要行寬宥本部依擬覆奏欽准免其鈔提令其復業誠恐舊染未除驚疑未定因爭小利復起釁端又兼原調殺賊軍屬多已散回各衛各班捕盜領軍官員亦有取回原任者萬一不逞之徒踵爲嘯聚重復議說方略征討轉餉撫捕不免事出倉卒人愈勞困雖皇上聖德遠被萬方決無此虞然防微杜漸不可不慮近雖節有欽奉詔書事例并本部行移各處鎮守等官令其隨宜招撫叛寇慰安軍民未免循常不能

筭眾合無請給聖旨榜文本部差官舍人等分投馳驛齋與湖廣貴州廣東廣西福建浙江等處總督提督軍務及鎮守等項尙書都御史侍郎等官薛希璉王來孫原貞李棠孟鑑寇深李匡等令其各爲膽寫有總兵官去處用總兵官印無總兵官處用所在本布政司印於各府州縣土官衙門去處張掛曉諭軍民番夷頭目人等爾等先前或爲不才有司激變或爲豪右大富凌逼或土官以恃暴橫不能撫恤或守臣不得其人播擾或爲賊黨哄誘或爲賊人虜掠不得已從賊爲非今賊首多被官軍擒獲爾等有革心改過復還鄉里者亦有陽爲順附陰持譎計者且爾等自從祖父以來受國家恩

養將及百年祖宗墳塋父母妻子完聚保守足以衣食

爲良民久矣今一旦舍順從逆去安就危其所以不爲

官軍殺獲幸矣自今益思保全之計輸誠順附各安其業朝廷體天地好生之心廣一視同仁之量前罪俱置不問其享太平之福永永無害若或陰恃譎計竄遁山林圖爲目前之謀不顧後日之禍則必命將出師設法擒獲首從必殺無赦悔將何及爾等雖一介編氓或生蠻種然好生惡死人之常情趨吉避凶世之通論爾等不可不審死生吉凶之理其各司府州縣宜慰宜撫長官司等衙門官員自茲以往亦宜洗心滌慮奉公守法撫愛下人不許貪婪酷暴肆爲凌虐以致激變小民重

貽後患如若仍前有違一體處以重罪如此庶可以安反側之心而消意外之患本部仍通行薛希璉王來孫原貞孟鑑李棠寇深李匡等令其公同彼處鎮守總兵等項內外官員及巡按御史都布按三司堂上官員從長計議陳設方略何處殺賊十分盡絕何處賊寇尙未平安何處軍馬可以散回何處官軍宜暫守備何方可以絕後日之患何策可以爲經久之計備將議過防患方略逐一具由差人馳奏以憑定奪不許因循苟且虛飾繁文自貽方來之患緣係邊患事理具題景泰二年五月三十日奉聖旨是欽此

于公奏議卷八

樂

代州緣事爲民前布政使弋謙題臣聞兵者國之大事社稷安危民命死生之所繫故自古興師動眾必審擇將焉夫將有名有實所謂有名如李廣李陵輩卒無成功是也所謂有實如李牧趙充國輩卒建偉勳是也故任將之道貴用其實不貴用其名耳曩者胡虜入寇王師應之始則失律喪眾以致辱及萬乘之尊終則聽賊按轡長驅直犯都邑喋血神京震驚寢廟繼而縱賊肆行剽掠殘害生靈欲東卽東欲西卽西窮凶極暴如蹈無人之境我師竟無一捷少挫其鋒以報君讐以雪國恥者正由擇而不審用之不以其實故也況賊酋也先乃實大盜向旣大得志而歸勢必復來欺侮此來人馬

必眾必有覬覦中原之心亦非前日之比而我當國謀臣至今將帥不聞有智愚之別兵馬不知有簡募之方觀其聖山塞谷等項設法乃皆兵中之末務殆非所以安邊固國強兵禦寇之要策也朝廷若不早爲令圖一新威武止靠舊日虛名文字虛名武備玩愒日月誠恐一旦禍臨卒難收救致誤祖宗天下蒼生性命其事非小今若得安邊固國強兵禦寇必先推選良將將得其人以守則固以攻則取以戰則克又何患外侮之憑陵我績之弗集耶聖朝堂堂天下智謀良將應多但臣居田里莫能周知其所知者獨前成山侯王通龍門衛致仕指揮甯懋眞定府同知阮遷干此三人者籌策鴻博

于公奏議卷八

樂

慣經大戰臣今指其實略陳之昔交趾黎賊有二大將名黎多黎善其冥頑凶狠無異也先作耗年久前後所陷官軍不可勝數宣德元年推王通總兵征討初值地利不便亦大敗嗣王通身中重鎗獨以一騎僅免到城并陷參贊尙書陳洽於陣前次日賊眾圍城城中人期一死無復生望此時出榜招募一應軍士迄得數千之眾分爲三軍內選精銳三千王通統率教演旣熟遂出師擊賊一戰斬黎多再戰生擒黎善自是大戰大勝小戰小勝賊眾殺死垂盡賊徒死者僵屍蔽野生者悉推落江江水爲之不流兵法口有制之兵一能當百於斯信矣厥後賊人不敢過江出戰止在江岸堅壁拒守遣

大頭目告云願照洪武舊制年年進貢歲歲稱臣乞總兵官照依初克交陞舊制班師比先又見安遠侯柳升所統援兵全軍覆沒王通遂會官議曰交蠻負固恃險叛服不常每遇調兵動輒數萬不應以此稍末無益之地致累根本空虛儻值中原四方有事將何應用此地決可棄不可守各官依允班師退出此王通所以棄地之心耳王通誠當今忠良儒將每遇敵臨陣輒忘身家有進死之榮無退生之辱矧累隨太宗皇帝征進迤北太宗嘗叮囑教誨破胡祕計使之熟記在心以爲中國制禦之長策前歲因臣到京建言舉保王通爲將本官亦將所得祕計畫成圖本奏乞朝廷納用欲就與臣等

于公奏議卷八

聖

共計勦賊時臣獲見圖本其妙盡藏於陣勢於我兵勇者不能獨進怯者不能獨退於彼敵無鋒不摧無堅不破眞祕計也不期秉政重臣不悅王通并臣所奏兼惡王通爲人高傲又見議論立異不合已意遂睽乖觚觚有同矛盾不惟不肯奏保王通且反陽薦陰擠著令王通修守山陵而已使聖上徒有求言之名而無納言之實病國病民莫此爲甚臣嘗怪戰國文武羣臣不相協和不能遜賢讓能妄以智詐相稱往往而致禍敗者夥矣不料昭代臣僚亦有此弊良可悲歎近聞朝廷下求禦寇安邊的確謀計誠當時之急務也如蒙聽臣猥見選調在京精銳馬步官軍八萬命王通甯懋阮遷干及

其所舉將帥公同統率前去宣府大同會同總兵官郭登等各城并操備官軍數內再選精銳馬步四萬共轄一十二萬俱作戰陣郭登等提督其餘官軍專一守城若遇機會亦聽出城討賊王通提督戰隊專一戰伐臣知王通甯懋等於軍旅有簡閱之方有訓練之法有獎勵之術行之有紀律出之有正奇號令必嚴賞罰必信緩則五月急則三月應見武備大飭軍威大振於是國家可得倚仗農業可得耕獲糧餉可得轉輸遐邇人情亦得賴之寧帖而不搖矣一朝有警卽於近城水草便利地方緊要去處安下野營兼有太宗皇帝破胡陲法遏止醜賊人馬當戰則戰當持則持使不得深入腹

于公奏議卷八

聖

裏因糧藉食彼孤軍懸入食必不繼久必饑疲我乘其弊則殲殄醜類而收萬全之功矣我算既定我武旣備彼若仍挾勢驕恣詭以進貢要我貨財初至姑可待之以禮撫之以恩曉之以尊卑示之以禍福如至再三再四要求無厭當止其進貢絕其和好或猶不聽恃強愚弄宜將差來徒黨不問眾寡盡數斷其右臂割其耳鼻放回明報也先速來交戰使賊一戰之頃嘗其陣味知其兵力則必震懼遁去苟北狄一破摧挫遁去而南方一切草寇聞知朝廷兵威之重亦從此而自消釋不敢作亂必矣若王通甯懋阮遷干蒙命受任之後不能耀武揚威建立控制戡定之功臣願當萬死之刑仰謝詎



君之罪或曰王通領軍三月久無功其能安在夫善為將者不貪小利不邀成功泥大將當大受不可小知又恐敵卒殘兵不堪調用豈可遽以此而疵之也臣於此一事其言屢獻而不止者絕無希求進用之心特切念今日朝野臣子有如同舟共濟中遭大風巨浪必合盡其心竭其力庶幾渡此危險否則一至舟沒俱為水中之鬼此臣所以為國之誠耳至於邊儲充足之事除常賦稅外宜倣漢文拜官入粟塞下故事臣於前歲題本內已詳言之矣伏望皇上御覽之下乞敕五府六部都察院大理寺翰林院六科給事中共議儻將臣言不致似前棄寢採納施行則宗社幸甚德兆幸甚具題該

于公奏議卷八

聖

通政使司官奏奉聖旨醜虜犯京師比時也任用王通不見他有謀勇者後多官議山陵緊要去處著他鎮守任使非輕今這廝說擠著去修守又他所舉的人為智朝廷所用的人為愚若要十二萬人守大同其餘邊陲得幾萬人馬備禦兵部通看了來說欽此欽遵鈔出到部除奏要拜官入粟行移戶部另行外查得先該弋謙奏稱要起調官軍六萬員名令都督王通等統領令伊白身參贊分為三路約期會合撲搗虜營等因該本部會官議得虜寇也先侵犯邊境逼擾京畿上貽九重之憂下為萬姓之害所宜發兵勦滅以復不共戴天之仇但以兵家之事必多算而後勝為國之道先治內而攘

外今畿甸及中原地方自寇擾以後民失農業公私匱乏京師帑藏之儲積有限官軍之費用無窮而各處邊境地方糧草俱無蓄積萬一調發人馬供餉從何而來非徒誕漫無實而難行抑恐輕易舉動而壞事及照王通先在交趾鎮守失機誤事捐棄地方犯該死罪欽蒙宥死黜罷為民近蒙聖恩陞授都督同知率領官軍在於天壽山鎮守修理關隘達人在驢鞍嶺地方剽掠正係本官提督去處卻乃全無謀勇致賊殺死官軍并弋謙先任交趾布政使與王通共守一城不能運謀設策棄城捐地辱國喪師亦係宥死罷歸為民人數既往之事如此方來之事可知古人所謂敗軍之將不可以言

于公奏議卷八

聖

勇者其王通弋謙之謂也比因言者屢薦弋謙可用皇上聖明真知灼見先奉令旨不准又奉聖旨弋謙既為民了罷欽此除欽遵外今又自薦以白身贊王通軍務中閒顯有徇情妄舉情由難以准理等因具題各官奉聖旨是欽此除欽遵外今弋謙又奏稱王通先在交趾議以為交蠻負固恃險叛服不常不應以此稍末無益之地致累根本空虛此地決可棄不可守各官依允班師退出王通誠當今忠良儒將熟記破虜秘計卻除擠著令修守山陵一節臣等切照交趾地方永樂初年太宗文皇帝命將討平置立郡縣後因黎賊叛逆王通掌握重兵圖復故地既有弋謙等在於軍門計議軍務所

宜竭忠盡誠効力死守雖或城陷身斃猶全忠義之節  
各官計不出此顧乃不由君命擅棄城池挫朝廷之威  
遺蠻貊之笑而弋謙正主謀同惡之人顧謂此地決可  
棄而不可守因而班師退出使王通弋謙爲將而守近  
畿萬一遇敵窮迫亦謂不可守而棄之乎人臣之義抑  
又何在苟如所言則張巡許遠之死節睢陽蓋有不足  
取者強辯不忠莫此爲甚彼時各人雖置極刑猶有餘  
罪朝廷特降恩典宥死爲民邇因虜寇之猖獗正當用  
人而匡濟欽命王通陞都督同知令其守城禦寇旣無  
驍勇又無智謀及在西直門外因是賊情緊急遂往寺  
中竊宿不敢一出京城此時有目者所共見以後事定

千公奏議卷八

七

令去天壽山鎮守夫以宥死之編氓驟進都督之顯宦  
復命統領官軍守備山陵重地禮遇渥厚任用非輕今  
弋謙所言如此緣鎮守天壽山之命由於內官武良之  
舉未審何人陰擠臣等不曉其由其稱要選調官軍八  
萬令王通甯懋阮遷干統領并宣府大同總兵官處官  
軍再選四萬共一十二萬專在大同討賊一節查得近  
該宣府等處總兵等官節次奏報賊寇聲息本部已經  
議奏欽命武清侯石亨充總兵官都督孫鏗范廣過興  
張義充左右副總兵參將各營揀選官軍六萬員名團  
營操練及令都督石彪雷通充遊擊將軍另操精銳馬  
隊官軍六千聽候策應宣府都督劉深另選三千策應

遼東并宣府大同等處邊方城池所有軍馬俱係原先  
派定各守本城遇警聽總兵官調度已定況脫脫不花  
也先節次遣人赴京朝貢請和不曾糾眾侵犯邊境卽  
日又係炎熱時月邊儲儲價運不敷若便命將出師討賊  
非惟士眾困倦難於成功抑且京師重地缺人防護合  
無候虜人果有釁隙可乘各邊糧草足備另行計議大  
舉以復前日之仇其言要將虜使斷臂割耳等因乃彼  
小丈夫之事而非爲國大體所言難准臣又看得弋謙  
奏內所言秉政重臣不悅王通及病國病民莫此爲甚  
等因雖不明言爲誰臣等實掌兵政意在指臣爲詞切  
念臣本以書生叨膺重寄旣居保傅之官又兼六卿之

千公奏議卷八

七

任加以總督軍務而才器不逾於常人聲望弗協於輿  
論屢嘗懇辭未賜俞允茲當多事之秋正係更賢之日  
苟復日昧貪榮不知紀極萬一有誤大計萬死莫贖弋  
謙所言激切反覆不置必有所見而各營總兵等官武  
清侯石亨等雖係任用既久事無過舉屢効勤勞而弋  
謙亦謂將無智愚之別兵無操練之方中含不足臣觀  
弋謙之意必欲用王通及已臣等所言王通弋謙之事  
但因其既往而逆其方來尤恐王通等別有奇謀異見  
非臣所能窺測不可有妨賢路合無將王通甯懋阮遷  
干量爲陞授就令王通石亨等官掌管前項團操軍馬  
及將弋謙亦量陞職代臣總督軍馬令各官務在展布

平昔抱負措置匡濟艱難不可又如臣等愚昧無知虛  
文應用惟望復臣右侍郎舊職佐理部事及兼管操練  
遇警隨軍殺賊以圖補報庶幾合眾論之公愜天下之  
望臣明受國恩至深至重所宜盡死豈敢辭難但輿論  
不容兼且恐誤軍國重計以獲罪於身家以獲罪於天  
下後世以獲罪於天地鬼神以此昧死于瀆天聽緣節  
奉欽依兵部通看了來說事理具題景泰二年六月初  
二日奉聖旨弋謙言不顧行自己已有過卻說他人既先  
辱國喪師不可復用王通仍舊鎮守山陵甯懋阮遷干  
著跟石亨團操但有聲息調當先殺賊有功一體陞賞  
其餘的事不必論欽此

于公奏議卷八

少保于公奏議卷八終

少保于公奏議卷之九

雜行類

兵部爲西番劫殺人命事兵科鈔出鎮守西寧陝西行都司都指揮僉事汪清奏准本司咨奉右軍都督府勘合准兵部咨呈內府鈔出鎮守西寧內官保受等奏景泰二年十二月十五日據西寧衛管下隆卜簇已故千戶鎮南兒加下舍人革古牙等齋西番文書前事專差舍人田傑齋本具奏該本部官欽奉聖旨兵部知道欽此又該鎮守西寧都指揮僉事汪清亦奏前事通鈔到部查得先該鎮守西寧內官保受等奏稱河州衛管的黑師哈卜一枝頭目星吉做强盜搶殺隆卜簇人畜等

于公奏議卷九

因其題鈔出已經覆奏行移河州都指揮同知蔣斌等差人撫諭設法整治若果輸情服罪照依西番體例倍償若生拗不服令該簇頭目擒拏監候奏請發落續該鎮守陝西興安侯徐亨奏稱不見賊人星吉到官招認故差指揮一員量帶官軍會同西寧衛委官前去該簇撫諭如是不服設法擒拏等因具題鈔出又經行移鎮守陝西左都御史陳鑑再行會議若無違礙就便依擬施行如是別有良法宜從處置去後今鈔前因參照所奏係干夷情若不作急處置停當誠恐各該番簇互相糾集扇動爲非重貽地方之患未便合無照依所奏令該府差人馳驛齋文與陳鑑同鎮守河州都指揮同知

蔣斌并鎮守西寧都指揮僉事汪清公同內官保受等查照原今所奏選差諳曉夷情的當官員量帶人馬前去該簇宣明朝廷恩威諭以利害禍福使其感悔革非輸情服罪將原搶頭畜依西番體照數歸還令其各安生業不許再起釁端互相讐殺如是執迷不服冥頑梗化差去官員整搦士馬遙振軍威著落該簇頭目運謀設策擒拏務在目下得獲監候星馳具奏既不許視常怠忽縱惡長姦亦不許輕率苟且致有激變如或處置乖方遷延推調以貽後患罪有所歸本部官具題奉聖旨是欽此欽遵通行到臣參照國師洛羅黑巴刺麻綽荆等所奏搶殺事情另行外臣等與同內官保受等行

于公奏議卷九

委西寧衛指揮僉事甘輔呈依奉統領官軍并帶原告舍人革古牙等前去黑師簇會同鎮守河州都指揮同知蔣斌委官指揮使韓春并守備歸德州地方指揮僉事張昂著落頭目乞也失等行拘爲首番賊雄刺麻苔兒到官供稱有西寧章師簇千戶朵爾真哈兒管的番比乞引路著我們殺了百戶潘朮兒加搶了馬牛各番分用就與原告革古牙等當官面證明白輸情服罪將原搶馬牛依數賠還原主收領外其人命依西番體例各備馬二十四匹牛二十六隻甲一副虎皮一張俱交與原告革古牙等收領女兒一箇與苦主已故百戶潘朮兒加男做親謫和了當令其各安生業取具各番以後

不致互相讐殺番狀在官回呈得此案照前事已行撫  
追賠還原搶馬匹及牛隻賠償人命了當等因具奏又  
該汪清奏爲西番搶劫殺傷人命事內稱行委西寧衛  
指揮甘輔帶領原告國師洛羅黑巴刺麻綽荆舍人革  
古牙等前到黑章師箴會同鎮守河州都指揮同知蔣  
斌委官指揮使韓春等并守備歸德州指揮僉事張昂  
拘喚原認頭目巴麻怕和尚札爾吉昇番賊星吉等到  
官與原告隆卜族國師洛羅黑巴等當官面對明白有  
賊人星吉等輸情服罪將原搶馬牛羊隻依數賠還原  
主領外其人命依西番事例賠償甲二副馬一十五匹  
牛一十三隻女兒三箇與苦主刺麻綽札等弟沙多兒

千公奏議卷九

三

做親謫和了當令其各安生業就取以後不致互相讐  
殺番狀在官等因具奏該本部官俱欽奉聖旨該部知  
道欽此又該西寧鎮守內官保受等亦題前事通鈔到  
部參照所奏前因雖稱各番照依彼中體例賠償馬匹  
人口等件謫和了當取具以後不致互相讐殺番狀在  
官緣番人之性反覆不常雖已賠償服罪未必出於誠  
心若非防範合宜不免終貽後患合當隄備謹嚴庶幾  
永遠無虞合無令該府行移汪清公同保受等務在整  
飭士馬中嚴號令固守城池隄備不測仍將各番頭目  
加意撫恤於嚴厲之中寓寬恕之意務使消沮姦謀經  
久安妥不許因見各番暫時服罪遂以爲出於實心後

無他變因而怠忽不謹及縱容各該頭目生事搔擾致  
有激變再爲邊患如違罪有所歸緣係處置夷情及奉  
欽依該部知道事理具題景泰三年六月二十六日奉  
聖旨是欽此

兵部爲邊務事兵科鈔出鎮守陝西刑部右侍郎耿九  
疇題節該欽奉敕諭陝西自昔國家重地況今虜寇未  
寧邊務固所當急特命爾往彼處代左都御史陳鑑未  
奉御王莊兒長隨陳善鎮守地方操練軍馬撫安軍民  
整理邊務欽此欽遵行准鎮守陝西都察院左都御史  
陳鑑咨交卷內開西安左前後三衛并西安右護衛操  
練策應官軍舍人餘丁并有民壯中閒多係屯田單丁

千公奏議卷九

四

納糧人數照例於春首放回農種辦納稅糧子粒遇冬  
赴操外其存留軍餘舍人義勇投充等項其該三千九  
百二名常川守城操練及據陝西都司管操都指揮同  
知楊得清亦於本月初六日開報與臣手本內看得卻  
止有三千三百四十四名比與左都御史陳鑑咨內少  
報五百五十八名臣會同奉御王莊兒等前去教場點  
視於內又少三百九十一名通前共少九百四十九名  
當審據本官開稱差去打旗杆木二百五十名又差夫  
送興安侯徐亨并取討口糧事故等項一百四十一名  
其餘俱係放班之數臣查得放班係三月初一日至四  
月二十四日放去今報見操係五月初六日既稱放班

緣何不行開豁及照各衛所官員有將新軍不收月糧而私家役使者有將操軍賣放在閒而辦納月錢者或假以科差而科要盤纏或捏作逃故而冒支官糧情弊百出非止一端以致軍伍不清士卒被害追究開遇蒙赦宥仍照節該欽奉詔書內事有應改正者並須改正欽此欽遵又經責令楊得清并西安左等衛管操指揮朱榮等將未報及點名不到軍人查送改正收操於內追出擅差打木軍人二百五十名送與安侯徐亨并事故軍人一百四十一名查審改正著操外其餘五百五十八名累次追要其都指揮同知楊得清等不知改過自新仍前執稱俱係放班之數至今尙無一名到官參

于公奏議卷九

五

照楊得清膺方面之重寄享朝廷之厚祿正當披瀝肝膽竭盡忠誠以圖補報於萬一可也豈期本官心懷姦貪挾詐欺罔賣放官軍而不令操練遇蒙赦宥而不改前非所據本官及西安等衛管操指揮千百戶朱榮等俱合查提追究以警將來再照陝西係臨極邊去處營屯重兵三邊軍馬不爲不多誠恐各邊管操官員俱有此弊深爲壞法未便如蒙乞敕該部通行禁約如此則法令明而官員知戒軍伍清而守備無虞具本該通政使司官奏奉聖旨兵部知道欽此欽遵鈔出到部照得陝西正係緊要邊方內則屏蔽諸夏外則控制西陲正宜訓練官軍振揚威武以備防姦禦侮安人保邊今耿

九疇奏稱前項官軍舍餘民壯共三千九百二名都御史陳鑑以是開駁咨報耿九疇如法操練及至點開共少九百四十九名其都指揮楊得清隱下及私役五百五十八名不令赴操及至查審多方破調顯是楊得清不以軍務爲重不能守法奉公貪圖財賄賣放私役但知得利肥己不思盡心爲國况楊得清平日素無廉潔謀勇之譽曠有貪濁鬪茸之名不得軍士之心有玷方面之職兼且賣放私役數多情犯十分深重若不行提問罪非惟邊將無所懲艾而互相效尤抑且邊備日益廢弛而遇警誤事合無行移侍郎耿九疇會同巡按陝西監察御史將楊得清及西安左等衛管操指揮千百

于公奏議卷九

六

戶朱榮等通行查提究問明白楊得清監候具奏伏請聖裁降調極邊以爲貪濁害軍沮壞兵政者之戒其餘依律照例發落本部仍通行各處總兵等官將所部軍士務在盡數令其在官操練其間若有似此私役軍士剝削財物廢壞邊務者聽彼處鎮守巡撫參贊等項侍郎都御史及巡按監察御史等官指實參奏拏問如此庶使餘人知懼不敢賣放官軍邊備充實不致疏虞誤事及照與安侯徐亨比先鎮守陝西不能撫恤兵民及至取回來京又行占用軍士經今已是日久尙未改正發回似此不知廉恥阻撓軍務亦合行提問罪追要原帶回軍人前去陝西操守緣合問楊得清等係軍職徐

亭係應議官員及奉欽依兵部知道事理具題景泰三年六月二十七日奉聖旨是徐亨不問他占用軍士著退回差操欽此

兵部爲謀殺父母等事兵科鈔出右副總兵都督僉事武毅等題據鎮安府致仕土官知府岑永壽呈先娶妾梁氏生男岑元氣妻常氏玉珍撫養爲男後娶雲南府通判女農氏爲妾分居鎮安峒生男岑祖德本職因疾族目岑亮等保結長男岑元氣奏准替職管事農氏聽信閭吏呂敬刁民黃舉捏詞告舉邀人惑眾要攻城池岑元氣蒙調領兵出征回任被岑祖德趕殺上司節次委官伴送被岑永祿護印不與該府刁民農保等奏保

于公奏議卷九

七

岑祖德承襲不准發惡走回鎮安峒暗集姪岑世紹岑世祥族目岑罕黃玉等邀請交趾蒙當保樂二州黑胸擺佬并岑祖德母弟農祖參農三統領廣南府目兵并上林長官司母姨農招娘差領兵馬行劫計同目民許顯至景泰三年三月初五日岑祖德引兵到城下營九處約一萬餘徒燒毀民房屋攻破城池岑祖德等鈔取本職并男岑元氣家財綁縛本職欲害賴有委官南寧府照磨賈福等勸將本職與通判何謙家保看當被岑祖德押妻常氏玉珍至墟場親殺令家人分屍亂殺族目岑合岑通聰等三十餘名人民不知其數擄去男婦二千餘口牛馬頭畜至十三日於城中山內捉男岑

元氣孫岑壁亦將去墟場殺死分屍本職妻黃氏男婦呂氏岑祖德收姪次男岑將等不知存亡緣岑祖德不係本職血脈不該倚恃外親豪眾邀害兄弟良民霸管印信囑晚巡檢黎清起捏本職關稱岑元氣悖逆不孝占奪祖德妻常氏無蕭畏罪自縊身死將家人黃二絞死頂作元氣身屍抑逼本職舉保承襲通判何謙坐視緘默輒從僉行申達本職用計逃至田州府投生除關田州思南等府太平泗城奉護等府助兵外乞行各該府州撥兵會合殄滅岑祖德等庶得邊方寧靖等因具呈又據廣西都布按三司各呈前事查得先准右軍都督府勘合咨爲姦惡劫殺激變地方等事該太平州護

于公奏議卷九

八

印土官族等并土官知府岑元氣各奏稱被祖德謀奪官職殺害目民并將岑元氣趕逐奪印等情已經會議委駙象衛指揮沈能會同廣西都布按三司委官勘提去後及委指揮高旻伴送岑元氣回任續據指揮高旻呈稱同致仕知府岑永壽令族目人等就太平州接取知府岑元氣回府掌管印信撫治目民及岑祖德懼罪逃回舊鎮安峒潛住等因回報行聞今申前因臣會同巡撫廣西兼提督軍務刑部右侍郎李棠巡按廣西監察御史張瀾廣西都布按三司都指揮同知杜衡左布政使夏時按察使王增佑等計議得鎮安府係廣西極邊衙門與雲南交趾接壤今岑永壽呈稱岑祖德糾合



交趾及廣南等處目民殺害母兄目兵趕逐親父係干惡逆重情若便調兵會捕緣雲南交趾俱係外境地方又且廣西柳慶等府州縣卽今賊情未息官軍俱在哨守難便摘離動調除委官會同都布按三司各委官前去鎮安府撫諭本府目民各安生業不許聽人扇惑結聚爲非別行設法擒獲首惡岑祖德問罪及行雲南等處各行屬查勘鄰近鎮安府地方目民有無聽信岑祖德糾合越境生事實情回報至日另行外緣係緊要邊情具題又該武毅題稱自景泰三年三月初一日起節據桂林柳州平樂梧州潯州等府永福荔浦來賓平南等州縣節報賊寇共七十二起或二三千或一千五百

千本奏議卷九

九

三百至五七十徒攻打城池燒毀村堡殺虜男婦剽掠財畜恣蔓不息等因又該提督軍務刑部右侍郎李棠同巡按監察御史等官張瀾等題稱本年四月以來節據柳州等府羅城等縣民人黃善才等告報賊首韋公行等或二百餘徒或入百餘徒出劫民人潘道靈等家燒毀房倉殺擄男婦劫取家財牛隻等件殺人放火聲言要打州縣城池等因具題該通政使司官俱奏奉聖旨兵部知道欽此欽遵通鈔到部參照鎮安府土官知府岑永壽伊男岑祖德糾合目兵及邀請交趾蒙當保樂二州黑胸獬佬肆逞凶暴攻破府城殺害兄母趕逐親父惡逆重情已是顯著又况所集賊眾約有一萬餘

徒虜去男婦已總二千之上事體緊急邊境擾攘莫甚於此武毅等自合調度官軍躬親前去整理疾如救溺拯焚尤恐緩不及事今卻奏稱若便調兵會捕係是外境地方止是調弄紙筆欺罔朝廷略不相機設謀上緊處置失機誤事情罪顯然而近日柳州梧州潯州平樂等府各屬盜賊生發不計其數地方不寧軍民受害而各起賊徒因見總兵等官怯懦無爲肆無忌憚蜂屯蟻聚得以自由犬噬狼貪罔知紀極流毒生靈日甚一日臣等切惟土地人民實祖宗之創建總戎提督乃朝廷之重託今彼處賊情危急而各官怠忽自如若不差官體察另爲處置萬一地方失陷未免貽悔噬臍臣等訪

千本奏議卷九

十

得兩廣土人有號狼家軍者騎捷健鷲勇於戰鬪涉險履危如行平地蠻賊素所畏懼比先年閒總兵官都督韓觀山雲安遠侯柳溥在彼之時行事公道蠻夷信服以故號令易行遇有獯寇生發起調狼兵依數卽至蠻人畏其殺戮不敢輕動近年以來都督武毅侍郎李棠在彼整飭事務不能頓綱振紀輿帶疲惟務因循怠忽苟延月日而三司官員又各庸常苟且凡百處置不能合乎公論愜乎下情以致軍令不行土人不服是致各項賊寇互相扇動侵擾地方攻圍城池殺害人民擄掠男婦剽掠財畜燒毀房倉數年以來卒無寧歲而今歲比之往年則地方無處而寧軍民無時而安不能擒

一賊徒斬一賊級惟見奏報聲息乞調官軍總戎守土之官所爲若此地方軍民之倚果何賴焉今事體危急頗甚合當以夷攻夷合無請敕差錦衣衛能幹頭目同有風力御史各一員馳驛前去廣西密切體察所屬地方賊情動靜何似及武毅李棠有無總兵提督之才處置一應事務曾無從公盡心區畫其土官衙門狼兵如果應合調動就同武毅李棠等計議處置或度量該管土官署職量與賞勞激勸可調狼兵若干就將武毅等堪否任用及起調狼兵緣由具實回奏以憑定奪若兩廣地方賊寇俱各猖獗而兩處總戎之官互相頡頏行事矛盾不能成功合用文職或武職大臣一員總督其事

于公奏議卷九

十一

事提綱挈領節制兩處軍馬併力勦除賊寇亦須奏來處置務在勘議明白不許朦朧誤事仍請敕武毅李棠公同巡按監察御史都布按三司堂上官整擗官軍躬親統率前去鎮安府地方將賊子岑祖德設法擒獲解京其有同惡之人聚集未退務在宣明朝廷恩威以謂岑祖德謀爲大逆殺害兄弟首惡在伊爾等被其誘惑而來能將岑祖德送出軍前爾等卽是無罪良民各還本土保全身家如或恃惡不悛不肯退散度其氣勢必須用兵宜從各官勦兵勦捕仍行附近安南地方軍衛有司及守備等官一體嚴加哨守毋縱外寇入境務俾計出萬全事無一失不許纖毫怠忽輕率無謀致誤事

機及中賊計重爲後患仍令李棠體勘通判何謙有無通同坐視妄行申達情由明白通行會奏本部仍行廣東湖廣將應調廣西守備官軍上緊發遣不許遲滯及行都督董興作急領軍前來廣西地方會合殺賊毋得託故逗遛失機誤事自取重罪緣係處置賊情及奉欽依兵部知道事理具題景泰三年七月初二日奉聖旨是欽此

兵部爲預防邊患事吏科鈔出太子少師兼吏部左侍郎翰林院學士江淵題臣聞自古帝王之禦外侮消邊患其要有三在臨之以威撫之以恩而防之有備而已三者之中必有一焉而後吾之治具有可恃而邊境雖

于公奏議卷九

十一

虞不足憂矣傳曰凡事豫則立况於禦暴保民有國之重務也哉臣切見四川爲國家西南要藩近年因征討麓川貴州民困於轉輸兵疲於戰伐其近邊諸夷如董卜韓胡地廣人眾自洪武永樂以來生息至今又復吞併雜谷地方勢益強盛游謀不軌雖有進貢之使絡繹不絕其實假此窺我邊境道路以俟事變况今雲南貴州賊勢未甚寧帖儻一旦變詐諸夷聞風與彼聲勢相應其患尤爲難制今旣未暇加之以威撫之以恩若不豫飭邊備而欲坐使蠻夷帖服終保無虞不可得矣且加松茂等州天全六番等夷當其要衝已有侍郎羅綺鎮守其建昌寧番等處當其腹背先差大理寺少卿張

固鎮守取回見有都督徐海在彼年久謀勇有爲蠻夷信服緣未奉敕鎮守軍衛不相統屬誠恐有警不服調遣誤事非小伏望俯念遠民豫修邊備乞命該部會官計議將在彼巡撫等項官員無益而有損於民者取回別用仍於在京大小官員內推選曾經軍旅通曉邊境事情者一員前去專一往來提督修理城池完繕器甲整擄軍馬仍請敕與侍郎羅綺并都督徐海令謹守信地增修武備遇警則彼此相援使諸夷知我內外有備動輒首尾腹背皆受其敵如此必能消其悖逆之心庶幾邊境永寧民安生業誠保邦禦侮之要也臣生長蜀地深知彼處邊境利病不敢緘默具題奉聖旨朕常懷

千公奏議卷九

七

西蜀地方未曾十分寧息蠻夷反覆之情未能信服今江淵又言此事正合其理該部便計議鎮守巡撫之官務要得人無益官員取回別用務在事安民安欽此欽遵鈔出到部參照江淵所言係干邊方重事既稱要請敕侍郎羅綺都督徐海令其謹守信地增添武備遇警相援以消外寇悖逆之患又稱令該部計議將在彼巡撫等項官員無益而有損於民者取回別用仍於在京大小官員內推選曾經軍旅通曉邊境事情者一員前去往來提督修理城池整擄軍馬等因獨不言及巡撫左僉都御史李匡顯是李匡合當取回臣等看得太僕寺卿李賓剛正有爲堪任重寄兵部郎中林闕歷練老

成曾經軍旅合無請旨於各官內將一員陞改憲職請敕令去更替李匡巡撫四川撫恤軍民整飭邊備務在持廉秉公盡心効力痛革宿弊以安眾心俾下人各得其所外寇不敢侵擾違者治以重罪其李匡取回吏部奏請定奪惟復止將李匡取回令見在彼鎮守內臣并羅綺及巡按御史三司官員整理一應事務不必另差官員前去未敢擅便定奪伏乞聖裁仍依擬請敕二道與羅綺徐海各要用心謹守地方上緊操練軍馬內則保庇兵民外則隄防夷寇務在有備無患不許怠忽疏虞緣係處置邊務及選推取回官員事理未敢擅便具題景泰三年七月初三日奉聖旨是李匡無益取回送

千公奏議卷九

八

吏部別用再不必差官欽此兵部爲欽依事兵科鈔出朝鮮國權署國事李弘暉奏景泰三年五月初三日陪臣安完慶齋捧到教諭節該前敕所言拒絕野人女直不許容留一節尤須謹守今後如再有被擄去漢人在王國邊境者仍須差人管送前來尤見忠誠欽此臣先父珣未及回奏不幸薨逝臣切照所有野人女直本國內不曾容留矧今累降教諭聖訓切至臣尤當欽依謹守在先被擄漢人逃至邊境隨到隨解不敢稽緩今次又將被虜逃來男子王教化婦女尙赤哥等共二十九名口解赴遼東都司交割今後如再有被虜漢人逃到邊境臣安敢稽留謹當欽遵

敕旨施行具奏該本部官欽奉聖旨兵部知道欽此欽  
遵鈔出到部參照前事既已將被虜男婦王教化等二  
十九名口解赴遼東交割別無定奪合無請敕就令本  
國差來朝貢使臣齋回朝鮮國獎諭權署國事李弘暉  
嘉其能繼先志保障藩維効順中國不肯容納外夷之  
人又能將我邊原先被虜去人口送出軍前具悉忠誠  
特加旌異自今以後宜益勵臣節恪遵朝命凡外夷部  
落永遠不許侵擾中國被搶逃來男婦多寡必須送還  
以答朝廷禮遇之意以守先王臣順之道如此庶可以  
慰遠人之心而為保邊之助緣係請敕獎諭外夷并奉  
欽依兵部知道事理具題景泰三年七月初十日奉聖

于公奏議卷九

五

旨是欽此

兵部為乞恩事內府鈔出靖江王奏自永樂二十一年  
廣西都司來啟蠻人出沒討軍截殺本府差官奏奉皇  
太子令旨量撥與他後撥官軍八百一十六員名逐年  
征進累次輾補逃亡事故官軍數多不絕至正統十四  
年總兵官柳溥具奏正統五年五月初五日欽差錦衣  
衛舍人李旺齋書諭臣先選精銳官軍五百員名赴總  
兵官處聽調再選五百員名聽候朕念王府使令不可  
缺人且留在府遇警急調用欽此除欽遵外調撥餘丁  
五百員名在府聽候其柳溥皆作警急一槩調用後因  
官軍各告衣巾損壞臣具奏比依湖廣廣東事例更換

回衛輪班已蒙聖恩准臣所奏分為兩班一年一換至  
景泰元年都督田真劄付護衛言稱蠻人滋蔓奏准南  
班俱調不論已被蠻賊殺死官軍數多臣已經開奏明  
降景泰三年九月內劄付送前班已故指揮曹福原領  
官校到衛臣就點看實在三百六十六員名內中亦在  
征傷不堪之數虧折事故一百八十六員名景泰三年  
三月內劄取更替臣選官軍一百八十六員名輪補去  
訖本年五月內二班已故指揮許正等官軍臣親逐一  
點視止有見在百戶吉慶旗軍二百八員在逃四十五  
名其餘傷故官軍二百八十九員名臣思若不備情具  
奏查得前項虧折已將護衛官軍盡數撥補去後又發

于公奏議卷九

六

回二班官軍除另行跟捉原逃旗軍聽候外若後輪班  
惟復移文仍要索補虧折之數委的缺少臨期無軍完  
轉不無累煩聖德臣思比先奏准一年一換今將兩班  
輪作三箇月替換越致累損繁難切見護衛官軍先於  
永樂年間全伍調征交趾并到今逐年差征廣西地方  
事故亡絕數多餘存不堪數少亦有匠人造辦應貢表  
箋箱鞍馬匹什物如蒙准奏伏望皇上篤念親親隆厚  
哀憐臣遠在屏藩孤寫艱難委將護衛官軍盡數撥補  
前班去後乞賜人匠造辦表箋等項及宥免後補事故  
官軍飭依奏准一年一換輪班事例寬恕便益實為感  
恩之至為此具本專差內官吉慶親齋具奏又該靖江

王亦奏前事內稱伏望叔母上聖皇太后叔母皇太后篤念親親隆厚哀憐乞賜人匠造辦表箋等項有免後補事故官軍仍依一年一換輪班事例等因該本部官俱欽奉聖旨兵部知道欽此欽遵通鈔到部參照奏稱要將前項護衛官軍有免事故不補并要一年一換輪班一節照得前項官軍先因彼處賊盜生發官軍調遣不敷欽蒙選出聽總兵官調度殺賊設若賊寇平安地方無事自當發回原衛奈因連年賊盜不息人畜累被剽掠地方受害不可勝言若非前項官軍協同撫捕則總兵等官憑何調遣又况軍衛之設正所以保障城池殄除盜賊王府所在之處蠻賊竊發縱使調用前項護

千公奏議卷九

七

衛官軍亦是保護王國若是地方擾攘則王國何由得安兼且廣西地方軍衛連年征調不息軍士彫耗數多惟護衛官軍平日差遣數少什物頗為完具若依所奏事故者免其撥補三箇月輪替者仍作一年則是事體勞逸不均別衛愈加靠損徒有其名而無其實軍士日加消耗機務日益廢弛其貽後患實非細故所奏難准合無行移總督兩廣太子太保兼左都御史王翱副總兵署都督僉事陳旺令其到彼將先次選出軍方仍要三箇月替換聽總兵等官調度殺賊中閒若有事故等項令原衛揆究精壯之人照數撥補不許故違有誤軍務候地方賊情十分寧靖另行定奪再照各處王府設

置長史紀善件讀教授職專輔導親王繩愆糾繆而王府一應施行事務皆有定法為各官者豈不知朝廷萬機皆斷自聖衷明見萬里今以輪操官軍一事之微輒敢奏稱伏望叔母上聖皇太后非惟乖違舊制抑且瀆亂朝經詳其所由蓋是本府長史紀善件讀教授不能盡心輔導及護衛指揮并首領官員意圖占愆官軍故行撥置煩瀆以致行事乖方有失大體及本府累次為因細故訐奏總兵巡撫巡按等官及行勘問事多不實顯是輔導隨侍不得其人以致事體紛擾上干天聽合無行移都察院轉行巡按廣西監察御史將靖江王府長史紀善件讀教授并護衛指揮及首領官照名查提

千公奏議卷九

六

問擬明白監侯奏請發落本部仍行廣西都司轉行護衛將前項官軍照舊三箇月更換事故撥軍補替不許仍前展轉遲誤緣係參問王府官員并奉欽依兵部知道事理景泰三年七月十七日奉聖旨王府官員都不問護衛官軍照舊三箇月更換再展轉誤事不饒欽此兵部為邊務事准提督軍務都察院左副都御史年富咨准征西前將軍鎮守大同總兵官定襄伯郭登手本准後軍都督府備兵部咨該當爵等題有玉林衛千戶楊增長懼備邊詐給文引在京潛住等因本部官奏准行查千戶楊增於何年月日給到順天府文引在外并將本官來歷緣由籍貫明白回報等因移咨行據大同

右等衛管操都指揮王諄等備玉林衛呈該左千戶所  
申准本所正千戶楊增關景泰三年四月初三日有武  
清侯石亨下舍人石傑前來大同右衛取討遺下帳房  
本舍言說你跟我去是增赴鎮守少監韋力轉處告知  
跟同過關將帳房交與武清侯石亨外當跟舍人石鐸  
過關回衛在隊差操並不曾給到順天府文引在外幹  
事取具本官親供腳色繳報到爵參照楊增供係山西  
平陽府曲沃縣景明里人洪武二十五年有父楊海抽  
出充玉林衛左所百戶姚諒下總甲宣德元年病故將  
增補役仍充總甲正統十四年四月內跟總兵官石亨  
巡哨至黑峪口殺賊有功陞總旗本年九月內蒙總兵

于公奏議卷九

九

官武清侯石亨奏准調取官軍指揮毛永等赴京操練  
行至定州殺賊有功陞試百戶後該指揮石彪奏定州  
地方兵村殺賊有功陞實授百戶景泰元年二月內蒙  
放回原衛操守本年五月內跟隨參將等官許貴等出  
城殺賊有功陞副千戶本年七月內又跟許貴等出城  
殺賊有功陞正千戶為照楊增伊父楊海於洪武二十  
五年抽充總甲至宣德元年病故楊增補役未審楊海  
因何數十餘年不行併鎗奉何處明文充總甲其楊增  
既補前役又因何二十餘年亦不保送併鎗及楊增赴  
京往來若無文引豈能過關中間顯有姦詐又經駁查  
去後續據都指揮王諄等備玉林衛呈該左千戶所申

准正千戶楊增關有父楊海於前項年月抽充本衛所  
軍病故將增補役有故父遺言洪武年間係總甲因黑  
峪口有功不合聽父遺言報作總甲陞授委跟舍人石  
傑等往來過關並無給到順天府文引及行查楊增父  
楊海委係先充軍役是實除另行改正外具衛所官吏  
保給回報等因參照千戶楊增原係軍身妄報總甲冒  
陞總旗又係邊衛軍役官員不行操守夾帶過關在京  
潛住衛所官吏明知楊增詐冒陞授亦不舉行改正及  
至行查卻又串同朦朧回報方稱另行覓舉似此夤緣  
作弊難係犯在革前其革後不行改正俱合究問緣係  
兵部行查事理除咨後軍都督府外合用手本煩為施

于公奏議卷九

九

行准此參照楊增詐作總旗歷陞正千戶不行在衛差  
操卻乃跟隨舍人石鐸石傑倚恃武清侯官威往來邊  
關得以自由及至查出詐冒卻又囑託衛所官吏扶同  
回報及訪得楊增自小在武清侯家下做飯廚子並不  
曾操練當先廝殺只是許貴等因武清侯面情攬名造  
冊妄報功次冒陞前職似此詐姦百端若不重加譴責  
則賞罰不明人不知懼邊務廢弛移咨到部案查先為  
前事已經覆奏行勘去後今該前因參照楊增夤緣請  
託冒陞官職吹聲借勢越度邊關上則欺瞞朝廷下則  
阻壞邊務遇蒙大赦以後亦不明白改正并本衛官吏  
扶同朦朧結勘遇例仍前掩遮俱合查提究問合無行

移都察院轉行巡按御史將楊增并扶同保勘玉林衛  
掌印并首領官吏通行直提到官取問明白依律照例  
發落仍要查究楊增冒陞官職緣由連人送發山西行  
都司轉送本部以憑減革施行緣合問楊增等係軍職  
具題景泰二年七月二十一日奉聖旨是欽此

兵部為邊務事照得先該欽差總督軍務少保兼本部  
尙書于謙議擬奏准將法司問擬罪囚有該充軍者除  
山西發大同沿邊各衛其餘處所俱發宣府總兵官定  
奪撥龍門獨石雕鴉一帶守備續該宣府總兵官右都  
督范廣并提督獨石馬營等處都督同知孫安等節開  
龍門開平等衛發過充軍等項犯人名數到部看得其

于公奏議卷九

五

開著役者少在逃者多為照前項衛分正係緊要邊方  
合當用兵守備其前項撥去之人往往挾詐玩法私自  
逃回已經行移各該原籍官司并在京五城兵馬設法  
挨解及行居庸等關口守備官員用心盤詰近該守備  
紫荆關右都御史陶謹咨開發去修守犯人李敬等二  
十二名俱各不到本部又經奏准通行挨捕去後今照  
紫荆居庸等關俱係附近京師控制邊境喉襟之地朝  
廷差遣文武大臣率領官軍守備蓋欲阻絕賊寇鞏固  
藩籬禁革姦細辯問真偽盤詰異言異服之人以為經  
久無虞之計豈期各官全不用心迺事彼此因循月久  
以致口外衛分官軍相率逃來腹裏而發去本關人犯

亦各公然在逃不居無事之時尙且不能盤詰設使虜  
騎侵犯豈能禦侮摧鋒失機誤事必由於此原其情犯  
合當通提究問但卽目緊要防秋而各官俱係領軍官  
員若便一槩行提慮恐缺人提督倉卒之間愈加誤事  
兼且先前虜中走回之人亦往往說稱虜酋差有姦細  
之人分往迤南探聽消息言雖未委虛的事亦不可不  
備若此弊不革而口外之人互相效尤日甚一日則逃  
亡無從杜絕邊衛何由充實事關大計不可不慎合無

令該府通行各關守備都督都指揮等官公同文職大  
臣嚴督該管地方大小險隘關口守把官軍務在晝夜  
用心哨守不許似前怠忽及通同作弊將邊衛及關隘  
修守軍士容情放入腹裏躲住若有此弊宜從守備都  
督等官輕則量情懲治重則奏聞區處其有逃及二十  
人之上者連守備等官一體參提究治本部仍行都察  
院轉行各該巡關御史務要往來盡心巡察禁約防範  
毋得苟且債事致貽邊患如此庶使邊關嚴固緩急得  
濟緣係整飭邊務事理具題景泰三年七月二十一日  
奉聖旨是欽此

于公奏議卷九

五

兵部為建言事吏科鈔出少保兼太子太傅戶部尙書  
文淵閣大學士陳循等將所言事件開列具題節該奉  
聖旨該部計議停當有利於軍民卽便來說施行欽此  
欽遵鈔出到部除關給誥敕等件吏部等衙門另行外



今將南京操江一事議擬開立前件謹題請旨

計開

一操江當修武備切見南京實為國家根本重地武備不可不修其地前有大江戰守之策操江為上是以洪武年間設立濟川江淮二衛官軍專一駕使快馬船隻操習水戰以壯國威以防外侮永樂年間因建北京惟命都督等官把總練習遇有一應俱用北京之物始定輪流差撥運送當時事有所統船隻堅完加以軍夫整齊差使均平故人心悅服近年以來把總之官或因保取別用或因事故不存船隻朽爛軍夫逃亡操江之事有名無實運送官物不無有誤況濟川江淮二處軍旗

千公奏議卷九

五

多係湖廣江西等處人民中間多有親管官員作弊指以令回原籍修造為由賣放夫船經二三年不赴衛者見在夫船代當差使絡繹不絕勞逸不均不惟軍伍空缺威武不振抑且虧損官物有誤上供深為未便如蒙准言乞敕該部行令南京參贊機務等官兵部尚書徐琦宣遠伯任禮都御史張純等官計議講求操江之策仍於濟川江淮二衛中推選謀勇廉勤能幹指揮或都指揮一員專一把總操江修理船隻整飭軍務庶責有所歸供應不致誤事威武振揚根本安固

前件看得南京實為祖宗根本之地東南總會之所比先年開設置江淮濟川二衛官軍駕使快馬船隻

蓋欲操習水戰以為防姦禦侮之計後因北京供應繁夥及貴州等處運送賞賜等件以此摘撥船隻往來裝運近因邊務方殷南方未靖本部節次奏請敕及行移南京守備等官整飭武備凡一應軍馬器械等件必須用心提督有備無虞今稱前項衛分船隻朽爛軍夫逃亡操江之事有名無實多有弊將駕船之人賣放回還原籍此蓋各官因循作弊不思興利除弊以經久治安之計今陳循等要令南京參贊機務等官講求操江之策誠為當務之急合無照依所奏行移南京兵部會同守備宣遠伯任禮都御史張純等從長計議前項官軍船隻若何區畫可使宿弊

千公奏議卷九

五

盡除而人船齊整有何方略可使武備修舉而緩急得濟其操江官軍必須嚴加提督常川巡視俾篷櫓樁桅俱各完具鎗刀弓矢無不鋒利習操舟者務知水道之順逆習接戰者務識陣勢之離合或衝突或轉關必須動合規矩事有紀律務臻實效毋事虛文若管操官員有當更換推舉者悉聽各官從公處置具奏定奪其運送官物供應正係朝廷重務亦須上緊整理隨宜處置亦不許有誤操江亦不許有妨接運毋得偏於一事輕易調動致誤國計通將議過方略其實回奏若是彼此徇徇日後因而壞事責有所歸并行南京兵部將江淮濟川二衛見管事管船提

督指揮千百戶數內但有平日貪污虐害軍人水夫及闖茸不能辦事者就便黜退令於本衛帶俸隨操各在從公查取不許徇情偏向有誤大計具題景泰三年七月二十七日奉聖旨是欽此

兵部爲流賊劫掠等事兵科鈔出巡撫廣東兵部左侍郎揭稽題據廣德守禦千戶所申景泰三年六月二十四日卯時有廣西流賊槩駕桐槽船一百餘隻賊人約有八百餘徒從封川縣流劫前來本所城外劫殺人財等因已經會調官軍前去策應截殺及會本具題外臣先任廣西布政使九年通考改調廣東今陞前職切見廣西地方桂林等七府俱係流官衙門皆有獠獍狴蠻

于公秦議卷九

羊

數種夷人散居山洞恃險負固不入版圖不遵聖化自古及今肆虐劫殺是其常性可以威制而不可以德化慶遠柳州二府爲尤甚其地俱係土官衙門土人與獠獠狴蠻同類因有土官管治不敢爲非惟認納稅租三年一貢羈縻而已閒有警殺亦其常性若今鎮安田州泗城州等處警殺豈能逐一究治乎故曰王者不治夷狄治之以不治乃所以深治之也臣與前總兵官安遠侯柳溥議將慶遠府宜山縣久叛盜賊地方具奏撥與土官知府岑瑛管治蓋以夷治夷數年之間帖然安靖後又因廣東黃蕭養作耗調撥岑瑛前來會捕無人鈴束蠻賊復起然尚有岑瑛調撥頭目統領土兵在彼哨

守未甚猖獗後岑瑛回還彼時若責任岑瑛聽其自治則此賊不足深慮未審何人建議卻將此地不與岑瑛管治取回與賊掣去土兵遂失利矣竟不思官軍與土兵哨守孰爲得失以致勞師遠饋軍困民疲而蠻賊劫殺殆無虛日以後無賴賊人誑說若得都指揮岑瑛來招撫我輩罷兵遂令岑瑛前去幾被所獲即日本官深居慶遠城內不敢復出四面人民任其劫殺至今未息誠可哀憐及有土官都指揮使黃玘臣見其廉而有智與士卒同甘苦雖奏准令本官常川哨守潯州經今八年軍民信服賊不敢犯其境近聞爲事廣西按察司監問以致賊徒蜂起流劫軍民直抵廣東德慶州臣詢訪

于公秦議卷九

羊

自來流賊不致如此因黃玘去後兩廣生靈被其荼毒自古名將比長城正謂此也因此二處不寧他處莫能支持伏望聖恩憐憫兩廣蒼生乞敕該部與安遠侯柳溥計議合無量陞岑瑛職事請敕本官會合官軍殄滅宜山賊徒仍將前項地方照舊撥與岑瑛管治及行巡撫巡按三司從公審勘黃玘情罪念是土官曲加寬宥仍守潯州其地逐漸整理如此則廣西地方得以寧謐廣西既寧則廣東無復流劫之害矣具題該本部官欽奉聖旨兵部知道欽此欽遵鈔出到部參照奏稱要將廣東慶遠府宜山縣照舊撥與岑瑛管治仍將岑瑛量陞職事一節查得先該宜山縣知縣張宗等奏稱本縣

原管述冕等鄉民德村分洪武年間開設管治正統六年間有老人黃祖記等交結思恩府知府岑瑛奏蒙總兵等官將前項地方撥與岑瑛管束自撥之後首賊章萬秀等不服岑瑛管束流劫不已乞照舊仍屬宜山縣管束等因行該副總兵都督僉事武毅等回奏會議得若依張宗等所奏將述冕等鄉賊峒退還本縣誠恐原撥過武緣上林地方獠獍數多一槩做做動搖為患非小合無仍令岑瑛管束等因具題鈔出本部為照既已副總兵等官武毅等計議回奏要令岑瑛管束合當依擬已經奏准施行外續該武毅等題稱首賊章萬秀等殺害人民不願岑瑛管束要將前項地方退與宜山縣

于公奏議卷九

壬

等因本部又照既是夷情如此激切不願岑瑛管束必是岑瑛措斂怨不能奉公撫綏而武毅等比先亦各因循苟且不曾仔細體訪下情朦朧扶同回奏令岑瑛管治不旋踵開而賊首章萬秀等不甘因而作耗武毅等卻奏又要撥還宜山縣前後議奏不一今既夷情不願岑瑛管束又經奏准行令照舊退還宜山縣撫管去後今揭稽具奏前因緣本官巡撫廣東地方其雷廉等處節報有盜賊出沒殺虜人民焚燒衙門而副總兵等官董興等端坐一城止知賣軍肥已不思忘身殄賊及至廣西奏稱賊勢猖獗要與董興會兵剿殺其董興止是虛文延調並不領軍起程而揭稽全無一言糾奏亦

無一策措置近該御史王允回奏董興不法事情已蒙聖斷將董興降做為事官隨軍殺賊并降救切責揭稽記其怠忽誤事之罪今本官於所管地方賊情軍務尙且不能處置停妥卻又將別處事情臆度施行兼且賊情邊務變詐百端可行於前日者或不可行於今日可用於今日者或不可用於昔時必須隨時處中然後事方有濟揭稽之所見者在於數年以前安可執之以為經久常行之道今揭稽所言如彼專體可否雖已瞭然明白然夷情關係終是難以遙制兼且岑瑛已該本部請救并關給銀兩表裏賞賜令王翺等前去獎勞今未有功蹟難使陞遷合無差人馳驛齎文與總督兩廣

于公奏議卷九

壬

軍務太子太保兼左都御史王翺公同副總兵等官署都督僉事陳旺等從長勘議斟酌夷情軍務其宜山縣述冕等鄉地方當何處置或照舊令本縣管束為宜惟復與岑瑛撫管為當上以至公折以中道一為處置再無更改必使久遠利便而勿為目前之計必使人心帖服而勿為姑息之謀仍將勘議過應否緣由呈馳回奏以憑定奪不許因循積弊彼此含糊以致事無歸結之期賊無寧靖之日非惟自取罪愆抑且重貽邊患其奏要土官都指揮黃玠曲加寬宥有一節查得近該都察院題稱武毅等具奏黃玠謀殺親弟等情為照罪犯已經景泰三年五月初二日大赦免問其于連親屬人犯該

本院奏准行令廣西總兵等官斟酌設法行事不許激  
變及本部今次議奏請救關給賞賜獎勞土官知府岑  
瑛等亦有黃玆職名在內難再定奪亦合行王翔令督  
同陳旺等查照都察院同本部原今覆奏酌量處置施  
行務要宣明朝廷恩威訪察邊方事體酌量下情向背  
寬猛適宜剛柔兼濟務俾賊寇殄除而軍民獲安夷情  
警服而事機不失不許輕率怠忽致有激變緣奉欽依  
兵部知道事理具題景泰三年八月初四日奉聖旨是  
欽此

兵部爲安邊事內府鈔出鎮守四川奉御陳涓等題該  
四川都布按三司手本呈奉右軍都督府刑部都察院

于公奏議卷九

无

勘合該四川播州宣慰司草塘安撫司安撫宋景春等  
奏爲陳言苗夷反叛等事正統十四年五月內爲因白  
泥長官司地方被苗爲惡聚眾攻殺搶掠人財有本宣  
慰司舍人楊欽率領土兵守把烏江地方不期楊欽與  
同宣慰司役滿令史趙克眞使令蠻人蘭錢屯等將景  
春等祖墳盡行掘出屍骨拋棄買求都御史李匡  
等聽從楊欽趙克眞等囑託交通蠻賊爲惡經今三年  
之上及聽從反賊尙平圍住節來投降將擄去軍民金  
銀馬牛送與各官接收又憑楊欽帶同苗蠻金龍科等  
前去反賊尙平圍住等寨內講和原擄軍民子女五十  
餘口各分入己及勒取播州宣慰司金銀一千兩正軍

管銀五百五十兩其李匡都指揮徐海有金珀帽珠一  
串金五十兩本官不與革去部下官軍不令調督自行  
領軍前進草塘駐劄被賊殺死官軍三十餘名搶去馬  
三十匹本官懼怕夤夜領軍走回有此失機以致苗賊  
得勢不息自寫奏本誑稱有功歷令宣慰楊輝僉押用  
印奏保仍求鎮守播州及有趙克眞原充宣慰司令史  
幹作把總強要景春庶母吳氏爲妾又將金銀四百餘  
兩買囑都御史李匡妄捏征苗有功奏保官職等情具  
奏轉行到司備呈到職行聞據四川都司備重慶衛呈  
爲勦殺苗賊事准重慶府牒呈奉巡撫四川都察院左  
僉都御史李匡劄付已將守備播州漢土官軍調領前

于公奏議卷九

手

去勦殺草塘苗賊誠恐本州空虛合無劄付附近重慶  
府卽於所屬州縣起調民兵五千名各委官吏管領應  
付口糧先委重慶衛指揮使徐韶統領前來播州守備  
仍委同知凌器玉前來協同守備削平苗賊將前項民  
夫發還寧家奉此查得本府所屬州縣二次原送民夫  
三千七百七十名除武隆彭水黔江三縣寫遺況兼人  
民稀少不調外牒呈准此移關本衛指揮使徐韶管領  
前進續准本官關稱民快多係鄉民不諳軍政號令儻  
遇警急難以調用移關本衛行屬於曾經練習軍舍餘  
丁內量撥跟隨前去兼採便益除依准量差軍舍餘丁  
跟隨前去備呈到府不見開到軍舍數目等因到職臣

會同四川都司都指揮僉事趙雄布政司左布政使侯  
軌按察司按察使茅惟楊等查得節該欽奉敕四川鎮  
守地方撫安軍民凡事須與彼處巡撫巡按三司計議  
停當而行非奉上司明文一夫不許擅差違者具實奏  
聞欽此已經備行欽遵去後臣等體訪得原征播州四  
川行都司建昌等衛官軍二千員名左僉都御史李匡  
放回今卻又於四川布政司重慶府起調民夫三千七  
百七十名前去守備切照播州苗蠻未得寧靖李匡自  
合轉行臣等并巡按御史四川都布按三司計議調兵  
策應不合將建昌等衛備戰官軍擅放回衛卻乃徑自  
行屬起調素未征戰民夫恐誤事機參照都御史李匡

于公奏議卷九

三

立心姦險處事多疑擅作威福肆行欺罔名為巡撫實  
害軍民莫敢誰何今本官見征播州掌握兵權恐生別  
意及恐懷挾私忿乘機將先會招撫苗眾土民一槩激  
變劫殺不惟殃及無辜實乃構成邊患況四川軍民連  
年征運已甚疲弊若再有事愈加困苦誠有不堪臣等  
鎮守地方不敢緘默具題該本部官欽奉聖旨兵部看  
欽此欽遵鈔出到部查得近該太子少師兼吏部左侍  
郎翰林院學士江淵題稱要該部會官計議將四川巡  
撫等項官員無益而有損於民者取回別用等情具題  
鈔出本部為照江淵所言係干邊方重事既稱要請敕  
羅綺徐海整飭邊備又稱令該部計議將在彼巡撫等

項官員無益而有損於民者取回別用另行差官一員  
前去提督整理邊務獨不言及巡撫左僉都御史李匡  
顯是李匡合當取回等因具題景泰三年七月初三日  
本部官奏節該奉聖旨李匡無益取回送吏部別用欽  
此欽遵移文行取未到今鈔前因參看陳涓等所奏李  
匡等擅作威福肆行欺罔及要取回被擄軍民子女共  
有五十餘口勒要上官金銀贖物已及千兩之上雖是  
未委虛的終干重情合無刑部出批錦衣衛差人馳驛  
沿途直抵四川將李匡并都指揮李名及事內緊關人  
犯通行提解赴京取問如律奏請定奪緣李匡係在京  
堂上官李名係方面軍職俱未敢擅便定奪景泰三年

于公奏議卷九

三

八月初八日奉聖旨且都不問待李匡到京覆奏欽此  
兵部為息苗安民事兵科鈔出行人司行人甯良奏臣  
近往湖廣武岡州公幹行過寶慶府邵陽縣地界親見  
武岡州沿途舖舍及軍民房屋各被苗賊燒毀過半及  
見綏寧新寧二縣并武岡州迤西軍民被苗賊強劫老  
幼挈家往東流移死亡無日原其所以蓋因苗賊出沒  
不常流劫鄉村至今未已閒有在家播種又被殺傷身  
命強奪財物復歸洞寨自此得計視為泛常臣訪得武  
岡州各峒苗賊形容怪異熟於探聽稍不防禦乘隙侵  
擾進退詭詐似曉兵術今欲征剿要知天時察人事可  
守則守可攻則攻然兵貴拙速未觀巧遲久於暴師則

國用不足未之爲善況今年湖廣衡永寶慶長沙等府自五月至六月初旬以來閒下微雨又不普徧高田禾苗旱傷低窪又未可保人民艱窘晝夜憂惶今武岡州苗賊恣肆猖獗若更多調官軍又恐難於供給伏望皇上視同仁憫顛連無告之民選才行智謀之士前去督理軍務相其風土觀其緩急臨機應變息苗安民若守不足攻則有餘必須詭僞以制勝孫武曰多算勝寡算不勝而況無算乎臣聞武岡苗賊出沒不常而無忌憚者必知守備官軍出師無算屢被其辱故也且聞苗賊近日流劫不比往年動經千百餘徒難以剿殺今年流劫或五六十眾或二三十人東出西沒一聞官軍征

于公奏議卷九

五

勦隨卽奔走入洞大軍回營仍復肆志貽患一方甚爲可憫爲今之計莫若教習牯牛叙法但聞苗賊出時卽便選差的當人密切緝訪何處潛迹何處流劫就便相其歸路險隘去處約量多寡夤夜出軍潛蹤隱跡先占勝地下營起伏以時截殺未有不取勝者兵法曰勢如殲節如發機此之謂也臣雖職非言路緣奉詔書朝廷及軍民中事有未宜及利有當興害有當除者諸人直言無隱欽此臣不揣淺陋冒瀆聖聽不勝戰慄之至具奏該通政使司官奏奉聖旨該衙門知道欽此欽遵鈔出到部看得湖廣武岡州等處地方先因苗賊出沒侵擾本部已經節次具奏行令總督軍務右都御

史王來公同總兵官保定伯梁琦督同守備參將都督陳友等并巡撫右都御史李實設法調度官軍民壯人等務在勦捕盡絕今奏又要另選才行智謀之士前去督理軍務一節緣彼處見今欽差內外文武官員數多又有巡撫巡按監察御史同都布按三司官分投整治矧今軍務方殷下人供億煩勞凡事宜從節減若又差人前去非惟事體不一而人難遵守抑且號令雜出而事難成功委有窒礙難以准理及甯良又稱武岡苗賊所以出沒不常而無忌憚者必知守備官軍出師無算屢被其辱又稱前項苗賊形容怪異熟於探聽進退諛詐似曉兵術征勦貴乎急速不可久玩合無不必差官

于公奏議卷九

五

行移王來李實等協同比志和同計議整飭官軍申明號令將前項苗賊出奇奮勇勦殺以保地方以安人民以副朝廷委任之重不許互相矛盾忽因循以致久無成功其甯良所言勦殺苗賊要用牯牛叙法出奇截殺如果堪用此法宜從王來李實等依法措置務在博采眾長安邊保人不致偏執已見疏虞誤事緣奉欽依該衙門知道事理具題景泰三年八月初八日奉聖旨是欽此

兵部爲邊情事兵科鈔出提督松潘兵備刑部等衙門左侍郎等官羅綺等題節該欽奉敕得巡撫左僉都御史李匡奏舊維州地方原係保縣管轄後爲雜谷侵奪

今爲董卜占據欲杜董卜覬覦之心須復維州之地欲消董卜反側之意須絕往來之人似亦有理敕至爾等合將前項地方退還保縣掌管以爲我邊之利欽此欽遵查得先據董卜韓胡宜慰使司掌司事都指揮同知克羅俄監察呈奉左僉都御史李匡劄付舊維州退還等因本番開稱舊維州地方沒拳頭大有他雜谷家砌壘砌房城子差人守把阻我馬路有本職開路到於舊維州在雜谷家手裏搶得不在漢人上搶得這箇是我每西番體例你每不管他的是近蒙劄付到來你每差官軍守把有這等鈞旨我九日九夜夢也夢不出來你每差軍守把也是朝廷的本職差人守把也是上位的

于公奏議卷九

董

我把時與保縣寒水一方人民護持我不把時往往被他大姓野蠻搶殺軍民有你想怕我反這舊維州小去處你每不要行取時我十分害怕了若聽小人口時這一稱斃殺一千年也不盡不要尋取尋取了時久後這一邊地方不得寧息那時不干我事乞仰都布按三司作急委官著落王永名下追徵殺虜頭目并燒毀寺觀房屋人口家財牛羊等件責付被害人收領庶得邊方寧靖等因得此臣看得本番包藏禍心積有年歲屢布恩威略無畏憚比先有國師商巴住在松潘後門賊首卓勞等住在西潘池南長寧安撫司安撫刺麻兒男空蓬亦在舊維州與董卜守砌房各番將邊方事情

泄漏董卜其商巴因是將都指揮趙諱等就在松潘示眾商巴一向猖狂縱容番人搶掠糧夫通同分錢守邊大臣莫敢誰何今商巴已死空蓬與董卜守把維州臣將蓬以術取回與伊父刺麻兒在深溝完聚止有賊首卓勞等近日臣同都指揮周貴左參議張如宗將一家人口盡殺無遺今克羅俄監察既不將舊維州退還保縣又啟疊端不知謀何事情差人往松潘後門到臣處呈開要保溫布刺馬麻進馬赴京承襲國師商巴職事又聞知思曩兒安撫司地方有生番二萬七千餘戶要來臣處投拜納貢本番惟恐生番阻隔徑行差人與安撫司阿思貢說稱你的官職不大你手下有箇道士答

于公奏議卷九

董

仲我與他蓋一座寺與五百箇道士守把有阿思貢堅執不從據下番招諭通事方昇報知臣等切思克羅俄監察陽示尊君之心陰懷侵蜀之意臣與都指揮同知周貴右參議張如宗計議專候投拜生番到來待以酒食擬以恩信量差數人赴京進貢其餘遣回就於松潘池西緊要地方蓋與寺一座著令生番守把以爲松潘籓籬臣與周貴將董卜差來之人撫之以恩待之以禮臣等晝夜經畫仍行各該關堡嚴加密切提備外緣生番數多及董卜立心險詐暗邀人心爲禍情由不言可知况松潘一帶生熟番夷叛服不常必得大將一員鎮守松潘調度軍馬遙振軍威方可懾服夷情若候臨時



奏請誠恐倉卒之際急難措置臣同右參議張如宗議得周貴曾領大軍隨同靖遠伯王驥征勦麓川頗有機謀今各關堡守備都指揮與周貴平谷似無統束及威州土民王永所管大姓土番亦在保縣一帶雜處控制董卜正係緊要隘道又差土人守把三叉按月關支口糧俱係王永自備委的捍禦有功合當激勸伏望聖恩垂念邊境乞請敕一道付周貴充參將名頭往來四川雜州等處提督仍於四川都司支都指揮同知俸將王永授以冠帶撫治土人嚴守邊關辦事候有功之日另行陞用實爲兩便緣係邊情具題該本部官欽奉聖旨兵部看欽此欽遵鈔出到部參看得羅綺奏保都指揮

平公奏議卷九

三

周貴令充參將及要將威州土民王永授以冠帶撫治土人辦事一節查得先該鎮守松潘都指揮高廣被馬踢傷該羅綺奏保周貴代督高廣鎮守本部已經依擬奏准請敕周貴鎮守松潘去後續該巡撫僉都御史李匡奏稱四川都司係各邊根本掌印官員必在得人都指揮周貴係先該鎮守四川內官陳涓等與侍郎羅綺及巡按御史同布按二司官節次奏准存留周貴常川在司管事要將指揮使李璿指揮同知李文選陞一員前去松潘鎮守等因具題鈔出本部又經議擬覆奏將李璿李文俱陞都指揮僉事李璿令在都司管事李文令去松潘協同周貴鎮守後一年之間周貴整理邊

務已有次序仍回都司掌印管事存留李文在彼守鎮今照松潘地方固爲緊要之處而四川都司尤爲總會之所羅綺所舉周貴前項才能雖是允合公論但恐都司缺人掌管兵備因而廢弛況克羅俄監察陰有窺覷之心其來已久而成都又有王國在內附近貴州草塘等處賊寇不時生發周貴若止用於一處而全蜀恐難倚藉兼且土民王永此先與土官巡檢董敏連年讐殺朝廷宏敷恩典俱置不問近王永雖頗効勞終係土人中心未可測度若便遽加冠帶誠恐助其聲勢凶強難治況各項事情係干夷情邊務必須博采眾議然後處置停妥本部難以遙制合無差人鋪馬齎文與四川都

平公奏議卷九

三

布按三司公同鎮守四川內官陳涓并巡按監察御史從長計議應否將周貴令充參將往來雜州等處提督鎮守其土民王永應否量與冠帶其於經久之計制御之策有無久遠利便違礙明白具由會本差人馳驛回奏定奪不許猶豫狐疑及推調因而處置乖方致貽方來之患及遷延日久不卽勘報以誤事機如違罪有所歸緣奉欽依兵部看事理具題景泰三年八月十九日奉聖旨是欽此

少保于公奏議卷九終

少保于公奏議卷之十

雜行類

兵部為邊情事兵科鈔出提督松潘兵備刑部等衙門左侍郎等官羅綺等題查得先該欽奉敕阿思貢報有生番二萬餘眾爾整所部軍馬十分用心隄備先差人曉諭阿思貢前項生番不必盡數來邊慎自防閑周密爾有安邊良策悉聽從宜處置欽此欽遵除差詣曉夷情把總通事方昇等前去思曩日安撫司拘喚安撫阿思貢到來說稱委有生番二萬七千餘戶要來投拜臣與鎮守松潘都指揮同知周貴四川按察司副使歐陽洙四川布政司右參議張如宗宣布朝廷恩威將阿思

于公奏議卷十

貢撫以恩信待以酒食仍令通事方昇等前往西番接取生番并密探邊方事情已經具奏去後景泰三年七月二十二日據松潘衛指揮周剛帶同通事方昇於西番回還報說依蒙前去西番阿思貢處見有董卜韓胡宣慰使司掌司事都指揮同知克羅俄監察差人到於阿思貢處送盃一頂甲一副番語稱說你不要做和尚改作道士罷有阿思貢及子不從有董卜密送番書二紙與阿思貢收看因見機密恐有別情用計於阿思貢處將董卜原送番書二紙討出夤夜前來將番書二紙呈遞到官會同都指揮同知周貴右參議張如宗議得董卜近日以來招集西番以利誘人揆其鄙見為禍可

知除行沿邊一帶關堡操軍嚴加隄備外查得松潘新城止有操備聽調官軍一千五百員名設遇倉卒不敷調用乞敕該部將四川原調去征進貴播官軍暫取二千員名前來松潘控制邊方遙援軍威候來春河開時月仍舊放回休息庶幾臨事不誤便益今照番書恐有別情具本進繳具題該本部官奉聖旨該衙門知道欽此欽遵鈔出到部參照所奏前因雖稱將董卜韓胡與阿思貢番書二紙討出未審書中所說何項事情況董卜韓胡陰懷異圖非止一日今又將盛甲書信與鄰境番夷頭目意在結納其陰邪之謀已著其姦詐之情難測若不嚴加隄備臨期恐誤事機合無准其所奏令該

于公奏議卷十

府行移四川都司著落經該官吏即將原調征貴播官軍內摘撥一千員名差委的當頭目管領赴松潘聽侍郎羅綺都指揮周貴等提督捍禦地方振揚威武遇警隨宜戰守候來春河開放回休息不許放違有誤邊備仍將摘撥官軍數目起程日期回奏以憑稽考緣奉欽依該衙門知道事理具題景泰三年九月初一日奉聖旨是欽此兵部為盤詰事內府鈔出鎮守甘肅印綬監右少監蒙泰題據鎮守甘州都指揮僉事吳劍呈備肅州衛守把加峪山關指揮使方暹呈送赤斤蒙古衛都指揮總兒六加指揮賞不花等齎番文一紙伴送被虜走回本部

下十戶革骨兒加并弟鎖撫鎮南刺到官審得革骨兒加供稱景泰元年九月裏被達人台哈者平章搶去送與納哈台知院處住過去年十一月裏有也先同納哈台誘領人馬和脫脫不花王廝殺去了後聽得人來說也先著阿刺知院做前哨遇脫脫不花王人馬廝殺把阿刺的人殺了一千多阿刺也著傷了回到營裏又著賽罕領三千人馬去廝殺一箇也不曾回來也先把頭目俺克平章殺了阿刺見殺了俺克因這事上他兩箇各自領他的人馬不知那裏去了今年二月裏也先弟歹都再收拾些人馬去尋也先尋不見到五月間回到本處詐傳也先言語把頭目者兒哈即襖兒劄哈巴赤

于公奏議卷十

三

等都殺了有也先的娘營裏三萬人都反著脫脫不花王跟前去了又聽得滿克參政原搶兀良哈頭目猛哥都領一百人馬反往亦集乃東邊去了滿克領二萬人馬趕上殺不過回去了後見賊營裏人都亂著四散往西北上去了六月二十日因亂偷拐馬二十四同弟并妻女脫走三日見二十箇人追將來殺了他一箇人兩箇馬把我的女并行李奪回去了我到哈密邊上拏住一箇人問說忠順王的弟和赤斤逃去的可兒加要領三百人往瓦剌去據供除將鎮南刺并都指揮總兒加六等撫令回還將革管兒加呈送到官臣與同總兵官平羌將軍都督同知王敬參贊軍務左副都御史宋傑

等計議得革骨兒加雖供前因中間恐有未盡之詞著令詣曉夷語都指揮僉事馬順覆審得本人所供與前相同參照革骨兒加雖稱先被達人搶去一向住過因見敵營人亂拐騎馬匹同弟并妻女回還一節切詳本人既是乘間脫走奔命尚不得暇又與迫趕達人對敵內殺死一人仍往哈密邊上探聽聲息其誦詐之謀情弊顯然況赤斤蒙古衛陽雖尊事朝廷陰則實持兩端今雖供言虜情並無憑據緣豺狼之心難以准信猶恐本人反爲醜虜姦細假以逃走爲由探我虛實疑我守邊官軍意在掩襲入寇除將革骨兒加送回赤斤蒙古衛著落都督阿速等查審本人被搶的確緣由收發隨

于公奏議卷十

四

住及行沿邊一帶整擄軍馬常如敵在目前晝夜嚴加隄備外緣係走回夷人傳說虜中事情并原來番字一紙封識具題本部官欽奉聖旨兵部知道欽此又該平羌將軍都督同知王敬亦題前事通鈔到部參照革骨兒加并鎮南刺所說前項虜情與迤北節次走回人口傳言俱各不同又况甘肅靈夏莊浪地方自秋月以來達人入境搶掠飛報聲息不絕若也先果有此事蓋將奔走竄伏自顧不暇豈能遣人四散窺我邊境兼且赤斤蒙古衛雖曰尊事朝廷終係豺狼種類安知不受彼約束因而誑言緩我邊備況自古中國之禦夷狄不恃其不來恃吾有以待之在彼之強弱虛實固不足論而

我防範防備則不可緩今蒙泰等具奏前因意亦有見於此合無行移該府轉行總兵官都督同知王敬會同蒙泰未傑等嚴督各城守備參佐協副等自上緊整棚軍馬申嚴號令多設隄備固守地方如遇賊寇侵犯務在相機行事或以慮勝或以智取或奮勇截殺以圖成功或持重固守以保無虞必須計出萬全事無一失不許纖毫怠忽致誤重事其赤斤蒙古等處設或差人前來傳報聲息等件亦須外加優待內切防閑示以大信懾以兵威俾其感恩畏威以消息外之虞毋或苟且輕易以中姦詐之計緣係處置虜情及奉欽依兵部知道事理具題景泰三年九月十一日奉聖旨是欽此

于公奏議卷十

五

兵部爲嚴邊疆以招撫夷虜事兵科鈔出文淵閣辦事中書舍人何英題切見陝西乃國家大藩控制西北重地自洪武永樂年間至今必命文武大臣守鎮處置邊方正統年間曾有都督鄭名及興安侯徐亨在彼撫鎮後因年老將各官取回一向未蒙差人前去今雖有侍郎耿九疇在彼鎮守且文臣參贊軍務撫綏百姓禁革姦弊可也至今選拔將士操練軍馬禦侮防危亦必得武臣而任之緣陝西操備官軍不下萬數况地理又與甘肅涼州寧夏等處邊境連帶聲勢相接如蒙乞敕該部推選智勇廉潔武臣一員前去陝西同侍郎耿九疇等官撫治百姓操練軍馬固守城池蕩滌邊務臣聞宣

德年間瓦剌脫截殺散阿魯台其治下散漫餘寇阿魯朵兒只伯等五六百人潛躲於甘州等處邊境攪擾陝西百姓數年轉輸甚至艱苦今北賊也先殺散脫脫不花部下敗殘窮寇無所依歸者甚多欲歸也先則自相猜忌而不敢歸欲往遼東大同宣府沿邊一帶則畏懼邊軍并三衛達子而不敢往只得在於甘涼寧夏沿邊逃躲潛住臣今思莊浪達人節次殺死官軍搶掠人畜於近邊攪擾者正此窮賊也况虜中多係甘肅住坐同回熟知地方邊境城池及楚肅二府養馬草場去處儻黃河結凍餘寇糾合復來近邊攪擾實爲未便如蒙乞敕該部選差熟於幹辦通曉夷情一二人齎捧敕諭詳

于公奏議卷十

六

寫榜文前去莊浪等處跟尋殺死官軍爲惡達人宣布朝廷恩威諭以利害如從則招撫來降儻或執拗不改前非則量調涼州莊浪等處見操官軍相機勦殺以除邊患便益具題該本部官欽奉聖旨兵部計議來說欽此欽遵鈔出到部恭照中書舍人何英奏稱要推選智勇廉潔武臣一員前去陝西鎮守一節查得陝西先有興安侯徐亨在彼鎮守近因巡按陝西監察御史甘澤具奏本官年老有疾不能治事所帶跟隨之人生事擾民等因本部已經擬議覆奏將徐亨取回赴京候陝西有警急用將臣另行定奪今議陝西雖是甘肅莊浪一帶報有聲息然未有太勢賊寇而陝西腹裏地方別無

緊急賊情且如各邊有警而腹裏鎮守官員亦難前去策應兼彼處亦有侍郎耿九疇同內官王莊兒等鎮守其沿邊延綏寧夏甘肅等處各有總兵鎮守等官都督王禎張泰王敬等統領軍馬分投整治合無照依何英所奏本部將在京侯伯都督武職大臣通行開具員名請旨點差一員前去陝西鎮守惟復且不差官只行耿九疇同王禎張泰王敬等公同參贊內外官員督同都布按三司官當此防秋之際務在整搦人馬振肅武備以固邊境以安人心不許時常怠忽及互相推調果有眾大賊情腹裏地方必用將臣守鎮另行具奏此係重事臣等不敢擅擬伏乞聖斷其言要差通曉夷情一二

于公奏議卷十

七

人前去莊浪跟隨招撫殺死官軍達人一節議得賊虜之情誦詐多端去來不常居止靡定部落星散實難結以恩信大眾軍馬尙然追之不及今二三人卻往何處跟尋兼且也先既已不差使臣今卻令人跟尋殘寇則是自起釁端而非安邊禦侮之道况近日甘肅一帶擾邊達人又未審的係何部落設若京師差人到彼跟尋萬一疏虞未免失所受辱非惟因而透漏邊境消息抑且醜虜謂我將臣無謀徒惹邊患無益於事委的窒礙難行但于邊務夷情合無令該府差人馳驛齎文與甘肅總兵官都督王敬公同參贊軍務副都御史宋傑及鎮守太監蒙泰等從長勘議前項賊寇是何部落有無

來應即今應否差人前去招撫如果相應就於彼處選差諳曉夷情人員徑自設法相機進止前去哨探得見宣明朝廷恩威諭以利害禍福令其歸款效順差人伴送赴京自有重大陞賞若敵情姦詐恐有後害難以差人亦要謹慎防範遇警隨宜戰守然此事王敬等必須斷以大義決不可猶豫狐疑苟且謀計及輕易舉動致損軍威有乖事體仍先將應否緣由差人馳奏毋得遲誤若各官輕率怠忽處置不當異日誤事罪有所歸緣奉欽依兵部計議來說事理景泰三年九月十一日奉聖旨是陝西係腹裏地方不必再用鎮守官欽此

于公奏議卷十

八

事革于帖木兒等番字奏文十三道內一道皇帝洪福前泰寧衛都督僉事革于帖木兒奏比先有聖旨北邊凡事務著來奏報在前也先著我每回本地地方時留住兀捏帖木兒王一千人如今也做他每回來了也每說道也先的人馬因見脫脫不花王的親屬有幾箇人反出去了恐怕來邊上打攪聽得說他每的營盤往近那了革于帖木兒王同母并眾頭目想朝廷恩賜盡心出氣力又一道皇帝洪福前朵顏衛奴婢朵羅干奏我每順天道敬朝廷同四散住坐不曾我今正要差人來朝貢聽得脫脫不花王弟男無了有帖骨思太子脫赤知院納哈帖木兒左丞等兩起前後反出走了說也先太

師在阿刺忽馬乞可闌海子卜魚兒海子等處地面住  
劄因奏報又一道皇帝洪福前朵顏衛奴婢李羅叩頭  
奏有奴婢祖父原受了達魯花職事後故了又有父討  
均也做了達魯花職事著奴婢做了今差管千戶事的  
火兒虎台等五人進馬去了怎生憐憫的聖旨知道該  
禮部官欽奉聖旨該衙門知道欽此欽遵鈔出到部參  
看得奏稱在前也先著我每回本地方時留住一千人  
如今也放他每回來了又稱有兩起人反出恐怕來邊  
上打攪一節俱係邊情不係本部掌行事理移咨到部  
參照泰寧等衛革于帖木兒等世受國恩錫以官爵開  
設衛分捍禦邊方其來已久但夷虜之類反覆多端視

于公奏議卷十

九

強弱為叛服乃其故態近見也先梗化邊方遂乃捨順  
從逆陰相趨附今因也先發遣回來近我任種乃以朝  
貢為名因來奏報聲息告討職事名雖尊事朝廷實則  
姦詐難測其言也先人馬多反出去恐我邊上打攪及  
那營盤往近境又言也先在阿刺忽馬乞可闌海子等  
處住劄等因未委虛的難以憑信尤恐各人陰受也先  
約束故來虛報此事緩我邊備況近日各邊節報煙火  
聲息并虜窺伺若不預為隄備誠恐倉卒無措致誤大  
計未便合無行移該府差人馳驛齎文與各邊各該總  
兵鎮守等官令其整搦人馬振揚軍威謹慎烽埃以備  
不測仍嚴督沿邊一帶各該守瞭官軍人等務要晝夜

用心一體防備遇警相機守戰或密切差人遠為哨探  
遇有賊寇出沒必先馳報鄰近守備官員務在犄角夾  
攻互相應援以圖成功不許自分彼此因而誤事及照  
朵顏衛李羅奏討職事一節會同通事都督僉事等官  
昌英等審據差來人火兒虎台等稱說李羅有祖哈孫  
承樂年間朵顏衛都指揮同知故了他的父討均不曾  
赴京襲職在本處曾受達魯花職事亦故了今李羅在  
也先處亦受了達魯花職事差我每來進貢要襲伊祖  
都指揮同知職事據說切惟中國之馭夷狄固當示之  
以威尤當結之以恩因其來而善撫之是亦懷柔之道  
今李羅既已差人進貢求襲職事及伊祖原受都指揮

于公奏議卷十

十

職事相同合無准令襲伊祖都指揮同知職事以嘉其  
效順之誠以固其來歸之念仍請給敕諭令差來人火  
兒虎台等齎回諭以朝廷恩威俾其感激圖報固守臣  
節保障邊方儻有外寇來擾必須盡力捍禦勦殺若有  
功勞朝廷陞賞不吝不許心懷疑貳叛服不常捨順從  
逆自速罪戾緣係處置邊務及夷人襲職事理具題景  
泰三年九月初十日奉聖旨是欽此  
兵部為休息事照得在外各處城池俱有民壯操備即  
日邊務稍寧況山東河南等處水滸為災人多饑窮并  
在京錦衣衛係是近侍衙門差役繁重旗校人匠等項  
又要選取操備誠恐人力不全兼且各處災傷糧儲供

給不敷合無將操練民壯并在京錦衣衛操練旗校人匠餘丁俱暫疏放休息各記姓名在官并造册送部收照遇警另行調用該管軍衛有司不許生事屈害如此庶使事體便利糧得減省具題景泰三年十月十二日奉聖旨是欽此

兵部爲邊務事兵科鈔出兵部左侍郎翰林院學士兼左春坊大學士商輅題臣切惟守邊一事最爲今日急務近因各邊操守官軍多係有名無實其故何也一則軍士寡弱一則衣食艱難夫軍士寡弱以戰則不勝衣食艱難以守則不固邊城有此二弊則必難爲守禦矣今之居官者皆以遣使爲請而謂邊方之事實不可爲

于公奏議卷十

七

殊不知天下之事未有不可爲者特患失於姑息安於因循則事始不可爲耳臣訪得大同宣府獨石馬營等處原操官軍在邊年久屢經戰陣自正統十四年遠人侵犯或漫前赴京或因該管頭目帶領來京一向資緣在京居住卽目宣府獨石等處多係各處新發并河南輪班官軍在彼操守其輪班官軍既無室家可恃又無田地可耕因循度日懸望更替欲爲久遠之計難矣若朝廷失於姑息安於因循聽令各官巧立遊擊等項名色前項官軍占留在京不行發遣則邊境城池愈見空虛設有敵情將何備禦前件如蒙准旨乞敕兵部卽將口外大同宣府獨石馬營等處正統十四年以前原操

官軍見在京居住者逐一查究并其家小盡數發口外各該地方照舊住種操守不許各官仍前巧立名色占各阻當違者治以重罪或有言前項官軍善戰合留在京操備者此不知輕重之論蓋京師百萬人中縱得前項官軍不見其多不過跟隨各頭目營幹家事而已若邊城得此官軍可以壯威武可以禦敵寇可以使其成家立業爲久遠之計其爲益孰爲大哉惟陛下不惑羣議斷發遣之則邊方得人而外屏自固矣臣又訪得口外田地極廣除屯田軍士地畝已有定額外其守關軍士多無田地耕種推原其故蓋因先前在京功臣等官之家將口外附近城堡膏腴田地占作莊田以此空

于公奏議卷十

七

閒田地又被彼處鎮守總兵參將并都指揮等官占爲已業每歲役使軍夫布種收利肥已其守城等項軍士非但無力耕田雖有餘力亦無田地可耕卽目邊報緊急在京官員雖不敢役使口外軍夫但莊田尙存未免占奪軍民之家而彼處親臨管軍頭目尙有占種田地數多及私役軍夫撮借官牛等項其弊仍未盡革若朝廷失於姑息安於因循不卽將前項田地撥與各城軍民耕種則衣食無由足給而邊境愈見空虛前件如蒙准旨乞敕戶部選差能幹官員分投前去大同宣府懷來永平等處會同各該都御史御史等官將在京官員莊田并彼處勢要之家占種田地盡數分派與附近軍



民爲業若原係起科田地亦須酌量從輕起科仍乞敕各該鎮守總兵等官將各城堡軍士分作二班每上班六日令其操備下班六日盡數督令布種秋成之日併力備禦仍禁革官軍頭目不許多種田地如此則軍士之衣食自給而民間之轉輸可省矣且耕且守古人如漢趙充國諸葛亮晉羊祜皆已行之明效大驗著在史冊今日守備之要莫過於此若舍屯田之外而欲邊城充實雖傾府庫之財竭生民之力奈軍士數多歲月久遠亦難繼矣若有言前項功臣等官不可以無莊田則或於腹裏遠處地方量宜撥換口外之地決不可聽其置立莊田侵損在邊軍士有誤國家大計實爲不便臣

于公奏議卷十

七

又訪得永平等關口各隊官軍精壯人民安業而紫荆倒馬一帶關口官軍怯弱關內人民不免驚疑推究其故蓋永平等處係本土官軍而紫荆倒馬等關係在京撥去輪班官軍衣食不給全無顧忌敵寇若來不過爲逃走之計然此事屢有言者而本部未卽施行其意蓋謂京師根本之地宜留保定等處精銳官軍在京操守殊不知方今急務守邊爲上守關次之若徒守京城此名下策何也若邊方失守則關隘警急關隘失守則腹裏人民望風流移人心動搖變故百端縱有京師軍馬虜寇在邊亦何所施又有言在京管軍頭目利保定等處官軍供給柴草因此占留若或有此尤爲不可前件

如蒙准旨乞敕兵部將保定眞定等處在京操備官軍發回各附近各關口定立班次永遠操守如或不敷於附近衛所軍內遞相撥補卻將見在各關輪班官軍盡數取回在京操備如此非惟兩免重支口糧抑且邊關得人如京師鞏固雖有千百也先亦何足慮凡前三事於守邊守關頗爲切要但恐於人情有礙伏望陛下決意行之則邊方幸甚具題該本部官欽奉聖旨邊境戢守之法最爲緊要足衣食軍中急務戶部兵部便計議斟酌可爲經久之計停當施行欽此欽遵鈔出到部除要差官分投前去大同宣府等處踏撥莊田等件戶部另行外查得先於正統十四年爲因達人犯邊口外

于公奏議卷十

八

宜府獨石馬營等處官軍家口多有驚疑逃散來京朝廷軫念其艱窘暫留在京安插又因昌平侯楊洪率領口外官軍都指揮宗泰等三十員名赴京應援於倒馬關等處追勦賊寇還京該本官具奏存留梁泰等在京隨操景泰元年節該本部議奏欽差都督孫安前去獨石馬營等處將各該廢壞城堡照舊逐一修理前項京師安插家口并梁泰等官軍盡數督發過口聽孫安等調督續該右都督楊俊奏要於梁泰等數內存留指揮柳春等一百員名并總兵官武清侯石亨都督石彪亦要留原帶來京聽調大同右等衛官軍一百一十四員名在各官名下跟隨聽候遣調已經奏奉欽依存留外

其餘官軍并安插家口一萬有餘節次具奏令楊俊督同五城兵馬司排門逐一挨究盡數發回口外去訖已經備由回報本部仰目京師別無遊擊等營將口外官軍占留不發今商輅具奏前因實係今日急務預備良圖但以口外官軍別不肖多留在京止是楊俊存留柳春等一百員名近日口外地方節報聲息因柳春等原係口外之人備諳彼處山川道路本部奏差或二人或五人十人分投出境兼同彼處夜不收哨探聲息回報及石亨石彪存留大同官軍鄭倫等一百一十四員名近該石彪充大同西路參將鄭倫等數內帶去一十九名係是口外官軍暫得在京差調之數合無照依所奏

于公奏議卷十

五

候明年正月盡閒春暖盡數督發過口尤恐即日邊報未窻遇有哨探聲息亦無慣熟人員兼且柳春鄭倫等其數不多暫且存與石亨楊俊隨操差調候邊報窻息發回未敢擅便定奪伏乞聖斷又查得先該戶部議奏京師多調通州密雲保定等處官軍操備并附近關口又撥在京及別衛所官軍前去操守兩爲不便欲將前項衛所官軍儘於本衛操練在京官軍俱各取回等因具題鈔出本部爲照在京撥去各關操守官軍不下數萬而保定等衛赴京隄備官軍每衛不過二三百或千餘人今又分作三班輪流放回取討衣鞋若將各衛原撥在京操備官軍發回不無不旬守備遇警無憑調遣

所言難准本部官奏奉聖旨是欽此欽遵外今商輅又奏要將保定眞定等處在京操備官軍發回各關口操守卻將京師撥去各關墩官軍取回赴京一節臣等切詳經理天下之事有當守經有當行權者不可一概而論照得永平山海古北喜峯等關口非惟彼處土軍修守便能壯固蓋緣各關口山川形勢險阻隔絕而近年以來達人亦不曾侵犯以此城池堅固樓櫓整齊而所在總督總兵等官如僉都御史鄒來學等各能盡心巡視整飭以故修理堅完而密雲等處爲因軍士不敷在京尙撥去官軍五千之上即目在彼協助修守其倒馬紫荆白洋等關口比先年閒止是附近官軍守禦京師

于公奏議卷十

六

不曾發兵近因達人爲患其入寇之時往還俱從各關口進入又因連年砍伐柴薪將附近山場樹木爲之一空兼且山坡平漫所在可通人馬委的難於修守以此計議京師發兵前去協助一處或有一萬或五千三千者此蓋權時之宜而非經常之道後因侍郎江淵等議奏中千戶所調去紫荆關眞定衛中所調去倒馬關涿鹿衛中千戶所調去白洋口前項所分官軍不問在所及在京五軍神機等營盡數發去該關設立所分守禦後又將大寧都司所屬茂山一衛全伍官軍調去設立所分以備策應紫荆關各該關口官軍即日修守已及三年節蒙朝廷賞賜編伍派定關隘修守頗有次第其

保定真定等衛分選在京師官員自永樂年開到今在五軍營者已選作團營操練慣熟在神機營者已預放火器俱知急緩兼且附近各關如保定後等五衛并真定定州涿鹿等三衛多不過十衛每衛赴京操備官軍或二三百或千餘人大數計之不及萬餘及因內官武長奏言又將各衛次撥官軍俱各發回本處操守城池去訖而在紫荆各關官軍如紫荆一關已是一萬白洋口五千倒馬關七千居庸關五千小龍門三千已及三萬若將原衛官軍發去兌出各關京軍非惟京軍撥去數多各衛發回數少所在守備不旬遇警有礙事機抑且以京師騎射慣熟之人兌換關隘備守之士則長於

于公奏議卷十

七

戰者抑之使守熟於守者驅之使戰一有舉動兩非所宜以經常之道度之紫荆倒馬等關既有涿鹿中等衛全伍調去官軍設立所分所據原撥官軍合當取回但今敵情姦詐患害難測正在緊關隄備之際若便輕易擊動尤恐人力不敷倉卒之閒恐至誤事合無暫且存留候邊務寧息另行定奪此時難以輕易更張緣節該奉欽依計議停當施行事理具題景泰三年十一月十一日奉聖旨各關守備官軍俱各不動待春暖時月定奪石亨楊俊原報的人留與他欽此

欽差總督軍務少保兼太子太傅兵部尚書等官于謙等題為兵備事該五軍中軍馬隊大監都司茂山衛指

揮同知夏正題臣居官四代荷祿至深誓欲盡死未嘗臨事今蒙選在頭撥團營率領人馬臨事因循苟且曠職不修無所逃罪臣聞晁錯有曰器用不利卒予敵也卒不服習將予敵也將不知兵主予敵也君不擇將國予敵也繇此言之往年土木是也今我皇上中興邊境稍寧實因明良相濟今胡虜入貢絡繹不絕請求無厭詳其所以不獨勞民之供給實窺中國之虛實臣借宋言之金以和議誤宋宋以始終被惑者何也蓋因比時大臣小官立心不忠專主和議以致宋乘輿播遷國勢日促蘇軾有曰平居無犯顏敢諫之士臨難必無伏節死義之人誠哉是言也如臣所言養今日之氣莫如守

于公奏議卷十

八

仲今日之氣莫如戰挫今日之氣莫如和兵法曰無恃其不來恃吾有以待之今將所見四事條陳庶有補於兵備者宜採擇之恕其狂妄具題景泰三年十二月十五日該通政使司官奏奉聖旨總兵總督眾頭目每看欽此欽遵會同五軍三千神機等營總兵等官太子太師武清侯石亨安遠侯柳溥都督張軾等并合營坐營把總都指揮等官王瀆等將指揮夏正所言事件逐一議擬開立前件具題奉聖旨是欽此

計開

一曰選將

前件看得在京各都督都指揮等官俱係曾經戰陣

或平日頗有謀勇量才遴選今其坐營把總領隊管軍係見行事例別無定奪

### 二曰練兵

前件看得所言要做三疊陣法置立釘牌鐵蒺藜等件禦賊一節緣虜賊用兵不分行陣其去來如飄風驟雨禦敵出奇難以拘泥常法且古人有言陣而後戰兵家之常運用之妙在乎一心是不以預擬逢度爲工而以臨期應變爲貴況此等操練法器俱係行兵常事難以執一而用合當相機而行所言窒礙難准

### 三曰兵將相識

于公奏議卷十

九

前件奏要每營選一良將常川發號施令選驍勇有膽氣者副之一節有例見行其稱每隊用牌書官軍姓名以備呼召一節緣用兵之法不測如陰陽若各營官軍一一書寫名姓使敵人闕知因而知我虛實豈不有誤機務此可用於操練點閱之時而不可用於摧鋒禦敵之際窒礙難准

### 四曰嚴立軍法

前件看得刑賞威福乃朝廷之大柄非臣下所敢擅專若依所言則賞罰不出於朝廷而威福得由於臣下矣且此法可施於臨敵禦寇之際而不可用於平居無事之時合候出師之日另行奏請定奪

兵部爲番賊爲惡搶擄等事兵科鈔出提督松潘兵備刑部左侍郎羅綺題據松潘衛指揮同知徐昇呈奉臣劄付前去四川城內密訪臘仲得獲解來施行奉此依奉於景泰三年十月初一日帶領諸曉夷情總旗陳眞保前去成都府錦官驛等處密切緝訪本月二十三日果有賊首臘仲改名鎖南領占投託董卜以通事名色帶領進馬番人赴京回還至十五日日本賊率領番人朝見蜀府二十六日未時分是昇於錦官驛西街酒店內置酒令陳眞保前去驛內邀請臘仲飲酒至晚是昇袖內抽出木棍一條向臘仲頂額上儘力打訖二下昏沈不省就行擒獲當令陳眞保綁縛負夜馱至地名彭縣

于公奏議卷十

十

押解前來是昇先來計稟等因得此案照先准兵部咨該臣等題查得熬煙等寨番人木速臘仲投託商巴結爲心腹及商巴備馬一百二十匹令木速臘仲送與董卜幫貼進貢仍令木速臘仲窺覘京師事情行至中途木速走回於商巴姪初敬占藏處躲避緣臘仲係造惡之首邊患之魁見與董卜進馬未回具題鈔出到部行該禮部查無臘仲名字切緣本人係國師商巴心腹爲惡渠魁誠恐指以進馬爲名潛藏松潘更名易姓緝探事情若便追究誠恐驚疑及木速先於初敬占藏處躲住慮各人外結內應走透邊情禍患非細合行整飭守禦官軍嚴加防範仍差人緝訪臘仲曾否進馬來京木

速見在何處各要設法密切撫捕不許虛張聲勢以露形迹毋令漏泄事情致貽邊患緝捕得獲奏請處置如木速臘仲能擒獲到官重大陞賞不吝緣係擒獲為患番人事理具題該本部官奉聖旨是欽此欽遵備咨准此臣料算臘仲赴京已回尅期將至恐回董卜地方一時難獲推選得松番衛指揮李鑑徐昇在邊年久頗有機謀備識木速臘仲劄仰各官分投緝捕於成都府錦官驛等處密查董卜進馬番人關文誠恐臘仲更名易姓就令本官守候回還設法擒拏去後續據指揮李鑑呈稱有賊首木速於松潘城東門外混同賣柴熟人往來城下行走緝探事情城裏有多少軍馬前後行走五日不回叫同通事方昇設法籠絡入城待以酒食就行擒拏報知臣等督令夤夜斬首除已具奏外今徐昇呈報又將臘仲以術生擒見在彭縣若欲押赴松潘沿邊一帶俱有商巴一姓番人商巴又行差人襲職誠恐驚疑生擾貽患邊方隨令千戶張昱前去迎回著令所在地方牢固監收候臣差人至日解京定奪參照董卜素號生蠻妄自尊大累受朝廷陞賞不知滿足乃敢與商巴交結意圖不淺況商巴已死木速臘仲令董卜負皇上深恩泄漏邊情致使董卜百般舉謀以利啖餌西番資為羽翼已將木速密切誅戮外今臘仲卽鎮南鎮占又被臣謀利劄仰徐昇急急生擒皆遵聖幾睿算今有

于公奏議卷十

三

商巴姓初敬占藏蜡匪簇土官潑蜡長男寔安撫司刺麻兒俱係董卜心腹臣每相見待以酒食虛示恩威設遇為患相機行事除行沿邊官軍嚴加隄備及將商巴番人密切防範外乞敕該部將徐昇等念以微勞量加陞用將來有警易於用人今將獲功官旗并賊首姓名開坐具題本部官奉聖旨兵部知道欽此欽遵鈔出到部隨據四川松潘軍民指揮使司舍人徐貴告蒙提督兵備刑部左侍郎羅綺批差齎本伴送為惡番賊臘仲赴京景泰三年十一月十五日行至青州東陽地面不期本犯得患傷寒病證於本月二十三日行至利州衛將軍橋身故告蒙本衛委官相理外今將本衛印信

于公奏議卷十

三

結狀通告到部查得先該刑部左侍郎羅綺等題稱松潘管下熬煙等案番人木速臘仲投託商巴結為心腹及商巴備馬一百二十四匹令木速臘仲送與董卜克羅俄監察幫貼進貢仍令木速臘仲窺覘京師事情行至中途木速走回等因具題鈔出到部為照臘仲進馬來京行查董卜差來番僧數內不見臘仲名字見在誠恐本人指以進貢為由潛藏松潘等處或更名易姓前來緝探事情及照木速先已走於初敬占藏處躲避慮恐各人外結內應走透邊情為患非細已經議擬覆奏行令羅綺周貴等差人緝訪臘仲曾無進馬來京惟復在邊潛住及木速見在何處躲避各要設法擒捕去後續

該羅綺等奏稱木速已被擒殺今鈔前因雖臘仲病故相理明白緣係緊關人犯恐有姦詐合行四川都司轉行利州衛委官重覆相驗明白回奏定奪所據奏稱要將獲功官旗徐昇等陞用一節緣番僧臘仲止是一人又因進貢回還致被各人誘引擒獲不係臨陣斬獲賊首功次難便陞用合無行移禮部照例給與賞賜以酬其勞木速臘仲雖已俱被殺死切慮彼處提督鎮守等官以謂董卜韓胡心腹之人既去邊境可以無慮因而怠弛兵備致有疏虞又恐董卜韓胡因見木速臘仲相繼殺死起釁生事尋問各人下落搖毒扇禍重為邊患不可不慮合無行移該府差人馳驛與左侍郎羅綺都

于公奏議卷十

三

指揮周貴從長計議設法區處遇有董卜韓胡差人到邊訪問各人下落結怨起釁必須諭以朝廷恩威利害禍福折彼姦詐之謀俾之無由起釁仍戒飭各處關隘守備官員整擄軍馬嚴加防範不許因而怠忽邊備失誤事機緣奉欽依兵部知道事理具題景泰三年十二月二十二日奉聖旨是欽此

兵部為公務事兵科鈔出錦衣衛正千戶郭英等題今將校尉邵敬等看得有禮部安歇使臣數內漢人婦女王氏言說有達子脫脫木兒番語說稱我每回去到開年三四月閒來先把宣府城子圍了只因得城裏無糧草以後將河路船隻截住用火燒了這百姓每都是我

的具題本部官欽奉聖旨兵部知道欽此又該戶部江西清吏司署員外郎事主事楊伸題稱先在臨清監收船料鈔貫有平江侯陳豫在彼鎮守軍民知所畏懼地方賴以安靖近者本官欽取回京有等軍民糾合四外逃民人等聚集成羣白晝檢奪人財或晝夜於沿河劫掠船隻軍衛有司莫能禁捕乞敕陳豫仍往本處鎮守等因具題通鈔到部參照所奏前項虜情雖稱傳說之言未見的實緣虜首也先等懷蓄姦謀素來以定即今雖差使臣赴京朝貢而其部落卻又出沒我邊難保必無變詐但宣府正係邊境去京不遠正宜謹慎防守庶幾事機不失合無令該府差人馳驛齎文與宣府懷來

于公奏議卷十

三

永平萬全左右獨石馬營等處總兵鎮守參將提督等官當知虜寇之姦當念邊事之重務必十分盡心區畫多方設法防備彼此和同爾我相濟若有緊急敵情就便隨宜戰守不許纖毫輕易怠忽致有疏虞該府仍行大同并各該緊要關隘總兵守備等官一體留意隄備臣等又議得防範賊寇慰安軍民尤當先事而慮方可再慮方來切見裏河一帶係南北二京通衢京師供億藉此轉運而臨清等城又係要衝之處先蒙欽命平江侯陳豫在彼鎮守本官委的廉靜有為軍民悅服其修理臨清城池一所人不告勞事有成績後因虜使來朝邊烽頗息已將本官取回今既邊境所在日報聲息而

腹裏城池地方寇盜竊發若非得人經理安能得其綏  
靜又況虜人說稱要將河路船隻截住燒毀此亦不可  
不備兼以楊伸又保本官有前項政績合無請敕平江  
侯陳豫令其依前鎮守臨清往來德州東昌一帶提督  
軍衛有司整擗官軍民壯修理城池器械撫安人民禁  
革姦細凡事以前愈加盡心幹濟毋或始勤終怠有辜  
任使但過邊方有警即將沿河軍民如法安存船隻如  
法整治務在有備無虞候邊報靈息事體安安另行具  
奏還京如此非惟隄備謹嚴而虜人計無所施抑且委  
任專一而緩急不致誤事具題景泰三年十二月二十  
七日奉聖旨是欽此

千公奏議卷十

五

兵部爲邊情事兵科鈔出提督松潘兵備刑部左侍郎  
羅綺題景泰三年十二月十七日據指揮郭禮備鎮守  
平夷堡指揮僉事陳江呈該通事蔡三報本月十三日  
有勒都簇歪地寨土牌穰戶等前來報說有巴思貢習  
革寨糾合勢雞戈蠟耳別等寨番人聲言上路搶劫官  
軍十四日有下五簇西浦寨土牌三堡豬如等說報有  
我前去耳別做買賣有商巴在那里與蠻子殺牛泡酒  
糾合小姓番人散木刻子歌歌要來攻打關堡搶劫糧  
夫截殺官軍我聽得與你說知委的滋蔓爲及等因隨  
據指揮徐貴呈本月十五日節有龍思貢等寨番人答  
利等來報地名王答兒勒都耳別等寨番人歌歌要與

官軍所殺本月十六日已時本職巡至北定關地名石  
關子忽有番人一百餘眾吶喊過河圍截攏哨官軍搶  
劫糧夫當同指揮冀廣等督軍與番對敵射傷番人三  
名砍傷番人二名扛扶過河被番刀傷百戶先妙保捉  
去軍人三名箭傷軍人二名番人在山掀放擗石阻截  
道路等因備呈到職照得已死國師商巴爲董小心腹  
每將邊情漏泄董卜撥置本番日般舉謀侵擾邊境今  
商巴已死伊姪則鬼占藏敬意欲做商巴爲患邊方  
臣已素知各賊處心險惡要於河乾水淺乘我官軍年  
久疲敝糾合番人搶劫兵部已經奏准將征進貴播官  
軍摘撥一千員名前來備冬止有指揮何洪管領官軍

千公奏議卷十

美

四百六十員名到來其餘五百四十員名月久不到及  
照耳別等寨番人商議日久臣備知詳細已於本月初  
八日密令千戶堯或選調精壯官軍五百員名前來小  
商巴地方指以巡視爲名密切防備又添都指揮李文  
并指揮徐昇龐福謝廠領官軍九百員名徐昇往浦江  
關龐福往新塘關謝廠往北定關李文於歸化關兼聽  
兩路應援千戶李恭領軍二百九十員名於鎮革等處  
巡視指揮劉璿領軍二百五十員名於平夷等處巡視  
千戶徐禮領軍一百員名於安化等處護送糧夫俱於  
各關嚴加哨備謹守地方及有鎮守都指揮同知周貴  
先於保縣踏勘董卜地方未回臣於松潘嚴操軍馬整



飭器械遙振軍威若有勢眾聽候大舉仍行四川都司  
催取原備冬官軍五百四十員名并量調官軍前來松  
潘控制本月十九日據指揮劉璿差軍人胡昭口報番  
人原搶軍人李歐先走回除將被虜官軍督令通事張  
伏保刺麻遠舟藏伏親詣番寨守取及將誤事官員候  
番人寧息之日另行查奏外如蒙乞敷該部於錦衣衛  
帶俸達官內選調五十名定限前來隨臣調度併力殺  
賊候事體寧息回還便益緣係番人聚眾出沒并取達  
官事理具題聖旨不准兵部知道欽此欽遵鈔出到部  
除奏要選調錦衣衛達官前去彼處殺賊一節既已欽  
奉聖斷別無定奪外所據奏稱番人聚眾將官軍殺虜

千公奏議卷十

七

一節係千番夷出劫緊急邊情合當設計撫捕庶免重  
貽後患合無行移該府鋪馬差人齋文與鎮守松潘都  
指揮同知周貴會同羅綺等從長設法區處將原有官  
軍選委驍勇官員統領前去番人出沒處所將前項爲  
患番賊設法撫捕務在斟酌緩急相機行事毋畏縮以  
長賊威毋輕率以墮賊計其被虜官軍既已督令通事  
親詣番寨巡視亦須密諭張伏保等相彼事體審度事  
情諭以禍福利害曉以順逆曲直使之感畏懾服悔過  
送回擄去人畜如果負固生拗不肯送出飛報羅綺周  
貴等或量調官軍襲取或另行設法處置不許虛張聲  
勢驚疑激變及縱惡長姦重貽後患再照羅綺周貴等

不能整飭邊備隄防外寇以致番賊生發捉拏官軍俱  
合究問但邊務方殷緊關用人合無姑且免問本部行  
又切責令其上緊整理邊備務在賊盜祛除邊境寧謐  
如仍怠忽誤事治以重罪若原調征進貴播備冬官軍  
既尚未到就彼徑自差人催取協同赴彼操守仍仰羅  
綺等將前項失機誤事官員通行查勘明白具奏定奪  
緣節該奉欽依兵部知道事理具題景泰四年正月十  
八日奉聖旨是欽此

千公奏議卷十

七

年十二月二十七日有熟雞寨番牌作奔竄大空降寨  
番牌兀麻來報有耳別寨番人同勒都族番人前去大  
兩河地方作歹被官軍射傷五箇內死一箇要去咩齊  
別智等寨借人來小空寨隆地方偏橋亂石窩等處復  
警等語呈乞添撥官軍守備等因爲照歸化北定平夷  
浦江等處關堡番人一帶俱反要敗宣德二年攻圍城  
堡搶劫得利臣等先已察知已調松潘并龍潘土漢官  
軍都指揮等官李文等官軍二千員名於安化鎮革新  
塘歸化北定浦江平夷金餅等堡并番人出沒路口分  
布稠密連日對敵不退該鎮守都指揮周貴保縣回還  
過逢督同官軍追賊過河殺死賊眾不遂姦計各賊要

告請將官軍掣回恐有姦詐又令指揮安昶管領官軍五百員名往來巡視去後今處通事張伏保又報有後黑水生番聚眾要來松州寡石崖等處出沒除會同都指揮周貴署都指揮僉事李文四川布政司右參議張如宗議得松潘守備官軍年久疲敝蠻人爲歹殺傷眾多若不預爲經久處置儻過番人擁眾臨期卒難馭制且沿邊一帶關堡自松潘至茂州五站三十四堡該五百餘里偏橋險隘山路陡峻都指揮等官巡視不過議得松州起至安化止四關堡臣等撥人巡哨鎮革至平夷止六關堡見有都指揮僉事徐貴提督金餅起至靖夷堡止見有都指揮郭禮提督永鎮堡起至新堡子止

于公奏議卷十

无

九關堡見有都指揮孫敬提督實大關起至松溪止六關堡無官提督其閒長寧堡相離長寧安撫司刺麻兒地方三十餘里正係董卜一姓緊要隘口韓胡起至七星關止六關堡無官提督前項一十二關堡先有掌疊溪所事指揮楊徵提督今照楊徵職掌所事又提督茂州一帶關堡誠恐有警彼此誤事及照東路松州自望山關起至永進堡止一十二關堡係毛公等寨蠻人出沒緊要之處再照十大關至松溪止六關堡韓胡至七星關止六關堡望山關至永進堡一十二關堡合用都指揮二員指揮一員臣等推選得指揮使等官幸用等四員頗知各路夷情各官俱獲功次及長寧地方尤難

撫治見得茂州衛千戶曹敏張振二員深知彼處夷情番人信服先該都御史寇深等屢經奏保及照松州迤東一帶關堡原係都指揮于晟提督今調本官提調清州一帶關堡伏望皇上念以地方爲重乞敕該部將幸用等四員內議選二員曹敏等二員內議選一員俱署都指揮指揮僉事往來提督各該關堡設遇有警各有職掌臨期不致誤事實爲經久便益緣係處置邊情分守地方事理具題該本部官欽奉聖旨兵部知道欽此欽遵鈔出到部參照所奏開稱前項番人已被官軍殺敗送出人口講和緣夷情謫詐難測況又陰懷復讐之謀不可不備合無行移該府差人鋪馬齋文與鎮守松

于公奏議卷十

三

潘都指揮同知周貴等會同左侍郎羅綺右參議張如宗嚴督各該關堡守備官員一體整擄軍馬謹慎隄備如果番夷聚眾乘機爲惡就便量調精銳官員出奇鼓勇運謀設法勦捕不許畏縮無謀縱賊搶掠亦不許輕易怠忽墮賊姦計其稱要將指揮幸用等四員內選二員千戶曹敏等二員內選一員俱陞署都指揮指揮僉事往來提督關堡一節查得松潘等處見有都指揮同知周貴在彼鎮守又有署都指揮僉事等官在彼協同其各該關俱有提督巡守等項都指揮等官領軍預備係是不缺若依所奏再將指揮幸用并千戶曹敏等陞署前項職事在彼往來提督分守關堡則是周貴等與

各分守官員名分相等未免彼此頡頏臨事難於管束  
況邊方用人責任宜專今以一方之地而用都指揮太  
多自是十羊九牧非獨下人難於奉承抑且邊務難於  
統理兼且各官雖稱殺賊有功亦係職分當爲未經取  
勘功次難便定奪陞職若是幸用等委的諳曉夷情堪  
以任用就令仍領原職依擬分授守備提督官軍設法  
撫捕賊寇有功一體陞賞誤事取罪非輕若以後建有  
擒斬番賊功績另行奏請陞用緣奉欽依兵部知道事  
理具題景泰四年二月十四日奉聖旨是欽此

于公奏議卷十

三

峯口等處把總指揮僉事張鉞守備喜峯口指揮僉事  
韓禎呈本年十月二十九日酉時該口外長哨夜不收  
軍人崔時等走報本日申時哨至地名腰站瞭見達子  
人馬順路前來備報隨領官軍同通事干戶丁貴前去  
填上水關答話當有前報達子一十二名馬一十五匹  
到關審得俱係福餘衛一起有齋來達子無印文書一  
紙驗係都指揮可安男可台差達子把禿等六名一起  
無文書審係頭目哈台差達官不列等六名俱係恭遇  
冬節前來叩頭進貢審實整棚官軍擺隊驗放全關除  
各人帶來弓箭封寄在官人馬送鎮守總兵官都督僉  
事宗勝處備開存留起送毛齒等數差人伴送赴京外

開坐具題該禮部官欽奉聖旨禮部兵部知道欽此欽  
遵鈔出到部除進貢使臣馬匹番字等件行移禮部徑  
自查照施行外參照前項虜使雖係福餘衛差來實受  
也先約束名爲赴京進貢實則窺瞰邊備况虜酋也先  
等今歲差來使臣比與往年不同既從宣府大同分道  
而來又從甘肅獨石各另入境已是姦詐難測近日朵  
顏三衛殘寇各稱進馬自獨石并萬全右衛入境今福  
餘衛達子又行分作兩起自永平山海入關則是各處  
邊境俱有賊寇分布虜情誦詐莫甚於斯兼且此等使  
臣也先未曾差人之時不曾見其進貢今則隨彼黨類  
相繼而來絡繹不絕而近日走回人口何狗兒亦說虜

于公奏議卷十

三

酋也先等分投差人進貢驪看道路并邊境人馬虛實  
及差人於三衛殘寇處打聽邊境消息而此賊殺馬相  
待交結往來詭祕周密勾引侵犯之謀不言可知且邊  
境無事之時尙當加意隄備矧虜情變詐之際豈可視  
爲尋常防患未然不可不備合無行移該府轉行各邊  
各關總兵鎮守提督協贊守備等項文武官員一體整  
飭軍馬嚴謹隄備勿以虜使來朝爲可恃勿以邊報稍  
寬爲可忽雖平居無事之時常如臨敵交鋒之際如遇  
虜寇進貢經過去處必須比舊愈加謹慎毋或視常怠  
慢致誤邊備致墮賊計仍嚴督沿邊一帶哨守官軍人  
等晝夜用心瞭望密切防範如有賊寇近邊隨即飛報

所在總兵鎮守守備等官星馳督屬提備相機守備以圖成功以濟邊務如有疏虞罪不容追仍行在京各營總兵等官上緊操練軍馬申嚴號令振揚兵威作新士氣俾部伍嚴肅而遇警易為調度使兵將相識而臨敵易於成功不許視常因循玩愒歲月以操練為文具視軍務如等閒以致臨期調用倉卒無措致誤國家大計罪及身家毋悔緣係隄備賊情及節奉欽依兵部知道事理具題景泰四年十一月初十日奉聖旨是欽此兵部等衙門掌部事少保兼太子太傅兵部尚書等官于謙等為糾劾事兵部鈔出南京兵科等科給事中謝琚等奏照得先因南京災異節該欽奉敕諭守邊官員凡遇議事各懷己私彼此猜疑互相矛盾致至爾等務在洗心滌慮守法奉公痛改前日之愆益廣自新之路協和一心修明庶政庶幾以回天意以副朕懷如或不悛國法咸在欽此欽遵奈何自冬徂春嚴陰沍寒連旬不解堅冰積雪三尺餘深馬牛凍死餓殍流離京師人民驚駭為異豈非為臣下者不能仰遵聖訓之所致歟切照南京守備靈遠伯任禮參贊機務南京戶部尚書張鳳協同守備都督僉事趙倫俱以凡庸叨膺重任正當恪遵聖訓改過自新以求無負委託之重可也豈期任禮趙倫於景泰五年二月初六日在守備廳內各惡言大聲罵詈任禮歷數趙倫平日貪淫之跡眾所共見

彼時參贊張鳳在側不能折制其爭端卻乃緘默而隱忍次日復同趙倫親詣任禮家跪拜和勸似此互相矛盾焉能協和以濟大事哉且任禮年將入衰衰邁龍鍾庸懦無為縱頭目而作弊罔諳事體弛紀律而不嚴張鳳以偏執鷹魯之儒乏經濟變通之術議事罔持其公論臨謀每見其乖方濫受軍民詞訟不能剖決其是非擅制問刑之官輕重悉由其出入自膺參贊之任不聞集事之能至若趙倫一介武夫儉邪譎詐蔑視總兵擅專一己之權陰結參贊誣肆姦貪之志侵占蘆蕩採賣銀兩肥己廣置田莊私役軍人耕種假喪禮以邀屬官之饋賻恣姪慾而擡故人之遺妾迹其過惡難以具陳臣等切詳總兵守備固在得人而參贊軍務尤所當重苟得其人則一人任之而有餘不得其人雖眾人任之亦不足況協同守備之官為因多事而設即今四方靈謐不無官多事擾理在當革參照任禮趙倫既不能修省以弭天災乃敢肆爭以違聖訓及照張鳳明知彼此挾私忿爭自合指實參奏取自上裁卻乃阿附私和互相欺罔原情論罪法所難容若不早加斥逐何以懾服姦雄乞敕法司拏問明正其罪以警將來仍敕在廷大臣會選練達老成素有名望者前來總兵參贊庶使天意可回災異可弭而國法昭彰矣緣係應議及堂上并推選總兵參贊官員事理具奏又該南京廣西等道監

察御史楊敷等奏嘗謂爭己私而違聖諭者法所難容  
濫名爵而肆姦貪者罪在不宥切照南京中軍都督府  
掌府事守備宦遠伯任禮參贊機務南京戶部尚書張  
鳳協同守備都督僉事趙倫官居八議位列六卿恩寵  
莫加顯榮已極爲各官者正宜齎竭忠盡寅亮天工可  
也卻乃貪祿圖位竊政妨賢其任禮年將八十昏耄無  
爲出入則用人扶持處事則乖方顛倒自泄事以來不  
聞贊一善革一弊也邇者爲因各官議事互執己私以  
致災異迭見今蒙敕諭特令修省改過其任禮等自合  
克己以順天心卻又稔惡不悛仍於本府議事廳互相  
毀罵欲行拳毆歷數趙倫姦貪不法事情人所共知彼

于公奏議卷十

五

時張鳳當折以正道息其爭端卻乃待其惡言外間繼  
方勸解及趙倫因任禮聲言要行具奏懼怕許出平日  
非爲挽同張鳳親詣任禮宅內跪拜請罪張鳳再三用  
言和勸任禮聽從歇罷不行甚虧大臣之體何以表率  
於人張鳳才識疏羸性資凶暴徒冒參贊之名全無經  
濟之術濫受詞訟不能裁決縱令問刑百戶顛倒曲直  
其趙倫曩因南北多事之秋暫添協同守備卽今四方  
頗寧安用一介庸夫茂禮義之行乖廉恥之風占用軍  
職跟隨而虛張聲勢出入八人擡轎侵占軍民田土蘆  
蕩令軍人耕種賣錢入己遺祭尙書趙新方畢卽又買  
其嬖妾輒擡回家似此非爲難以枚舉比來自冬徂春

陰疑寒沍雨雪非宜貧窘凍餓而死者不可勝數皆因  
各官惟務私意虐害軍民而致然也詳其所由俱合究  
問臣等職居言路不敢緘默伏乞聖斷將各官拏送法  
司明正其罪以警其餘別選文武大臣素有聞望練達  
治體者前來守備參贊則政務易舉而天心可順矣緣  
任禮等係應議大臣及在京堂上官并推選大臣具題  
該通政使司官奏奉聖旨南京係根本重地守備參贊  
要得其人今他每說任禮衰老趙倫貪淫張鳳已取來  
京著兵部會同多官計議停當來說欽此欽遵通鈔到部  
會同五府各部都察院翰林院大理寺通政司六科十  
三道等衙門掌中軍都督府太保兼太子太師宣陽侯

于公奏議卷十

五

陳懋等議得南京係祖宗根本重地東南總會之所守  
備責任至重匪輕兼且比年以來災異迭見軍民艱難  
感召不虛必有所自正宜慎選守臣以防他變豈可委  
之匪人以貽後艱今照宦遠伯任禮者耄昏曠舉措乖  
方素乏統馭之才難稱守備之任身旣不能自強志何  
有於國事然其人更事頗多別無贓過今訪得平江侯  
陳豫廉靜不貪才堪鎮撫合無請敕一道差人齎與陳  
豫令其星馳前去南京更替守備取回任禮閒住但陳  
豫見在山東河南等處操軍卽日彼處旱澇災傷盜賊  
生發緊關用人若用陳豫亦必得人代替今看得振武  
營統兵官署都督僉事都指揮同知崔福歷練老成不

貪財賄頗得人心堪以任用合無請敕本官令去山東等處代替陳豫巡歷地方操練軍馬撫恤兵民防禦賊寇候事體寧息之日另行定奪惟復任禮且不更替請敕前去戒飭本官令其悉心盡力痛革前非以理公務以安軍民不許偷安怠忽及偏聽小人以誤大計如違罪不容道未敢擅便定奪伏乞聖裁及照都督僉事趙倫本以一介小人濫任協同守備素無汗馬勲勞驟擢都垣重任榮盛已極穢惡彌彰詭詐儉邪而習以成性貪淫浮薄而人所共知罔顧廉恥擅作威福愚弄主將而獨肆已姦剝削下人而衆皆切齒占蘆蕩以侵漁民利種田莊而私役軍餘因喪設計受所部之贓私恃強

于公奏議卷十

七

縱姪奪故舊之嬖妾原其情犯迹其本心實禽獸之不如而神人所共怒此而不懲何以警衆若便行提究問誠恐愈加展轉姦計因而得施合無就將趙倫降除都指揮同知改調廣西都司柳州衛帶俸隨操聽彼處總兵官調度殺賊贖罪如若仍肆姦頑及營求奏保展轉延住定行治以重罪不宥庶以快衆人之清議示國法之至公及照尙書張鳳才本竊疏濫膺重寄不能糾正小人乃敢徇私黨比似此妄爲亦合究治但張鳳近該吏部等衙門奏保戶部尙書行取未到合候本官至日另行奏請定奪再照南京既有守備勲臣又有兵部尙書張純參贊機務若再添用協同未免官多煩擾合無

革去協同守備之官以除政出多門之弊如此庶使法令嚴明而姦頑無由肆志委任專一而機務不致失誤緣節該奉欽依兵部會多官計議停當來說事理具題各官奉聖旨是如今山東河南正要隄防之時陳豫且不必動便寫敕去切責任禮著改過自新設法守備再誤事不饒趙倫不才准議張鳳罷欽此

欽差總督軍務少保兼太子太傅兵部尙書于謙等爲預防邊備事該兵部題該右僉都御史李秉題稱虜中差來使臣內鴻臚寺序班楊冕的男楊玉說稱也先老營今俱往哈刺莽地面住坐統領精兵見在沙河一帶藏住只看使臣回來說朝廷相待厚薄如何若不遂意

于公奏議卷十

八

必有別圖等因具題鈔出本部議擬具題節該奉聖旨也先將精壯人馬近邊潛住雖未的實必早區畫恁每總督總兵便計議如何伏候如何截路以逸待勞務出萬全計來說欽此欽遵會同總兵官太子太師武清侯石亨等計議得賊首也先違天悖理志驕氣盈假以進貢爲由遣人瞰我虛實而又糾率大羊之衆日漸近我邊方侵犯之謀既已彰露隄備之策不可不嚴但出奇截殺貴在臨機應變難以一定而行今京師軍馬雖多而朝廷根本之所在四方萬國之所依強幹弱枝不宜輕動議得懷來爲北邊衝要賊寇欲要侵犯必先經由



取勝須當先積糧草以備不虞合預先行移五軍營撥軍士民壯人等三萬五千名神機營撥軍二萬名三千營撥軍一萬五千名共轄七萬名各委公廉能幹的當部指揮指揮千百戶管領仍委署都督僉事雷通總行提督擺堡接運糧料各七萬五千石共一十五萬石赴懷來收受其運糧軍人預先關領布袋十五萬條運糧完日收還官庫仍乞聖恩每人關與銀三錢以爲腳費及置辦車輛繩索物件等項與鞋一雙以備行走跋涉前項軍士及該運糧料陸續預先整理齊備候虜使起程隨即起運卻於團營官軍內選精銳馬隊官軍一萬五千員名領馬一萬匹步隊一萬員名至期於臣謙石

于公奏議卷十

堯

亨柳溥張軌楊俊羅通范廣通與郭震馮宗張義劉深內請旨點差一二員奉敕統領前去懷來就彼糧草駐劄以逸待勞一面差人探哨賊情緩急人馬多寡來路遠近或於要害去處設伏以待或按伏人馬於山川險阻水草便利之地俟賊半隱半出截路取勝務在計出萬全不許纖毫輕忽其大同地方雖係緊要然相離京師窺遠卒難應援況其先兵部節次行移總兵等官郭登等令其計議應否遣將增兵各執稱糧草不敷并虜使來朝不必增添難便定奪合無再行郭登等計議如果應否遣將領兵前去協同戰守徑自具奏定奪及行各邊關總兵領守守備內外文武官員一體整頓人馬

固守地方各於緊要隘口及賊寇出入必由之路深掘壕塹多設隄備以防賊寇侵犯出奇截殺城堡牆垣淺薄低小者增築高厚山坡路徑平坦寬廣者斬削陡峻但有外寇來攻隨即相機行事一面飛報鄰境守備官員互相策應及星報差人具奏其京師各營務在十分上緊操練官軍聽候調用殺賊不許因循苟且致誤事機緣係計議事理具題奉聖旨是運糧料准議行懷來操備一節待明年春暖賊情緩急定奪其在京軍馬不可怠惰務在操習貫熟早爲定計臨期不致有誤欽此

少保于公奏議卷十終

于公奏議卷十

畢



仕賢承命來守是邦深惟寡昧沿政卽稽率封內文獻  
用咨周行得杭肅愍于公奏牘十卷請於按史對川王  
公議加刊輯以屬風勸迺屬張生乾元校而授諸梓夫  
昔之語經略者日持滿與天傾定與人節事輿地批卻  
導察而理節自解故當大事者必以智夫人言之而孔  
子稱甯武子其愚不可及何哉蓋由給奪慈仁而忘身  
殉國必愚者能之也嘗讀肅愍公是編其智以爲之略  
而愚以爲其仁者乎方其巡撫梁晉開安集流徙以百  
萬計勤中機節法施於今雖富鄭公之賑青州何以尙  
諸周遷頑民三世乃定國朝驅逐胡元時復覬覦公排  
遷主戰推陷廓清雖郭汾陽之佐唐以身係天下安危

于公奏議後序

弗是過也遭時遠艱保大定功權輿機運上安而下不  
以爲疑其爲國計慮又至深遠焉愚謂肅愍公之在當  
時信乎其智以爲之略而愚以爲其仁者歟至於師心  
自用入病其專嗚呼機事惟斷乃成先穀聞荀林父之  
謀以偵厥績責將誰委乎身遭讒阻至於國是既定廟  
食百世乃與閔散爭烈語曰貞臣也難至而節見忠臣  
也崇至而行明于公之烈久而彌芳非忠貞曷克臻茲  
謹序嘉靖辛丑仲冬朔知杭州府事福清陳仕賢頓首  
拜識

肅愍于公奏議乾元承命校訂成集謹拜手言曰此于  
公經世之略彰明較著者也古者入而造膝出而焚草  
陳平多祕謀謀以不傳房杜贊襄彌縫而藏請用使人  
由而不知故曰此特其概彰明較著者也土木之變六  
飛北狩不資尺帛不費分金而乘輿反正昔楚漢之際  
太公在楚軍高帝何嘗一日忘太公哉而顧數羽十罪  
卒還太公此其英謨雄圖獨得於心千古一轍豈薄儒  
俗士所能測識哉劉裕伐燕過大岷之險喜形於色曰  
餘糧棲畝上無空乏之憂而金人南侵得以從容爲計  
亦因牢馳岡之資太傅毀通州墻上之楨豈非所謂先  
人奪人之志者乎寇萊公澗淵之役親扶日轂屹然如

于公奏議跋

山欲使隻輪不返而于公城下之捷重爲懲創亦秉公  
之遺意也至於英廟復辟功高譽積竟以讒死明王置  
計理而明其心嗚呼知我者其惟春秋乎罪我者其惟  
春秋乎此其計安社稷獨以清誠自暴於千古予小子  
又何足以識之哉詩云高山仰止景行行止又觀河洛  
者曰微禹吾魚矣予也仰止有丁今得以校讐挂名文  
字之末豈非疇昔之至願哉太史公稱晏子曰使嬰而  
在吾雖爲之執鞭所忻慕焉予於太傅亦云錢塘後學  
張乾元謹跋



雲南雜取書史部之五

關中奏議

共十八卷

雲南圖書  
館藏板

甲寅  
年刊

欽定四庫全書總目卷五十五

史部

詔令奏議類

關中奏議十卷

直隸總督 採進本

明楊一清撰一清字應甯安甯人成化

至華蓋殿大學士諡文襄事蹟具明史本傳此編以

其生平章疏分爲五類卷一卷二曰馬政類卷二曰

茶馬類宏治十五年以副都御史督理陝西馬政時

所上卷四卷五卷六曰巡撫類則寇入花馬池命巡

撫陝西時所上卷七卷八卷九曰總制類則正德初

寇犯固原隆德一清以延綏甘肅甯夏有警不相援

患無所統攝請遣大臣領之卽命一清總制時所上

第十卷曰後總制類則其忤劉瑾致仕後以安化王

關中奏議 提要

三

寅鍾反復起時所上也以所陳多陝甘邊事故以關

中爲名嘉靖初始刊行於南京其間所載不盡皆一

清奏藁凡當時部臣覆疏及前後所奉諭旨悉編入

之故於時事本末頗爲詳盡史稱一清官陝西提學

副使時卽詳究邊情利弊嘗當羽書劾午一夕草十

疏悉中機宜其才一時無兩或比之姚崇云

明史本傳

楊一清字應甯其先雲南安甯人父景以化州同知致仕

擢之居巴陵少能文以奇童薦爲翰林秀才憲宗命內閣

撰師教之年十四舉鄉試登成化八年進士父喪葬丹徒

遂家焉服除授中書舍人久之遷山西按察僉事以副使

督學陝西一清貌寢而性警敏好談經濟大略在陝八年

以其暇究邊事甚悉入爲太常寺少卿進南京太常寺卿

安治十五年用劉大夏薦擢都察院左副都御史督理陝

西馬政西番故饒馬而仰給中國茶飲以去疾太祖著令

以蜀茶易番馬資軍中用久而寢弛好人多挾私茶闕出

爲利番馬不時至一清嚴爲禁盡籠茶利於官以服致諸

關中奏議 本傳

二

又

番番馬大集會寇大入花馬池帝命一清巡撫陝西仍督

馬政甫受事寇已退乃選卒練兵創平虜紅古二城以援

固原築垣瀕河以捍靖虜劾罷貪庸總兵武安侯鄭宏裁

鎮守中官冗費軍紀肅然武宗初立寇數萬騎抵固原總

兵曹雄軍隔絕不相聞一清帥輕騎自平涼晝夜行抵雄

軍爲之節度多張疑兵脅寇寇移犯隆德一清夜發火礮

響應山谷間寇疑大兵至遁出塞一清以延綏甯夏甘肅

有警不相援患無所統攝請遣大臣兼領之大夏請卽命

一清總制三鎮軍務尋進右都御史一清遂建議修邊其

略曰陝西各邊延綏據險甯夏甘肅扼河山惟花馬池至

靈州地寬延城堡復疎寇毀牆入則固原慶陽平涼鞏昌

皆受患成化初甯夏巡撫徐廷璋築邊牆綿亘二百餘里在延綏者余子俊修之甚固由是寇不入套二十餘年後邊備疎牆墜日夷宏治末至今寇連歲侵略都御史史琳請於花馬池韋州設營衛總制尙書秦紱僅修四五小堡及靖慶至環慶治墜七百里謂可無患不一二年寇復深入是紱所修不足捍敵臣从官陝西頗諳形勢寇動稱數萬往來倏忽未至徵兵多擾費既至召援輒後時欲戰則彼不來持久則我師坐老臣以爲防邊之策大要有四修濬牆塹以固邊防增設衛所以壯邊兵經理靈夏以安內附整飭韋州以遏外侵今河套卽周朔方漢定襄赫連勃勃統萬城也唐張仁愿築三受降城置烽墩千八百所突厥不敢踰山牧馬古之舉大事者未嘗不勞於先逸於後夫受降據三面險當千里之蔽國初舍受降而衛東勝已失一面之險其後又輟東勝以就延綏則以一面而遮千餘里之衝遂使河套沃壤爲寇巢穴深山大河勢乃在彼而甯夏外險反南備河此邊患所以相尋而不可解也誠宜復守東勝因河爲固東接大同西屬甯夏使河套方千里之地歸我耕牧屯田數百萬畝省內地轉輸策之上也如或不能及今增築防邊敵來有以待之猶愈無策因條其便宜延綏定邊營石澇池至橫城三百里宜設墩臺九百座暖譙九百間守軍四千五百人石澇池至定邊營百六十三里平行宜牆者百三十一里險崖峻阜可剗削者

關中奏議 本傳

三 又二

三十二里宜爲墩臺連接甯夏東路花馬池無險敵至仰客兵宜置衛興武營守禦所兵不足宜召募自環慶以西至甯州宜增兵備一人橫城以北黃河南岸有墩三十六宜修復帝可其議大發帑金數十萬使一清築牆而劉瑾憾一清不附已一清遂引疾歸其成者在要害間僅四十里瑾誣一清冒破邊費逮下錦衣獄大學士李東陽王鏊力救得解仍致仕歸先後罰米六百石安化王寘鐸反詔起一清總制軍務與總兵官神英西討中官張永監其軍未至一清故部將仇鉞已捕執之一清馳至鎮宣布德意張永旋亦至一清與結納相得甚歡知永與瑾有隙乘間扼腕言曰賴公力定反側然此易除也如國家內患何永曰何謂也一清遂促席畫堂作瑾字永難之曰是家晨夕上前枝附根據耳目廣矣一清慷慨曰公亦上信臣討賊不付他人而付公意可知今功成奏捷請問論軍事因發瑾奸極陳海內愁怨懼變起心腹上英武必聽公誅瑾瑾誅公益柄用悉矯前弊收天下心呂強張承業暨公千載三人耳永曰脫不濟奈何一清曰言出於公必濟萬一不信公願首據地泣請死上前剖心以明不妄上必爲公動苟得請卽行事毋須與緩於是永勃然起曰嗟乎老奴何惜餘年不以報主哉竟如一清策誅瑾永以是德一清左右之得召還拜戶部尙書論功加太子少保賜金幣尋改吏部一清於時政最通練而性濶大愛樂賢士大夫與共

關中奏議 本傳

四 又二

功名凡爲瑾所構陷者率見甄錄朝有所知夕卽登薦門生徧天下嘗再帥關中起偏裨至大將封侯者累累然不絕饋謝有所入緣手卽散之大盜躡中原一清疏請命將調兵前後凡數上皆報可盜平加少保太子太保廕錦衣百戶再推內閣不用用尙書靳貴而進一清少傅太子太傅給事中王昂論選法弊指一清植私黨帝爲謫昂一清更申救優旨報聞乾清宮災詔求直言一清上書言視朝太遲享祀太慢西內創梵宇禁中宿邊兵畿內皇店之害江南織造之擾因引疾乞歸帝慰留之太學士楊廷和憂去命一清兼武英殿大學士入參機務張永尋得罪罷而義子錢甯用事甯故善一清有構之者因蓄怨會災異一

關中奏議 本傳

五

又二

清自劾極陳時政中有狂言惑聖聽匹夫搖國是禁廷雜介胄之夫京師無藩籬之託語譏切近侍帝弗省甯與江彬輩聞之大怒使優人於帝前爲蜚語刺譏一清時有考察罷官者嗾武學生朱大周計一清陰事而以甯爲內主給事御史周金陳軾等交章劾大周妄言請究主使帝不聽一清乃力請骸骨歸賜救褒諭給大廩如制帝南征幸一清第樂飲兩晝夜賦詩廣和以十數一清從容諷止帝遂不爲江浙行世宗爲世子時獻王嘗言楚有二傑劉大夏李東陽及一清也心識之及卽位廷臣交薦一清乃遣官賜金幣存問諭以宣召期趣使有言一清陳謝特予一子官中書舍人嘉靖三年十二月戊午詔一清以少傅太

子太傅改兵部尙書左都御史總制陝西三邊軍務故相行邊自一清始溫詔褒美比之郭子儀一清至是三爲總制部曲皆踴躍喜亦不刺竄西海爲西甯洮河害金獻民言撫便獨一清請勸土魯番求貢陳九疇欲絕之一清則請撫時帥諸將肄習行陣省曰無事時當如有事隄防有事時當如無事鎮靜會張璁等力排費宏御史吉棠因請還一清內閣給事中章僑御史侯秩等爭之帝謫秩官召一清爲吏部尙書武英殿大學士旣入見加少師仍兼太子太傅非故事也亡何獻皇帝實錄成加太子太師謹身殿大學士一清以不預纂修辭不許王憲奏捷推功一清加特進左柱國華蓋殿大學士費宏已去一清遂爲首輔

關中奏議 本傳

六

又二

帝賜銀章二曰耆德忠正曰繩愆糾違令密封言事與張璁論張永前功起爲提督團營給事中陸粲請增築邊牆推明一清曩時議一清因力從臾之帝爲發帑金命侍郎王廷相往然久之亦竟止明倫大典成加正一品俸初大禮議起一清方家居見張璁疏寓書門人喬宇曰張生此議聖人復起不能易也又勸席書早赴召以定大議璁等旣驟顯頗引一清帝亦以一清老臣恩禮加渥免常朝日講侍班朔望朝參令晨初始入閣視事御書和章及金幣牢體之賜甚渥所言邊事國計大小無不傾聽璁與桂萼旣攻去費宏意一清必援已一清願請召謝遷心怨之遷未至璁已入內閣多所更建一清引故事稍裁抑其黨積



不平錦衣聶能遷訐璉欲置之死一清不可璉怒上疏  
陰詆一清又嗾黃綰排之甚力一清疏辨言璉以能遷故  
排已且傍及璉他語因乞骸骨帝爲兩解之一清又因災  
變請戒飭百官和衷復乞宥議禮諸臣罪璉益憾桂萼入  
內閣亦不相能一清屢求去且言今持論者尙紛更臣獨  
主安靜尙刻覈臣獨主寬平用是多齟齬願避賢者路帝  
復溫旨褒之而給事中王準陸燾發璉萼招權納賄狀帝  
立罷璉萼且暴其罪其黨霍韜攘臂曰張桂行勢且及我  
遂上疏力攻一清言其受張永蕭敬賄一清再疏辨乞罷  
帝雖慰留之而璉復召還韜攻益急且言法司承一清風  
指搆成孽罪帝果怒令法司會廷臣雜議出刑部尙書周  
倫於南京以侍郎許讚代讚乃實韜言請削一清籍帝令  
一清自陳璉乃三上密疏引一清贊禮功乞賜寬假實以  
堅帝意俾之去帝果允致仕馳驛歸仍賜金幣明年璉等  
構朱繼宗獄坐一清受張永弟容金錢爲承誌墓又與容  
世錦衣指揮遂落職閒住一清大恨曰老矣乃爲孺子所  
賣疽發背死遺疏言身被污讎死且不瞑帝令釋賊罪不  
問後數年復故官久之贈太保諡文襄一清生而隱宮貌  
寺人無子博學善權變尤曉暢邊事羽書旁午一夕占十  
疏悉中機宜人或嘗已反薦揚之惟晚與璉萼異爲所軋  
不獲以恩禮終然其才一時無兩或比之姚崇云

關中奏議 本傳

七

X 111

石淙楊文襄公傳

禮部 雷躍龍 新與  
尙書

公諱一清字應甯號邃庵其先世爲滇之安甯人父景以  
化州同知致仕攜居巴陵少穎敏能屬文有司以奇童薦  
爲翰林秀才憲廟俾內閣擇師教之與李文正東陽前後  
登庶子黎淳門年十五登北闈鄉試卽以經術爲人師十  
九成進士明年父喪解官卜葬京口遂卽丹徒家焉服除  
授中書舍人職務清簡弟子益進凡經公指授者皆取高  
第顯名久之遷督學力祛宿弊凡請託一以嚴絕之士大  
夫始有諱者久而服其公且明也丁母憂歸服除改督陝  
西學政尋遷副憲公乃益自振勵創正學書院選英俊居  
其中躬自教督所拔識李夢陽以文學召擢狀元康海呂  
柟名士馬理張璿皆與焉公資警敏能爲文詩與書多慕  
效李西崖其功力差相伯仲也好談王霸經世大畧材猷  
足法以是聲譽籍甚用超晉太常少卿尋晉南京太常卿  
遷都察院右副都御史督理秦中馬政西蕃故饒馬必仰  
給中國茶飲以去其羶酪疾先是高帝著爲令以蜀茶易  
蕃馬資軍中用久而浸弛茶多闌出爲姦人利而蕃馬不  
時至公乃請重行太僕苑馬官而嚴私通禁盡籠茶利於  
官以服致諸蕃馬馬大集牧政用修給軍者日益稱足時  
李文正當國劉公大夏爲大司馬皆善公而材之會邊陲  
告警議遣將劉公言兵難迨度卽遣將以不時往揚中丞  
在彼可用也勅公巡撫陝兼理經畧邊務公益選練士卒

關中奏議 傳

八

X 111

創築一城以爲固援又劾貪庸總兵武安侯鄭宏及不職諸校尉數人去之適吐蕃數萬騎入甯夏乘勝直趨固原烽火通於內地時總兵曹雄軍隔絕不相聞公慮其失策乃從帳下輕騎僅五十趨之眾爲公危請勿往公不聽星馳抵雄軍爲之調度復張疑兵以脅吐蕃吐蕃移犯隆德會伏炮夜發響應山谷吐蕃以爲大兵至宵遁塞外邊人土以汾陽比之大司馬復議延綏甘肅甯夏等鎮兵散無統請設都御史總制之上報可遂命公總制諸邊開府固原尋晉右都御史公乃具疏亟陳戰守之策請修濬牆塹以固邊防增設衛所以壯邊戍經理甯夏以安內附整緝鞏州以遏外侵悉許之公督諸鎮土馬餉騰每按部旌旗

關中奏議 傳

九

戈甲耀原野間吐蕃不敢駐牧近地公又謂河套卽古朔方地唐張仁愿築三受降城自是無寇警請因險而牆之聯絡相應可制敵而障全陝於數百里外廷議難之於是大發帑金數十萬使公治築工未竟爲權閹劉瑾陰阻以是移疾乞歸工亦罷其成者在要害間僅四十里耳邊人至今賴之公既歸瑾復入讒語坐公言餉逮下召獄李文正及王文恪力爭之始得致仕歸公歸京口治私第得唐許刺史丁卯橋舊趾圖之以詩奕飲酒自娛顧名聲日益盛適慶藩竇鏞叛詔起公提督軍務合總兵官涇陽伯神英西討以中貴人張永監其軍公馳至關密諭公故部將仇斌時亦被劾叛王者俾乘間捕執之遂悉誅縛其首逆

何錦周昂等永亦旋抵壁上見公奇之公見永軍政之嚴相得數甚初永與逆瑾侍潛耶爭寵不相下時頒賞諸部曲百餘人瑾之姻族毫不見與公固勸之始勉給一二乃願謂公曰公無慮吾豈畏瑾者哉公曰固也第今權臣內而大將外公誠貴上誠重公保無中變乎永曰然則奈何公曰公宜亟歸乘上之見嚮聲瑾罪而誅之此千載一時也永悟歸密疏發瑾諸謀反狀蓋公草也瑾因伏誅上因進永柄司禮焉方永之入也留公節制諸軍陝之軍吏氓走額首頌公勿歸顧朝議之趨召且迫也遂馳赴召拜公戶部尚書論平叛功晉太子少保賜白金彩幣尋晉吏部尚書公於時政最稱通練而性廓大不飾邊幅愛樂賢士

關中奏議 傳

十

大夫與共功名朝有所知夕卽登薦以是桃李徧域中嘗再帥關中麾下自偏裨起爲大將封侯佩印者纍纍也時大盜起蹂躪中原公調悉機宜疏前後數上復薦用副使吳廷舉等力討平之再晉少保兼太子太保蔭一子錦衣千戶中貴谷大用陸闡援張永例請封其弟姪伯爵詔報可公力疏止之不報給事中王昂論選法弊於公有所指摘上爲謫昂公力請寬之給事中竇明及御史孟津等或以言事或與鎮守中貴忤諸繫詔獄者公上言求釋上亦間有所寬也乾清宮災公應詔陳言至指及乘輿出無定期止無常所且置番僧戒種於宮廷諸干成法事因自劾乞罷歸上爲溫旨慰留以原官兼武英殿大學士直內閣

會火異公復自劾因極陳時政得失中有狂言可以惑聖聽匹夫可以搖國是禁廷雜介胃之夫京師鮮藩籬之託語甚激切上弗省是時張永坐閒廢江彬錢甯方倖用聞公疎弗善也於是使所私優人臧賢輩畫語上前譏刺公又嗾故諸生朱大周者誣訐公公乃上書乞骸骨疏至再四上始賜敕褒諭累數百言給夫廩逾常格以歸公歸其客日益進凡所摹畫朝事德度無爽時目之爲智囊云宸濠之變公度鎮江扼江南諸鎮之吭曰有備可禦二吳失茲要害吳越潰莫支矣於是捐資募諸壯士復過促臺使者調金山鎮海諸衛軍環備內外無慮數十萬武宗南征聞其備禦有策特幸公第爲宴樂者逾兩日且暮慶咏篇

關中奏議 傳

十一

又文川

什古今無僞馬時左右有導上幸浙江者公從容諷諫乃不果行世宗嗣大位廷臣爭言公可大用詔遣官賜金帛存問久之三邊總制缺詔公以少傅兼太子太傅改兵部尙書兼左都御史洩之溫詔褒諭以古吉甫方召唐之裴郭宋之韓范稱美之故相行邊蓋自公始也公之鎮凡諸軍吏幸公再泄有恩德又起自台輔將士愈自飭勵旌旗壁壘色彩爲新上以舊勳凡有所條請靡不報居未一載復詔入爲吏部尙書兼武英殿大學士陛見卽晉少師兼官如故又以獻皇帝實錄成晉太子太師謹身殿大學士時首輔費文憲宏也會張文忠字敬桂文襄等以議大禮得上意驟貴爲宮詹兼學士而諸詞臣皆心鄙之以故詞

林諸榮秩如講幄典試教習庶常皆不與張桂於是深憾費文憲屢疏攻之去公復薦起宏治中故輔謝文正遷居首輔文正至則公已用陝捷加特進左柱國文華殿大學士秩居文正上矣公猶疏讓文正願居其次上弗許以是公居首輔文正亦旋謝病歸公旣以敏練見知一時士大夫皆崇仰之上益禮重公賜御書和章及金幣牢醴無虛日復賜銀印記二一曰耆德忠正一曰繩愆糾謬所言邊務國計事無大小悉傾聽之顯陵之不果遷則公力爭功居多也是時張桂益貴倖入內閣上之傾嚮且過於公桂文襄以構王文成守仁亦與張文忠相讐隙上以王文成論公欲知其人公謂其有精忠大節可大用桂文襄密聞而銜之於是張文忠遂疏謂三楊以後姦人占據揆地往復去來其人日輕勢日重乞下嚴諭俾勿詭隨便已意如往昔蓋指公也公亦奏辨乞歸上兩爲溫旨以解之於公尤厚張桂於是益思構公矣先是公議散館留陸燾等數人爲翰林上難之張文忠密疏言此曹皆費宏所植而一清成之勿留便於是陸燾等爲給事中公弗聞也故燾給事省中時有建白公輒擊節稱歎謂而家敬輿不過祭內感公國士知禮部侍郎徐繪以次當柄用素謹事公又爲祭座主時時以上意語燾謂厭張桂燾思有所論列未發也會武定侯郭勛帥營務頗貪橫公奏對常盈庫出入計語頗侵之因薦用故中貴人張永同爲提督永遂發勛

關中奏議 傳

十二

又文川

貪汚跡俄而承暴卒中外頗疑中勛尋言路遂擊勛助故  
以大獄事感張文忠每嚴事之於桂不爾桂亦密疏攻勛  
且謂張實庇之上於是下諸給事御史擊勛章於公且論  
以孚敬私勛必曲救令勿聽公偶泄之縉縉亦語祭也給  
事孫應奎疏論張桂亦及公上是其論公上疏辭優詔勉  
慰至張桂疏各有策勵語公復上辭章謂今之持論多尙  
紛更臣獨勸以安靜多尙刻削臣矯以寬平欲變法臣請  
宜守法欲生事臣謂不如省事用人則謂才難當惜斷獄  
則謂罪疑爲輕以故齟齬參差願賜骸骨避賢者路蓋指  
張桂也祭於是果疏劾張桂罔上行私諸罪狀上乃責張  
孚敬桂等負君忘義令孚敬以原職回家創悔資後用等

關中奏議 傳

十三

又文

革保傅大學士銜以尙書致仕而罪祭不早言逮下詔獄  
杖謫荒裔居二日復榜示於朝明張桂功罪且令中外勿  
得更加齟齬張文忠陛辭上乃密諭公謂孚敬可還之問  
否公言上欲還孚敬固當第渙汗大號甫揚廷而遽改之  
非所以示天下信少遲孚敬至家而後召之便張文忠聞  
益憾公且疑祭疏公所授也於是張桂同事詹事霍文敏  
韜有齒寒之懼上疏力攻公公因自劾乞歸上諭留公疏  
辨乞歸上亦溫諭留之而意移矣張文忠至天津上使人  
以璽書召還復職公遂乞休益切上未許也張文忠回見  
公愈偃然自負且謂公若吾在韜不敢有是言公笑領之  
霍文敏以省母給假因復爲桂辯冤攻公益力上報文敏

遂切責公非大臣體公謝以不職自陳上乃俞致仕予金  
帛令馳驛歸既而霍文敏亦私心悔之矣公歸會進大學  
衍義不與公名上覽之不悅謂修是書實肇於楊一清又  
嘗序諸後可獨遺乎命補列名仍遣官齎賜金帛於其家  
羣議祀禮不一上復念公願謂左右朕誤放楊一清歸若  
在彼能無決乎諸仇公者聞益懼公復用乃噉永門下之  
怨承及公者誣奏公嘗受永金玉乃薦用承又謂承既死  
復以金百兩乞公爲誌銘乃詔奪公官命巡按御史追公  
所受永金如所誣數尋亦罷追或請公奏辯公則謂久當  
自白奚辯爲願亦大憾爲孺子所賣鬱鬱以終又四年上  
念之復其官又十五年乃贈太保謚文襄則公所謂久而

關中奏議 傳

十四

又文

自白也公所著詩文有獻納稿及綸扉奏議玉堂前後集  
行世凡所撰述以石滌繫之石滌者先世滇中故居蓋不  
忍忘也李文正費文憲霍文敏諸公皆爲石滌賦以頌美  
之故世稱公石滌先生云  
此傳見新興州志按州志載鄉賢雷尙書躍龍字伯麟  
號石庵年十八萬歷己未科進士選庶常半姿雋逸器  
識深沉詩文才望時推第一魏璫熾盛躍龍避不與交  
璫敗籍家朝士多有名刺書札惟躍龍無隻字懷宗重  
之不數年擢至禮部尙書野史稱永明王至滇時官至  
尙書傳聞之誤也公實以尙書告歸值永明遜荒與黔  
國公沐天波及諸臣二百餘人扈駕至緬甸同死咒水

之難今其墓在新興高倉屯乃衣冠墓也題曰明故太子少保文華殿大學士禮部尙書雷公之墓州人士嚴天駿爲撰神道碑於公之行狀節義猶具崖畧焉湘西黃膺謹志

關中奏議 傳

十五

二十一

關中奏議全集序

故少師遼菴楊公關中奏議蚤已刻之江南海內之人爭相傳誦久矣侍御淮南白匡劉君來按洮河以公宦跡遍滿三秦反無鍍板誠爲缺典乃手次其類爲茶馬爲巡撫爲總制凡一十八卷一百九十八篇副憲使齊雲汀氏重刻之屬博爲序憶昔博在職方邊報旁午每當艱大不能朝決輒於故牘中取錢塘青神鈞陽華容諸先正并公之遺稿讀之如寐而覺如矇而瞭昌言壯猷充可底績是豈口耳詞章者所能到哉人亦有言作於聖故曰經述於才故曰文不知經與文其道一也典謨訓誥臬夔伊傅之所以詔其君者也施諸寰宇則勳望赫然布在方冊則文采爛然是故經而不文則野文而不經則史經與文果異乎哉公雄才遠識殆若天授其敘事則詳雅典則泰山喬嶽屹然不動其摛詞則明白踈澁長江大河一瀉千里明體適用雖謂之經可也武功康對山太史嘗稱公文武之道將相之業上培國家億萬年之基下啟士大夫千百世之緒非誠哉知言者乎侍御君言念西陲頃者屢上封事經濟之學昌大之氣酷與公類夫自古豪傑之相知美則愛愛則傳然則是舉也侍御君固不得不任其責矣嘉靖庚戌夏賜進士第通議大夫都察院右副都御史奉勅巡撫甘肅等處地方蒲坂虞坡楊博撰

關中奏議 序

六

八十二

關中奏議全集序

奏議少師大學士遼菴楊翁先後蒞關中經畧疏也弘

治中

孝皇用廷臣議

勅翁以御史中丞督馬政嗣改撫全陝未幾

授鉞總制三邊正德中以大學士謝事歸

今上以大司馬兼御史大夫起復總制奏議事類二茶馬

巡撫總制卷十八凡一百九十八章大抵皆籌邊策也

先以板行然各為一帙侍御劉公哀而為一復刊之蓋

期迭流遐布風斯世也工卽以序屬奇翁督學政時以

國士遇奇侍御公又素以斯文相愛者安可以衰病不

關中奏議 序

十七

XXXX

文辭夫國之大事在兵而邊兵為尤大邊務者在今時

尤當急於講求而不可忽者也仰惟我

高皇誅掃胡元再造華夏殊方絕域莫不奉貢稱藩我

文皇提兵北狩三犁虜廷殘虜駭奔遐竄莫敢向南發一

矢中國之盛未之有也今我

皇上中興敷賁一德格天四夷來王克紹先烈昭明協和

之化萬國同風其於武事若可緩者然泰宜思陂豐慮

日中聖帝明王儆戒之道常欲無虞之時自古繼體之

世太平之盛莫過於成康當其時越裳重譯刑措不用

周公告成王則曰詰爾戎兵召公告康王則曰張皇六

師二公豈以威武鎮主者艱貞於泰明動於豐古之人

為國深長思也故曰邊務者在今時尤當急於講求而

不可忽者也翁之文章著在關陝侍御公獨取是編而

表章之楊先烈作國兵先平期弗陂中期弗吳保豐泰

於無疆忠愛之意深矣翁之遺教宏矣若是編也燦若

景星人所快觀奇也安能贊一辭

嘉靖二十九年夏五月

賜進士出身資善大夫叅贊機務南京兵部尙書前吏部

右侍郎右春坊

太子右庶子兼翰林院

國史修撰

經筵講官苑洛韓邦奇序

關中奏議 序

七

XXXX



關中奏議全集序

關中奏議者前少師遼菴楊公在關中時所上諸疏也公幼以神童被薦入讀中秘書繼登甲科官近侍當是時隱然名重京師人無不以吉甫方叔望之矣既而以臺諫疏舉才足經濟迺膺

廷推出督陝右馬政尋兼巡撫總節制復起而至者再計出入邊方三十餘年故諸所建白樹立不為不多其在關中者不啻什之五也舊刻在京口為公故里然畧而未備傳布未廣有事西土者往往以購求為難余承乏入關凡所事事率皆公已試之迹其所經畧邊方諸務迺通儒宿帥咸謂數十年來用之不盡吁今西事亦孔

關中奏議 序

十九

XXXX

棘哉舍桀獲以為方外正鵠而求中突其可爰屬憲副齊君宗道少參劉君世用彙分目列梓之關南便有事也復以督府奏議續之通前為卷凡十有八總為全集於畿邊事其有賴哉以今攷之實戎務有若馬政諸疏馭番夷有若修復諸疏固疆圉有若兵儲諸疏慎用人有若舉劾諸疏禦大虜有若調度諸疏勵人心有若賞罰諸疏其間山川之險夷道里之修近虜情之出沒戰守之機宜披閱之餘較若指掌信乎鴻猷偉畫傑識遠思非若經生俗士腐議膚聞剽擬前人之緒餘以資後世之口實初無關於時事輕重者之言也如公可不謂經濟才耶自昔以奏疏名家者漢賈傳唐陸宣公其人

而權載之之論拳拳以才位時命為言歸之所遇說者以為慟哭數語終非感悟之機勸懇萬言要失將順之美固亦不能無遺議焉惟公當

國家付畀之隆繫中外倚重之望故能乘時匡力隨事納忠孚動轉移言無不用卒之寵位日崇而膏澤以下卽百年來稱遇

主者莫不曰遼菴公云是二子之才固不能加於公之所務絕口不敘西鄙勦伐刻之傳無乃非公意乎是不然充國在漢名將也西塞召還人或請遜其功曰不言後將奚法矧斯集經畧皆足安夏攘夷故終公在位之日

關中奏議 序

二十

XXXX

虜人不敢南近塞垣此外無餘術也豈直金城所上方畧已耶詩曰方叔元老克壯其猷又曰文武吉甫萬邦維憲是集有焉若之何其弗傳也雖然傳者奏議也猶曰關中焉豈其一斑歟公之全固不在是也有國史在焉

嘉靖二十九年庚戌春三月望日

賜進士出身巡按陝西監察御史廬郡後學劉崙謹書

經濟才耶自昔以奏疏名家者漢賈傳唐陸宣公其人



督府奏議序

督府者何乃三邊繹騷軍旅荐興

詔起太傅遂菴先生提督其事也奏議者何先生所為諸  
疏以樓戢乎外而畢其經營者也處列而刻之以傳于  
世者誰氏固原提兵副使澤山桑子溥是已曷為刻之  
將以告夫邊疆之臣介胄之士也曷為告之蓋虜情叵  
測投之剽利及諸出沒之候虛實之形與在我調度之  
方制馭之術分擊合圍之法出備入保之宜無不在焉  
是故邊疆之臣介胄之士不可以不知也抑諸山川之  
險易斥埃之疏密主將之仁暴士伍之奮弛錢穀之盈  
縮聲援之遠近亦皆昭可考已尤不可以不知也昔賢  
論陸贄書為已試之方此亦已試之方而得其精神可  
以折衝者也得其方畧可以壯猷者也何也醫始切脉  
熟則觀色聽聲已矣是故見癥稱神折肱稱良無他習  
其理然也先生始巡茶馬再為總制出入於邊者三十  
餘年于斯其誠習之者乎謂之曰已試固不誣也則豈  
惟邊疆之臣介胄之士當知之哉刻之是也其諸列薦  
之條又曷為並存之蓋取善者大之道也得士者昌之  
本也是故舉親舉讐舉偏日汲汲然非祈大夫乎西土  
之士擢用不遺非漢諸葛氏乎是獨可以後諸耶夫不  
敏亦猥及焉乃可畧也

嘉靖五年孟秋望日蘭谿後學漁石唐龍書

關中奏議全集目錄

卷一

馬政類

修舉馬政事

黜罷不職官員以修馬政事

起送別用官員事

修舉馬政事

遣 成命重卿寺官員以修馬政事

遵復 舊制量添官員以修馬政事

處置馬營城堡事

稽考官軍騎操馬匹事

關中奏議

改調官員以修馬政事

卷二

馬政類

正卿寺體統以修邦政事

議處茶馬以便官軍給領事

禁約侵占牧馬草場事

乞改提學官員以修學政事

舉用官員修舉馬政事

改任官員以便行事

薦舉賢能官員事

添設馬苑管堡以便收牧事

防禦虜寇保障官馬事

處置各邊馬匹事

處置馬營城堡事

修舉馬政事

卷三

茶馬類

修復茶馬 舊制以撫馭番夷安靖地方事

修復茶馬 舊制以撫馭番夷安靖地方事

申明事例禁約越境販茶通番事

將官濫給驛傳與販私茶違法事

修舉馬政事

關中奏議

目錄



一五上

卷四

巡撫類

邊務事

才不稱任乞 恩辭免巡撫地方事

公舉將材以備擢用事

計處官軍保障地方官馬事

預處邊儲以備緊急供餉事

更替守備官員以保障地方事

推舉領軍官員事

經畧緊要地方邊務事

存留守城官軍以防虜患事

申明捉獲姦細賞罰事

使功不如使過事

謹服用以崇 聖德事

卷五

巡撫類

易置主將以保固地方事

慎固地方以遏虜寇事

傳報聲息預防虜患事

急缺領軍官員事

預防虜患以保固地方事

預防虜患事

關中奏議

目錄



一五下

卷六

巡撫類

地方事

地方事

地方事

地震事

旱災事

旱災事

地震事

處置災傷流移事

慶賀事

考選軍政官員事

分理誣枉事

邊務事

達賊擁眾大舉入境事

謝恩事

災異自刻乞恩罷黜以回天意事

謝恩事

乞恩認罪罷黜以謝地方事

卷七

總制類

關中奏議 目錄

陳情乞恩辭免總制重任事

乞恩認罪辭免重任事

處置招募土兵事

急缺兵備官員事

易置要害地方守臣事

邊務事

經理要害邊防保固疆場事

卷八

總制類

預防虜患事

薦賢為國事

乞恩停免進貢紅花以恤邊兵事

應詔陳言原情有罪保全將官以勵人心事

急缺領軍官員事

分布邊兵預防虜患事

預計兵機事

遵明詔更置將官以甦久疲邊人事

急缺領軍官員事

卷九

總制類

激勵土兵事

經理要害邊防保固疆場事

關中奏議 目錄

乞取醫士治療病疾事

預處儲蓄以安邊固本事

經理要害邊防保固疆場事

器使將材以修戎務事

經理要害邊防保固疆場事

遵明詔更置將官以甦久疲邊人事

衰病乞恩休致事

謝恩事

經理要害邊防保固疆場事

卷十

後總制類

邊務事
眾官反逆殺死鎮巡大臣事
擒獲同謀叛賊撫諭軍民以靖邊境事
謝 恩事
遵奉 勅諭起解反逆賊寇事
災傷事
更易主將以撫安人心保障地方事
撥補軍伍以實邊備事
分別將官功過事
議處 宗藩以防患將來事
遵奉 勅諭起解後獲反逆賊寇事
關中奏議 目錄
三
一 文上
溥 恩典以恤邊軍事
旌死節以勵人臣事
十分緊急缺乏糧料馬草事
改調管糧官員事
缺官催辦錢糧刑名等事
調兵征剿犯邊達賊事
謝 恩事
衰病不能供職乞 恩放回休致事
易置守備官員事
處置邊儲事
交收 符驗關防事

謝 恩事
推訪將材以備任用事
薦舉賢能官員事
陳情乞 恩辭免 欽取陞任容令休致事
患病事
懇乞 天恩辭免加官陞任事
卷十一
提督類
老病衰殘乞 恩辭免 新命事
再陳懇惻乞容照舊休致事
謝 恩事
關中奏議 目錄
三六
一 文上
軍務事
急處邊儲以防虜患以安地方事
整理邊務以備虜患事
急缺邊方兵備官員事
急處巡撫官員以安地方事
急缺方面官員事
軍務事
處置拖欠邊儲事
易置重鎮主將以保固邊方事
增解額以疏人材以均政體事
急缺都司掌印僉書官員事

調度邊兵預防虜患事

擢用繁難府分正官以從民便事

哨報回賊聲息事

卷十二

提督類

被虜走回人口供報回賊聲息事

斬獲犯邊回賊首級事

整理邊務以備虜患事

欽奉事

查報虜情事

回賊出沒事

關中奏議 目錄

二十九

一三三

達賊出沒計處用兵機宜事

乞留方面賢能官員共濟時艱事

急缺管糧方面官員事

斬獲犯邊達賊首級事

虜中走回男子供報緊急夷情事

卷十三

提督類

斬獲犯邊回酋首級事

達賊出沒事

傳報回賊聲息事

問革姦官謀求掌印賣放邊軍科取局匠月糧

等事

舉用賢才以裨政化事

急缺邊方都司官員事

易置邊方將軍事

申明 勅諭陳言邊務以禦虜寇事

達賊聲息事

卷十四

提督類

虜中走回人口供報夷情事

聲息事

乞留守備官員以慰邊人事

關中奏議 目錄

三十

一三四

傳報虜情事

達賊聲息事

擢用繁難府分正官以從民便事

緊急聲息事

急缺方面官員事

緊急聲息事

整理邊務以備虜患事

卷十五

提督類

達賊入境官軍斬獲首級奪獲達馬夷器等事

地方賊情事

地方賊情事

卷十六

提督類

更易極邊地方將官事

禁納妖人邪術扇惑愚民貽患地方事

反獄事

懇乞養病事

患病將官懇乞休致事

查探聲息事

大舉達賊出沒事

達賊聲息事

關中奏議

目錄

三十一

一八八

舉劾有司官員事

旌舉方面官員事

老病不堪重任乞 恩辭免 新命事

諮訪羣策以裨邊務事

卷十七

提督類

整理邊務以備虜患事

再乞 天恩辭免 新命容令休致事

舉用將官事

公舉將材以備任用事

舉劾分守將官事

傳報回賊聲息事

甄拔人材以備任用事

薦舉監牧官員事

缺官委用事

舉用邊方官員事

整理邊務以備虜患事

捉獲姦細搆引大勢回賊犯邊奪取地方等事

卷十八

提督類

處置屬番以安邊徼以杜後患事

整理邊務以備虜患事

關中奏議

目錄

三十二

一八九

邊務事

比例列銜支俸以便行移事

軍務事

薦舉舊任官以慰人望事

獻愚忠以荅 聖眷事

關中奏議全集目錄終

關中奏議全集卷之一

馬政類

一為修舉馬政事

兵部覆該督理馬政都察院左副都御史  
節該欽奉

初諭陝西設立寺監衙門職專牧馬先年邊方所用馬匹

全藉於此近來官不得人馬政廢弛殆盡今特命爾前

去彼處督同行太僕寺死馬寺官專理馬政爾須查照

兵部奏准事理考究國初成法親歷各該監死督委都

布按三司能幹官員踏勘牧馬草場果有侵占者即令

退還查點養馬軍人果有逃亡者即令撥補見在種兒

關中奏議全集卷一

川之八

驟馬實有若干設法增添務足原額倒失虧折馬駒隨

宜追補量為分豁布置已定責令該管官員用心牧養

欽此欽遵臣章句迂儒本無致用之具伏蒙

皇上簡擢總理陝西馬政且馬政雖是一事關係軍國大

計正愚臣効忠宣力之秋重荷

溫旨褒嘉揣分捫心實深愧懼有

君如其忍負之誓竭駑鈍以圖報稱本年八月內到於

陝西地方奉宣

德意備行兩寺監死官員共修職業以副委任臣親詣兩

監六苑查得牧馬草場原額一十三萬二千七百七

十七頃六十畝見在各苑止存六萬六千八百八十

八頃八十畝其餘俱被人侵占原額養馬恩隊軍人

一千二百二十名見在牧馬止有七百四十五名牧

軍包攬代役及私回原衛住坐挨拏未獲九十九名

逃故累行勾補未解三百七十六名點視得見在牧

養恩驢騾馬并孳生馬駒止有二千二百八十四匹及

查倒死虧欠馬駒宏治六年起至宏治十三年九月

止該本寺卿李克茶奏蒙兵部題

准折買事例該追折買馬七千八百匹八分三釐俱各不

曾追補宏治十三年十月起至宏治十六年六月終

止陸續倒死并被盜走失馬共三千二百八十三匹

虧欠駒二千七十三匹馬政之廢至此極矣臣考究

關中奏議全集卷一

二

國初牧馬成法行據該寺回稱先年被火將文案燒毀

無從查考查得永樂四年兵部節奉

欽依開設甘肅陝西死馬寺衙門每寺管六監每監管四

苑各有分撥草場水泉地方坐落四至上死牧馬一

萬匹中苑七千匹下苑四千匹僉撥恩隊軍人牧養

恩軍將各處有罪人犯發充隊軍於各衛丁多軍人

內選撥每軍一名養馬十匹仍月支口糧六斗俱係

舊例其後陝西死馬寺不知何年將原設監苑裁省

止存長樂靈武二監管轄開城廣甯安定清平萬安

五苑後又革去甘肅死馬寺衙門將原發恩軍遷設

黑水苑於平涼府開城縣地方亦附長樂監管轄前



項裁革監苑其地散在臨洮鞏昌延安慶陽四府之間各入軍民版籍回未能盡復其舊即今見在監苑觀之土地廣衍水草便利使興收得人畜養有法豈有馬不蕃息之理臣親閱安定萬安諸苑見養馬匹中間率多奮迅騰躍不可控馭始知西方畜產土地所宜而牧事頓廢非法之過乃人之罪也臣曩爲陝西按察司官彼時馬政已稱廢弛猶有馬七八千匹每歲給軍騎操猶可數百餘匹邇年以來該部屢經建白

朝廷注意修舉奈何積習之弊難祛頽廢之勢轉甚查得該寺奏報冊內宏治十五年終實在馬二千八百

關中奏議全集卷一

三

八〇七

一十四匹臣今點查見在止有前數則是半年之間又少馬一千五百三十四匹若皆委之天數則本處官員軍民之家私養馬匹不聞消耗若此典守非人其責惡可辭哉且今見在馬匹除作種外餘下兒驕馬不多設遇有警將何給軍既無益於邊方又焉用夫彼死幸賴

皇上廟謨英斷深念邦政之重

采納廷議增置風憲重臣委以便宜專制之柄使圖興復臣雖無狀承乏而來敢不夙夜孜孜一新舊規痛革宿弊總率寺監各苑官僚勤考故攻駒之政謹騰游調習之宜務期馬匹蕃息雲錦成祥上紆

先重宵旰之懷下濟一方戎務之急此臣之志也亦臣之分也願與廢補敝之初故絃易轍之際事多干涉軍衛有司非巨一人之身所能獨理亦非寺監等官之力所能自遂必得委用都布按三司官員分理乃能濟事訪得陝西布政司右叅政車霆陝西按察司副使王寅俱夙力素著練達有爲陝西都司都指揮僉事房懷亦素稱勤幹已經遵照

勅旨督委各官隨同臣遍歷各苑行事將草場見奪者查出改正軍人缺役者責限撥補凡馬政一切興舉修復事宜逐一經畫整理務令上下相安軍民兩便不敢苟切以貶意外之憂不敢因循以踵前車之失待

關中奏議全集卷一

四

八〇八

布置已定然後責令該管官員用心率牧至於事體重大臣難擅專者當次第條具以聞乞下該部覆奏行之使臣言聽計從動無沮遏如是而馬政不修責効不著臣甘從黜罰無所辭避矣爲此今將查點過見在牧馬草場恩隊軍人見養并倒死虧欠馬匹數目具本該通政使司官奏奉

聖旨該部知道欽此欽遵抄出送司案呈到部看得奏內所查監苑草場地畝軍人馬匹原額及今被侵逃亡消耗之數與舉修復俱有條理將來孳收之盛計日可待至於事體重大次第奏請定奪者必無沮遏爲此合咨前去煩爲徑自施行

一爲黜罷不職官員以修馬政事

都察院准吏部咨考功司呈本部送吏科抄出督理馬政都察院左副都御史楊一清題前事節該欽奉勅諭各該寺監官員有闡茸不職者爾卽具奏黜罷或起送別用另選才能以充任使欽此欽遵臣猥以庸愚荷蒙

皇上簡命擢任今職前來陝西地方督同行太僕寺死馬寺官專理馬政除親詣兩監六苑將馬政一切事宜逐一查處整理另行奏報外臣聞政之興廢存乎其人得人則興失人則廢天下之事皆然不獨馬政仰惟

關中奏議全集卷一

五

川文

國初開設陝西監死衙門當時官得其人馬匹蕃息足供各邊之用成化天順年間以前原額牧養馬數行據該寺回稱先年被火將文卷燒毀無從查考查得宏治二年爲因種馬數少兵部奏發太僕寺馬價銀一萬二千兩收買種馬二千匹發寺孳牧依例科駒又有節年西甯洮河等衛解到茶易馬匹因是官不得人倒失虧欠數多孳生未見蕃息宏治十三年間本部奏差主事李源查點得實在馬廐并駒七千九百四十三匹新追補過馬一千一百一十四匹共馬九千五十七匹宏治十四年本寺卿李克恭奏蒙兵部題

准將先年倒失虧欠馬匹分豁折買彼時見養馬八千一

百六十一匹比與主事李源查報之數已少八百九十六匹本年被達賊搶去馬廐三千九百六十二匹頭餘下種兒騾驢馬四千一百九十九匹及查得宏治十四年十五年內節次解到茶馬共八百六匹新收孳生駒五百五十八匹通原數共該馬五千五百六十三匹臣今查點見在止有種兒騾驢馬并駒共一千二百八十四匹比之原數該少馬三千二百八十三匹見在者又多瘦損矮小不堪作種騎探馬政廢弛莫此爲甚夫解發孳生之馬有增於前而實在馬匹愈少於昔以銀買茶易百姓膏血之餘徒免該寺

關中奏議全集卷一

六

文

歲報倒失虧欠之數典牧之設無益有損邊方之用何所倚賴興言及此良可痛心臣訪得本寺止是寺丞武誠頗勤職務遞年前去各苑點視追補馬匹但官卑職輕人不畏服隨追隨亡實效未著其卿少卿等官俱不曾親歷監苑卿李克恭到任未及三年倒失馬匹多至三千二百有餘虧欠之駒亦如此數例前折買者既不追補例後牧養者愈加消耗其稱倒失被盜等項查無告行相制緝拏案卷亦無追收驢牛皮張耳記在官止憑該苑官軍報數卽與開除多被姦巧之徒將官馬盜賣與人孳生官駒匿爲己物又聽富豪軍人將草場儘力侵占耕種解到牧軍任

意包攬得錢放回月糧按月冒支馬匹全不收養及縱容各苑食官指稱公私使用科斂錢物數多逼累軍人逃竄卽今查出告發不止一端前項馬政廢弛雖非一歲之積一官之責而近年馬數消耗姦弊愈滋實由見任官不職所致除事發圍長邢恭等送發究問外參照陝西苑馬寺卿李克恭叨任卿寺正官位高祿厚正當勉盡職業使馬匹蕃息馬政修舉以圖報稱豈期本官因見衙門無權事多掣肘遂敢改節易行無向進之心縱欲任情爲歸老之計聽其言似若有爲察其事全然未舉貪聲大著物議沸騰以致監苑官軍視牧馬爲虛文以科斂爲能事強者因

關中奏議全集卷一

七

XII

而脇持弱者亦復玩慢大壞馬政重干國典自知公論不容却稱患病已成痼疾要得放回雖經勘實終涉推避駁勸未報及照靈武監監正李謙在京負欠人債到任未久需索借貸該管牧軍錢物償還以此牽制難於行事廣甯苑圍長衛昌愚闇無識懦弱無爲所據各官俱係關茸不職人數相應黜罷如蒙乞  
勅吏部合無將李克恭李謙衛昌俱照不謹罷黜官員事例黜罷放回冠帶閒住惟復將李克恭更加削奪以爲高官廢職者之戒別選才能官員以補前缺如此則宿弊可革來効可圖

朝廷興舉馬政之意斯無負矣等因具本該通政使司

官奏奉

聖旨吏部看了來說欽此欽遵抄出送司案呈到部看得督理馬政左副都御史楊一清題稱陝西苑馬寺卿李克恭因見衙門無權事多掣肘遂改節易行縱欲任情貪聲大著物議沸騰靈武監監正李謙在京負欠人債到任未久需索借貸該管牧軍錢物償還廣甯苑圍長衛昌愚闇無識懦弱無爲所據各官俱係關茸不職相應罷要將各官照不謹罷黜官員事例放回冠帶閒住惟復將李克恭更加削奪以爲高官廢職者之戒一節照得陝西苑馬寺卿李克恭監

關中奏議全集卷一

八

XIII

正李謙圍長衛昌俱係職專馬政官員既該都御史楊一清劾奏前項不職緣由合無將各官照依朝覲考察官員不謹罷黜事例放回冠帶閒住惟復行令就彼回還原籍致仕本部未敢擅便定擬伏乞  
聖裁緣奉  
欽依吏部看了來說事理宏治十六年十二月二十六日少師兼太子太師本部尙書馬文升等具題本月二十八日奉  
聖旨是馬政重事管理須要得人李克恭等都着冠帶閒住堪任苑馬寺卿的你每查照前旨從公推舉素有才力兩員來看欽此欽遵擬合通行除外移咨前去煩爲

轉行督理馬政都御史照依本部題奉

欽依內事理行令苑馬寺等衙門卿等宜李克恭等欽遵  
就彼回還原籍冠帶閒住移咨前去煩照該部題奉  
欽依內事理欽遵施行

一為起送別用官員事

題為起送別用官員事節該欽奉

勅諭各該寺監官員有闕茸不職者爾即具奏黜罷或起  
送別用欽此欽遵切照陝西行太僕寺管轄衛所營堡  
數多其少卿例該每年巡歷點視比較官軍騎操馬  
匹及禁革姦弊陝西苑馬寺卿少卿等官職專督責  
監苑官軍孳牧馬匹即今

關中奏議全集卷一

九

川三

朝廷興舉馬政前項官員必得才力素優實心幹事之  
人乃克有濟臣切見陝西行太僕寺少卿李宗商謹  
畏有餘才力不逮到任未久臣嘗委令行事雖性能  
執持而事不達變人心不服陝西苑馬寺少卿徐文  
英雖有才幹疎散不拘到任二年因見衙門久廢將  
馬政置之不理坐視卿李克恭縱情壞事全不匡正  
所據各官當此紀綱大壞之餘責其作新振舉終難  
濟事但人才難得取其所長猶可別充任使除遵照  
勅諭行令各寺將各官起送前赴吏部奏  
請別用外緣係起送別用官員事理謹具題

知

一為修舉馬政事

兵部覆車駕清吏司案呈奉本部送於兵科抄出督  
理馬政都察院左副御史楊一清題臣受

命以來夙夜孜孜不遑寧處深懼奉職不効以負

陛下登簡作輿之意博采群言講求孳牧事宜頗得其槩

臣嘗考之載籍唐初鳩括殘騎僅得牝牡二千匹肇

自貞觀訖于麟德四十年間至七十萬餘匹垂拱以

後馬耗大半開元初稍稍修復始二十四萬至十三

年乃四十三萬議者謂其監牧之置得其地監牧之

官得其人而牧養之有其法也今其地固陝西之地

當時領牧事者張萬歲王毛仲之流耳竊意生當照

關中奏議全集卷一

十

XOX

洽全盛之

朝名為儒者其所建立豈宜出張萬歲王毛仲之下然  
稽之事勢實有不同唐都關中所置八坊四十八監  
初在岐幽涇甯間後分析列布河西豐曠之野錄京  
度隴跨隴西金城平涼天水數郡即今西安鳳翔平  
涼鞏昌臨洮諸府之地員廣數千里其間善水草腴  
田皆隸之故其馬蕃盛如此我

朝定都北京永樂四年以陝西地宜畜牧乃

詔開設監苑其始規畫亦甚宏遠與唐制無大相異苑馬

寺所轄六監每監轄四苑威武監所轄武安隆陽保

川泰和四苑在平涼府開城隆德二縣地方同川監

所轄天興永康嘉靖安勝四苑在開城縣及慶陽府  
安化縣地方熙春監所轄康吳鳳林香泉會甯四苑  
在臨鞏二府隴西會甯狄道金縣地方順甯監所轄  
雲驥昇平延寧永昌四苑在延安府保安縣及慶陽  
府安化縣地方蓋亦跨陝西數郡二千餘里之地後  
皆革去止存長樂靈武二監又革去弼隆慶陽安邊  
三苑今見存牧地在開城通渭二縣地方者不過環  
數百里又有衛所屯田及

王府功臣草場參雜其間况原設牧軍數少且故謂事  
勢不同者此也然不以供京師以供陝西各邊戰士  
之用宜無不足惟監牧非人牧養無法坐是頽廢上

關中奏議全集卷一

十一

六二

匱

宵旰之憂臣竊謂西安鳳翔諸內郡編戶日繁版籍已定  
固難別議臨鞏二府土曠人稀原設監苑處所必有  
空閒不耕之地宜修復者謹當深察利害徐議可否  
及馬政一切事宜應施行者徑自施行應具奏者具  
奏定奪外今將切要二事先行條具上

請乞

勅兵部覆奏行之臣不勝幸甚為此開坐具本該通政使  
司官奏奉

聖旨該部看了來說欽此欽遵抄出送司案呈到部看得  
都御史楊一清奉

命修舉馬政於廢墜之後首奏後項二事俱係緊要事宜  
理合逐一議擬開立前件伏乞

聖明裁處緣係修舉馬政及奉

欽依該部看了來說事理未敢擅便開坐宏治十七年正  
月初七日日本部尙書劉大夏等具題本月十四日奉  
聖旨准議欽此欽遵擬合通行除外合咨前去煩照本部  
題奉

欽依內事理欽遵施行

計開

一增種馬以廣孳息查得永樂四年開設監苑

衙門兵部節奉

關中奏議全集卷一

三

川

欽依事例上苑牧馬一萬匹中苑七千匹下苑四千匹當  
時種馬及後來孳產數目雖不可考而原擬  
養馬定規却是如此臣今遍歷兩監六苑酌  
量草場廣狹軍額多寡戶口盈縮事勢難易  
議處得開城苑原額恩隊軍人四百四名安  
定苑原額恩隊軍人二百六十五名俱草場  
寬闊水泉便利地宜畜牧堪爲上苑使官得  
其人政令修舉各牧養萬馬誠不爲難廣寧  
苑原額恩隊軍人二百一十八名後因添設  
固原州衛草場地方多占修城郭及撥爲屯  
地萬安苑原額恩隊軍人雖止九十四名草

場亦頗寬闊俱堪爲中苑黑水苑係甘肅苑  
馬寺遷撥恩軍一百六名草場逼窄清平苑  
原額恩隊軍人一百三十三名地狹土瘠人  
無生業俱止可爲下苑前項苑分恐不能遠  
如原定養馬之數大要開城安定二苑俱可  
牧馬一萬匹萬安苑可牧馬五千匹廣寧苑  
可牧馬四千匹清平苑可牧馬二千匹黑水  
苑止可牧馬一千五百匹通計六苑除每歲  
給軍騎操外可常牧馬三萬二千五百匹足  
勾陝西三邊之用

國初之盛諒無以逾此然欲廣孳息必先多畜種馬種  
關中奏議全集卷一  
三  
川上三

馬既少則孳生遠難收効查得各苑見在馬  
二千二百八十四匹堪作種者止有一千三百  
餘匹臣今將倒失虧折馬匹隨宜追補及宏  
治十六年分茶易種馬通止可勾三千匹必  
須增置七千匹共種馬萬匹以兩年一駒計  
之五年之內可勾前數將來孳息牝復生牝  
駒復生駒源源不絕數十萬匹之數可計歲  
而得矣及看得西寧洮河等衛茶易番馬以  
之給軍騎操固濟邊用以之作種則風土異  
宜孳收多損養馬軍人甚以爲累必須收買  
內地馬匹易於牧養成効可圖且西人以畜

牧爲生要在不虧其直自然樂售考之周官  
馬質掌質馬量三物蓋三代盛時民有餘畜  
者官以價直易之養之閑廐之中以備不時  
之用意正如此臣欽奉

勅旨雖許其設法增添但陝西地方軍民邇年以來困於  
虜變困於歲饑困於轉輸困於修築公私匱  
竭帑藏空虛別難措置查得宏治二年爲因  
種馬數少兵部奏

准將太僕寺收貯馬價銀一萬二千兩送發陝西布政司  
勅巡撫官督令布按二司官員收買種馬二千匹發寺收

養合無比照前例支取太僕寺馬價銀四萬  
關中奏議全集卷一  
四  
川上三

二千兩差官作急齎送陝西布政司交割聽  
臣督同都布按三司官於平慶臨鞏等府衛  
地方官員軍民之家收買堪以作種好馬七  
千匹派發各苑孳收趁時搭配群蓋依例科  
駒如有倒失虧欠隨即追補不許似前玩慢  
以致通課數多自取罪責前項大僕寺儲蓄  
銀兩本爲濟邊之用且如各邊奏討銀四萬  
兩不過收買戰馬四千匹較之孳牧之利何  
如暫費而大獨准

陛下裁之

前件查得宏治二年本部奏給太僕寺銀兩請

勅陝西巡撫官收買種馬事理與今所奏相同今都御史

場一清備查各苑地畝軍人馬匹數目斟酌

土地之宜計扣孳收之利詳細平正俱係確

論既欲責其成功必須備其種馬所據奏討

收買種馬銀兩相應准理合無本部於太僕

寺收貯馬價銀兩依數支出四萬二千兩用

木箱裝盛沿途應付車輛撥軍防護差官送

去陝西布政司交割仍照舊例請

勅都御史楊一清擇委都布按三司廉能官員分投前去

腹裏各該產馬地方兩平收買堪以作種好

馬七千匹行令陝西行太僕寺委官印烙派

關中奏議全集卷一

給各苑軍人餵養依時搭配群蓋孳收其中

收買分撥孳收追陪與凡一應事宜悉聽本

官斟酌裁處所委官員敢有不行用心故違

誤事者亦聽本官參奏鞫問仍將買過馬匹

毛齒領養軍人姓名造冊繳部以備查考

一增收軍以便畜養切照陝西苑馬寺兩監六

苑原額養馬恩隊軍人共一千二百二十名

見在七百四十五名在逃事故等項四百七

十五名縱使勾補完足數亦不多且如每軍

一名照例養馬十匹亦不過一萬二千二百

匹夫夫馬待人而食若不增置收軍則畜養

乏人難收蓄息之効查得養馬恩軍係先年

將各處有罪人犯發充隊軍例於各衛丁多

有力軍人內選撥緣陝西各該衛所行伍空

虛征操備禦尙且缺人似難額外增補况各

苑天氣高寒地土磽燥生理素少又鮮有是

室多在崖窰堡洞住坐腹裏軍人解補者隨

到隨逃不安其業馬政廢弛亦多由此訪得

各府衛州縣百姓軍餘多有逃來各苑地方

潛住年久不當差役又無官司管束查考往

往別生事端及至被人告發却行調躲因無

戶籍無憑揆捉歲復一歲爲數漸繁夫物聚

關中奏議全集卷一

則必爭爭則易於生亂今不爲之所將來恐

貽他患此等流民論法俱該問罪發遣回還

原籍當差但念其故鄉生計已失無可復之

業而此地依棲既久有可戀之資必盡法處

之非死則散而爲盜耳若編爲養馬軍人給

撥草場地土使之住收則官有畜養之役民

無驅逐之苦且其耐貧寒習畜牧比與新撥

隊軍萬萬不同公法私情似爲兩便欲通行

查拘緝發誠恐愚民無知畏懼罪責驚擾藏

匿急難濟事臣已經遵奉

勅諭便宜處置事理出給告示曉諭但有逃來潛住人民



許其赴官投首與免治罪量其人丁多寡給與草場地土領養官馬依例科駒就近編入該死籍冊內帶管及行守備固原都指揮僉事苗英固原州知州岳思忠查訪招諭去後續據逃民赴臣投首情願養馬者已及百名之上俱暫收發各苑聽候給地領馬外近訪得前項逃民節年多有投在平涼各

郡王將軍中尉等府及儀賓之家跟隨使用娶妻生子

出入府第生事害人官司莫能禁治有告發

者各府輒稱先年收買家人不肯歸斷緣查

王府招集外人明有禁例况陝西地方軍民疲困已極

關中奏議全集卷一

十七

戶口凋耗日甚若姦頑之徒躲重就輕一禁

似前投托影射愈加靠累見在軍民如蒙乞

勅該部查議

宗室收買家人有無事例果於禮法有礙乞行臣委令

分巡分守等官通查平涼各

郡王將軍中尉等府及儀賓之家并

楚

肅二府馬營草場莊所家人除例應得者不動外但有

收集各處逃來軍民投托作為家人者着落

地方火甲隣佑人等訪報捉拏到官審問明

白編發監苑養馬軍人一體分撥草場地土

領馬耕牧若有占檢藏匿各輔導官及儀賓參奏治罪逃民及撥置主使旗校人等俱照例問發邊衛充軍如此既以增公家畜牧之人又以杜私門招集之釁其於

朝廷大體軍國重計俱有裨益仍乞查照永樂年間發

充恩軍事例今後北直隸山東河南山西陝

西法司問擬人犯有例該邊衛永遠充軍者

俱發陝西都司轉解陝西苑馬寺編發各苑

永遠牧馬連原額及新收發軍人共及三千

名之數具

奏停止另為施行以三千之軍人牧三萬之種馬等息

關中奏議全集卷一

六

既廣戶丁亦增不出十年數十萬匹之盛不

難致矣臣愚所見如此未知是否惟

陛下察之

前件查得宏治十三年該刑部等衙門尚書等

官白昂等奏

准見行事例各

王府不許擅自招集外人凌辱官府擾害百姓違者巡

撫巡按等官奏

聞先行追究設謀撥置之杖罪以上官員奏

請降調邊方旗校舍餘人等發邊衛充軍及行准禮部儀

制清吏司手本回稱各

王府及儀賓例該撥與儀從跟隨查無家人事例今都

御史楊一清為因各死牧馬軍人數少見得

彼處潛住流通及投入各

王府儀賓之家者數多俱要查收與同北直隸山東河

南山西陝西法司問擬邊衛永遠充軍人犯

通發各死牧馬一節緣馬匹必須得人牧養

而後可以望其蕃盛今各死見缺養馬軍人

而本處地方又有前項逃住及違例投托之

人若不因而收集非特缺人養馬且恐重貽

後患合無同前買馬事宜一併請

勅都御史楊一清督同都布按三司守巡等官出榜曉諭

關中奏議全集卷一

九

各死地方潛住之人及有投入各該

郡王將軍中尉等府并儀賓之家

楚

肅二府馬營草場莊所家人者俱許赴官自首免其問

罪收集收馬如或占愆不首着落各衙門官

員設法訪察擒拏問罪枷號畢日仍發監死

養馬各該輔導撥置之人依擬問發應奏者

奏

聞定奪其編發安插前項人役悉聽本官從宜裁處本部

仍通行北直隸山東河南山西陝西巡撫巡

按各行所屬問刑衙門并在京法司凡有問

擬永遠充軍人犯及陝西各府十六年以前

清出江南衛所軍人例該存留附近衛所者

俱解陝西都司轉解死馬寺定發各死牧馬

務轄足三千名之數若再不足另行定奪仍

將編發過姓名繳部查考及照收馬軍

為緊要買到種馬即要軍人領養若前項清

查流民并行補隊軍等項委官敢有視常怠

慢者輕則住俸重則參提不宜姑息容悞事

一為遵 成命重卿寺官員以修馬政事

題為遵

成命重卿寺官員以修馬政事臣竊惟修改於廢墜之餘

關中奏議全集卷一

三

者當求變通之術救弊於積習之久者必有作新之

機故曰琴瑟不調甚者必解而更張之可以鼓也若

徒安於故常則未免因陋就簡其何以成天下之大

務哉臣奉

勅督同陝西行太僕寺死馬寺官專理馬政陝西馬政其

弊極矣臣於別疏已備言之不敢復論大抵人存而

後政舉任法不若任人此古聖哲之明言而歷千萬

世莫之能違也照得各處行太僕寺死馬寺卿少卿

等官比與兩京太僕寺事體相同在

祖宗朝其選至重故官得其人馬政修舉數十年來士大

夫重內輕外又見兩寺衙門無權多不樂為用人者

因而俯就之凡遇缺員苟取充數積習既久遂爲遷人謫宦之地人人得而輕之成化年間又令巡撫提督巡撫不得親理其事徒委之布按二司巡守兵備官員文移所及每以督同該寺爲詞遂使卿寺之官若爲二司統屬纔得與府衛爲偶勢分既輕職任愈廢雖有才能一就是職終身不展垂首齋志坐待罷黜夫事勢至此中人之性欲其奮發有爲斯亦難矣

皇上重念邊方多事用馬爲急

采納該部建議講求孳牧事宜以陝西死馬之利獨優

簡命愚臣前來督理肅清弊政布置成規愚臣事也願法

關中奏議全集卷一

三

八八八

立非難行之爲難今天下良法美意動爲有司所遏

令出於上而隳於下者以爲恒患使卿寺任非其人

臣雖罄竭駑鈍一法立一弊生事事而求之時時而

驗之亦不勝其繁瑣苛察之病矣爲今之計慎擇卿

寺官員最爲急務切照陝西死馬寺卿李克恭少卿

徐文英陝西行太僕寺少卿李宗商俱該臣遵照

勅諭具奏黜罷及起送別用前項員缺合當銓補查得先

准兵部咨爲處置茶馬以便地方事該本部題稱今

後凡遇各行太僕寺死馬寺缺少卿於各省參議僉

事內缺卿於各省參政副使及本寺少卿內各推舉

有才力者陞任如果牧養有方馬政興舉照依太僕

寺卿并少卿事例推舉在京相應堂上官或巡撫都御史其餘各該監死亦要於北方少壯素知養馬者選任庶使各寺官員皆得其人馬政可以保其久遠不廢等因具題節該奉

聖旨是今後各寺監官員務選才力素優的去待有成效一體不次擢用欽此欽遵續准兵部咨爲一事權以修邦政事該本部題該南京科道等官奏前事本部議擬具題節該奉

聖旨是今後行太僕寺死馬寺官有缺照在京太僕寺官例務推素有才望的簡用待有成績亦照太僕寺官陞擢欽此欽遵中外臣民恭覲

關中奏議全集卷一

三

X O X

成命皆知

皇上崇重卿寺與舉馬政之意變通之術作新之機誠無

出此然臣到陝以來聞二司之於兩寺輕忽如故臣

嘗行委二司官會同行太僕寺少卿李宗商查處官

軍騎操馬匹事務其二司耻與之同事不容並列習

俗之弊至於如此彼見先年亦嘗奉有

成命而卿寺之選格不加嚴體勢不加重耳目相襲以爲

宜然未能遽革今前項卿少卿員缺若不遵奉

明旨照在京太僕寺官例推用及照依兵部題奉

欽依於二司參政副使參議僉事內推選陞任則無以轉

移人心將來馬政難望修舉及照兩京太僕寺卿員



缺多於在外按察使內推補然則行太僕寺苑馬寺  
 官於參政副使等官內推任亦正相應且使二司之  
 於兩寺視如一體不至輕侮沮撓則府衛以下官僚  
 素所服屬於二司者自然嚴憚奉行之不暇矣論者  
 或以爲今之行太僕寺苑馬寺卿求爲參政而不可  
 得若將參政等官推任恐於人情不堪殊不知低昂  
 輕重之機正在用之何如耳昔以遷謫視之則其勢  
 自輕今以推擢視之則其勢自重正名分以作其氣  
 懸祿秩以待其成人臣之分隨所位任豈敢有所擇  
 亦豈可徇人之情而聽其擇哉但今正在整理修復  
 之際急缺官員若將各布政司按察司官一例推陞

聖明斷自

宸衷乞

勅吏部將陝西苑馬寺卿員缺於陝西及山西河南附近  
 布按二司年淺素有才望參政副使或年深曾經旌  
 異參議僉事內推陞其兩寺少卿員缺亦於前布按  
 二司年淺素有才望參議僉事內推陞各推二員上  
 請簡用齋憑令其到任管事待有成效聽臣奏保旌異吏  
 部查照在京太僕寺官事例不次擢用如此則耳目  
 一新士氣自倍勢分由此而尊職任由此而重使人  
 人得自展布馬政不日可復

國初之盛矣臣誠愚昧職業所關不勝激切緣係遵  
 成命重卿寺官員以修馬政事理謹題請 旨

一爲遵復 舊制量添官員以修馬政事  
 題爲遵復



舊制量添官員以修馬政事臣查得永樂四年開設陝西  
 苑馬寺衙門額設卿一員少卿二員寺丞四員主簿  
 一員長樂靈武二監各設監正一員監副二員錄事  
 一員開城苑設圍長八員安定苑六員清平苑三員  
 廣寧萬安二苑各二員後該本寺少卿嚴信等奏稱  
 本寺見在學收止有馬驘驢六千餘匹頭官多事少  
 要乞裁減該行在吏兵二部議得合無本寺存留卿  
 少卿主簿各一員寺丞二員長樂靈武二監各存留  
 監正一員錄事一員開城苑存留圍長三員安定苑  
 存留一員清平廣甯萬安三苑各存留一員管事其  
 餘盡數起送赴部別用官制不動以後馬匹增添照  
 舊銓選正統二年十二月二十三日題奉  
 英宗睿皇帝聖旨是欽此欽遵通行外成化年間該陝西  
 巡撫都御史余子俊奏添設黑水苑照廣甯等苑例  
 銓除圍長一員宏治二年又該陝西巡撫都御史蕭  
 禎奏革寺丞一員及查得開城苑近年止有圍長二  
 員外一員不曾裁革久未選除靈武監錄事董真安  
 定苑圍長周安俱於宏治十五年朝

觀黜退所有員缺亦未選補臣仰惟我

太宗文皇帝以神武御天下深念君國之務用馬爲急立

法定制規模宏遠遵而行之馬政豈有不舉實效豈

有不著數十年來選用太輕典牧之官徒存故事孳

牧之政名存實亡論者不能深考

祖宗設官之意講求探本救弊之衝動以官多議革惜小

費而忘大體徇近利而昧遠圖因循至今馬政廢弛

殆盡致妨邊務以厘

宵旰之憂夫官本因事而有設政當因時而制宜以陝西

馬政論之若止如近年故事則見在已爲贅員必欲

大圖修舉則舊額似當量復且正統初年裁革之時

關中奏議全集卷一

五

本寺見養馬廐止有六千餘匹頭今見在馬匹雖

不及此數臣已經奏添種馬明年銀買茶易及追補

損失虧欠期得種馬萬匹方勾孳牧數復一歲爲數

滿廣典守之官豈可缺人臣又看得安定萬安等苑

相離苑馬寺各數百里因是本寺官不行巡視查考

以致該苑官軍任情作弊臣欲令自明年爲始照依

布按二司分巡分守官事例行本寺輪委堂上官一

員分管廣甯開城黑水三苑一員分管安定苑一員

分管清平萬安二苑不時下營巡視點開驗看定駒

顯駒重駒比較官軍牧養勤怠年終交代量其所管

苑分孳生多寡以定各官賢否用行旌黜之典如此

則人人効職成績可圖緣本寺除正官外止有少卿

寺丞各一員必再添除堂上官一員乃能濟事及照

廣甯黑水清平萬安四苑各止設圍長一員中間或

有事故去任又無空閑官員可委不無誤事如萬安

一苑草場廣闊極臨邊境亦止設官一員委的看管

不周前項苑分似當照舊設圍長二員乃可責其成

效如蒙乞

勅吏部查照舊例合無將陝西苑馬寺不拘少卿寺丞添

設一員廣甯黑水清平萬安四苑各添設圍長一員

并靈武監錄事開城安定二苑圍長員缺各銓補前

來管事其餘原額官員待馬匹蕃盛之日另行奏

關中奏議全集卷一

五

請定奪緣係遵復

舊制量添官員以修馬政事理謹題請

旨

一爲處置馬營城堡事

兵部覆本部於兵科抄出督理馬政都察院左副都

御史楊一清題看得陝西苑馬寺各苑多不曾修建

衙門城堡及雖有城堡年久坍塌又皆無營房馬廐

苑官多做屋而居或宿窩洞所養官馬晝夜在野且

春夏之時趁水草放固可適其騰游之性至於冬

寒時月若不蓄積草並攢槽餵養山野之中草枯水

凍加以風雪侵凌凍餓損傷甯不致死臣謹按周官

圍師掌教圍人養馬必順四時冬則煥之以廐夏則涼之以庠藉蓐以禦其寒塗豐以除其穢先王畜牧之善如此查得永樂四年兵部爲開設衙門事將各項合行事件開坐內一件起蓋馬廐合行工部轉行陝西都行二司并布政司令軍衛有司差撥軍夫於附近各苑去處量其馬數起蓋馬廐以備冬月牧養合用木植仍從工部定奪題奉

欽依通行外此係  
國初牧馬成法年久廢弛一向不曾申明舉行及照宏治十四年間達賊大舉侵犯官馬因無處收避被搶去三千九百餘匹况各苑地方木植艱得土人以窳

關中奏議全集卷一

三  
X  
X  
X  
X  
X

洞爲家乃其素習各該衛所解來隊軍因無棲止隨到隨逃廢弛之故亦多由此今

朝廷大修馬政所宜深慮却顧用圖久遠豈可仍前因陋就簡又恐數年之後我馬蕃息爲虜人所窺或貽前年之禍雖悔何及處置馬營城堡誠爲急務臣已經督委布按二司右參政車雲副使王寅本寺少卿徐文英寺丞武敬督同固原靖虜等州衛官親詣各苑地方眼同該苑官吏軍人相度地勢斟酌事宜逐營逐堡一一勘處停當勘得長樂監廣甯開城黑水三苑俱在平涼府固原州地方廣寧苑原設鞏昌臨洮青州平涼四營鞏昌臨洮青州三營俱原無城堡

合當創置鞏昌營堡於地名石羊溝創置周圍二百三十丈廣甯苑衙門在此設立臨洮營堡於地名紅崖子創置周圍一百五十丈青州營堡於地名龍王廟創置周圍一百六十丈平涼營已有城堡一座周圍一百二十六丈因舊修理開城苑原設入營頭營二營舊有城堡俱各逼狹頭營合於本城迤東展拓共二百三十六丈開城苑衙門在此設立一營於本城迤南展拓共二百九十五丈三營舊城堡被河水衝浸不堪安插人馬今於本城迤西坐落地名第二灣創置周圍二百八十四丈四營六營七營各舊有城堡年久坍塌俱因舊修理五營原無城堡於地名廟兒平創置周圍一百六十丈八營舊有城堡鎮戎千戶所開設在內別無空閒地基今於本城迤南展拓共一百六十丈黑水苑舊有城堡一座固原衛備冬人馬在此安插亦無空閒地基今於本城迤南展拓共七百三十五丈黑水苑衙門在此設立安定苑坐落鞏昌府通渭縣地方原設中營原川稠泥河衙門石硤口雙井共六營中營就附本苑舊有城堡一座年久損壞地基逼狹今合將本城迤南展拓三十五丈北面因山斬削成牆其餘各因舊牆幫築東西共二百步南北二百七十步周圍共二里六分四毫本苑衙門仍在此修置原川稠泥河衙門石硤口四營

關中奏議全集卷一

三  
X  
X  
X  
X  
X



先年各軍因被達賊搶擄自行用力各於本山修有  
小堡年久亦多損壞督令各軍隨宜修補雙井營原  
無城堡亦合就於本營地方照依各營修築小堡一  
座靈武監清平苑坐落平涼府固原州地方舊有小  
城堡一處不堪安插人馬今勘得古跡彭陽舊城基  
址西倚高山東瞰平川周圍九百丈合於此修置大  
城堡一座平川東南北三面共四百五十五丈山西  
南北三面亦如平川丈數內修建本監苑衙門闔  
苑人馬俱堪在此牧集居住萬安苑坐落固原州及  
慶陽府環縣地方原無城堡衙門今勘得地名板井  
川見有新修城堡一座周圍四百三十五丈五尺四

關中奏議全集卷一

三九

X 81

面皆距深溝天然斬削不煩人力合在此修設萬安  
苑衙門但本苑草場廣闊地臨邊境恐卒遇聲息人  
馬急難收集一處今於草場界內勘得舊有孫家堡  
楊家堡基址二處各離板井川三十里亦合各修建  
小城堡一座收集附近人馬前項城堡量其大小各  
修城門一二座城上修垛牆更鋪以備瞭望四圍各  
濬城濠於內隨其地勢廣狹各修營房馬廐多者數  
百間少者百十餘間開立街市以通貿易種植樹株  
以供蔭息各存留隙地堆積草束以備支用春夏時  
月如無聲息官馬聽其在野牧放一有烽火傳報卽  
便收掣回營及冬春寒凍時月俱收入城堡餵養黑

水安定清平萬安四苑相離本寺地遠仍各建立官  
廳一所每年輪令少卿寺丞一員分管不時下營點  
關在此居住夫築城堡則人馬有所保障置馬廐則  
馬匹不至橫傷修營房則倉軍有所依棲建公衙則  
牧官可修職業揆之事理皆所宜爲誠非浪設且清  
平萬安二苑地方與各該軍衛有司軍民雜處相離  
邊堡寫遠前年達賊四散抄掠如入無人之境殺戮  
人民如殺狐兔驅逐丁口如驅犬羊臣巡視所過血  
痕潰地凋落之狀難以模寫呻吟之聲所不忍聞前  
項彭陽板井川諸城堡既立非惟監苑人馬可保或  
遇虜患附近軍民丁口頭畜亦可收避況西人素勇

關中奏議全集卷一

三九

X 82

敢善關待馬政就緒將各苑軍餘挑選壯丁設爲探  
夫各一二百名給與盔甲授之弓矢令其不妨牧馬  
遇閒暇之時操習武藝就令寺監官員督視比較不  
許調遣專一防守本營城堡是雖爲牧馬而設亦可  
壯邊域之聲勢資緊急之應援古者寓兵於農今藏  
兵於馬無不可者彼虜規知我保障有地防守有人  
縱然馬匹蕃盛不敢生垂涎之意矣但經營造作所  
費不貲合用工力必須計慮除因舊展拓修理用工  
不多者就令本營正軍餘丁自行修築外其創置城  
堡工程浩大必須量起附近軍衛有司軍民人夫與  
本營軍夫相兼修理至於建立城門衙門起蓋營房



馬廐合用工料等價數多其木植俱於平涼府華亭縣及鞏昌府漳縣採打緣各處人民節年因空運修邊等項負累貧困臣實不忍重勞必得官錢雇人採打輸運則公私兩便況今歲地方薄收來年人民必然缺食若有官錢雇募趨者自倍官事易集昔人有以凶年興大役成大功者意正如此查得陝西在官庫藏別無蓄積官錢堪以動支合無通行陝西司府衛州縣大小問刑衙門將宏治十七年正月起至本年十二月終止一應經問囚犯該納贖罪折收銀錢者連贖罰銀物各衙門追完俱發各府貯庫按季彙送平涼府收貯聽臣督委布按二司官陸續查取雇

關中奏議全集卷一

三

×川止

人採打木植燒造甄瓦及輸運等項支用但所問囚犯有力者少以一省一年計之數亦不多惟復再將太僕寺收貯馬價銀多支一二萬兩通前買種馬之數共送發銀六萬兩則事事可辦成功不難臣當嚴加督察稽考不敢苟且粗率委用非人浪費錢糧自取罪責事完備圖造册

奏繳臣又竊見世之好議論者見人有所舉動輒以勞民費財為辭殊不知不一勞者不永佚不暫費者不大蠲要在擇可勞者而勞之不為無益之費而已古者問國君之富數馬以對矧今堂堂

天朝據全陝畜牧之地而馬政廢弛至此各邊缺馬動

輒來京奏討十數年間送發馬價銀多至數十萬兩是皆百姓膏血之餘率是以往何有紀極夫七年之病三年之艾苟為不畜終身不得及今圖之五年之後可以給陝西三邊之用十年之後可以備京師不時之需將來所省不知幾何且以壯中國富疆之勢而潛消外夷輕侮窺伺之心其所關係良非小補若憚勞惜費徇流俗之浮言襲目前之教誨則疑為一身之謀而非憂國為

國家深長久之圖者也臣所見如此乞

勅兵部詳議可否如或可采依擬覆奏行之地方幸甚臣

愚幸甚緣係處置馬營城堡乞請官錢動煩軍民人

關中奏議全集卷一

奏

×川止

夫事理未敢擅便為此具本該通政使司官奏奉

聖旨兵部看了來說欽此欽遵抄出送司查奏間隨奉本

部送於兵科抄出都御史楊一清又題為傳報聲息

預防虜寇事據固原衛申據瞭高樓守瞭軍人史新

收報稱宏治十六年十二月初八日申時瞭接迤東

東山墩傳火二十一把初九日夜二更時分又據本

軍報瞭接迤北袁家墩舉火二把本夜三更時分亦

據本軍報接前墩舉火五把傳煙一把至初十日辰

時據守瞭軍人倪九瞭接迤東東山墩傳火二把至

本日巳時又據本軍亦報前墩傳火二十八把本日

夜一更時分續據軍人梁孟劍報接迤北遠家墩火

三把本夜二更又據本軍亦報前墩舉火二把本更  
隨據軍火彌九又報袁家墩傳砲十箇煙二把等因  
據此隨據陝西布政司右參政車靈揭帖呈稱訪得  
邊賊俱已過河在套住牧晝夜火砲不絕本年十二  
月初二日將甯夏邊牆剝開六處與墩軍答話云我  
每三十萬人馬要來搶殺先着我每來折墻思得各  
寨見在馬匹俱無牢固城堡爲今之計除行自己  
盡盡處隨備外無堡去處合無行令附近各死不分  
軍民築有寨堡人家不許獨占先令無堡軍人與伊  
通知將積有草束搬運於內一遇有警將馬收入便  
益等因據此照得各該監苑委多不曾設立城堡及

關中奏議全集卷一  
三  
X XL

間有城堡者又多年深坍塌不堪保障臣於本月初  
八日已將查處馬營城堡緣由具  
題定奪但目下傳報聲息緊急其稱三十萬人馬要來  
搶殺乃張大之言故難盡信然賊衆既已過河在套  
住彼不得不防除依擬行令隄備外臣聞陝西監苑  
國初馬匹蕃盛自正統年間以來節被達賊入境因無  
城堡收避多被搶掠馬數消耗數十年來未能完復  
宏治十四年各軍丁口官私頭畜被掠尤多呻吟創  
殘至今狼狽以事勢論之彼賊明知固原地方被搶  
蕭索方及二年頭畜未曾生息似無復來之理况近  
該總制尙書秦紱修築邊牆剝削山崖挑濬溝塹自

靖虜花兒岔起至環慶饒陽水堡止七百餘里俱已  
完固防守之計比前不同人心恃以無恐但狼子野  
心終難測度恐其因見前年深入厚獲不曾遭挫有  
蔑視我軍之志萬一河開不出窺覘糾結地方安得  
晏然無事且各該邊城人馬數少糧草缺乏將領無  
堪倚之人行伍無敢死之士深慮卻顧臣實疚心書  
曰惟事事乃其有備有備無患兵法曰無恃其不來  
恃吾有以待之無恃其不攻恃吾之不可攻然一切  
戰守之事各有司存非臣所敢輕議臣晝夜思惟欲  
修葺牧之政即當爲備禦之圖今見在馬匹并追補  
孳生加之明年銀買茶易爲數漸繁前項修築營堡

關中奏議全集卷一  
三  
X XL

工程非一時可辦必先事預防趁時兼舉庶免後艱  
若謂今日種馬數少不宜輒議營堡待馬匹蕃息之  
後另行定奪臣恐意外之憂或生於所忽不測之患  
或起於目前徒竭公私之力顧爲虜寇之資後時而  
悔亦無及矣如蒙乞  
勅兵部查照臣先今擬奏事理早爲上  
請施行臣不勝幸甚緣係傳報聲息防預虜寇事理未敢  
擅便具本該通政使司官奏奉  
聖旨兵部看了來說欽此欽遵抄出送司案查先爲修舉  
馬政事該都御史楊一清題要於太僕寺支取馬價  
銀四萬二千兩送去聽伊收買種馬孳牧已該本部

依擬具題奉

聖旨准議欽此通行欽遵去後今該前因案呈到部看得  
都御史楊一清奏稱即今陝西修舉馬政俱無城堡  
馬廐恐後馬匹蕃息為虜所窺况今彼處見報聲息  
所宜先事預防乞要築城堡使人馬有所保障置馬  
廐使馬匹不至橫傷修營房使貧軍有所依棲建公  
衛使牧官得修職業前項工程必須量起附近軍民  
人夫動支賍罰馬價以備各項費用一節論辯剴切  
計處停當俱是為

關中奏議全集卷一

三十一

XI

本官并巡撫都御史周季麟計用若干行令都布按  
三司着落所屬附近軍衛有司量數起情與同本營  
軍夫相兼修理其應用錢糧本寺再於太僕寺馬價  
銀內支取八千兩與前給買種馬銀共轆五萬兩一  
併送去聽從本官於內支用若有不足仍依前擬於  
本省大小開刑衙門宏治十七年贖罪銀錢賍罰銀  
物并司府在庫官錢內支取以備轉辦木植輓瓦等  
項務圖成功經久不許虛應故事畢日通將用過錢  
糧築修過營堡備造圖冊  
奏繳仍造青冊送部查考其所擬每年輪差寺官點視  
馬匹挑選死軍防禦外患悉依所擬次第施行奏內

所開固原衛申報虜情本部亦合通行總制尚書并  
甯夏延綏守臣查勘隄備緣係處置修理馬營城堡  
動支官銀起借軍民人夫及節奉

欽依兵部看了來說事理未敢擅便宏治十七年二月初  
七日本部尚書劉大夏等具題本月初九日奉

聖旨是着楊一清上奏提督整理務要完固欽此欽遵擬  
合通行除外合 前去煩照本部題奉

欽依內事理欽遵施行

一為稽考官軍騎操馬匹事

兵部覆議本部送於兵科抄出督理馬政都察院左  
副都御史楊一清題節該欽奉

關中奏議全集卷一

三十一

XI

勅諭官軍騎操之數亦令該管官員如法點視比較毋致  
倒失虧欠爾仍不時往來提調稽考欽此欽遵臣本年  
八月內到於陝西地方督委都布按三司左布政使  
文貴按察使張泰都指揮使楊敬等將陝西城操備  
冬并延綏甯夏二鎮下班官軍騎操馬匹逐一點視  
續據各官揭帖內開各項馬匹瘦損倒失數多除各  
行懲治追究外近該臣經過各衛所地方看得各處  
官軍騎操馬匹臃壯者十無二三瘦損者恒居其半  
或皮破脊穿或骨高毛脫或瘡腐可驗而捏放遮瞞  
或行動欲仆而借人扶策平居騎坐且或不堪况望  
其追風逐電於沙漠之區陷陣摧堅於矢石之下哉

前年醜虜深入搶掠我軍退縮不聞截殺之功大率  
 由此至於倒死拐欠之數月積歲增行伍之間殆無  
 完隊詢其所以多因管軍官員不能嚴督軍人用心  
 餽養所致又有一等無知官員將各軍應給草料尅  
 減或扣除在官而應答上司或指稱公用而私賣魚  
 利訪得各邊營堡其弊尤甚其鎮守分守副參遊擊  
 把總等官奉公守法者固有假公營私者實多非因  
 公務飢差旗牌官舍人等及容令弟姪子男買賣營  
 運濫給官馬應付多者二三四少者五七匹馱載  
 私物重至百十餘斤程送前途遠至七八十里往來  
 相繼馳驟無休馬匹因而損傷軍士莫敢聲說及至

追補之際又被官豪勢要之人將矮小瘦損不堪馬  
 匹威壓勢逼高價領買有交手未幾而旋即倒死者  
 臣爲提學之時蓋已熟知其弊乃今聞之道路此風  
 猶不能無近年  
 朝廷軫念邊方多事或發太僕寺馬價或支陝西布政  
 司官庫銀兩收買戰馬給與出境追賊截殺燒荒等  
 項官軍亦或見侵於狐鼠漁獵之徒不得實用厥口  
 嗷嗷可爲切齒既往者不可勝罪將來者所宜嚴防  
 案查先爲修舉馬政者行據陝西行太僕寺呈查得  
 洪武三十年二月十三日右軍都督府官同左軍等  
 都督府官早於

奉天門欽奉

聖旨如今陝西等都可開設行太僕寺恁都府行文書去  
 說與都司衛所知道這箇衙門職專提調馬匹比較孳  
 生但有作弊虧欠馬匹許令本寺舉問品職雖小所掌  
 事重如同御史出巡按治該管指揮千百戶衛所鎮撫  
 首領官吏務要將所養一應馬廩盡數開報聽從點視  
 提督敢有非理抗拒許本寺官奏聞拏問欽此欽遵及  
 查得先奉兵部劄付該本部題奉

欽依內事理備由劄付本寺照依京營事例將所管各該  
 衛所營堡官軍騎操馬匹差官一員逐一點開比較  
 瘦損者督令如法餽養務在臆壯倒失者督令設法  
 追補務在完足查出官軍姦弊聽令一體參  
 奏問罪每於年終將點視比較過馬數回  
 奏齋冊送部稽考等因備行到臣仰惟我  
 太祖高皇帝創制設官體統甚嚴防範甚密又有節年題  
 准通行事例陝西都司衛所及延綏甯夏各邊營堡官軍  
 騎操馬匹比較瘦損倒失訪察奸弊皆行太僕寺官  
 職業今馬政廢弛乃至此極該寺明知前弊不能舉  
 正緣各該把總領班管隊指揮千百戶鎮撫等官俱  
 係軍職又有鎮巡分守協守遊擊兵備守備爲之統  
 領各官憑藉威寵倚仗聲勢因見行太僕寺職冷權  
 輕往往抗違不服柔者猶相沮撓剛者動生欺侮該

寺官員進不得展退無所訢輒墮其志徒有比較之名全無比較之實甚至歲報馬數亦多不行造冊雖嘗參

奏玩慢如故該寺畏懼違例被參只得止憑先年舊冊填寫上下因循應行故事其所由來已非一歲之積矣夫銀買茶易浪費公家之財物朋合地畝重剝軍人之脂膏而其弊至此及今不爲之處將來爲弊益甚軍國大計爲之奈何查得在京各營坐營多係公侯伯都督掌號頭把總多係都指揮等官又有內外重臣提督尙有太僕寺官一員每年奉

關中奏議全集卷一

五

川上川

勅不時親詣各營及牧馬草場點閱比較其馬匹瘦損倒失各有定擬住俸遞加則例况外省衛所各邊營堡去京師數千里

日月之明或有遺照雷霆之嚴或有遺威若非仰遵

祖宗之舊典崇重卿寺之事權雖使孳收政舉給領歲加彼失養之禁令如常私乘之故轍不改所得不能償其所亡所利不能藥其所傷徒殫公私之力何補邊疆之事臣以職業不得不言如蒙

聖明采擇乞

勅兵部議擬上

請合無照依京營事例請

勅陝西行大僕寺每年行令堂上官二次分投前去該管

關中奏議全集卷一

罕

川上川

衛所營堡將官軍騎探馬匹點閱比較亦照京營定與則例如管隊官以一隊爲率內瘦損至十五匹倒失至十匹者住俸一箇月以上瘦損每十匹倒失每五匹遞加住俸至三箇月爲止把總領班坐堡等官以三隊爲率內瘦損至三十四匹倒失至二十四者住俸一箇月以上瘦損每二十四倒失每十四遞加住俸亦至三箇月爲止不及數者量情發落各責令將瘦損者用心餵養臆壯倒失者嚴限追補完足如下次點閱瘦損者仍前瘦損及數外又有瘦損管隊官仍以十五匹爲則把總等官以三十匹爲則遞加住俸倒失者不曾完補及數外又有倒失管隊官仍以十匹爲則把總等官以二十四匹爲則遞加住俸俱至六箇月爲止不及數者量情發落各邊官軍下班回衛一體點閱比較每年終將某官分管某處點閱比較過緣由回

奏照例齋冊赴部稽考如守備分守以上官員不能申嚴號令以致所部官軍馬匹瘦損倒失數多屢經比較不行畏憚遵守者聽其指實參

奏定奪政有仍蹈舊轍扣除軍人該給料草侵剋官發買馬價銀將官馬縱令家人頭目私擅騎坐營幹私事馱載私物以致損傷或仍前將自己不堪馬匹高價勒買靠累軍人者亦聽行大僕寺官查訪得實指

名劾奏伏俟

宸斷黜革一二以警其餘臣當遵奉

勅旨不時往來提調稽考倘行太僕寺官不行用心如法

點視比較徒應故事甚或操持不謹致招物議聽臣

具

奏黜罷別選賢能代補其任如此則庶幾不負我

聖祖創制設官之意將見邊城多充廐之良邊將增敵愾

之氣戰勝攻克其機在此區區醜虜不足為邊方慮

矣緣係稽考官軍騎操馬匹事理未敢擅便為此具

本該通政使司官奏奉

聖旨該部看了來說欽此欽遵抄出送司查得成化二年

關中奏議全集卷一

四二 川文川

八月內本部題為區畫馬政事議得在京各營在外

各邊騎操馬匹欲得可以征戰必須請

勅專差太僕寺少卿一員無太僕寺地方從巡撫并巡按

官時常往來各營牧馬草場點閱比較臙息倒失等

項定限陪償等因題奉

憲宗皇帝聖旨是馬政多廢弛了恁區畫的皆准行欽此

欽遵續為違例騎死官馬事該巡撫甯夏都御史張

禎叔奏本部議得今後除傳報聲息并幹辦緊急公

務外敢有擅將官馬騎幹私事及馱載貨物或撥送

與人者五匹以下罰馬一匹六匹以上罰馬二匹十

匹以上罰馬三匹就給與無馬官軍領養騎操若致

走傷倒失者五匹以下降一級六匹以上降二級馬

各抵數追陪還官仍各革見任帶俸差操不許管事

其鎮守副參監鎗等官擅自撥馬與人有違前例者

奏

請定奪等因題奉

聖旨是欽此欽遵又為比較馬匹事該本部題

准行移各該行太僕寺照依京營事例將所管各該衛所

營堡官軍騎操馬匹差官一員逐一點開比較瘦損

者督令如法餵養務在臙壯倒失者務令設法追補

務在完足查出官軍奸弊聽令一體參

奏問罪每年終將點開過馬數回

關中奏議全集卷一

四三 川文川

奏去後今該前因及查甘肅山西遼東俱設有行太僕

寺案呈到部參照都御史楊一清奏稱陝西行太僕

寺之設專一比較馬匹

國初任專故職業修舉近年廢弛致戰馬消耗歷言流

弊之極欲行立法救弊論議親切深為有見合無准

其所奏比照京營之例請

勅二道不必注定官員職名順登則去陝西行太僕寺每

年差堂上官二員二次分投遍歷所轄衛所城堡將

一應操備馬匹用心點閱比較如有瘦損倒失悉依

所擬照例任俸餵養追補凡查出有本官所言前項

各種情弊該追罰者照例追罰該參奏者指實參



奏其罰俸罰馬降級黜革等項俱照本官所擬與本部

原奏施行每年終將點開過數目比較過緣由回

奏造冊繳部以憑查考若該寺官不行用心點開狗情

容隱聽都御史楊一清稽考參究各該鎮巡大臣毋

輕沮撓共成國事仍照此例通請

勅甘肅山西遼東行太僕寺無太僕寺去處行令巡撫都

御史一體點開依擬施行如此則戰馬可令應壯邊

軍不至怯敵緣係請

勅稽考官軍騎操馬匹及奉

欽依該部看了來說事理未敢擅便 宏治十七年三月十

一日本部尚書劉大夏等具題本月十六日奉

關中奏議全集卷一

聖旨 川百文

聖旨是欽此欽遵擬合通行除外合咨前去煩照本部題

奉 欽依內事理欽遵施行

一為改調官員以修馬政事

題為改調官員以修馬政事照得陝西行太僕寺管轄

陝西衛所營堡查點比較官軍騎操馬匹禁革姦弊

祖宗成法具在體統甚嚴奈何近年以來任隨勢輕官因

人廢平涼衛指揮與該寺官員迭為買主杯酒往來

行則中門坐則並列體統既已乖張政令何由修舉

邇者伏蒙

皇上軫念邦政至重

簡命陝西布政司右參政車震為陝西死馬寺卿王瑛為

山西行太僕寺卿山西按察司僉事郭珠等為陝西

兩寺少卿天下之人改觀易聽馬政修復之機端在

是矣臣切念陝西行太僕寺所管馬政比之山西不

啻數倍况虜眾近年不時潛伏河套內則固原靖虜

等衛外則延綏甯夏二邊追敵制勝全藉馬力稽考

防範不得不嚴該寺正官必得素有風力才望之人

乃能彈壓群情肅清弊政竊見陝西行太僕寺卿袁

宏為人詳慎居官練達由漢中府知府陞任將及六

年守身不聞非議但因循舊弊未能釐革臣已經行

令改正本官雖知砥礪自新終是人情稔熟事多牽

制急難振作及訪得參政王瑛公嚴有威巡歷各衛

關中奏議全集卷一

聖旨 川百文

所州縣督理糧儲令行禁止下人畏服若將王瑛改

任陝西袁宏調任山西則陝西官軍素知王瑛嚴明

自然畏憚夙弊可革而袁宏以其才力施之山西地

任既新必能自効兩省馬政俱可修舉臣是以昧死

上陳如蒙乞

勅吏部再行訪察合無將王瑛改任陝西行太僕寺卿袁

宏調山西行太僕寺卿惟復將袁宏於附近各布政

司參政內仍推選一員調用管事實為便益緣係改

調官員以修馬政事理謹題請

旨

關中奏議全集卷之一終



馬政類

一為正卿寺體統以修邦政

吏部等衙門尚書等官兼太子太師馬

本部題考功清吏司案呈奉本部送吏科抄出督理

馬政都察院左副都御史楊 題比者伏蒙

皇上采納 廷議以方面之賢推陞行太僕寺苑馬寺卿

少卿等官各推貳人具名上請

簡用待有成績照依兩京太僕寺官陞擢誠前此未有之

盛典也夫當改絃易轍之初膺簡賢拔能之

命為各官者宜思自効臣因見各寺在前權任輕微人人

關中奏議全集卷二

八〇一

得而侮之今雖奉有新例恐各該衙門官員習耳目

之聞見計勢分之炎涼仍前輕忽沮撓已經行令今

後陝西各府衛州縣官與行太僕寺苑馬寺卿少卿

等官相見相臨各要以兩京太僕寺及布按二司官

體統相待不許與之抗禮布按二司官與兩寺官往

來照例迭為賓主其班次兩寺卿在布政使按察使

之下叅政副使之上少卿在叅政副使之下叅議僉

事之上通行外近該山西行太僕寺卿王琰等為因

山西府州等官禮貌輕忽體統乖違難以行事查照

臣陝西所行事理具奏該兵部覆奏合無通行巡撫

山西甘肅遼東都御史并巡按監察御史轉行各該

司府衛所大小衙門知會今後苑馬寺行大僕寺卿

佐等官與都布按三司往來俱要迭為賓主班次坐

立之序循例而行府衛州縣官員相見相臨各要以

兩京太僕寺官體統相待不許輕視抗禮等因奏奉

欽依是苑馬寺行太僕寺官行事體統俱照兩京太僕寺

例司府衛所等衙門不許輕視沮撓欽此欽遵

明命赫臨人心踴躍體勢增重耳目一新臣猶慮往時兩

寺官體統與二司輕重實相懸絕而兩京太僕寺與

二司官體統又復不同若遵新例兩寺官之自待與

人所以待之者皆當頓改然非擬為定規著之明令

將來遵承不一紊亂僭踰之弊難保必無且禮莫大

關中奏議全集卷二

三十一

於分分莫大於名名實相須未有不修其實而能副

其名者夫衙門以寺為名官以卿少卿為名謂之京

職明矣若準兩京太僕寺體統以京官待之則班次

坐立皆當在都布按三司之上往來則迭為主賓入

朝則

陛見

陛辭考滿則吏部特引

恩典則

詰勅廕子庶幾實稱其名儻以其衙門開設在外雖準內

寺行事未得全與京堂為比則當待以方面之禮入

朝則

陛見

陞辭考滿朝

親宜從布按二司官之列班序則如臣所擬卿當在叅政

副使之上少卿在叅議僉事之上寺丞當在僉事之

下不可令與知府為伍任內被旌舉者二年考滿得

與

誥勅如是較之舊時固以加重而於京寺體統尙有不同

臣又查得先該陝西苑馬寺等衙門卿等官李克恭

等奏稱陝西行太僕寺苑馬寺每遇巡撫巡按行取

考語俱付之布按二司巡守官員而巡守官又付諸

知府以此人多輕視官無光彩且臣監苑屬官臣反

關中奏議全集卷二

三

川文

不能知其賢否而謂知府能知豈不差謬又如朝

覲考察初必以此等衙門不多因而附諸布政司簿內以

後因循遂或詢之二司官員此職非二司屬官乃以

黜陟之權付之似亦未善乞行巡撫巡按官員今後

逐年考語本衙門屬官必須臣等詢察賢否明白填

註不必付諸巡守等官至於朝

覲考察亦令臣等與山西遼東甘肅行太僕寺苑馬寺六

衙門共立考察簿籍一屏吏部都察院以巡撫巡

按考語公同嚴加考察等因該吏部覆題通行各處

逐年考語除該寺堂上官賢否止須巡撫巡按衙門

開報不必由分巡分守等官主簿以下照舊施行其

考察簿籍已有舊例不必變更若遇朝

覲之年考察各寺屬官布按二司同本寺堂上官答應等

因具題節該奉

欽依是今後考察行太僕寺苑馬寺官不必會同布按二

司欽此欽遵臣仰惟

皇上日月之明洞燭幽隱深知積習之弊不將兩寺考察

之柄付之兩司但監苑屬官賢否考語仍聽巡守等

官開報兩寺堂上官賢否必由巡撫巡按考察斯固

精嚴考課之法查得臣節該欽奉

勅諭巡撫巡按等衙門不得干預爾職寺監官員惟爾所

統不許各衙門凌轡欽此欽遵臣切惟巡撫巡按之職

關中奏議全集卷二

四

XOL

固無所不當問然官員賢否必親見其行事而後能

知各該司府州縣衛所等衙門其於撫按無官不歸

其管攝無事不聽其裁制能否易分旌別自當若兩

寺監苑已有

明命職事既不得干預官員又非共統轄今欲開報考語

巡撫巡按難以臆度未免詢之二司二司亦不能知

未免詢之知府中間是非或得之傳聞毀譽或生於

愛惡一被考黜格於禁例不復敢辯他日必有陰受

其害者近據陝西行太僕寺呈承准陝西布政司照

會抄蒙陝西巡撫衙門案驗行令分巡分守知府查

取兩寺監苑等官考語開報則是未免仍蹈舊轍况

近例兩寺卿少卿俱由方面官有才望者推補彼爲方面之時既能考察千百屬官及爲兩寺豈有不能旌別十數屬官之理何必付之分巡分守官員且陝西既有專官督理馬政

陛下不以臣愚不肖

簡命而來則兩寺堂上官賢否臣知之宜審似亦不須巡撫等官考察及照各寺寺丞先是以其爲在外六品官法司皆得徑提臣謂寺丞品秩雖輕係卿寺堂上官今既以兩京太僕寺官相待似亦不當徑自提問凡若此者皆體統所關名分所係輕重之機實懸於此當此作新之初一切釐正則不令而人自從不言

關中奏議全集卷二

五

川上

而人自信臣所謂修其實以副其名者此也若因循舊規無所更改則雖日號於人曰吾今得准內寺體統與京堂無異誰其信之臣受

命提督各官行事臣如不言誰爲言者伏望

聖明俯念

邦政至重救弊爲急乞

勅吏部會同禮兵二部議處今後陝西山西遼東甘肅各

行太僕寺苑馬寺卿佐等官赴京考滿朝

觀一切禮儀班序

恩典合無照依兩京太僕寺堂上官事例惟復止照布按

一二司官例擬議通行遵守以杜將來紊亂僭踰之弊

仍乞將各寺卿少卿寺丞賢否考語陝西俱止聽臣開報吏部都察院以憑黜陟不必巡撫巡按干預若巡撫巡按訪知各官中果有貪婪不肖怠政誤事自當指實奏劾正法典山西遼東甘肅等處仍止聽巡撫巡按開報不必布按一二司干預其首領官屬官賢否止憑堂上官填註朝

親考察之際亦止憑堂上官應答俱不必詢之二司官員再乞俯從陝西苑馬寺等衙門前次所奏將陝西山西遼東甘肅共立考察簿籍一扇不必附之各布政司簿內庶得事體歸一各寺寺丞乞照京官事例凡有違犯參奏登聞不許徑提體統既明名分既正則

關中奏議全集卷二

六

XII

人知激勸職業可舉如此則馬政不與實效不著黜罰之加將安所辭哉等因具本該通政使司官奏奉聖旨該部看了來說欽此欽遵抄出送司案呈到部看得督理馬政都察院左副都御史楊 題稱前因係隸本部及禮兵二部掌行合無照依本官所奏會同各該衙門議處明白另行奏

請定奪等因具題

聖旨是你每還會議明白來說欽此欽遵臣等會同禮部尙書張昇兵部尙書劉大夏等議得陝西山西甘肅遼東行太僕寺洪武年間開設專一印烙并追補本處官軍騎操馬匹其責甚重經今一百二十餘年遠

東陝西苑馬寺永樂年間開設專一牧養茶易西番并買到柔顏等及海西夷人馬匹其任不輕經今九十餘年其衙門既稱陝西山西遼東甘肅係在外衙門不言可知雖有卿寺之名亦難盡比在京卿寺官行事今督理馬政都御史楊因見各官權任輕微馬政廢弛通照本官所擬定行太僕寺苑馬寺卿李克恭王琰等前後所奏并吏兵二部節次題奉欽依兩寺官行事體統乞要擬爲定規著之明令將來遵承以免紊亂僭踰之弊又於例外事體所關名分所係者通行擬定上

關中奏議全集卷二

七

川文

請大意欲激勵各官以興舉廢隆深爲有見合無准其所奏兩寺官行御史中門正道者如兩司官體統與兩寺卿少卿往來迭爲賓主東西對坐若公差到京照依布按二司例許令

陛見  
陸辭朝

觀考滿悉依舊例而行其兩寺堂上官員任陝西者賢否皆從督理馬政都御史填註開報巡撫按官通不干預在山西遼東甘肅者賢否皆從撫按官填註開報兩司官通不干預其兩寺屬官賢否通從堂上官填註開報兩司官亦不得干預若中間果有不職貪婪聽撫按官具奏黜罷三年朝

觀之時本部將陝西山西遼東甘肅各行太僕寺苑馬寺屬官共立考察簿一扇更不附之各布政司之下考察兩寺首領屬官之際止憑兩寺堂上官答應更不必詢之兩司官其寺丞雖係在外五品以下官員今既與兩司同額頭若有所犯按察司不許徑自提問係陝西者呈行督理馬政都御史係遼東山西甘肅者呈行巡撫官徑自提問各寺堂上官若任內曾蒙推舉者二年考滿一體給與

關中奏議全集卷二

六

入文

請勅本部仍類行陝西山西遼東甘肅等處巡撫按官轉行各屬承爲定例不許沮撓紊亂如此則寺官體統大增重於常時馬政修明必增倍於舊日矣臣等又惟政務修舉固係於官之輕重尤係於人之賢否必兼有之而後能集其事難獨恃此而輒能有功其兩寺官既仰承增重之典亦宜思自重之道如果孽牧蕃息馬政修舉本部臨時斟酌相應員缺以憑上請陸用不拘常例緣係議處正卿寺體統以修邦政及節

奉

欽依該部看了來說你每邊會議明白來說事理未敢擅便宏治十七年十一月初十日吏部等衙門少師兼太子太師尙書等官馬文升等具題本月十二日奉聖旨是兩寺官員體統都准議行承爲定例各官果有披務修舉功績顯著的你每斟酌推舉陸用不必拘定常

例欽此欽遵擬合通行除外移咨前去照依題奉

欽依內事理轉行陝西山西遼東甘肅各行太僕寺苑馬寺一體欽遵施行等因准此除外合就移咨前去煩為欽遵施行

一為議處茶馬以便官軍給領事

兵部覆車駕司呈奉本部送於兵科抄出督理馬政都察院左副都御史楊 題行據陝西等處提刑按察司等衙門副使等官蕭紳等呈會同本司分巡西甯道僉事曹玉守備西甯地方都指揮同知徐廉讓得西甯洮河二衛每年茶易馬匹例該甘肅延綏寶夏二邊各輪一年前去關領騎操因未論及道里

關中奏議全集卷二

九

XIII

遠近事多不便若將西甯馬匹專給甘肅洮河二衛專給延綏甯夏又似不論馬數多寡誠有不均合無將西甯每年所易茶馬量存一半遞年給與甘肅等處領養外存一半與洮河馬匹行令延甯二處輪年領回騎操如此則便於道途宜於風土人情頗順經久可行等因具呈到臣案照先據整飭西甯兵備陝西按察司副使蕭紳呈據西甯衛經歷司申呈准本衛照會照得本衛原設茶馬司遞年招番易馬其驟馬解送陝西苑馬寺孳養兒扇馬匹給發甘肅甯夏延綏缺馬官軍騎操但常例易換番馬暫給本衛步操軍士養養奈何經年屢月官軍不肯前來給領倒

關中奏議全集卷二

十

XIII

死者負累陪買况本衛地方僻在西北極邊天寒地冷霜雪早降番人所產馬匹比與腹裏不同若使甯夏延綏官軍領養一則道路窵遠運送艱難一則馬匹不服水土生發瘰癧多致倒死無益官軍其洮河地方馬匹若令甘肅衛所官軍給領遠隔黃河甚為不便合無今後本衛番人中納兒扇馬匹行令甘肅等衛所官軍以近就近領養及將洮河二茶馬司所易馬匹就近行令甯夏延綏缺馬官軍給領騎操庶使官軍兩便馬匹不致虧損累及軍士等因備申到司據此照得西甯地方委的極邊天道嚴寒所易馬匹若給腹裏官軍領養實是水土不服倒死數多無濟於用若使甯夏延綏官軍給領洮河茶馬非但風土相宜又且地里相近似為便益呈乞照詳定示等因到臣查得陝西茶易馬匹已有先年兵部題准議定三邊輪年關領事例今呈要將西甯茶馬聽近邊甘肅等衛所官軍給領洮河馬匹行令甯夏延綏官軍給領一節緣三衛所易馬數多寡不同若依所擬則甘肅太多延綏似少恐有不均其稱運送艱難水土不服及寄養負累軍士誠有此患已經劄付本官會同分巡西甯道僉事曹玉守備西甯地方都指揮同知徐廉查議務求長久利便之策會呈前來以憑

奏

請定奪去後今據前因查得先該巡撫延綏都御史劉忠  
奏稱渭河等衛茶易馬匹遞年俱被附近腹裏衛分  
官軍就彼領養騎操以致本邊缺馬等因該兵部於  
宏治六年題

洪自宏治七年甯夏爲始八年甘肅九年延綏各照年分  
量撥軍人齋冊關領已經通行年久頗濟邊用之急  
亦無不均之弊但西甯衛係甘肅鎮巡管轄備在河  
西相離延綏甯夏俱四十餘站官馬所過必用草料  
供給人夫牽送沿途驛遞疲敝創殘之餘往往失誤  
應付以致馬匹瘦損倒失數多經曰犬馬非其土性  
不畜西羌之馬畜之東北風土異宜多生瘰癧傳染

關中奏議全集卷二

十一

XXII

死傷不得實用而甘肅官軍乃舍本鎮馬匹三年一  
次遠涉河東於洮河二衛領馬道途亦多跋涉水土  
復不相宜以此各鎮領馬官軍遞年來遲易過茶馬  
未免暫發二衛領養累及軍士不止西甯衛爲然且  
往歲茶易除驟馬外兒扇馬不過數百匹猶可支持  
今年仰仗

天威羗人効誠遠近畢至臣五月在河州六月在西甯親  
閱番馬領雲輻輳計其所易當有數千以後年分雖  
不必盡如今年亦終不止如往年之數若不因時變  
通稍更舊格恐將來寄養之累輸運之難人將有不  
能堪命者矣然西甯易馬數多河州畧少洮州尤少

關中奏議全集卷二

十二

XXIII

若如該衛所呈要將西甯茶馬每年全給甘肅一鎮  
不無過多其洮河二衛所易馬匹恐又不敷延甯二  
邊冊給之數及照陝西固原靖虜環慶等處亦係沿  
邊重鎮其腹裏衛所有馬官軍多在各邊備禦先年  
茶馬被近衛官軍一槩領去以致延綏巡撫論奏但  
近例俱給延甯甘肅三鎮而陝西衛所邊堡全不霑  
惠亦恐未均合無量依副使蕭紳等所擬自宏治十  
八年爲始除驟馬解送陝西苑馬寺羣牧外西甯茶  
易兒扇馬每年將一半聽甘肅鎮巡衙門差撥官軍  
齋冊就近關領給與河西衛分應給馬匹官軍領養  
騎征延甯二鎮照舊輪年十八年延綏十九年甯夏  
以後各照年分輪流關領先儘河州洮州二衛馬匹  
給與如有不敷聽於西甯衛馬內轉給餘剩之數仍  
解陝西苑馬寺發給各苑軍人牧養以備陝西衛所  
邊堡缺馬官軍領給騎操中間分撥派給事宜仍聽  
臣隨時斟酌通融處置如此則道途稍便風土稍宜  
甘肅一鎮爲利甚博延甯二邊初無所損而輸送之  
勞倒傷之患亦可以省其半矣先民之言曰能寬一  
分人受一分之賜臣所見如此伏惟  
聖明鑒納乞下該部參詳可否覆奏行之地方幸甚臣愚  
幸甚等因具本該通政使司官奏奉

聖旨該部知道欽此欽遵抄出送司查得洮河西甯二處



茶易馬匹先該本部奏

准甘肅延綏甯夏三鎮輪年關給與軍騎操近該延綏鎮

巡等官奏稱馬災倒死數多本部又經議行督理馬

政都御史楊 將本年所易洮河等處茶馬堪以

給軍者不拘二千三千盡數給與騎操行間今該前

因案呈到部參照西甯等處茶易馬匹甘肅延甯三

鎮輪年關給雖有本部奏行定例緣甘肅切近西甯

延甯便於洮河況馬有多寡風土異宜今都御史楊

奏要變通前例將西甯之馬每年減半以給甘

肅洮河之馬輪年轉數以給延甯揆之事體委的使

利且欲將餘數聽給陝西以均實惠經國之計可謂

關中奏議全集卷二

十三

六十四

周悉相應准其所奏合無本部仍行都御史楊

查照近日本部題奉

欽依事理將本年所易洮河馬匹盡數給與延綏仍酌

將西甯茶馬補足原擬之數以備北虜入套之謀以

後年分悉依所擬通融均派甘肅一鎮每年減半關

給西甯馬匹甯延二處輪年關領洮河茶馬并西甯

一半之數自十八年甯夏為始十九年仍該延綏若

有西甯餘剩馬匹仍發各苑寄養以備陝西固靖等

處關給中間酌量派發及在彼在路一應禁防事宜

悉聽楊 裁處本部仍行各該鎮巡等官務照今

定年分委官齋冊依期關領不許遲違貽累附近衛

所寄養陪補關領完日各將關過馬匹數目毛齒并

領養官軍姓名造冊奏繳仍造青冊一本送部查考

緣係斟酌定擬各邊關領茶馬及奉

欽依該部知道事理未敢擅便宏治十七年八月二十四

日本部尚書劉大夏等具題本月二十六日奉

聖旨是派發馬匹并防禁事宜着楊一清酌量處置務要

停當欽此欽遵擬合通行除外合咨前去煩照本部題

奉

欽依內事理欽遵施行

一為禁約侵占牧馬草場事

兵部覆該本部送於兵科抄出督理馬政都察院左

關中奏議全集卷二

十四

六十五

副都御史楊 題照得陝西苑馬寺所屬監苑原

額牧馬草場地一十三萬三千七百七十七頃六十

畝因與固原鞏昌等衛鎮戎甘肅羣牧環縣等千戶

所固原通渭安定等州縣官舍軍民相攙住坐又有

楚

肅

韓三府黔國公等草場叅雜其間節被官豪勢要姦頑

之人倚恃威力任意開墾耕種或通同牧軍盜賣年

久草場日漸逼狹官馬無處牧放馬政廢弛節經委

官清查又被各人恐嚇扇搖不得歸斷宏治十三年

間兵部奏差主事李源奉



勅前來會同布按三司官查理查得見在草場共止六萬六千八百八十頃八十畝其餘俱無下落內查出軍民唐劍等七百三十三名占種草場地二千七百一十頃零九十一畝將各犯發問地土斷退還官近該臣督委都布按三司官親詣前項地方查吊軍民納糧冊籍從公踏勘丈量數十年埋沒之弊一旦清出共清查得兩監六苑實有荒熟地一十二萬八千四百七十三頃一十一畝入分九釐六毫比之原額止少五千三百四頃有餘乃是奉例撥爲衛所屯地及會告官升糧之數其軍民唐劍等原占地土雖經查革仍復占種不會還官子礙人眾依律問斷量追例

關中奏議全集卷二

五

後花利入官發落訖已將清出原額并侵占退出地土坐落四至頃畝數目造冊

奏繳巨惟地土生物本以養人與民共之是爲仁政然朝廷修舉牧事清理草場非供耳目玩好之欲直以三邊缺馬之故馬以給軍軍以衛民若草場逼窄則畜牧不善邊軍缺馬騎征何以克敵制勝以此各邊年年奏討馬價所費不貲皆自民出今陝西監苑草場頗勾孽牧但疆畔相連窺伺者眾彼見先年開耕占種查出不過照常問罪發落旋復侵占各無忌憚恐將來如唐劍輩不止一人查得見行事例凡用強占種屯田者問罪官調邊衛帶俸差操旗軍軍丁人等

發邊衛充軍民發口外爲民管屯等官不行用心清查者糾奏治罪及查得成化十年七月十三日節該

欽奉

憲宗皇帝聖旨陝西榆林等處近邊地土各營堡草場界限明白敢有那移條段盜耕草場者依律問擬追徵花利完日軍職降調甘肅衛分差操軍民係外處者發榆林衛充軍係本處者發甘肅充軍欽此今照監牧草場

係

祖宗開設舊額不爲不重如蒙乞

勅兵部議處凡侵占監苑牧馬草場除事發在前已經發落外自今造冊奏繳之後敢有用強開墾耕種及盜

關中奏議全集卷二

六

買盜賣情重者比照衛所屯田營堡草場事例官調邊衛帶俸差操旗舍軍民軍丁人等俱問發邊衛充軍情輕者依律問斷仍枷號一箇月發落各該監苑官不行查舉逼提治罪著爲定例出榜發仰各草場營堡張掛曉諭庶幾法嚴而人知懼治之於已犯之後固不若禁之於未犯之前之爲愈也緣係禁約侵占牧馬草場事理未敢擅便具本該通政使司官奏

奉

聖旨兵部知道欽此欽遵抄出送司案呈到部照得陝西苑馬寺原額草場荒熟地共一十二萬頃有奇年久馬政廢弛被人侵佔甚多該督理馬政都御史楊

委官清出前數漸復原額造有青册各該衙門存照具見處事立法之詳復恐法立弊生欲照前例禁處誠為防姦善後之計合無依其所奏本部仍行都御史楊 刊印榜文發仰各該草場營堡人煙轉集去處常川張掛曉諭官軍人等敢有似前將清出牧馬草場地土用強開墾耕種或盜賣盜買許地隣人等首告及各該監苑舉呈應問者就行提發分巡官處問理干碍應察官員參提施行問擬明白追完花利情重者比照衛所屯田營堡草場事例軍嚴調邊衛帶俸差操旗舍軍民人等俱發邊衛充軍情輕者依律問擬仍枷號一箇月照常例發落監苑官

不行查舉一體提問治罪仍將各監苑清出草場至界頃畝鐫刻石碣陷置廳壁永為証據如此則法度嚴明而馬政可期興舉奸頑警懼而宿弊可冀祛除緣係立法禁約侵占牧馬草場及奉 欽依兵部知道事理未敢擅便宏治十七年十一月三十日 日本部尚書劉大夏等具題本年十二月初四日奉 聖旨是着出榜通行曉諭禁約敢有仍前強占耕種及盜賣盜買的都重罪不饒欽此欽遵擬合就行除外合咨 前去煩照本部題奉 欽依內事理欽遵施行

一為乞改提學官員以修學政事  
題為乞改提學官員以修學政事近訪得陝西按察司

提學副使李遜學丁憂去任所有員缺例該銓補臣惟提學之任學校之興廢人才之盛衰係焉且陝西山川雄秀士生其間多奇偉英邁敦尚氣節提學誠得其人則鼓舞振興一變至道他日出仕負荷大責任樹立大勳業

朝廷不患於乏人矣如臣之愚往時承之七年雖仰遵聖諭不敢自怠願學識空疎行能淺薄初無率人之具心力徒勤會無補益幸免黜罰至今為媿訪得代臣提學陝西按察司僉事王雲鳳志向高古行履端方巡督各府衛州縣學校不止較閱文字其黜惡佐善崇正闡邪興禮讓以厚風俗英異以激頑懦學政肅清一方風動為臣掩瑕實多當時或議其過嚴及推陞別任至今士子有向上為己之志者則又思之不置此愚臣之所目擊耳聞者也夫提學而用憲臣非欲其以法比佐教化為作人善俗之地乎若校文之餘茫無所事則一賢學官固優為之矣今日之弊往往坐此及照本官見任整飭洮岷邊備陝西按察司副使臣竊謂選備資雖重求其人尚易提學之官必欲真能舉職今之人才如王雲鳳者蓋不多得臣受命督理茶馬學校政務本無干涉似非臣所當言然以舊任提學一方師生恩義所關不忍視沉職司風紀苟有所見不敢不言如蒙乞

勅吏部再行訪察合無將王雲鳳改任提學別推相應官員整飭兵備如此則一方之士不令而行學政不爲虛文提學不爲徒設將來得人效用治道所補誠不少矣緣係乞改提學以修學政事理謹題請 旨

一爲舉用官員修舉馬政事

題爲舉用官員修舉馬政事臣督理陝西馬政一年有餘今草場地復牧軍數增孳牧之政次第興舉蓄息之效將來可望但修築馬營城堡建立馬廄營房非積以歲月不能了辦況聞北虜大眾臨河住牧恐將踏冰入套蘭州以西失穴之虞竊伏近邊時出抄掠狼子野心懼有窺伺官馬之謀意外之憂不可不防

關中奏議全集卷二

九  
X. 8

先事而圖庶無後悔今年已將清平安定二苑大城堡築完其城門營廄及谷苑小城堡應該展拓創修者俱未建立期在明年大小畢舉庶幾考牧有憑依之地防胡無倉卒之憂但工程浩大經營規畫雖在愚臣分理責成必資庶職及照洮河西甯等處處置官茶招番納馬等事久廢之餘修復

舊制中間事情極多委曲臣受

恩隆重義存體

國志將爲深長久大之圖不敢襲苟簡滅裂之弊奔走得人易收實効獨謀坐運何以成功雖有新任兩寺官員緣行太僕寺官近奉

勅分投前去各邊堡衛所行事歲不暇給苑馬寺官見今收買種馬數多分投提調孳牧不能摘離俱難別項差占各府州縣能幹官員又各有本等職業未免制於監臨上司暫時委用顧此失彼必得專官一二員隨臣整理庶不誤事博訪得平涼府通判張檄涇州知州岳思忠俱平昔剛果有爲材識兼茂臣嘗委令行事各官精勤疆幹清查出積年埋沒草場地土五萬餘頃招集牧馬軍人三百六十戶其功可嘉況張檄歷任八年爲因上司委用不得給由岳思忠歷任通渭安定二縣知縣固原涇州二州知州年勞歷履亦頗深久稽之輿論俱堪擢用如蒙

關中奏議全集卷二

三  
X. 1. 文

聖明念軍國戎馬之重修舉廢墜之艱乞勅吏部再行訪察合無將張檄等量爲陞擢添註平涼府或附近臨鞏等府職銜專聽臣委用修理監苑城堡營廄及處置茶馬政務待一二年間事已就緒查有陝西各府見缺聽臣具奏補缺管事如無見缺起送赴部改除別省如此一以酬各官既往之勞一以期各官方來之績不但馬政有裨而凡庶職皆知所激勸興起矣臣不勝幸甚緣係修舉馬政事理謹題請 旨

一爲改任官員以便行事

題爲改任官員以便行事照得平涼府知府安惟學

近因捉獲北虜姦細有功該總制尙書秦紘奏保吏部題奉

欽依陞四川布政司右叅政仍管平涼府事仰惟

皇上天地之量不吝官賞以待有功凡在臣工孰不思奮但司府監臨名分素定本官既陞前職其布按二司分守分巡等官相見相臨彼以衙門統轄爲拘此以叅政名銜自處爲禮旣多缺望行事未免乖忤及照平涼府城內設有陝西行太僕寺苑馬寺衙門近例兩寺官照依京官體統行事府衙等衙門官不許輕視抗禮行太僕寺提調有司民壯騎操馬匹與本府事有統攝今官職相軋易生嫌忌朝夕與處甚多不

關中奏議全集卷二

三

一

便臣督理陝西馬政駐劄平涼前項事情乃所親得不敢不言且先年以叅政職銜管府事者多係南北直隸府分彼無布按二司管轄掣肘比之平涼事體不同臣又博訪得本官歷任六年之上守已愛民政績顯著節經巡撫巡按薦爲旌異稽之材操年勞雖無捉獲姦細之功亦堪擢用如蒙乞

勅吏部合無將安惟學查補各布政司叅政員缺別推堪任知府一員管理府事實爲便益緣係改任官員以便行事事理謹題請 旨

一爲薦舉賢能官員事

題爲薦舉賢能官員事伏念臣職司馬政雖無撫巡之

責官居風紀亦有激揚之任况當奏功述職之年正黜幽陟明之日旣已諷詢而有得豈宜忌避而不言以人事

君雖不敢竊比于大臣而薦賢爲國實不忍自負于

明主輒陳耳目之見聞用備

朝堂之採擇臣竊見陝西苑馬寺卿車霆陝西按察司副使王寅俱耿介夙成峭直寡與有肅清彈壓之風無迎合詭隨之態持法不撓於權貴任事不避夫艱險車霆近司監牧雖未收蕃息之功而屢更藩府實久著賢勞之譽王寅守直道忤時好而不回拒請託

關中奏議全集卷二

三

川三

遭流言而不悔陝西按察司整飭固原兵備副使高崇熙老成端重持憲得體西甯兵備副使蕭紳遠敏勤勵兵政一新西安府知府馬炳然志存乎守已而愛民才足以剴繁而治劇漢中府知府周東以文學飾吏事以撫字得民心凡此數人車霆王寅臣所專委高崇熙等皆曾經委用諒知之爲深其餘雖有才

能未嘗親見行事不敢輕舉如蒙乞勅吏部廣詢博訪如臣言可采乞將車霆王寅等量加擢用使在外臣工守正者有所恃而不恐勤事者知所勸而不忘其於治道良有裨補緣係薦舉賢能官員事理謹題請 旨

一爲添設馬苑營堡以便收牧事

題爲添設馬苑營堡以便收牧事據陝西按察司副使  
王寅呈爲告撥牧馬草場以便人心事行據委官平  
涼府衛同知朱裕署指揮使趙文呈稱會同帶領原  
勘委官華亭縣知縣尙俊崇信縣署縣事知事李如  
林平涼縣署印縣丞崔瑄拘集平涼縣大岔西橋東  
橋等里崇信縣搜兵里華亭縣窰頭里各里老人等  
并原告投牧軍苟通李文舉馬彥名等指引親詣逐  
一覆勘得所告草場地土西至馬鋪嶺第三道溝北  
至草子山麓金霽沱小圓山子石板莊窰東至土橋  
子大路并石人山南至徐家嶺紅土深現各爲界東

關中奏議全集卷二



西長六十里南北濶二十里除高山陡峻溝澗外實  
有耕牧草地共二千六百六十頃與各縣民間地土  
俱無干礙水草便利堪以牧馬及勘得地名霧子鎮  
一處水泉兒灣一處石佛頭一處俱堪設營堡具會  
勘過地土頃畝坐落四至畫圖開呈到職案查先奉  
督理馬政都察院左副都御史楊 劄付前事備  
仰本職即便會同陝西苑馬寺卿車霆選委平涼府  
衛能幹堂上官各一員公同指揮趙文親詣前項地  
方督同隣境該縣正官查勘所指山場是否空閑無  
糧地土應否開設草場水草有無便利并查彼處潛  
住遊民實有若干堪否領養馬匹如果相應就便文

394 40 75

量明白查審停當備開四至坐落草場荒地若干開

墾熟地若干或堪設一苑或止可於附近苑分帶管  
其見住逃民堪留養馬若干就將地土給撥種牧不  
堪收發若干或令就便附籍應當民差或發遣回還  
原籍復業逐一勘處明白具由作急呈來以憑施行  
中間如有別項違碍亦要明白聲說不許觀望迎合  
虛文搪報奉此隨吊平涼府原行卷內查得先該分  
巡關西道副使歐陽旦蒙督理馬政左副都御史楊  
批據指揮趙文呈前事已經行據平涼府通判  
張檄本衛指揮吳宏趙文各將踏勘前項山場四至  
頃畝堪以築堡牧馬緣由呈報在卷今奉前因會同

關中奏議全集卷二



陝西苑馬寺卿車霆又經改委平涼府同知朱裕公  
同指揮趙文督同隣境該縣掌印官覆勘查處今據  
回報前來本職會同卿車霆親詣所指去處督同各  
該委官帶領各縣干審里老并原告苟通等指引逐  
一審勘得山場四至界內委係自來荒閑並無徵糧  
地土在內亦與軍民兩無相干地方廣濶水草便利  
及查得流民苟通等一百六十三戶計人丁五百四  
十一丁俱在彼處修莊開地住種年久一開招集養  
馬莫不欣然樂從若於此處設立苑分營堡非惟牧  
馬有地遇警臨苑馬匹亦可收避保障無虞擬合開  
坐會案回報爲此通行除行令同知朱裕指揮趙文

394

將彼處招集舊住流民有遺等逐名查勘丁力相應者斟酌名數編設總小甲每名照例取便給地一頃住種聽候事完造冊另報并將本地軍民及逃來原衛缺伍正軍避重就輕犯罪脫逃人犯及無根絆者問罪遞回原籍官司復業當差外今將勘處過草場頃畝坐落四至并堪以建立苑分營堡地方畫圖貼說與苑馬寺卿車霆各呈報到臣又據平涼府掌府事四川布政司右叅政安惟學呈爲修舉馬政事行准本府同知朱裕平涼衛指揮趙文解送犯人顧成等二百六名并取勘供詞卷冊及據邠州申解犯人員祥等四十七名到職准其案查先奉督理馬政左

關中奏議全集卷二

三六  
X X X

副都御史楊 劄付行仰本職會同陝西都司都指揮僉事房懷甲拘原委同知等官朱裕等勘取供詞人卷屯冊到官將發去冊造地土從公逐一覆審對查是否原先遺留屯田各該軍民隱種收租不行首官務要窮究明白如果別無違礙虧枉重取各人備細親供就將有罪人犯問擬如律照例呈詳發落中間若有干礙軍民徵糧地土亦要明白聲說分豁毋得偏重損民清出地土相給撥何軍領種孳牧或招附近軍民承種照依原額子粒徵收折價以備監苑買馬之用計處停當造冊繳報以憑施行備奉已經通行吊拘取勘供詞人卷會同覆審對查去後

今准前因會同都指揮僉事房懷推問明白取具各犯供招在官審查得前項地土的係該所先年改調之時遺留屯地共一百九十九頃二十畝七分四釐各該軍民隱種收租不行首官是實中間並無干礙軍民徵糧地土亦無偏重損民等弊前項清出地土相應另招附近軍民承種照依該衛原額徵糧事例每地一頃徵納子粒豌豆六石草九束俱折收價銀與馬價銀一錢俱徵收在官送該寺交收專備監苑買馬之用計處停當別無異議及查得前項隱種軍民收過遞年花利例該入官但地方先遭宏治十四年達賊搶擾後因節年災傷薄收委的艱難追補不

關中奏議全集卷二

三六  
X X X

前未致擅專除將查對過前項屯田地土頃畝備造文冊同計處會問過各犯招罪緣由與都指揮房懷各呈繳前來及又據陝西布政司分守關西道右叅政胡瑞呈亦爲修舉馬政事行據平涼府申行拘原勘犯人劉傑等并地方知因人等到府從公覆審勘得小山子荒熟田地共一百七頃三十三畝八分先年委係崆峒山寺常住無糧地土後因無僧節被劉傑等爲因屯地窄狹各不合不行告官擅自開墾新種今奉查審並無相干軍民徵糧之數相應作爲牧馬草場除將劉傑等問擬明白具結呈詳到職案查先承准督理馬政左副都御史楊一清照會仰本職



卽便行拘前項地方并種地人戶親管官旗到官從  
公逐一審勘前項田地是否無糧先年崆峒山寺僧  
人曾否作爲常住地土因何後被軍餘人等耕種不  
曾起科今要作爲牧馬草場給與新役軍人耕牧有  
無相應逐一勘處明白如果無礙取具種地人戶親  
管官旗并地方知因人等不致扶同結狀在官就將  
種地人犯問擬應得罪名備招回報若有干礙軍民  
田地及應別項處置事宜亦要明白聲說回報承此  
已經轉行原委官員勸報去後今據前因除覆審相  
同外今將勘問過各犯招罪緣由回報施行等因各  
節呈前來查得臣節該欽奉

關中奏議全集卷二

毛 文

勅近該爾奏稱彼處苑監見缺養馬軍人欲將地方逃住  
并遺例投入王府等項人役查訪問發養馬等因特准  
所奏其各苑地方潛住及投入各郡王將軍中尉儀賓  
等府家內并楚肅二府馬營草場莊所家人聽爾督同  
守巡等官出榜曉諭許令赴官自首免其問罪收集牧  
馬欽此已經通行欽遵出榜招諭外續爲告撥牧馬草  
場以便人心事據原委平涼衛署指揮使趙文呈據  
招到流民苟通馬彥名陳文舉狀告先年各因本處  
過活艱難流移到於平涼城東地方伍道廟白水澗  
三股山拽兵里等處採打木植牧放頭畜趁食住坐  
不曾回還今蒙招募情願於陝西苑馬寺附籍領養

57 冊 96 頁

官馬當差思得本處草子山一帶草場寬濶四至界  
內於平涼衛崇信華亭等縣三處軍民地土俱無相  
干乞將前地設爲本寺所屬草場牧放官馬便益等  
因備告具呈前來批仰分巡關西道副使歐陽旦行  
委平涼府衛堂上官各一員會同指揮趙文親詣前  
項地方督同該縣正官查勘問本官丁憂去任該道  
缺官接管又經改委陝西按察司原委整理馬政副  
使王寅陝西苑馬寺卿車霆選委平涼府衛能幹堂  
上官公同指揮趙文親詣前項地方督同該縣  
正官查勘及查先據固原衛右所軍餘王友才首稱  
洪武年間祖父王周孫軍人吳順輕等原係平涼衛

關中奏議全集卷二

毛 文

右所旗軍在於平涼縣東橋地名小寨兒各分撥屯  
地一分耕住後蒙將右所改調固原衛就彼各給撥  
屯地耕種辦納糧草彼時各軍將遺下屯地未曾首  
官俱被平涼衛軍餘石見等至今遞年隱種等情看  
得固原衛屯田多係監牧草場改撥今首該所原撥  
屯地在平涼等縣地方被人隱種盜賣未委處的行  
仰陝西行太僕寺少卿郭珠查問間續該副使王寅  
呈爲修舉馬政事清查得固原衛右所屯軍徐能等  
八十名原係平涼衛調來額設屯田坐落邠涇二州  
平涼華亭鎮原三縣成化六年將各軍奏那今改固  
原州地方海子口開荒任種彼時兵備官曾委官員



查勘遺留屯地招人承種並無結報緣由在卷必是  
不會查出以致徐能等兩處朦朧混種除將各軍准  
令歸併海子口每分扣撥地一頃照舊屯種辦納子  
粒其邪涇等處原撥屯地必須另委官員親詣會同  
平涼衛管屯官員拘甲屯田始末文冊照依坐落四  
至沿坵履畝盡數清查明白責令退出還官等因前  
來又經批仰本官會同原委少卿郭珠親詣督委平  
涼府衛能幹官及該州縣掌印官提人弔冊勘處回  
報續據委官同知朱裕指揮趙文開呈公同邪涇二  
州平涼華亭鎮原三縣各掌印官清出前項遺下屯  
地頃畝前來查得原委副使王寅別有差占少卿郭

珠赴京朝

關中奏議全集卷二

三

X 川 七

魏又經改委平涼府掌府事右叅政安惟學會同都指揮  
房懷勘問及又查得先為修舉馬政事據陝西苑馬  
寺卿車霆呈訪得平涼府城西崆峒山後地名小山  
子一帶納有五百頃先年崆峒寺僧人作為無糧常  
住地土耕種後因無僧節被平涼等衛軍餘劉傑等  
偷開耕種不曾起科今各人聞知本寺收集逃移軍  
民人等要將前地設為草場牧馬俱亦退避見今荒  
閑委與軍民徵糧地土並無相干水草便利堪以牧  
放馬匹等因據此已經批仰平涼府掌府事叅政安  
惟學公同平涼衛指揮親詣彼處從公拘審如果空

關中奏議全集卷二

三

X 8

閑無礙即便踏勘丈量明白取具勘量過地土頃畝  
四至坐落緣由造冊繳報續據本官呈稱拘集平涼  
衛左所軍餘劉傑等供稱見崆峒城西二十里鋪地方  
居住成化年間各因屯地窄狹將臨近地名小山子  
等處拋荒地土開墾不等各遞年耕種並不曾承糧  
今蒙委官丈量委係無糧田地情願退出還官等因  
勘量頃畝界至明白造冊呈繳前來看係腹裏地方  
恐有干礙軍民徵糧之數又經行委關西道右叅政  
胡瑞覆勘俱各節行去後今據前因看得各官節次  
清查出草子山地二千六百六十頃平涼衛右所調  
去固原衛遺留屯地一百九十九頃二十畝七分四  
釐小山子地一百七頃三十三畝八分共地二千九  
百六十六頃五十四畝五分四釐招募過在地潛住  
流民實有堪充牧馬軍人苟通等一百六十三戶共  
人丁五百四十一丁其草子山小山子二處俱係空  
閑無糧地土右所遺留屯地各軍已於監牧草場內  
給地領種却將原額屯地仍前混占私竊典佃與人  
正係應該入官之數俱與軍民並無相干竊緣平涼  
地方土廣人稀草子山一帶地宜水草堪以牧畜山  
多材木便於砍伐以致流民苟通等修打莊窠住成  
家業又無糧差縱欲驅之使還終是戀土趁利不肯  
復業積久漸繁恐貽他患今聞招募情願投軍養馬

如此之多既節經陝西都布按三司苑馬寺官重復  
勘審明白別無異議除依擬照例編充牧軍聽候給  
地領馬及將隱種地土軍民員祥等問罪發落遞年  
該追花利從宜寬免外臣仰惟我

祖宗開設陝西苑馬寺所轄六監二十四苑今止存長樂  
靈武二監開城廣甯安定清平萬安黑水六苑彼時  
河套無賊地稱腹裏便於孳牧自虜賊入套之後節  
被搶掠人馬不得生息近該臣處置銀買茶易馬匹  
數多見今固原靖虜等處傳報緊急聲息不絕誠恐  
虜賊潛伏河套不出時防深入官馬拘收城堡不敢  
牧放深爲可慮前項地土俱係平涼縣腹裏相應開

關中奏議全集卷二



X·X·I

設草場增置苑廐以備不虞及查得永樂四年舊設  
未開有武定弼隆嘉靖保川天興永康等苑俱在平  
涼府所屬州縣內武定苑在本府隆德縣地方相離  
府治稍近合無於前勘草子山開設一苑仍以武安  
舊苑爲名或就以平涼爲名隸靈武監所轄苑設霧  
子鎮水泉兒灣石佛頭小山子四營本苑衙門於霧  
子鎮建立將原投牧軍流民苟通等一百六十三戶  
各隨原住坐處所分隸四營如軍數不敷將例該改  
調南方衛所軍人及各處問發永遠充軍人犯查撥  
共贖正軍二百名之數每軍一名給地一頃任種領  
牧先令見住投軍之人就便於附近山場採打木植

燒造甄瓦築修營堡蓋造苑廐完備方纔給與官馬  
牧養其遺留屯地附近草子山者一體給軍遠者另  
招軍民人等承種照依屯田事例每頃徵收豌豆六  
石草九束地畝銀一錢以備冬月餵養官馬支用如  
此非惟平時孳牧有利無虞備邊報十分緊急臨邊  
監苑馬匹亦可在收避人情事體委的經久便益  
如蒙乞

勅兵部計議備臣言可採依擬覆奏上

請施行仍乞行吏部照依銓除國長一員禮部鑄造印信  
令其齎領前來到任管事陝西布政司撥吏書辦待  
事完通將修建過營堡工程招募編發過牧軍姓名

關中奏議全集卷二



X·X·I

數目畫圖造冊

奏繳緣係添設馬苑營堡以便收牧事理謹題請 旨

一爲防禦虜寇保障官馬事

題爲防禦虜寇保障官馬事據陝西等處提刑按察司  
副使王寅呈會同陝西苑馬寺分管少卿劉崇寺丞  
朱璜徐正將各苑新舊餘丁內通行揀選得身力強  
壯年貌相應堪以操守廣甯安定二苑各一百名開  
城黑水清平萬安四苑各二百名點驗得開城苑舊  
設操丁內七十六名原額見在監甲弓箭各七十六  
副未領監甲軍器一百二十四各黑水苑舊設操丁  
一百四十六名原額見在監甲弓箭各一百四十六

副未領盛甲軍器五十四名安定苑舊設操丁四十名內一十四名原領見在盛甲弓箭各一十四副未領盛甲軍器八十六名廣甯清平萬安三苑新選擇丁五百名俱無盛甲軍器遂一選驗明日省令各苑帶回原有盛甲軍器者照舊披執其餘俱令隨便自備弓箭什物專一守護本堡無事之時疎放牧馬但前項操丁須有盛甲什物披執有警方可禦侮所據缺少軍器相應給領備將會選過各苑操丁姓名年甲并有無盛甲軍器數目造冊開送到臣案查先准兵部咨爲處置馬營城堡專該臣題稱西人素勇敢善鬪待馬政就緒將各苑軍餘挑選壯丁設爲操夫

關中奏議全集卷二



八十一

各一二百名給與盛甲授之弓矢令其不妨牧馬閒暇之時操習武藝就令寺監官員督視比較不許調遣專一防守本營城堡是雖爲牧馬而設亦可壯邊城之聲勢資緊急之應援彼虜規知我保障有地防守有人縱然馬匹蕃盛不敢生垂涎之意該本部依擬覆奏奉

欽依備咨前來近因達賊入套各邊傳報聲息不絕各苑收牧官馬數多防禦不可不嚴挑選操丁守護城堡似不可緩已經批仰陝西按察司副使王寅親詣各苑會同該寺分管官將新舊軍人餘丁通行揀選堪以操守姓名數目總類造冊呈報仍查舊設操丁會

領盛甲軍器若干就行點檢明白卽今應否給領盛甲軍器若干呈來定奪去後今據前因看得陝西監苑之設相離邊境不遠常年以虜寇爲憂虜人所利者馬馬之羣聚益蕃則虜之窺伺益急縱有城堡若無軍兵安能捍禦臣於舉事之初固慮及此近自去年十一月以來傳報聲息無日無之馬匹拘收日久各營星散遠近不一固原等衛備冬官軍其數不多不能分布防禦如萬安一苑尤爲孤懸虜賊在螺山駐劄一晝夜可到節被搶殺並無一軍一馬前來兼應況各營堡俱憑高據險不堪鑿井馬匹未免下飲溪河彼賊暗伏草莽窺瞰侵掠勢難周防查得先年

關中奏議全集卷二



八十一

亦曾設有操夫正爲防護官馬但數少不敷近年止是黑水苑遇冬操備其餘苑分俱各廢而不講今據副使王寅會同該寺分管官查驗揀選新舊相兼廣甯安定二苑各一百名開城黑水清平萬安四苑各二百名六苑共操丁一千名平時不妨牧馬遇警足資保障各軍委皆生長邊方耳目所習聞虜不懼然須有盛甲軍器披執庶幾緩急可倚及照監苑文官不諳軍務須委能幹知兵武臣一員遇冬提督操練及又查得各處招募民壯義勇舍餘備冬之時俱有行糧前選擇丁既繫身於官不得營辦衣食亦合比例給與行糧養其鋒銳乞

勅該部計議合無將各苑操丁一千名除舊領有厪甲軍器外今次增選者俱照數給與每名厪甲弓箭腰刀各一副每營堡仍各量給與火車鏡砲圍牌旗幟等項以壯聲勢俱行令陝西所屬各衛所查取給發如見無收積嚴限成造送用聽臣選委平涼固原等衛諸驍操練指揮一員往來各苑會同該監苑官提督操練務令武藝精熟不許虛應故事每年二月至九月疎放照舊牧馬自十月初一日爲始收操照例給與行糧於附近州縣關支若大虜在套雖夏秋時月一體收操支糧有警則與營軍人協力捍禦賊必不敢逼城堡而攻前項操丁雖爲守護官馬而設練

關中奏議全集卷二

之既久未必不爲克敵之兵是於牧馬之中而得千軍之用有備如此非惟官馬有所保障彼見我城堡碁布旗幟羅列軍器鋒利或少弭其邪心區區小虜不敢窺伺深入其於平涼鎮原一帶地方軍民不爲無補至於大虜侵犯勢須動調官軍截殺此守臣之事非臣所敢與聞緣係防禦虜寇保障官馬事理謹題請 旨

一爲處置各邊馬匹事

題爲處置各邊馬匹事准兵部咨該本部題陝西苑馬寺卿車霆奏訪得陝西慶陽府靈州鹽課司大小鹽池自

祖宗以來與茶法並爲供辦各邊馬匹以補本寺不及之數近來各處或因別故奏計榆甯二邊雖有間年事例此得彼失兩不相顧況二池額課止是一萬三千九百餘引縱使二邊間年全得招商中納馬匹給軍騎操數亦不多且每上馬一匹給一百引中馬一匹給八十引每引該支官鹽二百斤運去行鹽地方平慶二府卸賣因是路途寫遠其鹽俱是近邊腹裡軍民自備牛車下池攬載每引裝載一大車約有三十餘石出池分爲伍陸小車運至卸所止交商人引錢招商多是勢要之家中納瘦小馬匹給軍騎操未久

關中奏議全集卷二

卽又倒死累軍買補宏治十三年甯夏都指揮傅釗奏改招商中納馬價每一百引布政司收貯銀一十五兩解送各邊給軍買馬間又值甯夏巡撫衙門將課鹽借去招商中納銀糧修理河渠功旣未成鹽亦空費宏治十五年又該總制尙書秦紘奏於固原慶陽二處設立鹽廠令其擬奏年分俱二處上納其廠各因路近脚便攬載舊鹽脚戶每年到池牛車不止萬數每引仍前裝載一大車出池分爲五六小車運至卸廠亦止交商人引錢官鹽一石四斗餘屬之腳價大抵此課以十分爲率官似僅得一分商人約得二分脚戶已得七分之上前此一年中馬不過一百

五十匹中銀不過二千餘兩商人脚戶儘得其利又有姦人謀之者多今邊務方殷正在用馬之際乞勅兵部轉行督理馬政都察院左副都御史楊從長

處置量將宏治十三年以前中過引鹽暫且停止宏治十五年以後未納引鹽俱令革罷行令陝西布政司將靈州鹽課司課引合無自宏治十八年為始量增添五六萬引不必招商聽令各邊腹裏但有牛車軍民人等以近就便於固慶兵備官處每引并卧引錢共納銀六錢該支鹽斤與宏治十三年以後未放引鹽舊引三分新引七分相兼放支每引止許中車一輛下池裝載鹽一十五石為則運至卸廠照彼中

關中奏議全集卷二

三 X 6

時價易賣其舊例此鹽止通平慶二府目今邊馬急缺暫通漢鳳等府地方發賣二五年間待至各邊馬不告乏庫有餘費之日照舊施行前項該收銀兩不許各邊互為爭競就令固慶兵備官按季造冊送督理都御史驗過轉發附近府庫收貯如遇各邊缺馬聽彼處鎮巡等官移文楊都御史通融處分仍聽本官便宜立法或坐委附近府衛能幹官員運送前去督同該衛公正官員與官軍死馬椿頭銀兩相兼驗買堪中土產馬匹騎操等因具本奏行兵部該本部覆奏看得陝西苑馬寺卿車霆奏要增添靈州鹽課司鹽引設法納銀收貯官庫專聽督理馬政衙門分

撥各邊買馬一節緣前項鹽引舊例相兼茶法供辦各邊騎操馬匹後因此法漸弛各邊互相奏討豪右夤緣為姦利歸私門公家不得實用一或缺馬動輒仰給京師今若車霆前擬則不特三邊馬匹足用而尚有餘利誠為

國家永遠之計但今巡撫都御史楊一清兼理馬政前項事情是其職掌未經勘處難便定奪合無本部行移本官將車霆所奏逐一備細查勘明白如果相應依擬處置中間法有滲漏欠當者仍要斟酌停當次第舉行若有應奏事情徑自具奏定奪該添鹽引轉行戶部自宏治十八年為始照數增添伏望

關中奏議全集卷二

三 X 0 1

皇上俯念三邊重地所急者止是馬匹斷自宸衷特降

綸音著為定例務使鹽易茶易馬匹永為邊方之利不許

別項奏討前此弊政應該革罷者盡行革罷如姦豪一時失利扇惑地方沮撓

國是許楊一清指實茶究置之重典年終通將納足銀兩買過馬匹并分撥各邊數目造冊奏繳仍造青冊一本送部查考等因題奉

孝宗皇帝聖旨是陝西茶鹽易馬備邊係是舊制今後不別項奏討欽此欽遵備咨到臣切惟陝西地方內而固原環慶外則甯夏延綏皆防胡重鎮軍務所急莫

先於馬頂自胡塵弗靖戰馬告乏各邊之仰給無窮  
公帑之所儲有限至厯

宵旰之憂命臣督理馬政二年有餘孽故之利粗雖與舉  
未獲收効惟茶馬較之先年號增數倍顧三邊戎廩  
倒亡相繼隨補隨耗支應不敷臣晝夜思惟恐孤委  
任不勝憂懼看得靈州鹽課司大小鹽池所產鹽斤  
與解池相類不勞煎煮不煩人力爲利甚博取之無  
窮舊例止是招商中納馬匹分給邊鎮驍操後因各  
邊交爭互取多寡不均故有間年關領之例又因中  
馬之人勢囑賄通濫收不堪馬匹不得實用故有收  
價解邊之例畢竟爲馬而設未嘗別用後因放鹽委

關中奏議全集卷二



三

官作弊多端奏添陝西按察司副使一員在於慶陽  
駐劄職雖整飭兵備實兼督理鹽法近年以來甯夏  
鎮巡衙門先因修理河渠借去宏治十四年十五年  
二年鹽課後因措置糧草借去宏治十六年十七年  
十八年三年鹽課河渠工程既未就緒倉場糧草亦  
未充足而鹽馬之制遂廢私鹽盛行姦豪得利以此  
總制尙書秦紘苑馬寺卿車霆先後論奏皆欲增廣  
靈州鹽課以供買馬節經該部題奉

欽依茶鹽易馬備邊不許別項奏討邊方幸甚然當久玩  
積弊之餘爲改絃易轍之舉思之不熟計之不審終  
恐法立弊隨有損無益行據陝西布按二司分巡分

守兵備鹽法等官副使燕忠高崇熙等親詣鹽池勘  
處各陳所見前來臣稽查舊卷採摭羣言參酌計慮  
至於再三始有一得查得先該總制尙書秦紘奏

淮安治十九年以後陝西布政司印刷十餘萬引送發監  
理通判處開放每引收銀四錢五分准令裝鹽五石  
或六石今陝西苑馬寺卿車霆奏稱自宏治十八年  
爲始量爲增添五六萬引不必招商聽今臨邊腹裏  
有牛車軍民人等以近就便於固慶兵備官處每引  
并卧引錢共納銀六錢止許中車下池裝載鹽一十  
五石爲則舊例此鹽止通平慶二府今邊馬急缺欲  
暫通漢鳳等府地方發賣待至各邊馬不告乏庫有

關中奏議全集卷二




四

餘費之日照舊施行查得靈州鹽課司大小二鹽池  
大池原額鹽課一萬一千二百三十二引小池三千  
一百四引有零共該額課一萬四千三百三十七引  
計今二池所產鹽斤委有餘饒常課之外雖增十倍  
似亦可辦而原額止於如此蓋因行鹽之地止是平  
涼慶陽二府及甯夏等衛榆林甯塞營迤西城堡又  
地臨邊境事變難測立法之初良有深意近年總制  
尙書秦紘要增鹽利及以便宜處置出給小票許令  
前往西鳳延安漢中等府發賣故鹽商雲滄鹽廠山  
積固原荒涼之地變爲繁華議者徒見其然遂謂二  
池鹽課可增十萬至二十萬然河東鹽法未免被其



阻壞所司已經奏行禁止若遵照舊例拘定前項地方則鹽生者多民食者少鹽商何從售賣原額一萬四千餘引之課尙恐不敷辦給安能復增五六萬至十萬引課額且陝西各府之人利於靈州食鹽先年課額雖未嘗增而私鹽實不能禁利之所在人必趨之又商民兩便雖日加刑戮末如之何夫以鹽池所產本有此數却爲地方所拘自棄其利以爲姦人私販之地深爲可惜欲增鹽引而不稍廣行鹽之路徒生厲階以貽後議非計之得也該納引錢舊例每引止是銀一錢五分今欲增至銀五六錢訪得商人賣與脚戶所得不過銀四錢有餘彼無利息安肯中納

關中奏議全集卷二



x 6

若盡如車運所奏不必招商就池賣與附近有牛車軍民臣謂權鹽招商自是正理專使公家紛紛與細人貿易非爲政之體將來恐滋別弊至於所載鹽斤例該每引二百斤帶耗五斤今若許載至一十五石不無太濫但二池邊遠險阻脚價艱苦比之淮浙河東事體不同秦紘所擬似爲得中及照大池原額課多然坐臨極邊而行鹽之途艱小池原額課少然地近腹裏而食鹽之人廣近年小池每季放支鹽斤反多大池數倍合無大池增鹽一萬五千引并舊課共二萬六千二百三十二引小池增鹽三萬引并舊課共三萬三千一百零五引通共二池新舊課鹽共五

萬九千三百三十七引照例招商每引止可納銀二錢五分照鹽一車以六石爲則外有多餘依律掣墊追問運至固原慶陽二鹽廠卸所每引仍照舊收即引銀一錢通共每引該得銀三錢五分每年得銀二萬七百六十餘兩此外若有餘鹽却依車運所奏就池招人納銀給與引目聽其發賣儻遇旱澇鹽生不及或邊報緊急鹽路不通除舊額鹽課外新增鹽課明白除豁不可膠於一定歲歲取盈行鹽地方西安延慶二府密邇河東地廣人稠照例嚴加禁約不許靈州鹽斤私通販賣阻壞彼處鹽法止許於鳳翔漢中二府通行與河東之鹽相兼發賣兩不礙阻其宏

關中奏議全集卷二



x 6

治八九年以前中馬鹽引年久弊多莫可查考所宜一切革罷宏治十三年以前陝西布政司招中商人彼皆奉例納銀輸官後因甯夏借課遲數年虧折資本怨聲載道合淮相兼放支新引七分舊引三分宏治十四年以後甯夏所借若有未支未中之數年分已滿中間勢豪姦頑之人展轉影射冒支盜賣等弊不可枚舉難再復支未中引目陝西截取開中庶幾物論稱平所收鹽引銀兩俱送慶陽固原各官庫寄放聽慶陽兵備兼理鹽法副使及固原兵備副使提督稽察姦弊每季監理通判督同鹽課司將給過引目放過鹽數造册開報臣并布政司查考如遇各



邊缺馬各該巡撫移文前來聽臣斟酌通融給發買馬文用不必拘定間年之例臣於年終通將納過銀兩買過馬匹并分撥過各邊數目造冊奏繳若有餘銀仍發庫收貯照例查盤如此所處似爲停當而於馬政大有裨益但兵部原擬自宏治十八年爲始增添鹽引前項公文本年五月內方纔行到彼時甯夏招過商人正在支鹽賣鹽之際事已過期難再追改合自正德元年爲始照依新例而行及查得陝西布政司並無收貯靈州鹽引卽今將及放鹽之期誠恐遲悞如蒙乞

勅戶兵二部將臣所擬詳可否上

關中奏議全集卷二

川三

請施行合用鹽引作急差官南京戶部刷印二十萬引務在本年三月以裏降給陝西布政司收貯開放其餘該載不盡事情臣徑自處置一切弊政應革罷者徑自查革若有姦豪失利扇惑沮撓之人指實劾奏置之於法不敢姑息隱蔽緣係處置各邊馬匹及該部題

准行令臣斟酌停當舉行應奏事情徑自奏

請定奪事理謹題請 旨

一爲處置馬營城堡事

奏爲處置馬營城堡事據陝西苑馬寺卿車霆呈修完陝西苑馬寺長樂靈武二監開城廣甯黑水安定清

平萬安等六苑城堡衙門公廨城樓城門馬廄營房倉廩屋宇買辦木石板棧燒造甄瓦雇覓賞勞各邑人匠夫役等項用過各頂銀兩并食用過米糧數目備造圖冊呈繳到臣案查先准兵部咨前事該本部題看得都御史楊一清奏稱卽今陝西修舉馬政俱無城堡馬廄恐後馬匹蕃息爲虜所窺况今彼處覓報聲息所宜先事預防乞要築城堡使人馬有所保障置馬廄使馬匹不至橫傷修營房使貧軍有所依棲建公衙使牧官得修職業前項工程必須量起附近軍民人夫動支贖罰馬價以備各項費用一節論辯剴切計慮停當俱是爲

關中奏議全集卷二

川一

國興舉馬政用圖永久之計相應依擬定奪除地方規制已議一一相度明白外所據該用人力合無行移本官并巡撫都御史周季麟計用若干行令都布按三司著落所屬附近軍衛有司量數起備與同本苑軍夫相兼修理其應用錢糧本部再於太僕寺馬價銀兩支取八千兩與前給買種馬共贖五萬兩一併送去聽從本官於內支用若有不足仍依前擬於本省大小問刑衙門宏治十七年贖罪銀錢贖罰銀物并司府在庫官錢內支取以備轉辦木植甄瓦等項務圖成功經久不許虛應故事畢日通將用過錢糧築修過營堡備造圖冊

奏繳仍造青冊送部查考等因題奉

孝宗皇帝聖旨着楊一清上緊提督整理務要完固欽此  
欽遵備咨前來已經行委陝西苑馬寺卿車霆陝西  
按察司副使王寅陝西都司都指揮僉事房懷分投  
提督軍衛有司委官悉照原擬地方規制斟酌損益  
量起附近軍民人夫與各苑軍夫相兼修理查支兵  
部奏發馬價并馬政茶法衙門有行贖罪贓罰紙價  
銀兩置辦物料瓦雇人匠貼備工食完日通併畫圖  
造冊回報去後續因連年套賊有警地方葺收不致  
急迫併興工作副使王寅別有差占都指揮房懷改  
任守備去訖止是苑馬寺卿車霆一人提督陸續整

關中奏議全集卷二

聖

八十一

理經今二年原擬兩監六苑工程方纔完備及查得  
後奏開設武定苑營堡亦皆築完其衙門倉廩營房  
馬廄等項次第蓋造緣係腹裏地方相應從緩除待  
完日另行奏報外臣竊惟陝西設立寺監衙門職專  
孳牧始雖規模宏遠而法制未備因陋就簡者百年  
于茲

孝宗皇帝采納廷議

詔圖修復巨狽被推薦仰承任使大懼無以稱塞

明命始至固原求所謂監苑者彫落之餘頽垣敗葺莽爲  
荒基而平涼迤北直抵環縣地方數百里深山野草  
居民星散崖窯堡洞遠近不一宏治十四年虜騎蹂

踐屠戮驅掠丁口頭畜多至二十餘萬各苑官馬爲  
之一空蔓延至於平涼滿所欲而去彼時爲臣謀者  
皆曰虜人所利者馬馬之羣聚益繁則虜之窺伺益  
急將來恐不可保臣不得已方修整牧之規卽上城  
堡之議仰荷

朝廷嘉納臣得展布有爲今固原迤西至鎮戎所新修  
展修營堡聯絡平涼迤北有彭陽大城有板井新堡  
安定苑僻在西南有中營大堡又奏設操丁給與盛  
甲弓矢各守本城比者大虜擁眾數萬長驅而入聲  
言要搶各苑官馬至黑水苑劄營分遣輕騎窺我三  
營不得不復東向又一枝至板井堡卽日出境不敢

關中奏議全集卷二

聖

八十二

久住計今各苑見養官馬一萬有餘止是萬安苑搶  
去七十餘匹其餘俱幸保全蓋彼猾賊熟路忽見我  
高城深塹樓櫓相望旗幟羅列將謂處處屯兵不知  
幾何有以懾其心而奪其氣故也但舉事之初勞費  
有所不免故好議論者有今日修馬廄明日築城堡  
之言今事已就緒非惟官馬有所保障可望蕃息遇  
警附近軍民丁口頭畜亦可在收避且我迎敵出  
哨之兵勞則可以少息急則可以爲家有益於邊備  
實多及查得支用錢糧除解到馬價銀八千兩外止  
是將臣馬政茶法二項官錢贖用該部原擬宏治十  
七年分大小問刑衙門贖罪贓罰并在庫官錢並無

分文動支巨竊恐議者不能深究地方利害等情本末習於任耳者之見視爲無益將來做不知修缺不能補廢前功深爲可惜如蒙乞

勅兵部通行陝西鎮巡三司及苑馬寺等衙門將前項修完城堡工程向後如有損壞隨即修補其未補者尙當及時增拓推廣而行共成

國是以爲地方遠圖不但孳牧一事之利而已巨不勝倦倦體

國之至絲係處置馬營城堡及奉

欽依着上緊提督整理務要完固事理爲此今將修完兩

監六苑工程用過錢糧數目畫圖造冊具本專差承

關中奏議全集卷二



川七

差孫桂親齎

進繳謹具奏 聞

一爲修舉馬政事

題爲修舉馬政事臣節該欽奉

勅諭陝西設立寺監衙門職專牧馬先年邊方所用馬匹

全藉於此近來官不得人馬政廢弛殆盡今特命爾前

去彼處督同行太僕寺苑馬寺官專理馬政爾須查照

兵部奏准事理考究國初成法親歷各該監苑督委都

布按三司能幹官員踏勘牧馬草場果有侵占卽令退

還查點養馬軍人果有逃亡者卽令撥補見在種見騾

馬實有若干設法增添務足原額倒死虧折馬駒隨宜

追補量爲分豁布置已定責令該管官員用心牧養各該寺監等官有闕茸不職者爾卽具奏黜罷或起送別用另選才能以充任使其有盡心職務功績昭著者具奏旌擢欽此欽遵臣受

命兢惕不遑甯處親詣兩監六苑查得牧馬草場原額一

十三萬三千七百七十七頃六十畝見在止存六萬

六千八百八十八頃八十畝其餘俱被人侵占原額

養馬恩隊軍人一千二百二十名見在止有七百四

十五名其餘俱逃故年久未曾勾補點視得見在牧

養兒孱馬并孳生馬駒止有二千二百八十四匹竊

嘆馬政之廢至於如此欲作新興舉非臣一人所能

關中奏議全集卷二



川七

獨辦訪得陝西布政司右叅政車震陝西按察司副

使王寅陝西都司都指揮僉事房懷俱堪委用已經

遵照

勅旨督委各官隨同行事節經具

題外續蒙

聖恩車震陞任陝西苑馬寺卿其後副使王寅別有分巡

等項差占都指揮房懷改任守備去訖止是車震一

人常川幹理今查得各監苑清出實有草場荒熟地

共一十二萬八千四百七十三頃一十一畝八分九

釐六毫恩隊軍人補完見在新舊共一千九十三名

招募新軍一千一百八十名及查得宏治十八年十

二月終各苑見在牧養兒馬并駒共一萬一千六百一十二匹頭修完馬營城堡共一十九處衙門倉廩營房馬廄等項屋宇共四千一百餘間又選設操丁一千名委官提督操練無事不妨牧馬有警可備調用前項事宜臣愚不過總其大綱至於經營布置實多車霆之力且天下之事夔已成者易為力振久廢者難為功當馬政興舉之初羣咻眾閔恐喝搖撼無所不至急之則他變或生緩之則絃轍如故車霆等不急不徐寬嚴相濟委曲開導人情稍安經今二年之上復草場於滅沒之餘完牧軍於彫耗之後保障有地防守有人孳牧之規稽考之法粗皆就緒經

關中奏議全集卷二



X O 1

久可行將來官員守而無失自足以收蕃息之効查得先為一事權以修

邦政事該兵部節該題奉

孝宗皇帝欽依今後行太僕寺苑馬寺官有缺照在京太僕寺官例務推素有才望的備用待有成績亦照太僕寺官陞擢欽此續為正卿寺體統以修

邦政事該吏部等衙門會議節該題奉

欽依兩寺官員體統都准議行永為定制各官果有政務修舉功績顯著的你每推舉酌量陞用不必拘定常例

欽此欽遵看得車霆原任陝西布政司右叅政以新例被

簡命為苑馬寺卿本官敏歷中外積有歲年剛方有為清苦無玷年老而風節愈厲官久而初心不改節經撫按旌異言官奏保委的堪以重用其隨臣整理馬政修舉廢墜委的盡心職務功績昭著相應旌擢若止

照常格陞用無以激勵人心必須仰遵

先帝成命照在京太僕寺官例推任兩京相應堂上官或巡撫都御史庶足以充其蘊且今四方多事用人為急一時人才固多然守法任事不避艱險如車霆者亦不易得况本官年雖七十精力未衰若不早為甄拔將來衰邁可惜如蒙乞

勅吏部再為訪察如果本官歷任年深公論允協合無查

關中奏議全集卷二



X O 1

照新例不次拔擢大加委任仍乞給

賜應得

誥命使凡厥有位知所感發興起其於治道實有補益臣

備員風紀不敢蔽賢干冒

天威無任悚懼緣係修舉馬政薦舉賢能官員事理謹題

請

旨

關中奏議全集卷之二終

關中奏議全集卷之三

茶馬類

一為修復茶馬

舊制以撫馭番夷安靖地方事

兵部覆准戶部咨陝西清吏司案呈奉本部送於戶科抄出督理馬政都察院左副都御史楊一清奏臣受

命督理茶馬親詣西甯洮州等衛地方督同兵備守備等官陝西按察司副使蕭琳署都指揮僉事蔣昂等選差撫夷官員帶領通事分投撫調各族番夷中納茶馬隨據差去人員陸續撫調各族番官指揮千百戶

關中奏議全集卷三

鎮撫驛丞偕其國師禪師各齋捧原降

金牌信符而至臣得拜觀馬其額上篆文曰

皇帝聖旨其下左曰合當差發右曰不信者死臣奉宣

皇上恩威撫且諭之責其近年不肯輸納茶馬之罪彼皆

北向稽首云這是我西番認定的差發合當辦納近

年並不曾齋

金牌來調止是一年一次着我每將馬來換茶今後來調

時

天皇帝大法度在我西番每怎敢違了臣於是乃知我

聖祖

神宗睿謀英略度越前代遠矣考之前代自唐世回紇入

貢已以馬易茶至宋熙甯間乃有以茶易馬之制所謂以榆山之利而易充廩之良戎人得茶不能為我害中國得馬足以為我利計之得者宜無出此至

我

朝納馬謂之差發如田之有賦身之有庸必不可少彼既納馬而酬以茶斤我體既尊彼欲亦遂較之前代曰互市曰交易輕重得失較然可知夫王者不治夷狄今責番夷以差發非若秦漢喜功好大勤遠略者之所為也亦非中國果無良馬而必有待乎番夷也蓋西番之為中國藩籬久矣漢武帝圖制匈奴乃表河曲列肆郡開玉門通西域以斷匈奴右臂而幕南

關中奏議全集卷三

川文

無王庭今金城之西綿亘數千里北有狄南有番狄終不敢越番而南以番人為之世讐恐議其後此天所以限別區域絕內外者也不然則犬羊長驅甯河岷隴之區鮮不為其蹂踐欲吳然無事得乎

國初散處降夷各分部落隨所指撥地方安置住劄授之官秩聯絡相承以馬為科差以茶為價使知雖遠外小夷皆

王官王民志向中國不敢背叛且如一背中國則不得茶無茶則病且死以是羈縻之賢於數萬甲兵矣此制西番以控北虜之上策前代略之而我朝獨得之者也慎自

金牌制廢私販盛行雖有撫諭巡察之官卒莫之能禁坐  
失茶馬之利垂六十年豈徒邊方缺馬騎征將來遠  
夷既不仰給我茶敢謂與中國不相干涉意外之憂  
或從此生藩籬之固何所於托其所關係誠非細故  
臣始至陝西行據守備河州署都指揮僉事蔣昂呈  
稱河州衛每年招番易馬止是臨近川卜陸族乞台  
撒刺并歸德中左所西番達子二十七站及腹裏老  
鴉亂藏等族熟番調來中馬給茶其黑章哱上下哈  
如阿劄爾朶工遠行等族番人遞年累撫老番俱故  
後生不知法度強硬生拘不肯前來中馬又被黑章  
哱朶工等族番人糾引番賊專一伏路搶殺過往官  
關中奏議全集卷三

軍糧賞財物雖經呈稟上司差官量帶軍馬通事出  
境不過追撫止照番俗事理發落因循年久未蒙  
天威加兵各番輕視

國法愈加恣肆爲惡搶擾地方以爲得計若不早爲處  
置慮恐餘族番夷一槩倣效不爲廢弛馬政抑且有  
損

國威合無具奏差委謀畧公廉官員動調軍馬通事統  
領前去直抵巢穴務將前項累撫不來中馬爲惡黑  
章哱朶工遠竹等族番人量勦一二族俾無遺種庶  
使餘族番夷寒心知懼實爲經久便益等因到臣看  
得本官父祖以來守備河州熟知番情必有所見但

與師動眾勞費不貲陝西地方疲敝又兼北虜不時  
出沒前項事情難以輕議況禦戍上策莫如自治各  
番雖不中馬未嘗一日無茶彼既坐得之何求於我  
且中國之人明知禁例肆行無忌於番夷乎何誅臣  
乃申嚴禁令嚴督所司緝捕私販根究株引不少假  
借茶徒稍稍斂跡茶價頓增已而招調番人遠近畢  
集稔惡如朶工黑章哱者亦如期而至乃知中國之  
茶真足以繫番人之心而制其命但今停止商茶巨  
部題奉

准依許將例前報中者照舊發賣其數幾二百萬是又一  
厄也誠使私茶商販一切禁絕不得通番不一二年  
關中奏議全集卷三

番族無茶不撫亦將自來調之需敢不至臣仰承任  
使恒懼無補以速罪尤深慮卻顧輒罄一得之愚如  
此至於興廢補敝之宜謹條陳五事于後伏惟  
聖明省覽乞

勅戶兵二部議其可否覆奏行之仍乞斷自  
宸衷今後有以開中商茶爲言者無

賜施行該部該科查照不許招商中茶前  
旨舉奉懲治庶幾番人堅內附之誠邊方無意外之患不  
止有神三邊馬政而已臣不勝倦倦體

國之至等因開坐奏奉

聖旨該部看了來報欵此銀遵抄出送司案呈到部看得

都御史楊 所奏事件除處茶園之課廣價茶之

積二事本部覆奏外所據復

金牌之制專巡禁之官嚴私販之禁三事係隸貨部掌行

擬合開咨前去煩為徑自查照覆奏施行等因咨部

送司案呈到部看得都御史楊 奏言

祖宗處置番夷之道非特資彼戰馬兼以固我藩籬其機

括則全在於嚴禁私茶蓋其所見能識

國體故其所陳俱得治要今將議奏條款議擬開立前

件伏乞

聖明裁處緣係修舉茶馬

舊制及奉

關中奏議全集卷三

五

川八

欽依該部看了來說事理未敢擅使宏治十七年十二月

十四日本部尙書劉 等具題本月二十八日奉

聖旨金牌制度自何年廢弛通查明白來說其餘准議欽

此除將准議事理通行各該衙門欽遵外查得先年

奏差官員賫捧上號

金牌前往陝西洮河岷州等衛招番比對下號

金牌令其各納馬給茶委的廢弛年久今都御史楊

因邊方缺馬要復

舊制已稱典籍磨滅多無的據今奉前該

欽依緣本部查無前項卷案未審先年差官賫捧係何衙

門承行

內府印綬監原發

金牌底簿必備載年月明白擬合查勘通行為此除外合

咨前去煩照本部題奉

欽依內事理欽遵施行仍備查金牌制度何年為因何事

廢弛作急咨報以憑覆奏

計開

一復

金牌之制切照洪武年間

欽降金牌數目各衛典籍磨滅多無的據查得河州地方

原設必里衛二州七站西番二十九族原額

金牌二十一面認納差發馬七千七百五匹西甯衛地方

關中奏議全集卷三

六

川

曲先阿端罕東安定四衛巴哇申冲申藏等

族

金牌一十六面該納差發馬三千二百九十六匹洮州衛

地方火把哈藏思曩日等族

金牌四面該納差發馬三千五十四匹上號在於

內府收貯每三年一次

欽遣近臣賫捧前來公同鎮守三司等官統領官軍深入

番境劄營調聚番夷比對

金牌字號收納差發馬匹給與價茶如有拖欠之數次年

前去催收後因邊方多事陝西軍民轉輸軍

餉無暇運茶腹裏衛分官軍又各調去甘涼



甯夏等處征操別無官軍可調茶馬因是停  
正歷年滋久如曲先阿端諸衛邈不相通誠  
恐數十年之後雖近番亦不復知有茶馬矣  
今欲照舊例調軍入番征收非惟病於供億  
且恐激擾番夷乞

勅該衙門將

金牌舊額查出申明昭示各衛預先行今應納差發馬匹

番族使知

朝廷修復

舊制各當本等差發不許生拘違背然招番必先運茶不

然調來番馬無價可償失番人之望虧中國  
關中奏議全集卷三

七

之體合無於宏治十八年十九年內如臣後  
所擬奏嚴禁私販廣積官茶其番官指揮千  
百戶鎮撫驛丞等官久不襲替亦令兵備守  
備官查出奏

請就彼各襲原職以爲統領不必令其來京以宏治二十  
年爲招番之期乞

遣廷臣賚捧上疏

金牌前來會同臣及陝西甘肅一處巡撫官督同都布按  
三司官員不須動官軍深入番族止在三衛  
住劄差委撫夷官員通事分投調取各番各  
賚原降下號

金牌牽趕馬匹前來上納分別上中下三等給與價茶厚  
加賞勞遣回本族如不敷原數聽次年徵收  
補還事完將收過馬數造冊隨

金牌賚繳馬送陝西行太僕寺印烙照例給軍騎操以後  
三年一次舉行中間二年仍照常差官賚番  
字文書前去各族曉諭有情願者聽其自來  
將馬換茶不願者不拘敢有不愛約束招調  
不來者再三撫諭如果執迷不悛量調漢番  
官兵問罪誅剿以警其餘庶幾恩威並施番  
人懷威永爲藩籬之固

前件看得都御史楊一清奏言

關中奏議全集卷三

八

欽降金牌與各番認納差發茶馬深爲有見但前項制度  
廢弛年久所查未必盡悉其舊故楊一清本  
內亦云典籍磨滅多無的據合無本部行移  
內府印綬監清查各番族原額上號

金牌面數及番族名目馬匹數目備細明白轉行楊一清  
再加審處諭令番族知會約至宏治二十年  
爲招番之期每三年一次至期本部奏差行  
人一員賚捧前項

金牌會同彼處督理馬政并各該巡撫都御史督同三司  
官悉依所擬次第舉行事完差去官員將收  
過馬匹給過價茶數目造冊同原捧

金牌進繳中間二年撫諭各番有願將茶換馬者聽從其

來亦照所擬定奉本部仍行各官轉行兵備

守備等官將原額番官指揮千百戶鎮撫驛

丞等官年久不曾襲替者逐一查出保勘明

白奏行本部行令就彼襲替統領番族認納

差發敢有糾引番賊生事害人一體治罪

一專巡禁之官查得先准兵部咨爲一事權以

修  
邦政事該本部題稱茶馬自先年停止大臣之後止是

行人撫諭巡禁成化年間因是行人職輕難

以革弊該巡撫奏

關中奏議全集卷三

九

准暫差御史前去整理今既有都御史兼理若又差御史

在彼不無事拳不一合無將巡茶御史行取

回京一應首尾悉皆責成於今去都御史楊

一清待到彼之日或行茶地方遙遠應該另

添何等巡禁官員聽本官奏

請定奪等因具題節該奉

聖旨是欽此及查得臣節該欽奉

勅今特命爾不妨督理孳牧兼理茶馬自潼關迤西西安

鳳翔漢中平涼臨洮鞏昌西甯甘肅等處申明節次條

例提督都布按三司軍衛有司并守備把隘等官但係

通番關隘與偏僻小路俱要用心巡禁嚴謹把截爾仍

不時親歷點閱或督令分巡官按月省諭不許官豪勢

要及軍民之家私自輿販茶貨潛入番境通同交易如

有故違應拏問者就便拏問應奏請者具奏來聞欽此

欽遵臣本閩劣猥承任使分當奔走職業不

敢辭勞但陝西禁茶地方東至童關西極甘

肅南抵漢中綿亘數千里伏好度歷無處無

之臣始至陝城拏獲積年交通進貢經過番

夷代買私茶誑騙財物犯人徐銳等三十餘

名比至鞏昌地方節次拏獲販茶通番人犯

百餘名俱經法司問明發遣訖渠魁就擒餘

黨潰散然惡草難去而易生奇疾難攻而易

關中奏議全集卷三

動且茶禁愈嚴則茶利愈厚利之所在趨者

潤倒伺便而發乘隙而動者難保必無其間

多干礙官豪勢要之人非軍衛有司之力所

能鈐制禁防稍疏則絃轍如故茶馬大計爲

之奈何臣之職業重在孳牧一歲之間大半

住劄平涼固原等處又有提調三邊騎操馬

匹之任前項行茶地方實難遍歷雖例該提

督都布按三司官及督令守巡官行事各官

俱有本等職務委任不專難以責其成功臣

到平涼已及一年未嘗一見分守官在隴西

數月未嘗一見分巡官此事勢使然亦不足

異所據巡禁私茶必得按察司官一員專理  
乃能濟事但陝西按察司額設添設副使  
事等官已多若再添除不無官多人擾臣查  
得本司官若無事故除兵備邊備提學管屯  
監收糧斛及輪管分巡清軍之外實有空閑  
一員合無自宏治十八年爲始聽臣於各官  
內自擇有風力才幹一員常川於臨洮府住  
劄不許別項差占專一往來巡視提督各府  
衛州縣官嚴禁私茶痛革通番積弊一年滿  
日仍擇委一員交代回司計其行過事蹟果  
能禁革奸弊使私販息絕聽臣奏保旌異擢  
關中奏議全集卷三

十一

用如或因循怠玩指實叅究黜罰如此則官  
不必增而政無不興矣  
前件看得茶易馬匹先年專差御史一員今既  
責之都御史楊一清兼理委的馬政事多地  
方廣遠不無顧此失彼必須委官分理合無  
准其所奏本部仍行都御史楊一清每年於  
陝西按察司見任官員內揀用一員常川於  
臨洮府住劄不許別項差占專一往來巡視  
提督各府衛州縣官嚴禁私茶痛革通番積  
弊一年滿日照例委官交代或有別項沮撓  
推託聽本官徑自叅奏若委員克舉其事亦

聽本官奏保擢用

一嚴私販之禁查得律內凡犯私茶者同私鹽  
法論罪及查見行事例私茶有與販五百斤  
的照見行私鹽例押發充軍陝西等處但有  
漢人結交夷人互相買賣借代詭騙財物引  
惹邊釁者問發邊衛永遠充軍近准兵部咨  
爲從宜處置邊務事該巡按陝西監察御史  
李璣奏前事本部咨行巨處查訪議處應奏  
請者奏

請定奪內一件止通番訪得西甯河州洮州地方土民切  
隣番族多會番語各省軍民流聚鉅萬通番  
關中奏議全集卷三

十二

買馬雇倩土民傳譯導引羣附黨援深入番  
境潛住不出不特軍民而已軍職自將官以  
下少有不令家人伴當通番番人受其恐嚇  
馬牛任其計取變詐漸萌含憤未發誠恐一  
旦不受束約患可勝言且通番之人明知事  
例犯該充軍乃互相嚮謂無故亦要投軍有  
甚打緊似此欺玩若不重加法典則通番起  
釁茲其漸也又一件禁約私茶查得洪武永  
樂年間興販私茶者處死以故當時少有蹈  
之者間有一二私販者包藏裹挾不過四五  
斤十斤而止行則復顧鼠探畏人訐捕豈如

今之販者橫行恣肆畧不知憚沿邊鎮店積聚如丘外境夷方載行如蟻明知禁輕相謂與販私茶與興販私鹽同律事發止理見在不許攀指例則五百斤以上方纔充軍計使一人出本百人爲夥每人止負五十斤百人總負五千斤各執兵器晝止夜行遇捕併力萬一捉去一人只是一人認罪數不及五百斤以上不過充徒餘茶總收其利以此得計羣聚勢兇莫之敢捕官兵遙見預爲潛躲乞將興販私茶者合無照永樂年間舊例處死通番并把隘賣放之人亦如之如

關中奏議全集卷三

十三

聖慈不忍貪之重典合無將私茶十斤以上與一應通番并把隘縱放之人俱發兩廣烟瘴地面充軍等因臣叅詳御史李璣所言曲盡陝西官舍軍民販茶通番情狀非身履其地職任其責者不能及此查得洪武三十年十二月十一日戶部節該欽奉

太祖皇帝聖旨近年以來茶賤馬貴不止國課有虧致使戎羌放肆蓋是守邊者不以防禦爲重出榜以後守把人員若不嚴守縱放私茶出境處以極刑家遷化外說事人同罪販茶人處斬妻小入官欽此永樂六年十一月十九日節該欽奉

太宗皇帝聖旨陝西四川地方多有通接生番經行關隘與偏僻小路洪武年間十分守把嚴謹不許放過段疋布緝私茶青紙出境違者處死係戶部再出榜曉諭禁約還差人說與都司布政司按察司着差的當人去各關上省會把關頭目軍士用心守把不許透漏段疋布緝私茶青紙出境若有私販出境拏獲到官定將犯人與本處不用心把關頭目俱各凌遲處死家遷化外貨物入官欽此仰惟我

祖宗不嗜殺人獨於販茶通番之境致嚴如此承平之餘

政玩法弛已非一日充軍下死罪一等而販

茶之人其視充軍甘如飯食罪至於徒己非

關中奏議全集卷三

十四

輕典而陝西軍民甯從三年之徒不肯出杖罪之贖蓋各處充發軍人及擺站哨瞭囚徒隨到隨逃以爲常事上司亦嘗立法查考卒莫能革其逃回者又復販茶屢犯不悛玩法至此可謂極矣

成法具存死刑至重非人臣所敢輕議然例以輔律因時救弊似宜加嚴以整齊之但腹裏之與各邊事體有異而販茶之與通番情罪或殊合無今後但有將私茶潛往邊境與販交易及在腹裏販賣與進貢回還夷人者不拘斤數事發并知情歇家牙保俱問

發南方煙瘴地方衛分永遠充軍其在西甯  
甘肅河州洮州販賣者雖不入番卽有通番  
之漸一百斤以上問發附近衛分充軍三百  
斤以上發邊衛永遠充軍若在腹裏各府衛  
州縣與販者照見行事例五百斤以上押發  
附近衛分充軍止終本身不及前數者俱依  
律擬斷腹裏仍枷號一個月在邊方者枷號  
兩個月有力納米贖罪如果無力解五百里  
之外擺站守哨但有逃回仍前與販事發不  
拘多寡問發附近衛分充軍及照近年各邊  
販茶通番多係將官軍官子弟見今甘肅總  
關中奏議全集卷三

五

川文

兵劉勝事發其他未發者不止劉勝一人以  
此守備把關巡捕官員不能禁治合無今後  
軍官將官知情縱容弟男子姪伴當與販及  
守備把關巡捕官知而故縱事發悉問降一  
級原衛帶俸差操有賊者從重論失於不知  
者照常發落若守備把關巡捕官自出資本  
興販私茶但通番者問發邊衛充軍在西甯  
洮河甘肅地方發賣者三百斤以上發附近  
衛分充軍不及數及在腹裏發賣者降一級  
調邊衛帶俸差操如此則法令一新積習之  
弊可祛不然將來貽患臣不知其何所紀極

也

前件看得

祖宗茶馬禁例私通罪必至死後因此法漸弛人皆易犯  
以致番夷不服差發邊臣率皆私通今都御  
史楊一清論列前因情詞懇切蓋恐禁例不  
嚴則

舊制難復合無本部仍行都御史楊一清備榜通行曉諭  
榜諭之後敢有犯者悉照所擬問發仍行都  
察院轉行巡按陝西監察御史陝西按察司  
并各問刑衙門一體遵依毋致彼此異同法  
有遺好

關中奏議全集卷三

六

川上

一為修復茶馬

舊制以撫馭番夷安靖地方事

戶部覆陝西清吏司案呈奉本部送於戶科抄出

欽差督理馬政都察院左副都御史楊

奏臣受

命督理茶馬云等因具本開坐奏奉

聖旨該部看了來說欽此欽遵抄送到司案呈到部看得

都御史楊 所奏事件除復

金牌之制專巡禁之官嚴私販之禁三事係隸兵部掌行

移咨前去徑自覆奏外所據處茶園之課廣價茶之

積二事查照議擬開立前件伏乞

聖明裁處緣係修復茶馬

舊制以撫馭番夷安靖地方及奉

欽依該部看了來說事理未敢擅便等因宏治十七年十

月二十四日本部左侍郎王儼等具題本月二十六

日奉

聖旨准議欽此欽遵擬合就行爲此除外合行移咨前去

煩照本部題奉

欽依內事理欽遵施行

計開

一處茶園之課行據延安府綏德州知州洪平

呈稱奉臣劉付親詣漢中府金州并西鄉石

泉漢陰三縣會同各掌印官督同各該里老

關中奏議全集卷三

川文

將該管茶園人戶行拘到官查審得金州七

鋪一里定額課茶六千二百二十斤四兩西

鄉縣雲停歸仁遊仙三里定額課茶一萬八

千五百六十八斤六兩五錢漢陰縣在廓一

里定額課茶一千三百七斤一十一兩五錢

石泉縣石泉一里定額課茶一百九十二斤

二兩九錢共二萬六千二百八十九斤一十

四兩九錢成化等年奉例各增添里分人民

佃買老戶茶園地土各人開墾不等仍舊幫

納前項茶課會同各親詣茶園逐一踏勘得

金州該增課茶三千八百七十二斤一十二

兩西鄉縣該增課茶五千六百五十一斤漢

陰縣該增課茶七百二十三斤石泉縣該增

課茶六百六十斤共增課茶一萬九千六百

一十一兩造冊申送到臣案照先據陝西按

察司僉事唐希介呈稱漢中府金州西鄉石

泉漢陰三縣俱係產茶地方如漢陰一縣原

設在廓新安二里後因招撫流民增添九里

近因大造黃冊又添一里今以十里之民止

納二里之課况自招撫之後其延安慶陽西

安等府人民流移到彼不可勝紀見今開墾

日繁栽種日盛其沿江一帶茶園多不起課

關中奏議全集卷三

川文

乞行嚴督各該州縣官員查理等因看得漢

中府前項產茶州縣

國初人民戶口不多茶園亦少所以額課止於如此成

化年間以來各省遷移人民聚集栽植茶株

數多已經節次編入版籍州縣里分俱各增

添戶口日繁茶園增加增不知幾處而茶課仍

舊致令各處奸頑官舍軍民遞年在山收買

私茶通番交易覓利以此番人不樂官市沮

壞馬政相應查理已經行委本官前去會同

該州縣掌印官勘處回報去後今據前因恐

有不及又經行委按察司分巡關南道官覆

勘未報訪得前項州縣所產茶斤不假種植  
隨田而出荒山茂林耕治燔灼之餘茶從而  
萌蘖馬民獲其利一家茶園有三五日程歷  
不遍者有百餘戶佃種不周者以數十戶百  
餘戶所佃茶園止幫一戶茶課其甚少者亦  
多贏餘較之農夫終歲勤動而恐不贍又稱  
貸以輸官者難易不同故漢中一府歲課不  
及三萬而商販私鬻至百餘萬以爲常是其  
明驗也且薄賦裕民爲政美事加賦足用儒  
者耻言然先王之法於農惟恐其不厚於商  
則從而征之亦厚本抑末之意云耳今以天  
關中奏議全集卷三

九

川立

地自然之利民得之易官取之輕徒爲犯法  
者之地豈可無以慮之况先年茶園亦有消  
乏未蒙除豁新開茶園日新月盛漫無稽考  
致使一園一畦者課程已多連山接隴者課  
程顧少非惟細民有不均之嘆抑且奸民遂  
玩法之私深爲不便但干礙加增課程未經  
具

奏誠恐人情向背不一合無行委陝西布按二司分巡  
分守關南道官員督同漢中府掌印官親詣  
前項州縣遍歷園山界畔再行踏勘丈量詳  
酌地里遠近佃戶多寡務見舊有茶園人戶

若干新增茶園若干或園去課存所當除豁  
或有園無課所當加增不必拘定知州洪平  
前數但要有益於官不病於民勘處停當備  
開舊管新收開除實在數目造冊

奏繳永爲遵行如此則茶課均平其於茶馬不爲無助

前件看得都御史楊一清奏稱漢中府金州并

西鄉石泉漢陰三縣俱係產茶地方

國初人民不多茶園亦少所以額課止於如此成化年

間以來各省遷移人民聚集栽植茶株數多

節經編入州縣里分戶口俱各增添日繁茶

園加增不知幾處茶課仍舊致令各處奸頑

關中奏議全集卷三

三

川立

官舍軍民遞年在山收買私茶通番交易覓  
利以此番人不樂官市沮壞馬政况先年茶  
園亦有消乏未蒙除豁新開茶園日新月盛  
漫無查考要行陝西布按二司分守分巡關  
南道官員督同漢中府掌印官親詣遍歷園  
山界畔踏勘丈量一節合無依其所奏行移  
本官轉行陝西守巡官督同該府掌印官親  
詣產茶地方遍歷園山逐一從公踏勘丈量  
園去課存并新增茶園各若干所當除豁增  
添茶課各若干務要事不煩擾民得安妥處  
置停當備開舊管新收開除實在數目造冊



徑自奏

請定奪施行

一廣價茶之積查得洪武永樂年間舊例三年一次番人該納差發馬一萬四千五十一匹價茶先期於四川保甯等府約運一百萬斤赴西甯等茶馬司收貯內西甯茶馬司收三十一萬六千九百七十斤河州茶馬司收四十五萬四千三十斤洮州茶馬司收二十二萬九千斤合用運茶軍夫四川陝西都布二司各委堂上官管運四川軍民運赴陝西接界去處交與陝西軍夫轉運各茶馬司交收

戶部請

旨於在京堂上官內點差二員齎

勅前來會同陝西守鎮官員整理事體重大供億浩繁後因邊方有事停止不行近年巡茶御史招番易馬止憑漢中府歲辦課茶二萬六千二百餘斤兼以巡獲私茶數亦不多每歲約用不過茶四五萬斤以此易馬多不過數百匹至千匹而止補輾抑勒往往良駑相紊招易未久倒傷相繼番人既病於價虧軍士復不得實用要其事勢亦有由然今邊方在在缺馬騎征官帑有限收買不敷月追歲併士卒告

困近雖修舉監苑馬政然方收買種馬孳牧求用於數年之後惟茶馬可濟目前之急顧茶司無數萬之儲縱然招致番馬何所取給欲查照舊例徵運四川課茶緣川陝軍民兵荒之後創殘已甚邊儲飛輓猶自不堪甯能增此運茶之役查得洪武三十年

欽依禁茶榜文內一款本地茶園人家除約量本家歲用外其餘盡數官為收買若賣與人者茶園入官欽此照得漢中府產茶州縣遞年所出茶斤百數十萬官課歲用不過十之一二其餘俱為商販私鬻之資若商販停革私茶嚴禁

關中奏議全集卷三  
川上  
在山茶斤無從售賣茶園人戶仰事俯育何所資藉彼見茶園無利不復葺理將來茶課亦虧夫在茶司則病於不足既無以副番人之望在茶園則積於無用又恐終失小民之業若不從宜處置深為不便臣今年正月間量發官銀一千五百七十餘兩委官前去收買茶七萬八千八百二十斤計易過兒肩騾馬九百餘匹若用銀買須得七千餘兩其利如此但猶未免用官夫運送止如前數固可支持必欲廣為收易漢中鞏昌河西一帶人民將不勝其勞擾又恐行之既久官司處置

乖方虧價損民似非經常之計如遇官民兩  
便必須招商買運給價相應臣於今年閏四  
月內又經出給告示招諭陝西等處商人買  
官茶五十萬斤以備明年招番之用憑眾議  
定每茶一千斤用價銀二十五兩連蒸曬裝  
篋雇脚等項從寬共計價銀五十兩令其自  
出資本前去收買自行運送各茶司交收明  
白聽給價銀去後且官銀一萬兩買戰馬不  
過一千匹如前所擬買茶二十萬斤分別三  
等馬匹斟酌收買可得馬幾三千匹買一馬  
者將買三馬給一軍者可給三軍但所給茶

關中奏議全集卷三

川五

價出自公家歲歲支給亦非可繼之道若運  
到官茶量將三分之一官爲發賣以償商價  
尤爲便益此與開中商茶不同開中商茶其  
利在商未免阻壞茶馬招商買茶其利在官  
專爲易馬之資借曰官賣不過十之二三較  
之商茶歲百餘萬以通番境者何如合無自  
宏治十八年爲始聽臣督同布按二司官出  
榜招諭山陝等處富實商人收買官茶五六  
十萬斤其價依原定每一千斤給銀五十兩  
之數每商所買不得過一萬斤給與批文每  
一千斤給小票一紙掛號定限聽其自出資

本收買真細茶斤自行雇脚轉運照商茶事  
例行令沿途官司秤盤截角如有多餘夾帶  
茶斤照私茶擬斷運至各該茶馬司取獲實  
收赴臣查驗明白聽給價銀仍行委廉幹官  
員分投於西甯河州二衛官爲發賣每處七  
八萬斤至十萬斤爲止價銀官庫收候儘勾  
給商如有贏餘下年轉給行之數年茶可不  
賣夫如是茶出於山而運於商民不及知以  
茶易茶官不及知不傷府庫之財不失商民  
之業而我可以坐收茶馬之利長久利便之  
策宜無出此

關中奏議全集卷三

川六

前件看得都御史楊一清奏稱近年巡茶御史  
召番易馬止憑漢中府歲辦課茶兼巡獲私  
茶每歲不過四五萬斤易馬不過數百至千  
匹而止今邊方在在缺馬騎征官帑有限收  
買不敷要自宏治十八年爲始督同布按二  
司出榜招諭山陝等處富實商人收買官茶  
五六十萬斤給與小票定限聽其自出資本  
收買真細茶斤轉運照商茶事例沿途官司  
秤盤截角如有多餘夾帶茶斤照私茶擬斷  
運至各該茶馬司取獲實收驗給價銀仍委  
官分投於西甯河州二衛官爲發賣每處七

入萬斤至十萬斤爲止價銀官庫收候儘勾給商如有贏餘下年轉給一節緣茶法廢弛年久必須設法處置方能濟事合無依其所奏本部行移本官督同布按二司官員悉依所擬而行一二年間如果有益於官無損於商議處具奏永爲定例

一爲申明事例禁約越境販茶通番事

戶部覆陝西清吏司案呈奉本部送於戶科抄出

欽差督理馬政都察院左副都御史楊 奏行據陝西

行太僕寺少卿郭珠呈問到犯人聶子太等各招係

山西分州陝西岷州等衛涇陽等縣軍民各不合縣

關中奏議全集卷三



八十一文

避本處差役越關逃來秦州禮縣地名漩水潛住訪得四川保甯府通江巴縣并利州衛等處私茶不禁各明知有例又不合故違於宏治十六年月日不等節次到於前項地方子太等各買私茶五百斤呂勳等各買不等陸續駛運回家頓藏及轉賣與已問發茶徒楊威等接買前去通番貨賣各該府縣衛所巡捕官兵人等亦明知不行禁捕等情及又問得犯人薛繼招稱宏治十七年三月二十日不合糾同在官楊剛等各不合越關前到四川夔州府東鄉縣太平里產茶去處易買私茶繼二百八十斤楊剛一百四十斤王得賢一百零五斤各雇脚搬運彼處無人盤

詰行至陝西地方遇巡茶人役拏獲解發取問等因備呈到臣查得洪武三十年三月初八日欽奉

太祖皇帝聖旨陝西四川把截私茶處緊要係戶部便差

行人去陝西河州臨洮四川礪門黎雅等處省論把隘

口的頭目教十分嚴加把截不許私茶出境如今這一

遭說與他知道以後每一月一遭差人去說直差到九

月務要省論他截把停當不致透漏這等說與他了敢

有放過私茶出口的拏來罪他欽此永樂六年十二月

十九日欽奉

太宗皇帝聖旨陝西四川地方多有通接生番經行關隘

與偏僻小路洪武年間十分守把嚴謹不許放過段疋

關中奏議全集卷三



八十一文

布絹私茶青紙出境違者處死如今關隘上頭目軍士太多不用心守把巡捕往往透漏段絹私茶出境係戶部再出榜去曉諭禁約還差人說與都司布政司按察司着他勤勤的差的當人去各關上省會把關頭目軍士今後務要用心守把設法巡捕不許透漏段疋布絹私茶青紙出境若有不聽號令仍前私販出境拏獲到官定將犯人與本處不用心把關頭目俱各凌遲處死家遷化外貨物入官如私販之人同伴有能自首者免罪給與重賞欽此及查得成化七年八月內該戶部題該刑科給事中王銓題稱查得陝西禁茶去處已令監察御史禁約但四川建昌松潘等衛禁茶遞年仍差

行人省論不過虛應故事乞

勅戶部計議今後四川建昌松潘等衛禁茶去處合無查照陝西事例着監察御史或布按二司官禁約本部議得行人職微無權人罔知懼委實虛應故事御史巡按一方事務繁多恐管理不周合准所擬暫且不差行人行移都察院着落分巡官員照依禁茶時月親詣礪門黎雅等處各該關隘常川往來省諭守把官軍巡司人等嚴加禁約不許縱放私茶出境敢有違者即便依律照例究治分巡官員每歲更替之時各將捉獲私茶數目回關本司具奏仍行本院查考具題奉

關中奏議全集卷三



人々々

聖旨是欽此又查得成化九年十月內該戶部題該巡按陝西監察御史范瑛奏內開洮河等衛所屬思曩日等族俱隣四川松潘地方軍民與販細茶深入各族易換馬牛乞照原差行人禁茶事例再差御史一員前去四川等處巡禁私茶等因本部議擬具題節該奉

聖旨行人不必再差選着分巡官禁約欽此照得四川陝西俱係禁茶地方屢有節奉

欽依事例近年以來惟陝西奉行而四川未聞各處軍民惟知陝西有禁而不知四川有禁蓋因分巡官員所管事繁將禁禁視為泛常不曾用心經理以致軍衛

有司亦各習為玩慢各處與販之徒窺知彼處產茶

地方廣闊有利無禁往往前去收買通番貨賣不止前項已獲人犯大率陝西各年拏獲茶徒窮究所買之處漢中十之四四川十之六越境販賣者如此本地通番賣茶之人不言可知且先年止於礪門黎雅建昌松潘禁茶近來又於夔州府東鄉保甯府通江巴縣廣元等處恣肆買賣緣洮州衛所屬思曩日等族既隣四川松潘地方軍民販茶深入各族易換馬牛以此洮州番夷有茶節年易馬俱各生拘不聽撫調洮州私茶既多則河州西甯遠近生熟番夷相傳販賣俱從外境相通難以禁絕此指一處而言四川

關中奏議全集卷三



人々々

沿邊一帶俱與番境相隣私茶通行一年不知若干萬斤豈徒為茶馬之累其虧中國之體納外夷之侮莫甚於此乃知川陝皆當禁茶

祖宗成法誠不可易况建昌松潘保甯等處各有兵備官員若非申明舊例行令與分巡官相兼着實整理則陝西禁茶雖嚴終恐無益如蒙乞

勅戶兵二部查照洪武永樂年間以來茶法事例合無轉行四川巡撫巡按衙門將礪門黎雅建昌松潘等處地方着落彼處兵備官并分巡官申明曉諭嚴加禁約夔州保甯二府亦令分巡兵備官一體嚴禁利州衛合選委能幹指揮一員專管巡茶通江巴縣廣元

東鄉等處就委巡捕官員管理各督率應捕弓兵地方火甲人等一面曉諭茶園人戶不許將茶私賣與人一面各於所轄關隘并可通私茶偏僻小路晝夜往來用心緝訪巡邏但遇有私販之人就便拏送所司依律照例問擬除建昌松潘礪門黎雅路遠去處仍行巡撫巡按稽考外其夔州東鄉保甯利州一帶附近陝西地方合無聽臣及陝西巡茶風憲衙門帶管每月各將有無獲問過私茶人犯緣由取其巡捕官兵不致縱容重甘結狀開申查考如再不行嚴禁以致各處軍民仍去販賣到於陝西拏獲審出但係四川地方買來茶斤就將彼處巡捕巡茶官兵人等

關中奏議全集卷三

三

X1

奏拏問罪夔州保甯二府分巡兵備官按季將督令所屬捉獲私茶人犯數目通行四川巡撫巡按及臣處備照以此就驗其居官勤惰填註考語開報吏部都察院施行分巡官一年滿日仍依前例回關本司具

奏及行都察院查考如此則按本塞源而茶法不致阻壞利興弊革而馬政可以修舉等因具本該通政使司官奏奉

聖旨該部看了來說欽此欽遵抄送到司查得洪武永樂年間以來茶法事例節該本部議擬題

准通行欽遵去後今該前因案呈到部看得都御史楊一

清奏稱四川礪門黎雅建昌松潘夔州府東鄉保甯府通江巴縣廣元等處悉皆販賣洮州衛所屬思曩日等族隣四川松潘地方軍民販茶深入各族番夷有茶節年易馬俱各生均不聽撫調河州西甯生熟番夷相傳販賣從外境想通難以禁約要行四川巡撫巡按衙門轉行礪門黎雅建昌松潘夔州保甯二府等處地方各該兵備并分巡官申明曉諭嚴加禁約利州衛選委能幹指揮一員專管巡茶通江巴縣廣元東鄉等處就委巡捕官管理各督率應捕人等一面曉諭茶園人戶不許將私茶私賣與人一面各於所轄關隘并偏僻小路晝夜往來緝訪遇有私販

關中奏議全集卷三

三

X4

之人拏送所司依律照例問擬建昌松潘礪門黎雅路遠仍行撫按稽查查夔州東鄉保甯利州附近陝西地方合無聽臣及巡茶風憲衙門帶管每月將有無獲問過私茶人犯取其巡捕官兵不致縱容甘結查考如再不行嚴禁仍去販賣於陝西拏獲審出但係四川地方買來茶斤就將彼處巡茶官兵人等奏問夔州保甯二府分巡兵備官按季將督獲私茶人犯數目通行四川巡撫巡按及臣備照以此就驗其居官勤惰填註考語開報吏部都察院等因合無依其所奏本部通行吏部都察院及四川巡撫衙門轉行各該產茶地方兵備等官各照所奏事宜而行夔州東鄉

保甯利州一帶行令都御史楊一清帶管查照茶法  
事例徑自禁約施行緣係申明事例禁約越境販茶  
通番及奉

欽依該衙門看了來說事理未敢擅便宏治十七年十月  
二十日日本部左侍郎王儼等具題本月二十三日奉  
聖旨是着楊一清通行嚴加禁約軍民人等敢有仍前私  
販及該管官司不行用心捕獲一體重罪不饒欽此欽  
遵擬合通行爲此除外合行移咨前去煩照本部題  
奉 欽依內事理欽遵施行

一爲將官濫給驛傳與販私茶違法等事

題爲將官濫給驛傳與販私茶違法等事據整飭西甯

關中奏議全集卷三

三

八二

等處兵備陝西等處提刑按察司副使蕭紳呈問得  
犯人姚堂招年三十歲係陝西行都司甘州後衛前  
所百戶姚甯下舍人狀招堂與在官涼州衛軍餘易  
宣王奉各以識字撥送甘州總兵官劉勝處貼寫跟  
用法治十六年十一月內有堂等訪得西甯地方商  
茶停止茶價高貴要得與販貨賣利肥已及思得  
沿途車輛艱難又恐各關搜盤難過堂等因與劉總  
兵未到舍人劉深日常熟識密向劉深商說我每要  
尋買此茶斤裝去西甯發賣你若同買得些茶稟知  
總兵老爹起得關文給與火牌沿途驛遞討馬匹騎  
坐起重裝載一同前去賣了就回眾人感謝等語有

深依允各明知有例私茶有與販五百斤照見行私  
鹽例押發充軍各不合故違堂與易宣王奉劉深各  
出本銀多寡不等就在甘肅地方收買不知名姓商  
人私茶堂與劉深各買五百斤易宣王奉各買一千  
五百斤共茶四千斤俱藏收堂堂等當催令劉深  
稟知劉總兵有本官明知堂等與販私茶不合容縱  
及聽劉深稟說將易宣名字起與

關中奏議全集卷三

三

八二

符驗關文一道起驛馬九匹給與火牌一面起遞運所牛  
車三十輛自甘州在城甘泉驛遞起直至西甯平戎  
驛遞止各該驛遞官吏各不合不行查舉依關應付  
前項馬匹堂與劉深等騎坐車輛裝載各人茶斤比  
時堂等因是茶多路遠恐照管不前又願到甘州衛  
熟識未到軍人揚端辛洪張原買昇各亦不合受願  
將前茶管押裝載越過古浪邊關彼有本關守把官  
軍亦不合失於搜盤以致堂等將前茶私越關載至  
西甯衛密運至本衛藏經寺在官僧人玄幹房內本  
僧亦不合窩藏奇頓堂陸續將茶一百八十斤貨賣  
訖王奉易宣劉深茶斤俱未貨賣各又思得茶斤數  
多恐怕事露密將茶一千五十斤尋段西甯城外熟  
識在官軍餘李賢李得家藏放以便日後貨賣有李  
賢等各亦不合窩藏頓寄及有在官嚴准劉恩王得  
馬良施禮丘雄梁甯熊完林彥彬樊祥文信張信何

安各知堂等載有私茶寄頓藏經寺各到本寺各不合販買嚴准劉恩馬良王得各買去茶一百斤施禮丘雄共買四百九十六斤梁甯一百六十五斤熊完七十斤林彥彬樊祥文信張信各五十斤何安二十斤餘剩茶一千四百一十九斤仍收本寺發賣問致蒙西甯兵備蕭副使緝知差委茶馬司大使劉聰管地方百戶楊宣前來搜捉有堂等知得懼罪各帶軍人楊端等各就逃回甘州潛躲致蒙各官將嚴准井僧人玄幹等拏獲及於玄幹李賢嚴准等名下追搜出前茶見在連人茶呈送蕭副使審究明白將私茶秤發茶馬司收庫及將嚴准等監候行文都司將

關中奏議全集卷二



八〇一

堂與易宜王奉陸續拏獲楊端等仍前懼罪逃躲蒙將堂等解司與嚴准等對審取問問堂等要得回護又不合隱下劉深同起販茶及劉總兵起關應付井又怕打慌張妄招將茶一百八十斤潛駛沙塘等川交通番夷貨賣等情致蒙准信將堂等各問擬違例通番照例發邊衛充軍嚴准等各徒罪具招呈蒙督理馬政楊都御史蒙批姚堂等監候按臨解審隨蒙楊都御史按臨西甯衛解送審問問堂等方各將情具訴蒙批送蕭副使行提劉深有伊因見事發懼罪潛躲揆提不出將嚴准等責與堂等覆審明白各無異詞再問罪犯等因開詳到臣案查先據整飭西甯

等處兵備陝西按察司副使蕭紳呈問過犯人姚堂等招由已經批仰監候解審發落續該臣親詣西甯衛審據各犯訴出前情又經批行原問官再審明白議擬呈詳去後今據前因除仍行兵備副使蕭紳將犯人姚堂等依律照例發遣及催提未獲劉深等問報外參照鎮守甘肅總兵官右軍都督府署都督僉事劉勝官居都府職握戎符不思正己率人乃敢徇利忘義縱容子姪官舍與販禁茶擅給

符驗火牌營幹私事且西甯地方近因販茶通番者多沮壞茶法以致番人生劫不聽撫調中馬臣今仰遵

聖諭申嚴禁令各該軍民尙知警避劉勝將官獨敢妄爲

關中奏議全集卷三



八〇二

及照往年茶徒止是私竊與販未聞明給應付關文公使官司運送况

符驗非公事不給火牌非軍情不遣以之遞送私茶不無

玩法太甚再照古浪千戶所把關官員及甘州在城

衛起直抵莊浪衛巡茶巡捕官明知故縱不敢盤拏

雖云畏懼主將聲勢實皆蔑視

朝廷憲典事屬違法通合究問如蒙伏乞

聖明大奮乾斷合無將劉勝提解赴京明正其罪仍將各

衛巡茶巡捕官及古浪把關官通行問刑衙門查提

問擬應得罪名發落庶使人知警畏不敢効尤茶法

不致沮壞馬政可以興舉緣劉勝係在京五府堂上



官又係邊方將官及係查提軍職官員事理未敢擅便爲比具本專差舍人陳祥謹題請

旨

一爲修舉馬政事

兵部覆本部申駕詞案呈奉本部送於兵科抄出

欽差總制陝西延綏甯夏甘肅等處邊務兼督理馬政羣

察院右都御史楊 題查得臣節該欽奉

勅諭陝西設立寺監衙門職專牧馬先年邊方所用馬匹全藉於此近年官不得人馬政廢弛殆盡今特命爾前去彼處督同行太僕寺苑馬寺官專理馬政爾須查照兵部奏准事理查究國初成法規歷各該監苑督委都

關中奏議全集卷三



八四

布按三司能幹官員踏勘牧馬草場果有侵占者卽令退還查照養馬軍人果有逃亡者卽令撥補見在種兒騾馬實有若干設法增添務足原額倒死虧折馬駒隨宜追補量爲分豁布置已定責令該管官員用心牧養其西甯等處各茶馬司茶易番馬甚濟國用近來亦漸虧耗今併付爾整理爾須一新舊規務令茶課充盈私販息絕番人樂歸官市番馬實充廐牧欽此欽遵宏治十六年八月內臣到於陝西地方親詣苑馬寺兩監六苑查得收馬草場原額一十三萬三千七百七十七頃六十畝見在止存六萬六千八百八十八頃八十畝其餘俱被人侵占原額養馬恩隊軍人一千二

百二十名見在止有七百四十五名其餘俱逃故未補點視得見在牧養兒扇騾馬并孳生馬駒止有二千二百八十八匹竊歎馬政之廢至於如此夙夜兢惕不違甯處委用都布按三司能幹官員講求故典更新興舉奏請卿寺不職官員仰荷

廟謨獨斷以布按二司叅政副使僉事等官薦補卿少卿員缺大改絃轍一新政令查得見今六苑清出實有草場荒熟地共一十二萬八千四百七十三頃一十一畝八分九釐六毫清勾撥補招募改編等項見在軍人二千三百四十三名銀買茶易追補孳生等項馬匹并駒除節經儀給延綏甯夏固原等處軍人

關中奏議全集卷三



八四

外正德元年十二月終實在馬并駒共一萬一千八百七十一匹修完馬營城堡共一十九處衙門倉廩馬廐屋宇共四千一百餘間選設操丁一千名給與盛甲弓矢委官提督操練無事之時不妨牧馬有警之際隨宜調用又奏開武安苑草場地二千九百六十六頃招募改編等項軍人三百四十五名及查得用過錢糧奏給太僕寺馬價銀五萬兩修理馬營城堡用過銀八千兩收買種兒騾馬用銀一萬七千七百四十八兩六錢共用過銀二萬五千七百四十八兩六錢此外馬價銀二萬四千二百五十一兩四錢節奉兵部明文收買延甯甘肅三鎮戰馬給軍騎操

餘剩銀兩仍在平涼鞏昌河州西甯官庫收貯及照  
西甯洮河三衛茶馬舊規廢弛年久官茶無積私茶  
盛行節年巡茶御史止將漢中等處地畝課茶共二  
萬六千八百餘斤兼搭巡獲私茶每歲不過四五萬  
斤以此招番易馬多不過數百匹至于匹而止事勢  
使然無可奈何查得宏治十年起至十五年止六年  
之間巡茶御史共易過兒扇騾馬五千四十三匹且  
西番以畜牧爲生每歲孳息馬匹盡爲私販所得而  
我邊兵缺馬奏討太僕寺馬價及朋合地畝椿頭等  
項銀兩高價易買所補不過三分之一餘皆軍士貼  
備自買至於破產鬻兒苦不可言行伍彫耗多由于  
關中奏議全集卷三

此臣仰遵

聖諭嚴禁私販廣積官茶申明

舊制招調遠近番人仗

天之威諸番雲集爭以所畜馬匹來聽收易查得宏治十  
六年御史李璣易馬將完取回臣接管三衛共易過  
馬二千四百八十八匹宏治十七年易過馬六千三  
百四十三匹宏治十八年易過馬四千二百九十八  
匹正德元年易過馬五千九百四十八匹總計四年  
共易兒扇騾馬一萬九千七百七匹除寄養未解及  
沿途倒死不開外陸續給過各鎮兒扇馬延緩共六  
千六十二匹甯夏共四千五百一十三匹甘肅共三

千三百一十一匹固靖蘭州平涼等衛所共一千五  
百五十六匹解發苑馬寺牧養騾馬共三千六百九  
十五匹而銀買之數不與馬計今三茶馬司處置見  
在茶斤河州西甯俱三十餘萬洮州一十五萬有餘  
儘勾今年明年易馬之用前項事情俱節經造冊具  
本

奏報外臣仰惟

國之大事莫急於兵兵之大要莫先於馬陝西延甯甘  
肅皆防虜重鎮節節因虜寇有警戰馬缺之荷蒙  
孝宗皇帝采納

廷議專設風憲重臣督理馬政臣猥以庸劣適當任使

關中奏議全集卷三

後因茶法與馬政係是一事該兵部題奉

欽依將巡茶御史取回

命臣兼理茶馬願廢墜既久之事更新興舉事勢頗難凡  
所規畫處置皆遵奉

明命盡臣之心不敢有遺慮竭臣之才不敢有遺力今草  
場地復牧軍數增城堡相望苑廩羅列孳牧之規稽  
考之法粗皆就緒將來雖不敢望如雲錦成羣之盛  
其於陝西三邊戰馬每歲餵給不爲無補至於招番  
一節雖未嘗明復

金牌之規而實坐收茶馬之利查得洪武永樂年間  
金牌舊例三年一次番人該納差發馬一萬四千五十一

匹價茶先期於四川保甯等府運送一百萬斤四川軍民運赴陝西擇界去處交與陝西軍夫轉運各茶馬司交納轉輸數千里所費不貲宣德正統以來爲因邊方多事運糧爲急勢不能行茶馬停止六十年來莫之能復如臣近所收易番馬以三年計之似過其數所用茶斤皆招商買運不煩軍民轉輸故邊方既得實用而內地若罔聞知凡此皆臣職分內事非敢自陳功伐但念天下之事創作者必專而後成交承者必守而無失臣受

關中奏議全集卷三

三

皇上加任總制調度軍馬經理邊方責任重大其於監牧茶馬之政勢不能及惟是規置粗定禁令已行分官代理幸不廢墜然歲復一歲趨下之勢恐所不免懼曠前功以貽後責況臣未老而衰近來百病交作心雖自強而力已不勝方將瀝血以陳冀遂乞骸之願獨交承之慮實嬰懷抱不得不言臣切惟馬政茶法事體委實相須先年陝西行太僕寺苑馬寺馬政俱該陝西巡撫兼管而茶馬則巡茶御史主之巡撫政務繁多馬政一事實不經意而茶司所易良駕莫究騎操所給登耗不聞本末始終茫不相攝虛名無實亦勢使然頃設督理馬政之官兼總數事茶司之所

易卽監苑之所牧監苑之所牧卽官軍之所給非惟不相悖而反相爲用故臣之不才亦得稍效其愚此後督理之官恐難復設若令陝西巡撫帶管不無仍蹈舊轍莫若復巡茶之官而兼理之爲便如蒙乞勅該部參議擬上

請合無仍設巡茶御史一員會同部院務選年深老練實心幹事之人或三年或二年一換請

勅兼理馬政茶法二事陝西行太僕寺苑馬寺官員專聽本官提調約束各衙門不必干預凡臣已經布置規畫奏有

成命一切事宜非有大礙不必立異更張庶幾事有定規

關中奏議全集卷三

四

人有定志可大可久爲益實多臣雖退伏草野與世長違亦有榮矣臣不勝惓惓體國之至具本該通政使司官奏奉

聖旨該部知道欽此欽遵抄出送司議奏間准戶部陝西清吏司手本爲查理差官巡茶事該本部議擬具題奉

聖旨是還差御史一員去一年滿日將交易過茶斤馬匹數目明白開奏不許虛應故事欽此查得宏治十六年該南京科道官徐蕃夏璉等各奏爲一事權以修邦政等事開稱茶馬係是一事往年馬政兼於巡撫茶課委之御史體統不一弊端由起欲將巡茶御史取

回一應首尾悉皆責成於都御史楊一清等因本部  
議擬具題節該奉

孝宗皇帝聖旨是欽此又查得宏治十八年該都御史楊  
一清題爲修復茶馬

舊制以擇驛番夷安靖地方事本部議得合無再行本官  
審勘務要察番情之向背邊事之繁簡度時審勢議  
處停當具

奏定奪等因題奉

聖旨是欽此俱經通行欽遵訖今該前因及查得奏內所  
開清復牧地招改恩軍修理馬營城堡開設苑廐衙  
門收買進補種馬并茶易番馬等項事宜俱與本官

關中奏議全集卷三

聖

川八

節次奏報相同案呈判部臣等看得都御史楊一清

自承

欽命以來督理馬政未及四年簡賢任事深探廢弛之原  
竭力殫思懋著更新之積草場既復牧馬亦增城堡  
環相望之雄苑廐成羅列之美草牧有方稽考有法  
若

金牌雖未復乎舊規而茶馬則大獲乎新利創始既有  
功交承又思無失欲照舊例仍設巡茶御史一員兼  
理馬政足見本官始終爲

國經畧邊圖之意及照監苑所牧茶與茶司所易同一  
馬政相庸兼併遊該戶部既已備

准復差巡茶御史合無依其所擬將一應馬政併赴巡茶  
御史兼管候

命下之日本部移咨都察院無拘點差巡茶御史舊例務  
選年深老練曾經巡按著有風力御史一員請

勅前去管理其陝西行太僕寺苑馬寺等官俱聽本官提  
調約束撫按等衙門俱不許干預至於草場牧軍城  
堡苑廐凡經都御史楊一清布置規畫奏有

成命者本官務以協心濟美爲能毋以立異更張爲尙必  
使牧馬既蕃茶馬亦盛人已可行華夷兩便前有光  
於創始後無病於繼承一年滿日仍將草牧茶易馬  
匹及推積茶斤數以接管都御史楊一清見在之數

關中奏議全集卷三

聖

川上

立爲舊管續以新政開除實在行狀并給俵寄養數  
目行過因革政蹟逐一從實造冊

奏繳仍造清冊一本送部日後繼承悉照比例庶幾查  
考有據功蹟可稽緣係併行巡茶御史兼管馬政及  
奉

缺依該部知道事理未敢擅便正德二年四月二十二日  
本部右侍郎韓重等具題本月二十四日奉

聖旨是陝西一應馬政都著巡茶御史兼管務要着實舉  
行不許視常忘玩欽此欽遵

關中奏議全集卷之三終

關中奏議全集卷之四

巡撫類

一為邊務事

題為邊務事准兵部咨伏蒙

皇上命臣不妨督理馬政速撫陝西地方自度不堪負荷

已經具本陳情辭免巡撫仍督理馬政俟命外欽奉

勅諭委任 褒嘉出乎常格揣分度力益深愧懼感

恩圖報善竭心力續准兵部咨該本部題奉

欽依陝西甯夏鎮巡等官候差去指揮強宏到彼即將地

方賊情緩急備細緣由開具本付與本官星馳具

奏不許朦朧遲悞等因臣到固原訪得達賊自本年

關中奏議全集卷四

川文上

正月初五日入境搶掠李旺堡人畜之後並無傳報

砲火聲息沿邊豫縣城半箇城上馬房下馬房一帶

俱無伏藏寇盜哨探得韋州螺山賊眾俱已出墻逃

回河套甯夏道路人馬商旅俱已通行即今春氣漸

深河冰將解此賊料已出套過河陝西地方相離河

套遙遠未知端的已行延緩甯夏二處守臣查探未

報節據捉獲奸細供稱達賊小王子大眾不曾過河

前項甯夏折牆入寇雖未的知多寡其鈔掠陝西邊

境者數本不多我軍無截殺之功所在遭搶掠之苦

雖云地方廣濶軍馬數少防守不敷大要乃將騎卒

情邊備廢弛士氣緩於剝削軍令傷於姑息所致臣

督率兵備守備等官於本月二十七日起馬前去豫  
旺城等處沿邊一帶城堡閱視邊關振揚威武處置  
戰守防禦一切事宜必俟辭免

允命下臨乃敢照舊專理馬政臣觀陝西武臣非無可用  
之人邊城卒伍率多敢戰之士况邊民勇健所在皆  
兵臣自去冬邊報告急即督令所司將平涼等處下  
班官軍民壯義勇等項拘集收操聽候守臣調遣臣  
稍加策勵鼓舞輒有欣然赴闕之志察此事勢縱使  
虜賊在套不出亦不足憂如果事情緊急又有欽奉  
徵調延甯等處遊兵

成命必不悞事且此虜蔑我大甚其志已驕天實厭之今

關中奏議全集卷四

二

川文上

歲如不悔過遠遊必當駢首就戮但查得固靖蘭州

一帶邊堡糧儲委俱缺乏見在兵兵尙難支持客兵

所至將何供億拯溺抹焚誠不可緩此正巡撫之責

懼非愚臣所克勝堪然亦不敢後期以誤大計已經

嚴督三司等官多方計慮應施行者徑自施行事體

重大者另行奏

請定奪然願

陛下託巡撫之責任如託臣督理馬政之專

采巡撫之謀議如

采臣計處馬政之切勿拘之以文法勿撓之以流言而

為巡撫者又當以公滅私忘身倘

國治官事如家事不以毀譽榮辱動其心則守必固戰必克蠢茲小醜不日于襄

九重可無西顧之憂矣緣指揮強宏前去甯夏未回臣今

巡撫恐道途相左致悞強宏馳奏除行鎮守武安侯

鄭英待查探盜賊去留消息明白具本付本官賚進

外今將本境哨探無賊在邊緣由合先具

奏緣係邊務事理謹具題 知

一爲才不稱任乞

恩辭免巡撫地方事

吏部覆本部文選清吏司案呈奉本部送於吏科抄

出督理馬政都察院左副都御史楊 奏宏治十

關中奏議全集卷四

三

川上

八年正月初十日准兵部咨該本部題爲大賊拆墻

入境事節該奉

欽依是楊一清不妨督理馬政就着巡撫陝西地方用心

調度防禦賊寇寫勅與他欽此官逾其分方懷負乘之

愆任非其才恐貽覆餗之患循牆莫避臨谷增危伏

念臣章句迂儒柳蒲弱質歷官三十餘年恒在閒曹

以文墨議論爲事不自意以虛名承乏督理陝西馬

政

勅旨以曠墜既久之事實其更新與舉感激難逢之

會奮勵無能之資條寒暑之兩更增涓埃之無補頃

屬胡塵未靖邊塞戒嚴

皇上過聽 廷臣之言俾兼巡撫之奇才薄事煩力小任

重臣猶自駭人將謂何近據固原環縣等處傳報砲

火聲息不絕臣聞

命不敢留滯即往各該地方欽遵一面調度防禦外然大

馬一寸之誠實有不能自隱者竊以天之降才各以

區分

君之用人必當器使臣深自忖揣實非巡撫之器豈有經

畧之才况軍旅之事素未之學若勉強就列終不敢

言他日致悞邊事臣之一身糜損不惜如一方生靈

何此臣所以夙夜踧踖而不能自安者也且陝西馬

政近年俱巡撫官奉

關中奏議全集卷四

四

川上

勅兼理因是委任不專未見修舉以致二邊戰馬缺乏之

厯

宵旰之憂

簡命專管督理臣雖不肯仰荷

廟謨獨斷言聽計行以此得竭股肱之力臣初期以五年

之後戰馬完足不煩公帑之財自壯邊兵之勢此臣

矢心體 國以忠于

陛下之職分也今大綱粗舉而節目未備宿弊雖祛而成

效未臻乃復以巡撫兼督理馬政則仍蹈舊轍而於

前日

簡命專官之

旨似有不合該部久任責成之議亦復託諸空言况巡撫之職百責所萃臣非優於爲政未免顧此失彼深懼獲罪名教舉其深生而盡棄之此臣所以欲言未敢而終不能已於言者也伏望

聖明垂念陝西重鎮一方生靈休戚所關乞

勅吏兵部另推才堪經畧素諳軍旅之人巡撫地方防禦外患臣昭舊督理馬政茶馬如此則委任得人邊備有託而臣初志獲成前勞不廢雖屏伏田野其榮多矣臣千冒

天威無任悚懼待罪之至等因奏奉

聖旨楊一清才望素著簡命已定不允所辭該部知道欽

關中奏議全集卷四

五

此欽遵抄出送司案呈到部合就移咨前去煩照奏奉

欽依內事理欽遵施行

一爲公舉將材以備擢用事

兵部覆該本部職方司案呈奉本部送於兵科抄出欽差督理馬政都察院左副都御史楊 題近准兵部

望開咨該本部題該保國公朱暉題爲預籌虜患戒謹武

備以謹不虞事本部議行內外大小衙門若有着實堪爲將領之人不拘在官在下開具實跡明白薦揚以憑訪察取用等因題奉

欽依備咨前來臣惟兵者國之大事三軍之命實係於將

故曰將非其人兵雖眾不足恃今在

廷有明揚之典隨取隨足何患之人豈假愚臣之贊但備員風紀有事邊疆所見聞甯忍緘默然臣久官西土所知者陝西之事故所薦者惟陝西之人陝西延甯甘肅爲防胡三大鎮而固原環慶皆虜人所嘗蹂踐之處蓋自撤東勝以來河套內地乘爲虜巢深山大沙險顧在彼故每歲黃河將冰惴惴焉惟虜入套是懼虜一入套則延綏千里時防衝突甯夏外險反南備河腹裏之人不得安枕而卧矣以事勢論之先年深入厚獲未嘗遭挫則入套之謀恐所宜有况蘭州地方今年節被抄掠強弓健馬直突金城闕下

關中奏議全集卷四

六

我軍隔河相視不敢追逐臣嘗親歷博訪眾口嗷嗷皆歸咎於守備怯弱士馬寡少所致竊恐彼賊茂我無能利我可掠萬一乘凍過河蘭全安會之區必遭荼毒密邇安定苑馬營數千官馬將無保障臣有職事不得不憂爲今之計慎擇將領爲急將領得人自足以繫兵民之心紓一時之急然陝西用武之地武臣可用者必多臣未深知者不敢輕舉臣所知者如陝西都司都指揮僉事房懷素諳邊務兼有治才軍政佐貳未究厥用署都指揮僉事陳善閑於師旅勇於戰鬪督修邊牆用違其材延綏定邊營把總都指揮同知閻綱知兵慣戰屢立奇功河州衛指揮同知



姚震雄超過人御軍有法凡此四人雖未敢謂其爲  
眞將材在陝西武臣中號爲出色臣所知者如此且  
人材難得必欲責備則目前無全人取其所長則微  
疵在所畧如蒙乞

勅兵部再行訪察合無將房懷陳善閻綱姚震量加擢用  
委任其於邊務不爲無補等因具本該通政司宣奏  
奉

聖旨兵部看了來說欽此欽遵抄出送司查得先該保國  
公朱暉建議本部已經議奏通行各邊及內外大小  
衙門訪保堪爲將領之人去後今該前因案呈到部  
看得都御史楊 奏保都指揮房懷等四員堪爲

關中奏議全集卷四

七

川本三

將領奏內又稱蘭州地方今年達賊突入官軍隔河  
不敢追逐取口噉噉歸咎於守備怯弱查得蘭州守  
備係都指揮張愷旣已怯弱不能禦賊相應更換合  
無行令張愷退回原衛聽候量才別用就將楊一清  
今舉數內都指揮房懷代替張愷守備蘭州候

命下之日本部照例請

勅前去令其欽遵行事其所舉都指揮陳善等三員本部  
案候遇有相應員缺另行疏名上請

簡任緣係公舉將材議換守備官員及奉

欽依兵部看了來說事理未敢擅便宏治十八年二月初  
九日本部尙書劉大夏等具題本月十一日奉

聖旨是房懷着守備蘭州地方欽此欽遵擬合通行爲此  
除外合咨前去煩照本部題奉  
欽依內事理欽遵施行

一爲計慮官軍保障地方官馬事

兵部覆本部職方司呈於兵科抄出督理馬政都察  
院左副都御史楊 題宏治十七年十二月二十

一日據陝西苑馬寺靈武監申爲緊急聲息入境搶  
虜人口官私頭畜事據清平苑申據本院循環老人  
張義呈於本年十二月十七日蒙本苑差義同操丁  
邵興旺張驢兒楊三前去槩管地方哨探到於地名  
雙峯臺高見堡據招募地方老人馬清報說本月十

關中奏議全集卷四

八

八二二

五日有招募新軍羅仲明等將各名下牧放官馬頭  
畜下堡飲水間忽被達賊暗撲前來將羅仲明官馬  
二匹幼男二口馬三官馬二匹幼男一口曹貞保官  
馬一匹陳能官馬一匹共官馬六匹王繼名牛二隻  
殺死固原衛唐百戶下軍餘周安楊文馬暹楊老軍  
搶去本衛軍餘沙威馬三匹等因本月二十八日又  
據本監申爲緊急聲息搶虜等事據萬安苑申據本  
苑架塘操丁李海蘇廷茂任浩等報稱於本年十二  
月初七日被達賊從草地進入本境打刺胡孫家堡  
碾盤掌沙井兒蘆草溝青川苦水等處搶虜將官私  
頭畜人口搶掠并殺死人口緣由呈報本苑至本月

十二日又據軍餘謝恕招募軍人何敬等口報被達賊又將虎家城苦水板井等處一帶搶掠官私頭畜人口殺傷軍餘緣由各報到苑俱無告詞難以申達自搶之後見得達賊俱在本苑附近地名土滂池等處劄營暗行將隣近地方搶掠俱各不敢前來告報數自有碍申稟欲待被虜各軍告狀到苑之日申報誠恐遲悞理合先將被虜緣由申稟等因備申到臣查得陝西苑馬寺兩監六苑見今收養官馬數多自達賊人套傳報聲息以來節經通行收斂隄備爲照黑水開城等苑有守備都指揮苗英領軍指揮郭邈等在彼又相離固原大軍不遠料不悞事其清平萬

關中奏議全集卷四

九

XXXX

安二苑在固原東北一帶地方無軍防守萬安苑尤爲孤懸恐賊自豫旺城徑窺該苑不可不慮防禦之策俱宜嚴謹已經手本備行鎮守陝西等處地方武安侯鄭英差官量帶馬步軍兵前去萬安等苑地方防守及通行守備領軍等官各嚴督防禦保障地方守護官馬去後今據前因看得清平萬安二苑俱係固原守備官所管地方又有鎮守武安侯鄭英在於固原駐劄不能過絕防禦以致賊人深入搶掠官私人畜見今該苑道路阻絕難以行勸除候聲息稍甯通查搶殺人馬的確姓名數目另行具

奏外切照各苑地方固原平涼鎮原等處軍民雜處近

自去年十一月以來達賊擁眾在於韋州螺山住牧分掠腹裏西則半箇城回回堡海刺都東則自豫旺城徑掠萬安苑直抵馬剛堡清平苑地方或數百人或數十人少則三五人所至輒有搶殺不知的數自宏治十四年大舉侵掠之後未及三年軍民何辜重罹荼毒守備都指揮苗英領軍指揮郭邈等專在固原迤西防禦雖有奪回頭畜人口然不過十之一二而已東路甚是空虛有搶殺而無奪獲臣先聞官軍俱在西路恐賊自豫旺城乘虛東掠以此節行鄭英計處量撥官軍東路防護寂無施行已而二苑官馬及馬剛堡地方軍民人口頭畜果被搶殺各該守臣

關中奏議全集卷四

十

XXXX

固難辭責要其事勢亦有由然初螺山之賊竊伏半箇城久而不退河西之寇犯我靖虜者聲勢尤急苗英等只得在於鎮戎千戶所西安州等處防守後賊分散醜類隨處折墻填溝假我逋逃爲之嚮導乘隙而入我軍相離動輒數百里人馬有限顧此失彼勢亦不能掣兵東救借使苗英等聞馬剛堡等處有賊東還截殺亦緩不及事而西路之賊又乘隙而入矣卽今春初馬瘦尙敢馳突倘河開不出夏秋時月草盛馬肥長驅肆掠各官似前顧此失彼非止官馬被掠平涼鎮原涇州一帶軍民將何保障必須選委專官管領軍馬於固原東路防守庶幾責任有歸緩急

可倚查得前遊擊都指揮楊敬所領遊兵三千員名除西安左前後三衛官軍九百五十員名見隨鄭英截殺及慶陽衛五百員名本處備禦外洮州衛二百五十員名岷州衛三百五十員名河州衛三百員名臨洮衛二百員名鞏昌衛二百員名秦州衛二百員名平涼衛五十員名見今散回本衛俱係挑選精銳當此多事之秋若管領得人必能勦殺賊寇保障地方訪得慶陽衛指揮黃正新陞都指揮空閑本官驍勇慣戰又熟知地里相應委用及照臣新築完清平苑彭陽城山川險固并萬安苑地方有虎家城李馬城等處俱堪屯兵防守如蒙乞

關中奏議全集卷四

十一

XXX

勅兵部議處預行陝西鎮巡衙門如果達賊在套河開不出前項地方急宜防禦合無行委都指揮黃正或另選驍勇慣戰如黃正者一員管領原選洮岷河臨鞏秦平七衛遊兵官軍共一千五百五十員名在固原迤東清平萬安一苑虎家城彭陽城一帶往來駐劄防禦截殺保障軍民守護官馬以遏虜賊深入平涼鎮原之路在萬安苑地方駐劄之時行糧暫於環縣倉關支在清平苑地方駐劄暫於平涼府雄贍倉關支事甯官軍各回本衛領軍官員果能勦殺賊寇另行錄功陞用今後凡遇冬月賊虜在套照前施行永為定規免致後期失事仍行陝西巡撫將招商銀買

等項糧草量撥於彭陽等城堡收受支放以便屯守固原守備都指揮苗英等專一在於西路防禦以遏虜賊深入固原安會靜甯隆德之路如此則聲勢聯絡而地方不至空虛責任專一而緩急無所推避若有十分緊急賊情應該勦掣應援又在主將臨時相機調度臣軍旅之事非其職業不當預聞但生靈休戚所係不忍坐視又事干官馬臣如不言恐將來為患未已徒竭其力以資寇盜臣之罪責亦何所逃等因具本該通政使司官奏奉

聖旨兵部看了來說欽此欽遵抄出送司案呈到部看得

關中奏議全集卷四

十一

XXX

都御史楊一清所奏除悞事緣由待查報至日另行外所據題稱陝西固原地方東西俱有賊情而東路無兵截遏被賊虜去官私馬匹人口頭畜并殺死軍餘人等西路彼時緊急官軍勢難東救欲將原選洮岷河岷等七衛遊兵官軍共一千五百五十員名行委都指揮黃正管領在於迤東地方截殺苗英等專在西路防禦虜賊一節緣楊一清擬奏前項緣由之時尚係督理馬政賊情正在彼處擾攘之際今警報已緩而身任巡撫正宜趁此閒暇及時整理武備合無本部仍行本官將所擬軍馬分定防禦地方委用領兵官員支給糧草去處上班放回時月與凡一應防賊機宜俱在議處停當依擬舉行務使隨處兵儲有

備遇警戰守不誤仍將議處過一應事宜轉行內外  
鎮守官員知會應具奏者備由奏報緣係議處官軍  
保障地方及奉

欽依兵部看了來說事理未敢擅便宏治十八年二月初  
九日本部尙書劉大夏等具題本月十一日奉

聖旨楚着楊一清斟酌計處務要停當事體重大具實奏  
來定奪欽此欽遵擬合就行為此合咨前去煩照本部  
題奉

欽依內事理欽遵施行

一為預慮邊儲以備緊急供餉事

戶部覆據本部陝西司案呈奉本部送於戶科抄出  
關中奏議全集卷四

欽差巡撫陝西等處地方兼督理馬政都察院左副都御

史楊

題節據整飭固原環慶等處兵備陝西按

察司副使高崇熙燕忠各呈繳查勘過沿邊倉場糧

料草束銀兩數目文冊到臣案照先為前項地方節

被達賊侵犯城堡搶掠人畜恐後動調軍馬防禦過

截未審沿邊一帶倉場糧料草束有無積蓄充實可

勾屯聚主客兵馬幾箇月支用已經劄仰各官查勘

的確數目備造手冊呈報去後今據前因查得各該

邊倉糧料草束委俱缺少如固原蘭州俱係總會屯

聚軍馬去處見在倉糧固原州止有九千二十一石

九斗九升一合本處主兵共三千五百員名每月該

支糧三千六十石蘭州見在糧一萬二千八百二十  
石一斗八升本處主兵官軍旗校共六千四百餘員  
名每月該支糧四千三百石俱僅可供三箇月之用

儻若添調客兵將何支給其餘倉分或有糧無料無  
草或有料無草無糧或有草無糧無料或糧料草束  
俱缺有者僅支主兵不見贏餘無者目前告急後將

何望及查得陝西布政司官庫銀止有五萬兩固原  
州倉先該總制尙書秦紘奏開引鹽收銀一十三萬  
八千七百九十餘兩近該巡撫都御史孫需行令兵

備等官支出招商糴買糧草然分散城堡數亦不多  
且陝西天下要害之地固靖等邊又陝西要害之地  
關中奏議全集卷四

入郡數百萬生靈之命所繫而缺乏至此今雖烽火  
少息套賊去留猶未可測縱使河開過套將來事勢  
尤有可憂蓋自宏治十四年大舉搶掠之後虜賊聞

知設有總制大臣將以為修築邊牆增兵增糧事事  
有備以此小王子大眾不會過河止是火篩等枝入  
套近日賊人分散醜類潛謀剽掠隨處拆墻填溝如

箇無人之境各該大小領軍官員擁兵坐食未聞運  
一方畧以挫賊鋒况懸虜多遣奸細入境覘我虛實

恐其茂我無能知我無備將來糾合羣酋乘凍度河  
大舉深入勢須徵調延甯涼莊官軍以為內援若不  
先事儲蓄臨期缺乏未免空運勞民貽患地方誠非

細故臣惟圖事於平時者易應變於倉卒者難先年  
陝西爲因不曾先事儲蓄及至大虜入套動調軍馬  
奏調課鹽不知若干萬引運送官銀不知若干萬兩  
舉行納銀冠帶等項事例所得又不知其幾何虜尋  
出套師旅既罷倉庫一空徒爲乘時射利者之地而  
民遭空運轉輸之苦至於闔門逃竄逮今比屋蕭然  
生理未復向使虜賊不退兵連禍結內變將作不知  
何以爲計言之可爲寒心邊報稍息上下相安遂謂  
無事儲蓄之策廢而不講頃者虜復入套烽火絡繹  
會計所儲在在不足相顧駭愕仰給

關中奏議全集卷四

五

XXXX

秋大舉長驅深入縱然不惜府庫之財以充供軍之  
費而地方所出有限倉卒亦難辦給此皆失於先事  
儲蓄之過也且如每草一束平時價不過二三分過  
急收買至七八分一錢而無措每糧一石平時價不  
過五六錢遇急轉輸民至費銀二二三兩而不足此理  
明甚人豈不知其因仍玩愒良亦有故今之士夫任  
耳不任目惡聞人善而樂談人之過失甯倉卒而勞  
費人無非議平時招糴增糧增草則羣而譁之以爲  
多事甚則疑其因以爲利用是凡厥有位卑者矜矜  
自保苟免罪責尊者循循度日坐待陞遷有能實心  
爲公家任事者寡矣臣聞昔者尙書周忱巡撫江南

十有八年一應錢糧任其通融區畫致有紅陳貫朽  
之積百姓賴之至今以爲美談彼固多才非當時委  
任之專且久何以至此使周忱官于近時以若所爲  
不三二年非被排而去則循次而升矣臣竊恐議者  
因見延甯小捷地方稍靖遂置邊儲於度外萬一有  
警又將貽後時之悔深慮却顧不得不極言之查得  
先年戶部擬奏充實邊儲事件非止一端雖出一時  
權宜中間有益無損經久可行者亦多至於開仕途  
濫進之門爲罪人幸免之地所益者小所傷者大苟  
非門庭之寇亦正不須如此若發京師帑藏之財雖  
失居重馭輕之宜終成損上益下之美但京師儲蓄  
有限各邊仰給無窮恐非可繼之道求其獲利多而  
取效速者莫如開中引鹽爲便蓋權鹽之利本爲助  
邊果能絕私販之阻滯杜權貴之請求則生生無窮  
何憂不給伏望

關中奏議全集卷四

六

XXXX

皇上俯念陝西關中重地邊儲缺乏太甚所宜急時預處  
乞  
勅戶部合無於陝西開中兩淮等運司常股存積等課鹽  
百餘萬引及今招商於夏秋收成之後糴買糧料草  
束查撥固靖蘭州環慶各該邊堡屯駐軍馬缺乏去  
處上納仍要斟酌賊情緩急如果虜賊在套盡收本  
色量寬斗頭使人樂趨不許嫌避誤事若無緊急賊

情又當酌量年歲豐歉年豐有收則廣爲招糴不厭其多如歲歉收簿則量收一半本色以防目前之急仍存一半銀兩以爲來歲之圖免以不貲之財坐爲營利者所得其他充實邊儲事宜澤其有益地方無損治體者爲之大要便邊倉各有二三年之儲則遇警不至於告乏布政司常有數十萬兩之積則臨期尙可以有爲此在巡撫督同布政司官通融處置次第舉行應具

奏者具奏定奪居常勿習於玩臨事勿傷於急則事集而人不及知不必取旦夕之盈爲張駭之舉重費其力以資勢利此愚臣迂腐爲兵事謀兼爲民事謀爲治

關中奏議全集卷四

七

川三

體謀之惓惓也巡撫本股肱之臣又得假便宜之柄何事不可爲亦存乎其人耳苟非其人當易其位既授之任當責其成任者不疑疑者不任居其位弗事其事則將焉用彼相矣臣本菲才不堪負荷已嘗具本辭免未奉

允命然堂堂

天朝豈無眞能爲巡撫之人

陛下慎擇而專委之久任以責其成不使有掣肘之慮如是而奉職不效不能先事預處以致臨期失錯重則身伏斧鑕輕則名削任籍彼亦何所辭避哉等因具本該通政司官於

奉天門奏奉

聖旨戶部看了來說欽此欽遵抄送到司案查先該本部右侍郎顧佐題稱蒙差前往陝西三邊整理糧草乞要查照先年事例運送銀兩開中引鹽召納糧草運赴各邊緊要缺糧倉場以備急用及本部近日奏開納銀冠帶贖罪等項事件行移巡撫衙門舉行等因本部查照議擬開中淮浙河東運司鹽課共一百萬引運送折糧等項銀共三十萬兩舉行冠帶等項事例催徵拖欠糧草子粒悉聽右侍郎顧佐會同彼處巡撫都御史整理如有不敷星馳奏來再行區處接濟等因具題奉

關中奏議全集卷四

六

川一

聖旨是欽此欽遵已經通行去後今該前因案呈到部看得巡撫陝西都御史楊 奏稱陝西地方固原蘭州環慶一帶糧草缺乏要開中兩淮等運司鹽百餘萬引召買糧料草束查撥各該邊堡屯駐軍馬缺乏去處上納一節緣本部近因侍郎顧佐奏

請開鹽一百萬引送銀三十萬兩舉行事例催納拖欠等項通行陝西各巡撫等官公同整理計此時方纔到彼正係議處之際數月之後自有成效無憂匱乏今本官又奏要開中鹽引本難准擬但邊方積蓄以預爲先以多爲貴若越今套賊遠遁年歲頗收不行先事廣儲倘緊急調集軍馬倉卒何以爲備豈可因延



甯小捷地方稍靖遂置邊事於度外計合無依其所擬再將兩淮運司宏治十五年分常股鹽一十二萬一千二百四十八引十六年存積鹽一十二萬八千七百五十二引兩浙運司宏治十六年分常股鹽一千八百六十八引一百五十二斤十七年分常股鹽一十三萬三千八百九十六引一百三十二斤四川鹽課提舉司宏治十五年分額鹽五萬引長蘆運司宏治十六年分存積鹽三萬六千一百六十一引常股鹽一萬八千七十三引一百二十六斤共鹽五十五萬引本部行移整理糧草本部右侍郎顧佐并奏帶郎中呂賢陳策及被處巡撫都御史楊 等將先

關中奏議全集卷四

九

今二次開去引鹽并運去銀兩定立斗頭召商糴買若有不足再查靈州并西漳二縣變買鹽課銀兩一併召買仍要斟酌地方緩急積蓄有無如某處糧料有餘草束不足則先整理草束如某處草束有餘糧料不足則先措置糧料某處係緊要急缺在所當先某處係頗緩稍充在所當後年豐有收則盡數招糴本色不厭其多年歉薄收則量收一半本色以防目前之急仍存一半銀兩以爲來歲之圖務使處置停當邊儲充實緩急有備斯爲得策事完通行造冊奏繳仍造青冊一本送部查考其開去引鹽合用勘合底簿并流通文簿差官馳驛前往南京戶部印編完

備勘合徑送陝西布政司收候納獲倉鈔至日辦驗填給其底簿并流通文簿轉發各運司并提舉司收掌如遇各商賣到勘合比對字號相同照例支給緣係預處邊儲以備緊急供餉及奉

欽依戶部看了來說事理未敢擅便宏治十八年三月十六日日本部尙書韓文等具題本月十九日奉

聖旨是着各官上緊趁時整理務要處置停當邊儲充實毋致臨期缺乏欽此欽遵擬合通行爲此除外合咨前去煩照本部題奉

欽依內事理欽遵施行

一爲更替守備官員以保障地方事

關中奏議全集卷四

二十

兵部覆職方司呈奉本部送兵科抄出巡撫陝西等處地方兼督理馬政都察院左副都御史楊 題照得陝西固原環慶俱係緊關要害之地而固原土漢雜處內有監牧馬匹所繫尤重守備官員必得其人則緩急可倚地方無虞切見守備固原都指揮僉事苗英騎射雖長才非統馭事多利已人心不服近日達賊入境搶掠屢有可乘之機俱被失悞守備環慶署都指揮僉事劉雄年老志衰聞敵怯懦以致下人玩慢威令不行所據各官若不早爲更替向後有警必然悞事貽患非輕如蒙乞

勅兵部合無將苗英退回原衛門住劉雄行取回京仍於



陝西都指揮指揮中推舉謀勇素聞曾經薦舉者上請簡用作急前來守備操練軍馬防禦虜寇地方幸甚其各官失事情罪通候查勘明白另行具

奏定奪等因其本該通政使司官奏奉

聖旨兵部知道欽此隨該守備環慶署都指揮僉事劉雄奏為年老官員不堪任職事宏治十二年十二月二十一日奉

勅命臣守備環慶等處地方欽此除欽遵任事外切緣臣先因宏治十四年虜寇大舉深入環慶固靖等處地方搶虜臣統領人馬節次出戰往來追賊截殺睡卧冷地又被天降猛雨淋不寒暑不均致生疾病調治

關中奏議全集卷四

川志

稍可近於宏治十八年正月二十四日忽又得患風病左癱右瘓見今睡床不能動履臣見年餘十一歲例該革退緣臣係軍職守備地方領軍官員誠恐誤事如蒙

准奏伏望

皇上軫念邊方重務乞

勅該部推舉精壯驍勇官一員前來任守環慶地方容臣

回家養病等因具本該通政使司官奏奉

聖旨該部知道欽此欽遵通抄送司案呈到部看得都御

史楊 所叅守備固原都指揮苗英才庸貪利環

慶署都指揮劉雄衰老怯懦俱各不堪守備要於陝

西都指揮指揮中推舉謀勇素聞曾經薦舉者前來

更替一節竊照固原環慶地方要害所係誠非庸劣

老病之人所宜居守既該巡撫官員查叅前來而數

內劉雄亦自陳老疾求代相應更換合無通准所奏

本部仍行都御史楊 行令固原守備都指揮苗

英環慶署都指揮劉雄各還原衛致仕另將應襲兒

男保送替職所據各該守備員缺候

命下之日本部就於彼處相應官員內推舉上請

簡命二員請

勅前去各令代替守備前項地方緣係更替守備將官及

奉

關中奏議全集卷四

川志

欽依兵部知道該部知道事理未敢擅便宏治十八年三月二十日本部尚書劉大夏等具題本月二十二日

奉 聖旨是欽此欽遵擬合通行除外合咨前去煩照本部題

奉

欽依內事理欽遵施行

一為推舉領軍官員事

兵部覆該本部送於兵科抄出巡撫陝西地方兼督

理馬政都察院左副都御史楊 題查得陝西都

司西安前後等衛原選固原備冬官軍一千二百員

名先年俱有都指揮一員管領備禦士馬精強甚得

其用後因添設遊擊將數內精銳官軍挑選去訖又無空閑都指揮可委近該鎮巡官員止委指揮一員管領見在馬步官軍七百餘員名臣近日巡邊點檢得前項人馬中間大半疲弱不堪全無紀律徒費芻糧有名無實除將把總指揮邢仁責治革退領軍外緣固原要害地方通賊隘口數多臨冬河凍時月達賊難保不入河套潛謀寇掠備禦之策所宜加謹況遊擊已經革罷所據前項官軍相應歸還原擬備冬之數分布防守但本處查無空閑堪以領軍都指揮等官若仍令指揮把總則體勢大輕難以行事推訪得西安左衛指揮使任璽西安後衛指揮使李佐俱

關中奏議全集卷四



八二二

弓馬熟閑諳練戎務堪以委用如蒙乞

勅兵部上

請於各官內定擬一員照例以都指揮體統行事管領前項官軍一千二百員名遇冬在於固原地方防守聽調殺賊河開放回仍要不時點閱訓練遇有警報一體調用若果能練兵如法行軍有紀勞效著聞緩急可倚聽鎮巡等官奏保或量陞署職或推補守備以旌其能如此則官軍不至徒設芻糧不至浪費等因具本該通政使司官奏奉

大行皇帝聖旨兵部看了來說欽此欽遵抄出送司案呈到部看得巡撫陝西都御史楊 奏稱西安前後

等衛原選固原備冬官軍內有選充遊兵者仍歸備冬之數要將指揮任璽李佐定奪一員管領備冬一節緣固原路通夷虜地當衝要其備冬官軍必須得人管領緩急庶可調用今指揮任璽李佐既該楊奏保前來緣本官親臨在彼必其真知各人才有可用合當准其所奏伏乞

聖明於任璽李佐二員內簡用一員候

命下之日本部仍行都御史楊

轉行本官照例以都

指揮體統行事管領前項兵馬前去固原地方備冬務要時常點閱勤加操練遇警聽調截殺仍聽鎮巡

關中奏議全集卷四



八二二

官員節制本官尤須持廉秉公愛惜軍士待後果能操恤軍士修舉職業聽巡撫官員奏薦量陞都司署職緣係推領軍將官及奉

大行皇帝欽依兵部看了來說事理未敢擅便宏治十八年六月初一日本部尚書劉大夏等具題本月初二日奉

聖旨是任璽着管領備冬官軍欽此欽遵擬合就行爲此合咨前去煩照本部題奉

欽依內事理欽遵施行

一爲經畧緊要地方邊務事

兵部覆該本部送於兵科抄出巡撫陝西等處地方

兼督理馬政都察院左副都御史楊 題行據整

飭固原等處兵備陝西按察司副使高崇熙呈奉臣

劄付前事備奉查得魏王城即豫旺城開設平虜千

戶所城池先已修完衙門未曾蓋造原擬南方衛分

清查解到見在固原衛帶管食糧軍人二百一十四

名近年招募新軍九百四十八名內見在本城操守

八百一十九名存留固原衛入伍食糧一百二十九

名與南方衛分清查解到軍人共有一千一百六十

二名俱發本處操守可勾一所之用及查本所比照

鎮戎千戶所事例合用正千戶一員副千戶二員所

鎮撫一員百戶十員吏目一員司吏典吏各一名新

關中奏議全集卷四

設倉分應作新安倉名色合用大使副使各一員攢

典一名該用鑄造平虜守禦千戶所印信一顆百戶

所印信一十顆夜巡銅牌三面新安倉條記一顆及

看得見在暫取管束新軍甯夏中衛中所副千戶汪

昭生長邊方頗知地里險易軍士艱苦相應存留管

事等因據此案查先據副使高崇熙呈送總制陝西

并延綏甯夏甘肅等處軍務戶部尚書兼都察院左

副都御史秦紘文卷一宗爲公務事准兵部咨該本

部題該總制軍務尚書秦紘題照得葫蘆破口魏王

城爲固原襟喉之地葫蘆破口已蒙開設鎮戎守禦

千戶所惟魏王城先年勘議停當及臣勘亦相同况

臣已將魏王城城池衙門修葺完備及行據陝西布

政司將該解南方四處軍人清查解到二百二十三

名俱發固原衛管轄候平虜所選官至日發去收

伍此處委的緊要又况田土寬廣肥饒無人耕種年

久荒闕如蒙乞

勅兵部詳議合無照依原議開設衙門鑄降印信銅牌銓

除合用千戶百戶鎮撫并吏目倉官管束前項解到

軍人仍各給撥田地耕種三年之後安插停當照例

徵納子粒仍乞行陝西布按二司清軍官員嚴督各

該府州縣清軍官將原奏項兌軍人逐一清解本所

編伍防守庶使軍士得安於鄉土而地方有賴於保

關中奏議全集卷四

障便益等因具本該本部官欽奉

聖旨兵部看了來說欽此欽遵查得先爲前事該巡撫陝

西都御史余子俊題稱葫蘆破口并魏王城各有古

城一座俱路逼甯夏韋州等處係達賊出沒要害地

方要於葫蘆破口添設鎮戎守禦千戶所魏王城添

設平虜守禦千戶所及將陝西該解南方福建等處

逃故軍士行文清出各不必起解一名頂兌一名就

發二所守禦等因會同部院等衙門議擬題

准通行勘議修理頂兌去後續爲禦虜防奸等事該陝西

鎮巡等官太監歐賢等題稱魏王城衙門未修軍士

尙未解到其葫蘆破口城池衙門倉場已修完備頂

兌新軍已有七百餘名乞要鑄降印信銅牌合將固原等衛空閑千百戶鎮撫賈泰等一十二員并添所吏目一員改除本所管事及立新豐倉合選撥官積三員名鑄降印記管理等因本部議得合無准其所奏并將魏王城原擬開設平虜千戶所衙門上緊修整完備奏報具題奉

憲宗皇帝聖旨是欽此已經通行欽遵去後今該前因案呈到部看得總制尙書秦紘題稱所屬固原衛葫蘆碛口已蒙開設鎮戎守禦千戶所銓官降印惟魏王城先年勘議停當卽今城池衙門修完乞要銓官降印并行清軍官員將頂兌軍人清解一節查係先年關中奏議全集卷四

題行開設事理別無定奪但未審原擬軍士有無齊備輒難定擬銓官降印合無本部仍行本官再行陝西布政司查勘除十六年以前清出各府未解江南衛分軍士應該存留本省者已經本部奏

准俱發苑馬寺牧馬外要見先年原擬陝西與福建等四布政司彼處照名頂兌軍士實有若干名若是已勾一所之用就查合用官員千百戶鎮撫應於何衛所改調所設倉分作何名色鑄造印記銅牌該用若干顆面通行查議停當備由具奏前來以憑依擬上

請施行緣係查處開設所分保障地方及奉欽依兵部看了來說事理未敢擅便宏治十七年三月十

三日本部尙書劉大夏等具題本月十五日奉

聖旨是着查議停當來說欽此欽遵備咨本官已經通行欽遵查勘外又文卷一宗該副使高崇熙抄崇尙書秦紘鈞帖前事據甯夏中衛中所副千戶汪昭呈稱本所見有正副千戶八員俱各空閑乞要改調豫旺城新設平虜千戶所管事等因爲照查取別衛千百戶鎮撫等官未到案候具奏照得甯夏中衛雖在河外平虜所在裏但緣本所新收募軍多係甯夏人民今本所空閑千戶員多帖仰本職查照汪昭如果相應取赴豫旺城暫且管束新軍操守待候取齊其別官員一併開奏施行等因在卷爲照固原州豫旺城關中奏議全集卷四

開設平虜守禦千戶所查係節奉

欽依事理近因總制尙書秦紘取回未經查議具

奏已經劄付本官查勘計處呈來施行去後今據前因臣督同兵備守備領軍等官親詣踏勘得豫旺城地方相離韋州螺山不過百餘里實固原襟喉要害重地達賊大舉入寇勢必經由於此況地土廣衍肥饒給軍屯種且耕且守最爲得策在

祖宗朝因河套無賊地稱腹裏議不及此成化年間套賊連年侵犯都御史余子俊始倡言之既有

成命因循不舉者垂二十年宏治十四年套賊由此深入固原平涼搶掠尙書秦紘乃申明舉行之臣今受

命經畧最為當務之急前項城池俱已築完但衙門未曾  
 建立糧草未曾積蓄及所擬開設平虜守禦千戶所  
 官員未會選出軍人未盡收伍已行兵備等官查支  
 因原州倉收貯地畝鹽引等項銀兩委官收買木植  
 燒造磚瓦起蓋衙門倉廩期在今秋完備又將固原  
 衛帶管食糧軍人二百一十四名存留固原收伍招  
 募軍人一百二十九名通發前去與見操守招募軍  
 人八百一十九名共千一百六十二名各着伍收  
 操儘勾一所之用不須別議照依秦紘原擬給撥附  
 近地土領種三年之後交插停當照例徵收子粒臣  
 將今年洮河等衛所易茶馬及苑馬寺多餘種兒馬

警全資戰守又非腹裏之人所堪強而驅之必不盡  
 其用若於延甯甘肅新陞空閑官員內查調彼有量  
 移之喜我得慣戰之人公法私情兩皆利便及照甯  
 夏中衛中所副千戶汪昭前該尚書秦紘准令行取  
 見在彼處操守頗得人心相應存留管事并新設吏  
 目倉官吏典鑄降印記銅牌等項查與鎮戎千戶所  
 事體相同相應依擬具  
 奏如蒙乞  
 勅兵部議處合無將平虜守禦千戶所應設正千戶一員  
 副千戶二員鎮撫一員百戶一十員內見在操守副  
 千戶汪昭乞准調補外一十三員乞查延綏甯夏甘  
 肅近年有功新陞官員定擬調除前來管事并行吏  
 部銓除所吏目一員新設新安倉大使副使各一員  
 陝西布政司撥本所司典各一名攢典一名及合用  
 夜巡銅牌三面鑄造千戶所印信一顆百戶所印信  
 一十顆新安倉條記一顆俱照例奏  
 請施行保障地方防禦賊寇甚為有益等因具本該通政  
 使司官奏奉  
 大行皇帝聖旨該部看了來說欽此欽遵抄出送司查得  
 先該總制尚書秦紘奏前事已經本部查議題准行  
 勘去後今該前因案呈到部看得巡撫陝西都御史  
 楊 奏稱勘處過豫旺城原擬開設平虜守禦千

戶所衙門并新設新安倉俱各修完要乞改調千百戶所鎮撫及除授吏目倉大使副使等官鑄造銅牌印記及行布政司撥吏前去管理一節既該本官勘議處置停當合無准其所奏仍行本官將應設千百戶等官除見在領軍操備副千戶汪昭外仍少一十三員轉行延綏甯夏甘肅鎮巡官員於近年新陞有功官內從公用心查訪守爲俱可相應官員就彼定擬仍將各官籍貫姓名具奏前來給與文憑令其到任管事本部仍行吏部除授吏目倉大使副使各一員禮部鑄給印記銅牌付順便人員賚送陝西都司給與本所各官收掌應用其撥軍給地措置馬匹取

關中奏議全集卷四

又百

撥吏攢悉照原擬施行仍督令兵備守備守巡等官將前項新設衙門官軍時加寬恤凡一應屯糧之利設備之宜當與舉者卽與整理舉行務使人安其地足爲遠圖緣係添設緊要邊方守禦衙門官軍及奉大行皇帝欽依該部看了來說事理未敢擅便宏治十八年六月初三日本部尙書劉大夏等具題本月初四日奉

聖旨是欽此欽遵擬合通行除外合者前去煩照本部題

奉

欽依內事

一爲存留守城官軍以防虜患事

兵部覆該本部職方司呈於兵科抄出巡撫陝西等處地方兼督理馬政都察院左副都御史楊

題據

守備蘭州地方都指揮僉事張愷呈爲邊務事據甘肅二衛指揮使司呈奉鎮守甘肅地方總兵官署都指揮僉事劉勝劄付准巡撫右副都御史畢亨手本准兵部咨該本部題看得甘肅鎮巡等官左少監楊定等所奏秦州等衛原在甘涼輪班官軍係先年奏准之定例宏治十四年固原有警調來截殺乃一時用兵之權宜今固靖已無聲息前項官軍仍該發回備禦况甘肅一鎮孤懸河西番夷接境一路城堡在在要衝虜賊出沒無時必須官軍防守卽今報有近邊賊

關中奏議全集卷四

又百

情正在緊關用人之際合無鋪馬賚文與陝西鎮巡等官再查前項秦州等衛官軍果係先年奏兌輪戍之數近年暫留固靖備禦卽便督發前去河西原定地方操守本部仍行甘肅鎮巡官一體移文催調此後固原等處若有重大聲息河西地方無警仍許徵調策應如是托故遲延致悞邊事責有所歸緣係調取防邊官軍及奉

欽依兵部看了來說事理未敢擅便宏治十七年十一月

二十一日本部尙書劉大夏等具題本月二十四日

奉

聖旨是便鋪馬賚文與陝西鎮巡等官着上緊督發前去

操守不許遲延悞事欽此欽遵會同鎮守太監楊定等  
議得前事合行催調劄仰本衛即將前項官軍係該  
班數內者上緊督發起程毋分星夜赴河西原定地  
方操守係下班數內者督令於四月初一日一齊赴  
邊換班內有事故之數卽爲撥補務在齊足不許遲  
延誤事等因具呈到職照得蘭州地方軍民原額納  
糧田地俱在河外北去十里極臨虜境漫通賊路實  
爲緊關喉襟要害重地本城緣無冬夏防禦軍馬誠  
恐有警缺軍捍禦備由呈蒙總制軍務尙書秦紘鈞  
帖將奏

關中奏議全集卷四

八川上

准存留固原防守甘蘭二衛原調去甘涼備禦軍餘李勤  
等一千二百九十員名准存甘蘭二衛冬操軍餘張  
海兒陳讓等馬匹騎操就在蘭州按伏冬夏常川防  
禦蒙此除遵蒙兌領馬匹騎操防禦外今據前因切  
照本境自舊歲七月至今正月以來累被達賊侵犯  
入境本年正月二十五日前賊從河北紅城子地名  
鹹水河口突出爲害今又據沙井驛聽探夜不收賜  
陳良走報達子五十餘騎從鎖罕禿往下吊行走不  
時傳報後山賊勢重大潛伏窺探出沒爲患及照前  
項軍餘李勤等先已兌領張海兒等馬匹騎操今欽  
遵奉督發緣張海兒等俱係例該二月春暖放回屯  
種之數一時有警仍前無軍防護未免貽患地方乞

爲照詳具

奏勘處地方險易明白將掣回官軍存留本地冬夏常川  
防守便益等因具呈到臣查得接管卷內先准兵部  
咨前事該前巡撫都御史孫需會同鎮守太監劉雲  
議查得秦州等衛甘涼輪班備禦官軍二千餘員名  
係總制尙書秦紘奏留固靖備禦見今分布各城堡  
相兼陝西人馬操守今大虜侵犯環固靖虜等城地  
方聲息炮火馳報不絕欲遵來文督發前去不無顧  
彼失此已經會

關中奏議全集卷四

八。上

題乞照舊將秦州等衛甘涼備禦官軍存留固靖防守  
去後今據前因看得蘭州黃河以北俱係本州衛軍  
民徵納民屯根草地土天順年間以前設有巡河軍  
馬冬夏常操虜賊不敢侵犯承平日久人議者視爲腹  
裏將甘蘭二衛食糧正軍盡數摘撥甘涼等處備禦  
以致達賊乘虛遞年俱從甯夏中衛涼州莊浪墩空  
出沒竊伏本州紅柳灘等處地方不時馳突侵擾爲  
患兵備守備等官多緣此獲罪落職宏治十七年七  
八月內賊眾節次入境搶掠本處無軍截殺以此總  
制尙書秦紘將秦留固原防禦官軍李勤等一千二  
百餘員名准令兌給馬匹在彼冬夏常川按伏防守  
今甘肅鎮巡衙門奏要照舊徵調輪班備禦已經該  
部題奉



欽依前來

明命赫赫敢不遵土皆

王土亦何敢自分彼此但事勢有緩有急地方安危所係

不終隱默切照陝西固靖環慶等處地方若河套無

賊止是備冬惟蘭州地土多在河外賊寇出沒無時

四時皆當防禦與甘涼等處事體不異近據鞏昌府

探獲奸細諸十的狗俣稱虜酋小十王去年十二月

內搶掠靖遠回到河套灣差伊同先年搶去漢人張

刺麻小真達子王刺麻小三名前來贖看

肅府雙井兒馬牛又新修馬營馬匹有軍馬無軍馬看

關中奏議全集卷四

三

八一三

等處見報聲息正當加謹隄備查得本處甘蘭一衛

官軍止有守墩守把河橋把門局匠夜不收共三百

五十七員名別無食糧見操正軍其屯田軍餘例該

遇冬操練方支行糧春煖放回農種辦納糧草若將

李勤等官軍依文督發則本處城池空虛遇警將何

支持委的顧彼失此且本州內有

宗室外多商販人煙彙集畜產蕃盛比之他處不同相

離虜人蹂躪之地止隔黃河一水去年虜騎在於鹽

場堡大岔溝等處搶掠直薄東金城關離州城不數

百步總制尙書秦紘聞警遽調遊擊楊敬都指揮烏

銘陳善指揮郭邈等前來策應我軍既集賊已遞去

徒費芻糧緩不及事師放既還警報復至此蓋無常

操按伏官軍之故也况黠虜變詐多道奸細入境窺

探悉其知我本城無軍腹裏備冬官軍又各踈放萬

一糾合犬羊數千突至河岸拒我城門斷我河橋分

散抄掠蘭金安會等州縣所傷必多此專理所有豈

待冰橋結凍而後可入哉夫知者防患於未形達人

識變於微眇厝火積薪之勢君子危之看得河北鹽

場堡離河橋五里定火城去河七十餘里俱係賊人

出沒緊關去處若得官軍在彼按伏以逸待勞庶可

遏其深入如蒙乞

關中奏議全集卷四

三

八一三

百六十餘員名見今固靖已無聲息欽遵督發前去

備禦有警仍前徵調策應外其甘蘭一衛官軍李勤

等一千二百餘員名照舊存留本處地方聽守備官

提調常川操守遇有賊寇侵犯即便督率渡河相機

截殺越今四五月間量起軍民人夫修築定火城及

添築沿邊隘口空缺去處墩臺臣當親督守備領軍

等官統率軍馬在彼防護就以揚兵耀武沮其邪謀

待修理完備將前項官軍內入百員名分爲兩班選

擇驍勇指揮一員管領於定火城按伏餘四百員名

亦分兩班委官管領於鹽場堡按伏至河凍時月再

將陝西備冬官軍摘撥前去協守冬修蓋倉廩將原

坐派本州倉夏秋稅糧馬草并招商羅買糧料草束量撥在彼收積支用如此則虜騎無從而入豈徒蘭州并腹裏臨鞏地方倚以爲重而莊浪紅城子一帶聲息應援亦有所資其於甘肅一鎮不爲無補前項事情臣屢嘗親歷廣詢博訪得之最真有懷欲吐者久矣今受

命經畧若復因循不言他日誤事殃民罪將焉逭除行今守備等官暫留前項官軍防守聽候外等因具本該通政使司官奏奉

大行皇帝聖旨該部看了來說欽此欽遵抄出送司查得先爲防邊事該甘肅鎮巡等官太監楊定等奏要將

關中奏議全集卷四

三  
X 18

存留秦州等衛原在本鎮備邊官軍照舊調回輪班備禦已該本部題

准督發前去操守外今該前因除將坐派本州倉夏秋稅糧馬草并招商羅買糧料事宜備行戶部查議外案呈到部看得都御史楊 奏稱蘭州地方四時當防與甘涼無異其甘肅鎮巡官奏調原總制尙書秦紘所留固原備禦官軍除秦平等衛七百六十餘員名相應督發前去要將甘蘭二衛一千二百餘員名照舊存留蘭州一節緣備邊官軍雖有定例而地方緩急亦當斟酌定奪今都御史楊 親歷蘭州地方身受經畧責任既稱勘得蘭州比甘涼尤爲要緊

要將緊蘭二衛官軍李勤等存留在彼相應准其所奏合無行移都御史楊 將秦平等衛七百六十餘員名督發前去甘涼備禦李勤等一千二百餘員名聽其存留與夫修築城隘分投按伏等項事情悉依擬施行仍將前項督發存留緣由移行甘肅鎮巡等官知會緣係處置邊務存撥官軍及奉

大行皇帝欽依該部看了來說事理未敢擅便宏治十八年六月初六日本部尙書劉大夏等具題本月初八日奉

聖旨是欽此欽遵擬合通行爲此除外合各前去煩照本部題奉

關中奏議全集卷四

三  
川文川

欽依內事理欽遵施行

一爲申明捉獲奸細賞罰事

兵部覆該本部送於兵科抄出巡撫陝西等處地方兼督理馬政都察院左副都御史楊 題查得接管卷內先准兵部咨爲投首奸細供報夷情等事該本部題該總制軍務尙書秦紘題據固原兵備副使陳珍呈開審得姦細犯人李馬目采兒只供報虜情緣由本部看得所報情詞若果是實則虜酋詐謀詭計難測而各邊關防不嚴可知合無行移各該邊關巡撫都御史巡按巡關御史各要切密訪察出榜禁約今後地方巡捕并守關人員但係一應可疑及乞

丐僧道人等務要多方盤詰遇有異言異服來歷不明卽便擒拏審係奸細呈送合干上司問擬具奏敢有怠慢故縱事發一體追究境內人家知情容住者發烟瘴地面永遠充軍等因題奉

欽依備咨前來已經通行出榜禁約擒拏去後及查得宏治十七年八月十八日蘭州捉獲奸細狗才漢名任趙保本年十一月二十日曲子城堡捉獲奸細阿力的名喬真家兒本年十二月十五日固原州捉獲姦細白五斤靜甯州捉獲奸細二名沙卜張文寬宏治十八年正月初一日靜甯州捉獲奸細二名火者兒卽哈狼漢名吳榮王哈刺丁漢名胡寬本月初六日

關中奏議全集卷四

堯

合水縣捉獲奸細木森漢名王三僧名計來本日平涼衛巡捕千戶廖俊捉獲奸細可介漢名徐泰本月十六日固原州捉獲奸細戴廣本月二十一日靖虜衛捉獲奸細阿卜爾丁漢名馬隆本月二十八日鞏昌府通安驛捉獲奸細諸十的狗本年二月內慶陽府甯州襄樂巡檢司捉獲奸細劉家兒內狗才阿力二名先該鎮巡等官解報訖臣巡撫以來因見各處原捉見監奸細犯人數多恐有不行仰兵備巡守等官叅政胡瑞副使王寅高崇熙燕忠等各審供前來看得戴廣沙卜張文寬等情詞欠明駁查覆勘白五斤等各官審係奸細臣猶恐不真會同鎮守太監

劉雲武安侯鄭英案行都布按三司掌印官覆審果係奸細是實重取的確供詞呈繳施行中間情節如有不真務要從實開說不許執泥原詞致有枉抑續據各掌印官左布政使柳應辰按察使謝榮都指揮僉事費梁等呈繳會勘過供詞相同將各犯照例解京及具

題外臣曩在

朝爲從官每聞各邊有以奸細上者私議其罪蓋以虜性鷲猛衝突剽掠是其所長恐不暇於問諜意者我民被虜幸而得歸要功之徒誣執以爲奸細從賊而去尙可得生戀家而歸顧不脫死是堅其外叛之志

關中奏議全集卷四

早

而阻之使不敢歸也比詢之邊人又有不盡如前所云者訪得醜虜近年掠我丁口日繁月滋擇其狡者與之妻室生長男女以繫其心將欲內寇遣之入境覘我虛實投我間隙動輒獲利故凡大賊在邊沿邊腹裏之人家深防此輩不待官府號召是奸細不可謂之無也但以陝西半年之間捉獲至十數名愚臣之心不能無疑事關邊情官有成案彼無異詞臣固難於輕釋稍有詞者卽爲駁勘分辯不敢遂事其白五斤吳榮胡寬木森徐泰五名似皆習知虜事決自虜中來者然度關隘既不鳴之官入腹裏又不歸其家潛形匿跡狼顧鼠探又似難以被虜走回人口

待之及又查得先該尚書秦紘題稱官軍生擒達賊一人該陞二級況達賊之入寇由奸細以發踪是奸細者比達賊情尤可惡而捉獲者比擒賊功則為有優要將捉獲奸細官員比例陞擢臣竊以為未必然發奸擒伏乃臣子職分之所當為若緣此錄功陞職則將來貪功喜事之人必有銀錘文致之害彼生擒達賊者獲功於鋒刀之餘死生所係較之訪捉奸細事勢難易昭然可知且知情故縱者其法固所當嚴而妄擊生事者其罪亦不可恕必須通行明示賞罰庶幾人知警戒臣愚乞

關中奏議全集卷四



勅該衙門議擬合無今後捉獲奸細審實解京論決之後止將原捉人役行彼處官司給賞職官不必論功中間果有捉獲緊要渠魁人犯供報虜情者經該官員亦止可量加賞勞不須別議陞職境內人家明知係是奸細容留住宿者照原提問發充軍并經行邊關隘堡怠慢故縱官員人等一體查究治罪敢有貪功生事將無干平人妄擊迨打供招姦細以圖陞賞照依誣告人死罪律條議擬已論決者反坐以死問刑衙門失於詳審者俱治以罪仍乞  
勅三法司錦衣衛凡遇各處解到奸細再為研審若有枉抑即與辯理應參究者參究奏  
請定奪如此則奸人既不得幸免平人亦不至被誣

國法邊情兩無所失等因其本該通政使司官秦奉

聖旨該衙門知道欽此欽遵抄出送司查得先為投首奸細供報夷情事該總制陝西等處軍務戶部尚書秦紘奏送捉獲奸細李馬目前來因稱各邊關防欠嚴恐貽虜患等因本部議得合無行移各該邊關撫巡等官密切訪察出榜禁約今後地方巡捕并守關人員但係一應可疑之人即便擒拏審係奸細呈送合于上司問擬具奏故縱者事發一體追究境內人家知情容住者發烟瘴地面永遠充軍等因題奉

關中奏議全集卷四



孝宗皇帝聖旨是欽此又為捉獲北虜奸細渠魁供報緊急賊情事該總制尚書秦紘奏稱平涼府知府安惟學捉獲奸細朵兒只要將本官比照生擒達賊有功事例陞擢本部議得邊方多事旌勤警情實為要務但安惟學係文職合無行移吏部徑自議擬相應職事具奏陞擢等因其題節該奉  
孝宗皇帝聖旨是欽此俱經通行欽遵去後今該前因案呈到部看得都御史楊 所奏申明捉獲奸細賞罰事宜計慮周詳處置停當合無依擬仍行都御史楊 轉行所屬今後但遇捉獲奸細務要從公審問果有的確真情解赴合于上司覆審明白方許具奏解京毋得輒將被虜走回之人一槩誣執要功沮其歸路其解到奸細候法司問擬情真罪當奏

請處決之後本部行令彼處官司將捉獲人役照例量加賞勞不必論功擬陞若有境內人家明知奸細容留隱住并開隘不嚴失於覺察及貪功妄擊之徒悉依本官所擬施行仍通行各邊守臣務要申戒所屬官司嚴加盤詰陰折虜情既不許倚法爲奸至滋文致之害亦不可因噎廢食自取誤事之尤緣係撫臣建議處置奸細及奉

欽依該衙門知道事理未敢擅便宏治十八年六月十九日奉

日本部尙書劉大夏等具題本月二十日奉  
聖旨是欽此欽遵擬合通行除外合咨前去煩照本部題奉

關中奏議全集卷四

欽依內事理仍轉行鎮守太監總兵等官一體欽遵施行

一爲使功不如使過事

兵部覆該本部送於兵科抄出巡撫陝西地方兼督理馬政都察院左副都御史楊 題據整飭固原等處兵備陝西按察司副使高崇熙呈得固原環慶靖虜蘭州地方俱係緊關要害去處先年被達賊入境蹂躪不止一次賊因深入得利不曾遭挫勢愈猖獗今冬或又踏冰入套行前項地方難保不遭其害見今戰守之具雖已次第修舉但急無相應領軍官員各該守備各有信地其往來截殺隨機應援必得驍勇善戰之人緩急乃可倚仗訪得緣事神木奈將

陝西都司都指揮僉事烏銘驍勇過人慣經戰陣先問充軍後留固原總制衙門聽調殺賊西安左衛指揮使楊宏韜畧熟閑廉謹可取此二人者俱曾守備固原甚得人心當此多事之秋使功不如使過若將二人矜原其罪使之領軍備禦截殺必能忘身殉國著立奇功且使將官平素操持學好之人知所激勸興起本職叨任兵備地方安危所係不敢緘默呈乞具

奏定奪等因具呈到臣查得烏銘先充延後東路參將

後被神木縣申該巡按御史燕忠察稱畏縮提問未

結楊宏先任西安左衛指揮使被薦守備固原以都

關中奏議全集卷四

指揮體統行事宏治十四年達賊大舉侵犯搶殺軍

民丁口數多問擬守備不設充軍後該總制尙書秦

紘論奏兵部等衙門題奉

欽依免發配所送秦紘處聽調殺賊及查訪得烏銘楊宏

俱曾守備固原軍民信服與所呈相同照得臣受

命經畧邊務巡撫陝西地方節該兵部題奉

欽依或廣收其人物以資其方畧或重懸爵賞以鼓舞人

心等因備咨前來夙夜兢惕往來各邊城堡講求戰

守事宜盡臣之心不敢有遺慮竭臣之才不敢有遺

力顧本書生不諳軍旅惟在廣蒐人材庶可兼收羣

策况北虜黠賊近益 橫狼子野衣無厭之欲草枯

河凍之時難保不再入套陝西官軍多勇健可用惟在統頓得人見今都指揮指揮中求如烏銘之有勇善戰楊宏之知兵練事者誠不易得烏銘被參不知其詳聞之輿論似無根據若楊宏之事臣所深知宏治十四年大舉之賊號稱數萬彼時固原無溝墻險阻之隔不能阻遏况花馬池一帶地方主客兵馬營壘聯絡固原等處文武重臣節鉞並臨俱不能遏其方來之鋒截其既歸之路而獨以守備不設之罪坐一楊宏在法相應原情未協雖經總制尙書秦紘論辯荷蒙

關中奏議全集卷四

望

恩旨免發配所聽調殺賊但彼乃統馭之才非匹夫之勇終身聽調亦恐無功使當運籌折衝之任必當有以自贖臣聞古之名將以敗北之餘成克捷之勳者甚多未嘗終身棄絕况當緊關用人之際使功不如使過誠如副使高崇熙所言如蒙伏望

聖明軫念邊事至重用人爲急乞

勅兵部查照尙書秦紘所論烏銘楊宏事情再行訪察計議當此與民更始之日合無特降

綸音洵洗錄用烏銘暫復原職於固原等處領軍防禦截殺楊宏比照花馬池參將馬隆等事例量爲降級聽臣委用隨軍殺賊有功一體陞賞彼蒙

天地再造之恩必能効死竭忠而邊臣聞之知

朝廷愛惜將材亦皆有感發興起之志矣臣又竊思比歲申嚴軍法凡失機者罪不赦所以振起頽綱作新士氣臣何人斯乃敢妄言獨念此二人者委的才有可取情有可矜此外踪跡相同者雖多類皆常流臣不敢泛舉等因具本該通政使司官奏奉

聖旨兵部知道欽此欽遵抄出送司查得先爲去不職以禦虜寇等事該巡按陝西監察御史燕忠題稱分守延綏東路右參將烏銘縱賊長志貽患地方要乞行提究問選官更替該本部查議相應提問前項員缺照例於相應武職內推舉二員上請

關中奏議全集卷四

望

孝宗皇帝聖旨是欽此又爲保全將材等事該總制尙書秦紘題稱訪得分守延綏東路緣事參將陝西都司都指揮僉事烏銘才有可取此時正當用人若使朝廷失此良將誠可惜也等因又爲軍務事該太師兼太子太師英國公張懋等題節該奉

聖旨將官堪以領兵管操的兵部還多方訪舉五六員來看欽此該本部從公訪舉得陝西都指揮烏銘等俱各生長邊方曾經戰陣堪以領兵管操合無本部鋪馬賫文前去各該鎮巡官員星馳差人行取各官給與明文令其馳驛前來以憑奏請委用具題奉



聖旨是欽此又爲私役軍人濫給驛傳回還原籍等事准  
都察院咨該

欽差大理寺等衙門少卿等官何鈞等會勘問過固原地  
方失事緣由開稱指揮楊宏犯該守備不設被賊侵  
入境內虜掠人民者律減等杖九十免杖充軍本院  
會同兵部詳議楊宏委的過多功少難准折贖具題  
等該奉

孝宗皇帝聖旨楊宏編發邊衛充軍欽此欽遵備咨送司  
已經將楊宏編發山丹衛充軍去後續爲陳言邊務  
事該總制尙書秦紘題稱查勘過指揮楊宏平素操  
履公廉軍民信服失事之愆不全由於本犯乞要從

關中奏議全集卷四



川上

寬且稱褒死可以勵生使功不如使過等因本部議  
擬具題奉

孝宗皇帝聖旨是楊宏免解配所送秦紘處聽調殺賊欽  
此已經通行欽遵去後今該前因案呈到部除烏銘  
已該本部奏奉

欽依行取來京聽用難又別爲定奪外所據楊宏原係西  
安左衛指揮使爲事問發充軍該總制尙書秦紘奏  
留在於軍前聽用人數今都御史楊 又奏前因  
前後論薦彼此相符必是本官原問充軍未得其情  
所負才調堪濟邊事伏望

皇上俯察二臣論薦之言比照情輕律重之例將楊宏斟

酌情罪

特賜定奪候

命下之日本部行移都御史楊 隨宜委用調度殺賊  
仍轉行楊宏務要仰思錄用之意勉圖補報之忠若  
果建功邊境保障地方非特前愆可贖而陞賞亦有  
期矣緣係巡撫官員保用爲事充軍將官及奉

欽依兵部知道事理未敢擅便宏治十八年八月十九日  
本部尙書劉大夏等具題本月二十日奉

聖旨是楊宏免充軍照原職降二級聽楊一清隨宜委用  
欽此欽遵擬合就行爲此合咨前去煩爲查照施行  
一爲謹照用以崇

關中奏議全集卷四



川上

聖德事

工部覆都水清吏司案呈奉本部送於工科抄出  
欽差巡撫陝西等處地方兼督理馬政都察院左副都御  
史楊 題宏治十八年五月初七日奉司禮監印  
信揭帖本年四月十六日本監太監陳寬等於

乾清宮欽奉

聖旨係司禮監寫帖子去說與陝西鎮巡等官劉雲等知  
道今該內織染局奏行彼處變染各色銀鼠皮如帖到  
日尔等即便責委高手人匠如法染造務要顏色鮮明  
該用物料從宜處置毋得指此擾民有了差委的當人  
員管送前來毋得違悞欽此欽遵本監今將奉到



旨意事理備云前去陝西鎮巡等官太監劉雲等欽遵施行隨該內織染局印信揭帖計開資去染造各色銀鼠皮拾柒樣柘黃玄色眞紫大紅深青福青明黃鶯黃鸚哥綠柳青翠藍柳黃桃紅天青明綠墨綠出爐銀等因奉此除遵奉外臣仰惟

皇上仁覆寰宇視民如傷一命令之頒未嘗不寓恤民之意故今變染銀鼠皮張數亦不多在物不爲費於人不爲勞且有不得指此擾民之

論蓋日月之明洞見萬里恐彼假公營私之人不能無指一科十之弊故耳然臣區區一寸之忠所患有不

關中奏議全集卷四

完

川三入

在於勞費者臣惟自古明王慎德服食器用必循常度不貴異物作奇技淫巧者有罰所以謹好尙爲天下先也爲治莫大於禮禮莫明於服服者身之章視食與器爲尤重

天子之服自祭祀朝享至於

燕閒皆有成式製皮爲裘取其輕煖而已若銀鼠之皮變染一十七色何所取義黃常堯舜垂衣裳而天下治以五采彰施于五色作服未聞一十七色也傳曰紅紫不以爲褻服惡其間色不正且近於婦人女子之服也臣觀一十七色之中類多不正至於出爐銀極矣臣愚不知

祖宗朝有此服色制度否若創自今日無關名分之等威又非黼黻之絺繡徒傷奇巧以累儉德臣竊爲陛下惜之此舉誠出

宸衷亦偶未之思耳然恐喜事貢諛之輩爭爲異色異服矜奇衒巧或自茲始其所關係甚不細夫

人君一身風化本原於凡事之營爲物之創造有不合於禮不當於義者天下化之其端甚微其流漸不可遏况陝西三邊根本重地頃屬兵荒民窮財盡

陛下蓋嘗捐內帑以紓外患不經之費加之此地尤非所宜道路相傳恐將來源源不已聞者以爲憂且織染有局天下之良工萃焉染造之藝非陝人所長臣懼

關中奏議全集卷四

辛

川三入

無以稱

旨稽之典禮泰諸時勢無一而可臣是以冒昧上言伏乞聖明乾斷合無將前項銀鼠皮張不必變染已變染者差人費

進不必再發更乞明示

德音服色宜遵常制今後有以奇技淫巧動

上心者悉屏弗用仍置之于法使天下之人知

朝廷不作無益不貴異物

恭儉之德有光

清明之治無損豈徒陝西一方人民之幸哉臣叨任撫巡與聞茲事心有未安不敢目隱干冒

天威無任傾越待罪之至緣係謹服用以崇

聖德事理未敢擅便等因具本該通政使司官於

西角門奏奉

聖旨銀鼠皮已染的未染的都着送赴來京該衙門知道

欽此欽遵抄出送司案呈到部擬合通行爲此合咨

前去煩照奏奉

欽依內事理欽遵施行

關中奏議全集卷之四終

關中奏議全集卷四

三

一

關中奏議全集卷之五

巡撫類

一為易置主將以保固地方事

兵部覆題該本部迭於兵科抄出巡撫陝西等處地方兼督理馬政都察院左副都御史楊一清題臣巡歷陝西沿邊軍衛城堡閱視軍馬多非素練之兵或弓矢器械之不習或坐作進退之不知其間勇健壯丁又多困憊身無完衣而備冬人馬狼狽尤甚詢其所以蓋因近年領軍官員以操練為故事以科斂為得策遇冬主將巡邊各枝各隊轉辦銀兩官則或馬或幣獻其所有軍則或糧或草任其侵剋至於河開

關中奏議全集卷五

一

X 111

將放每軍斂銀一二錢謂之卸甲驛站所過草料不支本色謂之打乾頭目虛張聲勢打點過送以為孝順將官佯若不知端居坐受以為當得承應不及而箠楚隨之錢物到手則諸事不問故凡把總管隊等官但知媚上豈復顧下但求免禍豈暇恤軍以致軍日貧馬日耗武備日弛職此之由去冬套賊侵犯勢甚危急鎮守武安侯鄭英統兵固原不聞揚兵耀武之謀仍為剋科聚斂之舉夫三軍之命皆係於將驅冒水火蹈白刃之人而奪其衣食戕其肌膚使之懷憤積怨深入心骨倉卒遇敵其不渙然離散者幾希矣况望其捐軀效死以成尺寸之功哉臣觀陝西武



臣非無善戰之人沿邊營伍亦多敢死之士要在主帥得人智者效謀勇者宣力士氣自倍兵勢自張今

鄭英所至邊官解體上下離心勇氣索然怨聲載道夫將官如有折衝禦侮之才摧堅陷陣之勇則貪可使詐亦可使如往往時劉甯輩既取其長當棄其短若鄭英者素無謀勇闢敵怯懦宏治十四年間大舉之賊侵犯固原嬰城自保不敢出戰彼時到鎮未久猶可為辭去年十二月及今年正月殘賊累次侵掠不聞設一籌策運一方畧所至則徵兵自衛坐費芻糧以致虜騎出入自由如蹈無人之境所謂有是病而無是德者將安用之傳曰君不擇將以其國與敵也

關中奏議全集卷五

一

X 111

朝廷奈何以全陝重地而畀之斯人不早為易置擇人而任之待其債事貽患雖置之重典亦無益矣臣竊聞近日虜勢猖獗尤非前比冬間如不悔過遠遁必又蹈水入套臣受命經畧練兵蓄糧信賞必罰作新士氣訪用人材愚臣事也若大虜擁眾內侵總率官軍出戰乃將官之事臣本書生安能辨此已將應設遊擊緣由具奏但主將之任尤為機要所關查得先該總制尚書秦紘奏稱傳聞達賊要從延綏西路入搶西安府地方欲將西安四衛原擬固靖備冬官軍暫留一半在西安府城內與延甯二邊備禦下班官軍行令鄭英嚴

謹操練候賊來相機戰守以保人民一節正恐伊巡  
邊有害無益故爲此言以阻其出耳不然豈有身爲  
主帥專守一鎮城之理况達賊欲寇西安必由環慶  
固原而入延綏相離地遠山川阨塞豈能飛渡所謂  
因噎而廢食者此論是也議者或又欲於固原添設  
副總兵一員提調各邊人馬然既有鎮守主將又添  
副總兵不無官多人擾且副總兵既以提調各邊人  
馬爲職則主將徒擁虛名置之無用亦恐未通但固  
靖環蘭通賊地方數多若得常守之將委的事有統  
紀武備自嚴軍威自壯臣廣詢博訪熟慮深思誠得  
易置相應鎮守主將一員就於固原常川駐劄則官

關中奏議全集卷五



三

不加多事爲有益伏望

聖明念全陝疆土之重憫生民塗炭之急乞

勅兵部議擬上

請合無將鎮守陝西武安侯鄭英行取回京別推驍勇知  
兵善撫軍士在內如都督楊玉神英輩在外如吳江  
曹雄輩將官一員鎮守陝西等處地方節制諸軍常  
川固原駐劄提調防守遇警往來各邊統率官軍勦  
殺賊寇則邊方可保無虞邊方安則腹裏安矣陝西  
城內自有鎮守巡按都布按三司官員臣今往來經  
畧以後巡撫未免多住鎮城不待將官保障如果賊  
情十分甯息邊方無事主將仍回鎮城駐劄另行具

奏定奪臣於鄭英素無睚眦直以地方安危所繫利害  
切身若因循隱默忌避不言則欺

君負 國之罪萬死莫可自贖等因具本該通政使司官  
奏奉

聖旨兵部知道欽此欽遵抄出送司查得近該鎮守陝西  
地方武安侯鄭英奏伏念臣本一芥菲才荷蒙

先帝聖恩不以爲愚不肖授以藩鎮之寄自臣到鎮以來  
迨今四載夙夜憂邊莫能補報臣見年五十七歲筋  
力已衰况舊患痲疾因去歲邊方達賊侵擾欽奉

勅諭隨宜策應欽此欽遵正臣子効勞之時臣疾雖在身  
待報躬親統兵往來截殺但邊地風寒致將前疾舉

關中奏議全集卷五



四

發至今用藥調治百無一効又加半身頑麻不能騎  
射若不辭解兵柄緣臣所守實爲三邊根本重地倘  
遇有警恐悞

朝廷大事如蒙伏望

聖恩憫臣在邊染疾容臣回京調理另推謀勇將官前來  
代臣管事臣干冒

天顏不勝戰慄之至等因具本該通政使司官奏奉

聖旨兵部知道欽此欽遵議奏間今該前因案呈到部看  
得巡撫都御史楊一清奏稱陝西地方軍務廢弛鎮  
守官員不堪厥任誠恐臨期候事要將武安侯鄭英  
行取回京別推驍勇知兵官一員前去更替鎮守陝

西地方專在固原駐劄及武安侯鄭英亦自奏患疾不能騎射乞要回京調理緣關中係

國家重地主將實官軍司命况虜情近來比昔不同萬一冰凍入套必須防禦得人合無俯從所奏將鄭英取回候

命下之日本部就將楊一清所薦官員另行議擬奏請簡命一員前去代替鄭英鎮守陝西令其常在固原駐劄

撫安軍士遇警勦賊防守地方不許仍往省城復蹈前轍緣係更擬將官及奉

欽依兵部知道事理未敢擅便宏治十八年十月初四日本部尙書劉大夏等具題本月初五日奉

關中奏議全集卷五

五

川七

聖旨是鄭英取回京欽此欽遵擬合通行爲此出外合咨

前去煩照本部題奉

欽依內事理欽遵施行

一爲慎固地方以遏虜寇事

兵部覆該本部送於兵科抄出巡撫陝西等處地方兼督理馬政都察院左副都御史楊一清題准兵部咨前事該本部題該甯夏鎮巡等官太監苟全都御史劉憲等各題稱陝西遊兵三千員名已經革去遊擊將軍合無仍設將官統領前來兩界章州往來駐劄外河以策應花馬池內可以保障固靖等處地方等因該本部看得未審前項人馬見今改調何處應

用合行臣查明定奪等因題奉

欽依備咨到臣查得先該總制尙書秦紘奏於環慶固原等處添設遊擊將軍宏治十七年九月間該巡按陝西監察御史季春奏要裁革兵部依擬題

准行移陝西鎮巡等官行令遊擊將軍都指揮楊敬照舊回司所統遊兵俱令掣回原營以後地方如或多事仍該復設遊兵另行具

奏定奪等因備咨前來已經欽遵將原選遊兵掣回原營間續因大虜拆牆進入韋州螺山住牧侵犯固原環慶兵馬不敷鎮守武安侯鄭英隨將前項遊兵調取前來分委都指揮陳善黃正管領防守後日事甯

關中奏議全集卷五

六

八

仍照原擬掣回臣接管巡撫受任經畧因慮前項地方委的人馬寡少虜情難測原選遊兵若盡數掣散有警急難收拾除西安等衛及環慶官軍掣回原營外其洮岷河臨四衛官軍又經委官重復挑選精銳人馬共一千一百員名暫委都指揮管領策應莊浪見在蘭州地方駐劄又於洮岷秦平等衛原擬備各官軍內挑選一千餘員名委官管領操練聽調正虞套賊爲患遊擊之官恐當復設故爲先事料理一旦用之但得統領之人兵可立集不然直待寇至方議設官有官方議選軍經時累月緩不及事臣之鄙見如此今甯夏鎮巡等官太監葛全等所

奏要將陝西遊兵三千員名仍設將官統領一節蓋亦  
以爲陝西遊擊當設又因裁革未久故爲此言以俟  
廟堂采擇臣請究竟本末言之甯夏花馬池興武營清水  
營直抵高橋兒等處地方乃套賊入寇之門戶然賊  
之所入雖經於甯夏而其所利則在於腹裏甯夏如  
能捍禦使賊不敢拆牆而入則腹裏可以無患但恐  
地方散漫墩堡稀疎士馬單弱不能遏其方張之勢  
彼旣拆牆進入必將抄我環慶犯我固原深入我安  
會靜甯隆德諸處內有監牧馬匹尤爲賊所窺伺加  
之土漢雜處易於生變一失保障則根本動搖故延  
甯爲手足之疾其禍速而小環固乃心腹之疾其禍

關中奏議全集卷五

七

× 8 1

遲而大尙書秦紘原擬推選宿將充遊擊將軍操練  
軍士用防不虞深爲有見但當時委任非人致招物  
議又因邊事稍甯議者遂謂官多人擾奏行革罷未  
及兩月大虜竊發分抄邊鄙無處無賊守備等官各  
有信地彼衆我寡徒閉壘以自全分疆畫界至相望  
而不救於是衆論譁然蓋謂遊擊不當遊兵不當  
散方議奏復而賊情已甯矣臣謂兵常形事有萬  
變因時制宜固難執一奏設遊擊者乃安內攘外之  
圖奏革遊擊者亦省事惜費之意今北虜得志而驕  
冬間難保不入河套萬一拆牆深入數必不少陝西  
遊擊將軍似當復設隨處應援截遏以安人心且諸

鎮一體如大同遊兵應援宣府延綏遊兵應援大同  
甯夏遊兵應援延綏則陝西設有遊兵旣可保障內  
地亦可爲延綏甯夏緊急之援不爲無益旣設之後  
不宜亟罷庶使事有定規人有定志但添官非難得  
人爲難任非其人平時恣爲剝削臨事安可倚仗非  
惟來議者之口抑且壞地方之事博采得守備固原  
署都指揮僉事陳善老成歷練慣戰知兵平時撫士  
有方遇敵當先不怯且歷官年久山川道路險易熟  
諳使當折衝禦侮之任則兵將相知地利人心兩得  
可責成功如蒙乞

關中奏議全集卷五

八

× 8 1

奏

請充遊擊將軍將原選見在官軍二千員名再於西安等  
衛及附近衛所挑選一千員名共三千員名聽其統  
領仍在慶陽駐劄不拘環慶固原靖虜蘭州等處但  
有緊急聲息往來應援截殺若虜賊在套不替拆牆  
進入照依甯夏鎮巡官所擬前去章州等處塞延甯  
遊兵犄角併力防禦倘或大同宣府賊情緊急延綏  
官軍調去城堡空虛地方有警聽各該鎮巡官行軍  
處相機調發前去策應前項官軍缺少馬匹於各營監  
死補陪倒失虧欠兒驕馬內給領不必照依各鎮槍  
兌以致損此益彼兩相妨礙以後如果各處賊情甯

息夏秋時月將官軍放回原衛休息遇冬徵調聽用  
永爲定規不必暫設亟罷使人懷苟簡事無成效若  
任非其人訪得貪污性懦實跡巡撫按官指實劾  
奏革退別選相應之人代補及照固原地方最爲要  
害守備官員不可暫時缺人如臣言可采陳善果蒙  
委用就乞於陝西武臣曾經舉保堪用官員內推選  
一員代替守備庶幾地方有託緩急不至悞事等因  
具本該通政使司官奏奉

聖旨兵部知道欽此欽遵抄出送司查得陝西固原等處  
遊擊先該巡按陝西監察御史李春奏稱官多人擾  
本部已經依擬奏革續該甯夏鎮巡等官奏要將革  
關中奏議全集卷五

九

又リ

退遊兵照舊設官統領以備內外策應本部又經議  
奏行令查勘去後看得巡撫陝西都御史楊一清奏  
稱勘報前項遊擊將軍應該復設緣由所言地方利  
害興廢始末議論詳悉事體明白及處置該集遊兵  
該用領兵將官俱各停當况今甯夏見報賊情緊急  
用人預備合無准其所奏請

勅原擬都指揮僉事陳善充遊擊將軍名目統領前項遊  
兵三千員名專在環慶固靖等處往來截殺仍聽鎮  
巡官員節制調度此後尤須守法奉公正已率下慎  
終如始以副委任合用

符驗旗牌照例請給差人賫去本官應用其固原地方今

既擬令鎮守武臣常在彼處駐劄所據陳善守備員  
缺不必再補合止行令都御史楊一清徑自照例選  
委堪用都指揮或指揮一員在彼備禦緣係添設遊  
擊官員及奉

欽依兵部知道事理未敢擅便宏治十八年十月初八日  
本部尚書劉大夏等具題本月初九日奉

聖旨是欽此欽遵擬合通行除外合咨前去煩照本部題  
奉

欽依內事理欽遵施行

一爲傳報聲息預防虜患事

兵部覆該本部送於兵科抄出巡撫陝西等處地方

關中奏議全集卷五

十

又リ

兼督理馬政都察院左副都御史楊一清題據暫署  
守備蘭州地方蘭州衛指揮僉事陳松呈云云等因  
節呈到臣照得鎮守太監劉雲武安侯鄭英俱在陝  
城臣看得蘭州地方自本年五月十一日以來傳報  
莊浪紅城子砲火柴推聲息絡繹不絕訪得達賊俱  
在莊浪後山伏同兒水杉草溝等處劄營節次入境  
搶掠因是近來莊浪人馬寡少動輒失利以此賊勢  
愈張軍威愈挫况與蘭州壤地相接無關隘溝墻之  
限莊浪既以被搶蕭索大羊無厭之欲必將窺伺蘭  
州已將原

奏留甘蘭二衛官軍李勤等摘撥分布河北地方東路



鹽場堡西路鐵子坪二處按伏防守遇警截殺但鐵子坪舊無城堡鹽場雖有舊堡不曾修蓋房舍不堪屯軍又經行令兵備守備等官量起本處軍民人夫築打鐵子坪城堡一座及於鹽場堡修蓋官廳營房以便官軍屯住及又遵照節該

欽奉隨宜斟酌調度

成命行委都指揮黃正管領洮岷臨河等衛官軍一千員名前去莊浪暫聽分守參將蘇泰調遣殺賊指揮郭邇督率所領土兵亦於蘭州駐劄隨賊聲勢所向往來應援外緣莊浪雖係甘肅所轄而與陝西腹裏聲勢相倚臣實不敢顧此失彼但往年莊浪紅城子力

關中奏議全集卷五

十一

四川

足捍禦虜人不敢越境南侵則蘭州似爲腹裏今莊浪已不能支虜衆肆行剽掠無忌根本喉襟之地所繫尤重若彼窺覘糾結日久不退則陝西官軍急當內防勢恐不能分兵外援且秋冬將臨北虜大寇難保再不入套前項郭邇黃正所領軍馬乃固原環慶緊關禦敵之數又當先期掣回休息養其銳氣以挫賊鋒臣又切思莊浪之人橫遭虜患已非一日訪得前項殘寇初本不多近來鳩集醜類日漸繁夥恒在莊浪涼州地方明水湖等處住牧假我連降爲之鄉導不時突出鈔掠聲東擊西倏來忽去委的難以隄防其勢非大遭挫剽則不肯遠遁將來勾引羌戎甯

夏陝西二鎮皆受其毒不止莊浪之害而已夫田中之禽利用搏執聖王所不得已如蒙乞

勅該部詳擬合無行甘肅鎮巡等官行令遊擊率領所統遊兵或再推驍勇都指揮一二員摘發甘州各衛招募土兵舍餘軍餘等項二三千名前來莊浪紅城子協同參將等官戰守以紓地方目前之急其陝西發去官軍取回固原環慶等處以備北虜入套之謀再乞預行甯夏甘肅陝西守臣密切會議若是大虜今冬不入河套明年春二三月草枯馬弱之時哨探賊人住牧處所的確諸鎮各選精兵甘肅官兵自莊浪涼州分道並進以殺其勢甯夏軍馬出其後背以邀

關中奏議全集卷五

十二

四川

其歸陝西官軍自蘭州犄角而入以防其衝突必痛加誅勦以洩數年兵民之憤一勞永佚計無出此舍是弗圖因循玩愒苟度歲時如養癰疽不施鍼砭使其日漸潰蝕雖有知者不能善其後矣此事重大必仗

廟堂成筭詢謀僉同乃可舉動愚臣一人之言豈敢自以爲是但承乏經畧調度之任有所見聞不敢自默等因具本該通政使司官奏奉

聖旨該部知道欽此欽遵抄出送司案查先爲達賊擁眾犯邊缺兵戰守事該分守莊浪地方左參將蘇泰奏稱達賊節次犯邊兵力寡少乞要增兵戰守等因本

部已經議擬題奉

欽依備行陝西鎮巡官將聲息少緩地方或附近各衛官軍內贛撥精壯一千員名委官管領前去莊浪聽調緞賊指揮郭潮原管土兵一千員名領去蘭州地方駐劄以便莊浪固原兩處策應續該巡撫甘肅等處地方右副都御史畢亨奏為易將官以安邊境事該本部議擬題

准將副總兵把琮改調莊浪遊擊將軍徐謙帶領所部遊兵常在莊浪駐劄聽把琮調用俱經通行去後今該前因案呈到部看得都御史楊一清所奏極言河西達賊屢為莊浪之害又慮冬臨套賊入寇固原環慶

關中奏議全集卷五

三  
Xリト

所當戒嚴計處各鎮分設防禦之兵甚為得策除遊擊將軍徐謙領兵莊浪駐劄已有前議外合無依其所擬本部一面鋪馬賁文與都御史楊一清徑將所屬郭潮等原領蘭州等處策應軍馬掣回聽其調用一面賁文甘肅鎮巡等官查調各衛招募土兵舍餘二三千推委謀勇都指揮一二員帶領前往莊浪紅城子等處隨同副總兵把琮等防禦中間事宜或有未盡未允亦要從長議處以固地方其稱大虜今冬不入河套欲候明春草枯馬弱之時密會三鎮誅勦明水湖等處積年犯邊之寇尤見經界深遠但事干重大難以遙度而甘肅甯夏二鎮守臣未經謀議恐

亦各有所見况掩襲境外之寇必須兵馬加倍精強將帥謀勇兼濟方能措手一或言動欠密事機先露恐難成功合無仍行陝西并甘肅甯夏鎮巡等官密切移文會議從長再加斟酌如果此舉有利無害詢謀僉同時勢可乘不貽後艱會同奏報相機舉行務要計出萬全以期克捷如果事有異同難便輕舉或別有安邊良策亦要明白回奏緣係守臣建言邊務及奉

欽依該部知道事理未敢擅便宏治十八年十一月十二日奉

日本部尚書劉大夏等具題本月十三日奉聖旨是欽此欽遵擬合通行除外合咨前去煩照本部題

關中奏議全集卷五

四  
川リト

奉

欽依內事理欽遵施行

一為急缺領軍官員事

兵部覆該本部送於兵科抄出巡撫陝西地方兼督理馬政都察院左副都御史楊一清題臣受

命經畧巡撫節奉

欽依或廣收人物以資其方畧或重懸爵賞以鼓舞人心等因備咨前來竊照禦戎莫急於練兵練兵莫先於選將將非其人兵雖眾不足恃將得其人怯可化勇弱可化強廣收人物誠為邊第一義也况今北虜得志而驕冬深難保不入河套近日環慶地方節次傳

報砲火聲息防禦不可不嚴陝西各該守備將官皆  
新任可用但各有倚地難以摘撥至於管領備冬官  
軍及召募土兵民壯等項調遣委用不可缺人本處  
都指揮把總指揮等官才局雖有可觀多是不曾經  
戰倘或大舉達賊侵犯使之衝鋒破敵恐未必能近  
該臣奏保緣事都指揮烏銘充軍指揮楊宏荷蒙  
皇上滴洗楊宏重罪止降二級聽臣隨宜委用  
天地再造之恩凡為武臣孰不感激思奮但烏銘兵部題

稱已經奏取赴京難又別為定奪及又博訪得先任  
花馬池參將西安後衛指揮馬隆蘭州衛指揮同知  
楊義俱各熟閑戎務諳曉虜情先年慣經戰陣比之  
關中奏議全集卷五

新進未試者不同亦該本部奏取京營領軍去說且  
京營領軍所係尤重臣何敢以一方之事致妨天下  
大計但京師人材所聚如烏銘輩必多大同宣府聲  
息已甯陝西之患方自茲始况此三人用之陝西則  
地利素知人心素服不違其材可責其効若領京營  
士馬恐亦無以逾人伏望

聖明垂念關中三邊根本之地防虜事重用人為急乞  
勅兵部合無將烏銘馬隆楊義三人仍發回陝西聽臣隨  
宜委用統領備冬官軍及土兵召募義勇民壯等項  
勦殺賊寇或分守要害或策應各邊有功具  
奏推陞誤事實不輕貸待後陝西地方甯靖大同宣府

聲息緊急京營領軍缺官該部移文行取仍督發前  
去應用等因具本該通政使司官奏奉

聖旨兵部知道欽此欽遵抄出送司查得先為軍務事該  
巡撫陝西都御史楊一清奏奉

欽依事理咨送馬隆等前來又該本部議擬題奉  
欽依將馬隆楊義俱陞署都指揮僉事與烏銘協贊鼓勇

等營去後今該前因案呈到部看得都御史楊一清  
題稱要將烏銘馬隆楊義發回陝西聽其委用統領

備冬官軍及土兵等項勦殺賊寇待後京營領軍缺  
官仍督發前來應用一節照得烏銘等先因宣大

鎮聲息緊急故將各官取來聽候領兵即今二鎮稍  
關中奏議全集卷五

甯况陝西地方目今河凍正係達賊侵犯之時用人  
尤為緊急相應准其所奏除數內馬隆已該本部題

奉  
欽依充四川參將協守松潘地方去訖所據烏銘楊義合

無着令馳驛前去都御史楊一清處聽調領兵若後  
京營要用另行具

奏行取各官務要竭忠奮勇圖立後功以副舉用之意  
緣係奏討領軍官員及奉

欽依兵部知道事理未敢擅便宏治十八年十一月二十  
二日本部尚書劉大夏等具題本月二十二日奉

聖旨是欽此欽遵擬合通行除外合咨前去煩照本部題

奉

欽依內事理欽遵施行

一為預防虜患以保固地方事

兵部覆題該本部送於兵科抄出巡撫陝西等處地方兼督理馬政都察院左副都御史楊一清題近准巡撫甯夏地方本院右僉都御史劉憲咨為大賊入套請兵防禦事宏治十八年八月二十九日據虜中走回男子賈羊羔兒供係山丹新河人失記衛所年月日七八歲時被小王子達賊頭兒白罕搶去虜中牧放牛羊一十三年見在賀蘭山後駐劄近聽得夥裏眾賊說稱俱往迤北迎接小王子到來本日又據

關中奏議全集卷五

七

套內迤北石嘴兒墩暖泉兒墩夜不收王文奴等報稱本日已時瞭見河西相離黑山營四十里地名野馬川等處達賊下營人馬不計其數帳窠牛羊遍野內有三百餘騎前來河邊住立吹簫築一聲向東觀望頃飯時回營去訖本年九月初四日又據石嘴兒墩夜不收王玉等報本月初三日辰時瞭見達賊五騎在於套內到於墩邊答話不應顯是前項大賊淨水渡河入套等因前來會同鎮守太監葛全總兵官署都督僉事李祥議看得前項達賊訪是小王子人馬在大同搶回意欲過套入寇先是走回男子賈羊羔兒報稱山後眾賊前去迎接小王子次據夜不收

王文奴等報稱瞭見河西達賊不計其數內有三百餘騎前來看河今夜不收王玉等又報瞭見達賊五騎已過套內事果不虛五賊既已過河誠恐醜類源源而來大舉入寇旦夕難保若不請兵策應防範慮恐臨期難便除具

關中奏議全集卷五

六

題外擬合通行知會等因備咨前來續據守備環慶等處地方署都指揮僉事姚震呈為傳報烽火事宏治十八年九月十四日酉時據原差花馬池探聽聲息夜不收魏玉供報本月十二日夜三更時分有花馬池夜不收張外頭報稱煖泉墩石嘴兒墩各舉火六把行間本月十六日辰時據環縣城西河墩守瞭小甲王友走報本時瞭見永河墩舉火三把十七日又據西河墩小甲王友報火六把又據本官呈前事宏治十八年九月二十七日已時據環縣城西河墩守瞭小甲王友走報稱沈家山墩小甲唐仲義傳報火三把煙三把等因節呈到臣照得鎮守陝西太監劉雲武安侯鄭英俱在陝城鄭英見今患病不出除移文知會外看得巡撫甯夏都御史劉憲咨稱前項虜情係供報之言固難盡信但環慶地方已有傳舉境外煙火必是此賊將謀入寇先遣輕騎淨渡黃河潛入套中瞰彼窩巢覘我虛實踵襲故智侵犯邊境無厭之欲誠難窺測先事之防不可不謹切詳此

虜去年侵掠陝西今當

皇上龍飛御極之初乃敢寇我宣府擾我大同戕賊我土馬魚肉我生民罪惡貫盈

天怒已極若再擁眾內侵鼓我積憤之兵乘彼既驕之勢何戰不克何向不前顧大狼結聚動稱數萬我邊地里寬漫分兵而守無所不寡以十當百似難急嬰其鋒惟在嚴封疆守要害明斥埃謹禁防以伏待勞俟機而動延甯二鎮邊備各該守臣必能先事經理陝西固靖環慶地方先該總制尙書秦紘修築邊塹一道甚於保障有益所患墩堡稀疎聲援革絕故副總兵曹雄有固原之墻不如無墻之論臣今近墻設墩

關中奏議全集卷五

十九

八

傍險增堡聲勢相接見填塞溝塹坍塌邊墻次第修補粗皆就緒至於分布人馬使守要害招集土人使自爲戰不敢慢易以速罪尤但當久玩極弊之餘人馬寡少又復不精語及戰功臣實不敢自保然而形勢戰守得失利害之機亦嘗籌度甯夏花馬池興武營直抵高橋三百餘里地方在北爲虜賊寇我邊境之門戶陝西環慶固原直抵靖虜七百餘里地方在南爲虜賊寇我腹裏之門戶中有山城萌城石溝鹽池韋州等處乃虜賊出沒經由之道路然賊之所入雖由甯夏而其所利實在腹裏甯夏邊境如能捍禦則腹裏可安枕而臥稽今事勢恐未必能倘一旦折

牆而入必以精騎守所入之路綴我官兵使不敢南則腹裏安危所係至重其故不可不講也賊既深入剽掠方張之勢恐非陝西官軍所能當藉諸邊鎮遊兵協力捍禦庶免生民荼毒然欲成克捷之功必在乘其既弊而於中路擊之爲便查得臣節該欽奉勅諭倘或事情緊急延甯莊涼遊兵俱聽爾調用欽此欽遵及照延綏參將王戰所領土兵二千員名亦係兵部題

准聽臣調用之數但甯夏遊兵僅能自守莊涼遊兵彼處四時有賊在在乏兵恐難調緩急所倚惟延綏遊奇兵參將王戰土兵應援之力臣雖奉有

關中奏議全集卷五

二十

八

成命竊恐諸鎮官軍各有統屬不卽聽調該事非輕且今西安等府旱災至甚流徙在途萬一虜勢危急邊城失守盜賊乘隙而起根本動搖誠非細故况延甯遊奇兵調去大同未回近聞彼處聲息已甯若不早爲擊取直待寇至門庭方纔移文往來之間動經旬月委的緩不及事如蒙乞

勅該部計議合無鋪馬賚文行令延綏副總兵曹雄遊擊將軍姜漢參將王戰作急將所領官軍掣回曹雄奇兵暫於定邊營駐劄以便延甯兩邊策應姜漢遊兵王戰土兵於花馬池興武營等處按伏如果達賊入套擁眾近邊與甯夏副總兵衛勇參將霍忠協同保

勸靈州守備焦洪并都指揮韓斌等人馬併力捍衛保固邊境不令入境甯夏總兵官李詳統領人馬過河暫於靈州駐劄以便河南北調度陝西亦選遊兵三千員名暫於章州按伏以爲聲援且以防山後賊寇乘凍渡河侵犯之謀若是賊勢重大力不能支折墻入境勢必侵犯腹裏陝西遊兵卽當掣回豫旺城防禦延緩遊兵士兵聽臣臨期相機調取應援亦在保固邊境不令折入彼進不得逞居無所獲久將自退若賊衆不能阻遏長驅而入勢必分散我軍堅壁清野據險以乘之伺便以圖之縱無大得亦無大失仍先以曹雄李祥衛勇姜漢等各支精兵分布中路

關中奏議全集卷五



三

山城萌城石溝鹽池紅寺兒章州一帶城堡按伏秣馬藏鋒蓄銳多遣乖覺夜不收遠爲哨探彼既深入日久人馬疲敝計其歸途必出前路陝西將官統領官軍徐躡其後毋逼而追待入我殼諸路之兵併起而夾擊之陝西官軍奮而逐之或邀其中或截其尾胸背受敵必敗之道獻俘折賊大功可期計不出此而欲於折墻之處邀其歸路其勢復合其援亦近成敗利鈍非臣所知再照甯留莊浪左副總兵魯麟驍勇慣戰歷練老成所統士兵虜人素所畏服先年腹裏有警亦曾調用乞勅本官整搦人馬倘或賊情緊急聽臣移文調來固原環

慶等處與陝西將官協力戰守以壽天爵功勳大此臣一得之愚敢用預陳以備

采擇乞下陝西延甯諸鎮將官參酌行之隨機應變又在各營仍乞速行曹雄姜漢王戟等各以腹裏根本爲重遇調慎勿延緩以失事機等因具本該通政使司官奏奉

聖旨兵部知道欽此欽遵抄出送司查該先爲守邊防患地方等事該協同鎮守甘肅左副總兵魯麟奏稱統兵前往甯夏等處殺賊得患痢疾况伊男年幼管下土人家口缺人鈴束乞要暫留在家教訓伊男管束土人家口本部議擬題奉

關中奏議全集卷五



三

孝宗皇帝聖旨是魯麟准留莊浪撫管土人寫勅與他欽此續爲易將官以安邊境事該巡撫甘肅都御史畢亨題稱左副總兵魯麟父祖以來世守莊浪虜賊素所畏憚今雖養病在家尚能發縱指示乞要請勅本官今後遇有達賊侵犯務要運謀設策勦殺賊寇等因該部議擬具題奉

聖旨是欽此節經請勅本官欽遵外近爲大賊入套請兵防禦事該甯夏鎮巡官太監葛全等題稱大同地方賊已甯息要乞行令本鎮副總兵衛勇延綏副總兵曹雄遊擊將軍姜漢參將王啟各將前項遊奇等官人馬火速兼程前來

花馬池等處併同本鎮人馬布置按伏相機截殺已該本部議得合無鋪馬賁文與甯夏太監葛全總兵官李祥都御史劉憲一面選差乖覺夜不收違為哨探對面嚴督副總兵衛勇參將霍忠協同保勦守備焦洪都指揮韓斌等簽要原旨設策撥人馬隨宜按伏以逸待勞本部仍行延綏守臣令參將王敦統領土兵前往花馬池遊擊將軍姜漢統領遊兵前往定邊營曹雄統領奇兵前往甯塞營各要星馳前去秣馬按伏聽候有警併力截殺及行陝西巡撫都御史楊一清公同固原新任鎮守將官斟酌賊勢計議方畧分佈腹裏人馬據要防禦督調本處遊兵相機

關中奏議全集卷五

八川上

策應等因具題奉

聖旨是欽此又經通行各該鎮巡官欽遵去後今該前因案呈到部看得巡撫都御史楊一清歷究陝西甯夏地方之要各鎮官軍戰守之宜及指陳乘敵邀擊之利論議反復籌度周悉除延綏遊奇官軍與甯夏副總兵衛勇等所領人馬已該本部題奉

欽依通行各該地方戰守亦與本官前項議奏之意大畧相符所據慮恐諸鎮官軍各有統屬不聽調遣合無行移延綏鎮巡等官轉行副總兵遊奇等查照先今事理如果賊已西行本鎮別無聲息陝西來調兵馬節便依期前去分布防守不許遲延候事自取罪尤

仍通行陝西延綏甯夏鎮巡等官俱要協心運謀相機而勤務使功成萬全事無一失圖免陝西腹裏之害用行

皇上西顧之憂毋得秦越自分坐觀成敗以孤委任其稱莊浪左副總兵曾麟慣戰老成虜人畏服先年有警亦曾調用乞要請

勅本官整搦人馬遇警調來固原環慶等處與陝西將官協力戰守一節尤為有見蓋曾麟久在邊方委實謀勇頗優於眾今病痊可相應責成合無本部鋪馬賁文與都御史楊一清轉行左副總兵曾麟將所領土兵嚴加操練固守地方若遇固原環慶有警即聽都

關中奏議全集卷五

三

八川上

御史楊一清移文調用大功有成陞賞不吝不許托故偷安以負

朝廷世寵之恩緣係巡撫官員奏處防守邊務及奉

欽依兵部知道事理未敢擅便宏治十八年十一月二十

四日本部尚書劉大夏等具題本月二十五日奉

聖旨是便行與各官着用心協力相機防禦不許自分彼此致誤事機欽此欽遵擬合通行除外合咨前去煩照本部題奉

欽依內事理欽遵施行

一為預防虜患事

兵部覆該巡撫陝西等處地方兼督理馬政都察院



左副都御史楊一清題准兵部咨該協守延綏等處地方副總兵都指揮僉事曹維題稱陝西固原等處近來修築邊塹一道南離固原二百五十里北離花馬池四百餘里賊經花馬池之空深入任其擄空通不知覺向使固靖地方有久守之將則戎馬之入何以似蹈無人之地爲今之計合無固靖環蘭等處添設副總兵一員提督操練有警臨鞏秦平官軍悉聽調遣黃河將凍時月收斂人畜肅清郊野分兵要害竊秣馬蓄銳以待敵至萬一達賊復來侵犯或乘其分散或邀其歸路其陝西鎮守將臣精選在城有馬官軍前來以爲聲援如此則戰守兩備責任專一緩急

關中奏議全集卷五

三一  
又六

有濟等因具本奏奉

孝宗皇帝聖旨兵部看了來說欽此欽遵該本部覆奏行巡撫陝西都御史楊一清會同巡按監察御史從公計議陝西鎮守將官每年冬初例該前去固原等處防守今若於固靖環蘭等處添設副總兵一員必得練達邊務曾經戰陣者常川在彼委的有益但省城鎮守將官遇冬所理何事必須何以處之斯於事體穩便經久可行務在議處停當會奏前來以憑上

請定奪等因題奉

聖旨是着議處停當來說欽此欽遵備咨到臣會同巡按監察御史季春從公計議看得陝西固原環慶靖虜

蘭州皆緊關要害之地固原土漢雜處內有監牧馬匹所係尤重河套有賊甯夏邊牆失守則固原環慶最先受害近來山後殘寇河凍時月多從甯夏中衛鳴沙州一帶踏冰而入竊伏螺山等處鈔掠固靖突來忽去不止套賊爲富隄防至於蘭州河北一帶節被莊浪明水湖潛住賊寇與山後之賊無分春夏不時侵擾又不止河凍當爲備禦比者各該地方戰守之具名存實亡守備等官權任輕微莫能自展各有信地不相應援陝西鎮守將官遇冬至十一二月方纔提兵西向不過月餘河冰稍釋即便掣回與調來客兵無異山川之險夷關隘之虛實將領之勇怯士卒之強弱茫不與知上下相安因循度日邊備不嚴兵威不振職此之由今虜勢猖獗大非昔比萬一不肯悔過遠遁糾合犬羊長驅深入則內郡繹騷根本搖動不止邊民受害而已若得常守之將駐劄固原提督操練各路人馬遇警分兵要害調遣應援截殺委的責任專一曹維所請蓋亦有見其要添設副總兵一員不無官多人擾况人馬有限添官雖多何補於事且既設副總兵提督調兵則主將徒擁虛名置之無用亦恐未宜若將陝西鎮守將官移來固原駐劄則官不加多事爲有濟長久利便之策宜無過此

關中奏議全集卷五

三一  
又六

諺者或謂陝西鎮守之設兼防南山羣盜然陝城已

有鎮守太監巡撫巡按都布按三司又兼撫治巡守  
等官平時自足防制果有盜賊竊發將官東還不妨  
勤捕但任法不若任人安內乃可懷外使任非其人  
反生厲階致招後議竊見鎮守陝西武安侯鄭英在  
鎮年深近又自稱患病日久不出見今甯夏已有傳  
報聲息倘或虜賊擁眾侵犯本官委的不堪征戰誤  
事非輕必須更易相應將官鎮守緩急方可倚仗如  
蒙乞

勅兵部計議上

請合無將武安侯鄭英行取回京別推京營都督或邊鎮

將官廉靜不擾練達戎務曾經戰陣一員鎮守陝西

關中奏議全集卷五

三

八〇四

等處地方常川固原駐劄提調防守遇警往來各邊

統率官軍勦殺賊寇外壯兵勢內繫人心實爲便益

當此久玩極弊之餘正易輟改絃之日伏望

聖明軫念關中重地一方兵民不宜重遭荼毒早

賜施行等因與巡按監察御史各具本該通政使司官奏

奉

聖旨兵部知道欽此欽遵通抄送司查得先爲預防虜患

事該延綏副總兵曹雄奏稱固原邊牆曠遠要於固

靖環蘭等處添設副總兵提督操練本部議行巡撫

都御史楊一清會同巡按御史從公計議固靖環蘭

等處添設副總兵一員常川在彼委的有益務在議

處停當會奏前來以憑上

請定奪等因題奉

聖旨是着議處停當來說欽此已行欽遵去後續爲易置

主將以保固地方事該都御史楊一清奏稱陝西地

方軍務廢弛要將武安侯鄭英行取回京別推驍勇

將官一員前去更替鎮守陝西地方專在固原駐劄

等因前來本部依擬將本官奏內薦舉都督等官楊

玉等四員具題奉

聖旨是曹雄陞署都督僉事鎮守陝西地方欽此已行欽

遵去後今該前因案呈到部看得各官所奏固原等

處地方添設副總兵一員不無官多人擾若將鎮守

關中奏議全集卷五

三

川三

將官常川固原駐劄則官不加多事爲有濟一節既

查有本部前項題奉

欽依鎮守官員常在固原駐劄事理別無定奪擬合通行

除外合咨前去煩爲查照施行

一爲急處救荒事

戶部覆該本部等衙門會題於戶科抄出

欽差巡撫陝西等處地方兼督理馬政都察院左副都御

史楊一清題前事准戶部咨該陝西鎮巡等官題切

照陝西地方接連邊境糧草徭役比之他處實爲浩

繁茲者又遇前項蟲旱等災米價騰貴人民流移誠

爲可憫難以照常勘處合無不爲常例本部移咨都

察院轉行巡按陝西監察御史公同都布按三司守  
巡管糧官嚴督府衛州縣掌印官一面將被災地畝  
從公覈實一面將該免錢糧照依分數先行除豁仍  
將除豁過田地稅糧等項有收無收分數各備造文  
冊

奏繳仍造清冊一本送部查考本部再行巡撫都御史  
督同守巡管糧等官嚴督府衛州縣各該官員查勘  
缺食軍民先儘見在預備倉糧按月放支賑濟如有  
不敷就將該庫收有見在銀兩等件設法糴買米穀  
作急賑濟務使人沾實惠事有成效此外別有救荒  
事宜徑自區處施行事體重大者作急具

關中奏議全集卷五

三

奏定奪等因具題奉

聖旨是陝西災傷重大着楊一清好生設法賑濟毋致失  
所欽此欽遵備咨到臣查得陝西災傷地方西安府  
爲甚延安府次之慶陽鳳翔二府又次之其餘平涼  
臨鞏等府雖間有旱雹等災分數不多但西安一府  
財賦供億實當七府之半西安府告荒雖七郡全收  
不足以補况延慶邊郡亦復有災他府稍登僅能自  
給已將被災地方應該豁免稅糧緣由分節次具  
題及行委分巡分守等官各帶領府佐能幹官員分  
投徧歷所屬州縣先將極貧人戶今冬開倉贖口給  
糧賑濟次貧人戶明春一體賑濟如倉糧不敷聽將

官銀折放去後茲者仰荷

聖慈該免稅糧

准行巡按御史覈實除豁

天語叮嚀又以設法賑濟責成愚臣惟恐斯民失所古帝  
王之用心不是過也願臣撫巡無狀不能導引和氣  
以厘

宵旰之憂若又不能仰承

明詔講求賑濟方畧坐視溝壑轉徙而莫之救其罪安可  
逃哉查得各該州縣預備倉糧多者不過萬餘石少  
則三二千石甚至止有數百石陝西布政司查報在  
庫官銀八萬三千餘兩俱該供邊并折支俸糧布花

關中奏議全集卷五

三

之數尚恐不敷亦難動支糴買糧米夫以堂堂巨首  
而倉庫空虛至此臣晝夜思之寢食俱廢竊惟救荒  
以賑濟爲先以儲蓄爲本陝西地方關山環峙舟楫  
不通重以供給三邊賦役繁重故一年之收僅足以  
周一年之用加以頻年兵荒瘡痍未復卒遇久旱遂  
成大飢閭里蕭條逃亡接踵盜賊間起剽掠潛行困  
敝艱難莫可名狀又恐春夏之交米價益貴民食愈  
難官廩既空官銀莫措餓夫張口以待哺官司束手  
而無施民窮盜起勢所必至若麥秋有望猶可支持  
萬一套虜不出一麥不登賑濟轉輸兩無所賴公私  
告急內外俱困倉皇狼狽何可勝言臣又竊思陝西

成化十九二十年間旱荒彼時承平之餘倉庫有積  
又無邊患尙且賑貸不敷餓殍填渠人至相食後蒙  
憲宗皇帝准開救荒事例措置銀糧甚多又將江南漕運  
糧米數十萬石差官由漢江及河南地方二路轉運  
移民就食賴以全活而死徙之民已不可救戶口耗  
彫至今未復今公私匱乏既非昔比戎虜蹂躪又昔  
所無若明年歲果不登將來事變豈直如成化年間  
而已及今多方區區尙爲臨事有備然糴買既苦於  
無資開例復拘於犯禁安能忍心坐貽後悔行據陝  
西布按二司左布政使柳應辰右布政使羅鑒按察  
使謝營等會同將議處區畫錢糧及停免追徵等項  
關中奏議全集卷五

聖明省覽乞  
用味死上鍊伏望  
聖宜開呈前來臣參酌衆論之中求濟一時之急敢

勅該部大臣參詳可否議擬上  
請早爲施行庶幾積民命於垂絕莫疆土於無虞關陝安  
則天下安京師安實

宗社萬億年無疆之休也臣不勝激切俟  
命之至等因題奉

聖旨戶部知道欽此欽遵抄出送司案呈到部看得都御  
史楊一清題稱陝西西安等府地方荒歉太甚人民

飢窘條陳區畫救荒八事要行參詳可否議擬上

請早爲施行一節緣前項事情重大多係別衙門掌行本  
部難擅定擬合無會同五府六部都察院通政司大  
理寺堂上官并六科十三道掌秤掌道官公同議處  
上

請定奪本年正月十六日具題次日奉

聖旨是欽此欽遵會同太師兼太子太師英國公張懋少  
師兼太子太師吏部尙書馬文升等議得關陝地方  
外隣強虜內困供億比年邊鄙多警民不聊生官司  
庫廩在在空竭徭役科派處處疲弊加以年穀不登  
赤野千里目今虜賊深入大肆搶掠夫以窮迫垂死  
之民遇此兵荒相仍之歲人心搖動他變必作正當  
關中奏議全集卷五

先事而慮庶幾保無後愆都御史楊一清身歷目親  
心切憂勞條陳數事乞早施行言雖急迫事實可采  
昔人謂救荒莫如備荒蓋以此耳臣等切思天人一  
理相爲流通災祥感召捷於影響揆厥亢旱之由實  
由乖氣所致况關陝喉襟重地尤當加意撫卹大布  
惠澤以救倒懸之厄用消意外之虞奈何

國家多事帑藏虛耗生財之源既塞而不行軍需之費  
多缺而不繼近者各邊賞賜尙欠大半其宣大二鎮  
奏討糴買糧草銀兩極力措辦不及三分之一言及  
於此良可寒心臣等伏願  
累朝以來公私匱乏未有甚於此時者也今將本官原擬

八事酌處上

請伏望

聖慈軫念生民

俯賜鑒納崇實德以消天變守清儉以裕國用臣等不勝

惓惓憂畏激切之至緣係會議急處救荒事理未敢

擅便正德元年正月二十五日本部尙書韓文等具

題本月二十九日奉

聖旨是陝西邊方災傷重大賑濟爲急這議處事宜都准  
行鹽法你再議來說欽此欽遵擬合通行爲此除外

合咨前去煩照本部題奉

欽依內事理欽遵施行

關中奏議全集卷五

計開

一西安延安慶陽三府及鳳翔府所屬鳳翔岐  
山扶風等縣飢民丁口不知幾千百萬計算  
見在倉糧盡數出賑所濟不過十之二三今  
一面查取各府州縣收貯贖罪贖罰缺官皂  
隸馬夫齋夫等項銀兩量爲收糶以救目前  
之急仍須多方區畫銀兩以爲來年之備銀  
兩有積則糶糧賑民或給銀令民自糶俱無  
不可適者陝西三邊有警伏蒙

勅遣戶部右侍郎顧佐帶官銀三十萬兩開中各運司鹽

二次共一百五十萬引前來定置邊儲盡數

給發延綏甯夏甘肅三鎮糶買糧草蓋以三  
鎮邊儲尤重且難故也續因臣論奏又蒙

准開鹽五十萬引召商上納糧料草束銀兩陝西沿邊一

帶城堡軍儲稍有積蓄然止亦是准鹽二十

五萬引四川鹽五萬引上納將完其浙鹽長

蘆鹽多無人報納通前一歲之間共開鹽二

百萬引發官銀三十萬兩

天地之恩施及陝西三邊者可謂厚矣但前項所處俱爲  
邊儲以今計之保民急於供邊內憂甚於外

患蓋根本燧傷則枝葉殄瘁理勢自然古有

明鑒伏願

關中奏議全集卷五

皇上軫念關中重地乞

勅戶部議處給發官銀數十萬兩運送陝西布政司收發

被災州縣糶糧賑濟若京庫銀兩所積不多

難以再給合無再開准浙四川等運司官鹽

一百萬引定價召商上納銀兩糶糧仍乞多

開准鹽庶幾速於收效如明年麥熟民安前

銀賑濟支用不盡之數俱發布政司收待年

豐仍糶糧收積官倉以備兵荒之用

前件看得都御史楊一清奏要給發京庫官銀

數十萬兩及開中淮浙等鹽一百萬引糶糧  
賑濟一節查得先爲區處鹽課以濟邊餉事

該戶部議擬將各處運司宏治十八年以前見在存積等項鹽課差官前去變賣銀兩解部以憑緊急支用已經題

准通行去後至今半年之上並無分毫鹽銀到部接厥所由蓋由商人譚景清等指以隨場買補爲名霸占市利商賈阻滯官課無從變賣

國用無由充足邊軍賞賜廢格而不行邊倉糧儲緊急而無措今本官又奏前因臣等委難區處合無將太倉銀庫見貯銀兩差官秤盤二十萬

兩星馳運赴前去陝西布政司交割聽本官從宜支用一面行長蘆兩淮巡鹽御史將商

關中奏議全集卷五

三五

川三

人譚景清等鹽課暫且停止待官鹽賣畢鹽法疏通之日戶部另行上

請定奪仍行賣鹽官員仍急解銀赴部量送陝西以備兵

荒之用差去官員合用裝載銀兩木鞘鉄種廩給夫馬等項行移兵工二部照例施行

一先年救荒供邊或令生員納米入監或令在京辦事當該吏典及見役辦事知印承差納

米免考入選得効甚速今俱有禁例止有農民納銀聽參知印承差吏典雖因供邊見行

而計其見收銀數不及萬兩終是所補不多合無查照先年事例通行陝西及附近河南

前件案查先爲傳奉事該戶部議擬山西河南

四川布政司兩考役滿吏典通吏納銀六十兩免其辦事考試就撥當該納銀九十兩免其辦事當該考試就與冠帶令典以下納銀

五十兩免其辦事考試就撥當該納銀八十兩免其辦事當該考試就與冠帶一考役滿令典以下例該轉參者納銀七十兩免其轉

參辦事就撥當該納銀一百兩免其轉參辦事當該考試就與冠帶俱照本等資格出身知印承差原係聽缺三年以下者承差納銀

一百三十兩知印納銀一百六十兩三年以上者承差納銀一百一十兩知印納銀一百

關中奏議全集卷五

美

川三

四十兩六年以上者承差納銀九十兩知印納銀一百二十兩免其在外愿事若愿役一

年之內者承差納銀八十兩知印納銀九十

兩二年上下者承差納銀七十兩知印納銀八十兩俱不候役滿各照例起送赴部承差

就撥辦事知印冠帶聽選銀兩赴本布政司廣積庫交納四川河南二處該衙門起送赴

陝西布政司上納完日各取實收繳送該司并吏戶二部查照至正德元年秋成之日停

止

前件案查先爲傳奉事該戶部議擬山西河南

山東順天府北直隸民間俊秀子弟身家無  
過百願納銀奉充都布按等衙門承差知印  
吏役者布政司知印一百二十兩都司知印  
并布按二司承差銀一百兩都司承差銀八  
十兩都司令典銀三十兩經歷司斷事司司  
獄司照磨所典銀十五兩布按二司吏典銀  
六十兩經歷司照磨所理問所司獄司吏典  
銀三十兩鹽運司并府令典司吏銀四十兩  
經歷司照磨所司獄司二十兩長吏司并州  
縣司典銀二十兩鋪長運運所倉場學局巡  
檢司吏典各衙所司典十五兩各於本處司  
關中奏議全集卷五

三七

川上川

府州納銀換次奉充其銀各司府州類總解  
部轉發支用等因已經題

准通行去後今都御史楊一清又奏前因除一考兩考役  
滿吏典納銀雜行外其聽缺知印承差照依  
應役年限納銀多寡數自悉依原擬施行并  
農民願納銀兩悉充知印承差吏典者仍查  
前例俱通行各布政司及順天應天南北直  
隸府州各照例收銀類總解部轉發陝西布  
政司支用如仕宦等項子孫在京願納銀兩  
奉充前役者徑赴戶部告納候年數願執邊  
方稍備之日停止

一軍民人等納米授以軍職係成化二十年間  
陝西救荒并宏治十四年供邊曾行事例今  
戶部擬奏供邊兵部議有窒碍欲待如果缺  
乏另行議奏舉行無非愛惜名器之意但今  
事勢窮蹙而所授止是虛名或可從權一行  
然但止行本處亦必願者不多而外處之人  
欲令親赴陝西亦或憚難少至合無通行陝  
西并河南四川湖廣浙江江西五布政司并  
南北直隸係本處者就於本布政司外布政  
司直隸就於該司府各上納銀兩百戶二百  
四十兩副千戶三百兩正千戶三百六十兩  
關中奏議全集卷五

三八

川上八

指揮僉事四百八十兩同知六百兩使七百  
一十兩各從該管巡撫官定與衛分帶衛間  
住其有官者每一百二十兩陞一級俱止終  
本身若後遇有軍功仍照例陞襲軍職不許  
上納都指揮以圖幸進外布政司直隸銀至  
千兩以上差人類解陝西布政司并本處各  
取庫收轉給戶兵二部查照若外司府願納  
人少候至明年三月終不及千兩之數不拘  
多小隨卽差人轉解以濟急用正德元年秋  
成之日停止

前件照得卽今地方多事全賴陞賞以激勵人



心若軍職容令納粟加官何人再肯樂於用  
 命除原任軍職難准亦合無止許舍餘軍民  
 先年上納軍職并今願告上納者悉照所擬  
 施行至指揮使而止舍餘就於原衛民人於  
 本處地方衛所帶閒閒住俱聽巡撫衙門定  
 奪銀兩類解戶部轉發例至正德二年停止  
 一陰陽醫學僧道官有缺許額內陰陽醫生并  
 其徒弟各納銀六十兩起送赴部免其考試  
 授以陰陽醫學并僧道官如無陰陽生願納  
 者許仕宦子弟并農民納銀一百兩各起送  
 赴部免考授以陰陽醫官此例停止本布政  
 關中奏議全集卷五

關中奏議全集卷五

川三十一

司納者甚少合無通行四川河南湖廣浙江  
 五布政司并南北直隸於各該司府照數納  
 銀完日徑自赴部聽選銀兩就與願納軍職  
 銀兩轉數併解至正德元年秋成之日停止  
 前件上納陰陽醫學僧道官俱依擬仍行各處  
 軍民客商并仕宦子孫不係見有職役者納  
 銀六千兩授以正七品散官五十兩授正八  
 品散官四十兩授正九品散官二十兩者冠  
 帶榮身其銀兩係兩京并順天應天地方赴  
 戶部及南京戶部各布政司并直隸地方赴  
 各司府州上納類解戶部轉發其劄付南京

戶部并巡撫官出給無巡撫官處布政司出  
 給同年穀頗熟邊方稍甯之日停止  
 一行據陝西布政司呈稱地方灾傷稅糧已蒙  
 減免惟禮工二部坐派羊隻物料除宏治十  
 六年以前拖欠之數已經蠲免外其餘尙俱  
 未免派徵恐致逼民逃竄如禮部派宏治十  
 八年下半年并正德元年二起俱共應牲口  
 事綿羯羊共二千四百六隻除已徵解一百  
 五十五隻外未解二千二百五十一隻大尾  
 羊三十四隻每隻價銀六兩工部派宏治十  
 七年三起一起供應器皿事一起成造神器  
 關中奏議全集卷五

關中奏議全集卷五

川三十一

事一起料造宏治十七年軍器等事共長柴  
 一千根煉鐵一千斤光俎綿羊皮五千張宏  
 真牛皮三十九張紅真牛皮七百八十張宏  
 治十八年十起一起建廟事一起年例事一  
 起成造修理盛甲等事一起查處會派顏料  
 事一起會計年例事一起成造事一起喪儀  
 事一起料造宏治十八年軍器等事一起營  
 造事共柁木六百八十七根柁木二千七百  
 二十四根散木三千八百九十根松柁木八  
 十五根長柴松木三千六百七十五根自真  
 黃牛皮三百張紅真牛皮三百三十張白硝

山羊皮三千六百張白綿羊皮一千四百張  
白硝鹿皮四十三張白甸驢皮前截三百截  
白硝馬皮前截十四截白山羊絨八十七斤  
白綿羊毛四千六百九十三斤八兩雜綿羊  
毛一千二百一十三斤茜草七百一十斤黃  
熟銅一千一百五十斤紅熟銅一千二百五  
十斤生銅七千五百斤有已派未徵者有因  
災傷暫停未派者乞為奏行蠲免改派有收  
地方徵納以甦民困等因據此看得前項年  
例徵派牲口木料皮張毛絨生熟銅等件俱  
係供應修造不可缺乏之物不取之此則派  
關中奏議全集卷五

聖

川上八

諸彼損被益此非臣下所忍言但陝西地方  
供給三邊委的十分疲憊當此時勢難為之  
秋若不暫為寬減官司懼罪未免逼追小民  
窮迫愈加逃竄合無除已徵解外未徵之數  
俱為蠲免改派有收地方正德二年以後陝  
西有收額派之物照舊派納庶合周官荒政  
薄征之意而民沾實惠矣

前件依擬禮工二部將原派陝西物料等項除  
已解部外未解者悉皆停止仍行陝西布政  
司將二部發去各項勘合類繳

一行據西安府知府馬炳然呈稱查得陝西軍

伍比別省獨多其清出實有之數常及四分  
之上但解一軍必妻小與僉俱必一長解一  
軍一解兩家往迴盤纏遠則二三十兩近則  
十數餘兩總計一州一縣一府之費其數不  
貲再有輪班匠人工價每年動以千計凶荒  
之年自給不暇此等差役其勢顧藉不周縱  
使強之終亦不能前進合無轉達將前項清  
出軍人軍丁及輪班匠人工價記名在官暫  
且停徵停解等因據此看得清軍清匠有司  
常職但遭荒之民救死不贍張而驅之勢必  
不堪合無除平漢臨鞏四府外其西安延安  
關中奏議全集卷五

聖

川上川

慶陽鳳翔四府災重州縣清出軍丁軍人及  
輪班匠人工價照依知府馬炳然所擬記名  
在官暫免停解待正德元年秋成之後照舊  
徵解施行

前件查得先為陝西地方饑荒已該都察院奏  
將清軍御史取回止令巡按帶管况今陝地  
饑饉非常兼遭虜寇擁眾深入人民不得安  
生合無依擬將西安延安慶陽鳳翔四府州  
縣清出軍人軍丁班匠記名在官暫且停解  
待豐稔之歲照舊起解

一近該刑部左侍郎何鑑奉

救清查處置流民照得陝西地方漢中一府及西安府所

屬商洛等五州縣山深地曠流民聚集數多相應查理其藍田迤北州縣地狹人稠本處士民尚鮮生理逋逃人戶似難仰給但聞此地人民逃往南山未聞他處人民逃居此地況今饑民嗷嗷朝不謀夕正在賑恤撫安之際若一槩清查流民誠恐激令逃竄徒勞無益合無除漢中商洛照例清查外其藍田迤北州縣俱免委官查理以安人心

前件近該刑部左侍郎兼都察院左僉都御史何鑑奏要回京另行覆奏

關中奏議全集卷五



川上

一各處設立預備倉專為凶荒之備見行事例三年委官查盤計算州縣大小積糧多寡以定官員賢否黜陟法非不善今陝西地方一遇災傷查支前糧全無積蓄雖有司官吏不才上司稽考不嚴所致然亦有故近年贖罪紙價俱折銀錢科罰米谷亦有明禁初例本為指稱修理防其侵剋入已而設各官緣此遂併倉糧亦束手不敢措置今前項州縣倉糧放支一空若不預為之處向後凶荒何所仰賴其窘迫又甚於今日矣合無通行陝西司府衛州縣大小問刑衙門今後經問人犯

贖罪紙價俱照舊例收納粟米或折納粟穀麥豆送入預備倉收貯以備賑濟待倉糧廣有積蓄之日另行定奪有司官員除指稱修理用強科罰米穀數多者照例施行外若因事許贖罰米穀送預備倉明立卷案不在科罰起送之限仍照三年一次事例查盤稽考前件查得先為應

詔陳言時政少裨

聖治事該陝西道監察御史石祿題戶部議得各該州縣

義民情願納粟囚犯贖罪納米及但有空閑官地湖池等項俱要佃收租米并贓罰紙價

關中奏議全集卷五



川上

引錢等項一應不係起解支剩無碍官錢盡數羅糧三年之內務足原數若例可區畫而因循不理或有那移侵欺情弊照例住俸參提中間若有不及三年查盤陞除事故等項去任者俱要申達本管上司委官查盤見數方許離任該管上司不行查盤明白容情起送放回者聽巡撫等官參奏治罪如果積穀原數之外尚有餘力量許加添不必膠於一定仍通行禁約只許收貯穀粟本色不許折收銀兩擾民等因已經題准通行去後今都御史楊一清又奏前因合無依擬通行

陝西所屬問刑衙門將一應經問人犯贖罪  
紙價准其收納粟米穀麥等項送預備倉收  
貯以備賑濟永爲常例不許更改若因事量  
罰米穀送預備倉有案存照者不在科罰起  
送之限仍照戶部題

准事例三年一次委官查盤仍通行各布政司并南北直  
隸司府州一體遵行

關中奏議全集卷之五終

關中奏議全集卷五

四

一  
二  
三  
四  
五  
六  
七  
八  
九  
十

關中奏議全集卷之六

巡撫類

一為地方事

兵部覆准禮部咨於禮科抄出巡撫陝西  
理馬政都察院左副都御史楊一清題准兵部咨該  
本部題前事照得各處巡撫等項都御史舊例在邊  
方者四月在腹裏者八月俱該赴京議事其遼東宣  
府大同山西延綏陝西寧夏甘肅俱與虜境相隣見  
令虜賊不時出沒正在用人之際不可暫時缺人督  
理合無行移巡撫等官今年俱免赴京議事各在地  
方條舉本等職業若有重大應議事件明白預先條

關中奏議全集卷六

陳差人齋奏照依舊例經該衙門會議奏

請施行等因題奉

欽依備咨到臣除將陝西重大地方事情另行具奏及瑣  
屑常事應該自處者不敢一一煩瀆

聖聽徑自從宜處置外今將事干各處地方益於政體宜  
於軍民不係見行事例該載者條陳數事乞

勅該衙門會議倘有可取奏  
請施行等因題奉

聖旨禮部知道欽此欽遵抄出備咨送司案呈到部看得  
巡撫陝西等處地方兼督理馬政都察院左副都御  
史楊一清所奏後開事件俱係裨益軍民有關政體

重務應合逐一議擬開立前件上

請定奪緣係地方及奉

欽依禮部知道事理未敢擅便正德元年二月初一日本  
部尚書劉大夏等具題次日奉

聖旨准議欽此欽遵擬合通行為此除外合咨前去煩照  
本部題奉

欽依內事理欽遵施行

計開

一復馬夫舊例查得洪武年間舊例在外司府  
州縣官員俱有

欽給馬匹僉選中等三丁民戶每馬一匹定撥十戶計人  
關中奏議全集卷六

丁三十丁出備草料輪流養馬如馬例死就  
令各戶買補行之百三十年並無別議後因

不才貪官需索馬夫供給數宏治七年該  
御史建言兵部奏

准比照柴薪皂隸定議出銀則例每戶四兩十戶共銀四

十兩給與各官自行買馬及雇人餵養宏治

十四年間又該給事中建言本部奏革去銀

二十兩每戶出銀二兩共銀二十兩仍送各

官自買草料餵養馬匹如有倒死申稟上司

支給在庫官銀買馬是皆因時救弊之術未

為不善奈何新例既行所得銀兩收為囊橐

中物誰肯文用且買草糶料紛紛與市屢交易亦多不便至於餒餉未免屬之在官之人孰肯雇役久之有馬不復愛惜馬死不復買補人夫有擡轎之勞驛馬有借騎之勞不借之驛傳則借之里甲甚至又令里甲置買傘轎鞍轡及出草料餵馬者比比有之弊端橫出蓋至於今而諸司之馬廐空矣近又許令無馬者支給在庫銀兩買馬於是乞討之移文相望而買馬者十無二三在官之出給無窮而在民之勞費如故本以息民而反病民本欲省費而反增費乃知我

關中奏議全集卷六

三

四

祖宗之良法美意不宜輕議變更蓋不但此爭爲然耳况凡厥有官廉者恒少不廉者恒多彼誠廉官必不需索馬夫銀物彼誠不廉所取正亦不在馬夫而已需索馬夫財物當坐贓罪彼猶不知警畏而謂擅騎驛馬私借里甲馬匹有禁足以保其必不犯乎徒失朝廷優禮臣下之意而顧有損於官民無益於政體邇者陝西山東等處巡撫官各嘗具奏乞復舊規該部以行之未久難又更改臣竊謂一法立一弊生因時制宜更之以復祖宗之舊無所不可此亦

皇上初政率由舊章之一端也除陝西司府州縣官員前項弊端臣通行嚴加禁約訪察外如蒙乞

勅兵部從長議處合無仍照洪武年間事例通行南北直隸并浙江等十三布政司將各官騎坐馬匹定撥中戶十戶每戶三丁共三十丁就令輪流在官餵養馬匹置買鞍轡若馬匹倒死各丁自行買補官有事故陞調去任前馬收存新官騎坐此外但有一毫科索馬夫財物等項許巡撫巡按訪察輕則報以不謹重則參提問罪罷黜如此官民實爲兩便

關中奏議全集卷六

四

四

前件查得在外司府州縣官每員撥市民三十丁買馬餵養以備官員騎坐此是洪武年間以來舊例近因言官建議更改納銀令其自行養馬法屢變弊愈滋本欲息民而反病民本欲省費而反增費誠如本官所言者合無本部通行各該巡撫巡按將納銀事例革去悉照祖宗舊例轉撥市民三十丁置買馬匹鞍轡輪流餵養如馬倒死就令各丁買補舊官去任前馬存留新官騎坐敢有餘外需索馬夫財物分毫許被害之人指實具告巡撫巡按官處應拿問者拿問應奏者奏

奏施行

一定支應則例查得陝西鎮守太監處每日京兆驛支應銀八兩四錢以一歲計之該銀三千餘兩鎮守總兵處每日支應銀五兩六錢以一歲計之該銀二千餘兩通計二處歲該銀五千餘兩買辦油鹽醬醋柴炭所費未必如是之多况不時之需又有不在此數者乎以此該驛站糧價銀之取較之舊時其多數倍所司累欲裁減掣肘中止訪得各處鎮守衙門該驛支應輕重多寡不一然亦無有如陝西京兆之多者陝西往年支應亦無此數

關中奏議全集卷六

五

不知添自何時恐日後恃為合得月增歲益民何以堪且陝西三邊經費所出大半仰給西安州縣兵荒之餘奄奄喘息苛征浮費此其一端既往不須深究方來當為之所除行陝西布政司查禁裁省外誠恐各處亦有此弊輕重不均廉貪莫辨民愛其患不獨陝西為然如蒙乞

勅該部查議各處鎮守太監總兵等官除本等廩給外應否折支調和蔬菜柴炭油燭等項價銀若干如果相應合無定與則例通行遵守使廉者有養贍之資貪者無漁獵之害敢有憑藉驕

橫仍前額外勢逼威索者聽巡撫巡按指實糾舉如此則站價可減民困少蘇地方幸甚前件查得

祖宗舊制差使大小官員經過者日支廩米三升有事地方者日支米五升連下飯油醬等項俱在其內近年各處鎮守內臣或稱日用不足別加柴肉鹽醬等項者然亦未聞有如陝西前項之甚必是先該司府州縣驛遞不才官員止知承奉不顧小民患害日增月益以致如此况日逐使客數多總計費用無算該驛庫子必致破家陝西連歲天灾此其咎徵一端

關中奏議全集卷六

六

也今該巡撫官奏發相應查處合無本部移咨陝西巡撫都御史并行巡按御史行令所屬州縣驛遞衙門今後本省鎮守內臣除本等廩米五升外每日猪肉不得過五斤鷄不得過二隻柴七十斤炭二十斤油一斤鹽醬各一梳燭三對小菜三樣若是逐日供送勞擾十日半月總計聽從其便所司敢有仍前分外剝民脂膏曲意諂奉者許巡撫巡按官嚴加訪察拿問黜罷仍通行各處巡撫巡按查勘凡有不遵

祖宗舊制濫取害民之事務要禁約改正若舊能遵守成



法不許因此做做分外加增其餘公差官員人等并奏帶頭目等項該支庫給口糧悉遵制而行

一為地方事

戶部覆云看得督理馬政都御史楊一清所題事件係隸各衙門掌行擬合通行除外合就開咨前去煩為徑自查照施行

計開

一稽考軍衛錢糧據陝西按察司提學副使王雲鳳呈查得陝西西安左等衛除額設正軍之外有日奇名舍餘冬操夏放每年自十月關中奏議全集卷六

七

川十

至來年二月每日口糧一升每月食糧三斗小月二斗九升若有騎操馬者食糧一石本色六斗折色四斗每年布二疋綿花一斤有日抽選武備常操舍餘有馬該糧一石本色六斗折色四斗布一疋花一斤無馬止食糧六斗有日舊招募義勇每月食糧四斗有日招募土兵即新招募義勇每年冬操每月食糧三斗自十月起至次年三月止布一疋有日屯軍有馬食糧一石本色六斗折色四斗布二疋花一斤八兩無馬每月食糧四斗每年十月起至次年二月止布一疋花一斤八

兩有日起調護衛遺留餘丁內投充常操者食糧一石本色六斗折色四斗備冬者每年十月起每月本色糧四斗至次年二月止中間又有逃而復回回而不行投首當差却收糧而又逃者有死而勾補補而不當原差食糧於別項下者其寄名屯軍禦冬備邊者十月內起身赴邊之日隨身每日行糧一升五合在衛月糧就該截日住支頭緒繁多未易悉數雖有智者莫能卒解因此久慣識字人等及本所掌印千戶遇關支糧賞造冊之時作好百端或將無馬混作有馬或將冬操概關中奏議全集卷六

八

川之川

為常操或將寄名并屯軍赴邊之後不行住糧及逃故不除姓名暫除旋程見在并詭名重名等項每年一衛盜支糧千餘石布千餘疋軍士頭緒每衛亦不盡同陝西共該四十餘衛其弊始不可勝計上司官員若非因人告發安能得其肯綮間有知者又因人眾往往置而不問即今在在倉庫空虛此亦所致一端近將查出盜支識字人役并衛所及該倉官吏治罪監追若不專官管理則民日飢而士終不可飽糧日進而倉終不可實及官軍俸糧折色錢鈔馬價均徭贓罰銀物預備

倉糧并馬匹草料其類此合無差委按察司管屯官員兼管稽考所屬各衛所月糧布花馬匹草料及馬價錢鈔均徭贓罰銀物預備倉糧等項一應錢糧奸備仍於本官

初書內載入以便行事則每年當得數萬錢糧於侵盜之手軍足食而奸弊革矣等因具呈到臣案查近該臣訪得西安在城三衛官軍俸糧布花及在庫官錢多被經該官旗軍吏人等盜支盜賣侵尅數多積弊有年千碍人衆難盡稽考已經劄委按察司提學副使王雲鳳會同管屯僉事胡經吊取近時卷簿查究呈來施關中奏議全集卷六  
九  
川上  
行去後續據各官會呈查出盜支倉糧二千三百五十二石八斗一升七合折銀一百三兩一錢七分三釐七毫銅錢八萬九千九百二十六文折色銅錢三千二百三文鈔三千五百一十貫侵尅賞賜冬衣布花大布七百五十四疋折花銀三十二兩七錢三分此外侵欺科歛求索局騙枉法等贓不止一端且據一時卷簿所查尙有此數歲復一歲所侵盜不知幾何近而省城附郭衛分尙有此弊遠而在外及各邊衛所其爲弊不知幾何是皆百姓膏血之餘軍士不得實惠而徒爲奸

人漁獵之資深可痛恨夫利之所在人必趨之錢糧出納之際奸弊易生固不止軍衛爲然而軍衛爲尤甚如前各項軍人頭緒如此之多該關糧賞則例不一至於備邊輪戍之數逃故不常該關該扣日異而月不同以至積年旗吏夤緣爲奸不才官員通同作弊勢使然也此非細心稽查何由知其詳悉而按

二司巡守管糧等官政務繁多案牘填委不無顧此失彼副使王雲鳳所呈欲委按察司管屯兼管稽考所屬各衛所錢糧奸弊不爲無見竊恐此弊不獨陝西爲然天下衛所大關中奏議全集卷六  
十  
川上  
抵相同如蒙乞  
勅該部詳議合無通行南北直隸及各按察司各委管屯官員兼管稽考所屬各衛所月糧布花馬匹草料及馬價錢鈔均徭贓罰銀物預備倉糧等項一應錢糧奸弊仍於本官  
勅書內載入以便行事其馬價均徭預備倉糧贓罰銀物各項錢糧俱委經歷專一經手經歷缺官知事署印帶管經歷知事俱缺從管屯官暫委別衛首領官或文職雜職官管理不許本衛徑委千百戶鎮撫等官每年終將稽考查過軍衛錢糧奸弊拿問過人犯開報巡撫巡按

57 甲 264

28

用以驗其職業修否其巡守管糧等官仍要  
照舊詢訪稽考若有奸弊徑自施行亦不許  
侍有管屯官專管推托不理如此則弊端漸  
革軍食稍充而奸人不得肆志穩惡矣等因  
備咨送司案查先為缺官事准吏部咨該本  
部題

准已經照例請

勅一道付僉事胡經親資前去陝西按察司到任專一提  
督陝西都司所屬各衛所管屯官員人等務  
要及時耕種完足屯糧禁革奸弊去後續為  
分巡事該陝西按察司奏稱甘肅地方添設  
關中奏議全集卷六

僉事一員請

勅往來甘肅等六倉并行都司廣盈庫監督收放錢糧禁  
革奸弊兼管屯田水利三年一換該本部題  
准又經請

勅一道馳驛資付僉事官賢欽遵於甘肅等六倉管理糧  
儲兼管水利并提督陝西行都司所屬甘州  
一十五衛所屯田務要倉糧無弊水利疏通  
屯糧及時子粒完足各倉收糧官攬人等有  
弊各衛所管屯官員軍士耕斂失時以致倉  
糧有虧子粒拖欠屯軍失所水利壅滯應拿  
問者就便拿問應奏者具實奏去後今

該前因案呈到部看得都御史楊一清奏稱  
陝西西安在城等衛官軍俸糧布花及在庫  
官錢等項多被經該官吏人等盜支盜賣侵  
尅漁獵積弊有年非止一端又恐此弊不獨  
陝西為然天下衛所大抵相同要行詳議通  
行南北直隸及各按察司各委管屯官員兼  
管稽考所屬一應錢糧奸弊仍於本官

勅書內載入以便行事及各衛所錢糧俱委經歷知事掌  
管不許本衛所徑委千百戶等官一節深為  
有見合無依其所奏將各處管屯官員各另  
請

關中奏議全集卷六

七

七

勅一道將各該衛所月糧布花馬匹草料及馬價錢鈔均  
徭賦罰銀物預備倉糧等項錢糧奸弊俱令  
兼管稽考不獨屯田水利官吏旗軍人等有  
犯不分軍政掌印管屯管倉應拿問者聽本  
官徑自拿問應奏者奏拿問其馬價均  
徭預備倉糧賦罰銀物等項錢糧俱委經歷  
專一經手經歷缺官知事署印代管經歷知  
事俱缺聽該道守巡并管屯官選委別衛首  
領官或文職官管理不許本衛徑委千百戶  
鎮撫等每年終將稽考過軍衛錢糧提問過  
人犯數目開報巡撫官驗其職業庶錢糧易

於查考奸弊易於革除緣係專官稽考軍衛  
錢糧事理未敢擅便正德元年二月十八日  
本部尚書韓文等具題次日奉

聖旨是欽此欽遵擬合通行爲此除行都察院轉行浙江  
等十三按察司并南北直隸地方各管屯副  
使等官將原領

勅書差人徑自具奏更換外合行備由移咨前去煩照本  
部題奉 欽依內事理欽遵施行

一爲地方事

題爲地方事准兵部咨該本部題前事照得各處巡撫  
等項都御史云云等因題奉

關中奏議全集卷六

七

川之

欽依備咨到 除將陝西地方重大事情另行具奏外今  
將事于各處地方不係見行事例該載者條陳數事

乞

勅該衙門照例會議可否奏

請施行緣係條陳地方應轉事件事理謹題請

計開

一維持憲體應得在內監察御史在外按察司

皆風憲官爲

朝廷耳目關

國家元氣御史巡按一方吏治屬否民生休戚所係其

責尤重錮貪祛暴乃其職任近年以來問發  
及奏劾文武官員多被反許毛舉細小過失

摭拾不干已無根之詞輒蒙併勘查得見行  
條例文武官吏人等犯該爲民等項罪名不

分已未結正伸訴冤枉者准行辯理其有妄  
奏冤枉摭拾原問官員勘問涉虛原問爲民

者發口外爲民原問充軍者發極邊衛所充  
軍前項禁例不爲不嚴但人安得無過既行

併勘勘官意得兩全往往遷就出脫奸人恣  
爲得討夫人莫不好榮而惡辱此風若行其

不相率而爲姑息避事者鮮矣使風憲失職  
關中奏議全集卷六

十

川上

奸貪得志民受其害豈

朝廷之福哉且御史出巡回日自有本院考覈京官又  
有十年一考察之例按察司賢否自有巡撫

巡按開報考語三年又有朝

覲黜陟之典豈憑所問發舉劾之人言詞以爲輕重哉臣  
請今後監察御史按察司官已經問發爲民

文武官吏人等及舉劾官家勢要人員果有  
寬枉止許將所枉之事明白開陳奏訴照例

行無碍衙門勘問辯理敢有摭拾原問官員  
過失不拘事情輕重將原詞立案不行仍查

照原擬從重歸結庶可杜絕小人奸計而內

外憲臣皆得展布四體以事其事矣

一稽覈新軍照得各處清理軍伍舊例各州縣委掌印官各府委同知布按二司又各有堂上官一員以總理之又

物遣監察御史一員以董其事三年一換定與分數以驗功績立法防範可謂甚嚴然行伍日見消耗邊堡未聞充實彼推移版籍埋沒姓名變亂於里書之手莫之能稽者其弊固多然有司破所清解十常四五而衛所見在收役百無一二蓋因原籍原衛相離地遠兩不相照清軍憲臣但知此有清出解過之數又焉知彼關中奏議全集卷六 十五

無着伍應役之實該管官旗既不依例存恤却乃任情作弊有方出收管隨卽得錢賣放者有將盤費搜索殆盡只得隨逃者亦有着伍之後被其侵剋糧賞百般科害貧不能存以致在逃者故批解方獲原軍已回今次解補之人卽下次清勾之數以爲常事以官司經年督責之勞小民闔門津貼之費殘民肌體剝民脂膏而徒爲官旗漁獵之地深可痛恨及今不爲之處將來其弊滋甚 臣請今天下清軍御史清解州縣軍丁之外兼督察稽覈該管地方衛所新軍先期通行各處清軍

御史每年終將清出南北直隸各布政司已

解出軍人某衛若干某所若干開造文冊差人分投資送各該清軍御史各該御史按臨但有衛所去處照冊比較查考如某處冊開解補新軍某某該衛所不見投到卽係原籍有司官吏里老故縱不解虛文搪塞如已解到務拘本軍正身審問有無存恤剝削情由如正身在逃卽將該衛所官旗比較各行原該清軍御史務追究出州縣容縱衛所賣放剝削實情應提者提應參者參各從重問結其無清軍御史去處按察司清軍官一體照關中奏議全集卷六 十六

例施行開報功績務將取有衛所收管軍人方准作數仍乞將前項事宜增入清軍御史欽奉

勅內以便行事如此則事體相須彼此相制人知警畏宿弊可以漸除行伍可以漸充矣

一處置軍生成貢據陝西按察司提學副使王雲鳳呈照得天下各府州縣儒學歲貢皆於廩膳年深數內考選惟都司衛所學校原無廩膳直於闈學生員內論入學年深因此軍生既得入學多不讀書苟歲考免於黜發則計日得膺歲貢提學官員間有不論年深取

曾經考中科舉者充貢然軍生得與科舉者甚少恐致入學年深不曾科舉者老於無用徒有不均之嘆殊無振厲之意合無將天下都司衛所學校照府州學廩膳名數從提學官考定儲養挨次起貢號為挨貢名色仍不食糧該貢之年照例考選及歲考驗其問學消長以爲去留如此則軍生有階級漸進自此始奮發讀書之志而應貢者皆精選素教勤學可用之人矣等因備呈到臣看得都司衛學因無食糧之例止以入學年深者起貢中間文學雖優籍名在後苟不得志於科場

關中奏議全集卷六

七

川志

比老無階身之路委的賢愚同滯士氣無由振興欲令食糧則邊儲有限供給不敷若依副使王雲鳳所擬將天下都司衛所學校照府州縣廩膳名數從提學官考定儲養挨次起貢號為挨貢名色仍不食糧如原係一年一貢如府學者定爲挨貢四十名四年三貢如州學者定爲挨貢三十名兩年一貢如縣學者定爲挨貢二十名該貢之年照例考選及歲考驗其學問消長以爲去留如初考堪取挨貢不及前數不必拘泥止儘見在相應之人餘缺之以俟來考如此既可振勵人才

又不糜費糧餉乞 勅禮部計議採擇施行  
爲地震事

題爲地震事據陝西布政司呈據慶陽府環縣申據木縣陰陽學牒呈據直日陰陽生郝曇呈照得本縣宏治十八年六月初十日癸亥約午時分忽從東北地震二次響聲往西南去訖搖動軍民房屋理合呈乞施行等因到學擬合就行爲此合行牒呈本縣乞爲轉達施行等因據此擬合通行爲此今將地震緣由理合各另申報伏乞照驗施行據此擬合通行爲此除外理合備由呈乞照驗施行等因具呈到臣案查先據平涼府固原州申稱本年六月初十日午時正

關中奏議全集卷六

六

八

二刻地震緣由前來已經具  
題外今據陝西布政司呈備環縣申稱前項日時地震二次有聲搖動軍民房屋等因照得陝西固原環慶二處最爲要害重地先年套賊入寇不窺環慶必犯固原創傷困苦之餘生意未復今二處地方同日地震竊恐夷狄猾夏之患或不能無且災變之來必有攸自人事乖違則陰陽舛錯今一歲之中災異疊見地道不寧皆由百司庶職曠官怠事所致而臣濫總風憲不能奉宣  
德意振肅紀綱撫安兵民其責猶重除通行一體痛加修省及督令各邊關隘城堡嚴謹武備防禦虜患外緣

係地震災異事理謹具題 知

一為旱災事

題為旱災等事據陝西布政司呈據西安府申備邠州并涇陽咸寧長安三原盩厔醜潼武功鄠縣申又據本府所屬乾州并咸陽富平醜泉蒲城四縣申各據里老趙剛等呈宏治十七年八九月間雨澤少降土脉乾燥安種麥豆俱未長茂至宏治十八年三月內纔得微雨麥豆正當吐花秀穗之時四月又旱無雨兼被狂風吹刮不得堅實青乾無收其有收者多不過二三分即今五月芒種時候為因無雨土乾秋田不得安種人民驚惶無所依仰見今徵派稅糧委的

關中奏議全集卷六

六

× 〇 〇

辦納不敷必致小民逃竄乞為轉達分豁便益等因各備呈轉申到司又據延安府申備鄜綏葭三州膚施甘泉安塞保安安定清澗延長延川宜川洛川中部宜君吳堡神木府谷米脂一十六縣慶陽府申備寧州安化合水真寧環縣鞏昌府申備隴西寧遠伏羌西和漳縣等州縣申并據西安左前後延安慶陽鞏昌六衛及西安右甘州中二護衛各呈同前事又據平涼府所屬靜寧州隆德莊浪靈臺崇信四縣各申自本年四月十四日至二十等日連降嚴霜致將麥豆殺傷多半又被日久無雨風吹日晒以十分為率約有八九分枯死乞要分豁稅糧等因案查先為

處置災傷事承准戶部陝寧四百二十四號勘令該本部題合無通行天下司府州衛等衙門今後遇災先行合干上司類總

奏報委官之際務要親詣被災處所從實檢踏不許因而受財聽囑以熟作荒一面行移巡按御史及按察司官再行從公覈實將有災該徵該免田糧分數定擬明白造册

奏繳本部再行斟酌區處奏

請免徵等因題

准備行前來已經通行遵依去後今據前因緣係民情災

傷事理合呈乞照驗施行等因據此查得前項府

關中奏議全集卷六

三

× 〇 〇

衛州縣陸續申報前情到 俱各相同切照陝西各府衛地方供給三邊糧草重大差役浩繁節因達賊侵犯兼天年薄收飢饉逃亡生氣未復即今

欽命大臣處置邊儲催徵積年拖欠未完糧草幸得年豐有收方可供辦今所在告報災傷夏田既多無收秋成恐亦難望雖中間輕重不同虛實難保終是實有災傷去處為多而西安府所屬附近州縣被災尤甚且民惟邦本賦由民出今公私匱竭倉庫空虛各邊軍士張口待哺急之則有民窮盜起之憂緩之則貽後時失事之悔夙夜驚惕不知所處除行陝西都布按三司轉行各該守巡等官親詣前項申報災傷衛



所州縣選委隔別廉幹官員會同各掌印官從公踏勘如果災重即便多方設法賑濟毋令失所稅糧暫停追徵待具

奏定奪若災不甚重將該徵稅糧酌量處分從輕改派折納或撥附近倉分上納其不成災及災輕去處糧草責令依時追徵不許延捱失誤中間如有受財聽囑以熟作荒情弊就便拿問取具踏勘過災傷輕重稅糧該徵該免分數緣由回報另行具

奏外緣係地方災傷事理謹題 知

一為旱災事

題為旱災事據陝西布政司呈據西安府申節據華耀

關中奏議全集卷六

三

x 1

同邠乾商六州并咸寧長安高陵淳化渭南蒲城白水永壽朝邑涇陽藍田邠陽華陰三原澄城臨潼與平武功三水同官韓城醴泉咸陽富平鄠縣二十五縣申據各該州縣災民田惶等咨稱境內地方宏治十八年四月五月無雨夏田薄收稅糧辦納不前六月初旬僅得微雨安種秋苗未及長茂自本月至八月初旬六十餘日一向亢旱無雨又兼狂風晝夜不息官司竭誠祈禱止獲微雨灑塵致將各民所種糜粟菽豆等苗俱各吹晒焦枯秋成無望人民十分飢荒陸續逃移出外趁食去訖糧草無從辦納乞為轉達合于上司踏勘分豁賑濟撫恤等因備由轉申

到司又據本府所屬洛南縣延安府所屬綏德州并中部吳堡宜君米脂四縣慶陽府寧州并真寧縣鞏昌府階州并文縣臨洮府蘭州鳳翔府岐山郿縣二縣甘州中護并綏德蘭州山丹四衛階州鳳翔二千戶所各亦申呈前事案查先為處置災傷事承准戶部陝字四百二十四號勒合該本部題合無通行天下司府州縣衙等衙門今後遇災先行合于上司類總

奏報委官之際務要親詣被災處所從實檢踏不許因

而受財聽囑以熟作荒一面行移巡按御史及按察

司官再行從公覈實將有災該徵該免田糧分數定

關中奏議全集卷六

三

x 1

擬明白造冊

奏繳本部再行斟酌區處奏

請免徵等因題

准備行前來已經通行遵依去後今據前因照得陝西延綏寧夏甘肅三邊并固靖環慶一帶倉場糧草仰給入府人民輓輸而延安府就近供給延綏慶陽府就近供給寧夏西安一府地廣糧多計其歲徵之數將及通省之半逾年供給諸邊所賴尤重三府不收則別府雖是全稔尚且所補不多况鳳翔府隣近西安縣分早與西安相同所司稽於申報其平漢臨鞏四府所屬未報災傷州縣得雨亦遲必非全熟今西安

等府人民因見旱災異常米價騰貴流移就食者接踵于道查其預備倉糧又俱存積數少官府帑藏類多空虛皆由宏治十四年以來連遭虜患乞運修邊等項糜費不貲所致兼以陸地不通舟航民俗鮮尚儲蓄縱使傾倉出賑亦難盡週流亡若至來年春夏之間私糴官廩皆空寔免相視轉死竊聞之救荒之政賑濟不如免糧蓋賑濟則人或容奸免糧則民沾實惠故賑濟雖未敢後而免糧尤所當先呈乞照驗施行等因到臣案查先據陝西布政司呈備西安等府州縣申報夏田災傷緣由前來已經具

題去後今據前因查得前項府州縣陸續申報前情俱

關中奏議全集卷六

書

XXX

各相同及訪得西安府所屬州縣災傷尤甚竊緣陝西為天下重地西安一府又陝西根本重地三邊仰給多係於此兵荒之後民窮財盡加以邊方多事糧草催徵勢不可緩不幸亢陽為虐雨澤愆期夏麥既已不登秋田又失播種百姓嗷嗷流離載道延至明年春二三月青黃不接溝壑轉徙之患何可勝言方求賑卹事宜又苦倉無積蓄該司所呈賑濟不如免糧深為有見蓋邊儲固當急圖邦本尤須深植假令百姓逃亡失業向後邊儲愈虧所謂皮之不存毛將安附言之痛心但就中論之災傷不能無輕重人戶不能無高下惟在稽覈得實庶不虧官損民除行分

巡分守委官檢踏明白災重地方極貧人戶多方設法賑濟稅糧暫停迨徵取具踏勘過災傷輕重稅糧該納該免分數回報另行具

奏外緣係旱災事理謹具題 知

一為地震事

題為地震事節據陝西布政司呈據西安府同州邠陽縣申准本縣陰陽學牒呈據直日陰陽生張輅呈宏治十八年九月二十日已正三刻不意從西北上地震響聲如暗雷動往東南去訖具呈到學轉呈到縣理台申乞施行據此又據本州韓城縣申據本縣直月陰陽生馬景葵呈本日已時初刻從西南地震往

關中奏議全集卷六

書

个文

東北去已未又震二次亦往東北去俱有聲又據延安府申據本府陰陽學申據直日陰陽生張文達呈本月二十一日已時分本處地方從西北方向東南地震二次將軍民房屋牆壁搖動又據本府洛川縣申准陰陽學牒呈據陰陽生武政呈本月二十日已時初刻忽然地震有聲如風牆屋俱動頃刻方定又據慶陽府申據本府陰陽學申據本學陰陽生張祿呈本日午正三刻忽從東南地動往東北去訖本日戌初三刻仍前復動一次等因各備申到司轉呈到臣照得鎮守陝西武安侯鄭英患病會同鎮守陝西太監劉雲議查得陝西西安平涼等府朝邑固原等

州縣自今年二月以來地震有聲非止一次節經具  
題及通行所屬司府州縣衙所官員修省去後今前項  
府縣地方又節申地震有聲如雷如風搖動軍民房  
屋一方地道在在不甯是皆軍民愁苦之象夷狄猾  
夏之徵臣等備員鎮巡不能督率諸司修舉職業以  
圖

天意其罪莫贖况西安延安慶陽三府所屬州縣今年俱  
被災傷人民飢饉流移不能聊生且密邇邊方警報  
未甯虜情難測除痛加修省及通行軍衛有司沿邊  
城堡賑卹飢荒撫安軍民修舉武備防禦虜患外緣  
係地震災異事理謹具題 知

關中奏議全集卷六

五

十一

一為處置災傷流移事

題為處置災傷流移事照得西安府所屬華耀同乾等  
州咸陽臨潼三原渭南高陵華陰朝邑富平等縣地  
方今年四五月間雨澤少降夏麥被晒枯死者多收  
成甚薄六月七月一向亢陽不雨秋田不得安種間  
有種者多不出土人民憂惶貧民無底業無手藝者  
往往扶老携幼逃入南山商洛漢中等處趨食自八  
月旬以來方纔得雨秋田雖已不救二麥幸皆安種  
人心稍安若得今冬瑞雪霑足來春時雨調勻可無  
大患但奄奄喘息之民即今已不能堪欲便通行賑  
濟倉糧有限恐明年青黃不接之際無以為繼查得

各處預備倉之設本為凶荒之備見行事例量州縣  
大小里分多寡定擬積糧數目以為勸懲及三年一  
次委官查盤立法非不嚴密奈何有司官員多不留  
意於此且陝西頻荒大兵之後民窮財盡供邊修邊  
等費徵斂不給勢難別項措置又因折錢折銀之例  
行而贖罪紙價之根遂少倉廩空虛職此之由臣待  
罪巡撫外防虜患內憂民難夙夜驚懼不知所處已  
經播告司府衛所州縣大小官員痛加修省勉盡職  
業省事節用一切工作悉皆停止一夫不許擅役一  
應浮費悉皆查革一錢不許妄用其人民十分貧難  
眼前不能存活者取勘的確就便驗口給糧不使失  
所及將各

關中奏議全集卷六

美

六

王府文武衙門官吏旗軍人等應支粟米照依時價折  
與銀錢存省見在倉糧以備明春賑濟并勸諭積有  
根米得過之家照常放糶不許阻遏仍行問刑衙門  
經問有力人犯贖罪紙價暫照舊例納米以少充倉  
儲逃移人民分投差人招撫復業其貧病飢餓不能  
卽回者暫於南山所在州縣報名在官量為給糧賑  
救免致填委溝壑待春暖稍蘇發遣回還與凡救災  
卹患事宜應施行者徑日施行災重應免稅糧并重  
大事情另行具  
奏定奪外緣係處置災傷流移事理謹具題 知

一為慶 賀事

題為慶

賀事據西安府申承奉陝西布政司劄付抄蒙臣案驗  
仰本府轉行同知任奎照舊管理捕盜事務另委相  
應官員賞進慶

賀表文如無相應堪委官員徑自申稟定奪奉此案查

先為前事已行同知任奎賞

進今奉前因查得本府同知沈理清軍通判梁國用管  
糧推官田春理刑俱委徧歷所屬賑濟貧民惟有知  
府馬炳然掌管印信再無空閒堪委官員理合申乞  
照詳定奪等因到臣仰惟

關中奏議全集卷六

川川文

皇上嗣登寶位在外司府州五品以上衙門例該行委堂

上官一員賞捧慶

賀表文投

進除都布按三司并各府州衛俱委堂上官一員賞

進外查得西安府原委進

表同知任奎近因本府所屬州縣人民飢荒流移盜賊

生發本官係撫民官已經行合暫且照舊撫民捕盜

以防意外之患別委相應官員賞

進去後今申前因臣切惟賞進慶

賀表文乃臣子敬

君之禮天下之事莫重於此但西安一府外供二邊為陝

西根本重地奈何今歲夏秋田禾俱各災傷無收人

民十分飢饉扶老携幼流徙他方盜賊乘機剽掠人

心憂惶况河凍在邇北虜驕橫難保不久河套為患

萬一擁眾近邊夷狄外擾人民內困根本搖動事變

難測及查得近准戶部咨為旱災救荒事該陝西鎮

巡等官具

奏地方災傷緣由本部題奉

聖旨是陝西災傷重大着楊一清好生設法賑濟毋致失  
所欽此欽遵臣受

命競揚不遑寤處即今分巡分守等官督委本府同知通

判推官等官沈理等分投前去三十六州縣分同各

關中奏議全集卷六

川川文

掌印官查放倉糧銀兩設法賑濟及行同知任奎嚴

查禁捕盜賊撫安流移地方廣闊尚慮顧理不周別

無空閒官員堪以委用倘或誤事關繫不小欲待各

官事完方纔賞進

表文又恐有誤慶

賀之期如蒙伏乞

聖明俯念地方事重保障為急乞

勅該部計議合無將西安府堂上官不為常例俱存留在

任整理前項事務行委首領官一員賞捧慶

賀表文投

進惟復待地方人民稍安之日仍行堂上官賞

進不勝幸甚緣係乞留官員賑卹人民保障地方事理未敢擅便謹題請 旨

一爲考選軍政官員事

題爲考選軍政官員事准兵部咨該本部題稱宏治十八年又及五年之期內外軍政官員例該通行嚴加考選每都司每要掌印一員佐貳二員等因題奉

欽依備咨前來照得鎮守陝西武安侯鄭英患病臣會同

鎮守陝西太監劉雲巡按陝西監察御史李春議查

得陝西都司原選軍政掌印都指揮使楊敬佐貳都

指揮僉事房懷把琮俱推陞去任看得陝西地方廣

闊內連八郡外控三邊爲根本機要重地都指揮使

關中奏議全集卷六

无

八十一

司管轄三十餘衛所軍馬數多掌印官必得通敏老

練之人然後事有統紀人無玩易本司見有都指揮

僉事費梁等用之佐貳雖有可觀用之掌印則多不

及推訪得原選軍政佐貳今守備蘭州都指揮僉事

房懷事體練達才識優長陝西官軍素所信服且守

備之任固在得人而都司掌印一方兵政修否所關

事體尤重緣係兵部推舉奉

勅守備官員臣等難擅定擬如蒙乞

勅兵部訪察合無將房懷改任本都司軍政掌印使之約

束官軍修舉兵政就乞於陝西武臣中推舉相應官

一員守備蘭州地方防禦虜寇居重馭輕既適其宜

安內攘外兩無所失不勝幸甚緣係推舉方面軍政掌印官員事理未敢擅便謹題請 旨

一爲分理誣枉事

題爲分理誣枉事據陝西按察司呈問得犯人孟統招係陝西西安府咸陽縣知縣宏治十五年九月失記

的日有在京錦衣衛周指揮帶領旗校前來陝西地

方勘事因遇冬寒各旗校共贖銀五兩央晚先任本

布政司左布政使文貴要買羊羔皮襖有文布政訪

得咸陽縣出產羔皮自合差人照依時價兩平收買

爲當不合輒差已發落承差王機將前銀牌發本縣

關中奏議全集卷六

羊

八三

責合統亦不合要得奉承上司就拘今在官皮行王

祿并欽等一十九名到縣并欽亦不合將今在官一

般皮行王名并伊父王志善弟王泰姓名俱供報在

內統與先問發令未到工房典吏淡友習各明知彼

時時估大羔皮一張值銀二分五釐以上至二分五釐小

羔皮一張值銀一分五釐以上至二分大小不等約

計每張值銀二分統等各不合估作一分王機亦又

揀要一色大皮每張各值銀二分五釐以致王祿等

買皮二百張每張陪銀一分五釐除給前銀二兩仍

共陪銀三兩本年十月內統將買完前皮并剩銀三

兩差今在官老人高俊解送文布政處驗得皮好價

輕仍將剩銀三兩令高俊帶回本縣給與王祿等領

補原陪銀兩訖宏治十六年正月失記的日文布政  
又因本家要做皮襖亦明知係監臨官不該發價下  
縣買物因查已問革今在官本司候缺吏魏勝係本  
縣人不合就差本役費銀一十兩仍發與統易買不  
拘大小羔皮五百張統不合又拘皮行王祿等二十  
三名并先問發今在官皮匠晁安到縣驗皮大小給  
價照數買完大約每張用銀二分不曾陪價魏勝在  
縣親收不合每皮一張乘機索要王祿等銀二分共  
索銀五兩入已統不行具申究治仍差高俊同  
魏勝將皮解送文布政收用本年五月初八日文布  
政因前買皮張破壞數多不敷做用不合又將銀二

關中奏議全集卷六

三

兩付與先問革今已故候缺吏寶景賜送與統不  
合仍照前價行拘王祿等二十四名給買羔皮一百  
張寶景賜在縣親收亦不合做魏勝於王祿等名  
下每皮一張索要銀一分共索銀一兩入已統亦不  
合不申究就差今在官醫生邊錫同寶景賜將皮解  
送文布政收用訖本年十二月初二日有按察司見  
任僉事胡經出巡不在伊未到官義男胡清不合將  
銀一兩四錢差已問發今未到皂隸姚旺并宏治十  
七年四月失記的日有本布政司右布政使今陞貴  
州左布政使致仕陳孜未到官男陳大剛不合將銀  
二兩使令先問發今未到皂隸呂岩各亦不合依聽

將銀賚送統處又不合仍拘王祿等二十四名各照  
前價將胡清銀一兩四錢買大小羔皮七十張今差  
在官老人王昶送與胡清陳大綱銀二兩買大小羔  
皮一百張亦差王昶送與陳大綱各收用彼時胡經  
陳孜各亦不合失於鈐束本年閏四月內又有不知  
姓名二人稱係吏部馬尚書舍人馬須巡撫大同都  
御史舍人劉瓚各來本縣收買筏木因無皮襖不合  
共將銀三兩央免統不合依聽替伊亦拘王祿等收  
買羔皮三百張每張虧價銀一分共虧銀三兩本年  
六月二十九日王志善思得父子三人俱充皮行負  
累不過將情告蒙巡按季御史將統等行提取供案

關中奏議全集卷六

三

發按察司掌印副使張蔽究問行提王機等到司王  
祿并欽等各因上司節次發價買皮要得乘機阻絕  
不合將各起皮價任意高臺內將先次每張值銀二  
分五釐臺作三分五釐妄招文布政虧價五兩後次  
每張值銀二分臺作五分或四分妄招文布政一次  
虧價一十五兩一次虧價二兩陳大綱虧價三兩等  
虛詞在官副使張蔽亦不合失於詳審輒便依供問  
罪呈蒙季御史先將統與魏勝等各依擬發落次將  
文布政等備招參奏聞文布政先已陞任都察院右  
副都御史巡撫延綏等處地方聞知前情不甘要得  
改行隔別衙門吊取布政司所收時價冊籍查審分

辦又不合不行從實奏訴添捏先買羔皮之時訪得  
民間出賣每張不過價銀半分及查咸長二縣時估  
每羔皮一張值銀二分據此給價今聞御史季春勢  
逼孟統等取供似有羅織之意及訪得季春舉止浮  
躁行事妄爲動輒作威沾名等項虛詞混同具本奏  
行間又該通政使司連狀送據吏部馬尙書家人馬  
浦告稱本族各門並無馬須名字亦無差人陝西買  
本等情俱送都察院連季御史參奏前情併行督理  
馬政今巡撫陝西楊都御史處勘問蒙行布政司及  
轉行西安府并咸長二縣各查無宏治十五九等年  
月分時估册籍止將以後各月時估文册并行陝西

關中奏議全集卷六



按察司提解問遇蒙宏治十八年五月十八日

赦宥蒙將統等解送本院查無羔皮一張值銀二分時估  
在册及審據王祿等各供前情當將承差王機供明  
省發馬須劉瓚另行外將統等取供連人劄發本司  
再行審問明白如果所供是實依律議擬備招回報  
于碍應參官員具實參呈前來依蒙將統等連日查  
審與供相同取問罪犯王祿等二名招同魏勝等八  
名供同議得孟統王祿并欽所犯合依不應得爲而  
爲之事理重者律減等各杖七十五孟統係官王祿并  
欽俱民俱犯在革前免科與先問結魏勝供明王志  
善王泰王名高俊邊錫王昶晁安各發還職甯家生

理照出供明高俊等七名與先問結魏勝俱免納紙  
孟統官紙王祿并欽俱民紙各一分照到折米發咸  
陽縣追送預備倉上納以備賑濟取實收付卷文實  
陳孜張徽胡經陳大綱胡清俱遇革人合免奏提備  
招連人呈解到臣查得先爲官買擾民事該巡撫陝  
西監察御史季春奏稱都御史文貴節次低價易買  
羊羔皮張數多致累小民陪價二十餘兩右布政使  
陳孜貪事胡經各縱家人低價於部內買物略無禁  
止所據各官俱合有罪等因奏本該通政使司奏奉  
欽依都察院知道欽此續該都御史文貴奏爲分理誣枉  
事開稱御史季春勢逼孟統等取供似有羅織之意

關中奏議全集卷六



及訪得季春舉止浮躁行事妄爲動輒作威沾名等  
情亦該通政使司奏奉

欽依法司看了來說欽此又該吏部尙書馬文升家人馬  
浦告爲分路事開稱本族各門並無馬須名字亦無  
差人陝西買木等情俱該都察院議擬覆奏併行臣  
提調參奏內有干人卷到官從公審勘務要的確明  
白有罪人犯依律照例施行馬須劉瓚如已回還宜  
縱移文河南巡撫衙門追勘各犯正身是否假充詐  
取備由連人解報歸結果碍應參官員重別據實具  
奏究問等因題奉

欽依是欽此欽遵備行前來除馬須劉瓚移文河南巡撫



衙門追勘正身歸結及行據陝西按察司呈解犯人孟統等到<sub>臣</sub>審取供詞發仰問報去後今問前罪除查相同及將孟統等准擬發落外恭照陝西布政司先任左布政使今陞巡撫延綏都察院右副都御史文貴明知係是監臨官員不合節次發價於所部內易買羊羔皮張數多事發却又奏辯不實本布政司先任右布政使今陞貴州左布政使致仕陳孜陝西按察司僉事胡經各不合失於鈐束以致家人在於按屬買物本司署印副使張徽既承勘問事情亦不合失於詳審致不輸服俱屬違法律合提問但文貴陳孜俱在任犯罪去任事發與張徽胡經又俱係遇

關中奏議全集卷六

三

川文川

革人數伏乞

聖明裁處緣文貴係在京堂上官陳孜致仕與張徽胡經俱係方面官及該奏奉

欽依行令審勘據實具

奏事理未敢擅便謹題請 旨

一為邊務事

題為邊務事照得本年十二月二十日以來虜賊擁眾大舉深入搶掠聲音要搶各苑官馬自豫旺城至黑水口處處有賊聯絡結營本處官軍數少固原備禦官領軍五百名在石峽口紅古城技伏指揮任璽管領備冬馬步官軍九百餘員名在豫旺城技伏指揮

郭遯管領土達八百有餘并新任遊擊陳善調集遊兵纔得二千餘員名在於鎮戎所遇賊俱被阻截不相應援<sub>臣</sub>與新任鎮守署都督曹雄聞賊已入靜甯隆德會寧等處恐其東寇平鳳卽時提兵西上<sub>臣</sub>在隆德駐劄曹雄領兵隨賊聲勢追截本月二十四日賊騎到於隆德縣西三十里因見我兵奄至退回大營緣曹雄所領官軍纔得九百餘員名已差入乘夜間道調取陳善郭遯會合并量掣蘭州守把河橋官軍李佐等前來策應各該將士感

恩<sub>臣</sub>報人懷鬪志但彼眾我寡以一當百未敢必其成功查得先為預防虜患以保固地方事該<sub>臣</sub>題稱甯夏

關中奏議全集卷六

美

×××

花馬池與武營直抵高橋三百餘里地方在北為虜賊寇我邊境之門戶賊之所入雖由甯夏而其所利實在腹裏甯夏邊牆如能捍禦則腹裏可安枕而卧備一旦折墻而入必以精騎守所入之路綴我官兵使不敢南則腹裏安危所繫至重賊既深入剽掠方張之勢恐非陝西官軍所能當必藉諸邊鎮遊兵協力捍禦然欲成克捷之功必在乘其旣弊而於中路擊之為便該本部覆奏查得先該甯夏鎮巡官太監葛全等題為大賊入套請兵防禦事本部議得合無鋪馬賚文與甯夏太監葛全總兵官李祥都御史劉憲一面選差乖覺夜不收遠為哨探一面嚴督副總

兵衛勇參將霍忠協同保勤守備焦洪都指揮韓斌  
等各用心設策整棚人馬隨宜按伏以逸待勞本部  
仍行延綏守臣令參將王戟統領土兵前往花馬池  
遊擊軍將姜漢統領遊兵前往定邊營曹雄統領奇  
兵前往寧塞營各要星馳前去秣馬按伏聽候有警  
併力截殺及行巡撫陝西都御史楊一清公同固原  
新任鎮守將官斟酌賊勢計議方畧分布腹裏人馬  
據要防守督調本處遊兵相機策應等因題奉  
欽依通行欽遵及看臣所奏與前項議奏之意大畧相符  
合無行移延綏鎮守等官轉行副總兵遊擊等官查  
照先今事理如果賊已西行本鎮別無聲息陝西來

關中奏議全集卷六

三

調兵馬即便依期前去布分防守不許遲延誤事自  
取罪尤仍通行陝西寧夏延綏鎮守等官俱要協心  
運謀相機而動務使功成萬全事無一失圖免陝西  
腹裏之害用好

皇上西顧之憂毋得素越自分坐觀成敗以孤委任等因  
題奉

聖旨是便行與各官着同心協力相機防禦不許自分彼  
此致誤事機欽此欽遵本年十二月二十一日備行到  
臣切緣寧夏鎮守等官與臣先後論奏之意正恐大  
虜入套窺伺腹裏寧夏地方軍馬寡弱不能捍禦故  
乞早調延綏遊奇兵馬參將王士兵并力布置按

伏保固邊牆不令入境及查得先於本年十一月十  
七日據定邊營把總都指揮閻綱呈據走回男子張  
智說稱達賊四營約有二萬人套要捨固原等情已  
經具

題及行延綏巡撫都御史文貴催調遊兵并行寧夏巡  
撫都御史劉憲轉行各邊遇有套賊聲息差人飛報  
去後本年十二月十三日臣差人於花馬池等處探  
問並無原擬延綏人馬到邊想因延綏遊奇兵參將  
王戟土兵俱自大同初來未得休息且恐原奉

旨意公文到遲又各該將官新舊交代事勢使然決非敢  
為延綏又查寧夏花馬池等處亦不曾傳報虜賊在

關中奏議全集卷六

美

套近邊消息今前項大賊忽然擁眾折牆突入腹裏  
已遵照

成命急調延綏遊兵土兵前來截殺及中路邀擊之議通  
行賁文延綏副總兵姜漢寧夏總兵官李祥等會合  
行事但道途阻滯文移往來彼此悒悒事勢可否猶  
未可知臣切詳此虜時逼新春尙在腹裏恐渡河不  
及其志必將恃其大眾潛伏套中夏秋草飽馬肥時  
月又謀入寇縱使出套過河冬間必復踵襲故智且  
陝西地方兵苦於各邊之備禦民疲於三鎮之轉輸  
竭中土之力以供外邊為其能為我藩籬也今花馬  
池大賊臨邊通不知覺雖有如無何所倚仗將來之

事臣實憂之至於用兵機要似不出臣前所擬奏但事關各鎮若無總制重臣居中調度則甲可乙否終難濟事議論多而成功少無惟乎其然也伏望聖明垂念西土重地乞

勅多官會議

簡命在廷威望素著大臣前來總制陝西延綏寧夏甘肅等處軍務授以便宜賞罰之柄臣等各鎮巡三司以下官員悉聽節制庶事在於慶陽駐劄有警前去環縣章州等處居中調度各路將官用命者賞不用命者罰如身使臂如臂使指孰敢延緩以失事機如大虜出套速就經略花馬池一帶邊務設何籌策可以

關中奏議全集卷六

三

保固邊境使全陝西生民不致頻年大遭荼毒實宗社萬億年無疆之休也臣備員巡撫不能遏其深入之機又論列不早致有今日若復不言後患恐不止此臣不勝待罪俟

命之至緣係急處邊務事理未敢擅便謹題請 旨

一為達賊擁眾大舉入境事

題為達賊擁眾大舉入境事准協守延綏等處地方副總兵都指揮僉事姜漢手本宏治十八年十一月二十九日准鎮守延綏總兵官張安手本准寧夏總兵官李祥手本前事內開徵調遊奇二兵照依原擬信地駐劄以俟應援等因准此本職統領榆林迤西兵

馬於本年十二月十一日到寧塞營按伏駐劄本月十八日申時據定邊營把總都指揮閻綱差夜不收葉章報稱花馬池達賊臨邊折牆備報得此本職隨統前項官軍二千一百四十五員名到萌城伏兵駐劄二十七日寅時本城傳報煙火隨差夜不收馬福等前去石溝等處瓜探覓見賊蹤掠獲頭畜往北行走備報到職親率官軍追至隰寧堡地名大千戶井等處前賊約有一百餘騎見我官軍馳驟奔急聲勢勇猛將被搶掠頭畜盡行棄易馬北遁復追二十餘里因見天晚黑暗恐墮賊計隨即收兵將獲頭畜至隰寧堡行委指揮薛麟備查知數發仰守堡百戶

關中奏議全集卷六

四

劉亨暫令收候已經開報外三十日酉時承准陝西都御史楊一清手本為預防虜患以保固地方事查照原文作急統領兵馬兼程前來萌城石溝等處按伏會合寧夏總兵官李祥副總兵衛勇等人馬哨探截殺緣由已經備行知會外本日戌時亦准寧夏總兵官李祥手本為軍務事開稱本職所統人馬移於韋州等處會參將王戟遊擊戴欽餞餉馬匹遇賊併力截殺等因准此依文正德元年正月初一日移兵韋州駐劄本月初三日丑時該寧夏總兵官李祥差鄉導陸寬等前來報稱大賊已於本月初二日未時俱從白塔兒往北去訖等因得此本職會同參將王

戰遊擊戴欽各領所部官軍從韋州起行奔馳到於地名紅寺兒地方瓜得前賊蹤掃往北去已追襲到白塔兒迎遇總兵官李祥副總兵官衛勇等人馬在彼追賊當同領好馬官軍馳騁躡蹤追趕三十餘里因見天夜風霧黑暗恐墮賊計總兵官李祥副總兵官衛勇收兵石溝兒按伏本職等四更時分到小塩池伏兵隨即會差百戶趙壘等帶領夜不收二十名前去賊經道路密切哨探至初四日辰時據本官差夜不收郭其馳報瞭見本處煙墩迤東有賊一簇騎牽馬匹往南瞭望據報得此當會參將王戟為左哨遊擊戴欽為右哨本職中哨及會合守備都指揮侯勛指揮郭翹各統兵馬相繼而行到於地名石溝池迎遇前賊擺列攻敵職等申嚴號令督併官軍各用鎗砲弓箭一齊射打其賊潰亂就陣斬獲首級一顆奪獲戰馬二匹速督官軍追至火山迤北地名啞叭湖等處又添伏賊三百餘騎糾台前賊一處衝擊前來職等親督官軍奮不顧身持刀向前劈砍又斬首一顆奪獲戰馬二匹軍士奪獲夷器共七十九件被賊射死官馬三匹賊見我軍齊至換馬奔走北遁欲要窮追及因天晚况離花馬池邊牆不遠慮恐牆外之賊糾眾前來以此收兵回還至初五日天明到小塩池仍會差人通賊要路哨瞭遇警合兵截殺外查得獲

關中奏議全集卷六

望

×61

功并當先重傷官軍另行造報今將節次就陣斬獲賊首奪獲戰馬達賊夷器等項差百戶曹聰先行解報為此理合開坐施行等因隨據延綏遊擊將軍戴欽呈宏治十八年十二月二十七日未時承准陝西巡撫都御史楊一清手本調卑職作急統領遊兵取便兼程從甜水堡下馬房等處徑赴固原豫旺城鎮戎所等處會合陝西遊擊將軍陳善領軍指揮郭迥等截殺承此卑職就於本月三十日到韋州本日申時承准都御史楊一清手本行卑職斟酌相機行事若已到豫旺城鎮戎所地方即便會合本處遊擊將軍陳善等相機應援截殺若不曾前來就於石溝塩池韋州等處會合竄夏主副總兵李祥等及延綏副總兵姜漢取便遊擊截賊歸路共成大功承此於正德元年正月初二日到韋州初三日四更時分到小塩池會差百戶趙壘等哨探初四日辰時本官差夜不收郭其馳報瞭見本處煙墩迤東有賊一簇騎牽馬匹往南瞭望當會副總兵姜漢參將王戟及會合都指揮侯勛等各統兵到於地名石溝兒迎遇前賊擺列攻戰職等申嚴號令督併官軍各用鎗砲弓箭一齊射打就陣奪獲達馬三匹射死我軍馬二匹追至火山迤南地名啞叭湖等處又奪獲達馬五匹夷器一百二十一件賊見我軍齊至換馬奔走等因又

關中奏議全集卷六

望

×61

據參將王戟亦呈相同開部下奪獲達馬五匹夷器  
共二十四件緣由前來續准鎮守寧夏總兵官右軍  
都督府都督僉事李祥副總兵衛勇手本正德元年  
正月初一日夜丑時分據鳴沙州迤南棗山墩夜不  
收周翊同靈州擺撥夜不收劉瑛報三十日未時瞭  
見達賊精兵約有五六萬俱穿戴明盔明甲張打旗  
號三路擺列臺營從地名石把都來後面灰塵不絕  
又據紅寺兒夜不收潘闕一等報初一日未時分瞭  
見地名虎巴山灰塵約長三十餘里亦結營陣聯絡  
而行初二日申時分據哨探夜不收王洪報未時哨  
見達賊灰塵漲天結營行走從南往舊白塔兒去訖

關中奏議全集卷六

三

當會同副總兵衛勇議看得賊勢十分擁眾擺列營  
陣而行又兼天晚援兵不能猝至難以發兵一面急  
差鄉導陸寬等飛調韋州按伏副總兵姜漢等人馬  
前來併力追殺成時又據杏樹墩擺塘鄉導陳演亦  
報本日未時瞭見達賊灰塵從地名白塔兒東空過  
至黃昏時分未盡初三日黎明時分出兵副總兵衛  
勇人馬爲左哨本職爲右哨指揮楊瑛周冕統兵車  
繼後襲追中途遇據白塔兒墩瞭高小旗張英報初  
二日未時有寧夏差來夜不收徐禮保魏成瓜探聲  
息到於本墩空被前哨達賊殺死馬二匹捨去追至  
白塔兒後有延綏副總兵姜漢遊擊戴欽參將王戟

人馬到彼會合襲蹤追趕隨有固靖遊擊將軍陳善  
亦領人馬俱到地名貓兒頭山因見天晚風霧昏黑  
難追彼眾我寡力不能支恐墮賊計三更時分延綏  
兵馬往小塩池本職等至五更時分到石溝兒駐劄  
初五日節據靈州守備焦洪差夜不收張華等報稱  
初四等日大衆達賊從清水營木井等墩空及花馬  
池原折牆口出境去訖爲此今將會兵截殺緣由用  
手本前來知會施行等因到臣案照前事先因大勢  
達賊於宏治十八年十二月十七等日擁眾大舉深  
入固原隆德會寧地方搶掠缺軍禦敵臣遵照欽奉  
勅諭及兵部節該題奉

關中奏議全集卷六

四

欽依事理移文調取延綏遊擊將軍戴欽參將王戟統領  
遊兵土兵前來腹裏應援副總兵姜漢統領奇兵會  
合寧夏總兵官李祥等人馬聯絡駐劄小塩池石溝  
韋州等處邀賊歸路因是臣路阻滯遊兵土兵日久  
徵調不至本月二十九日據西安州海刺都操守指  
揮陳晟等差人走報前項達賊於二十七等日由西  
路麻張堡西安州錦鷄口出境恐前調遊兵土兵仍  
來固原緩不及事又經差人阻回行令前去石溝塩  
池一帶按兵密切會合寧夏主副將官及陝西遊擊  
將軍陳善等官相機邀截已經具

題外今據前因照得前項達賊自宏治十八年十二月

十七日擁眾大舉從花馬池地方折牆進入分守秦將霍忠兵敗被圍殺傷官軍數多賊眾乘勝長驅深入腹裏搶掠至正德元年正月初二日從石溝塩池兩界地方出境雖經會行延寧二鎮將官合兵追截止是延綏副總兵姜漢奇兵斬獲首級二顆參將王載遊擊將軍戴欽人馬俱無斬獲又查得各官不遵兵部原擬到邊稽遲但係新舊將官交代之際况王載當虜寇入境之初衝鋒解圍有功於花馬池官軍實多戴欽宏治十八年十二月十六日方纔任事十七日隨即統領官軍啟行于里赴援未嘗後期窮夏主副將官李祥等各稱賊勢十分擁眾擺列營陣

關中奏議全集卷六

聖

三〇三

而行難以發兵緣事關各鎮中間事機委曲非臣所能悉知除將姜漢等解到首級夷器看驗收庫達馬給軍領養及陝西官軍獲功誤事緣由俱另行外緣大舉達賊出境客兵追截獲功事理謹題請 旨

一為謝 恩事

奏為謝

恩事近准吏部咨為才不稱任乞

恩辭免巡撫地方事該臣奏乞辭免巡撫陝西地方照舊

督理馬政等因奏奉

聖旨楊一清才望素著簡命已定不允所辭該部知道欽

此欽遵案查先准兵部咨該本部題為大賊折牆入

境事節該奉

欽依是楊一清不妨督理馬政就着巡撫陝西地方用心調度防禦賊寇寫勅與他欽此欽遵 臣時間

命有驚措躬無所雖防禦之事竭力就道不敢少緩而巡撫之任揣量度分終非所堪謹憑愚誠上干

天聽未蒙

俞允顧荷

褒嘉愧與憂并榮非意及伏念 臣少蒙作育長被甄收弄筆墨者半生志有餘而才不逮綴班行於三品年漸

老而業無成且

感平之世賢俊滿

關中奏議全集卷六

哭

三〇一

朝如 臣之愚何足比數非惟膺拔擢之

殊渥抑且受特達之 深知

天地之恩在人已極涓埃之報於

國何施敢不勉竭庸虛用酬

眷注經營士馬庶少裨修內攘外之功撫安兵民期不負

後樂先憂之學 臣無任瞻仰感戴之至緣係謝

恩事理為此具本謹具奏 聞

一為災異自劾乞 恩罷黜以回 天意事

奏為災異自劾乞

恩罷黜以回

天意事案查先節據陝西布政司呈為地震事節據西安



平涼慶陽等府朝邑高陵固原環慶等州縣各申稱  
宏治十八年二三四六等月日時不等各地震響聲  
如雷搖動軍民房屋及據臨洮衛申爲異風暴雨淪  
没人畜田禾事據右前後三所申稱各屯田地方宏  
治十八年自四月初間一向亢旱夏田被晒焦枯本  
月二十八日夜偶然天昏黑闇大作惡風迅雷暴雨  
如注頃間洪水馳至約有二丈寨牆衝倒房屋傾塌  
男婦漂流渰死軍餘李彪等一十六名口馬牛駝羊  
等畜三百餘隻樹株拔根田禾淤墊又據臨洮府申  
爲山破猛雨雷震傾塌壓没人畜不見踪跡事據河  
州申本州俺歌里沙子溝地方坐南向北土山一座

關中奏議全集卷六

皇

八八

宏治十八年六月二十三日夜忽被猛雨雷震山塌  
將本山居住民人顏廣等三戶人口男七二十一口  
并庄田頭畜等產俱被壓沒又據本司呈爲旱災等  
事節據西安府申備邠乾等州咸寧長安等二十五  
縣各申稱宏治十八年三月四月天旱無雨兼被狂  
風吹刮所種麥豆不得堅實青乾無收六月初旬纔  
得微雨安種秋苗自本月起至八月初旬一向亢旱  
無雨又兼狂風晝夜不息致將糜粟菽豆等苗各吹  
晒焦枯秋成無望人民十分飢荒陸續逃移越食去  
訖又據延安府申備鄜綏膚施等一十九州縣慶陽  
府申備甯州安化等五縣鞏昌府申備階秦隴西等

州縣鳳翔府申備鳳翔岐山等縣臨洮府申備蘭金  
等州縣又節據西安左前後延綏平慶臨鞏甘蘭等  
衛各呈前事相同等因節呈到臣切見陝西各府州  
縣今年二月以來地震山傾之變屢見於胡羌出沒  
之區夏旱秋乾之灾遍滿於關輔根本之地節經具  
題及行各該官司踏勘撫恤外臣聞天人相爲流通休  
咎關乎得失故未有不召而自至之灾亦未有已出  
而無應之變陝西灾異迭見是皆生民愁苦之象夷  
狄猾夏之徵不早圖修改將禍患難測仰惟  
皇上龍飛御極之初

關中奏議全集卷六

哭

八八

恩澤覃布庶政肅清是宜海嶽効靈雨暘時若凡此咎徵  
責在臣下以一方論之軍民各有攸司大小各有專  
職而綱紀之任實係巡撫灾異之來皆由巡撫不職  
所致洪範曰王省惟歲卿士惟月師尹惟日蓋以休  
咎之輕重係職任之大小也臣本庸愚濫膺重寄既  
非安內攘外之才又無揚清激濁之勇見賢不能進  
見不肖不能退知民之害不能祛知民之困不能救  
上下交征不能革公私匱竭不能補以致軍民怨咨  
感傷和氣陰陽愆伏動靜乖違巡撫方逾半年灾異  
遍乎一省  
上天示譴罪實在臣且食人之食者事人之事陳力就列  
不能者止臣今名浮於實處非其據事不稱食心有



未安顛而不扶焉用彼相伏望

聖明體

天行罰乞將臣罷歸田里別選相應之人巡撫陝西地方

必能扶持綱紀緩輯兵民彈壓羣邪肅清弊政庶幾

天意可回化災為祥轉禍為福不難矣緣係災異自劾乞

恩罷黜以回

天意事理未敢擅便為此具本謹具奏 聞伏候

勅旨該吏部官欽奉

聖旨陝西地方多事巡撫正要得人楊一清不准辭着用

心辦事欽此

一為謝 恩事

關中奏議全集卷六

哭

奏為謝

恩事正德元年正月二十七日節該欽奉

勅諭朕即位之初念爾等効職勤勞宜有頒賜以隆恩典

爾其體朕至意益盡忠誠用副委任欽此欽遵九霄垂

露

勅降天文萬里飛輶物頒

御帑歡聲所動邊徼增輝恭惟

皇上誕膺

休命光照

不圖慶洽普天

恩覃率土 臣身以職羈既阻

天廷之拜

寵緣例得遂承

帝養之加

絲綸春温金帛霞爛雖雲雨之施任物無遺而

渥澤所流於臣為幸榮加慶外感任懼中捧而環臆實抱

無功之愧服以拜

賜徒深逾分之憂謹當以金自盟焚灼不渝其性願服思

稱曳屣誓委其身 臣無任瞻仰感戴激切屏營之至

除將賚捧到

欽賞銀十兩紵絲二表裏望

關叩頭領受外緣係謝

關中奏議全集卷六

卒

恩事理為此具本謹具奏 聞

一為乞

恩認罪罷黜以謝地方事

兵部覆該本部職方清吏司案呈奉本部送於兵科

抄出巡撫陝西等處地方兼督理馬政都察院左副

都御史楊一清奏 臣本孱愚誤蒙

先帝聖恩擢任憲職督理馬政宏治十八年正月內為因

大賊折墻入境節該欽奉

勅諭不妨督理馬政巡撫陝西等處地方欽此欽遵自度

不堪負荷具本辭免未蒙

俞允勉强供職 臣遭際殊常

寵榮踰分普竭爲鈍仰酬

眷知奔走驅馳不敢自怠竊見固原地里寬漫處處通賊  
最爲難守先該總制尙書秦紘修築邊塹一道踰時  
閱歲湮廢已多又防守無兵墩墩不接雖有如無不  
堪保障臣督令守臣修補完備依塹添墩傍險增堡  
定爲烽火號令招集土人使隨便擊賊臨冬時月會  
同鎮守太監等官分布人馬據要防守復慮一方兵  
政廢弛名存實亡剝削之餘困敝已極昧死上陳仰  
荷

廟謨獨斷易置主將增設遊擊方將一新紀律期收戰守  
全功不意大賊乘凍渡河潛伏套內逼近花馬池地

關中奏議全集卷六

三

×リ

方彼處將官通不知覺宏治十八年十二月十七日  
賊號數萬自花馬池清水營兩處折牆進入守將兵  
敗被圍虧折官軍賊乘勝長驅直入腹裏隨即收斂  
隄備我軍迎戰眾寡不敵不能遏阻賊至固原野無  
所獲本月二十三日遂深入靜甯隆德會甯地方搶  
掠鎮守署都督僉事曹雄止領官軍九百餘員名尋  
襲賊路截殺臣恐孤軍無援急調延綏遊兵土兵及  
本邊官軍前來會合策應道途阻隔兵難猝集賊於  
本月二十七等日遽從西安州地方出境邀之不及  
臣又約會甯夏主副將官延綏遊奇兵馬邀之石溝  
塩池諸將以賊勢重大莫敢發兵坐視其出竟無功

查得固原環慶一帶並無所失監苑官馬幸得保全

此皆仰仗

宗社神靈

朝廷威福醜虜湍歸被禍猶淺但甯靜隆德會甯三處  
虜掠殺傷人畜數多已行各該州縣查數未報陝西  
官軍節與賊戰斬獲首級不多幸不虧折惟乾塩池  
操守官張瑛等墮賊奸計陣亡一十八人除將賊寇  
入境出境日期官軍誤事獲功緣由節經會

題及搶掠人畜的數查明另行外照得鎮守太監劉雲

常在固原駐劄署都督僉事曹雄初到固原地方臣

叨任巡撫已及一年經略調度乃其職業况受

關中奏議全集卷六

三

×〇×

恩深重言

聽計行比之各路撫臣不同奈何器質庸凡智慮疎淺未  
諸軍旅之務實無安攘之才以致大虜擁眾長驅侵  
掠爲患折牆而入既不能遏其初來之鋒得利而去  
又不能截其既歸之路藩籬失守雖花馬池之過而  
內有邊防不能自固咎將誰執領兵出戰雖各將官  
之事而遇警徵調多不及期責亦難辭上不能寬  
九重西顧之憂下無以慰一方軍民之望臣委的有辜委  
任罪當萬死且今套賊去留邊情緩急俱未可測臣  
誤事貽患之人誠宜早正法典罷歸田里別推才力  
有餘者巡撫經畧則凡受任方隅皆知警戒能首竭

力自効不能者無地自容矣等因具本該通政使司  
官奏奉

聖旨楊一清已命總制彼處邊務着盡心供職以圖後効  
不必引咎求退該部知道欽此欽遵抄出送司查得先  
為邊務事該本部會官具題節該奉

聖旨是楊一清着總制陝西延綏寧夏甘肅等處邊務兼  
督理各該地方馬致欽此已行欽遵去後今該前因案  
呈到部看得本官巡撫陝西經畧有方威望素著近  
雖被虜深入緣無殺傷大重輒乃自陳誤事之人欲  
正罷歸之典既查有吏部已經會官題奉總制  
成命及今

關中奏議全集卷六

三

川

欽依勉留事理難再別議合咨前去煩為查照欽此

關中奏議全集卷之七

總制類

一為陳情乞 恩辭免總制重任事

欽差督理馬政左副都御史臣楊一清謹

奏為陳情乞

恩辭免總制重任事正德元年二月十五日准兵部咨為

邊務事該本部等衙門題會同太師兼太子太師英

國公張懋少師兼太子太師吏部尚書馬文昇等議

得關陝重地夷夏要防今河凍將開虜寇深入後來

之患誠有可憂况彼處荒歉非常別難調度所賴以

應援截過者惟延甯甘肅三鎮兵馬但事分統屬人

無專權倉卒調遣不無彼此推避若不添設總制重

關中奏議全集卷七

川

臣終難集事查得起用兵部左侍郎許進并見任陝

西巡撫都御史楊一清俱經言官交章論薦物議推

允伏望

簡命一員令其總制陝西延綏甯夏甘肅等處地方庶幾

事權歸一後効可圖等因具題節該欽奉

聖旨是楊一清着總制陝西延綏甯夏甘肅等處邊務

督理各該地方馬政寫勅與他欽此欽遵備咨到臣伏

念臣本書生不諳軍旅課蒙

先皇帝擢任憲職督理馬政巡撫陝西地方自度才不稱

任具本辭免未蒙

俞允續因災異自劾求退仰荷

皇上聖恩仍留辦事頃者大虜擁眾深入侵掠靜甯隆德

等處地方臣不能阻遏及徵調諸鎮兵馬追截又不

及期已經具本認罪俟 命間渙汗自

天戰兢無地驚駭何力心欲奮而步不前

天地能容威未加而 恩已至省躬驚愧不知所云且今

之虜勢號為驕橫今之邊備號為廢弛雖云難為未

嘗無可為者亦存乎其人耳至於陝西三鎮休戚相

關事有攸分人無專制誠得重臣居中調度庶幾戰

守可望成功臣比有所見不敢自隱然意任大責重

必屬諸威望素著之人豈謂臣愚可以辦此夫任賢

使能

關中奏議全集卷七

川

君之大要賞功罰過 國之大權臣匪賢匪能久塵任使

在平時已微非分之

寵在今日又操非據之權懼將清議之干以為新政之累

况總制之與巡撫職任加重三邊之與腹裏事勢加

難臣無巡無効何能堪總制之居腹裏無功豈足副

三邊之託苟負乘之不耻將覆餗之是憂臣是以昧

死自陳伏望

聖明收回 成命鑒臣先次認罪愚衷罷歸田里以彰

國法別求兼資文武者總制三邊軍務地方幸甚臣愚

幸甚緣係陳情乞

恩辭免總制重任事理謹具奏

聞奉

聖旨楊一清才望素優練達邊務特茲簡命宜勉副委任不允所辭吏部知道欽此

一為乞

恩認罪辭免重任事

兵部覆准吏部咨該本部送於吏科抄出總制陝西

延綏甯夏甘肅等處邊務兼督理馬政都察院左副

都御史楊一清奏准兵部咨為經畧邊務事該本部

題該兵科都給事中艾洪等題臣等竊見胡虜犯順

邊事孔棘陝西甯夏等處官軍已被其挫劓隆德會

甯等縣地方俱被其搶虜肆無忌憚直至秦州西南

關中奏議全集卷七

川上三

等處約有三百餘里搶掠國步艱難人心危懼殆如

一髮之引千鈞勢不可救藥道路傳聞幾旬驚懼十

分緊急危及

宗社且大勢達賊在王府衙下駐劄聲勢聯絡火光相望

遠近不一傳聞甯夏分守東路右叅將霍忠人馬約

有七百餘騎俱被損折無遺叅將王戟所領土兵中

途偶遇達賊又被殺傷數多總兵官曹雄人馬約有

五百俱被殘滅仍將曹雄圍困在紅城子畧無一人

一馬救援勢甚猖獗人頗惶惶鎮巡匿不以報地方

失陷咎歸於誰萬一不虞延及

宗社雖萬死何贖等因該本部覆題奉

欽依行巡按御史查勘奏報備咨到臣照得先因達賊大

舉深入靜隆會甯地方搶掠臣不能阻遏已經具本

認罪續蒙

聖恩命臣總制陝西延綏甯夏甘肅等處邊務兼督理各

該地方馬政自度不堪負荷恐誤大事又經具本辭

免俟

命待罪問今准前因查得前項達賊宏治十八年十二月

二十一二等日到鎮戎所黑水口等處劄營答話要

搶各苑官馬聲言要搶秦州等處直到陝西地方因

見固原一帶人畜俱已收斂遂從地名須彌寺口進

入西南搶掠臣與鎮守署都督僉事曹雄按兵瓦亭

關中奏議全集卷七

四 八二一

堡彼時陝西官軍俱已分布在外曹雄止領西安等

衛官軍指揮王昭等六百員名臣領平涼衛官軍指

揮趙文等四百員名隨卽差人分投徵調延綏遊兵

土兵河西左副總兵魯麟土兵及本處各路按伏官

兵指揮李佐郭遡等前來策應截殺二十三日亥時

得報賊眾已到隆德縣地方相離瓦亭五十里臣與

曹雄計議若賊過隆德下六盤山則平涼華亭涇州

一帶人民俱遭殘害蔓延難制二十四日寅時臣等

率領前項官軍急趨隆德本日巳時到縣據土民嚮

導報稱大勢達賊俱在舊隆德縣地方及地名王府

衙等處下營搶掠本日午時曹雄統領官軍王時趙

文等九百員名前去截殺臣止留一百餘員名與本縣鄉導民壯二百名拒守本城前哨賊騎到於縣西大路神林堡地方聞官軍在隆德地方遯歸大營據營西走且行且掠不復分散臣見曹雄孤軍恐墮賊計不次催調各枝官軍及賞募土人往來軍營賊巢探看消息故其進止臣皆知之二十六日探知郭遯所領土達八百餘名已調到曹雄軍營臣心稍安時賊西向會甯臣恐其從西路出境而延綏人馬仍來固原緩不及用臣急還固原各鎮官軍尚未調到連夜差人阻回行令前去鹽池石溝中路邀擊二十七等日賊從西安州地方陸續出境曹雄領兵襲至鞏

關中奏議全集卷七

五

XXXX

州移文會合延甯諸將官於鹽池石溝歸路按伏邀擊又挑選陝西各枝官軍三千員名俱聽遊擊陳善調度與各路將官會兵截殺時固原城中俱無見在人馬臣調取廣甯黑水等苑操兵三百餘名就將本苑孳生官馬暫與給領騎坐隨臣前去鎮戎所紅古城等處以助聲勢不料各鎮將官心力不齊因見賊勢重大莫敢發兵正德元年正月初三初四等日賊俱從原折墻花馬池清水營等處出境去訖查得官軍節與賊戰止是豫旺城槍殺爪探夜不收軍人共十一名靖虜乾鹽池地方陣亡官軍一十八員名此外並無虧折各州縣搶殺人畜已經會行分守分巡

官查勘的數至今尚未造冊回報惟萬安苑地方槍去官馬人畜委官查報前來俱節經具

題外竊照陝西入境達賊近據走回人口傳是火節脫羅千等枝雖未的知若干委的勢甚猖獗其在靜甯隆德搶掠之時委的營壘聯絡火光相望曹雄領兵不及千數入山綴賊數日之間道路阻絕人情洶洶咫尺莫能相保節調各鎮官軍路遠難以猝集固原平涼止隔三程倘有傳言官軍被賊圍困損折者蓋出於億度者之言彼時臣恐遠近驚疑以此連日冒險往來視若無事以安人心曹雄孤軍尋襲邀奪蓋亦憑藉崖寨之險兼藉土人爲之嚮導土人亦仗官

關中奏議全集卷七

六

XXXX

軍聲勢遇賊輒敢拒敵賊因見所在寨堡俱有人拒敵將謂處處有軍以此晝夜擡營西行不肯入停若賊的知我軍虛實成敗利鈍誠難逆和後賊出境官軍掣回俱得保全識者以爲天幸非人力也其稱搶至秦州一節當時賊人委的躡問秦州地方道路相傳不爲無據緣前項賊情已蒙欽命錦衣衛千戶屠璋前來訪探及行巡按監察御史勘報當得其實至於花馬池之事非臣所能悉知伏念臣身爲撫臣受

深重不能先事設策致賊入境搶掠流言傳聞震驚上貽

宵旰之憂罪誠萬死莫贖分宜明正法典以謝地方豈可復加之重權以來物議臣是以昧死瀝血再陳懇悃

伏願

皇上宏

天地之量寬雷霆之威鑒臣先後認罪辭免實情早乞罷歸田里別選相應之人以居總制之任則邊事有託地方無虞不勝幸甚等因具本該通政使司官奏奉聖旨該衙門知道欽此欽遵抄出用手本連抄送司查得

先為乞

恩認罪罷黜以謝地方事該巡撫陝西都御史楊 奏奉聖旨楊一清已命總制彼處邊務着盡心供職以圖後効

關中奏議全集卷七

七

川文

不必引咎求退該部知道欽此已行本官欽遵去後今該前因案呈到部看得都御史楊一清奏稱賊虜入寇之時聲勢甚大人情震恐前項傳言蓋為有據但官軍苑馬雖幸保全而先事失防豈容辭責乞要罷職放歸一節為照前項達賊當時擁眾深入貪得非小本官分布將士振揚威武而又身率餘卒拒守孤城用能扼彼猖獗之勢保我軍民之眾功亦可嘉今又深自引咎力求罷歸尤見不失為臣之義况查有前奉

欽依事理難准所不合無本部仍行本官仰思聖明委任之意遠効前哲許身之忠照舊用心供職務期

邊備修舉戎兵簡練使胡虜寒心而地方安堵緣係總制官員自劾求退及奉

欽依該衙門知道事理未敢擅便正德元年五月初八日

本部尚書劉大夏等具題次日奉

聖旨是楊一清已有前旨了著用心整理邊務以副委任欽此欽遵擬合就行為此除外合咨前去煩照本部

題奉

欽依內事理欽遵施行

一為處置招募土兵事

兵部覆該本部送於兵科抄出總制陝西延甯甘肅等處邊務兼督理馬政都察院左副都御史楊一清

關中奏議全集卷七

八

川文

題案查先准兵部咨為預防邊患事該本部題看得往年達賊河開之後俱各出套即今虜情非常事勢難料若果在套潛住未免肆意侵掠為患不已況陝西一帶歲遭大歉民財已窮合用軍馬除本省三邊之外別處客兵決難輕動况彼處土人生長邊方材力勇勁便於戰鬪若欲鼓舞用命必須激之以利故云重賞之下必有勇夫合無本部於太僕寺寄收馬價銀內借支五萬兩差官資送陝西聽都御史楊一清支用或隨勢給賞得用官軍或懸利招募本處土人務使精壯之民皆占行伍之籍勇敢之士悉為麾下之兵凡可以激勵各項之人使之殺賊以取功利



者悉聽從宜處置必能得其樂於用命振揚軍武以禦虜寇再照陝西延甯官軍舍餘土民人等或恐未知

朝廷賞罰條格不肯盡心用命合將近年題行宣大一鎮軍務相應事例通查行移彼中鎮巡等官揭示一應人役務使遵信庶幾隨地寓兵不假別項調遣等因題奉

聖旨是欽此欽遵備咨前來已經通行備由出榜張掛曉諭去後續准兵部咨為經畧邊務事該本部題該兵科都給事中艾洪題稱胡虜犯順邊事孔棘要行差官會同各鎮巡官從公多方招募土人本部議擬覆關中奏議全集卷七

九

八〇四

奏節該奉

聖旨招募土兵不必差官只著總制并巡撫官隨宜設法整理欽此欽遵竊照近日虜勢驕橫大非昔比今雖出套過河至今難保不來侵擾大羊結聚動稱數萬我軍寡少以一當十不敷征戰若欲遠請京兵委的徒勞無益本鎮各路兵馬雖可調用然虜賊條來忽去亦多緩不及事惟招集鄉兵隨處可備調發節該科道言官建議往往以招募為言蓋深有見於此但往年陝西延甯各鎮招軍陞官頗來物議以為不得其用緣此等邊民有勇善鬪恐初招之時不曾精覈既招之後不曾操練是誠有之豈得一切以為無益如

延綏土兵二千近來東西征調與遊奇二兵無異去歲大同之援亦嘗斬獲首級明効可徵先該臣奉命經畧陝西邊務會經劄仰各兵備官曉諭土著之人有

膂力膽氣者報名在官自備弓弩器械遇賊入境搶掠隨便於崖窰堡洞扼塞路口埋伏邀擊後大虜擁眾內侵原招土人斬獲首級報官雖止入顆其在山射擊死傷達賊實多俱被鈎馱殘毀賊眾擡營過歸不敢久住未必不由於此但所招止就各居住堡洞防禦邀截其報効隨軍殺賊人多不肯應募蓋因節年軍舍抽選既無遺力土人招集又多失信以此人不樂從今雖兵部題有

關中奏議全集卷七

川七

欽依事例著為陞賞條格然其間事情猶有當酌處者臣有所見不敢自隱其愚謹用條陳于後如蒙乞

勅兵部詳議如或可采奏請施行庶幾人心樂從應募日廣鄉兵可集軍勢自揚其於禦戎大計不為無補等因具本該通政使司官奏奉

聖旨兵部知道欽此欽遵抄出送司案呈到部看得總制都御史楊一清所奏備言虜勢驕橫之極土兵濟用之効因而條陳四事俱係防禦要務理合開立前件議擬上

請伏乞

聖明裁處緣係總制官議奏邊務及奉

欽依兵部知道事理未敢擅便正德元年七月初一日本

部尙書許進等具題本日奉

聖旨准議欽此欽遵擬合通行除外合咨前去煩照本部

題奉

欽依內事理欽遵施行

計開

一順土民之情據平涼府固原州固原里鎮戎

所迤北李旺堡居住土民李讓狀告宏治十

四年蒙陝西鎮巡等官遵奉兵部明文招諭

各邊軍民舍餘人等殺賊有功一體陞賞若

關中奏議全集卷七

十一

川上

係一家三人斬獲首級二三顆願併功陞授

一人者准令併功至于千戶而止等因比有姪

孫李聰同讓并姪李通等兄弟親族應例自

備鞍馬報効本年月日不等節被達賊入境

搶掠守備指揮楊宏統領官軍前去截殺有

讓同姪孫等跟隨管隊土官百戶楊洪哨至

地名哲思口遇賊追至世山掌對敵就陣射

死讓姪孫李涼州射傷李玉王海二名李聰

與土官百戶楊洪舍人楊潔各爲首李森楊

深楊會各爲從斬獲首級三顆李榮等奪獲

達馬三匹并弓箭皮襖靴帽等件本年閏七

月十六日又跟隨楊洪前去紅溝卜兒古山

與賊對敵李聰同楊洪等奮勇當先衝開賊

陣讓爲首就陣斬獲首級一顆本月二十四

日大賊擁眾深入平涼搶掠八月初三日讓

同李聰等跟隨楊洪追至印子山與賊對敵

俱被射傷李聰與買王各爲首李諒買祥各

爲從又斬賊首二顆後蒙將讓陞小旗一名

李聰一人二次首級二顆陞小旗二名俱註

臨洮衛中所陣亡絕嗣李涼州陞小旗一名

註蘭州衛後所備行固原州依文前去原定

衛所著役切思讓等援例報効斬獲賊級今

關中奏議全集卷七

十二

川上

蒙陞授前役

恩典但使一家親族遠當旗役拋棄父母家業離徙鄉井

永編戶籍名雖旗役實爲邊軍求榮反辱人

情不堪乞賜轉達照例併功實爲便益又據

本州在城里軍籍買玉狀告宏治十四年間

大勢達賊侵犯有玉同本戶買祥買斌買開

路保并本堡土民李聰等各應例報名在官

自備鞍馬跟隨土官百戶楊洪遇警引路前

哨節蒙守備指揮楊宏統領截殺累次奪獲

達馬賊器報官本年八月初三日楊洪帶領

玉等追賊至印子山對敵被賊將買斌買開

路保及李讓等八名射傷玉等奮不顧身捨命死戰玉與李聰爲首買祥李諒爲從斬獲首級二顆并達器等件報功後蒙將玉陞授小旗註臨洮衛中所相離千百餘里拋棄家業田產父母妻子不能相顧及思本戶原有洮州衛祖軍一名平涼固原土軍二名俱各領馬聽征原籍止玉等四丁又納夏秋糧草差徭重大苦累無伸乞賜可憐將玉原斬首級功次記收在官免發該衛或改調臨近固原衛補伍著役便益又據本州在城里土民楊沙的狀況宏治十四年八月初一日有搶關中奏議全集卷七

三  
川志文

回達賊一十七騎前來到莊要搶頭畜是沙的同父楊鐸本戶人丁奮勇當先與賊對敵有沙的爲首父楊鐸爲從斬獲首級一顆并弓箭達帽禍襖等件後將沙的奏陞小旗註蘭州衛前所思得沙的親兄楊祿見在固原衛右所王宣百戶下應當祖父卜延卜花小旗身役前項功次情願併與親兄楊祿遺民供幫祖軍實爲便益等因各告到臣看得李讓李聰李涼州買玉楊沙的等俱係固原土民奉例糾率親屬自備鞍馬軍器爲官軍鄉導奮勇殺賊並無關支糧賞李讓買玉楊沙

的各爲首斬獲首級一顆李聰二次爲首斬獲首級二顆李涼州陣亡其餘弟男子姪爲從及被陣傷數多後造冊論功將李讓買玉俱陞小旗一名李聰一人陞小旗二名俱註臨洮衛楊沙的及陣亡李涼州各陞小旗一名註蘭州衛緣臨洮蘭州俱相離固原七八百里之程名雖爲陞實則拋離骨肉遺棄產業致令含冤吞聲皆謂以功獲罪無故遷發土民灰心以前事爲鑒戒臣今年正月初間追襲虜賊經過本堡各民舉家呼訴願免發遣照舊應當民差緣此等土民强悍善鬪與關中奏議全集卷七

四  
川志文

虜相等加以血屬田產所在策勵有道便肯盡其心力必能殺賊成功若不俯徇改圖將來非惟不得其力且恐遂失其心審得李讓年老李涼州絕嗣情願併功李聰合無查照原行事例將李讓一門首級四顆俱併與李聰量授一職就便約束本堡土人遇有虜賊侵犯率領殺賊及買玉楊沙的旗役俱改填註固原衛鎮戎千戶所將臨洮蘭州二衛旗籍開除仍乞申明著爲定例今後官舍軍民父子兄弟協力報効者准令併功至于戶而止土民應陞官旗職役者俱填註本處附近

衛所如此彼上思補報

國恩下思保全家業勇氣自倍庶幾隨地寓兵不假別

處調遣矣

前件查得先該總制大同宣府都御史劉宇題

一件一更法以作士氣該本部議查得近年

併功陞賞之例係一時緊急招軍而設以後

慮其勢要貪功流弊難救以故自來不曾舉

行合無行令本官仰思

祖宗立法之良

朝廷委託之重遵守

成憲以濟邊事等因題奉

關中奏議全集卷七

十五

川七

聖旨是欽此已行欽遵去後今都御史楊一清奏稱往年

達賊入境有土民李讓買玉楊沙的等率領

家眾截殺連獲首級各蒙議陞旗役但原係

固原州人氏今俱註蘭州臨洮衛中後等所

不免棄家失業要將買玉楊沙的改註固原

衛鎮戎千戶所及稱李讓年老李涼州絕嗣

又要將各功併與李聰陞職仍乞著爲定例

一節緣併功之舉雖係舊例但查有近日題

行宣大等處事理難便更張所據各旗新陞

衛分既與本州相離太遠委於人情不堪合

無准其所奏將小旗李聰買玉楊沙的俱各

改註前擬衛所補伍着役仍行臨洮蘭州三

衛開除各役旗籍其李讓李涼州行令該衛

所查勘親房弟姪人等保送代替前役以後

各該土民有能協力破虜斬獲功次者俱照

此例填註附近相應衛分庶情法兩盡而事

體歸一矣

一處失額之地據整飭環慶兵備陝西按察司

副使燕忠呈爲清查失額官地招募七人報

効殺賊事蒙臣批據慶陽衛左所千戶萬章

下舍餘萬爵狀告爲欺隱田地事蒙批本職

查勘處分依業行委慶陽府衛知事曹江張

關中奏議全集卷七

十六

川七

城帶領各犯親詣地名長掌等處地方丈量

得前項田地約有三千頃俱被彼處軍民人

等占種爲業此外隱匿之數尙多爲照本鎮

地方廣闊官軍數少遇警不敷防守近奉事

例招募欲將前項地土募軍撥給承種但投

充者俱係外郡逃來遊手遊食之人一時虛

應充數無益於用看得彼處地方接連西陽

三川雜居土達率多熟閑騎射較之招募軍

人驍健遠甚合無將前量出田地并未丈量

之數盡行清查明白招募彼中住居不拘軍

民舍餘人等報効殺賊量給前地耕種如此

庶幾人心樂從軍伍充實呈乞照詳施行等  
因照得慶陽地方延袤千里密邇延甯二鎮  
邊境軍馬數少委的防守不敷西陽三川一  
帶生畜繁殖恐爲賊所窺伺環慶守備官相  
離地遠應援不及應合就彼增兵操守今據  
告人萬爵所訴安化縣長掌等處地方及西  
陽三川中山一帶開田萬頃多被住人開墾  
占種爲業不曾升科納糧臣嘗推求其故  
國初開設陝西苑馬寺靈武監所轄清平萬安慶陽安

關中奏議全集卷七

七

川七上

邊等營之地後將靈武監清平萬安二苑徙  
置平涼地方革去慶陽安邊二苑而其草場  
故地猶在官司失於稽考處分土人因而占  
據爲業因循至今不曾改正怨爭讐訟獄  
屢興緣此地各人種牧年久俯仰所繫一旦  
清而革之則彼遂爲失業之人置之不問則  
天下未有無糧之地欲依法照填增糧承種  
則地有肥磽歲有豐凶糧額一定恐貽邊民  
將來之害若依副使燕忠所據招募土人給  
地籍名使之報効以見種之田土守見住之  
地方官得可用之人民無失業之苦人情事

體委的穩便近准兵部咨該兵科都給事中  
艾洪等建言要將沿邊地土丈量的確頃畝  
招軍給地授爲恒產免納子粒使其安心應  
役其意正與此同除仍行副使燕忠委官清  
查丈量外合無將前項長掌地方及西陽三  
川中山一帶舊監苑草場見種拋荒無糧田  
地就於彼中住居軍民舍餘人等戶內各招  
募替力過人熟閑騎射者開報在官酌量戶  
丁多寡田土肥磽從寬給撥聽其種牧爲業  
勿拘一定頃畝願騎馬者倍之永不徵納子  
粒招定之人編成隊伍選委謹慎守法官員

關中奏議全集卷七

六

川七上

管領約束弓矢軍器令其自置官爲量給歷  
甲閒暇之時操習武藝遇冬就在附近槐安  
堡等處與慶陽衛選操軍餘相兼上班防守  
給與口糧二月以後卽放歸農並不別項調  
遣如遇達賊侵犯斬獲首級照例陞賞仍將  
招集過報効土兵姓名年甲并給撥過田土  
數目造冊繳部查考亦充實邊伍之一策也  
前件看得都御史楊一清奏稱安化縣長掌等  
處地方及西陽三川中山一帶開田萬頃緣  
係舊苑草場遺下故地土人因而占據爲業  
今被舍餘萬爵告訴已經案仰副使燕忠丈

量前項占種田地約有三千頃其餘隱匿之數尙多欲要盡行清查明白招募彼中住居軍民舍餘人等籍名在官給地分種不必徵收子粒使之自置軍裝以時操練遇冬摘撥槐安堡等處與慶陽衛軍餘相兼戍守一節奉照本官所奏以遺閒之田畝招土著之精兵官既不費地因獲守誠爲安邊至計但前項地土各人占種已將百年一家俯仰賴以爲天若使所招之軍就係所業之主彼亦甘心無詞萬一種地之夫難充尙戈之卒未免人心撼搖台無仍行本官再行從長計議如

關中奏議全集卷七

九

川

果此舉官得可用之兵民無失業之苦事體人情俱各穩便日後不致他虞宜從區處停當明白具奏前來以憑上

請定奪若是中間尙有空碍亦要謹始慮終用圖可及毋得輕率貽患

一 廣募軍之途兵部奏行招募事例明白詳盡雖有榜文揭示但邊方村野土著軍民寧且不識意何由解必得能言曉事之人開諭庶幾人心樂從查得往時招募多委軍官非獨爲途不廣未能盡收且恐立心不一因而作弊近據慶陽衛聽選監生王經呈要率領宗

人自備鞍馬出力報効倡引鄉民招募土人以備操守等情已經委用去後緣西人素尙氣節豪傑之士恐不獨王經一人合無通行各該邊方出榜曉諭不拘軍民職官見任致仕監生生員省祭官義官人等有能招集隨軍報効領馬殺賊及著伍食糧之人至一隊者官給賞銀三十兩二隊三隊遞加至四隊二百名以上具奏論功軍民職官各陞一級軍職至都指揮僉事文職至五品爲止納粟軍官亦照原職加陞一級閒住文職或不陞官給與應得

關中奏議全集卷七

二十

川

結勅致任官止照數給賞仍進階一級監生省祭官就送吏部入選生員起送入監義官與正七品散官原係七品散官者進階一級俱先將招過軍人貫址相貌造冊連人送兵備官無兵備處送巡守官試驗果係精壯得用發伍食糧收操方纔給賞論功巡撫巡按仍要閱視稽考若有將老弱不堪之人妄報抵數查出追奪陞賞前後事情比與納粟倖進不同納粟陞官當者獲利所得甚少而所損已多若能招集鄉兵至二百名之上其人決非昏闇醜礙者使之居官臨民必有可觀

前件查得先爲乞

恩比例量授招首職役事該遼東鎮巡等官奏要將招首

唐生一等乞要比例陞職該本部議得前項

招軍事例止開殺賊有功之日一體陞賞不

曾開有招首陞職緣由况係違年事例難便

依擬合無將招過二百名以上者各賞紵絲

四表裏一百名以上者各賞一表裏內無冠

帶者仍給與冠帶有冠帶者該賞四表裏者

加賞二表裏該賞二表裏者加賞一表裏其

一百名以下者止各賞一表裏前項所招軍

士若各招首願管者仍今管領協同官軍常

關中奏議全集卷七

三

川操守遇有警調隨同分布殺賊有功之日

一體照例陞賞等因題奉

欽依已經欽遵去後今都御史楊一清又奏前因固雖激

勸人心用廣招募之意但查有前題奉

欽依事理各鎮體例不宜異同合無本部仍行本官查照

遼東事例一體遵依施行

一薄賞軍之典兵部奏行事例各路土著軍民

舍餘人等有能奮義設謀斬獲賊首一顆隨

卽賞銀三十兩願陞者給與冠帶名爲義勇

永免本身差徭此例似專爲招論土著之人

而設其見在征操備禦官軍及調來客兵不

曾該載意以官軍陞賞自有常格

朝廷終歲養軍正爲緩急之用比與土人素無糧賞者

不同但鋒刃之下與死爲鄰欲作其輕生之

氣必以重利激之況常人之情見利則趨以

速爲貴今之論功行賞往復敷勸動經一二

年之上夫決死生於斯須之間而要功利於

歲月之遠斯固常情之所難也臣觀各邊自

總旗而上利於得陞若軍人陞小旗小旗陞

總旗殊不以爲意邊軍艱難萬狀俯仰不能

聊生者十常八九雖冒死獲功有以數十兩

之銀啗之則忻然而昇之矣故殺賊多係旗

關中奏議全集卷七

三

軍而陞賞輒歸官舍買功賣功之弊雖有嚴

禁而卒莫能禁者職此之由使彼自得厚賞

孰肯舍固有之利以犯必禁之法哉且虜人

所以能死其眾者正以各利其利故其來也

不勸其喪也不悔中國之兵異於是近日言

官建白或有以毋拘買賣功次爲言意蓋有

見於此臣請自今以後達賊入境除職官外

一應操守征哨及調來客兵不同旗軍軍餘

舍餘招募土兵民壯義勇等項有能斬獲賊

首一顆驗係真正達賊爲首者隨卽賞銀三

十兩生擒達賊一人者賞銀五十兩爲從者



各量加賞勞籍名記功照例造冊奏

請擬陞奪獲達馬夷器就給有功之人奪回被虜牛羊等

物以四分充當無主識認者盡行給賞如先

已受賞以後查勘得不係親斬首級照數追

奪仍問擬應得罪名如此既可鼓士卒立功

之勇又可杜官豪買功之弊且斬首級一顆

賞銀三十兩以百顆計之賞銀三千兩千顆

計之賞銀三萬兩數十年來斬獲賊級至百

顆以上者能幾何哉若能成此大功使虜人

遭挫知所畏憚則亦何惜此重賞使三軍不

利於殺賊虜志益驕用兵無虛日所費豈止

關中奏議全集卷七

億萬而已

前件查得先為邊務事該本部議查得鄰邊甲

民斬獲首級不願陞者給銀三十兩奪獲被

虜頭畜者以二分充賞此例雖在官府鄉人

多未知悉合無行宣府大同省諭各路土著

之民舍餘人等有能奮勇設謀斬獲賊首一

顆隨即賞銀三十兩願陞者給與冠帶名為

義勇永免本身差徭若能糾集鄉丁敵殺賊

眾斬首至五顆以上為首者加陞署所鎮撫

奪獲被虜牛羊等項以四分充賞事甯停止

不為常例等因題奉

孝宗皇帝聖旨是使鋪馬賚文與各該巡撫官着好生咨

諭鄉村軍民人等果有設謀奮勇斬獲賊級的照例重

加陞賞欽此已行欽遵去後今都御史楊一清奏稱前

項事例止為招募之人而設不曾開載各該

官軍要得通照前例論功陞賞以作士氣緣

本部原議有能斬獲首級一顆不願陞者許

賞銀三十兩今本官却稱斬首一顆者賞銀

三十兩生擒一名者賞銀五十兩又行造冊

擬陞非特與前例相背抑且輕重不論查得

軍前有功官軍俱有銀牌給賞其數少輕合

無本部仍行本官今後各該官軍有能斬獲

關中奏議全集卷七

賊級一顆為首者當賞銀牌十兩生擒一人

者賞二十兩各為從者量為給賞仍將各人

功次另行造冊奏繳擬陞所據後開奪獲達

馬夷器并被虜牛羊等物要行等分給賞及

要追究冒功之弊悉令查照原擬徑自施行

如此庶賞罰允當而人知勸懲矣

一為急缺兵備官員事

兵部覆准吏部咨本部文選清吏司案呈奉本部送

於吏科抄出總制陝西延綏甯夏甘肅等處邊務兼

督理馬政都察院左副都御史楊一清題據西甯衛

指揮使司申稱整飭西甯等處兵備陝西按察司副

使蕭紳於正德元年四月初二日聞父喪丁憂守制  
回還原籍去訖等因到臣照得西甯僻在萬山之中  
地方廣闊番夷雜處管轄罕東安定曲先阿端四衛  
西納隆奔巴哇等一十三族番夷辦納


金牌茶馬限隔北虜爲隴右之藩籬先年既設守備將官

又設按察司副使一員在彼整飭兵備防禦撫安責  
任至重近於本年正二等月以來節被安定王管下

亦郎骨達子頭目結糾帖木肖刺麻古却受刺只荅  
兒賈六聘等及赤斤等處番達頭目繞兒吉等糾引

賊眾將巴哇寫師隆奔等族番人帳房攻打人畜搶  
殺番民驚走躲避雖經鎮守太監總兵督調守備撫

關中奏議全集卷七



夷都指揮等官徐廉芮甯等各領官軍通事前去外  
境會合追趕撫泊緣番性生劫難保甯帖無事守備  
官既已出境追撫本衛若無兵備憲臣駐劄控制誠  
恐鄰近諸番乘機爲寇人心驚疑致生他變且西甯  
兵備兼管莊浪涼州地方見今達賊不時出沒相離  
鎮巡衙門地遠整飭兵馬策勵官軍皆係兵備之責  
必得老練疏通之人庶幾恩威兼濟上下相安若照  
常格一槩推用在京及各省官員恐其到任稽遲不  
無誤事臣博采得陝西按察司管屯僉事胡經陝西  
行太僕寺少卿郭珠俱性資明敏才識優長官不廢  
法事能達變陝西軍民素所信服揆之年資亦應擢

用如蒙伏乞

聖明垂念地方番境不甯虜患方急正在緊關用人之際

乞

勅吏部再行訪察合無於胡經郭珠二人中推用一員銓  
補整飭西甯兵備副使員缺作急請

勅令其前去西甯莊浪等處行事等因具本該通政使司

官奏奉

聖旨吏部知道欽此欽遵抄出送司查得胡經年四十四

歲山東濟南府濱州人由進士宏治四年二月除戶

部山西清吏司主事守制起服復除本部四州清吏

司主事宏治十一年九月陞本部江西清吏司署員

關中奏議全集卷七



外郎事主事本年十二月遇例實授宏治十四年四  
月陞陝西按察司僉事及查得郭珠年五十三歲四  
川敘州府富順縣人由進士宏治四年二月除南京  
山西道監察御史守制起復宏治十二年九月陞山  
西按察司僉事宏治十七年正月陞陝西行太僕寺  
少卿今該前因案呈到部看得總制陝西左副都御  
史楊一清題稱西甯等處兵備陝西按察司副使蕭  
紳丁憂去任照得西甯僻在萬山之中其兵備副使  
必得老練疏通之人庶幾恩威兼濟上下相安舉保  
陝西按察司僉事胡經太僕寺少卿郭珠俱各才識  
優老乞要於二人中推用一員請

勅前去行事一節既該總制陝西左副都御史楊一清奏

保前來必是事體相應合無依其所擬於會事胡經

少卿郭珠

簡用一員陞授整飭西甯兵備副使候

命下之日照例行移兵部請

勅本部給憑令其到任管事緣係急缺兵備官員及奉

欽依吏部知道事理未敢擅便正德元年七月初七日奉

部尙書焦芳等具題次日奉

聖旨胡經陞本司副使整飭西甯等處兵備欽此欽遵當

將胡經填註陝西按察司副使整飭西甯等處兵備

訖擬合通行除外移咨前去照依題奉

關中奏議全集卷七

三

X11

欽依內事理欽遵施行等因備咨送司查得本部先年奏

擬西甯兵備副使責任常在西甯居住兼管莊浪古

浪涼州鎮番五衛所不時往來巡歷地方撫治番夷

整飭兵備修理城池剖理詞訟興革利弊及糾察不

公不法事情凡事俱與布按二司分巡分守并守備

官員計議停當而行不許各分彼此致有誤事仍聽

總制鎮巡官節制若分守守備并把總撫夷等官敢

有培植漁獵苦害軍士搔擾番夷者聽其指實呈稟

總制鎮巡衙門叅奏提問本官職司風紀尤須守法

奉公潔已恤下如或貪縱怠忽法不輕貸今該前因

案呈到部擬合通行爲此除外合咨前去煩照前該

題奉

欽依內事理欽遵知會施行

一爲易置要害地方守臣事

兵部覆該本部送於兵科抄出總制陝西延綏甯夏

甘肅等處邊務兼督理馬政都察院左副都御史楊

一清題查得協同分守甯夏西路署都指揮僉事張

翼先因打死人命及地方失事被叅提問節經奏辯

近日方纔復職守備靈州都指揮僉事焦洪節因守

備不設被賊入境搶虜人畜攻陷清水營堡虧折官

軍叅問未結臣親詣各該地方會同巡按陝西監察

御史邢纓議得廣武營孤懸平漫與虜爲鄰山後達

關中奏議全集卷七

三

X16

賊不時窺伺靈州北臨廣套西控大河水漢雜處尤

爲要害前項重地守臣得人方可倚託今照張翼緣

事將及六年銳氣消沮下人玩慢罪雖可辯用則非

宜焦洪連年失事貽患地方雖有微勞難盡折罪此

二人者久擁虛名自救不暇委的人情不附物議沸

騰况防秋伊邇虜患難測若不早爲易置將來重悞

邊事雖死莫贖但廣武營守將惟取其驍勇善戰足

可艾持靈州控制夷夏必得才堪經畫志存綏懷者

乃可勝任臣等博訪得延綏舊安邊營把總慶陽衛

指揮僉事魏鎮甯夏領軍指揮使仇鉞俱弓馬過人

慣經戰陣顯武營協贊見在陝西聽用署都指揮僉

事楊義甯夏都指揮僉事史鏞俱勸勵幹固善撫下人如蒙乞

勅兵部計議合無將張翼取回別用焦洪待問完具奏定奪仍訪察臣等所舉四人果有可取早爲上

請於魏鎮仇賊內擢用一員分守廣武營地方楊義史鏞內用一員守備靈州地方各照例請

勅行事庶幾耳目一新兵政可舉用弭將來之患少寬西顧之優等因具本該通政使司官奏奉

聖旨兵部知道欽此欽遵抄出送司案呈到部看得總制都御史楊一清奏稱分守甯夏西路都指揮張翼節

年爲事忝問銳氣消沮守備靈州都指揮焦洪近因關中奏議全集卷七

守備不設見被參提俱難再用及稱防秋伊邇虜寇難測欲要蚤爲更置一節切照前項地方委係臨邊

重地各該分守將官俱已累經爲事若再令其在彼非惟威令難行亦恐緩急難倚今既該總制官具奏

前來相應依擬合無本部仍行本官將張翼徑自起送回京其焦洪待問完之日具奏定奪所據各官員

缺候命下之日本部照例於相應武職內各推舉二員上

請簡命前去代替各官分守前項地方緣係總制官員奏要銓補爲事將官及奉

欽依兵部知道事理未敢擅便正德元年八月初一日本

部尚書許進等具題次日奉

聖旨是欽此欽遵擬合通行除外合咨前去煩照本部題奉

欽依內事理欽遵仍行協同分守西路署都指揮僉事張翼守備靈州都指揮僉事焦洪一體欽遵施行

一爲邊務事兵部覆本部於兵科抄出總制延甯甘肅邊務兼督

理馬政都察院左副都御史楊一清題據鎮守甘肅總兵官都督僉事劉勝呈據管束莊浪土官軍餘副

千戶魯經呈有父魯麟存日節奉勅命充左副總兵協同鎮守甘肅地方暫留莊浪撫綏部

屬運謀殺賊近於本年正月內得患痰嗽累醫調治不痊於本年三月二十一日病故等因轉呈到臣案

查先據副千戶魯經呈前事已經具題外查得已故協守甘肅左副總兵魯麟先因病患奏

准暫留莊浪撫管土人續因莊浪地方有驚該巡撫都御史畢亨題稱本官父祖以來世守莊浪虜賊素所畏

憚今雖養病在家尙能發縱指示該兵部奏請勅本官今後遇有達賊侵犯務要運謀設策勦殺賊寇等

因又爲預防虜患以保固地方事該臣奏套賊有警要調本官統領土兵前來固原環慶等處與陝西將

官協同戡守本部覆奏魯麟久在邊方委的謀勇願

優於眾今病痊可相應責成合無轉行魯麟將所管  
土兵嚴加操練固守地方若遇固原環慶有警卽聽  
都御史楊一清移文調用等因各題奉

欽依備咨前來節經通行欽遵外照得莊浪係河西要害  
地方先年土漢官軍同心捍禦虜賊畏憚不敢恣肆  
近因分守叅將蘇泰不能善處致有異同遇警不能  
成功該部有見於此奏調涼州右副總兵把琮分守  
莊浪叅將蘇泰調守涼州處置固已停當去冬套賊  
大舉深入腹裏臣移文調取魯麟應援本官隨卽統  
兵啟行因虜賊出境臣又差官阻回行令整飭操候  
調用去後緣河西土兵委的曉健善鬪虜賊畏憚魯  
麟中奏議全集卷七

麟父祖以來世受

國恩勲烈茂著本官替廕年久節蒙推陞委用累立戰  
功今虜患方殷正欲遵照

成命調用責成不料本官病故及看得伊男副千戶魯經  
年少守法弓馬熟閑見奉

欽依管束土官軍餘似堪付託且此兵非世將不能控馭  
但魯經名位尙輕須聽分守將官節制緩急乃可倚  
賴然此等將官必得器度宏闊才識優裕恩撫威制  
兩無所失庶得人心相安博訪得右副總兵把琮廉  
謹驍勇但駕馭之才綏懷之量非其所長及又訪得  
分守甘肅西路右叅將吳鉉才器比眾獨優行事寬

嚴相濟當此事勢難爲之秋必須隨宜更調庶免用  
違其才因而別起釁端不便此中關繫頗重臣不得  
不預言如蒙乞

勅該部計議奏

請合無將把琮仍分守涼州蘇泰調分守肅州吳鉉調分  
守莊浪操練土漢官軍防禦賊寇遇警相機截殺其  
待土兵務先懷之以恩不許分毫苛刻擾害有功照  
例具奏陞賞勿得自分彼此如有觸法干紀之人亦  
不許輕貸致長桀驁之風仍乞查照魯麟生前勲勞  
上請

恩典量爲

褒恤以勵後人魯經於例應該襲授何官亦

關中奏議全集卷七

乞早爲查處使名位既正責任有歸令其用心操練  
約束所管兵馬遇警聽分守將官調遣會合殺賊如  
河套有警聽臣調來腹裏地方防守勉立事功以報  
國恩以不辱其先世如此則土兵之心既安漢兵之勢  
益壯虜賊聞風畏憚地方可保無虞矣等因具本該  
通政使司官奏奉

聖旨該部知道欽此欽遵抄出送司查得先爲邊務事該  
暫留莊浪左副總兵魯麟奏稱伊男副千戶魯經日  
漸知訓習練兵馬頗諳事體庶眾信服乞要請

勅管束所部家口該本部議擬題奉

欽依請

勅本官欽遵去後又爲易將官以安邊境事該巡撫甘肅  
都御史畢亨奏稱分守莊浪叅將蘇泰因與土兵不  
協乞將本官改調相應地方及照左副總兵魯麟見  
今養病尙能發縱指示其子魯經本官教訓亦有成  
立乞

勅本官今後遇賊侵犯多發人馬併力戰守該本部議蘇  
泰改去涼州把琮調來莊浪各依原職分守前項地  
方及請

勅魯麟但遇虜寇犯邊卽便督令伊男魯經統領土兵併  
力戰守等因題奉

欽依請

關中奏議全集卷七

川七文

勅各官欽遵行事去後又爲病故官員事該管束莊浪土  
官軍餘副千戶魯經奏稱伊父魯麟病故該本部議  
擬行移總制都御史楊一清查勘已死左副總兵魯  
麟應該作何褒異所部土兵家口今該作何優恤等  
因題奉

欽依又經查勘去後今該前因案呈到部看得總制都御  
史楊一清奏稱莊浪係邊方要地防禦必資土漢官  
軍卽今副總兵魯麟已故伊男魯經名位尙輕所遺  
土官軍餘必須分守將官得人庶幾撫制有方緩急  
可倚因訪得甘肅西路右叅將吳鉉才器行事俱有  
可取欲將副總兵把琮仍分守涼州叅將蘇泰調守

肅州吳鉉調守莊浪一節緣莊浪地方實河西要害  
之地前項土兵尤宜料理况當邊方有事之時正守  
臣預防之際事體攸繫誠不可緩今本官見在彼處  
總制事皆耳聞目擊及所訪各官才能料亦鑑衡有  
素合無准其所奏候

命下之日本部仍行總制都御史楊一清轉行各官各照  
前項地方欽遵行事其撫制莊浪土兵事宜吳鉉悉  
要查照原擬施行既不可衝勒大弛長彼偷安之風  
亦不可嚴刻相加失彼効力之意所據要行褒恤魯  
麟生前勲勞早正魯經自今名位查與本部近日奏  
行勘處事理相同合無再行本官卽便作急查勘已

關中奏議全集卷七

三

X〇〇

故副總兵魯麟應該作何褒異所遺家口土兵見今  
作何優恤從實具奏前來以憑上

請定奪仍將魯經該襲父祖職事緣由行令該衛保勘明  
白作急起送赴部襲職之後另行議處以正名位施  
行緣係總制官議處邊務及奉

欽依該部知道事理未敢擅便正德元年七月初一日本  
部尙書許進等具題初二日奉

聖旨是欽此欽遵擬合就行移咨前去煩照本部題奉  
欽依內事理欽遵施行

一爲經理要害邊防保固疆場事  
兵部覆該本部題先該總制陝西延甯甘肅等處邊

入寇之患以副三邊委任之責等因具題奉

務兼督理馬政都察院左副都御史楊一清題據委  
官陝西布政司管糧右叅政安惟學陝西按察司管  
屯僉事胡經呈各准本司咨關抄蒙臣案驗會同分  
守分巡關西河西二道右叅議張勛副使邢義僉事  
郝本甯夏領軍都指揮使劉端勛議過花馬池一帶  
邊防應合經理事宜開具會呈到臣查得節該欽奉  
勅若虜賊出套軍情稍甯即便經畧沿邊花馬池等處一  
帶邊防用心設法整飭保固疆場欽此欽遵續准兵  
部之爲大勢達賊擁眾入境官軍對敵解圍事該本  
部議擬行臣督同甯夏鎮巡官將花馬池地方上緊  
用心設法經畧務使兵力充實威武振揚用防將來

聖旨是花馬池係要害地方累年整飭邊備緣何仍前疎  
畧動輒失利着楊一清好生用心整理務要停當欽此  
欽遵備咨前來伏念臣本菲才謬應重託夙夜兢惕  
不遑甯處切見陝西各邊延綏城堡據險甯夏甘肅  
河山阻隔賊雖侵犯止在本境爲患猶淺惟甯夏花  
馬池至靈州一帶地里寬漫城堡稀疎兵力單弱一  
或失守虜眾折墻而入其所利不在甯夏而在腹裏  
必將犯我環慶寇我固原深入我平鳳臨鞏等府州  
縣其間土漢雜處倘兵連禍結內變或因之而作根  
本動搖誠非細故此所謂膏肓之疾腹心之害也成

化初年北虜在套彼時未有邊牆恣肆出入後該巡  
撫甯夏都御史徐廷章等奏修今邊牆二百餘里開  
濬溝塹一道延綏地方邊牆壕塹又該巡撫延綏都  
御史余子俊修濬完固北虜知不能犯遂不復入套  
者二十餘年世平人玩邊備稍疎墻既日薄溝又日  
淺宏治十四年大虜由花馬池折墻入寇內郡賊敗  
我士卒魚肉我生民虜人得志始蔑我邊墻爲不足  
畏連年擁眾折入我軍動輒失利先該甯夏鎮巡等  
官太監張佃總兵官郭鈞都御史王珣等節經議奏  
要將舊邊墻幫築高厚邊塹挑濬深闊又節該提督  
軍務都御史史琳等建言要於花馬池韋州設立營

衛摘撥腹裏官軍防守兵部奏行總制尙書秦紘勘  
處本官泥於所見止添修四五小堡及於靖虜至環  
慶地方挑空邊塹一道七百餘里自謂可以阻遏保  
障上完回奏詔宏治十七十八二年冬間虜復大舉  
仍自花馬池清水營折墻深入搶掠前項邊塹營堡  
不能捍禦阻遏及又將清水營城堡攻陷花馬池官  
軍殘害上厘  
宵旰之憂特  
命愚臣整飭經理臣雖聞劣歷官陝西有年虜情邊事頗  
嘗究心但腹裏頻年旱荒倉廩空虛饋餉不繼虜賊  
動號數萬條聚忽散出沒不常未至而廣徵土馬則



徒費芻糧既至而調兵應援則緩不及事縱使大兵  
既集務速則彼或不來持人則我師先老恐終無以  
伐其深入之謀沮其方張之勢嘗聞防邊之計莫危  
於戰莫安於守前人經畫具在已經選委西安左衛  
指揮僉事楊宏平涼府同知岳思忠前去各該地方  
約會分守花馬池寨將閩綱協同分守與武營都指  
揮保勛守備靈州都指揮焦洪查勘計處績據各官  
將勘處過應該討築邊牆添設衛所等事會至前來  
爲照事體重大未經領巡三司官員詳議難便定奪  
又經行委布按二司叅政安惟學等會同守巡等官  
覆勘再議去後今據前因臣恐坐談不如親見本年  
關中奏議全集卷七



五月間白慶陽環縣歷延綏定邊甯夏花馬池興武  
清水營直抵靈州一帶邊牆城堡墩臺逐一躬親閱  
視及將原勘議事情會同巡撫陝西都御史張泰巡  
撫延綏都御史文貴總兵官張安巡撫甯夏都御史  
劉憲總兵官李祥巡按陝西監察御史邢纓面議所  
見所處大抵畧同臣廣集眾思兼收羣策叅酌損益  
始有定論其大要有四修濬墻塹以固邊防增設衛  
所以壯邊兵經理靈夏以安內附整飭韋州以遏外  
侵當務之急莫先於此但修邊一節陝西各該地方  
財匱民勞與此大役必多異議然利害有重輕關繫  
有大小土木之害較之搶殺爲小動搖之患比之勞

費爲大大事可成則小費不足計遠効可圖則近怨  
不足恤此臣區區犬馬一寸之忠也且今河套卽古  
朔方之地唐張仁愿攝御史大夫代朔方總管築三  
受降城置烽墩千八百所自是突厥不敢踰山牧馬  
朔方無寇歲省費億計減鎮兵數萬受降遺在河外  
古之舉大事者未嘗不一勞而後永佚類如此受降  
據三面之險當千里之蔽

國初舍受降而衛東勝已失一面之險其後又撤東勝  
以就延綏則以一面之地遮千餘里之衝遂使河套  
沃壤棄爲虜巢深山大沙勢願在彼而甯夏外險反  
南備河此陝西北虜之患所以相尋而莫之能解也  
關中奏議全集卷七



茲欲復守東勝因河爲固東接大同西接甯夏使河  
套方千里之地歸我耕牧開屯田數百萬用省內郡  
轉輸斯爲上策顧今之力有未能未敢議及使虜人  
不恒入套或如近年入而過出猶可支持萬一擁眾  
在套經年不出則陝西用兵殆無虛日入郡之人疲  
於奔命民窮盜起雖有智者不能善其後矣及今將  
延綏甯夏一帶邊防設法整飭賊來有以待之雖不  
得爲上計猶愈於無策然邊防旣固雖中人可守醜  
虜聞知或數十年未敢輕犯饋餉可省休養生息於  
十數年之後東勝之議未必終不可復

天祚

皇明其將有待於他日乎世之論邊事者或專主於戰伐  
正亦非敢忘戰者方將蒐選官軍策勵將士修車馬  
備器械儲糗糧明斤墩今冬虜賊若復侵犯仰伏  
神武之威謹當督率諸將恭行天罰雪耻除寇臣之志  
也以身徇

國臣之分也成功在天臣不敢必凡所當爲臣不敢避  
今首以築牆挑塹爲言宜必增茲多口但受  
恩深重自當爲

國遠圖今年套內無賊腹裏有秋人民稍安正可以有  
爲之日失此不爲繼今目前無事後患有所不免臣  
何敢幸一時之安而委患於他人哉所有應合經理

關中奏議全集卷七

三九

川上

邊防事宜條具于後伏望

聖明俯垂省覽乞下兵部會同大臣科道計議倘有可采  
上

請施行仍乞降

勅陝西延綏甯夏三鎮撫臣與臣同心協力及時經理專  
委都布按三司堂上官各一員總蒞其事工完通將  
修濬邊牆塹塹添設衛所城堡起備過人夫支用過  
銀糧數目畫圖貼說造冊奏繳等因具本該通政使  
司官奏奉

聖旨該衙門看了來說欽此欽遵抄出送司查得先爲大  
勢達賊擁眾入境官軍對敵解圍事該本部議行總

制都御史查照節次奏行事理督同甯夏鎮巡官員  
將花馬池地方上緊用心設法經畧降墩不明作何  
整理軍伍不足作何轉調務使兵力充實威武振揚  
用防將來入寇之患以副三邊委任之責等因正德  
元年二月二十八日題奉

聖旨是花馬池係要害地方累年整飭邊備緣何仍前踈  
累動輒失利着楊一清好生用心經理務要停當欽此  
已經通行去後今該前因案呈到部看得陝西等處  
總制都御史楊一清奏稱花馬池一帶地方俱係通  
賊處所邊防既踈賊勢難遏一勞永佚所宜急圖因  
條陳請築邊牆添設衛所等六事乞要

關中奏議全集卷七

四〇

八〇

勅令廷臣會議施行一節緣係經理邊務事體重大臣等  
委難定擬合無依其所奏本部會同府部等衙門各  
堂上官并掌科掌道等官將本官所陳事件逐一從  
長計處停當明白開奏以俟

聖裁等因題奏

聖旨是這邊防重事你每便會議停當來說欽此欽遵臣  
等會同太師兼太子太師英國公張懋吏部尚書焦  
芳等議得花馬池東西一帶地方虜賊頻年謀侵內  
地皆從此入蓋由牆薄溝淺既無以攝其輕犯之心  
兵寡力分又無以遏其遠來之勢今總制都御史楊  
一清所奏後開六事謀慮既周區畫尤當誠於邊防

有益理合逐一議擬開立前件上請伏乞

聖明裁處及照前項邊務事體重大倘蒙俞允俟

命下之日請

勅各該總制并鎮巡官員依擬施行緣係會議總制官員

議處防邊事宜及奉

欽依是這邊防重事你每便會議停當來說事理未敢擅

便開坐正德元年九月二十一日本部等衙門尙書

等官許進等具題次日奉

聖旨是都准議行欽此欽遵除外合咨前去煩照本部等

衙門題奉

欽依內事理欽遵施行

關中奏議全集卷七

計開

一查得應築邊墻自延綏定邊營迤東石澗池

地界起至甯夏地方橫城止共三百里沿邊

舊有墩臺七十一座舊築邊墻高一丈連梁

墻三尺共一丈三尺底闊一丈收頂三尺五

寸內除梁墻根占一尺五寸止剩二尺官軍

難以擺列拒敵墻外墩臺一道深入尺口闊

一丈底闊四尺中間多有填塞平漫止存形

跡墻裏除興武營清水營毛卜刺紅山兒四

堡切近邊墻易於護守其餘大小城堡俱各

離邊地遠聲勢隔越切緣前項邊防委的壕

墻窄淺墻垣低薄墩臺稀疎節被大勢達賊

入套近邊窺伺墻裏既無大兵阻遏墻上又

無官軍拒敵賊眾填溝而進掏挖邊墻一日

可開二三十處本處官兵自保不暇安能截

勦墩軍懼其攻空往往棄墩而逃烽火不接

縱使徵調客兵前來應援墻內墻外俱平漫

廣衍黃沙白草彌望無際賊眾動稱數萬我

軍眾寡不敵無險可據難以過其初來之鋒

賊既入境馳驟長驅一日夜可至固原地方

無復邀阻連年失利職此之由爲今之計合

無查照甯夏先今鎮巡等官都御史王珣劉

關中奏議全集卷七

憲等擬奏量爲斟酌損益將舊墻內外幫築

高厚各二丈收頂一丈二尺兩面俱築墩墻

高五尺連墻共高二丈五尺除墩墻根占兩

面共四尺尙餘八尺之地每墻一丈開塚口

一處安置轉關遮板墻外每里添築敵臺三

座每座相離一百二十步底闊周圍四丈五

尺收頂周圍二丈二尺上蓋暖鋪一間傍墻

於空闊要害有水頭去處增添小堡高厚丈

尺畧與邊墻相等墩臺去處仍酌量添築墩

臺墻外塚臺挑濬深二丈口闊二丈二丈底

闊一丈五尺前頂敵臺九百座暖鋪九百間

每間用五人守之該用軍四千五百名無事之時止守舊墩每冬月河凍不拘達賊會否入套即便調撥鋪軍上墻防護仍添撥軍人於新墩守哨河開無事疎放回營墻上設置籌牌柳鈴晝夜往來巡警廣張旗幟聯絡相應分委的當官員各定鋪分護守參將協同守備官各照所管地方提調廣賊若果入套必似前魏伺侵犯原擬徵調延綏遊奇士兵及甯夏耐總兵等人馬各於定邊花馬池興武營清水營靈州等處駐劄仍各分兵於新舊小堡內按伏策應其間應分應合事宜又

關中奏議全集卷七

聖

川三六

在臨期調度如此則邊備嚴密威武振揚足以伐其邪謀不敢輕易近墻若是仍前填壕近墻攻空官軍出列墻上敵臺兩邊鎗砲矢石攻擊賊徒愈眾則所傷愈多步兵擊之於墻上騎兵待之於墻內其鋒必沮其氣必喪虜賊遠來利於速戰入既無策勢必遁歸縱使犬狼不肯悔禍結聚攻圍邊墻受敵不支然相持之間未免少延時日烽火傳接環慶固原一帶人畜既斂兵備既嚴可保無失事不得已則我邊兵姑斂入大小城堡以避其鋒賊果深入速將原折墻口補塞量留官軍

堅壁固守各挑精兵襲踪而入陝西官軍撓之於內俟其將遁躡蹤而出延甯精兵邀之於中沿邊官軍拒之於外賊雖梟雄豈有善歸之理就令少有侵掠比至邊墻我軍仍於墻上裏面垛口用鎗砲矢石攻擊勢必潰亂諸軍乘之縱不能使其匹馬不旋亦必大遭挫衄可保數十年不敢入套犯邊經畧之計宜無出此但與此大役未免勞人費財行據原委三司府衛大小官員參政安惟學等及沿邊守臣參將閻綱等各將邊墻壕塹城堡墩臺丈量估計折筭定擬除延綏一鎮延安

關中奏議全集卷七

聖

川三六

一府軍民人夫修理延綏邊墻外計筭得甯夏五衛東西二路應起人夫一萬五千名固靖環慶西安漢中甯羗鳳翔秦鞏臨平洮岷河蘭等衛所并各護衛量起軍夫共一萬五千名其有馬頭挨次撥軍人俱免起用各令蓄銳待敵西安鳳翔平涼慶陽臨洮鞏昌等府共起民夫五萬名漢中府在棧道之外道途險阻服役不便合令量徵夫價解送工所以備賞勞人夫鹽菜之用俱聽陝西甯夏二處巡撫衙門督令該道守巡該府衛掌印官酌量派發應役每天一名日支糧米一升五

合計算做工四箇月該用口糧米一十六萬餘石欲於各該邊倉關支查得見在倉糧所積不多恐誤主客官兵支用必須趁今年成有收時月另爲招商上納夫糧爲便但脚價高貴每糧十石須用價銀一兩有餘方肯上納計糧十六萬餘石該銀十六萬餘兩陝西司府庫藏空虛別無相應官銀支用查得先爲急處救荒事該戶部奏送賑濟官銀二十萬兩緣各該被災州縣地方該徵稅糧既已蠲免三麥又皆成熟人心已安流移復業不須賑濟近准該部明文暫收陝西布政司官關中奏議全集卷七

望

川三

庫以備各邊緊急雜買糧草合無於內動支十萬兩專聽修邊項下招商糴糧支用外十萬兩仍收布政司官庫以備緊急雜買糧草不敷之數行管糧叅政量將各起運存留糧米通融改撥及聽陝西巡撫官再查別項無碍官錢支用前項人夫錢糧須在今年處置料理停當明年春正二月哨探套內無賊三四月內興工務在八月以裏完備合用防護官軍并提調工程大小官員應支廩給口糧馬匹料草於該邊官倉內支給其餘一應事情應該自處者徑自從宜施行

前件議得都御史楊一清奏稱自延綏定邊營迤東石澆池地界起至甯夏地方橫城止俱各壕塹窄淺墻垣低薄墩臺稀疏以致虜賊攻奪甚易出入無阻欲將舊牆幫築高厚壕塹挑濬深闊并添設敵臺暖鋪小堡分撥官軍防守可緩深入之鋒可邀逃歸之勢及稱該用軍民人夫口糧若干欲要於賑濟官銀內動支十萬兩以備招商上納俱於今年措置停當期以明春邊方少靖四月興工八月完備一節切緣虜性桀黠豕突狼奔非得溝塹深高墩臺聯絡鮮不坐受其弊况前項地關中奏議全集卷七

望

川三

方廣闊兵分實難防遏連年失利可爲明鑒今都御史楊一清所陳曲盡經營之計事非得已但今年民遭荒歉來歲便未甦息若將邊牆墩堡敵臺一時併修誠恐民不堪命合無令兵部仍行本官准令於前項官銀內動支十萬兩先行分委廉幹官員隨宜招商上納糧米務在充實足勾夫役關支待明年八月哨探河套無賊年成有收起備軍民人夫將邊牆壕塹先行依擬幫築挑濬其敵臺暖鋪小堡待候民力有餘然後漸次興工此外一切處置事宜悉依原擬施行其用工夫役

嚴督管理官員加意撫恤使忘其勞所築牆垣等件務須比舊堅久有益防守不爲徒費財力工完之日通將用過錢糧數目修過工程丈尺備造文冊奏繳以憑稽考

一行准巡撫延綏都御史文貴咨稱准臣咨前事會同鎮守太監劉保總兵官都督僉事張安議查得本鎮東自黃甫川堡至西定邊營接連甯夏東路花馬池地界止東西直去共有一千二百餘里俱係緊關衝要地方內甯塞營迤東一千餘里設有二十五堡各境界連絡平漫之處各有築打邊牆山崖溝澗之關中奏議全集卷七



川吉

處各有剝削巖崖挑挖壕塹頗堪保障惟是甯塞營迤西至定邊營止中間空闊一百八十餘里俱未築打邊牆止是挑有窄淺壕塹一道訪得往來達賊常自花馬池一帶深入寇掠者一則以其營堡稀疎墩臺無備兵馬餒弱一則道路平坦與腹裏固靖等處直捷易於往回故耳今若止將彼處經營牆垣高厚墩臺稠密營堡連絡軍馬充盛達賊必然有所畏憚不敢侵犯若安邊營一帶如故不修賊若從此突入往花馬池南畔長驅亦可撓阻則腹裏地方不無猶如往年受害近來

本鎮在於彼處添新改舊造成中空外方置有箭廳銃眼可以伏兵制虜墩臺共有六十四座奈緣人力不敷不能多造地廣墩疎止堪守險難以遏阻爲今之計合無將甯塞營自歡喜梁墩起往西直抵定邊營延甯地界墩止與花馬池地方一樣整理平漫去處築打邊牆山川險阻之處剝削懸崖挑挖深闊壕塹再於見造墩臺空中每三百餘步各添造前項式樣小樣墩臺一座安在邊牆居中各中間再設上土築護牆敵臺一座如此則邊牆高厚而有備墩臺稠密而有機烽火易關中奏議全集卷七



川吉

知警急易援與花馬池同一金城湯池之固沿邊腹裏均堪保障而無虞矣等因備咨到臣案照先因勘處甯夏花馬池等處地方邊備臣切慮虜情重大變態難測若西路甯夏邊牆修築完固虜賊或從迤東延綏地方進入搶掠則延慶固原不免仍前受害未審彼處邊牆溝塹有無高深嚴密足堪保障已經移咨延綏巡撫官勘議去後今准前因看得延綏地方甯塞營之東有險可據賊難馳突甯塞營迤西至舊安邊營舊安邊營迤西至定邊營各九十里川原平漫與花馬池地方

相類既無邊墻雖有溝塹二道俱爲沙土壅塞平滿萬騎馳驟不能阻遏前此邊賊每從花馬池清水營地方折墻深入取其捷徑今若將花馬池一帶邊防整飭完固萬一點賊自定邊安邊之間擁眾而入西向花馬池邊墻以裏地方自西而南不過稍迂百餘里則修邊工程歸於無用誠如巡撫都御史文貴所言行據三司委官叅政安惟學僉事胡經等勘量得定邊營迤西石澗池地界起至甯塞營迤西地界止共長一百六十三里三百四十五步內平漫相應築墻挑壕者一百三

關中奏議全集卷七

完

四七

十一里三百四十九步山崖險峻堪以剷削者三十一里三百五十六步合無責成巡撫都御史文貴照依所擬應築墻者築墻應剷削者剷削但前項地方已該文貴新築甌墩制度精巧非惟便於瞭望亦可按兵擊賊所患墩空隔越稀疎合准本官所擬於中空量爲添築小墩臺安在邊墻居中墩依於墻尤便防守其餘溝塹敵臺暖鋪俱照甯夏邊防一體整飭修理但邊墻高厚丈尺比之甯夏地方稍省合用人夫除本鎮外聽於延安一府所屬州縣量數起用務令沿邊有備腹裏

無虞

前件議得都御史楊一清奏稱甯塞營迤西直至定邊營川原平漫與花馬池地方相類俱無邊墻可恃兼且墩臺隔越勢難救援今花馬池一帶已整飭完固而此處不經理萬一黠虜擁眾西入則延慶固原未免仍前受害誠有如巡撫都御史文貴所言欲要責成本官俱照甯夏邊防整理一節絲胡虜譎詐此沒則彼出東備則西侵必須在在戒嚴庶彼無間可投前項地方既該總制官員議處前來相應議擬但當成荒之餘而與此浩大之

關中奏議全集卷七

平

四七

役民力或恐不勝合無令兵部內行本官轉行彼處巡撫查勘本境地方今年果無災傷軍民安堵亦照花馬池事體起倩軍民人夫將邊墻壕塹先行依擬幫築挑澹其餘敵臺等項亦候年歲豐稔民力有餘然後漸次興工中間一切處置事宜悉依原擬施行務使工程堅完民不告勞虜賊絕西人之望方享永久之計斯爲盛舉工完之日通將用過錢糧數目修過工程丈尺備造文冊奏繳以憑

查考

一行據委官西安左衛指揮僉事楊宏平深府



同知岳思忠呈稱親詣花馬池與武營靈州等處會同叅將協同守備等官閭綱保勳等議得甯夏一鎮西有河山之險東無溝巖之阻西路設立甯夏中衛東路止是新設花馬池守禦千戶所似爲偏重况虜賊大舉必從東路折墻而入非惟無險可恃實因兵力單寡賊至境上每仰客兵應援近年徵調官兵失時後期迄無成功合無將花馬池守禦千戶所改設一衛除本所外再添四所共五所其與武營相離花馬池一百二十里孤懸急難應援止是備禦客兵戰守不足合無添設

關中奏議全集卷七

至

川七

守禦千戶所照依延綏事例委把總官一員提調防守新設衛所合用官於陝西都司官多衛分摘調旗軍於甯夏并靈州及東西二路新舊招募額外土兵內摘撥有警之時專一守城守墻守墩無事之際邊裏閑田聽其開墾以近就近且耕且守如此則勢不偏重而邊墻可久兵皆土著而人情可安等因各呈到臣叅詳所擬花馬池一帶地方委的無險難守花馬池止是新設守禦千戶所軍數尙未補足一千之額其餘俱是各處分班備禦軍人與武營止有備禦官軍七百餘員名

緣備禦客兵往來更代不一終無固志今若比照甯夏中衛事例花馬池改立一衛增添四所與武營設守禦千戶所各添撥旗軍與備禦官軍相兼防守兵力強盛足堪保障且衛所常備之兵既有定居各思保其血屬守其業產比之客兵計日思歸者不同合用旗軍五千名要於新舊招募額外土兵內摘撥查得甯夏一鎮舊招募甲軍三千名宏治十五年間該大理寺左寺丞劉憲招募土兵一萬一千名近已挑選二千員名給與官馬委都指揮韓斌管領於清水營按伏及中間或

關中奏議全集卷七

至

川七

有事故紀錄之數大約見在新舊招募土兵尙有一萬餘名中間多係精壯勇健之人堪以挑選撥用所據前議添設衛所摘撥招募土軍防守人情事體委俱相應續行都布按三司委官叅政安惟學僉事胡經都指軍劉端等勘處相同行准巡撫甯夏本院右僉都御史劉憲咨報亦無異議近該臣巡邊到於靈州各招募軍高海等自行投狀情願起調改撥河東衛所行據整飭環慶兵備副使燕忠親詣甯夏查選丁力相應情願調撥旗軍共四千名造冊案候合無將花馬池守禦千

戶所改設甯夏後衛與武營添設守禦千戶所將選定新舊招募土兵起調前去入伍食糧永遠操備撥與地基蓋造營房住坐附近閒田任其開墾耕種不收子粒有警則操戈以戰無事則執耒而耕守墻守墩分番撥用待安插已定擇其驍銳量給馬匹領養騎征五年之外方將所種田地照輕則起科量收子粒以助邊儲合用衛所指揮千百戶鎮撫先查甯夏招軍相應官員及行陝西延甯甘肅四鎮查新陞空閒官各員奏改調銓註管事經歷知事吏目等項文官行吏部銓選印

關中奏議全集卷七

書

川七三

信銅牌照例

請給但旗軍合用五千名今止挑選得四千名尙欠一千名及查得花馬池守禦千戶所額設軍人舊欠三百六十四名俱應撥補合無照依榆林靖虜等衛并陝西苑馬寺事例將陝西西安等八府正德元年以前清出該解南方衛所軍人免其發解各改編前項新設衛所應當軍役待軍伍數足具奏停止議者以爲改編事例未免損此益彼緣北人應當南軍畏其煙瘴炎熱終是不肯應役隨到隨逃州縣清解雖勤衛所空虛如故徒爲里書官旗漁獵

之資今若改編本省地方人心樂從官多實

用  
前件議得都御史楊一清奏稱花馬池東路雖設有守禦千戶所兵力單寡其與武營相距一百二十里孤懸絕境有警俱難救援欲要將花馬池守禦所改設甯夏後衛與武營添設守禦所就將選定新舊招募土兵調去入伍食糧永遠操備撥與地基蓋造房屋住坐待安插已定擇其驍銳給領馬匹騎征附近閒田任其自行耕種五年之外量徵子粒以助邊儲合用衛所指揮等官查奏改調經歷

關中奏議全集卷七

書

川七三

等項文官欲行吏部銓選印信銅牌照例

請給及稱軍數不足要將陝西延安等八府正德元年以前清出該解南方衛所軍人改編前項新設衛所應當數足奏

請停止一節緣前項地方委係要害處所必須兵力強盛庶克保障今總制官員奏要改設衛所委於事體相應但官軍所種閒田五年之外量收子粒似爲太狹合無令兵部仍行本官將花馬池守禦所改立甯夏後衛與武營添設守禦所文職等官并印信銅牌行各衙門照例銓選奏

請給用及官軍所種閒田必待十年之後從輕奏

請徵收子粒仍行陝西清軍官將正德元以後清出雲

南貴州兩廣湖廣軍人改編今設衛所着役數足奏

請停止其餘彼處事情悉令查照原擬施行務期威武克振邊防有賴

一靈州千戶所北臨廣套西控大河實甯夏之喉襟中原之門戶原額土漢馬步官軍四千

八百餘員名備禦西安右護衛官軍七百五十一員名所管地方東至萌城北至興武營

方數百餘里大小城堡二十餘座誠為達賊關中奏議全集卷七

川上文

出沒要害重地靈州不守則甯夏隔為外境環固勢孤無援無環固則無陝西矣內有土

民四里并土達軍餘六百戶俱係洪武年間山後節次歸附人數我

祖宗嘉其誠欵收而羈縻之給與田地草場使其任意耕牧後因有警土人自備鞍馬出力報効累有

斬獲北處畏之近年以來所司不知存恤草場破人侵奪莫為理斷馬匹一槩走站死則

追陪虜賊外侵科差內擾人畜凋耗死徙居半臣頃者巡邊閱視得彼處地方城池壕塹

一切兵政因守備非人悉皆廢弛節據土民

土達馬倭郭斌等連名具狀訴稱科差重繁生理蕭索乞為分豁情詞十分激切臣觀甯

夏地方如此邊務如此人情上無有備之形下有可畏之勢今不為之所將來懼有內變

不止虜情當慮而已傳曰不見是圖况機緘外見已非一日之故耶又據漢土舍餘軍民

劉澄等各具狀告稱靈州相離甯夏動經百

里隔越黃河本所月報循環糧草軍務等項俱該甯夏衛提督或聲息河渡有阻該役官

吏經月不回公務有失又兼本衛不時差人來所搔擾不過告乞復設守禦千戶所衙門

關中奏議全集卷七

川上文

便益等情查得靈州洪武年間原設守禦所徑屬陝西都司管轄後因拜進

表箋官員數多不敷差用奏革守禦名目隸甯夏衛帶管原遺肅字號夜巡銅牌六面尙存土民亦

屬甯夏衛經歷司帶管路阻黃河科差拘擾委多不便先該巡撫衙門奏設州治建學立

師訓誨土官土人子弟用夏變夷似亦有見但甯夏軍餘改設編氓未免損此益彼近又

革去州治仍隸甯夏衛管轄夫州治固不可設緣本所軍非不足官有剩員復守禦之舊

當無不可且今之管軍官員多一層則受一

層之害靈州軍民甚以爲害而甯夏之人則  
因以爲利貪豪恣肆上下交征眾暴強凌無  
所控訴必須復設守禦千戶所專設憲臣一  
員在彼常川駐劄庶幾夙弊可革土人獲安  
但陝西按察司添設兵備副使已多若再添  
除又啟官多人擾之議查得環慶兵備副使  
止管慶陽一衛事務甚簡况又兼理靈州鹽  
法慶陽相離大小鹽池各數日之程實難遙  
制靈州相離鹽池不遠易於提調合無將靈  
州千戶所改設守禦千戶所換鑄印信用使  
徑隸陝西都司所轄土民聽本所吏目管帶  
關中奏議全集卷七

三

川

將環慶兵備改作整飭環慶靈州等處兵備  
自環慶迤西甯夏花馬池興武營清水營直  
抵靈州一帶地方俱聽提調約束常川在於  
靈州駐劄操練軍馬問理詞訟撫安土人禁  
革奸弊兼理靈州鹽課司大小鹽池鹽法仍  
聽陝西甯夏巡撫官員節制如此而又委任  
得人則軍民免十羊九牧之擾土人有趨利  
避害之望而一帶地方邊備錢糧有所稽考  
不爲無益  
前件議得都御史楊一清奏稱靈州地方係要  
害重地內有土民四里并土達軍民六百戶

俱係先年山後歸附人數安住前地令其任  
意耕種後因報効有功頗爲北虜所畏近年  
所司不知存恤科差重繁以致累行告理誠  
恐變生不測及稱漢土舍餘軍民告稱靈州  
相離甯夏河道險遠公務文移每多阻悞兼  
以本衛公差拘擾乞要查照洪武年間舊例  
將靈州千戶所改設守禦千戶所鑄換印信  
徑屬陝西都司管轄土民止聽本所吏目帶  
管并要將環慶兵備改作整飭環慶靈州等  
處兵備迤西一帶地方俱聽提調時常在於  
靈州駐劄操練兵理刑撫夷革弊兼理前項鹽  
關中奏議全集卷七

三

川

課仍聽陝西甯夏巡撫官員節制緣前項土  
民舊令自種自食本爲羈縻之術近既聚  
軍伍自備鞍馬殺賊益當厚加撫恤使其樂  
爲我用若又重以差徭使不聊生逸桀之患  
不可不慮誠有如總制官員之所論者及稱  
靈州徑隸陝西都司管轄係洪武年間舊例  
見存肅字號夜巡銅牌在彼今改隸甯夏軍  
民皆稱不便亦合俯順人情况擬改兵備官  
員時加綜理尤爲周悉合無令兵部通行本  
官將靈州千戶所改設守禦千戶所徑隸陝  
西都司管轄今後土民止令本所吏目帶管

照舊辦納差糧仍行禮部改鑄印信降用其  
環慶兵備副使就行改作環慶靈州等處兵  
備常川在於靈州駐劄候

命下之日另請

勅一道備載原擬責任費付兵備官員欽遵行事務使土

人効用地方鞏固

一行據平涼衛把總指揮趙文呈蒙臣委會同

甯夏都指揮韓斌踏勘過韋州四面城垣敵

臺更鋪坍塌損毀數多城上各有通人行走

道路門無鐵葉不堪保障及查得本城羣牧

千戶所官軍盔甲軍器火器事事不堪等因

關中奏議全集卷七

堯

川名川

具呈到臣看得韋州地方廣衍平漫四通八

達乃虜寇出沒經由要衝處所正宜高城深

池戒嚴武備潛消虜賊窺伺之患今乃坍塌

廢弛至此守旣不嚴戰又無兵倘虜賊窺知

擁眾攻圍則城內生靈憑何保障腹裏人民

必致驚擾況密邇螺山

慶府墳塋所在宏治十四十七年間大虜入寇多在螺

山駐宿近日被人將

慶恭王墳掘發開棺看守人員通不知覺

慶王父子至情豈不痛心所據韋州重地若不將城垣

壕塹上緊修理添設常備之兵日後貽患恐

不止此查得本城羣牧千戶所官軍數目不

多實難倚託甯夏一鎮城堡墩臺通賊要路

甚多官軍數少亦難摘撥行據甯夏領軍陝

西都司都指揮使劉端查得甯夏中護衛旗

軍除選調廣武營鳴沙州操備外見在官軍

舍餘五千三百二十二名儀衛司旗校舍餘

一千一百九十七名俱在本府別無差占比

之

秦

肅二府大有不同若將前項軍校餘丁摘撥韋州設官

操守保障地方衛護墳塋最爲長便且

關中奏議全集卷七

本

川名川

秦

肅二府官軍旗校千里赴邊備禦今以

慶府擁衛之人保其

先王托體之地

慶王體 國之中奉先之孝大義兩繫決難他辭除修

理城垣壕塹另行外合無請

勅甯夏鎮巡等官太監萬全都御史劉憲總兵官李祥等

啟

王知會督委廉幹官員將甯夏中護衛儀衛司軍校舍

餘照册清查明白挑選家道殷實丁力有餘

者一千名選擇本衛能幹千百戶等官管領

前去韋州常川駐劄給撥空閒田地耕種

王府差役盡行蠲免專令在彼操習武藝與羣牧千戶

所官軍相兼防禦仍於甯夏等衛中選委有

謀勇有行止指揮一員提督操守振場威武

保障城池衛護

王墳遇警相機戰守遏截則虜騎經行有所忌憚不敢

恣肆腹裏人心有所繫屬不至動搖

前件議得都御史楊一清奏稱韋州地方平原

通衢虜寇出沒之所兵備廢弛保障不堪况

與螺山相近

慶府墳塋所在連年大虜人寇俱在彼處駐劄及

關中奏議全集卷七

三

四八

慶恭王墳近又被人開掘深為可慮欲要添設官軍防

守無處摘撥查得甯夏中護衛見在旗軍舍

餘五千三百一十二名儀衛司旗校舍餘一

千一百九十七名俱無別項差占乞要行令

甯夏鎮巡官員啟

王知會督委廉幹官員將前項軍校人等清查明白挑

選家道丁力相應者一千名委官管領前去

韋州駐劄給撥空閒地土耕種

王府差役盡行蠲免專令在彼與羣牧千戶所官軍相

兼操備防禦仍令於甯夏等衛選委廉能指

揮一員提督既可衛護

王墳又可保障城池一節察照前項地方委係通賊要

路雖設有羣牧千戶所官軍兵力單弱實難

支持况又密邇

慶府墳墓誠不可不為之處及照中護衛并儀衛司軍

校人等通計六千有零俱在本府閒住今擬

撥守前該地方則以本府擁衛之人保其

先王托體之地忠孝大義兩繫誠如總制官員所言况

摘撥之外尙存五千有餘儘勾差用事體亦

為相應合依其所奏令兵部行令本官轉行

甯夏守臣啟

王知會務思體國之忠奉先之孝即便督令能幹官員

關中奏議全集卷七

三

四八

將前項軍校人等如法挑選一名委官管

領前去韋州相兼戍守其餘事宜悉照原擬

施行務使威武振揚

王墳保固不至似前貽患

一行據委官陝西布按二司參政安惟學會章

胡經各呈稱靈州橫城以北西抵黑山營

遠關係甯夏通賊緊關要路虜賊見我邊防

嚴備既不能入花馬池必將從此而入踏冰

過河東西任意寇掠河西城堡雖有官軍數

亦不多不能阻遏合無將橫城以北直抵鎮

遠關邊牆壕塹一體幫築挑濬及稱黑山營

先年屯有人馬後因路遠難援廢而不守今河東邊防旣嚴虜必從此入境宜於黑山營仍屯兵按伏等因按查先該臣看得原擬甯夏邊牆至黃河東岸今築橫城而止恐虜賊見我河東邊牆高厚不能掏空冬深河凍於牆盡頭處踏冰過西岸自西而東仍謀入寇未審河西城堡兵力堪否捍禦已行勸議去後今據各官俱呈前因臣按圖考冊廣詢博訪甯夏橫城北黃河東岸舊有邊牆一百八十五里壕塹一道高厚深闊悉如花馬池一帶城塹之數自南而北有長城十八墩後守關中奏議全集卷七

三

川吉

臣恐稀疎每墩空內添設一墩共見在墩臺三十六座牆裏套內地方又設石嘴暖泉二墩瞭守其第十八墩與河西黑山營鎮遠關相對每年於黑山營屯聚人馬阻遏虜騎以爲甯夏北門鎖鑰前人綜理周密深有所見節因甯夏守臣怯懦士馬削弱河東墩軍累被套賊撲捉旣將石嘴暖泉二墩廢棄遂將新舊三十六墩俱廢而不守謂之備夏不備冬却止於河西築立墩臺一十五座守瞭由是套賊多寡遠近消息通不知覺又因黑山營曾被虜賊攻圍遂將官軍那人平虜城操

備由是平虜城爲極邊要害居人往往不得耕牧殊不知撲捉墩軍窺伺城堡乃虜寇常事願吾所以待之者何如耳吾能往彼亦能往我退一尺則彼進一尺河東墩臺旣不可守使賊乘凍渡河則西岸之墩獨不可掏空乎黑山營有備則平虜爲腹裏今廢黑山營而不守使賊近窺平虜亦將併廢之乎是皆不通之論也今花馬池一帶邊牆旣欲幫築高厚又於牆盡頭橫城之南添築一堡量屯兵馬防禦河開之後縱有套賊不能爲患但恐冬深河凍踏冰而西仍謀入寇容或有之關中奏議全集卷七

六

川吉

意外之防不可不謹所據河東三十六墩邊牆壕塹誠宜幫築修濬河西黑山營誠宜屯宿重兵但明年旣修延綏花馬池一帶邊牆工程浩大力不能及合無行令甯夏守臣明年將河東新舊三十六墩坍塌損壞者量爲修補照依舊規撥軍守瞭與河西墩臺烽火相接不至失誤官軍應援稍俟一二年仍將前項橫城以比三十六墩牆塹悉照花馬池一帶邊防幫築高厚挑濬深闊敵臺暖鋪護守官軍一體處置整理仍挑選精銳人馬於黑山營按伏以爲平虜城聲援如此則封守



慎固而地方可保無虞矣

前件議得都御史楊 奏稱花馬池一帶邊牆  
今既議幫築高厚屯兵防禦套賊或可無患  
但靈州橫城以北西抵黑山營鎮遠關邊防  
頗疎誠恐虜賊不得於東必謀於西及查黃  
河東岸原設邊牆壕塹并墩臺三十六座與  
河西黑山營相對遞年屯聚人馬阻遏過河  
虜騎最爲周密後因小有失利棄而不守賊  
遂深入無忌今宜照舊修復但東西工役一時  
併興民力弗堪欲要行令甯夏守臣暫且修  
補撥軍守瞭候各該工程稍暇悉照花馬池一  
帶整理一節切緣河東三十六墩并河西黑  
山營若使戍守嚴備踏冰虜賊不敢輕忽平  
虜地方益重保障今若棄而不守是撤藩籬  
而守門庭堂陛之患勢將必至今總制官員  
奏要修復舊制誠得前人綜理至計相應依  
擬但大功併作民力委有不堪合無令兵部  
行令本官轉行甯夏守臣將前項河東新舊  
墩臺坍塌損壞者照依舊規暫且量爲修補  
撥軍守瞭與河西墩臺烽火相接以備守賊  
過河候各該工程稍集仍依原擬修築施行

關中奏議全集卷七

五

三三

關中奏議全集卷之七終

總制類

一為預防虜患事

兵部覆該本部於兵科抄出總制陝西延甯甘肅邊  
務兼督理馬政都察院左副都御史楊一清題近該  
兵部咨該總制大同宣府偏頭關等處邊務都察院  
右都御史劉宇奏要會集邊兵以勦滅虜寇該本部  
看得各鎮有事俱宜彼此相濟合無再行總制都御  
史楊 轉行各處守臣知會今若大同賊勢眾大  
十分告急延綏總兵官合量帶精兵赴援不許坐觀  
成敗僅後延綏亦有十分警急宜大二鎮總兵官亦

關中奏議全集卷八

要親自將兵策應不可顧今日自己之利忘他日隣  
境之憂庶幾事體不偏人心可服等因題奉

欽依備咨前來案照先准兵部咨為虜寇臨邊整兵防禦  
事亦該總制都御史劉宇奏要徵調延綏兵馬已經  
併行延綏總兵官張安整擗聽候如遇大同聲息十  
分緊急移文徵調即便量帶精兵赴援外查得延綏  
副總兵姜漢所領奇兵三千餘員名遊擊將軍戴欽  
所領遊兵三千餘員名俱於本年三月內大同調去  
策應至今五箇餘月未回切緣近年虜酋恃其桀驁  
河凍則西行以寇關陝河開則東渡以窺宣大不自  
痛遭誅勦肆無忌憚今年自正月間陝西靜甯隆德

關中奏議全集卷八

地方搶掠回套渡河之後雖在大同宣府近邊住牧  
不曾入境侵掠想因總制都御史劉宇蒐選強兵要  
行會勦先聲所傳醜虜畏避今秋高馬肥時月既不  
得志於北冬寒河凍必將垂涎於西犬羊種類既繁  
動稱數萬會計陝西延綏甘肅三鎮見在人馬不足  
以當大同一鎮之數且甘肅地方四時警報不絕官  
軍難以掣調甯夏兵勢餒弱山後之賊不時侵擾僅  
能支持所恃以捍禦邊陲保障腹裏惟延綏一鎮土  
馬精強緩急可倚但自遊奇二兵調去之外所遺老  
家并新募有馬官軍不過八千餘員名東接偏頭關  
西甯夏千有餘里大小營堡二十四處分兵而守無  
所不寡勢須自保難再輕掣及查得宏治十八年九  
月內臣巡撫陝西因恐套賊踏冰入寇延綏遊奇人  
馬調去大同未回奏已行令延綏副總兵遊擊將軍  
姜漢叅將王戟作急將所領官軍掣回曹雄奇兵暫  
於定邊營駐劄以便延甯兩境策應姜漢遊兵王戟  
土兵於花馬池興武營等處按伏如果達賊入套擁  
眾近邊與甯夏副總兵叅將協同守備等官人馬併  
力捍禦保固邊疆不令入境該兵部議擬覆奏奉  
聖旨是便行與各官着同心協力相機防禦不許自分彼  
此致誤事機欽此欽遵通行去後本年十二月內大虜  
擁眾自花馬池折墻深入腹裏搶掠止是調到王戟

土兵猝與賊遇交鋒失利其延綏副總兵奇兵遊擊將軍遊兵俱未到邊臣不次移文督調終是緩不及期蓋因各該官軍初自大同掣回未及休息遽遭虜變以此應援不及向使各枝兵馬早得掣回如臣所擬分守地方駐劄虜賊未必敢爾長驅深入縱不能遏其初入之鋒襲蹤而進會合陝西官軍取便截邀未必無功往事無可說已今不早爲之處冬間套虜設復有警不無仍前悞事臣惟大同宣府爲北門鎖鑰果有重大聲息乃京師門庭之寇臣亦當親提師旅前去應援豈敢輒議掣兵但聞今年虜賊實不曾侵犯二鎮而延綏遊奇兵馬在彼久駐師老力竭人

關中奏議全集卷八

三 八川上

馬疲敵非惟坐糜彼處糧草亦恐將失本處事機况宣大偏頭關三鎮總制挑選精銳援兵已有五萬六百餘員名足勾截勦似亦不藉延綏數年官軍之力臣有地方安危之責不敢不言如蒙乞

勅兵部計議合無釐文總制都御史劉宇并各該守臣查勘如果虜賊不曾犯邊別無重大聲息速將延綏遊奇二兵發回本鎮暫時休息收拾軍裝衣鞋聽候調遣防禦套賊仍乞通行大同宣府偏頭關三鎮鎮巡官員各照兵部節次題奉

欽依事理彼此相濟互相應援待十月間哨探若是賊營西行遊奇將官即便那至本境陝西交界去處駐劄

賊果入套延綏守臣徵調即便前來會合應援截殺如是聲息十分緊急宣大二鎮總兵官亦照該部今次所奏親自將兵策應以寬

皇上西顧之憂以祛關陝兵民之患庶得彼此相濟地方可保無虞等因具本該通政使司官奏奉

聖旨兵部知道欽此欽遵抄出送司查得先爲會集邊兵以勦滅虜寇事該總制大同都御史劉宇題稱延甯地界與本鎮相連乞行各鎮守臣知會今後如遇有警預調軍馬毋分彼此就便督發起程會合截殺等因具本前來該本部議行總制陝西都御史楊

關中奏議全集卷八

四 八川上

轉行各該守臣若遇大同賊勢重大十分告急延綏總兵官量帶精兵赴援以後延綏亦有十分緊急宣大二鎮總兵官亦要親自將兵策應等因題奉

聖旨是欽此已經通行欽遵去後續爲軍務事該延綏副總兵姜漢遊擊將軍戴欽各題稱抄蒙總制大同都御史劉宇鈞帖行令將所領遊奇兵馬俱各掣回本鎮蓄養軍銳聽候遇警徵調已於八月十七日掣回等因具本前來本部又經案候外今該前因案呈到部除延綏遊奇兵已經掣回操候別無定奪外看得總制都御史楊 奏稱虜酋祭點河凍則西寇關

陝河開則東寇宣大今歲宣大地方俱未入境侵掠冬寒河凍必將垂涎於西及稱陝西等處兵力所在

不足欲要通行宣大偏頭關各該守臣待有警報遊  
奇兵馬那至本境交界去處駐劄以備徵調截殺若  
是聲息十分緊急二鎮總兵官亦照該部先次所奏  
親自將兵策應共紓邊患一節切緣胡虜之性專以  
搶掠爲生今既不得於東則西寇之謀勢所難免卽  
今天寒在邇先事之防不可不慮況查與本部先次  
奏行事理大意相同合無本部一面行移陝西等處  
總制都御史楊 轉行各路守臣督令各該將官  
當此河水未凍事勢稍緩之時將各項馬步官軍招  
募土兵人等用心操練聽候調用各該通賊要害如  
花馬池等處嚴明斥堠慎固封守及一切防禦事宜

關中奏議全集卷八

五  
×川文

俱要計慮周悉萬一虜賊復逞擁衆入寇卽便分布  
將士或戰或守隨宜相機調度務使此虜大遭挫衄  
用靖地方毋得輕忽貽患有孤委任一面行移宣大  
等處總制都御史劉宇轉行各路守臣將遊奇二項  
軍馬整點齊備聽候徵調如果賊已渡河西行延綏  
報至卽便起程前去會同彼處官軍相兼戰守若是  
聲息十分重大二鎮總兵官仍要查照先次本部奏  
行事理量帶精兵親去策應共濟邊務不許秦越相  
視託故遲延設有妨誤厥罪惟均緣係總制官員奏  
要徵兵禦寇及奉

欽依兵部知道事理未敢擅便正德元年九月十九日本

部尙書許進等具題本月二十一日奉

聖旨是便行與各官果有重大聲息務要互相策應不許  
自分彼此致誤事機欽此欽遵擬合通行除外合咨前  
去煩爲轉行彼處各該鎮巡等官一體欽遵施行

一爲薦賢爲 國事

題爲薦賢爲

國事臣惟今天下邊鎮皆有武臣以總戎事要害重地  
則掛印充總兵官然必用巡撫都御史一員贊理糾  
察之文武並用犬牙相制立法之善度越前古奈何  
近年以來邊備漸弛兵威不振以致虜勢驕橫民遭  
荼毒有識之士痛心切齒陝西各邊土馬臣所親閱

關中奏議全集卷八

六  
×川文

其間堪戰之兵數非不多而練兵之將實不多見大  
抵以軍法則不嚴以軍令則不明以軍容則不整以  
軍威則不揚無事則玩愒相安遇警則倉皇失措竊  
恐他鎮亦或相類如是而望戎狄懾服邊境肅清不  
可得也若此者蓋不獨將官之過而凡爲巡撫者有  
厚責焉今之巡撫非不極一時之選但人才難得而  
邊鎮巡撫得人尤難且近代用人未免較其年勞限  
於資格舍是則躁進之門寢啟失人之弊轉甚若以  
年資待常格以不次拔異等二者並行而不相悖庶  
幾真才出乎其間邊事可從而理臣又思得近年邊  
事之廢皆起於因循成於姑息而極於蒙蔽必用剛

明果斷尚氣節輕富貴之人庶幾頽惰之俗可矯軟  
美之習可變誕謾之風可除茲當 太平全盛之世  
賢俊林立隨取隨足不可謂無其人但臣局於職守  
聞見有限臣所知者陝西按察司副使王雲鳳以儒  
飾吏正而不迂以刑弼教剛而不虐有凜然不可犯  
之風有介然不可奪之操陝西行太僕寺卿王琰耿  
介自持言笑不苟爲戶曹而執守素著司馬政則卿  
寺生風養病吏部文選司郎中張綵懷抱磊落才識  
疏通生長西方素諳邊事頃者一遭言論毅然求歸  
杜門却掃無復仕進之意卽此一節可激頽懦此三  
人者王雲鳳王琰皆陝西屬官張綵陝西鄉宦故臣

關中奏議全集卷八

七

川又

知之爲眞使當邊鎮之寄援巡撫之任必皆有虎豹  
在山之勢竊念薦賢爲  
國非爲私也但臣任總戎務不敢出位而思故以職業  
所及者言之泥以人事  
君大臣之責舉爾所知求賢之要臣雖無狀承乏重位苟  
有所見豈敢緘默伏望  
聖明察臣朴忠恕臣僭妄乞  
勅吏部詢之輿論如果王雲鳳王琰張綵材有可取遇有  
各邊巡撫員缺照例推舉上請  
簡用必不負  
朝廷任使而愚臣尸索之罪亦將藉是以少追萬一矣

緣係薦賢爲

國事理謹題請

旨

一爲乞

恩停免進

貢紅花以恤邊兵事

工部覆都水清吏司案呈奉本部送於工科抄出

欽差總制陝西延綏甯夏甘肅等處邊務兼督理馬政都

察院左副都御史楊 題行據鎮守甯夏總兵官

右軍都督僉事李 祥呈行准鎮守都知監太監葛全

手本查得甯夏城并中衛所種進 貢紅花空閑地

關中奏議全集卷八

八

川又

三頃三十畝遞年額撥空閒餘丁老幼一百名播種  
澆灌水利立夏之際乞討冬操餘丁一百九十名薨  
鈕至六月終花葉開綻一時急不能摘恐被雨水日  
色淋曬不便先儘種花餘丁一百名并乞討餘丁七  
百九十名次第採摘約二十餘日花葉開放將盡疏  
放每年採過鮮花洗曬每五斤入兩做乾花一斤宏  
治十七年分收過紅花一千四百零一斤宏治十八  
年分收過紅花一千五百五十二斤今正德元年收  
過一千二十五斤俱遵照  
欽依事理差的當人員給脚力管送赴京進 貢交納等  
因及查得本職處接管進 貢紅花甯夏空閑地三

頃四十二畝額撥空閑老幼餘丁一百三名春初耕種澆灌立夏乞撥冬操餘丁八百名相兼種花耘鋤六月花開次第差撥餘丁八百名挨次採摘二十餘日待花開盡疎放宏治十七十八二年共收乾花一千八百八十五斤一兩七錢進貢外今正德元年收過紅花七百七十斤二兩七錢亦照欽奉

勅旨差官管送進貢交納等因開呈到臣案查先為前事訪得甯夏鎮守衙門遞年採摘進貢紅花撥用官軍數多恐有別項私役情弊已行查報去後今據前因切照惟正之供在

聖王不能廢畢獻方物亦臣子所當為甯夏鎮守大監總

關中奏議全集卷八

九  
人川上

兵進貢紅花未知起自何年及稱節奉

欽依事例各該官司亦無案卷可查以臣度之既不經由司府衛所衙門又無額徵一定斤數其非任土常貢明矣先年或以其土產之良暫時取用又恐喜事貢諛之輩倡而為之遞年相承以為故事夫紅花之為物取之以供服用固非奇技淫巧之比但播種澆灌糲鋤採摘之役撥用軍丁動以千計前項查報猶恐未的經該人員藉是以耘種私田營幹私事者難保必無計其所進之數兩鎮守衙門每歲共不過二千餘斤裝盛櫃扛差官資進起撥車輛人夫甯夏距京師幾四千里未免騷擾驛遞中間指稱盤費打點等

項使用莫可查考利之歸於官者甚少害之及於人者實多且甯夏地方孤懸河外與虜為隣在先年間邊境甯謐年穀豐登軍有餘力似不為慮近年以來山後之賊不時窺伺河套之寇乘凍侵擾按伏截殺徵調無休正兵兼有守墩守墻守堡之勞餘丁又有修邊修渠修塌之役加之頻年荒旱衣食不繼屯糧重大輸運孔艱原領軍伍凋耗居半逃者未復存者又逃不得已而抽選招募求以實邊所得不償所亡空虛轉甚陝西各鎮邊兵未有若甯夏之最貧且弱者將來事勢臣切憂之及今正宜多方寬恤扶衰補廢以圖元氣之復一切不急之務似應停止臣切惟

關中奏議全集卷八

十一  
人川上

聖明軫念邊鎮重地歲發帑藏之銀易買糧草馬匹不知若干萬兩前項紅花京師所值價銀不過數百餘兩若蠲每歲數百兩之銀寬每歲數千人之役所失者小所得者大亦何足惜如蒙乞

勅工部查議合無將甯夏鎮守大監總兵進貢紅花特降

德音停免額撥播種餘丁聽當別差果有欽奉先朝著為賞貢

勅旨亦乞暫停三五年以恤邊兵用成損上益下之美且免假公營私之弊所謂寬一分則受一分之賜邊人雲霓之望此其一端也等因奏奉

聖旨該部知道欽此欽遵抄出送司案呈宏治十四年爲  
進 貢事該鎮守甯夏太監張儻署都督僉事郭鈞  
各題節奉

勅諭朝廷公用紅花今民間艱難不欲科買勅至卽依永  
樂年中量撥老幼餘丁責令老成清正官員提督於空  
閑田地內布種俟收成後差的當人官給脚力管送赴  
京交納欽此欽遵照得今年本鎮河套大勢西虜俱在  
邊外下營不時折墻出沒又沿途人車扛擡運送接  
遞繁多疲勞已甚若照常年進 貢誠恐中途不便  
如蒙

關中奏議全集卷八

稍甯差人進 貢俱節奉

孝宗皇帝聖旨是欽此欽遵案呈到部臣等看得左副都  
御史楊 題稱甯夏兩鎮守衙門每歲所進紅花  
共不過二千餘斤播種澆灌薅鋤採之役撥用軍  
丁動以千計裝盛櫃扛差官賚進起撥車輛人夫甯  
夏距京畿四千里未免搔擾驛遞中間指稱盤費打  
點等項使用莫可查考利之歸於官者甚少害之及  
於人者實多兼且地方孤懸河外與虜爲隣近年以  
來山後之賊不時窺伺河套之寇乘凍侵擾按伏截  
殺徵調無休正兵兼有守墩守牆守堡之勞餘丁又  
有修邊修渠修壩之役加之頻年旱荒衣食不繼屯

糧重大輸運孔艱原額軍伍凋耗居半及今正宜多  
方寬恤扶衰補羸一切不急之務似應停止又況邊  
鎮重地歲發帑藏之銀易買糧草馬匹不知若干萬  
兩前項紅花京師所值價銀不過數百餘兩若蠲每  
歲數百兩之銀寬每歲數千人之役所失者小所得  
者大乞降

德旨停免額撥播種餘丁聽當別差果有欽奉  
先朝著爲常貢

勅旨乞暫停三五年以恤邊兵一節切照甯夏係要害邊  
鎮况近年以來兵荒交集所在軍民艱苦萬狀正宜  
寬恤以保邊防本官親歷其地不爲無見今雖查有

關中奏議全集卷八

先年

勅旨亦不係常貢之物其築造衙門所用自有河南等布  
政司去處歲辦輸納並不缺乏伏望  
皇上軫念邊防俯從本官所擬將前項紅花永蠲進 貢  
以蘇軍困如果用度浩繁着令該衙門計出臣等斟  
酌腹裏出產地方從宜科買以足原數仍將原種紅  
花地土行移戶部改爲屯田徵收子粒少濟邊儲原  
撥軍丁悉令各還衛聽當別差如此庶供應不失邊  
因少甦便益緣係停免進 貢紅花以恤邊兵及奉  
欽依該部知道事理未敢擅便正德元年十月十三日本  
部尙書曾鑑等具題次日奉



聖旨紅花照舊進欽此欽遵擬合通行除外合咨前去煩

照本部題奉 欽依內事理欽遵施行

一為應 詔陳言原情有罪保全將官等事

題為應

詔陳言原情有罪保全將官以勵人心事行據整飭固原

等處兵備陝西等處提刑按察司副使高崇鳳呈抄

奉臣劄付前事依奉親詣孔壩溝楊琳交戰去處拘

集地方知因人李通楊鑑等前來審據李通等供稱

宏治十四年間七月內巡撫御史周季麟在於固原

駐劄聞知達賊侵犯鞏州地方隨差陝西都司都指

揮僉事楊琳率領官軍九百九十四員前往黑水

關中奏議全集卷八

八人上

口按伏截殺本月二十四日楊琳據夜不收馬黑兒

走報達賊進至打狼川本日至午時達賊萬餘先已

攻圍鎮戎所彼時楊琳以眾寡不敵與隨任西安左

衛指揮朱開等議要仍駐黑水口以避其鋒有朱開

等回說若不進兵被周都堂打一百也只是死不如

進戰便死也有名楊琳當即發軍本日未時分行至

孔壩溝率遇大勢達賊約五六萬騎連山遍野滿川

前來迎敵占在四面高崗將官軍圍在溝南兩陣相

離不上三十餘步楊琳在中軍發放如今賊眾我寡

且又陷在死地須是大家力戰求生當令指揮朱開

妙齡武臣許慶千戶楊壘各分一面督軍當先對敵

因是兩鎮相近矢不虛發戰至成時官軍死者三百

餘人其賊死者亦有百十餘人官軍在前者奮死力

戰在內者擠擁不得展手彼時心慌目亂莫辨誰何

直至昏曉罷戰賊眾俱在周圍營又值夜雨如注

不息至天明二十五日軍火器俱皆濕又復交鋒賊

說不要殺了只與我馬罷官軍叱罵固拒捨死力戰

至巳時官軍死者又約三百餘人賊死者亦有八九

十人俱在溝中重疊枕藉賊見朱開妙齡武臣許慶

楊壘善戰當先雖視四面攢合擁擠向前將朱開等

鈎挽下馬俱支解訖楊琳與見在中傷官軍三百餘

員名各中賊箭血流模糊俱在死屍內掩藏賊退力

關中奏議全集卷八

八人

纔走出回城今蒙審供是實等因備供具呈到臣案

照先准兵部咨該本部題該貴州道監察御史楊儀

題稱宏治十四年七月內陝西虜賊大舉入寇直抵

固原衛葫蘆峽口官軍莫敢當鋒都指揮楊琳提一

千之弱兵當十萬之強虜奮不顧身輸心死戰人疲

力竭矢盡手空致傷官軍數多事非得已彼時居民

賴以逃避虜賊多被殺傷其抵敵之勇亦為可嘉比

之閉門不出臨陣在逃怯懦無為者萬萬不同要乞

免其充軍或降級或立功或復其舊官戴罪殺賊等

因具本該本官題奉

孝宗皇帝聖旨兵部看了來說欽此欽遵抄出送司案呈

到部看得充軍都指揮楊琳先該大理寺少卿何鈞等官參稱輕率交鋒全軍覆敗問擬斬罪後以總制尚書秦紘奏稱賊厥兵寡情有可矜欽蒙

寬宥止着充軍續該會官議奏奉

欽依免解配所送秦紘處聽用殺賊前後俱據各官所奏議處情法似已兩盡今御中楊儀又奏前因緣楊儀係耳目官員生長邊方反覆懇言必有所見合無本部仍行巡撫都御史楊親詣楊琳交鋒去處拘

集地方知因之人詳究始末斟酌情勢如果楊琳彼時功罪相當難以成敗例論前項節次議處未當其情備細從實奏報以憑定奪若是情法已是兩盡止

關中奏議全集卷八

三十一

令可圖後功聽其查照原擬從宜委用俟其立有功

勲另行奏

請陞賞等因題奉

欽依是着從實查勘明白來說欽此欽遵備咨准此已經

劄委整飭固原兵備副使高崇熙前去彼處拘集地方知因之人從公體勘具實回報去後今據前因照得臣自領馬政改巡撫及今總制邊務久駐固原宏

治十四年虜賊入寇官軍失事情由廣詢博訪知之頗悉近又親詣孔壩溝楊琳交戰去處拘集任人相度形勢審勘至于再三看得楊琳以寡與眾奮死對敵又值夜雨如注弓矢銃炮火藥俱濕不堪使用官

軍雖多損折虜賊亦多殺傷阻遏賊騎至於一日夜

之久不但山野居民得以逃避而固原各城堡官軍

聞警戒嚴方得保全不然地方之患尤有不可言者

較其功罪似亦相當且孔壩溝南至黑水口三十餘

里北至鎮戎所僅七八里彼時黑水鎮戎俱有按伏

人馬而鎮巡重臣又在固原駐劄相去不遠初傳賊

眾攻圍鎮戎人心震恐楊琳領軍急趨而進意欲與

鎮戎所主客官軍合兵拒守且料固原援兵必至不

期未到鎮戎驟遇強敵外無救援只得奮勇對敵事

勢至此無可奈何比之怯懦逗留者委的不同以此

總制尚書秦紘監察御史楊儀先後論辯而楊儀之

關中奏議全集卷八

六十一

言尤為激切蓋以近日各邊將官動以楊琳藉口賊

至則嬰城自守杜門不出坐視深入不交一矢以圖

全軍致令虜騎蔑我無人肆行無忌戕害生靈搶掠

頭畜其數無算元氣為之蕭索流弊至此故欲寬彼

覆軍之罪用勵敢戰之人臣聞勝負兵家之常成敗

利鈍誠難逆觀古之名將不能保其無敗若使沿邊

小大將官咸懷以身殉

國之忠遇賊量力以戰不先為退怯縱不能保其常勝

亦豈得全然無功虜賊知我處處有敢戰之兵未必

不少沮其方張之勢故欲正

朝廷之軍法則楊琳之罪不可恕而前項議處已是從

寬欲振今日之頽風則楊琳之情有可矜而言官論  
列不爲無見况其數年以來械繫之苦戍役之勞飢  
寒迫身窘辱已甚原情度勢委的人共惜之如蒙乞  
勅該部通查楊琳始末事狀及各官奏辯緣由再爲詳議  
具奏伏望

聖慈察功過於心跡之中惜人材於成敗之外特降

恩典或量爲降級或限年立功以爲將官敢死奮勇者之

勸如此則戰將生氣而虜寇不足憂矣緣係言官奏

辯保全將官及該部題奉

欽依着從實查勘明白來說事理未敢擅便爲此具本順

差承差姚達親實題請

關中奏議全集卷八

三十一

旨

一爲急缺領軍官員事

兵部覆該本部送於兵科抄出總制陝西延甯甘肅

等處邊務兼督理馬政都察院左副都御史楊

題准兵部咨該臣題據鎮守延綏等處地方總兵官

都督僉事張安呈爲停補添設領軍官員事據威武

堡把總指揮周昇呈據本堡住坐延綏領軍署都指

揮僉事傅釗下舍人傅越告稱有父傅釗於正德元

年五月二十二日得患傷寒病症請醫用藥調治不

痊至本年六月二十二日因前病身故等因看得傅

釗原係奉

勅管領土兵聽調截殺人員會同鎮守太監劉保巡撫右

副都御史文貴議查得本鎮土兵自宏治十四年來

各有原招陞任指揮千百戶管束俱在各該營堡聽

從把總坐營等官管領操備遇有聲息調遣領兵將

官一例挑選率領與同遊奇老家官軍協力追勦策

應已是定規後於宏治十七年七月內該兵部行取

先致仕後委領軍參將王戟到部聽用本官奏

准給領土兵二千聽調截殺正德元年二月內本官奏

准致仕本部又將綏德衛指揮同知傅釗推陞署都指揮

僉事領

勅接管緣前項土兵係是招募之數各有把總坐堡及原

關中奏議全集卷八

六十一

招指揮千百戶管束又有分守叅將弁鎮守太監總

兵巡撫等官統領若再添官管理政出多門實爲難

堪今照傅釗已故合無將本官員缺停革免行推補

將所領土兵仍令各該營堡管束照舊操守遇有徵

調隨時擇委相應都指揮指揮統領前去策應截殺

實爲良便除具題外呈乞照驗施行等因具呈到臣

看得鎮守延綏總兵官都督僉事張安呈稱領軍署

都指揮僉事傅釗病故要將本官員缺停革免行推

補將所領上兵仍令各該營堡管束照舊操守遇有

徵調隨時擇委相應官員統領前去策應截殺一節

切照前項招募義勇土兵生長邊方勇悍善鬪但既

招之後不曾操練所司因要存省糧儲分班疎放日就散逸宏治十七年恭將王啟奏

准統領二千員名聽調截殺去歲應援大同斬獲首級與遊奇二兵相等冬間策應甯夏猝遇大虜入寇雖有虧折而保全花馬池實軍之功實多是難以無用之兵目之矣今虜勢驕橫我軍寡少節該科道等官建白皆以招募爲言若已招之兵置之不用又安用新招爲哉臣愚方欲將前項土兵增選轄足三千員名擇官統領操練東可以應援大同勦京師門庭之賊西可以禦防甯夏弭陝西腹心之患而延綏鎮巡官員乃欲停革散遣推原其意實以此兵之設徒應別

關中奏議全集卷八

九

×××

鎮而無益於延綏又恐緊急徵調捨兇老家馬匹是蓋知爲延綏謀而不知爲大同謀爲陝西謀也且延綏挑去遊奇二千之外老家人馬委俱缺少但此數千之兵聚爲一枝則有餘而可用散之各堡則不足而無益臣近日巡邊閱視得延綏地方官軍驍健山澗險阻一時守臣號爲得人近該巡撫都御史文貴修造甃墩制度精巧賊難攻足以伐其邪謀不敢輕犯犯則易於阻截惟甯夏花馬池直抵靈州三百餘里最爲受敵要害彼處邊備久弛兵威不振全仗延綏遊奇等兵策應萬一大同之嚴冰解河套之警已至顧此失彼何以處之延綏老家之兵勢須自保

難再輕掣若不急如前議將招募義勇土兵增選精

練擇官統領以備非常非計之得者也查得恭將王

啟原領招募二千員名捨兇正馱馬共二千一百七

十二匹後該都指揮何劍奏稱見在官軍止有一千

九百四十員名陣亡傷損軍人六十名見在正馱馬

一千四百九十四匹花馬池被賊射死奪去及倒死

馬六百七十八匹除瘡癘瘦損不堪外堪以出戰馬

止有一千二百五十二匹前項缺少馬匹若不另爲

處置臨期捨兇委的虧累舊軍臣已將今年洮河二

衛茶馬給與一千補足前數騎操但急缺統領官軍

誠恐人心渙散遇警急難收拾然此等新集土兵紀

律進止終不開習必得老成官員管束訓練緩急乃

可倚賴此等官員不時徵調援別鎮必須量與將官

名目庶幾便於行事博訪得榆林城把總都指揮

專王勛知兵持重綏德衛指揮同知藍海善戰有名

此二人者延綏之兵素所信服相應擢用領軍如蒙

乞

勅兵部恭詳訪察合無於王勛藍海內推用一員上

請量與將官名目照例請

勅統領前項土兵仍令除見領官兵外再於各營堡原招

土兵一萬數內著實挑選精壯勇銳務轄足三千名

原選不堪者卽爲挑補該用正馱馬匹除見在并新

關中奏議全集卷八

三

×××

給外不敷之數臣另爲查處給用毋令捨克老家軍人馬匹挑邊停管擇委相應官員把總管隊嚴立規格精加訓練今年秋末冬初調赴花馬池操備備虜賊入套與遊奇二兵併力捍禦若賊眾折墻深入腹裏聽臣隨宜調遣截殺以後大同宣府有警遊奇之外此兵可以聽調延綏總兵官張安人馬若非十分緊急不宜輕動如臣所擬豈但有益諸鎮其於延綏兵勢不爲無補何必急爲散遣之舉以遂目前自便之計哉等因具本該通政使司官奏奉

聖旨兵部知道欽此欽遵抄出送司查得先爲停補添設

領兵官員事該延綏鎮巡官奏稱管領土兵都指揮

關中奏議全集卷八

八川

傳到病故乞要免再推補前項土兵止令各該營堡

管束操守遇有警調臨期委官統領該本部議擬行

移總制都御史楊 查勘前項官員應否裁革已

經題奉

欽依欽遵查勘去後未報今該前因案呈到部看得總制

都御史楊 題稱前項添設領軍官員極於邊方

有益今都指揮傅劍病故仍要將前項土兵增足三

千員名照舊擇官統領操練一節緣查有前項題奉

欽依行堪事理本部難便議擬台行併勘爲此合咨前去

煩爲查照先令事理從公查勘前項領軍官員如果

有益邊方相應照舊設官管領操練明白具奏前來

以憑上

請定奪若有窒碍官多事應該裁革亦希咨報前來施行等因備咨到臣案查先爲前事已經具

題去後續准兵部咨該延綏鎮守等官太監劉保等題

爲停補添設領兵官員事該本部覆題奉

欽依備咨前來勘議問今准前因切照延綏甯夏皆防胡

大鎮城堡星分原額軍人數少中間又多逃故不敷

防禦近年虜賊入寇動號數萬我軍以一當十備端

自保不聞克捷之功

先帝采納延議遣官招募兩鎮共得土兵二萬之上每名

給領官銀五兩優免一丁幫貼招首人員又皆論功

關中奏議全集卷八

八川

陞授但既募之後不聞操練僅供上水接遞之役殊

非招軍本意兩鎮所募之人臣多親閱大半勇壯可

用而延綏新軍尤爲慍悍練而將之悉皆精兵參將

王戟所選一千員名馬匹盛甲軍器俱已給領東西

應援行伍坐作方始就緒得人相繼統領約束於地

方實爲有補而延綏守臣散遣之意臣固已論之於

前矣且今虜情難測各鎮以延綏遊奇二千爲援萬

一大同延綏俱有警報或入套之賊分寇延甯未免

顧此失彼臣愚欲不廢此兵者實欲藉其與遊奇二

兵共成犄角之功以備各鎮緩急徵調之需耳若欲

散遣各堡所各把總坐堡官操練有警調用臣竊謂

聚爲一枝擇官領之軍令素行人情素附可責成効  
敵之各堡多者百餘名少者數十名倉卒轉合將不  
知兵兵不知將而欲恃以成功難矣况甯夏土兵遠  
不及延綏甯夏已奏設都指揮韓斌統領土兵二千  
員名備冬防守而延綏土兵乃欲散遣其材事體似  
亦有偏臣斟酌事勢熟思審處前項土兵仍宜設官  
統領爲便如蒙乞

勅兵部計議合無將延綏招募義勇土兵俯從前議照依  
甯夏事例選轉二千員名惟復照舊二千員名仍推  
舉相應官員統領照例請

關中奏議全集卷八

該通政使司官奏奉

聖旨兵部知道欽此欽遵抄出送司查得先爲前事已行  
查勘去後今該前因案呈到部看得陝西等處總制  
都御史楊 所奏反覆論辯大意謂延綏前項土  
兵擇官統領聽調極於邊方有益不宜散遣乞要查  
照甯夏事例選轉三千員名或止照舊數仍推舉相  
應官員管束照例請

勅行事以備各鎮調用一節既該總制官員查勘前來必  
其事體相應奈酌停當况今達賊在套正宜練習強  
兵以備不虞合無本部依其所奏乃行本官轉行延  
綏鎮巡官員將前項土兵選轉一千員名通前三千

之數仍舊團聚操練用濟邊務但原管都指揮傅釗  
先已病故見今缺人管理今查得本官原保都指揮  
王勛指揮同知藍海俱各相應緣王勛近該本部議  
擬奏奉

欽依協同分守甯夏西路去訖所據藍海知兵善戰人素  
信服堪以委用伏乞

聖明裁處仍量加都司署職以便行事候命下之日請  
勅一道齋付本官統領前項官軍操練聽調務要律已奉

公撫恤軍士奮勇効勞以副委任如或貪黷債事罪  
有所歸一應軍務營繕總制鎮巡等官節制不許偏  
執致有妨礙務須遵土兵及奉

關中奏議全集卷八

欽依兵部知道事理未敢擅便正德元年十二月二十七

日本部尚書閻仲實等具題二十九日奉

聖旨藍海陞署都指揮僉事統領土兵操練聽調焉勅與  
他欽此欽遵擬合通行除外合咨前去煩照本部題奉  
欽依內事理欽遵施行

一爲分布邊兵預防虜患事

兵部覆該本部送於兵科抄出總制陝西延綏甯夏  
甘肅等處邊務兼督理馬政都察院左副都御史楊  
一清題照得黃河將凍虜賊雖未曾入套備禦之計  
在我不得不嚴看得延綏定邊營迤西直抵甯夏靈  
州地方廣柔平漫無險可據邊牆低薄壕塹淤塞不



堪保障賊每從此折墻深入陝西環慶固原地方搶掠上厓

九重宵旰之憂臣切詳此虜類年犯順其氣方張不曾遭挫必無懲戒然其志已驕罪惡貫盈

天實怒之今歲若復不肯悔禍決當重遭殛罰臣受

命總制各路兵馬謹當申嚴號令分布主客官軍揚兵耀

武以伐其謀於未入之先出奇設伏以乘其弊於將

歸之際然須脫畧常法隨事達變乃克有功且善戰

者必知分合善守者必審常變我邊兵患於備多將

病於權分各據利便自分彼此機可乘而不乘兵當

合而不合其輕率寡謀者則又知常而不知變往往

關中奏議全集卷八

三八二

墮賊計中以致我武不揚狂胡日肆職此之由今將

沿邊至腹裏分爲四路以定邊營花馬池興武營靈

州一帶爲藩籬以石溝鹽池韋州萌城山城一帶爲

門戶以固原黑水口鎮戎所西安州海刺都一帶爲

庭除以安定會甯靜甯隆德平涼一帶爲堂室行令

延綏副總兵姜漢統領奇兵遊擊將軍戴欽統領遊

兵及暫委綏德衛指揮藍海管領土兵各限十一月

初一日起程遊兵於花馬池營駐劄奇兵暫於定邊

營駐劄土兵暫於甯塞營駐劄甯夏副總兵衛勇統

領奇兵官軍於興武營都指揮韓斌統領土兵於清

水營亦限十一月初一日到彼駐劄賊果入套西行

延綏奇兵那至花馬池量分於安定柳楊二堡土兵

那至定邊營量分於鹽場三山等各聯絡駐劄與分

守恭將葉椿閻綱協同都指揮保勅等振揚威武併

力防禦以壯藩籬甯夏總兵官李祥統領戰鋒奇正

官軍先期於靈州駐劄有警那至石溝分守甯夏西

路叅將馮禎統領甯夏中衛廣武營選鋒奇兵官軍

前來鳴沙州陝西遊擊將軍陳善領兵於韋州環慶

守備都指揮姚震領兵於山城各駐劄以嚴門戶鎮

守陝西署都督僉事曹雄統兵於鎮戎所調度固原

靖虜蘭州一帶主客官軍以保庭除仍預行甘肅遊

擊將軍徐謙統領甘涼遊兵并千戶魯經土兵各於

關中奏議全集卷八

三八一

莊浪探候河套有警調至安定會甯與甘涼備禦下

班官軍併謀齊力以守堂室前項分布既定沿邊守

將嚴謹斥堠多差夜不收遠爲接哨沿邊多設塘馬

但有套賊烟塵消息或走回人口供說卽便傳塘走

報隣境官軍隄備賊果近邊各該主客官兵分據要

害占守水頭從宜阻遏寇小至則擊之不可輕進遠

追仍要互相應援不許自分彼此如賊大至切勿與

之爭鋒各取便歛入城堡以避之待其擁眾深入延

綏遊奇土兵甯夏副總兵都指揮韓斌等枝人馬各

襲踪而進若犯固原陝西遊兵即便掣回應援李祥

衛勇馮禎韓斌等各領兵於紅寺兒堡按伏姜漢戴



欽藍海等兵各於韋州鹽池石溝按伏環慶官軍移  
至萌城各休兵秣馬以逸待勞曹雄相機調遣腹裏  
官軍據險以扼其衝張疑以分其勢一面馳報安會  
靜隆官軍堅壁清野勿露形跡多用鄉導指引藏兵  
於崖窰堡洞險要扼塞之處伺賊分散搶掠出其不  
意發兵擊之賊既不得逞必將遁去曹雄陳善重兵  
衝其腹心又與徐謙遊兵俱襲踪而出比至紅寺兒  
石溝鹽池等處延甯環慶官軍分據營盤待其前鋒  
稍遠先後犄角夾而攻之陝西主將遊兵出其後背  
奮而逐之晝則選鋒以截其路夜則銜枚以劫其營  
賊深入疲弊又腹背受敵必然大遭挫衄若犯環慶

關中奏議全集卷八

三

則延綏遊奇官軍掣至紅德堡山城會合陝西遊兵  
尋襲截殺倘或事情緊急都督曹雄領兵自三角城  
沙井溝而出甯夏主副將官兵馬掣至萌城甜水堡  
以遏其破喪西走之勢賊既敗走其氣已奪諸軍仍  
躡其後併力追勦至邊牆而止沿邊主兵將官閭網  
保勦等以逸待勞或邀其中或截其尾以我四路應  
敵之兵當彼千里趨利之賊豈有善歸之理如此庶  
可振中國之威虜外夷之鬼爲今之計似不出此然  
兵無常形敵有萬變隨機運用難以預度因時制宜  
又在各官再照延綏遊奇兵既皆掣至西路其中  
東二路城堡空虛倘賊乘隙而入爲患非輕已行延

綏鎮巡官照例徵調大同遊奇官軍先期於交界去  
處駐劄賊果入套調來中東二路應援截遏如是賊  
眾俱在迤東近邊折牆謀犯延綏地方即將本鎮遊  
奇兵掣回若賊情緊急甯夏陝西遊兵俱應調去策  
應臨期斟酌定奪凡客兵所至之處在陝西地方悉  
聽署都督曹雄節制在甯夏地方聽總兵官李祥節  
制在延綏地方聽總兵官張安節制俱不許偏執違  
拗致悞事機除通行各該將官查照依奉施行及行  
陝西巡撫都御史張泰前來固原慶陽隨宜駐劄防  
禦臣遵照欽奉

勅旨往來環縣韋州居中調度外等因具本該通政使司

關中奏議全集卷八

三

官奏奉

聖旨兵部知道欽此欽遵抄出送司查得先爲預防虜寇  
事該大同鎮巡等官與總制都御史劉宇奏本部議  
得卽今冰凍已堅虜賊勢必入套乘間爲寇竊恐難  
免合無鋪馬齎文陝西等處總制都御史楊宜  
當先其未發行令各鎮鎮巡等官督屬各要用心操  
練人馬振揚威武使先聲有以奪敵之心如果侵犯  
跡露卽便獎勵主客官兵隨宜調度何將使領某軍  
何軍使屯某地何地爲賊所必入當嚴兵以遏之何  
路爲賊所必歸當按甲以邀之務在計出萬全事無  
一失大挫賊鋒固成偉績下以副三邊之望上以紓

九重之憂母致疎虞有孤委任已經題奉

欽依行令欽遵去後今該前因案呈到部為照比虜不靖  
動肆兇殘每冬涉冰入套輒便深入陝西腹裏地方  
搶掠沿邊軍民連遭荼毒今總制都御史楊慎  
彼猖獗之甚因畫戰守之謀奏許奏內事宜其為計  
慮亦既周悉本部難再別議但兵貴有名事當持重  
合無請

勅一道仍鋪馬齎付楊 務要仰思分閫之責俯念窮  
邊之憂凡有益於安攘悉依原擬隨宜調度惟在先  
事而備好謀而成使中國之威大振外夷之鬼盡禡  
若彼潛伏河套不窺我邊亦毋橫挑強胡以開邊隙  
關中奏議全集卷八

仍行各該鎮巡等官各要同舟共濟併力協謀如大  
功克就則陞賞不遺倘事機有悞厥罪惟鈞絲係議  
勦虜寇及奉

欽依兵部知道事理未敢擅便正德元年十二月十八日  
本部尚書閻仲實等具題本月二十日奉

聖旨禦防虜患一依楊一清籌策調度恁部裏便上緊差  
人鋪馬裹齎文與他知會欽此欽遵擬合通行為此  
除外合咨前去煩照本部題奉

欽依內事理欽遵施行

一為預計兵機事

兵部覆於兵科抄出總制陝西延綏甯夏甘肅等處

邊務兼督理馬政都察院左副都御史臣楊 題

據鎮守延綏總兵官都督僉事張安呈稱近年以  
來虜酋驕橫肆志勢甚猖獗動輒深入腹裏諸鎮破  
其蹂躪地方盡皆殘毀未嘗有一挫彼鋒銳切齒含  
恨無所施為且如宏治十八年十二月初旬虜中走  
回人口傳報酋首會議每賊殺羊一隻牽馬二匹前  
往迤西地方搶掠彼時得此消息欲集官軍乘夜出  
境撲搗巢穴破彼南侵西掠之勢但恐又有引惹邊  
釁之說有為首尾之畏束手忍忿掣肘難行以故賊  
徒得利而歸動搖內外言及於此實可寒心若不預  
為處置使賊痛遭挫衄以回邊患何時得息地方何

關中奏議全集卷八

三八一

時得甯合無將虜賊仍前恣意侵掠不拘何鎮探聽  
聲息選定馬步官軍住守先差乖覺夜不收出境密  
切哨爪賊巢遠近帳巢多寡果離邊牆一二百里之  
遠的實回報然後將馬隊官軍分為左右哨掖步軍  
駕御兵車隨同出境挨邊劄營作為家當聲勢聯絡  
遙振兵威馬軍晝伏夜行徐徐前進約至賊巢分兵  
四面齊起驚擊散亂擒拿老小勦殺強壯邀趕生商  
縱有微倖逃命脫走者冬則凍餓死傷夏則困渴疲  
敝自有不戰而亡且又致使深入腹裏搶掠之賊得  
知前後不顧急趨回營見其巢破營空妻子散亂無  
所顧藉生商被劫無所收集加之腹裏按伏官軍追

擊內外夾攻手足無措未免魂喪膽落號哭奔逃虜賊所顧戀者妻子生畜如此謀爲使再不敢返顧輕犯庶保內外軍民得安緣係預計兵機事理合行具呈乞爲奏詳可否明示施行等因到臣看得鎮巡延綏總兵官都督張安呈稱近年虜酋勢甚猖獗動輒深入腹裏蹂躪地方未嘗一挫其鋒要待將來虜賊仍前肆意侵掠探聽聲勢選定馬步官軍乘夜出境撲搗巢穴使之手足無措魂散膽落再不敢輕犯邊境又恐有引惹邊釁之說畏首畏尾掣肘難行一節切緣前項虜酋自宏治十三年延綏大同官軍失利之後志驕氣橫肆無忌憚宏治十四年深入陝西腹

關中奏議全集卷八

三八

裏殘害生靈動以萬計宏治十八年宣大遊兵全軍覆沒又河凍之後連年窺伺陝西既未遭挫必無懲戒今冬踏水入套之舉難保必無既入河套必不安靜臣方部署將士振揚威武已將沿邊直抵腹裏分爲四路布置主客官軍相機邀截及具

題外但兵少備多未免以一當十出奇制變似不得已前項撲搗巢穴之議不爲無見臣非不知來戰去守乃禦戎之常道犁庭掃穴非聖王之本心緣商高宗之伐鬼方唐太宗之擒頡利是非薄伐昭然可知况河套本我內地而彼據以爲巢由是以窺我近邊犯我內郡此正田中之禽利用搏執固非稱兵於陰山

之窟濺血於不毛之地喜功好大者之所爲也臣愚以爲今冬深河凍賊果入套宜照兵部奏行事理徵調宣大二鎮遊奇官兵前來延綏中東二路駐劄並聽總兵官張安節制若止在套駐牧不曾撲搗內侵我則嚴兵自守決不輕挑強敵自起釁端如是仍前深入固慶等處搶掠合無行令延綏鎮巡官一面選帶乖覺夜不收分投出境哨探賊營遠近窺寡一面會合主客官兵預先分布逼近虜營城堡待哨探回還如在一二百里之間有機可乘原擬沿邊中路邀擊之兵照舊不動以延綏東路參將時源領本鎮三路臣近日挑選先鋒奇兵官軍三千員名爲戰兵總

關中奏議全集卷八

三八

兵官張安領本鎮選定頭等官軍三千員名次之以爲中軍大同遊奇兵爲左右二哨宣府遊奇兵又次之爲兩覆太監劉保都御史文貴領本鎮無馬并步隊官軍於牆外二三十里列車營爲家當分布停當晝伏夜行各相去二三十里擇形勢利便之地爲營以待務使聲勢連絡後騎相望前鋒戰兵既近賊壘奮勇疾衝其腹心賊旣潰亂捨其羸老而戮其壯健奪其鎧馬而縱其牛羊大同之兵堅正嚴備不許貪利輕動如前鋒勝負未決進爲聲援待其既同以爲翼衛賊若糾聚餘孽追襲我軍張安合大同之兵專爲殿後宣府官兵相機爲援我雖退而兵漸增彼

既遠而勢自屈前軍勞而退則先行使無繫累後軍  
逸而回則殿後使有餘力如此布置較之先年出境  
部分疎遠孤兵無繼迄無成功者不同彼賊千里趁  
利日久疲敝聞我傾其巢穴必自遜歸我腹裏之兵  
躍之中路之兵劫之沿邊之兵又夾而邀之賊戀巢  
之心既勝欲戰之志不堅必然潰敗比至套中見其  
妻孥傷殘魂魄破膽振中國之威洩生民之憤安邊  
制虜之計莫快於此昔者孫臏直走大梁而解邯鄲  
之圍攻其所必救古人遺法具在顧用之者何如耳  
但兵貴神速機防先露進止之間不容髮若待臨期  
奏

關中奏議全集卷八

請定奪誠恐緩不及事如蒙乞

勅兵部詳議倘有可采作急行臣及延綏鎮巡官密切會  
議相機而動必期成功若套賊勢重兵力不敵或賊  
營迂遠勢難輕進機無可乘照常戰守不敢輕舉妄  
動以貽後艱等因具本該通政使司官奏奉

聖旨這本所言禦虜方畧兵部便看了來說欽此欽遵抄  
出送司案呈到部看得陝西等處總制都御史楊

奏稱胡虜頻年入寇未嘗一遭挫衄以此志益驕橫  
恣行侵掠沿邊地方盡被蹂躪今冬河凍入套若再  
擁眾內侵差人出境密切哨探賊營遠近多寡欲要  
會合主客官軍部分將領駐劄要害選鋒潛行直搗

其巢待賊聞知遜歸又令腹裏按伏官兵追擊夾攻  
使其進退驚惶坐見疲敝以致邊患永絕如此在套  
駐牧不敢倡亂及兵力不敵賊營險遠仍前照舊戰  
守因反覆問難備陳方畧仰冀

聖明採擇施行一節為虜賊近年以來動輒深入腹裏殘  
害我生靈致勞官軍西征北戰曾無虛歲罪惡已盈  
神人共憤今河凍入套則窺伺固慶等處之謀勢  
難免今都御史楊 慮其將來為患不已邊境無

時可甯欲要糾集大兵乘間掃穴其所以振驚擾  
之心發舒華夏之氣誠足為快及照奏內區處事宜  
亦既周悉詳其論議似可求成但兵貴出於萬全事

關中奏議全集卷八

須圖厥所終雖取子必入虎穴尚有遺謀而探珠幸  
值龍眠亦為危道今遠離邊城懸軍敵境少有蹉跌  
關係非輕況臨機制變非臣等所能適度合無本部  
仍鋪馬齋文本官將奏內事情再加詳議審已量敵  
長慮却顧如果事機可乘無遺策兵力可勝保無  
後艱聽依原擬徑自施行一洗腥羶之汚用紓疆場  
之患若是哨探不的險遠難進彼無可圖之擊我有  
自危之形只合振揚軍威激勵將士候彼深入分兵  
邀擊以期成功務須不見是圖為謀孔臧以副重託  
毋得率意輕動致有疎虞仍行大同等處總制都御  
史劉宇及宣大二鎮鎮巡官員各將遊奇官軍整點



去後今准前因理合備由呈乞照詳施行等因據此  
案查先准兵部咨前事看得巡按陝西監察御史杜  
旻奏稱洮岷河州西固階文五處地方先年因諸夷  
入境侵掠各設守備官一員使之控制今諸番俱已  
向化異威要將各守備官盡行裁革另設參將一員  
分守一節具見本官省官惜軍之意但前項地方俱  
各切隣番境守備官員未審應否裁革擬合查勘爲  
此合咨前去煩查前項各該地方守備官員卽今應  
否盡行裁革止設參將一員揆之人情事體有無經  
久利便逐一查明咨報以憑上

請定奪等因備密准此已經備行陝西鎮巡官員查勘議

關中奏議全集卷八

處去後今准前因看得巡撫陝西都御史張泰行據  
三司等官議稱岷州相離階州五百里文縣七百里  
西固城三百里洮州一百餘里河州五百里河州直  
抵階文一千二百餘里山溝陡峻道路崎嶇若將各  
該守備官員盡行裁革止設參將一員常在岷州駐  
劄邊備副使常在河州駐劄倘遇有警直待呈報各  
官方纔調用人馬緩不及事要將各官照舊存留守  
備但隨帶家人止許十數名跟用其餘發回原衛各  
官若仍舊存留人口數多剝削軍士等弊聽邊備副  
使指實具呈撫按衙門參拿一節切緣前項地方密  
邇諸番深山大谷恃險難制先年不次糾集醜類入

境侵掠動調官軍誅勦經年方得甯息近雖不敢恣  
肆犬羊之性叛服不常撫馭稍有失宜難保不復爲  
患巡按御史杜旻所奏乃省事惜費以甦邊人之意  
但于碍地方事體重大况

先朝設立守備官員似有深意行之年久若便議令裁革  
恐貽後艱臣竊謂任法不若任人任得其人官雖多  
不爲害任非其人委的有損無益近年守備官員不  
止家口衆多分外供億中間剝削軍士侵尅糧賞交  
通番夷勾引邊患者實不爲無藉以安邊反以擾人  
誠有如御史杜旻所言臣訪查得守備洮州都指揮  
僉事趙甯貪而且老懦而無爲人情稔熟事多掣肘

關中奏議全集卷八

守備岷州署都指揮僉事閻縉才雖通敏性實虛浮  
行事乖方下人不附此二人者委的擁虛坐食廢事  
虐人非惟無益邊備且恐貽患地方所據前項守備  
官五員固難裁革其不職官員則當革罷內趙甯年  
力已衰難再別用閻縉年力精壯猶堪領軍如蒙乞  
勅兵部再議奏

請合無將前項守備五員俱不必裁革內將洮州守備都  
指揮趙甯岷州守備都指揮閻縉俱各革退趙甯令  
其替職閻縉令回原衛聽候別用聽臣會同陝西巡  
撫於都司各衛官中推舉有才幹有行止知番情者  
具



奏擢用守備前項地方仍通行各該守備官隨帶家人

止許存留十數名跟用其餘俱發回原衛若有仍舊

存留人口數多剝削侵尅交通番夷等弊聽巡按御

史分巡邊備等官舉劾參拿如此則事無紛更人無

勞擾後艱可免實為便益等因具本該本部官欽奉

聖旨兵部看了來說欽此欽遵抄出送司案查先該巡按

陝西監察御史杜旻奏前事已經查勘去後今該前

因案呈到部看得陝西總制都御史楊 奏稱查勘

過洮岷河州西固階文等五處地方密邇諸番叛服

靡常原設守備官員難以裁革但守備洮州都指揮

趙甯岷州都指揮閻縉俱各不職欲要革罷另行推

關中奏議全集卷八

用一節緣前項各該地方守備官員既該總制官員

勘稱裁革不便合無依其所奏本部行移本官除將

趙甯行令替職閻縉令回原衛仍另推相應官員前

來上

請簡用其餘俱各照舊存留守備其稱各官家屬多未

免分外供億甚又肆意侵漁潛交番賊誠為貽患地

方相應禁治亦合通行本官轉行前該守備各官今

後跟用家人止許存留十數名在彼其餘俱發回原

衛不許仍前多帶以致供應太繁軍士受害及敢有

侵尅交通等情聽總制巡按等官指實奏奉拿問決

不輕貸緣係總制官議奏存留守備官員及奉

欽依兵部看了來說事理未敢擅便正德二年正月二十

六日本部尚書閻仲實等具題本年閏正月初一日

奉

聖旨是欽此欽遵擬合就行為此合行移咨前去煩照本

部題奉

欽依內事理欽遵施行

一為急缺領軍官員事

兵部覆本部職方司案呈奉本部送於兵科抄出總

制陝西甘肅延綏甯夏等處邊務兼督理馬政都察

院左都御史楊 題查得甯夏管領土兵都指揮

僉事韓斌近該巡按陝西監察御史邢纓奉都察院

關中奏議全集卷八

勘合劄付為捷音事行提本官與守備焦洪併問去

訖案查先為慎固地方以過虜寇事准兵部咨該本

部題該鎮守甯夏地方都知監太監葛全等題前事

本部看得甯夏鎮巡等官太監葛全等奏稱花馬池

等四營俱各隔遠備禦等項人馬不多往往被賊擁

眾深入毒虐要將甯夏義勇土兵內挑選二千員名

關給馬匹今靈州土官都指揮韓斌統領清水營按

伏遇警會合截殺一節緣花馬池委係虜賊經由腹

內喉襟之處今既該各官會奏前來必其計籌停當

有益邊方合無准其所奏本部仍行各官照數挑選

精銳義勇土兵三千員名給與馬匹着令都指揮韓



斌統領依期專在清水營按伏遇警往來相機策應  
務要撫恤軍士如法操練不許虐害致令失所其欠  
少馬匹仍行都御史楊 查照給用若果十分不  
敷明白奏來以憑定奪等因題奉

欽依備咨前來查得前項義勇士兵已該甯夏鎮巡官挑  
選精壯三千員名欽遵行委都指揮韓斌統領及馬  
匹臣陸續處置給領將及三千之數遞年照依兵部  
原擬在於清水營按伏遇警會合主客官兵截殺外  
今該前因切緣清水營在於甯夏橫城之東興武營  
之西最為孤懸要害達賊出沒必由之地自設前項  
人馬以來頗壯邊城聲勢今虜賊在套未出正當緊  
關中奏議全集卷八



關隄備之際縱使河開出套遇冬難保不來原設領  
軍官員既已緣事被提未知何日完結雖委官暫領  
終是權任不專難責成効臣又訪察得都指揮韓斌  
雖才識通敏有治事之能而性資嚴刻非統馭之器  
頃緣虐用其下以致土人奏許違法事情多端見該  
兵部奏行勘問未結雖虛實猶未可知但彼為土官  
而失土人之心至於如此安望其樂為効用以成戰  
伐之功哉必須另擇將官統領庶使此軍不為徒設  
竊見甯夏衛指揮使新陞都指揮僉事仇斌出自  
將門素諳戎務驍勇善戰曾立奇功甯夏一鎮武臣  
號為出色相應委用但所領官軍三千員名與各鎮

遊奇兵事體不異况今三邊多事前項土兵若得人  
教養操習豈徒清水營按伏花馬池策應而他鎮有  
事亦可備緩急之援若非稍加優遇不無事重權輕  
如蒙乞

勅兵部參詳議處合無乞將仇斌具奏量與將官名目請  
勅統領前項義勇士兵三千員名令其用心操練撫卹仍  
照原擬遇冬分布清水營按伏花馬池靈州一帶地  
方有警俱聽鎮巡官調遣策應訓練既精各鎮有事  
亦可徵調應援如此則軍威增重軍容改觀邊方大  
計不為無補韓斌待事完如果無礙另行推委管理  
別項官軍庶使土官與土人不致互相猜疑實為便  
關中奏議全集卷八



益等因具本該本部官欽奉  
聖旨兵部知道欽此欽遵抄出送司案查先為慎固地方  
以遏虜寇事該甯夏鎮巡官奏稱花馬池等四營俱  
各隔遠備禦守項人馬不多往往被賊擁眾深入毒  
虐要將甯夏義勇士兵內挑選三千員名關給馬匹  
令靈州土官都指揮韓斌統領清水營按伏遇警會  
合截殺本部議得花馬池委係虜賊經由腹裏喉襟  
之處今既該各官會奏前來必其計籌停當有益邊  
方合無准其所奏仍行各官照數挑選精銳義勇士  
兵三千員名給與馬匹着令都指揮韓斌統領依期  
專在清水營按伏遇警往來相機策應已經題奉

欽依內行令欽遵去後今該前因案呈到部看得陝西總

制都御史楊 奏稱甯夏管領土兵都指揮僉事

韓斌才識優於治事統馭非其所長近因虐用下人

以致奏許違法事情多端雖勘問未結而人心已失

難再委用及訪得都指揮僉事仇斌諸將驍勇俱在

一鎮武臣之石欲要將本官量加將官名目請

勅令其代替韓斌管領前項土兵以備按伏徵調一節為

照前項土兵俱係挑選精銳人數然須統領得人庶

幾操縱有法緩急可用既該總制官員奏處前來必

有斟酌停當合無本部依其所擬將都指揮僉事仇

斌改充遊擊將軍候

關中奏議全集卷八

十一

命下之日請

勅一道齋付本官代替韓斌統領前項土兵常年依期分

布清水管按伏如遇花馬池靈州一帶地方有警俱

聽鎮巡官調遣策應防禦寇務須撫卹軍士如法

操練期副委任不許殘虐致令失所責既有歸罪其

容追仍行總制官員及甯夏鎮巡等官一體知會欽

遵施行緣係定奪領軍將官及奉

欽依兵部知道事理不敢擅便正德二年二月十八日本

部尚書閻仲實等具題本月二十日奉

聖旨是仇斌着充遊擊將軍寫勅與他欽此欽遵擬合通

行除外合咨前去煩照本部題奉

欽依內事理欽遵施行

關中奏議全集卷之八終

關中奏議全集卷八

十

總制類

一為激勵土兵事

兵部覆於兵科抄出總制陝西延綏寧夏甘肅等處邊務都察院左副都御史楊一清題查得管領土達陝西都司秦州衛指揮同知郭遯原籍陝西平涼府靜寧州人成化四年間為因土達滿四反叛石城應例招集土兵自備鞍馬報効殺賊及親入賊巢招降叛賊節次有功陞授錦衣衛所鎮撫職事願告改秦州衛歷陞今職通年管領土達并招募民壯等項土兵遇冬於固原等處備禦有警各該總督總制巡撫

關中奏議全集卷九

八〇三

等官調往延寧洮岷大同等處勦殺番虜屢立奇功  
 宏治十八年十二月內達賊數萬深入陝西靜寧隆德地方搶掠出境鎮守署都督曹雄委令跟隨遊擊將軍陳善前去寧夏章州小鹽池一帶邀賊歸路彼時延綏遊奇土兵與寧夏主副將官所領官軍共一萬五千餘員各因賊勢重大相顧莫敢發兵本官獨領家人土兵追賊至地名狼巴并斬獲首級二顆至今尚未論功陞職臣切見本官膽氣過人起自編氓陞授軍職管領土兵三十餘年大小戰陣數十餘次敢勇當先人所共知近年達賊侵犯固原恒簡郭遯在否是其威名雖虜人亦熟聞之緣各處領軍官

員曾舉將才者多蒙推陞署都指揮職事本官歷任年深効勞最久宏治十三年間節該兵部推訪才勇可取官員亦與其列獨未嘗一蒙拔擢人共惜之况其所管土兵一千餘名調往各鎮截殺與彼處領軍都指揮等官不相統屬職任獨輕難以行事今虜賊在套寧夏甘涼俱有聲息正在激勵土兵之際如蒙

勅兵部查訪本官如果才勇可取不為常例量與署職照舊領管土達招募民壯聽臣隨宜調遣各鎮應援截殺則凡土官土兵感激奮發咸懷赴闕之志矣等因具本該本部官欽奉

關中奏議全集卷九

二

八〇三

聖旨兵部知道欽此欽遵抄出送司案呈到部看德總制陝西都御史楊 奏稱秦州衛指揮同知郭遯起自編氓歷陞今職管領土兵三十餘年屢立奇功及稱遇有警調職輕不便行事而套賊方謀入寇兵將尤宜激揚欲將本官量加都司署職照舊領兵截殺一節為照指揮郭遯既該總制官員奏保前來必其勤勞懋著任用克堪况領兵聽調委須官職稍重方易責成合無本部依其所奏不為常例將本官量陞都司署職令其照舊管領土達民兵聽總制官員調度殺賊仍行總制轉行本官今後益要感

恩思奮用圖報稱毋得宜成自怠債事招尤緣係總制官

員保陞將官署職及奉

欽依兵部知道事理未敢擅便正德二年閏正月十六日

本部尙書聞 等具題本月十八日奉

聖旨是郭邈准陞陝西都司署都指揮僉事欽此欽遵擬

合通行除外合咨前去煩照本部題奉

欽依內事理欽遵施行

一為經理要害邊防保固疆場事

兵部覆本部職方司呈於兵科抄出總制陝西延綏

寧夏甘肅等處邊務兼理馬政都察院左副都御史

楊 題近准兵部咨該本部等衙門題該本部題

先該 臣題前事本部會同太師兼太子太師英國公

關中奏議全集卷九

張懋吏部尙書焦芳議擬上請奉

聖旨是都准議行欽此欽遵備咨到 臣仰惟

聖明軫念關中重地

采納 臣下議奏花馬池與武營等處要害地方修濬牆

塹添設衛所等事俱依擬施行一勞永逸兵民幸甚

查得內一件 臣原奏要將花馬池守禦千戶所改設

甯夏後衛與武營添設守禦千戶所將選定新舊招

募土兵起調前去入伍食糧永遠操備但合用旗軍

五千名今止挑選得四千名尙欠一千名及查得花

馬池守禦千戶所額設軍人舊欠三百六十四名俱

應撥補合無照依榆林靖虜等衛并陝西苑馬寺事

例將陝西西安等八府正德元年以前清出該解南

方軍人免其發解各改編前項新設衛所應當軍役

待軍伍數足具

奏停止會官議得前項地方委係要害處所必須兵力強

盛庶免保障今總制官員奏要改設衛所委的事體

相應合無令兵部仍行本官將花馬池守禦千戶所

改立甯夏後衛與武營添設守禦所文職等官并印

信銅牌行各衙門照例銓選奏

請給用仍行陝西清軍官將正德元年以後清出雲南貴

州兩廣湖廣軍人改編今設衛所着役數足奏

請停止其餘議處事情悉令查照原擬施行務期威武克

關中奏議全集卷九

振邊方有賴等因查得改編舊例止是兩廣雲貴四

川湖廣等邊衛宏治十三年間該榆林巡撫都御史

王嵩題該兵部議擬合無依其所奏不拘常例行移

陝西清軍御史并布按二司清軍官員將延安慶陽

西安三府所屬見今清出在官該解雲南兩廣福建

湖廣江浙各都司衛所軍役不分例前例後逐一查

勘明白免其起解原衛俱解延綏巡撫衙門改編榆

林衛撥去各營堡操備仍行各軍原衛開豁名伍等

因題奉

孝宗皇帝欽依是欽此宏治十七年間為修舉馬政事該

臣奏稱陝西苑馬寺缺人牧馬該本部議擬題

准將陝西各府宏治十六年以前清出江南衛所軍人例該存留附近衛所者俱解陝西苑馬寺牧馬俱經通行欽遵外切緣南北衛所軍伍俱不可缺前項奏行事例一則因邊衛缺軍防守一則為邊方缺馬征戰况北人應當南軍畏其煙瘴炎熱終是不肯應役州縣清解雖勤而衛所空虛如故徒為里書官旗漁獵之資以此較彼權其輕重利害改編之計本非得已今苑馬寺牧軍頗勾孳收花馬池與武營地方添設衛所乃邊方兵勢強弱腹裏民生安危所繫尤重且急但今次議奏止開將正德元年以後清出雲南貴州兩廣湖廣軍人改編今設衛所著查得陝西各府並無兩廣軍人其雲南貴州湖廣三處先曾清出者節經改編去訖雖有未盡數亦不多前項新設衛所終難填實如蒙乞

關中奏議全集卷九

五

三三

勅兵部再議合無比照榆林奏行事例將陝西各府正德元年以後清出雲南貴州四川湖廣江西浙江等都司衛所軍人該起解者免解原衛改編新設甯夏後衛及興武營守禦千戶所共贖一千名停止仍行原衛將名伍除豁如此庶幾威武振揚邊方有賴而腹裏人民獲安矣等因具本該本部官欽奉  
聖旨兵部知道欽此欽遵抄出送司查得先為缺軍防守邊備事該巡撫延綏都御史王嵩奏訪得延安慶陽

西安三府所屬人民中間多有貴州雲南兩廣福建江西浙江湖廣四川南直隸等處都司衛所軍役清出見解并遠年無勾等項軍士照名改調本邊操備等因該本部依擬不拘常例行移陝西清軍御史等官將延安等三府見今清出在官該解貴州雲南兩廣福建湖廣四川江西浙江各都司衛所軍役不分例前例後逐一查勘明白免其起解原衛俱解發延綏巡撫衙門斟酌照名改編榆林衛著役操備仍行各軍原衛開豁名伍造冊申繳本部備照其原衛有人應當不曾發冊清勾者不許一槩改編等因題奉孝宗皇帝聖旨是欽此已行欽遵外又查得為經理要害邊防保固疆場事該總制陝西都御史楊 題稱要將陝西延安等八府正德元年以前清出該解南方衛所軍人改編甯夏新設衛所應當軍役該本部等衙門會官議擬仍行陝西清軍御史等官將正德元年以後清出雲南貴州兩廣湖廣軍人改編今設衛所著役數足奏

關中奏議全集卷九

六

三三

請停止等因題奉  
欽依已經通行欽遵去後今該前因案呈到部看得總制陝西都御史楊 題稱先因花馬池等處地方缺軍防禦奏要將陝西西安等府清出正德元年以前該解南方軍士通行改編前項新設衛所已蒙該部

奏奉

欽依准擬但各府原無兩廣軍人其雲貴湖廣者節經清  
 解去訖改編之數終亦不多欲要比照榆林事例將  
 前項府分正德元年以後清出解雲貴四川湖廣江  
 浙等都司衛所軍人俱免起解改編寧夏新設衛所  
 共轄一千名數足停止仍將原伍開除一節合無依  
 其所奏本部仍行陝西清軍御史等官查照前該奏  
 擬衛分但有正德元年以後清出原係南方軍士例  
 該起解者俱令改編今設寧夏等衛所轄足一千名  
 數照舊停止仍將已改編者轉行原衛各將名伍開  
 豁免致再行勾擾緣係總制官員奏要填實邊軍及

關中奏議全集卷九

七

奉

欽依兵部知道事理未敢擅便正德二年閏正月三十日  
 本部尙書閻 等具題本年二月初二日及奉  
 聖旨是欽此欽遵擬合通行除外合咨前去煩為轉行彼  
 處清軍等官照依本部題奉

欽依內事理欽遵施行

一為乞取醫士治療病疾事

抄出

禮部覆該本部祠祭清吏司案呈奉本部送於禮科  
 欽差總制陝西延綏寧夏甘肅等處邊務兼督理馬政都  
 察院右都御史楊 奏旨元氣素弱舊有目疾少

壯之時無歲不發中年以來血氣既衰漸成昏眊視  
 物如霧十步之外不能辨人近於正德元年十一月  
 間前往寧夏花馬池等處地方闊視邊兵野行草宿  
 為風沙所傷回至環縣目疾大作竟風日則刺痛如  
 割閱文字則涕淚交流兼以風熱上攻耳鳴頭暈腰  
 膝無力行立艱辛 臣之疾勢如此然而未敢言去者  
 以受

恩深重茫無寸補近蒙

陛下加以崇秩假之重權虜患未消正臣子鞠躬盡瘁之

日及又奉

勅經理寧夏延綏一帶邊防責任重大分當以身殉

關中奏議全集卷九

八

國豈敢遽求便安但察 脉候表裏俱病久而不治將成

痼疾訪得陝西邊方多無明醫雖有一二頗通醫業

之人緣南北風氣不同稟賦各異治療失宜雖多無

効 臣在江南素用鎮江衛醫士睦翰葉餌取效恒多

臣是以不避斧鉞冒昧上陳伏望

聖慈憐臣身在邊方乞

勅該部轉行巡撫南直隸都御史行令鎮江衛將醫士睦

翰督發前來隨臣軍門治療前疾痊可方

竭股肱之力以報

陛下生成之德等因具奏奉

聖旨該部知道欽此欽遵抄出送司案呈到部看得總制

陝西延綏甯夏甘肅等處邊務兼理馬政都御史楊  
奏稱舊有目疾漸成昏眊兼以風熱頭暈將成痼疾  
素用鎮江衛醫士睦餘藥餌多効乞行巡撫南直隸  
都御史行令鎮江衛將醫士睦餘督發前來軍門治  
療前疾痊可方令回還一節切惟三軍之司命全在  
乎主帥一身之運用莫先乎目力主帥安危關係甚  
重合無准其所奏但巡撫南直隸都御史今已取回  
本部移咨都察院轉行巡撫按直隸監察御史行令  
鎮江衛督發醫士睦餘前去總制陝西等處邊務都  
御史楊處調治前疾俟痊之日令其回籍如此則  
朝廷軫念邊方之計切而

關中奏議全集卷九 九

優禮重臣之典隆矣緣係乞取醫士療疾及奉

欽依該部知道事理未敢擅便正德二年二月十一日具  
題十二日奉

聖旨是欽此 本年二月十五日咨都察院轉行訖

一為豫處儲蓄以安邊固本事

戶部覆陝西清吏司案呈奉本部送於戶科抄出

欽差總制陝西延綏甯夏甘肅等處邊務兼督理馬政都  
察院右都御史楊 題行據陝西布政司呈查得

宏治十八年西安延安鳳翔慶陽四府災傷遇例蠲  
免除豁過稅糧馬草延綏一帶糧料一十六萬七千  
八百六十二石零草四十二萬一千四百一十九束

甯夏一帶糧料三萬九千二百九十七石六升草  
一十萬九百八十三束零甘肅一帶糧料八萬七千  
六百二十七石五斗六升零固靖環蘭洮岷西固城  
糧料一十二萬六百三十四石二斗草二十一萬六  
千七百九十八束零存留糧料二十三萬一千五百  
石零草五千八百餘束及據本司呈稱查得本司廣  
積庫各項銀兩除呈蒙巡撫按察驗批准解贖補  
災免糧數并收買銅料鑄錢科舉應用原額年例給  
賞軍士冬衣布花官軍折俸糧兩寄庫馬價及戶部  
送發甯夏甘肅糧銀兩外見在止有夏秋糧餘價  
缺官皂隸糴糧支剩農桑絲綿折銀并本庫陸續放  
出餘銀查算各項共二千四百二十一兩五錢四分  
四釐四毫八絲六忽及戶部送到賑濟銀二十萬兩  
內除脩邊十萬兩環慶羅糧二萬兩賑濟用過九千  
七百六十一兩一錢解去平涼府准折祿米一萬三  
千三百七十三兩二錢外見在五萬六千八百六十  
五兩六錢緣由前來案呈先准巡撫延綏本院右副  
都御史文貴咨為走回男子傳說虜情事開稱虜賊  
入套動調主客兵馬數多查得本鎮各倉見在糧料  
草束供給主兵頗勾支用若是供給客兵誠有不敷  
合無一面先將陝西布政司廣積庫收有稅糧等項  
銀兩酌量動支委官領解前來分投派往延安府池

關中奏議全集卷九 十

又又又



方收買糧料草東運赴附近衝要屯聚客兵按伏營  
堡上納一面行陝西布政司管糧并分巡分守等官  
將各年拖欠之數上緊催來以濟急用一面移文戶  
部請益銀益以補缺乏等因為照延綏一鎮逼臨河  
套虜賊首先窺伺前項年分腹裏災傷蠲免起運糧  
草數多及寧夏甘肅固靖環蘭洮岷等衛俱係防邊  
處所原額應徵起運糧草既已蠲免除豁必須措置  
補數已經節行該司查處去後今節據前因除支銀  
糴買及催徵稅糧另行外會同巡撫陝西本院右副  
都御史張泰議得陝西西安等八府人民額徵糧草  
供給陝西延綏寧夏甘肅四鎮官軍人馬支用若外

關中奏議全集卷九

七

×

無寇戎之警內無水旱之虞則一歲之入自足以供  
一歲之用奈何近年以來醜虜陸梁東西侵擾動調  
客兵往來應援供億之費動如數倍會計所儲在在  
不足節該鎮巡等官具奏荷蒙

皇上軫念邊方二三年間運送官銀多至五六十萬餘兩  
開中官益二百萬引但分給四鎮不見其多兼且地  
方連年薄收米價高貴發銀易買較之先年僅得一  
半然各該邊倉自是稍有積蓄相兼歲徵之數足可  
支持不意宏治十八年西鳳延慶四府大遭旱荒人  
民缺食流徒在途遠近動搖方賑恤撫安之不服豈  
敢照常催科仰荷

聖恩將勘實災傷應徵起存稅糧一體除豁小民始有生

意地方獲安然糧草之出於民者固已蠲除而兵馬  
之食於官者不可減免遂令前項開中糴買之儲不  
足以備災傷蠲免之數而倉場所入不償所出漸至  
空虛總計各邊除豁起運稅糧馬草若論糴買用銀  
將及四十萬兩而存留之數不與焉且陝西雖云八  
府而財用所出西安一府實當其半西安既有全災  
七府全收不足以補况延慶鳳翔三府亦復有災餘  
四府雖不曾作災亦非全熟勢難通融撥補近因虜  
賊入套延綏守臣不次移文告乏雖行布政司將西  
鳳等八府在庫官銀酌量陸續解運補數與戶部發

關中奏議全集卷九

七

×

到預備糴糧賣益銀兩俱送各邊巡撫衙門轉發彼  
處管糧官員招商糴買分發緊要倉場備用又將布  
政司收貯招納冠帶農民等項銀兩支出分派固慶  
洮岷兵備邊備副使等官斟酌糴買糧草及折支官  
軍俸糧大約所補不過十之三四而司府庫藏亦漸  
空虛其存留糧料草束俱係歲用不可缺之數又各  
無從措補今陝西布政司查報在庫銀兩除各項動  
支及賑濟馬價一項外所剩官銀止有二千四百餘  
兩及查賑濟銀二十萬兩除奏

准脩邊十萬兩及已支賑濟糴糧外見在止有五萬六千  
餘兩夫以堂堂巨省而匱乏至此言之可為寒心查

得先爲旱災救荒等事該巡撫都御史張泰巡按監  
察御史邢纓會同奏要將山東河南起運折糧銀借  
支四十萬兩轉補前項災免糧草該戶部議看得山  
東河南起運銀兩俱係供給京儲及宣大二鎮之數  
見今北虜在邊尙未遠遯萬一有警將何撥補訪得  
靈州等處大小鹽池係天產美利不勞人力其出無  
窮其課易辦合無行移巡撫都御史張泰查前項鹽  
課除近日開中買馬二十萬引外果有羨餘作急議  
擬上

請盡數招商中納糧米助邊應用等因題奉

關中奏議全集卷九

三

X

欽依備行前來查得靈州大小鹽池原額鹽課共一萬四  
千三百三十七引舊例每引納銀一錢五分每年止  
該銀二千一百五十兩有餘輸平分送延寧二邊買  
馬近該臣議奏量增課程新舊共五萬九千三百三  
十七引每引納銀二錢五分爲因行鹽路狹鹽利少  
通正德元年分一池除舊引外共支放過新引二萬  
四千九百九十八道該銀六千二百四十九兩五錢  
緣前項鹽課雖蒙送發二十萬引前來止可收貯遞  
年陸續招商按放若以正德元年所放新引計之多  
則十年少則五七年二十萬引之塩方可放盡豈有  
羨餘招商羅糧况所收銀兩查有兵部題奉

孝宗皇帝欽依陝西茶塩易馬備邊不許別項奏討事例

擅難別項動支所據前項年分蠲免過起存稅糧馬  
草委的無從措置補完原數使虜酋悔禍不來犯邊  
地方收成幸得全稔則以倉場見在之糧草支持主  
兵以庫藏見有之銀兩及開中未盡之引塩陸續招  
商兼催徵拖欠通賦輸納當年稅糧亦足勾用但虜  
性難測萬一有警未免徵調客兵臨期招買不出雖  
悔何及又恐年歲似前災傷倉庫既空賑濟轉輸兩  
無所賴民窮盜起爲患何可勝言臣等俱有地方重  
寄今若不言他日誤事罪將焉遣查得先爲急處救  
荒事准戶部咨該本部等衙門會題該臣題前事會  
官議擬內一件聽缺知印承差照依歷役年限納銀

關中奏議全集卷九

西

X

多察數目悉依原擬施行并農民願納銀兩泰充知  
印承差吏典者仍查照前例俱通行各布政司及順  
天應天南北直隸各照例收銀類總解部轉發陝西  
布政司支用候年谷頗熟邊方稍寧之日停止又一  
件舍餘民人先年上納軍職并今願告上納者悉照  
所擬施行至指揮使而止舍餘就於原衛民人於地  
方衛所帶衙閑住俱聽巡撫衙門定奪銀兩類解戶  
部轉發例至正德二年停止又一件上納陰陽醫學  
僧道官俱依擬施行各處軍民客商并仕宦子孫不  
係見有職役者納銀六十兩授正七品散官五十兩  
授正八品散官四十兩授正九品散官二十兩者冠

帶榮身其銀兩係兩京順天應天地方赴戶部及南  
京戶部各布政司并直隸地方赴各司府州上納類  
解戶部轉發例至年谷頗熟邊方稍甯之日停止等  
因題奉

欽依備咨通行外近據陝西布政司呈稱查得止是收過  
本省上納陰陽僧道義官知印承差農民銀二萬六  
千六百六十九兩並無各布政司并南北直隸收解  
銀兩及戶部亦無轉發并原開軍職無人告納銀兩  
緣由前來切緣前例俱因陝西地方奏開通行江西  
浙江四川湖廣河南及南北直隸所得銀兩類總解  
部若依原擬解發陝西支用事體相應及又查得近  
關中奏議全集卷九

五

XI

為處置邊儲豫防邊患事亦該巡撫都御史張泰會  
同巡按監察御史邢纓奏要將陝西布政司查出成  
化年間兩淮山東運司餘剩未中殘益一百二十一  
萬五千七百八十六引未填勘合一百二十一道另  
定價值量為減輕招商報中雜買糧草未奉明示如  
蒙伏乞

聖明俯念陝西三邊重鎮地方安危所係乞

勅戶部查照議奏合無將陝西奏開救荒通行江浙四川  
湖廣河南南北直隸事例所得類總解部銀兩照依  
原擬盡數查發陝西布政司收貯分給陝西延寧甘  
肅四鎮羅買糧草補完宏治十八年災傷蠲免之數

仍乞將近日議奏開中報剩殘益早為定奪行令陝  
西布政司招商報中倘前項殘益有礙惟復仍開淮  
浙四川等處課益五六千萬引招商或收納銀兩以  
實庫藏或上納糧草以益邊儲臨期酌量地方豐歉  
施行如此則非惟邊方儲蓄有所仰賴不至缺乏且  
使腹裏人心有所係屬不至動搖實為便益等因具  
本奏奉

關中奏議全集卷九

六

XII

聖旨戶部知道欽此欽遵抄出送司案呈到部看得所奏  
要將浙江等處司府上納陰陽僧道義官知印承差  
等項解部銀兩查發陝西布政司收貯分給延寧甘  
肅羅買糧草并成化年間奏開兩淮山東運司餘剩  
未中殘益招商報中一節除成化年間兩淮山東運  
司中剩殘益歷年久遠未審有無見在已經行移各  
該運司查報至日另行議擬奏

請定奪外其陰陽僧道義官知印承差等項上納銀兩先  
因陝西地方災傷擬行後因彼處收成頗豐并本部  
先因運送賑濟等項銀兩數多及因京邊賞賜官軍  
銀兩不敷間遇各處解到僧道等項銀兩補贖支用  
訖其未到者又係撫巡官員奏稱災傷存留本處借  
用即今本部見無收貯亦無解到銀兩况承差加納  
銀兩例已停止近因  
內府承運庫奏稱

國用不足尙且行取各省在庫金銀解京送用及奉

欽依今後各邊運送銀兩照正統景泰年間例行不許例

外加添所據僧道等項上納銀兩難再類送為此合

行移咨前去煩爲查照施行

一爲經理要害邊防保固疆場事

吏部覆本部送於吏科抄出總制陝西延寧甘肅等

處邊務兼督理馬政都察院右都御史楊 題查得

臣欽奉

勅先因花馬池等處邊防久弛勅爾用心整理近該爾會

同議處各項事宜甚爲周悉足見體國安邊至意勅

至爾即照兵部會議邊事理於去年賑濟官銀內動

關中奏議全一朱卷九

七

支十萬兩招商納米以備食用一應合用工料預爲

措置停當待相應時月督同各該鎮巡官將延綏定

邊營迤西至寧夏橫城等處營迤西至定邊營橫城

迤北至黑山營各處邊牆壕塹陸續興工修築高厚

挑濬深闊原無牆溝去處一體修築墩臺煖鋪小堡

待前項工程稍緩以次脩舉其餘悉依原擬施行勅

內該載未盡者聽爾從宜區處事完之日將修過工

程用過錢糧數目造冊奏繳爾建此大議受茲重託

必須殫心竭力務求事可功成一勞永逸人無嗟怨

虞絕窺覷朝廷免西顧之憂邊民享太平之樂毋或

虛費財力自貽咎愆欽哉欽此欽遵會同巡撫陝西

右副都御史張泰巡撫延綏右副都御史文貴巡撫

寧夏右僉都御史劉憲行令陝西布政司支取去年

賑濟官銀十萬兩招商納米以備食用一應合用工

料預爲措置待黃河開消之後哨探套內無賊起情

軍民人夫先將原擬延綏定邊營迤西至寧夏橫城

邊牆壕塹三百餘里分工修築挑濬濶塞營迤西至

定邊營延綏鎮巡官一併興工其橫城迤北至黑山

營牆塹待前項工程就約寧夏鎮巡官一體修築整

理及照依原擬會委陝西布政司左叅政唐錦舟陝

西按察司副使王寅陝西都司軍政掌印都指揮簽

事房懷專治其事務期一勞永逸消濶賊窺伺之

關中奏議全集卷九

六

心以爲腹裏人民經久無窮之利待事完通將修過

工程用過錢糧造冊

奏繳外臣會同巡撫陝西右副都御史張泰議照前項經

理要害邊防工力浩繁事體重大非旬月之間可以

責成必須假以歲年從容區畫則事集而人不告勞

事于各鎮若無二司重臣專理誠難就緒但陝西地

方政務繁冗布按二司官員各有專職今雖暫委各

官管理其原管事務又令別官帶管未免顧此失彼

況工程皆在沙漠邊遠之地必得有精力有巧思不

避艱險能耐勞苦之人庶可倚託切見近年巡撫大

同右副都御史劉宇修理邊牆奏保郎中李惟聰陞

授按察司副使提督工程事完改選緣今經理邊防  
事體相同臣等博訪得西安府同知張敏平涼府同  
知岳思忠鞏昌府同知張檄陝西苑馬寺寺丞朱璜  
俱通敏老成精勤疆幹歷官陝西年久熟知地方事  
情相應舉用如蒙伏望

聖明軫念邊方大計全陝軍民安危所係乞

勅吏部再行訪察合無比照大同事例於張敏岳思忠張

檄朱璜四人中定擬二員上

請量陞陝西按察司僉事職銜專令提督修理前項邊牆

壕塹墩臺煖鋪營堡待原擬工程通完之日本司有

缺俱

關中奏議全集卷九

九

奏補缺管事如本司無缺起送改除如此則邊方大計既

可責成而別項政務亦不妨廢實爲便益等因具本

該本部官欽奉

聖旨吏部知道欽此欽遵行間隨該巡撫陝西等處地方

右副都御史張泰亦題前事通抄送司查得布按二

司自天順年以後添設官員俱奉

欽依裁革訖今該前因案呈到部看得都御史楊 題稱

各處邊牆壕塹經理要害工程浩繁要將西安等府

同知張敏等并苑馬寺寺丞朱璜四人中定擬二員

量陞簽事專令提督一節緣前項邊方工力委的重

大相應專官管理但今添設官員俱奉

欽依裁革所據前項官員似難添設爲此合咨前去煩照  
原擬會委左叅政等官唐錦舟等着令專一提督修  
理其各官原管事務徑自責委相應官員帶管施行  
一爲器使將才以脩戎務事

兵部覆該本部送於兵科抄出總制陝西延綏寧夏

甘肅等處邊務兼督理馬政都察院右都御史楊

題臣惟三軍之命實係於將而戰守之將其用亦各

不同今之參將分疆畫地各守一隅所謂守將遇警

固未嘗廢職而其用則先於守今之遊擊隨賊聲勢

往來策應所謂戰將所至固未嘗無守而其用則專

於戰守將之務脩車馬備器械據要害固封守明斥

關中奏議全集卷九

二十

族謹禁防寇至而先爲之備不必求取戰功求無所

失而已若遊擊之官披歷荆棘眠宿霜露非身先士

卒不足以鼓勇齊力非躬冒矢石則不能解圍潰堅

雖謀勇貴乎兼濟而常以勇爲主是二者固未始不

相通而目前之用則先其所急切見守守延綏東路

右叅將都指揮僉事時源性資果敢騰氣猛厲慣經

戰陣驍勇苦聞今分守一方雖亦未嘗廢事使當遊

擊之任衝鋒破敵是其所長延綏遊擊將軍都指揮

同知戴欽性資明爽才識疏通曉暢邊情熟閑戎務

今爲遊擊非無可取若居分守其所建立必有過人

且人才難得用違其長雖能者無以自見隨才器使

則天下無不可用之人况延綏戰精銳之兵東西  
應援必得驍將領之而神木孤山一帶營堡密邇河  
套虜賊遇冬首先窺伺分守得人有不戰自屈之勢  
如蒙乞

勅兵部再行訪察如果臣言可採合無上

請將時源改充遊擊將軍戴欽改任分守叅將各換

勅行事則此二人者易地而居各當其才戰守之奇兩有

所托待其勞效顯著主副將官之基未必不由於此

等因具本該本部官欽奉

聖旨兵部知道欽此欽遵抄出送司查得先為黜不職以

關中奏議全集卷九



延綏東路右叅將烏銘縱賊長志貽患地方要行提

究選官更替等因該本部依擬推舉得指揮姜漢時

源俱各相應題奉

孝宗皇帝聖旨是時源陞署都指揮僉事充右叅將分守

延綏東路地方欽此又為缺官事照得延綏缺遊擊

將軍該本部推舉行都指揮戴欽烏銘俱各相應等

因題奉

聖旨是戴欽着充遊擊將軍欽此已經通行欽遵去後今

該前因案呈到部看得陝西總制都御史楊 奏稱

分守延綏東路右叅將時源性資果敢驍勇素著長  
於征戰延綏遊擊將軍戴欽才識疏通曉暢邊情長

於分守欲將各官隨才更調一節既該總制官員議  
奏前來必其考驗有素叅酌停當合無依其所奏將  
時源改充遊擊將軍戴欽改任分守叅將候  
命下之日各換

勅資令各照今任地方行事仍行總制及各該鎮巡等官

轉行各該一體欽遵施行緣係總制官員奏要更調

將官及奉

欽依兵部知道事理未敢擅便正德二年二月十三日本

部尚書閻 等具題本月十五日奉

聖旨是時源改充延綏遊擊將軍戴欽改分守延綏東路

關中奏議全集卷九



擬責在統領原選遊兵三千操練聽調務要律已奉

公撫恤軍士圖樹功名以副委用如或貪贖債事罪

有所歸仍聽總制鎮巡等官節制延綏東路叅將責

在操練軍馬修理城堡遇有賊寇即便相機勦滅凡

事須聽總制鎮巡等官節制案呈到部擬合通行除

外合咨前去煩為查照欽遵施行

一為經理要害邊防保固疆場事

應為經理要害邊防保固疆場事據鎮守寧夏總兵官

都督僉事李祥呈抄蒙 臣鈞帖前事會同鎮守太監

葛全巡撫石僉都御史劉憲副總兵都指揮僉事衛  
勇備行各該營堡及寧夏等四衛催促原擬官軍扣



期赴工及擇本年三月二十七日卯時本職親詣告  
祭破土四月初一日於本鎮橫城興工築打邊牆緣  
由到臣案查先於正德元年十二月初九日欽奉

勅先因花馬池等處邊防久弛勅爾用心整理近該爾會  
同議處各項事宜甚為周悉足見體國安邊至意勅  
至爾卽照兵部會議過事理於去年賑濟官銀內動  
支十萬兩招商納米以備食用一應合用工料預爲  
措置停當待相應時月督同各該鎮巡官將延綏定  
邊營迤西至寧夏橫城寧塞營迤西至定邊營并橫  
城迤北至黑山營各處邊牆壕塹陸續興工修築高  
厚挑濬深闊原無牆溝去處一體修濬墩臺煖鋪小  
關中奏議全集卷九

堡待前項工程稍緩以次修舉其餘悉依原擬施行  
勅內該載未盡者聽爾從宜區處事完之日將修過  
工程用過錢糧數目造冊奏繳爾建此大議受茲重  
託必須殫心竭力務求事可功成一勞永逸人無嗟  
怨虜絕窺覷朝廷免西顧之憂邊民盲太平之樂毋  
或虛費財力自貽咎愆欽此欽遵正德二年閏正月  
內行據鎮守寧夏總兵官都督僉事李祥鎮守延綏  
總兵官都督僉事張安并各路分守叅將等官閻綱  
葉椿等各呈稱在套達賊俱各過河去訖套內並無  
聲息緣由前來臣會同巡撫陝西右副都御史張泰  
巡撫寧夏右僉都御史劉憲議照應修工程自寧夏

391 444 / 5

橫城起至延綏定邊營迤東石澗池寧靜墩界止邊  
牆三百餘里連壕塹共該六百餘里原擬人夫九萬  
餘名若一併起派上工誠恐督工官員顧理不周致  
令苟且疎略合將應起人夫分爲兩班每班做工一  
百日頭班自三月初一日爲始至六月初十日止次  
班自六月十一日起至九月二十一日止各工完疎  
放并會行陝西布政司先支去年賑濟官銀八萬兩  
運至慶陽府寄庫出榜招商上納夫根給領官價以  
備人夫食用及會委都布按三司官左叅政唐錦舟  
副使王寅都指揮房懷專理其事外續因西安平涼  
固原一帶地方久旱無雨人心憂疑暫且停止自本  
關中奏議全集卷九

年二月十九等日以來各該地方時雨連降田野沾  
足麥苗長茂秋田下種人心已安又經行令寧夏鎮  
巡衙門擇日祭告及先起頭班寧夏本鎮平涼慶陽  
固原一帶軍民人夫興工修築去後今據前因查得  
應起軍民人夫兩班共八萬名民夫西安府二萬二  
千名鳳翔府五千名平涼府五千六百名慶陽臨洮  
二府俱三千五百名鞏昌府九千各共四萬八千六  
百名軍夫寧夏三路一萬六千五百五十名陝西都  
司所屬衛所并護衛羣牧操牧等所一萬四千八百  
五十名共三萬一千四百名比之原先擬奏之數減  
去一萬名每班各做工三箇月頭班四月初一日爲

324



始至六月終疎放次班六月初一日為始至八月終  
疎放每夫日給口糧食米一升五合仍令戶內量貼  
盤纏銀多不過二兩隨帶供送前來以補口糧不及  
每夫十名共備車一輛裝載熾炒器具每二名出簾  
一片椽一根到彼列車為營覆以椽席用蔽風雨又  
遵照題奉

欽依事理將漢中府衛棧道之地方不起人夫量徵夫  
價運送工所買辦蔬肉每月犒勞二次仍支茶馬項  
下官銀二百兩行令陝西布政司置買藥餌選取醫  
生分派各委官處遇有人夫病疾即為撥醫給藥調  
治及查得合用撥木臣於去年已經差撥靖虜衛官  
關中奏議全集卷九

軍於本處雪山採打共三十餘萬俱運至修邊處所  
牆完就為修蓋營房煖鋪等項取用及照延綏甯塞  
營起至定邊營止共該添造墩臺一百四十二座築  
打剗削邊牆壕塹共三萬七千二百六十五尺行  
准巡撫延綏右副都御史文賢會同鎮守太監劉保  
總兵官張安欽遵題

准事例起備本鎮東西中三路步軍土兵備禦軍人延綏  
榆林三衛抽選屯丁舍餘并延安一府所屬州縣民  
夫俱於本年二月十九日動土興工分派地方陸續  
築造其甯夏橫城以北至黑山營邊牆壕塹待前項  
大工就緒之後地方無事本鎮軍夫次第修理再照

套內雖稱哨無賊寇但恐賀蘭山後之賊窺知修邊  
或有紮筏渡河之謀不可不防又經行令甯夏鎮巡  
官摘撥官軍二千員各聽察將閩網管領於牆外架  
梁防護又摘撥一千員各聽協同都指揮保勳管領  
於牆內巡邏策應及延綏地方已該巡撫都御史文  
貴議行副總兵姜漢量領兵馬架梁防護各待工完  
通將修過工程用過錢糧數目造冊

奏繳外臣聞之易曰王公設險以守其國詩曰城彼朔  
花馬池一帶邊備疎畧地里平漫大虜每從此折墻  
深入搶掠自花馬池靈州直抵固原平涼田不得耕  
關中奏議全集卷九

皇上軫念邊方  
畜不得收生理蕭條日甚一日

命臣經理臣轡竭駑鈍建此大議與此重役一勞永逸誠  
非得已但興工之初動勞軍民難保無怨若憚勞鄙  
怨不行趁時整理誠恐向後達賊仍前擁眾深入侵  
擾則平慶臨鞏固原靖虜等處軍民不免重遭寇掠  
西安鳳翔等府地方賊雖難到徵調軍馬合用糧草  
浩繁空運轉輸勢所不免破產陪納困苦轉甚今修  
濬前項牆塹每班不過一百日之工誠使邊牆完固  
向後達賊不敢輕犯人民安業在邊者不被搶掠在  
內者不須空運受百日之勞而直百年之利得失利

害較然可知夫凡民不可與慮始而可與樂成人臣  
不難於論事而難於任事况以佚道使民雖怨不郵  
但恐傍觀坐談之人既不慮地方安危又不知事情  
本末且謂後來干係非己所當輒生異議輕爲撓沮  
邊防大計付之若何仰惟

聖謨淵深

成命已定必無是事此臣私憂過計犬馬倦倦一寸之忠

也臣近患目疾痰疾日久未痊已經具本陳情俟

命外緣大工既與合當

奏報爲此今將經理處置畧節緣由并祭告破土興工

日期具本謹具題 知

關中奏議全集卷九

三

一爲遵明 詔更置將官以避久疲邊人事

題爲遵明

詔更置將官以避久疲邊人事准兵部咨該本部題該臣

題前事本部看得臣奏稱查勘過洮岷河州西固階

文等五處地方密邇諸番叛服靡常原設守備官員

難以裁革但守備洮州都指揮趙寧岷州都指揮閻

縉俱各不職欲要革罷另行推用一節緣前項各該

地方守備官員既該總制官員勘稱裁革不便合無

依其所奏本部行移本官除將趙寧行令替職閻縉

令回原衛仍另推相應官員前來上

請簡用其餘俱各照舊存留守備其稱名官家屬眾多未

免分外供應甚又肆意侵漁潛交番賊誠爲貽患地  
方相應禁治亦合通行本官轉行前該守備各官今  
後跟用家人止許存留十數名在彼其餘俱發回原  
衛不許仍前多帶以致供應太繁軍士受害及敢有  
侵剋交通等情聽總制巡按等官指實奏奉軍門決  
不輕貸等因具題奉

聖旨是欽此欽遵備咨到臣除趙寧行令替職閻縉令回

原衛其餘守備官員俱各照舊存留仍通行嚴加禁

約但有多帶家人擾害地方及有侵剋交通等項情

弊指實奏奉軍門外竊照岷州洮州二衛設在萬山

之中極鄰番境守備將官撫馭番夷操練軍馬保障

關中奏議全集卷九

天

地方國繫不輕前項不職官員既革罷代之者若非

從公慎擇其人不無仍蹈故轍貽患生弊傳訪得守

備階文署都指揮僉事張錦京營協替見在陝西聽

用署都指揮僉事楊義俱明敏疏通長於撫馭堪以

守備岷州平涼衛指揮使趙文西安左衛指揮僉事

楊宏俱老成練達熟之番情堪以守備洮州如蒙乞

勅兵部再行訪察如果各官才有可取合無奏

請於張錦楊義內擢用一員守備岷州地方趙文楊宏內

擢用一員守備洮州地方各照例請

勅行事庶幾兵民不至受害番夷可保無虞緣係該部題

奉

欽依行令推舉守備官員事理未敢擅便謹題請 旨

一為衰病乞 恩休致事

奏為衰病乞

恩休致事 年五十三歲由成化八年進士任中書舍人

歷陞山西陝西按察司僉事副使太常寺少卿南京

太常寺卿宏治十五年十二月內

欽陞都察院左副都御史督理陝西馬政尋兼巡撫陝西

地方正德元年正月內荷蒙

皇上簡命總制陝西等處邊務續蒙

聖恩陞本院右都御史 稟賦素弱血氣早衰中年以來

耳鳴如蟬目眩生花元氣受虧火邪乘之痰暈嘔逆

關中奏議全集卷九

无

時作時止腰膝無力行立艱辛去冬十一月間前往

寓夏花馬池等處閱視邊兵兩目為風沙所傷回至

環縣赤腫疼痛不能視物彼因虜賊在套又自念奉

勅經理邊防責任重大不敢求退已於今年正月內具本

乞取醫士前來隨軍治療前疾痊可誓竭駑鈍以圖

報稱閏正月間虜賊出套軍馬擊散回營 亦暫回

平涼整理馬政兼治前疾日復一日病勢愈增兩目

轉加昏眊行立歌側漸成痿軟近又加患心疾憂寐

不安神爽飛越稍勞思慮怔忡不已緣 臣 受

恩如

天欲報無地方圖經營士馬修飭邊防使虜賊不敢侵犯

軍民得安生業以少酬

覆載生成之德奈何器質庸凡行能淺薄崇階厚祿踰

分過量事權太重力不能勝是以不為造物所容未

老而衰百疾並見若非急求休致實恐不得生還鄉

里再念 臣 原籍雲南安寧州人 臣 父景任廣東化州

同知致仕貧不能歸寄籍湖廣巴陵縣 年一十二

歲以明經童子舉于

朝 臣 父母偕來京師 臣 舉進士未一年 臣 父病故貧不

能歸葬又依 臣 姊氏卜葬于直隸鎮江府丹徒縣地

方 臣 無子以雲南堂兄之子紹芳為嗣寄籍丹徒看

守 臣 父母丘塋 臣 之一身旅寓漂泊蹤跡孤單深慮

關中奏議全集卷九

羊

却顧益難自處豈可久貪榮利驅已衰之筋力犯不

知止之戒乎況今虜賊遠遯河套肅清軍情稍緩至

於經理花馬池一帶邊防事宜合用人夫錢糧器具

等項 臣 已區畫停當若責成陝西延綏寧夏三鎮巡

撫官員依擬整理自足濟事 臣 屏軀病體委的不能

支持是以昧死瀝血土陳哀悃伏願

皇上宏天地之量

寬雷霆之誅憫 臣 衰病察 臣 誠欵放 臣 回還丹徒縣致

仕居住使得與田夫野老歌詠

太平或前病稍痊將以暮年餘力教鄉人子弟惟忠惟

孝以為他日効用之地所以仰酬

朝廷曠蕩之

恩者庶幾其在此也臣不勝隕越俟

命之至緣係衰病乞

恩休致事理未敢擅便謹具奏

聞伏候 勅旨

一為謝 恩事

奏為謝

恩事准吏部咨該臣奏為衰病乞

恩休致事奉

聖旨卿盡心為國多効勤勞方切委任而乃累陳有疾懇

求休致特茲允給驛回去病痊之日有司來說起

關中奏議全集卷九



用吏部知道欽此欽遵備咨到臣除望

關叩頭謝

恩欽遵回還外伏念臣本庸愚荷蒙

聖朝作養甄拔歷官中外有年近者復蒙

皇上授以崇階委之重任涓埃無補盛滿難堪方圖鞭策

駑鈍不意病疾纏綿昧死陳情乞容休致仰荷

聖慈矜允

天語褒嘉既許其給驛還鄉又期其病痊愈用

天地之

恩至深至厚豺獮雖微亦知報本回還之後若病候稍康

則殘喘餘生皆

陛下之所

賜也惟當與田夫野老詠歌舞蹈祝萬年之

聖壽樂四海之治安臣不勝感激仰戴之至緣係謝

恩事理為此具本謹具奏

聞

一為經理要害邊防保固疆場事

兵部等衙門尚書等官劉 等題該本部題該總制

陝西延綏寧夏甘肅等處邊務兼督理馬政都察院

右都御史楊 奏查得臣節該欽奉

勅先因花馬池等處邊防久弛勅爾用心整理近該爾會

同議處各項事宜甚為周悉足見體國安邊至意勅

關中奏議全集卷九



至爾即照兵部會議過事理於去年賑濟官銀內動

支十萬兩招商納米以備食用一應合用工料預為

措置停當待相應時月督同各該鎮巡官將延綏定

邊營迤西至寧夏橫城塞營迤西至定邊營并橫

城以北至黑山營各處邊將壕塹陸續興工修築高

厚挑濬深闊原無牆溝去處一體築濬墩臺煖鋪小

堡待前項工程稍緩以次修舉其餘悉依原擬施行

勅內該載未盡者聽爾從宜區處事完之日將修過

工程用過錢糧數目造冊奏繳欽此已經欽遵會議

整理合用錢糧物料等項起倩軍民人夫已於本年

四月初一日興工及具

憲外臣近因有疾奏乞休致荷蒙

聖恩

俞允欽遵將前項修邊文卷簿籍咨送巡撫陝西石副都

御史曹元接管施行臣回還原籍養病伏念前項修

理邊防將以保障腹裏人民一勞永逸誠非得已臣

比有所見荷蒙

采納今乃以病不克終事慙負

國恩罪當萬死及查得巡撫陝西都御史張泰巡撫延

綏都御史文貴巡撫寧夏都御史劉憲俱係經該會

議官員奉

勅同心協力共成大役今各官俱陞任去訖竊恐此役人

關中奏議全集卷九

三

三

心懈怠苟且疎略徒費財力事不經久且邊牆雖固

未有不資兵而能守者若既成之後守臣不能講求

規畫布署官兵防守則亦不能阻遏賊騎負臣初志

以貽後責伏望

聖明早下該部計議責成各該新任巡撫會同鎮守官員

照該部會議及臣等會處過事宜督同原委都布按

三司官員越時陸續整理務期成功既成之後遇冬

虜賊入套尤須分布將士慎守藩籬使虜賊絕窺覷

之念沿邊腹裏人民不至重遭殘害此衰病臣犬馬

朴忠不能自己之倦倦也等因具本該通政使司官

奏奉

聖旨該部知道欽此欽遵抄出送司查得先為前事該總

制陝西等處都御史楊 奏內開應築邊牆自延

綏定邊營迤東石澗池地界起至寧夏地方橫城止

共三百里沿邊舊有墩臺邊牆委的壕塹窄淺牆垣

低薄墩臺稀疎乞要斟酌損益將舊牆內外幫築高

厚各二丈收頂一丈二尺兩面俱築採牆高五尺連

牆共高二丈五尺除採牆根占兩面共四尺尚餘八

尺之地每牆一丈開堞口一處安置轉關遮板牆外

每里添築敵臺三座每座相離一百二十步底闊周

圍四丈五尺收頂周圍二丈二尺上蓋煖鋪一間傍

牆於空闊要害有水頭去處增添小堡高厚丈尺略

關中奏議全集卷九

壽

八

與邊牆相等墩空去處仍酌量添築墩臺牆外壕塹

挑濬深二丈口闊二丈二尺底闊一丈五尺前頂敵

臺九百座煖鋪九百間每間用五人守之該用軍四

千五百名無事之時止守舊墩每冬月河凍不拘達

賊曾否入套即便調撥鋪軍上牆防護及添撥軍人

於新墩守哨河開無事疎放回營牆上設置籌牌柳

鈴晝夜往來巡警廣張旗幟聯絡相應分委的當官

員各定鋪分護守參將協同守備官各照所管地方

提調虜賊若果入套必似前窺伺侵犯原擬徵調延

綏遊奇士兵及寧夏副總兵等人馬各於定邊花馬

池興武營清永營靈州等處駐劄仍各分兵於新舊

小保丙按伏策應其間應分應合事宜又在臨期調度如此則邊備嚴密威武振揚足以伐其邪謀不敢輕易近牆若是仍前填壕近牆攻乞官軍出列牆上敵臺兩邊各用鎗砲矢石攻擊賊徒愈眾則所傷愈多步兵擊之於牆上騎兵待之於牆內其鋒必沮其氣必喪虜賊遠來利於速戰入既無策勢必遁歸縱使犬狼不肯悔過結眾攻圍邊牆受敵不支然相持之間未免少延時日烽火傳接環慶固原一帶人畜既斂兵備既嚴可保無失事不得已則我邊兵姑斂入大小城堡以避其鋒賊果深入速將原折牆口諸塞量留官軍堅壁固守各挑精兵襲蹤而入陝西官

關中奏議全集卷九

三

軍撓之於內俟其將遁蹙蹙而出延寧精兵邀之於中沿邊官軍拒之於外賊雖梟雄豈有善歸之理就令小有侵掠比至邊牆我軍仍於牆上裏面壕口用鎗砲矢石攻擊勢必潰亂諸軍乘之縱不能使其匹馬不旋亦必大遭挫衄可保數十年不敢入套犯邊及稱該用軍民人夫口糧欲要於賑濟官銀內動支十萬以補招商上納俱於今年措置停當期以明春邊方少靖四月興工八月完備等因該本部會議得虜性桀黠豕突狼奔非得溝牆深高墩堡聯絡鮮不坐受其敵况前項地方地廣兵分實難防遏連年失利可爲明鑒今都御史楊

所陳曲盡經營之計

事非得已但今年民遭荒歉來歲便未甦息若將邊牆墩堡敵臺一時併修誠恐民不堪命合無令兵部仍行本官准令於前項官銀內動支十萬兩先行分委廉幹官員隨宜招商上納糧米務在充實足勾夫役闕支待明年八月哨探河套無賊年成有收起倩軍民人夫將邊牆墩堡先行依擬幫築挑濟其敵臺緩鋪小堡候待民力有餘然後漸次興工此外一切處置事宜悉依原擬施行其用工人役嚴督管理官員加意撫恤使忘其勞所築牆垣等件務須比舊堅久有益防守不爲徒費財力及開奏延緩地方甯塞營之東有險可據賊難馳突甯塞營迤西至舊安邊

關中奏議全集卷九

三

營舊安邊營迤西至定邊營各九十里川原平漫與花馬池方相類既無邊牆雖有溝塹俱爲沙土擁填平滿萬騎馳驟不能阻遏前此達賊每從花馬池清水營地方折牆深入取其捷徑今若將花馬池一帶邊防整飭完固萬一黠賊自定邊安邊之間擁眾而入西向花馬池邊牆以裏地方自西而南不過稍迂百餘里則修邊工程歸於無用誠如巡撫都御史文貴所言行據三司委官參政安惟學僉事胡經等勘量得定邊營迤西石澗地界起至甯塞營迤西地界止共長一百六十三里三百四十五步內平漫相應築牆挑壕者一百三十一里三百四十九步山崖



險峻堪以削削者三十一里三百五十六步合無責  
成巡撫都御史文貴照依所擬築牆者築牆應削  
削者削削但前項地方已該文貴新築墩墩制度精  
巧非惟便於瞻望亦可按兵擊賊所患墩空隔越稀  
疎合准本官所擬於中空量為添築小墩臺安在邊  
牆居中墩依於牆尤便防守其餘溝塹敵臺煖舖俱  
照寧夏邊牆一體整飭修理但邊牆高厚丈尺比之  
寧夏地方稍省合用人夫除本鎮外聽於延安一府  
所屬州縣量數起用務令沿邊有備腹裏無虞等因  
又該本部會議得胡虜謗詐此沒則彼出東備則西  
侵必須在在戒嚴庶彼無間可投前項地方既該總

關中奏議全集卷九

七

八

制官員議處前來相應依擬但當歲荒之餘而與此  
浩大之役民力或恐不勝合無令兵部仍行本官轉  
行彼處巡撫查勘本境地方今年果無災傷軍民安  
堵亦照花馬池事體起備軍民人夫將邊牆壕塹先  
行依擬酌築挑濬其餘敵臺等項亦候年歲豐稔民  
有餘力然後漸次興工中間一切虛置事宜悉依原  
擬施行務使工程堅完民不告勞虜賊絕西入之望  
邊方享承久之利斯為盛舉又開奏寧夏橫城北黃  
河東崖舊有邊牆一百八十五里壕塹一道高厚深  
闊悉如花馬池一帶城塹之數自南而北有長城十  
八墩後守臣恐有稀疎每墩空內添設一墩共見在

墩臺三十六座牆裏套內地方又設石嘴暖泉二墩  
瞭守其第十八墩與河西黑山營鎮遠間相對每年  
於黑山營屯聚人馬阻遏虜騎以為寧夏北門鎖鑰  
前人綜理周密深有所見節因寧夏守臣怯懦土馬  
削弱河東墩軍累被套賊撲捉既將石嘴暖泉二墩  
廢棄遂將新舊三十六墩俱廢而不守謂之備夏不  
備冬却止於河西築立墩臺一十五座守瞭由是套  
賊多寡遠近消息通不知覺又因黑山營曾被虜賊  
攻圍遂將官軍那入平虜城操備由是平虜城為極  
邊要害平人往往不得耕牧殊不知撲捉墩軍窺同  
城堡乃虜寇常事顧吾所以待之者何如耳吾能往

關中奏議全集卷九

美

八

彼亦能往我退一尺則彼進一尺河東墩臺即不可  
守使賊乘凍渡河則西岸之墩獨不可拘宅乎黑山  
營有備則平虜為腹裏今廢黑山營而不守使賊近  
窺平虜亦將并廢之乎是皆不測之論也今花馬池  
一帶邊牆既欲幫築高厚又於牆盡頭橫城之南添  
築一堡量屯兵馬防禦河開之後縱有套賊不能為  
患但恐冬深河凍踏冰而西仍謀入寇容或有之意  
外之防不可不謹所據河東三十六墩邊牆壕塹誠  
宜幫築修濟河西黑山營誠宜屯宿重兵但前既修  
延綏花馬池一帶邊牆工程浩大力不能及合無行  
令寧夏守臣明年將河東新舊三十六營坍塌損壞



者量爲修補照依舊規撥軍守瞭與河西墩臺烽火相接不至失誤官軍應援稍候一二年仍將前項橫城以北三十六墩牆塹悉照花馬池一帶邊防幫築高厚挑濬深闊敵臺煖鋪護守官軍一體處置整理仍挑選精銳人馬於黑山營按伏以爲平虜城聲援等因又該本部會議得河東三十六墩并河西黑山營若使戍守嚴備踏水虜賊不敢輕忽平虜地方益重保障今若棄而不守是撤籬籬而守門庭堂陞之患勢將必至今總制官員奏要修復

舊制誠得前人綜理至計相應依擬但大工併作民力委有不堪合無令兵部行令本官轉行甯夏守臣將前

關中奏議全集卷九

完

又文

項河東新舊墩臺坍塌損壞者照依舊規暫且量爲修補撥軍守瞭與河西墩臺烽火相接以備虜賊過河候各該工程稍集仍依原擬修築施行各該工完之日通將用過錢糧數目修過工程丈尺備造文冊奏繳等因具題奉

聖旨是都准擬行欽此已經通行請

勅各官欽遵去後又爲前事准工部咨該總制陝西等處

都御史楊

奏稱行據甯夏鎮巡等官回稱備行

各該營堡及甯夏等四衛催促原擬官軍扣期赴工及擇本年三月二十七日日本職親詣告祭破土四月初一日於本鎮橫城起興工築打邊牆緣由到臣案

關中奏議全集卷九

學

又文

查正德二年閏正月內行據鎮守甯夏總兵官都督僉事李祥鎮守延綏總兵官都督僉事張安并各路分守參將等官閻綱葉椿等各呈稱在套達賊俱各過河去訖套內並無聲息緣由前來臣會同巡撫陝西右副都御史張泰巡撫甯夏右僉都御史劉憲議照應修工程自甯夏橫城起至延綏定邊營迤東石澗池甯靜墩界止邊牆二百餘里連壕塹共該六百餘里原擬人夫九萬餘名若一併起派上工誠恐督工官員顧理不周致令苟且疎略合將應起人夫分爲兩班每班做工一百日頭班自三月初一日爲始至六月初十日止次班自六月十一日起至九月二十一日止各工完疎放并會行陝西布政司先支去年賑濟官銀入萬兩運至慶陽府寄庫出榜招商上納夫糧給領官價以備人夫食用及會委都布按三司官左叅政唐錦舟副使王寅都指揮房懷專理其事及行令甯夏鎮巡衙門擇日祭告并先起取頭班甯夏本鎮平涼慶陽固原一帶軍民人夫興工修築去後今據前因查得應起軍民人夫兩班共八萬名民夫西安府二萬二千名鳳翔府五千名平涼府五千六百名慶陽臨洮二府俱三千五百名鞏昌府九千名共四萬八千六百名軍夫甯夏三路一萬六千五百五十名陝西都司所屬衛所并護衛羣牧所一

萬四千八百五十名共三萬一千四百名比之原先擬奏之數減去一萬名每班各做工三箇月頭班四月初一日爲始至六月終疎放次班六月初一日爲始至八月終疎放每夫日給口糧食米一升五合仍令戶內量貼盤纏銀多不過二兩隨帶供送前來以補口糧不及每夫十名共備車一輛裝載烘炒器具每二名出簾一片椽一根到彼列車爲營覆以椽簾用蔽風雨又遵照題奉

欽依事理將漢中府衛棧道之外地方不起人夫量徵夫價運送上所買辦蔬肉等項犒勞三次仍支茶且項下官銀二百兩行令陝西布政司置買藥餌選取醫

關中奏議全集卷九 聖

生分派各悉官處遇有人夫疾病卽爲撥醫給藥調治及查得合用撥木臣於去年已經差撥靖虜衛官軍於木處雪山採打共三十餘萬俱運至修邊處所牆完就爲修蓋營房煖鋪等項取用及照延綏甯塞營起定邊營止共該添造墩臺一百四十二座築打剗削邊牆壕塹共三萬七千二百六十丈五尺行准巡撫延綏右副都御史文貴會同鎮守太監劉保總兵官張安欽遵題

准事例起倩本鎮東西中三路步軍土兵備禦軍人延綏榆林三衛抽選屯丁舍餘并延安一府所屬州縣民夫俱於本年二月十九日動土興工分派地方陸續

卷九 聖

築造其甯夏橫城以北至黑山營邊牆壕塹待前項大工就緒之後地方無事本鎮軍夫次第修理再照套內雖稱哨無賊寇但恐賀蘭山後之賊窺知修邊或有紮筏渡河之謀不可不防又經行令甯夏鎮巡官摘撥官軍二千員名聽參將閻綱管領於牆外架梁防護又摘撥一千員名聽協同都指揮保勳管領於牆內巡邏策應及延綏地方已該巡撫都御史文責議行副總兵姜漢量領兵馬架梁防護及文稱建此大議興此重役動勞軍民難保無怨若憚勞恤怨不行趁時修理誠恐向後達賊仍前擁眾深入侵擾則平慶臨鞏固原靖虜等處軍民不免重遭寇掠西

關中奏議全集卷九 聖

安鳳翔等處地方賊難到征調軍馬各用糧草浩繁乞運轉輸勢所不免破產陪納困苦轉甚今修濬前項牆塹每班不過一百日之工誠使邊牆完固向後達賊不輕犯人民安業在邊者不被搶掠在內者不須空運受百日之勞而官百年之利得失利害較然可知夫凡民不可與慮始而可與樂成人臣不難於論事而難於任事况以佚道使民雖怨不恤但恐傍觀坐談之人既不慮地方安危又不知事情本末且謂後來干係非已所當輒生異議輕爲撓沮邊防大計付之若何仰惟

聖謨淵深

成命已定必無是事此臣私憂過計大馬倦倦一寸之忠也等因具本題奉

聖旨該部知道欽此欽遵抄出備咨送司行間今准前因案呈到部看得陝西等處總制都御史楊 奏稱

花馬池一帶牆墩臺遵奉前該

欽依已於今年二月以來興工修築但伊近因養病還家

而各經該巡撫官員張泰等又俱陞任去訖誠恐此

後人務苟簡事難經久又慮成功之後不能設法防

守亦為無補欲要責成新任各該巡撫并鎮守管官

查照原擬越時陸續整理務期成功遇冬仍分兵慎

守以絕虜患一節切緣前項地方墩牆疎薄既無地

關中奏議全集卷九

聖旨

險可據兵將寡弱又無人力可倚所以虜易為患我

常失利其都御史楊 身任總制之責熟察邊患

之由特建前議雖知大役之興民所難堪然為永遠

之圖事非得已本部先已依擬題奉

欽依行令欽遵去後今本官既已患病解職而又該同事

巡撫官員又俱遷轉別任前項工程雖已擇日興工

委官督理然官非經由則錯繆之弊或有不免計失

防禦則修築之功亦為徒勞况羅買口糧已費在官

銀一十餘萬貼備盤費又起戶役銀一十六萬以至

窮勞藥餌之需撥木採運之勞皆本官精神運用計

慮周悉所及一但付之新任各該巡撫官員及更用

別項未請之輩切恐事無統紀人為異同不無錢糧

徒費事工無成而邊方保障之功一隳而再難就緒

矣以 臣等愚見必須仍專請練大臣一員前去總理

提調方克有濟儻蒙

聖明俯從所請候

命下之日本部會官推舉歷練老成熟知邊事者數人上

請簡用一員請

勅前去督同各該鎮巡等官查照本部先今奏奉

欽依及都御史楊 等會處過事宜將前項議修工程

逐一查勘各該起倩人夫是否見在用工即今有無

修築多寡就便督率原委都布按三司官員越時陸

關中奏議全集卷九

聖旨

續用心整理務期經久完固足裨保障既不許玩愒

遷延致妨邊務亦不許苟且疎略徒費財力如是各

起工役俱已了完仍要規畫方略布署官兵委任各

該鎮巡等官督屬慎固封守若中間尚有未盡應處

事理從宜廣集忠謀區畫停當徑自施行惟在藩籬

之勢既固軍士之成益壯可以絕虜賊覬覦之念免

邊民剝殘之害工完之日徑自具奏回京仍將修築

過工程丈尺用過錢糧數目造冊奏繳本部差官閱

實上

請定奪庶使垂成之功不至廢弛而防邊之計可圖久遠

矣等因具本題奉

聖旨是使會推諳曉邊事的兩三員來看欽此欽遵臣等

會同太師兼太子太師英國公張懋吏部尙書許

等從公推舉得兵部左侍郎文貴都察院右副都御

史張鼐巡撫陝西右副都御史曹元俱各諳曉邊事

堪以委任伏乞

聖明於內簡命一員若用侍郎仍量兼憲職以便行事令

其請

勅前去查照兵部前該題奉

欽依內事理欽遵施行仍令兵部行移各該鎮巡等官各

查照原奉

勅諭事理一體同心協力共成大事毋得視常怠玩致有

關中奏議全集卷九

聖

妨誤緣係推舉總理邊務大臣及奉

欽依是便會推諳曉邊事的兩三員來看事理未敢擅便

正德二年六月初十日本部等衙門尙書等官劉

等具題本月十三日奉

聖旨官不必差修築邊牆且罷見在餘剩錢糧着巡撫等

官查理秤盤覓數銷鎔成錠差人解京欽此

關中奏議全集卷之九終

關中奏議全集卷之十

後總制類

一為邊務事

欽差總制陝西延寧甘涼軍務都察院都御

題為邊務事 臣於本年五月初四日在於原籍直隸鎮

江府丹徒縣該錦衣衛舍人王諫齋捧節該欽奉

勅令仍命爾總制陝西延寧甘涼等處各路邊務欽

此欽遵除具本謝

恩及將起程日期

奏報外伏念臣本書生不諳戎務誤蒙

簡命夙夜兢惕不敢自寬兼程前進本月二十一日到於

關中奏議全集卷十

陝西地方訪得甯夏叛逆首惡周昂何錦等已就擒

戮蓋由

皇上神武布昭德威遠被不待加兵地方底定誠

宗社萬億年無疆之休也臣切恐大變之後人心驚疑或

有潛入套中遁往山後勾引虜賊重為後患已經出

給榜文差官星馳齎往彼處地方張掛奉宣

朝廷德意曉諭四衛官軍人等除有名首惡不宥外其

餘脅從之徒已有卽奉

詔勅宥免恩例各安職役照舊生理無懷驚疑各該部領

官員務要加意撫恤不許聽人讎攀誣指濫及無辜

若是原謀首惡未曾捉獲盡絕亦要設法擒拿毋令

潛逃引賊為患臣仍兼程前去欽遵相機行事防禦

虜寇外緣係緊急邊情事理為此今將臣到於陝西

地方行事日期具本謹具題 知

一為眾官反逆殺死鎮巡大臣等事

題為眾官反逆殺死鎮巡大臣等事准兵部咨該本部

題前事會官議得

慶府安化王寘鐸明居遠裔安享厚祿不知感恩圖報

却乃逆理亂常交結逆賊何錦周昂丁廣等謀為不

軌戕害重臣反形已彰

天誅難追伏望

皇上斷以大義先將寘鐸削去封爵俟擒獲之日議罪再

關中奏議全集卷十

乞

命將專征聲罪致討等 因具題奉

聖旨寘鐸交結羣小殺害鎮巡重臣占據城池索要軍馬

地圖反形已露卿等 既違等說遣官祇告

宗廟革去寘鐸王爵正名討罪着都察院右都御史楊

提督軍務涇陽伯神英掛平胡將軍印充總兵官一同

節制京營并陝西甯夏延綏甘涼各路軍馬前去勦殺

各為制勅與他欽此欽遵備咨到 臣切照逆賊何錦周

昂丁廣等交結寘鐸 潛謀不軌罪惡滔天

神人共怒

天討之所必加大義之不容已

皇上軫念西土蒼生恐遭荼毒致煩京營人馬冒暑遠征  
此與虞舜有苗之征高宗鬼方之伐異世而同揆者  
也臣初到陝西提督軍務

勅書尚未齎至各鎮將官相離尙遠未據呈報傳聞鎮守  
陝西總兵官曹雄與甯夏遊擊將軍仇鉞內外約應  
舉兵將周昂擒斬何錦等捉獲真鑄拘禁在官軍民  
安堵地方無事此皆仰荷

宗社神靈之福

皇上聖武之威將帥効忠士卒用命不逾兩旬罪人斯得  
若使曠日持久此賊外引胡寇內扇人心爲患誠難  
測度臣今仰遵

關中奏議全集卷十

三

1188

勅旨星馳前去撫諭軍民申明號令務俾經久無事但入  
關以來道路相傳京軍將至此風傳至甯夏彼反側  
之徒未免心懷驚疑恐生他慮況時方酷暑迺西一  
帶水土鹹苦人馬易生疾疫其可慮不獨糜費糧草  
而已竊料各鎮將官必已將事竄緣由具

奏此時

廟謨必有區處若待親到彼處方纔論列不無耽延月日  
徒勞人馬但地方安危所繫臣責任重大不敢不言  
伏望

聖明乞

勅該部查議如果各鎮奏報事竄合無將京營軍馬急爲

取回以安反側之心以免供億之費不勝幸甚緣係  
取回京軍事理未敢擅便爲此具本謹題請 旨

一爲擒獲同謀叛賊撫諭軍民以靖邊境等事

題爲擒獲同謀叛賊撫諭軍民以靖邊境等事 臣自到

陝西地方節據鎮守陝西甯夏總兵官曹雄楊英各  
呈稱擒斬叛賊地方甯靖緣由前來訪得彼處人心  
驚疑未定此蓋愚昧之徒自知罪不勝誅故寬釋之  
詔雖降而反側之情未安臣將

朝廷誅勦首惡分斬脅從

德意出榜差官齎去張掛曉諭一應官軍土漢人等各安

職役勿懷驚疑部領官員加意撫恤不許聽人讐攀

關中奏議全集卷十

四

1189

誣指濫及無辜及詢軍民疾苦禁革各衙門科擾剝  
害情弊俱通行外續該

欽差總督軍務御用監太監張永訪得前項叛賊首惡造

意者雖已斬獲其同謀黨惡者實多脫漏節差旗牌

官楊義山玉王瀛谷大中等星夜兼程前去甯夏地

方督同鎮巡等官將未獲同謀賊黨夜不收申居敬

等五十八名陸續捉獲監候及又書寫大字榜文宣

布

皇上恩威曉諭本城官舍軍民人等俱要安心樂業各保  
身家彼處人心始漸安妥本年六月十二日臣等俱  
到甯夏靈州守禦千戶所據甯夏鎮巡等官總兵官

楊英等呈稱先獲寘鐠并的親官脊台潛等及反賊何錦等連的親家屬并後獲同謀反賊申居敬等共四百五十五名口先解過河聽候等因臣會同

欽差總督軍務御用監太監張永議照各賊未經查審恐有異詞及看得各該守臣各呈原奏本內事情多有不同會案通行帖仰鎮守陝西總兵官曹雄會同寧夏鎮守太監張弼總兵官楊英巡撫都御史馬炳然巡按御史周廷徵督同都布按三司委官審取供詞分別造意根因首謀共謀脅從等第及行巡按御史周廷徵督同守巡官員查勘各官原奏報功次務取歸一情詞回報續該太監張永據寘鐠男竄栝妻沈

關中奏議全集卷十

五

八三三

氏哭說被拿之時混失三歲幼男喚名老哥兒等情看係寘鐠嫡派親孫就差頭目劉奎及帖仰鎮巡等官當將幼男老哥兒尋獲見在及又看得寘鐠見患傷寒病症何錦亦患噎食病症各令撥醫調治及官眷人等已選良善婦人看守供送飯食各施行外爲照寘鐠肆行反狀非何錦等不能起事何錦等非申居敬等同謀不能張威彼此結構爲惡占據城池索要軍馬地圖殺害大臣鑄造銀印關防僞封官爵意欲構連醜虜侵犯邊疆幸而仰仗

宗社威靈

聖神妙筭旬月之間盡遭擒戮所據同謀叛賊實非脅從

之比若不從重處治無以示懲天下除待各賊問明將寘鐠眷屬伴送何錦等家口押解赴京并追收冊印官服儀仗等物及追各賊家產財物籍沒入官與各鎮官軍獲功大小俱另行具

奏外緣係擒獲同謀反叛賊寇及撫諭人心以靖邊境事理爲此具本謹具題 知

一爲謝 恩事

奏爲謝

恩事頃因甯夏賊臣何錦等叛逆臣奉

勅總制陝西各路軍務前去撫諭誅勦正德五年五月二十日行至西安府乾州據甯夏差百戶蔡明赴京奏

關中奏議全集卷十

六

事回還齋捧節該欽奉

勅諭今命大監張 總督軍務涇陽伯神英掛印充總兵官爾就彼提督軍務統領京營官軍三萬員名調集陝西甯夏延綏甘涼等處漢土官軍人等分路進勦一同行事事甯之日星馳奏報爾仍在彼總制軍務欽此欽遵續該冠帶舍人楊秀領齋

內府公文欽奉

聖旨賞差往甯夏等處勦殺賊寇提督軍務都察院右都御史一員楊 銀三十兩紵絲二表裏內大紅織金胸背蟒豸一表裏該衙門知道欽此欽遵備云到臣除欽遵收領望



關叩頭謝

恩外伏念臣本書生不諳軍旅誤蒙

簡命授以提督軍務之權重以白金文綺之

賜仗

天之威臣等未至地方將臣宣力士卒用命罪人所得邊

境底寧臣感

恩徒切深愧無功惟當罄竭庸愚修舉邊務勉圖來効以

塞厚責臣不勝感激仰戴之至緣係謝

恩事理為此具本謹具奏 聞

一為遵奉 勅諭起解反逆賊寇事

題為遵奉

關中奏議全集卷十

七

勅諭起解反逆賊寇事據鎮守陝西總兵官署都督同知

曹雄會同鎮守寧夏都知監太監張弼巡撫寧夏

副都御史馬炳然鎮守寧夏總兵官署都督僉事楊

英巡按陝西監察御史周廷徵各呈前事行據陝西

都司等衙門都指揮僉事陳善呈會同陝西布政司

右叅議許莊陝西按察司副使黃繡將先後擒獲前

錦申居敬等取出責與革爵安化王真鑄面證逐一

研審原先起謀根因首謀共謀脅從情節及見在殺

死病故人犯姓名明白取具備細供詞除偽封將軍

銀印關防并封官命詞告示板榜及各犯家財產業

另行外今將取到供詞呈乞施行等因據此案查先

蒙

欽差總督軍務御用監太監張 鈞帖會同

欽差提督軍務都察院右都御史楊 議行前事已經會

行去後今據前因各職恐有不的會同重取何錦等

一千人證到官審據何錦供年四十歲原籍直隸廬

州府六安州人先任寧夏右屯衛後所百戶招軍陞

副千戶正德三年納銀授都指揮僉事正德元年年有

先未殺寧夏衛儒學生員孫景文黜退生員孟彬史

適不時常往今革爵安化王真鑄府行走情熟一日

酒後真鑄向孫景文說曾有人相我有帝王像貌又

有寄住未到師婆正九兒會跳鸚鵡神每神降時就

關中奏議全集卷十

九

呼真鑄是老子天以此真鑄動心因無兵權一向延

捱不得起手正德三年七月十五日有例納銀陞職

錦與先未殺都指揮周昂借銀二百兩作保錦借真

鑄銀二百七十兩周昂借銀二百兩俱納級陞都指

揮以後往來稠密正德四年八月內真鑄使令未到

校尉史成邀請錦與周昂孫景文孟彬史連及先前

在府唱詞無目人張會道到府喫酒問真鑄言說如

今時世不同人民難過人說我有天斧你們若肯扶

我為主必成大事等語錦與周昂等各聽允當就對

天發誓不許泄漏事情彼有今在官本府教授高元

吉不能覺察正德五年正月初六日遊擊將軍仇鈞

因有聲息傾兵往玉泉營按伏本年二月內有周少  
卿前來甯夏丈量地土三月二十三日又有分守關  
西道侯泰議亦到甯夏催糧本月二十六日真鐸向  
錦等謀說你們拖欠錢糧馬價數多追徵緊急人心  
慌亂正好乘此機會將前者所謀大事舉行入無不  
從但恐人少不能成事錦等聽記因思先未殺指揮  
丁廣千戶楊泰陳宗胡濟王輔百戶魏鎮陳賢朱霞  
姚鐸雷英李榮李森劉銳何銳胡璽等多係掌印管  
屯管隊官員常受比較必然忿恨易於糾合錦謀令  
孫景文置酒將各官與孟彬及教讀殷哲請到孫景  
文家內會飲間孫景文說你眾人錢糧馬價無從辦

關中奏議全集卷十

九

納不時比較何日是了今安化王筭有天分要舉大  
事若肯取巧將三堂殺了扶立安化王爲主必定成  
事我們同享富貴却不強如比較與打了廣等意正  
忿恨各稱情愿等語隨即孫景文開具姓名當天焚  
香發誓及與血酒就計說着安化王殿下置酒請三  
堂到府眾人齊來將他們殺死奪了兵權傳檄起兵  
有何不可謀畢眾人說好各散次日孫景文向真鐸  
備說前情回報甚嘉本日真鐸思起平虜城充軍逃  
回千戶徐欽常在府內藏躲必肯從謀又令先未殺  
儀賓夏琳親去平虜城與徐欽約謀轉約先未殺百  
戶朱洗舍人蔣泰程保胡英賈浩朱成王卿孫浩張

關中奏議全集卷十

十

聞楊舉徐愷軍人陸原保并見在張欽等到家說稱  
安化王要替甯夏人做主起兵差人來約我們此事  
有益不可推却各人亦就依聽約定下月初五日早  
到城當令夏琳回說三月二十九日姜總兵分付周  
昂挑選精銳夜不收五六十名過警前哨殺賊周昂  
思得前項謀事人少正合機會於四月初三日選得  
在官夜不收申居敬馬官保鑽七兒耿婆孫史三張  
成陳旺孫陳均生陸升保楊敬先龐守信鄒貴二施  
官得朱駟兒朱千昇陸巴子匡升王興古與兒任從  
義寶克敬章名四孫昇保林伏進夏保保張成李榮  
關朱承年王天惠張友文郁小一馬五安伯狗陳拜  
拜陳士中郭雙孫謝官音奴張禮谷顯中劉文善李  
安子侯得柔列哥李伏二吳成林雄韓當兒芮和姚  
正楊長孫倪小弟張來兒汪成沈官兒王子厚先未  
故尤全羅漢藍真鄧全戴平共六十名着令常在身  
邊跟用本日辰時真鐸差令在官同謀百戶李蕃前  
去邀請三堂并周少卿假說與新來李太監接風約  
至本月初五日會飲初三日午時副總兵楊英因有  
聲息傾兵往楊顯堡按伏初五日早周昂聚集申居  
敬等到家將大門關閉向申居敬等言說如今追併  
你們欠的馬錢至急今日又該比較人說安化王有  
福你眾人肯跟隨我扶助安化王爲主得了天下你

我眾人都做了大官各人忻喜承應當即取出線香一把令眾人當天各拈香說誓及各與酒三鍾飲訖就令在家伺候隨差先未死夜不收監真前來與錦說知錦就使令未到周全保前去請了廣孫景文胡璽分投相約楊泰等俱至周昂家內取齊周昂等又計說今在官指揮張欽係管夜不收把總官若不用他恐有後害就令魏鎮前去賺請張欽亦到周昂家內備說前情張欽依從真鋪復差李蕃前來周昂家內言說止請得姜總兵李太監鄧監踰到府其餘不來是錦同周昂丁廣等伴言要出兵截殺各帶家人伴當并申居敬等各披執軍器將各巷口把住真鋪令先未殺本府儀賓高嵩夏琳千戶王環家人王保并孟彬殷哲與先未故高聰男高士俊今在儀賓韓廷璋各藏兵器先在殿後埋伏及令今在官知情內使姚玉施恩田成韓宜王堂在傍隨侍彼有今在儀賓謝廷樾來府伺候方纔知覺事已窘迫只得在傍答應使喚真鋪先與各官把酒序坐問錦等領前頭夜不收人等到於安化府前一齊撲入殿內錦與高嵩等各執鐵刀裏外相合了廣并弟丁二哥子魏鎮將姜總兵砍訖一刀不死錦照頭臉再砍一刀方死高聰高士俊高嵩王保將李太監殺死高嵩高聰又與楊泰姚鐸將鄧監踰殺死錦同周昂丁廣當率官

軍前去都察院又與姚鐸賢胡璽將安都御史當堂殺死正遇都指揮楊忠在院稟事亦被周昂丁二哥子殺死史連同未到指揮馮經并先未殺舍人馮濟未到閩添孫等一齊到按察司前將周少卿同書吏屠成岳甯三人殺死雷英姚鐸申居敬等到誠樓街遇都指揮李膺亦就殺死魏鎮王輔又到公議府尋殺侯泰議正遇大使張職在內稟事并與書吏董良佐一同殺死書吏杜緒劉尚書殺傷侯泰諱知覺脫走錦當時差人將各監重囚四十四名盡數脫放又將各衙門文卷盡行燒毀又將閒住曲都御史并妻子砍傷及各官原領

取楊副總兵仇遊擊前來聽用各官收訖前項令旨書信心實不從當日楊副總兵分付官軍要往王宏堡彼有都指揮胡顯并各軍士陸續潰散走回寧夏城內及將旗牌寶欵頑亂打身死楊副總兵無奈只得與尹清往廣武營轉渡靈州去訖本日仇遊擊領軍回城真鑄令伊卸去衣甲什物等件方得入城後將原領遊兵人馬分散各隊本日真鑄又出令旨帖子與姜永今在男百戶姜忠管河西關遞運所兼管三十六堡又寫令旨五張調取中衛廣武興武花馬池靈州等處兵馬地圖及調官軍前來領賞本日未時儀衛夏璠原約平虜城官舍徐欽等一十三名方

鑄令未到銅匠楊茂鑄銀關防一顆令未到刊字匠王得洪篆刻賊大將軍關防字樣在上先未死銀匠王時雍別鑿篆文又偽造黃令旗二十面又令孫景文寫告諭王得洪刊板印刷四五百張散與各處行人傳示腹裏地方警動人心彼有百戶鍾翊陳倣為因強剽姜總兵家眷衣服夜不收羅漢為因強搶財物俱被真鑄得知拿來彙首初八日早真鑄將前項

慶王等府金銀段布等物賞犒官軍人等每官一員賞段一疋每征操軍夜不收一名連金布等項折算賞銀二兩守城軍每人賞銀一兩本月十二日真鑄封錦為討賊大將軍號掛前項偽造關防周昂為左副將軍丁廣為右副將軍張欽為前鋒將軍魏鍾陳賢楊泰胡壘陳宗王輔胡濟各為都護朱霞朱洗姚鐸雷英李榮李森王環劉鐵何銳姜永各為總管封李蕃為儀副就頒命詞二十二張見在二張其餘不存前項偽官又每人加賞銀有二十兩者有十兩者錦因夜不收羅漢被殺監真自縊尤全鄧全戴平陸續病故又選今在王得成于伏佑尤千頂補尤千即係尤全親男王得成于伏佑不係原謀人數本月十三日曹總兵督發都指揮黃正帶領遊兵官軍二千四百餘員名前到靈州駐劄及節行楊副總兵調

集靈州官軍設法邀取船隻巡把黃河隘口本日巡按周御史在延綏聞知前情會同榆林三堂議調副總兵侯勛遊擊將軍時源等五千餘員名前來策應十四日早有楊副總兵黃正史鑄并都指揮韓斌等帶領遊兵并靈州土漢官軍共三千餘員名到河東關地方順河一帶劄隊又選差官軍中會水手者共得鎮撫溫良等二百餘員名渡河將看船官軍射走奪取原船一十七隻及軍器等件掣過靈州東岸本月十五日寅鑄猶恐前該五十八名夜不收不肯用心又將官銀三百兩令周昂給賞夜不收尤干等并不記名丁廣伴當一十四名共七十二名當令跟隨

關中奏議全集卷十

五

X 8

魏鎮張欽等齎銀二扛先去廣武營給賞以收人心本月十七日晚有廣武營協同都指揮僉事孫隆蒙曹總兵官帖差人將大小二壩積垛捲掃柴草盡數燒毀有魏鎮張欽等到於廣武營城門宣言散賞緣由勒要開門孫隆不給只登城宣言禍福利害隨令官軍齊用日箭補鎗射打有魏鎮張欽等帶領人馬復回大壩本月十八日楊副總兵史燡韓斌照依曹總兵原行寫書一封令仇遊擊家人仇書童等密齎渡河潛到甯夏城通與仇遊擊約令裏應外合共舉大事本日姜永令在官王泰劉雄藏文前去花馬池等處探聽延綏軍馬消息被把門官盤獲送聞參將

審明解送楊總兵交收本月十九日有實鑄向錦等說稱訪得各路人馬已在中衛廣武靈州等處沿河堵截大小二壩柴草俱各燒毀船又奪去誠恐空開鑄口水來難堵又恐渡口人馬過來你們如何處置錦等計議未定二十日曹總兵領軍親到靈州本日有錦等差去巡河軍人報說瞭見黃河南岷人馬灰塵約長三里往西行走實鑄愈加驚懼當差錦同丁廣張欽楊泰胡濟魏鎮胡靈李森陳賢劉鉞何銳姜承等統領馬步官軍都指揮鄭卿等二千員名錦等分領一千五百員名前去大小二壩防守又分與劉鉞姜承等人馬五百前去渡口去處把截止留周昂

關中奏議全集卷十

六

X 8

在城防守本月二十一日周昂差徐欽去平虜城調軍馬一百名來甯夏聘用本月二十三日早有實鑄出城祭祀社稷旗幟等神使人喚仇遊擊陪祭仇遊擊設計推病不出周昂自來看望仇遊擊就乘機密令伴當陶斌將周昂抱住仇遊擊同家人來得用鐵骨朵打死周昂割下首級即開門吹號頭招喚原約遊兵親信官軍楊真等一百餘人前去實鑄府內將朱霞王環姚驛李榮孫景文史連孟彬高嵩夏琳雷英陳宗俱殺死又將李蕃張會通并儀賓謝廷槐韓廷璋擒獲及將實鑄并官眷拘繫在官侯參議疎放就差軍人荀子先馳報曹總兵等處又差夜不收古

興兒馬保前去大廟堡向錦等詐說達賊大舉從赤  
木口入境攻圍西門令傳令旨調錦等領兵圍城截  
殺是錦等聽信即發兵起行有古興兒暗說前情與  
鄭卿知會鄭卿隨即布置所部官軍張帖木鮑本魏  
文輕執刀將胡濟胡璽魏鎮陳賢李森殷哲胡英又  
到河口將巡河劉鏡姜永何銳等俱殺死斬首錦與  
丁廣張欽王輔楊泰脫走錦原掛討賊大將軍關防  
倉卒遺失本日徐欽帶領原調人馬一百名前來甯  
夏見得城門闕閉得知周昂等被誅隨即帶領人馬  
復回行至中途姚福堡仇遊擊姜人連夜到平虜城  
着洛王指揮差人復到姚福堡止將百戶朱洗殺了

關中奏議全集卷十

七

其餘軍馬圍城徐欽逃走不知去向有在官周升長  
陳敬祖係徐欽伴當止知跟馬不知別情因徐欽逃  
走拿解甯夏收監二十四日錦與丁廣楊泰王輔走  
到賀蘭山外地名哈喇木墩被遊兵百戶馬聰土達  
馬肚金寬夜不收陸華等將錦與丁廣捉鎖前來楊  
泰王輔俱被眾軍亂箭射死張欽逃走本日楊總兵  
領軍過河本月二十五日百戶姜忠被百戶李英弟  
姜恕被指撞張德各捉獲本日曹總兵領軍過河鄭  
卿等各將錦等送赴曹總兵處審實發監本日晚張  
欽飢餓難行復開大廟河口空廟內避躲後又潛到  
陳俊堡被本堡老幼軍人劉銳捉獲問分守馮泰將

帶領官軍亦到彼處捕捉張欽劉鏡就將張欽送與  
馮泰將轉送曹總兵處發仰甯夏前衛監候隨於安  
化府尋獲姜總兵原領

符驗一道征西將軍銀印一顆安都御史原領

劫諭符驗各一道關防一顆後交與新任鎮總官收掌又

尋復真鑄偽造見在黃令旗一十六杆紅令旗六杆

令牌一十面誓牌一面命詞二紙陰陽等兵書一十

七本曹總兵先已奏繳其真鑄金銀印毀壞銀金

冊八塊儀仗冠服家財并錦等財產見在者收檢在

官真鑄其餘家財等項俱被甯夏官軍人等乘亂搬

搶無存見令行文挨究其餘未盡施恩等挨拿聞五

關中奏議全集卷十

六

月十九日蒙

欽差總督軍務張太監先差管領押鎗太監陸閣帶領旗  
牌官楊義山王王燾等二次前來續又親統官軍人  
等督令各官陸續將施恩張欽輔國將軍龔材夜不  
收中岳敬馬官保鎖七兒耿婆孫史三張成陳旺孫  
陳均生陸升保楊敬先麗守信鄒貴二施官得宋駟  
兒陸巴子朱千升匡興古興兒于伏佑王得成任從  
義豆克敬章名四孫升保林伏進夏保張成李榮  
關九全朱永年王天會張友文郁小一馬万安伯狗  
陳拜拜陳士中郭雙孫謝官音奴張禮谷顯中劉文  
善李友子侯得采列哥李伏二吳成林雄韓堂兒芮



和姚政楊長孫倪小弟張來住汪成沈官兒王子厚五十八名生擒程保賈浩王卿楊舉蔣泰張閏徐愷朱成孫浩陸原保十名斬首家屬安化王孫老哥兒及各犯家屬賈洪等一百七十名口拘獲在官本月二十八等日首惡丁廣同謀高士俊并家屬賈九兒賀氏李氏張欽幼女賈浦周小女賈七兒何童生何陸子李氏劉達蔣瘦兒蘇氏姚氏徐氏王氏于氏張氏謝玉王二哥陳氏張氏二十四名口陸續在監患病身故相埋明白蒙總督軍務張太監按臨同提督楊都御史案行陝西曹總兵甯夏鎮守張太監巡撫馬都御史楊總兵官巡按周御史轉委黃副使許泰

關中奏議全集卷十

九

議陳都指揮弔取錦等再三研審會勘明白內儀賈謝廷槐因是安化王孫婿逼脅在彼服侍委的不知反情軍人周升長陳敬祖因是逃犯徐欽伴當捉來委的不曾同謀今蒙審供不能隱諱取供是實張欽第七十四名各供與何錦供同據此理合備由呈乞施行等因到臣查得

欽差總督軍務御用監太監張 節該欽奉

勅諭先命爾統領京營官軍前去甯夏勦殺反賊近得延綏鎮巡官太監孟山等并巡按陝西監察御史周廷徵各奏據今陞甯夏總兵官署都督僉事楊英陝西總兵官署都督同知曹雄等報稱四月二十二日已時今陞

關中奏議全集卷十

三

副總兵都指揮僉事仇鉞合謀內應將首惡何錦周昂丁廣張欽等俱各擒斬今革爵真鑄擒獲地方安妥各鎮兵馬俱已掣回去訖今特勅爾仍到彼處會同提督軍務都御史楊 晉同鎮守太監張弼總兵官楊英巡撫都御史馬炳然御史周廷徵等將真鑄選委的當官員伴送爾仍同張弼入府將真鑄的親家屬官眷人等并何錦全家人口牢固枷釘一同押解來京以憑處治務要闔防嚴謹毋致疎虞其真鑄用印冠服儀仗等物就彼追收起解各賊財產督令鎮巡等官籍沒入官慶王及各郡王將軍人等尤宜詳處以存親誼其脅從人等俱照節行詔旨查審釋放仍通行撫諭各該官員軍校人等仍其職役各安生業以定人心以靖邊境悉聽爾斟酌議處便宜行事爾其體朕至意以副委託事畢之日爾即星馳回京欽此欽遵外臣本年六月十二日到甯夏地方節據總兵官楊英等呈稱見監并殺死真鑄何錦等及今獲共謀反賊申居敬等連各賊家屬共四百五十五名口到臣會同

欽差總督軍務御用監太監張永議得各賊未經查審悉有異詞已經會案通行帖仰陝西甯夏二鎮大監總兵巡撫等官巡按監察御史督同都布按三司委員審取供詞分別造意根因首謀共謀脅從等第呈來以憑覆審遵奉



欽依起解釋放去後今據前因除贖審相同外臣會同太

監張永議照革爵安化王實鑄係

宗室懿親犯人何錦張欽等皆

朝廷臣子世受

國恩罔思報稱乃敢潛謀交結肆行反逆迫脅官軍占

據城池殺害鎮巡重臣索要軍馬地圖鑄造關防僞

封官爵傳檄邊境搖撼人心意欲結構醜虜併謀侵

犯中原實地方非常之變覆載不容之賊也幸賴我

祖宗厚德深仁

皇上神謀妙算邊將宜力諸軍用命元惡首授餘黨成擒

祖訓昭然

關中奏議全集卷十

三

憲章具在臣等固無別議伏觀節該欽奉

勅諭除首惡何錦等三人不宥外脅從之徒果係迫脅為

亂者悉與釋放毋得濫及無辜欽此欽遵仰見我

皇上好生之德配合

天地故雖窮凶極惡之人尚

垂矜貸臣等敢不祗承

德意緣構亂之時寧夏本城官軍士庶人等仰面事讐相

率朝賀接受賞賜聽從使令綱常為之蕩然名教為

之掃地言之痛心切骨但干碍人眾遵奉

明詔分釋脅從悉皆放免關過賞賜亦不追究其後獲人

犯夜不收申居敬等一聞周昂逆謀即有樂從之意

殺人劫財乘機為亂當虐焰方張之時實此輩黨惡

所致若欲比諸脅從之流則情重法輕非禁奸止亂

之道但舉事之日方纔預謀義兵一動當即戢止比

之元謀首惡似有不同數內古興兒初雖克黨後乃

聽受仇讎使令傳話鄭卿捉賊若有去逆效順之意

尤千係尤全親男王得成于伏佑係事後選補俱非

原謀之數比之申居敬等又似不同平虜城官舍徐

欽程保等一十一名聽信夏琳之調相從謀逆之舉

路自外來情非迫脅但伊事後方纔入城不曾相助

殺掠除徐欽脫逃正犯程保等十名俱已誅斬其家

屬丁日與申居敬等家屬俱各拿獲發仰寄夏靈州

關中奏議全集卷十

三

等處監候奏

請定奪及照安化王府僕賔謝廷槐雖不知情係實鑄孫

婿難以獨留故土教授高元吉職在輔導顛而不扶

焉用彼相通合解京發落再照事內納粟都指揮僉

事胡頤領軍在外不顧主將倡率士卒潰散回城寧

夏左屯衛所鎮撫陳准百戶阮宣聽齋偽旨召調將

官甯夏前衛鎮撫楊綱奉承賊意尋捉分守官員揆

以春秋誅心之法難照常人脅從之例管糧通判張

江本以章縫之流忍聽逆賊之用情雖出於脅從義

則難齒仕籍臣等所見如此伏望

聖明大奮乾斷乞

勅廷 臣會同三法司詳議除何錦等正犯外合無將申焄

敬等明正典刑梟首於甯夏地方示眾其家屬丁口

與程保等家屬俱免解京就彼押發南方煙瘴地面

充軍隨住庶使情法兩盡可以警戒將來古與兒等

四名應否俯從輕典并見解儀賓謝廷槐教授高元

吉在任都指揮胡顯所鎮撫陳淮百戶阮宜衛鎮撫

楊綱通判張江等通併原情議法奏

請明示寬諭庶幾少存無將之戒用防不道之萌臣等又

竊思

皇上御極以來何負於

宗藩何負於武臣而竄鑄何錦等忍為此事以厘

宵旰之憂若一概從寬不究誠恐釀成姑息之風重貽將

來之害唐末覆車可為明鑒况好生者

關中奏議全集卷十

十一

又

黃正鄭卿等管領官軍伴送押解其官眷仍選取良

善婦人看守供送飯食沿途軍衛有司添撥軍兵民

快防護到京奏

一為災傷事

題為災傷事節據甯夏左右前中護等衛左右中前等

千戶所百戶李旻常泰等下屯種軍餘畢政朱選等

各連名告稱本處地方去歲蝗虫生發食傷田苗不

得收成正德五年四月以來各人布種夏田麥豆正

當長茂結實之時天降霖雨連綿不絕熱氣濕蒸以

致小麥生丹枯死豌豆亦被二虫食傷大麥批細無

收見今軍民難過各家老稚男女尋挑野菜充飢度

日切思徵糧在邇無從措辦告乞分豁等因到臣已

行鎮巡衙門勘驗所告虛實災傷輕重明白行來以

關中奏議全集卷十

十一

又

奏去後未報臣親詣前項地方督同各該大小官員再

三詢訪委的甯夏一鎮連年為因徵科緊急人民已

是因做去歲夏秋田苗虫傷今年被反賊殘害加以

連賊不時入境搶掠愈加狼狽臣借鎮巡等官宣布

德意極力撫綏猶恐不能安業不料又遭霖雨虫傷收成

無望若再追徵稅糧救死扶傷之人奄奄喘息其何

聖慈憫念極邊地方傷殘困苦軍民乞

勅該部計議上

請合無不拘常例覈勘特降

諭旨將寧夏一鎮前項該徵夏糧早為蠲免除豁以安人

心以靖地方不勝幸甚緣係邊方災傷事理未敢擅

便為此具本謹題請 旨

一為更易主將以撫安人心保障地方事

題為更易主將以撫安人心保障地方事臣節該欽奉

勅事寧之日仍要更易部領申明號令俾其經久無患欽

此欽遵照得寧夏經變之後反側未安政務懈弛將

欲一新號令全在部領得人除將各該領軍坐堡掌

關中奏議全集卷十

壹

印管屯等官會同鎮巡從公推訪委用應更調者更

調應黜革者黜革各施行外竊見新任總兵官署都

督僉事楊英素諳邊務亦善治兵比歲追勦達賊多

有斬獲但初為副總兵領軍在揚顯堡按伏一聞何

錦等搆亂所統官軍潰散回城不聽約束致將旗牌

賈欽祖打死本官只得齎身同指揮尹清奔往廣武

隨卽過河奔至靈州其後資藉曹雄史鏞黃正韓斌

諸將兵力遂取船隻卒成桑榆之功彼時

朝廷因見鎮巡官員俱被殘害就近推擢俾總戎務固

為相應但本官喪失之餘土心不附蹤跡孤危欲御

之以嚴則猶忌轉深欲撫之以寬則委靡不振臣自

到夏城以來耳聞目擊眾口沸騰委的難以行事且

極邊重鎮大亂初平撫定安緝全賴鎮巡仰惟

皇上神謨妙算洞見萬里近日擢用新任官員如太監張

弼之安靜不苛都御史馬炳然之廉平得體泰將保

勤之志節兼優遊擊史鏞之才略出眾副總兵仇鐵

世守武臣威名素著近又新建奇功一方兵民倚以

為重凡此皆極一時之選而主將之任機要所關尤

在得人况今山後之賊勢方張河套之虜情未定遇

警調度殺賊正係總兵之事傳曰地利不如人和身

為主將坐失人心鋒鏑之間小有動搖誠非細故但

人才難得如本官者用之寧夏固非所宜用之他鎮

關中奏議全集卷十

三

則無不可伏望

聖明俯念邊方事重乞

勅兵部再加訪察議擬上

請合無將楊英取回京營或改調別鎮另推謀勇著聞土

心素附邊將一員代總戎務與張弼馬炳然等各久

任責成庶幾兵政一新經久無患臣責任重大苟有

所見不敢緘默緣係更易主將以撫安人心保障地

方事理未敢擅便為此具本謹題請 旨

一為撥補軍伍以實邊備事

題為撥補軍伍以實邊備事據寧夏鎮巡等官太監張

弼等呈會議得本鎮與武營新設守禦千戶所該設

旗軍一千餘名今止有官軍四百一十五員名况本所極臨邊境外控河套內與花馬池清水營聲勢連絡防禦虜寇係是衝要緊關去處必須軍馬數足易於防守今查革爵安化王府原有隨侍百戶李蕃一所總旗二名小旗十名軍人一百名內除百戶李蕃同謀反逆已就誅戮及逃故軍士九十一名外見在總旗二名小旗十名正軍七十九名餘丁成丁一百八十四名不成丁一百一十七名相應撥補合無將前見在旗軍盡數改撥與武營守禦千戶所當軍食糧餘丁亦隨營居住貼軍當差逃故二十一名行文原籍清勾前來本所補伍呈乞轉

關中奏議全集卷十

卷十

十

奏施行等因到臣會同

欽差總督軍務御用監太監張議得寧夏東路花馬池與武營二處俱係極邊沙漠虜賊入寇中原必由之處爲因軍伍單弱先年往往失利已該臣一清總制邊務之時奏

請將花馬池千戶所改設寧夏後衛與武營改設守禦千戶所各添撥軍人住種防守今花馬池已添新軍五千餘名似勾保障惟與武營止撥到充發等項軍人數又不敷隨到隨逃不得實用武備依前單弱誠恐將來虜賊窺伺侵犯少有失利貽患非輕今據鎮巡等官太監張弼等呈乞具

奏要將革爵真鑄遺留隨侍一百戶旗軍改調前項地方充軍以實邊伍一節委的相應臣親在寧夏地方詢訪相同故敢冒昧上陳伏乞聖恩憫念極邊重地防虜爲急乞

勅兵部議處合無將真鑄隨侍一百戶所旗軍盡數改撥與武營守禦千戶所當軍食糧餘丁亦隨營居住貼軍當差逃故之數行文原籍官司清勾前來本所補伍以嚴武備以壯邊城用消虜賊窺伺之患非惟邊方有幸實亦陝西腹裏軍民之福也緣係撥補軍伍以實邊備事理未敢擅便爲此具本謹題請旨一爲分別將官功過事

關中奏議全集卷十

卷十

十

題爲分別將官功過事行據巡按陝西監察御史周廷徵呈稱奉臣等帖仰會同都布按三司委官即便調查各該鎮巡等官各奏本內事情務取歸一何官發蹤何官運籌制勝領何項人馬得獲前功作急呈來以憑具奏毋得回護奉此遵奉會同陝西都布按三司都指揮僉事陳善參議許莊副使黃繡調取陝西延綏寧夏鎮巡等官曹雄等節次題奏過平定反賊何錦等始末案卷并節錄各該將官開報手本查得正德五年四月二十八日據延綏總兵官馬昂差總旗紀順口報有領軍見在靈州等處截殺副總兵侯助逆擊時源差人報稱反賊安化王并丁廣等被本

鎮遊擊仇鉞等捉獲周昂自刎身死何錦走出大壩  
有總兵官曹雄等計議進城平亂等情該職看係提  
音除具

題訖五月初三日又准總兵官馬昂手本開稱有甯夏  
副總兵楊英差靈州夜不收張道同口報有反官何  
錦丁廣領了三千人馬往大壩看守不在本月二十  
一日楊英密地差人齎書與遊擊仇鉞二十三日仇  
鉞將首惡周昂等殺了捉了安化王二十四日楊英  
會同叅將閻綱協同守備都指揮黃正保助史鏞各  
領兵馬過河等因該馬昂會同鎮守太監孟山巡撫  
都御史黃珂看係鄰土提音亦各將情具

關中奏議全集卷十

完

三

題及用手本備行到職又查得五月初八日據今陞副  
總兵仇鉞手本開稱正德五年二月初一日先該鎮  
守總兵官姜漢等會議手本為聲息事行移鉞統領  
遊兵三千員名分布迤西大壩玉泉等營副總兵楊  
英統領奇兵三千員名分布楊顯等堡各按伏四月  
初五日有甯夏都指揮等官何錦周昂丁廣同安化  
王真鑄叛逆將太監李增總兵官姜漢少監鄧廣請  
去飲酒何錦等帶領同謀指揮千百戶張欽等將李  
增等殺死何錦等又去各衙門將都御史安惟學少  
卿周東都指揮楊忠等亦各殺死及將各官原領  
制勅符驗印信關防旗牌家財盡行搶去無存分守叅議

侯啟忠知覺脫走次日尋獲尉錄監禁管糧通判張  
江亦被捉拿拘收倉庫鎖鑰燒毀各衙門文卷簿籍  
脫放見監罪囚掣取渡河船隻安化王偽設官帶本  
日何錦賺調賊等兵馬至初六日領兵到城楊英逢  
遇指揮尹清同去廣武渡河靈州駐劄安化王何錦  
等又將

慶府并各郡王將軍中尉家財逼索散軍節出令旨榜  
文煽惑人心鉞欲要召人刺殺但原領兵馬先被何  
錦等盡行拆散不容一人跟隨外無援兵恐獨力難  
成本月初八日得報總兵官曹雄統兵前來征勦先  
發都指揮黃正遊兵三千靈州往劄行台黃正與副

關中奏議全集卷十

三

三

總兵楊英守備史鏞等撥人沿河巡邏設法邀取船  
隻十四日楊英等領兵先用馬步水手二百餘人齊  
渡過河與何錦等原差看船官軍百戶姜承等對敵  
奪獲大小船一十七隻軍器等件本月十八日賊家  
人仇書童在於靈州看收同尹敬等圍還密藏副總  
兵楊英等書信准總兵官曹雄手本行移鉞召集義  
士約期裏應外合又令協同孫隆將大小二壩草塋  
燒毀及調集陝西各路兵馬并東西叅將等官閻綱  
保勦等大軍於二十日俱至靈州叅將馮慎協同孫  
隆官軍前來大壩臨近城堡駐劄何錦等心生懼法  
二十二日總兵官曹雄發把總指揮李楨等下官軍

一千員名順河前去鳴沙州駐劄有河北巡視百戶姜永瞭見灰塵走報安化王議令何錦丁廣等領兵前去拒守大壩周昂在城護守鉞乘虛密切分付都指揮鄭卿等在外擒捉鉞在城密令心腹官舍家人等召撫官軍在家潛伏二十三日鉞詐病睡床周昂前來看望鉞撲出用刀將周昂亂砍身死領人前去將安化王并同謀將軍儀賓人等陸續擒斬拘壩又密差人前去大壩通知鄭卿等督軍就將何錦丁廣魏鎮等擒斬張欽等脫走及將黨惡家屬捉獲監候二十五日總兵官曹雄統兵前至甯夏城鄭卿等捉送何錦等赴軍門督同鉞等安撫軍民人心安貼

關中奏議全集卷十

三

三三

地方甯靖等因又查得先准鎮守陝西總兵官曹雄并甯夏副參守備等官楊英閻綱保勳史鏞等各手本及各官

奏題過本案卷內開報擒斬何錦等緣由逐一查對明白俱與仇鉞先報手本內情節亦各相同又查據甯夏參將馮禎手本開稱六月初三日禎於甯夏城領兵回至陳俊堡訪知首惡反賊張欽脫逃在堡親督官軍將張欽拿獲解送總兵官楊英處監候等因近又查准甯夏總兵官楊英手本開稱蒙

欽差總督軍務御用監太監張見得甯夏黨惡未盡地方未甯二次差遣指揮旗牌等官楊義山王王壩各

授以成算齋捧鈞帖榜文前來甯夏指示鎮巡等官一邊號令將未獲同謀黨惡申居敬等六十二名程保等一十名俱各擒斬及將各犯家屬俱捉監候等因亦報前來查勘間今奉前因除將有功大小人員另行造冊

奏繳外今將查勘各官奏題過擒斬反賊何錦并革爵安化王真鏞父子人等始末來歷并各官功次輕重緣由理合具呈施行等因備呈前來案查先為前事看得各該守臣各呈原奏本內事情多有不同會案通行巡按御史周廷徵督同守巡官員查勘各官奏報功次事情務取歸一以憑具

關中奏議全集卷十

三

三三

奏去後今據前因會同

欽差總督軍務御用監太監張永議得實鏞何錦等背棄天常謀為不軌窮其逆志未可窺測

皇上命將出師聲罪致討雖弔魚假息不過斯須然兵刃所交未免玉石俱焚轉輸之苦復恐財力兩竭幸賴皇靈丕振

聖武布昭各鎮將官同心協力旬月之間坐收偉績已蒙聖恩或

賜勅獎勵或就為陞擢勸忠之典可為曲盡臣等切思各官勲勞有大小功過有多寡奏報之言未必皆實參詳周廷徵所呈固已得其情伏等復加廣詢博訪



方悉其真看得鎮守陝西地方總兵官右軍都督府署都督同知韓雄以鄰境主將聞變奮與分布腹裏人馬拒守要衝徵調鄰境官軍揚兵討伐邀取船隻以絕渡河之謀榜示禍福以攜脅從之黨指畫以通仇鉞則內應兇成權宜以用韓斌則土人斯附增中衛廣武之兵以揮其所欲攻燒大壩捲掃之草以攻其所必救凡此調度皆合機宜遂使叛酋倉皇而出義兵乘虛而起較其發縱指示之功實出斬將擧旗之右遊擊將軍今陞副總兵都指揮僉事仇鉞賺調入城跡雖可議潛謀結義心實靡他既而手斬元惡逆黨寒心龔執叛王闔城生氣奮臂一呼罪人盡得

關中奏議全集卷十

三

三八

原情不失為忠論功何止掩過此二人者平亂之功當為一等但曹雄則有功而無過仇鉞則過少而功多分守甯夏東路右叅將今陞副總兵都指揮閻綱協同分守興武營今陞右叅將都指揮僉事保勳分守甯夏西路左叅將都指揮僉事馮禎協同分守廣武營都指揮僉事孫隆守備靈州今陞遊擊將軍都指揮僉事史鏞甯夏都指揮僉事韓斌陝西都指揮僉事黃正皆能嚴兵固守以繫忠義之心約期進剿以奪梟雄之氣內保勳及甯夏右衛指揮僉事尹清各有祖母妻子在於鎮城不卹私家堅守臣節尤為可嘉甯夏都指揮僉事鄭卿始雖曲從逆賊之用既

乃卒成擒賊之功協守延綏副總兵今陞總兵官署都督僉事侯助延綏遊擊將軍都指揮僉事時源遠提策應之兵實為聲援之助凡此數人論平賊皆與有勞語効力不能無異再照甯夏副總兵今陞總兵官右軍都督府署都督僉事楊英釀鎮城之禍而先機失於禁防督邊堡之師而聞變不能約束大呼而潰三軍之心已離奉身而逃七尺之軀僅免但其後約會諸將協謀討叛奉承法令擒賊數多斯亦不為無功要之不足掩過其餘有功官員多係聽從驅使臣等不能悉數除待巡按監察御史勸明照例造冊奏緣外今將查勘訪過緣由具實開奏伏望

關中奏議全集卷十

三

三八

聖明省覽乞

勅該衙門查照施行緣係分別將官功過事理為此具本

謹題請 旨

一為議處 宗藩以防患將來事

題為議處

宗藩以防患將來事臣到於甯夏地方詢問官僚士庶

軍民人等皆云革爵安化王真鏞叛逆之時逼脅

慶王日逐隨眾朝見跪拜從右門而入行君臣之禮將

欵賜寶纛儀仗與借用又逼要金銀器皿等物一萬餘

兩賞勞叛臣此固真鏞挾持叛將假借兵威迫之使

然情非得已而冠履倒置亦甚矣及訪得真鏞平昔



善營市利交通賓客又聽張會通王九兒等在府往來信其邪說妄生異志何錦等與之往來情熟貨其財以納級資其勢以害人鎮巡三司等官又多被其延接納其餽送動以賢王稱之此既不復禁防彼益肆無忌憚醞釀以成大禍蓋非一朝一夕之積言之可爲痛心臣仰惟我

太祖高皇帝建立

宗藩分布天下卽成周大封同姓之意用以控制夷夏

藩屏邦家凡

親王建國之處郡王將軍以下皆其所統無事不聽其

裁處無人不歸其約束凡有奏

關中奏議全集卷十

奏

請事情皆須具啟

親王與之轉達

成法昭然千萬年之所當祇承而不敢失墜者也當實錄

反狀未露之時

慶王若能先事禁防必不容其交通兵將遂結人心以

成大亂及真鑄反形已露之後

慶府護衛儀衛司工正郡牧等所不下數千人若能仗

義整兵嚴備以待密諭諸王共圖討賊播告鎮城官

軍使之協心宣力戡定禍亂豈無忠義之士應召而

興計不出此顧乃甘心屈辱聽賊指使致將

朝廷法物棄而不保又終無一言

奏報殊負

皇上展瀾仁仁有失諸侯維藩之義其輔導官員豈得無罪臣等又竊聞各處

宗藩與文武官員交結往來及招誘邪說之人在府恣肆出入者比比有之履霜堅冰漸不可長近者鎮巡之禍起於府第盃酒之間可爲殷鑒伏願

皇上念

祖宗創業之艱難思今日守成之不易存大義於親親之內謹事機於未發之先合無降

勅慶王少示警戒其內外輔導承奉長使等官亦合提解赴京明正其罪別選相應官員代補其任仍申明

關中奏議全集卷十

奏

舊章通行天下

王府但有如真鑄私通賓客交結文武官員及招誘陰陽術數一切左道邪說之人在府出入往來者即便痛思改過嚴加禁絕

親王建國去處郡王以下悉聽約束郡王建國去處將軍以下悉聽約束如有前項違犯事情輕則懲戒禁止重則具實奏

聞區處除既往不究外將來不行悛改事發大義滅親不宜輕恕輔導官員不能匡正又隱匿不行具奏者提解赴京從重處治內文武官員所過地方止許朝見

親王其郡王獨自治國去處方許朝見此外敢有似前  
與郡王將軍中尉儀賓等府益酒往來接受餽送禮  
物者拿問治罪職不敘如此則界限分明禮法嚴  
整邪人無由而接則邪念無自而生非惟地方之幸  
亦

宗藩之福也臣等切見

皇上嗣位以來於天下

王府禮義隆治過於

先朝而真鑄乃敢負義背

恩構此大變臣不勝忠憤激切故敢冒昧上言緣係議處

宗藩以防患將來事雖未敢擅便為此謹題請 旨

關中奏議全集卷十

三十一

一為遵奉 勅諭起解後獲反逆賊寇事

題為遵奉

勅諭起解後獲反逆賊寇事據甯夏鎮巡等官太監張彌

都御史馬炳然總兵官楊英御史周廷徵各呈為眾

官反逆殺死鎮巡大臣事將後獲馮經等取出會同

重復審據馮經供年三十六歲甯夏左屯衛指揮僉

事管屯正德五年四月初三日有已故指揮丁廣請

經在伊家飲酒彼有何錦等三十餘人同飲是經問

這酒因何有何錦回說你到初五日跟我去便知等

語各散次日有今在官徐文孝故兄充軍千戶徐欽

與已解何錦已役周昂已故丁廣同革爵安化王真

鑄謀反差已殺儀賓夏琳去平虜城謀約徐欽等一

十二人前來舉事各允本月初五日經在巡撫察院

稟事只見丁廣等帶領人馬入院將安都堂楊都司

殺死經纔知謀反事情丁廣就呼經去殺清理屯田

周少卿比時經因恨周少卿比較要增屯地當就取

刀到按察司是經用刀向周少卿砍訖二刀身死

彼有在官夜不收閻添孫潘六十即潘成乘亂跟隨

丁廣亦各用刀亂砍間添孫潘成又用刀故將跟隨

周少卿書吏屠成岳甯亂砍身死俱剝去衣服後眾

夜不收因性在官指揮李杲平素刻剝聲言要殺本

官知覺躲在安化王府內被眾夜不收將伊家財亂

關中奏議全集卷十

三十二

行搶訖李杲告鳴真鑄却將甯夏衛官庫原該李杲

收掌賞剩冬衣官布一千五百疋給與伊陪還家財

本日未時徐欽等方纔到城常在真鑄左右侍衛初

六日真鑄要封何錦等官職喚到在官銅匠楊茂鑄

造銀關防一顆令在官刊字匠王得洪篆寫討賊大

將軍字樣在上令先未故銀匠王得雍刷作篆文完

備後掛與何錦就封為大將軍又封徐欽為都護十

一日真鑄令在官承奉司寫字人管珣已殺孫景文

撰成省諭文書謄寫刊成板榜比時伊男管律在傍

看寫二十日真鑄令徐欽挑選平虜城人馬一百名

來用徐文孝亦在數內至二十三日來到甯夏城外

得知周昂等被誅隨即帶領人馬圍至姚福堡有令  
陞仇副總兵着落平虜城王指揮差人到堡將原約  
百斤朱洗等殺死徐欽知覺帶同徐文孝各騎馬匹  
稍帶袍衫布帳逃躲在洪廣堡北邊沙窩內要出境  
外投順達賊至二十六日行至地名蘆溝兒忽遇達  
賊三騎追趕前來有徐文孝乘馬藏躲徐欽被達賊  
殺死奪去馬匹衣服後達賊退去徐文孝將徐欽所  
遺原戴馬尾帽一頂在傍拾回又尋獲原乘馬匹袍  
衫布帳圍到韓信營潛住今蒙總督張太監差人督  
同夜不收趙汝舟等訪知經并將關添孫潘成連楊  
茂王得洪管珣管律并李杲及徐文孝陸續擒獲有

關中奏議全集卷十

完

徐文孝就指引前去蘆溝兒尋見徐欽身屍朽爛止  
餘骸骨的係徐欽原屍取其頭骨并袍衫布帳馬尾  
帽一同送官今蒙審供是實及審問孫潘等八名各  
供與馮經供同理合照例起解呈乞施行等因到臣  
會同

欽差總督軍務御用監太監張永議照前事已將先獲犯  
人申居敬等并何錦等分作三起差委都指揮黃正  
等先行起解赴京具

奉外後獲馮經等未經查審徐欽係首謀重犯已被殺  
死恐有不及已行鎮巡等官查勘會審去後今據前  
因參照犯人馮經在先飲酒之時雖不知情及至臨

期明知丁廣等謀爲反逆殺害鎮巡大臣却乃依從  
指使挾警同閭添孫潘成將公差少卿周東并書吏  
屠成岳寘殺死正係兇惡黨類法難輕恕楊茂偽鑄  
關防王得洪偽篆討賊大將軍字樣事干謀反比之  
偽造印信情罪尤重管珣依聽騰寫告諭交書刑榜  
傳播扇惑人心情雖脅從其事亦重指揮李杲雖不  
與馮經同謀但因夜不收搶伊家財聽從真鑄指以  
陪賞爲由將官布一千五百疋盜收入已於法有違  
除將李杲行鎮巡官取問應得罪名徑自具

關中奏議全集卷十

單

拿并管律監候外今將馮經等正犯照例差委指揮  
解城等帶領軍人押解赴京與何錦等併問奏  
請定奪緣係遵奉  
勅諭起解後獲反逆賊寇事理爲此開坐謹題請 旨  
一爲溥 恩典以恤邊軍事

題爲溥  
恩典以恤邊軍事查得近該兵部題爲存留備冬官軍事  
奉

聖旨是陝西地方有事備冬官軍着仍舊存留聽調但念  
他每上班日久十分艱苦夏各城并延綏甘涼各鎮  
官軍亦皆艱苦可憐各賞官銀二兩在城官軍除從逆

外有能悔罪効順出 的也各賞銀一兩戶部再差官  
運送大倉銀三十萬兩着各該鎮巡官照名給散餘剩  
銀兩就在陝西官庫收貯以備各邊糧餉之用欽此欽  
遵照得陝西延綏寧夏甘肅四鎮官軍委多驍勇憤  
戰况世受

國恩咸願効死盡力但因地方多事終歲征調無休致  
令人馬困敝加以該管官員不善撫恤糧賞既不時  
給又行剝削無厭以此隊無完軍軍無完衣愁苦之  
狀所不忍言

皇上仁同天地

特加賞資以供衣裝之用聞者孰不舉手加額仰戴

關中奏議全集卷十

聖

Xo

聖恩但三鎮及寧夏各城官軍俱已沾惠獨寧夏在城之  
人爲因彼時叛逆未平拘於出城之文詩均沾  
恩典切緣真鑄何錦謀逆之時寧夏在城官軍除同謀逆  
黨外近據總兵官署都督僉事楊英查報聞變出城  
上有官旗軍舍都指揮等官鄭廉等五十二員名其  
餘盡被脅從在內但遊擊仇誠一舉義兵隨即去逆  
効順相助滅賊可見前日從逆非其本心今惡黨俱  
已擒斬見在多係無罪之人大變之後憂疑未釋似  
宜少加矜恤以安其心伏望

聖慈一視同仁憫念寧夏鎮城官軍近被反賊逼脅殘害  
之苦合無每員名照例各賞銀一兩仍於原送官銀

內取給則彼萬死一生之餘感戴

朝廷再造之

恩出於尋常萬萬矣緣係薄

恩典以恤邊軍事理未敢擅便爲此具本謹題請 旨

一爲旌死節以勵人臣事

題爲旌死節以勵人臣事准巡撫寧夏地方本院右副  
都御史馬炳然咨據寧夏等衛申稱正德五年四月  
初五日寧夏反賊何錦等作亂之日有陝西都司都  
指揮僉事楊忠正在巡撫都御史安惟學處稟事偶  
見反賊丁廣等持刀值衝前來要殺安都堂當被楊  
忠當堂大罵賊狗怎敢犯上謀反等語隨被丁廣等

關中奏議全集卷十

聖

Xo

亂砍身死剖腹剝心又有寧夏衛納級都指揮李睿  
本日一聞反賊氣忿不過前去安化府前意要衝入  
因是閉門大罵悖天逆理反賊如何這等欺公罔上  
日後凌遲碎割等語致被門外夜不收申居敬等亂  
砍亂刺身無完膚而死又有寧夏右衛百戶張欽被  
何錦等真性本官不肯心悅臣順說知革爵直鑄於  
四月二十二日要拿來殺害本官知覺潛從西城牆  
溜下走到雷福堡遇見反賊百戶雷英得知前情射  
死除行寧夏等衛覆勘相同具結回申前來切照真  
鑄何錦等作亂之日舉城之人無不被其逼脅朝賀  
使用而都指揮楊忠李睿獨能挺身罵賊不屈以死

百戶張欽不肯臣順卒以殞亡此忠義之臣氣節凜然孤立若不別加

恩曲何以激勸人心合無具實

上聞一體起立牌坊以表其門廬仍量陞官職以應其後裔未敢專擅爲此合咨前去煩請照詳施行等因到臣照得甯夏大鎮素稱文獻之邦不幸爲反賊汚辱闔城官軍士庶除逆黨外其餘盡被逼脅心雖不從外則順服禮義廉恥爲之蕩然獨都指揮楊忠李睿以罵賊而死百戶張欽以逃難而亡使人人皆然何錦等數輩安能孑然稱亂是其忠憤激烈誠可嘉尙臣聞自古聖帝明王於死節之臣必加褒卹所以勵

關中奏議全集卷十

聖

八〇〇

臣節而立大開也伏望

聖明憫念楊忠等三人死於逆賊之手乞

勅該部議奏或表其門廬或別爲優恤仍將各應襲兒男量陞一級以洩九泉之忠憤以勵天下之臣節其於名教不爲無補緣係旌死節以勵人臣事理未敢擅便爲此具本謹題請 旨

一爲十分緊急缺乏糧料馬草事

題爲十分緊急缺乏糧料馬草事准巡撫甯夏地方本院右副都御史馬炳然咨會同鎮守太監張弼總兵官署都督僉事楊英查得甯夏在城五倉見在銀糧不勾主兵三箇月支用花馬地見在糧不勾主兵二

箇月支用料草全無靈州糧不勾主兵一箇月支用馬草全無中衛糧料不勾主兵三箇月支用廣武營糧料不勾主兵二箇半月支用與武營糧雖頗有草料全無其餘應該按兵截殺去處數多糧料草束一切缺乏此惟計算主兵支費之數若徵調客兵到彼愈加不足即今賀蘭山後達賊不時近邊窺伺河套之賊近據延綏報稱俱往西北去訖甯夏正在延綏西北悉其窺知甯夏反變之事宜欲乘隙侵掠即目便是八月秋涼倘或山後河套兩路虜寇或深入爲患或約同夾攻未免調集客兵人馬臨時糧儲缺乏馬匹不敷倉卒之間憑何爲計查得先爲緊急聲息

關中奏議全集卷十

器

八〇〇

預備兵糧等事該職等奏蒙戶部運送銀五萬二千六百八十三兩有零四川運銀一十五萬兩俱累催不曾解到後又亦爲前事該戶部又運送銀一十萬與督理糧草都御史徐以貞前來接濟今止運到五萬兩其餘五萬亦尙未到即今米價騰貴每銀一錢止買粟米一斗四五升止買豌豆二斗止買小麥一斗兼以年穀不登客商稀少日貴一日不言可知况布政司原派舊糧俱已停徵新派夏糧俱各運足亦不勾用查得先年但遇邊儲缺乏許令召商開中雖則易於集事其間作弊多端已蒙停止似難復議但舍此一途不過拘刷富家收買今甯夏富家前該都

御史王一言已刷買一次後該都御史安惟學又刷買一次職等目下又要刷買一次拘刷已盡情理難堪將欲差官雜買而防守地方為重顧此失彼將欲一切給軍以銀而或時乏賣銀不可食職等處此大壞極敝之餘百孔千瘡救之不暇晝夜憂惶計無所出萬一失誤地方難將職等誅極無遺亦無益於事矣合無轉奉乞

恩再運銀數十萬兩就選委有才智着實幹事都御史一員前來設法措買糧草再差戶部有風力屬官一員前來催備布政司稅糧并未運銀兩庶得專理其事易於集辦有備無患攻守有倚若止靠巡守官與管

關中奏議全集卷十

聖

根官整理則恐事緒多端不肯久任實幹徒費文移不能濟事為此除具

題外合咨煩為照驗施行等因到臣照得寧夏一鎮東西中三路糧料草束委多缺乏而東路逼臨河套乃虜賊入寇腹裏必由之處糧儲缺乏尤甚且如花馬池每年遇冬有警常調延綏遊兵三千在彼按伏與武營遇冬常調寧夏奇兵三千在彼按伏今一處料草全無花馬池糧亦止勾主兵兩月支用倘或大虜踏冰入套擁眾近邊徵調客兵人馬將何支給既無糧草難以駐兵賊眾愈無忌憚萬一邊城失守貽患腹裏地方守臣何以辭責且寧夏鎮城大變之後人

心易於動搖見在銀糧亦不勾主兵三箇月支用根本之地如此他尚何望况山後之賊不時窺伺誠恐兩路受敵尤難支持所以鎮巡官員因見事勢窘迫煩瀆

聖聽乞討官銀乞差都御史及戶部屬官前來專理其事情詞懇切蓋亦不得已也但陝西邊儲之乏不獨寧夏為然內而固原靖虜外而延綏甘肅在在空虛見今河西莊浪涼州一帶地方虜騎充斥餉道阻塞公差人員多從西番地面迂路而行近據莊浪叅將魯經呈稱賊眾深入迤西土人居住地方攻尋害藏糧畜聲言要搶西寧沿邊境外墩臺俱已丟棄烽火不

關中奏議全集卷十

聖

能接舉臣方經理寧夏事務聞之不勝憂懼意將徵調陝西延綏兩鎮精兵萬餘與本鎮官軍分路夾攻痛加誅勦以祛邊患亦因彼處邊儲空乏難以輕動又漢中流賊嘯聚密邇郡城師老財竭迄無成功首尾受傷中外俱困事勢至此必得大有區畫之才而又假以便宜專制之柄乃克匡濟決非巡守等官所可勝堪臣任總戎務軍馬所至只合責成各該巡撫巡守管糧官員供給但今巡守管糧官既多坐視無為巡撫官員又復倉皇無措臣若不言日後誤事之罪雖死難贖伏願

皇上軫念陝西三邊重鎮



國家安危所係乞

勅廷臣會議合無俯從甯夏鎮巡官員所奏再發官銀數

十萬兩與同近日解送甯夏各邊并軍前合用銀兩

專備整理邊儲

簡命在京部院堂上官一員加以重樞俾之督理并帶有

才力部屬官二員趁今收成時月河冰未凍之先分

投整理延緩甯夏甘肅二鎮邊儲陝西沿邊及漢中

地方責付巡守官整理布政司管糧官專一往來催

督各府州縣今年夏秋邊糧俱聽差來大臣裁制務

待邊儲處處克實方可具

奏回京邊儲既充遇有虜驚愚臣得以隨宜調遣各路

關中奏議全集卷十

四七

川人上

官兵防遏誅勦庶寬

宵旰西顧之憂不獨地方軍民之幸而已臣又切思經畫

邊儲不過招商派買二端而已招商易於集事姦弊

或不能無派買累民陪陪怨讟有所不免茲欲救目

前之急不須避招商之嫌於商人增一分之利則公

家有一分之益前此招商多被官豪勢要託名報中

致蒙停止但舍此一途而拘刷人戶羅買緣地方時

直道里遠近不同計筭脚程欲不累人則須高其價

省價於官而歛怨於民又非

朝廷綏輯邊人之意也臣愚請

勅差來大臣不拘招商派買羅隨宜區畫俱要嚴加禁革姦

弊不許勢要報中其舊報糧草商人納完久未給價  
雖有

詔書明文所司猶稽於奉行蓋不止畏罪避嫌實因官銀

無積之故亦須查明處給庶幾近悅遠來商販填委

官事可集不然直待事情緊急竊恐招商則無肯應

釋買則無從出不得已而至於空運陝西之民將不

堪命况腹裏倉廩空虛無可空者雖有巧智無善處

之術矣臣誠愚昧不知忌諱干冒

天威無任隕越待罪之至為此具本謹題請 旨

一為改調管糧官員事

題為改調管糧官員事照得陝西各府州縣夏秋稅糧

關中奏議全集卷十

四八

川人上

馬草分派運送各邊以供軍餉先年設有管糧叅政

一員專一督理如叅政王琰安惟學輩不時往來巡

歷比較催徵有司官吏憚其嚴明不敢偷安誤事近

該叅議管糧夫官無大小苟得其人皆可取辦近該

巡撫甯夏地方本院右副都御史馬炳然咨稱山後

達賊不時出沒套內賊蹤又往西北移營防禦之計

不可不慎今花馬池興武營料草升束皆無各邊倉

分見在銀根不勾主兵二三箇月支用未聞管糧等

官親歷何處倉場設一謀一策為一人一馬之費叅

議許莊雖不知能幹與否未見著意邊儲依時巡歷

地方似此官員若雖留幹事終難克濟合無另推舉



着實幹事官員前來管糧替回本官量才別用庶能  
共濟邊事等因備咨到職查得陝西各鎮糧儲缺乏  
不止甯夏爲然布政司管糧官例該催督八府糧儲  
以供各邊之用不止甯夏一鎮是其責任况今西有  
胡虜之侵南有流賊之警督理邊儲政務之大莫急  
於此非得才力有爲實心幹事之人安可倚賴參議  
許莊篤實有餘風力不足用之腹裏或有可取邊方  
軍餉非其所長直待失誤事機罪之無益臣博訪得  
陝西苑馬寺少卿陳璘陝西西安府知府陳祥俱勤  
勵幹固素著風采使當前項責任必有可觀伏願  
皇上憫念邊方多事之秋軍儲爲第一重務乞

關中奏議全集卷十

川文名

勅吏部訪察議擬將參議許莊改調別省仍於陳璘陳祥  
內上請

簡命一員暫陞參政職銜令其盡心往來催督八府錢糧  
整理三邊糧草如果蹟効顯著待後邊情甯息之日

具  
奏陞用仍照近例止選參議一員管理臣以地方安危

所係利害切身不避煩瀆  
聖聽無任悚懼激切之至緣係改調推用管糧官員事理

未敢擅便爲此具本謹題請 旨  
一爲缺官催辦錢糧刑名等事

題爲缺官催辦錢糧刑名等事准巡撫甯夏地方本院

右副都御史馬炳然咨會同鎮守太監張弼總兵官  
署都督僉事楊英查得甯夏一鎮有  
王府宗室有七衛三所六驛遞八十餘處營堡倉場事  
頗繁難糧草支費亦不爲少近遭大變之後人心殆  
不如前禮義稍疎於昔各衙門卷簿盡被反賊燒毀  
夤緣作弊爭訟倍多况賀蘭山後達賊不時出沒河  
套之賊又移營向甯夏方份防禦之計至爲緊急今  
通查花馬池興武營及甯夏在城等緊要去處倉場  
見有銀糧不勾二三月主兵支用料草甚至升束皆  
無此項軍儲例該都布按三司分巡分守管糧管屯  
官整理缺之失誤罪有攸歸今未聞各官親歷何處

關中奏議全集卷十

五十一

川文名

倉場設一謀一策爲一人一馬之費萬一失誤軍機  
豈不一槩負累若再靠前項官員幹事誠恐因襲故  
弊難以成功查得先年曾設按察司僉事一員常在  
甯夏居住管理錢糧刑名後奉事例裁革以後大小  
事務俱職等整理雖則大事不敢踈畧至於小事亦  
有不周切思職等邊方鎮守官之職重在軍馬城池  
防奸禦侮與夫錢糧刑名等事之大經大法提綱挈  
領張主于上耳至於條分縷析上流下接職在三司  
今必得按察司官一員分理庶事則上下相維共成  
公務伏望轉

奏合無暫設按察司僉事一員常在甯夏居住聽職等

提調收放糧草問理刑名往來本鎮巡歷禁革各項奸弊不許腹裏鎮巡按衙門擅便差委但事千邊務比之腹裏事情不同若照常例推舉一則恐其到任稽遲一則恐其不知邊事宜從於陝西附近見任官內有才幹風力者訪得實跡名奏

請擢用齊憑到任管事庶濟目前之急便益等因備咨到

臣照得甯夏大鎮錢糧刑名事務繁多雖有分巡分守官員常在腹裏相離邊方寫遠顧藉不周所以先年專設按察司官一員常在甯夏居住管理各項事務專聽甯夏鎮巡官員提調後奉例裁革大小事務俱是鎮巡自行整理顧此失彼未免委託衙所官員

關中奏議全集卷十

五十一

XXI

代理以致弊奸橫生官軍受害今地方所遭大變錢糧缺之詞訟繁興山後套中之賊兩該防禦鎮巡責任重大豈能親身庶務巡守管糧等官又皆畏難不來所以大監張弼都御史馬炳然都督僉事楊英議要照舊添設按察司官一員分理庶事一節不為無見節據甯夏等衛所官軍旗士赴臣訴告亦要添設按察司官以清錢糧奸弊所見皆同但事千邊務比與腹裏事情不同若照常例推舉恐其到任稽遲又不知邊事如見任分巡管糧等官雖有如無何濟於事博訪得陝西鞏昌府同知張檄慶陽府同知李賓俱通敏有為且久任邊方諳練事體相應擢用伏望

聖明軫念邊事之難俯納守臣之見乞

勅吏部查議合無暫設按察司官一員專在甯夏居住聽鎮巡官提調監放糧草問理刑名往來巡歷三路地方禁革各項奸弊不許腹裏撫按衙門輒便差委仍將臣所推張檄等二員再加訪查如果相應疏名上請擢用齊憑到任管事以濟目前邊務之急待後邊情稍甯事體已定另為議奏裁革緣係缺官催辦錢糧刑名及推用官員事理未敢擅便為此謹題請 旨

一為調兵征勦犯邊達賊事

題為調兵征勦犯邊達賊事按查先據分守莊浪等處右叅將都指揮同知魯經呈為達賊犯邊阻絕墩臺

關中奏議全集卷十

五十二

XXII

缺軍守瞭事照得莊浪地方自舊歲十月到今達賊犯邊侵擾會兵勦殺今驕不退連日糾眾深入過路往西徑奔土人居住黑臺西大同三分等堡攻尋窖藏糧蓄聲言要割田禾去搶西甯地方節統官軍設伏歸路陸續擒斬賊級及差人爪探臨境安帳晝瞭夜伏已行開報甘肅衙門外查得境外該接烽火礮灘等墩二十七座俱各丟棄無人止守順路墩臺欲便照前撥人守哨緣賊寇見在土豹嶺以裏分水嶺以外適中北自平嶺野遜嶺起至迤南四眼井台麻水等處賊帳數多約寇萬餘里遠近不等撒畜牧放相離到城一百二十餘里月無虛日出沒往來尋搶絕

道不通缺軍往彼瞭望况本城人馬不滿三千實是  
兵寡力弱不敷支敵乞念地方爲重早爲處置增添  
兵馬前來併力勦逐便益呈乞照詳等因到臣看係  
緊急賊情已經備行甘肅鎮巡及副叅遊擊等官整  
撥人馬用心隄備遇有侵犯小則相機戰守截遏大  
則傳報鄰境官軍互相應援不可自分彼此失誤事  
機去後續據叅將營經呈爲達賊犯邊事正德五年  
七月初三日至初八日時不等節據東山墩舉放炮  
來隨據迤南破山口等處夜不收張山住等迤北打  
柴溝夜不收尹奉等各報達賊據邊瞭望行走備報  
看得達賊不次前來探道與同甘肅遊擊將軍吳英  
關中奏議全集卷十  
五三  
計議恐入爲擾當日分布在城并遊兵人馬於南北  
二路站堡屯莊設伏遇警聯絡互相策應各職整兵  
外十三日午時據古城兒夜不收馬欽飛報有賊一  
千餘騎穿戴明盔甲執打藍白旗號從東山突出  
過壕奔路順河行來近城當會遊擊吳英各率兵馬  
出城間及據沙溝鋪夜不收王三走報已時分瞭見  
達賊一百餘騎遇見迎接甘州公差使客千戶孫鑑  
人馬攻圍備報職等各統見在馬步官軍合陣擺列  
前到沙溝鋪兒迎見達賊分作三路納喊衝來職身  
先士卒就與交鋒被賊將本職左腿射訖二箭馬匹  
射死有遊擊吳英頭盔射訖一箭其賊不次衝攻數

合又見撒口有賊一塊剝營自午戰至申時職等申  
嚴號令各督官軍把總指揮陳鎧等敢勇當先衝入  
賊陣被賊射中陳鎧數箭未傷皮肉遊兵把總指揮  
趙珍馬匹射死內千戶魯儀吳倫等奮不顧命就陣  
斬首六顆奪獲戰馬賊器欲再前追又值天晚收兵  
回城賊人當夜仍往原路出境十四日據夜不收陳  
貴探得達賊離城不遠在於教場山後放馬登由塔  
兒山行走據此查得陣亡旗軍克伯赤等二名被賊  
射傷官軍二十五員名射死馬二十一匹走死馬一  
十三匹及據莊浪等衛千戶孫鑑等呈稱蒙領有馬  
官軍一百員名於本月十二日前去岔口迎接甘州  
關中奏議全集卷十  
五四  
公差使客行至杜家沙溝口忽遇潛伏達賊二百餘  
騎穿戴明盔衣甲撲向大路交鋒被賊攻圍對敵射  
死軍人徐友亮甘州都司承差閻宗魁將馬夫葉泰  
捉拿本役將原背包本丟棄被搶行李站馬一匹驟  
一頭戰間有武勝堡按伏遊兵馬步官軍指揮包英  
等即時帶領馬步官軍三百策應其賊復回原路去  
訖查得被賊射傷軍人朱遷等五名射死馬八匹開  
呈到此照得此賊久住在邊不時出沒或遣輕騎而  
東西剽掠或伴乏馬而誘我官軍顯是糾眾醜類恃  
倚人馬眾大深入况賊情變詐難測除整兵隄備及  
將斬獲賊級奪獲達馬器械劄發莊浪衛收養聽候

解驗外呈乞照驗施行隨據甘肅遊擊將軍都指揮  
僉事吳英亦呈相同行間又據守備蘭州地方者都  
指揮僉事閻縉呈爲達賊出沒事內稱本年七月初  
一日達賊一運從鹽場溝入境按伏指揮魏時領軍  
追趕對敵射傷軍人劉來全及將猴子山墩功圍射  
傷墩軍張彥方張成陳九一等三名又至地名滾巴  
川等處將常哨夜不收馮六兒殺死蔣貴八無有下  
落等因各呈到臣爲照河西地方莊浪紅城子起直  
抵鎮番永昌等處俱有達賊住牧帳窩聯絡離邊不  
遠不時突入虜掠爲患而莊浪涼州尤甚道路阻塞  
砲火傳報月無虛日先因境外該接烽火墩臺年久

關中奏議全集卷十

五五

X81

丟棄不守以此賊氣肆無忌憚卽今深入迤西搶攘  
聲言要搶西甯地方雖據營經吳英各呈報暫獲首  
級數亦不多似無懲戒又將公差人役捉殺中間或  
有別項隱情除查勘外近又侵犯蘭州境界攻圍墩  
臺殺死應哨人役狼子野心未可窺測觀其事勢必  
須廣徵士馬痛加誅勦庶幾後患可弭地方可甯但  
臣撫制以來一向經理甯夏事務未據甘肅鎮巡官  
員一字呈報彼中軍馬多寡糧草虛實及賊營離邊  
遠近俱難遙度止是莊浪守將節呈前因欲便調集  
大兵前去策應行據各倉場查得莊浪糧料草束俱  
已支銷盡絕紅城子倉止有糧七千餘石料草俱無

軍馬到彼將何支給已經選委蘭州衛指揮陳松管  
領蘭州靖虜二處挑選精健有馬官軍八百員名前  
去莊浪駐劄審聽察將曾經調度遇有賊寇侵犯併  
力追勦截殺及不次移文甘肅鎮巡督同副叅遊擊  
等官從長計議酌量本鎮兵馬多寡強弱如是力能  
捍禦保得不致失誤大事宜從照舊戰守互相應援  
截遏不可養患殃民倘或賊勢重大兵力不敷相應  
大舉誅勦就便計議進兵方略應調主兵馬若干仍  
計筭見在糧料草束可勾主客兵馬若干支用會處  
停當作急行來以憑調兵約期行事其糧儲缺乏去  
處查支官銀上緊設法羅買措置毋待臨期失措責

關中奏議全集卷十

五五

X81

有所歸去後亦未回報竊料此賊先被比虜小王子  
人馬警殺殘敗去年潛伏河套又被我沿邊官軍尋  
襲斬獲數多今冬或恐不敢入套但河西地方尋搶  
月久野無所掠冰橋結凍之後恐有窺伺蘭州靖虜  
之謀彼處軍馬數少通賊隘口頗多萬一乘虛而入  
則會臨安定狄道金縣地方難保不遭虜掠見今漢  
中流賊劫聚未息調去洮岷西鳳環慶等衛馬步官  
軍召募民壯番兵五千六百員名續又調西安四衛  
備冬下班等項官軍三千員名難便掣回沿邊兵備  
比常單弱又恐比虜大賊踏冰入套無所不備則無  
所不寡首尾受敵誠難支持宜趁今河水未凍套內

無警將前賊驅逐遠避以杜河西患害以免隴西內  
顧之憂庶幾過冬可以專意防禦比虜欲待甘肅鎮  
巡會議回文至日方纔具

奏緣道途阻滯不知何日方得行來不無延誤訪得莊  
浪外境速罕秀北至明水湖一百五十里處處俱有  
賊管東至靖虜迭烈孫亦一百五十里可通人馬合  
無徵調延綏副總兵王勛統領奇兵遊擊將軍時源  
統領遊兵二枝共六千員名甯夏各項兵馬內挑選  
令西路參將馮禎統領共二千員名并陝西遊兵挑  
選二千及固原環慶靖虜蘭州等處官兵內各挑選  
亦共二千員名通共客兵官軍一萬二千分作三路

關中奏議全集卷十

五七

又十一

一路從靖虜迭烈孫渡河一路蘭州渡河從定火城  
而進一路從紅城子莊浪官道而行會合參將魯經  
遊擊吳英涼州分守副總兵徐謙涼州按伏甘州副  
總兵白琮官軍人馬刻期分投出境追逐與境外之  
兵俱至速罕秀土豹嶺斬石硤蘆塘湖一帶隨賊所  
向誘襲追殺直抵明水湖地方賊腹背受敵必然潰  
敗不支莊浪涼州之賊既以驚潰則鎮番永昌甘肅  
之虜不戰而自走矣振中國之威奪外夷之氣莫要  
於此然事干各鎮必得大將一員統領約束乃克有  
濟推訪得鎮西將軍總兵官都督曹雄各鎮將官素  
所推服伏望

聖明俯垂省覽乞

勅兵部參詳議擬如果可采早為覆奏上

請行令臣照依前擬調集官兵請

勅都督曹雄提督各路將官軍馬甘肅鎮巡自統領鎮兵  
專備永昌以西地方用防賊寇西走衝突之患臣統  
領中軍官兵於莊浪居中駐劄調度策應必期成功  
以副委任賊既遠避一面具

奏一面班師以備套賊行令該鎮將沿邊舊守墩臺查  
照脩築撥軍瞭守傳接烽火及將邊外舊設速罕秀  
板井等城堡以漸經營脩復屯住軍馬方可經久無  
慮但各處糧料草束十分缺乏除蘭州靖虜等處已

關中奏議全集卷十

五八

又十一

行巡守兵備等官查支官銀糴買備用但恐不敷其  
莊浪涼州地方雖節行甘肅巡撫查處猶恐緩不及  
事仍乞俯從臣近日擬奏  
簡命大臣前來督處邊務職任專一易收成效及行各該  
巡撫管糧等官趁時作急整理勿再因循推調以誤  
大計食足則兵強戎狄不患於不服地方不患其不  
甯矣臣聞自古帝王之於夷狄來則薄伐去則不追  
擄虛窮追誠非至計但今失穴之虜竊伏我邊東突  
西馳彼入此出迎之則不至去之則復來昔人所謂  
窮寇易以計破難用兵碎者也若玩時愒日兵力兩  
匱未免坐困中國況官路久被阻截貢餉不通河西

重鎮似為外境貽四夷之侮關係匪輕臣不勝惓惓體

國之至敢用昧死上言貪功喜事非臣本志

天日所鑒臣不敢欺但兵貴神速事難預料旬月之間機會或異若

命下之後糧草未備或賊勢稍退及套內別有緊急賊情另為具

奏待有機可乘不拘何月日即照題奉

成命行庶免臨期論奏以為後時之舉緣係調兵征勦

犯邊達賊事理未敢擅便為此具本謹題請 旨

一為謝 恩事

關中奏議全集卷十

五九

奏為謝

恩事節該欽奉

勅得爾奏行至陝西地方差官出榜撫諭甯夏軍民人等

及會同總督軍務太監張永案行甯夏鎮巡等官將反

賊黨鍾何錦等并的親家屬及續獲反賊查審造意根

因首謀共謀裔從等第及各官原報功次事情同異各

起解釋放又追收冊印冠服儀仗等物籍沒家產財物

入官仍將同謀夜不收擒獲各項事情俱有次第具見

爾奉命在邊運謀効力勤勞可嘉茲特降勅獎勵爾其

益殫心力以卹軍民以安疆場庶不負委任之重爾其

欽承之故勅欽此欽遵望

開叩頭謝

恩外伏念臣本庸愚先年叨承任使患病不能供職後蒙

聖恩放卹致住幸得生全適者復蒙起用適因甯夏有事

勅使臨門不敢辭避星夜兼程前進行至陝西地方聞知

叛逆已平但人心憂疑未釋節差千戶王臣百戶韋

臣齋鎮告示榜文前去撫諭臣仍兼程到於甯夏會

同

欽差總督軍務御用監大監張永處置各項事情此皆人

臣職分之常別無功能可錄豈意

天地之量不棄微勞降

勅獎勵臣內自循省增愧增懼但蒲柳之質易衰犬馬之

關中奏議全集卷十

六

年漸老感

恩徒切欲報未能一寸之誠不敢自負臣不勝瞻仰感戴

之至緣係謝

恩事理為此具本謹具奏 聞

一為衰病不能供職乞 恩放回休致事

奏為衰病不能供職乞

恩放回休致事臣先任前職總制陝西邊務正德元年十

二月內因在邊感冒風寒致將舊患目疾痰疾舉發

不能任事陳乞休致蒙

聖慈寬貸容令致仕臣感

聖慈寬貸容令致仕臣感



恩如天圖報無地方與田夫野老沐浴

清化歌詠太平正德五年五月初二日該吏部公文開

稱臣蒙起用本月初四日該錦衣衛舍人王諫齋捧

勅書為因甯夏歹逆事情

命臣仍總制陝西延綏甯夏甘涼各路軍務臣時卧病在

於直隸鎮江府丹徒縣居住聞此大變自念

主憂臣辱非臣下辭避之時扶病強起星夜兼程到於陝

西地方又欽奉

勅旨提督經營及陝西各路人馬勦殺賊寇時甯夏歹逆

已平復奉

勅會同太監張永前往彼處撫安軍民處置各項事情除

關中奏議全集卷十

十一

川

將應行事宜會本條陳次第具

奏外緣臣章句庸才柳蒲弱質中年多病齒髮漸落今

耳鳴如蟬目眩生花數步之間不能辨物又兼腰膝

無力行坐跪拜十分艱辛稍加勞苦輒欲欹仆雖受

恩隆厚不忍自棄而筋力衰憊不能自強况陝西三邊責

任重大軍旅之事實非所長若猶貪戀榮祿忌避不

言終恐債事貽患雖死莫贖臣是以不避斧鉞冒昧

自陳伏望

皇上天地之量憐臣衰病放回照舊致仕臣得保全骸骨

生還鄉里不勝感戴

天恩之至緣係衰病乞

恩休致事理為此具本謹具奏

聞伏候 勅旨

一為易置守備官員事

題為易置守備官員事案查先據守備洮州地方署都

指揮僉事高謙呈為土豪不悛造意聚眾截路白晝

搶劫財物執刀打傷人口謀陷地方欺凌異鄉官員

等事內稱被洮州衛指揮張綸倚恃土豪聚眾家人

毀罵趕打搶奪衣服器皿要乞調守別項地方另推

官員前來代守等情已經批行分巡隴右道陝西按

察司僉事張瀾會同布政司分守官提人勘問備招

參呈定奪未報訪得守備都指揮高謙委被指揮張

關中奏議全集卷十

十一

川

綸挾制欺凌毀罵趕打不止一次緣洮州衛僻在萬

山之中極臨邊境番漢雜處最難控馭高謙奉

勅守備乃被一屬官凌侮出入之間動輒受制行事之際

不得自由體統乖違下人玩慢若不早為易置倘或

番夷侵境不能統兵出禦貽患非輕但彼處土豪官

舍軍民交結番夷生事害人者不止張綸一人若止

照常例將京營及別鎮官員推補恐其不知番情又

為奸豪之人所制博訪得甯州衛納粟都指揮僉事

趙濟世出將門人心素附讀書守已俱有可觀岷州

衛指揮使葉勳練達戎務諳曉番情久掌衛印行事

無失乞



勅兵部再行訪察上

請合無將高謙取回經營或改任別處守備於趙濟葉勳

二人中推用一員守備洮州地方仍行巡按陝西監

察御史將張綸一千人證提拿勘問明正 國法庶

使人知警懼不敢效尤後來官員可以行事緣係易

置邊方守備官員事理未敢擅便為此謹題請 旨

一為處置邊儲事

題為處置邊儲事據陝西布政司呈蒙臣批據山西陝

西等處商人李朝用等狀告前事仰布政司查去年

總制衙門曾否

奏開所告殘鹽有無明文行到及查勘合已填若干未

關中奏議全集卷十

李三

八十一

填若干今告要將原報未納完根草准令上納完足

填給勘合一節有無相應計處停當呈報定奪蒙此

案查正德四年七月初六日抄蒙總制尚書才 鈞

帖據固原并山西平陽等府衛商人黃河等狀告為

告查勘合事仰本司查商人黃河等報中鹽引有無

停止未收之數曾否准令上納出給實收繳報即今

有無勘合填給或否支給銀兩明白呈來施行蒙此

案查先為處置邊儲預防邊患事成化二十一年二

月初七日承准戶部陝字一千六十五號勘合該侍

郎李衍題為預備邊患事開中兩准運司山東運司

四川鹽課提舉司成化八年至十九年常股存積鹽

共二百萬引撥榆林等處招商中納降到勘合二百

道本司收填節承准巡撫延綏呂都御史照會收完

商人田斌等共報納鹽七十八萬四千二百一十四

引實收到司填給勘合七十九道發領訖未中鹽一

百二十一萬五千七百八十六引未填勘合一百二

十一道正德元年九月內本司見得本處地方自宏

治十四年達賊大舉入寇之後動調軍馬費用糧草

數多以致歲入不勾歲用要將前報剩殘鹽另定價

值量為減輕行令本司招商報中收銀完日分撥臨

邊延慶等府羅買糧料草束以備邊方支用具呈巡

撫陝西右副都御史張泰定奪奏

關中奏議全集卷十

李四

八十二

請未示積蒙巡撫右副都御史柴昇批蒙商人李朝用黃

河等告稱先年開中准鹽各商告撥固原新安等倉

上納米豆穀草遇例停止將納過根草出給實收未

納之數見今在堡堆放要行中納前項殘鹽填給勘

合等因到司為照未蒙明文難擅准行但各該倉場

俱係軍馬駐劄要害之地李朝用等既稱買有根草在

彼堆放合無行移陝西按察司分巡關西道僉事李

璣查照彼中根草價值先行定擬的確價值省令各

商明白供認在官行令該倉收受明立卷簿仍將收

過根草數目扣算明白造冊備照每商給與小票執

照待至正德三年二月終如前鹽准令中納照依引

鹽價值行仰該倉扣出實收齎繳本司給與勘合前  
去該司支鹽若是不准招中查支官錢給還各商備  
由具呈定奪蒙批仰依擬施行已經移文僉事李璣  
查照施行一向未准回報本司將查過緣由并各年  
勘合引鹽開呈照詳去後正德四年閏九月內准固  
原兵備副使王凱牒呈爲告查勘合事奉總制尙書  
才 劄付定擬商人黃河等截中兩淮運司成化十  
五年分中剩常股鹽一十三萬二千七百五十引每  
一千引上納粟米四百石或豌豆六百石或穀草一  
萬束仰司轉行固原等倉查黃河等原報引鹽糧料  
草束如果俱已納完是實扣算明白出給實收付各

關中奏議全集卷十

三五

×××

商賚赴布政司填給勘合前去運司支鹽亦不見開  
有題

准字樣案候間節據商人楊得山等齎執納獲固原等倉  
原在總制衙門告報兩淮運司成化十五年鹽引限  
草實收前來共該鹽一十二萬二千八百八十八引  
填給秦字二號起至十四號勘合一十三道付各商  
領齎訖今蒙前因各邊糧草在在苦無多積各該  
鎮巡等官不時告乏奏

請戶部多方區處惟恐不及况此先年原剩鹽引若招商  
中納不猶愈於他項區處今將前項緣由并各年引  
鹽勘合開坐呈訖照詳定奪施行等因據此簿查先

據商人李朝用等告前事已經批行本司查報去後  
今據前因臣於接管卷內查得先爲告查勘合事正  
德四年八月內該總制尙書才 奏稱固靖環慶延  
綏甯夏各路倉場見在糧料草束不多要將前項中  
剩兩淮山東二運司殘鹽仍照原擬招商上納糧草  
但恐各該運司前項引鹽進來差官查賣盡絕乞  
勅戶部照卷清查如果見在別無支賣內除商人黃河等  
該支二十三萬二千七百五十引之外其餘九十八  
萬三千三十六引乞准招商分撥糧草不多倉場上  
納以備支用等因在卷一向未奉

關中奏議全集卷十

三六

×××

欽依明文臣查得成化二十一年間原開兩淮山東二運  
司并四川鹽課提舉司成化八年至十九年官鹽二  
百萬引降到勘合二百道彼時招納商人田斌等兩  
淮并四川提舉司鹽七十八萬四千二百一十四引  
填過勘合七十九道近該總制尙書才 奏稱已招  
商人黃河等該支鹽二十三萬二千七百五十引止  
是商人楊得山等納過糧料草束該支鹽一十二萬  
一千八百八十八引已填勘合一十三道前去兩淮  
運司支鹽訖其餘仍奉例停止通計前後二次中過  
鹽九十萬七千一百二引已填勘合九十二道未中  
殘鹽一百九萬二千八百九十八引見存勘合一百  
八道內除山東運司二十四萬九千四百六十八引

無人報中實有兩淮運司中剩成化十五十六十七十八等年分常股鹽八十四萬三千四百三十引俱係見存勘合未填之數竊惟邊方儲蓄以預爲先以多爲貴陝西延綏寧夏甘肅四鎮邊堡倉場糧料草束查得委多缺乏見今漢中之流賊未殄河西之虜未除賀蘭山後達賊不時窺伺近據走回人口說稱虜眾起營往東北去訖冬寒在邇悉其乘凍踏水入套甯夏邊境如是不能阻遏則陝西腹裏根本之地誠有可憂區於本年七月內已將十分緊急缺乏糧草緣由具

奏奉奉明文近又符據各該兵備巡守等官副史黃繡

關中奏議全集卷十

李七

又四十一

等查勘固原環慶靖虜蘭州一帶倉場或有糧無料無草或有料無草無糧或有草無糧無料或糧料草束俱無本處主兵支用尚且不敷倘若動調客兵將何支給與言及此可爲寒心陝西巡撫遠在漢中禁難內顧臣有地方之責豈敢坐視雖經節行布政司管糧分守等官督徵起運邊糧但各年拖欠糧草遇例停免止有該年夏秋稅糧數亦不多况地方人民彫敝倣徵急難完納欲發官銀招商易買緣各該司府州縣庫藏官銀多無積蓄又因先年招中糧草商人節奉事例或將已給銀兩追併減除或將已納糧草不行給價以致虧折資本怨聲載途即今雖欲招

之莫肯應命惟有前項殘監眾心樂趨告報者多中間亦有總制尙書才 明文招報運送糧草到倉俾止不得收受情詞激切尤爲可憫臣節經行令該司查理明白欲候奏

請明文至日方准報中但正在緊急缺乏之際若不趁今收成時月先令收買上納向後河凍報有聲息道路阻隔不能運送有誤供億已經照依前巡撫都御史柴昇批行事理行令兵備巡守等官報告將糧料草束商人逐一拘審分撥固原靖虜環慶蘭州及甯夏花馬池興武營等處缺乏倉場立限上納仍勘酌地方遠近險易年歲收成厚薄定與價值如蘭州等處

關中奏議全集卷十

李六

又四十二

糧依尙書才 原擬每一千引上納粟米四百石或碗豆六百石或穀草一萬束固原靖虜環慶等處地方稍近收成頗可各量爲增添花馬池興武營等處地方險遠腳價高貴量減其數責令各供認在官各行該倉照數收受明立卷簿收完扣算明白備造方冊開送布政司及兵備等衙門各收存備照各商給與該倉印信小票一紙令其執照待有明文至日如前鹽准令中納照依引鹽價值行仰該倉扣出賣收齋繳該司給與勘合前去支鹽若是不准招中就於官庫或於該倉查支官錢給還商價各通行去後令將查處過緣由備陳始末上貢

天聽伏望

聖明俯念邊事孔艱邊儲關係至重乞

勅戶部查議如是別無違碍具由上

請合無將前項中剩兩淮運司成化十五十六十七十八

等年常股殘鹽八十四萬三千四百三十引准令招

中行仰陝西布政司轉行各兵備巡守等官查原報

糧料草束商人如果上納完足行令該倉出給實收

齎繳該司填給勘合前去運司支鹽不盡之數仍招

商派撥延綏甯夏各缺乏倉場上納以濟目前邊儲

之急以慰三邊軍民之望如事有窒礙難以招中亦

乞降發官銀照依原擬糧料草束斗頭斤數時值給

關中奏議全集卷十

卷十

川三

還各商庶不再虧公家之信重失商人之心將來邊

方儲蓄猶有倚賴緣係查處邊儲事理未敢擅便為

此具本謹題請 旨

一為交收 符驗關防事

題為交收

符驗關防事據陝西都司署都指揮同知鄭廉呈抄蒙鎮

守甯夏地方都知監太監張弼案驗會同總兵官楊

英副總兵仇鉞議將開送

符驗關防卷簿及跟隨書辦吏典於正德五年九月十一

日眼同照依粘單內逐一暫且封收約束在官待新

任巡撫到彼徑自一同交送緣由回報到臣案查先

准吏兵二部并本院咨為缺官事照得巡撫甯夏地

方本院右副都御史馬炳然近節奉

欽依着他守制去吏部便推堪任巡撫的兩員來看欽此

欽遵該吏部會同兵部議得甯夏地方新遭變故雖

旋即事定而賀蘭山後尚多賊營撫禦正須得人右

都御史楊 見在彼處總督軍務合無行令暫在彼

處居住從宜加意撫恤其三邊軍機係干征調重事

仍聽節制待北虜流賊甯靖之後另行具

奏定奪等因題奉

聖旨是欽此欽遵備咨轉行前來除欽遵於本年九月初

一日前到甯夏駐劄行事外續准右副都御史馬炳

關中奏議全集卷十

卷十

川一

然咨送達字二百八十九號

符驗一道巡撫甯夏關防一顆臣暫且封收及將未完卷

簿接管施行問本年九月初八日續准吏部咨本年

八月十六日該司禮監太監溫祥傳奉

聖旨總制都御史楊一清南京太子少保吏部尚書梁儲

致任工部尚書李鏡各寫勅着馳驛來京吏部知道欽

此欽遵備咨前來除將原封收達字二百八十九號

符驗一道巡撫甯夏關防一顆劄仰都指揮鄭廉轉送鎮

守甯夏地方太監張弼暫且收貯待新任巡撫至日

徑自交送去後今據前因除欽遵候

勅旨至日馳驛赴京外緣係交收

符驗關防事理爲此具本謹具題 知

一爲謝 恩事

奏爲謝

恩事據陝西布政司呈正德五年九月初九日抄蒙鎮守

陝西等處地方司設監太監王興案驗爲傳奉事奉

同禮監印信揭帖本年八月十六日本監太監魏彬

等於

乾清宮欽奉

聖旨賞差往甯夏等處勦殺賊寇回還提督軍務都察院

右都御史一員楊一清銀五十兩紵絲四表裏內大紅

氈金胸背獅豸一表裏羊一隻酒十瓶該衙門知道欽

關中奏議全集卷十

三

此欽遵本監將奉到

旨意事理備云前去陝西鎮巡并三司等官太監王興等

欽遵給散施行等因轉呈到臣除將

欽賜銀兩表裏羊酒等物望

關叩頭領受外伏念臣曩因謝病休致家居近者蒙

恩起用奉

勅征勦甯夏賊寇兼程前來彼時邊將宣力元惡授首其

後擒獲逆黨撫安地方皆總督太監張永之功臣不

過隨同行事據實奏報而已曾無尺寸之勞願荷

蕃之

賜榮非意及感與懼并金幣輝煌侈書生之服用牲醴

飽頌餘惠於官兵茲蓋

皇上天地涵育

造化生成欲示勸於眾人不吝賞於片善踴躍之

恩無補過分之

寵奚堪矢竭螻蟻之微忱用答

乾坤之大德臣不勝瞻仰感戴激切屏營之至緣係謝

恩事理爲此具本謹具奏 聞

一爲推訪將材以備任用事

題爲推訪將材以備任用事臣自先年督理馬政巡撫

總制俱在陝西地方近又蒙

恩起用仍總制陝西各路邊務竊念禦戎爲今日所急選

關中奏議全集卷十

三

川上

將爲戎政所先故於陝西延綏甯夏甘涼四鎮大小

軍武官員頗嘗留心推訪即其行事兼察其用心驗

其器識兼考其材藝雖人材難得未免得此而失彼

然使人以器自當舍短而求長况當

朝廷一新政令之秋正臣下以人事

君之日苟有所知安敢隱默除見任主副將官及曾經臣

論薦者不開外竊見分守甯夏西路地方左叅將都

指揮僉事馮禎器識雄偉號令嚴肅陝西都司掌印

新任四川叅將署都指揮僉事楊宏文武具備材節

兼優是二人者皆可備西北大將之選馮禎久滯邊

裨似不盡其用楊宏近擢川將似用違其材甘肅遊

擊將軍都指揮命事吳英延綏遊擊將軍都指揮僉  
事時源俱有摧鋒陷堅之勇三邊戰將號為出色延  
殺各堡把總都指揮僉事閻勳高時彭械鄭驃指揮  
使安國甯夏都指揮同知陳珣鄭廉陝西先任遊擊  
將軍今緣事復職署都指揮僉事張鎬守備岷州署  
都指揮僉事趙文西安後衛指揮使施傑西安前衛  
指揮同知蔣存禮是數人者俱各閑於弓馬熟於戎  
陣事體頗皆疏通行檢亦無所失用之陝西各鎮大  
可以備偏裨之選小可以克守備之任或戰或守俱  
無不宜其餘堪任將領者固多臣未深知不敢監舉  
如蒙乞

關中奏議全集卷十

七

八〇八

勅該部再行訪察遇有相應員缺將各官量材擢用其於  
陝西三邊軍務必有益緣係推訪將材以備任用  
事理未敢擅便為此具本謹題請 旨

一為薦舉賢能官員事

題為薦舉賢能官員事臣切見陝西布政司左布政使  
燕忠心知嚮正自有執守為御史風采素聞司馬政  
勤能匪懈比遷藩臬正官益自操持不怠當權好剴  
瑾氣燄薰灼之時猶無附麗干謁臣比緣查處邊儲  
本官盡心區畫事有條理委係賢勞相應薦舉其餘  
布按二司官員雖有才能臣職在軍旅未經委用試  
驗不敢泛陳乞

勅吏部再為詢訪如果臣言不謬待有相應員缺將燕忠  
早擢任用庶使方面臣僚有所激勸與起緣係薦舉  
賢能官員事理未敢擅便為此具本謹題請 旨  
一為陳情乞 恩辭免 欽取陞任容令休致事  
奏為陳情乞

恩辭免

欽取陞任容令休致事正德五年九月十九日該固原衛  
指揮符深齋捧節該欽奉

勅先因西邊有事特起爾總制軍務今地方已甯勅至爾  
即馳驛來京毋得稽遲故勅欽此欽遵於本月二十二  
日起程外本月二十八日准吏部咨為缺官事該本

關中奏議全集卷十

七

八〇九

部等衙門題照例會推得臣等堪任戶部尚書等因  
具題節該奉

聖旨楊一清陞戶部尚書欽此欽遵備咨到臣

綸音渙召既承馳驛之榮金部需才復玷尚書之選便著  
有

命局踣無容臣稟賦素薄血氣早衰往年因病休官幾莫  
逃於法網比者聞變強起幸適會夫成功自到甯夏  
以來苦於馳驅疲於案牘目疾屢作痰氣時攻已於  
本年九月初一日備將衰病不能供職緣由具本陳  
情乞歸休致方屏營而候

命忽

微拜以蒙

恩益深覆餗之憂重切臨淵之懼伏念

君命所召不敢稽違兼程前進行至河南懷慶衛輝等處

地方加以風熱之侵舊疾轉甚心神怔忡頭目暈眩

胸腹脹悶臍膈滑泄沿途服藥未見痊可自揣孱病

之軀終非

朝坐之器竊思戶部掌人民財賦政務浩繁

國家元氣所係必得疏通精練之才乃能負荷豈臣迂

腐衰德之人所克勝哉雖欲効陳力就列之忠恐難

逃曠職素冷之請况當

朝廷一新政令之時正陛下奮庸熙事之日四海之內

關中奏議全集卷十

十五

孰不延頸跂足以望太平臣非草木安忍自棄願省

躬度分以筋力則不勝以才能則不稱夙夜兢惕不

知所處且今賢俊林立隨取隨足不患乏材而可徒

重秩猥及不肖臣猶自駭人將謂何恐傷

知人之明以為

新政之累此臣所以赧顏疚心而不能自安者也伏

望

聖慈收回

成命俯從前懇容臣以舊官放回休致俾得調養病軀俾

伏林下以全餘年則仰冀

天地生成之德又出於尋常萬萬矣臣瞻望

闕廷不勝激切除扶病在途恭候

允命外緣係陳情辭免

恩命放回休致事理為此具本謹具奏

聞伏候 勅旨

一為患病事

奏為患病事臣比在甯夏總制邊務奉

勅行取馳驛來京行至中途舊患痰疾舉發時作眩暈後

又感冒風寒咳嗽喘逆心腹不甯筋經具本陳情放

回休致未蒙

俞允臣感

恩益切不敢稽留扶病前來本月初四日到於京城宣武

關中奏議全集卷十

美

門外欲便進城報名朝

見緣前患欬嗽眩暈等疾俱未全可誠恐趨走跪拜之間

致有失儀不便臣是以昧死上陳伏望

聖恩容臣暫在門外延醫用藥調治前病痊可之日朝

見庶得微軀保全誓當鞠躬盡節以報

陛下天地生成之德緣係

欽取官員未敢擅便為此具本謹具奏

聞伏候 勅旨

一為懇乞 天恩辭免加官陞任事

奏為懇乞

天恩辭免加官陞任事臣比者奉



命征勦甯夏賊寇總制邊務本年九月十九日奉

勅行取馳驛來京欽遵起程聞又蒙

聖恩陞任戶部尚書初甯夏事平且即將衰病不能供職

緣由具本陳乞休致及奉行取陞職中途感患風熱

痰嗽眩暈等病又經具本辭免俱未蒙

俞允續該兵部題為捷音事節該奉

欽依提督軍務都御史楊協同擒獲撫定地方功勳茂

著加太子少保尚書仍舊賞銀五十兩紵絲五表裏欽

此臣病中間此感

恩益切不敢留滯扶病前來到於京城宣武門外請醫調

治瞻望

關中奏議全集卷十

三七

川名

閉廷咫尺不能朝

見內自警惕寢食不甯伏念尚書乃今日文臣之極致戶

部實

國家元氣之所關如臣庸愚誤蒙

簡任分量固已踰越盛滿實難勝職夫謂避之私益重

貪榮之愧若甯夏之事臣未至地方邊將宜力元兇

授首其後擒獲逆黨撫安軍民功皆常事實無異能

金帛之

賜已為過分官秩之加豈所敢當且

官保位望隆重本非賞功之官而臣因人成事又無功

能可錄書曰德懋懋官功懋懋賞臣德不稱官恐貽

負乘之錯無功受賞徒增淵谷之危况犬馬之年漸

老蒲柳之質易衰縱使前病暫痊強顏班列而精力

不健豈復能有所建立是以不避斧鉞昧死懇陳伏

望

聖慈察臣誠款收回太子少保尚書

成命容臣仍以舊官放回休致不勝感戴

天恩之至緣係辭免加官陞任事理為此具本謹具奏

聞伏候

勅旨

關中奏議全集卷之十終

關中奏議全集卷十

三七

川名

關中奏議全集卷之十一

提督類

一為老病衰殘乞 恩辭免

致仕少傅兼太子太傅吏部尚書

臣楊一清謹奏為老病衰殘乞 恩辭免

新命事嘉靖四年正月二十四日該兵部差千戶陳璽賚

公文一角內准兵部咨為設總制以圖兩全事該本

部等衙門會題該兵科都給事中鄭自壁等題前事

兵部議擬題奉

欽依准設陝西提督軍務官員會官推舉得臣及致仕兵

部尚書彭澤服闋新建伯兼南京兵部尚書王守仁

關中奏議全集卷十一

堪任奉

欽依是楊一清改兵部尚書兼都察院左都御史少傅兼

太子太傅仍舊着提督陝西二邊等處軍務寫勅并

符驗旗牌關防都給與他着上驛前去欽此欽遵備

咨到臣聞

命驚懼不知所為力疾強起望

關叩

謝外仰惟

皇上以上聖之資光臨

大寶萬方仰德四夷向風天下臣民凡抱一長狹一藝者

皆思自效臣荷

累朝作養登用

皇上嗣統之初卽降

勅存問

褒贈上延先世廕錄下逮子孫

天地之恩至深至厚夫豺獮微物尚知報本臣雖主愚豈

不思效涓埃之力以圖報稱絲舊患目疾老而增劇

致仕以來又越十年今年七十二歲昏眊轉甚咫尺

之地不能辨人面目舉筆作字點畫不分又兼痰火

上攻時作眩暈足膝痿弱舉動須人攙扶前年秋冬

惑患瘡疾數月方得稍痊自是精神頓減血氣益耗

兩耳聾聽髮枯齒脫眾目所覩不敢自誣切思人臣

關中奏議全集卷十一

任事必有精力而後可以有為况軍旅事重臣奄奄

喘息之人豈能辨此心雖不敢自棄力實不能自強

且言官論薦

廷臣會舉止知臣昔年久任關陝粗有奔走之勞不知

臣今老病衰弱大非前時之比臣不自言恐致誤

國大事萬死何贖及聞甘肅地方近被回賊侵擾仰賴

聖武布昭委任重臣舉兵征討醜類畏威遠遁延甯等處

未聞有警彼邊境常寇各鎮守自能捍禦倘以權不

歸一須設總理官員則賢俊滿

朝堪當是任者必多其人臣之衰朽豈宜濫及臣是以

昧死上陳伏望

聖慈早收

成命 勅下該部別推相應官員委用容臣照舊致仕以

終殘喘則自今以後未死之年皆

皇上之賜也臣不勝戰兢隕越懇切願望之至緣係老病

衰殘乞

恩辭免

新命事理為此具本順差鎮江衛舍人茅祖賈捧謹具奏

聞伏候

勅旨

嘉靖四年二月十二日奉

聖旨卿

關中奏議全集卷十一

三

川〇〇

累朝耆俊聞望素隆投閒有年屢經論薦特茲起用付以

全陝委任甚重豈可引老辭避况虜方在套邊患可

慮卿嘗以體國自許諒不在趙充國馬援之下宜兼

程前去督率文武將吏調度兵糧攘外安內以紓朕

西顧之憂再不必辭吏部知道

一為再陳懇悃乞容照舊休致事

致仕少傅兼太子太傅吏部尚書 武英殿大學士

楊一清奏嘉靖四年二月初八日該兵部差官賈捧

勅諭一道符驗一道旗牌十面副關防一顆片

欽賜白金五十兩綵幣四表裏到臣方患疾嗽強起扶病

迎接望

關叩頭領受外伏念臣先於本年正月二十四日准兵部

咨該兵部等衙門會題節該奉

欽依是楊一清改兵部尚書兼都察院左都御史少傅兼

太子太傅仍舊着提督陝西三邊等處軍務欽此臣

自度老病衰殘不能供職具疏辭免乞容照舊休致

俞允未頒

渥恩復降伏讀

制詞有曰卿昔在

先朝簡居秘閣任重望隆固宜出入禁闈謀謨廟堂軍旅

之事若非可以勞卿者然古昔大臣若周之尹吉甫

方叔召虎唐之裴度郭子儀宋之韓琦范仲淹皆出

關中奏議全集卷十一

四

川〇〇

將入相茂建勳績為社稷之臣國有賴焉卿以古名

臣自待忠義自許諒不以內外勞逸為輕重也欽此

絲綸春溫金幣霞爛責以

君臣之大義論以出入之均勞感極而悲繼之以泣切惟

君召行不俟駕乃聖門之明訓

君言不宿於家亦人臣之常職臣本庸劣

陛下起之於病廢之餘付之以節鉞之重分當即時戒行

豈敢固為辭讓况臣歷官以來在外之日多立

朝之日少謀謨

廊廟匪臣所堪經營四方實臣素志若重內輕外好逸

惡勞臣雖至愚決所不敢仰承

聖諭媿懼交并續准兵部咨為傳奉事節奉

欽依陝西三邊見今有事提督軍務楊一清着彼處巡撫

都御史卽其家敦遣務要上緊前去節制調度不必

辭兵部知道欽此又准兵部咨為虜中走回男子供

報大賊入套整飭邊備以防虜患事該本部題節該奉

欽依是這虜賊大衆入套其情叵測便馬上差官賚文着

陝西延甯鎮巡官務要嚴督各該副叅遊擊守備等

官加謹隄備遇有警報協力遏阻相機剿逐不許因

循玩忽自分彼此致失事機新推提督三邊軍務官

着上緊前去節制調遣欽此欽遵節行到臣伏觀

天語丁寧知三邊虜患上軫

關中奏議全集卷十一

五

川文上

聖輿當地方多事之秋非臣子辭勞之日自當力疾就道

但年過七十精力既不如前智慮亦非昔比其最苦

者兩目昏惰赤澁見風日則涕淚交流閱文字而點

畫不辨縱令勉強到彼終恐無益邊防及思前次陳

情之疏未奉

明旨恐致稽誤不容自默伏望

聖慈察臣先後辭免實情別求精健練達之臣往當提督

軍務之任容臣照舊致仕豈徒保全愚臣殘生亦且

不誤邊防大計臣不勝懇悃激切為此具本差鎮江

衛舍人楚淵賚捧謹具奏

聞伏候

勅旨

奉

聖旨卿才猷練達精力尙健既有經營四方之志提督重

任當為國驅勉一行不必再辭兵部還差聽事一員

前去沿途催促着上緊去該衙門知道欽此

一為謝 恩事

欽差提督陝西三邊軍務左都御史楊一清謹奏為謝

恩事臣先任少傅兼太子太傅吏部尙書

武英殿大學士致仕家居嘉靖四年正月二十四日准

兵部咨該本部題奉

欽依准設陝西提督軍務官員會官推舉得臣等堪任奉

關中奏議全集卷十一

六

川文上

聖旨是楊一清改兵部尙書兼都察院左都御史少傅兼

太子太傅仍舊着提督陝西三邊等處軍務寫勅并

符驗旗牌關防都給與他着上緊前去欽此欽遵備

咨到臣自度老病衰殘不能負荷具本辭免隨該兵

部賚送

勅諭

符驗旗牌關防并

欽賞銀五十兩紵絲四表裏到臣又該巡撫都御史吳廷

舉受

命卽臣家敦遣啟行臣感激奮發卽欲就道奈見患目疾

并痰嗽未愈恐誤邊防大計又經具本懇辭一面於

三月初七日扶病啟行沿途服藥調理俟

命近日得報知先後解本俱不蒙

俞允又聞邊方有警不敢再為辭避兼程前進於四月初

一日到於陝西地方欽遵行事外謹具本稱

謝者伏以

聖武布昭每軫懷於邊徼

皇仁徧覆尤篤念夫舊臣起廢退之人治軍旅之事以保

傳之重督邊閫之師稽古昔而有聞在

今日為創見莫遂循牆之

請徒增臨谷之危恭惟

皇上代

關中奏議全集卷十一

七

天撫世應運特生承

眷命奄有萬方如帝堯之乃聖乃神乃文乃武起

宗藩入繼

大統邁王季之克明克類克長克君

乾轉坤旋固羣生於嘉靖春生秋肅舉一世而甄陶臣

章句迂儒蓬蒿未質自垂髫以至白首遭際

累朝由近侍以至孤卿踐登極品固嘗授鉞未成安攘之

功承乏代言豈有論思之益既遂休閑之願偷安林

壑之身樂與齊民共歌

新化病驥不堪於服乘腐草無意於回春

皇上念其往勞早塵

存問之使采之公議付以節鎮之權周王不遺壽考之

仁何以加諸虞舜樂取人善之公茲馬大矣且

溫綸褒論直欲期之古人

寵賚便蕃又已超夫常格既懇思而不獲當力疾以徂征

誓竭庸虛少酬

知遇顧人非三代何敢希方叔召虎之謀猷業本書生亦

勉效韓琦仲淹之經畧但世平易玩法久漸墮政習

於因循人安於偷惰不大改絃轍無以作新士氣不

力任怨怒無以奮起事功又恐居內地之安或罔念

邊疆之苦持文墨之論不暇謀兵革之難任耳易至

於傳訛浮言每興於所忌伏望

關中奏議全集卷十一

八

宸衷獨斷

廟議協心將委任而責之成必

聽納而求其實若虛應故事如

聖慮之所及則自貽厚責在

國法以何逃待虜患稍甯地方無事願遂乞骸之

請以終垂盡之年臣無任瞻戀感戴懇悃激切之至緣係

謝

恩事理為此專差指揮魏傑賚捧謹具奏 聞

嘉靖四年五月三十日奉

聖旨卿具疏陳謝足見忠愛閩外之事宜竭誠展布務臻

實效以副委任該部知道

一為軍務事

題為軍務事臣奉

勅提督陝西二邊等處軍務欽此欽遵外案照先准兵部

咨該本部題為設總制以圖兩全事內開跟隨書掾

頭目家人聽從選帶仍具奏

聞節該奉

欽依是欽此欽遵備咨到臣除頭目另行外為照臣一到

陝西地方即該題

奏各項事情及發屬文移浩繁緣未奏討書掾缺人書

寫訪得直隸礪江府丹徒縣省祭官任漢本府兩考

役滿吏李崇俱各寫字端楷詣贖行移已經行令該

關中奏議全集卷十一

九 川

府開送跟隨前來書辦及思臣年老多病近又感患

疾嗽日久未愈扶病前來供職誠恐西土之人風氣

不同用藥亦異難以收效選帶鎮江府醫士錢汝儉

跟隨軍門調治臣疾及又思得三邊地方險遠必多

得親信家人跟隨使用內將二名照例支給口糧其

餘俱於臣廩給內食用不支口糧緣係該部題奉

欽依聽從選帶事理為此謹具題 知

一為急處邊儲以防虜患以安地方事

題為急處邊儲以防虜患以安地方事准巡撫陝西地

方都察院右副都御史王蓋揭帖准戶部咨該本部

題為虜中走回男子供報大賊入套整飭邊備以防

虜患事該陝西鎮巡等官題前事奉

聖旨該部看了來說欽此欽遵抄出送司覆奏問隨據委

官署郎中胡宗明呈為回賊擁眾入境圍困城堡事

通查案呈到部看得巡撫陝西都御史王蓋并鎮守

太監晏宏會題開稱本鎮固靖環蘭等處大虜入套

誠恐動調兵馬錢糧缺之乞要再添部屬官一員多

帶

內帑銀兩并開中淮浙各運司引鹽前來固原等處或

委官分投羅買或召商報納糧料草束專備客兵人

馬支用一節誠為思患預防至意但固原等處一用

軍餉原係陝西所屬州縣起運糧草并本處一所屯

關中奏議全集卷十一

十 十

糧供給若所司官員果能及時催徵依限完納一歲

之徵自足一歲之用此係地近腹裏自來無有年例

銀兩先該巡撫等官連章具奏糧餉不足本部屢次

題

准給發銀鹽并總制衙門及部委郎中奏帶銀兩分派陝

西一鎮三年之間共計五十七萬一千八百餘兩比

之延甯等邊有年例之處其數加倍况固原等處先

年奏報虜寇出沒聲勢雖大然一時搶掠即回軍馬

不會久駐錢糧不至多費况近日運去軍前鹽銀雖

稱七萬二千六百餘兩內止解去甘涼一萬六千餘

兩其餘五萬六千餘兩俱在蘭州等處買辦糧草預

備客兵支用不久大軍掣回錢糧尙多見在卽令虜賊在套如或調兵就堪支用但恐客兵數多一時供億不繼相應計處查得甘肅一鎮近已分發銀一十四萬兩前去比來邊情已甯前銀足勾支給所擬署卽中胡宗明開報淮浙等運司鹽課共二十萬引可以不必分撥該鎮况今近在鎮城商人情願增價相應准呈爲今之計部官不必再差合無候

命下之日本部劄付先差署卽中胡宗明就留陝西督理固原等處軍餉卽將原開嘉靖三年分各運司額鹽兩准一十萬引每引原定價銀伍錢今每引加銀二錢共銀七萬兩兩浙五萬引每引原定價銀三錢二

關中奏議全集卷十一  
十二  
X八文

分今每引加銀一錢共銀二萬一千兩山東小引鹽五萬引每引原定價銀一錢五分今每引加銀五分共銀一萬兩通共該鹽銀一十萬一千兩會同巡撫都御史王蓋坐委能幹官員查照緊關城堡分投召商上納本色糧料草束另項收貯專備客兵支用一面查出陝西布政司貯庫前巡撫都御史王珥奏開鹽價銀二十二萬四千九百九十八兩除提督尙書金獻民發去甘肅七萬二千餘兩尙餘一十五萬兩一體糴買糧料接濟或折色相兼放支一面催併所屬州縣將起運固原環慶等處邊糧并彼處衛所該徵屯糧上緊追完立限差人速解原定倉庫交納以

備急用萬一前賊深入兵馬調多經費不繼聽提督大臣到彼相機議處另行具奏定奪等因題奉

聖旨是陝西固原等處軍餉就留胡宗明在彼督理動支各項銀兩糴買糧料都依擬務要上納緊關城堡不許堆積無用處所有誤支給欽此欽遵合咨前去煩照本部題奉

欽依內事理欽遵施行准此除行陝西布政司轉行守巡管糧等官催徵未完錢糧及行胡宗明查照施行外合將該部咨到緣由開具揭帖行來隨據委官署卽中胡宗明亦呈前事臣近到陝西省城閱視城操巡邊備冬各枝人馬原額數目雖多中間逃故缺伍去

關中奏議全集卷十一  
十三  
X三三

之三四其見存者身無完衣軍器缺壞馬匹瘦損飢寒困苦之狀見於顏面較之臣先年巡撫總制之時迥然不同詢其所以皆云近年以來月糧缺少有至一二年之上全無支給者又被先該鎮守官廖鐘等指以進貢爲由侵尅欵派痛苦入骨近雖釐革安靜巡撫衙門按月放支每石亦止給銀三錢不敷食用已往年月無從補給以此彫傷之人元氣未復及節據固原環慶等處公差人員稟訴各稱沿邊一帶城堡糧料草束俱無蓄積有亦不多不勾其應主兵倘若添調客兵將何支給及訪得前項邊方官軍月糧欠缺亦多應賞冬衣布花經年不給彫傷困苦此



之省城尤甚近查得提督尙書金獻民奏內據陝西按察司固原兵備副使成文分巡關西道僉事鍾錫會呈內開欠少本鎮官軍月糧二十三萬每每告討無從補給卽此一處他處可知切惟克敵必資乎兵養兵必資乎糧軍食不充則軍氣不揚何以克敵制勝且沿邊官軍比之腹裏勞逸相懸平居家有父母妻子之累身無飽食煖衣之樂一旦遇警驅之以盡死力顧不難哉近年各邊失事官軍不能奮勇力戰甚或因而生變實由於此近據延綏守臣奏稱入套之賊數多臣切緣此賊因是節年搶掠得利篋我無能入寇之謀恐所不免縱使夏間無事秋冬難保不

關中奏議全集卷十一

十三

又上

來今年無事明年難保不來則必須動調客兵截遏今倉場糧草在在缺乏有地方之責者不得不憂所以陝西鎮巡等官都御史王蓋等奏要添差部屬官一員多帶

內帑銀兩並開中淮浙各運司引鹽星夜前來固原等處或委官分投糴買或召商報納糧料草束運赴緊要城堡收貯專備調客兵人馬支用情辭懇切蓋不得已而提督尙書金獻民奏內又復論及蓋亦親到地方目擊其狀故以爲言節該戶部題奉欽依就留原差郎中胡宗明督理固原等處軍餉然亦止是將原開嘉靖二年分各運司額鹽兩淮一十萬引

兩浙五萬引山東小引鹽五萬引加銀召納約有一十萬一千兩之數及先年都御史王珥奏開鹽價銀除已支外見存一十五萬兩糴買收支終恐數少不敷且陝西一鎮固原環慶靖虜蘭州乃總會要害之處固原所轄則有黑水鎮戎平虜紅古板井彭陽等城西安州海刺都等營環慶則有走馬川青平山城甜水等城堡靖虜蘭州則有乾鹽池打刺赤一條城十字川西古城積積灘等堡處處可以通賊況黠虜多遣奸細入境探我道路知我虛實聲東擊西多窺我之無備倏來倏去每乘我之所忽故要害去處固當多積而僻小城堡亦難全虛不止供給按伏主兵

關中奏議全集卷十一

十四

又上

又欲支用經過人馬夫以前項二十五萬餘兩之資而欲分應數十城堡之備委有不敷况前擬引鹽山東小引五萬引自來無人肯報縱欲抑勒均搭給與必須淮浙二處稍有餘利以淮浙之有餘補山東之不足庶其肯從今據陝西布政司官稟稱固原召報糧料草束商人爲因加銀數多地方薄收俱各空面不肯報中若在該司納銀固其所願但沿邊正恐糧草無積有悞供餉若俱令納銀運送前去遇有緊急銀不可食何以爲處臣查得陝西各鎮自來處處邊儲不過曰空運曰召商曰糴買三者而已宏治十三年間大虜在套動調京軍

欽差該部大臣督理軍儲空運腹裏州縣糧草累民陪補  
至於破產鬻兒今日斷不可行况腹裏空虛亦自無  
糧可容惟有召商糴買二事可行銀買雖若簡易緣  
地方時值道理遠近不同計算脚程多致未諭其本  
若分派州縣倉報人戶糴買未免累民暗賄陰補而  
官吏里書放富拘貧侵尅抵換之弊又不能無省費  
於官然怨於民亦非至計揆今事勢不得不然惟有  
召商報中似爲得策客商射利雖小必趨官府儲糧  
小費何吝故在客商增一分之價則官司有一分之  
益但須革弊攬賣窩之弊豈可廢從古非糧之法又  
聞之道路近年官司召商多至失信或所召價多所  
給則少或召納已完又復追價致令虧折資本怨聲  
載道以此各邊開中糧草多不肯報納率是已往倘  
有重大賊情路途阻塞車脚不通召中糴買兩無所  
措雖有智者不能善其後矣及又思得蘭州密邇河  
西亦卜刺殘賊竊伏西海萬一糾引番賊侵掠我河  
洮臨鞏等處此腹心之疾尤當嚴防不止河套之賊  
爲當備也及照甘肅地方近被回賊蹂躪人馬已極  
困敝雖蒙發去銀一十四萬兩然分派一十五衛所  
大小城堡數多百孔千瘡難以兼濟至於延緩官軍  
素稱勇悍各邊調發應援多得其力近年亦復疲敝  
之甚其官軍多臣舊所統轄每進見詢問輒以糧賞

關中奏議全集卷十一

十五

八  
六  
川

不足爲辭貧苦之訴如出一口臣謂此鎮官軍尤當  
懷之以恩養其銳氣庶幾緩急可倚若甯夏遠在河  
外賀蘭山後賊人不時出沒而花馬池與武營靈州  
一帶又套賊侵犯腹裏必由之路屯兵積糧俱不可  
緩陝西巡撫專爲固原等處議奏而臣則有提督三  
邊之責休戚相關事體一同不敢顧此失彼以貽後  
艱欲待通查四鎮見在錢糧多寡數目明白方纔論  
奏恐蹈後時之愆將貽噬臍之悔查得宏治十八年間  
爲因河套有警

孝宗皇帝特差戶部侍郎顧佐帶領本部郎中呂賢陳策  
前來陝西督理邊儲奏

關中奏議全集卷十一

十六

八  
六  
川

淮開中淮浙河東運司鹽課一百萬引運送折糧等項銀  
三十萬兩舉行冠帶等項事例續該臣接管巡撫陝  
西因見前項銀鹽侍郎顧佐俱發延甯甘肅三鎮陝  
西止得銀五萬兩不敷當卽議奏尙書韓文等覆題  
以爲邊防積蓄以預爲先以多爲貴若趁今盜賊遠  
遁年歲頗收不先事廣積倘或緊急將何爲備依擬  
又開兩淮鹽二十五萬引兩浙長蘆四川鹽二十五  
萬引共鹽五十萬引聽臣定立斗頭召商糴買若有  
不足再查靈州并西漳二縣變賣鹽課銀兩一併召  
買務使緩急有備節該奉  
欽依是務要處置停當邊儲充實毋致臨期缺乏欽此欽

遵行來臣卽時督令兵備等官高崇熙燕忠等召報  
繹買兼行叅以奏開事例固靖環蘭一帶延甯甘肅  
三邊俱頗有積蓄自正德元年至正德四年俱得其  
用正德五年臣起廢西征查得各邊糧草仍前缺乏  
又卽議奏該部題奉

武宗皇帝欽依差戶部侍郎叢蘭帶領主事程鵬常道袁  
經三員前來整理三邊之人皆仰賴  
先朝留神邊事前該大臣實心體

國如此今錢糧缺乏比前加甚而虜賊驕橫亦非前比  
臣不先事極言他日債事貽患臣之一身固不足惜  
如地方何及照原差郎中胡宗明委有才力足堪付

關中奏議全集卷十一

七

川三

託但今患病是實已經奏乞回家調治似難久留除  
將陝西所屬州縣起運各邊糧草并衛所該徵屯糧  
督令分守管糧管屯都布按三司官嚴限追併完足  
解赴原定倉庫交納及別項議處事宜另行具

奏外伏望

皇上念邊事之至重溥大賚之

仁恩乞

勅戶部議處合無深體先年該部議奏邊方積蓄以預爲  
先以多爲貴之意將嘉靖三年兩淮兩浙等運司開  
剩鹽引并嘉靖四年課鹽共開與一百萬引及再運  
送官銀五十萬兩仍照先年事例

特命戶部堂上官一員帶領屬官二三員前來督理四鎮

糧儲大要十分爲率陝西固原等處須得四分延甯  
甘肅三鎮共得六分不拘召商繹買隨宜處置十半  
務收本色以供客兵支費一半量收折色以備主兵  
折放其召報本色酌量地方遠近年歲豐歉定與斗  
頭斤數使人樂從若再不敷聽臣將陝西司府官庫  
各項銀兩陸續酌量動支行委布按三司公廉官員  
趁時召糴務令邊倉各有二三年之積庶使愚臣得  
以悉心規畫邊務遇警節制調遣勦殺賊寇以安地  
方臣本衰病廢棄之人誤蒙

陛下采之眾論付以重權若因陋就簡諒亦無難投閑置

關中奏議全集卷十一

六

川三

散亦其素分但念受

恩深重自當爲

國遠圖尙蒙

采而行之邊方幸甚愚臣幸甚緣係急處邊儲以防虜患

以安地方事理未敢擅便爲此具本專差承差馬廷

璋親賁謹題請 旨

一爲整理邊務以備虜患事

題爲整理邊務以備虜患事准兵部咨該提督陝西延  
綏甯夏甘肅等處軍務兵部尚書兼都察院右都御  
史金獻民題前事內一件議處兵部准巡撫陝西等  
處地方都察院右副都御史王蓋揭帖據陝西按察

司整飭固原等處兵備副使成文整飭鳳翔等處兵備兼分巡關西道僉事鍾錫會呈等因臣惟禦虜以兵馬爲先以糧草爲急固原一鎮爲三邊喉襟要衝之所其總兵官所領官軍見在不過五百員名守備官見在不過六百員名兵馬之寡弱也甚矣倉卒有警委難支持訪得北虜自宏治十四年大舉入寇得利而歸每每深入搶掠必由固原各該將領累因兵馬數少不過嬰城自守任其出入以此地方多被殘破人畜多被殺虜見今虜賊擁眾入套侵犯之舉又在旦夕若止照往年故事未免復遭荼毒各官所呈相應議處合無將總兵官部下除見在官軍外再於

關中奏議全集卷十一  
十九  
X X 文

各城堡各衛禦冬防守官軍內選摘精壯二千三百員名共轄三千員名總兵官統領防守官軍仍照例每年十月初一日依期赴操二月河開無事放回有警留住本城支與行糧與見在官軍如法操練預備截殺守備官部下除見在官軍與今擬各城堡挑選共二千員名外未及之數照例懸賞於有丁人戶內召募一千名亦轄三千之數將守備改爲叅將名色統領殺賊仍聽總兵官調度該用馬匹就於茶馬并苑馬寺給領或行太僕寺收貯官價支買召募銀兩於司府官庫查有無碍銀兩動支庶兵馬充足緩急有備等因題奉

聖旨該部知道欽此欽遵該兵部議得固原地方平坦可以馳驟虜賊搶掠多由此入陝西腹裏州縣連歲被害實由本處兵糧不足難以防守合無依其所擬將各城堡各衛禦冬防守官軍內選擇精壯二千三百員名連見在七百名共轄三千名聽總兵官統領其防守官軍上班放回并支給行糧悉如舊規其守備官部下除見在并各城堡挑選官軍二千員名外許於各項軍民丁多戶內召募一千名共轄三千之數就將守備改爲叅將統領聽調殺賊該用馬匹就於茶馬并苑馬寺給領如不足用許於太僕寺收貯官價支買召募銀兩於官庫動支俱各相應但事關地方軍務仍咨行提督尙書楊一清再加議處具奏施行等因具題節該奉

關中奏議全集卷十一  
二十  
X X 文

聖旨固原守備照舊其餘准擬欽此欽遵備吞到臣切惟固原爲陝西喉襟要害之地地里平漫無險可據通賊去處甚多自宏治十四年以來套賊擁眾深入延甯地方不能捍禦馳驟長驅兩日夜可至固原分散醜類靜甯隆德會甯安定一帶州縣俱被剽掠直抵鞏昌秦州地方近年又侵過平涼蹂踐我涇邠等州縣得利而歸不曾遭挫將來鳳翔西安內郡安保不遭毒害臣先年巡撫之時奏將陝西鎮守總兵移在固原常川往劄意正在此但所統官軍與守備官部

下官軍俱不及千數委的數少難以出戰只得嬰城坐守甘受畏縮之罪今提督尙書金獻民要將總兵官部下除見在七百員名外再於各城堡各衛禦冬防守官軍內選摘精壯二千三百員名共轆三千員名總兵官統領守備官部下除見在外今擬增糧并各城堡挑選共二千員名外未及之數照例懸賞於有丁人戶內招募一千名亦轆三千之數統領殺賊仍聽總兵官調度該用馬匹就於茶馬并苑馬寺給領或行太僕寺收貯官價支買招募銀兩於司府官庫查有無碍銀兩動支誠爲安邊禦虜至計除依擬行令嚴加挑選聽各官統領以助兵勢外至於懸賞

關中奏議全集卷十一



三

召募一節尤爲得策今日之務似難舍此查得宏治十八年間臣爲巡撫准兵部咨爲預防虜患事該本部題看得往年達賊河開之後俱各在套卽今虜情非常事勢難料若果在套潛住未免肆意侵掠爲患不已陝西一帶歲遭大歉民財已窮合用軍馬除本省三邊之外別處客兵決難輟動况彼處土人生長邊方材力勇勁便於戰鬪若欲鼓舞用命必須激之以利故云重賞之下必有勇夫合無本部於太僕寺寄收馬價銀兩借支五萬兩差官賚送陝西布政司收貯聽都御史楊一清支用或隨勢給賞得用官軍或懸利召募本處土人務使精壯之民皆占行伍之

籍勇敢之士悉爲麾下之兵凡可以激勵各項之人殺賊以取功利者悉聽從宜處置必能得其樂於用命振揚軍威以禦虜寇不可坐委貪刻官員託故以召募爲名用強逼勒致失人心若後達賊出套前項銀兩聽其收買戰馬給軍騎操不許別項支用等因題奉

聖旨是欽此欽遵隨該太僕寺丞楊信解送銀伍萬兩到於陝西布政司收庫臣於正德元年二年間賞軍招募等項陸續止用過銀一萬五百餘兩比臣奏

准回還原籍養病其餘銀三萬九千四百餘兩俱在布政司并平涼慶陽二府寄庫待接管官員支銷及咨兵

關中奏議全集卷十一



三

部并陝西巡撫查照外及又查得兵部先年題准事理臨邊各路土著軍民舍餘人等有能奮勇設謀斬獲賊首一顆隨卽賞銀三十兩生擒一名賞銀五十兩若能糾集鄉丁敵殺賊眾斬首至五顆以上者爲首者加陞署所鎮撫又一件今後各該官軍有能斬獲賊級一顆爲首者賞銀牌十兩生擒一人者賞一十兩各爲從者量爲給賞仍將各人功次另行造冊奏繳擬陞是皆激勵人心鼓舞士卒之策與前項該部所奏所擬大意相同况常人之情見利則趨以速爲貴邊軍艱苦萬狀俯仰不能聊生者十常八九一旦獲此厚利自然踴躍思奮雖有勢豪買功之人彼

亦不肯舍應得之利以犯必禁之法矣然此例雖久  
官司多不肯行實亦因財用不足之故以致人心怠  
玩賊勢益張所惜者小所損者大及照臨邊軍民勇  
悍善鬪者在在之召之有道自然應命及查先年  
召軍每名有給銀五兩者有三兩者是為常守之兵  
比之腹裏抽選召募者大段不同比年延綏甯夏二  
鎮召募土兵至今與遊奇正兵一體調遣截殺所向  
有功今各該衛所行伍空虛懸利召募相應舉行至  
於隨勢給賞有功官軍亦為要務軍門若無財用則  
有罰無賞何以盡人死力但陝西布政司在庫官銀  
不多各有頭項難以一槩取用伏望

關中奏議全集卷十一

八八

皇上軫念邊方重地防禦為急乞

勅兵部議處合無查照先年該部奏行事理於太僕寺馬  
價銀內動支五萬兩差官運送前來聽臣督委都布  
按二司實心幹事官員設法召募不拘衛所軍餘舍  
餘村野土民但係年力精壯騎射閑熟者籍名在官  
願領馬者給銀伍兩步軍給銀三兩令其置辦軍裝  
弓矢器具團成隊伍聽總兵守備等官統領訓練不  
敢委用貪刻官員用強逼勒以失人心亦不敢濫收  
不堪之人徒費官錢無益於事至於給賞有功官軍  
土人銀兩銀牌等項聽臣於布政司無碍官銀內量  
為查取應用不拘官舍軍餘土人召募民壯等項但

有斬獲首級一顆者驗係真正達賊不願陞者軍門  
隨卽賞銀三十兩生擒達賊一人者賞銀五十兩該  
陞者照例先賞銀牌仍造冊擬陞既可鼓士卒立功  
之勇又可杜官豪買功之弊及照各邊官軍缺馬為  
急行太僕寺苑馬寺收貯銀兩專備買馬騎操難以  
別項支用若京運銀兩召募支用不盡亦收貯聽發  
各邊收買戰馬騎操不計別項動支事完通將支用  
過召募買馬銀兩數目造冊奏繳如此則軍伍可增  
軍氣自倍可望收克敵制勝之功矣緣係整理邊務  
以備虜患事理未敢擅便為此具本專差承差馬廷  
璋親賫謹題請 旨

關中奏議全集卷十一

四

八八

一為急缺邊方兵備官員事

題為急缺邊方兵備官員事據陝西按察司呈為迴避  
警惡有病致仕以全  
國體事准本司副使周崇義關照得本職見年四十九  
歲係四川成都府灌縣守禦千戶所軍籍山西聞喜  
縣人由進士正德七年八月二十九日除授戶部雲  
南清吏司主事歷陞員外郎郎中正德十六年九月  
二十五日陞授陝西布政司右叅議嘉靖元年三月  
內蒙巡按陝西監察御史喻茂堅許翔鳳案驗為邊  
軍聚眾殺害撫臣劫庫放囚搶奪軍器燒毀衙門等  
事節奏勘合會委本職前去甘州會勘李隆等謀殺



許都御史并劫庫放囚等項重情本職會同陝西按察司副使劉大諫將兇犯楊准等各拷訊鞠審殺害撫臣劫奪庫囚招認真情明白將楊准蘇秀張璉王禮保賀保兒等六十五員名俱問擬死罪監候已經具

奏定奪外嘉靖二年十月二十八日蒙陞今職專在甘肅地方整飭兵備兼永昌等九衛所竊照本職歷任主事員外郎郎中九年有餘叨陞忝議又經三年每於地方軍民事務盡心幹理不敢怠廢復蒙轉陞正當勉供職務以圖補報奈何殺害撫臣姦惡正犯楊准蘇秀張璉范謙并徐通栗不老等六十餘員名俱

關中奏議全集卷十一

三三  
XIX

係甘肅等衛都指揮指揮千百戶軍餘夜不收等項人役各犯主謀下手窮兇極惡神人共怒自古所無已該本職等問擬梟首等罪死者已多監者見在各犯父兄子弟俱在甘肅住居緣各犯生居邊方性同夷虜怨惡讐嫌切齒痛恨往年勘問之時雖出入飲食猶難防備况今久處地方常該巡歷一時一事安能保全且彼時許都御史素無讐嫌止因告添月糧稍不遂心就行謀害况本職以委官親詣地方將各犯嚴刑面審真情問擬謀殺撫臣梟首等罪至今讐恨方深本職若冒昧前去適逢其怒則兇徒逆黨蓄毒藏姦陰懷報復之讐暗肆陷害之惡命固難全時

事亦壞關係

國體成非輕小又兼久因舊患風痰病症調理未痊見今飲食減少精神昏曠不能供理職事除將前項緣由於嘉靖三年十二月并本年正月內已經三次具奏迴避有病致仕未蒙

准行續奉到都察院明文准吏部咨轉行陝西撫按衙門查勘本職會否甘肅勘事與彼有無讐嫌於例應否迴避會查明白徑自具

奏定奪及照本職居官盡職豈敢避難但迫切之情實關於軀命久病之體難赴於邊方蒙今行勘不敢擅離起程兼前病未痊見今調治為此除候撫按衙門

關中奏議全集卷十一

三六  
XX

勘明具

奏明降至日另行呈報今將前項緣由合行移關本司煩為轉呈施行等因備呈到臣為照肅州地方相離甘州五百餘里西七十里嘉峪關外皆係番戎部落肅州城外亦有寄住番回數多變態不一控馭實難朝廷設有兵備副使分守參將各一員無事則撫存隄備有警則調兵戰守而兵備之官禁姦以安人督儲以養兵所繫尤重去歲回賊大舉入寇地方被其蹂踐雖遭挫遠遁難保其不復來為患昨者肅州兵備缺員吏部以陝西布政司右叅議周崇義陞補蓋亦取其就近便於赴任豈期本官始以迴避讐惡為辭



今又以患病未痊爲託堅卧不肯前去已經奏行陝西撫按衙門查勘應否迴避具奏定奪近因撫按官員俱去甯夏勘事未回不曾勘結遂使邊方兵備半年之上缺官管理若待撫按勘明奏報方纔議處必又就延數月不無愈加誤事臣惟人臣任事必有欲爲之志而後可以有爲今周崇義聞

命逡巡稱疾不出縱令勉強到彼志意踴躍難以望其修舉職業其在

國法似難輕恕節據陝西布按二司官各稱本官年力尙彊平日作官儘肯幹理但前在甘州勘事盡法除惡委的結怨已深讐恨報復難保必無稽之人情亦

關中奏議全集卷十一

XI

當體悉但係窮邊極遠之地若將別省官員陞補赴任稽遲愈至妨廢邊務臣近與新任巡撫甘肅都察院右僉都御史寇天敘計議周崇義似不可復待必於陝西二司官員內推補庶幾早得其用臣博訪得陝西布政司右叅議趙載陝西按察司僉事姚文清俱生長北方年力壯彊才識優裕付之斯任必有可觀如蒙乞

勅吏部再爲訪察如果趙載等可用上請

簡用一員資憑令其作急前去肅州整理兵備事務庶幾緩急可託兵民有賴周崇義合無待撫按官勘報果無別清查缺改用緣係急缺邊方兵備官員事理未

敢擅便爲此具本謹題請 旨

一爲急處巡撫官員以安地方事

題爲急處巡撫官員以安地方事照得甯夏一鎮孤懸

河外賀蘭山後密邇賊巢不時窺伺侵入搶掠況

藩封在內夷漢雜處鎮定安輯全在巡撫得人且河東

靈州興武營花馬池一帶又套賊人寇腹裏之門戶

調度兵糧所繫尤重見任巡撫右僉都御史張賡本

係風力任事官員但近日奏發

親藩事情未知虛實見蒙

欽差內外重臣查勘未結緣本官結怨已深縱使無碍亦

難在彼行事及查得甯夏總兵官神勳亦復緣事一

關中奏議全集卷十一

XI

鎮之中鎮巡官各有掣肘日久不行更易未免人心渙散邊務廢弛恐有他虞誤事不細然目今正在撫安軍民防禦虜寇之際若照常將在京并別省官員推用人情事體未便周知且恐到任稽遲有誤邊方大計臣切見陝西按察司按察使袁損守身有不愧屋漏之嚴持法有南山不移之判陝西布政司右叅政潘垣端慎之操可以服人宏厚之器可以致遠又皆久任茲省人望素歸昇之巡撫必能操弛張之用酌寬猛之宜上下相安兵民咸服如蒙乞

勅該部再加詢訪如果臣言不妄將各官疏名上請

簡用庶得就近赴任管事實爲便益仍乞將張賡暫取回

京待前事勘結有無干碍伏俟

聖明裁處臣有地方安危之責故冒昧上言蓋亦采諸眾論之公非敢獨持一己之見緣係急處巡撫官員以安地方事理未敢擅便為此具本順差承差馬廷璋親費謹題請 旨

一為急缺方面官員事

題為急缺方面官員事據陝西布政司呈本司分守隴右道左叅政王教於嘉靖四年三月十九日病故呈報到臣為照陝西布政司內統入府外供三邊叅政等官分守地方撫安人民催徵錢糧完銷勘合政務浩繁額設官員平居無事足供幹理但中間事故遷

關中奏議全集卷十一



三

除不一臨時差遣往往乏人前項叅政員缺急當銓補但地方寫遠別省官員陞調交代多遷延不至如僉事周鎬陞任已經七月方纔前來肅州兵備雖經陞補半年之上尚未赴任必得就近陞用一員庶免久曠誤事臣博訪得陝西按察司副使韓士奇成文俱操履端謹才識疏通兼且科甲年深先曾被誣黜謫初心不改蒞事益勤堪以陞用如蒙乞勅吏部再行詢訪合無於韓士奇等一員內推陞前職上請

簡用倘蒙

采納各官員缺亦望於附近山西河南等處官員內陞補

庶不久稽防廢職務實為便益臣受

命提督三邊戎務凡軍馬錢糧各項事情必須得人委用事干職守不敢不言緣係急缺方面官員事理未敢擅便為此具本謹題請 旨

一為軍務事

題為軍務事臣奉

勅提督陝西三邊等處軍務欽此欽遵到於陝西地方行事外查得先准兵部咨該本部題為設總制以圖兩全事內開合用跟隨書掾頭目家人聽從選帶仍具奏

聞等因題奉

關中奏議全集卷十一



三

欽依備咨到臣切緣陝西延綏甯夏甘肅三邊地方廣遠相隔動數千里軍務浩繁實執旗牌督兵幹事必得明爽精練之人參隨委用博訪得南京羽林前衛正千戶楊評南京錦衣衛冠帶舍人徐鳳岐俱將家子弟諳曉戎務鎮江衛指揮僉事陳岳生長於騎射閑於輯畧與州中屯衛正千戶劉欽錦衣衛冠帶總旗趙達冠帶舍人張濂葉澄張瑋羅玉崔堂胡澧崔泉興州中屯衛冠帶舍人楊舉俱各曉暢軍情熟知世務如蒙乞

勅兵部奏

請照依近年提督等官奏帶參隨事例行令各衙門查送

前來陝西軍門聽用實爲便益緣係該部題奉

欽依聽從選帶事理未敢擅便爲此具本順差承差馬廷

璋親賚謹題請 旨

一爲處置拖欠邊儲事

題爲處置拖欠邊儲事案照先准戶部咨爲虞中走回

男子供報大賊入套整飭邊備以防虜患事該陝西

鎮巡等官奏前事本部覆題奉

欽依備咨到臣除召報鹽引發銀糴買等事另行外內稱

固原等處歲用軍餉原係陝西所屬州縣起運糧草

并本衛所屯糧供給若所司官員果能及時催徵依

限完納一歲之徵自足一歲之用此係地近腹裏自

關中奏議全集卷十一

三

八三〇

來無有年例銀兩及要一面催并所屬州縣將起運

回原環慶等處邊糧并彼處衛所該徵屯糧上緊追

完立限差人速解原定倉庫交納以備急用等因備

咨到臣爲照陝西延綏甯夏甘肅四鎮錢糧俱該陝

西西安等八府及各該衛所軍屯糧草供給以入府

之所出供四鎮之所費若儘數完納所少不多但年

歲有豐歉地土有肥瘠西鳳等府多苦旱災平慶延

安臨鞏等府兼苦早霜之災加以轉輸徵調差役浩

繁人戶逃移數多縣無完里里無完甲甚則十存二

四拋荒田土白地相望蠲免折納節有事例實徵糧

數豈能盡如原額若將應徵錢糧及時徵納猶可足

供大半奈何近年以來法令廢弛上下因循有司官

員以私滅公安常習怠合干上司計日數月坐待陞

遷多不肯實心幹理公事以致歲徵之數年復一年

不得完結臣查據陝西布政司開報各府拖欠邊糧

草束數目原派固靖延甯甘肅等倉庫除遠年外自

正德十六年起至嘉靖三年止西安府所屬拖欠夏

秋糧二十七萬六千三十一石馬草七十一萬八千

四百六十六束延安府所屬拖欠夏秋糧三十二萬

五千八百五十九石馬草一十三萬三千九百六十

二束平涼府所屬拖欠夏秋糧一十六萬七千三百

一十七石馬草三十萬八百八十束慶陽府所屬拖

關中奏議全集卷十一

三

八三〇

欠夏秋糧二十萬三千九百五十一石馬草二十八

萬三千三百四十六束臨洮府所屬拖欠夏秋糧二

萬六千一百四十二石馬草三萬五千六百一十六

束鞏昌府所屬拖欠夏秋糧一十九萬六千八百五

十三石馬草二十五萬二千八百七十九束鳳翔府

所屬拖欠夏秋糧一十九萬六千一百六石馬草二

十萬四百六十四束漢中府所屬拖欠夏秋糧四千

一百七十五石馬草三萬三千二百七十五束總計

一省共欠夏秋糧一百四十九萬六千四百三十四

石馬草一百九十五萬八千八百八十八束中間如

澄城一縣拖欠夏秋糧四萬九千三百石馬草五萬

三千二百二十四束邠州一州拖欠夏秋糧四萬六千石馬草七萬一千束甯州一州拖欠夏秋糧九萬四千一百二十九石馬草一十一萬八千六百五十束寶雞一縣拖欠夏秋糧七萬三千九百二十石馬草二萬三千七十八束而蠲免折納之數不預焉臣經過州縣數處取錢糧文卷畧爲稽查有卷內取獲實收而無通關者有開稱已完不曾掣取通關者有數年以前通無案卷者不知前該官員因何通不查究卽此數處他處可知論法俱該參究治罪但干礙人眾又多係去任官員見在布政司管糧分守等官俱係新任方將逐旋追徵難以責其速効至於衛

關中奏議全集卷十一

所屯糧先年拖欠甚多今按察司管屯僉事桑溥遍歷督徵查究不及二年完過糧五十二萬七百三十五石草四十三萬九千二百一十九束折草糧四萬一千八百八石銀七萬六百八十六兩其職業頗爲修舉臣舊官陝西嘗推原糧草拖欠之故始因布政司實徵糧數派發遲緩由府以及州縣展轉文移夏糧多至秋深秋糧多至春月方纔徵收彼時百姓所收子粒多已花費正在青黃不接之際鞭迫囚繫終不得完管糧分守官巡歷所至比較將各該官吏量加朴責去則仍前玩慢不才有司又多聽受賄囑將姦頑大戶僉作部運又或將不堪人戶一槩僉解名

雖起解多被侵留貿易營幹家業官司比併止將戶丁一二人或雇覓奸猾慣受刑責之人應點監打並不曾嚴加設法根據追究延頸跂足以俟

赦恩夫以小民之脂膏而充姦人之囊橐深可痛恨儒者之論以恤民固本爲先殊不知小民拖欠者固當優恤而姦人侵盜者豈可故縱故今之錢糧以十分爲率官司收入者居其半小民拖欠者居其二而姦豪侵盜者恒居其三積歲既多一旦併徵則怨讟蟬興雖有能官不得安其位矣若因循不理則倉庫愈空每寇戎有警軍儲不足相顧駭愕仰給

關中奏議全集卷十一

夫七年之病三年之艾及今圖之猶或可及且政之興廢未始不存其人臣觀諸近事南京軍儲通欠數多京倉空虛軍士久無月糧怨聲載道節該內外守備具奏戶部題

淮江浙湖廣等處布政司管糧官務要親自督運赴南京交納直待合省通完方許回任因是利害切身各官嚴督催納該運錢糧並無拖欠京倉有二三年之積人心以安此其明效及照比年以來司府州縣掌印管糧官拖欠錢糧應該住俸提問黜罰等項必有奏行事例臣廢退年久不能盡知伏望皇上軫念邊方事重邊儲至急乞

勅戶部通查事干邊儲一應奏行賞罰事例與臣知會再  
行議擬立法如各州縣拖欠邊儲幾分以上掌印管  
糧官除提問外或降調黜革或起送別用布政司管  
糧官所屬拖欠至幾分以上住俸幾分以上叅問并  
分守官坐視不理拖欠數多者亦要定擬罰治事例  
俱奏行吏部遇缺不與推陞甚則奏

請降黜明立條格請

勅臣及巡撫官欽遵施行其各該官員有能精勤幹理督  
完錢糧數多者亦聽臣及撫按官指實奏保旌異擢  
用庶幾人心有所警勵邊計可以振興失之於前者  
猶可救之於後至於災傷之當蠲免貧民之當賑卹

關中奏議全集卷十一

三五

弛張緩急又在臨時酌量而行不敢以苛切病人不  
敢以培尅取怨臣受

命提督軍務因見邊儲缺乏方上乞討引鹽銀兩之疏而  
推原缺乏之由如此敢併言之伏惟

聖明采納絲絲係處置拖欠邊儲事理未敢擅便爲此具本  
順差舍人趙經親賚謹題請 旨

一爲易置重鎮主將以保固邊方事

題爲易置重鎮主將以保固邊方事近據鎮守甯夏總  
兵官署都督僉事神助呈爲虜中走回人口供報夷  
情事嘉靖四年四月十七日據河西下三墩夜不收  
黑舍收送河東虜中走回婦女一口陳氏到鎮行據

甯夏衛申審得陳氏供年六十二歲係靈州守禦千

戶所百戶王亨下土軍馬力長妻狀供嘉靖三年九

月內在田生理被虜搶去使喚兒得套內帳窠遍野

人畜數多說待馬壯要來腹裏搶掠等因隨據本官

亦呈前事嘉靖四年四月二十五日准分守東路地

方右叅將都指揮僉事劉謹手本開據甯夏後衛申

據圓山兒墩夜不收墩保收送男子一名王把都兒

供年一十六歲係榆林衛人見在甯塞營操備軍人

王江男狀供正德十四年十月內在於門外打柴忽

遇達賊三十餘騎撲來搶去虜營住過七年與搶我

達子猛虎兒牧放頭畜走失馬五匹慌懼尋馬望見

關中奏議全集卷十一

三六

墩臺偷馬一匹騎走一晝夜到墩在虜時聽得眾賊

說稱在套達子一萬內有三箇頭兒一箇擠囊一箇

那言說發過河與黃毛達子嚮殺一箇俺他小孩說

要先搶漢人等因節呈到巨案照先准兵部咨本部

題爲虜中走回男子供報大賊入套整飭邊備以防

虜患事該陝西延綏鎮巡等官各奏稱據走回人口

供報達賊入套數多題奉

欽依備行到臣四月初旬臣到陝西地方行據延甯守臣

節報沿邊一帶各有達賊近邊數雖不多竊恐此賊

伏藏套內故遣輕騎覘我有無備禦待草飽馬壯之

時大舉入寇亦未可知今據神助所呈走回人口供

報之言與延綏守臣前項所奏賊情亦頗相合防禦不可不謹已經節行各鎮將官各要嚴謹斥候整兵秣馬用心隄備如果前賊拆牆入境即便會合大小將官協力勦逐飛報鄰境官軍發兵策應不許畏縮退避以致賊徒擁眾深入貽患腹裏地方去後爲照沿邊花馬池興武營靈州一帶正係大賊侵犯腹裏必由之地俱屬甯夏鎮巡管轄雖分守協同叅遊守備等官各有信地然綱維約束調遣指示全在主將得人况甯夏地方屢經變故人情翻覆未安夷漢雜處難於控制見在總兵官神勛先因失事被劾近又與都御史張璿等奏發

關中奏議全集卷十一

三七

八八

親藩事情未曾勘結事有掣肘人心不服號令難行夫以防邊要害重鎮而使懷疑懼罪之人久爲主將緩急何所倚賴必得早爲更易老成練達威名素著眾情協服者授以節鉞之任庶可圖安攘之功竊見提督漕運總兵官署都督僉事楊宏新任大同鎮守取回在京提督捕盜都督桂勇俱才兼文武志存忠孝一時將領號爲出色中外士夫素所推許楊宏係陝西世臣熟閑韜畧往來各邊歷年滋久山川險易夷漢情俗無不周知桂勇先以武舉曾在甯夏軍門操練聽調實鑄反叛之時與仇鉞協謀討賊入望素歸如二臣者使爲甯夏主將旣可以防禦虞患亦足以

鎮定人心伏望

皇上軫念邊方重鎮主將關係非輕乞

勅兵部議處如果臣言可采合無將神勛令其暫回原衛

待勘報至日有無干碍伏俟

聖裁仍以楊宏桂勇內上請

簡用一員鎮守甯夏地方兵民幸甚或謂漕運重事不可

無楊宏總理臣竊思近涇規以漸修舉弊政多所釐

革又新任總督御史叅將俱號得人足堪付托非若

甯夏武備久弛振舉爲難但楊宏先任四川總兵又

歷兩京坐營管理府事推任提督漕運已經四年之

上如蒙

關中奏議全集卷十一

三六

川上川

簡用乞爲量進一階則効忠宣力之臣有所奮勵矣臣極

知僭踰無所逃罪但念本以衰庸分甘廢退

皇上起而用之誓當竭忠圖報苟有所見敢不盡言伏惟

留神省覽臣不勝大願緣係易置重鎮主將以保固邊方

事理未敢擅便爲此具本專差承差趙瑤親賫謹題

請 旨

一爲增解額以疏人材以均政體事

題爲增解額以疏人材以均政體事據陝西等處提刑

按察司提學副使唐龍呈前事竊照樸棧之賢生於

王國冠帶之士國諸橋門陝西自昔稱多士馬後因

胡元竊運盤據殺逐之地戎寇穴于門庭兵刃交于

原野詩書煨燼賢獻逋逸自茲蒿馬復不如古洪惟  
太祖高皇帝通承

明命撫有疆宇開科取士爰定解額陝西惟六十五名視  
天下獨少焉蓋其時正當蹂躪之餘草創之始人材  
稀少殆所宜然邇年以來

列聖右文事崇培養之功

皇上承德益闡作新之化以故地各有人人各思奮奇瑰  
之士往往見之狀元及第且再出矣嘉靖元年該職  
考試科舉衣冠彙集文藝肆陳彬彬乎與中州而並  
盛是年場屋遴選之精揀拔之公極稱得人然而人  
材本多額數本少所收十之二三所遺十之六七固

關中奏議全集卷十一

三

八

其勢也二年三年間歷加覆試比之元年日且有加  
如西安府在城三學可中者至五十人其餘學分多  
者十餘人少者五六人或二三人雖荒州僻邑亦未  
嘗無之但出雖無窮取則有限定額之外別無速化  
之理其老于牖下者亦籍籍也譬之山多材木工師  
之所求則有數矣卒致明堂之器困于蓬蒿之間豈  
不深可惜哉及昭陝西府州縣學凡一百二十有五  
後又增置衛所學一十有六共一百四十有奇舉人  
額數止得六十五人合二學尙不勾一人是天下學  
校則莫如陝西之多舉人之數則莫如陝西之少政  
之不均無過于斯大抵立法定制盈縮因乎時廣狹

隨乎地古今之通義也是故陝西人材初年未盛則  
解額不得不加少于今盛矣又不得不加多蓋以時  
損益之道焉况列郡諸邊延袤數千餘里學校一百  
四千餘處岐周豐鎬遺澤洋洋金城朔方風教遐被  
量地增加尤不可緩夫爲

國惜材天下公情以人事

君當今急務乞特爲奏

請俯念人材可惜政體當均將陝西舉人之數查照河南  
山東布政司定額斟酌增加至八十名或七十五名  
庶幾野鮮遺棄之材

國無偏枯之典矣除具呈撫按衙門奏

關中奏議全集卷十一

四

川

請外理合呈乞照詳施行等因具呈到臣切惟我  
國家稽古定制設立科目以網羅天下之賢才兩京十  
三省鄉試舉人近年以來俱有額數求才之廣擇才  
之精斟酌損益至爲詳備切見陝西所屬八府二十  
州九十五縣又有甯夏榆林洮岷靖虜等衛直隸潼  
關衛及陝西行都司所轄各衛通計學校一百四十  
有餘東西綿亘三千餘里南北亦不減二千餘里山  
川雄秀靈氣所產宜多豪傑况當重熙累洽之餘士  
生其間沐浴

神化成思自奮

列聖相承皆以人文化成天下仰惟



皇上以大聖人君臨

大寶首

幸大學崇重文教風聲所動士類勃興人才之出日新月

盛臣於宏治年間叨任陝西提學七年之上經歷鄉

試壬子乙卯戊午三科查得舉人解額洪武十七年

四十一名二十三年五十五名永樂十五年一百五

十五名十八年一百三十七名二十一年如十五年

之數宣德元年至正統三年俱三十名六年至十三

年俱四十名景泰元年開科取一百五名其後始如

山西布政司所取舉人俱六十五名至今以為定額

切緣山西布政司所轄止是三府五州其地方廣狹

關中奏議全集卷十一

望

人材多寡似難相同且陝西三十年前止是西安鳳

翔附近府縣人材眾多其餘僻遠州縣多無舉人近

年以來所在人知向學遐州僻邑之士往往聯名撥

科至於邊境衛所科名亦多不乏巨曩時聞之每科

鄉試等官言場屋所取自六十五名之外二場平通

宜在取列者不下百十餘卷拘於定額不敢多取亦

嘗具呈撫按等官會本具

奏未蒙施行厥後十年之內兩得狀元及第此其明驗

今人材之盛比臣提學之時又復加倍而額數六十

五名仍舊不增以一定之解額待倍加之人材士子

窮年苦學無由階身未免有遺才之嘆誠如副使唐

龍所言近該巡撫巡按等官會本具

奏乞增解額蓋皆親至地方目覩其盛不敢不言臣又

查得雲貴二省鄉試舉人先年定額止三十名後因

人材漸盛節該鎮巡等官具奏該禮部會議奏

准今已增添至五十五名况陝西係中原重地人材數倍

雲貴揆之人情事體亦宜照例增加若謂

制額以定難再更張臣竊以為我

祖宗成規大法百世不易至於文章制度小過不及之間

不能不因時與地少有變通古之聖賢所以能盡天

下之才成天下之務者率由是道故舉人解額

先朝屢增減百年之後始著為今額我

關中奏議全集卷十一

望

孝宗皇帝又納守臣之言增雲貴之額者正以此也如蒙

准奏伏乞

聖慈宏

大明普照之仁廣

立造曲成之念乞

勅該部查照近日陝西撫按官所奏參詳議處合無將陝

西鄉試舉人解額比照河南額數增加至八十名照

山東增至七十五名以拔遺逸之才以廣用賢之路

斯文幸甚地方幸甚臣受

命職專軍旅非敢出位而言但念文教武衛事體相須且

嘗提學數年久恩義相關不能自默緣係增解額

以疏人材以均政體事理未敢擅便為此具本順差

承差趙瑤親賚謹題請 旨

一為急缺都司掌印僉書官員事

題為急缺都司掌印僉書官員事臣受

命提督軍務四月間到於陝西鎮城閱視得城垣坍塌樓

櫓破壞旗幟不張什物不整既而閱視城操及備冬

放回人馬軍裝事事不備馬匹大半瘦損管軍官員

以科斂為得策視武備為故事縱容官旗并識字人

役侵剋糧賞私役買閑已發者見今追問未發者不

可枚舉竊嘆鎮城為三邊根本之地而廢弛至此詢

其所以蓋鎮守王將近例專在固原駐劄網維約束

關中奏議全集卷十一

四三

XIII

全在陝西都司奈何本司掌印僉書久不得人去年

雖蒙銓註署都指揮僉事汪麟軍政掌印本官處邊

塞之任則可觀當方面之寄則不稱行事踈畧以致

下人玩慢近又奏稱痼疾不能任事見在行勘且以

方面掌印官員徒取充位展轉勘報愈加廢事及照

本司例該僉書官二員今止有署都指揮僉事張錦

一員在任外一員久未銓補臣博訪得見任甯夏遊

擊將軍都指揮僉事周倫心知向上官能自守衝鋒

破敵非其所長而正已率人乃其自許使之掌管都

司印信必能修舉廢墜禁革奸弊及又訪得西安前

衛帶衛署都指揮僉事夏欽先任延綏遊擊因病告

回閑住今病痊可本官曉暢軍情熟諳事體堪以佐  
理僉書臣稽之眾論如此伏望

聖明裁處乞

勅兵部再行查訪合無將周倫銓註陝西都司軍政掌印

夏欽僉書管事汪麟令其回還原衛調治病疾待病

痊另行委用及照見今地方多事甯夏遊擊將軍合

無於陝西延綏甯夏三鎮見在守備把總等官內推

選英銳驍勇慣經戰陣之人庶幾各邊調遣可得其

用周倫務令交代方許離任如此則鎮城邊境兩得

其人居中制外俱無所失實為便益緣係急缺都司

掌印僉書官員事理未敢擅便為此具本順差承差

關中奏議全集卷十一

四四

XO I

趙瑤親賚謹題請 旨

一為調度邊兵預防虜患事

題為調度邊兵預防虜患事臣奉

勅提督陝西三邊等處軍務欽遵起程前來四月初一日

到於陝西地方當即通行鎮守陝西署都督鄭卿鎮

守延綏總兵官彭樸鎮守甯夏總兵官种勛各轉行

各該副叅遊擊守備等官速差的當夜不收分投訪

探套賊二三月間會否過河出套若是仍前在套務

見數目多寡帳窠遠近事情緩急明白回報去後續

訪得花馬池等處各有傳報煙火各該將官不見呈

報又經差官賚牌前去甯夏遊擊將軍周倫中路叅

將苗變靈州守備沙金處并行該鎮主副總兵參將協同等官速查套內有無傳接煙火仍各嚴謹斥堠如法操練人馬多差人役違為哨探如遇有警即便互相傳報協同截剿不許時刻怠慢重則飛報軍門以憑發兵策應仍將查過緣由回報本月十四日據鎮守陝西署都督鄭卿呈開自報大虜入套之後沿邊地方一向烽火少傳續該鎮守延綏總兵官彭模咨稱套賊每道輕騎分犯獨水等堡三十餘次節該按伏把總等官追逐出邊及據虜中走回男子焦買則供報在套聽得眾達子說稱黃河那邊無草要在套裏過夏即今二月初旬驚蟄已過顯有住套之機又

關中奏議全集卷十一

聖

X 6 11

該鎮守甯夏總兵官神勛咨稱自正月以來虜賊眾寡不等拆邊進口乘冰未解越過河東近日西路收獲邊外馬牛必是遺寇盤據山後沉東路地方哨報套內酋虜或百或千在於地名一沙子等處往來行走雖見煙火但未審大營住套遠近消息亦難憑據緣由節行前來又准延綏總兵官彭模咨稱自報黃河開消之後節據榆林等城堡迭報虜賊多寡不一分犯各該地方雖該按伏兵馬逐退即今在於境外燒樞號煙營盤火光晝夜不絕虜眾在套已是顯著近據虜中走回男子郝天喜等供報在虜時聽得眾達子說黃河開了不過去要在套過夏等語又該黃

甫川差哨夜不收張傑等供報三月初六日哨至地名亂峯子等處俱有達賊牛羊馬匹大虜在彼住牧驟見黃河開消就彼旋回等情備由呈報案候間准巡撫陝西右副都御史王蓋揭帖為申明舊例請

勅各邊守臣防禦虜患及早差官整理軍餉以安地方事內開會同鎮守等官議照延甯所屬花馬池定邊營一帶地方接連河套地形寬漫大虜在套垂涎關隴深入搶掠必由此入先年三邊兵馬強勝虜雖在套住牧然尚畏我兵威出沒搶虜亦止於近邊去處不能侵犯腹裏自宏治十四年延甯兵馬不能阻遏遂深入腹裏獲利而歸虜情貪利無厭自是每歲入套

關中奏議全集卷十一

聖

X 6 11

必深入腹裏正德十三年搶平鞏一帶嘉靖元年搶邠涇一帶俱由各邊兵馬自取便利不肯阻遏之過也查得節管卷內該前巡撫都御史王珣因甯夏地方報有聲息照例會行該鎮移兵於韋州紅寺等營堡尉劄併力防禦該鎮官員不肯發一兵前來止以虛文抵阻未久該鎮亦不免於失事此亦自分彼此不肯應援之過也見今虜寇住套號稱八萬有餘近雖差人探報俱於迤東近河住牧通不露形今青草漸茂馬騰將壯虜情叵測旦夕大舉入寇亦未可知

乞

勅延甯陝西甘肅各邊鎮巡等官早為防禦除具

題外開具揭帖到臣爲照延綏定邊營甯夏花馬池興武營靈州一帶地方委係大賊侵犯腹裏之門戶前項地方守臣若能捍禦則固原靖虜迤南俱係腹裏可以無患因是沿邊武備不修兵威不振以致套賊掏空邊牆長驅而入其所利不在延甯而在腹裏固靖安會靜隆等州縣俱被搶掠近年又越過平涼蹂踐邠涇等處地界藩籬不固禍及堂室誠如陝西鎮巡等官所言延甯守臣每以本處不曾失事爲辭不知

朝廷竭腹裏軍民之財力以供三邊令其幹理何事况各鎮互相應援不許自分彼此屢有

關中奏議全集卷十一

四七

勅旨及奏行事例今套內旣稱有賊雖云不露形跡恐其竊伏深藏待後青草長茂馬匹臚壯之日難保其不大舉入寇防禦之計不可不謹但沿邊一帶地里寬漫虜賊便於馳驟各守臣兵馬寡少豈能遏其初來之鋒必須徵調鄰境精兵會合截剿乃克有濟已經行仰各鎮總兵官彭模種助鄭卿查照原行差人哨探套賊多寡遠近先行回報仍照節行事例互相策應如果套內賊眾行令遊擊將軍張鳳統領遊兵於花馬池營住劄遊擊將軍劉淵統領遊兵於定邊營住劄副總兵趙模統領奇兵暫於甯塞營住劄若哨探前賊有西行之勢遊兵二枝俱於花馬池副總兵

趙模移於定邊營各住劄量分人馬於安定柳楊等附近城堡甯夏副總兵劉玉統領奇兵於興武營遊擊將軍周倫泰將苗鑾於紅寺兒堡韋州鹽池石溝等處住劄總兵官種助待有的確警報統領正兵於靈州駐劄與各該守備等官各按兵秣馬鋒利器械以逸待勞仍要嚴謹斥堠多差夜不收遠爲按哨沿途多設塘馬但有煙塵消息即便傳塘走報鄰境官兵隄備賊果近邊各分據要害占守水頭從宜阻遏寇小至則取便擊之如賊大至即便會合各枝人馬相機截殺不許逗遛畏縮失誤事機亦不得輕率寡謀墮賊奸計如果大舉深入陝西鎮巡徵調即便刻期赴援不許觀望推托陝西遊擊及主將兵馬待巡歷固原審勢分布另行外本年五月十一等日節據延綏總兵官彭模呈一件爲瞭見境外達賊事一件爲聲息事一件爲查探聲息事及據甯夏總兵官種助呈爲聲息事各備將本鎮各路虜賊近邊緣由具呈到臣看得節次呈文內開本鎮地方東路則雙山栢林高家神木等堡東路則榆林鎮城嚮水波羅等堡西路則甯塞新安邊三山等堡各有達賊近邊或三五十人或七八十人營壘火光帳窠煙塵處處有之而東路爲多及甯夏安定堡等處兩次被賊拆墻入境亦不過百十餘騎各該官員雖稱出兵追逐對

關中奏議全集卷十一

四八

八八

敵並無斬殺之功延綬被賊將軍餘男婦王久住等  
六名口撲捉及將軍旗夜不收雷五兒等二名射傷  
身死內高家堡失事尤甚及甯夏安定堡等處節被  
達賊將夜不收麻伏等三名射死軍人楊阿伴等七  
名射傷及將軍人易寬捉去顯是各官平時失於設  
備遇警不能奮勇効力怯懦之狀昭然可知據其所  
呈如此中間隱匿不報情弊難保必無緣今正在用  
人之際合待賊情甯息通查功過具

奏定奪及照卽今五月將終套賊多寡尙無的據叅詳  
各鎮所呈節據各堡夜不收爪探套內達賊新行踪  
跡多至二三百道少則百十餘道或自西而東又或

關中奏議全集卷十一

四九

自東而西其數亦必不少及甯夏走回男子王把都  
兒供稱在套達賊一萬內有二箇頭兒一箇擗囊一  
箇那言說要過黃河與黃毛達子讐殺一箇俺他卜  
孩說要先搶漢人等情緣今黃河開消已久要搶漢  
人之言或恐是真竊料此賊頻年得利不曾遭剄必  
無懲戒今雖不露大眾形跡夏秋之間乘機大舉入  
寇不可不防又經行仰總兵官鄭卿彭煥神勛等轉  
行副叅遊擊把總坐堡守備兵備等官各要加意防  
範嚴謹斥堠整棚兵馬申明紀律遇有警報卽便督  
軍相機截剿飛報鄰境官軍互相策應若果賊眾向  
西切近定邊營花馬池境外必有深入之意延甯奇

遊擊兵照依原行按伏聽調不許自分彼此陝西主  
將督令守備等官各領兵駐劄要害地方防禦臣於  
固原慶陽居中調度外緣係傳報套賊聲息調度邊  
兵預防虜患事理爲此具本專差千戶陳策親賚謹  
具題 知

一爲擢用繁難府分正官以從民便事

題爲擢用繁難府分正官以從民便事照得陝西平涼  
府所屬三州七縣版籍僅一百二十八里田糧至一  
十六萬二百有餘額設驛傳二十處地薄糧重民少  
差多田無豐厚之獲歲多霜雹之災逃移者無顧戀  
而不歸見在者坐包陪而益困內而

關中奏議全集卷十一

五十

宗室繁衍歲增祭葬墳價不下千百餘兩外而節被胡  
虜深入殺虜人口搶掠頭畜殆盡舉目蕭然加以番  
夷雜處盜賊不時竊發虜賊在套饋運勢不容緩臣  
觀天下郡縣地方彫敝生民困苦未有甚於此也其  
府州縣正官必得精敏強幹之人乃克有濟近年銓  
選官員因見時勢難爲或到任未久而求去或中途  
託疾而不來或憂憤成疾而物故或告辭不允而逃  
歸其在任者不過延捱日月苟圖糊口上司比較錢  
糧俛首受責一聞考察黜退欣然而往夫人之情既  
入仕途豈不思久任以規取利名哉蓋亦有甚不獲  
已焉者矣今本府佐貳及州縣正佐缺官甚多除另

行具奏外而知府乃一郡之領袖尤在得人查得本府自知府安惟學陳達之後未有歷任至三四年者非敢調則黜退近日知府孫聰到任未及一年又以養親告回致令百務廢弛拖欠積年邊糧一十七萬有餘官吏師生廩糧經年不得支給所轄驛傳馬驢天逃亡大半傳舍幾空使客經過或致稽延累日臣受

命提督邊務錢糧重事因無正官難以責成聞陞有知府寶明未知何日到任臣竊謂此等知府必得會歷邊方習險難耐勞苦者超常格而用之庶肯勉修職業若照常例推陞未曾到任先已灰心安能望其舉職

關中奏議全集卷十一

三

寶明雖有才能曾任京堂未歷艱苦用之腹裏固有餘裕處之斯地恐亦難堪節據平涼縣里老耆民魏慶蒙釗等平涼府縣廩增附學生員李文縉謝經等及致仕省祭等官連名告保本府同知任守德剛介自守不爲勢利所怵欲將本官奏請陞任知府小民得安等情臣因詢問本官民情邊務隨事應答俱有條理及查本官係山西靈石縣人歷任河南獲嘉縣保定清苑縣知縣推陞山東東平州知州任內節經巡撫等官保舉及又轉訪得慶陽府甯州知州王賜由進士歷任今官甯州廢弛已久本官蒞事以來政務以漸修舉吏民畏服此二官者委的

精勤強幹堪宰煩劇且年勞俱深亦堪擢用乞勅吏部再爲訪議合無將新任知府寶明改任腹裏地方仍於任守德王賜二人內擇用一員陞任平涼府知府則人才器使不至於枉用小民稱便得藉以聊生不勝幸甚緣係擢用繁難府分正官以從民便事理未敢擅便爲此具本謹題請 旨

一爲哨報回賊聲息事

題爲哨報回賊聲息事嘉靖四年五月十四日准巡撫甘肅地方都察院右僉都御史寇天敘咨照得本職於本年四月二十九日到於莊浪地方准分守副總兵都督同知魯經手本准平羌將軍鎮守甘肅地方

關中奏議全集卷十一

三

總兵官署都督僉事姜奭開稱嘉靖四年四月二十四日卯時據甘州差哨古佛寺夜不收段興三報稱蒙差本役同陳駟兒前去古佛寺哨探四月二十一日行至孤山河撞遇回賊將本役捉綁到於雪打班見了回賊頭目將我用鉄繩拴絆見得營內回賊約有五百餘騎夜晚乘賊睡熟脫逃來報據此案查先節准肅州參將雲冒手本爲屬番斬獲回賊首級事又爲屬番傳報夷情聲息事已經通行各城哨探備去後今據前因會同鎮守甘肅太監董文忠巡撫都御史陳九疇協守甘州左副總兵趙鎮議得所報前賊從肅州境外移來我邊山後雪打班任劄捉我差哨人役



問我兵力虛實謀爲入寇且夕莫測防範機宜不可不備查得鎮城兵馬除各堡按伏傳塘等項外見在者不多若不預爲調集兵馬併力剿殺誠恐入寇爲患未便合將遊擊所部兵馬二千通調併力剿殺庶克有濟及將各城精選過堪征兵馬整棚齊備各該將領守備等官親詣聽候調用及選差夜不收絡繹前去迤南通遼雪打班賊路哨探擬合通行隄備等因備行到職看係哨報聲息事理除行各城分守副參遊擊守備等官整棚兵馬聽候調用及行甘肅鎮守衙門議處隄備本職星夜兼程赴鎮外緣係哨報聲息事理合咨前去煩請議處施行等因到縣案查先爲訪探賊情事本年四月內臣

關中奏議全集卷十一

五

八十一

在西安府永壽縣據甘州左衛冠帶舍人丁源經過投見稟稱甘州鎮巡三堂審據屬番頭目普兒咱等族頭目哈卜等告遞番文供說回賊要在本年五月內襲擊侵擾蒙三堂差源資本赴京奏報等因據此爲照西域回賊去冬深入甘州地方圍困城堡節被官軍勦逐遁回終是不會大遭剽劫再舉入寇之謹難保必無未據彼處鎮巡明文未知的否緣由已經帖仰分守涼州副總兵周尙文即行甘肅鎮巡衙門轉行副參遊擊等官若果前賊侵犯各要慎守封疆嚴謹斥候整棚人馬加謹隄備多差的當人役各遠爲哨探果有侵犯消息率領精兵相機戰守徵調鄰境官軍協力剿逐

不許退避畏縮失誤事機亦毋得輕率寡謀墮賊奸計先將訪探緣由實報去後今准前因看得各開夜不收段興三等供報前項賊情與前舍人丁源口傳之言大畧相近顯是回賊貪心無厭姦謀未已若果止是五百餘騎彼處將官必能追殺但恐是打探先鋒後賊源源而來大舉深入亦未可知在我防禦不可不謹又經咨行巡撫甘肅右僉都御史寇天敘會同鎮守太監總兵轉行副參遊擊兵備守備等官務再差人遠爲哨探整備軍火器械備餵馬廐申明紀律果有回賊侵犯會合大小將官協力勦逐飛報鄰境城堡及鎮巡衙門發兵策應如是賊情重大差人

關中奏議全集卷十一

五

八十一

星馳實報軍門以憑施行及咨巡撫陝西右副都御史王蓋行陝西布政司將該解甘肅一鎮各項糧銀逐一查取委官一員作急解發該鎮糴買糧料草束應用仍行彼處分守守備副參等官各差撥官軍照程護送去後除待查報賊情緩急及調兵防禦等項事宜另行具

奏外緣係哨探回賊聲息事理爲此具本專差承差杜廷選親實謹具題

知

關中奏議全集卷之十一終



關中奏議全集卷之十二

提督類

為被虜走回人口供報回賊聲息

差提督陝西三邊都御史巨揚一清謹題

人口供報回賊聲息事嘉靖四年五月二十日據平

羌將軍鎮守甘肅地方總兵官左軍都督府署都督

僉事姜瓖呈前事嘉靖四年四月二十三日准分守

肅州右叅將都指揮同知雲冒手本本月十九日據

守把嘉峪關千戶曹欽呈送哈密走回漢人婦女一

口到關發據肅州衛申准撫夷指揮劉雲關依奉公

同掌印指揮路忠百戶錢岫陳剛審得朱氏供年二

關中奏議全集卷之十二

八十一

十七歲係甘州失訛所分百戶軍人何宣戶內餘丁

何玘妻嘉靖三年九月內有回子王子領人馬來到

甘州有氏與夫湖內採草有先不知後知是察力失

地方回子把我搶去隨營到了魚海搶了黃達子順

山回到哈密城外住歇將氏賣與哈密不知名回子

家裏使喚與了馬三匹有眾回子害怕漢人軍馬來

城上穿着盔甲火着等了四五日不見人馬來方

纔下城有王子把察力失的人先打發去了哈密的

人說如今把路斷了再不得做買賣去後頭漢人軍

馬來便我哈密的人少先殺我們裏眾人都暴怨王

子聽見這話把土魯番的留下了一半和王子還在

哈密造盔甲翎箭筒哈密城上土刺等到青草大了

時還要往甘肅州搶來裏有氏因買我的回子的娘

子將氏日每打罵作踐過不得半夜裏跳下城來走

脫沿途走了一箇月多來到肅州邊外迎着夜不收

送來所供是實據供備關到衛理合具申施行等因

據申到職會同甘肅行太僕寺帶管肅州兵備道寺

丞張鶚覆審前情相同除行肅州衛將走回婦女朱

氏差人管送陝西行都司交割查發該衛所給親收

領外但本處孤懸乞為早發兵糧協濟防守擬合通

行等因行間本月二十四日卯時據甘州差哨夜不

收段與三報稱家差本役同陳驄兒前去古佛寺哨

關中奏議全集卷之十二

八十八

探本月二十一日行至孤山河撞遇回賊將本役等

捉綁到於雪打班見了回賊頭目將我打着問說甘

州人馬有多少我是頭哨先來後面還有多多的人

馬來裏搶的你漢人收不的田用鐵繩拴絆見得營

內回賊約有五百餘騎夜晚睡熟得脫來報二十五

日辰時又據山丹紅嶺兒坐塘夜不收劉興報二十

四日五更時候瞭見回賊約有五百餘騎在於山後

雪打班牧馬本役來報等因到職案查先因去年土

魯番回酋率眾前來甘肅謀奪地方被我官軍追殺

出境回遁去訖本年三月初十日該分守肅州右叅

將雲冒手本據迤比觀音山口住牧屬番頭目普兒

咱等族頭目哈卜等告遞番文一紙供係這今年三月初一日天亮時候有回賊一百多人馬從口子裏邊撲到我每住處殺了我每四箇人搶了一箇娃娃馬牛羊五十箇我每收拾了人馬趕上和他廝殺我每殺了他五箇回子兩箇頭割着來了三箇死人回子馱着去了爲照前賊若非葦歲犯邊境外遺留之數必是土魯番酋新近差來驍騎使之窺探邊情欲以擾我耕牧俾我坐困將來復欲擁衆入寇俱難測度除行本鎮各該分守守備等官整擗兵馬鋒利器械遇警相機戰守及將低簿小堡人畜併入高厚大堡固守已將前項斬獲首級并本鎮缺兵徵調原擬

關中奏議全集卷十二

三

×××

陝西延甯遊奇兵馬會本具

題外今准前因職會同鎮守太監董文忠巡撫右副都御史陳九疇議得走回婦女朱氏供稱去年九月內被回賊搶去回到哈密城外轉賣與回使喚聽得衆賊議說如今把路斷了再不得做買賣去遺留一半人馬和王子還在哈密造盔甲翎箭等到青草大了時還要復來甘肅搶來今走回夜不收段興三亦報回賊約有五百潛在甘州境外古佛寺地方駐劄一節爲照前賊見入我境撲捉差哨人役則朱氏供報之言誠爲不虛復寇之舉朝夕難測查得本鎮一十五衛所兵馬實有不滿二萬除公差事故於弱伏

塘傳報等項受甲馬步不足二萬餘人又分守於各該地方今回酋侵犯大衆雖未發露但去年未遂其奸必是先遣精騎探我虛實然後舉衆前來勢所必有又況絕彼買賣道路不得我土虜黃等物生命所係此來復寇必有別虜糾合進取謀爲比前尤爲不同本邊兵馬孤弱錢糧缺乏若不預

請救濟臨期緩不及事職等一身一家萬死固不足惜其如地方生靈何合無准將何項糧草發運來邊務足五七年主客兵馬支用及行陝西延甯鎮巡等官備行各該將領將各部奇遊兵馬作急督發前來聽職等調度會合截殺庶不悞事而地方可保無虞等因

關中奏議全集卷十二

四

×××

具呈到臣看得鎮守甘肅地方總兵官署都督僉事姜夷呈稱前項回賊入境撲捉差哨人役大衆雖未發露但去年未遂其奸必是先遣精騎探我虛實然後舉衆前來及稱絕彼買賣道路不得我土虜黃等物生命所係此來復寇必與別虜糾合進取謀爲比前尤爲不同本邊兵馬孤弱錢糧缺乏乞要將糧草發運來邊及行陝西延甯鎮巡等官將各部奇遊兵馬作急督發前來會合截勦等因爲照犬羊之性貪得無厭去歲深入被官軍追殺遁回不曾得利又絕其貢道奪其所以爲命復寇之舉難保必無且恐其糾合四海亦不刺虜寇共謀侵犯彼處兵馬寡弱實難

支持先事預防不可不謹兵法曰無恃其不來恃吾  
有以待之無恃其不攻恃吾之不可攻查得先為調  
度邊兵預防虜患事節因延甯守臣哨報套內賊情  
已經行令延綏遊擊將軍張鳳統領新遊兵於定邊  
營副總兵趙煥統領奇兵於甯塞營各住劄遊擊將  
軍劉淵所領舊遊兵又該偏頭關地方徵調去訖及  
行甯夏副總兵劉玉遊擊將軍周倫泰將苗鑿各統  
所部兵馬於本鎮興武營小鹽池等處駐劄前項分  
布專為隄備套賊往向未定旦夕莫測難以掣調已  
經行仰鎮守陝西都督鄭卿先調陝西遊擊將軍陶  
文率領所部遊兵三千員前去會甯安定蘭州地

關中奏議全集卷十二

五

六

方隨便按伏以備應援待後甘肅賊情如果緊急卽  
調張鳳苗鑿二枝兵馬前去協力截勦其餘軍馬并  
陝西主將守備官兵俱照舊駐劄以防盜賊入寇之  
謀各施行去後但師行糧從彼鎮各該城堡糧料草  
束委的缺少又經咨行陝西巡撫將該解甘肅銀兩  
上緊催督解發仍行甘肅巡撫督令管糧分巡等官  
作急召商糴買務勾主客兵馬支用及待候查探賊  
情緩急另行具

奏外緣係被虜走回人口供報回賊聲息事理為此具

本專差承差杜廷選親實謹具題 知

一為斬獲犯邊回賊首級事

題為斬獲犯邊回賊首級事嘉靖四年六月初三日據

平羌將軍鎮守甘肅總兵官署都督僉事美夷白圭前  
事本年五月初三日據山丹白石崖夜不收薛文一  
報初二日巳時瞭見回賊二百餘騎空馬一百從  
南區都口往東行走徑透永昌五奴五赤赤地方去訖  
據報本職統領鎮城兵馬前來涼永分布副叅遊擊  
守備等官一面分投差人各路哨探一面領兵隨賊  
向往截殺去後本月十六日丑時據守備永昌行都  
指揮使馬雲差夜不收張安報十四日黎明時候有  
回賊三百餘騎入境搶掠領兵追至考來口東石門  
地方與賊對敵就陣斬獲首級三十六顆套回賊馬

關中奏議全集卷十二

六

六

二十四匹夷器銅鍋五口鐵鍋六口明甲一付馬鞍  
九十二付并弓箭撒袋毡襖帳房等件其賊敗遁西  
南去訖掣軍回還據此除查明另行外理合先行呈  
報等因到臣案查先為哨報回賊聲息事本年五月  
十四日准巡撫甘肅等處地方都察院右僉都御史  
寇天叙咨前事內開該甘肅差哨古佛寺夜不收段  
興三報稱蒙差本役同陳驢兒前去古佛寺哨探四  
月二十一日行至孤山河撞遇回賊將本役捉解到  
於雪打班見了回賊頭目將我用鐵繩拴絆見得營  
內回賊約有五百餘騎夜晚乘賊睡熟脫走來報等  
因備咨前來看得咨開前項供報賊情顯是回賊貪

心無厭奸謀未已若果止是五百餘騎料亦不致深入侵犯但恐是打探先鋒後賊源源而來亦未可知在我防禦不可不謹已經咨行本官會同鎮守太監總兵轉行副參遊擊兵備守備等官各差人遠為哨探果有前賊侵犯會合大小將官協力勦逐如是賊情重大差人馳報軍門以憑施行及咨巡撫陝西右副都御史王蓋行陝西布政司將該解甘肅一鎮各項糧銀逐一查取委官解發該鎮羅買糧料草束應用去後續據總兵官都督姜夷呈為被虜走回人口供報夷情聲息事先准肅州參將雲冒手本呈送走回漢人婦女一口朱氏供土魯番夷人還在哈密造盜甲

關中奏議全集卷十二

七

X 81

翎箭說到青草大了時還要往甘肅州搶來今走回夜不收段興三亦報回賊約有五百餘騎前在甘州境外古佛寺地方住劄撲捉差哨人役則朱氏供報之言誠為不虛復寇之舉朝夕難測本邊兵馬孤弱錢糧缺乏要得發運糧草及行陝西延甯鎮巡等官將各部奇遊兵馬督發前來會合截殺等因到臣查得陝西延甯奇遊等兵已經分布花馬池等邊及中路小鹽池等處駐劄專為隄備套賊今套內賊情向往未定聲息傳報絡繹不絕難以掣調又經行仰鎮守陝西都督鄭卿先調陝西遊擊將軍陶文率領所部遊兵二千員名前去會甯安定蘭州地方以備甘

肅應援待候賊情如果緊急即便掣調延甯奇兵馬前去協力截勦并行陝西巡撫將該解甘肅銀兩督催解發仍行甘肅巡撫督令管糧分巡等官作急召商羅買糧料務勾坐客兵馬支用及具題外今據前因為照土魯番回賊去年擁眾深入侵犯甘肅圍困城堡

皇上軫念邊方

欽命文武重臣督兵征勦先聲所動節被官軍迫逐遁回却又不知改悔復謀入寇先據走回人口朱氏所供後據被捉夜不收段興三所供則其奸謀誠難測識今果侵入永昌地方總兵官署都督僉事姜夷聞報

關中奏議全集卷十二

八

川文川

提兵親至涼州分布大小將官隄備戰守守備永昌以都指揮體統行事指揮馬雲奮勇督戰就陣擒斬首級三十六顆及奪獲戰馬盔甲兵器等件功俱可錄及照鎮守甘肅太監董文忠獨守鎮城居中制外巡撫右僉都御史寇天叙撫鎮之初策勵將士亦與有功竊詳此賊一入我境即遭剄必然褫魂喪志在彼有雉伏鼠竄之勢在我亦不須草薶禽獮之勞實惟

皇上聖武布昭

德威遠被之所致也邊方幸甚臣等幸甚但狼子野心終難必其悔禍又節經通行該鎮將官仍要加意隄備

倘再侵犯協力痛加誅勦毋得恃此小捷輒生慢易以致誤事并獲功官軍姓名及中間有無隱匿別情俱待查明另行

奏報外如蒙乞

勅該部查議合無將總兵官姜夔守備官馬雲先行量為賞勞照例行巡按陝西監察御史將斬獲首級審驗明白有功官軍查勘造冊奏繳陞賞中間若有隱匿別項事情徑自叅究庶邊官有所激厲邊務可以振興矣緣係回賊入境官軍斬獲首級奪獲戰馬夷器事理為此具本專差百戶吉昇親資謹題請 旨

一為整理邊務以備虜患事

關中奏議全集卷十二

九

八一八

題為整理邊務以備虜患事案照先准兵部咨該本部題該提督軍務尚書金獻民題前事一件議處防守照得固靖甘蘭等衛所靜甯安定等州縣每歲冬初調集陝西西安等衛所官軍臨鞏所屬等州縣民壯人等共一萬五千有餘分布各城堡防守蓋恐虜賊踏水過河深入侵犯之計也訪得前項軍士多非正役非鄉野愚民則市井子弟武藝未習戰陣未經或有盜無甲或有矢無弓多被領軍官員貪圖糧米賣放回家見在者百無二三任情肆志虛應故事如此若不嚴加查處非惟無益地方抑且虛費糧草合無轉行陝西鎮巡等官今後如遇調集官軍分布各處防

關中奏議全集卷十二

十


八六四

守預行各該衛所州縣掌印官嚴加揀選人要壯健馬要肥大器械俱要精好將選過官軍馬匹年貌齒色類造小冊送鎮巡衙門以憑稽考或行兵備道或行守巡官不時查驗點閱如或軍士有不足及軍器有不精者分別等第將各該官吏叅提究問庶人心知所警懼而防守不致虛設矣一件議處兵將切惟禦虜以兵馬為先以糧草為急固原一鎮為三邊喉襟要衝總兵官所領官軍見在不過五百員名守備官見在不過六百員名兵馬之寡弱也甚矣倉卒有警委難支持訪得比虜自宏治十四年入寇得利每年深入搶掠必由固原各該將領因兵馬數少不過嬰城自守任其出入以此地方多被殘破人畜多被殺虜見今虜賊擁眾入套侵犯之舉又在旦夕若止照往年故事未免復遭荼毒合無將總兵官部下除見在五百名并死馬官軍二百名共七百名外再於各城堡各衛禦冬防守官軍內選擇精壯二千三百員名共轄三千員名總兵官統領防守官軍仍照例每年十月初一日依期赴操二月河開無事放回有警留住本城支與行糧與見在官軍如法操練預備截殺守備官部下除見在官軍六百員名并死馬三百員名與今擬增糧并各城堡挑選死馬官軍共二千員名外未及之數照例懸賞於有丁人戶內戶召募

千名亦轄三千之數將守備改爲參將名色統領殺賊仍聽總兵官調度該用馬匹於茶馬并苑馬寺給領或行太僕寺收貯官價支買召募銀兩於司府官庫查有無碍銀兩動支等因該本部覆題節該奉

聖旨固原守備照舊其餘准擬欽此欽遵備咨前來案候議處間近准兵部咨該本部題爲陳言邊務事該御用監太監張忠題前事內一件足邊兵以備警急切照各邊鎮總兵副參遊擊及各城守備巡邊備冬備禦防守等項每額原有官軍或三千員名或一二千員名或二五百名累年禦冬出戰陣亡逃故等項數多見在者其間又多老弱不堪各該官員因循不行

關中奏議全集卷十二



充補以致禦敵多無效用合無乞

勅兵部行移各邊鎮巡及清軍兵備等官將各該將領部下官軍從公揀選精壯者存留戰伐老弱者退檢守城逃亡事故者清查充補請自

命下文書到邊之日爲始限三箇月以裏務足原額之數如有過限不完者着巡按御史指實劾奏問罪數定之後各該經管官員仍要加意撫卹毋役使以耗其力毋則削以傷其心紀律嚴明訓練如法兵力既足緩急有備而邊境可保無虞矣一件添設軍馬將官以固守衝要照得陝西固原地方極鄰邊境實達賊出沒喉襟要路雖已設有總兵官一員統領人馬二

千在彼住劄如往年達賊糾眾萬餘由此進境搶過平涼直至邠州方還前項兵馬勢孤力寡僅足保守城池本境禦敵若令轉戰未免顧彼失此臣愚以爲合無乞

勅兵部計議停當轉行該鎮撫巡等官於固原衛并附近衛所軍士每軍戶下有三丁以上者抽一壯丁充當軍役仍取具衛所地方鄰佑保結不許容無籍之徒冒濫收充以致因無恒產易於逃竄選足三千之數每人給賞銀十兩置買軍裝什物馬鞍鞵轡編成隊伍定擬衛所管轄所謂重賞之下必有勇未是也仍照數處給馬匹騎征按月關支實米一石并馬匹草

關中奏議全集卷十二



料務圖經久及照陝西先年曾設有副總兵分守地方後因事甯裁革當此思患預防之際合無照舊添設謀勇副總兵一員統領前項軍馬用心撫卹如法操練就領分守固原等處往來駐劄應援遇警相機職守庶虜寇知我有備不敢大肆深入衝要之地可以固守而無患矣等因兵部議擬覆題節該奉

聖旨是邊兵着鎮巡等官揀選精壯的專備征戰逃亡的作急清勾固原地方應否添設軍馬將官還着提督尙書從長議處奏來定奪欽此欽遵備咨到臣照得陝西地方固靖環蘭沿邊一帶城堡東西延袤幾二千里多係通賊要路分兵而守無所不寡每遇虜賊



侵犯賊數不多尙可支持捍禦倘似宏治十四年正德十三年嘉靖元年擁眾數萬長驅而入實難阻遏平涼臨鞏靜甯安定會甯隆德一帶州縣俱被蹂躪後又侵及涇頌地方屠戮之慘所不忍言至今凋傷未復舉目蕭然各該守臣不能奮勇殺賊固難辭責揆厥所由實因兵馬寡少又復不精以此不能克敵制勝且如鎮守總兵官及守備官所領官軍俱不過數百員名不及延甯等鎮遊奇將官統領各有二千之數太監張忠尙書金獻民皆親應其地目擊其狀後先具奏俱要增添整飭兵馬議論周悉上厘

天語丁甯凡爲守臣敢不祗率況今虜賊在套侵犯之舉

關中奏議全集卷十二

十三

八十八

巨夕難測除各府州縣民壯義勇督令巡守官揀選及召募抽選等事俱議處另行外查得沿邊兵馬各有信地征操防禦已有定規此外別無兵馬可以掣調惟是鎮城西安左前後右護等衛原擬分布禦冬官軍除總兵官鄭卿操下見在徵調及榆林甯夏領班官軍不開外一枝固原鎮戎所備冬原額馬隊官軍一千員名實有官軍五百九十八員名事故在逃官軍四百二十員名一枝海刺都西安州備冬原額馬步官軍一千一十員名實有馬步官軍五百八十一員名事故在逃等項官軍四百二十九員名一枝靖虜等四城堡備冬原額馬步官軍一千七百六十

關中奏議全集卷十二

十四

八十九

一員名實有馬步官軍一千二員名事故在逃等項官軍七百五十八員名一枝環慶備冬原額馬步官軍一千九十四員名實有馬步官軍九百七十二員名事故在逃軍餘一百二十二名一枝策應聽調原額馬步官軍五百四十九員名實有馬步官軍五百三十七員名事故在逃等項軍餘一十二名備冬之外又有中軍守城馬步原額軍餘二百名實有馬步軍餘二百八十四名事故在逃等項軍餘一十六名城操原額馬步官軍四千一百八十三員名內實有馬步官軍三千二百一十二員名事故等項官軍九百七十一員名看得各枝兵馬原額數目雖多中間逃故多寡不等該管官員不行清查解補以致行伍空虛其見在之數精銳堪用者固有懦弱不堪者實多弓矢盜甲既多不備軍裝什物又皆不整或金鼓旗幟之不設或坐作部伍之不知名爲聽征之兵多與村野編民無異倒死馬匹既不立法追補見在馬匹又多驚小瘦弱議者遂槩指前項官軍爲無用緣西人性氣剛勁向義尙勇成化年間巡撫都御史項忠馬文升近年總兵都督曹雄皆藉以克敵成功止因後來官司因循玩慢不行教練約束遂致如此及訪得前項逃軍多不曾遠離鄉井非影射於屯寨則包占於私門已經案仰都布按三司各行分守關內



道秦政楊叔通分巡關西道命事王鈞會同都指揮  
僉事張鏞將在城四衛各枝官軍查取原額見在逃  
故的確數目文冊到官拘取各正身隨帶盔甲弓矢  
軍器及馬匹逐一查點選驗若有老弱疾病之人拘  
取戶下壯丁更換或原係壯丁今替幼弱者仍拘拏  
原操正身應役軍裝什物不備責令修整馬匹瘦損  
令其儻餒臃壯及貼換易買好馬其在逃軍人出給  
告示許其自首免罪發隊收操未首未補者各督令  
該管屯寨老甲及應捕人員上緊挨拏務在得獲病  
故者拘取戶丁及空閑軍餘補伍務足原額之數如  
各該掌印管操衛所官員逃故軍餘數多不行清補

關中奏議全集卷十二

五

×××

卽將俸糧住支重則治以軍法查選舉日限九月初  
一日各到固原以憑覆選照依兵部題

准事理轉撥二千三百員名連舊在操下共二千員名聽  
總兵官統領防守有警留聽操練預備截殺無事之  
日照例放回其餘仍分布各城堡按伏防守其固原  
守備官所領已有固原衛甘州羣牧所并秦平等府  
衛州縣實有馬隊官軍舍餘土達二千三百六十四  
員名仍依該部原擬懸賞召募亦轉二千之數以備  
戰守及照陝西鎮城密邇南山盜賊不時竊發根本  
重地不宜空虛策應城操官軍一體查選存留防守  
邊方果有緊急賊情方纔調用及在外各衛所并延

甯甘肅三鎮逃故未補軍人各行令巡守清軍等官  
分投清查勾補責限完解外臣切思陝西地方固原  
環慶靖虜蘭州俱係防胡重地而固原最爲要衝且  
土漢雜處易於生變內有監牧馬匹尤爲賊所窺伺  
守備之官責任甚重先年議者欲添副總兵一員臣  
爲巡撫之時議奏將陝西鎮守將官移來固原駐劄  
提調防守其副總兵不必添設蓋因兵馬寡少添官  
無益兵部議擬覆奏至今遵行但鎮守官統轄地方  
廣闊不特防禦胡虜如洮岷有西戎之警南山有羣  
盜之虞皆其責任萬一事變不測未免顧此失彼太  
監張忠尙書金獻民皆欲於固原添設兵馬將官深

關中奏議全集卷十二

六

×××

慮曲防蓋有所見但固原守備改爲將官職銜權任  
似不相稱

皇上洞見其然未蒙

俞允臣查得延綏甯夏甘肅三鎮各有分守東西二路參  
將各一員陝西近因番賊侵犯已於洮岷河州等處  
設分守參將一員今固原兵馬既已增添比前稍爲  
精強合無照依各官所議添設參將一員分守固原  
環慶靖虜蘭州地方仍在固原駐劄操練軍馬脩理  
關隘撫安土人如各處有警往來應援截殺各守備  
防守等官俱聽調遣如此不獨固原增重而靖虜環  
蘭皆有倚賴實爲便益然添官非難得人爲難任非

其人權任雖重徒生厲階看得見任固原守備署都指揮僉事劉文老成練達曉暢軍旅以精勤理邊務以廉慎得人心眾口一辭並無非議倘蒙  
采納許設分守官員乞

勅兵部再為查訪合無就將都指揮劉文權任參將分守固靖環蘭等處賊委任得人地方有託而邊官亦知所感發興起矣及照固原既設參將與主將同處一鎮守備官似不必再設合無選委都指揮一員操守如無相應都指揮於指揮內選用奏  
請以都指揮體統行事庶無官多政分之弊惟復仍設守備官員臣愚所見如此伏惟

關中奏議全集卷十二

七

川文

聖明裁察緣係整理邊務以備虜患及奉

欽依固原地方應否添設軍馬將官選着提督尚書從長議處奏來定奪事理未敢擅便為此具本順差百戶吉昇親責謹題請 旨

一為欽奉事

題為欽奉事嘉靖四年五月十六日欽奉

勅近該巡撫都御史王誥奏稱延甯所屬花馬池定邊營一帶地方接連河套地形寬漫見今虜寇在套駐牧號稱八萬有餘旦夕大舉入寇亦未可測乞勅各邊鎮巡等官早為防禦及要分調兵馬及差官處置糧草無非先事預防之意朕以欽尊提督之任茲特降

勅諭卿宜即嚴督陝西延甯甘肅各該鎮巡官通將

副參遊擊守備守巡等官查照先今事理各要操練軍馬齊整器械謹斥烽堠堅固城堡各於虜賊經行去處申嚴號令加謹隄備多差乖覺夜不收遠為哨探有警則星馳傳報收斂人畜堅壁清野互相應援不許因循怠忽自分彼此致誤事機其分調兵馬俱依蓋所擬仍要酌量軍數多寡地里遠近務俾戰守兩無所失緩急不致誤事及將聽探虜情的確消息星夜差人具奏以憑議處卿威名著聞虜所懾服朕方倚賴以紓西顧之憂尙其勉之故勅欽此欽遵案查先為調度邊兵以防虜患事行據延綏甯夏陝西

關中奏議全集卷十二

六

文

各鎮總兵官都督彭煥神勛鄭卿節次呈報查探套賊近邊聲息前來已經行仰各官查照原行差人哨探套賊多寡遠近回報如果賊眾行令遊擊將軍張鳳統領遊兵於花馬池營駐劄遊擊將軍劉淵統領遊兵於定邊營住劄副總兵趙瑛統領奇兵暫於甯塞營住劄若哨探前賊有西行之勢遊兵一枝俱於花馬池副總兵趙瑛移於定邊營各住劄量分人馬於安定柳楊等附近城堡甯夏副總兵劉玉統領奇兵於興武營遊擊將軍周倫參將苗鑾於紅寺兒韋州鹽池石溝等處住劄總兵官神勛待有的確警報統領正兵於靈州住劄與各該守備等官各按兵秣

馬以逸待勞加謹隄備如賊大至即便會合截殺相  
機應援去後續據延綏總兵官彭棟甯夏總兵官神  
勛節次將本鎮各路虜賊近邊緣由具呈到臣看得  
各鎮所呈節據各堡夜不收爪探套內達賊新行踪  
跡多至二三百道少則百十餘道或自西而東又或  
自東而西其數亦必不少及甯夏走回男子王把都  
兒供稱在套達賊一萬內有三箇頭兒一箇擠囊一  
箇那言說要過河與黃毛達子讐殺一箇俺他不孩  
說要先搶漢人等情緣今黃河開消已火要搶漢人  
之言或恐是真竊料此賊頻年得利不曾遭判必無  
懲戒今雖不露大眾形跡夏秋之間乘機大舉入寇

關中奏議全集卷十二

充

XXXL

不可不防又經申明行仰各鎮總兵官轉行各副參  
遊擊把總坐保守備等官照依原擬分布按伏防禦  
若果賊眾向西切近定邊營花馬池境外必有深入  
之意延甯奇遊等兵除遊擊劉淵已該山西偏頭關  
調去應援外其餘將官各照原行按伏聽調不許自  
分彼此陝西主將督令守備等官各領兵駐劄要害  
地方防禦臣於固原慶陽居中調度及具  
題外今奉前因臣欽遵帖行陝西延甯甘肅各總兵官  
鄭卿彭棟神勳姜夷轉行各該鎮總兵官并副參遊擊  
兵備守巡等官各遵照欽奉  
勅內事理操練軍馬齊整器械謹嚴烽堠堅固城堡各於

虜賊經行去處申嚴號令加謹隄備多差乖覺夜不  
收遠為哨探有警星馳傳報收斂人畜堅壁清野互  
相應援不許因循怠忽自分彼此致誤事機除待各  
鎮探聽虜情的確消息呈報至日另行具  
奏外今將欽奉到

勅書及督行過各鎮將官緣由先行

奏報為此具本專差承差席宗吉親齎謹具題 知

一為查報虜情事

題為查報虜情事臣節該奉

勅將探聽虜情的確消息星夜差人具奏以憑議處欽此

欽遵查得嘉靖四年六月十二日據延綏遊擊將軍

關中奏議全集卷十二

三

XXXL

都指揮使張鳳呈為聲息事本職調統本部官軍前  
來原擬定邊營住劄防禦本年六月初七日辰時據  
三山堡西平二墩瓜空夜不收王安馳報本日卯時  
分瞭見境外達賊一百餘騎從北驟馬前到本墩西  
空折墻得報一面督令定邊營把總指揮魏銀帶領  
本管官軍順邊堵截歸路本職統領本部官軍趨進  
邀擊馳騁將近前賊已折墻二處進入邊裏族立窺  
見官軍合兵來勇急從原口遁去欲要追逐緣地方  
平漫恐中誘計督軍砌完墻口收兵回營防禦外呈  
報施行等因又據甯夏遊擊將軍都指揮僉事周倫  
呈稱該分守東路右叅將都指揮僉事劉謹手本差

夜不收哨探得離邊一百五十里地名大沙子見達賊二簇約有四十餘騎往東行走又紅泉地方見賊五十餘騎往西行走又該協同分守興武營署都指揮僉事吳雲手本差夜不收哨探得離邊九十里地名喜鵲湖等處俱有達賊新行蹤跡又該守備平虜戚以都指揮體統行事指揮使史經呈差夜不收哨探得地名千家村苦水河有牧放牛羊一千有餘石嘴兒沙溝有青白馬三百餘騎帳窠七座圈子河有達賊帳窠一十二座牛羊馬匹四五千有餘住牧等因本月十四日又據延綏總兵官署都督僉事彭樸呈爲查探聲息事開稱節據中東等路黃甫川等堡

關中奏議全集卷十二

十一

把總千百戶等官沈泉等呈及准分守東路右叅將署都指揮僉事黃辛分守西路左叅將都指揮渾僉事袁聰手本各差夜不收哨探得各邊外地名南城離邊二百二十餘里有達賊接連下營帳房二十餘頂達賊一千有餘牛羊馬匹二千有餘及紅城則確舊灘等處俱有達賊營巢帳房牛羊馬匹數目不等在彼住牧榆林岔九股水等處俱有賊新行馬蹤或二三百道或百十餘道黑石碓石山兒等處俱有達賊或一二百騎或四五十騎往來行走等因本月二十日又據鎮守甯夏總兵官署都督僉事神勛呈爲走回男子供報大虜住套專嘉靖四年六月十三日據

甯夏衛指揮使司申據守堡百戶丁勇呈送走回男子二名到衛審得一名金佐供年二十二歲係甘州中護衛前所隸百戶下軍人金龍戶內餘丁正德十一年失記月日在莊生理被賊搶去一名金保松供年二十歲亦係本衛軍人金龍戶內餘丁正德十五年失記月日在鹽場堡地方大沙溝打草被賊搶去虜營俱聽賊牧放牛羊使喚有小十王下達子三萬餘騎去年冬裏未到套內住坐佐等思想家鄉各偷馬一匹騎走四晝夜到邊收送前來據供備申各呈到臣爲照前項達賊自嘉靖三年十一月內延綏地方據虜中走回男子路駒等供報小王子叔叔台訖

關中奏議全集卷十二

十一

領一枝精兵達子四萬哥哥吉納領一枝精兵達子四萬共八萬餘多踏水過河在套住牧等語守臣上聞仰歷  
宵旰之憂節奉  
勅旨督責各該鎮巡加謹隄備又  
命愚臣提督三邊軍務節制調遣臣欽遵於四月初一日到於陝西地方節次差人賁文前去各鎮查探聲息及分布副叅遊等官各於要害地方住劄操練防守聽候調遣今經兩月有餘不見大賊近邊間有折墻進入及邊外行走或二三十人或七八十人多則二三百人但自延綏東路黃甫川起至甯夏靈州地方

千有餘里無處無賊帳寨火光絡繹不斷牛羊頭畜散被原野新行馬蹤在處數百餘道東西行走向往不一查得先據甯夏守臣呈稱據走回男子王把都兒供稱在套達賊一萬餘騎一說要與黃毛達賊警殺一說要先搶漢人今走回男子金佐等又稱小十王下達子三萬餘騎在套住坐等情相度事勢原報八萬之說初亦不虛二月河開半已渡河今在套者當亦不減數萬分散固少轉合則多切料此賊姦謀不露大衆形跡乘間候時大舉深入亦未可知況沿邊直抵固原一帶自春徂夏久旱不雨邊草不茂賊馬懸息尙弱以此未敢長驅近日雨澤頗足青草長

關中奏議全集卷十二



八八上

茂入寇之舉日夕難測且套內地方廣遠差哨人役不過百里其二三百里之外消息豈能盡知緣此賊頻年犯順罪惡貫盈臣仰仗

皇上天威謹當督率將士揚兵耀武以伐其謀於未入之先出奇設伏以乘其弊於將遁之際雖不敢爲梨庭掃穴之舉亦欲收執訊獲醜之功但克敵固資乎兵養兵必資乎食腹裏地方近日鹽商報中委官易買稍足供應惟是沿邊一帶甚爲缺乏且如甯夏沿邊花馬池興武營清水營一帶及中路靈州小鹽池章州等處俱係緊要該屯兵馬地方查得花馬池見在料豆一千二百六十八石約量可勾本城主兵馬四百

六十四三箇月支用若添客兵馬三千匹止勾一十二日支用草五萬八千六百餘束可勾本城主兵馬四箇月支用若添客兵馬三千匹止勾五日半支用興武營糧二千二百四十八石約量可勾本營主兵二箇月支用若添客兵三千員名止勾一箇月零六日支用料八千六百二十九石三斗除主兵外若添客兵馬三千匹止勾三箇月支用草四萬二千三百六十束除本營主客外若添客兵馬三千匹止勾一十四日支用清水營糧米全無料四千八百五十二石八斗原無主兵馬若添客兵馬三千匹止勾一箇月零二十五日支用靈州糧一千五百四十一石二

關中奏議全集卷十二



八八上

斗可勾主兵二十一日支用若添客兵三千員名止勾一十三日支用料一千二百四十七石四斗約量可勾本城主兵馬四箇月支用若添客兵馬二千匹止勾一十二日支用草六萬二千四百八十七束約量可勾本城主兵馬五箇月支用若添客兵馬三千匹止勾一十九日支用其餘營堡糧料各不滿千石草不滿萬束或有糧無料或有料無草小鹽池章州尤爲緊要小鹽池料三千一百三十二石約量可勾本營主兵馬數月支用若添客兵馬三千匹止勾一箇月支用草一萬七千一百五十束約量可勾本營主兵馬數月支用若添客兵三千匹止勾五日支用

韋州料豆全無糧止有一百三十一石二斗草止有三千三百一十九束若調客兵馬二千俱止勾一日支用缺乏至此可謂極矣且本邊亦有年例銀兩亦曾報中引鹽不知前該鎮巡等官所幹何事倘果大虜侵犯會調延綏陝西遊奇兵馬截勦每枝各有三千將何支費臣節經劄仰甯夏管糧僉事劉准令其轉呈巡撫衙門近方發銀差官分投羅買若賊入稍緩事或可辦但旦夕入寇斷然失誤供應及查得延綏各路糧料草束亦多無積而甘肅一鎮尤為匱乏臣前所上疏欲乞開中淮浙等運司鹽一百萬引乞發官銀五十萬兩蓋不專為陝西為甯夏為延綏為

關中奏議全集卷十二

三

川上上

甘肅也至今未奉

明旨今將查探過套賊聲息緣由遵照

欽依奏報伏望

聖明軫念邊方事重乞

勅戶部將臣前所乞

請鹽銀早為照數給發以濟各邊急用仍乞

勅下甯夏新任巡撫等官將沿邊一帶倉場糧料草束上

緊督處務令充實以備調兵庶幾藩籬可固根本不

搖臣愚幸甚兵民幸甚緣係遵照

欽依探聽虜情奏報事理為此具本順差承差席宗吉親

資謹題請 旨

一為回賊出沒事

題為回賊出沒事嘉靖四年六月十八日據分守涼州地方右副總兵署都指揮僉事周尙文呈為回賊出沒官軍追敵斬獲首級奪回人畜事本年六月初一日寅時據黃城兒夜不收蔡俊水磨溝夜不收胡俊各報五月二十日寅時爪兒本驛馬跡一路約有八九十餘騎往東行走高透朵鸞口低透并兒溝金塔寺據報三處不知從何山口出沒差人分投爪兒溝傳諭收斂及整兵隄備間本日辰時據在城南門樓直日軍人劉兎兒走報瞻見城南土山墩舉煙二把燒柴堆一座本職即時舉號統領在城馬隊官軍千總

關中奏議全集卷十二

三

× ×

指揮徐威等四百名出城迎火追襲間隨據金塔等山口石嘴兒墩爪兒溝夜不收易奴兒馳報本日卯時分有回賊一百餘騎從南山溝突出撲到把截營地方四散搶掠彼有本營馬哨夜不收康咬兒赴城馳報被賊邀截射死官馬搶去本役取路來報本職急督官軍驢馬先去追趕傳令千總指揮唐佑管領步軍繼後本日午時追到地名大水腦天池地方一百五六十里赶上前賊迎來對敵職督官軍止有二百餘員名奮勇一齊撲斫向前就陣斬獲首級一顆奪回連鞍戰馬一匹射死二匹賊見官軍勢猛各將原捨人畜盡行丟棄四散敗走上山軍赶上嶺其賊遇



高且戰得平且行又追三十餘里彼此中傷人馬數多欲再深追况彼山險樹林稠密官軍馬匹一時奔馳一百八十里賊遠馬促又臨敵境恐墮奸計當差夜不收蕭仕兒跟襲前賊向往收軍回到原奪人畜天池結營歇馬隨據千總指揮徐威呈稱查得斬獲前項首級一顆奪獲賊馬一匹夷器盛甲等物一百九十六件副及被擄男婦三十八名口夜不收一名牛驢九十二頭隻射死軍人鄒昇等馬五匹走死孫成等馬三匹射傷吳安等馬二匹射傷軍舍魏祥等七名俱輕傷據此至初二日掣軍回城整兵隄備及將斬獲首級器械發仰涼州衛官庫收貯馬匹撥

關中奏議全集卷十二

三

六六六

人寄養俱候明文施行奪獲人畜着令指揮王憲等查給失主認領及委官前去賊經地方查勘此外再有被虜擄殺人畜體勘明白徑自通行開報外呈乞施行等因到臣爲照前項回賊近於本年五月十四日侵入永昌地方被守備官馬雲督軍追殺斬獲首級三十六顆奪獲戰馬夷器等件已經具

題外今尙不知悔禍遠遁又侵至涼州大水腦天池等處顯是此賊因去歲侵犯甘肅地方不覺大遭挫衄遺留醜類伏我近邊意在窺伺我人畜妨我耕作雖是不敢深入終亦被其誘害副總兵周尙文雖稱督兵遠追止是斬獲首級一顆奪獲戰馬夷器及奪獲

被擄人畜不能痛加誅勦况中間隱匿不報情弊難保必無除行甘肅鎮巡官行委巡守等官查勘的確具奏及行各該主副參遊守備操守等官俱要用心防範整兵秣馬若復仍前侵掠即便會合截勦務使挫衄遠遁勿令貽患地方外緣係回賊出沒官軍追敵斬獲首級奪回人畜事理爲此具本順差承差席宗吉親賚謹具題 知

一爲達賊出沒計處用兵機宜事

題爲達賊出沒計處用兵機宜事嘉靖四年六月初四日據分守莊浪等處地方副總兵都督同知魯經呈爲達賊出沒事開稱本年五月十四日等日節據松

關中奏議全集卷十二

三

六六六

林墩等處夜不收蘇欽等報於寡婦溝等處爪探得達賊或二五十騎或百十餘騎或五六百騎或在邊外住牧或空壕入境撲捉差哨人役節報前來爲照此賊火在五方寺爲巢近日那在蘆塘等處住牧分遣輕騎睚撲應哨人役及聲言要尋西海達子意在糾合入寇旦夕難測除謹斥烽墩整兵隄備外緣本城兵馬數少不敷分布而鎮羌岔口尤爲衝要已將缺兵緣由累行甘肅鎮巡衙門議處至今未見明示倘賊萬一糾犯臨期誤事非輕今照甘肅遊擊嚴鎧統兵見在莊浪乞要暫留併力截殺及將已到邊守禦蘭州中護等衛官軍照例分發一千前來鎮江岔



堡防守等因據此又據分守涼州地方右副總兵署  
都指揮僉事周尙文亦呈前事開稱本年五月初一  
日據報紅寺兒地方達賊二十餘騎空壕進境官軍  
追至亂環子追見前賊原路奔走襲蹤前至乾湖地  
方南北溝內突出伏賊三四百騎與官軍對敵中傷  
達賊人馬數多方纒退走後追至壕邊沙窩又有伏  
賊三百餘騎聚集攻敵因見遊擊將軍嚴鎧統兵前  
來賊出境去訖查得征傷軍人李保兒等六名射死  
軍人何達等馬九匹走死于定等馬六匹射傷尤旺  
馬一匹收獲達箭二百三十五枝等因各呈報到臣  
爲照前項賊寇數亦不多各官雖稱出兵追截不聞  
關中奏議全集卷十二  
三  
入  
斬殺之功及將軍人射傷及射死馬匹中間隱匿別  
情難保必無已經行仰副總兵營經周尙文等各整  
勦兵馬嚴斥烽堠加謹隄備果有侵犯即便督率官  
軍奮勇力戰毋得擅城自守殘害地方亦要相機而  
行知彼知已不可輕進窮追被其引誘遊擊將軍嚴  
鎧既見在莊浪暫留在彼併力截殺若涼州警息緊  
急亦要領兵前去策應其備禦蘭州中護等衛官軍  
如已到邊查照舊例分發鎮羌岔口二堡防守外照  
得前項達賊自正德三四年間被小王子人馬擊殺  
殘敗遁往河西莊浪涼州速罕禿斬石峽明水湖扒  
沙一帶潛藏住牧時出剽掠阻截道路敵傷官軍臣

起廢西征復總制陝西軍務之時建議欲調集大兵  
痛加誅勦彼時規置已定惟候

成命不意旋劄奉

勅取回兵部題奉

欽依行令甘肅鎮巡官整理緣茲事重大豈甘肅一鎮所  
能了辦因循養患十有餘年賊旣那營竊伏西海逼  
脅曲先阿端各種番夷烏合爲巢歲復一歲醜類漸  
繁乃敢寇我洮河深入松潘地界自是虎踞青海蠶  
食屬番遂釀成甘肅陝西腹心肘腋之患去年冬間  
被回賊驚散一半越往官路之比被各鎮官軍相遇  
斬殺數多其大營仍在西海刺刺山江零口住牧雖  
關中奏議全集卷十二  
三  
未見侵犯而禍胎實深除督令各該守臣哨探尋襲  
計處方畧另行具

奏外其在北者多不過一二千俱係精兵十可當百因  
無老小棲止不定自今春以來多則五六百騎少則  
二三百騎或在莊浪五方寺尖山蘆溝或在涼州松  
山蘆塘等處聲東擊西或出或入河西衛所官軍防  
禦三種寇賊無所不備無所不寡經年累月不得解  
甲若不先其所急早爲祛除緣前賊切近腹裏恐其  
尋搶月久野無所掠水橋結凍之後將有窺伺蘭州  
靖虜之謀彼處軍馬數少不能支持乘虛而入則會  
甯安定狄道金縣地方難保不遭虜掠臣愚欲趁今

與西海賊寇離析之時量調陝西延綏精銳兵馬五六千名與莊浪涼州副總兵遊擊等官會合尋襲痛加誅勦以除門庭之害則西海達賊聞之亦將褻覓破膽有不戰而走之勢區區回賊又不足憂也但今河套虜情未定沿邊腹裏俱未敢擊兵又莊浪一帶倉場糧草處處空虛方為逐旋經理須待套賊無警糧草有積方可舉事然兵貴神速機難預定必待臨期奏

請非惟緩不及期且恐事機先泄如蒙

聖明裁處乞

勅兵部計議倘此言可采乞早行臣密會各該守臣不拘

關中奏議全集卷十二

人。川

何月日相機取便行事俟大兵既集詢謀僉同因而撲勦西海之賊至期計慮定奪務在計出萬全若無可乘之機或軍馬錢糧未備照常戰守不敢輕舉妄動以貽後艱緣係達賊出沒計慮用兵機宜事理未敢擅便為此具本謹題請 旨

一為乞留方面賢能官員共濟時艱事

題為乞留方面賢能官員共濟時艱事照得陝西地方乃邊境之樞衡中原之鎖鑰北有河套之虜警報無時西有回賊之寇竊謀罔測比年以來早霜之災變相仍探掠之瘡痍未復民窮財盡盜賊因而竊發又恬武嬉邊務日加廢弛雖鎮之以撫臣巡之以臺察

然催徵錢糧脩飭邊備拊循凋瘵招撫流亡必在二

司得人庶可倚賴近年陞補官員或憚地方之險遠

而不來或取便道以還家而延住官多虛位事無統

紀卽今河西關南二道俱缺分巡官員其見任賢能

者又或遷轉無常更代不一如右布政使郭韶右叅

政潘垣皆以任茲方足堪付託循資各已陞去臣所

知者尚有數員若又陞遷別任新任官員縱有才能

事體未卽周知人心何所係屬如按察司按察使袁

擯廉公有威剛明克斷副使陳鼎翟鵬才畧足以濟

變威惠足以服戎副使高公韶韓士奇以慎密持官

守以平易得眾心僉事桑溥政嚴明而執守堅定性

關中奏議全集卷十二

人。川

聰察而聽斷如流之數官者年勞漸深慮其陞遷別省緩急無可倚賴事關地方休戚不容隱默其他年資尚淺陞遷未及者不敢繫陳如蒙伏望

聖明俯念陝西二邊重鎮用人為難乞

勅吏部采臣所言叅之輿論待本省員缺將各官奏

請簡用如本省無缺暫留照舊任事免陞別省地方待其

績效益彰特加超擢各官既得以罄其才愚臣亦得

以資其用不勝至願緣係乞留方面賢能官員共濟

時艱事理為此具本謹題請 旨

一為急缺管糧方面官員事

題為急缺管糧方面官員事照得陝西布政司管糧右

秦政姚文淵近日聞母喪丁憂回籍去訖所有員缺未曾銓補切緣陝西八府民屯錢糧外供陝西固靖等邊及延綏甯夏甘肅三鎮官軍之用內則

秦

韓

肅

慶等王府祿糧并官吏師生俸廩等糧皆所仰給因是前官玩慢不肯及時催徵以致倉廩空虛中外困竭臣初到陝城查得各府拖欠未完各邊民糧共一百四十九萬六千四百三十四石馬草一百九十五萬八千八百八十八束已經具

關中奏議全集卷十二

奏續到平涼府查得

韓府各郡王將軍中尉郡縣主君儀賓自正德四年起至正德十五年止共欠本色祿糧三十一萬一千三百七十七斗又欠折色糧二萬六千七百七十五石其餘未經查報不知的數及據西安左等四衛官軍告稱正德八年起至嘉靖四年三月終止共拖欠本色月糧四十二萬四千八十石折色三十一萬六千六百九十石三斗平涼衛官軍共欠節年本色月糧六萬七千八百一十四石四斗折色糧六萬二千五百一十九石三斗及據固原兵備副使成文呈查得所管固靖甘蘭等衛所累歲拖欠官軍月糧共二十八萬

九蚤九百九十九石二斗五升其餘衛所拖欠應支糧數亦多類此每遇上司到彼誼讓訖告百十成羣人心窮迫蓋不得已節奉

明旨督催巡撫官極力處補不及十之一二臣觀天下各鎮十三省地方險遠要害無如陝西之難公私匱乏亦無如陝西之甚近得秦政姚文淵到任未及數月巡歷催督不避艱險催完通負十餘萬石臣方仗其有為不意忽以丁憂去將來陞補官員未知何方恐其到任稽遲雖各行令巡守官督理終非專職不能盡心所事傳訪得西安府知府趙伸由兵部職方司郎中陞任今職到官方及二年政警甲於諸郡查據

關中奏議全集卷十二

陝西按察司開報本官才能異常繁劇而有餘力公廉服眾合士民而無間言巡守等官開報所屬賢能官員俱在優選臣嘗聽其議論察其設施委的才足濟時力堪舉劇付以督儲之任必能修舉職業振起頹廢若謂其年資尚淺臣以為求稱繁難之任不須常格之拘且本官先任兵部車駕職方二司郎中若稍遲不陞則秦政之官亦所當得如蒙乞勅吏部再行訪察合無將本官陞任陝西布政司右秦政督理糧儲屯種實憑令其到任管事庶使官不久曠事得早完緣係急缺管糧方面官員事理未敢擅便為此具本順差承差席宗吉親賚謹題請 旨

為斬獲犯邊達賊首級事

題為斬獲犯邊達賊首級事嘉靖四年七月初三日據分守莊浪等處地方副總兵都督同知魯經呈前事節奉臣鈞帖為傳報聲息事備仰本職各要慎固封疆謹斥烽埃整擷人馬若有前賊侵犯大小將官領兵相機戰守協力勦逐蒙此及准本鎮手本備由開稱莊浪地方有賊已行甘肅遊擊將軍嚴鎧領軍在彼併力截殺准此除整兵隄備外嘉靖四年六月十一日亥時據水泉兒夜不收馬驥走報本日未時瞭見達賊五六百騎邀趕馬牛四五百從青山兒灣行來往東行去報與守備袁英出兵迎敵本役來報本

關中奏議全集卷十二



XXX

時又據鎮羌堡隨馬夜不收徐鎮報有守備袁英領軍追至石板溝與賊對敵差本役來報隨據石板溝夜不收尚禮報本日申時前賊邀趕牛馬從鎮羌河行來徑奔柏楊溝出境去訖備報得此會同遊擊嚴鎧議得先日有賊一百突至鎮羌聲言要尋西海達賊今果糾眾而來必有烏合侵犯之勢若不截其歸路誠恐入住為患一面差人調取下場馬匹及傳報南北西三路收斂人畜堅壁清野一面行調紅城子守備楊和統兵前來與同本城無馬步軍聽調策應十二日寅時職等統領漢土遊兵官軍二千六百員名由分水嶺抄賊歸路本日申時兵至火牌水迎據

孤頭宵夜不收羅文秀走報前賊從排坑行至小水兒飲馬來報得此黃夜馳至常山兒三更時分迎據

原差夜不收李玄同彼哨夜不收錢亨一各報瞭見前賊到紅嘴兒河住歇即會遊擊嚴鎧分布遊兵千總指揮趙軻莊浪把總指揮陳璽土官指揮蒙順左哨遊兵千總指揮治珍土官指揮李昊右哨職等犄角相擊驅兵驟至紅嘴兒河口黎明時分迎遇前賊五六百騎內一半穿戴青明盔甲迎衝前來就與交鋒對敵連衝數合職等申嚴號令分遣旗牌催鋒督陣我軍奮勇當先齊力用命箭射刀斫鎗砲相攻當有千戶魯瞻等身先士卒就陣斬首三顆遊兵部

關中奏議全集卷十二



XXX

下斬首四顆獲賊馬牛器械戰至巳時賊見官軍勇猛射死賊馬中傷賊人數多方纔退遁况彼相離莊浪二百餘里恐有伏賊收兵結營當會遊擊嚴鎧查得遊兵莊浪陣亡官軍二員名征傷各衛旗軍一十七名射死馬一十七匹走死馬七匹各查明白掣兵回城差據襲蹤夜不收馬真等供報襲得前賊奔往回水徑透上豹嶺去訖行間及據暫守備鎮羌行都指揮事袁英呈為達賊出沒事本年六月十一日未時據水泉兒瓜探夜不收馬驥走報本時瞭見青山兒營達賊五六百邀趕馬牛四五百順河行來得此疾統備禦蘭州等衛官軍千戶王愛等三百出兵迎

遇前賊一半邀趕馬牛順河往東行去一半穿戴青  
明盔甲迎衝前來就與交鋒對敵賊見官軍齊力退  
往石板溝行去復又追至本溝與賊交戰射中達賊  
人馬數騎奪獲牛一隻毡衫二領戰至酉時其賊退  
往柏林溝去遠欲再深追天晚落雨掣軍回堡查得  
收獲達箭六十枝達帽一頂達鞭一把被賊射死蘭  
州衛馬二匹走死馬一匹及查本堡並無搶殺人畜  
理合具呈施行等因得此爲照此賊雖被官軍殺敗  
遠遁復讐之謀旦夕難測除整兵嚴加隄備外呈乞  
照驗施行隨據甘肅遊擊將軍署都指揮僉事嚴鎧  
亦呈前事各造册開稱共斬獲達賊首級七顆獲賊

關中奏議全集卷十二

三

八十八

器械等件五百二十一副件奪獲頭畜馬羸牛七十  
八匹頭隻陣亡遊兵莊浪官軍三員名征傷旗軍一  
十七名被賊射死走死馬二十四匹等因各呈到臣  
案查先據副總兵魯經呈爲達賊出沒事節次爪探  
得前項達賊或二五十騎或百十餘騎或五六百騎  
或在邊外住牧或空壕入境緣此賊久住五方寺爲  
巢近日那在蘆塘等處住牧分遣輕騎撲捉差哨人  
役及聲言要尋西海達賊意在糾合入寇旦夕難測  
等因已經節行各官各要整擄兵馬嚴謹烽堠遇有  
前賊侵犯卽便督率官軍相機剿殺毋得擾城自守  
貽患地方及將計處用兵事宜具

題外今據前因爲照前項賊寇竊伏莊浪涼州地方不

時出沒妨擾耕牧阻截道路官軍晝夜隄備不得解  
甲實與西海達賊聲勢相倚將來糾合入寇之謀難  
保必無雖經節次督行各將官用心戰守終是兵馬  
寡弱不敢遠追陝西延甯等處官軍又因達賊在套  
分布防禦各有信地難以輕掣計處間今副總兵都  
督同知魯經遊擊將軍署都指揮僉事嚴鎧乃能親  
督官軍奮勇力戰斬獲首級獲賊器械頭畜等項功  
雖不多軍威頗揚賊勢少剷除行令比前加謹隄備  
不可倚恃小捷輒生慢易致失事機及將俘獲頭畜  
令其照例給賞有功之人首級夷器發仰莊浪衛貯  
庫聽候覆驗並咨甘肅巡撫行守巡官查勘賊入地  
方有無隱匿別情另行外乞

關中奏議全集卷十二

三

八十八

勅兵部照例行巡按陝西監察御史將各官軍功次勘驗  
是實早爲陞賞以勵後人若有隱匿別情徑自叅  
奏緣係斬獲犯邊達賊首級事理未敢擅便爲此具本  
專差承差楊鸞親齎謹題請 旨

一爲虜中走回男子供報緊急夷情事

題爲虜中走回男子供報緊急夷情事嘉靖四年七月  
初十日據鎮守延綏等處地方總兵官署都督僉事  
彭樸呈前事據榆林城把總都指揮閻武呈蒙鎮巡  
衙門發下柏林堡解到虜中走回男子趙四斤隨拘

通事張祿等到司審據趙四斤供年一十九歲係平涼趙總兵家人狀供嘉靖元年六月失記的日前往地名沙塘川牧放牛羊忽遇達子滿監賴等搶去虜營住過四年舊年十二月間跟隨小王子頭兒吉納白龍等部落達子約有八萬餘多踏冰過河在套今年六月間有眾達子精兵前去與元良罕達子讐殺去了半箇月說到黃河岸邊紮筏浮渡因水大將達子淹死約有三十餘達子不敢過去復回在套住牧聽得我們帳房裏達子說頭兒吉納等會了事八萬達子每人殺羊一隻晒乾整置鞍仗轡頭指着南邊地方都要出來不知幾時搶至本月一十七日四斤

關中奏議全集卷十二

五

× 6 11

見得眾達子睡熟思想家鄉遇夜走脫步行三晝夜至七月初一日辰時到於柏林堡確白澗墩走回收到堡解送前來今蒙發審再不知別項虜情所供是實等因據此理合具呈照驗施行等因據此會同鎮守太監張紳巡撫右僉都御史張縉議照虜中走回男子趙四斤供報前情雖係傳聞事頗有因况今秋涼馬肥謀爲入寇正在此時防範機宜不可不備查得先因本鎮東路缺兵防守已經會呈提督軍務衙門乞將副總兵趙瑛那來中東二路營堡防禦緊要批趙瑛兵馬仍於甯塞營駐劄便於東西應援果有緊急賊情方許掣回截殺等因除遵依外今供前因

爲照西路鎮靖等堡係達賊常年出沒處所况副總兵趙瑛相離該堡不遠合行本官整搦所部兵馬如遇前賊侵犯鎮靖龍州地方星馳應援以遏虜患若犯把都等堡及有西行之勢遵照提督軍務衙門分布兵馬防禦事理隨賊援剿庶不誤事擬合通行爲此除行各城營堡整棚兵馬嚴謹烽墩及行臨近州縣各將所管近邊夾道任居人畜起那腹裏百里之遠深險牢固崖窩堡寨去處安插仍於每堡各選差乘覺夜不收相兼熟知地理餘丁共二名輪流出境離邊二三十里及五七十里於虜賊住牧水頭處所潛伏哨探若有聚眾入寇之勢一面傳報左右鄰堡

關中奏議全集卷十二

四

× 6 11

及腹裏居人收斂人畜肅清四野一面飛報本職斟酌用兵及行副叅遊擊把總等官加意隄備勿致誤事外呈乞照驗施行等因到臣爲照前項達賊自嘉靖三年十一月內據走回男子路駒等供報小王子叔叔白凱領一枝精兵達子四萬哥哥吉納領一枝精兵達子四萬共八萬餘多踏冰過河在套住牧等情臣到陝西地方行據延甯守臣差人哨探並無大賊近邊但自延綏黃甫川堡直抵甯夏靈州千數百里無處無賊或七八十人或一二百人帳窠火光遠近相望後據走回男子王把都兒供稱在套達賊一萬餘騎一說要與黃毛達子讐殺一說要先搶漢人



又據走回男子金佐等供稱小十王下達子三萬餘騎在套住坐相度事勢原報八萬之說初亦不虛後一半渡河一半在套其數當不減數萬切料此賊奸謀不露大衆形跡乘間俟時大舉亦未可知已經節次督行各該將官加謹隄備及具

趨外近日方據延綏總兵官彭煥呈稱走回男子谷世安供於舊年十一月內跟隨小王子叔叔俺荅阿不孩等部落達子踏水過河在套住牧止知他們一枝達子約有三千其餘不知多少五月間聽得眾達子說會了事七月間精兵多半要紮後過河與元良罕達子讐殺少半看守老小在套住牧又不知過去不

關中奏議全集卷十二



六八

過去一名鍾那孩則亦供十一月內跟隨小王子部下三箇頭兒台記吉納俺荅阿不孩部落三枝達子踏水過河在套住牧止知他們達子一枝約有三萬其餘達子不知多少聽得眾達子說搗一半精兵過河與元良罕達子讐殺不知去不去又一名馮石城兒亦供跟隨小王子部下頭兒吉納等部落達子約有八萬餘多踏水過河在套住牧聽得眾達子說將牛羊馬匹老小丟在河畔精兵好馬要紮後過河與元良罕達子讐殺又說等馬壯了要來搶掠等語議處間今走回男子趙四斤供稱被搶跟隨小王子頭兒吉納台記等部落達子約有八萬餘多踏水過河

在套今年六月間有眾達子精兵前去與元良罕達子讐殺去了半箇月說到黃河岸邊紮筏浮渡因水大將達子淹死約有三十其餘達子不敢過去復回在套住牧聽得我們帳房裏達子說頭兒吉納等會了事八萬達子每人殺羊一隻晒乾整置鞍伏轡頭指着南邊地方都要出來不知幾時搶至等情看與節次走回人口所供相同况今秋涼馬肥正係馳驟時月大舉之謀旦夕難保臣爰

命節制諸軍此賊倘果侵犯仰仗天威謹當策勵將士恭行

天罰殲厥醜類以暫兵民之憤以寬

關中奏議全集卷十二



六八

西顧之憂但延綏中東二路城堡聯絡各據險隘賊雖侵犯止在本境不能深入惟甯夏花馬池至靈州一帶地里寬漫城堡稀疏疎兵馬單弱賊若大舉必從此折牆而入其所利不在甯夏而在腹裏已行令延綏遊擊張鳳於定邊營副總兵趙瑛於甯塞營各住劄便於東西應援仍留遊擊劉滿所統遊兵三千延綏東路按伏防守近據甘肅鎮巡官節報回達二賊侵犯兵力不支要將陝西延甯遊奇等兵調來莊浪駐劄應援爲照套賊向往未定不敢輕擊而河西事情已急難以坐視又將遊擊張鳳學調附近地方待其再有緊急重大賊情發去策應副總兵趙瑛奇兵邪調



定邊營花馬池駐劄與彼處分守協同守備人馬禦防套賊各施行去後切見近日陝西固原一帶土馬頗爲精強糧草稍有積蓄但沿邊延綏甯夏營堡缺乏如故每議調兵輒爲糧少所阻近該戶部題

准開中引鹽方將召商報納尙恐緩不及期及照花馬池興武營清水營靈州小鹽池章州等處俱係甯夏所轄見今主將缺人軍無統紀新除將官及新推巡撫都御史未知何日到鎮及又查得舊例陝西延綏與大同宣府遊奇兵原該互相應援近日山西偏頭關有警已將延綏遊擊劉淵兵馬調去策應續因無事掣回今陝西虜情難測倘果大舉深入延綏遊奇

關中奏議全集卷十二

八二

三營人馬俱該調去西路截過其中東二路未免空虛亦合量調鄰鎮官軍防守如蒙伏乞

聖明軫念關中三邊根本重地所繫匪輕乞勅兵部行催甯夏新任總兵官及巡撫官兼程赴任統率官軍防禦虜寇及預行山西大同鎮巡衙門將偏頭關官軍大同遊兵整點聽候若陝西果有重大賊情彼鎮無警延綏鎮巡官來調卽便領軍前去聽總兵官彭模調度戰守事甯卽回本鎮如此則內地無虞邊境亦有賴矣緣係虜中走回男子供報緊急衷情事理爲此具本專差承差楊鸞親賫謹題請

旨

關中奏議全集卷之十二終

關中奏議全集卷十二

卅三

卅三

提督類

一為斬獲犯邊回酋首級事

欽差提督陝西三邊都御史臣楊一清謹題

回酋首級事據平羌將軍鎮守甘肅地方總兵官左

軍都督府都督僉事姜夷呈嘉靖四年五月十九日

據守備永昌行都指揮事指揮使馬雲呈本月初三

日一更時分據山丹夜不收翁全傳報回賊三百餘

騎從本境白石崖東走備報整兵隄備間節蒙鎮守

總兵官姜夷會議鈞帖為屬番斬獲回賊首級事又

為隨報回賊聲息事備行本職速將本城馬步官軍

關中奏議全集卷十三

八十一

并士兵舍餘督令整棚軍火器械以備回賊入境堵

截調用及絡繹差人違為哨探回賊棲止處所一面

統兵相機截殺一面飛報鎮城調兵策應蒙此續蒙

巡撫都御史寇天叙明文亦為前事備行職等整棚

兵馬遇警相機截殺及差乖覺夜不收分投出境哨

探毋致誤事蒙此行間續據永昌衛呈據經歷司呈

抄蒙守巡道案驗亦為前事備行本職精選兵馬以

備征戰等因初十日又蒙鎮守總兵官姜夷親統鎮

城兵馬隨賊聲勢前來涼州道中地方調度會同巡

撫都御史寇天敘分布副總兵遊擊守備等官并職

等各統所部兵馬速便前去南山一帶通賊路口按

伏截殺及差督軍夜不收錢靈保等傳諭識等務將

前賊或邀截歸路或設伏出奇跟襲蹤跡務期成功

以靖地方除遵依差人哨探整兵待報間十二日午

時據差哨四溝打班夜不收范保保報十一日酉時

瞭見回賊二百餘騎在於本溝牧馬使賊一人步行

登山瞭望本役來報據此本職當即統領本衛馬步

各操土兵并各官下舍人家丁共八百餘員名各帶

軍火器械前去追襲戌時兵至西沙溝又據差哨劉

家莊夜不收童駱報十一日子時前賊到於本莊圍

遠越過莊牆居人俱各上墩固守止將牛隻搶趕回

往饒頭山去訖隨據饒頭山夜不收李永亦報本日

關中奏議全集卷十三

八十八

天明時候瓜見前賊北往南行徑奔西番溝行去督

軍負夜趨奔到於考來口堡地方十三日未時迎據

原差夜不收張克敬報本日巳時瞭見回賊二百餘

騎在於東石門駐劄得報本職統領官軍分為二路

至次日黎明時候兵至東石門趕上前賊內有頭目

一人張打旗號擊鳴銅鼓率領眾賊撲來迎敵令知

漢語一賊稱言我是大頭目脫脫木兒先領頭哨人

馬前來後頭還有多的人馬來裏本職因見山險甲

嚴號令督令官軍指揮張經等奮不顧身一半衝彼

之前一半擊彼之後各用鎗打箭射鏖戰三十餘合

其賊腹背受敵見我官軍勇猛方纔四散敗走乘勝

追殺就陣斬獲首級三十六顆奪獲原搶頭畜并賊馬夷器等件欲再窮追恐墜賊計掣兵回至考來口堡駐劄查報首級間隨據被虜走回夜不收陸益查認得一大首級約有五十餘歲左眼枯瞎係是賊首脫脫木兒首級及查在陣射死旗軍餘丁六名射死官軍士兵下馬一十三匹征傷官軍四十一員名十五日統兵回城除將首級并賊馬夷器等件聽候解驗并將奪獲原搶頭畜召主認領任行永昌衛查勘賊經地方此外有無被虜人畜徑自開報理合具呈照驗等因到職案查先准分守肅州右叅將雲冒手本爲屬番斬獲回賊首級事據普兒師族番人恰人

關中奏議全集卷十三

三

又川七

等供報本年三月初一日有回賊一百前來撲搶被番赶上斬獲首級二顆乞請施行四月二十二日卯時又據甘州差哨古佛寺夜不收段興三報二十一日行至孤山河撞遇回賊將本役捉綁到於雪打班見了回賊頭目問說甘州人馬有多少我是頭哨人馬後面還有多多的人馬來裏搶的你漢人種不的田用鉄繩將興三拴絆見得營內回賊約有五百餘騎夜晚與三乘賊睡熟得脫來報據此職等會行本鎮各城分守守備操守等官整兵隄備仍差人絡繹遠爲哨探及具

題外初三日辰時又據白石崖坐塘夜不收薛文一報

初二日巳時瞭見回賊三百餘騎空馬一百從匾都口徑往東五奴五赤透永昌地方行去職等議瞭此賊奔往東行不犯涼永不犯莊浪西甯必須各路分投截殺方克剿滅議留太監董文忠防守鎮城本職隨賊向往追剿本年五月十一日准巡撫都御史寇天敘手本照得本院四月二十九日按臨莊浪五月初一日准分手莊浪西甯副總兵魯經手本准鎮守總兵官姜爽手本爲哨報聲息事據甘州差哨古佛寺夜不收段興三所報回賊五百從肅州境外移來我邊山後雪打班駐劄爲照此賊謀爲犯邊且夕難測宜當整兵隄備擬合通行爲此除本院兼程赴鎮

關中奏議全集卷十三

四

又川四

及具  
題外合用手本前去煩將鎮城兵馬整點齊備遇警統領截殺及差乖覺夜不收分投出境哨探前賊向往回報以憑會處准此本職統領兵馬到於涼州地方與巡撫都御史寇天敘相會初十日未時又據永昌差哨古廟兒夜不收周黑子報本日巳時瞭見回賊一百五十餘騎從西南柳溝前來往北透占廟兒打班行走據報職等會議調度堵截行分巡僉事李孟旭精選各城兵馬隨處應援管根右叅議王汝舟僉事周汝勤備辦糧餉往來供給分守莊浪副總兵魯經兵備副使陳鼎防守西甯莊浪左副總兵趙鎮在

於甘州山丹邊賊西奔之路遊擊將軍嚴鎧在於古浪鎮羌一帶把截右副總兵周尙文守備馬雲在於涼永南山緊要地方設伏撲剿間續准分守莊浪副總兵魯經手本為訪探賊情事抄蒙臣鈞帖訪得西域間賊要在本年五月內復來甘肅地方為患速行職等各要慎守封疆嚴斤烽墩整棚兵馬加謹隄備多差的當人役各遠哨探果有侵犯消息大小將領率領精兵相機戰守微調鄰境官軍協力勦逐不計推避畏縮失誤事機亦毋得輕率寡謀墜賊奸計若賊勢眾大飛報軍門以憑發兵策應施行蒙此又經備行各該將領遵照依隄備去彼今據前因職會同鎮

關中奏議全集卷十三

五

× 6

守太監董文忠巡撫右僉都御史寇天敘議照土魯番酋速壇滿速兒先於正德十一年間糾合各種番夷前來犯我肅州官軍被其殺害地方遭其荼毒大眾既去仍留大頭目脫脫木兒率領二三百騎在我地方剽掠無處不到擾攘二年間始回去歲速壇滿速兒糾合二萬餘賊謀取甘肅後雖遭剽遁歸復遣脫脫木兒率領三四百騎在我地方擾害蓋此賊驍雄貪狠熟知我山川險易故大眾雖去仍敢復來深入我疆場捉我哨瞭人役問我兵力虛實搶掠我莊堡頭畜背天逆理亦已甚矣乃今天厭其惡仰仗朝廷威靈軍門號令方略所以守備官馬雲乃能統領

官軍奮勇對敵賊首就戮餘黨失勢在陣斬獲首級共三十六顆奪獲頭畜賊馬旗號吏器數多使回賊大遭剽劫土魯番賊聞之未必不因此喪氣將來窺覷之心犯邊之舉或可少沮也及照斬獲脫脫木兒首級雖據夜不收陸益供認是實惟恐不的行仰陝西行都司督令見監沙州夷犯綽列奔及先年搶去土魯番肅州衛鎮撫程翥并捉去走回夜不收段興等辨認是取具不致扶同結狀在官除將各首級轉發斷事司收候復驗奪獲馬匹器械就賞原獲有功之人以作脫氣牛隻已該守備馬雲召主認領訖及將陣亡旗軍舍餘人等各量給官銀一十兩以為

關中奏議全集卷十三

六

× 11

埋葬之資并重傷官軍各分別輕重量給銀兩布匹以備醫藥獲功為首者各量賞三兩銀牌一面段一匹為從者一兩銀牌一面布二匹先示激勵及通行各副叅遊擊守備操守等官仍瓜探敗敵餘賊再加剿殺及具題外再照脫脫木兒乃土魯番大頭目今被我軍斬首歸營以雪我地方十數年被害之恨比與尋常功次不同如崇軫念極邊重鎮作養軍氣之始合無將領兵守備官馬雲及原斬脫脫木兒首級百戶蔡忠比照節年斬獲賊首事例奏請越次陞賞其餘為首為從及陣亡征傷領軍等項人員

照例奏

請陞賞優恤庶有功者將來知所奮發而勉圖補報矣等  
因具呈到臣案照先據鎮守甘肅總兵官署都督僉  
事姜夷呈前事已將各官斬獲功次具

題外今據前因爲照總兵官姜夷初報之時亦稱斬獲  
首級中有大首級一顆係回酋大頭目脫脫木兒臣  
以未經查勘恐似在先速壇滿速兒之誤止將斬首  
數目具

奏今既該鎮巡官查驗是實比之別項斬獲委有不同

參看所呈應敘各官分布調度勞蹟皆其職分辭涉

張大事則頗真但守備永昌行都指揮事指搆馬雲

關中奏議全集卷十三

七

川上

提一旅之孤軍破數百之強虜斬獲既眾渠首伏誅  
與百戶蔡忠俱該殊錄及照節據走回人口及沙州  
夷人之言回賊姦謀誠未可測正宜激勵將士期收  
大功以保地方且功賞自出

朝廷乞

勅兵部查照臣及甘肅鎮守官先令奏報早爲施行庶使  
邊軍有所感發興起緣係斬獲犯邊回酋首級事理  
爲此具本順奉承差楊篤親質謹題請 旨

一爲達賊出沒事

題爲達賊出沒事據平羌將軍鎮守甘肅地方總兵官  
署都督僉事姜夷呈前事嘉靖四年四月二十六日

57-00-763

准分守涼州右副總兵署都指揮僉事周尙文手本

本月十五日巳時據在城東門樓直日軍人崔伯伯

走報瞭接城東十三里鋪并大河驛墩各舉煙三把

燒柴堆一座放炮一箇備報本職急統在城堪往馬

隊官軍把總指揮使徐威等四百員名驟馬前去迎

火追截後令把總指揮唐佑等管領步隊官軍襲蹤

應援兵至十三里鋪迎據靖邊驛夜不收王忠闔家

溝墩夜不收盛全各報本日辰時瞭見達賊四五十

騎東北前來到中壕外因壕阻遏將壕外種田人牛

搶往東北復回原路紅柳溝地方去訖馳至大河驛

又據舊腦墩夜不收岳與馳報本日寅時瓜見達賊

關中奏議全集卷十三

八

八

馬蹤一路約有二三百騎從本墩上空空壕進境透

往土塔兒靖邊驛地方去訖未嘗回還據此急督官

軍從紅寺兒過壕徑趨舊腦墩空壕口處所堵截歸

路午時馳驟至彼前賊已過邊壕官軍馬匹促弱大

半不能馳走本職傳諭收後指揮丁杲催督弱馬官

軍在後前來應援本職摘統好馬官軍徐威并千戶

侯林等馬戶經過壕外追上前賊四五十騎迎來衝

敵本職督軍一擁向前撲斫前賊迎射數箭彼見官

軍勇猛賊將搶牛羊斫傷一半並人口頭畜盡行丟

棄其賊敗走本職督統官軍復追前去至地名閻王

溝地方壕內又有前賊三百餘騎穿戴盔甲撲來射

38

斫一處本職見得官軍止有二百五十餘名離城一百三十餘里兵寡賊眾申嚴號令督勵官軍下馬結營兩面兼住溝灣兩面被賊攻衝軍用挨牌鎗炮弓箭排定自午時戰至未時數十餘陣後有指揮丁昞率領騎馬官軍共一百五十餘名下馬結營前來奮勇策應前賊摘分少半迎敵射斫本職那營一處賊見官軍奮勇夾功齊力死戰方纔稍退我兵合爲一處且戰且行移至壕邊倚墩相拒戰至酉時又有指揮唐佑急領步兵將近灰塵大起賊見我兵漸增彼此俱有中傷數多方纔退遁欲再深追况離邊壕窺遠天晚兵孤沙大馬弱恐墮賊計當差夜不收張安

關中奏議全集卷十三

九

定二名襲賊向往掣兵方回至二更時馬步官兵俱到暖泉營安歇據把總指揮使徐威呈查得就陣射斫身死軍人二名吳景朱晟并大河驛千戶侯林馬戶卜子英二員名中傷官軍一十一名射死官馬三匹走死一匹射傷一十三匹隨營奪獲原槍男婦禁佑等二十四名口通共牛羊三十八隻仍差夜不收齊成馬戶費廣等查得戰場斫傷牛七隻羊九隻收回達箭五百三十一枝十六日兵回靖邊驛駐劄十七日據原差張安定等爪得前賊由大草灘徑透扒沙遠遁去訖本日掣軍回城除將牛羊查給失主認領並收回達箭發庫收候聽驗仍委官前去賊經地

方查勘此外再有被虜人畜明白徑自通行開報外恰具手本乞請施行間五月二十一日又准分守涼州右副總兵署都指揮僉事周尙文手本本月初九日辰時據東門樓直日軍人張五走報瞭接城東十三里鋪墩舉煙二把燒柴堆一座整兵間隨據探哨青石硤夜不收陳貴等馳報初八日未時瞭見達賊灰塵一路約有三里窺遠從東小海子往西大草灘地方行走據報得此本職先統涼州堪征馬隊官軍把總指揮徐威等三百餘員名并接管甘州都指揮趙經守備鎮番行都司指揮使胡玠遊兵千總指揮趙軻等各都好馬官軍共有七百餘員名前去迎火

關中奏議全集卷十三

十

追敵信令步操千總及弱馬官軍指揮唐佑等管領步軍繼後應援兵至大河驛地方迎據紅寺兒夜不收封記兒馳報達賊三十餘騎從東前到紅寺兒墳空壕口內賊一十餘騎過壕進境因見兵馬灰塵來急伏過壕外往南去訖得此急督官軍趨彼追逐馳至地名亂塚子追見前賊回往頭墩原路奔走襲蹤前至乾湖地方南北溝內突出伏賊三四百騎穿帶紅黃盔甲兩面夾功齊來衝敵職督官軍各用弓矢銃砲鎗刀挨牌一擁向前撲斫射打賊見官軍勇猛中傷達賊人馬數多方纔退走復追壕邊沙窩又有伏賊三百餘騎聚齊一處仍來功適職見前賊勢眾

督令官軍下馬結營戰至午時賊見遊擊將軍嚴鏡  
統兵繼後步兵灰塵接連來近前賊徑過邊境出境  
仍往大草灘地方去訖欲再窮追况臨邊外沙大賊  
眾恐墮窺計兵馬掣於頭墩營住劄隨據把總指揮  
徐威等呈查得征傷軍人李保兒等六名等射死軍  
人何達等馬九匹沿途走死于定等馬六匹射傷尤  
旺馬一匹收獲達箭二百三十五枝當差夜不收吳  
清等哨前賊仍往扒沙地方去訖又令夜不收羅甯  
等襲賊向往因賊遠遁本職會同遊擊嚴鎰擊軍回  
城本月十一日辰時據原差夜不收羅甯等爪得前  
賊於青石硤柳溝等處住牧本役回還供報得此照

關中奏議全集卷十三

十一

得前賊去歲由苦水墩大明沙二處經過被我涼州  
聚有調到各路主客官軍奮勇斬獲首級奪獲馬牛  
頭畜數多其賊大遭剄劫遁去莊浪山後五方寺一  
帶今復那營見今蘆溝青石峽等處住牧今遣精騎  
達賊六七百騎從境外扒沙負夜前來因我墩塘并  
探哨人役哨報早知官軍急趨追敵中傷前賊數多  
不曾進境遭剄未曾得利而歸緣賊情譎詐變態不  
當况此青草長茂賊馬騰壯糾眾復讐且夕難測除  
督屬整兵嚴謹隄備及行涼州衛委官前去賊經地  
方查勘有無被虜人畜明白徑自通行開報合俱于  
本乞請照驗施行等因到職會同鎮守太監董文忠

巡撫右僉都御史寇天敘議照得涼州二次達賊入  
境石副總兵周尙文領兵追剿其奪獲人畜情固可  
原而損折兵馬責亦難辭除具

題外呈乞照驗施行等因具呈到臣照得前項達賊竊  
伏西海地方殘害我屬番寇掠我邊境去年冬間被  
回賊警散一半越過官路之北被各鎮官軍相遇斬  
獲數多今在北者自今春以來醜數百騎在於莊浪  
涼州五方寺蘆塘等處往來寇掠或出或沒聚散不  
常已經節行各該將官慎固封疆嚴斤烽墩秣馬勵  
兵嚴備以待如遇侵犯即便督率官軍相機剿逐重  
則飛報隣境官軍發兵策應不許逗遛畏縮貽患地

關中奏議全集卷十三

十二

方亦毋得輕率寡謀墮賊窺計及節經具  
題外今據前因看得涼州地方二次達賊入境石副總  
兵周尙文雖稱領兵追剿奪獲人畜未聞斬殺之功  
亦有損折之罪參詳所呈某處夾功某處拒戰張大  
賊勢自斂勞伐無功有過欲蓋彌彰似難逃責但本  
官去年冬間斬獲達賊數多近日回賊入境又曾被  
其斬首遁歸功可掩過况前項達賊數雖不多俱係  
精兵健馬涼州土馬寡少又復不精糧儲缺乏軍無  
銳氣以此難於成功若不大為祛除地方未免被其  
荼毒又恐但夕與西海賊寇相合愈難支持除督令  
各官比前加謹防範外如蒙乞



勅兵部查照將臣近日所上計處用兵機宜之數早爲議處施行及行巡按陝西監察御史將涼州賊火地方查勘有無被虜人畜隱匿別情徑自具

奏外緣係達賊出沒事理爲此具本順差承差楊鸞親

賁謹題請 旨

一爲傳報回賊聲息事

題爲傳報回賊聲息事准巡撫甘肅地方都察院右僉都御史寇天敘揭帖嘉靖四年六月初五日准分守肅州右叅將雲冒手本開送原差沙州回還通事夷人馬能等四名并沙州隨來探親番人一名到官發據肅州衛撫夷指揮劉雲等會審得通事馬能等供

關中奏議全集卷十三

十三

八〇八

稱本年四月初一日蒙差同夷人士倫台跨爾爾加也先四名騎牽馬匹賫帶犒賞於本月十一日前到沙州撫集頭目帖木歌土巴兒等到彼宣布

朝廷恩威順生逆死殺伐利害論畢當將賞賜段布茶斤交給各番有帖木哥土巴回說比前我祖翁翁手裏

朝廷討饋了衛分印信輩輩把後門出力氣來如今土魯番王子速壇滿速兒力氣大我的軍馬小沒奈何跟着他來到甘肅州地方爲了歹又到魚海上搶了達子回來到於山後留下頭目脫脫木兒領人馬在山後住着教他常往漢人地方上去搶捉漢人問他

關中奏議全集卷十三

十四

八〇九

聲息王子往土魯番去了有頭目牙木蘭領人馬見在哈密住着裏老爺每計較要殺他便多收拾步軍馬來到沙州我每做一箇氣力殺他去若軍馬不來便差着人來我帖木哥親往土魯番和王子調和去如今若人馬不來又不調和差人來調我每往肅州城根前坐去做一箇氣力若不用我便老爹每也不要差着人來我也不差着人去有回子說到七八月裏馬壯了的時候和黃達子還要往漢人地方上來一向不見來有能又見回子一十五名在彼向問帖木哥等回說他是頭目牙木蘭差來他先前搶的漢人馬匹着沙州的人隱藏下了因這是差他每來追尋隨有帖木哥等將回子叫來與能相見認係土魯番小頭目撒的恨等有能數說你王子如何領人馬來到甘肅搶殺冬夷回說有王子和頭目每計較因見漢人殺了大頭目火者他只丁兄弟火者撒者兒和寫赤虎仙父子二人收拾了人馬故來報讐到了肅州城根前把火者他只丁射死了後頭我每打魚海上回來王子回往土魯番去了牙木蘭領着人馬在哈密坐着裏我每人都怨裏若漢人和王子和了便好若不和了便到七八月裏馬壯了的時候有牙木蘭領着哈密北山瓦刺達子還要往漢人地方上

去裏得說有回子將騾出原搶漢人男婦馬匹於本月二十六日起身往哈密去訖本役等欲再停住探聽土巴等有無向背實情恐回夷傳報牙木蘭得知將能等拘執有失大事亦於同日起程并帶隨來探報都督日羔刺部下番人一名朶兒只急速前來所供是實等因連人關送到院復審相同等因開具揭帖到臣查得先據分守肅州等處石叅將雲冒呈前事嘉靖四年三月初七日據守把嘉峪關千戶曹敞呈驗送沙州頭目帖木哥等差來報事番人綽列奔等三名實遞番文一紙到官發據肅州衛申准掌印指揮李堂撫夷指揮劉雲關依蒙督同百戶錢岫陳

關中奏議全集卷十三

十五

要出來你往老爹上稟去我把他黑地裏放着稟來了軍馬起身到了甘州南門上又把一箇大頭毘呵方克把都兒着神槍打死了馱到南山裏打開了一箇堡子回子搶東西去來後頭漢人軍馬來了殺了三二十箇穿甲的回子又殺了一箇不知名大頭目回到營裏做了三箇棺材駱駝上馱着來看見漢人的軍馬來請多了就起營連夜到了西甯魚海搶了把巴歹回來到沙州速壇滿速兒着了頭目脫脫木兒瞎子領着三百人馬順山回往山後避靜去處住着餒馬不要教沙州人投順着肅州去你往漢人地方上常去搶捉住漢人問他甘肅州有無調到人

關中奏議全集卷十三

十六

剛令通事馬勝會審得番人綽列奔係都督日羔刺第千卜克亨羅係頭目帖木哥部下番人俱共係罕東左衛沙州住牧舊年七月裏有速壇滿速兒領大勢軍馬來到沙州把頭目帖木兒土巴叫到根前說你們收拾一千軍馬跟着我漢人地方上搶去若你不跟我們去從你往那裏去罷帖木哥土巴因見他的氣力大我每氣力小沒奈何收拾了軍馬跟着他來到肅州東南城角底下着漢人把大頭目火者他只了射死了馱到臨水堡子跟前捉了一箇苦峪的人阿奴奔有我綽列奔饋他說大城上射死的是火者他只了若漢人軍馬多便出來和他廝殺少便不

馬着人報着來我先差牙木蘭和黃達子的軍馬先去搶殺收田禾的漢人頭畜有王子速壇滿速兒和兄弟三箇的大軍馬隨後來報他老子一般的大頭目火者他只了警去裏把搶去的乏弱馬頭口都丟饋我沙州的人把我們的但是臆壯的馬牛羊駟駱駝都換着去了又收拾了二百石多糧麥送饋了速壇滿速兒領着軍馬先去了留下牙木蘭帶人馬在沙州守着種田有速壇滿速兒到了土魯番把他的兒打發着哈密裏來了又差了三箇人來到沙州把牙木蘭帶人馬這二月十五日調着哈密裏去了帖木哥土巴差我綽列奔千卜克亨羅三箇人饋了一

紙文書老爺上遞來了教我們快些兒回來有事便  
還要打發着人來裏不敢說說供的是實據此除將  
發下番文一紙令番僧結思冬譯云

欽差鎮守眾老爺面前遞文書罕東左衛沙州的王子頭  
目帖木哥土巴賞卜爾加且令盼賞賚我五箇頭目  
人民遞文書緣故我在前永樂年間往後嘉靖年間  
往前邊上地方坐來如今底下的回子滿速兒王子  
歹人出來沙州衛上頭抱着生的人殺了償的錢捨  
我沒奈何肅州衛投降着去饋了賞賜又饋了倉裏  
的糧我們的人多過不的日子回往沙州去了有滿  
速兒王子欺負我裏頭去不放進來我上打饋城沒

關中奏議全集卷十三

七

有打饋說都督日羔刺肅州去時沒有放進去王子  
滿速兒王子軍馬來裏說着聽見了人民肅州上來  
不放進來回坐了又說土倫台通事上話說着去來  
回子的歹人來裏說來不要報怨我又說速壇滿速  
兒王子來便要殺我裏我一答裏來了老爹每不要  
怪我我沙州的人主子

朝廷老爹每主子我說回子殺我的不是不殺我便守  
着沙州坐如今老爹每心裏怎麼算計着裏黑漢兒  
人上有人便算計着你上頭回子的軍馬沒數兒的  
鷄年裏來裏回子的人馬要不來便老爹每心裏算  
計着回子的進貢的放出來便好放不放老爹每知

道要緊要緊又說老爹每請和便好不請和便不好  
的來裏這一夏裏軍馬多來裏我沒有說的不要說  
要回子上軍馬來便如今來一來不來便你上頭軍

馬來裏你們知道我帖木哥速魯土思阿本的兄弟  
阿倫奔身上段子衣裳饋穿着沒奈何的話多說着  
去來又說滿速兒王子上跪着黃達子上領着去來  
我不跪便西甯坐三年我要肅州逃走着去想着來  
上頭回子脫脫木兒監着裏有五百人都督日羔刺  
的兄裨列奔等三箇人着去了前頭差的人上沒有  
饋賞賜如今差的人上好賞賜饋他鈞旨知道路上  
害怕着去的人沒有三月十七日的文書三月三十

關中奏議全集卷十三

六

日要我的人到那真好歹有是麼話再說着來  
朝廷是日一般老爹每是日月一般據此審供據備  
關到衛今將前項緣由同原發番文一紙理合申繳  
施行等因備呈到臣已行甘肅鎮巡官撫處防禦去  
後今該前因切照土魯番速壇滿速兒先於正德十  
一年近於嘉靖三年兩次率領番賊寇我甘肅殘壞  
我還堡虜殺我軍民地方被其荼毒瘡傷困苦所不  
忍言雖被官軍追逐出境不曾大遭剽劫狠子野心  
必無懲戒今據沙州夷人供稱虜酋滿速兒已往土  
魯番留下頭目牙木蘭兒在哈密要到七八月馬壯  
之時領哈密北山瓦刺黃達子等賊往漢人地面搶

捉一節谷或有之觀其先差頭目脫脫木兒領人馬  
三百在我邊住牧乘間寇我永昌地方見被官軍斬  
殺此其明驗但沙州頭目帖木哥土巴等係

中國屬番受

恩深厚去年回賊入寇已率眾跟隨侵犯肅州去順從逆  
罪不勝誅今所供報言若效順心實難測恐其自知  
身負滔天之罪恐將來無容足之所設為張大之辭  
窺我賞賚之利又或土魯番酋見我開關絕貢與之  
通謀窺我意向亦未可知觀其言將進貢的放出來  
便好及諂和便好不諂和便不好等語大略可見且  
此虜窮克極惡

關中奏議全集卷十三

九

神人共怒去歲甘肅雖連壇滿速兒不曾伏誅而大頭  
目火者他只丁阿力克把都兒及不知名大頭目三  
人俱死於箭射鎗打之手彼雖強悍豈得不惧而近  
日所遭頭目脫脫木兒係精銳先鋒初入我境即被  
斬獲其後一犯涼州而副總兵周尙文禦之再犯山  
丹兩指揮王佐禦之俱有斬首奪獲之功其鋒必剄  
其氣必沮况連壇滿速兒已回土魯番止留頭目牙  
木蘭在於哈密料是未敢深入前項供報之言恐未  
可信然王者不治夷狄固不必深究臣惟禦戎無  
上策自治爲上策攘外無良計安內爲良計今甘肅  
地方兵馬寡少錢糧空乏城堡無金湯之固戰馬無

充廩之良原額戎伍逃亡接踵而其名徒存見在軍  
人飢寒困憊而其形徒在已且未治何以治人內之  
不安何能攘外兵法曰無恃其不來恃吾有以待之  
無恃其不攻恃吾之不可攻且今西海通寇鴟張跋  
扈竊伏我邊莊涼劇賊竊家奔剽掠官路比之回賊  
尤當急備已經節行彼處鎮巡副叅遊擊等官各須  
申明紀律訓練士馬脩葺城堡整備器械振威武以  
警外夷之心明賞罰以作我軍之氣又節行陝西布  
政司將該解甘肅一鎮邊儲銀兩分投差官督發過  
河行令管糧叅議僉事等官趑收成時月作急羅買  
糧料草束派發各城堡上納并將近日戶部奏

關中奏議全集卷十三

二十

准開中各運司課鹽三十萬引內撥發七萬五千引彼鎮  
召商報納及候戶部委官運到銀兩內再發五萬兩  
前去足可供應但馬匹缺少之甚近日莊浪副總兵  
魯經節呈賊情緊急無馬出戰已將先任總制右都  
御史李鉞奏帶用剩馬價寄放陝西苑馬寺庫內銀  
二萬七千七百三十九兩內先支五千兩給與西甯  
莊浪官軍買馬騎征但查甘肅鎮城涼州等處馬匹  
尙缺數多近添設遊擊將軍李義官軍三千員名就  
該馬三千匹雖云於茶馬苑馬寺牧養馬內俵給終  
恐不敷及行據延綏總兵官都督彭模呈開延綏一  
鎮原領官軍操馬三萬七千七十匹實有馬一萬五

千六百六十三匹事做倒折馬一萬五千八十八匹  
近雖追補查給不過十之二三見今大虜在套用馬  
為急雖未能盡復原額之數亦合量為查補臣近日  
所奏兵部題

准送到馬價銀五萬兩又該專備召募之用用剩銀兩聽  
給陝西固原等處官軍買馬騎征勢難及於他鎮如

蒙

聖明憫念甘肅孤懸重地即今回達二賊俱有警報及延  
綏正在緊關防禦套虜之時乞

勅兵部再於太僕寺馬價內勦支五萬兩分給甘肅延綏  
二鎮令將缺少馬匹買補完足軍勢自強軍威日振

關中奏議全佳卷十三

川文二

蠢茲戎虜是惟不來來則必無善歸之理甘涼地方  
欲調陝西延甯軍馬策應防遏臣當酌量套賊聲勢  
緩急輕重隨宜調發不敢顧此失彼以貽後艱緣係  
傳報回賊聲息事理為此具本專差承差孫係親實  
謹題請 旨

一為問革姦官謀求掌印賣放邊軍等事

題為問革姦官謀求掌印賣放邊軍科取局匠月糧等  
事嘉靖四年七月初五日據陝西按察司副使韓士  
奇呈問得犯人晏瀨招年四十歲係陝西都司固原  
衛指揮僉事原籍湖廣景陵縣人高祖晏英從軍洪  
武十一年殺賊有功陞陞府軍左衛左所實授百戶

故曾祖晏保替洪武三十年陞本衛後所副千戶永

樂元年間陞本所正千戶老疾祖晏貴替故父晏進

襲成化元年地名潘村山寨等處節次殺賊有功陞

本衛指揮僉事老疾瀨替前職狀詔宏治十七年七

月內瀨違例用財謀求守備事發該刑部山西清吏

司將瀨問調固原衛帶俸差操遇蒙宏治十八年五

月十八日

詔書內一款在京在外文武職官有因緣事及公錯并公  
事誑誤等項特旨降調并為民充軍者該部通行查  
出調者復還原職降者俱照原品先任外用為民者  
冠帶閑住充軍者放回為民彼時瀨要得回還原衛

關中奏議全集卷十三

川文二

不合將前

詔條內調者復還原職擅自改添作調衛者復還原衛字  
樣移關本衛瀨又恐本衛先問發今未到署印指揮  
趙景不從備銀五兩送趙景枉法接受准關給文起  
送原衛蒙兵部查出瀨係原奉

欽依調衛人員比與前項

詔書事例不同將瀨差人押發固原衛照舊帶俸差操聽  
候參提及備行都察院類行陝西巡察秦御史轉行  
陝西按察司提問問瀨又營求督牧官馬正德三年  
六月二十日瀨見得催提緊急不合將原領牧官馬  
一匹拐騎逃竄不行出官本司止將趙景提問枉法

雜犯絞罪准徒五年立功解發訖照提灝又不合仍前不肯出官正德六年十月內灝方纔投衛解赴本司問擬雜犯斬罪查係遇革招呈巡按周御史奏行本司正德七年五月內蒙將灝仍發回原衛帶俸差操間正德八年正月內有順天府昌平州未到商人劉浩劉桂將伊報中靈州鹽課司鹽引一千七百道分與在官李朝陽今故父李宜支鹽李宜就將伊上過糧草銀六百八十兩兌與劉浩等支領訖正德九年正月內李宜因少在官胡璽先未故兄指揮胡琮本利銀三百二十兩無還就將前引內一千五百道憑在官馬鑑趙連管見行與胡琮准還前銀訖彼時

關中奏議全集卷十三

三

計弄胡琮該貼李朝陽銀八十兩一向未與李朝陽將情告業固原兵備道追還訖後李朝陽將前剩鹽引二百道立約順帶與胡琮家人胡秀名下待候人支鹽分用正德十三年十月內蒙分巡關西道差灝前往甯夏等處公幹回還不合一向不行赴衛正德十四年十月內胡琮令胡秀將前李朝陽父李宜准還鹽引一千五百道并李朝陽順帶鹽引二百道憑在官單諡作中立約與甯夏小鹽池未到商人康贊合夥支鹽分用已支鹽四百九十七引未支鹽二百三引灝前罪過蒙正德十六年四月二十二日赦宥訖本年八月內灝方纔赴衛訖嘉靖元年蒙帶管關

西道李卿給與灝官銀一百兩每兩定易料豆二石四斗赴固原州倉上納灝將前銀內八十一兩二錢五分陸續雜豆上倉外銀一十八兩七錢五分該易豆四十五石灝自合給付與人糶買料豆赴倉完納為富不合故違軍職有犯監收盜滿貫律該斬罪者發邊方立功五年滿日還職仍於原衛帶俸差操事例將銀侵欺入已嘉靖二年四月二十六日灝用財禮娶故軍路朝義在官妻杜氏為妻後灝因見杜氏淫蕩受財賣與在官朱趨為妾在官郭永知証本年十一月內蒙固原兵備道明文行灝暫管雜造局事嘉靖三年五月內放支局匠月糧灝因前侵欺官銀

關中奏議全集卷十三

三

料豆未完要得乘此科取完納就不合向在官局匠党經等共九十名每名科取料豆五斗共四十五石補數上倉完納訖本年八月內劉浩因見胡琮病故不合巧計將前李朝陽父李宜准還過胡琮鹽引規作伊故兄劉准寄在胡琮家內被伊弟胡璽冒名支鹽虛情狀赴兵備道告批灝問報灝將胡璽并康贊未到男康國冒行拘到官灝不合不審的實止憑告詢將前支鹽引一千二百三道斷給劉浩領訖比時康國冒畏刑責備銀二兩綿布五匹絨靴一雙駟一頭鹽十石送灝不合索收入已在官楊塔孩知証前事未曾回報本年十月內本道查得缺官署掌衛

印行衛令灝暫管問本年十二月初十日本衛在官充發軍人楊斌畏懼當軍辛苦要得用錢買求回伊保定府慶都縣原籍不合備銀五兩二錢送灝就不合枉法接收入已給與楊斌收買藥餌印信批文收拏影射本月十四日楊斌行至地名腰祿墩遇逢在官巡隊總甲王本盤獲連批送與因原守備劉文處帖行本衛查問問嘉靖四年五月內蒙分巡關西道

紙牌為

勅諭事奉勅合將灝見提解問問本月十三日胡璽不甘將情并不合添規灝違例全支俸糧及累逃四次挾制官府打詐財物又得復職等項虛實情詞并將未

關中奏議全集卷十三



到陳完章寫開單具狀赴提督軍務楊尙書處告蒙牌行守備劉文差人將灝捉拏到官呈解提督衙門蒙批查得灝係分巡關西道見提解問人犯仰陝西按察司副使韓士奇將胡璽所告情詞提人與本犯對理明白備招解審發落呈狀併繳蒙將一千人卷并劉浩在官歇主李昂通行提吊到官與灝逐一對審前情明白恐有不能復又查審得灝帶俸支糧數目支該全支並無月支食米一石事例各無異詞將灝等取問罪犯外結得銀每兩值鈔八十貫招結是實議得灝等所犯屢顯除革前并受財枉法滿賈及求索科歛等罪名不坐外合依官物當應給付

與人已出庫而未給付但有人收掌在官若有侵欺者計贓以監守自盜論四十貫律斬係雜犯准徒五年楊斌依有事以財行求得枉法者計所與財坐贓論四百貫律杖九十徒二年半胡璽依不應得為之事理重者律杖八十楊斌等俱有

大誥減等楊斌杖八十徒二年胡璽杖七十髮灝係贓官楊斌係軍胡璽係舍餘各照例屢灝定發邊方立功五年滿日仍於原衛帶俸差操不許管軍管事楊斌審無力定撥缺人墩臺照徒年限階賚胡璽審有力納米贖罪各完滿日踈放與供明李朝陽王本楊塔孩郭永趙連克經胡秀馬鑑單鎰朱趙杜氏李昂各

關中奏議全集卷十三



查發着伍隨住甯家內屢灝係軍職論功定議發落查得本犯先該分巡關西道奉勅合見提解問合行固原衛備由轉行該道查照完報施行照出供明李朝陽等并雜犯死罪屢灝俱免紙胡璽告紙楊斌氏紙各一分照例每分內除二十張存留公用其餘折米告紙四斗民紙二斗并胡璽贖罪米七石及屢灝名下枉法受要楊斌銀五兩二錢又侵欺原領易買料豆官銀一十八兩七錢五分并索受康國冒銀二兩綿布五匹絨襪一雙駝一頭鹽一十石主無見在與枉法侵欺銀兩俱合入官又屢灝科取局匠党經等九十名每名料豆五斗共四十五石合給主中間



主無見在者入官俱發固原州監追完足罪紙米石  
弁主無見在料豆俱送本州官倉上納綿布絨靴駝  
鹽易銀弁枉法侵欺索受銀兩俱貯庫與米豆俱作  
正支銷科取有主料豆查給收領通取收管實收領  
杖附卷及未到劉灝妾告爭過胡琮原受李朝陽父  
李宜少銀准還鹽引一千二百三道仍行固原衛拘  
拏劉浩追給胡琮弟胡璽弁家人胡秀收領同順帶  
李朝陽鹽引二百道省令徑自收支照約分用有罪  
劉浩另行吊來文卷發回備照等因具呈到臣案查  
先據固原衛已故指揮胡琮下舍餘胡璽狀告本衛  
指揮僉事晏灝原任北京爲事問調本衛後因改寫

關中奏議全集卷十三

三七

又八

詔書事發逃走着兄挨獲肘送按察司問擬永遠不許管  
軍管事帶俸差操後又復逃三次文卷可查至今隱  
情掌印管局以此懷讐主令商人李宜劉浩等捏詞  
具狀赴兵備官處告兄先年合夥中鹽寄放引目等  
項事情蒙批晏灝問理就彼拘璽偏情酷拷妄認虛  
供及開單許告晏灝賣放軍人枉發受財侵欺官銀  
科取財物多支俸糧等情查得晏灝係陝西按察司  
分巡關西道僉事鍾錫見提解問人犯已經批行陝  
西按察司副使韓士奇提問明白備招解審去後今  
據前因覆審無異奏照犯人晏灝先係平涼衛官員  
緣事改調不思改悔自贖卻乃稔過不悛始因擅改

詔書字樣被提不出又拐帶官馬在逃後假以公差爲由  
出外遊蕩至三年有餘曠職兩次遇蒙

恩宥尙猶不圖自新侵欺守掌官銀乃科斂局匠以賞還  
受要軍人財物又在法給批而賣放及訪得本犯平  
昔在衛假公覓利倚勢害人不止一端官司被其挾  
制下人苦其凌虐離間前罪尙有餘辜合無照依原  
擬定發邊方立功五年滿日仍於本衛帶俸差操不  
許管軍管事惟復遠加誚調以爲軍官怙終稔惡屢  
犯不悛者之戒緣係軍職論功定議未敢擅便爲此  
具本順差承差孫傑親賚謹題請 旨

一爲舉用賢才以裨政化事

關中奏議全集卷十三

三八

又四三

題爲舉用賢才以裨政化事臣惟人才難得自古爲然  
故通經學占者多致用而不達獨立自信者多矯枉  
而過正志存乎道德行或不掩其言取給於事功久  
或漸淪其守外內之相符終始之一揆今豪傑之士  
布列中外其人必多臣久處林下今任邊方未能深  
知不敢汎舉切見陝西按察司提學副使唐龍早得  
金花文獻之傳志窺聖賢理性之學及出而登仕作  
令刻城首剽流賊之鋒兩爲巡按茂著激揚之操今  
提學陝西動必循軌言不悖道多士賴其陶成人材  
因之益盛是蓋輿論所許清議所歸非臣一人之私  
言也且今之用人自有常格臣竊謂資格所以待眾

人不次所以拔英傑古之帝王暨我

朝

列聖率由是道如唐龍者文行俱優體用相孚內可以佐

臺寺備清華之選外可以任撫巡受干城之寄若長

憲之官固所優為亦其常格選衡必有所處豈俟臣

言但念備位大臣以人事

君臣之職也薦賢為

國臣之志也儻知而不言實重蔽賢之貴如蒙乞

勅吏部廣詢博訪驗其平生叅之公議若果臣言不誣將

本官待之以不次加以以殊擢遇缺奏請

簡用於國家政化必有裨補如其奉職不效或晚節有虧

關中奏議全集卷十三

三九

川十一

則臣失人謬舉之罪無所辭避矣緣係舉用賢才以

裨政化事理未敢擅便為此具本順差承差孫傑親

賁謹題請 旨

一為急缺邊方都司官員事

題為急缺邊方都司官員事照得各處邊鎮各有行都

司衙門統領衛所惟甯夏榆林無之榆林鎮城止轄

一衛甯夏在城設有五衛在外二衛二守禦千戶所

軍務浩繁內有

慶藩及郡王將軍等府數多又兼夷漢雜處難以撫馭

先年舊規鎮巡官推選老成練達都指揮一員管理

各衛事務號為掌方面官員城池鎖鑰夜巡銅牌皆

其執事各衛所官軍馬匹數目冊籍皆其管領地方

聽其約束墩臺屬其提調關係不為不重苟得其人

事有統紀不致顛倒近日鎮巡委用都指揮安世臣

本官行事過當起釁招怨貽患未息况今本鎮太監

總兵巡撫管糧僉事等官俱各緣事被提新除官員

不知何日到任闔城空虛事無統紀誠恐因而別起

釁端深為可慮已經劄仰陝西按察司分巡關西道

僉事鍾錫前去鎮城住劄收放錢糧稽察奸弊問理

刑名及帖委前任甘肅遊擊將軍今革在閑都指揮

同知王爵暫去管理都司事務提調各衛官員收掌

門禁鎖鑰稽察姦盜外緣舊規相承止是鎮巡選委

關中奏議全集卷十三

三十

三十一

都指揮一員管理今查本鎮別無都指揮可委若令

指揮署管職任相同難以行事臣切謂地方事重前

項官員責任比與各行都司事體相同必得老成都

指揮奏奉

欽依委用庶幾人心協服訪得陝西都司見任空閑都指

揮僉事張鵬霄孫昌二員住曾久任守備領軍等官

委皆老成練達事務善於處謀雖先曾有過被革今

皆砥礪自新比之新進出仕之人相去遠甚如蒙乞

勅兵部查議奏

請合無於張鵬霄孫昌內定委一員作為提調甯夏等衛

名目令其掌管城池門禁夜巡銅牌軍馬冊籍一切

政務庶使鎮巡衙門可以委任責成上下相承體統  
不紊庶事不勞而集矣仍乞著爲定例今後有缺聽  
鎮巡選委相應都指揮奏

請委用則體勢稍重易於行事實爲便益緣係急缺邊方  
都司官員事理未敢擅便爲此具本順差承差孫傑  
親資謹題請 旨

一爲易置邊方將官事

題爲易置邊方將官事照得甯夏花馬池地方逼臨邊  
牆係套賊侵犯腹裏必由之地先年止設一營調撥  
西安慶陽官軍輪班備禦成化年間奏設守禦千戶  
所添撥改編官軍一千員名正德元年間臣爲總制

關中奏議全集卷十三

三

介

因見地方要害虜賊不時侵犯官軍數少難以截遏  
奏改爲甯夏後衛添設四千戶所選撥召募軍人四千  
員名常川住守與原撥官軍相兼備禦又展拓城池  
修蓋營房數千間人居稠密市廛貿易遂爲樂土今  
經二十年矣城垣損壞不行修補新舊軍人逃亡居  
半每遇虜至不過閉門自守禁斷居人不許樵牧致  
將原蓋營房折毀焚燒殆盡詢問其故蓋因近年分  
守將官不得其人上下交征務爲措冠以致如此訪  
得見任分守甯夏東路地方右叅將都指揮僉事劉  
謹貪刻成性誅求無厭以營家爲得策視戎政爲末  
務指稱公用尅扣軍士糧賞每遇解到新軍搜索裝

囊空竭方纔發伍衛所官員因而挾持爭爲科歛以

肥身家致令軍日逃馬日耗邊務日廢城堡蕭索幾

不能守及照陝西設有遊兵官軍三千員名不止防

禦本鎮兼爲延甯甘肅各路應援之兵此等將官必

得素有關力慣經戰陣之人遇警身先士卒眠霜宿

草不憚苦勞摧鋒陷堅無往不前乃克勝任見任遊

擊將軍署都指揮僉事陶文頗能自守亦善處事但

年力尚衰膽氣素弱居常無事幹理戎務若無大失

遇警出戰衝鋒破敵決所不能今大虜擁眾在套秋

冬之間難保深入爲患而甘肅莊浪一帶地方回達

二虜節有警報領軍截剿全在將官劉謹尿管親離

關中奏議全集卷十三

三

×611

豈能得其效用陶文則上玩下慢安能驅之赴敵臣  
又博訪得先任分守大同西路地方右叅將延綬都  
指揮僉事高時先任遊擊延綬將軍養病痊可陝西  
署都指揮僉事夏欽俱曉暢軍情熟諳戎務馭下有  
恩臨敵不惧堪任分守先任延綬援兵團操叅將都  
指揮僉事瞿江延綬定邊營把總指揮僉事魏錕皆  
體貌魁梧膽氣猛厲弓馬有出眾之能膂力有兼人  
之虞堪任遊擊且人之才各有所長其用各有所宜  
指垢蔽瑕則舉世無全人舍短取長則中人皆可用  
如夏欽魏錕固未嘗有過高時瞿江雖曾緣事黜革  
終難揜其所長使功不如使過在今日尤爲急務伏

望

聖明軫念邊事至重求才甚難乞

勅兵部再加詢議如臣言不妄乞將劉謹革回原衛閑住

陶文候腹裏閑靜地方有相應員缺乞將所舉各官

具名上

請

簡用高時等內用一員充甯夏東路叅將分守花馬池地

方瞿江等內用一員充陝西遊擊將軍如此則委任得

人戰守有備士氣自奮邊方有托藁爾醜類不足為

中國患矣緣係易置邊方將官事理未敢擅便為此具

本願差承差孫傑親資謹題請 旨

關中奏議全集卷十三

三十三

川上

一為申明 勅諭陳言邊務以禦虜寇事

題為申明

勅諭陳言邊務以禦虜寇事該戶部議覆查照先年舊規

通將納銀事例並革不開中馬匹俱聽環靈兵備官

督同原管鹽場通判等官從公召商照依原定引數

開中馬匹先儘甘肅次及延綏又次甯夏輪管相兼

西甯洮河茶易馬匹兌給應用周而復始著為定例

及稱見今延綏邊情未甯合無併行各鎮通融扣算

量其邊務緩急大小俱聽見差經畧二邊軍務衙門

隨宜處分不必拘執原額事甯之日輪中備奉遵依

間續准本司延綏管糧僉事張宏關奉巡撫延綏地

方都察院右副都御史姚謨劄付內開召到商人楊

騰霄等四十四名納完上中馬一百六十二匹共該

鹽一萬四千六百引緣由前來又准陝西布政司照

會將填完正德十年商人張大海等納完鹽引一萬

四千三百三十七引正德十一年商人劉鎮等納完

鹽引一萬四千三百三十七引正德十二年商人豆

達等納完鹽引一萬四千三百三十七引并楊騰霄

等前項引目各資領到道俱經封發行仰慶陽府轉

行管鹽通判李敏忠查照上年事例相兼放支仍納

新課去後其正德十三年見今陸續止召納過二百

一十引赴布政司填還引目外其餘至今未見上納

關中奏議全集卷十三

三十四

x611

節經催行慶陽府督納間今蒙前因隨拘原告商人

并節年商人張大海李瑒等到道審據各執稱各商

大池自宏治十二年起小池自正德元年起俱至嘉

靖元年止在池引目約有二十餘萬俱未關支為因

連年虜患及天時旱澇鹽路不通及節次事例不常

分派股頭不定況且復能支出前引抑又勒納新課

以此坑陷資本纏延不絕守候日久困苦人難等情

張鑣等一起則告要仍前隨到隨支不論諸引之新

舊李瑒等一起則告要照舊挨年挨名不分股頭之

三七七抵年名在前者利於挨次而原擬隨支者憚

於分股各惟圖便已私不顧紛更鹽法俱難准聽但

勒納鹽課一節中間商人資本有昔豐今喬守支有昔旺今衰必使其舉貸以納於情不堪若令其轉易而法有禁委的官商兩未為便益且今在池未放鹽引既多再欲設法另召商人必少欲要暫停新課以疏通舊引不無虧損額課遲誤邊儲合無將在池鹽引自正德七年以前俱為舊引正德八年以後俱為新引新舊平分各為五分股頭兩股各按年挨名止論鹽引數目不拘商人多寡相兼放支如上名不到丁名換放其新課合無將正德十四十五十六年嘉靖二年三年俱免開中自嘉靖四年起不拘是

否舊商每引照宏治十二年事例納銀一錢七分量

關中奏議全集卷十三

三五

人各川

加三分共二錢或照近例仍納三錢五分俱於本道報名發慶陽府收取實收類赴布政司填給引目取自關放暫准於鳳漢二府地方與河東鹽相兼發賣限二三年或五年候前項舊引盡絕至四年分起止挨年挨名放支不必分擬新舊股頭仍照原擬於平慶地方發賣永為定規不許再生異議變亂庶幾鹽法不致紛更而商情亦為便利矣呈乞照詳定奪等因具呈到臣查得宏治十八年間臣巡撫陝西議奏靈州鹽課司大小鹽池所產鹽斤與解池相類不勞煎煮不煩人力為利甚博取之無窮舊例止是召商中納馬匹分給邊鎮騎操後因各邊交爭互取多寡

不均故有間年關領之例又因中馬之人勢囑賄通濫收不堪馬匹不得實用故有收價解邊之例畢竟為馬而設未嘗別用後因放鹽委官作弊多端奏添陝西按察司副使一員在於慶陽駐劄雖整飭邊弊實兼督理鹽法宏治年間甯夏鎮巡衙門先因修理河渠借去宏治十四年十五年二年鹽課後因措置糧草借去宏治十六十七十八年三年鹽課河渠工程既未就緒倉場糧草亦未充足而鹽馬之制遂廢私鹽盛行姦豪得利宏治十五年間該總制尙書

秦絃題

准於慶陽府添設通判一員兼理鹽課將紅德堡批驗所

關中奏議全集卷十三

三六

人各川

移改慶陽府聽環慶兵備提督宏治十八年以後引目送監收通判開放每引收銀四錢五分准裝鹽五石或六石銀兩分發慶陽固原官庫分送各邊買馬續該苑馬寺卿車霆奏要增靈州鹽課納銀給買邊馬兵部題奉

孝宗皇帝欽依陝西茶鹽易馬備邊係是舊制今後不許別項奏討欽此欽遵行臣查處臣督同兵備副使燕忠高崇熙等親詣鹽池查勘二池鹽利委有餘饒今將大池增一萬五千引小池增三萬引每引納銀二錢五分照鹽一車以六石為則外有多餘依律壘墊至固原慶陽二鹽廠卸所每引仍照舊收引銀一

錢通共每引得銀三錢五分每年該銀二萬七百六十餘兩僅遇旱澇鹽生不及或邊報緊急鹽路不通除舊額課鹽外新增鹽課明白除豁不可膠於一定歲歲取盈行鹽地方許於原漢二府通行與河東鹽相兼發賣兩不妨阻其宏治八九年以前中馬鹽引久弊多莫可查考所宜一切革罷宏治十三年以前召中商人彼皆奉例納銀輸官後因甯夏借課馳還數年怨聲載道合准相兼支放新引七分舊引三分宏治十四年以後甯夏所借若有未支未中之數年分已滿中間勢豪之人展轉影射難再復支未中引目陝西截取開中庶幾物論稱平所收鹽引銀兩俱送慶陽固原官庫寄放聽慶陽兵備兼理鹽法副使及固原兵備副使提督稽日如遇各邊缺馬聽臣斟酌通融給發買馬支用不必拘定間年之例等因具

題荷蒙

武宗皇帝俞允舉行彼時鹽法流行所得鹽銀數多未及二年臣謝病回還自此之後各該衙門節有論奏正德三年戶部題

准靈州鹽課解送太倉以備緊急支用各邊缺馬奏請定奪其後巡撫陝西侍郎馮清奏  
准將正德七年以前至元年鹽引暫且停止正德八年九年鹽課俱借與甘肅上納糧料草束完足赴塲隨到

隨文正德十年以後照舊新引七分舊引二分兼放輪解各邊買馬糴糧正德十二年督理甘肅軍餉右侍郎楊巨奏

准將十一年十三年鹽課俱聽甘肅召商報中糧草備用甯  
昭舊買馬是年巡按御史師存智題

准將十四年分鹽課除供邊外量留一半補給  
韓府祿糧十三年鎮守延綏太監許全奏

准除正德十四年引鹽一半補給祿米其餘并十五年分  
盡數歸本鎮買馬其十六年以後三邊照舊輪給正

德十六年兵部議准先該臣處置牧馬茶馬鹽馬實  
濟邊用合行進茶御史查照開中馬事宜次第舉行

是年御史王臬奏靈州鹽法大壞欲行設法召中收  
價買馬均給三邊戶部題奉

欽依這地方鹽課着巡茶御史查明數目將各奏年分未  
開未開并未撈的照例停止欽此嘉靖二年戶科給

事中王瑄奏處邊儲戶部議得靈州鹽課停革買馬  
專一召商報納糧草二十年來事例紛紜更革不一

鹽法為之大壞無益邊儲有虧馬政所以近時議者  
多欲革去納銀專令中馬不為無見臣切惟靈州大

小鹽池鹽法

祖宗朝本供各邊買馬之用後因中馬有弊改議納銀輪  
發各邊買馬立法未嘗不善奈何正德年間當事者



各出意見奏行新例紛紜變亂新舊混淆弊端百出後任者不體前官之意新納者罔念舊商之苦以致各年各項報中俱未支掣完足鹽引堆積多至二十餘萬商人虧陷資本節次召中並無一人報納卻乃搜刷舊商勒報新課監禁箠楚如追逋負在情與法俱不相應夫天地自然之利人自失之而徒爲姦人私販之資深爲可惜查得近該戶部題奉

欽依革去納銀專令中馬固係舊例但先年中馬弊多始改納銀且各鎮官員趨向不同行事亦異如是禁防踈闊或因將官之要求或徇勢豪之請託將中下不堪馬匹掇作上等支鹽一百引以致物議沸騰若欲

關中奏議全集卷十三

三九

於腹裏地方納馬解邊則秣飼屬之何人運送不勝其擾似皆未便臣愚以爲不若仍納銀兩解邊易馬則事省人便官商兩爲有益且如鹽馬舊例上馬一匹給鹽一百引中馬一匹給鹽八十引二池舊課止有一萬四千三百三十七引盡納上馬止該馬一百四十三匹兼納中馬大約不過一百五十餘匹正德元年臣召報納過七萬二千五百引每引價銀二錢五分共得銀一萬八千一百二十五兩每馬一匹用銀十兩可買馬一千八百一十二匹正德二年臣召納未完去任今查納過鹽三萬八千七百引每引價銀如前該銀九千六百七十五兩以後年分多者萬

餘兩少亦不減數千兩嘉靖元年延綏超前已報納馬止是一百六十二匹較其所得多寡之數昭然可知致將正德十四年十五十六三年俱誤召納今據副使高公韶所呈在池未放鹽引既多欲再設法另召商人必少欲暫停新課以疏通舊引不無虧損額課遲誤邊儲一節查得節年報納商人歲月既多頭項不一中間展轉影射冒支盜賣等弊難保必無本當通行革罷但念各商俱已奉例出其資本助我邊儲官本失信商則何辜况前商既已失利後商愈加疑阻誰肯以固有之財而希覩不可必得之利或緣前事該部已經題有

關中奏議全集卷十三

四一

明命臣當具奏上請定奪乃敢施行但六七月間正在放鹽之際誠恐又誤一歲額課已經遵照欽奉勅諭便宜處置事理劄仰副使高公韶備云出給告示騰諭自正德元年以前鹽引俱各革罷不許放支仍令將引目赴官投告燒燬若仍留在身以圖影射許各項商人并鄰佑里長旗甲首告拏問治罪自正德二年至正德十二年止俱爲舊引正德十三年見開未完并以後年分開中者俱作新引另召不拘新舊商人許令告報每引照正德元年年事例納銀二錢五分到於卸鹽處所仍納卧引銀一錢願中商人俱於環



慶兵備處報名銀兩發慶陽府收貯取實收類赴布政司填給引目下池舊引三分新引七分俱挨次開放止論鹽引數目不拘商人多寡如上名不到下名挨支每引照鹽一車以六石爲則外有多餘依律掣墊追問去後近據副使高公韶呈稱示出之後召納過鹽引一萬一千餘引作正德十三年之數餘尙召納未完臣聞之先政云法立而能守則德可久業可大天下之事皆然如總制尙書秦紘等先年所擬循而行之於三邊馬政實有神益惟是接管官員專務更張以致法無定守官無依據每更一官輒奏改一例出於己者患其不多出於人者惟欲其止行之未

關中奏議全集卷十三

三

又

久他官相繼又復如是且納銀納馬所取既殊買馬買糧所用各異乍行乍革條舊條新規近利以失大信前車之覆後車之戒宜商人之不樂從也但前此納銀各該衙門往往借取別用有妨馬政見今三邊多警正在缺馬之際如蒙乞

勅戶兵二部查議合無依臣所擬將正德元年以前不拘納馬納銀商人一切革罷將引目赴官投告燒燬正德二年起至正德十二年止俱爲舊引正德十三年見開未完并嘉靖二年三年接連嘉靖元年之後者俱作新引正德十四十五十六三年已有嘉靖元年阻隔不必開中徒爲紊亂煩擾每鹽一引照正德元

年事例納銀二錢五分到於卸鹽處所仍納卧引銀一錢共每引得銀三錢五分以舊額鹽課計之可得銀五千餘兩較之納馬已是三倍况新課之數又未可預料乎原中商人俱於環慶兵備處報名銀兩發慶陽府收貯取實收類赴布政司填給引目下池舊引三分新引七分俱挨次開放止論鹽引數目不拘商人多寡如上名不到下名挨支照鹽車石及多餘掣墊等項俱照舊施行所收銀兩仍照例正德十三年爲始先延綏次及甯夏次及甘肅輪年解發前去專備買馬不許別項支用若別領果有邊情緊急聽提督總制衙門如無提督總制聽巡茶御史各通融

關中奏議全集卷十三

三

又

派給仍乞

天語丁甯著爲定例毋再紛更庶成畫一之功以濟邊方之急再照靈州二池夏秋之間水面凝結如雪如霜隨取隨足十餘萬之課亦不難辦但地隣邊境或聲息緊急鹽路不通又或旱澇相仍鹽花不結照臣先年議奏新課明白除豁不可膠於一定歲歲取盈但行鹽地方舊例止在平慶一府及甯夏等衛榆林甯塞營迤西城堡似乎大狹鹽生者多民食者少鹽商何從售賣而私販固未嘗絕以此尙書秦紘御史王錯先後具奏俱要將靈州鹽課與河東行鹽地方相兼發賣正爲此合無今後每年舊額鹽課一萬四

千三百三十七引之數斷不可少其新增鹽課不拘多寡儘數撈辦支掣以池內無鹽之日爲止其行鹽地方除西安延安等府照例嚴禁外許暫於鳳漢二府地方與河東相兼發賣兩不相妨待三年之後舊引支盡鹽法疏通將舊施行實爲便益緣係分理鹽法事理爲此俱本謹題請 旨

一爲達賊聲息事

題爲達賊聲息事嘉靖四年七月二十一日據延綏總兵官署都督僉事彭樸呈爲達賊掘牆入境官軍對敵斬獲首級事據舊安邊營把總指揮僉事趙重呈蒙分守西路叅將袁聰均帖准總兵彭樸手本該蒙

關中奏議全集卷十三

聖

臣鈞帖爲虜中走回人口供報夷情事備仰本職務要嚴謹斥埃整柵軍馬鋒利器械常如賊在目前不許一時怠惰仍差人遠哨如果虜賊近邊卽便會合各將官同心協力相機剿逐飛報都堡官軍發兵策應務使大遭剽馘不致貽患地方蒙此卑職於通賊要路墩空量添夜不收步軍在彼按伏本年六月十七日已時據守柏槽店墩夜不收林三走報柏槽店四墩直日軍人范深二瞭見境外達賊約有二百餘騎穿戴盔甲聚到本墩西空內扶四十餘賊上牆擺射餘賊掘牆當傳左右鄰墩甲軍按伏夜不收步軍互相戰守據此卑職一面飛報協守副總兵趙瑛分

關中奏議全集卷十三

四

守叅將袁聰遊擊將軍張鳳一面卽會按伏遊兵營千總官王陞等各領官軍馳去截剿賊已掘開墻口一處進入遠裏剗立窺見兵馬將近張弓衝突前來職等奮不顧身嚴督官軍各用弓銃一齊射打戰敵數合我兵奮勇撲斫一處就陣斬獲賊首一顆奪獲達馬一匹射死達馬一匹王陞等督軍同陣斬獲首級一顆奪獲達馬二匹前賊仍復攻戰嚴令官軍敵戰問賊見逃西逃東遊擊張鳳等人馬灰塵將近退從原口出邊去訖查得卑職步下收獲夷器一十二件達箭一百一十枝中傷旗軍六名射死戰馬一匹王陞部下中傷旗軍七名射死戰馬二匹收獲夷器一十二件達箭七十五枝等因具呈到職及准遊擊將軍張鳳手本據千總指揮王陞呈報相同准此准行各該分守按伏將領把總等官整兵隄備所獲功次會行按察司僉事郭鳳翔照例勘報及具題外呈乞照驗等因到臣又據延綏總兵官彭樸呈爲聲息事據靖邊營把總指揮同知孫仁呈本年六月十四日辰時據坐堡百戶紀鏗報有聲息本職當領有馬官軍一百五十員名同奇兵營千總指揮桑林等官軍九百員名馳至地名許仲義梁迎遇永固墩夜不收柯能報據軍人王志會瞭見達賊六十餘騎到本墩邊外剗立職督官軍馳至墩洞賊從墩北迎

敵前來督令官軍一齊向前射打其賊遯退去訖收  
獲達箭二十枝又據龍州城把總指揮僉事劉鏡呈  
據坐堡百戶周淮呈據水騰墩夜不收高思義報六  
月十七日未時該軍人徐伏瞻見達賊三十餘騎到  
墩東空折墻進入一半在水騰澗一半往東清平堡  
錢兒梁去訖本職當同本城經過遊兵營千戶趙聰  
帶領馬步官軍四百五十員名馳至龍州墩梁賊見  
官軍追逐又見清平堡把總指揮周繼勳亦領兵前  
來出邊遞去查得蘆草溝餘丁賈海男賈捨兒小龍  
州餘丁劉毛哇哇在彼打草被賊搶去隨據清平堡  
把總指揮使周繼勳亦呈相同查得清水河坨去秦

關中奏議全集卷十三

聖

家昨餘丁党柰使女一口米脂縣民人李彪幼女一  
口又據常樂堡把總指揮僉事胡定呈據坐堡百戶  
潘靖呈據白崖兒墩夜不收趙成報六月十八日卯  
時據軍人曹孜瞻見達賊一百餘騎到墩東空掘開  
墻口八騎進入海湖畔劄本職當同按伏指揮何大  
經帶領馬步官軍馳至原掘墻口賊見兵馬急至遯  
出邊外去訖查得本堡餘丁韓安兒劉小和尚及餘  
丁鍾山妻許氏俱劄草被賊捉去又據木瓜園堡把  
總正千戶童壁呈據大山墩夜不收任進報六月十  
八日巳時據軍人孫思慶瞻見達賊二十餘騎到墩  
東空折邊墻進入本職當領有馬官軍一百五十員

名前進百戶孫欽帶領步軍一百七十名相繼馳至  
趙家梁又據夜不收小王成報添達賊五十餘騎督  
軍馳至劉家梁遇賊衝突前來督軍齊力射打就陣  
奪獲射重達馬二匹俱劄死賊退從原口出邊去訖  
查得在陣射傷總甲王聰墩軍李大明李伯英收獲  
達箭二十八枝又據瀾水堡把總副千戶朱鏗呈據  
百戶張官生呈據六月十八日午時據軍人馮江賊  
見達賊五十餘騎前來口墩掘開墻口二十騎在口  
簇立三十騎進入在高阜沙梁站立向南瞭無人畜  
當從原口出邊去訖又據波羅堡把總指揮同知秦  
鏗呈據坐堡百戶許聰呈據鎮虜山墩夜不收余茂

關中奏議全集卷十三

聖

興報六月二十日寅時據軍人袁朝兒瞻見達賊一  
百餘騎到墩西空掘開墻口一半進入墻裏馳至戰  
窯梁瞭採本職領軍馳去截剿從原口遞去查得本  
堡舍餘馮雄在路射死又據靖邊營指揮同知孫仁  
呈據坐堡百戶紀鏗呈據威遠山墩夜不收趙川嗣  
報六月二十二日寅時該軍人楊守愛吳恩玉前  
去迤東瓜問火砲行至趙官人澗忽遇箭杆梁山渠  
藏伏達賊前來將楊守愛等撲捉過據本職當領官  
軍一百五十員名與同按伏奇兵營千總指揮桑林  
等官軍六百員名馳至井澗岔迎遇夜不收倪仲良  
報賊一十餘騎過壕撲捉墩軍北去本職等回兵防

守又據波羅堡把總指揮同知秦鏗呈據坐堡百戶許聰呈據樊家梁墩夜不收黑六報六月二十三日寅時據軍人李良兒瞭見達賊八十餘騎到墩拆開墻口進入一半馳往硬地梁墩本職領軍追剿賊見兵臨當從原口出去隨據守硬地梁墩夜不收高眞定亦報前賊四十餘騎到本墩對敵射重墩軍張彪至晚身死又據秦鏗呈據蓮池山墩夜不收席整報六月二十五日寅時據軍人高四瞭見達賊六十餘騎到墩東空折開墻口進入一半徑往東南夾道去訖一半在墻堵口將墩軍張官音保射重身死職領官軍馳至河北其賊退從原口去訖又據嚮水堡把

關中奏議全集卷十三

四七

總千戶朱鏗呈六月二十五日卯時據嚮水界墩夜不收郭馬兒報據軍人劉貴瞭見達賊三十餘騎從南來到本墩拆墻出境去訖查得前賊自波羅堡蓮池山墩出沒至本堡大桑坪射傷遞送公文夜不收吳彥成搶去羸一頭并公文射死軍人周演及行路男子一人等因又據本官呈爲聲息事據嚮水堡把總副千戶朱鏗呈據坐堡百戶張官生呈准提墩百戶張聰報本年六月二十六日申時據軍人竇鉞瞭見達賊五十餘騎到防湖墩東掬開墻口舉放煙炮二十騎在口簇立三十騎進入墻裏往東南行走本職帶領馬步官軍一百五十員名追至本堡沙河掌墩

關中奏議全集卷十三

四八

東空嚮水界墩西空各拆墻口出境去訖又據波羅堡把總指揮同知秦鏗呈據坐堡百戶許聰呈據提墩總甲陳合卷兒報本年六月二十七日巳時據軍人閻銘瞭見達賊二百餘騎到蓮池山墩東空掬開墻口舉放煙炮五十餘騎在於墻口一百五十騎進入邊裏沙窩簇立本職當領馬步官軍同接伏都指揮馬政領兵馳至河畔前賊潛伏內二騎往來引誘職督官軍前進賊見兵勢聯絡當從原口遁去等因行據榆林衛副千戶張鵬呈前去嚮水堡查得把總千戶朱鏗帶領馬步官軍到於蕎家莊因晚未曾進襲前賊侵至櫻桃山殺死本堡餘丁吳江河傑搶去幼男劉和尚石廟兒溝搶去軍人張友妻子氏鷄子莊殺死屯住餘丁王俊王定搶去幼軍王十一使女王妙順又去波羅堡查得並無搶掠人畜等因又據榆林城坐堡指揮使王壽呈據本堡管隊千戶徐世臣呈查得本隊紀錄幼軍王世美應役王十一於六月二十六日前去嚮水堡鷄子莊屯內送飯米忽遇達賊搶去又據龍州城把總指揮僉事劉鉞呈據坐堡百戶周准呈據提墩總甲王洪呈據平灘墩夜不收楊萬三報六月二十七日申時據軍人王鑑瞭見達賊五十餘騎到本墩東空拆開墻口一半在口簇立一半進入往東清平堡地方中沙墩去訖舉放煙

炮本職當領馬步官軍一百五十員名馳至水腦墩  
梁瞭見清平堡人馬追賊前來卑職合兵夾追賊從  
原口出邊去訖又據清平堡把總指揮使周繼勳呈  
報相同行據百戶馮相查得前賊到中沙梁墩空將  
本墩軍梁田加左膊射訖一箭盧志興後腰射訖一  
箭捉去楊家畔餘丁蘭連男蘭存得等因本年七月  
二十九日又據本官呈前事據高家堡把總副千戶  
丁麟呈據坐堡百戶潘銳呈據礮兒梁墩夜不收萬  
英報本年七月初九日據軍人胡聰瞭見達賊二十  
餘騎驟到本墩掬開水口進入本職當領有馬官軍  
七十員名到彼據本墩小甲李子貴報稱達賊一十

關中奏議全集卷十三

覽

二騎在於營口入騎徑到本墩坎圍射死墩軍孟田  
馱賊見人馬將近出境去訖又據榆林城把總都指  
揮僉事閻武呈本年七月十五日丑時據本城馬神  
山墩傳接迤西煙火當蒙鎮守總兵官彭煥統領職  
等官軍七百員名至灤水堡新添墩西空達賊掬開  
牆口一處瞭見邊外沙梁族立達賊二十餘騎爪得  
馬蹤三十餘道徑往腹裏西南去訖蒙總兵官彭煥  
分布官軍各衝要地方按伏堵截本官統領官軍  
蹤追趕至波羅堡硬地梁墩合兵夾擊前賊就陣奪  
獲達馬五匹夷器六件達箭三十二枝被賊射重墩  
軍二名身死賊奔從硬地梁墩東空水口出邊去訖

等因節呈到臣為照延綏地方處賊在套日久臣自  
到陝西以來不次行令各該將官加意隄備遇有侵  
犯即便督軍截剿不許畏縮誤事已將節報聲息具  
題外今據前因看得套賊自本年六月以來侵犯延綏  
近邊不止一次止是遊擊將軍張鳳舊安邊營把總  
指揮趙璽各部下斬獲首級二顆奪獲馬匹夷器功  
雖不多亦曾督軍臨陣與賊對敵其餘城堡把總坐  
保等官雖稱出兵追逐並無斬獲之功龍州城常樂  
嚮水波羅清平高家等堡各被搶去軍民男女射死  
墩軍軍人餘丁各數不一雖是不曾深入而地方已  
被其害顯是各官平時矣於設備臨事不能效力廢

關中奏議全集卷十三

五

弛怯懦之狀昭然可知况止據所報如此此外隱匿  
不報之弊難保必無俱各奏究但自東至西千里之  
遠處處有賊目今大眾賊寇已報西行深入之謀且  
夕難測延綏遊擊兵馬俱在西路按伏其中東二路  
城堡星散無所不備無所不寡理勢則然正當緊急  
用人之際合候事甯之日通行查叅定奪緣前項聲  
息延綏鎮守官各經具  
題及有功弁失事官員照例行巡按御史查勘明白另  
行外緣係達賊入境邊鎮節報聲息事理為此具本  
順差承差趙禎親賚謹具題 知

關中奏議全集卷之十三終

提督類

一為虜中走回人口供報夷情事

欽差提督陝西三邊都御史臣楊一清謹題

人口供報夷情事嘉靖四年七月二十日據鎮守延

綏地方總兵官署都督僉事彭模呈前事據榆林城

把總都指揮僉事閻武呈蒙職等發下鎮靖等堡解

到虜中走回男婦十名口隨拘通事趙祿等到司審

得一名蘇孟陽供年二十五歲係定邊營軍人蘇堂

男正德十一年失記月日前去地名黃羊鎮打草忽

遇達子禿忽赤等搶去虜營住過十年舊年十二月

關中奏議全集卷十四

XI

內跟隨眾達子踏冰過河在套住牧止知我們一枝

達子約有一百餘騎其餘大勢達子不知多少今年

六月內見得眾達子前往黃河上去了有我們達

子不知往那裏地方搶去未回是孟陽遇晚偷騎馬

一匹脫走一晝夜於七月初一日從鎮靖堡永遠山

墩走回一口王氏供年一十七歲係嚮水堡餘丁宋

端妻嘉靖四年六月二十五日前去本堡地名沙河

種田忽遇達子搶去虜營住過十日見得眾達子早

晨起營間乘便脫走步行一晝夜於本年七月初六

日從神木堡鎮遠墩走回一名薛一哇供年二十二

歲係花馬池軍人薛俊男正德十一年失記月日前

去地名架砲梁打草忽遇達子巴台等搶去虜營

過十年嘉靖二年十一月內跟隨我們一枝達子巴

台等二百餘騎踏冰過河在套住牧三年不曾過河

往來躲調不隨大營今年七月初間有小王子差十

箇達子過來調眾達子過河去與兀良罕達子斃殺

將五箇達子河裏淹死五箇過在套內止知小王子

部下頭兒吉納台記俺答阿不孩赤那阿不花等四

人其餘大勢達子不知多少俱在套內聽得眾達子

說如今水大害怕不敢過去要搶田禾布絹二梭有

二哇遇晚見得眾達子睡熟偷騎馬一匹脫走四晝

夜至本月初七日從鎮靖堡河口墩走回一名王慮

關中奏議全集卷十四

XII

供年二十七歲係大同城軍人王鉞下餘丁王過男

嘉靖三年八月內前去地名王將軍屯收田忽遇達

子脫脫勞等搶去虜營約住十箇餘月一名秦伏供

年一十九歲係大同城軍人秦玉下餘丁秦銳男失

記年月日期前去地名西窰打柴忽遇達子俺答赤

等搶去虜營約住過三年有餘舊年十二月內有伏

與同王慮俱跟小王子部下頭兒吉納等部落達子

不知多少踏冰過河在套住牧聽得眾達子說一半

過河與兀良罕達子斃殺一半安置鞍轡又說要過

河去不知過去不過去是伏同王慮各偷馬一匹脫

走二晝夜於今年七月初九日從神木堡一步擄撤走



回一名張和尚供年一十三歲係嚮水堡軍人張義  
男一名胡保住供年一十二歲係嚮水堡軍人胡萬  
男一口何巨旦供年一十四歲係嚮水堡軍人何洪  
女各供於嘉靖四年六月失記日期前往地內採打  
馬草掬菜忽遇達子搶去虜營約住過二十餘日是  
且巨同胡保住張和尚遇晚脫走步行一晝夜於本  
年七月十三日從榆林城紅山墩走回一口張氏供  
年三十八歲係波羅堡餘丁王劍妻嘉靖四年六月  
二十二日前去夾道地名韓家山鋤田忽遇達子搶  
去虜營住過二十七日氏見眾達子往西地方搶去  
遇晚脫走步行一日二夜於本年七月十七日從雙

關中奏議全集卷十四

三

X 8 1

山堡古塔平墩走回一名鄭魚河供年一十七歲係  
嚮水堡餘丁鄭聰男失記年月日期趕駝二頭阜往  
清平堡糴米出門約行十里忽遇達子二十餘騎將  
魚河并駝搶去虜營分與達子俺孩不兒忽營裏放  
馬於河凍了過在河東住了一年舊年跟隨我們一  
營達子約四五萬又踏冰復過河西套裏住牧魚河  
省得番語近日新月兒出來有魚主兒一家三箇達  
子殺晒乾羊二箇酪彈一袋姦子兩箇騎牽馬六匹  
跟大達子往西邊搶去了魚河思想家鄉偷騎牽馬  
一二匹脫走五晝夜於七月十七日從黃甫川築祿臺  
墩走回在虜營住過三年聽得夥內達子說要糾同

套內大勢眾達子綁紮皮筏浮水過河與黃毛達子  
警殺遺剩老小在套住牧有我思想家鄉謫同搶去  
漢人馬二哇子係靈州人偷騎虎刺扇馬青扇馬各  
一匹法庫兒偷土黃扇馬一匹赤扇馬一匹脫走四  
晝夜到邊收送前來等因據供備呈到臣又據延綏  
總兵官彭煥呈爲虜中走回人口供報夷情事據榆  
林城把總都指揮僉事閻武呈蒙職等發下懷遠等  
堡解到虜中走回男婦隨拘通事趙祿等到司審得  
一名梁三哥則供年一十八歲係涇州崇信縣陽保  
里民人梁源男在地名新集住坐嘉靖元年七月失  
記日期忽被達子合道來搶去虜營住過四年舊年

關中奏議全集卷十四

四

X 8

十月內眼眾達子踏冰過河在套住牧今年七月間  
谷三哥則遇晚脫走步行一晝夜方出虜營又走一  
晝夜至七月十九日從懷遠堡古峯子墩走回一名  
鍾茂供年二十八歲係榆林城軍人鍾臣第一名張  
某兒供年一十七歲係榆林城軍人張海男各供於  
嘉靖四年失記月日前往地名葉鹹灘打草忽遇達  
子將某兒同鍾茂搶去虜營約住過五六箇月是某  
兒等見得本家帳房內達子前往大西邊地方搶去  
遇晚脫走步行五晝夜於本年七月二十一日從嚮  
水堡沙河墩走回等因備呈到臣又據協守甯夏地  
方副總兵都指揮同知劉玉呈爲虜中走回人口事



嘉靖四年七月二十九日據守備靈州指揮同知沙金據迤東巡墩百戶郁恩呈稱嘉靖四年七月二十七日卯時據紅山兒墩直日軍人趙良賧見境外東北一人步行前來邊下同伏空夜不收王四兒審係虜中走回人口扶帛過墻收送前來審得王氏供年三十歲係靈州守禦千戶所百戶王經下餘丁馬表妻伙供嘉靖三年九月十七日在野收田忽遇達賊三百餘騎將我搶去虜營與達子李羅捧拾柴放羊住過一年眾達子約有二百帳窠四五十處四散住牧夥內上馬達子二百同糾合套內達子過河與黃毛達子響殺去訖有我思想家鄉步走九晝夜到邊

關中奏議全集卷十四

五

× 8

收送前來據此行間又據百戶郁恩呈稱本月十七日午時據古寺墩直日軍人韓聰賧見境外東北來二人騎牽馬四匹徑來邊下同伏空夜不收張祥審係虜中走回人口將馬連人扶帛過墻收送到職審據潘庫兒供年一十八歲保定邊營住人潘清男狀供嘉靖二年八月內失記日期同父前去鹽池駐鹽忽遇達子三十騎搶去前往大西邊搶去遇晚脫走步行四晝夜於本年七月二十一日從嚮水堡沙河山墩走回一名閩通供年二十四歲係榆林城軍人閩隆弟嘉靖元年失記月日在歸德堡地名龍池響忽遇達子脫脫不兒忽等搶去虜營住過二年有餘

關中奏議全集卷十四

六

× 8

舊年十二月間跟隨小王子部下頭兒吉納台記佈答阿不孩部落達子不知多少踏冰過河在套住牧今年六月內有眾達子要過河與兀良罕達子響殺到黃河畔紮筏浮渡淪了兩筏達子不知多少其餘達子因見水大害怕不敢過去復回在套住牧有我們一營達子頭兒小赤巴秃兒等約有三千人每人晒乾羊一箇酪彈一袋收拾停當等田禾熟了要在平處地方搶是遇過晚見得眾達子睡熟脫走步行二晝夜至七月二十三日從清水營清水川墩走回一名小王兒供稱約年二十歲係榆林城人忘記父母失記年月日期地名忽遇達子搶去虜營約住過

十三四年舊年十二月間俱跟小王子部下頭兒吉納台記佈答阿不孩等部落達子約有六萬餘多踏冰過河在套住牧有達子二箇小頭兒計克刺八阿不孩吾失阿不孩等帶領一萬達子前往西黃河地名可可騰兒收捕亦不刺達子去了其餘達子俱在套內不知搶不搶是小王兒見得眾達子睡熟偷馬騎回等因據供備呈到臣看得延綏甯夏地方自去年十一月間大虜入套之後走回人口無處無之本年七月以來一月之間走回男婦二十餘名口顯是在套之賊數多中間供稱虜情或云要往西邊搶或云要在平地搶或云要搶田禾布絹二稜則此虜規

伺深入之謀決所必有近據總兵官彭棟呈稱據走回男子小王兒供報小王子部下頭兒吉記俺答阿不孩等部落達子約有六萬餘多踏冰過河在套住敦有達子三箇小頭兒討克刺入阿不孩吾失阿不孩等帶領一萬達子前往西黃河地方可可腦兒收捕亦不刺達子去了其餘達子俱在套內不知擒不擒等情未知虛實若如所供賊眾一萬前去河西尋殺西海亦不刺等賊其在套之數當亦不減數萬但沿邊一帶營窠帳房遠近聯絡止是零賊行走並無大眾近邊此其姦謀未可窺測除嚴督各鎮將官分布人馬嚴謹隄備若有緊急聲息另行具

關中奏議全集卷十四

七

XII

奏外緣係虜中走回人口供報夷情事理爲此具本順差承差趙禎親賚謹具題 知

一爲聲息事

題爲聲息事嘉靖四年八月初一日據分守莊浪地方副總兵魯經呈爲採哨夜不收被虜走回供報夷情事本年七月十七日據李名等供係莊浪衛夜不收本月初十日蒙差名同夜不收丘成邵六土軍敦只保卯三申保等六名各騎馬匹前去境外深哨賊情十五日到高廟兒已時爪見達子新行人馬蹤跡約有三百餘騎奔往蘆塘行去各役回至斬石破十六日未雨瞭見達賊四五百跟襲前來各役四散奔走

素馬上山名等三名脫走回還丘成邵六申保不知存亡得此行間十八日據丘成邵六供報遇見前賊將申保鎖綁去說成同邵六奔入稠密林內賊伏至晚脫走隨即申保亦報十六日遇見達賊精兵四百騎牽馬匹將保鎖綁牽至速亮堡下營問說莊浪人馬有多少西番在那里住牧有保回言莊浪人馬有三三千西番在那邊住坐其賊說稱我是小十王的兒子領頭哨五百走了一箇月纔到這裏分步達子往銀銅鎮羌西番地西尋步乾糧歇馬十數日等我的老子後頭領着二萬人馬到來一同要去西海尋收亦不刺阿爾秃厮達子去裏將保綁縛在營至

關中奏議全集卷十四

八

XII

半夜時分聽得眾達子俱往他頭目根前去了止留小達子三人看守馬匹有保將繩掙脫乘黑走來等因據供備呈到臣本月十一日又據守備西甯地方署都指揮僉事彭濬呈爲虜管走回人口哨報聲息事本年七月二十六日申時據迤北小石山看柞夜不收李鑽住收送虜管走回男子一名劉長生供係鞏昌府禮縣人失記里分有我哥哥見在洮州衛當軍正德十三年十月內我去洮州與軍送食米行到中途撞遇達賊二千多把我搶去山後住了一箇月過黃河來到西海上愁草 牧搶我的達子名叫丁的哥余是頭目阿爾秃厮的人這七月內我聽得眾

達子說北邊小王子達子要來尋殺都害怕那營躲  
住黃河南去我想父母家鄉與先年搶去人莊浪一  
箇商量黑地裏乘空騎牽馬十八匹脫走天明時達  
子十箇趕來把他兩箇人同馬盡都捉着去了我藏  
在深草裏不曾尋見我步行走了七日到北邊石硤  
夜不收引送前來供的是實等因行間本日酉時又  
據差哨西海夜不收蔡王加等供報本月十九日蒙  
兵備守備官會差深哨依蒙從今納缺出境晝伏夜  
行二十一日申時哨至刺刺山遠望並無賊帳次日  
下山爪得達賊踪跡從海南徑透黃河腦去訖本月  
二十七日午時又據差哨迤迤北大小沙河夜不收焦

關中奏議全集卷十四 九 〃 〃 〃

彥才等供報依蒙從捨捨余出境晝伏夜行二十二  
日酉時哨至項刺山遠望大小沙河並無賊營火光  
次日下山爪得賊踪徑往海西去訖二十四日同遑  
行至暖水塘驟見達賊二十餘騎從北往南去訖等  
因各供得此會同兵備副使陳鼎議得走回人口劉  
長生供說阿余禿厮部賊畏懼小王子人馬尋殺那  
營南度夜不收蔡王加等供報哨爪賊踪亦從海南  
透黃河腦去訖切料此賊既已携營南行必有侵犯  
洮河之勢但虞情請詐未可測度除嚴謹隄備呈乞  
照驗等因到巨案查先據延綏總兵官署都督僉事  
彭模呈為虜中走回人口供報夷情事據走回人口

一名小王兒供稱約年二十歲係榆林城人忘記父母  
失記年月日期地名因遇達子搶去虜營約住過十  
三四年舊年十二月間俱跟小王子部下頭兒吉納  
台記俺答阿不孩等部落達子約有六萬餘多踏冰  
過河在套住牧有達子三箇小頭兒討克刺入阿不  
孩吾失阿不孩等帶領二萬達子前往西黃河地名  
可可腦兒收捕亦不刺達子去了其餘達子俱在套  
內不知搶不搶等因據供呈報到臣除具  
題外今據前因臣看得分守莊浪西甯副總兵魯經守  
備西甯地方署都指揮僉事彭濬會同整飭西甯兵  
備副使陳鼎各呈前項賊情與延綏總兵官彭模所

關中奏議全集卷十四 十 〃 〃 〃

呈報事情相同為照夷狄相攻  
中國之利況亦不刺等殘寇竊伏西海戕害我屬番侵  
掠我邊境數年未曾甯息方議調兵征剿今北虜遠  
來尋襲事恐不慮意者此賊罪惡貫盈  
天寶誅之假手於其醜類以雪我兵民之憤亦未可知但  
此賊既已先知那營南向臨河住牧忽其被逐無奈  
渡河犯我洮河地方深入屬番境界臨鞏切近州縣  
難保無虞其一技原在煎浪涼州五方寺扒沙等處  
住牧不時入境侵掠者若見迤北大虜遠來必將逃  
遁犯我靖虜蘭州等處防禦之計俱不可不謹已經  
行仰鎮守陝西署都督僉事鄭卿轉行提調洮岷河

等處恭將王璣整飭洮岷邊備副使程鵬及固原靖  
虞蘭州各該守備等官各要嚴謹烽墩慎固邊防整  
棚軍馬鋒利器械多差乖覺人役遠為哨探賊果過  
河入境即便督率官軍掠守險隘隨宜截剿飛報鄰  
境官軍相機應援若賊勢眾大兵馬寡少作急呈報  
軍門發兵策應不許畏縮觀望縱賊深入貽患地方  
外緣係邊境節報聲息事理為此具本順差承差趙  
禎親齎謹具題 知

一為乞留守備官員以慰邊人事

題為乞留守備官員以慰邊人事據陝西等處承宣布  
政使司帶管固原兵備左叅政成文呈前事內開固

關中奏議全集卷十四

十一

原衛州甘州羣牧所苑馬寺等衙門土漢軍民也先  
哥等連名狀告固原地方比年以來兵荒相繼科索  
無已軍民困憊幾不聊生守備劉文奉

勅前來留心撫卹並無纖毫科擾防邊事宜無不修舉至  
今四年地方保障無虞軍民皆得安堵近聞本官陞  
任遊擊軍民士達殊失仰望如蒙准告乞賜轉達將  
本官存留照舊守備撫恤十八防禦虜寇以慰邊人  
便益等因據此看得固原地方平慢千里是處通賊  
最為喉襟要地且有

楚肅韓三府黔國公家人草場固原州衛苑馬寺羣牧  
所軍民土漢雜處尤難撫馭守備劉文乃能致眾心

傾仰畧無間言使非謀勇素能撫馭有道未必至是  
職與本官相處二年其立心制行誠有可取眾心愛  
戴原非倖致今雖陞任未愾輿情況臨敵易將兵家  
所忌目今地方多事正望本官設備以安地方脫若  
轉去代之者未如本官之賢借使果賢然乍到地方  
人情土俗地里險易便未易知區畫布置難保無失  
合無俯順下情將本官保障叅將職銜仍在固原統  
馭人馬叅守地方便益呈乞照詳施行等因到臣隨  
據固原衛指揮使司中為保留恤軍將官以安邊人  
禦防虜患事內稱節據本衛在城左右中三所并在  
外鎮戎平虜西安州海刺都紅古城甘州羣牧所苑

關中奏議全集卷十四

十二

馬寺等衙門土漢軍民唐浩等狀告固原地方臨邊  
衝要土漢雜處連年虜賊侵犯深入平鞏腹裏地方  
殘害生民加以天年薄收軍民飢饉人不聊生軍逃  
馬死無人撫恤地方十分狼狽嘉靖元年九月內新  
任守備都指揮劉文前來見得軍馬消耗存恤招撫  
及清勾逃軍二千餘名并將倒死馬匹查審有力者  
督併買補貧難者呈稟上司乞計銀兩茶馬給領存  
恤其拔堡墩臺邊情事宜無不留心修舉至今四年  
知軍艱苦絕無科擾軍民得蘇先年虜賊常駐本境  
邊外接界甯夏地方史把都水住為窺穴窺伺搶掠  
頻擾受害本官隨到知有前賊統領官軍二百員名

出邊逐逐至今不敢在此駐牧邊人安堵且又熟知邊情遇有聲息謀等無失地方無虞今聞陞任甯夏遊擊浩等人心傷痛無所仰望縱有新官前來不似本官存心軍馬終復消廢如蒙准告乞賜轉簿上聞將本官存留保種地方撫安土達有警兵將知心有賴保障便益等因據此照得本衛繫管地方軍民土漢雜處最為難守隨因虜患地方殘害邊備廢弛自備撫處最為難守隨因虜患地方殘害邊備廢弛自隨守備劉文到任委酌恤軍地方事宜無不修舉下人悅服今陞別鎮官軍有失仰望乞施行等因隨據操守鎮戎所指揮千百戶旗軍尹隆等操守西安關中奏議全集卷十四

關中奏議全集卷十四

十一

州指揮千百戶旗軍張煥等操守海刺都地方指揮千百戶旗軍楊信等各具狀告稱本官善撫軍士眾心愛戴要乞保留撫安地方又據固原等州縣土達義勇民壯召募滿忠等告稱原係土人共有一千之數先年都指揮郭邁統領人各得所遇敵取勝後本官病故節被貪官營求管領利削科害如見骨髓累及逃鼠止存五百有餘嘉靖元年蒙欽差總制李都御史將貪官革退行令守備劉文徑自統領到今三年存恤召撫禁革科害將前逃故土達屢行清補已復原額今聞將本官陞任甯夏遊擊又委別官管領誠恐復遭毒害乞要垂念土人存留本官

撫恤等情又據固原州衛甘州羣牧千戶所各堡地方老人總小甲周大用等固原衛致仕閑住都指揮指揮千百戶等官黃海等各呈保前情又據固原州儒學學正丁班等生員徐尙文等聽選監生徐尙忠等亦各呈稱切見固原實西北重地三邊總要遞年累因達賊深入搶掠很很前官勇懦貪廉不一自守備劉文任事以來諸練老成立心廉慎體察人情而撫恤有方整理兵馬而設備有法以此軍民仰賴地方靖安况禦敵勇猛軍士悅從今蒙推陞甯夏遊擊一方人心失望又見大賊在套不久出沒伏望憫念地方俯悉下情暫留本官區處便益等情各呈告到關中奏議全集卷十四

關中奏議全集卷十四

十四

臣案查先為整理邊務以備虜患事該臣題准兵部咨該本部尙書金獻民題前事又該太監張忠題為陳言邊務事皆要於固原添設參將一員本部題奉欽依行臣議處臣查得延綏甯夏甘肅三鎮各有分守參將陝西近因番賊侵犯已於洮岷河州等處添設參將一員合無照依各官所擬添設參將一員分守固原環慶靖虜蘭州地方仍在固原駐劄操練軍馬修理關隘撫安土人如各處有警往來應援截殺各守備防守等官俱聽調遣然添官非難得人為難任非其人權任雖重徒生腐階看得守備署都指揮僉事劉文老成練達曉暢軍旅以精強理邊務以廉慎得人心

眾口一辭並無非議倘蒙

采納許設分守官員乞

勅兵部就將都指揮僉事劉文權任叅將分守固原環慶

等處則委任得人地方有託等因已於本年六月初

七日具

題外未蒙查覆之先已聞將劉文推陞甯夏遊擊將軍

續又聞兵部覆臣前奏蒙

准固原添設叅將一員未知將何官推任今蒙前因臣切

照固原等處委係防胡重地關中根本所繫內有監

牧馬匹及各

王府功臣草場土漢雜處最難撫馭前該守備官員廉

關中奏議全集卷十四

五

川文

貪相牛男快不同人心向背亦復不一今一聞守備

都指揮劉文陞任闔境地方官軍民庶莫不咨嗟嘆

息羣聚告保喧動一方乃至學校諸生眾口一辭咸

有乞留之願自來將官改任未有得人心如是者臣

惟該部推舉固原等處叅將必是老成練達如知戎

務但地利不如人和耳聞不如目見今大虜在套深

入之謀旦夕難測若用劉文則兵將相知可以克敵

制勝臨敵易將縱得其人而地利未能周知人心未

必協服及甯夏遊擊亦係緊要將軍但衝鋒破敵

得一驍勇慣戰之人即可委用陝西二邊似此固多

非其固原兼戰守之任繫軍民之心必須謀勇兼濟

弛張合宜乃可勝任求之目前良不易得如蒙伏望

聖明深念地方之重俯察邊人之情乞

勅兵部再議合無將劉文陞任分守固原環慶靖虜蘭州

等處叅將別推將官甯夏遊擊或就將推代劉文官

員更任甯夏遊擊將軍則彼此俱便兵民有所繫屬

地方獲安緣係乞留守備官員以慰邊人事理未敢

擅便為此具本順差承差趙禎親賚謹題請 旨

一為傳報虜情事

題為傳報虜情事據花馬池按伏協守延綏地方副總

兵署都指揮僉事趙瑛呈為乞請委官分守地方事

為照虜賊在套住劄月久節次侵犯蒙調集兵馬擺

關中奏議全集卷十四

十六

川文

邊拒遏追截剿殺彼知有備不敢再犯遂由靖虜地

方渡河竊入幸蒙軍門傳督各路將士合兵截剿斬

獲賊級奪獲戰馬餘賊復至邊牆舉燧號煙答話尋

接知被斬殺號哭歸巢糾眾復讐勢所難免防範之

機時不敢怠緣今叅將劉謹偶患傷寒缺官分守乞

賜委官前來暫守本營地方操練兵馬有警會合截

殺庶不誤事呈乞照詳等因到臣為照大虜在套住

劄月久其潛從河西莊浪地方浮渡黃河入我靖虜

境界者已該陝西甯夏各該地方將官斬獲數多餘

賊折邊歸巢糾眾復讐之計難保必無防範誠亦嚴

謹緣花馬池地方乃虜賊侵犯必由之地分守叅將



劉謹既稱患病難以責成相應委官署管查得定邊營把總慶陽衛指揮僉事魏銳近奉

欽依陞任署都指揮僉事守備環慶地方緣環慶見有新

任分守秦將李勳在彼事情稍緩況定邊營與花馬

池止隔一程除就行委本官前去花馬池暫署分守

事務有礙會合副總兵趙瑛相機戰守外但犬羊之

性貪得無厭近雖遭到逐歸其大畧尙在套中况沿

邊一帶雖有邊墻低薄易於掏空兵馬雖已分布而

地里寬漫把截不敷臣今在甯夏地方親歷各該營

堡閱視邊備策勵官軍振揚威武及通行延甯二

主副茶遊大小將領等官加謹提備遇警協力剿追

關中奏議全集卷十四

七

八十一

外緣係傳報虜情事理爲此具本專差舍人張偉謹具題 知

一爲達賊聲息事

題爲達賊聲息事嘉靖四年八月十八日據分守莊浪

地方副總兵魯經呈爲大勢達賊犯邊斬獲首級事

本年七月二十三日辰時據土豹嶺夜不收許三保

報二十二日未時瞭見達賊約有一千五百陸續從

頭水古城行來到土豹嶺一帶住歇本日巳時據松

林墩夜不收胡以得報二十二日未時瞭見達賊一

千五百內五百在松林墩碇住歇一半透寡夫水行

來得此一面差人拘收四野人畜一面整兵隄備聞

本日未時據馬塲溝夜不收文得報本時瞭見鋪溝

遠賊灰塵大起有賊三騎到壕站立本職當統在城

漢土馬步守城官軍把總指揮陳璽等一千二百馳

至本溝迎遇達賊三百餘騎就與交鋒對敵間溝內

突出伏賊七八百齊擁前來本職申嚴號令督勵官

軍齊力箭砲相攻其賊答話我是小王子頭哨尋收

西海達賊不要當路尋步乾糧等語自未戰至五更

時賊見官軍勇猛方纔退遁况兵馬數少掣軍回城

慮得鎮羌岔口孤懸兵寡疾調紅城子守備楊和人

馬前來合兵二千馳至岔口二十五日戌時據鎮羌

夜不收徐友元報巳時有大賊六運聯絡約有一千

關中奏議全集卷十四

六

八十一

五百突至鎮羌堡邊攻圍袁守備人馬得此兵至鎮

羌堡二十六日巳時據打魚嶺夜不收宋名報卯時

瞭見石板溝達賊五六百徑奔鎮羌行來本職卽時

統兵出堡遇賊交鋒對敵其賊退往西古城行去尙

至西古城碇賊已遠遁掣軍回堡二十七日二更時

分據孤頭營夜不收劉回山報申時瞭見達賊千五

百從野遜嶺行來板溝住歇本職當疾分布守備楊

和袁英把總指揮陳璽等領哨本職督同千戶魯瞻

往來提調兵至栢楊溝腦巳時遇見前賊撲來就與

交鋒對敵戰至申時本職申嚴號令督勵官軍齊力

用命衝攻數合就陣斬首一顆奪獲賊馬一十四匹



二頭夷器等件賊見我軍猛擊又見射死賊馬數多其賊方退乘勝追至栢林口迎據孤頭嘴夜不收劉榮報酉時瞭見達賊見有三千餘騎邀趕空馬到彼下營恐墮其計掣兵回堡查得守備袁英被賊射斃一箭二十八日據探哨夜不收玉英等供報二十五日到青沙嶺登高瞭見黑馬圍河達賊約有三千餘騎伏瞭至晚乘黑偷騎賊馬三四前來三十日卯時據木堡瞭高夜不收徐友元報瞭見迤東達賊三千餘趕空馬約有一千五百順河行來本職出兵迎敵賊與交鋒鏖戰一日有賊答話我是小王子的頭哨後有人馬二萬來尋亦卜刺不要當路收了西海達

關中奏議全集卷十四 九

乎你地方上安靜等語其賊徑奔西古城行去況人馬數少又無援兵掣軍回堡照得莊浪紅城子兵馬製空恐賊乘虛入寇掣軍回城除將守備楊和發回本堡防守外爲照此賊連日大舉入寇鎮羗等處答話是小王子人馬尋收西海達賊雖被官軍斬獲微功迨逐西遁近日探哨人役瞭見連罕尙蘆塘煙霧不絕回水又有達賊二百在彼住牧及照虜中走回男子韓進保二名供說套賊二萬尋收亦卜刺去訖續下精兵三百在彼牧馬前後供詞果不爲虛倘賊糾合西海達賊大舉壓境住牧而本城兵馬不敷謀事非輕呈乞請調大兵併力防守等因到臣查得先

該鎮守甘肅總兵官姜爽分守莊浪副總兵魯經各呈稱簡有回達二寇聲息缺兵防守已經行令陝西遊擊將軍陶文管稱遊兵於安定會甯等處住劄灰行延綏遊擊將軍張鳳領兵暫於腹裏附近去處按伏待河西有警調去應援截殺節經具

關中奏議全集卷十四 二

題外後因河西聲息稍緩及查莊浪涼州等處糧草缺乏將二枝兵馬俱留固原環慶地方防禦河套虜賊今副總兵魯經既呈稱賊勢重大本城兵馬不敷相應調遣又經行令遊擊將軍陶文統領人馬仍住原擬會甯安定地方住劄倘有緊急即便調去應援及將遊擊將軍張鳳遊兵亦各整備聽調外本月十九日又據本官呈爲整理邊務以訪虜患事本月十三日據守備西甯署都指揮僉事彭濟呈開本月初六日四時據夜不收趙駟兒傳報莊浪夜不收哨得小王子人馬一萬七千從後山一半鎮羗西古城地方一半由涼州永昌展展日茄蓮打班地方俱過大通河徑透西海行去初八日申時又據探哨夜不收史奴兒等供報蒙差於八月初三日酉時哨到刺刺山險兒海上並無賊營火光初四日下山爪得止有新舊馬踪跡奔往南去跟踪襲至把公貫山瞭見達賊頭首俱在尙塘順黃河一帶柳林內劄帳住牧約有四千餘騎往廻趕途約行一十二日初五日夜行至



迭縵山瞭見大海北賊營火光三十餘里次日天明  
 又瞭賊有六七十騎亦無頭畜帳房往廻程途約行  
 六日小海約行九日初九日午時又據巴哇思答冬  
 蕃人奔巴受等供報七月二十八日蒙差我們入箇  
 人前去山後大通河哨探小王子達子初二日到了  
 大通河山上瞭見達子單騎人馬有七八千後大通  
 川過了三日徑往西南去了等情得此會同兵備副  
 使陳鼎講得大夥賊虜自北而南俱係單騎精兵勢  
 不徒行雖稱傳報小王子部賊招尋西海窠賊但恐  
 彼此合勢內侵上而甘涼下而莊古必被蹂踐而西  
 甯乃賊窠盤據之地尤切近災者本城兵馬數少其  
 何能支乞要分兵併力防守等因備呈到臣本月一  
 十三日又據副總兵魯經呈為大勢達賊犯邊缺兵  
 防守事本月十五日辰時據孤頭營夜不收張俊報  
 十四日巳時瞭見達賊約有八九千邀趕空馬陸續  
 從黃草衝行來奔往野遜續行去至晚方盡內有達  
 賊二三百到墩叫說我們是小王子的人馬去尋西  
 海達子因是馬乏跟不上前頭人馬且在這裏歇馬  
 三四日去莊浪城邊尋搶乾糧等語照得前賊四五  
 千於七月二十五日至三十日陸續入至鎮羗本職  
 統兵到彼連日與賊鏖戰迫逐西行今報前因會同  
 遊擊將軍嚴鏡講得大賊復由原路來在境外野遜



嶺等處聲言歇馬三四日要來莊浪搶掠等情雖是  
 故張聲勢其情叵測查得鎮羗見有備禦人馬三百  
 二十岔口添設遊兵指揮張勇等二百相兼備禦步  
 軍一百防守外却將遊兵人馬盡數擧去鎮羗二堡  
 倘賊糾眾臨城兵力不支誤事非輕職等度賊聲勢  
 將主客兵馬分布武勝南大通及本城聯絡設伏有  
 警互相併力戰守外切緣本城漢土馬步官軍除公  
 差爪哨守墩等項并老弱不堪外見在堪征不土八  
 百雖有遊兵一千五百委的兵寡不敷戰守而鎮羗  
 岔口孤懸尤甚若不增兵防守臨期誤事未便呈乞  
 照詳等因到臣看得分守莊浪副總兵都督同知魯  
 經節次所呈與延綏甯夏甘肅總兵官彭模姜夔等  
 呈報大略相同為照北虜小王子部落人馬擁眾過  
 我莊浪邊境尋襲亦卜刺等賊寇據西南守備兵備  
 官所報約有一萬七千之數其後運追趕前營不及  
 見在莊浪地方聲言侵掠者當亦不減數千入境之  
 初副總兵魯經督領守備都指揮楊和等交鋒對敵  
 就陣斬獲首級一顆奪獲馬騾一十二匹頭及夷器  
 等件數多雖係微功但大賊壓境我兵寡少乃能出  
 軍交戰勞勛可嘉切恐西海賊寇被北虜大勢迫逐  
 必有奔竄過河犯我洮河之勢而北虜大營尋襲回  
 還莊浪涼州一帶地方固難保其無患而我蘭州靖

虞等邊止隔一河窺伺深入之謀亦或有之雖調陝西遊擊陶文延綏遊擊張鳳各所領遊兵在於附近地方駐劄待彼處如果事情緊急速去策應但沿邊境外套賊聯絡窺伺即今秋高馬肥又在收成時月正彼垂涎寇掠之時顧此失彼誠為可慮臣謹當屆中節制酌量聲勢緩急輕重隨宜調遣待查各賊向往的確緣由另行具

奏外緣係節次傳報達賊聲息事理為此具本專差舍人張琥親賚謹具題 知

一為擢用繁難府分正官以從民便事

題為擢用繁難府分正官以從民便事准吏部咨文選

關中奏議全集卷十四

十一

清吏司案呈奉本部送吏科抄出該臣題前事照得陝西平涼府所屬三州七縣地薄糧重民少差多田無豐厚之獲歲多霜雹之災逃移無顧戀而不歸見在者坐包陪而益困內而

宗室繁衍歲增祭葬贖價不下千百餘兩外而節被胡虜深入殺虜人口搶掠頭畜殆盡舉目蕭然加以番夷雜處盜賊不時竊發虜賊在套饋運勢不容緩臣觀天下郡縣地方彫弊生民困苦未有甚於此也其府州縣正官必得精敏強幹之人乃克有濟近年銓選官員因見時勢難為或到任未久而求去或中途托疾而不來或憂憤成疾而物故或告辭不允而逃

歸其在任者不過延捱月日苟圖糊口上司比較較糧俛首受責一聞考察黜退欣然而往夫人之情既入仕途豈不思入任以規取利名哉蓋亦有甚不獲已焉者矣今本府佐貳及州縣正佐缺官甚多除另行具奏外而知府乃一郡之領袖尤在得人查得本府自知府安惟學陳遠之後未有歷任至三四年者非改調則黜退近日知府孫聰到任未及一年又以養親告回致任百務廢弛拖欠積年邊糧一千七萬有餘官吏師生廩糧經年不得支給所聘驛傳馬駝夫逃亡大半傳舍幾空使客經過或致稽延累臣受命提督邊務錢糧重事因無正官難以責成聞陞有知府

關中奏議全集卷十四

八

寶明未知何日到任臣切謂此等知府必得曾歷邊方習險難耐勞苦者超常格而用之庶肯勉修職業若照常例推陞未曾到任先已灰心安能望其舉職寶明雖有才能日任京堂未歷艱苦用之腹裏固有餘裕處之斯地恐亦難堪節據平涼縣里老者民魏慶蒙劍等平涼府縣儒學廩增附學生員李文縉謝經等及致仕省祭等官連名告保本府同知任守德剛介自守不為勢利所怵欲將本官奏請陞任知府小民得安等情臣因詢問本官民情邊務隨事應答俱有條理及查本官係山西靈石縣人歷任河南獲嘉縣保定清苑縣知縣推陞山東東平州知

州任內節經巡撫等官保舉及又傳訪得慶陽府甯州知州王賜由進士歷任今甯州廢弛已久本官蒞事以來政務以漸修舉吏民畏服此二官者委的精勤強幹堪宰煩劇且年勞俱深亦堪擢用乞

勅吏部再為訪議合無將新任知府寶明改任腹裏地方仍於任守德王賜二人內擇用一員陞任平涼知府則人才器使不致於枉用小民稱便得藉以聊生不勝幸甚等因奏奉

聖旨吏部知道欽此欽遵抄出送司查得陝西平涼府知府先經推陞南京戶部郎中馮裕後訪得本官事故未任又經推陞池州府同知寶明續又訪得馮裕無

關中奏議至集卷十四

五

X 111

故起程赴任去訖已將多餘寶明調補鳳翔府知府訖今該前因案呈到部看得平涼府知府已經陞補馮裕赴任外所據奏保任守德等難以覆奏合咨前去煩為知會等因備咨到臣照得平涼府委係臨邊險艱要衝之地節年知府俱不得人以致百務廢弛人民困苦奸弊橫生錢糧負欠數多新除官員往往畏難多不赴任其赴任者又多不能展布臣深念時勢之難勉從土民之願因見本府同知任守德及訪得甯州知州王賜才力有餘

奏乞於各官內擇用一員陞任極知僭踰但地方安危所繫職業相關誠非得已今准前因內開平涼府知

府已經陞補南京戶部郎中馮裕切思本府缺官將及一年其馮裕未知何月日陞補至今尙未到任恐亦畏險憚難不肯前來或別有事故亦未可知見今西北二邊各有大虜警報知府百責所萃政務浩繁似難久待除王賜已經陞任外如蒙乞

勅吏部再為議處合無准將本府同知任守德陞任知府以從民願以濟時難其馮裕該部別為查處實為便益緣係擢用繁難府分正官事理為此具本順差舍人張琥親賚謹題請 旨

一為緊急聲息事

題為緊急聲息事嘉靖四年九月十九日據分守莊浪

關中奏議至集卷十四

五

X 111

西甯等處地方副總兵都督同知魯經呈為大勢達賊壓境住牧請兵研力防守事本年八月二十一日申時據擺哨青羊亦夜不收馬義報本日早有兼稍土軍明中住兒押同夜不收馬見爪路時久不見回遣平時有義義登高瞭見達賊三十餘騎從青羊水行來奔謊徐兒行去其馬見明中住兒爪無下落不知存亡本役赴城來報二十二日寅時據鎮羌擺哨西古城夜不收吳英走報二十一日申時瞭見達賊二十餘騎從黑古城行來奔鎮羌迤東行去除差人傳諭各堡守掌官軍堅壁清野及整兵隄備外本日申時據紅城子擺哨小川兒夜不收楊正發報本日

已時瞭見達賊二十餘騎從廣井兒行來到邊站立  
本役來報一十三日五更時分據常山兒夜不收聞  
尾山報二十二日戌時瞭見達賊七八十從中馬路  
行來奔上豹嶺行去隨據四眼井夜不收黃海報二  
十二日戌時瞭見達賊四十餘騎從五條嶺行來到  
阿吉零水飲馬來報得此本日早差據夜不收徐剛  
報蒙差剛同土軍舍保爪尋土軍明中等二十二日  
晚行至青羊水過賊五十餘騎將各役趕散舍保不  
知存亡本役脫走來報二十四日午時據四眼井夜  
不收蘇欽報本日早爪見達賊馬蹤五十餘騎徑奔  
傅家水行去得此隨據大沙溝夜不收李聚報本日  
卯時瞭見達賊八十餘騎從張區食井行來到塚站  
立來報得此二十六日午時據小溝兒夜不收劉成  
報本日辰時瞭見達賊三連約有一百餘騎順河行  
來徑奔野豬溝行去本日酉時據岔口堡隨馬夜不  
收沈洪報本日巳時瞭見達賊約有一百奔鐮尖堡  
行來徑奔野豬溝行去隨據寬溝夜不收馮俊報本  
日瞭見達賊約有一百餘騎徑奔岔口行去本日亥  
時據黃草街夜不收姚三報本日未時瞭見野豬溝  
達賊五百順河行來奔栢林溝行去來報得此二十  
七日寅時據鎮志堡隨馬夜不收徐英傳報二十六  
日未時有擺哨黑古城夜不收翟居純西古城夜不

關中奏議全集卷十四

三

八八

收吳英各報瞭見達賊一千餘騎約有駱駝四五隻  
上時行李邀趕空馬并馬駒三四連從黑古城行來  
徑奔迤東黃草街行去隨據野遜嶺夜不收孟連孤  
頭嘴夜不收李英各報前賊從黃草街行來俱奔爛  
泥河行去據此復差原報人役傳諭鎮志岔口守備  
按伏等官嚴加隄備本日亥時據岔口堡隨馬夜不  
收施旺報有肅州襲職夷人二十名到岔口不聽阻  
當強行出堡行至馬營溝申時遇見達賊二三十騎  
從杜家沙溝林內突出與夷人對敵報與武勝堡設  
伏百戶范璋領兵追殺本役來報得此慮得大賊  
連連經過而夷人強行恐有疎虞分差莊浪把總指  
揮陳福等帶領漢土有馬官軍三百餘夜前去策應  
續據本官回稱次日早兵至武勝堡有百戶范璋說  
稱賊已回避同夷人車輻到堡本職隨帶官通夷使  
人等復至馬營溝踏襲賊蹤由杜家沙溝行去差據  
夜不收張英襲得前賊奔張區食井出境去訖拾獲  
勅書一道交與伴送夷人百戶金海收領外二十九日辰  
時據鎮志擺哨黑古城夜不收馮連報二十八日巳  
時瞭見達賊七八十騎從黑古城行來到墻堆兒牧  
馬來報隨據火石溝夜不收于五報二十八日申時  
瞭見達賊二十餘騎牽狗四隻從鎮志行來奔火石  
溝行去得此據此探哨夜不收楊海土軍董只堡等

關中奏議全集卷十四

三

八八

八名供報蒙差各役襲探賊情依蒙出境晝伏夜行  
二十六二十七日分投到於黑馬圈土豹嶺斬石硤  
連罕禿蘆塘等處登山瞭見達賊馬牛遍野撒放煙  
霧罩滿山川伏瞭至晚各掣回還行問及據火燒城  
遞運所申據夫丁趙玘告稱本年八月二十四日聞  
知夷人車輛前來有本所署印義官袁昇因是帶管  
武勝遞運所事預先去催僱車輛本日晚帶領趙  
玘步行出堡一更時分行至鷹窩山忽遇伏賊二十  
餘騎撲來將袁昇射死趙玘脫走來報告乞施行得  
此及據武勝堡按伏秦州衛百戶范璋呈爲達賊出  
沒事本年八月二十五日蒙委本職帶領無馬步軍

關中奏議全集卷十四

元

又

七十員名到堡按伏外本月二十七日酉時據岔口  
堡隨馬夜不收施旺報稱進貢夷人車輛前來職領  
軍出堡迎護間又據岔口堡夜不收張牛兒報稱馬  
營溝有賊二三十騎與夷人對敵馳至石嘴兒撞遇  
夷人車輛一同到堡審得伴送通事說稱被賊射中  
夷人一名至二十八日早領兵同夷人前到對敵處  
所查得夷櫃一十八箇內被賊打開三箇俱是羊毛  
大黃照數交與伴送夷人官百戶金海等收領載回  
呈乞施行隨據委官甘州衛百戶金海呈爲夷人告  
要襲職事承奉陝西都司批差本職伴送夷人亂吉  
呼羅等赴京襲職進

卷十四

貢本年八月二十七日自鎮羌起程到於岔口各有人  
馬護送至石門河有岔口軍士掣回各人行至馬營  
溝申時分遇賊二十餘騎從東北撲來有使車夫丁  
奔走上山其賊就與夷人對敵內中傷夷人一名射  
傷三名今已平復射死自己馬一匹搶去自己馱

勅馬一匹上馱

勅書五道內今襲畏兀兒普覺國師拜言李刺一道指揮  
同知那言李刺一道指揮僉事阿納刺力一道已襲  
指揮使速刺把刺一道指揮同知那言李刺一道俱  
各搶去里乞施行又據趙玘等告係臨洮府蘭州火  
燒城遞運所牛夫連名狀告本年八月二十七日應

關中奏議全集卷十四

三

又

付夷人亂吉李刺牛車三十三輛未時分行至馬營  
溝遇賊三十餘騎將拽車官牛搶去八隻各夫脫走  
回堡告乞施行得此行據操守鎮羌堡地方蘭州衛  
指揮匡鍾岔口堡按伏秦州衛總旗王星吉各呈稱  
伴送夷人百戶金海等不聽阻留將堡門撞開強行  
出堡各領人馬送至地界掣軍回堡呈乞施行得此  
九月初五日據常山兒擺哨夜不收宋名收送被虜  
走回夜不收胡以得供報蒙撥存於回回墓水爪哨  
八月十九日已時忽遇達賊五十餘騎撲來將同哨  
夜不收許三楊保勝三射死將以得搶到松山地方  
住歇見得達賊精兵四五千在彼下營內有一人說



是宣府人聽得達子說到河凍了方纔入套去裏有以得至二十九日聽得眾達子睡熟脫走來報據此初六日據深哨夜不收黃九兒等五名供報蒙紅城子守備官差去深哨晝伏夜行初五日行到一撮毛山登高瞭見缺兒水達賊五六百騎頭畜遍野撒放至晚掣回來報據此照得本境大賊萬餘占據速罕秃等處久住不退時遣輕騎在於境外水頭難撲應哨人役及近邊往來行走顯有誘兵之計近日又有達賊一千邀趕駱駝空馬從黑古城行來往東黃草衝行去意有大舉之謀難以測度除遵依提督軍門鈞帖內事理各守封疆慎回城堡按兵勿動不可與

關中奏議全集卷十四

X 88

之爭鋒及相機剿殺迫逐外參照管押夷人百戶金海不度賊勢重寡不聽阻留強行撞打堡門致賊搶掠其應哨夜不收土軍忠於王事例該優賞及查得本城漢土馬步官軍除公差買馬等項外見在堪征不上八百值因追戰無暇兵馬疲備遇戰不敷支持况糜穀登塲尙未打碾若不再行請兵誠恐久驕不退倘賊乘虛糾眾萬一臨城而邊地失守累罪非輕合無俯念極邊重地早賜兵馬併力防守便益擬合通行爲此除外合行具呈伏乞照詳施行等因到臣案查先據副總兵魯經呈稱達賊連日大舉入寇鎮羌等處答語說是小王子人馬尋

關中奏議全集卷十四

X 811

收西海達賊雖被官軍斬獲微功追逐西遞近日深哨人役瞭見速罕秃蘆塘等處煙霧不絕及照虜中走回男子驛進保等供說套賊一萬尋收亦卜刺去訖遺下精兵在彼牧馬倘賊糾合西海達賊大舉入壓境住牧而本城兵馬不敷誤事非輕等因到臣節經帖仰本官遵行遊擊將軍嚴鏡涼州副總兵周尙文西甯兵備副使陳鼎守備彭澹等各督令所屬整兵秣馬鋒利器械嚴謹斥堠差人遠爲哨探如果大賊止是尋襲西海賊寇不在我境搶掠只宜各守封疆慎固城堡禁兵勿動不可與之爭鋒若犯我邊堡屯寨搶掠我丁口頭畜即便會合各枝官軍相機剿殺協力追逐毋令深入久住貽患地方倘或賊勢十分緊急差人催調陝西延綏遊兵前去應援及行甘肅副總兵督發大兵會剿去後今呈前因案查先據副總兵魯經等呈報大勢達賊萬餘前去西海尋襲亦不刺賊寇仍留精兵數千在於莊浪地方住牧爲照夷狄相攻中國之利若前賊止是尋殺西海賊寇不在我邊寇掠只宜接兵固守難與爭鋒倘或犯我邊堡搶掠即便會兵相機截剿節行事理已甚明白後據各官報稱前賊自西海復回一萬有餘俱在莊浪地方又經行令嚴加隄備及行甘肅鎮巡官查肅州回賊若退速將原提莊浪接伏遊擊將軍嚴鏡



人馬仍發前來會合戰守及督發陝西遊擊陶文鏡  
兵應援外參照各該官員既知大賊壓境不時侵掠  
不行申嚴號令却乃視常怠慢致將冀職夷人射傷  
搶去

勅書正道其稱伴送百戶金海等不聽阻留將堡門撞開  
強行出堡等情未委虛的所據據守鎮峯堡蘭州衛  
指揮匡鍾岔口堡按伏秦州衛總旗王星吉及伴送  
夷人百戶金海俱各提問但未經查勘誠恐中間別  
有隱匿重情除行巡撫甘肅地方都御史寇天敘將  
失事人員查勘明白及被傷夷人量爲優恤遺失  
勅書查究下落徑自施行外如蒙乞

關中奏議全集卷十四

X.0.1

勅兵部照例行巡按陝西監察御史將指揮匡鍾等就行  
提問干礙其餘誤事官員一併參究惟復體念大賊  
壓境正在用人之際通候事甯施行伏乞

聖明裁處緣係邊疆呈報聲息事理爲此具本專差承差  
張時親賚請題請 旨

一爲急缺方面官員事

題爲急缺方面官員事臣切惟今天下民生之休戚係  
郡縣吏治之臧否係藩臬雖統之以撫臣巡之以臺  
使而上承下宣全在藩臬二司故撫巡之令非藩臬  
則不流郡縣之政非藩臬則不肅至於錢穀兵馬刑  
名賦役提綱挈領分理責成不有二司官員上承下

糾何所倚賴我

國家稽古定制三司分職彼此相維布按二司守巡官  
員分理各道飭兵督糧又有專職今藩臬官員有缺  
吏部必擇內外臣僚之能且賢者開具二員上

請簡用可謂重矣若陝西一省爲邊鎮之樞衝中原之鎖  
鑰較之他省尤爲機要銓部所擇諒無不精夫何近  
日以來推陞二司官員或憚地方之險遠而不來或  
取便道以還家而延住或稱病而求退或避嫌而乞  
改陞者已去代者不來以致喫緊地方經年累月缺  
官管理且如河西一道所管延安慶陽二府榆林一  
鎮邊儲拖欠至四十一萬有餘人戶逃亡日甚一日

關中奏議全集卷十四

X.0.11

分守分巡官員俱缺關南一道乃各處流民之萃淵  
藪也往年藍鄂之亂可爲明鑑今分巡分守亦復缺  
員若固原靖虜蘭州等處極邊重地整飭兵備之官  
尤在得人原任副使成文已陞參政代者未至臣暫  
委本官照舊帶管但其本等職業未免妨誤臣先年  
間督理馬政奏

准選委布政司參政車霆按察司副使王寅專聽委用彼  
時興廢補墜多得其力邇者荷蒙

皇上不以臣爲不才起之於衰朽之餘付之以艱大之任  
到邊以來惟是兵備數員相與維持然所理邊事其  
他政務難以兼攝二司員缺既多亦無他官可委雖

會查取副使韓士奇前來整理補軍召募等事未久  
聞陞參政回司就留掌印肅州兵備副使趙載初來  
上任亦留科場監試是時左右布政按察司俱缺前  
項參政副使等官又復缺員撫巡委用實非得已今  
左右布政俱已到任參政韓士奇方得脫身出巡催  
糧夫政之興廢存乎其人以積弊大壞之餘而襲因  
循開畧之後必得精明振厲之人專理其事乃可責  
成若以一人兼理數事顧此失彼不過發行文移取  
足書簿而已臣又切思人臣任事雖在才足有為亦  
須志欲有為陝西地方官員間關於戎馬之際出入  
於沙塞之中彼憚勞畏險之徒縱強之使來未免灰

關中奏議全集卷十四

三五

八四八

心喪氣安能望其有所建立其他員缺未敢槩言如  
固原兵備及河西道分巡撫民兼管兵備一員臣職  
業相關輒敢謬舉切見陝西按察司僉事桑溥王鈞  
皆剛敏聰察有荷重折分之力堪任固原兵備副使  
西安府知府趙伸漢中府知府張欽皆疏通振厲勦  
繁舉劇之才堪任河西道分巡撫民兼管延安兵備  
副使如蒙乞

勅吏部查陝西布按二司員缺自副使孫樂陞任張士隆  
病故之後會推何官人不赴任及參政潘垣副使成  
文陞任會推何官俱未到來如其會有陳情退避亦  
乞早爲議處庶免曠官廢職仍乞於僉事桑溥王鈞

內推用一員陞補固原兵備副使知府趙伸張欽兩  
推用一員陞補河西道分巡撫民兵備副使非惟各  
官才堪供職而地土相習心志相安可無推託曠廢  
之憂矣其原陞官員應否改調別任該部另爲定奪  
臣位忝大臣身荷重責地方安危所繫不敢不言伏  
惟

聖明裁察緣係急缺方面官員事理未敢擅便爲此具本  
順差承差張時親齎謹題請 旨

一爲緊急聲息事

題爲緊急聲息事嘉靖四年九月初六日據鎮守甘肅地  
方總兵官署都督僉事姜夷呈爲大勢回虜入境爲患

關中奏議全集卷十四

三六

八四八

請兵防禦事本年八月十六日午時據肅州參將雲  
冒差夜不收線英報稱本月十五日五更時分有在  
城墩報接清水河墩舉放煙火參將統兵迎火行至  
四頃堡見有達賊約有一百餘騎穿藍灰甲在於樹  
林內藏伏參將就彼劄營本夜來報本日戌時又據  
參將雲冒差原哨苦峪夜不收哈卜歹報稱本月十  
二日同夷人牙刺力前去逸西哨探行至苦峪沙山  
瓜兒新行賊馬蹤跡約有一千從西大鉢和寺往東  
柴城兒地方行走隨有回賊并瓦刺達賊共有七八  
百騎從斷山口入境到四頃堡地方參將人馬迎至  
將臺與賊對敵數番其賊往西安達寨去訖來報十

七日辰時又據將雲冒差原守哨嘉峪關夜不收馬聰報十五日未時瞭見回賊并達賊約有七八百騎牽有馱馬從東安遠寨前來到關徑往北九眼泉二墩空倒壕墻住西透大草灘住剗內有回達回十騎復來到關西門上說稱我是速壇滿速兒王子的兄弟把巴察我來要通路和好若不和好便同哈密北山瓦刺達子做一箇氣力大勢人馬前來侵奪賊池說畢其賊回往大草灘去訖本役來報等因到賊案查先准將雲冒手本爲屬番傳報夷情聲息事據罕東左衛沙州頭目帖本哥等差來番人綽列奔等共稱舊年有速壇滿速兒領大勢軍馬來到沙州

關中奏議全集卷十四

三

X 8 11

因節經通行本鎮各該副叅遊擊守備操守等官各整棚兵馬修飭軍裝備餼馬膽聽候截殺并行肅州分守等官差人分投哨探嚴謹烽墩隄備外及節外具題請兵去後今准前因會同鎮守太監董文忠巡撫石僉都御史寇天敘議得土魯番回酋速壇滿速兒去歲率領大勢回虜侵犯甘肅等處搶殺人畜攻空堡寨被官軍截剿斬獲首級追逐遞還復遣頭目脫脫木兒帶領回賊四五百騎潛來境外南山伏住不時北山住牧瓦刺達子復來爲患則前項番人綽列奔入境搶掠被我官軍節次斬獲首級今又糾合哈密

關中奏議全集卷十四

三

X 1 1

走回婦女朱氏所傳之言皆足徵驗卽今賊眾七八百騎已到肅州與我官軍對敵回往大草灘駐劄遣賊復回傳言要來通路和好緣回虜誘詐恐是故設前言緩我兵馬後面尙有大眾繼來乘機攻搶亦未可知再照西甯莊浪涼州等處又報小十五大眾人馬亦在南北境外駐劄往來行走聲言要去西海收捕亦卜刺阿亦禿厮達子其因而糾合探掠勢所必有本鎮兵馬數少不敷戰守累經

奏調陝西延甯三鎮奇遊兵馬至今未到其所奏新添遊奇官兵已蒙

准允馬匹未有明文器械尙未解來除於鎮城挑選官軍

一千員名肅州官軍一千員名行令西路遊擊將軍李義統領先去肅州應援及行左副總兵趙鎮遊擊將軍嚴鎰各統奇遊兵馬隨賊聲勢往來截殺仍通行各城副叅守備操守等官一面整棚馬步土兵舍餘人等并軍中應用軍火器械齊備待報聽候職等調用併力捕剿一面收斂人畜併入堅固大堡固守及再差人遠為哨探有無重大回賊入境及具

題外緣前項賊情止據夜不收口報中間有無失事待叅將雲冒文移至日另行爲照本邊孤懸萬里回達交侵兵馬數少難以支持勢甚危急萬一失事職等一身固不足惜其如地方生靈何蒙軫念極邊重鎮賊

關中奏議全集卷十四

元 八八川

情緊急缺兵戰守乞催行陝西延甯三鎮奇遊兵馬作急督發兼程前來本邊聽職等調度戰守庶緩急有備而地方可保無虞矣呈乞照詳施行等因又據本官呈爲屬番傳報夷情聲息事內開准分守肅州右叅將都指揮同知雲冒手本前事會同鎮守太監董文忠巡撫右僉都御史寇天敘議得肅州分守官節次開稱要將綽列奔等暫且疎放發回肅州令都督日羔刺收領羈候及稱原差通事夷人馬能等探聽得沙州頭目帖木哥等云稱教漢人多收拾人馬前來沙州做一箇氣力殺他去若人馬不來差人調我每往肅州城根前坐去若不用我便不要差人來

我也不差着人去又稱回賊和黃達子大勢還要前來搶掠與他王子和好等情并乞發兵糧協濟防守一節爲照帖木哥等所報賊情既稱和好又稱搶掠既曰要做一箇氣力殺賊又曰要往肅州住坐情詞不一向背兩途難以憑信再照土魯番王子速壇滿速兒并頭目牙木蘭去歲犯邊已該番夷帖木兒朶

尒只供稱被我官軍射死今綽列奔并沙州帖木哥土巴等又稱見在絲夷處謫詐事難選度但安不忘危有備無患在我隄備則當嚴謹况所報脫脫木兒犯邊事已不虛其大眾復來勢不能免除將綽列奔等羈候甘州其所報事請徑行分巡道查事李孟旭

關中奏議全集卷十四

元 八八川

會同行都司王輔等再行審問明白另行及行各該協守分守副叅遊擊守備操守等官整棚兵馬鋒利器械嚴謹烽墩堅壁清野修理城池并差人絡繹遠爲哨探週警互相應援除具  
題外緣本鎮兵馬錢糧委的不敷若不呈請大集兵糧設備倘致臨期不無誤事貽患非輕如蒙軫念河西孤懸重鎮危急之際乞催行陝西延甯鎮巡等官速將原擬奇遊兵馬督發本邊併力防禦仍乞多發錢糧解運本邊接濟軍餉庶緩急有備而地方可保無虞矣呈乞照詳等因到臣案查先據鎮守甘肅總兵官都督姜爽及分守叅將雲冒節呈前項夷情爲照

土魯番速壇滿速兒先於正德十一年近於嘉靖三  
年兩次率領番賊寇我甘肅殘壞我邊堡虜殺我軍  
民地方被其毒荼雖被官軍追逐出境不曾大遭剝  
削今據沙州夷人供稱虜有速壇滿速兒已往土魯  
番留下頭目牙木蘭見在哈密到七八月馬壯之時  
領哈密北山瓦刺黃達子等賊往漢人地面搶掠一  
節容或有之觀其先差頭目脫脫木兒領人馬三百  
在我邊佳牧乘間寇我永昌地方見被官軍斬殺此  
其明驗但沙州頭目帖木哥土巴等係  
中國屬番受

關中奏議全集卷十四

聖

XXXX

罪不勝誅今所供報言若效順心實難測恐其自知  
身負滔天之罪恐將來無容足之所設為張大之辭  
規我賞賚之利又或土魯番曾見我閉關絕貢與之  
通謀窺我意向亦未可知觀其言將進貢的放出求  
便好及諂和便好不諂和便不好等語大畧可見且  
去歲甘州雖速壇滿速兒不曾伏誅而大頭目火者  
他只丁等俱死於箭射鎗打之手而近日所遣頭目  
脫脫木兒係精脫先鋒初入我境即被斬獲其氣必  
沮前項供報之言恐未可信但甘肅地方兵馬寡少  
錢糧缺乏丙之不安何能攘外且今西海道寇竊伏  
我邊莊浪劇賊剽掠官路比之回賊尤當急備已歷

節行彼處鎮巡副參遊擊等官各須申明紀律訓練  
土馬修葺城堡整備器械振威武以警外夷之心明  
賞罰以作我軍之氣又經節行陝西布政司將解甘  
肅一鎮邊儲銀兩分投差官督發過河行令管糧參  
議僉事等官趁收成時月作急糶買糧料草束派發  
各城堡土納已將前項緣由具

題外今該前因除縛列奔等已該本鎮鎮巡羈候委官  
審問得報另行處置外看得所呈情辭迫切各官均  
有地方安危之責亦不得已

但兵當預  
練糧當預

積教養有道

關中奏議全集卷十四

聖

XXXX

先該鎮巡官員既不能訓練土馬又不能預處邊儲  
結囊外夷貽患內地搶掠人畜攻空寨堡彫傷愁苦  
之狀所不忍言臣到邊以來不次移文陝西巡撫及  
布政司督催解運甘肅錢糧近據布政司呈報解過  
甘肅一鎮京運軍餉并夏秋糧價銀共一十八萬八  
千一十四兩三錢一厘五毫臣近發去淮浙等運司  
鹽七萬五千引節據分巡僉事李孟旭平涼管糧參  
議王汝舟甘肅管糧僉事周汝勤揭帖開稱鎮城廣  
盈庫見在銀四萬三千兩有餘甘肅倉見在民運折  
糧銀二萬七千兩有餘涼州廣儲庫見在銀二萬五  
千兩有餘通融扣算除本色糧料草束外見在并解  
發銀兩其數儘多且腹裏糧草自來少有本色輸運

到邊其折色銀兩必須趁時召糴奈何經該官員平時則相習因循遇警則倉皇無措節次移文督責未見有何處分參看所呈動以大發兵糧爲辭及要催調陝西延甯遊奇兵馬彼亦自知倉儲缺乏供應不敷特以利害切身故欲張大其辭恐他日失事預爲進責宥過之地耳及照先因莊涼有警已調陝西遊擊陶文管領遊兵於蘭州附近州縣駐劄聽候河西有警來調即便前去赴援又調延綏遊擊張鳳領兵暫在固原附近城堡按伏遇有河西緊急聲息發去策應但因去歲踏冰過河在套達賊數多近報二萬前去西海尋殺亦卜刺賊寇其在套者當亦不減數

關中奏議全集卷十四

聖

XXXX

萬自延綏黃甫川起直抵甯夏靈州千四百里無處無賊營壘帳寨遠近相望火光馬蹤聯絡不絕雖是未曾深入而其志向不可測度倘或大舉侵犯腹裏地方根本動搖誠非細故以此延甯兵馬自顧不暇勢難遠擊況前項回賊曾首速壇滿速兒既回本境頭目禾木蘭亦在哈密不曾前來比之去歲聲勢不同明是此賊見我閉關絕貢意圖和好故遣殘賊糾合屬番互刺諸賊在邊出沒窺我意向既不得逞必將自退縱使夷性狂背敢萌非分之欲查得甘州左等五衛文糧主兵官軍一萬有餘副總兵趙鎮所統奇兵官軍二千餘員名遊擊將軍嚴鎧所統遊兵亦二千

餘員名近又添設遊擊一員并肅州高臺鎮夷等處各有主兵官軍若各將官同心戮力主將居中調度自可支持不足爲慮惟涼莊地方大虜壓境雖稱尋襲西海賊寇不曾得利而回却在我邊聯絡住牧不時入境侵掠近又以數百騎乘夜浮渡過河到於靖虜甯夏地方已遣陝西總兵守備等官追逐及行甯夏將官合兵截剿必是覘我道路探我虛實恐有約會套賊大舉入寇之謀防禦調度誠不敢緩但目前莊浪一帶事情緊急彼處兵馬委的寡少不敷支敵已經帖仰總兵官姜夷會同鎮守太監巡撫衙門即行副案遊擊各該將官務要加謹哨探協力隄備一

關中奏議全集卷十四

聖

XXXX

有回窺等境倭犯運謀以防遏之併力追逐之務使大遭剽劫以靖地方及督發陝西遊擊將軍陶文遊兵官軍過河協力防禦并行延綏遊擊將軍張鳳待報繼後應援及行巡撫衙門嚴督分守管糧等官上緊指辦糧儲務勾主客兵馬支用又將戶部發到銀兩行令領回五萬兩接濟該鎮軍備外待後如果聲勢十分重大臣當督大兵前去征剿不敢顧此失彼以貽

宵旰之憂緣係邊鎮節報緊急聲息事理爲此具本順差承差張時親賞謹具題 知

一爲整理邊務以備虜患事



顯為整理邊務以備虜患事准兵部咨該本部題職方

清吏司案呈奉本部送兵科抄出該臣題前事該本

部覆題看提督軍務兵部尚書楊一清題稱陝西

地方固原環慶靖虜蘭州俱係防胡重地而固原最

為要衝且土漢雜處易於生變內有監牧馬匹尤為

賊所窺伺鎮守官統轄地方廣闊不特防禦胡虜如

滋贖有西戎之警南山有羣盜之虞皆其責任萬一

事變不測未免顧此失彼要照依太監張忠尚書金

獻民所議添設參將一員分守固原環慶靖虜蘭州

地方仍在固原住劄操練軍馬修理關隘撫安土人

如各處有警往來應援截殺各守備防守等官俱聽

關中奏議全集卷十四

聖

川文

調遣一節為照前事先該太監張忠尚書金獻民先

後條奏節該本部議擬題奉

欽依移行移提督官議處今尚書楊一清遵奉

勅旨議處具奏前來相應依擬伏望

皇上俯從所議於固原等處添設參將一員分守前項地

方候

命下之日本部從公推舉相應官二員疏名上請

簡用一員充參將名目照例請給

勅諭

符驗旗牌前去行事其守備官員依擬革去不必再設遞

年於附近衛分選委都指揮一員操守如無相應都

指揮聽於指揮內選用奏

請以都指揮體統行事如此庶官有常尊事無推避而地

方可保無虞矣等因題奉

聖旨是固原等處准添設參將一員欽此欽遵備咨到臣

案查先為前事已經具題去後今該前因照得固原

守備已該兵部題奉

欽依革去遞年於附近衛分選委都指揮一員操守如無

相應都指揮聽於指揮內選用奏

請以都指揮體統行事為照原任守備署都指揮僉事劉

文已陞甯夏遊擊將軍新任參將未到所據固原守

備職掌政務頗繁分守參將難以兼管該設操守都

關中奏議全集卷十四

聖

川上

指揮一員查無相應都指揮臣博訪得固原衛指揮

黃振年力壯強性資明敏緣係世守武臣人情相附

堪以委用如蒙

勅兵部查議合無將指揮使黃振奏

請以都指揮體統行事令其操守固原等處地方訓練人

馬撫安軍民整理關隘墩臺嚴謹門禁果能守已愛

軍行事無失蹟效有聞聽鎮巡官員奏保擢用緣係

整理邊務以備虜患及兵部題奉

欽依事理未敢擅便為此具本順差承差張時親實謹題請

旨

關中奏議全集卷之十四終



關中奏議全集卷之十五

提督類

一為達賊入境官軍斬獲首級奪獲

欽差提督陝西二邊都御史臣楊一清謹題

官軍斬獲首級奪獲達馬夷器等事嘉靖四年九月

二十一日據鎮守陝西地方署都督僉事鄭卿呈前

事據守備靖虜地方都指揮同知辛忠呈本年八月

十八日辰時據山後捨木砭墩架塘夜不收王春兒

走報本月十七日酉時瞭見河北達賊二百餘騎從

莊浪地方五方寺溝前來黃河北岸往來行走離城

二百餘里來報得此本職即時統領有馬官軍指揮

關中奏議全集卷十五

八

朱辰等六百員名馳至地名水泉迎遇白楊川架塘

夜不收王六十走報本日午時瞭見河北達賊二百

餘騎從捨木砭墩空各用渾脫浮渡過河徑到裴家

川劄營本墩隨即舉煙三桶放砲三箇得此督併官

軍徑奔裴家川十九日卯時至地名分水嶺據入泉

墩架塘夜不收侯三走報前賊從本墩徑往東行本

職嚴督官軍前進二十日卯時追至甯夏中衛地名

七眼井其賊瞭見灰塵遠遜香山去訖當差夜不收

馮岩兒等傳報中衛預防隄備本職掣兵邊外黑池

水劄營本日夜三更據哈思吉架塘夜不收仇喜喜

走報十九日酉時瞭見河北達賊約有四百餘騎亦

從捨木砭接連哈思吉一帶各用渾脫浮渡過河仍

從先過達賊舊路裴家川行走河北劄立達賊三族

不知其數隨即舉煙三桶放砲三箇二十一日寅時

當差仇喜喜馳報鎮守陝西總兵官鄭卿處本職領

兵追襲續蒙總兵官鄭卿鈞票備行本職分兵設伏

相機戰守依蒙分布指揮吳英有馬官軍二百員名

在地名青沙峴千戶劉夔龍有馬官軍一百員名在

地名小石溝本職統領靖虜衛有馬官軍并續調土

達共七百七十員名在於衝要嚮泉兒聯絡設伏二

十二日寅時據入泉墩架塘夜不收李瘦兒走報達

賊二百餘騎騎牽馬匹從本墩徑奔迤南本職即時

關中奏議全集卷十五

八

領兵拆牆出邊馳追迎遇前賊衝突前來督令官軍

奮勇射斫就陣斬獲首級一顆奪獲達馬二匹收獲

夷器衣物弓箭二十六件枝中傷軍人一名餘賊見

我官軍勢猛遽往東北奔走追至鎮黃川其賊遠遜

因見天晚恐墮賊計掣兵復回邊外黑水池劄營查

得連日追賊促死軍人李三等馬四匹二十三日本

時蒙總兵官鄭卿鈞票備行本職統調乾鹽池打刺

赤馬步官軍前去賊行道路設伏把截本職依蒙統

調靖虜等城堡有馬官軍朱辰等一千七十員名在

於適中道路水泉按伏分布指揮馬世經管領步隊

軍餘三百五十名前去沿河捨木砭一帶擺列仍差

人接連哨探本年九月初三日辰時據爪哨夜不收謝和甫等報稱從本境八泉爪至中衛蘆溝兒紅寺兒一帶並無賊蹤直抵長樂堡探得本堡差去伍百戶聽探鄉導李柰說稱中衛叅將爪得前賊俱奔迤東過邊得此緣所部兵馬連日缺乏糧料本職隨即掣兵回衛防守仍行所屬城堡嚴謹隄備外查得前賊渡河徑奔迤東遠遁並無深入本境搶掠人畜及行巡墩指揮千百戶劉信等踏勘前賊經行墩塘隘口有無撲殺走報人役明白至日另行呈報除將斬獲首級奪獲達馬夷器等件解赴提督軍門驗發固原衛寄庫外理合具呈施行據此及據固原守備地方署都指揮僉事劉文呈爲傳報聲息事本年八月二十日午時該靖虜守備辛忠差夜不收王六十走報前項賊情當蒙提督尙書楊一清督發鎮守總兵官鄭卿統領固原馬隊官軍指揮李臣等二百五十餘員名巡邊西安左等衛官軍指揮劉申烏浩等六百八十餘員名本職部下固原并甘州羣牧所官軍指揮趙欽百戶侯松等八百六十餘員名土達千戶王依仁等六百四十餘員名及差叅隨張璋等賈執旗牌督軍截殺二十一日未時至海刺都本日辰時有鐵字羅墩架塘夜不收王友仁瞭見本墩邊外達賊五十餘騎往來行走又該靖虜守備辛忠差地名

關中奏議全集卷十五

三

X 4

哈思吉架塘夜不收仇喜喜走報二十日辰時瞭見達賊四百餘騎從地名捨木峽浮渡過河仍從先起賊蹤行走河外還有三簇不知其數據此蒙總兵官鄭卿議照前賊先後入境河外還有剗立達賊誠恐聲東擊西墮賊奸計一面差人出邊爪哨前賊向往領兵截殺一面會知鎮戎所按伏延綏遊擊將軍張鳳統兵前來應援二十三日卯時據辛忠差夜不收高明遠走報二十二日有前報達賊四百到於地名哈思吉分散一半順河透中衛地名紅泉一半徑往甯泉兒去訖辛忠統兵出邊前去追襲等情總兵官鄭卿當統各枝兵馬本日夜一更時分到於關橋堡

關中奏議全集卷十五

四

X 6

門鈞帖前事仰本官即便統領所部官軍從萌城小鹽池韋州預望城靖虜等處到於會甯安定兩處駐劄待河西再報別有明文督發中路遇賊即便會合叅將苗鑾都指揮高時等人馬相機截剿等因蒙此本職於本月巳時當統所部兵馬自紅德城堡起程於本月二十四日到於小鹽池與叅將苗鑾會兵二十五日酉時據本營瞭西南角軍人尹滿報稱本時分進西舊城子墩舉單煙一把據此會同叅將苗鑾整兵至二十六日丑時分據紅寺堡沙葱溝墩伏空夜不收楊璽走報二十五日巳時分瞭見本墩迤西達賊五十餘騎各騎牽馬匹往東透渾水溝行又據

關中奏議全集卷十五

五

又

口并夷器等件丟棄輕騎奔走復又督兵襲蹤追至花馬池地方長山兒迤北天晚落雨就彼結營設伏至次日天明爪襲賊蹤往駝房迤南遠遯方纔收兵回營隄備外隨據遊兵中軍千戶趙隆小鹽池中軍指揮王濬各呈開奪獲被虜幼男一名陳瞎子幼女一口張存兒牛二百四隻驢一十二頭號旗杆一根水渾脫二箇毛口袋五條鐵鍋二口皮可四箇皮水斗一箇皮襖一領沙毡一條毯子一條并追賊促死慶陽等衛軍人陳璽等馬一十九匹除將奪回被虜人口頭畜夷器等件會發小鹽池遞運所收養聽候明文施行外合具手本乞請照驗施行又據守備靖虜地方都指揮同知辛忠呈爲前事本年九月初六日寅時據原差塘馬軍人王三賚帖傳報本月初四日紅寺堡地名黑嶺岡伏路夜不收李景原等傳報本日巳時達賊五十餘騎從東往西行走得此本職當統有馬官軍前去沿河設伏本月初九日巳時蒙總兵官鄭鈞帖并暫署固靖環蘭等處叅將劉文明俱該蒙提督軍門鈞帖備行本職速便分投差人於賊行隘口水頭哨探仍撥官軍沿河擺列蒙此本職切慮迭烈孫陡城旱平水泉等處通賊要害恐賊奔此過河當分指揮吳英千戶劉夔龍帶領有馬官軍三百員名指揮劉信帶領官軍上達一百員

關中奏議全集卷十五

六

又

名指揮馬世經帶領步隊官軍三百員名疾去沿河  
攔列堵截本職統領有馬官軍朱辰等六百五十員  
名在於山後邊外適中地方亂谷堆設伏截剿十一  
日寅時據原差中衛蘆溝兒接哨夜不收全重喜走  
報本日于時爪得達賊從迤北墩空前來徑奔迤西  
地方本職當領官軍追襲馳至地名裴家川追見前  
賊知我兵至俱由捷徑陡路奔走本職督併官軍驟  
馬追至地名黃沙坡賊見我兵卒至迎衝對敵本職  
督令官軍奮勇當先向前撲殺就陣斬獲首級一顆  
奪獲達馬一十七匹收獲夷器達箭等件後有提督  
軍門督發旗牌指揮安世領軍都指揮瞿江等兵馬  
關中奏議全集卷十五 七 X 8

中捉撲墩軍催二十三再無損傷軍馬及侵犯腹裏  
搶掠人畜除將斬獲首級奪獲達馬收獲達箭夷器  
等件批差委官百戶馬政管解前赴提督軍門紀驗  
外理合具呈施行又准甯夏遊擊將軍署都指揮奴  
專劉文手本本年九月初四日本職欽奉  
勅諭陞甯夏遊擊將軍欽此隨蒙提督尙書楊 行仰  
暫署固靖環蘭參將事遇警督調各守備等官防禦  
剿殺待新設參將至日方許交代蒙此本月初六日  
已時抄蒙鈞帖行仰本職即便統率固原官軍速到  
紅古城會同延綏遊擊將軍張鳳選帶精健人馬出  
邊隨便相機追截剿殺哨探無賊方纔回還仍先行  
關中奏議全集卷十五 八 X 1

賊見灰塵來近慌懼奔走本職與安世瞿江合兵一  
處追至臨河精騎達賊復來對敵職等申嚴號令齊  
力射斫就陣斬首三顆奪獲達馬一十六匹收獲達  
箭夷器等件賊見我兵勢勇奔逐臨岸直入黃河乘  
騎浮渡淪沒中半過河達賊號哭往北去訖因見天  
晚就彼劄營查得本職部下共斬獲首級五顆奪獲  
達馬三十二匹收獲達箭一百二十七枝夷器衣物  
等件共六十三件中傷旗軍文仲先等八名被賊射  
死軍人張居子等下馬四匹促死軍人王仲下馬三  
匹至十二日擊兵十三日酉時到防守外隨據巡墩  
指揮劉信呈報前賊經過山後邊外射死墩軍樊孝

靖虜守備官沿河把截毋得縱放過河蒙此隨行靖  
虜守備辛忠領軍沿河把截本職統兵前去會同延  
綏遊擊張鳳及管領戰鋒官軍都指揮瞿江合兵追  
剿本月初八日從半箇城出邊到於甯夏地方秦山  
據先差爪哨夜不收武勝二義稱爪得賊蹤奔地名  
紅溝往西去訖初九日襲至地名可腦天晚就彼  
劄營初十日追至中衛近河地名冰溝遇甯夏中衛  
指揮何盛領兵在彼說稱前賊於初九日在地名深  
井對敵看見人馬灰塵徑奔地名三眼井去訖為照  
三眼井一帶通透乾鹽池西安州海刺都等處誠恐  
此賊見得沿河有備復來東侵職等議發固原等處

官軍五百名跟隨督軍旗牌指揮安世都指揮瞿江  
由地名深井本職同張鳳由地名香山七眼并鎖黃  
川等處各分路襲搜十二日未時據靖虜夜不收劉  
讓報稱前賊被靖虜守備辛忠都指揮瞿江等兵馬  
追趕急奔捨水硤渡河與官軍對敵斬獲首級餘賊  
落水淹死數多本職掣兵回打刺池防禦查得部下  
追賊促死官軍張添福宋勛等馬二十一匹別無損  
傷合具手本乞請照驗施行又准延綏遊擊將軍署  
都指揮同知張鳳手本又據戰鋒都指揮瞿江呈俱  
相同及張鳳部下收獲連鞍達馬一匹追賊促死軍  
人韓謙等騎征馬二十九匹及據固原衛領軍指揮

關中奏議全集卷十五

九

八八

季臣呈查得本職部下追賊促死軍人馮孟陽等馬  
五匹別無所傷官軍等因各行到職案查本年八月  
二十等日節據守備靖虜都指揮辛忠差人報到前  
項賊情累蒙提督軍務兵部尚書楊 督發本職  
并調各枝主客兵馬前去固靖邊外直抵中衛鎖黃  
川跟襲截殺去後今該前因職會同鎮守陝西太監  
宴 巡撫石副都御史王 議看得守備靖虜都指  
揮辛忠暫署固原營將事甯夏遊擊將軍劉文延綏  
遊擊將軍張鳳戰鋒都指揮瞿江固原領軍指揮李  
臣各開稱前項月日達賊眾寡不等從靖虜地方捨  
木硤淨渡過河各官領兵先後出邊直抵甯夏中衛

鎖黃川賊行水頭要路晝夜襲蹤跟追前賊見我官  
軍追趕緊急徑往鹽池石溝大路去訖又有達賊五  
十餘騎復回原路渡河各官亦又領兵襲踪追殺辛  
忠部下二次斬獲首級六顆奪獲達馬三十五匹夷  
器衣物弓刀等件二百一十六件杖中傷軍人孫朶  
朶等九名追賊射死促死軍人李二等馬一十一匹  
被賊射死促去墩軍樊孝中等二名劉文部下促死  
官軍張添福等馬二十一匹陶文部下奪獲被虜幼  
小男女二名口牛驢二百一十六隻頭夷器一十九  
件促死軍人陳璽等馬一十九匹張鳳部下收獲連  
鞍達馬一匹促死軍人韓謙等馬二十九匹季臣部

關中奏議全集卷十五

八八

下促死軍人馮孟陽等馬五匹及稱前賊見我官軍  
勢惡直入黃河乘騎淨渡淹沒中半得逃之賊號哭  
北去等情一節為照本鎮沿邊地方久無警報今不  
知何枝虜寇自莊浪境外而來卒至靖虜渡河入境  
計將奔歸河套被我兵襲追前甯夏擺邊兵馬堵  
截邀殺痛遭剄斃奔潰之賊不能出邊又被我兵搜  
剿斬獲首級奪獲達馬夷器大敗而歸但今冬臨靖  
虜河外延甯河套俱有虜賊住牧窺伺復舉難保必  
無防禦之機尤當嚴謹又恐此外別有隱匿失事情  
弊除行本鎮參遊守備領軍等官各整樹兵馬鋒利  
器械嚴督墩隘守瞭架塘官軍人等比常十分用心

瞭望加意隄備如遇有警一面領兵會合各該主客  
官軍相機戰守一面通行飛報發兵應援并行巡按  
陝西監察御史鄭氣胡體乾照例查勘此外有無失  
事情弊及驗看斬獲首級奪獲達馬夷器是否真正  
強壯徑自施行及具

題外今將前項緣由呈乞照驗施行等因到臣隨據鎮  
守甯夏地方總兵官都督僉事杭雄呈爲斬獲犯邊  
達賊首級等事本年八月二十三日辰時據石溝驛  
地方石溝兒墩夜不收王升報二十二日巳時瞭見  
迤南地名三塘水達賊五十餘騎騎牽馬匹駝隻奔  
大路往東行走將遊兵買馬回還軍人薛友能等射

關中奏議全集卷十五

十二

XX

傷搶去買來馬六匹隨據鎮城東南角軍人謝成報  
接迤東空塔兒墩舉放煙砲據此職議料腹裏賊寇  
過路東行必奔邊牆出境當令副總兵劉玉先統  
鄧爾萬營軍馳有餘員名渡河前去截剿及令坐營  
指揮曹江管領正兵有馬官軍五百員名繼後賊整  
兵待報應援二十四日辰時據分守西路左營將蘇  
勇差夜不收華官保報二十日夜二更時分據清虜  
衛夜不收馮牛兒傳報本月十七日頃時有河西達  
賊約三百餘騎從地峽搭木硤浮水過河往迤南腹  
裏地名七眼井透長流水行走奈將蘇勇當領人馬  
渡河跟蹤追殺前來走報隨據靈州地方長流水墩

關中奏議全集卷十五

十二

XX

夜不收尙蘭州鄉導王祥各報二十二日未時瞭見  
舊石溝兒墩迤南達賊七八十騎騎牽馬駝來到水  
泉飲馬往正東地名許直山去訖又據守鳴州城指  
揮彭鎮差夜不收巫讓報二十二日辰時瞭見地名  
馬官人井寶峪兒山達賊三隊約有一百五十餘騎  
往紅寺堡地方梁家泉去訖據此職料賊浮水越境  
奔往東行況在秋成時月經行人畜遍野恐被搶掠  
行令都指揮王銳整棚無馬步軍在鎮防守職統標  
下官軍把總指揮羅賢等四百餘員名由橫城堡渡  
河前去沿邊調度各枝兵馬運謀剿殺本日酉時分  
馳至地名馬鞍山迎據木井墩夜不收吳天秀報二  
十三日夜二更時分聽見境裏迤南達賊一百餘騎  
邀趕馬匹頭畜來到本墩東空塔兒墩當即舉放火砲  
隨有副總兵劉玉遊兵都指揮高時人馬追襲到彼  
與賊對敵斬獲首級奪獲馬牛駝隻前來走報得此  
職督兵馳進夜二更時分至清水營分布官軍擺邊  
拒守二十五日天明聽得邊墩砲響職督調各路人  
馬從地名哈刺兀刺溝爪襲據前哨夜不收張鐸報  
哨見正南山上達賊百十餘騎奔邊前來當令官軍  
兩下夾攻與賊對敵就陣斬獲首級二顆奪獲戰馬  
三匹中傷軍人王淮等二名比因天晚收兵回營隨  
准副總兵劉玉手本開稱本年八月二十三日夜二



更時分統兵馳至清水營暗門墩沿邊傳接火砲前來督軍至木井墩西空遇會督管遊兵都指揮高時合兵一處追至本墩東空達賊約有一百五十餘騎在彼拘牆聽見人馬臨近其賊多半出境一半衝突前來職等督令官軍堵口奮勇撲斫對敵就陣奪獲達馬頭畜夷器等件前賊慌懼奔往境裏迤南去訖至次日天明襲蹤追至地名火山等處收獲達馬三匹賊已去遠兵回清水營駐劄及據興武營按伏奇兵把總指揮季連呈稱本月二十三日卯時領兵在於瞭馬山截賊歸路至辰時分聽得迤西墩臺放砲一箇卽督官軍驟馬馳至古寺墩東空達賊在彼拘

關中奏議全集卷十五

三十三 X 81

牆看見人馬奔往迤南去訖督令官軍追至地名西亂井與賊對敵奪獲達馬人口夷器等件賊見官軍勇猛換馬往東逃去復追至地名王牢井天晚黑暗就彼下營次日天明瓜得賊蹤去遠掣兵回營查得見在奔獲達馬一十四匹騾子一頭牛五隻傷重倒死達馬三匹騾二隻被虜男子郭三哇子等五名中傷旗軍王四兒等五名射死軍人王興受等官馬一匹收獲夷器三十三件合用手本施行又准提督委官暫管甯夏遊兵都指揮僉事高時手本開稱本年八月二十三日夜二更時分追賊至清水營遇會副總兵劉玉合兵一處據木井墩小旗殷大走報達賊

五十餘騎在於本墩東空拘牆疾督官軍到彼其賊多半出境少半衝突前來職等督令官軍齊力射斫就陣斬獲首級一顆奪獲戰馬夷器等件賊見官軍奮勇不得出邊往南奔逃次日天明襲蹤追至地名火山等處收獲達馬前賊換馬去遠天晚收兵清水營防禦查得陣前斬獲首級一顆奪獲達馬三十一匹見在二十六匹被傷倒死五匹騾一隻男婦藩哇子等一十四名口收獲夷器達箭三十六件副枝中傷旗軍高鐸等六名射死軍人武成等官馬四匹合具手本施行二十六日據鳴沙州棗山墩夜不收劉純報二十四日辰時有同墩夜不收徐子成下墩空

關中奏議全集卷十五

一四 X 81

瓜蹤行至地名李安子步口迎遇腹裏迤南達賊一百餘騎撲來將徐子成斫訖一刀并挑水軍人高僧加一同捉拴往東去訖二十七日據紅寺堡地方沙葱溝墩夜不收楊洗報二十五日巳時瞭見腹裏達賊一百餘騎牽馬匹往東行走本役下墩走報行至地名石板泉被賊將洗原騎紅寺堡站馬一匹搶去二十九日申時據清水營墩直日軍人王士通報接木井墩煙砲前來得此職當卽督調又枝兵馬分路追截馳至鎮北墩東空達賊約有二百五十餘騎在彼拘牆其賊瞭見人馬將近擺列衝突前來職申明號令嚴督官軍齊力奮勇首尾夾擊攻戰中哨正



兵官軍斬首一顆右哨遊兵官軍斬首二顆其賊慌懼退往南行復督官軍追至地名倒塔兒左哨副總兵劉玉督率官軍把總指揮何湧等撲入賊陣斬獲首級四顆比因天晚賊已去遠欲要窮追恐墮竄計至二更時分收兵折牆處所下營次日天明掣兵回營防守隨據督軍把總指揮羅賢呈查得各營官軍斬獲首級七顆奪獲戰馬一十五匹被虜男女張自王淮等三十五名射死官軍孫經等下馬一十三匹追賊走死馬六匹收獲夷器等件二百五十七件餘枝九月初一日夜二更時分據廟兒墩夜不收馮遇

關中奏議全集卷十五

十五

又各一

賢報境裏達賊一簇約六七十騎驟馬來到本墩西空拘牆隨卽舉放火炮前來走報據此當遣暫管遊兵都指揮高時正兵把總指揮王範各統官軍襲降前去堵截職同副總兵劉玉統兵繼後五更時分馳至砍牆處所前賊聽見人馬聲勢將近復奔往南山逃去職督令官軍襲蹤跟追至初二日申時至地名海子等處賊已去遠天晚收兵隨據廟兒墩夜不收吳鐸收送虜中走脫男子一名葉三三供係延綏定邊營軍人葉欽男被達子滿都卜刺搶去虜營住過五年今年六月跟隨頭兒阿兒骨道兒一千人馬在套住牧浮水過河西山後西番地方搶掠被迤西達

子殺敗一半往山後迤北逃遯一半後靖虜地方捨木碛浮水過河往迤南腹裏搶掠被各處人馬殺敗不得出邊三三偷馬二匹藏躲山溝得脫到墩收送前來又准分守中路左奈將都指揮僉事苗鑾手本開稱本年八月二十六日據黑山夜不收于安走報二十五日酉時瞭見迤西達賊二簇約有百十餘騎騎牽馬匹遯趕牛驢來到紅城子水頭駐劄據此本職會同遊擊將軍陶文出兵馳至地名王伏山迎據平山鋪墩夜不收孫廷璽走報本日五更時分瞭見迤西達賊一百五十餘騎近路往來蘆溝子去訖督兵驟馬追至地名黑羊房其賊瞭見兵馬灰塵臨近

關中奏議全集卷十五

十六

又各一

丟棄原搶頭畜往東奔走又督軍馳至膠泥井兵馬追急丟棄男女一名口并夷器等件復又襲蹤追至花馬池地方長山兒天晚落雨就被結營次日天明合兵爪襲賊蹤往駝房迤南遠遯收兵回營查得追賊奪獲被虜男女陳瞎子等二名口牛二百四隻驢一十二頭夷器等件一十七件付枝走死官軍王濬等官馬三匹合具手本施行初五日據守備靈州指揮同知沙金呈開本年九月初一日夜四更據許直井墩伏哨夜不收晏祥報本日酉時瞭見東北達賊一百餘騎騎牽馬匹撲到井上飲馬奔往西南去訖據此當卽分遣把總千戶韓選帶領有馬官軍二百

員名往大沙井伺賊截殺指揮李真吳俊管領步軍三百員名聯絡襲追續據把總千戶韓選呈稱本月初二日卯時行至十里墩迎遇小沙井伏空夜不收繡導李興朱達各報本日天明時分爪見達賊馬隨五六十道過路往亂山兒去訖督令官軍跟蹤徑奔紅柳井黑溝迤西硤口到於地名紅圪坦天晚就彼下營次日五更時分選差夜不收王洪郭自當等先行爪蹤官軍繼後卯時馳至河口瞭見河邊達賊亂攘浮水過河職等嚴督官軍持刀向前直衝賊陣其賊前來迎敵數合就陣前斬獲首級射死達馬餘賊奔往東南去訖復督官軍追至地名張海言井賊

關中奏議全集卷十五

十七

已去連天晚收兵中營堡駐劄查得陣前斬獲首級三顆射死達馬三匹收獲浮水馬皮渾脫并夷器六十八件枝中傷軍人于子中等四名初四日掣兵回營防守具呈施行等因各開報到職除將斬獲首級奪獲戰馬駝騾夷器等件并陣亡中傷有功官軍量爲犒勞奪獲被虜牛驢招主認領人口送發甯家外今將獲功官軍備造文冊理合呈繳施行等因到臣及據副總兵劉玉參將苗鑾都指揮高時守備沙金等各呈報相同又據總兵官杭雄呈亦爲前事本年九月初三日據河西賀蘭山宿峴口出哨夜不收陳伏保報本月初二日酉時瞭見境外達賊三路約有

一三百騎從南近邊往北行走初四日據白土岡墩夜不收王升伏路鄉導王榮報本日卯時瞭見腹裏達賊約有三十餘騎從東過路往西去訖據此職分布坐營指揮曹江把總指揮楊時各統正兵有馬官軍入百餘員名奇兵把總指揮郭鑑官軍三百八十八員名在於清水營設伏仍令把總指揮李翰管領無馬官軍五百員名沿邊墩空把截拒守二十七日據坐營指揮僉事曹江呈稱會委本職統領正兵有馬官軍五百員名渡河前去清水營會合指揮楊時郭鑑等按伏擺邊截殺本月二十日巳時據夜不收蔣得六等報稱爪至地名駝房沙窩見得達賊新行馬

關中奏議全集卷十五

一八

蹤五道截死馬匹在彼其賊往西行走據此當分指揮劉勇等官軍於沿邊堵截本職卽統有馬官軍一百餘員名襲追至地名石井兒爪見達賊二騎往西奔逃職督官軍馳追前賊拚命各持弓箭迎射前來官軍一勇撲砍就陣斬首二顆奪獲達馬二匹收獲夷器達箭四十一件枝中傷軍人一十七名具呈施行二十八日准分守東路參將都指揮僉事劉謹手本開稱九月十八日酉時據石溝驛按伏夜不收張三馳報十七日申時哨見地名雙山兒達賊二三十騎從西過路往東行走據此當會延綏副總兵趙瑛各統官軍二百餘員名前去襲追及省諭擺邊官軍

用心扼守十九日申時馳至地名許直山迎遇前賊二十餘騎吶喊衝突前來職等嚴督官軍持刀向前劈砍就陣斬獲首級二顆賊見我兵勢猛潰散復督官軍追至地名碗者度斬首三顆餘賊奔走天晚黑暗風雨大作就彼下營次日天明爪得前賊蹤跡徑往西南敗逃欲再追趕馬力不敷收兵定堡駐劄二十一日掣兵回營查得本職部下官軍指揮季潭等斬獲首級三顆奪獲達馬三四收獲夷器一百五件枝重傷官軍劉越等二十五員名射死軍人孟斌等官馬四匹延綏副總兵趙瑛部下官軍劉棟等斬首二顆奪獲達馬一匹射中倒死一匹見在一匹收獲

關中奏議全集卷十五

元

賊往北奔走復追至靈州地名紅圪坦水前賊復來衝敵就陣斬首一顆收獲達馬一匹天晚收兵黨千戶井下營次日天明據襲蹤夜不收劉保兒報爪得前蹤俱往地名白土岡行走馳追間迎遇暫管甯夏遊兵都指揮高時議料前賊未曾過路必在金積山溝潤潛伏會兵搜剿隨據遊兵夜不收李茂報稱爪得舊石溝墩南空馬蹤五道北空馬蹤三道俱各過路往東去訖本職又會都指揮高時各月統兵分襲賊蹤追剿本職追剿吳家廟溝長流水等處賊蹤徑奔東北去遠天晚收兵石溝驛駐劄中軍指揮王濬呈查得對敵斬獲首級三顆奪獲見在達馬一匹

關中奏議全集卷十五

二

夷器八十四件枝中傷官軍蕭漢等一十九員名射死軍人齊買兒等官馬一十一匹合具手本施行隨據守延綏副總兵署都指揮僉事趙瑛手本亦開對陣緣由相同又准分守中路左叅將都指揮僉事苗鑾手本開稱九月十一日本職統領馬步官軍前去紅寺堡設伏截殺十二日未時據本堡瞭高軍人王仲賢報瞭見察家窪墩舉雙煙一把據此當統官軍襲烽馳過本墩迎遇原差鳴沙州城地方海塔什墩夜不收常能報本時瞭見本墩迤北達賊二十餘騎往東地名黑嶺岡行走急督官軍襲蹤馳至烽臺墩地方與賊對敵就陣斬首一顆射死達馬一匹餘

射中倒死一匹中傷軍人錢山等二名射死軍人田剛等官馬二匹追賊走死軍人周官保等官馬七匹收獲夷器賊箭共五十三件付校行間續據紅寺堡把總千戶張從善呈稱原差本堡夜不收陸能王三竊導王洗前去鳴沙州地方紅柳溝爪探忽遇前賊將陸能王三殺死王洗中傷回營合具手本施行又准委官甯夏遊兵都指揮僉事高時手本開稱九月十二日夜一更時分據靈州城東南角樓小旗石成報節次煙墩火一把據此隨即統兵襲烽馳至舊石溝兒天明迎遇小鹽池叅將苗鑾說稱達賊十騎往東行去本職爪得前賊過路督令官軍奔馬追襲至

地名我落火赤其賊截死達馬一匹在彼又督官軍由許直李河泥大沙窩跟追約遠四百里天晚恐賊近邊督發指揮馬賢李幹等先統官軍奔邊防備本職於四更時分馳至廟兒墩駐劄十四日天明從地名哈刺兀速溝爪襲見有死馬三匹空馬八匹在彼夷器弓箭埋藏其賊於紅山兒墩東空不知時分用繩吊墮過邊出境去訖合具手本施行又據協同分守興武營署都指揮僉事吳雲呈據守禦千戶所申本月十八日卯時據守南門軍人李義盤詰得男子一名楊六十供年一十八歲係鞏昌府人矢記年月在莊遇賊沙拜捨節捨去虜營住過六七年今年跟隨搶我達子一千有餘浮過黃河被西邊達子養狗卜殺散內賊一百五十餘騎復回過河去了沙拜捨節等眾賊奔邊行走遇見兩邊人馬前來追趕殺散六十等八箇一處又到不知名水頭住下看見人馬進來別賊四散不知去向是六十原騎青驕馬一匹乏弱下馬藏躲沙窩內聽得達子說邊上有人馬擺列不得出邊六十丟棄勞蹄將原戴達帽藏放懷內往邊走走四晝夜到營盤獲得出具呈施行等因各開報到職卷查先爲申明舊例請

勅各邊守臣防禦虜患事抄蒙提督尙書楊鈞帖前事已經會議遵照分布各該副叅遊協守備等官會

關中奏議全集卷十五



合各格人馬相機截殺去後今診前因會同巡撫都御史林琦議得前項奮虜自去冬入套雖不時分遣輕騎窺伺爲因邊備嚴密未敢深犯今却自西浮過黃河侵擾靖虜紅寺等處地方是又前此所無職遵照軍門預先運布方畧調度各枝官兵擺邊拒截連日分製追剿斬獲首級奪獲戰馬夷器賊遂奔潰出邊功雖不多而虜勢緣此大劉邊境之患似亦少除但今秋高馬肥正彼馳騁時月惟恐復來侵擾又經通行鎮屬各該將領等官整飭兵馬愈加設伏防範相機戰守及照脫走男子楊六十雖稱先年被虜人數却乃隨賊肆惡侵犯比與邊外走回人口不同除將獲功官軍量爲激勵外今將獲功緣由理合開呈繳施行等因節呈到臣案查先爲達賊入境等事本年八月二十日午時據守備靖虜地方都指揮同知辛忠差夜不收飛報本月十八日有河西達賊二百餘騎從本境扯木碛浮渡過河見在本邊住牧等因爲照達賊既入我境必有侵犯搶掠之謀隨經督發鎮守陝西署都督僉事鄭卿固原守備都指揮劉文并行鎮戎所按伏延綏遊擊將軍張鳳各領兵前去追截剿殺猶恐此賊被我官軍追逐奔往甯夏地方出邊入套當卽馬上差人帖仰甯夏中路叅將苗鑾靈州按伏暫管甯夏遊兵都指揮高時靈州守備沙

關中奏議全集卷十五



金各整棚人馬差人哨探如遇此賊奔遁前來即便會兵剿殺又恐沿邊與武營花馬池一帶只防套內聲息不知腹裏有警失誤截過亦即馬上差人帖仰花馬池按伏延綏副總兵趙瑛甯夏東路叅將劉謹興武營協同都指揮吳雲各整兵相機阻截剿殺復恐此賊因見腹裏井甯夏中路小鹽池等處有備潛從黃河水淺去處浮渡過河奔往賀蘭山後藏躲又經帖仰甯夏總兵官杭雄量發本城正奇兵馬於河西緊關城堡分佈擺列仍量發兵馬於河東地方駐劄會剿及照陝西遊擊將軍陶文統領遊兵見在慶陽山城等處防禦套賊本枝兵馬係先具

關中奏議全集卷十五

三

題應援河西之數見今莊浪河西涼州等處虜賊壓境相應調發又經帖仰本官即便統領所部遊兵從萌城小鹽池韋州靖虜等處到於會甯安定駐劄待河西有報督發應援倘若中路遇賊即便會合叅將苗鑾等人馬相機剿殺續據都督鄭卿揭帖稟稱本職領兵到於海刺都設伏問據靖虜守備辛忠原差哈思吉架塘夜不收仇喜喜走報二十日辰時達賊四百餘騎從堵木硤浮水過河從先起達賊舊蹤行走河邊道有達賊三撥不知其數陸續過河守備辛忠在於打刺赤三角城劄營俟賊向往跟襲等情得此本職統領守備劉文各枝人馬在於海刺都等堡按

伏差人爪哨及會調遊擊張鳳在於鎮戎所黑水李旺等堡設伏俟賊向往會合截殺誠恐賊眾兵寡不敷戰守乞要發兵策應等因又經督發中軍把總都指揮夏欽延綏都指揮瞿江等帶領各枝馬隊官軍一千員前去會合戰守及具

關中奏議全集卷十五

四

題外續據甯夏鳴沙州等處傳報虜賊在鳴沙州紅寺堡等處往西南行走想是此賊因知腹裏有備奔遁出邊及被沿邊官軍追急仍回腹裏地方逃躲意在乘間出境比因固原守備劉文已陞甯夏遊擊將軍其固原新設案將未到隨行本官暫署管固原案將事務會同延綏都指揮瞿江延綏遊擊將軍張鳳各量帶所部兵馬出邊尋蹤剿殺務抵紅寺兒鳴沙州與甯夏中路官軍聲勢相應庶期成功以靖地方去後今具各呈查得鎮守陝西都督鄭卿部下守備靖虜衛都指揮同知辛忠部下二次斬獲首級六顆奪獲遠馬三十六匹收獲夷器弓箭衣物二百一十六件枝中傷軍人九名射死促死馬一十一匹被賊射死捉去墩軍二名甯夏遊擊將軍劉文部下追賊促死官馬二十一匹陝西遊擊將軍張鳳部下收獲遠馬官馬一十九匹延綏遊擊將軍張鳳部下追賊促死官馬一匹追賊促死官馬二十九匹都督鄭卿部下追賊促死官馬五匹甯夏總兵官都督杭雄部下二次斬

獲首級五顆奪獲達馬二十匹收獲夷器弓箭衣物  
二百九十七件枝奪獲被虜人口七名口陣亡軍人  
二名中傷軍人五十四名射死走死官馬一十九匹  
甯夏副總兵劉玉部下斬獲首級四顆奪獲駝馬牛  
騾二十八匹隻頭收獲夷器弓箭三十三件枝奪獲  
被虜人口五名口中傷軍人五名射死官馬二匹暫  
管甯夏遊兵都指揮高時部下斬獲首級三顆奪獲  
駝馬三十二匹收獲夷器弓箭三十六件枝奪獲被  
虜人口一十四名口中傷軍人六名射死官馬四匹  
甯夏東路叅將劉謹部下斬獲首級三顆奪獲達馬  
三匹收獲夷器弓箭一百五十件枝中傷軍人二十  
關中奏議全集卷十五

關中奏議全集卷十五

三五

十八顆奪獲達馬駝牛一百二十三匹隻頭射死達  
馬三匹收獲夷器衣服弓箭等物九百一十一件枝  
副奪獲被虜人口二十八名口牛驢二百一十六隻  
頭陣亡軍人二名中傷官軍一百二十四員名被賊  
捉去墩軍四名射死走死官馬一百三十八匹除將  
斬獲首級驗發固原甯夏各鎮收庫有功人員量加  
犒當奪獲達馬給賞原獲功官軍被虜人口查發甯  
家頭畜照例一半召主給領一半犒賞官軍陣亡并  
中傷官軍量加優恤夷器等件貯庫外爲照迤北達  
賊自去冬踏冰過河一向擁眾在套節據走回人口  
傳報各稱小王子部下吉納台記俺答阿卜孩三枝  
關中奏議全集卷十五

關中奏議全集卷十五

三六

五名射死官馬四匹花馬池按伏延綏副總兵趙瑛  
部下斬獲首級二顆奪獲達馬二匹收獲夷器弓箭  
八十四件枝中傷軍人一十九名射死官軍一十一  
匹甯夏中路叅將苗鑾部下斬獲首級二顆奪獲達  
馬二匹收獲夷器弓箭五十三件枝中傷軍人二名  
射死走死官馬一十四匹苗鑾又同陝西遊擊將軍陶  
文奪獲被虜人口二名口牛驢二百一十六隻頭收  
獲夷器一十九件走死官馬三匹靈州守備以都指  
揮體統行事指揮沙金部下斬獲首級三顆收獲夷  
器弓箭六十八件枝射死達馬三匹中傷軍人四名  
鳴沙州被賊砍傷捉去墩軍二名通共斬獲首級二

各有一二萬精兵聲言要行搶掠臣自到陝西以來  
督行陝西延綏甯夏三鎮將官分布防守節經具  
題外本年六月間據走回人口傳報虜賊二萬從黃河  
迤北水淺去處浮渡過河往西海尋收亦卜刺阿余  
禿廝賊寇去訖本年七月內莊浪涼州等處果報大  
勢達賊俱從本境經過前去西海尋殺留下兵馬數  
千在各境住牧九月內又據莊浪西甯等處將官傳  
報前賊到於西海不曾得利遭剽而歸見今大眾仍  
在莊浪地方五方寺蘆塘等處住伏不時入境侵掠  
節行各該守臣嚴加隄備及將陝西遊擊陶文延綏  
遊擊張鳳人馬行令於附近地方按伏聽調應援外



今據前切緣因臣分布延甯兵馬於沿邊按伏及行甯夏遊擊叅將等官於中路邀截陝西大小將官各整兵秣馬在於本境以逸待勞俱爲隄備套賊恐其踵襲先年故智乘間拆墻入境侵犯腹裏地方不意前項賊寇數百騎乃敢乘夜用渾脫浮水渡河入我內地明是窺我道路探我虛實意圖糾眾侵犯臣發陝西官軍尋襲追殺又行甯夏中路將軍會剿及沿邊將官把截兩日之間傳檄已遍而賊在腹裏猶不及知及見我兵將近不暇虜掠倉皇出境節於甯夏官軍對敵俱有斬獲達馬夷器委弃道途其幸而不死者多係赤身逃遁又有七八十騎不得出邊仍奔腹裏屢被我兵追逐斬殺墮河而死者甚多是皆仰伏我

關中奏議全集卷十五

三三

三三

皇上德威遠被

聖武布昭邊將效忠士卒用命以致醜虜禱毒喪鬼遯歸其巢彼河套河西之賊聞之其氣必沮地方幸甚臣等幸甚查得陝西將官都督鄭卿等部下功雖不多而官兵未嘗損傷地方並無遭害甯夏地方雖微有虜掠卽被奪回但邊牆寬漫把守不敷以致拆墻出套者多然斬獲之功足以贖其失防之過而總兵官都督杭雄到鎮方及七日席尙未煖卽能提兵過河親臨戰陣督軍殺賊忠勇可嘉稽之眾論此舉雖非

奇功而當大虜窺伺之時關係頗重如蒙乞

勅兵部查議照例行巡按陝西監察御史查驗前項首級果係真正達賊將有功人員早爲造冊陞賞若有隱匿損傷官軍搶掠人畜等項事情徑自察究庶人心有所警勵邊務可以修舉再照總兵官杭雄等所呈走回人口楊六十係先年被虜人數却乃隨賊肆惡侵犯比與邊外走回人口不同一節但本犯雖稱隨賊入境不會與官軍拒敵又不曾在陣擒獲棄馬逃遁走入邊營似有思歸之志若欲從重究治緣賊營被虜人口頗多無以開其自新之路除行令會同巡撫官再審實錄來歷明白押送甯家收管若審出別

關中奏議全集卷十五

三六

三六

一爲地方賊情事

題爲地方賊情事嘉靖四年九月二十八日午時據陝西布政司分守關內道叅政楊叔通呈本月二十二日據西安府同知王賜稟及據乾州知州趙時稟帖內開本月二十一日辰時分強賊樊紳領馬步人約有五百餘名各帶弓箭器械張打旗號將本州四門圍困喊聲殺害本職率領城內居民對敵內有劉起東將賊射傷二人馬一匹賊將城上守把老人李森



等二人射傷見今攻圍不退理合稟乞早發兵馬前來救援一州生靈等情先該各道會同已將賊首樊紳窩主韓恭等六名口挈獲在縣供該縣地方多有無藉光棍暗行順從先時張勢挾財節經首告取供問今據前因看得賊首樊紳合謀結黨已非一日雖稱烏合之眾然當民窮易亂之時若不早為撲滅恐致蔓延遠近為害不淺况今省城兵馬單弱合無量調邊兵三五百名行令將官一員統領前來隨宜剿殺以安地方等因到臣查得固原等處邊兵俱發各邊城堡按伏防禦見今河套河西俱有大賊窺伺難以擊調隨行鎮守陝西都督鄭卿將西安左前後等

關中奏議全集卷十五  
三  
X

衛備冬官軍挑選有盔甲馬匹精銳六百員名行委都指揮孫昌指揮楊茂分領并巡撫衙門跟隨巡邊官軍指揮劉啟等三百員名會合撲剿及照巡撫陝西地方右副都御史王蓋見在固原議行親督前去調度外為照恭政楊叔通等呈稱賊首樊紳合謀結黨已非一日各該府州官員不行早為緝捕又不見呈請合干上司作何定奪布按三司分巡分守既知有前賊情亦未聞督併軍衛有司官員設法挨拏究治直待聚集人眾攻圍州城射傷人命方纔告急請兵俱難辭青但舊官俱已去任見今分巡分守俱係新任官員到任未久似宜責效將來切緣各府州縣

地方俱有賊盜時出剽掠若不早為撲滅將來結聚蔓延之患難保必無又經通行都布按三司並關內道分巡官嚴督軍衛有司整點城操官軍舍餘民壯機兵快手鄉導人等各置備弓矢器械隨處把截防守如遇官軍到彼指引道路會合擒剿務期盡絕以靖地方再照腹裏賊情比之達虜不同中間多係無知愚民聽人哄誘誤陷賊黨軍馬一臨未免玉石俱焚情有可憫已行各司轉呈巡撫衙門設立賞格出給告示曉諭但能悔罪自首與免本罪查發甯家聽其家屬里老隣佑保管不許仍前為非有能擒獲賊徒或引官軍挈獲賊眾者分別等第從重給賞示出之後果能自相解散免致濫及若為惡不悛敢與官軍拒敵痛加誅剿毋得姑息都布按三司仍行關西關南二道分巡分守防守等官嚴加防範如遇前賊遁入各境一體督軍捕剿去後緣臣巡視各邊防禦虜寇住紮常相離省城地遠難以遙制此後賊情緩急聽鎮巡官指授方畧督屬捕剿及有功失事人員徑自查奏外緣係地方賊情事理為此具本順差舍人張偉親賚謹具題 知

關中奏議全集卷十五  
三  
X

一為地方賊情事

題為地方賊情事嘉靖四年十一月初三日據陝西都布按三司掌印左布政使等官宋冕等呈為萬分緊

急賊情攻圍城池射傷人命等事會問得犯人樊紳  
招年四十三歲係陝西西安府乾州善政里民故父  
樊友義存日娶故母胡氏生紳并已獲弟樊綬樊緯  
紳娶已獲妻劉氏生男樊二漢即樊世家樊世秉樊  
五漢樊六漢已獲故樊世甫未獲樊世全已獲女樊  
萊貴樊登貴樊綬娶已獲妻張氏生姪樊慶元未獲  
樊小慶樊瞎子樊緯娶已獲妻丘氏生見監姪樊小  
湯與紳獲故義男樊書童俱同居住過正德五等年  
月日不等紳父母俱故附葬祖墳後紳習學陰陽不  
合因而妄揣福禍及節遇失記姓名遊力僧道各不  
合妄言紳口大容拳舌頂鼻尖兩目見耳非常貴相

關中奏議全集卷十五



紳聽信在心失記月日紳往醴泉縣探看未到妻父  
劉武在途相得縣北地名武崗山前未到不知情民  
郭合地內龍脉豐盛是箇後出帝王形局紳回還不  
合向樊綬樊緯商說人多相我大貴只是埋的父母  
不停當我見武崗山前有塊地甚好葬後必出帝王  
可將父母移葬等語樊綬等各不合依聽正德七年  
二月十五日同紳將父母屍骸掘出暗葬前地以後  
人口興旺家業暫增正德十一等年月日不等有真  
定府定州未獲遊方道士辛自然在本州已獲罷吏  
張合家歇住相面賣藥紳請伊來家相面伊亦不合  
妄言紳面方耳大口中容拳舌至於準兩目見耳及

妄言妻劉氏左目重瞳俱是大貴之相并將伊身藏  
妖書二册假名連經送紳不合收看內開後朝人主  
姓字是箇魚兒變成是箇樊字紳心喜悅打發辛自  
然去訖及有陝州未獲失記名陳道上不合將透天  
妖書一本傳與紳不合收看上言歷代興廢以物類  
姓及內圖書傳形亦似箇樊字以此紳自信必有大  
貴陰生逆謀嘉靖二年八月內有未獲山西蒲州秦  
韶往鳳翔府賣藥經過本州未到胡秀務內買酒食  
飲間紳亦到彼飲酒因與秦韶講論天文紳就不合  
問秦韶近年星變如何秦韶不合回說自古帝王興  
廢周聚於房漢聚於東井唐聚於尾箕宋聚於奎今

關中奏議全集卷十五



聚於營室及妄言此乃革命之時紳愈加喜悅逆謀  
日固厚待秦韶去訖嘉靖四年正月內紳不合向樊  
綬樊緯商謀要成大事須得好漢扶助我訪得已獲  
馭案強賊楊朴并民張合未獲醴泉縣董漢已獲故  
段廷玉趙鬍子即趙得玄俱是平日通曉武藝有謀  
好漢你可去邀請來家商議樊綬等不合依聽邀請  
楊朴等前來紳就不合說稱我看天書內載後朝人  
主姓樊又常遇人都說我是真人當有天分咱們同  
心招集四方人馬約日起手成了大事同享富貴等  
語本月內楊朴在於涇陽縣已獲民韓恭家教伊已  
獲男韓綸獲故韓緒拳棍楊朴不合密向韓恭并伊

已獲男韓經韓紳與韓綸韓然詐說有箇真人樊紳  
你可供養他日後有好處韓恭等各不合與韓緒聽  
從本年四月失記的日楊朴叫同紳到韓恭家內伊  
明知紳等謀反不合備酒管待留住三日紳要娶伊  
在官孫女韓金兒做妾因先已許人爲婚未允韓恭  
不合故將紳等縱放韓綸韓經韓紳各不合與韓緒  
各不行首官本年六月內本州知州趙時訪知前情  
屬行拘到官責令挨挈紳等不獲本年七月內紳到  
三原縣趙得玄殺羊備酒與紳并李恕徐彥鈞等食  
飲紳將披肩一領白黑手帕共十三連俱交趙得玄

關中奏議全集卷十五



收寄伊不合隨紳於本年八月等月日紳與楊朴董漢  
張合段廷玉趙得玄樊綬樊緯等向各糾合到已獲  
楊大用卽楊大學侯瓚李儒王甯張萬良王紳楊學  
任昇黃教福殷克恭陳朝用王喜朋牛閏任守經薛  
添雲趙從政王三橋卽尹三聘王朝用卽霍文朝梁  
關魏添林何仲實王饒何萬良商錦王河王萬良王  
奉祿表姪王廷薦王廷眞王廷用康從仁嚴小保李  
洪朱奈朱邦彥翟文孝何彥章王廷相王經何竹僧  
陳邦靖武固馬江僧甯元惠王恕李買買李廷甫李  
萬胡穆鸞趙廷美獲故習宰安邦占董大吉李經李  
雲陳虎楊道兒李鶴尹朝楊賈杜添得楊可李世相

趙廷表李恕樊世鉞李朝用吳果樊果楊瓚李宗憲  
董大士任才修幻張琰并斬首張彥禮梁再禮董朝  
卿侯朝弼李世曾王臣王進忠王進孝王琢王廷甫  
王奉王廷佐楊孝王舉未獲侯瓚男侯卿本州王鎮  
王廷佑王守爵王廷舉王廷保楊牌兒胡周胡車子  
馬大千楊仲其任慶任良任隆胡劍胡月胡添續董  
蘆劉改年董三哥醴泉縣趙景仁李宗政興平縣傅  
鎮并男傅爵傅拴傅浩浩涇陽縣王伏一陳馬祿  
趙從仁劉彥虎趙倫陳順陳訓三原縣馬老人張天  
爵鳳翔府東關王文舉麟遊縣王探失記州縣侯彥  
章陳師張道土楊世勳嚴景和王守奉何道江何道

關中奏議全集卷十五



全王慶卽惠慶韓辰賈文學侯先生侯玄張紀劉朝  
陽徐彥鈞史景泰趙廷璽孟壽沈花刺麻和尚王文  
張文學馬裁縫翟文章翟錫楊道士王紀劉世隆翟  
廷章謀說紳是真人當有天分目下起手先破乾州  
殺了知州壓服人心後取陝城就定天下各封官爵  
有功者功陞無功者折賞又恐各人俱係臨時糾合  
不無陽順陰違恐事難成楊朴又不合向紳謀說旣  
幹大事須改年號并加封眾人官爵方好行事眾議  
推紳僞號大中天武年就將樊綬僞封平王樊緯熙  
王樊世家大太子樊世秉雍王樊世甫隋王樊世全  
樊五漢樊六漢樊慶元樊小慶樊瞎子樊小湯俱因

幼小未封并偽封楊朴董漢俱大將軍張合趙得立  
俱總兵段廷玉指揮及造大中令全家免戮殺傷者  
抵罪返坐等語用木板書寫翻刊及用白三梭布剪  
碎刷印一千餘張擬名號帖分與楊朴等各藏挈到  
於各處糾合人眾仍詐說着王伏一前去大同會取  
反軍五六千名陳師在潼關外約兵及將鳳漢銀兵  
亦取五千名內令三百名着王採假裝米車夾帶鐵  
斧三百把俱暗進省城各處兵齊成此大事不難等  
項虛言楊大學楊世勳等各被惑亂亦不合與張彥  
禮等各聽從紳就不合又將楊大學書文孝俱偽封  
都指揮朱柰張琰俱指揮朱邦彥千戶其餘張紀等

關中奏議全集卷十五



俱亦偽封官爵當令楊朴董漢張合侯瓚段廷玉趙  
得立樊綬樊緯等各將前項號帖分散不等楊道兒  
二十二張何仲實何萬良各一十張侯先生王守奉  
各一十二張何道江何道全各一十張楊世勳六張  
韓辰二張侯立王饒商錦惠慶段廷玉賈文學各二  
張嚴景和一張先從謀今出首在官王璣二十八張  
其餘每人各一張何仲實等各不合執前號帖前往  
涇陽三原等處糾人分散訖本年九月失記的日紳  
令張合進州暗約王廷薦王廷真王廷用康從仁李  
雲李經安邦占董大吉習宰俱伏藏在內候人馬到  
日從南門領人出應王廷薦等各不合與李雲等依

聽李雲等各備鐵斧王廷薦備斬馬刀等候本月十  
五日紳同樊綬樊緯樊世家樊世秉樊世甫董漢楊  
朴趙從政王甯劉彥虎李儒翟文孝趙得立趙蘭朱  
柰張琰朱邦彥楊道兒張紀賈文學王紀楊大學劉  
世隆張萬良任昇孟壽沈花刺麻和尚王文陳邦靖  
趙廷璽趙廷美張文學馬裁縫翟廷章翟鉞等俱到  
王鎮家內殺羊整酒會飲約日起手本月內有涇陽  
縣未到民劉臣等將紳等非為情由告蒙巡撫王都  
御史批行分巡關內道王僉事會同分守楊叅政案  
行本府撫民同知王賜緝拏及行本州操練兵快嚴  
謹城門本月失記的日紳到侯瓚家伊將老鼠皮馬

關中奏議全集卷十五



一匹與紳騎坐本月十四日紳同楊朴陳訓并失記  
名二名各騎馬匹懸帶弓箭仍到韓恭家紳自稱我  
是教主你將韓金兒與我為妾罷韓恭不合聽允又  
不合將紳等故縱在官武廷美知証紳等執帶弓箭  
鎗刀等器分騎馬匹并一半步行俱到盤屋縣祖庵  
宮內會齊有已獲知情住持齊宗學道士齊明奇并  
地方火甲薛厚李勝宗趙藻安錫李朝宗各亦不合  
與獲故住持王宗珉各不行首官撲捕紳等又不合  
將前偽造號帖復刷印收拏隨路糾人及不合乘機  
強搶未到民何雄羊二隻并將伊左胳膊打折楊朴  
到家將伊在官妻王氏送到已獲知情彭章彭斌家

內各不合窩住及不合將楊朴故縱去訖神亦令裏  
劉氏引男女樊五漢樊六漢樊菜貴樊登貴俱到侯  
瓚家有伊未到另居男侯相任山西絳縣典史伊男  
婦在官趙氏從任所回還在於省城柴市居住侯瓚  
不合令在官家人侯保亦不合依聽將劉氏等送與  
趙氏不合知情藏住後侯保見得挨挈急緊不合將  
樊菜貴轉送知情在官趙剛家及引領劉氏樊五漢  
等到未到不知情毛鬍子家樊綬亦將伊妻張氏同  
趙廷美送到已獲李廷祿家趙剛李廷祿各不合不  
行出首與毛鬍子各容藏住李廷祿又不合將樊綬  
故縱去訖今未到白景會見証紳等行由已獲王永

關中奏議全集卷十五



康胡廷用劉奇張文舉李廷章田經程東圓隆  
眞成高千未獲馬良各家經過王永康等各明知紳  
等謀反情由各不合置備羊酒飲食與紳等食用各  
又不合將紳等故縱去訖在官地方總甲人等任赦  
田充張英張仲進李海單僧張瓚孟榮馬仕花彭開  
張讓何彪宋憲楊琥李世琢趙廷章馬臣賈呆趙佐  
彭斌彭章馬彥章趙廷資侯憲胡昶各不合知情不  
行首官撲捕紳同楊朴等各又不合隨路劫搶與平  
縣未到失主楊梅張時福青綿布四匹白綿布二匹  
白靴一雙并不知名人驢六頭騾一頭及本州未到  
失主趙奉岐趙奉義等馬匹騾驢銀兩衣服布匹不

等各分騎收翠花費趙奉岐等各將被搶情由各告  
本州行閱本月二十一日紳同楊朴張合侯卿段廷  
玉趙得玄董漢樊緯樊世秉樊世家樊世用樊慶元  
樊書童楊大學李儒王甯張萬良王紳楊學任昇黃  
教福殷克恭陳朝用王喜朋牛閏任守經薛添雲趙  
從政尹三聘梁閏霍文朝魏添林王饌何萬良商錦  
嚴小保李洪朱柰朱邦彥程文孝何彥章王廷相王  
經何竹僧武國馬江僧甯元惠王恕李買買李廷甫  
李萬胡穆鸞趙廷美陳虎楊道兒李鶴楊寬楊可李  
世祖張彥禮梁再禮董朝卿侯朝弼李世曾王臣王  
進忠王進孝王琢王廷甫王奉王廷佐楊孝王舉楊

關中奏議全集卷十五



世勳嚴景和王守奉何道江何道全惠慶韓辰賈文  
學侯先生侯玄張紀王鎮劉朝陽徐彥到史景泰趙  
廷靈孟壽沈花刺麻和尚王文張文學馬裁縫王伏  
一陳師王採程文章楊道士劉彥虎王紀劉世隆程  
廷章程錢王廷佑王守爵王廷舉王廷保楊牌兒胡  
周馬大千楊仲其胡車子任慶任良任隆胡劍胡月  
胡添續董蕭劉改年董三哥趙景仁李宗政傅鎮傅  
爵傅拴拴傅浩浩陳馬祿趙從仁趙倫陳順馬老人  
張添爵張道士王文舉陳訓侯彥章等各不合執帶  
弓箭鎗刀各項器械分騎馬騾張打原造大中令旗  
號就自木村起手沿途將在官趕集行路并收割田

禾董芬尹萬胡甯世文及不知名人共約有二百餘名強虜跟隨俱到本州東門外攻城將關廂內草車用火舉焚要行燒門及用箭射傷守城老人李森等彼有王廷薦王廷眞王廷用康從仁董大吉安邦占習宰李雲李經俱到城上站立要得驚散守城人等各不合高聲詐說城門已被眾賊攻開了你們還在城上做甚麼等語被趙知州聽知當即差人拏獲監候先因趙知州奉到守巡楊叅政王僉事明文隄備預將城門堵塞并城上防禦人眾攻打不開及被吏劉啟東楊邦獻民快黎廷眞等將董漢楊道兒李廷甫俱各射傷紳等慌俱將人馬移於城南住劄因而

關中奏議全集卷十五

三九

退避原虜人眾各即奔散去訖張合等各將號帖燒毀無存隨該本州并整厓等縣各具由申蒙提督軍務楊尙書鎮守晏太監巡撫王都御史巡按鄭御史清軍王御史并鎮守鄭總兵各督令布政司掌印宋布政都司掌印周都指揮按察司掌印張副使關內道守巡楊叅政王僉事西安府趙知府各督發同知等官王賜等指揮等官把鉞等各領官軍兵快兼程分投追剿又蒙巡按鄭御史出給告示通行曉諭諸色人等有能擒獲賊首一名者賞銀二百兩脅從一名者賞銀二十兩數內賊犯有能擒獻者一體給賞若有被虜強逼上盜就能改過投降者通免其罪及

委都指揮張鎬率領官軍一千員名分投截剿及蒙巡撫王都御史會同提督鎮守衙門議立賞格獲紳賞銀三百兩餘賊三十兩亦通行告示曉諭并蒙首巡楊叅政王僉事預料紳等窮寇必往漢中深山窮谷隱藏及或突出鄖陽湖廣等處號召無賴扇動愚民釀成大患具由呈蒙撫按衙門准給文前去漢中府着落巡捕巡檢于鰲井府衛所州縣掌印巡捕等官多方用計擒拏紳等及分布指揮把鉞張鵬等率領官軍三百員名前去郿陽等縣一帶地方襲捕千戶王相宋沉郭良穆希周萬宇領官軍五百員名在於整厓縣通賊要路堵截指揮鄭養民等官軍二百

關中奏議全集卷十五

四〇

員名駐劄乾州以防奔衝又蒙守巡楊叅政王僉事親詣乾州興平武功整厓縣等處督率官軍民快人等四散追剿管屯桑僉事又與分守楊叅政按臨涇陽縣訪知韓恭等將女許紳等情差兵快將韓恭韓經韓綸韓緒韓金兒武廷美并韓經在官妻魏氏與同段廷王李鶴田經俱先後拏送按察司監問本州知州趙時部下擒獲張合陳虎杜添得胡廷用康從仁李雲樊書童馮仕花并王恕在官父王世昌趙廷表李世球楊寬楊可李世相穆鸞劉琦并楊大學在官男楊錦僧姪楊馬湖及拏住董芬李奉興平縣縣丞鄭濟部下擒獲彭彭章李買買馬江僧張文舉彭閻



張讓彭斌何虎何彥章王廷相王永康王經尹朝何  
竹僧何萬良程東園隆真成醜泉縣主簿侯會部下  
擒獲李廷甫李萬胡李洪李廷祿李廷章李銳商錦  
嚴小保趙廷章陳邦靖甯元惠趙廷資武功縣知縣  
姜恩部下擒獲董大士李宗憲蓋匡縣知縣王聘部  
下擒獲吳茂王宗佩齊明奇齊宗學并朱柰朱邦彥  
翟文孝何彥章王廷相王經何竹僧號帖搜獲并騾  
一頭鐵刀三把斧一把弓三張箭十枝及將在官各  
賊家屬劉琦妻程氏董三哥妻陳氏董蘆妻韓氏王  
進者妻張氏王進忠妻馮氏王世昌妻楊氏王恕妻  
賈氏王廷佐妻周氏任守經弟任倫傳鎖妻袁氏何

關中奏議全集卷十五



便實母王氏何彪家屬何景賢何廷義李廷祿家屬  
李丁良李血子李可李錫李宗憲等家屬祝氏李武  
李保女李喚真強氏陳邦靖家屬陳邦甯陳芳商錦  
家屬商學俱提送乾州并蓋屋等縣監候及趙時部  
下斬獲楊孝張彥禮梁再禮董朝卿侯朝弼李世會  
王臣王進忠王進孝王琢王廷甫王奉王廷佐王舉  
六十四名首級各一顆驗發該州收貯安邦占董大  
吉修幻任才習李李經陳虎樊書童楊瓚尹朝楊道  
兒等俱在監病故相埋訖楊恭政王僉事將斬獲首  
級同騾頭刀斧弓箭等器俱發乾州查收及將張合  
等審供連人呈解撫按衙門批發按察司會同都布

關中奏議全集卷十五



一司究審招報侯瓚在官族人侯宗侯合將伊同謀  
助馬情由首告咸陽縣掣獲收監本月二十二日紳  
與樊綬董漢楊朴等到於郿縣地方湯浴等處眾議  
紳等先去鳳漢一帶會合趙從政趙廷璽俱往涇陽  
樊綬往三原各再糾人二十六日樊綬前來趙從政  
家歇宿趙從政出外糾人不在本月二十七日蒙同  
知王賜密差民快趙尙德郭彥名趙尙仁等將樊綬  
捉獲及差呼文寬劉統張虎等將翟文孝朱柰朱邦  
彥趙得玄張琰并趙得玄已獲男趙蘭楊朴妻王氏  
亦各捉獲俱送本官審問王璣尹萬胡各將紳謀反  
及侯瓚男婦窩住紳家口情由首蒙巡按鄭御史差  
長安縣主簿楊元明咸甯縣典史白應舉將樊菜貴  
陳氏趙剛并伊在官弟趙完并提取侯瓚同伊在官  
男侯憲及左衛指揮田鑑將紳妻劉氏并樊五漢樊  
六漢樊登貴等俱挈送按察司監候又蒙提督鎮守  
撫按等衙門督發官軍六百員名責令都指揮孫昌  
統領擒剿并再催督各司掌印守巡兵備巡捕等官  
督捕嚴緊及各要害去處又俱有人馬紳等不得沿  
途糾人各四散逃走隨將前項妖書燒毀無存本月  
二十八日紳與楊朴樊緯樊世家樊世秉樊慶元樊  
世甫李儒張萬良楊大學王紳楊學任昇王甯黃教  
福王喜朋牛閏任守經殷克恭薛添雲陳朝用尹三



聘梁關王朝用魏添林趙從政共二十六人行至苦竹隘口巡檢于赦先因守巡楊恭政王僉事呈蒙撫按衙門案驗督伊聚齊銀兵按伏要路以防奔突并張都指揮差人飛送巡按告示到彼本官整點銀兵總甲趙安等五百名將紳等二十六人對陣擒獲并收獲原刊偽號大中令印板及遁甲兵書陰陽雜書同款號簿籍共七本五色線絲一條鍍金頂大帽一頂紅褐比甲二件馬騾二十四匹大小刀六把鬼頭刀二把弓箭五付護膝一付舊衣服三件鎗一根申報楊恭政王僉事通行開報詔本年十月內王同知將樊綬翟文孝等取供及追出各原領號帖關府申

關中奏議全集卷十五

四三

八八

蒙撫按衙門俱批行按察司公同都布二司各掌印官審問未獲賊犯通行緝拏有功有罪人員通行查問隨有各犯戶人張文政張許李廷用趙景文單禮張銳張奉孟仲季楊鐸趙錦各家人眾不一各另將張英張文廣張仲進李海單僧張瓚張琰孟榮楊虎井趙從政家屬趙世傑妻高氏趙廷美家屬趙顏張純妻鄒氏趙廷資父趙景賢趙廷美妻李氏俱捉送鄉官穆知縣一同解送按察司首名收問西安前衛魏指揮亦將趙得玄在官男趙五兒捉審趙五兒招出李恕高千徐彥釗及將伊伯趙玄并民馬善不合警拳在內取供連人呈送都司轉解巡按衙門併發

本司將趙五兒監候李恕懼罪自縊身死本司將高千馬善趙玄同徐彥釗在官弟徐廷相挈獲及將在官李恕以同姓名并右護衛將在官無干僧人海添義淨守門百戶李漢將在官辛師顏作辛自然各混挈俱解送本司監問本月十一日于鰲等將紳等并馬騾書集板片等物俱解楊恭政王僉事處轉解鎮守撫按衙門俱批據本司與同前獲各犯會審內李雲段廷玉韓緒張琰趙得玄李鶴杜添得楊寬楊可李世相李宗憲樊世甫趙廷表俱陸續在監病故相理詔今蒙三司掌印等官通將紳等一千人卷帛取到官連日公同會審得紳與弟樊綬樊緯謀反情真

關中奏議全集卷十五

四四

八八

楊朴張合段廷玉趙得玄董漢俱係原謀其餘楊大學等一百六十六名原謀不與俱係臨時從謀家眾委不知情內張琰等又係各家眾人恐俱連坐同捕送官韓恭等一十三名俱知情故縱趙剛等二十六名止是知而不首董芬尹萬胡甯世文委係中途被虜及李恕辛師顏委因姓名相同海天義淨馬善委無相干原報印一顆即係偽造大中令印板除將獲功人役量行賞犒供明武廷美等先行省發外將紳等取問罪犯一百四十二名口樊綬年二十四歲樊緯年三十歲張合年三十歲楊朴年三十五歲王紳年三十三歲穆鸞年三十一歲王恕年二十八歲薛

添雲年三十八歲楊學年五十一歲王廷用年三十  
 三歲王廷薦年二十六歲王廷真年二十九歲殷克  
 恭年二十歲楊馬胡年一十六歲王世昌年六十歲  
 梁闢年二十二歲習相年二十五歲康從仁年二十  
 二歲嚴小保年一十六歲趙廷資年四十歲胡昶年  
 三十三歲胡廷用年二十歲李世孫年二十二歲馮  
 仕花年一十七歲楊錦僧年一十八歲任守經年一  
 十八歲劉奇年三十歲馬臣年三十歲王喜朋年一  
 十七歲宋憲年六十歲賈泉年四十五歲趙世傑年  
 二十五歲張英年五十五歲趙廷美年四十五歲趙  
 顏年六十歲楊大學年四十八歲樊世家年二十歲  
 關中奏議全集卷十五  
 樊世秉年一十八歲任守倫年一十七歲王傑年二  
 十五歲係乾州民何竹僧年二十歲馬彥章年一十  
 七歲張讓年二十五歲趙佐年五十歲王甯年一十  
 九歲李買買年一十八歲張文舉年三十八歲習東  
 年四十五歲真成年二十七歲彭閏年六十五歲彭  
 章年五十五歲彭斌年五十二歲何仲實年二十九  
 歲何萬良年三十五歲何彪年六十歲王永康年二  
 十八歲王廷相年四十歲王經年三十七歲馬江僧  
 年二十歲任教年三十歲田充年五十歲李得才年  
 六十歲俱興平縣民翟文孝年三十五歲楊琥年六  
 十歲孟榮年一十八歲張瓚年五十五歲李儒年二

十四歲李海年二十歲朱邦彥年二十一歲單增年  
 六十歲趙廷章年二十一歲韓恭年六十三歲韓綸  
 年二十歲韓紳年二十七歲韓經年五十歲田經年  
 五十一歲武罔年五十八歲牛閏年一十七歲趙從  
 政年三十三歲陳朝用年三十三歲俱涇陽縣民黃  
 教福年三十歲李銳年五十七歲李洪年一十九歲  
 李萬胡年二十歲李廷章年五十五歲李廷甫年二  
 十六歲李廷禎年三十五歲陳邦靖年三十歲甯元  
 惠年三十歲俱醴泉縣民王奉祿年三十八歲王河  
 年三十六歲侯瓚年六十五歲侯保年二十五歲侯  
 憲年二十二歲俱咸陽縣民張萬良年四十歲任昇  
 年四十歲趙蘭年三十三歲何彥章年三十歲俱三  
 原縣民魏添林年二十歲山東兗州民商錦年七十  
 五歲商學年二十歲西安前衛軍餘趙剛年三十五  
 歲長安縣民尹二聘年十八歲霍文朝年三十歲王  
 萬良年二十歲朱柰年三十歲圓隆年二十五歲高  
 千年四十歲張仲進年三十歲薛厚年三十四歲李  
 勝宗年六十歲趙藻年三十歲安錫年四十二歲李  
 朝京年四十二歲齊宗學年五十歲齊明奇年三十  
 二歲李武年三十歲陳邦甯年二十歲陳芳年三十  
 歲俱藍屋等縣民僧樊五漢年十歲樊六漢年九歲  
 俱樊紳男樊慶元年十三歲樊綬男樊小湯年七歲

樊緯男劉氏年四十八歲樊紳妻張氏年三十六歲  
 樊綬妻丘氏年二十三歲樊榮貴年一十六歲樊登  
 貴年三歲俱樊紳女王氏年三十歲楊朴妻趙氏年  
 四十歲侯瓚男婦趙五兒年一十五歲趙得立男高  
 氏年二十八歲趙從政妻李保女年十二歲李喚真  
 年十二歲楊氏年四十歲張氏年四十歲馮氏年三  
 十歲賈氏年三十歲王氏年三十歲楊氏年二十歲  
 張氏年三十五歲楊氏年三十歲各招與樊紳招同  
 七名李恕年三十歲辛師顏年二十歲海天年三十  
 歲義淨年二十歲董芬年二十歲尹萬胡年二十歲  
 甯世文年四十歲俱是興平藍屋等縣民各供與樊  
 紳招同議得樊紳等所犯樊紳楊朴俱除妖言惑眾  
 侯瓚韓恭韓經韓綸韓紳俱除不應各罪名外樊綬  
 合依謀反者律樊紳樊緯楊朴張合侯瓚楊大學李  
 儒王甯張萬良王紳楊學任昇黃教福殷克恭陳朝  
 用王喜朋半閭任守經薛添雲趙從政尹三聘梁闕  
 霍文朝魏添林何仲實王饌何萬良商錦王河王萬  
 良王奉祿王廷薦王廷真王廷用康從仁嚴小保李  
 洪朱柰朱邦彥翟文孝何彥章王廷相王經何竹僧  
 陳邦靖武固馬江僧甯元惠王恕李買買李廷甫李  
 萬胡穆鸞趙廷美俱依共謀者不分首從律與樊紳  
 皆凌遲處死王世昌李德才俱依父樊世家樊世秉

趙蘭楊錦僧俱依子習相任守倫俱依弟趙顏趙世  
 傑侯保李武陳邦甯陳芳商學俱依同居之人楊馬  
 胡依兄之子不限籍之同異年十六以上律韓恭王  
 永康胡廷用劉琦張文舉李銳李廷祿李廷章田經  
 翟東團隆真成高千俱依知情故縱隱藏者律與王  
 世昌李德才樊世家樊世秉趙蘭楊錦僧習相任守  
 倫趙顏趙世傑侯保楊馬胡李武陳邦甯陳芳商學  
 各斬俱不待時樊五漢樊六漢樊慶元樊小湯趙五  
 兒俱于十五以下律劉氏張氏丘氏王氏趙氏高氏  
 楊氏張氏馮氏賈氏楊氏王氏祝氏強氏樊榮貴樊  
 登貴李保女李喚真俱母女妻律俱給付功臣之家  
 為奴財產並入官趙剛薛厚李勝宗趙藻安錫李朝  
 京齊宗學齊明奇楊琬李世琢趙廷璋馬臣賈果馬  
 彥章趙佐趙廷資張英張仲進李海單增張瓚孟榮  
 馮仕花彭章彭閭張讓彭斌何彪宋憲胡昶胡憲任  
 敖田充韓綸韓經韓紳俱依知而不首者各杖一百  
 流三千里俱有  
 大誥減等各杖一百徒三年俱民審俱無力各照例發衝  
 要驛分照徒年限擺站滿放協從董芬尹萬胡甯世  
 文供明李恕辛師顏海天義淨等各發甯家焚修陳  
 氏韓氏周氏袁氏鄒氏徐廷相俱監候待拏各夫董  
 三哥董蘆王廷佑傅鎮等獲日發遣施行焚紳等八

十四名俱重刑樊五漢劉氏等二十三名口俱入官  
爲奴通行請

旨照出樊紳等八十四名俱死罪樊五漢等二十三名口

俱爲奴各照例免紙趙剛薛厚李勝宗趙漢安錫李

朝京齊宗學齊明奇楊琥李世琢趙廷章馬臣賈果

趙倅趙廷資馬彥章張英張伸進李海軍增張疇孟

榮馮仕花彭章彭閏張讓彭斌何彪宋憲任敖田充

韓綸韓經韓紳胡昶侯憲俱民紙各一分每分折穀

八斗并擒獲樊紳等原騎馬騾二十四匹頭偽號令

板一片遁甲兵書并陰陽雜書及散號簿籍共七本

五色線纜一條鍍金頂大帽一頂紅棍比甲二件大

關中奏議全集卷十五

小刀六把鬼頭刀二把弓箭五付護膝一付舊衣服

三件鎗一根及趙得玄家原寄樊紳披肩一領白黑

手帕一十二連俱發西安府俱追完穀送永豐倉上

納備賑馬騾披肩手帕易銀類解作正支銷偽造令

板并書簿鎗刀等物俱貯庫備照取實收并搜獲號

帖塗抹附卷斬獲梁再禮等首級一十四顆并先獲

樊紳等搶劫無主騾一頭刀三把斧一把箭十枝俱

發乾州收貯樊紳楊朴張合侯瓊楊大學李儒王甯

張萬良王紳楊學任昇黃教福殷克恭陳朝用王喜

朋牛閏任守經薛添雲趙從政尹三聘梁關霍文朝

魏添林何仲實王饌商錦王河王萬良王奉祿何萬

良王廷薦王廷真王廷用康從政嚴小保李洪朱柰

朱邦產程文孝何彥章王廷相王經何竹僧陳邦靖

武固馬江僧甯元惠王恕李買買李廷甫李萬胡穆

鸞趙廷美各家財產仍行該府差官會同各犯原籍

官司查勘盡行抄劄入官具由開報原鞫首惡樊紳

土巡檢于釐已經官賞銀四百兩樊紳家產免給

樊紳先移葬伊父母武岡山前墳墓行禮泉縣平治

未獲董漢楊世勳嚴景和王守奉何道江何道全惠

慶韓辰賈文學侯先生侯玄張紀王鎮劉朝陽徐彥

劉史景泰趙廷璽孟壽沈花刺麻和尚王文張文學

馬裁縫王伏一陳師王採翟文章楊道士劉彥虎王

紀劉世隆翟廷章翟斌王廷佑王守爵王廷舉王廷

保楊牌兒胡周馬大千楊仲其胡車子任慶任良任

隆胡釗胡月胡添續董蘆劉改年董三哥趙景仁李

宗政傅鎮傅爵傅控控傅浩浩陳馬祿趙從仁趙倫

陳順馬老人張添爵張道士王文舉陳訓侯彥章并

應抄財產同緣坐家口及有罪馬良秦韶辛自然并

樊紳男樊世全樊綬男樊小慶樊瞎子侯瓚男侯卿

亦行該府通行各該州縣掌印巡捕官兵緝拏解報

另案歸結悉照樊紳潛懷異志陰鞠克圖假相術以

興詭用妖書而布讖因而邀結惡黨脅誘愚民私署

偽官擅立大號張皇軍法攻打州城罪極滔天法平

關中奏議全集卷十五

五

不軌楊朴等真以易惑猜野不馴遠陷逆謀共犯極典其間楊朴等二名與樊紳兄弟交結既深共謀實固情罪俱重別無可原楊大學等一百六十六名原謀不與臨時始從家眾尙不知情連坐似難定執張琰等家眾俱坐同捕送官本犯固無疑家眾情皆已首謀有久近則情固有淺深情有淺深則法亦有全減乃用刑惟中之道也再照陝西地方沿邊雖聲息無常腹裏則承平日久樊紳等變既起於不測勢復駭於方張遠近警疑上下私恐皆畏難以遽圖速定如近年趙風子之變蓋可監也仰賴九重之上

關中奏議全集卷十五



神武素昭天威遠布及提督鎮守撫按清軍總兵各衙門宜力協忠督兵設策立消大變以靖一方城野既無殘破之憂兵糧亦無耗費之患此實地方之福何俟職言所據分守陝西布政司右叅政楊叔通分巡按察司僉事王鈞始嘗設備全城終復奮身剿賊土巡檢于鰲親擒首惡用杜後虞以上三人功俱可嘉管屯僉事桑溥計執逆黨都指揮使孫昌張錫策布兵威西安府知府趙伸均宜調布之勞同知王賜克著分擒之績西安前等衛指揮把總張鵬鄭養民千戶王相宋沉郭良穆希周嵩子俱嘗策應盤屋縣知縣王聘武功

縣知縣姜恩興平縣縣丞鄭濟醴泉縣主簿侯會各有捕獲乾州知州趙時雖經失事於前卒能効勞于後以上各官之功亦皆難泯但該府掌印巡捕及領軍并守巡各官始雖失覺厥過猶微誠難掩功趙時之功亦堪贖罪變之方與則舉其過以責其功事之既定則錄其功而畧其過政亦宜然伏乞通爲奏請將樊紳樊綬樊緯與同楊朴等五名俱明正典刑其餘臨時從謀并家眾捕首者嚴其一身之誅滅其家眾之坐則刑政之典正而國法既舉

關中奏議全集卷十五



好生之德全而人心亦安其諸有功人員畧其微過俱分別等第以行賞格主巡檢于鰲仍照軍陸軍職事例授以百戶填註西安衛所以寓羈縻之術知州趙時准其以功贖罪庶幾不失宥過之方九全勸功之典矣等因備招具呈到臣案查先爲前事本年九月二十八日午時據陝西布政司分守關內道叅政楊叔通呈本月二十二日丑時據西安府同知王賜稟及據乾州知州趙時稟帖內開本月二十一日辰時分強賊樊紳等率領馬步人約有五百餘名各帶弓箭器械張打旗號將本州四門圍困喊聲殺害本職率領城內居民對敵內有劉啟東將賊射傷二人馬一匹賊將城上守把老人李森等二人射傷見令攻圍不退理合稟乞早發兵馬前來救援一州生靈等因

先該各道會同已將賊首樊紳高主韓恭等六名口  
摺獲在縣供稱該縣地方多有無藉光棍暗行順從  
先時張勢挾財節經首告取供問今據前因看得賊  
首樊紳合謀結黨已非一日雖稱烏合之眾然當民  
窮易亂之時若不早為撲滅恐致蔓延遠近為患不  
淺況今省城兵馬單弱合無量調邊兵二五百員名  
行令將官一員統領前來隨宜剿殺以安地方等因  
到臣查得固原等處邊兵俱發各邊城堡按伏防禦  
見今河套河西俱有大賊窺伺難以掣調隨行鎮守  
陝西都督鄭卿將西安左前後等衛備冬官軍挑選  
有盛甲馬匹精銳六百員名行委都指揮孫習指揮

關中奏議全集卷十五

三三

楊茂分領并巡撫衙門跟隨巡邊官軍指揮劉啟等  
三百員名會合撲剿及照巡撫陝西地方都察院右  
副都御史王蓋見在固原議行親督前去調度外為  
照參政楊叔通等呈稱賊首樊紳合謀結黨已非一  
日各該府州官員不行早為緝捕又不見呈請合于  
上司作何定奪布按二司分守分巡官既知有前項  
賊情亦未聞督併軍衛有司官員設法揆掣究治直  
待聚齊人眾攻圍州城射傷人命方纔告急請兵俱  
難辭責但舊官俱已去任見今分巡分守俱係新任  
官員到任未久似宜責效將來竊緣各府州縣地方  
俱有盜賊時出剽掠若不早為撲滅將來結聚蔓延

之患難保必無又經通行都布按三司并關內道守  
巡官嚴督軍衛有司整點城操官軍舍餘民壯機兵  
快手鄉導人等各置備弓矢器械隨處把截防守如  
遇官軍到彼指引道路會合擒剿務期盡絕以靖地  
方再照腹裏賊情比之達虜不同中間多係無知愚  
民聽人哄誘謀陷賊黨軍馬一臨未免玉石俱焚情  
有可憫已行各司轉呈巡撫衙門設立賞格出給告  
示曉諭但能誨罪自首與免本罪查發甯家聽其家  
屬里老隣佑保管不許仍前為非有能擒獲賊徒或  
指引官軍擊獲賊眾者分別等第從重給賞示出之  
後果能自相解散免致濫及若稔惡不悛敢與官軍  
相敵痛加誅剿毋得姑息都布按三司仍行關西關  
南二道分守分巡防守等官各嚴加防範如遇前賊  
遞入各境一體督兵捕剿及具  
題去後今據前因參照犯人樊紳釀禍伏姦鞠克廷悖  
憑藉邪術蔽布妖書敢奮蜂蟻之羽欲攘螳螂之臂  
結惡黨以誘愚民聚克徒而攻州治甚至暗署偽官  
私竊稱號實蹈滔天之罪難逃赤族之誅楊朴等并  
楊大學等跡本冥頑性多獷戾共聽邪謀陰懷異志  
初本惑於妖言既乃陷於不軌仰仗  
聖武布昭  
皇威遠被鎮巡官員督發官兵指授方畧變不移時而究

關中奏議全集卷十五

三四



翼自剪兵不血刃而首惡就擒原情定罪夫復何辭  
已該鎮巡官督同都布按三司官員審取供招議擬  
奏

請定奪臣十月初旬聞前賊解散因河套有警出巡延甯  
等邊相離省城地遠十一月初三日在於花馬池地  
方據都布按三司差人賈送原問招擬到臣根究既  
明議擬亦當

廟堂必有所處何俟贅言但竊聞此輩聽信邪術容蓄  
妖徒結搆不止一方醞釀已非一歲各該官司坐視  
不理或知而輕縱以致遠近愚民承訛尤怙無畏  
竊如乾州之事眾所共知因循失舉直待聚眾攻城

關中奏議全集卷十五

十五

X。

方纔請兵告急匍匐入井在赤子以何知崑岡火炎  
恐玉石之俱毀故陷百餘生靈於必死之地者有司  
之過也切詳樊紳樊綬樊緯與楊朴等原謀之人情  
無可原法應全坐其楊大學等一百六十六名本非  
原謀陷於極惡或隨眾以攻城或入山而拒敵各官  
所論謀有久近則情有淺深情有淺深則法有全減  
似爲合中但恐中間亦有臨時脅從及讐攀誣指之  
人事在陝西淺深之情法司無由而知全減之科

朝廷恐難定處且執法者人臣之義好生者

減

皇上嗣極以來於大辟死刑詳慎再三不輕論決凡以存  
欽恤之念而廣好生之德也況前賊蓄謀雖久克跡  
未張既不曾流劫鄉村又不曾殺死人命假妖言以  
惑人挾寸布以爲號聚眾攻城不踰時日一聞官兵  
追逐羣眾多所解散跟隨入山者不過二十餘人其  
陸續擒獲者多係互相攀引而藏匿山谷逃躲未獲  
者尙多恐其自相驚疑反爲不靖又恐三司等官倉  
卒鞫問萬一未得其平將貽多殺之悔臣心有未安  
不敢不言而獄非親鞫亦未敢自以爲是伏惟  
聖明裁斷乞下法司參詳議擬合無差給事中刑部郎中  
各一員到於陝西會同撫按督同三司官員再行虛

關中奏議全集卷十五

十五

X。

心審鞫務要詢謀僉同除原謀樊紳等外其楊大學  
等一百六十六名酌情議擬跡顯情重者照依各官  
所議誅其身而免其連坐其餘或發南方煙瘴地面  
永遠充軍惟復別有定奪中間若有讐攀誣指及審  
無實跡者亦要從公開釋如此則法無倖免足以警  
動人心罪無濫及不致感傷和氣而未獲愚民間之  
亦有自新之路矣緣係地方賊情事理未敢擅便爲  
此具本專差承差馮遠親齎謹題請

旨

關中奏議全集卷之十五終



關中奏議全集卷之十六

提督類

一為更易極邊地方將官事

欽差提督陝西三邊都御史臣楊一清謹題

地方將官事照得南夏與武營逼臨河套東接花馬

池西接清水營乃虜賊出沒要衝之地舊例設有協

同分守將官一員奉

勅在彼駐劄操練軍馬防禦寇責任頗重見任協同署

都指揮僉事吳雲初本驍健官員近於嘉靖三年內

為因設備欠嚴致賊折墻入境搶去官馬數多該甯

夏巡撫官參劾未見處分以此心志墮廢號令不行

關中奏議全集卷十六

川上

臣近日巡邊到彼親自閱視軍多逃竄馬皆瘦損一

切邊務廢弛殊甚臣公同鎮巡官員都御史林琦總

兵官杭雄等議得極邊要害地方而使隳心喪志之

人久叨將領見今河套虜情難測萬一侵犯深入不

無誤事必得急為更易將官一員庶可倚託博訪得

延綏榆林城把總都指揮僉事閻武先任河州守備

革回榆林衛指揮使梁震俱各閑於武藝熟於邊情

屢經戰陣謀勇可取相應舉用如蒙乞

勅兵部再為查訪合無將吳雲暫令回還原衛聽候待勘

問事先有無干碍另為定奪仍乞於閩武梁震內推

用一員請

勅協同分守甯夏東路與武營地方如此則政令一新精

采自倍而邊城可保無虞矣緣係更易極邊將官事

理未敢擅便為此俱本謹題請 旨

一為禁約妖人邪術扇惑愚民貽患地方事

題為禁約妖人邪術扇惑愚民貽患地方事訪得西安

鳳翔延安漢中等府地方多有山西等處流來人民

呼為端公居士等項名目持齋誦經禮修善事內懷

姦惡妄稱白蓮教玄胡教挾持神像播弄幻術捏造

妖言專以禍福利害恐動人民城市鄉村愚夫愚婦

翕然信之延請供奉無所不至資以財帛結為婚姻

歲時開社招集遠近之人百十為群夜聚聚曉散扇惑

關中奏議全集卷十六

二

八八

人心官司明知不行禁約以致承訛襲舛遠近效尤

正德年間洛川之變動調官軍多被殺傷雖旋即就

擒而所損已多近日禁神之禍曾經舉首州官不敢

緝拏上司雖知亦不早為根究襲捕及其率眾攻城

相顧駭愕移文告急既而群眾潰散却又相率論功

向使禁之於初撲之於早豈至陷百數十愚民於必

死之地官府亦免芻糧犒賞之費矣願禁紳數人之

外其所糾聚多係村野白丁信其誑誘實無技能此

風不行禁革將來邪說蔓延南山一帶姦黠曠展之

徒倚山附峒乘之為亂其患不止如樊紳而已伏覩

大明律一款凡師巫假降邪神書符咒水扶鸞禱聖自號

端公太保師婆及妄稱彌勒佛白蓮社明尊教白雲  
宗等會一應左道亂正之術或隱藏圖像燒香集眾  
夜聚曉散禳修善事扇惑人民爲首者絞爲從者各  
杖一百流三千里若軍民粧扮神像鳴鑼擊鼓迎神  
賽會者杖一百罪坐爲首之人里長知而不首者各  
笞四十其民間春秋義社不在此限欽此

國家之禁令甚明臣下之奉行未至豈獨貽患地方亦  
且有累風化夫智者防患於未形達人識變於微眇  
星星不已至於燎原毫釐不伐至用斧柯而無所及  
但此輩鳩集既廣愚民做固已深一旦重法繩之獲  
罪者眾矣臣愚伏望

關中奏議全集卷十六

三

X111

聖明裁處

勅下該衙門查照律令及見行事例備行陝西巡撫巡按  
着落都布按三司掌印巡守等官刊印榜文發仰所  
屬各府州縣張掛曉諭但有似前各處流來端公居  
士妄稱白蓮玄胡等教挾持邪術捏造妖言收藏神  
像圖籍扇惑人心者榜文張掛之後限一箇月以裏  
聽其自相解散各回原籍甯家生理一切軍民之家  
不許容留居住若限外仍舊潛住行教惑人許隣佑  
里老地方總小甲挈送首官并容留之家傳習之人  
俱依律究治隣佑里老地方總小甲知而不首各該  
巡捕官兵人役訪拏一體連坐該管府衛州縣官員

視常不理聽巡守官應拏應參徑自施行甚則以罷  
軟官無按衙門具

奏黜退如此庶可以杜將來之亂階消未然之隱禍以  
正人心厚風俗於治道實有補益再照此等邪事惟  
士大夫生儒之家多不聽信每有鳴諸官府者亦有  
因而得禍者坐視隱忍不敢聲言合無行令提學官  
員巡視學校之時延訪舉人監生槩學生員如境內  
有前項妖人邪術踵惡未悛許其直言呈稟提學官  
就行責令所司緝拏究問庶得其真而邪說可息矣  
其民間春秋義社照舊舉行不許巡禁人役緣此妄  
拏擾害如違一體查究治罪緣係禁約妖人邪術扇  
惑愚民貽患地方事理未敢擅便爲此具本順差承  
差馮遠親賈謹題請 旨

關中奏議全集卷十六

四

X01

一爲反獄事

題爲反獄事嘉靖四年十一月二十九日據陝西按察  
司呈准本司署印副使張宏關稱嘉靖四年九月內  
捉獲逆賊樊紳等一百四十三名口公同都布二司  
掌印官會問明白通行呈詳奏

請發落因見事干反逆惟恐疎虞做效刑部式樣做成木  
籠一十二箇將各犯分置其中又用偃牀滾肚腦楸  
肘鐐凡可治囚致命者無不用心每日下監躬親點  
閱日取獄卒官吏不致疎虞重甘結狀在卷至十一

月十七日又親下監點視停當分付每放風一遣止  
許一名放畢櫃上再放二名叮囑再三回堂理事本  
日申時分據本司巡風吏周鎮稟稱有司獄史高獄  
典侯仲先及獄卒雷厚等放風將樊紳楊朴張合李  
儒張萬良樊綬樊緯一籠七名一時放風被樊紳楊  
朴等將別起重犯魏剛周鸞任女子李鎮圓惠等肘  
鑿磕打脫卸各執骨朵將史高并禁了張成謝端穆  
直惠秦王佐閻保彭隆打倒在內侯仲先被傷奔走  
亦來告稟本職當時鳴鼓召集關司吏農承差門隸  
家眾人等各執器械急去邀捕正遇群賊將禁子趕  
打內一賊已出監門本職親督皂隸劉江等亂棍打

關中奏議全集卷十六

五

八

死斬首以滅餘賊不敢出監隨喚本司門前防護官  
軍見在止有軍人四名張得山張濟甫王回兒王來  
與同各役入監撲捕進入二門至吞口門被賊眾衝  
突前來將軍人張得山等俱打傷重奪去弓箭一付  
刀二把遂將皂隸王連射訖一箭各役亦不得入賊  
眾亦不能出本職慮恐突出隨令各役撤揭壓堦石  
頭將吞口門壘砌牢固及分投差人走報鎮巡衙門  
督令該道守巡及調陝西都司西安左等四衛咸長  
二縣官軍民快地方人等各執器械在於監外圍遶  
地方總甲周仲其上監牆窺探失脚跌入監內當被  
各賊亂棍打死各賊計窮隨即舉火燒毀監房延至

天明又將監內不肯順從輕罪人犯詹兆等趕打成  
傷恐傷無辜嚴督官軍把鉞等各率軍兵人等一齊  
下監樊紳等與官軍格鬪西安左衛指揮使把鉞部  
下擒獲一名楊大學斬獲賊級八顆本衛掌印指揮  
使任傑部下斬獲賊級二顆城操指揮張鵬部下斬  
獲賊級九顆榆林城領班指揮僉事田鑑部下斬獲  
賊級一十一顆指揮田滋等斬獲賊級一顆西安前  
衛掌印指揮使康壽部下擒獲一名王河斬獲賊級  
三顆本衛城操指揮僉事魏鎮部下斬獲賊級三顆  
千戶王相部下斬獲賊級五顆本衛千戶徐衛任威  
等擒獲一名侯瓚西安後衛掌印指揮僉事劉啟部  
下擒獲張合李洪李廷甫三名斬獲賊級一十一顆  
指揮楊茂劉紳擒獲賊首一名樊紳部下斬獲賊級  
二顆本衛指揮高應祥等斬獲賊級一顆西安右護  
衛指揮僉事陸鑄部下斬獲賊級二顆長安縣巡捕  
主簿楊元明部下擒獲一名薛添雲斬獲賊級二顆  
本縣皂隸周銳等斬獲賊級一顆咸甯縣民快皂隸  
康廷周鄭守己馬四等擒獲一名趙廷美斬獲賊級  
二顆禁子趙景雲等斬獲賊級一顆城操軍人陳貴  
等擒獲一名趙顏承差王平吏張仲文張天錫擒獲  
一名趙世傑軍人尹政等將婦女劉氏張氏邱氏鄒  
氏等捉獲并首級賊犯俱送本職躬親審驗明白將

關中奏議全集卷十六

六

八

生擒樊紳等一十一名分發西安府衛牢固監候首級用梃裝盛各題寫真正姓名貯庫又將各屍骸埋藏空便地內亦用本牌題寫姓名訖隨即下監查得反獄賊犯樊紳楊朴等俱已斬獲並無一名得脫及查監簿別卷輕重囚犯詹兆等亦無疎虞妄殺情故緣係反獄事理合關本司煩為轉達施行等因准此擬合通行呈詳為此今將前項緣由并擒斬獲各犯姓名理合開坐伏乞照詳施行等因到臣案查先據陝西都布按三司呈為萬分緊急賊情事將會問過賊犯樊紳等招詞呈詳到臣看得各犯除原謀首惡樊紳等外其餘或係脅從之人情有輕重則法有全

關中奏議全集卷十六

七

XXI

減今一槩坐以極典恐三司官員倉卒鞫問未得其真將貽多殺之悔已經具

題乞差給事中刑部郎中前來會同巡撫巡按再行審鞫分別輕重議擬中間若有讐攀妄指及審無實跡者亦要從公開釋去後今據前因參照陝西按察司署印副使張宏明知逆賊樊紳等係凌遲斬罪重犯不行分發各該衙門牢固收監却將原謀首惡并臨時從逆及各犯家屬聚處一監又不督令司獄吏典禁子人等如法肘錄釘櫃嚴切關防以致兇犯結謀反獄俱合有罪參詳呈報情詞事既早覺不得出監官兵圍繞於外賊雖兇悍終是在梃之虎官軍既入

當先格鬪者固宜斬殺其餘人犯合就一名名擒縛分發各衙門牢固收監待

命下明正典刑肆誅市朝以正

國法顧乃一槩斬首恐在梃之囚亦所不免況固圍之內隙地能有幾何雖多亦無容足之所彼兇狠拚命之人若果勢猛力齊則格鬪之際官兵禁卒豈無所傷束手待斃之狀昭然可見且始既疎於禁防終乃恣夫屠戮既非臨敵對陣之比浪稱斬獲首級之功其拒敵傷人之輩固所宜然而駢首就戮之徒豈無冤濫中間縱有可矜疑當開釋之人死者不可復生有乖

關中奏議全集卷十六

八

川上七

朝廷欽恤之意推原各官之心不過以前項人犯黨類寔繁存之恐生他患故欲乘機殺之無遺庶使將來可免防範原情本為防變論法則有未宜但事在陝城臣相離地遠莫究其詳鎮巡官員必有所處緣臣先有論奏今不得不言如蒙伏乞

勅下法司參詳前後招報情詞

奏行陝西巡撫巡按等官將各該有罪人員依法參究其斬獲首級者應否論功徑自奏

請定奪緣係反獄事理為此具本專差承差馬廷璋親實

謹題請 旨

一為懇乞養病事

題爲懇乞養病事嘉靖四年十二月初五日據分守肅州等處地方右參將都指揮同知雲冒呈前事切照卑職幼年失父孤弱多疾及襲職以來節年領兵固靖等處備冬截殺於正德十六年八月內

欽銓陝西都司軍正僉書管操巡捕適有白水商南等縣流賊陳克己妖言賊首馬隆等蜂起攻劫城寨荼毒生民卑職領兵跟勦奮不顧身殲滅前賊多慮艱苦又於嘉靖三年三月內不意庸驚叨陞今職每思重任無術可勝身心競業寢食靡安本年八月二十三

關中奏議全集卷十六

九

XXXX

日及賊防少退尾後追襲邊外赤斤等處斬獲賊首二十顆時值天寒冒霜臥雪因而感寒遂成雜症見令手足麻木頭目眩暈飲食少進形體漸衰抑且邊境藥無全材人少良醫多方調治未得痊可况卑職原係色目事涉嫌疑理當迴避如蒙伏望軫念邊方事重乞委官員代守地方容令回家養病庶地方幸甚已經具呈定奪去後未蒙明示今照前病自交秋以後日漸增重不能守邊任事若不再乞呈請委官代守誤事未便爲此理合具呈伏乞照詳定奪明示施行等因到臣照得肅州係迤西極邊重地嘉峪關之外番達種類甚多乃控制西域回胡之門戶分守

將官責任比之他處不同近年節被回酋糾眾犯順直抵甘肅城下殺我官兵攻陷我城堡凋傷困敝之狀所不忍言今年七八月間又復驅其醜類窺我邊境雖旋即退遁顧其志在通貢旣不得遂明年夏秋之間大舉侵犯之謀難保必無分守參將非老成練達不能綏近懷遠非壯勇果毅不能克敵制勝見任參將雲冒出自將門長於騎射年方二十九歲屢曾領軍赴敵立有戰功而駕駛之才綏懷之畧較之老成猶恐不逮今屢陳有病服藥未痊不能任事又以原係色目事涉嫌疑理當迴避爲辭

關中奏議全集卷十六

十

XXXX

王者無外此固不足顧卹但身既有疾重任實難負荷若不俯順其情早爲更易萬一醜虜不肯悔過糾眾入寇將官不能領軍豈不誤事然此等將領若照常格將別鎮官員陞任竊恐地利未知人情未附難責成功博訪得陝西行都司都指揮僉事王輔守備山丹地方以都指揮體統行事指揮僉事甘禎俱係土著官員諳練夷情熟閱軍務一方武臣號爲出色如蒙伏望

聖明軫念肅州要害地方防禦虞患爲急乞勅兵部訪議上

請合無將雲冒取回陝西都司照舊列銜調治前疾痊可撫按官員奏該部查有相應參將遊擊等項員缺另

行推用仍乞於王輔等二員內奏

請簡用一員擢任參將請

勅分守肅州地方修舉邊務振揚軍威以安內附以禁外

侮邊方幸甚緣係將官懇乞養病事理未敢擅便為

此具本順差承差馬廷璋親賁謹題請 旨

一為患病將官懇乞休致事

題為患病將官懇乞休致事嘉靖四年十一月十五日

據分守莊浪西南等處地方副總兵都督同知魯經

呈前事切照本職襲授都指揮以來累立戰功節陞

前職正德十四年得患脫甲風疾節次具

奏不准嘉靖元年四月內奉

關中奏議全集卷十六

二

勅加陞副總兵仍守前項地方任事外嘉靖三年十月內

又疏乞休不蒙

俞允奉

勅魯經近因回賊侵犯肅州爾世守忠義勇畧著聞即今

邊方有警方且委用豈可引疾乞休務須戮力討賊

樹立戰功欽此欽遵本年十二月初二日力疾任事

外思本職節因本邊番虜犯擾本職披堅執銳陸續

獲賊首級三百二十一顆嘉靖四年七月以來復冒

前疾景醫罔效見今臥床不能任事本職正在披摠

肝膽圖報

國恩委疾纏綿不堪領軍乃思男魯瞻見膺千戶之職

管束土官軍家口人心信服應該龔替如蒙准呈乞  
賜俯念曾効微勞早為具

題咨放致仕令男襲授祖職繼管部屬乞推相應將官

前來代守便益等因具呈到 臣為照莊浪地方為河

西要害重鎮番達寇擾歲無甯日月無甯日近年又

有回夷之警防禦保障全在將官若莊浪守將非人

密邇蘭靖腹裏豈能宴然無事及照副總兵魯經沉

毅有謀驍勇憤戰自襲授都指揮受

命分守以來屢立戰功獲賊首級多至三百有餘土漢官

軍素所信服番達虜寇素所畏憚頃嘗以疾乞休重

荷

關中奏議全集卷十六

三

溫旨勉留及查得本官正德年間曾經總制都御史鄧璋

彭澤巡按御史羅玉潘做許翔鳳

奏薦

皇上嗣極之初本官因病乞休又該御史許翔鳳

奏其年力方壯謀勇夙成果敢有為而地方攸賴恩威

並用而軍士自服粵自乃祖乃父以來世有維藩維

垣之寄邊陲倚重番虜知名况今緊急用人之時遽

為引病辭避之計乞要特降

勅旨敦諭本官亟出蒞事等因本部議得曾經祖父以來

世有勞於

國家至經克承先志累見邊功夷虜軍民咸知感畏近



日權奸蠱惑

先帝聖聰善及骨肉委的情有不堪本部亦素悉其謀勇  
才能且部下都指揮指揮等官多至鎮守分守總兵  
而本官久以都督同知仍任參將嘗欲

上請簡用但以其世守莊浪地方土漢軍民久在屬服遠  
近夷虜正怯威名深恐一旦更易不惟曾經動懷上  
觖望之心且使軍民不安新將之令合無將曾經授  
以副總兵名目請

勅一道照舊分守荷蒙

俞允陞副總兵仍守莊浪西南地方嘉靖元年以來節該  
欽差戶部給事中孟奇御史范永鑾巡按御史劉紳交章

關中奏議全集卷十六

七

川八

奏保近又該

欽差提督軍務大監張忠薦稱曾經生長邊方老成持重  
熟閑韜畧累立戰功堪任主將兵部覆題節該奉

欽依曾經等待有相應員缺酌推用他欽此欽遵切惟  
副總兵曾經歷官最久軍功最多臺臣論薦連章累

牘

溫旨慰留至再至三今河西地方達虜之侵犯無常回酋  
之窺伺未已豈臣子稱病辭避之日已經節行本官

上體

朝廷眷顧之

思下思地方付託之重罄竭心力撫安軍民防禦賊寇勿

再推避致候邊防大計去後但恐本官自有陳

請情辭懇切萬一

聖明俯從所請推任別官夷情未靖土人未附恐失干城

之託况後進將官為其服屬聽其指使者率多超躡

主將而本官尚為偏裨雖公論在人終當有待而人

情向進豈能久處如蒙伏乞

皇上念地方之至重思世將之當惜本官若有陳乞奏章

健勝

前旨勉留仍乞

勅該部查照節節籌奏購章疏遇有本鎮主將員缺將本官

奏

關中奏議全集卷十六

七

川上

請陞陞若本鎮無缺陝西甯夏等處附近地方主將有缺

照依伊祖曾經陞任延綏總兵事例具

奏權用以慰將官效忠之心以副邊方軍民之望不勝

幸甚緣係患病將官懇乞休致事理未敢擅便為此

具本順差承差馬廷璋親賚謹題請 旨

一為查探聲息事

題為查探聲息事嘉靖四年十二月初五日據鎮守延

綏等處地方總兵官署都督僉事彭煥呈前事行准

分守東路地方右參將署都指揮僉事黃宰手本據

永興堡把總千戶劉瀾呈據一路原哨夜不收劉端

等供嘉靖四年十月初一日從本堡劉家梁墩空出



境至初五日哨到地名黃石礮爪見新行人馬踪跡約一百餘道初六日襲踪跟至地名死鞍則瞭見帳房一十二頂馬匹牛羊約三百有餘離邊一百五十餘里及瞭迤北俱有煙火當就旋回初九日到堡又據木瓜園堡把總千戶童璧呈據一路原哨夜不收劉三等供十月初一日從本堡石家塢墩空出境至初五日哨到地名窯兒溝爪得新行馬蹤約三十餘道從東往西北去訖初六日哨至水頭地名倒柳樹瞭見帳房二十七頂牛羊馬匹約四百五十有餘離邊一百一十餘里及瞭迤北地名雙山堡把總煙棚當就旋回十一日到堡又據中路雙山堡把總關中奏議全集卷十六

關中奏議全集卷十六

十五

六

哨至地名甫府早灣伏至未時瞭見單樹梁達賊三十餘騎從西往東去訖離邊五十餘里酉時旋回初四日到城又據東一路原哨夜不收小孫義等供十月初一日從斬賊墩空出境初二日三更時哨至地名高崖畔爪見新行馬蹤一十五道往東去訖初二日戌時哨至地名榆林岔爪見新行馬蹤五十餘道跟舊營路往東去訖相離本邊八十餘里當就旋回初四日到城又據波羅堡把總指揮秦堂呈據一路原哨夜不收王騾子等供十月初一日從本堡蓮池山墩空出境至初四日哨到地名老瞿營瞭見達賊帳房一十二頂牛羊馬約一千餘多離邊一百三十餘里不敢深入當就旋回初七日到堡又准分守西路地方左參將都指揮僉事袁聰手本據靖邊營把總指揮孫仁呈據一路原哨夜不收趙四兒等供十月初一日從本營保定墩空出境至初八日哨到地名長湖南畔爪見新行馬蹤約一百餘道往東行走並無營盤離邊一百七十餘里當就旋回十五日到營又據新安邊營把總指揮李杲呈據一路原哨夜不收王見等供十月初一日從舊安邊營關門墩空出境至初七日哨到地名寂麥湖爪見新行馬蹤約七十餘道從東往西北去訖亦無駐劄帳東離邊一百五十餘里當就旋回十三日到營又據三山堡把

關中奏議全集卷十六

十六

七

總指揮許世忠呈據一路原哨夜不收許佛僧等供  
十月初一日從本堡西平墩空出境至初六日哨到  
地名明水湖爪見新行馬蹤約一百餘道往東北去  
訖離邊一百八十餘里當就旋回十四日到堡等因  
各行到職會同鎮守太監張紳巡撫右僉都御史張  
縉議照中東西三路營堡各哨有虜賊住牧營巢帳  
房馬匹牛羊及達賊行走蹤跡多寡不一煙棚火光  
遠近不等况今馬肥弓勁正彼便於馳驟之時防範  
機宜在我當謹除行各該分守按伏將領把總坐堡  
等官嚴謹烽墩加意提備如遇有警務要相機戰守  
外呈乞照驗施行等因到臣爲照北虜小王子部下

關中奏議全集卷十六

七

八

頭兒吉納台記俺荅阿不孩等帶領賊徒八萬自去  
年十一月間踏冰在套住牧自今年四月到於陝  
西地方已經分布各路將官兵馬按伏提備節經具  
題外本年五月以來節據延綏甯夏鎮守分守等官哨  
報河套賊情自延綏黃甫川起直抵甯夏靈州一帶  
無處無賊營壘火光遠近相望其近邊者不過三五  
十人七八十人多至二三百人間有入境零賊一見  
官軍旋即遁出其大衆知我有備不敢深入七月間  
率衆二萬前去西海尋收亦卜刺賊徒其在套者當  
亦不減數萬近於九月間擁衆萬餘自延綏波羅懷  
遠二堡折墻入境各該將官逐雖斬獲不多而地方

不曾失事臣十月初旬自固原起程巡邊至甯夏靈  
州歷清水營興武營花馬池定邊營行令各將官差  
人出邊遠哨並無虜賊人馬蹤跡烽火寂然蓋自靖  
虜渡河喪敗之後聞風畏避目今雖延綏中東三路  
不時見賊而不敢侵犯且恐尋襲西海賊寇回套糾  
同阿余秃厮及原在套賊衆大舉折墻入境搶掠之  
患難保必無仰仗

天威遠被

皇武布昭我之兵勢旣揚軍威旣壯守臣協力士卒用命  
不敢希克捷之功但求地方不遭患害而已待後河  
凍已堅哨探大賊曾否踏冰北遞乃哨套內有無餘

關中奏議全集卷十六

八

川

賊另行具

奏外緣係查探聲息事理爲此具本順差承差馬廷璋  
親實謹具題 知

一爲大舉達賊出沒事

題爲大舉達賊出沒事嘉靖四年十一月十五日據分  
守莊浪西甯地方副總兵都督同知魯經呈前事據  
守備鎮羌地方行都指揮事袁英呈本年十月十一  
日有安遠堡按伏陳指揮傳調人馬迎接實表人員  
本職當統備禦官軍指揮匡鍾等三百五十員名行  
至水泉兒未時迎據夜不收王名報瞭古浪土佛教  
舉放煙火得此除分投差人收斂人畜襲爪外申時

又據炒來也斤墩夜不收張雄走報瞭見達賊四五  
十騎從水泉兒行來本職隨統官軍驟彼達賊見人  
馬退往原路去訖欲追天晚落雪掣軍回堡十二月  
丑時據西古城夜不收沈興走報十一日亥時聽得  
大賊不知其數從黑古城順河行來有彼處應哨夜  
不收吳圭玉不曾飛報不知存亡得此整兵間寅時  
據炒來也斤墩舉火三把隨據本墩夜不收胡召保  
報本日早瞭見達賊七運老小約有七八百喝趕牛  
羊從西古城順河行來奔骷髏石行去後有四五運  
精壯約有五六百趨趕馬牛順河往東行去得此除  
差夜不收劉榮赴城飛報外本職領兵出堡迎至河

關中奏議全集卷十六

十九

× 61

灘有賊一百撲來就與交鋒對敵職督官軍齊擁向  
前鎗扎箭射中傷達賊人馬數騎賊見官軍勇猛方  
纔逃往石板溝出境去訖就陣奪獲賊馬一匹牛三  
隻達帳二頂氈衫二領氈襖二件皮襖二領皮可  
二箇木盆一箇筐一箇駝鞍一付欲再深追況賊勢  
重大恐墮奸計掣軍回堡差據夜不收張天兒襲得  
前賊蹤跡俱由黑古城行來及查彼處應哨夜不收  
宣興右李邊爪無下落不知存亡得此及照差去報  
事夜不收劉榮未回顯是被虜查得此外再無搶虜  
人畜行間又據爪路夜不收王志等收送虜中走回  
男子二名供說前賊俱是西海人住賊酋阿介禿廝

部落等情除差人解送莊浪聽審外為照此賊分運  
經過難保不來為患除整兵提備外理合具呈施行  
等因據此除將奪獲牛馬照例犒勞奮勇官軍夷器  
發仰莊浪衛貯庫外呈訖照驗施行據此又據本官  
呈為哨探大賊壓境任牧事本年十月十八日據迤  
北探哨夜不收翁城土軍卯三等四名供報本月十  
二日蒙差各役哨探賊情依蒙出境晝伏夜行十三  
日到常山兒伏瞭二日瞭見土豹領達賊六七十騎  
順河往來行走十五日到斬石硤登高瞭見頭水古  
城一帶賊四五千牛馬過山欲再深入哨探達賊  
阻道不能前進十八日掣回到城又據迤南探哨夜

關中奏議全集卷十六

二十

× 61

不收宋欽土軍家堂保等四名供報十三日到蘆溝  
登高瞭見達賊一百餘騎徑奔紅溝行去十四日到  
一掃毛山登高瞭見孫官兒湖照壁山槽頭一帶達  
賊約有三四千牛馬過山撒放伏瞭至晚掣回十七  
日到城供報得此照得前賊來在莊浪山後占據水  
頭古城照壁山一帶迤邐住牧時遣輕騎近邊往來  
行走雖未深入難保不來為患除行屬墩營站堡守  
掌官軍謹斥烽埃整兵嚴加提備外呈乞照驗施行  
據此又據本官呈為虜中走回人口供報夷情事據  
守備鎮羌地方行都指揮使袁英差擺哨西古城夜  
不收王志收送虜中走回男子三名到官發據莊浪

衛申審得一名黑的狗供稱失記年歲係河州衛左所失記百戶下餘丁尹玉兒弟正德八年四月內在於馬家灘放馬忽遇達賊三百餘騎搶到西海阿介禿廝營內住坐舊年冬間回子人馬到來將頭口盡行搶去今年九月間小十王人馬前來有眾達子一千邀趕牛羊馬四二千同小十王人馬三百一同起營走了一箇月到莊浪地方上住坐眾達子謫量河凍了回套去黑的狗思想父母脫走撞遇擺哨人役收送前來供報是實一名姚二哥子年二十歲係甘州左衛左所姚百戶下舍人姚清男狀供正德四年六月內在於黑泉堡藉田遇賊二百搶到西海虜

關中奏議全集卷十六

三

又八

營住坐一名馬閏狗失記年歲洮州衛中所十旗寨總旗馬敖男正德十四年五月內在於屯莊遇賊七入十騎搶到虜營今年眾賊達子起身來到莊浪地方各思想父母二哥子偷騎赤驃馬一匹馬閏狗偷騎青扇馬一匹一同脫走來報等因備供具申得此行間本月十九日及據擺哨孤山兒夜不收景泰祥收送男子一名竇荒年供年一十八歲係西甯中左所失記百戶下通事竇禮男在於北川毛家寨屯住嘉靖元年九月內入山尋柴遇賊二百餘騎搶到西海阿介禿廝營內住坐今年眾達子起營來到莊浪山後住牧荒年思想父母乘黑脫走回還隨據馬

場溝夜不收張顯收送男子一名自兒供年一十八歲係莊浪衛紅城子總甲石城下土丁他罕保男在於武勝堡屯住正德十五年失記月日在山放牛遇賊二三百搶到西海虜營住坐舊年冬間又被纏頭回回將自兒搶到半路上脫走回到原搶虜營今年眾達子害怕回子又來尋搶同小十王人馬起營來在莊浪地方土豹嶺一帶駐劄達子約有一萬頭畜遍川撒放眾賊殺白馬一匹祭天商量收拾精兵要來城邊廝殺尋槍等語自兒思想父母偷騎赤扇馬一匹脫走撞遇夜不收收送前來供的是實據此除整兵提備外呈乞照驗施行據此又據本官呈爲大

關中奏議全集卷十六

三

又八

勢達賊犯邊事抄蒙臣鈞帖行據守備紅城子行都指揮事楊和呈據夜不收周伏等四名供報十月二十二日到金水登高瞭見蘆塘照壁山孫官兒湖黃河邊達賊約有五十餘騎青白馬匹遍山撒放伏瞭至晚煙霧火光不絕欲便前去搗木破五方寺等處爪探况賊阻道不能前進二十四日掣回供報得此理合具呈施行等因據此案查虜中走回男子張友智供報達子四五百八月間到黃河沿住牧內有一賊漢語說是小十王頭哨內三百渡河往靖虜地方上行去其餘復到店子川住牧等情除差人聯絡哨探另報外呈乞照驗施行等因節呈到臣爲照阿介

秃厮亦卜刺二項賊寇正德初年被北虜追殺逃躲前來竊伏我西海地方將二十年侵掠莊浪涼州等處不止一次又曾侵入洮州直抵四川松潘境界大為

中國腹心之患臣方議調集大兵痛加誅剿已經具

題外本年七月以來套賊二萬過河聲言收捕前賊留兵數千在莊浪涼州一帶住牧其餘徑奔西海邊人方幸夷狄相攻地方之利將謂永絕禍根不意先為所覺挈其家口頭畜遷入南山藏躲逼近洮河地方止留精兵在於舊伏險隘去處把截來者千里而趨利住者以逸而待勞反為所挫逃回莊浪先以數百

關中奏議全集卷十六

三

X 11 X

騎從靖虜塔木破渡河犯我腹裏節被陝西甯夏官軍斬殺敗散其大勢已漸那營東北去訖後節據莊浪守臣哨報阿亦秃厮賊眾陸續跟隨小十王大營前來蓋此賊自知結纍已深恐將來北虜大舉復讐力不能敵故先隨從歸順以圖免禍然阿亦秃厮賊眾既離西海獨亦卜刺在彼勢亦稍衰除行洮岷叅將邊備守備等官整兵積糧嚴加隄備外但前項賊寇近日源源而來俱在莊浪孫賄湖盧塘五方寺等處臨河住劄密邇甯夏中衛地方恐其待河冰已堅乘從洞清清透過甯夏中衛地方恐其待河冰已堅乘間深入固靖地方虜掠仍從甯夏中路擁眾拆墻歸

套亦未可知已經督發陝西叅將守備等官統兵於各要害地方防禦及將延綏副總兵趙瑛奇兵調來小鹽池等處與甯夏官軍各按伏堵截并行花馬池興武清水營一帶大小主客將官嚴加防範待後哨探各枝賊寇向往的確消息曾否盡歸河套有無侵犯邊境另行

奏報外緣係大舉達賊出沒事理為此具本順差承差

馬廷璋親實謹具題 知

一為達賊聲息事

題為達賊聲息事嘉靖四年十二月初十日據鎮守甯夏地方總兵官都督僉事杭雄呈前事本年十一月

關中奏議全集卷十六

三

X 11 X

二十二日據迤北猪嘴山出哨夜不收莊真保報十九日辰時瞭見境外地名青羊泉達賊約有二百餘騎隨趕牛羊往黃河西岸大灣去訖二十日巳時又瞭見野馬川口于達賊五簇頭畜不知其數俱往東行又見河東地名石背兒暖泉兒一帶晝夜焚燒火光不絕又據鎮甯墩夜不收劉敬祖報二十一日夜三更時分境外正北達賊約二三百騎趕頭畜進境順河往南行至柳門兒墩北空踏冰過往河東去訖二十三日據賀蘭山打磴口出哨夜不收顧阿半報本日夜二更時分哨見境外達賊約有一百餘騎進口往東過河去訖二十四日據猪嘴山出哨夜不

收王宗報本日酉時瞭見地名野馬川口子達賊約  
有三百餘騎隨趕頭畜往來奔河行走後面灰塵聯  
絡不絕二十五日據打磴裏口墩夜不收實回生常  
勝墩夜不收傅泰各報境外地名黃草灘達賊約有  
一百餘騎邀趕牛羊往西北踏冰過往河東去訖十  
二月初二日據汝箕口出哨夜不收趙王加報初一  
日寅時哨見境外正西達賊二十餘騎進境往東去  
訖隨據河西瓦窯墩夜不收李昇報本日卯時瞭見  
境裏達賊二十餘騎來到本墩北空踏冰過河去訖  
初三日據迤北鎮遠關鎮甯墩夜不收杜成報初二  
日申時瞭見境外達賊三百餘騎從馬頭沙灘進境

關中奏議全集卷十六

三

X 811

南行隨據柳門墩夜不收趙牛兒報稱前賊從本墩  
南空踏冰過往河東去訖等因各報到職卷查先為  
緊急聲息事遵照提督軍門節行預防虜患事宜已  
將本鎮奇遊兵馬分布沿邊緊關興武清水營設伏  
截殺去後今據前因會同鎮守太監張鎮巡撫都御  
史林琦議得河西賀蘭山後盤據達賊眾寡不一分  
夥邀趕頭畜踏冰轉徙入套住套虜酋又在石嘴暖  
泉一帶順河往牧晝夜焚燒煙火不絕况河冰一合  
表裏不分糾勢烏合志必侵犯延甯陝固今再整兵  
隄備防範通行為此除行本鎮各該將領等官魏錕  
等及延陝二鎮各整兵隄備外今將前項緣由理合

關中奏議全集卷十六

三

X 111

具呈伏乞照驗施行等因到臣為照大賊在套一向  
不敢深入近自靖虜甯夏官軍殺敗之後那營東遷  
今據所呈前此尋虜亦入刺大勢達賊自賀蘭山後  
而來臨河屯住陸續回套而在套之賊亦復順河往  
牧糾合入寇之謀難保必無已通行各鎮守臣照舊  
嚴加隄備遇警相機戰守去後竊料套中大賊夏間  
尋襲西海賊寇回旋數千里不得利而歸人馬已多  
勞乏其邀趕頭畜過河者必是阿兒禿廝殘寇被其  
收捕歸順而來緣今水冷草枯時月似難深入侵犯  
而我所以備之者不得不謹但近日賊眾以漸那營  
多在延綏東路地方延綏守臣未據呈報除行令分  
投差人遠哨達賊帳窺離邊遠近及待河冰已堅哨  
探有無出套過河的確消息另行奏報外緣係達賊  
聲息事理為此謹具題 知

一為舉劾有司官員事

題為舉劾有司官員事 臣聞政之興廢存乎其人得人  
則興失人則廢天下之事皆然而郡縣親民所繫尤  
重臣久官陝西近者起廢而來一方之士民多所接  
見一方之政俗素所涉歷恒於錢糧之盈虛人民之  
愁樂戶口之登耗學校之盛衰盜賊之興息而郡縣  
官員之賢否可按而知焉大抵才賢者十無二三庸  
劣者十常六七今當朝



觀之年甄別黜陟此其時也除曾經論薦及毀譽相半

治行未彰者不開外傳訪得臨洮府知府楊應奎惟

科不妨於撫字通敏兼著乎清聲鞏昌府知府金濂

處事人稱其老成當官克慎其操履本府同知丁璜

有朝繁舉劇之才有獲上治民之譽延安府同知張

志道潔操有聞能聲日著西安府同知李昇喬遷

岐通判張岳平涼府張祚俱守已無玷遇事有為西

安府推官楊銳器質端重刑名疏通華州知州甘為

霖才通敏而優於治繁性謹飭而嚴於律已武功縣

知縣姜恩窮經能達於政守己兼愛夫民蓋匡縣知

關中奏議全集卷十六

三

無間言鄜縣知縣康天爵官有循良之風民歌清淨

之治長安縣知縣陳謨咸甯縣知縣何鍾俱才不著

於劇縣志不玷於甲科富平縣知縣胡山作教已收

成效調繁綽有治才商南縣知縣郝宗儒通才克優

於政小邑弗盡厥施延安府保安縣知縣韓信調簡

邑而大著能聲處邊地而不渝素守鳳翔府扶風縣

知縣孫昌政平易而近民性剛介而有執以上各官

在陝西八郡中號為出色及又訪得慶陽府知府蕭

海操履峻潔行事執滯用之邊地則非所宜處之內

郡足為良吏延安府知府張錦上玩下慢無自立之

能以繁調簡無可更之郡臣廣詢傳訪所見如此至

於卑官未職可取者亦多撫按官自能備陳臣不敢  
沉及如蒙乞

勅吏部再為訪察合無將楊應奎等酌其年勞量為陞用

蕭海改調腹裏簡郡以保全廉官張錦照例罷黜以

警策庸吏庶幾有司知所勸懲而吏治可以修舉矣

緣係舉劾有司官員事理未敢擅便為此具本順差

承差孫傑親齎謹具題請 旨

一為旌舉方面官員事

題為旌舉方面官員事臣切惟天下民生之休戚係於

守令守令之賢否係於藩臬故藩臬者守令之師表

而吏治之臧否民生之休戚端必由之臣受

關中奏議全集卷十六

三

命提督陝西三邊軍務每思師旅之供餉資乎錢穀錢穀

之盈縮出自人民因是以求之藩臬有司之賢否可

槩知矣有一賢焉足濟公家之事臣既知之不敢不

舉也有一不肖焉將貽生民之害臣既知之不敢不

劾也舉賢惟恐其不先去不肖惟恐其不速大臣之

職亦若是耳若知其賢而姑使之沉淪知其不肖而

姑為之隱諱是豈公平正大之體哉況今當臣工述

職之期正陟明黜幽之日苟有所見豈敢隱默觀陝

西布按二司官員近多得人除左布政使等官宋冕

等雖賢能素著而新任日淺不敢遽陳及左叅政成

文右叅政韓士奇副使唐龍高公韶陳鼎霍鵬翕事



桑溥姚文清王鈞節經臣論薦俱不開外傳訪得陝西布政司右叅政楊叔通行端而學足潤身性敏而才能集事臣叅議王汝舟臨事有疏通之才資儲有公平之譽陝西按察司副使張宏性資朴實政務疏通臣送嘗論其一事之失終難掩其平日之長延綬管糧倉事臣謹謹厚老成郭鳳翔風力振作甘肅管糧倉事周汝勤勤慎安詳以上各官年勞雖有淺深才識不無甲乙畢竟皆樞臬之良俱可與旌薦之列如蒙乞

勅吏部再為訪察量其年勞遇缺推用則臣工知所奮勵而政務益加修舉矣緣係旌舉方面官員事理未敢

關中奏議全集卷十六

元

川上

擅便為此具本願差承差孫傑親實謹題請臣

一為老病不堪重任乞恩辭免新命事

奏為老病不堪重任乞

恩辭免新命事准吏部咨嘉靖四年十一月十八日該

司禮監太監張欽傳奉

聖旨提督陝西二邊軍務楊一清便寫勅行取來京着照

舊內閣辦事吏部知道欽此欽遵備咨到臣自

天有

命局地無容謹披瀝誠悞者伏念臣正德年間任少傅兼

太子太傅吏部尚書

武英殿大學士供事

內閣以病屢乞休致荷蒙

武宗皇帝允令致仕養病林下八年有餘

皇上嗣極之初特

勅遣官存問節經大臣科道等官論薦屢奉

明旨待缺起用臣自度老病衰殘之人行將就木豈能復

出任事徒懷感

恩圖報之誠難效鞠躬盡瘁之節杜門伏枕間忽蒙

皇上軫念三邊有警采納

廷議起臣提督軍務兵部咨文至臣卽備陳衰病懇乞

辭免既而

欽降勅諭至

關中奏議全集卷十六

三

川上

符驗旗牌關防俱至又蒙

欽賞白金綵幣至伏讀

勅詞責以大義期之古人

褒諭隆重出乎常格臣感激奮發至於泣下夫葵藿猶能

傾陽犬馬尚知報主臣亦人耳敢忘情於

造化忍自絕於生成第以疾疢相嬰不能自強再疏辭免

續蒙

命巡撫都御史吳廷舉臣家敦遣啟行後兵部以各邊

虞情緊急節該題奉

欽依新推提督三邊軍務官着上駉前去節制調遣陝西

地方既賊情勢重大便馬上差官催促楊一清前去

調度經畫欽此欽遵行臣竊念地方多事臣子豈敢  
避難况兩次辭章不蒙

俞允褒諭愈至督責愈嚴用是兼程前進到於陝西地方  
扶疾任事到邊以來倏久逾月屢有論列多荷

采行即今士馬頗多精強糧儲頗有積蓄大賊伏套而不  
敢深入回虜雖入而旋退避是皆仰伏

天威受成

廟算臣之薄劣何嘗有勞十月十一月內巡視各邊兩目  
為風沙所傷昏眊轉甚視物茫然如隔雲霧足膝愈  
加痿弱步履須人攙扶自知鞭策不前每欲求退復  
念先以套賊八萬之奏上厪

關中奏議全集卷十六

三

川八

聖慮今套賊去留未定不敢遽及其私豈意垂盡之年再  
荷非常之

眷聞

命而懼以榮為憂近聞言官有以論奏莫究其詳臣自度  
行不足以孚人才不足以用世官踰其分事不稱食  
言官所指必得其真臣不以辯但聞云臣有窺伺舊  
任之心警愧不知所自仰

皇上總攬乾綱

萬幾獨斷至於大臣進退皆出

宸衷臣縱有是心將孰與謀何所致力况位至孤卿已是  
文臣之極致年過七十自知來日之無多而乃欲微

望外之榮以速官諉誠衣冠之所不齒名教之所不  
容臣雖庸愚決不為是

聖鑒在上何俟臣言但其謂臣兩目漸眇精力亦衰邊陲  
之任亦非所宜數語似為切當臣雖自言不過如此

伏願

皇上念秘閣要地不宜付之匪人衰朽餘齡不可加之重  
任

鑒臣先今辭免懇誠收回

新命容臣休致以全晚節臣雖與世長辭亦有榮矣臣不  
勝戰兢隕越激切祈

恩之至緣係老疾不堪重任乞

關中奏議全集卷十六

三

川川

恩辭免

新命事理為此具本順差承差孫傑親賫謹具奏

聞伏候 勅旨

一為諮訪群策以裨邊務事

題為諮訪群策以裨邊務事案查先據整飭固原等處  
兵備陝西按察司副使成文呈前事內一件添築城  
堡以絕虜患行據固原衛指揮符深死馬寺清平苑  
圍長張子儀會呈勘得固原東路撒都城即白馬城  
委係緊要隘口雖與清平苑草場交界然地處孤懸  
久不在彼牧放相應修築城堡斷絕賊路以保地方  
且本地東至萬安苑草場桃林坡南至清平苑草場

三岔山西至群牧所天城山北至阿思藍要峴四至  
 以內地頗肥磽可作安軍之業以外仍作草場合用  
 修築人夫應支口糧應用器具稍把俱於附近衛所  
 起支措辦防守軍役照先事例召募懸賞仍撥給近  
 堡地一頃令其開種待十年之後量徵子粒仍在白  
 馬井墩改築近水處所展築寬大月城有警撥軍在  
 彼占據水頭使賊馬不得飲水則賊路自可斷絕每  
 歲仍量撥根料草束於本城收貯以備截殺軍馬支  
 用等因會呈前來案查先准守備固原地方署都指  
 揮僉事劉文手本前事內開固原地方平漫最當衝  
 要先年虜賊侵犯俱由章州螺山入預望城紅古城

施行已經關行陝西苑馬寺會委各官勘處去後今  
 呈前因理合呈乞裁處施行等因呈報到臣看得固  
 原地方西路有平虜鎮戒二所及紅古城足堪把截  
 防守東路孤懸寬漫先年全無備禦虜賊由環縣地  
 方進入直從虎山溝徑至平涼郭外而人不及知宏  
 治十七十八年間因修復清平萬安二苑馬政展築  
 彭陽城板井堡二處安插牧軍修蓋官廳營房選設  
 操丁守城遇冬有警分布官軍在彼按伏稍為有備  
 其獅子川毛居士井一帶相離各堡寬遠水草便利  
 虜賊窺知近年在彼劄營分散搶掠今要於白馬城  
 地方添築城堡及將白馬井墩改築占據水頭俱各  
 相應已經行仰兵備副使成文會同守備都指揮劉  
 文親詣勘處應築城垣若干丈門幾座合起備固原  
 平涼軍衛有司并清平萬安二苑各人夫若干名應  
 支口糧於固原州倉及彭陽板井倉關支合用修城  
 器具稍把城門釘鐵等料官為措辦應用修築完日  
 有警撥官軍在彼防守照例懸賞召募軍人四五  
 百名設為常守之兵每軍一名撥給近堡地一頃令  
 其開種十年之後量徵子粒收貯本城備用仍行陝  
 西巡撫衙門行令布政司將原坐附近城堡倉場糧  
 米量為改撥本城修蓋倉傲收貯以備按伏官軍支  
 用其白馬井墩依擬改築近水處所展拓寬大月城

撥軍守瞭阻絕水頭庶使賊馬不能久住待城完召  
有軍人積有糧草應該立所設官等項另爲定奪仍  
備由具呈陝西巡撫衙門計處去後緣兵備副使成  
文陞任陝西布政司左叅政新任兵備官員未到行  
令帶管兵備兼理前項築城事務續據本官呈開該  
蒙巡撫陝西右副都御史王蓋批據本官呈文內開  
看得所呈添築城堡增軍設所俱係防邊急務又經  
提督衙門議處周悉兵備官卽便會同守備官劉文  
上緊親詣勘處不必遷延月日有失事機該用錢穀  
等項應呈報者題呈定奪等因蒙此會同守備都指  
揮劉文前去白馬城看得舊城週圍大城二里八分

關中奏議全集卷十六

三六  
X X I I

月城四分共計三里二分似爲狹小今議將月城展  
作入邊週圍共四里合用修築人夫三千名起情固  
原籌餘丁五百名固原州民夫五百名群牧所餘丁  
五百名靈長二監操丁一千名平涼衛餘丁五百名  
大約五十日可完每名日支口糧二升共該糧三千  
石於附近新豐等倉支用犒勞夫役每五日一次每  
人銀三分計算五十日該用銀九百兩合用把條查  
得石澗池孔骨都地方產有稍柴相離白馬城三十  
餘里就令夫役自行採打應用其土袋鐵鑿各夫自  
備木枋五十把用行條二十五根每根用銀五分共  
銀一兩二錢五分刮板五十副每副用板一片樣二

根共用板五十片每片用銀三分共用椽一百根每  
二根用銀一分共銀二兩合用石杵石礮於固原鎮  
或二處撥匠打用南北二門城樓該用木植椽板釘  
鐵等項每座用銀五十四兩脊門并樓磚瓦就將條  
把督匠燒造巽門鐵葉用銀八兩共銀一百一十六  
兩本城樓鋪六座每座該用椽木價銀一兩五錢共  
銀九兩修蓋倉廩二座每座六間六檁五椽大門樓  
一合三檁二椽木料靴瓦釘鐵等項共銀四十六兩  
四分修蓋官廳前後二座各三間五檁四椽并門格  
窓每座用銀二十五兩共銀五十兩廂房四座三檁  
二椽每間用銀四兩共銀一十六兩大門樓一座用

關中奏議全集卷十六

三六  
X X I I

銀三兩共銀六十九兩通共估計銀一千一百四十  
三兩二錢九分合於收貯鹽商箒簽銀內動支及看  
得固原衛指揮符深平虜千戶所百戶王玉俱頗能  
幹濟合委各官前去提調修理等因具呈到臣看得  
各官勘處停當依擬行仰起夫辦料興工帖委指揮  
符深等管理仍令守備劉文往來提調工完之日通  
將支用過官錢總類造冊呈報查考續據委官符深  
呈稱本職依蒙於本年七月十六日帶領固原平涼  
二衛靈長二監甘州群牧所固原鎮原二州縣夫役  
前去白馬城將原文量城垣督工修築至本年十一  
月十四日前項城垣并大城北門俱各築完其南門

并官廳倉傲樓鋪緣冬深土脉結凍未曾築造除將  
餘剩銀兩待通完之日另行開報先將支用過錢糧  
數目造冊呈報施行等因前來近該臣巡視延甯等  
邊回還親詣白馬城閱視得前項城垣高厚堅固足  
堪保障新召軍人俱各精銳壯健亦堪防守隨經查  
照鎮戎平虜等城事規行令原委指揮符深操守及  
百戶王玉坐堡各管領召募軍人整飭軍火器械嚴  
謹防守外又據分守固靖等處地方叅將劉文呈爲  
前事開稱本職親詣勘得白馬城修築完固召集軍  
士一千一百餘名在彼防守及西路紅古城增召軍  
士與舊軍共有一千名各委指揮一員操守百戶一

關中奏議全集卷十六

毛

×××

員坐堡但二處衝要分守墩隘邊墾數多凡有警報  
操守官領兵截殺坐堡官收斂守城其墩臺邊墾馬  
隊等項缺官提調管理欲於固原衛所摘撥但本衛  
見操馬隊俱各缺官委令旗甲管領不堪動調緣二  
堡軍士俱有千餘若非添官管理人心終恐渙散地  
方無賴欲待開設所分銓官降印未免待延歲月又  
况安插未定急難舉行合無於延甯二鎮查取新任  
多餘千百戶一十員前來分撥二堡管事如此則軍  
有統束事體經久不致廢弛其設所事宜待安插已  
定另行查舉呈乞定奪施行等因到臣案查前事已  
該臣及陝西巡撫節及各官勘處去後今據前因照

得巡撫陝西都御史王蓋見在鞏昌洮岷地方防禦  
虜寇除行徑自具

奏外臣惟固原爲防胡重鎮乃陝西根本之地地里寬  
漫通賊隘口數多分兵而守則無所不寡賊至發兵  
則有所不及數十年來大虜竊伏河套甯夏邊墾不  
能捍禦必從固原深入平鳳臨鞏地方搶掠生靈蕭  
索戶口凋耗實由於此但防邊之要據險爲先設險  
之策必資城守成化年間都御史余子俊建議於預  
望城葫蘆硤口二處添設鎮戎平虜二所甚爲得策  
後止設鎮戎所其平虜所因循未舉宏治十四年大  
虜侵犯固原總制尙書秦紘查奏舉行旋即去任臣

關中奏議全集卷十六

美

×××

接管總制始奏銓官降印召募軍人設倉積糧又於  
舊紅古城修蓋營房募軍積糧委官操守於是兩城  
遂爲扼虜要地虜賊畏避不敢由此而入却從東路  
驟于川毛居士井一帶在於白馬井趁水草剽營分  
散搶掠固原平涼村寨城堡直抵涇邠地方所以固  
原兵備副使成文守備都指揮劉文俱要於舊撤都  
城卽白馬城地方修築城堡添設官軍并展築白馬  
墩堡占據水頭斷賊出入之路似爲有見臣與巡撫  
都御史王蓋依擬行令勘處今據各官呈報臣又親  
詣閱視及行委布按二司官叅政韓士奇等照例召  
募願投本城軍人及又委令將應給軍人耕種地土

大量四至分撥外但有城有軍必須得官督束固原  
衛見任官員數少委的不敷差用及昭召募軍人止  
可尋常備禦若大虜入寇必須分調官軍在此按伏  
供應糧草亦當預備再照前項地方係在靈武監清  
平苑草場之內與萬安苑草場相隣因地土荒遠自  
來無有官馬在此牧放蓋係虜賊出沒之衝牧軍亦  
不敢來此牧馬及又查得靈武監清平苑原額實有  
草場地共一萬九千七百九十四頃二十六畝二分  
見養馬軍人止息二百八十三名見養馬并駒四百  
二十七匹萬安苑原額實有草場地一萬七千四百  
五十二頃三十八畝養馬軍人三百二十三名見養  
馬并駒一千四百八十八匹地土甚廣牧馬不多不  
致顧此失彼但恐牧軍因見築有城池足礙保障軍  
定之後或起爭端况前項城堡之設不止保障地方  
亦欲防護官馬如蒙乞

關中奏議全集卷十六

三

八八八

勅該部計議合無行延綏甯夏二鎮查取新任空閑官員  
每鎮各五員改調填註固原衛所分分撥白馬城紅  
古城二處每城五員管隊領軍并行陝西布政司將  
原坐附近城堡該徵民糧量撥新等白馬城修蓋倉  
廠收貯以備兵馬支用再乞行陝西苑馬寺禁約該  
苑牧軍草場地土在今分撥給軍耕種界至之內者  
向後不許混爭告擾及行總兵叅將兵備操守等官

禁約本城軍人不許於界至之外侵越耕種如違各  
依法究治待安插既定軍糧食足之日與紅古城應  
該設立所分俱聽後來總制提督巡撫等官奏  
請定奪如此庶可以壯邊城保障之勢消外虜窺伺之心  
地方兵民不勝至幸緣係諮訪群策以裨邊務事理  
未敢擅便為此具本專差承差趙瑤親賁謹題請  
旨

關中奏議全集卷之十六終

關中奏議全集卷十六

四

一八



關中奏議全集卷之十七

提督類

一為整理邊務以備虜患事

欽差提督陝西三邊都御史臣楊一清謹題

以備虜患事案查先准兵部咨該提督軍務兵部尚

書金獻民題前事奉

聖旨該部知道欽此欽遵該兵部議得固原地方平坦可

以馳驟虜賊搶掠多由此入陝西股裏州縣連歲被

害實由本處兵糧不足難以防守合無依其所擬將

各城堡各衛禦冬防守官軍內選擇精壯二千三百

員名連見在七百名共轄三千員名聽總兵官統領

關中奏議全集卷十七

川文上

其守備官部下除見在并各城堡挑選官軍二千員

名外許於各項軍民丁多戶內招募一千名共轄三

千之數召募銀兩於官庫動支俱各相應但事關地

方軍務仍咨行提督尙書楊一清再加議處具奏施

行等因具題節該奉

欽依其餘准擬欽此欽遵備查到臣為照固原為陝西喉

襟要害之地地里平漫無險可據通賊去處甚多自

弘治十四年以來套賊據窟深入延甯地方不能捍

禦隨驟長驅兩日夜可至固原分散醜類靜甯隆德

會南安定一帶州縣俱被剽掠直抵鞏昌秦州地方

近年又侵過平涼蹂躪我涇邠等州縣得利而歸不

曾遭剽將來鳳翔西安內郡安保不遭毒害臣先年

巡撫之時奏將陝西鎮守總兵移在固原常川駐劄

意正在此但所統官軍與守備官部下官軍俱不及

千數委的數少難以出戰只得嬰城坐守甘受畏縮

之罪今提督尙書金獻民要將總兵官部下除見在

七百員名外在於各城堡各衛禦冬防守官軍內摘

選精壯二千三百員名共轄三千員名總兵官統領

守備官部下除見在外今擬增根并各城堡挑選共

二千員名未及之數照例懸賞於有丁人戶內招募

一千名亦轄三千之數統領殺賊召募銀兩於司府

官庫查有無碍銀兩動支除依擬行令嚴加挑選聽

關中奏議全集卷十七

川文上

各官統領以助兵勢外至於懸賞召募一節尤為得

策今日之務似難舍此及照臨邊軍民勇悍善鬪者

在在有之召之有道自然應命及查先年召募每名

有給銀五兩者有三兩者為常守之兵比之腹裏

抽選召募者大段不同比年延緩甯夏二鎮召募土

兵至今與遊奇正兵一體調遣殺殺所向有功今各

該衛所行伍空虛懸利召募相應舉行但陝西布政

司在庫銀兩不多各有頭項難以一槩取用已經具

題乞

勅兵部議處合無於太僕寺馬價銀內動支五萬兩差官

運送前來聽臣督委都布按三司實心幹理官員設



法召募不拘衛所軍餘舍餘村野土民但係年力精壯騎射閑熟者籍名在官願領馬者給銀五兩步軍給銀三兩令其置辦軍裝弓矢器具團成隊伍聽總兵守備等官統領訓練不敢委用貪刻官員用強逼勒以失人心亦不敢濫收不堪之人徒費官錢無益於事若京運銀兩召募支用不盡收貯聽發各邊收買戰馬不許別項動支事完通將支用過召募買馬銀兩數目造冊奏繳等因題奉

聖旨兵部知道欽此欽遵兵部議擬覆題奉

聖旨是馬價准動支五萬兩運送前去募軍買馬不許浪費欽此欽遵續該兵部差委太僕寺寺丞張泌運送

關中奏議全集卷十七

三

XIII

馬價銀五萬兩前來除行仰帶管固原兵備參政成文轉發固原州倉收貯聽支外續為諮訪群策以裨邊務事據固原兵備副使成文呈稱固原東路撒都城即白馬城委係緊要隘口雖與清平苑草場交界然地處孤懸久不再彼收放相應脩築城堡絕賊路以保地方且彼地頗肥饒可作安軍之業防守軍役照先年事例召募懸賞仍撥給近堡地一頃令其開種待十年之後量徵子粒仍將白馬井墩改築近水去處展築寬大月城有警撥軍在彼占據水頭使賊馬不得飲水則賊路自可斷絕等因到臣節經依擬勘處施行完備除另行具

題外為照陝西各邊衛所軍人逃故數多行伍空虛丁

力寡弱遇警應敵多無成功茲欲充實軍伍不過清

勾抽選召募三者而已但今各該衛所多無空閑人

丁每正軍一名例該二丁幫貼尚且不足抽選一節

似難舉行清勾固是要務已經出榜召諭逃軍令其

自首免罪及督委都布按三司清軍巡守等官各督

屬挨查清補但地方廣遠州縣數多一時豈能濟用

惟有召募一策可應目前之急蓋西人性氣猛悍尚

勇善鬪且慣見虜賊聞敵不懼若召之有道自然樂

從案查近准兵部咨該提督軍務本部尚書金獻民

題為整理邊務以備虜患事要行照例懸賞於有丁

關中奏議全集卷十七

四

XIV

人戶內召募一千名聽守備官統領殺賊及據固原兵備副使成文呈議要於白馬城地方添築城堡改築墩臺占據水頭以遏虜賊但恐各衛所缺軍擄撥防守亦須召募精壯一千名設為常守之兵庶幾可得其力及照平虜所紅古城二處皆險要地方舊召軍人數少亦須量為召募每城各二三百名則軍伍稍充兵威自振查得陝西按察司副使韓士奇見在軍門聽用已經行委本官專理前事出給大字告示發去固原靖虜一帶城堡平涼慶陽臨鞏等府衛張掛曉諭衛所大小官員有願承領召軍者許赴臣呈告給與鈞帖令其分投召諭不拘土著外戶軍民人

等但係年歲穰壯有替力有膽畧善騎射能戰鬪之人聽從召集願投固原平虜紅古等城及新築白馬城者各從其便務要有抵業有隣佑里老屯甲族長戶首保結無碍方可召收待召集數多派發各衛所收隊着伍每名給賞銀兩置辦軍裝什物合用隘甲於各衛軍器局內關給馬匹於苑馬寺孳牧及茶馬內領養騎操着伍之後每月照舊軍例給糧一石其白馬城地方田地廣闊肥磽願領種者每名給地一頃令其自行耕種不徵子粒就准月糧不許將幼弱不堪素無根絆無人保管之人一槩混召有損無益召軍官應該陞賞者先行給與公文執照待具

關中奏議全集卷十七

五

XXXX

奏定奪其所召土兵就令原召之人管領聽調殺賊有功之日照例併功陞職軍官之外若舍餘軍民土人素有力量能召軍者每召一名給賞銀一兩十名賞銀十兩至百名賞銀百兩以類而推俱照此格節行去後緣副使韓士奇陞任陝西布政司參政督理糧儲無暇及此改委帶管固原兵備左叅政成文兼管又因成文分守隴右道去訖改委按察司僉事桑溥管理召募查得節據叅政成文呈報願投白馬城軍人固原衛冠帶總旗馬騰召募潘仲敖等一百五十三名平虜千戶所正千戶田林召募胡次等三十一名奉所實授總旗田埜召募張仲玉等三十名固原

衛中所百戶甘昇召募趙瓚等九十一名甘州群牧所百戶侯松召募權志清等一十五名固原衛武舉舍人符節召募常英等五十二名總旗李洪召募謝騰霄等四十名固原衛右所百戶唐璽召募岳景玉等八十五名平虜千戶所副千戶汪洋召募殷臣等七十三名固原衛舍人方鸞召募趙懷等二十一名俱經本官行查結勘無碍開報前來為照白馬城備築將完缺人防守隨經行令叅政成文轉發原委築城固原衛指揮符深收管分撥地方脩蓋房屋責令防守外續據慶陽衛前千戶所副千戶繆臣呈報召募白馬城軍孫玉等三百六十六名前來行仰僉事

關中奏議全集卷十七

六

XXXX

桑溥覆審未據回報及據操守固原等處地方指揮使黃振呈報願投固原衛軍人孟文學等五十九名俱已收糧發伍外查得固原衛召募榜文內開奉陝西都司劄付該蒙巡撫陝西都御史王珣案驗准兵部咨為防夷患以安地方事該甘肅鎮總督等官都御史陳九疇等題稱甘肅各衛軍士逃亡行伍空虛不敷戰守要照宏治十五年太僕寺少卿王質題

准事例召募軍士等因奉

聖旨該衙門知道欽此欽遵該兵部查得先為急募土兵以禦虜寇事該太僕寺少卿王質題該本部議得合無行令少卿王質於陝西甘肅涼州各官庫內查取

見在官銀每三鎮共銀五萬兩以備召軍之用若係  
召募者每名給銀五兩係冊內查出抽選者每名給  
銀三兩五錢仍免空閑舍餘一名幫貼就與關支糧  
賞其見任官員百戶召一百名與陞副千戶副千戶  
召一百名陞正千戶正千戶二百五十名陞指揮僉  
專指揮僉事二百名陞指揮同知指揮同知二百名  
陞指揮使俱月加俸糧一石都指揮僉事召二百五  
十名陞都指揮同知都指揮同知召二百五十名陞  
都指揮使而止若有為事立功及革職閑住官員能  
召百名番與復職該陞官員撫按官會同給與公文  
執照仍類總具奏其所召士兵就令原召之人管領

關中奏議全集卷十七

七

XII

聽調殺賊有功之日照例併功陞職召募完日通行  
造冊奏繳等因題奉

孝宗皇帝聖旨是欽此欽遵外今甘肅鎮巡等官又奏前  
因所據召募抽選事宜委該舉行本部任行總制待  
郎李鉞并巡撫陝西甘肅各都御史將見在各庫官  
銀量數查取共贖五七萬兩聽都御史陳九疇一面  
出榜曉諭各色軍民人等給發召募抽選其該給軍  
器馬匹及獲功陞賞悉聽總制巡撫官酌量而行等  
因覆題奉

聖旨是欽此欽遵外為照召軍陞官雖有前例但未知各  
鎮通行或止行之甘肅一鎮即今前例曾否停止及

總小旗舍人召軍應否陞授不曾該載今固原等處  
召募軍人奉有

成命及兵部奉發太僕寺馬價專聽召軍買馬支用似與  
先次召軍事體相同但事于陞級未經奏

請不敢輕議及看得各該官舍近召士兵多係有膂力善

騎射耐寒苦習戰鬪之人籍而用之他日未必不為

精兵健卒其素無根絆身力懦弱及干碍正軍幫丁

顧此失彼者二司官員俱已革退不准收用且召軍

陞官比與納級陞官者不同納級多係富豪軍民貴

介子弟圖以榮身籍勢所得者小所損者大召軍之

人皆生長邊方就可領軍得其實用況前項事例屢

關中奏議全集卷十七

八

XIII

常舉行目今召募亦頗難得所以近奉明文召募官  
員多不及數然不如此無以警勵人心如蒙乞

勅兵部參詳議處合無量照前項奏行事例見任官員百

戶召一百名與陞副千戶副千戶召一百名陞正千

戶正千戶二百五十名陞指揮僉事指揮僉事二百

名陞指揮同知指揮同知二百名陞指揮使而止俱

月加俸糧一石其總小旗召軍一百名者合無照例

陞級舍人召軍一百名者與做冠帶小旗後有軍功

俱照級陞授其召軍不及原擬之數照臣原擬扣數

給與銀兩以酬其勞所召軍人待查發衛所收伍之

後不拘馬步每名給銀三兩置備軍裝什物俱於太

僕寺馬價內支用若有不敷於陝西司府庫內取給  
合用盛甲軍器於固原平涼附近官庫內查給編籍  
已定擇其稍有丁力者給領馬匹於銀夏及監苑茶  
馬內隨宜撥給固原衛紅古城等處各就與關支糧  
賞白馬城軍人既已撥給地方耕種合照屯種軍餘  
則例禦冬及有警收撥與支口糧每月四斗五升無  
事疎放農種如此則可以壯實邊城墜障地方實爲  
便益緣係整理邊務以備虜患事理未敢擅便爲此  
具本願差承差趙瑤親賚謹題請 旨

一爲再乞 天恩辭免 新命容令休致事

奏爲再乞

關中奏議全集卷十七

九

川口七

天恩辭免

新命容令休致事先准吏部咨嘉靖四年十一月十八日

該

司禮監太監張欽傳奉

聖旨提督陝西三邊軍務楊一清便寫勅行取來京着照

舊

內閣辦事吏部知道欽此欽遵備咨到臣已經披瀝誠

悃乞

恩辭免容令休致俟

命間本年閏十二月初三日欽奉

勅今特命爾照舊內閣辦事劾至爾即馳驛來京毋得稽

違故劾欽此欽遵除望

闕叩頭祇受扶病就道外

天地之恩非意所及臣子之分省躬而警謹再瀝誠悃者

伏念臣少時患日久而昏眊中年之後百病交攻正

德年間承乏吏部薦登

內閣在告之日多有公之日少懇求休致至二十餘章

始遂優閑之願

皇上光臨

大寶特承

眷注既而言官交薦

廷議見推忽有提督陝西三邊戎務之

關中奏議全集卷十七

十一

川口七

命

勅使臨門迫於大義不敢不起到邊以來條經拾閱月矣

弊筋力於戎馬之間竭精神於籌畫之際凡所當爲

不敢不勉所謂鞠躬盡瘁死而後已者臣之心也頃

自巡視延甯等邊兩日爲風沙所傷未痛昏澁數步

之內不能辨人面目把筆作字點畫不分一切奏牘

文移止是口授吏人騰寫又兼足膝愈加痿弱步履

非人纔扶動欲歇仆所以未歸求退者良以套賊去

留未定恐貽

西顧之憂耳豈意

殊恩自

天而降使臣進退失據無以自容臣聞之古人云陳力就

死不能者止又曰知足不辱知止不殆臣體力已憊

安能就死分量已足自當知止若不自揣度匍匐入

朝蹣跚於

關門之下顛仆於

殿陛之前豈不重貽班行之笑臣雖無似出處之義亦

所素明安能以垂蓋之年播此醜態於人人哉比聞

言官論臣者痛念臣曩官中外粗効馳驅晚登樞要

實無裨補招尤速謗理所宜然言官與臣非有睚眦

其所指摘必有憑據縱使失真過當蓋亦聞諸道路

之訛傳惑於流言之萋斐臣不敢辯亦不當辯况公

關中奏議全集卷十七

十一

川七人

論在臺諫自有異同公道在人心終當底定亦何俟

愚臣之贅言乎且臣今年七十二歲凡在班行無如

臣之老舉進士至今五十有四年凡登科第無如

之深加以病疾相仍生存無幾而乃蒙恥居官願顏

任事是舉其平生而盡棄之矣伏望

皇上乞造曲成

離明普照察臣之言出於肺肝憐臣之力不堪鞭策早降

俞音容令致仕得與田夫野老歌詠太平則自今以往未

死之年皆再造之

賜也臣慚負

天恩罪當萬死緣係再乞

天恩辭免

新命容令致仕事理為此具本順差承差趙瑞親實謹具

奏

聞伏候 敕旨

一為舉用將官事

題為舉用將官事臣切為當疆場之任新進不如舊人

成戰伐之勳使功不如使過蓋舊臣宿將夷情邊務

既熟知於已風聲氣槩又素孚於人不言而自信不

令而自行較之新進初士徒以弓馬為技敏銳為長

者迥不同矣今之將官皆出

廷臣所推薦

關中奏議全集卷十七

十二

川七人

朝廷所登簡類多英傑臣不敢舉舉姑即陝西各鎮言

之博訪得先任甯夏總兵官右都督邵永謀足以禦

侮折衝勇足以摧鋒破敵規模闊大識見超偉若當

提督之任必有駕馭之能先任甯夏總兵官都督潘

浩先任鎮守陝西都督劉淮俱練達有統馭之才壯

勇有敵愾之志去任年久至今甯夏之人猶稱邵永

潘浩陝西之人猶思劉淮先任鎮守貴州署都督僉

事陳瑄生長邊方久更任使閑於軍旅習於戰鬪此

四人者邵永潘浩劉淮見蒙任使但恐未究其用陳

瑄則以病乞歸今病痊精神尚健似皆可備陝西

三邊主將之選臣又切思人材難得自古為然指垢

摘瑕世無完名之人取長舍短率多可用之士故合  
抱寸朽工師所不遺以二卯棄干城之將古人所惜  
且如延綏都指揮僉事高時瞿江榆林衛指揮僉事  
人雲涼州閑住都指揮同知楊佑陝西西安後衛帶  
衛都指揮同知李佐昔年或爲參將或爲遊擊因事  
廢黜投閑已久皆驍健善戰曉暢軍情邊人稱道舉  
無異辭臣嘗取至軍門委用察其年力俱足有爲使  
之終身廢棄誠爲可惜授以偏裨之任責効將來使  
功不如使過必當有所建立如蒙乞

勅兵部參之與論除卻承見守重地非有二邊提督重權  
難以輕動外其潘浩等三員遇有陝西延甯甘肅主

關中奏議全集卷十七  
三  
川三

將員缺乞爲上

請推用以慰邊人之心高時等五員亦乞早爲湔洗量加  
錄用各自感

恩圖報自能勉立事功以蓋前日之愆而他日干城之任  
亦有攸託矣臣今奉

勅取回已離邊鎮但念以人事  
君大臣之職所知所見不敢不言伏惟

聖明裁察緣係舉用將官事理未敢擅便爲此具本順差  
千戶楊評親賚謹題請 旨

一爲公舉將材以備任用事  
題爲公舉將材以備任用事臣聞禦戎無上策用兵無

良計選將爲良計將者三軍之司命將得其人性可  
化虜弱可化疆將非其人兵雖眾不足恃今天下敢  
戰之兵無慮無有而統兵之將不盡得人兵勢不振  
虜患未甯實由於此臣受

命提督陝西三邊軍務又昔年叨任經畧巡撫總制提督  
久官陝西今大小將官非舊時之部曲則部將之子  
孫頃自起廢到邊以來躬親較閱察戎務之脩否驗  
軍情之尚背知之頗真茲奉

勅取回凡所見聞豈敢隱默除見任主將及曾經臣論薦  
弁新任資淺者不關外切見延綏遊擊將軍署都督  
同知張鳳駿勇果毅屢立戰功延綏副總兵官署都

關中奏議全集卷十七  
十四  
川上

督指揮僉事趙瑛老成持重善撫士卒分守涼州右  
副總兵署都指揮僉事周尙文廉以律身嚴以御下

皆可當主將之任延綏遊擊將軍署都指揮僉事劉  
淵分守甯夏中路左參將都指揮僉事苗鸞分守延

綏西路左參將都指揮僉事袁聰甘肅遊擊將軍署  
都指揮僉事嚴鐙俱英敏知兵雄赴善戰可以充副

將之選綏德衛指揮使安世軍門奏恭頭目直隸鎮  
江衛指揮僉事陳岳生皆學本儒術而兼曉夫兵機

才堪幹濟而尤長於守已他如甯夏廣武營協同分  
守指揮使楊時守備平虜城署指揮史經守備邵綱

堡署都指揮同知王効延綏舊安邊營把總慶陽衛



指揮使崔嵩綬德衛指揮僉事彭械俱生長邊方面  
武藝素諳曾經戰鬪而勇畧可取凡此數人任有淺  
深皆可任委協守備等官稍加更歷他日徵求將領  
直無出此如蒙乞

勅兵部再加訪議遇有相應員缺將各官量加推用於邊  
方戎務必有裨補緣係公舉將材以備任用事理未  
敢擅便為此具本謹題請 旨

一為舉劾分守將官事

題為舉劾分守將官事照得甯夏中備孤懸河外相離  
鎖城三百餘里切近賀蘭山虜賊不時窺伺分守參  
將必在得人臣先年提學總制俱曾親歷其地彼時

中奏議全集卷十七

十五

XO

分守參將如韓玉馮植輩俱有將畧善於撫馭以此  
邊備嚴密土馬精強山後之賊不敢侵犯近年邊備  
不嚴軍威不振官龔偷墮之風軍苦征求之累訪得  
見在左參將都指揮同知蘇勇猥瑣無能關其不職  
以營求為得策視戎務為等閑以致上玩下慢紀綱  
縱弛威令不行虜賊入寇往往失事及又訪得守備  
西甯署都指揮僉事彭濬守備靖虜衛都指揮同知  
辛忠皆持已廉慎而關於軍旅嚴明而著有聲

稱堪任分守將官如蒙乞

勅兵部再加訪議如果臣言不妄乞將蘇勇輩回原衛帶  
俸閑住仍乞於彭濬辛忠內奏請

簡用一員充左參將分守甯夏西路地方則軍民有所依  
仗而得安其生醜虜知所畏憚而不敢侵入地方幸  
甚緣係舉劾分守將官事理未敢擅便為此具本願  
差千戶楊評親賀謹題請 旨

一為傳報回賊聲息事

題為傳報回賊聲息事准兵部咨該臣題該本部覆題  
看得提督陝西三邊等處軍務兵部尚書兼都察院  
左都御史楊一清題稱分守肅州右參將雲霄撫夷  
指揮劉雲等會審得通事馬龍等供稱王子速壇滿  
速兒往土魯番去了有頭目牙木蘭在哈密住到七  
八月裏馬壯領哈密北山瓦刺黃達子等賊要往漢

中奏議全集卷十七

十六

XIII

人地方上搶掠今甘肅地方兵馬寡少錢糧空乏已  
將先任總制都御史李欽奏帶用剩馬價寄放苑馬  
寺庫內銀二萬七千七百三十九兩四錢七分內先  
支五千兩給與西甯莊浪官軍買馬騎操及查甘肅  
延綏鎮城等處馬匹亦合量為查補乞

勅該部再於太僕寺馬價內動支五萬兩分給一節是固  
先事預防安邊定寇至計為照各鎮節年奏討馬匹  
馬價數多太僕寺馬價所入有限而所出無窮況連  
年因南北直隸等處災傷停徵派馬匹馬價徵解  
不全一但空虛緩急無備尤為可慮但稱彼中多事  
緊急用馬亦合里給及照前寄陝西苑馬寺馬價銀



二萬七千七百三十九兩四錢七分原係本部給發太僕寺馬價仍候本部明文動支之數合無再於太僕寺馬價內動支一萬二千二百六十五兩五錢三分共贖該銀四萬兩候

命下之日本部差委官一員領出太僕寺銀兩運送陝西布政司交割其見在苑馬寺寄庫支剩銀兩一面移咨都御史楊一清差官前去領回悉聽本官從便計處買補馬匹給與無馬官軍騎操仍將領過銀兩數目買補過馬匹毛齒并領馬官軍姓名運前一併造冊繳報等因題奉

聖旨是欽此欽遵備咨到臣查先為前事已經具

關中奏議全集卷十七

十七

又

題去後今准前因查得先據陝西苑馬寺呈報前總制部御史李毓奏討馬價支剩銀二萬七千七百三十九兩四錢七分收貯本寺官庫續因各邊將官呈請缺馬數多已該臣行令該寺將前項銀兩委官解送固原軍門轉發固原州倉收貯續據固原兵備副使朱冕呈開節奉臣明文支給過甯夏中路參將苗鑿二次領銀四千四百兩莊浪副總兵魯經領銀五千兩陝西遊擊將軍陶文二次領銀六百五十兩環慶守備都指揮李勳領銀一千五百八十兩延綏遊擊將軍劉淵領銀一千三百三十兩甯夏東路參將劉誼領銀二千兩新任參將魏錕領銀二千兩甘肅遊

擊將軍嚴鎧領銀一千二百三十兩涼州副總兵周尙文領銀一千二百三十兩延綏副總兵趙瑛領銀

一千三百三十兩甯夏典武營協同都指揮吳雲領銀九百兩蘭州守備都指揮王錦領銀六百二十兩靈州守備指揮沙金領銀三百九十三兩四錢七分俱經行令各官每銀十兩買馬一匹給付軍人精銳貧難無力買馬及曾經買補二三匹以上軍人騎征及差委西安左衛千百戶沈鳳等解送西安府銀一千兩平涼衛指揮甘瑞解送鳳翔府銀一千兩千戶李璽解送鞏昌府銀一千兩西安左衛百戶楊威解送臨洮府銀一千兩平涼衛千戶施文解送平涼府

關中奏議全集卷十七

十六

又

銀一千兩俱經行令各府將販賣商人名下馬匹收買節據各府解送買完馬共五百二十四匹并軍門陸續買過商人及虜中走回人口騎回馬匹銀共八十六兩前項馬匹俱經相兼前項銀兩派給陝西延綏甯夏奇造等兵領回取各領過銀兩買過馬匹毛齒及領過馬匹給過軍人姓名造冊俱未回報兵部所擬前項支剩銀二萬七千七百三十九兩四錢七分俱已支用盡絕今照兵部續發太僕寺馬價銀一萬二千二百六十兩五錢三分咨稱解送陝西布政司收貯係臣原擬聽給延綏甘肅二鎮買馬支用但甘肅一鎮節因地方回虜侵掠缺馬數多及查延綏一

鎮已該臣陸續給過各枝官單馬共三百二十四銀  
 共一萬三千三十兩比之他鎮其數已多合將前銀  
 分派甘肅八千兩延綏四千三百六十兩五錢三分  
 已經移咨各該巡撫都御史差官前去陝西布政司  
 將數支領及行令該司候各鎮差官至日查照給發  
 領回聽各巡撫官給單買馬騎征將領過銀兩數目  
 買過馬匹毛齒并領養軍人姓名造冊徑自咨部查  
 考及將前項陝西苑馬寺解到支剩馬價銀一萬七  
 千七百三十九兩四錢七分節經臣支給各邊將官  
 銀兩并收買派給馬匹備行回原兵備副使桑溥會  
 同分守叅將劉文督催各該將官將買過馬匹毛齒

及領養軍人姓名類總造冊以憑轉繳兵部外今照  
 臣欽奉  
 勅行取回京所據前項支用過馬價銀兩數目合行奏報  
 除備咨兵部知會查考外為此具本願差承差劉燧  
 先親齎謹具題 知

一為甄拔人材以備任用事

題為甄拔人材以備任用事臣惟薦賢為

國人臣之忠以人事

君大臣之職臣受

命督領關陝將及一年一方官員賢否悉心訪究頗得其  
 真而於藩臬之官尤深注意除將年貢頗深賢能素

著者節經論薦外其到任年淺者未敢驟陳近來廣  
 詢眾議傅采公言復得二人焉敢為  
 朝廷陳之切見陝西按察司按察使唐澤始而籍屬刑  
 曹能詳庶獄無冤濫之辜既而擢任外臺克持風裁  
 有老成之望持法不撓而行之以恕物論稱平守身  
 不苟而持之以謙士林推重陝西布政司右叅政王  
 尚綱學行素孚於人器識迥出於眾年齒逾壯而以  
 養稟官有急流勇退之風為章屢薦而懇辭乃起有  
 行義達道之志此二臣者唐澤自官憲任十有三年  
 任更闕浙而賢聲無聞王尚綱自陞叅政一十五載  
 身雖遐逝而光價益增論其人品皆有大受之具稽  
 其年勞亦在擢用之時如蒙乞  
 勅吏部再行訪察合無將各官早為甄拔推用稍出乎常  
 格則風聲可屬乎庶官箴係甄拔人材以備任用事  
 理未敢擅便為此具本願差承差劉燧先親齎謹題  
 詩 旨

一為薦舉監牧官員事

題為薦舉監牧官員事切照陝西苑馬寺先年馬政久

廢名存實亡宏治年間荷蒙

孝宗皇帝簡自

上命臣 督理大改絃轍一新改令彼時葺牧葺息卿寺  
 改觀二十年来官員賢否不一馬政興廢不常臣近

奉

命提督軍務駐節固原兵馬既事體相關監苑又臨蒞之

地訪得苑馬寺卿周綱久叅藩牧老成詳慎少卿郭

賈昔任兵憲英敏有為寺丞蔡麟報自縣令政務疏通

此三人者皆能盡心職業脩舉廢墜不失牧軍之心

可收藩息之効如蒙乞

勅吏部查訪將各官酌其年勞量為旌擢庶使凡為臣工

者皆有所感發興起矣緣係薦舉監牧官員事理未

敢擅便為此具本謹題請 旨

一為缺官委用事

題為缺官委用事據整飭固原等處兵備陝西等處提

關中奏議全集卷十七

三

刑按察司副使桑溥呈前事據固原州申稱本州係

宏治年間開設止有知州吏目二員政務繁多幹辦

不前乞為轉達添設同知或判官一員庶得濟事等

因據此看得該州地處邊方城有軍衛而總兵兵備

叅將衙門俱又常川駐劄倉場數多營堡散處勘事

查盤召商雜買委的缺官幹理今要添設佐貳一員

似為相應合無備念邊鎮重地特賜轉達就於陝西

所屬賢能判官縣丞等官內舉陞一員前來供職則

庶務可以分理地方實為有益等因具呈到臣為照

固原州原係開城縣宏治年間始改為州所管轄多

係人民內有軍衛監苑

王府功臣草場軍民雜處詞訟繁多先年止是兵備守

備官各一員後將陝西移鎮於此近又改設叅將一

員況節因邊情緊急

欽命總制提督大臣多在本城駐劄上承下移不可無人

及行委查勘邊情會問罪犯查盤錢糧踏勘地方等

項必得文官協同軍衛官員行事方得停當額設止

有知州吏目各一員不敷幹辦况又時有公差專政

等項甚至全無一官副使桑溥呈稱要添不拘同知

判官一員分理委用誠非得已但地隣極邊沙漠遼

寒之區戎馬馳驅之苦新選官員多非所樂恐恐不

得其用臣詢之布按二司官員皆舉稱西安府華州

關中奏議全集卷十七

三

判官聶准本府同州朝邑縣縣丞紀年皆官小能守

性敏有為堪任州同知本府臨潼縣主簿馬鵬程靖

鷹衛經歷司經歷鄭仲皆年壯可任勤勞才敏熟於

幹辦堪任判官如蒙乞

勅吏部議處合無於固原州不拘同知判官添設一員仍

乞於聶准馬鵬程等內陞用使之就近到任等事則

分理有人委用不乏地方實為便益緣係缺官委用

事理未敢擅便為此具本願差承差劉遵先親實謹

題請 旨

一為舉用邊方官員事

題為舉用邊方官員事照得陝西八府所屬州縣皆地

臨邊境烽火寇賊之虞沙塞苦寒之慘故選斯地藉  
多不樂為見任官員多復求去其勉強在任勤敏可  
託者十無二三庸猥不堪者十常八九勢使然也各  
府除正官外同知品秩稍高責任稍重苟得其人可  
以作理郡事可以分督屬官見今平涼府缺同知一  
員其餘府分雖未有見缺今當朝

覲述職之時恐有點幽陟明之數若將內地官員陞用  
及舉人內除補恐其懼勞畏險未至任所先已灰心  
安能責其效用臣博訪得蘭州知州陳約乾州知州  
趙時皆謹飭不失其身通敏可集乎事陝西布政司  
經歷張賢咸陽縣知縣李仁皆才猷足以有為平易  
可以獲下如蒙乞

閣中奏議全集卷十七

三

× 1 ×

勅吏部查訪遇有陝西各府同知員缺將各官陞補管事  
於地方政務實有裨益緣係舉用邊方官員事理未  
敢擅便為此具本謹題請 旨

一為整理邊務以備虜患事

題為整理邊務以備虜患事案查先准兵部咨該本部  
題該臣題前事兵部覆題內開看得提督陝西三邊  
等處軍務兵部尚書摺一清查議得固原為陝西最  
稱要害之地地居平澗無險可據總兵官所統與守  
備官部下官軍俱不及千數難以防守欲要懸賞募  
募陞陝西布政司在庫官銀不多欲查照先年該部

奏行事理於太僕寺馬價銀內動支五萬兩運送前  
來聽臣督委都布按三司官員設法召募不拘衛所  
官舍軍餘村野土人民壯等項但係年力精壯騎射  
開熟籍名在官願領馬者給銀五兩步軍給銀三兩  
令其置辦軍裝弓矢器具其或召募支用不盡亦收  
貯聽發各邊收買戰馬二節足見先事預防安邊禦  
虜至計相應准擬合候

命下於太僕寺收貯馬價銀動支五萬兩本部行移太僕  
寺坐委寺丞一員運送陝西布政司交割悉聽本官  
設法處置召募軍士充實隊伍以備虜患其支用不  
盡銀兩亦聽貯庫遇警發各邊收買戰馬騎操事完  
之日仍將支過召募買馬并餘剩銀兩數目造冊奏  
繳查考等因覆題奉

閣中奏議全集卷十七

三

× 1 ×

聖旨是馬價准動支五萬兩運送前去募軍買馬不許浪  
費欽此欽遵備咨到臣積據陝西布政司呈解太僕  
寺委官寺丞張璠運送馬價銀五萬兩前來隨經行  
仰帶管固原兵備布政司左叅政成文轉發固原州  
倉督令監收通判王相收貯聽候支取及照原奏  
內開今各該衛所行伍空虛懸利召募相應舉行至  
於隨勢給賞有功官軍亦為要務軍門若無財用則  
有罰無賞何以盡人死力乞將前項銀兩聽召募賞  
軍支用不盡之數聽發各邊買馬騎操續因虜賊數

萬在套住牧調取延綏副總兵趙瑛統領奇兵三千  
員名前來甯夏東路花馬池等處按伏及因河西莊  
浪涼州等處回虜壓境甘肅鎮巡屢奏乞發延甯兵  
馬該臣請取延綏遊擊將軍張鳳統領所部遊兵三  
千員名在於固原靖虜蘭州等處按伏聽調應援緣  
二棧人馬俱係客兵徵調在外半年之上勞苦可憫  
節經勅支前項銀兩差委固原衛指揮申甫延綏遊  
兵指揮劉欽軍門聽用鎮撫張准前去量爲犒賞少  
助脩理軍裝之費給賞過趙瑛部下官軍銀八百兩  
張鳳部下官軍二次共銀一千六百五十六兩七錢  
俱各取具委官給散過花名數目在官又因臣巡視  
甯夏延綏等邊行令帶管固原兵備左叅政成文督  
委西安等衛千戶王臣等量帶前項銀兩軍前聽用  
續據王臣等呈報節奉臣明文閱視兵馬激勵官軍  
犒賞獲功人員優恤陣亡等項共支用過銀八百兩  
肆錢及節據陝西延綏甯夏甘肅等處各該將領等  
官呈稱各邊營堡官軍缺馬數多乞要查給馬價官  
銀買補俱經行令固原兵備官支給續據副使桑溥  
呈開支給過陝西遊擊將軍陶文下遊兵指揮周江  
等領給死馬官軍銀二千六百八十兩延綏遊擊將  
軍張鳳下遊兵指揮侯章領給死馬官軍銀一千三  
百七十兩延綏總兵官彭瑛下委官千戶周文臣領

甯中奏議全集卷十七

三五

八八

回本鎮巡撫衙門買馬銀九千兩莊浪衛百戶安能  
領回解到馬二匹價銀二十四兩靈州守備指揮同  
知沙金領給買馬銀一千六百六兩五錢二分管領  
戰鋒官軍都指揮瞿江下甘肅管隊百戶崔玉等領  
給軍人買馬銀六十兩又據整飭洮岷邊備副使程  
鵬呈稱洮岷等處見有亦卜刺賊寇聲息緊急各該  
衛所城堡缺馬數多乞發官銀買馬騎征又經移咨  
巡撫陝西都御史王蓋差委指揮孟澤領解洮岷邊  
備官處銀五千兩聽巡撫衙門隨宜給軍買馬支用  
前項支給買馬銀兩俱經行令各該將官每銀十兩  
買馬一匹仍將領過銀兩買過馬匹毛齒領養軍人  
姓名造冊未據呈報通查犒賞官軍該銀三千二百  
五十七兩一錢支給買馬該銀一萬九千七百四十  
兩五錢三分見在貯庫銀二萬七千二兩三錢七分  
聽候召募支用今照臣奉  
勅行取回京所據前項支用過馬價銀兩數目合行  
奏報除備行固原兵備副使桑溥督催各該領銀將官  
各將買過馬匹毛齒領養軍人姓名造冊及候召募  
事完之日通將買馬賞軍石募三項支用銀兩花名  
數目總類造冊呈報接管提督大臣查照  
奏繳外爲此具本專差承差趙禎親齎謹具題 知  
一爲捉獲奸細搆引大勢回賊犯邊等事

甯中奏議全集卷十七

三六

八八

題爲捉獲姦細構引大勢回賊犯邊奪取地方等事嘉  
靖五年正月十八日准巡撫甘肅等處地方都察院  
右僉都御史寇天敘咨據整飭肅州兵備陝西按察  
司副使趙載呈奉本院會奏准提督軍務兵部尙書  
楊一清并兵部咨俱爲前事備仰本道會同分守肅  
州參將雲冒并分巡管糧二道及行都司掌印等官  
將前咨開夷情務在熟思察處逐節從長計議停當  
明白呈來以憑回覆具

奏施行等因依蒙會同分守肅州右參將都指揮同知  
雲冒陝西布政司分守西甯道左參議王汝舟本司  
分巡西甯道僉事李孟旭甘肅管糧僉事周汝勤并

關中奏議全集卷十七

三

八

陝西行都司掌印都指揮僉事王輔將前鎮鄒等官  
都御史陳九疇等巡按陝西監察御史盧問之并提  
督尙書金獻民後先論奏并該部覆奏上魯番哈密  
夷情逐節督同甘肅撫夷指揮皮馬兒黑麻通事據  
力等從長會議得土魯番自永樂年間以來通貢世  
受我

朝厚恩成化十九年以後酋首速壇阿力及其子阿黑  
麻日漸生事虜哈密王母殺罕慎執陝巴誘拘速壇  
并牙郎奪占哈密金印城池爲患已非一日大抵皆  
是哈密回回唆使亦當遣將征剿亦嘗閉關絕貢然  
而一面請罪一面侵掠迄無甯時宏治以前止於騷

擾哈密正德年來哈密已爲彼有沙州被其誘挾而  
川邊王子莊赤斤苦峪柴城兒扇馬城大草灘等處  
屬番俱被殘破趕逐離散投赴我邊肅州臨近依住  
正德十年直至肅州戕殺將官去歲又入甘州圍困  
城堡聲言要奪地方背

天逆理罪惡貫盈神人之所共怒雖用陳湯故事命將出  
師聲罪致討犁庭掃穴使無焦類未爲不可

朝廷不欲勞兵動眾從事遠宜且以後犬羊醜類不足  
深較以此因其侵擾則閉關以示絕因其悔罪又許  
貢以示恩蓋自古帝王制馭夷狄之道服則懷之以  
恩判則懾之以威類如此也今本酋稔惡不悛新犯

關中奏議全集卷十七

三

八

我邊本鎮巡所奏

廟堂大臣所以閉關絕貢無容復議而論者又有諸夷  
無罪不宜一例謝絕之說蓋往年哈密未破之時諸  
夷入貢皆憑彼處番文可辯各夷種類今哈密無王  
無印西域諸夷惟土魯番最強凡入貢之夷皆經其  
地中間番文真假與夫是否別國皆莫能辯若不一  
例謝絕必不能保土魯番之不詐入且一例絕之使  
諸夷皆歸怨於彼亦足以離其黨而孤其勢不必以  
此疑阻其各種夷人除謀爲內應寫亦哈信等一百  
六十七名搜出私蓄藏有兵器事跡顯露者先已奏  
行巡按御史詳審情真罪當照例轉詳待報處決如



有寃濫卽與辯理已有施行茲不復議其原發涼州等城監候各起進

貢弁貢回哈密土魯番夷使查得涼州寄監哈密衛進貢夷人正使米力思藍十的刺陝西丁阿卜亦速阿都刺黑蠻虎都陸失滿刺虎力馬黑麻添哥虎力阿都元刺馬黑麻斬迭力迭失劄麻丁劄麻丁迭力迭失阿都火者等一十五名副使哈只虎兒班把巴亦速滿刺馬黑木馬黑麻滿刺馬黑麻打力阿的納失滿刺失的克穩都亦思馬因阿刺的爾的把巴火辛阿都哈力母把刺皮爾馬黑馬黑麻打力等一十五名共三十名并寫亦虎仙家丁哈刺丹兒等五十

關中奏議全集卷十七

三元

八

一名口該前巡撫都御史陳九疇奏行本衛轉發巡按陝西監察御史盧問之處內將米力思藍等分發蘭州臨洮府鞏昌衛三處寄監方物見收貯涼州衛庫將哈刺丹兒等分發鞏昌府徽州潛州秦州禮店千戶所五處寄監復申查陝西行都司嘉靖元年十月起至嘉靖三年六月止陸續起送過撒馬兒罕天方國土魯番哈密衛  
貢夷人文卷底冊內撒馬兒罕土陸孫等一百五名天方國母巴刺丹等一十九名土魯番正使滿刺阿都刺滿刺虎兒班火者阿黑麻滿刺馬黑麻速壇虎力劄麻丁母秃刺火即火辛阿力滿刺亦速等一十名

副使亦思哈的牙兒虎都陸火者添哥虎力火者阿黑麻母秃刺虎歹訛兒的失哈奴兒丁滿刺馬黑麻迭力迭失馬黑麻等一十名使臣米兒咱阿力速壇阿力虎都阿力火者馬黑麻魯迷滿刺法虎兒丁改兒的母巴刺等七名從人哈只一名共二十八名哈密衛正使滿刺俄陸恩滿刺馬黑麻火者阿黑麻等三名副使滿刺哈三阿黑麻撒的等三名使臣拜言答母巴刺岳力阿失怯的賽打黑麻火者馬黑麻火失哈丹亦思坎答兒滿刺火即虎歹訛兒的又黑麻黑麻母把刺哈丹虎兒班阿力迭力迭失馬黑麻虎刺力哈麻丁賽打黑麻火即桑撒力沙虎力虎力馬

關中奏議全集卷十七

三元

八

黑麻失黑馬黑麻阿刁訛兒的皮迭力迭失阿力克奄迭力迭失添哥訛兒的打刺迭力迭失寫亦馬黑麻虎力馬黑麻虎都哈丹等三十一名共三十七名查得莊浪衛止有見監貢回哈密夷人失黑馬黑麻等一十五名天方國貢回夷人母巴刺丹等三名撒馬兒罕貢回夷人土陸孫等五名永昌衛見監撒馬兒罕貢回夷人一名來奔其餘履行陝西巡撫衙門及隴右關內關西等道查勘未報中間恐仍有在河南北直隸地方及在京潛住者俱無憑查報內見監臨洮府蘭州鞏昌衛哈密夷人正使米力思藍等一十五名及見監莊浪衛哈密夷人失黑馬黑麻等一



十五石中間姦黠撫夷官通亦不盡知難以審辯相應與烏亦虎仙家丁哈刺丹兒等俱照先年事例遷發兩廣安置其土魯番進貢未回夷人二十八名及哈密衛進貢回還除兒監外尚有未回夷人二十二名悉俱在沿途及在京潛住中間姦黠亦難遙定合無通行在京四夷館及北直隸河南陝西地方如有各夷潛住查將土魯番正副使使臣從人滿刺阿都刺等三十八名哈密衛先次正副使滿刺俄陸思等六名俱一體遷發兩廣安置其餘見監蘭州等處哈魯衛副使哈只虎寇班等一十五名并未回使臣拜言答等俱且不必督發出關俱暫安置腹裏地方以繫其心數年之後另作議處其肩稱撒馬兒罕天方國夷使在嘉靖元年起送者止據莊浪永昌衛申稱寄監土陸孫等九名其餘想亦在沿途潛住嘉靖三年六月起送者計今亦已到京中間詐冒無憑審辯但彼既以進貢而來我既驗放入關若又置之於法實非

中國以誠信待四夷之道兵部尚書金獻民所奏誠為得體候各夷到京量加賞勞以慰其心事畢作急督發并行沿路官司將先次貢回二處夷使在途延住及莊浪永昌寄監者陸續驗放出關遣歸本土如此足以見我

朝處待外夷善惡各有區別使土魯番哈密回回之有所懲創畏懼矣今將前項緣由呈乞照詳等因及准分守肅州右叅將都指揮同知雲冒手本亦同前因據此案查先准提督軍務兵部尚書楊一清咨前事并整理邊務以備虜患事俱經會行各官從長議處去後今據前因會同鎮守太監董文忠總兵官署都督同知姜夷協守甘州左副總兵趙鎮看得各官所議閉關絕百及處置土魯番哈密進貢回夷使并烏亦虎仙家丁與天方國撒馬兒罕進貢回夷人等項事亦頗為詳悉揆之國體夷情似為允當議等復議得自古懷柔遠人自有定體我

朝撫待四夷亦有常道前項所議乃一時權宜之處亦非經久之計也蓋土魯番於我中國所利甚多若終於拒絕不與通貢則失其所以為生彼亦不能帖然安靜必將時復遣兵騷擾邊疆我邊疆亦無寧時也所以我朝自永樂以來不絕其貢及後來雖嘗閉關而復許通者蓋以堂堂

天朝天覆地載其撫待四夷之道不得不爾亦欲我邊疆甯謐免被騷擾也况我邊疆之守與不守係於邊備之修與不修初不係於回夷之通與不通使我邊備誠備回夷通亦可不通亦可使我邊備不備通固不

可不通愈不可况干羽文德聖經明訓厚往薄來前賢格言雖事勢古今異宜而道理初無二致土魯番會所以致屢肆逆命者姦點謬詐固犬羊之常性然以正德年來之事觀之我亦有可乘之釁也爲今之計惟在脩我邊備使糧草充積士馬情強城堡堅完烽火嚴明彼來求和則責以大義峻詞謝絕彼來侵掠則整樹兵馬痛加剿殺使彼求通不得侵掠無獲數年之後必悔罪納款還我哈密歸我搶虜男婦度其誠懇姑容入貢既通之後必須查照

祖宗舊規處待有道使彼無詞可借無隙可投如此庶恩威兩盡不悖古人柔遠之道回虜可保不復爲患我

關中奏議全集卷十七

三三

××

邊疆亦得以省事矣緣徐處置夷情重大事理爲此合就備咨前去煩請裁處具

奏施行等因備咨到臣案查先爲捉獲姦細搆引大勢回賊犯邊奪取地方等事准兵部咨該巡撫甘肅右副都御史陳九疇題內開會同太監董文忠議得土魯番之所以敢犯甘肅者其至也有因而其來也有漸所以致其因與漸者吾自爲之也何謂因哈密之種有三而回種居一土魯番既因哈密之回以取哈密得不回回種之寄食甘肅者以取其甘肅乎何謂漸土魯番日益疆大既因回種以吞哈密而其種類復蕃於我土移其所吞哈密者而蠶食乎我非其漸

乎設使當時守土之臣能遵奉

太祖高皇帝勅旨不容回回入貢容之入使不得至京師

則我

中國地方之肥美人民之富庶倉庫之虛寶士馬之疆弱彼何由而知無由知則彼欣慕輕侮之心不敢生而今日侵犯之事何由以作乎惟其失處廢防容其入貢馬縱其商販焉遲其歲月而不加催督任其遷往而不設禁革我之虛寶美惡疆弱盛衰無不目擊周知其意謂河西可以計取

中國可以漸圍也臣等故日所以致其因與漸者吾自爲之也臣等請原始要終爲

關中奏議全集卷十七

三三

川々

陛下極言之昔者哈密脫故後王母當國部下回種搆連土魯番將王母殺之遠罕慎立國部下回種曰馬黑麻打力者數人叛降土番夜半獻門又將罕慎殺之其後陝巴繼立馬黑麻打力詐充探馬國使進貢獅子領賞回還見哈喇灰畏兀兒頭目迷力迷失等輔佐陝巴駸駸然有強盛之勢乃謀糾土魯番哈密之回夜殺迷力迷失并其黨與三十餘人其年各刺來奔而哈密遂入土番其寫亦虎仙滿刺哈三雖中國都督之名其實皆土魯番之陪臣也

中國惟繫摩之而已

中國豈能繫摩之彼貪

中國之利中國之物能繫之耳

朝廷因其執陝巴而奪哈密也今文武大臣撫處之阿

黑麻復出悖言逆

命不聽

朝廷震怒始閉關絕貢已而阿黑麻悔過方送還陝巴

此後貢路復通而肅州之寄住奸回滋蔓益多回賊

之意蓋欲以取哈密之術取肅州而肅州守臣墮其

計中殊未有能悟之者關外內附夷人數被遣發時

或漏其機緘及今見監奸回撒力等數十人每於醉

關中奏議全集卷十七

三五

川上之文

後笑談王子來時某人宅好吾居之某人妻美吾取

之往往為漢人曉番諸者所覺其後土魯番亦有插

旗甘州城頭之說鎮巡上其事

朝廷命總制彭澤來撫處之回賊慮其志之不得以逞

也遂納款獻印以緩我師遣賈回進

賈以釋我疑賈使未入金城而賊兵已過嘉峪豈非欲

因肅州寄住姦回憑其內應而期欲痛飲酒泉之意

乎逮夫番文搜出姦謀敗露姦黨就擒彼遂搖尾乞

憐再肆請和乞通貢路不知彼何為而來既已殺吾

將而覆吾軍又何為而去復欲盟舊好而開貢路乎

於此益驗其有所因矣逮去肅州姦回盡發甘州鎮

總方議罪上

請欲將進貢并沿途買賣賈回比照先年事例籍其財物

乞發兩廣為亦虎仙乃以應該設官之財輸納權倖

之門遂使事體反覆刑法倒置姦回因而近倖守臣

盡數下獄致令土魯番在京進

貢賊回私相告語曰今數塊俄端之石投於勢要之門

而事變一至於此願吾囊中之王尚多吾王從此雖

拾犯邊而吾屬無恙矣夫使夷人重玉石而輕犯邊

是誰為此厲階耶千古有餘羞矣此後姦回近倖於

朝土魯肆志於外昔日犯邊之賊變而為進

貢之客營聯轂繫款嘉峪而求入矣為鎮巡者燭義不

關中奏議全集卷十七

三六

XII

精林於利害之途自謂回夷一左右足而吾輩遂有

安危所以撞手聽命館為上客莫敢誰何至是一馬

之飼日費斗紋千百成群三四年間可勝浪費所以

西域賈回視甘肅為公館筭

中國為無人蔓引滋植恣肆交結以致甘肅內外久住

滿回揣摩盛衰料度向背構連接引以有今日孰謂

回賊之欲取甘肅者不有所因而其來也無漸而其

所以致其因與漸者不由吾人自取之耶今速壇滿

逆兒雖欲借姦回以取甘州然其意不曰

中國貴吾玉吾事之不成願吾有玉在况吾貢使絡繹

京師左右近倖可以賂遣守邊大臣可以貨殺讓語

而貢路豈能我絕乎此所以哆然爲惡而不之恤者  
良有以也爲今之計固不能如武帝之振威以勸二  
師之兵亦當效光武之閉關以絕西域之貢倘或涵  
容隱忍不能執義斷決再使姦回負緣穴隙復如往  
日之事十數年後臣等恐

祖宗河西十五衛所之疆場必見易於土魯番數十百塊  
之頑石矣可不惜哉可不慎哉臣等長顧却慮必欲  
永保河西惟有閉關絕貢而已閉關則我有益絕貢  
則彼受害何謂益在邊則寄食省而軍餉不費在途  
則供餽省而驛遞不擾在朝則賞賚省而財用有餘  
吾其不受益乎彼絕貢路彩段不去則彼無華衣鐵

關中奏議全集卷十七

三七

六川

綱不去則彼無美食大黃不去則人畜受暑熱之災  
麝香不去則床榻盤虺蛇之害彼日用之所不可無  
者又不止此一旦貢絕一物不出彼其不受害乎吾  
持此有益之柄而彼蒙受害之實吾不能持吾柄而  
屈彼之膝而反事武之虛張而受彼之禍爲計不已  
拙乎夫誠能謝絕必須防範捍外衛內去心腹之疾  
何謂心腹之疾內應姦回無慮二千餘人在監禁者  
臣等已置之於法扭其手足置之柙檻縱彼爲虎爲  
兇保其不能爲患必矣至於節次進

貢之人在京在途或往或來無慮數百哈密土魯番之  
人雖處以極刑亦不爲過但中間冒名撒馬天方者

亦多眞僞難辯臣等欲將冒撒馬天方者分處腹裏  
地方不必起送還國暫住數年另作議處至於分發  
涼州等城見監各起進

貢并貢回哈密土魯番夷使欲乞查照先年事例差官  
隨處籍其財物一併遷發兩廣地面或安置充軍其  
甘州見監內應姦回行今巡按御史再行覈實速賜  
極誅各犯妻女不爲常例或給本邊極貧軍人領配  
或解京給付功臣之家爲奴如此則病根悉拔賊回  
失所憑籍而心腹之患可除矣等因奏奉

聖旨兵部看了來說欽此欽遵該兵部覆題奉

聖旨是便會官從長計處來說欽此行間又該巡按陝西

關中奏議全集卷十七

三六

六川

監察御史盧問之題爲懲夷患以圖保重鎮事臣聞  
自古制馭夷狄之道服則綏之以德叛則震之以威  
此不易之論也邇者土魯番王子速壇滿速兒聽其  
謀主火者他只丁牙木蘭糾合諸種回夷攻圍甘肅  
地方其意實欲取甘肅也何者以彼而言勢驅沙瓜  
烟連瓦刺借名諸番擁眾二萬詭言捨虜謀非一日  
又以甘肅寄住各種回夷如已獲寫亦哈信等一百  
六十餘名俱爲傳報消息作爲內應彼此合謀一旦  
驟至所以敢于侵肆者亦有其由自成化年間土魯  
番鎖檀阿力虞哈密王母金印命兵往討不進而歸  
夫哈密

朝廷之所封也為中國之藩籬通西域之出入達諸夷

之消息而土魯番敢于遷滅失此不討此土魯番所

以輕中國之始也其子阿黑麻嗣之又踵前風將

朝廷所封之罕慎又殺之乃遣使入貢求封為王其悍

傲輕慢甚矣亦置之而不問宏治年間自曲先衛訪

其遺孽陝巴而立之阿黑麻又虜去瓜州凡此多哈

密都督寫亦虎仙背哈密而結構土魯番之所為也

土魯番三次輕侮中國而在朝諸臣未嘗專為建議

閉關絕其貢路或雖絕而即通以致今日使西域賈

回圖利中國以玉石鑲銕等項無用之物往來

神京厚蒙賞賚凡段匹鐵茶彼之難得日用之不可缺

調中奏議全集卷十七 三九

者舉得輸入西域矣視之為賓而任其騷擾驛遞暗

藏其姦而得以睥睨中華是甘其大欺而貪其小餽

也宏治正德年間嘗

命大臣累次經畧撫處重立陝巴歸復金印或拘其使而

復遣之或留其眾而羈縻之俱不遇踟躕目前之疾

黠驚夷性仍假貢物以窺中國緩其機而圖後舉是

以正德十一年之侵犯甚於宏治七年而今年之侵

犯又甚于十一年也自此以往若再受其貢物之餌

畧其犯順之罪惟事撫虛欲結其歡心肆其憑陵而

逆其貢路則河西數年之間恐為土魯番所有矣回

賊性最諂詐志得則稱兵犯順勢屈則乞賞求通其

貪取地方輕慢中國其本心也今歲幸賴

聖明威福天兵遠震守臣雖昧先事之備亦有捍禦之功

功圍甘州而殲其酋長追逐于張欽堡而斬獲頗多

止是剽掠地方未至失陷城池然堡塞被其攻劫人

民被其搶殺室廬被其焚毀產業被其蕩析河西生

靈之厄亦已甚矣今雖遭剽失利而歸能保其明春

不再侵犯我邊乎侵犯勢勝則長驅劫掠塗炭我疆

宇不勝則討賞聽撫復講進

貢仍以其玉石鑲銕之類罷

中國之驛遞以供之廣布姦回乘機肆隙豈肯終能賓

服乎為今之計將欲與師遠討則

調中奏議全集卷十七 四〇

中國之兵馬錢糧日見消耗各鎮不甯凶荒屢奏斷難

舉也莫若閉關絕貢永不與通但閉關絕

貢議者以為土魯番可罪矣而諸夷未得罪也一例絕

之恐眾敵于我以臣觀之士魯番橫行西域雖天力

國撒馬兒罕等皆聽其驅至縱使稱貢亦求路於此

抑或者近日所貢獅子西牛西狗等物亦土魯番假

冒其名以誘

中國耳今日止曰遇者土魯番糾眾敢犯甘肅逆

天道背國恩今絕其貢方命守臣整兵往問其罪諸夷效

順者亦漸止入關恐叛服難別俟數年察其情偽再

行議貢則亦未嘗直拒於諸夷諸夷或者結怨於土

魯番矣待甘肅之士馬差強潛住之姦回淨洗元氣  
充養邪惡驅退待乏其常物之用屈其得慢之心固  
絕之久入我範圍然後徐議之或更其立哈密而為  
甘肅之蔽或斤其守封疆而開沙爪之境縱使入貢  
必使處寓有所而交易有時稱進有防而遣歸有限  
未若今日回漢雜處守臣朝議於公府姦細夕達於  
種類幾釀成今日內應之變也既絕其貢將拿獲姦  
回為亦哈信等俱各再審無異依律處決其餘進  
貢及寄住甘肅者各訪別意向或布處陝西各邊或遷  
徙兩廣福建等處所貢獅子西牛西狗皆解其檻而  
縱之關外甘肅地方儲積糧草閱實軍馬但遇侵犯  
即行征剿則回賊之患庶乎可除而甘肅重鎮方可  
為

湖中奏議全集卷十七

四二  
八〇一

國家有矣等因奏奉

聖旨兵部知道欽此欽遵該兵部會同太保兼太子太傅  
武定侯郭勛等吏部尚書廖紀等覆題議照招携討  
叛聖王馭戎之權納貢稱藩外夷效應之體今土魯  
番雄據西域吞噎諸夷將我  
朝所立哈密忠順王前後夷滅其罪已不容誅而  
猶容其進貢者

朝廷以遠夷犬羊不足深較姑示羈縻而已彼乃益肆  
奸黠包藏禍心無故與師二萬謀奪我之地土假貢

使以探虛實備同類以為內應幸仗

宗社威靈守臣宜力殲彼大酋失勢遠遁雖城池無恙而  
村寨居民不勝踐蹂似此狂狡為患邊疆縱未能勤  
兵遠討豈可復容入貢或謂西域國多理難盡絕蓋  
今次入寇實亦借助諸夷之兵貢道不通則

中國貨物不入西域而諸夷歸怨亦足散其黨而離其  
心數年之後果能悔罪復還哈密之封再為議處所  
據開關絕貢揆以今日事勢宜從守臣之請不必疑  
阻其謀為內應為亦哈信等一百六十七名搜出私  
書藏有兵器事跡顯露宜重極刑但人犯數多先已  
奏行彼處巡按御史再加詳審情真罪當照例轉詳  
待報處決如有寬濫即與辦理原發涼州等城監候  
各起進

湖中奏議全集卷十七

四三  
八〇一

貢并貢回哈密土魯番夷使查得先年曾有遷發兩廣  
事例但今人眾難以一舉發遣合無於內量為查審  
奸點頭目數十人及寫亦虎仙遺下家丁哈刺丹兒  
等五十一名俱發兩廣地名安置其餘隨從夷人并  
盤出大黃禿石等項及隨身財物俱令帶回并胃稱  
撤馬天方等國夷使通行所在官司差官探軍逐犯  
管送出官不許沿途延住但臣等今日會議止擬所  
奏恭酌處分而事情隔遠未必悉中機宜為留提督  
三邊軍務尚書楊一清素諳邊情練習事體合無將



前項所議事情仍行本官再加審處如果相應依疑  
施行中間或有窒礙得應合另處者徑自具

奏定奪等因題奉

聖旨是這所議事情還行與楊一清着再加審處奏

來定奪欽此欽遵備咨到臣行間又准兵部咨為整理  
邊務以備虜患事該提督軍務本部尚書金獻民題  
前事內一件議處回夷照得土魯番回夷僻在西隅  
其人貌惡而心險自漢以來叛服不常我

太祖高皇帝奄有萬國制誥不許回回入貢蓋深燭其情

而洞其心也永樂後始復來貢一時守臣失於防微  
縱其商販馬匹而不知禁任其遲延歲月而不知促

關中奏議全集卷十七

四三

又川

由是我之虛實險易無不周知成化八年哈密王脫  
脫故絕酋長速壇阿力將王母并金印捨去占據其  
國速後罕慎繼立速壇阿黑麻者宏治元年又將罕  
慎殺死陝巴繼立宏治七年又將陝巴執去自此得  
慣累為邊患

朝廷震怒命將征剽開關絕貢各夷方知悔罪遣使送

還陝巴由是賈路復通往來無忌而然州寄住之回

益多矣正德年間速壇滿速兒大肆好竊又將哈密

王執去占奪城印聲音要犯甘肅該前鎮巡官具奏

欽命都御史彭澤統領兵馬并帶錢糧賞賜前來經畧處

置回賊慮其開關絕貢照舊遣使納款獻還金印一

以緩我師一以釋我疑然貢使未入金城而賊兵已

過嘉峪矣臣惟中國之於夷狄因時納貢厚往薄來

非徒得其嚮化之心實欲弭其侵邊之患前項回賊

旋侵旋貢旋貢旋侵狡謀狡計大畧如前所陳茲者

天奪其魄自來構釁挫衄遠遜但彼之日用資我者

甚多竊恐失利日久乞哀求貢之請又在旦夕矣即

今河西地方民窮徼骨萬一見之不真復聽入貢必

將浚民之膏血為之飲食勞民之筋骨為之役使驛

路騷擾鷄犬不甯臣恐河西兩鎮之軍民十五衛所

之疆場終當被其擾壞也臣原自今以後遇彼求貢

宜下

關中奏議全集卷十七

四四

又川

明詔聲其累世不恭之罪閉我關門絕彼貢獻申命該鎮

守謹斤烽墩益嚴兵備以待之則彼之姦謀破沮狡

計無施河西垂首待盡之民庶幾其有更生之望矣

又一件議處夷使照得哈密衛撒馬兒天方國等處

夷人嘉靖三年內各帶方物入貢甘肅鎮巡官陸續

驗放入關已到莊浪等處住歇近因回賊擁眾入寇

各該官員恐為內應俱各禁治焉候奏

請定奪除各官防有實跡者不敢輕議外其餘慮有變而

未見指實者臣竊有言焉夫夷裔之人深情厚貌內

應之謀難保必無但帝王之於夷狄知天地之於萬

物以誠信為本前項夷使若以為詭譎難信始不當



驗之人關若以為舊例當貢今不當置之於法况彼以貢獻為名既入我國而逐誅之則類於殺降外國聞之疑我誘殺使臣望風觀避不肯入貢豈不自生疑二自開邊際乞

勅該部從長計議轉行甘肅鎮巡官將前項夷使再加詳審務要訊訪得真議擬允當如無指實即便差人伴送來京入貢量加賞賜以慰其心若是專出風聞情有可疑亦要省論遣還不必深究如此庶情法不徧恩威並著夷人知所感畏而將來之患可息矣等因該兵部議查得先為捉獲姦細構引大勢回賊犯邊奪取地方等事已經會旨題奉

關中奏議全集卷十七

四三

聖旨是這所議事情遵行與楊一清着再加審處奏

來定奪欽此已經欽遵去後今所奏事情與本部原會官議處大畧相同別難再議合仍行提督軍務尚書楊一清查照先令事理一併再加審處俱奏定奪節該奉

欽依准擬欽此欽遵通咨前來為照甘肅鎮巡等官都御史陳九疇等巡按陝西監察御史盧問之并提督軍務尚書金獻民後先論奏皆欲開關不容土魯番入貢及欲查審姦回夷使遷徙發遣等項事情迫論先年之失策參以今日之事勢斟酌情法委曲詳盡節該兵部會官議處已有定見而

朝廷又欲行臣再加審處奏來定奪蓋

聖明軫念邊方事重廣聽博納深慮却願必欲事中機宜萬無一失但臣雖舊曾節制陝西諸鎮相離二十餘年人情事體恐不盡同况前項夷人犯邊求貢等項俱係近年事情臣今初到地方見有達賊數萬竊伏河套窺伺方將經理陝西延甯三鎮兵馬錢糧防禦甘肅相去尚遠未得親去巡歷古語云終身坐談不如一時之親見彼處鎮巡重臣及守巡管糧三司官員親履其地目擊其狀知之必真合行諮訪採擇詢謀僉同庶無遺患且各種夷人除謀為內應為亦哈信等一百六十七名搜出私書藏有兵器事跡顯露

關中奏議全集卷十七

四六

先已奏行巡按御史詳審情真罪當照例轉詳待報處決如有寬濫即與辦理別無施行外其原發涼州等賊監候各起進

貢并貢回土魯番夷使各官欲查照先年事例遷發兩廣地方安置充軍兵部會官又稱人眾難以盡發要於內量為查審姦黠頭目數十人及寫亦虎仙遺下家丁哈刺丹兒等五十一名俱發兩廣地方安置其餘隨從夷人并盤大黃頑石等項及隨身財物俱令帶回通行所在官司差官撥軍逐程管送出官不許沿途延住緣前項夷人不知今仍在涼州監候或又分送何處監羈未經查明其冒稱撒馬兒罕天方等

國夷使都御史陳九疇等奏內要行分處腹裏地方不必起送邊國暫住數年另作議處尙書金獻民奏則以爲彼以進獻而來與駭之入關不當置之於法似合

中國所以待回夷之體但前項夷人并貢物亦未知見今羈留何處相應查處已經移咨甘肅巡撫都御史寇天敘會同鎮守太監總副將官及督同二司巡守管糧并行都司官從長計議熟思審處今後土魯番應否照依眾議開我關門絕其

貢獻永不與通惟復中開別有室得今當作何區處宜監候各起進貢并貢回哈密土魯番夷使兒在何處監

賜中奏議全集卷十七

四一  
XIX

候各若干名應否進行發遣兩廣地方安置充軍惟復查審奸黠頭目數十人及烏亦虎仙遣下家丁哈刺丹兒等五十一名照例發遣兩廣安置其餘通行所在官司管送出關其旨稱撒兒馬罕天方國進

貢夷人兒在何處應否照依都御史陳九疇所奏該部所議一體差官撥軍管送出關歸國惟否量照尙書金獻民所奏甘肅鎮巡官再加詳審說訪得真如無指實差人伴送來京入貢若是事出風聞情有可疑亦要省論遣遣不必深究俱早爲查嚴作急咨報前來以憑彙詳定處回

奏月久未報又經節次行催去後嘉靖四年十一月內

臣自延甯巡邊回還套內虜賊遠遊地方稍甯方欲親詣甘涼地方處置前事本年十二月內准吏部咨爲傳奉事奉

欽依行取回京切思前項夷情節該  
廷議題奉

明自行臣審處奏來定奪已經半年之上尙未覆

奏心不自安專差都指揮同知楊佑賈文前去守催議報臣起程行至西安府華州地方據各官咨報前因切惟土魯番賊寇自速壇阿力以來種惡數世殘滅我哈密封國虜王母戕罕慎執陝巴誘拘速壇拜牙郎搶奪金印占據城池爲患幾六十年

賜中奏議全集卷十七

四六

累朝列聖深懷以大字小之仁兼體王者不治夷狄之義文告之辭先後繼出撫夷之使相望於道彼番逆天皆命怙終不悛嘗興問罪之師而又不忍爲犁庭掃穴之舉嘗下招貢之

詔又因其納款而許之復通致使彘回以哈密爲奇貨可居後

中國之莫能制命數年之前朕殺肅州將官去年復大舉深入圍困甘肅城堡聲言要奪地方罪大惡極神人之所共怒

王法之所必誅都御史陳九疇御史盧問之尙書金獻民等後先所議皆欲閉關絕貢辭義嚴正推論詳悉

已經

廟堂大臣參詳稱允為今之計必當出此更復何言看得巡撫甘肅都御史寇天敘會同鎮守太監董文忠總兵官都督姜夔副總兵趙鎮等議稱自古懷柔遠人自有定體我

朝撫待四夷亦有常道前項所擬乃一時權宜未為經久之計士魯番於我

中國所利甚多若終於拒絕則失其所以為生彼亦不能帖然安靜必先時復遣兵騷擾我邊况我邊疆之守與不守係於邊備之備與不備初不係於回夷之通與不通使我邊備誠修回夷通亦可不通亦可我

關中奏議全集卷十七

四九

XXXI

邊備不脩通固不可不通愈不可土魯番酋所以敢屢肆逆命者姦黠譎詐固大羊之常性然以正德年來觀之我亦有可乘之釁也為今之計惟在脩我邊備使狼草充積土馬精疆城堡堅完烽火嚴明彼來求和則責以大義峻詞謝絕彼來侵掠則整棚兵馬痛加剿殺使彼求通不得侵掠無獲數年之後必悔罪納款還我哈密歸我拾虜男婦度其誠懇姑容入貢既通之後必須查照

祖宗舊規處待有道使彼無詞可借無隙可投如此庶恩威兩盡不悖古人柔遠之道等因參詳所議蓋各官均有地方之責知虜患之難測恐兵糧之不斷將來

果有大舉侵犯兵力難以支持萬一債事貽患重典

難辭故雖不敢遽為通貢之言以拂重論亦不能終

主絕貢之議以貽後艱度彼度已有不得不然者耳

臣去年題為傳報回賊聲息事內稱禦戎無上策自治為上策今甘肅地方兵馬寡少錢糧空乏城堡無

金湯之固戰馬無充厥之良原額戎伍逃亡接踵而

其名徒存見在軍人飢寒困憊而其形徒在已且未

治何以治人內之不安何能攘外近詢之邊人又有

不止於臣之所言者矣且正德十一年肅州之釁將

官被其戕殺兵民遭其荼毒去年甘州之寇寨堡殘

破不知若干人畜殺虜何止數萬比之正德十一年

關中奏議全集卷十七

五十一

XXXII

又復數倍彼為守臣者寇之未來既不能阻遏寇之既至又不能截剿滿其所欲得利而歸乃輕信下人之言以為速壇滿速兒牙木蘭俱被鎗砲打死遂以殲厥大酋之功而掩其殘破地方之罪今二酋固無恙也雖火者他只丁之死稍雪邊人之忿然既不曾大遭剽劫豈有懲戒所以去年三月復遣其酋首脫脫木兒領兵數百竊伏邊境窺伺幸而永昌將官馬雲輩襲殺敗走斬其渠魁庶足稍判其鋒况先年土魯番之敢於殘滅哈密者皆因哈密姦回如寫亦虎仙輩主使各官所論誠是也

朝廷亦曰明正典刑矣而其近年之擾我藩籬肆行無

思始固有以致之後又有以激之鎮巡所謂有可乘之釁者以此醜虜節遞番文亦往往歸咎于人夫既不能制其命又無以服其心我能絕其入貢之路不能阻其犯邊之路倘此虜始終不悛糾眾復入而我殘壞之寨堡脩葺未完創傷之兵馬元氣未復甘肅之地豈堪再破壞耶且腹裏人民飢寒所迫輒相肅聚為盜彼強盛之虜既失其所以為生豈肯坐以待斃侵犯之謀勢所必有及照河西一線之地西甯有亦卜刺之賊任伏為患莊浪有後山之寇時出剽掠倘或二寇並作我之兵馬西禦回夷東備達虜不知有餘力否也客兵雖數萬可以調發而倉廩在在空

關中奏議全集卷十七

五三

XII

虛將何取給事勢至此恐無善終之策矣臣愚請及今空隙無警之時宜因其求和行令甘肅守臣差遣的當撫夷人員同差來虜使及寄住屬番譯寫番文責諭速遣滿速兒牙木蘭等大意以為爾等棄後

天道違背

國恩數犯不悛罪不容赦群臣皆請調發各鎮精兵三十餘萬直搗爾巢聲罪致討

天皇帝好生之德念爾夷地人民亦是

朝廷赤子為惡之人固自有數大兵所至誅剿無遺

聖心不忍止令守臣閉關絕貢永不許通令爾屢遞番文

再三求貢情辭懇切令特令人省諭爾果有悔過實

心將原封進壇并牙郎送出還國將爾戍守哈密之人俱各掣回仍查近年教唆爾犯邊首惡人犯械送甘州三堂衙門明正其罪及將所虜掠甘肅一帶城堡軍民人口盡行送回待鎮巡官奏

聞

朝廷將爾既往之罪一切赦宥許爾照例通貢不絕爾之衣食保全爾之生命仍將爾進貢在京在途夷人除罪惡顯著外其餘俱各發遣出關歸還爾土若不依聽前言斷然閉我關門絕爾貢路倘爾復來侵擾我地方已命守臣調集大兵痛加誅剿爾悔之晚矣如此論之庶幾開其自新之路緩其入貢之謀我得

關中奏議全集卷十七

五三

XIII

以及時脩飭邊備料理兵糧若猾虜不肯悔過我之內治既脩寇至有以待之以守則固以戰則克地方可保無虞矣天下之事有理有勢理經也勢權也守經而不達權原理而不及勢其不貽禍人家國者幾希矣閉關絕貢理也經也許其自新勢也權也如前所處彼縱有狂謀無詞可執所謂權而不失其經也論者動舉漢光武時事為言夫光武固嘗謝絕西域休息生民是時兵精將虜彼聽則中國晏安不聽則遣兵伐之其勢在我而不在彼今日兵將強弱視光武時何如恐我不能持其勢以臨之故不得不權為之處也我

累朝列聖豈欲甘其背慢而常撫之以恩良以遠夷不足  
深較亦恐結繫於彼以勞我人馬耳夫既不能行之  
於先年整暇之時而欲圖之於今日破壞之彼可乎  
至於處置夷人除謀為內應寫一哈信等二百六十  
七名以行巡按御史詳察情真罪當照例轉詳待報  
處決如有冤濫就與辨理徑自施行外其原發涼州  
等城監候今寄監蘭州臨洮府鞏昌衛三處哈密進  
貢夷人米力思藍等三十名及莊浪衛見監  
貢回哈密夷人除病故外失黑麻黑麻等一十四名并  
土魯番進

關中奏議全集卷十七

三三 又川川

貢未回夷人拜牙答等二十二名都御史陳九疇等奏  
要照例遷發兩廣安置兵部會議又稱人眾難以一  
槩發遣要於內量為查審發點頭目數十人及寫亦  
虎仙家丁哈刺丹兒等五十一名俱發兩廣安置今  
據各官議稱各夷中間姦黠難以審辯相應與哈刺  
丹兒等俱發兩廣安置臣恐本夷日後悔過納款乞  
遷進貢夷人無從發遣歸國合無將寫亦虎仙家丁  
哈刺丹兒等五十一名先行盡數發遣兩廣安置仍  
將見監夷人米力思藍等三十名失黑馬黑麻等一  
十四名與進  
貢未回在京在途土魯番夷人滿刺阿都刺等二十八

名哈密夷人并牙答等二十二名俱暫且羈候腹裏  
所在地方待候虜情向背已定另為議處其見監莊  
浪衛天方國貢回夷人母滿刺丹等三名撤馬兒罕  
貢回夷人土陸孫等五名見監末昌衛撤馬兒罕貢  
回夷人一名木奔奔進

關中奏議全集卷十七

三四 又x x 8

貢未回撤馬兒罕夷人九十九名天方國夷人二十六  
名雖真偽難辨但彼以貢獻而來我既驗放入關若  
疑其詐冒則又無實可據合行在京在途官司催促  
前來與莊浪永昌寄監者鎮巡官陸續驗放出關遣  
歸本土其原帶方物并隨身財物聽其領回不許官  
司侵剋重失遠夷之心人情事體似為穩便然今日  
之所以慮番夷者非轉欲恃通貢為長策以舒後日  
之患也其所重在於脩內治以待之耳宜仍  
勅甘肅鎮巡官朝夕警惕無忘此虜嚴斥烽埃申明紀律  
脩葺城堡整飭器械振威武以警外夷之心明賞罰  
以作我軍之氣將節次發去官銀趁時廣積糧料草  
束務勾容兵萬餘數月支用倘有不敷作急議奏上  
請定奪兵糧有備則河西安河西安則關陝安而中原安  
矣以後夷人若果諭誠納款容其入貢宜如御史盧  
問之所言必使處寓有所而交易有時稱進有防而  
遣歸有限其始至也嚴禁邊臣不許侵其貢物而滅  
其供應之費其既入也嚴督各該地方不得任其遷

延而勒其貿易之資夷心既得則邪謀不生貢道之  
通不足爲無病矣臣老矣不敢雷同附會以陷欺罔  
之罪謹疏其所見所聞者如此但恐精力衰耗志慮  
踈淺況又不曾親詣彼處地方豈敢自以爲是如蒙  
乞

勅兵部叅詳可否會官議處上

請

聖裁倘有踈漏未愜眾情合無仍行新任提督尙書王憲  
再爲審處具

奏緣係捉獲姦細搆引大勢回賊犯邊奪取地方及節  
奉

關中奏議全集卷十七

三五

川

欽依着再加審處奏來定奪事理未敢擅便爲此具本專  
差承差王經邦親賁謹題請

旨

關中奏議全集卷之十七終

關中奏議全集卷之十八

提督類

一為處置屬番以安邊徼以杜後患  
欽差提督陝西三邊都御史臣楊一清謹題

以安邊徼以杜後患事嘉靖五年正月十八日准巡

撫甘肅等處地方都察院右僉都御史寇天敘咨據

陝西按察司分巡西甯道帶管肅州兵備僉事李孟

旭呈奉本院會案前事依奉會同分守肅州右叅將

都指揮同知雲冒本司甘肅管糧僉事周汝勤督同

肅州衛掌印指揮使李堂并撫夷官通議得哈刺灰

畏兀兒及川邊王子莊赤斤苦峪柴城兒扇馬城大

關中奏議全集卷十八

一

草灘等處各種番達俱是我哈密蒙古罕東等衛屬

番皆屬肅州衛帶管先年俱被土魯番哈密回子侵

奪搶殺窮迫求生來投本衛依住節蒙總制鎮巡等

衙門奏

請差官撫遣回還本土各夷畏懼土魯番吞併殺戮不敢

回還鎮巡衙門憫其窮無所歸不忍驅就死地且恐

驅迫之急反生別患又察各夷情勢無他從宜將哈

刺灰畏兀兒二種夷人暫且安插肅州東關廂居住

川邊王子莊赤斤苦峪柴城兒扇馬城大草灘等處

各夷暫且安插肅州境外金塔寺地方居住令其自

為耕牧待後西事稍甯哈密復立仍各遣還住守故

地中間有住居四十餘年者有十數年者內哈刺灰

畏兀兒二種屢曾與土魯番死戰原係哈密忠臣未

嘗有過住居我邊年久時有調遣未嘗敢違亦未嘗

作惡川邊等處番達住居金塔寺地方去肅州一百

二十餘里亦各安居樂業未敢生事近該前巡撫都

御史陳九疇等及兵部尚書金獻民慮恐前項哈刺

灰畏兀兒并川邊等處番達原係夷種非我族類誠

恐日後取非其人主不制客尾大不捷遺患地方欲

要早為議處將哈刺灰畏兀兒揀擇肅州城外空閑

堡寨安置將川邊等處番達修築前古丟棄威虜舊

城安置庶番漢異域可免後憂奏行兵部轉行提督

關中奏議全集卷十八

一

一

軍務兵部尚書楊一清復行鎮巡衙門通行詣肅州

處職等又督同撫夷官通拘調各番頭目親職等審

城北查勘確有新城一處空堡離城三十里又有煖

泉板橋二堡各離城十里俱係肅州軍餘春夏務農

住居之所冬間空閑相應安置各夷因曉諭各夷番

漢雜居終相疑二徙居別所兩取便安等情內哈刺

灰有二種欲將新哈刺灰安置新城兒舊哈刺灰安

置煖泉堡畏兀兒安置板橋堡內新哈刺灰云此是

鳥雀不落之地我們如何住的舊哈刺灰與畏兀兒

云我們東關住居年久各有置買房屋不能割捨我

們情願入堡將我們家小仍留在東關也罷職等又



諭以既安你輩入堡你原置買房屋聽你賣與漢人  
或自行拆卸堡中修蓋你原無房屋者官司替你另  
蓋務要使你得所因諭以回子去年每每遺言反間  
說你哈刺灰畏兀兒教他來犯邊倘若鎮巡不察其  
姦你們也不安穩處你別處居住則你輩有畜牧之  
業我無疑猜之嫌兩相便安豈不是好各夷方云我  
們俱是

朝廷管的屬番任從三堂所處豈敢不從方各承認看  
得新哈刺灰原無房屋一向趨逐水草搭帳住居合  
無將新城堡修理城門堅完令其在內自搭帳房居  
住煖泉板橋二堡城門破損令舊哈刺灰畏兀兒東

關中奏議全集卷十八

三

又川八

關原有房屋者或轉賣或拆卸自行堡內修蓋居住  
舊無房屋者官司替伊起蓋並將城門修理堅完待  
奄克孛刺之子襲職回日令其管轄在內居住前項  
修門修房工費不多本鎮可以自處又看得威虜城  
在肅州正北去肅州二百五六十里金塔寺在肅州  
東北去肅州一百二十里川邊等處各夷舊巢去金  
塔寺近而去威虜城遠況各夷見今俱在金塔寺耕  
牧居住今使之舍近而就遠恐非其情且金塔寺去  
肅州已遠處之於彼亦無所妨况先年鎮巡原擬暫  
留居住事甯遣歸本土亦非久住之地且威虜城頗  
大城垣倒塌者多城門俱各損壞無存所費工力頗

多大約修築墻門除木料外可用人夫六七千人又  
要軍馬二百里之外架梁防護人夫所用食米不費  
況今肅州年成薄收米糧高貴回虜不時在外窺伺  
披中國而役遠夷非計之得者也且各夷住居金塔  
寺年久亦已安便所據欲要修築威虜城安置川邊  
等處番達似非所急職等愚見如此呈乞裁奪回覆  
施行等因據此案查先節准提督軍務兵部尚書楊  
一清咨前事煩為會同鎮守太監總兵副叅等官督  
同二司兵備分巡管糧等官議處停當明白咨報以  
憑核酌回

關中奏議全集卷十八

四

又川八

奏定奪等因又准兵備咨為整理邊務以備虜患事俱  
經節行各官議處踏勘去後今據前因會同鎮守太  
監董文忠總兵官署都督同知姜夔協守甘州左副  
總兵趙鎮會議得弭患貴防於未然弭患不預則引  
蔓滋長後將難圖舉事宜乘夫機會不至則本  
欲集事而反以僨事前項夷人哈刺灰畏兀兒住居  
肅州關廂番漢雜處久遠之慮誠有如兵部尚書金  
獻民及前巡撫都御史陳九疇等所奏者安置別所  
使番漢異域後患可消深慮曲防防微杜漸之意固  
為有見但各夷住居肅州關廂四十餘年並未嘗為  
惡時常聽我調遣且所居房屋或有典買或有自蓋  
設之重遷亦人之常情今無故一旦遷之於外雖因

巡守官曉諭一時屈從探其本心終有未安者觀其對各官之言可以槩見本院與總兵官姜夷近日出巡至肅州亦曾拘調各夷帶領撫夷官通親到前項堡寨曉諭前意各夷所對之言與前大畧相同況今西域土魯番構怨方深正諸夷扼掣不安之秋在我惟當以鎮靜安輯爲主若又遷置各夷紛紛多事以拂其心臨期倘有生拘則事雖中止欲事必成又恐患生意外所據川邊等夷見往金塔寺地方者不必遷動又徒威虜舊城徒費工力自取騷擾其哈刺灰畏兀兒見在東關住居者亦且暫令仍舊居住待後西事頗甯年成豐稔人情洽和本鎮措處錢糧有緒

關中奏議全集卷十八

五

八三

將新城兒煖泉板橋二堡合用修築房屋城門等項  
二料計處停當月行奏

請明不修蓋完備將各夷撫諭安置其中暫住待候哈密復立仍照原擬遣還本土如此則乘時舉事事庶可集各夷不至驚疑而地方可免後患矣緣係處置屬番以安邊徼以杜後患事理合就備咨前去煩請裁處具

奏施行等因到臣案查先准兵部咨該本部題該巡撫甘肅等處地方都察院右副都御史陳九疇題前事內開會同鎮守太監董文忠總兵官署都督僉事姜夷議得哈密本元人脫脫之國洪武年間以其國來

降改爲哈密衛封脫脫爲忠順王與之金印使長西域入貢之戎于時土魯番尙爲小國其部落回子臨近哈密者遂臣服於脫脫故脫脫部下有三種曰畏兀兒曰哈刺灰皆韃靼之種而回子則土魯番之遺孽也脫脫故後王母當國土魯番欲奪哈密乃因哈密回種夜半獻門遂殺王母而畏兀兒哈刺灰致死巷戰始卻回賊保全哈密此其結讐之始也其後罕慎繼守哈密土魯番仍因哈密回襲殺罕慎而畏兀兒哈刺灰與難者又數百人此其成讐之漸也逮夫陝巴復立奄克孛刺掌國討殺國內回回皆於二種之力此其積怨之深迄今而未解者也以故速壇

關中奏議全集卷十八

六

八三

并牙郎既去西域而奄克孛刺亦奔肅州二種夷人亦挈衆而至此大槩也至於沙瓜卽漢之燉煌郡我朝改爲蒙古衛川邊苦峪赤斤卽漢時屯田柳中地改爲罕東衛沙瓜赤斤等處番達本皆一種枝大散處故因地取名各異耳川邊赤斤之番各當土魯番哈密入貢之路貢回夷人須有獻遺方得過往不然則攫取而殺害者時亦有之以此西城賈回遂與成讐正德七八年間寫亦虎仙牙木蘭等率土魯番哈密之衆將川邊王子莊苦峪赤斤等番殺虜數千人以去以此諸番窮迫不能自立來依我邊已經前鎮巡等官奏

請安插今已十三年此其大畧也據此各種番達舊屬  
肅州管轄節與回賊構難故各投邊依住其瓜州番  
達叛服不常已經臣等會奏另候處分外照得川邊  
苦峪赤斤之番爲數雖多而精壯者少且各安插遠  
堡縱有異謀勢亦易制至於哈刺畏兀二種本皆生  
達爲數雖少精壯者多且處關廂近地何異抱虎而  
眠跡其今日似若無事然家人父子尙有嫌隙異類  
雜居終難輯睦一旦馭非其人變生不測必危邊境  
誠有如丘備參將之所議者今若必欲邊境奠安俾  
無後患惟有遣還屬夷各回本土使虺蛇不隱於室  
閭虎豹不伺於樞檻庶免後日竊發噬臍之患但今

關中奏議全集卷十八

哈密沙瓜已順土番嘉峪關外卽爲賊境西域從此  
不通地方滋益多事其畏兀兒哈刺灰斷不敢歸還  
哈密而罕東之眾亦不能住守川邊苦峪赤斤等城  
亦明矣必欲圖我之安而不恤夷人之苦旣逆其情  
必失其心窮無所歸勢將返噬彼如北合瓦刺西連  
察合豈不又生一敵所謂借寇以兵而資盜以糧爲  
計不已拙乎爲患曷其休已若欲姑留依住又恐日  
後患生肘腋禍起蕭牆究根坐由罪在今日臣等雖  
死亦不瞑目是一者遣之有患而留之亦有害也去  
留之際處置實難臣等愚昧誠未知處如蒙伏望乞  
勅兵部會集多官詳加議處明示進止以憑施行臣等又

查得宏治年間土番阿黑麻王子憑藉哈密竄回襲  
奪哈密城池虜去忠順王陝巴殺死阿木郎都督奄  
克孛刺擊畏兀兒哈刺灰二種夷人二千餘名口來  
奔肅州鎮巡等官將各夷分寄涼莊山永等衛月與  
口糧寄養數歲

朝廷思慮預防恐其有變

兵部侍郎張海都督侯謙令其撫處哈密兼察哈密寄  
食夷人動定與奄克孛刺向背之心其辭有曰自哈  
密食守之後隨罕慎內附者處之苦峪旣而復返今  
又來奔中間未必皆出自哈密或有別種豈無異心  
奄克孛刺不知其心向背如何使居其地一旦有事

關中奏議全集卷十八

足以拒乎否乎其行都司在外七衛二所并嘉峪關  
外近邊之地更有堪以屯聚耕牧之所可以開創營  
寨擢用頭目分統其眾如苦峪者否又苦峪近地其  
間有無前古廢城遺壘可以興復建置如苦峪事例  
散處夷眾者否一一仔細詳加尋訪踏勘是實熟思  
審慮必有利而無患的然可以爲安內方略來上以  
朝廷再加審處伺便乘機而行之以爲制外之張本觀  
此則先時  
廟堂之上所以計慮而安慮屬番者未嘗不曲委博盡  
如此之至也旣而張海等覆稱訪得陝西行都司在

外衛所西南地險番夷雜處鎮番地窄偏在一隅高臺鎮夷地小俱不堪開創嘉峪關外近有大草灘白楊林兩地廣漠斤鹵彈丸黑子不堪耕牧惟甘肅等衛俱係鎮守分巡重地可以安輯防微杜漸終宜驅出但阿黑麻逆命哈密未復陝巴未歸無時可乘無機會可遣欲要先行於哈密眾夷之內推舉根基頭目數人分管各種回夷分別應否遣還人口給與布花種食令其盡數歸還本土下兵部可其奏又可見先時撫邊大臣計慮周詳雖知終當驅出然不忍以內附屬夷驅而置之必死之地所以含容隱忍姑且安插甘肅寄住兩地蓋其當時理勢使然不得不姑

關中奏議全集卷十八

九

八

爲是處耳其後阿黑麻悔過送出陝巴復令守國前項夷人因寄住年久安土重遷半隨陝巴之國半在甘肅寄住迄今殆將四十餘年矣曩者速壇并牙郎去國奄克字刺奔肅其畏兀兒哈刺灰二種夷人已竭族避難而來其在哈密者止有回回一種耳今此二種夷人既已居住年久又與回種世讐一旦逆情遣出必生變故爲患遂在目前此又不可不長慮也臣等又訪得哈刺灰畏兀兒惟事畜牧不善耕作合無揀擇肅州北邊久棄空閑堡寨水草便利之所少費官錢爲其修理城郭改造屋廬諭以番漢雜居終相疑一徙居別所兩取便安之理泥奄克字刺之切

子近據該衛起送襲職待其回還令其管轄部落且容不去哈密令其暫住隨邊復亦無不樂從者至於川邊王子莊苦峪赤斤等眾人頗訓順亦善耕牧先年嘗令住牧境外百里地名金塔寺者彼亦安居樂業不敢生事合無因前古丟棄威虜舊城再加修築挑濬壕隄以處其眾是肅州地面又添一藩籬也良於地方有益如此則與先年處置內附番夷者事體相同但使遣去城郭何患包藏禍心縱有不逞之徒叫跳於藩籬之外旣絕內應亦不足以病邊城矣雖然此番處耳若欲久安長治必須界彼疆域漢自漢而番自番庶乎邊地可守今哈密沙瓜俱已叛順回

關中奏議全集卷十八

十

八

賊嘉峪關外未可輕議也等因題奉聖旨兵部看了來說欽此欽遵該兵部議擬看得都御史陳九疇題稱瓜州番遠草卜苦等狼子野心終難訓化若不痛加誅戮無以威制諸番其哈刺畏兀二種本皆生邊爲數雖少精壯者多今處關前近地何異抱虎而眠欲遣還本土又恐窮無所歸勢將返噬若姑留依住又恐日後生患乞要勅下會官議處及稱哈刺灰畏兀兒惟事畜牧不善耕作合無揀擇肅州北邊久棄空閑堡寨水草便利之所少費官錢爲其修理城郭改造屋廬諭以番漢雜居終相疑一徙居別所兩取便安待奄克字刺之切

襲職回還令其管轄無不樂從至於川邊王子莊若  
哈赤斤等眾人願訓順亦善耕牧合無因前古丟棄  
威虜舊城再加修築挑濬濠隍以處其眾良於地方  
有益若欲久安長治必須界破疆宇漢自漢而番自  
番庶乎邊地可守今哈密沙瓜俱已叛順回賊嘉峪  
關外未可輕議一節爲照遠人固所當柔而後患亦  
所當慮各種番達非我族類其心必異前代徙居內  
地其患可鑒但今旣稱寄任年久一旦驅之出關窮  
無所歸不北合瓦刺必西連察台未免又貽後患今  
各官旣稱肅州北邊空閑堡寨水草便利可以安插  
哈刺灰畏兀兒二種威虜舊城可以安插川邊王子

關中奏議全集卷十八

十一  
XII

莊苦哈赤斤等眾必其相度地宜審察吏情俱各停  
當似宜依擬但今都御史陳九疇已蒙陞職取回難  
責幹理及照新任提督三邊軍務尙書楊一清不久  
到彼似此重大夷情合無行移本官再行酌處如果  
事體穩便照原擬遷發安插仍具由回奏如果未  
便應該別處亦要具由奏

請定奪等因題奉

聖旨這安插諸夷事宜還行與提督軍務官着再行酌處  
務要停當欽此欽遵備咨到臣行間又准兵部咨爲  
整理邊務以備虜患事該提督軍務兵部尙書金獻  
民題內一件議處屬番照得哈密衛都督奄克孛刺

自正德六七等年節被土番殘害率其部下畏兀  
兒哈刺灰二種生達投來肅州依住節該鎮巡官奏  
請差官撫遣歸還本國各夷畏懼前番吞併殺戮俱不肯  
回迄今寄住該衛關廂者十有四年頃聞男婦不下  
千口帶甲挽疆之士近五六百人此固心腹之患也  
天生華夷自有界限卧榻之側豈宜容人鼾睡故番  
漢雜居致有五胡之亂華夷無別卒遺三晉之禍蓋  
以此等苗裔終非我族況本以畜牧爲生者擅富疆  
之部落住切近之門墻譬之飢鷹餓虎一時搖尾附  
人終有山林雲霄之志苟不亟爲一處以杜其漸將  
來潛住日久窺伺日熟誠恐患生不測必有噬臍之  
悔合無行移甘肅鎮巡官查照宏治年間侍郎張海  
等撫處哈密事例將前項夷人通行查出或以禮省  
論遣歸本土或憫其窮迫安劄別地務要計慮周悉  
區處停當期於內外肅清華夷兩便旣不可因循玩  
視失誤事機又不可處置乖方激生他變等因該兵  
部覆題查得先爲處置屬番以安邊徼以杜後患事  
該本部議擬題奉

關中奏議全集卷十八

十二  
XIII

欽依行移提督軍務尙書楊一清酌處奏  
請定奪去後今所奏議處事宜大畧相同合再行本官酌  
處等因節該奉

聖旨准議欽此欽遵通咨前來爲照肅州寄住畏兀兒哈

刺灰二種夷人乃哈密之部落亦哈密之忠臣先年  
土魯番戕殺王母既致死巷戰其後襲殺罕慎又死  
難數多至於陝巴復國討殺姦回亦多効力要其心  
跡本非有過乃因窮迫歸我求生寄住年久未嘗作  
惡比與哈密回回不同今都御史陳九疇等議以異  
類雜居終難輯睦一旦馭非其人變生不測必危邊  
境深慮曲防不爲無見但欲遣回哈密則彼與土魯  
番讐怨已深斷不敢歸還故土今要揀擇肅州北邊  
空閑堡寨水草便利之所少費官錢爲其修理城郭  
改造屋廬諭以番漢雜居終相疑二徙居別所兩取  
便安待奄克字刺勿子襲職回還令其管轄部落且

關中奏議全集卷十八

三八  
X 81

容不去哈密令其暫居臨邊積之事體似亦相應但  
恐各夷安土重遷不肯樂從若強之使去致失其心  
返生厲階及修理城郭蓋造屋廬等項未審工程多  
寡本鎮財力堪否供辦已經移咨巡撫甘肅都御史  
寇天教會同鎮守太監總兵副參等官督同一司兵  
備分巡管糧等官議處先行曉諭各夷使知彼有畜  
牧之業我無疑猜之念如果樂從仍計議修理城郭  
改造屋廬合用工料若干先期整理完備方可督發  
遷移川邊王于莊苦峪赤斤柴城兒扇馬城大草灘  
各種回達亦破土魯番殘害窮迫來歸不敢復還原  
土前該鎮巡議處准令暫安插金塔寺地方彼亦安

居樂業不敢生事今要因前古丟棄威虜舊城再加  
修築挑濬壕隍以處其眾既爲肅州北百添一藩籬  
又使遠去城郭不患包藏禍心前項所處似得柔遠  
防姦之意且與先年該部所處大畧相同但前項地  
方大草灘扇馬城柴城相離嘉峪關不遠王子莊則  
在苦峪之西離邊稍遠大約皆赤斤蒙古衛番族住  
牧之地近年節被回虜驅掠傷殘棄地方而不守投  
內地以求生今所議威虜古城未知相離嘉峪關外  
地里若干修築城垣挑濬壕隍應用工力若干委官  
踏勘明白就煩會同議處卽今臨邊有無回虜窺伺  
并修築之後防護之兵作何區處方得一一就緒料

關中奏議全集卷十八

三九  
X 81

彼夷人以帳巢爲官室以耕牧爲務糧既有城郭可  
以自保無不樂從之理俱要議處停留明白咨報以  
憑回

奏定奪去後今據前因竊惟防患當於未形防之太過  
反生意外之虞作事當謀諸始始謀不臧將無善後  
之策看得前巡撫甘肅都御史陳九疇等并兵部尙  
書金獻民後先議奏其說有二一則欲將肅州關廂  
寄住哈密畏兀兒二種夷人揀擇肅州北邊久棄  
空閑寨堡水草便利之處安插居住一則欲將川邊  
王子莊苦峪赤斤柴城兒扇馬城大草灘等處先年  
安插暫住金塔寺夷人因前古丟棄威虜舊城再加



修築以處其眾是皆欲嚴華夏之辦謹內外之防深慮却顧誠皆體

國安邊至意但懷柔遠人之道當順其情有未協強而使之恐生他釁且哈密乃

朝廷封國土魯番敢於殘破之使其播遷離析而我不能爲之所已失

中國懷遠恤患之義矣彼哈刺灰畏兀兒二種夷人皆忠於哈密被其戕害率眾來奔

先朝從守臣之議許其肅州關廂居住歷年滋久彼無反側之心我得調遣之用今一旦疑其後日之終不靖也而欲徙之北邊空閑寨堡安土重遷豈夷情之所

關中奏議全集卷十八

十五

八〇八

欲哉觀其對各官之言曰此是鳥雀不落之地我們

如何住的又曰我們東關住久各有置買房屋不能割捨我們情愿入堡將我們家小仍留在東關也罷

等語其情可見後各官諭之以好語動之以危言方纔承認終非所樂明矣其川邊王子莊苦哈赤斤柴

城兒廂馬城大草灘各種番達俱係境外屬番肅州衛羈縻帶管之數節被土魯番哈密回回侵奪搶殺

窮迫來歸先該總制鎮巡等官奏請暫且安插肅州境外金塔寺地方居住令其自爲耕牧

有住四十餘年者有住十餘年者今欲驅而置之三百里之外舍近就遠必非其情且原擬待後西事稍

甯哈密復立仍各遣還住守故地是猶存興滅繼絕作我藩籬之意若依前擬則恢復之念荒哈密之望

絕矣及照各官所擬新城兒煖泉板橋等堡堪以安插二種夷人之地修門修房等項雖費用不多亦未

免勞擾又奪肅州軍餘春夏務農之地以與之似俱有礙至於威虜城修築約用人夫六七千名又勞軍

馬架梁防護且今肅州地方番回之窺伺未已我兵之警備方嚴豈暇逆探未形之患以供不急之役乎

倘或番回乘我工作之際率眾侵擾禍且不測推原各官論奏蓋見前年回賊退遯誤信速壇滿速兒牙

木蘭已死之言遂謂肅州自此無事故有是言若體關中奏議全集卷十八

十六

八〇九

諸各夷之情參以今日之勢非惟不能亦所不敢據今鎮巡所言土魯番構怨方深正諸夷桀梟不安之

秋在我惟當以鎮靜安輯爲主若又遷置各夷紛紛多事以拂其心臨期倘有生拘又恐患生意外等語

似爲有見如蒙乞勅兵部參詳議擬合無將前項川邊王子莊等處番夷令

其照舊於金塔寺地方住牧以爲後日恢復之圖以存興滅繼絕爲我藩籬之意其哈刺灰畏兀兒二種

夷人亦且令其照舊肅州關廂居住不必預爲遷徙之說以礙其心待後番情甯謐財力有餘之日如果

事勢可爲另爲具



奏定奪庶使夷人無疑二之情地方無勞擾之患而我  
得以專意內修可收攘外之積矣緣係處置屬番以  
安邊徼以杜後患及節奉

欽依道安插諸夷事宜還行與提督軍務官着再行酌處  
務要停當事理未敢擅便爲此具本謹題請

旨

一爲整理邊務以備虜患事

題爲整理邊務以備虜患事准兵部咨該本部題該提  
督軍務本部尙書金獻民題前事內一件議處達賊  
照得亦卜刺等殘賊自正德四年節被小王子趕殺  
率其殘黨打刺豁豁等假息西甯境上計今十五六

關中奏議全集卷十八

七

XI

年春夏則趁逐水草住牧過冬則踏冰過河搶劫先  
該巡按陝西監察御史潘倣爲陳言邊務節該本部  
議得合候明年黃河凍消北虜復回西海之時查照  
先年宣城伯衛穎巡撫都御史吳琛等大剿番賊方  
畧選調主客官兵乘機併力剿殺題奉

欽依行移甘肅鎮巡官議處去後迄今未見作何區處臣  
竊料該鎮官員非敢故違遲遲也顧在我者以兵力  
則寡弱以糧餉則不繼兵機重務未容輕議夫帝王  
制馭夷狄之道惟有撫剿兩端求如剿者我旣不能  
庸力若不早爲議處將來黨與日熾其禍殆有不可  
勝言者矣臣查得嘉峪關外赤斤罕東哈密三衛夷

人俱以永樂年間率眾來降我

太宗文皇帝授官降印普爲藩籬迄今百五十年監守臣  
節此固

聖主深謀遠慮措置得宜斷因奴右臂之微意也臣愚以  
爲前賊性雖異類亦有人心西海之地彼旣盤據有  
年我終不得爲用合無查照前例於該鎮撫夷官內  
選差才識敏給周知番情者二三人或四五人前去  
近邊地方諭以

朝廷恩威軍門殺伐利害令其各安生理毋自作歹以  
速滅亡如果革心向化聽我招致就彼安插設爲衛  
所與赤斤等衛相倚倚許其以時通貢量加賞賚以

關中奏議全集卷十八

六

XII

結其心仍擇其雄策一二人授以職事立爲頭目使  
之鈐東部落遇有緊急聲息量調人馬爲我策應有  
功之日一體犒賞庶在不失制馭之道於彼或有  
感戴之誠而地方可保無虞矣但事體重大臣不敢  
擅擬合候

命下會同府部院寺及科道等官從長計議轉行甘肅鎮  
巡官再加審處如果可撫依擬施行或於夷情地方  
俱有窒礙即便查照御史潘倣建言及本部節行事  
理備償兵糧相機剿捕務要草薶禽獮以靖地方毋  
貽後患該本部議得前項達賊久據西海吞併番眾  
勢益彊盛亟宜處置所據撫諭安插設爲衛所撥以

職事許其通貢量加賞資使彼有歸向之誠在我增  
藩籬之固如大甯之衆顏遼東之建州等衛所故事  
豈非邊方經久之圖但恐夷性犬羊遽難馴擾且事  
體重大未敢適度合各提督軍務尙書楊一清督同  
甘肅鎮巡等官將所奏事情審度機宜酌量事勢前  
項達虜果堪招降立衛授官許其通貢以示羈縻如  
或夷性曠悍未可卒致必須加兵征剿再爲從長計  
處具奏定奪題奉

欽依備咨前來照得亦卜刺等達賊竊伏西海蹂躪番夷  
侵擾洮河地方先該巡按陝西監察御史潘倣奏要  
催僱兵根相機剿捕事理相應但我兵力尙屈未及

關中奏議全集卷十八

九

八二五

區處今提督尙書金獻民奏要照依

祖宗朝嘉峪關外設立赤斤罕東哈密三衛事例於該鎮  
撫夷官內選差前去近邊諭以

朝廷恩威軍門殺伐利害令其各安生理如果革心向  
化聽我招致就便安插設爲衛所許其以時通貢量  
加賞資以結其心仍擇其雄桀一二人授以職事立  
爲頭目使令鈐束部落遇有緊急聲息量調人馬爲  
我策應有功一體犒賞或於夷官地方俱有窒礙卽  
便查照御史潘倣建言及本部准行事理催僱兵糧  
相機剿捕務要草薙禽獮以靖地方毋貽後患一節  
緣前項事情必須親詣河西地方計處但虜賊數萬

5740 796

見在河套住牧臣方督調陝西延甯各鎮官軍分佈  
防禦勢難摘離已經移咨巡撫甘肅都御史寇天敘  
會同鎮守三司等官集議所奏召致安插前項虜賊  
設立衛所授以職事許其通貢聽我調遣應否如擬  
施行若於夷情地方有礙必須加兵征剿就爲密切  
從長計處用兵方畧明白咨報以憑回奏定奪去後  
延今半年之上未見回報蓋因事體重大各官不敢  
輕有議擬今套賊漸遠邊境少甯臣方欲親詣莊浪  
西甯地方議處回奏忽奉

勅旨行取回京緣前項賊情臣先今久曾有意經畫節營  
論奏謹以所見爲

關中奏議全集卷十八

二十

八一

陛下陳之切惟自古帝王制馭夷狄文德固所當先武功  
亦不可緩文德可敷則干羽之舞固足以格有苗武  
功當用則鬼方之伐亦事勢之不容已前項賊寇犬  
羊之性惟利是貪恐非文告所能招致亦非官職所  
可羈縻况我屬番侵我內地彼有必誅之罪許其  
通貢加之賞資我施非分之恩虧  
中國之體納外夷之侮非所以示四裔也及照奏內所  
引赤斤罕東哈密等衛夷人事例皆當  
國初開創之時率眾來降所以我

祖宗授官降印以羈縻之使之爲我藩籬今亦卜刺等寇  
賊皆叛其主投我屬番境界大肆侵掠橫加吞噬又

4613

侵入我腹裏地方此正田中之禽利用搏執固非漢武稱兵於陰山之計喜功好大者之所爲也臣正德五年復起總制陝西軍務之時此賊被小王子人馬讐殺殘敗遯來河西地方臣慮其異時必爲邊患建議欲調集大兵誅剿規畫已定不意旋即奉勅取回兵部題

欽依行令甘肅鎮巡官整理因循至今十五六年種類漸蕃聲勢日盛臣於去年六月內奏爲逐賊出沒計處用兵機宜事欲待套內無警糧草有積之日量調陝西延綏精兵與河西兵馬會合尋襲痛加誅剿但兵貴神速機難預定必待臨期奏

關中奏議全集卷十八

三

川五三

請非惟緩不及期且恐事機先泄欲乞上

請及早行令密會各該將官不拘何月日相機取便行事若無可乘之機不敢輕動兵部覆奏欲令臣將一應制勝機宜用兵方畧一一會計停當先行差人具奏

議請定奪緣兵家變態不常旬月之間事機頓異况地方相去京師五六千里奏報往回動經數月雖有成算亦難取必議處間忽報北虜二萬前去西海收捕前賊臣方慶夷狄相攻

中國之利不須煩我師旅不意爲彼所覺移巢南面留其精兵據守彼千里而趨利此以逸而待勞反爲其

所敗失勢而遯後聞阿忒禿斯賊眾恐大虜仍來報讐擊營隨順渡河入套止是亦卜刺一枝半在西海半渡河寇我洮州即今未否盡數歸巢且西甯洮河等處番族

國初分散部落設有國師禪師指揮千百戶鎮撫驛丞等官管領給與

金牌令其三年一次輸納差發馬匹而以官茶酬之若與

王官王民無異伏覲

金牌上篆文中曰

皇帝聖旨其下左曰合當差發右曰不信者死實欲借其爲我藩籬捍備北虜即前漢斷匈奴右臂之意百十

關中奏議全集卷十八

三

X.O.II

年來河西虜寇不能逼侵我洮河恐番人之議其後也今二種殘賊將番族戕害已甚不能生存遂與之糾合爲寇西甯最被其害洮州之番近亦被脅合夥爲之指引道路番達合勢我之邊境其何能安此膏盲之疾腹心之患也議者動以不可輕舉爲言雖兵克戰危誠宜慎重而玩寇養患亦非所宜嘗竊譬之套賊勢雖猛烈如風寒暑濕之病來則疾於風雨治之不善即能殺人然得遇良醫一汗而愈一愈而安西海之寇如痞結胃腹問目前飲食起居雖若無恙久而不療元氣日漸消耗後將難圖與言及此豈得不思所以處之而徒玩時愒日以僥倖於無事哉且

阿余禿廝已遁止是亦卜刺一校大約精騎不過二  
三千人其餘皆督驅番人勢非得已然地土被其奪  
占骨肉被其殺戮帳房被其燒毀孳畜被其搶虜欲  
報怨讐而復其故產人豈無是心哉此間謀之用亦  
不可廢也切見新推提督二邊軍務尚書王憲剛果  
有謀多才善斷普嘗管理茶馬遍歷西甯洮河地方  
又曾督處河西屯田至今邊人頌其風力合無請

勅本官力任此事若今年迤北大虜無尋捕西海之舉及  
套賊回賊不會大舉深入或雖入而卽避宜密諭甘  
涼莊浪等處將官部署兵馬待冬末春初草枯馬弱  
之時調集延綏遊奇二校兵馬及陝西甯夏二鎮遊  
關中奏議全集卷十八

三三  
X64

兵共萬二千人甘涼之兵自涼州而進延甯之兵自  
莊浪而進陝西之兵自河州歸德而進與各該守臣  
所統兵馬刻期聯絡併力夾攻如昔年宣城伯衛穎  
都御史吳琛征番故事仍先設法厚募壯勇識事之  
人暗入西海謀我屬番使爲內應一鼓成功以驅河  
西腹心之害以爲我邊久安長治之圖尤須精擇將  
領如魯經李義馬雲甘伯輩及涼州革任參將都捐  
揮楊佑皆熟知此事可以付託西甯兵備副使陳鼎  
沉毅有機陝西布政司左叅政成文固原兵備副使  
桑溥皆曾巡歷河西地方素有才畧可以翊贊兵機  
督處糧餉然事干各鎮必得主將一員居中調度該

員必有所處臣不敢言願兵馬不難於調集而糧草  
實難於措處臣到邊督催運送甘肅一鎮民糧銀兩  
及分發戶部送到官銀其數已多而倉儲未見有積  
及照蘭州督理糧儲戶部署郎中莫志德實心幹事  
宜令往來莊浪涼州一帶督處仍於布政司選委有  
幹力善經畫官一員專一整理河西錢糧一面於莊  
浪涼州西甯或召商或權買一面於蘭州安定會甯  
等處收積蓋專恃河西則所積不多蘭州安定會甯  
後積隨期可以帶運臣之所見如此如蒙伏乞

聖明軫念河西重鎮虜患爲急乞

關中奏議全集卷十八

三三  
110上

勅兵部將臣所言參詳可否若謂事體重大乞會多官從  
長計處早爲定奪然須如臣去年所奏令提督大臣  
相機行事可爲卽爲不必臨時上

請待報以致事機漏泄無益有害若無可乘之機或兵糧  
未集照常戰守不可輕動以貽後艱仍乞

勅戶部降發

內帑官銀十數萬兩或開監課一二十萬引聽提督官  
督令甘肅管糧衙門上緊設法措置庶得有備無患  
倘失今不圖而專持慎重之說冀爲急緩之計臣恐  
一二年間甘涼地方西備回賊東備達虜我兵疲於  
奔命而套內大賊又復撓亂其間不能割守兵往援則  
河西之地恐非

274

46A

國家所有事勢至此雖有智者不能爲之謀矣臣老矣非但乞骸且將就木已未及行而欲委勞於後之人知罪知愧况前事先該御史潘倣奏行兵部議處其後甘肅巡撫都御史陳九疇亦欲舉行未曾就緒而去臣既灼見其故豈敢終爲隱蔽而不吐露一言伏惟

陛下留神省察緣係整理邊務以備虜患事理未敢擅便爲此具本順差王經邦親賫謹題請 旨

一爲邊務事

題爲邊務事據陝西按察司整飭固原兵備副使桑溥呈嘉靖四年十二月十八日欽奉

關中奏議全集卷十八

三五

XI

勅今特命爾前去固原高橋靖虜等處專一往來巡歷撫安土達仍整飭固原靖虜甘蘭等處兵備操練軍馬修理城池墩臺關堡撫恤士卒防禦賊寇保障地方兼理詞訟及督理糧儲禁革奸弊凡一應邊情軍務須與分守叅將等官會議停當而行仍聽陝西鎮守巡撫官節制不許偏執違拗妨政害事若有軍職及守備官員賣放軍士縱容官攢人等通同豪滑刁潑軍民兜攬錢糧虛出盜賣并隱藏逃囚等項許爾徑自叅奏鞫爾爲憲臣受茲委託務須持廉秉公禁革奸弊盡心竭力以安邊境如違罪不輕宥爾其他勉之慎之故勅欽此欽遵外爲此今將前項欽奉

勅內事宜呈乞照驗施行等因到臣查得固原兵備衙門係成化年間開設原請

勅內開載所管地方事宜與今畧有不同且如高橋卽靈州守禦千戶所舊該固原兵備官往來巡歷撫安土達後因添設環慶靈州兵備隸其管轄固原相去地遠似無相干誠恐地方有事兩處兵備官得以互相推調其固原靖虜甘蘭等處衛所軍民與平涼府所屬州縣鞏昌府所屬安定會甯二縣臨洮府所屬蘭州金縣二處并平涼安東二衛監苑羣牧所等衙門軍民雜處墩臺關堡多在各該軍衛有司所轄之地凡緝捕盜賊問理詞訟督理糧儲遇警收斂人畜俱

關中奏議全集卷十八

三六

XIX

與軍衛有司官員干涉

勅內未曾開載有碍行事緣前項所管固原靖虜蘭州俱係極邊要害地方虜賊不時侵入關係至重此之其他兵備不同如蒙乞

勅該部議處合無將固原兵備官原奉

勅書上

請更換除去高橋地方仍開固原靖虜甘蘭等處凡干碍墩臺關堡詞訟糧儲及遇警收斂人畜等項事務與各該軍衛有司相干者俱聽提調約束不許違拗其餘軍民一切政務不得干預開載明白庶幾事權歸一可以責成修舉不至失誤邊方大事實爲便益緣

係邊務事理未敢擅使爲此具本專差承差楊鸞親  
齎謹題請 旨

一爲比例列銜支俸以便行移事

題爲比例列銜支俸以便行移事據分守固靖環蘭等  
處地方叅將署都指揮僉事劉文呈前事切照本職  
原任陝西都司慶陽衛指揮同知推選延甯地方把  
總管事節該欽奉

勅諭陞署都指揮僉事守備固原地方後充甯夏遊擊改  
任分守叅將欽遵任事外伏念本職一芥草茅叨任  
重地敢不努力圖報將來緣分守地方廣闊軍民雜  
處凡百文移與都布按三司有行柰本職俸銜仍在

關中奏議全集卷十八

三二

八

原衛帶支各司文移不肯徑行卻由衛所轉行以致  
就延往往誤事且本職係陝西省鎮屬衛指揮潛任  
本鎮叅將况慶陽原衛又係叅將所轄地方環慶守  
備亦該提調凡本衛一應公文呈行彼處守備開列  
本職職名屬衛未免輕視比與延甯甘肅隔鎮地方  
分守副叅遊擊事體不同及查得先任固原守備署  
都指揮僉事楊宏陳善并固靖遊擊陶文及延安衛  
帶銜都指揮閻武俱在本都司列銜支俸今本職既  
授都司署職叨任分守叅將責任頗重俸銜不蒙開  
列行事有碍如蒙軫念地方衝要事體重大乞賜轉  
達准於都司列銜支俸庶使文移便於徑行本職得

以展布爲此理合具呈伏乞照詳定奪施行等因到  
臣行間隨據陝西遊擊將軍署都指揮僉事夏欽亦  
呈前事看得分守固靖環蘭等處叅將署都指揮僉  
事劉文所呈乞要都司比例列銜支俸一節切緣本  
官既授都司署職又推任叅將分守地方比與楊宏  
陳善等事體相同關係尤重况慶陽衛係其所轄環  
慶守備又其統屬一應文移開寫本官名銜委於名  
分不宜行事有碍及照署都指揮僉事夏欽原係西  
安前衛指揮後陞署都指揮僉事推任甯夏遊擊將  
軍因病革回本衛帶銜閑住近該臣奏薦兵部題奉  
欽依奉

關中奏議全集卷十八

三六

川文

勅充陝西遊擊將軍緣西安前衛亦有遊兵遷撥官軍追  
補馬匹俱與本衛有行文移往來亦多不便如蒙乞  
勅兵部查照前項事例將劉文夏欽俱准於本都司列銜  
支俸將官之體勢稍尊得以盡心舉職下人不敢輕  
視不致違誤軍情重務矣緣係比例列銜支俸以便  
行移事理未敢擅便爲此具本順差承差楊鸞親齎  
謹題請 旨

一爲軍務事

題爲軍務事案照先准兵部咨爲設總制以圖兩全事  
該本部題內開跟隨書掾頭目家人聽從選帶仍具  
奏



聞等因節該奉

聖旨是欽此欽遵備咨到臣除頭目另行外為照臣一到

陝西地方即該題

奏各項事情及發屬文移浩繁緣未奏討書掾缺人書

寫訪得直隸鎮江府丹徒縣省祭官任漢本府兩考

役滿吏李棠俱各寫字端楷諳曉行移已經行令該

府取具備細腳色開送跟隨前來書辦及具

題去後續准兵部咨該本部覆題奉

聖旨是准照例奏帶應付欽此欽遵外續又據書辦吏李

棠呈為給由事開稱以農民充鎮江府吏兩考役滿

給由問蒙臣行取前來書辦又蒙本府給與給由批

關中奏議全集卷十八

三

XOX

申之吏部投下誠恐違限日久乞要容令赴部給由

等因為照本吏一向在於軍門書辦今要容令赴部

給由相應准送但三邊軍務浩繁案牘填委緣未奏

據書掾一應文移俱係省祭官任漢與本吏經手書

辦若容令前去未免缺人應用况係題奉

欽依選帶人役已將本吏原領本府批申順差承差趙頌

咨送吏部查照收候合無將本吏准作提督軍務官

員下書掾之數就准當該惟復止作辦事隨准吏部

咨稱看得吏典辦事役滿方撥當該此係照舊例今

李棠既係

奏帶人數合無准作辦事於例相應咨煩查照施行等

因到臣除將吏李棠准作辦事在於軍門書辦外今

照臣奉

勅行取回京所據原奏帶省祭官任漢辦事吏李棠相應

起送吏部聽用查得節年提督官員

奏書掾事畢回京多得露被

恩典省祭官或不拘年限就與選用掾吏或不待補辦就

撥當該今省祭官任漢辦事吏李棠跟隨臣巡歷各

邊沙塞戎馬之區涉歷艱苦一年之間書寫案牘文

移無時休息及查得任漢亦係省祭十年之上已該

行取之數如蒙乞

勅吏部查照節年提督官書掾事例將任漢就為收選李

關中奏議全集卷十八

三

川三三

棠就撥當該庶使將來從事軍門者有所勸勉而不

憚勤勞矣緣係節奉

欽依選帶書掾比例選用收撥事理未敢擅便為此具本

順差承差楊燾親齎謹題請 旨

一為薦舉舊任官員以慰人望事

題為薦舉舊任官員以慰人望事臣聞兵有先聲而後

實然不獨兵也凡為政者先聲有以動人則不令而

自行不言而自信得效速而成功易矣陝西舊任臺

察藩憲等官才賢最多清議所歸輿情所屬咸不乏

人除已在顯位及見任臺端者不敢論薦外博訪得

浙江左布政使今守制孫修督儲有精勤振厲之風



持憲有嚴明剛果之譽四川按察使今守制王廷相  
山西提學副使今歸養劉天和山西按察司副使陳  
軾山東按察司副使整飭徐州兵備趙春俱曾按治  
陝西地方皆能彈壓勢豪肅清風紀剷除奸蠹而不  
蹈苛察之弊激揚清濁而不失老成之體至今官吏  
憚其風采兵民望其復來臣得之間見如此如蒙乞  
勅吏部再為查訪合無待孫修服闋遇有陝西三邊巡撫  
缺員早為推用其王廷相等四員遇缺推補藩憲之  
長以為登用之階不獨慰一方軍民之望而凡臣工  
者皆有所感慕興起矣臣今老病衰殘方上乞骸之  
疏竊念用人為當今第一急務薦賢為大臣第一職  
關中奏議全集卷十八

關中奏議全集卷十八  
三三  
XOX

業故不敢隱蔽而冒昧一言然亦不敢泛及他省官  
員者恐知之未真或於民情土俗有不相宜耳伏惟  
陛下裁察緣係舉薦舊任官員以慰人望事理未敢擅便  
為此具本順差承差楊鸞親查謹題請 旨

一為獻愚忠以荅 聖睿事  
題為獻愚忠以荅

聖睿事伏念臣章句孱儒柳蒲弱質遭際  
盛時人塵仕籍既廢而興任每兼乎文武求退而進位乃  
躡乎台衡頃當近倖千紀之時獲遂山林優老之願  
駑駘久病豈有意於騰驥朽木不雕分宜供於金鑿  
恭遇

新皇御極圖任舊臣改授今官俾總邊鎮伏讀  
制詞屢有寬朕西顧之憂之

諭夫

主憂臣辱安敢避難用是扶疾以起千里遐征誠願以其  
力之所能為者圖報

聖恩於萬一也邇者遽蒙

召還內閣之

命屢疏懼誠未荷

俞允進退維谷不知所為仰惟

陛下應運挺生代

天化育日新庶政而機柄獨操器使羣材而權度在己虞

關中奏議全集卷十八  
三三  
川上

舜之好問好察知何加馬大禹之克儉克勤德懋  
矣

嗣位以來五年于茲敬

天法

祖愛民勤政日有孳孳不自暇逸然而求治之心徒切至

治之効未宏臣竊觀正德年間乾綱下移權姦竊柄

始則劉瑾中而錢甯後乃姜彬海內騷然幾成大亂

陛下起而振之政務歸於

內閣裁斷出於

宸衷近臣非惟不能與力亦且不敢與聞是宜

天人協應海嶽效靈柰何近歲日蝕地震旱乾水溢之災

層見疊出至於物與人妖有近代之所罕聞者

聖德清明豈宜有此背臣下奉職不效之過也臣年老久

衰非但乞骸且將就木既不能仰承

聖眷任事供職若終無一言以去則上負

恩私下干物議其罪莫可自贖矣謹以今日至切至要者

疏為五事為

陛下陳之倘蒙

留神覽觀

俯賜施行於治道不為無補臣雖屏夫田野與世長辭復

何憾哉然此特其大要耳若夫

陛下有愛民之心而民未阜康有任官之誠而事多苟簡

關中奏議全集卷十八

三三 三三 三三

兵政密矣而夷狄不免於侵凌法令彰矣而姦頑未

見其懲艾其他弊政尚多臣昏眊之餘不能盡述

陛下責公卿之所有事責臺諫使得盡言必有陳其顛末

以俟

采擇者矣臣不勝拳拳愛

君體

國之至除患病乞休另行具

奏外緣係獻愚忠以荅

聖眷事理謹題請

旨

計開

一曰

聖學臣惟人君一心萬化之本原也然方寸之微而眾欲

攻之苟無詩書理義以維持之百凡聲色貨利狗

馬奇珍之物遊觀畋獵騎射俳優之技與凡異端

邪術之流投間抵隙皆足以動搖吾心而讒諂面

諛之人又從而從諛之日積月累幾何不蕩蕩然

而陷溺於物欲之中乎既為物欲之所溺則於天

下之事安能真知其是非得失之所在務決去而

必得之哉此謂講學所以為

人君圖治之第一義也臣竊聞

陛下在藩邸時

關中奏議全集卷十八

三三 三三 三三

恭穆獻皇帝專教之讀書令紀善伴讀等官誦說經史一

切玩好俱不令至前一切儉人俱不得在側故

幽潛之德孚於上下恭默之化洽於臣民

嗣位之初首開

經筵祇循

舊章選擇儒臣

日侍講讀又開

命內閣取尚書以俗說訓釋且為韻語以便諷詠至於無

逸洪範等編尤加研究書史之外凡百玩好悉無

所用天下之人皆謂仲虺稱成湯不邇聲色不殖

貨利周公且稱文王不私盤于遊田以庶邦惟正

之供

陛下盛德何以加諸是雖

天性高明而

獻皇帝之善教有足徵矣臣愚竊謂

帝王之學與書生異不必求諸文辭之幽深不徒事夫章

句之尋摘要在繼其功得其要而已

經筵有定期然儀衛森嚴勢分隔越恐講官不得効其

忠

日講乃帝典然往年或廢於寒暑或阻於風雨所謂一暴

十寒之弊或不能免焉書曰惟學遜志務時敏

厥修乃來詩曰日就月將學有績熙于光明所謂

關中奏議全集卷十八

三

川上

時敏者謂勉於學如有所不及也所謂緝熙繼續

光明無少間斷也臣昔官京師每見舊時講官其

進講也摘取書中好語稍有嫌忌者即不以講且

其所講不過隨文釋義不能推廣言外之意以開

聖聰又或於講終獻諛佞以驕

上心臣知今日必不爲此伏願

經筵之餘

退朝之後日御

文華殿

命官進講仍乞降之

霽色接以

温言令其從容開說不許嫌忌其講經也各發明身心義

理之大要其講史也爲推演興亡治亂之大原所

謂必求諸道于焉能自得師因而推及今日之政

事某事有合乎古某事當用于今其事善可爲法

某事惡所當戒

陛下凝神定慮默識深思聞聖賢義理之論譬猶學近其

人監古人隆禘之原設若身處其地有所疑必形

諸

顧問有所得必措諸躬行如此則講讀之制不虛行講讀

之官不虛設心常在於詩書理義之中百凡外物

自不能奪之本源澄澈而物理自明推之仁民愛

關中奏議全集卷十八

三

川上

物而無不通放之家國天下而無不準致治之大

本實在於此易曰正其本萬事理大學曰其本亂

而未治者否矣伏惟

聖明留意

二曰

聖政自古三公論道六卿分職我

聖祖稽古建官以政事大權分任六部即六卿分職之意

我

太宗皇帝始設

內閣簡儒臣居之以備

顧問職論師資望深者荐加師保職銜以輔養

君德翊贊化猷卽三公論道之意

列聖相承皆不時

召見部院大臣面議政務日與

內閣之臣裁決可否金匱石室之藏不可見其見於

御製五倫書及故大學士楊上奇李賢等所著

三朝聖諭錄天順日錄等編

君臣答問儼然唐虞都俞吁咈之風百餘年來政事修舉

道化隆洽實由於此至於臺諫論列事情天下方

面官述職來京亦得入覲

天顏面承

清問不惟周知事之利弊亦得考見人之賢否逮至

關中奏議全集卷十八

三

川

憲廟稀接大臣而

上下之情始覺踈遠我

孝宗皇帝宏治十三年以後時

召太學士劉健李東陽謝遷并尚書馬文升劉大夏都御

史戴珊等諮訪政務

面賜裁決昌大休明之氣象至今思之正德年間

視朝稀闊大臣不復接見以此威福之權下移近倖紀綱

法度幾於蕩然

天啟

聖皇誕膺

寶曆積年弊政剷除無遺廢黜姦佞登崇俊良嘉靖之治

號為中興今天下之政務必由六部擬議必由

內閣

皇上總覽乾綱

萬幾獨斷近臣不敢干預可謂千載一時矣但

內閣之官自

經筵日講之外未聞時時接

見六部等衙門官未聞

召對商高宗之命傳說曰朝夕納誨以輔台德又曰若作

酒醴爾惟麴蘖若作和羹爾惟鹽梅爾交修予夫

既不得當接

天顏則交修無所用其力納誨輔德亦或托諸空言及其

關中奏議全集卷十八

三六

川

久也壅蔽之患生竊弄威福之人或由是出矣臣

願

陛下退朝之暇

進講之餘不時

召見內閣重臣將一切機務面議可否取

旨裁決六部都察院等官凡章疏之上并臺諫之臣有所

論列亦乞時

賜宣

召面加質問聽其盡言不許忌避庶幾

朝無失政

國無隱姦非惟大臣不敢欺蔽行私怠忽荒政而

陛下亦得以明習天下之事矣

三曰聽言臣聞

朝廷之有言路猶人身之有血氣也血氣一日不流則

百病生言路一日不通則百邪作古昔盛時嗇夫

庶人皆得進言官師相規工執藝事以諫後世以

諫設官其途已狹若為諫官而復不得盡其言則

朝廷耳目將誰託耶我

國朝設立六科十三道皆以言為責

列聖相承未嘗不以開言路為事言路開則庶政清言路

塞則庶政荒矣

陛下即位之初求言如渴納諫如流凡科道官有所論列

關中奏議全集卷十八

三九

川

輒下該衙門看了來說又或

褒之以所言有理其所建白多見

采行言路可謂大開矣奈何各官人品不同識見各異通達

國體實心効忠者固多事體未練輕率妄言者亦有以

抗直為高者每過乎激襲見聞之偏者多失其真

或一事而辯論無休或數人而自相矛盾遂至上

干

天威每加詰責雖所寬貸亦或因而貶黜者有之甚至有

下之

詔獄者有械繫入京者似與

聖王從諫弗拂之美不倖似與

初政聽言之意不類然此非

聖德之不能優容其實諸臣有以自取之耳顧彼言官雖

涉狂妄猶勝緘默雖涉憊直猶勝美論事有過

當其心必自諉曰我所見如此不敢不盡也論人

有失真必曰我風聞如此不得不言也若從而詰

責之罪黜之自非灼有定見確有定守者孰不思

全身遠害而為容容唯唯之歸邪竊恐中外相傳

以言為諱弊政無由而祛官邪無從而糾民隱無

從而達天下之事日入於弊矣嘗聞唐臣陸贄之

言曰諫者多表我之能好諫者直示我之能容諫

者之狂誣明我之能恕諫者之漏泄彰我之能從

關中奏議全集卷十八

四

川

有一于斯皆為盛德李絳之言曰人臣死生繫人

主喜怒敢發口諫者有幾就有諫者晝度夜思朝

刪暮減比得上達什無二三故人主孜孜求諫猶

懼不至况罪之乎近歲以言得罪者臣不能知其

詳悉不敢泛有所指且如去歲冬間御史侯秩論

臣不宜復入

內閣上激

聖怒降二級遣方用秩之論臣辭雖無據心實匪私臣之

昏老委不當復用

陛下雖誤用之臣亦不能自強侯秩所言不為無見伏願

陛下遠師帝王聽言納諫之德近循

初政樂聞讜言之美今後給事中御史論列時弊指陳缺

失及糾彈官僚者一

親賜省覽擇其言之當者或卽

賜施行或令該衙門看詳覆奏上

請定奪其有未當亦乞

曲賜優容置之不問仍

召還候秩復其舊官或令吏部量才陞用豈但臣之心獲

安而兩京言官皆得安心舉職矣再乞

勅吏部通查二三年來以言得罪之官開具事由疏名上

請或復其舊職或量爲敘遷如此則

聖德彌光治功有補凡有言責者感激奮發孰不思所以

關中奏議全集卷十八

四

川

自効哉

四曰宥過仰惟

恭穆獻皇帝至仁大德克享

天心篤生我

皇上潛龍升御出震繼明奠萬國於熙平圖羣生於嘉靖

推厥本源功德隆矣

皇上嗣極首議尊崇之典考經據禮至再至三旣而

采納廷議斷自

聖心尊尊親親亦旣兩盡無復遺憾夫何一時言禮之臣

不能推廣

聖上因心之孝紛紜抵牾力持初說終乃率眾伏

闕諠援無忌在禮法爲不恭在事體爲不順上墜

聖怒將學士豐熙郎中余寬等下之

詔獄加之箠楚或充軍或爲民甚至有斃於杖下者罪誠

自取夫復何尤但推原各官大抵狃於學術之偏

襲於聞見之陋其心惟恐

陛下之所處者有乖典禮將爲

聖德之累不思

陛下之所處者正所以爲禮也今經二年矣充軍者讎管

還齋有同戍役之夫爲民者編齒村氓不與衣冠

之列雖有自新之念無復自致之門所以節說大

臣言官屢有論列未荷

關中奏議全集卷十八

四

川

俯從近該御史張袞具奏奉

聖旨該部看了來說中外臣工敢然稱頌旣而吏部覆題

又復

報罷眾心惑焉夫

陛下之罪諸臣者亦因其可怒而怒之俟其改悟固未嘗

深絕之也譬如

上天之於萬物霜雪雨露皆所以爲恩然霜雪摧折必有

雨露之沾涵然後羣生得遂未有嚴寒之後不繼

之以陽春也

陛下始因諸臣罪狀可惡而竄謫之又因其能自改悔而

收復之正合

天道生長肅殺之意臣滇南人也稔聞

獻皇帝容人恕物之量

陛下體而行之

獻皇帝在天之靈必無不喜且慰矣孟軻氏曰人恒過然

後能改困於心衝於慮而後作諸臣抱罪既久悔

悟已深敎而復之必當有以自效伏願

日月回照

雷霆震威乞

勅該部通查言禮被罪之人充軍者令其生還鄉里為民

者量授一官敎用不幸因錐致死者亦令有司優

卹其家庶足以見

關中奏議全集卷十八



四三

聖德如天無所不包非惟被罪之人感再造之

恩而凡為臣工皆與踴躍愛戴之誠矣

五曰和衷臣聞之書曰同寅協恭和衷哉釋之者曰

君臣上下當同其衷畏協其恭敬恭一無間融會

流通民彝物則各得其正所謂和衷也夫

君尊如天臣卑如地其情易疏而難親其分易踈而難合

故天氣下降地氣上騰然後成功

君澤下流臣誠上達然後理道立

上下不交則德業不成有國者之深忌也

陛下即位之初

召用舊舊委任忠良視大臣如腹心崇發臺諫聽受讜言

待羣臣如四體

上下可謂交矣中外欣欣謂和衷之化可成自夫

大禮議興小大臣僚不能仰體

聖心惟廣

聖孝各持初見務求必勝

朝廷之上如聚訟然一三言禮之臣乃援古典執經義

以釐正之於是眾論歸一而


大禮告成矣然自是

上下之情不通和德之風不著是皆羣臣負

陛下而

陛下何負於羣臣哉夫虞廷九官濟濟相讓推賢讓能庶

關中奏議全集卷十八



四三

官乃和竊觀近歲臣僚正直忠厚之道微乖爭凌

犯之風起惡聞人善而樂談人之過失務矯伉者

不願

朝廷之事體喜攻訐者不究事情之虛實公卿降志於

庶僚賢否混淆於橫議或因一事之失而槩其平

生或信一人之言而輒相附和忿戾之氣每形於

深章交構之辭幾成乎罵詈自古太平有道之世

未嘗有此不可聞於四夷不可訓於後世伏望

陛下悉已責成

虛懷聽納

元首股肱上下相須手足腹心相視一體使



上之情必宣於下無壅蔽之憂下之情必達於上無扞格之患伊乞

天語丁甯戒以中外臣工各以恭遜相師毋襲猜忌之風以悖大成俗無崇猥薄之行協心以理

國事如輔車之相依同德以亮天工如巨川之共濟然大臣者庶僚之表也尤當廓有容之德體包荒之

量求賢如恐不及見善若已有之正身以率下則孰敢不恭平心以應物則孰敢不服于以和典禮

之衷于以逐衡平之治大臣和則庶官無不和矣然所謂和指和光同塵之謂也不矯為異所以為

和不苟為同亦所以為和古之大臣上殿論事則

有異同下堂則不失和氣何者其心公也公故周比其比周朋與相非相怨者皆私心為之也臣願

陛下和德於上百官和於朝萬民和於野漢臣所謂心和則氣和氣和則形和形

和則聲和聲和則天地之和應焉由是二光全而寒暑平五穀熟而人民育諸福之物可致之祥無

不畢得豈但災殄可消而已老臣垂盡之年拳拳一寸之忠所以望於

今日者如此伏惟留神省察 奉

聖旨覽卿奏足見忠愛事關朝廷的朕自處置其餘知道

了卿官即赴閣辦事該部知道

關中奏議全集卷之十八終

關中奏議全集卷十八

四六

川七



諫垣奏議

諫垣奏議

敬鄉樓叢書

民國十有七年  
永嘉黃氏校印

溫州府志本傳

李維樾字蔭昌一字天棟瑞安人萬曆乙卯舉人崇禎甲戌授江浦令就莊定山祠祀象山陽明白沙三君子講學其中人文蔚起獻賊聞鳳陽預增垣濬池練鄉勇及薄城下戮其渠魁九條龍寇遁去明年復攻陷六合望江浦卻走薦牘交上有金陵舊都保障需人之旨辛巳行取召對稱旨擢戶科給事中督漕江北請蠲皖災八萬有奇轉禮科右給事中疏薦毛士龍方震孺倪元璐范景文及請卓忠貞于肅愍贈卹甲申持節册封藩藩中途聞變扶服歸傾資召募討賊以忤馬士英意還籍坐臥素園自號素園老人卒於家

甌海軼聞二十一

李給事維樾

諫垣奏議

傳軼聞

敬鄉樓叢書

李蔭昌與王玄翼同講周易

少時與王玄翼讀易虎溪力屏訓話日拈一卦研妙象先筆追所見恰得其影亟投敵篋不參異同數月匪事各出其奇兩人驚跳如獲異物周易散書卷首李維樾序

玄翼識高而學邃時以易稿就印於予揆予近著軌則不拂而工致較多今予為吳令屬海宇多事吉凶同患之餘時進諸生談易其閒有習易者快所未聞即不習易者亦言下有省於是飛書虎溪山中具筆札受玄翼所著點定以佐松塵閒出己意芟補之而周生麟美者深契其旨亟欲壽諸梓而虛其端以請為序其略云同上

按序末自稱瑞鳳堂主人又按盧汎洲留菴文集有與李拙餘掌科書注云名維樾溫州鄉紳奉旨勸輸又有與李拙予

書注云新升巡撫駐福寧州汎洲名若騰明隆武時嘗督師駐溫州所言皆隆武時事拙予蓋李給事別字而其嘗以巡撫駐福寧則郡邑志所未詳也

給事江浦之政

李維樾浙江瑞安人崇禎間任江浦令捍禦流寇著有成效勸輸賑荒德政在民重修縣志最為嚴簡足稱良吏祀忠烈祠江府志二十七

按江寧府志為姚郎中姬傳先生纂輯此但據江浦志故於禦寇方略賑荒規畫均不能詳

給事講學白馬書院

白馬書院在江浦縣東門外白馬寺左近明知縣李維樾講學

處江府志十六

諫垣奏議

軼聞

一一

敬鄉樓叢書

按給事於流賊猖獗之際守此彈丸而不廢講學流俗必以為迂闊突然卒保危城者人和固可恃也故處變仍當知為根本之計

李中丞祭給事文李象坤須菴文集祭天棟叔同聊文

峨峨陶山通明是憩古井三皇儼稱福地川嶽鍾靈篤生吾弟按此菊菴代其父作吾邑陶山為陶貞白修鍊處有三皇井然則給事蓋陶山李氏

乙卯之秋王仁及世戰藝棘闈弟也器利借赴南宮予慙一第按郡志進士題名萬曆丙辰季光春舉人題名萬曆乙卯李維樾蓋給事以乙卯舉於鄉與光春會試同行光春得第而給事報罷

嗣予官成星霜二紀弟舌雖存而嗟韶傲陪京一令勉爾初筮

按光春以萬曆四十四年丙辰登第又一紀則當莊烈帝十三年庚辰矣郡志言維樾崇禎甲戌授江浦令恐誤蓋是時光春已爲藩吳故有官成初筮二語

惟時寇氛猖獗淮泗輒尖錫城陰附騎弟嬰固守不數墨智按此言江浦守城事據郡志張獻忠兩犯江浦皆以給事獲

全

共云此邑鐘履攸寄七十齊下僅卽墨莒奏最明光僉推卓異帝心特簡擢以掖垣螭坳弭筆臣勞則賢擊予朝佞視此寇讎仰漕東南歲久滋弊遣心督軍國計曰此江北維弟舊隸飛輓磨北弟也獨先不涸不爛既好既堅吏粟爾騶十匏於邊乃晉禮垣值恩葦棣剖符錫珪桐剪匪戲迨潞河弟浮青至便道里歸戈賁邱園是年甲申悲哉難言弟義不生荷戈獨前

諫垣奏議

卷二

二

敬鄉樓叢書

金陵暫鼎詎忍坐視憾不官兵稍行其志卓費其言弟躬其事沈淪建業播遷閩南弟負癡忠甘與盤桓大厦莫支一木歸然投林偃息脩仙遺世繡佛長齋禮空王氏譬諸翔龍亦能屈蟻今夏有僧大啟法筵捨孔子戒而附德增曾不匝月證彼涅槃予方病瘵竟日稠仆連枝氣感患亦幾類胡不憖遺予存弟逝按此言守城立功後以薦戶科給事督漕江北轉禮科甲申持節册封潞王中途聞變扶服歸里既而福王立於南京復募兵勤王金陵失守復從隆武閩中閩事又壞乃歸鄉里據末數語蓋給事亦託迹空門不獨法幢老人也

林增志爲僧時名法幢

序

世多有以皇甫嵩荀彧馬周輩焚章毀草爲是者不知尙書伊訓旅葵等篇左國周吁觀魚等篇已爲歷代名臣第一等奏議何以未聞先祖龍之炬而火之蓋名臣一言一字必從大學問大經濟出來非關一時安危便關千古利害日星河獄同此昭回豈特雷電六丁不敢下取將一切天龍神鬼永永呵護其旁彼之可以爲灰冷爲薪燼者不過程正叔以方春萬物發生不可無故摧折溫公所謂是使人主不願親近儒生語耳紫陽投匭六事能使孝宗漏六七刻讀之秉燭終篇人謂理學之悟主信勝於功利豈識旅葵始言德中言心終言道而紫陽大本從心之疏議論體格全法旅葵此即余前序李拙餘講錄理之以心之說也拙餘夕郎乍拜即銜命督漕同志有謂掖垣不宜奉

諫垣奏議

序

一

敬鄉樓叢書

此差者余謂昔韓滉杜棕杜讓能崔昭緯皆以宰相充漕漕諸使故曰句當某路曰某路計度曰權曰權發遣皆以言乎借也國事維艱此不足爲拙餘計獨今日之虜寇之用舍之賦兵之獨救朝廷上不可一刻無拙餘理之以心之言今使君門萬里祇可就漕言漕是足爲拙餘慮也乃朝見一疏衝莽計海舉朝傳頌猶然言虜寇之拙餘也暮見一疏利庸舉朝傳頌猶然言用舍之拙餘也朝見一疏留漕撫以奠東南舉朝傳頌猶然言兵賦之拙餘也暮見一疏蠲皖糧以活萬姓舉朝傳頌猶然言蠲赦之拙餘也夫約人所不能約之約清人所不能清之清此余所能信拙餘於一生至蠲人所不能蠲之蠲言人所不敢言之言此余又能信拙餘於萬里考漕運自漢番係穿渠灌田之說始至元趙天麟疏會通河之說止疏政之傳頌者凡二

十餘章惟陸宣公文正公減各軍免支移兩疏關安危利害  
其他劉晏第五琦史雖稱其不加賦不勞民總難稱以出功利  
而入理學則拙餘奏議實可與紫陽諸疏爭後先即令聚三昧  
火杲劫燒之當不能壞其金鑠菩提如意種子余始悔前序之  
述趙忠獻擬摩醯首羅今日慮在漕言漕者之誤也雖然必如  
拙餘而始可言在漕之漕也崇禎壬午歲夏中年眷弟林增志  
拜手書於如幻齋

諫垣奏議

序

二

敬鄉樓叢書

諫垣奏議目錄

禁捉民船帶徵遼糧疏 附覆疏

請蠲皖漕疏 附覆疏

四報開幫過淮日期殘邑續完糧數疏

遵旨各舉所知疏

請留漕撫疏

申明糧完於先慮陷於後疏

請寬災地通糧從長確畫疏

特參貪污提督疏

請復罪廢諸臣疏

五報殘邑糧數疏

舉劾在事官弁疏

諫垣奏議

目錄

一

敬鄉樓叢書

恭繳勅書關防疏

目擊沿途情形疏

治河治兵着有宜先議戰議守事有當慎疏

虜情不可不明人心不可不定疏

特糾抗旨抽稅司官縱役擾民疏

時事孔亟空言無裨疏

聞命謝恩在信題知疏

重臣共舉一城疏

補遺

請議齟制疏

馬政疏

薦毛士龍方震孺疏



東南民力維艱疏

請定刑書疏

纂修神廟實錄疏

請貽封表

諫垣奏議

目錄

一

敬鄉樓叢書

諫垣奏議

李維樾 拙予

禁捉民船帶徵遼糧疏 附覆疏

欽差督催江北新漕戶科給事中臣李維樾謹題為漕政積窳已深糧務不堪再誤謹預陳未雨之圖以免臨期無措事臣思處天下事之要惟先之一字足以該之盡天下事之妙亦惟先之一字足以該之方今任事諸臣何嘗不力第皆事至而籌事過而置精神不早注着數不早施如賊至治賊荒至治荒兵賦至治兵賦執於苟且僥倖兩局董子所謂亡而追炎而撲曲而揉決而隄者受病在不先耳然天下宜先者多矣臣在漕言漕請自漕始昔稱劉晏善治漕數其得力不過在江船不入汴汴船不入河河船不入渭數語而已即使運艘安然載之運車安

諫垣奏議

一 敬鄉樓叢書

然駕之狼籍總民脂膏猶犯管子粟行五百里之戒矧竟以民船裝載民力撐駕乎夫此民船者權關所藉為稅課也商民所藉為性命也江河所藉為利涉也民生所藉為血脈也迺官吏亂發牌籤皂快恣行撲捉始猶捉回空者繼則糧食船亦捉矣始猶捉寬敞者繼則擔石船亦捉矣甲役受賄釋之乙役旋遇獲之甚至不肖署官亦復染指死亡流徙不忍見聞以致河干船隻絕影貨物壅滯商賈不行北新揚州等關缺額不可數計運弁旗甲不顧窮民何以糊口小船何以出江久坐地方橫索水脚截頭反倍于平日累民如此安用軍為今不早計來歲并民船亦無乞勅總漕臣和盤打算現在船隻若干缺額若干作急造補其中經費前已有成議所不足者民三軍七原有舊規務期冬前告成自不至臨期悞事再照遼糧一項江南俱隨漕

糧帶徵獨江北四府另行科派操縱悉絲吏胥催糧府役橫買糧委官復橫窮地累令富地累民騷擾莫此為甚何不悉照正糧均派預定徵催則奸猾無所操權種種累事可省矣臣前有官收官兌嚴禁話會一疏已奉俞旨而尚不能行者言遲而局緩也伏乞皇上一併申飭盡為先事之圖所益寧止漕務哉為此具題

崇禎十五年三月二十八日具題本年五月初六日奉聖旨該部看議速奏

附覆疏

五月十二日隨該戶部覆本看得漕事所急惟船去歲回空陳阻不得已而封貼民船代軍輓運此雖一時權宜之計然在漕地方無不紛然騷擾此科臣鯁鯁過慮不但為今歲計

諫垣奏議

一 敬鄉樓叢書

而且為來歲計誠凡事豫立之善圖也及今若不早計將來民船遁跡公私交困良可寒心相應請勅總漕臣詳察各省直原額漕船若干現在若干缺額若干亟行各廠動支額派錢糧立限鳩工補造務期歲裏報完以濟新運冬兌之期以蘇商民代運之苦如至臨期缺少經造各官即聽漕臣察參重治至於遼糧一項隨漕帶徵各省直皆然江北四府何獨另行科派徒肥胥役貽累官民此實漕事之敝政胡可不亟行釐革也以後各省直例應隨正糧一體帶徵不得另分項欸以滋奸役操縱索擾之端庶民困可舒而漕事攸濟矣等因五月十六日奉聖旨載運雇覓民船騷擾不小原出一時權宜豈可不亟釐正着總漕臣詳察各省直運船原額及現在缺額勒限經管官償工補造務期冬初完全以濟新運如

有違誤即拏參重治其江北遼種何故另行科派着漕臣察  
明嚴禁以後照例一體隨漕帶徵該部星速傳飭

請蠲皖漕疏 附覆疏

欽差督催江北新漕戶科給事中臣李維樞謹題爲安慶寇荒  
異常官民交斃謹直陳不忍見聞情形仰祈睿鑒事竊臣入境  
以來報糧之疏凡四上豈不知皖屬慘狀海內所無官民遮道  
之哀日甚一日臣隱痛半年不敢一字自諉卸一字求矜容非  
忍於膜視其民也蓋日望皖撫退賊有期瘠土逃黎漸復人人  
感皇上改麥德意或能激勸勉完耳迺鄭一陽六月不發一兵  
賊圍者益增撫者益叛臣始心灰望絕俯膺號泣曰今而後皖  
事真不可爲矣嗟乎土地者皇上之土地子民者亦皇上之子  
民力催而於漕有濟也猶可曰損下以益上力催而萬萬無濟  
諫 垣 奏 議 三 敬鄉樓叢書

於漕也是負民更負皇上矣况催科無所施并無施催科者乎  
臣敢收涕冒罪爲我皇上一陳之皖以八載兵鄉元氣耗損已  
極近則逆獻五營盤旋六邑去秋暫退交冬仍來廬舍灰飛子  
女略盡弱者人食強者食人已見白骨紫纒而又水旱並災瘡  
痍疊見窮難之民死於賊死於兵死於饑寒之不盡者瘟疫盡  
之賊無所掠而掘紳家墳墓骸骨以要籽糧民可想矣且府  
縣官病者去者擄者縊者亡者逮者甚至印失署燬册籍成虛  
每接有司申文淚盡腸摧不忍再讀向臣之所期望者民也今  
則無官矣向臣之所期望者賊退也今則無論賊不退即退亦  
無及矣督催向誰督催改折將安改折也臣前議與撫臣黃知  
府楊肇泰合力挪貸以應漕急而十餘萬正耗需三十萬金錢  
豈涓滴可以補湊萬不得已懇乞皇恩特與寬卹所虧國課有

限而所救生命無窮如慮軍需孔亟恩難盡徵則原奉有懷桐  
望四分徵米潛太宿十分徵麥之明綸合無將潛太宿三邑盡  
行蠲免責其將來懷桐望三邑或蠲或折或全用麥免其加增  
臣等猶可千方挪措尾帮運進以副過淮過洪之功令總之臣  
前望賊退而不敢請蠲者臣之癡今日見賊不退而不敢不請  
蠲者臣之勢也然浩蕩出自聖慈豈臣等所敢必哉臣謹會同  
漕撫戶部右侍郎史巡撫應天右僉都御史黃巡按應天監察  
御史鄭巡按漕運監察御史霍合詞具題伏乞勅下該部議覆  
施行

崇禎十五年四月二十四日具題本年五月初八日奉聖旨該  
部酌議具奏

附覆疏 諫 垣 奏 議 四 敬鄉樓叢書

戶部覆本看得皖地兵荒受禍獨慘諸臣瀝血入告不啻章  
滿公車而嘔心爲漕亦幾算無遺策今科臣李維樞又以潛  
太宿三邑盡行蠲免懷桐望三邑或蠲或折或全用麥爲請  
總以寇禍日深一日經年蹂躪民悉逃亡講徵輸于此際誠  
亦虛名而無實濟也是在地方諸臣儘其力之能辦度其勢  
之可否不論用米用麥酌量措處以曲全國計兼惠民生如  
前議已徵在官勒令兌發其未徵姑從寬緩俟至豐收正所  
以仰體皇仁軫恤殘黎也若夫盡蠲以暢恩施誠固結民心  
之要著但干軍儲臣等不敢輕議等因五月二十三日奉聖  
旨是皖地兵荒殊堪憫念這漕糧不論用米用麥着地方諸  
臣審力度勢酌量措處仍如前議已徵的勒令兌發果係難  
完姑從寬緩俟至豐收以昭朝廷軫恤之仁

四報開幫過淮日期殘邑續完糧數疏

欽差督催江北新漕戶科給事中臣李維樾謹題為四報開幫過淮日期殘邑續完糧數事竊臣于役江北督催所屬惟五郡值五郡皆災荒瘠瘠之鄉內四郡益以流土蹂躪之慘惟揚州一郡去賊稍遠而旱蝗又較四郡特甚焉臣文移所至阻抑浮沉皆不可問每一役往返未有不以旬計以月計者望接郡邑片紙隻字不啻白璧丹書迨展而視之其中言徵兌者十不一二三訴寇荒者十嘗八九且淮撫臣駐淮上應撫臣駐姑蘇始與舊按臣促膝商商繼又與新按臣攢眉相向臣影無停晷風奔兩馳自買小舸來往於寒江上下干戈載道弗顧也是以各屬節文疏略詳報參差或後報先完或已完者未報或載衛名無運弁或填數目少通關致臣不能循序而稽條目而錄數數

諫垣奏議

五

敬鄉樓叢書

而入告以慰睿思此亦臣之遇也前臣於正月十六日具有三報完糧并開兌日期一疏去後隨據揚州道臣黃家瑞揭報內據揚州府推官湯來賀呈報江都縣於三月初十日過淮訖儀真縣於三月初十日過淮訖寶應縣於二月十三日兌完開幫三月初十日過淮訖泰興縣於二月十二日兌完開幫訖高郵州於正月十三日兌完開幫訖泰州於正月二十八日兌完開幫訖海門縣於正月二十四日兌完開幫訖其興化縣則派兌海運者也又據淮海道臣張士第揭報內據淮安府推官楊鼎熙呈開山陽縣除海運九千五百七十九石五斗八升外悉於正月二十五日兌完緣築壩挑河於本月二十六三月十五兩日陸續開幫訖清河縣於正月二十五日兌完二十六日開幫訖桃源縣正糧二千三百三十九石九斗八升四合一勺六抄於

正月二十六日兌完二十七日開行餘俟運官找兌宿遷縣於正月二十八日兌完二十九日開幫訖邳州於正月二十七日兌完二十八日開幫訖睢寧縣於正月二十七日兌完二十八日開幫訖沭陽縣於三月十五日兌完開幫訖其海州贛榆鹽城安東則皆徵買全完漕撫臣派兌海運者也又據潁州道臣張如蕙揭報內據奉旨分催淮北鳳陽府知府李應節分催淮南鳳陽府推官陳師泰呈開潁上縣於正月三十日兌完開幫訖五河縣於三月十四日兌完開幫訖虹縣於三月十六日兌完開幫訖蒙城縣於三月初十日兌完開幫訖壽州於三月初一日兌完開幫訖霍丘縣於正月三十日兌完開幫訖天長縣於二月二十日兌完開幫訖其太和盱眙已兌完八分潁州靈璧已兌完六分臣拜疏後即可以開幫者也又據安廬道臣蔡

諫垣奏議

六

敬鄉樓叢書

如蕙揭報內據廬州府推官何淪呈開合肥縣於正月二十八日兌完開行訖巢縣於三月初二日兌完開行訖其無為廬江舒城六安等州縣兌完尤早因死賊盤踞未敢開行者也又據淮徐道臣張若獬揭報內據徐屬河務同知朱夢炳呈開碭山縣該糧七千三百九十五石二斗三升八合四勺已經設處全完候兌矣豐縣該糧四千三百六十九石九斗一升三合六勺已經設處全完候兌矣徐州已經設處至一萬四千有奇候兌矣此即臣前疏所云土賊四起門閉路塞之鄉今知州紀天佑古心粹品蒞任一月勵精徵京邊銀兩僅得一兩八錢即自刎死誠可矜悼者也內四府一州即稍有虧缺皆總漕臣與監兌推官竭力設處自認全完然一粒未兌一日未開臣決不敢一字輕報除臣一面未過淮者催其過淮已過淮者禁其停泊為

賊阻者行地方兵多護送未開帮者責經徵限日報行且嚴檄各屬推官親詣各倉各次驗兌務期粒粒上船船到次如有捏報及折乾盜賣等情即參該廳以徇庇之罪外理合先行馳奏蓋臣左右無効勞聽用之弁驅使無承差聽事之胥一舉一動躬自赴理飛蹄走轡之奏悉係親丁齎捧出歸顯連臣屢疏尚未得一摺綸綍總之臣志在安靜哀矜勿將勿擾即困躓難堪祇期於無負聖明而已臣繕疏已畢復據鳳陽府推官陳師泰揭報懷遠盱眙潁州俱於三月十四十五兩日兌完開幫訖又據揚州府推官湯來賀揭報泰興如皋海門泰州通州俱於三月十八日過淮訖理合一併馳奏

遵旨各舉所知疏

諫垣奏議

七

敬鄉樓藏書

欽差督催江北新漕戶科給事中臣李維楨謹題為遵旨各舉所知以匡治平以副聖望事臣雖遠役江淮而犬馬下懷無刻不依戀皇上左右近接邸報見皇上師臣赦賦與起廢新綸大哉王言即古之學甘盤惠鰥寡用宅闡門無以逾此且奉有各舉所知之諭臣何忍棄能不言自蹈蔽賢之罪乎臣思使功不如使過非權術雜霸語也用人之知去其詐用人之勇去其怒用人之仁去其貪禮運已載之矣從來聖賢多從過中造就豪傑多從過中奮發功業多從過中激成生於憂患者以過生也存乎疚疾者以過存也借過以起戰兢借過以起愧悔過何足以病人哉矧一時註誤難以定終身小事舛錯難以概大體閣昧指摘難以掩光明儘有不可不受過之時不可不認過之地宜乎赦小過與舉賢才並列也臣敢就同鄉同官中見最久知

最真如聖諭所云才堪大用者首得四臣焉一為祭酒臣倪元璐元璐品鴻文表率後進憐才救世海內共欽懸壺家居能使一鄉無饑寒無流離無姦偽青州紫陽之効略見於此觀其翼富義倉一書他日宰天下亦猶是矣一為兵部尚書臣范景文制勝如臨其身用人如取諸寄鸞年流氛披猖江北不敢一騎窺渡者以有景文在耳迄今戎間猶遵其成畫此何等經濟也一為刑部尚書臣李覺斯與侍郎臣王心一兩臣先任一為南京太僕寺卿一為應天府府尹皆處軍民雜選賦運弊積之區悉以廉明雅鎮之迨晉秩貫城而持平明反舍己雪人得劉祥道歎歎不食之風焉此四臣者知有皇上而不知有身家知有是非而不知有利害朝廷何可一日無此臣哉伏乞勅下該部將倪元璐范景文李覺斯王心一確擬治行即與賜環則正

諫垣奏議

八

敬鄉樓藏書

人與朝世道之福也抑臣又有請焉居位無言君子五耻之一今皇上破格求言而出而敷奏入而述職詢岳咨牧原不計煩以後道府臣出京入京宜彙月一體召對未任者可知其人任滿者可知其事亦明瞭天下情形一大端也併乞勅部具設施行

崇禎十五年四月二十日具題本年五月十三日奉聖旨倪元璐已有旨了其餘諸臣該部一并覆奏所請召對道府臣亦屬可行也着速議具覆

請留漕撫疏

欽差督催江北新漕戶科給事中臣李維楨謹題為賊勢萬分緊急漕事萬分孤危淮撫萬難更動謹直陳東南情形仰乞乾斷事竊臣奔走漕務時正遠在大江忽聞賊勢披猖臣恐漕艘

或有不測子身扁舟轉入河道并殞廢寢親饋旗甲一千六百八十七名運船二千九百一十六隻過淮私幸時勢至此官弁不至慌錯軍民不至震驚使臣等猶可措手者獨恃漕撫史可法在大江以北設無此一臣則此地真不可知者矣不意傳廷推史可法爲中樞臣驚憂不知所出東南人情一時盡爲惶惶蓋廷臣之擇才誠當爲國誠公然皇上亦知今日賊勢之爲賊勢准揚之爲准揚可法之爲可法乎賊立五營衆號十萬拒者屠之降者釋之河南一省殘破殆盡矣且大張僞示威挾恩收假仁義結民假官爵召叛其間守令紳衿將領賢者守義罵賊相繼死難者不可勝計不肖者反面事賊作其心腹者亦不可勝計近復攻陷舒城縣改名得勝州將欲分兵西攻鳳泗東突滁和耽耽准揚如几上肉耳可法名爲漕臣時時措餉備兵

諫垣奏議

九

敬鄉樓叢書

安民防賊竭盡心血以保此重地危疆且土賊海賊四境皆是可法左衛陵京右捍常璽通天下之咽喉運天下之輿餉握天下之安危是朝廷之重用可法非專爲漕實爲天下也朝廷之重視准揚非專爲江北實爲天下也設使更置不得其人而上不熟習下不信服民失所賴賊乘其虛恐可法未登司馬之堂而准揚先已岌岌矣如謂樞臣之選或難其人則有李邦華之老謀偉畧張國維之深智沈勇黃希憲之遠模厚魄趙光抃之果毅擔當李繼貞之清嚴介特或在籍或在任才品皆堪大任伏乞皇上俯採臣言立賜擢用俾可法得竟准揚之局爲朝廷轉漕運餉渥命脉於東南整架殲流奠陵京於萬禩矣

崇禎十五年四月二十日具題本年五月十三日奉聖旨轉漕禦寇史可法責任甚重自難輕移該部知道

申明糧完於先廬陷於後疏

欽差督催江北新漕戶科給事中臣李維懃謹題爲臣糧催完在先廬州襲陷在後謹據實奏明開行日期以慰聖懷以防欺飾事竊臣于催糧一局非不可坐一安地走檄行文以塞臣責迺死賊鱗萃鳥集之區臣歷之必週處之反久催之益力者豈真不畏矢石甘以七尺嘗試哉誠見賊狡計百出聲東擊西江北疆圍刻刻鄰覆巢之險漕事早過淮一日則脫賊一日虎口免賊一日鼠目設有不虞以我軍國嗷嗷而待之顆粒供賊陳陳而積之朽紅是失此種菽其害小助彼飽騰其害大也不意賊勾連土棍預匿城中五月八日廬郡竟被陷矣臣聞報之日不勝悲駭然細察廬屬糧數合肥巢縣臣前疏已報開行其已兌完之無爲廬江舒城六安等州縣與未徵完之霍丘縣續據

諫垣奏議

十

敬鄉樓叢書

推官何綸揭報竭力那借銀三千二百兩湊足除霍丘買麥交兌海運外悉於四月初三日開行矣申詳詳明日可據何綸久經行取臣必令其監兌事竣方許北行是猶幸廬糧離郡已遠升合之微不爲賊有非賴皇上如天福社豫謀遠慮蚤遣諸臣使職得以先期冒險驅策之何綸得以先期拮据那借之則廬屬新漕終歸烏有矣至於亳霍二州縣亦沒於賊霍丘臣前疏已報開行今據鳳陽知府李應節揭報亳州於四月初七日開行訖太和於四月初六日開行訖宿靈二州縣兌完現勒開行此皆分任得人危漕可保皇上之明也各官之力也臣何有焉臣恐何綸既赴考選李應節又在監軍不肖官弁或借城破糧無將以抵舊欠或借賊來口口將以恣侵漁臣何忍此一片任勞任怨之苦心付之曉風殘月所當亟爲皇上告也伏乞勅

下該部察覈施行再照賊焰方張臣屬淮揚一帶聲賑相驚時值五省漕艘畢集於此臣率同揚州推官湯來賀不論屬與不屬一槩董押過淮停泊參差必加懲警除臣前疏報明外今四月二十一日自南京錦衣衛千戶張邦奇下旗軍吳從文等起至五月十六日鳳陽衛指揮趙椿齡下旗軍張邦印等止押過船五千三百一十三隻旗甲三千二百六十八名過淮訖庶諸臣殫精瀝血所催僱而來者不至有意外之恐區區微忱少慰主上焦勞者惟此

崇禎十五年五月二十日具題本年六月十四日奉聖旨戶部知道本內廬鳳所屬漕糧既經兌發即責經營各官嚴儆登庚毋令借口城陷恣行侵沒着速飭行

請寬災地通糧從長確畫疏

諫垣奏議

十一

敬鄉樓叢書

欽差督催江北新漕戶科給事中臣李維楨謹題為請寬災地通糧併為增米無米地方從長確畫以便徵輸以速運務事竊臣于役八閱月凡一疏上輒一疏述江北苦狀亦日臻矣備矣慘矣然今日江北之苦實不減豫東其中流離死徙之狀兵荒災厄之形多有不忍對皇上言者矣臣雖與總漕臣史可法東那西湊粒積顆攢以苟完此局其中剜肉補瘡之苦捉襟露肘之羞多有不可對皇上言者矣抑且二麥將秋水澇淹盡廬州報陷遐邇震驚從此以往可法即至能其能踐前許臣皆代設處之語乎臣即至忍其忍質前可法皆代設處之約乎臣攷國初舊例漕撫都御史每年八月入京商酌下年漕務可否事宜則此事已當商酌之際臣准撫按公移與守令詳請有稍借漕務以權宜立起窮民於溝壑者數事從此以往又有不忍不對

皇上言者矣國初之設臨德二倉也原備災傷之地奏留奏免奏折者即於預備糧內支運法至善也今英蕭徐宿之被寇通糧共計二萬九千零九石興化之奇荒加增麥銀尙欠四千八百兩總漕臣與地方各官到此賠無可賠補難再補所謂力不赴心事與勢背臣亦不能違心誅求以副今日之功令不得不哀懇洪慈准其停緩以待豐收者也至於六安州糧二千五百八十四石兌完在正月三十日推官州官之報文指揮張秉忠之通關千戶牛昌胤之領狀具在今日忽報經寇焚燬是不行之罪在運弁不力催其行之罪在州官誠當如總漕臣議責其均賠耳外此則又有可商者一曰興化安東之永折不可改蓋興化澤國民盡業漁益以連歲奇荒一萬九千之正改兌糧日在請折請蠲去年忽以永折浮糧八千議同安東改徵本色夫

諫垣奏議

十二

敬鄉樓叢書

折色每石七錢豐年從來拖欠本色不啻五倍荒歲責其取償此即懸鋒鑄於小民之前立繩騎於縣令之後萬萬不能辦况安東尤凋泐之甚者乎一曰海州濠陽濱榆不可不改麥蓋江北產米原少而三州縣不惟田不種稻抑且路不通漕每石但徵銀五錢聽官吏買米於境外而舟車水脚之費寓焉年來兵荒特甚買米一石費至四兩加增則不敢賠補則不能竟借支應解下年之錢糧以作填海歸墟之精衛試問歲復一歲何以實此漏卮前總漕臣朱大典憐官民之交困以改折具題即輔臣賀逢聖亦以入告未經部覆臣思邊儲孔亟改折似難輕議麥本淮郡所產而三州縣所產之麥稱最佳便國便民祇有全徵其麥著為例可耳此時臣同官諸臣皆聯翩報命臣獨遲遲淮上非好為道途人也蓋皇上以江北委臣則江北之事皆臣



事目今黃強淮弱河澀難行漕白二艘之趕幫者尙停閣在途竭挑濟之力無濟於事臣度水勢外河可行徑着山陽知縣金和山清同知湯之奇各以小舟緣河插標親引龍江武德等衛官旗李洪德吳文等常州等府解戶周文典等船隻絲外河以達清江則一臣之苦心不可沒也又清口水勢高一丈許過開之險難於登天五省中有一粒未過清一州未出口臣刻與馮夷相抗決不肯委之而去也伏乞皇上將臣所請英肅徐宿之通糧興化未完之麥折下部酌議并興化安東海州沐陽贛榆各州縣改折改麥事宜從長確畫以便速徵速運然權衡出自聖裁非臣敢臆揣也

崇禎十五年八月二十九日具題本年九月二十六日奉聖旨

該部看議速覆

諫垣奏議

十三

敬鄉樓叢書

特參貪污提督疏

欽差督催江北新漕戶科給事中臣李維楸謹題爲浦口繫陵京咽喉劣督吸軍民膏髓謹據實特糾以肅軍紀以保危疆事臣維江北之役爲皇上任督催之臣惟凜凜不獲通漕是懼然而漕糧小民膏血也不保民則漕事危不禦寇則漕艘亦危乃有以禦寇之事而反殃民將毋以殃民之故而轉病漕乎是以臣跡所至目擊痛心有不能已於言者國朝定鼎金陵即設浦子口城以衛陵京以障儀揚其中五衛之軍丁三倉之積儲在焉地至重也而設提督一員總領池浦之軍馬遠而鳳廬滁和近而浦六儀陽之有事皆其應援任至重也今皇上特允原任登萊巡撫陳應元請軍弱而招西兵步弱而加馬兵非爲浦子口實從陵京起見儀揚起見慮至深且遠也不謂有禁縱不法

如提督池浦王承勳其人者承勳年則乳臭也性則蕩子也品則貪夫也行事則鼯鼠淫猥也目中但有金錢不知兵略爲何物意中但知嫖賭不解戰守爲何事著中但騷擾童孀妾不識軍丁爲何人去冬河南逃兵勾引土賊突至城下初猶稱兵索供應索夫馬無算其後乃漸擄牲畜擄婦女燬民房承勳一籌不展抱頭閉門若非標營都司劉榮單騎出入賊中曉以國法惕以兵威而後去浦其危乎而日終日遊園終日擁妓酣歌流連賊來不問賊去不追視舒廬英霍之淪亡爲風馬之不及即視池浦境內之震動亦痛癢之無關只今賊踞舒城耽耽儀揚安望承勳之能救援萬一狡謀窺渡賊騎飄忽安望承勳之能堵截哉臣舊浦令也從九死一生中爲皇上守此一塊土地轉眼而供承勳之輕擲臣不忍一從千辛萬苦中爲皇上保此數

諫垣奏議

十四

敬鄉樓叢書

萬生靈轉眼而供承勳之嚼噬臣不忍二且以陵京之保障南北之襟喉五衛十餘萬之軍丁三倉數百年之命脉轉眼而供承勳之兒戲玩弄臣不忍三謹將王承勳罪案見聞最確者歷歷爲皇上陳之一奉調標兵出征臨期賈放將老幼抵換一百一十四名每名得銀八兩共計九百餘兩守禦劉承慶證一賊破舒廬各處被嚴本官此時納妓三人爲妾日登本衙山樓歌飲傳號官徐詔代娶証一標兵出征聽奸書朱之卿侵行糧銀二百兩把總王允吉證一標兵出征聽奸書朱之卿侵駝驢銀一百兩把總黃忠證一聽奸書朱之卿巧立名色創設齋奏二隊四十名每名折銀四兩免操差管隊郭應福趙景元證一買營馬每匹索買馬官銀十兩衛總呂光榮證一每月私放戶部軍糧籌計百十餘石獲利病軍軍牢胡應舉代取證一賊破舒

廬時並不戒嚴每日衛軍起葺花園亭榭池沼晝夜併工怒衛  
總尤起龍宮綉痛責二十板設一每渡江假託公務潛宿舊院  
娼妓船頭余應祥船送證一賊破廬州無爲州離浦口二百餘  
里塘報如雨本官並不守城五月十二日撥船攜妾將遊江南  
弘濟寺遊擊章國武力爭證一賊破舒慶本官差撥兒守禦余  
養清帶領家丁探撈鄉民財物米麥搶擄用官馬駝回地方  
驚以爲賊逃亡不計其數花旗營百姓證一選營軍之子七八  
人有姿色者充門役免其父差操門役現在證一隨任家丁二  
百零八人縱騙本城百姓家家受害合城十民證一端陽橋嫖  
妾登舟遊湖酒醉墮水貽笑地方可證一本官親帶李副將艾  
將封鎖衙內終日呼盧不理營務合城十民證以上數款職  
真證確道路之人皆能言之其餘穢狀真所謂罄竹莫書掬波

諫垣奏議

十五

敬鄉樓叢書

難洗者也外此則有調防呂梁青州營守備張迪先其人者此  
地流土交訂民不聊生流離轉徙者不可勝計而迪先借防護  
爲名無問官民船隻皆在其盤詰之中一人渡索錢三十文一  
船渡索錢三百文大而騙馬牛羊鷄鴨米豆之類以至柴薪小  
菜亦稅焉不從者朴責之一經過儒生儼然方巾儒履亦遭其  
撻辱臣閱其告示防河所以防護也凡官民船隻皆在盤詰之  
中有不從者以銃擊之臣不勝駭愕夫防護之說防賊渡乎防  
民渡乎而銃之擊也擊賊乎擊民乎年來小民畏兵甚於畏賊  
臣謂兵驕而將不能制之也不意此弁縱兵虐民教誦升木賊  
未至而民先受官之毒則將焉用此官哉臣于役徐宿間輕舸  
往來所聞於百姓之言甚悉且不獨渡者畏之弁士著者將負  
帑而避之矣臣會管河部臣深谷其不能約束而部臣出迪先

一文示臣不用呈用關不稱職稱吾至云千里遠戍君命有所  
不受豈受部司之察覈舉動乖張語言狂悖待部司如此待地  
方官可知臣不得不并以入告爲一方殘黎請命也伏乞皇上  
勅下該部覆看如果臣言不謬即將提督王承勳從重處分事  
欵嚴究并守備張迪先立行褫革速簡能將以保陵京另調一  
弁爲防河之計庶幾地方安而賊不敢窺漕事與漕艘均有濟  
矣

崇禎十五年九月初十日具題本年十月初七日奉聖旨浦口  
重地豈容婪弁恣誤這奏著兵部速議覆

請復罪廢諸臣疏

欽差督催江北新漕戶科給事中臣李維楸謹題爲道學有再  
新之機言路無終讎之氣人才無久滯之理懇乞聖賜召用以  
諫垣奏議

十六

敬鄉樓叢書

襄聖治以靖時艱事竊臣遠役江淮恭聞皇上拔沈振滯救繫  
獨通洪仁覃布殆無虛日已謂有君如此而不坐奏昇平者萬  
無此天心亦萬無此人事矣及於邸報中捧讀聖諭詞臣黃道  
周枚罪還職不覺感極而喜喜極而泣昔漢高祖持節救蕭何  
唐太宗下詔追玄齡古今傳爲佳話然一有王衛尉之言一有  
褚遂良之諫孰如我皇上不因人言而獎廉重學太虛無我之  
懷發於至性乎所謂以手足骨肉待臣下臣下有不捐頂踵赴  
湯火以還報皇上者非臣子也然惜道周矣惜道周便當思用  
道周之地用道周矣用道周便當賞救道周之人如金如玉之  
解學龍如冰如鐵之成勇文品並峙險阻備嘗之何楷葉廷秀  
皆應海岳之奇具忠直之性仰體皇上獎廉重學之至意思存  
道周以報皇上者胡可得材而棄斤得穀而忘錫也臣江干舊

吏也江南北之人才宦蹟八載中亦聞之稔矣况身歷其地目擊不更真乎乃據臣耳目所及尙有可用而未用者有擬用而未即用者又有已用而未竟其用者臣敢不爲皇上陳之一爲舊侍郎臣錢謙益謙益挽持世運領袖人文器抑而愈深識磨而愈卓文章經術眞足以待後守先潤色鴻業一代之大儒百爾之師表也一爲舊淮揚按臣李右讜右讜生長節義之邦不受中貴之指使一遭幽斥無夢長安經濟特著巖疆高風振起頑鄙至於捐金數萬葺理泗陵如此多冠威足以懾權奸而功可以扶社稷者也一臣姓名久列於御屏民望尙虛於草野臣所謂擬用而未即用者此也一爲舊科臣姚思孝思孝鵠起玉堂翩翩公輔器以其挺特政言徒爲諫臣擔世界治亂於孤肩瞭天下安危於隻掌智深而蚤慮周而長青瑣要地不可一日諫垣奏議

十七

敬鄉樓叢書

無此臣何忍以篇章之懸而置之南雍青氈之間也一爲舊科臣吳家周家周孝友天植忠介性成知無不言言無不盡一鳴之斥至今與思孝同在望朝昭鑒中矣顧二臣丰采表表當年課以事不如課以言用之閑曹不如還之要地臣所謂已用而未竟其用者此也一爲舊登萊巡撫臣陳應元應元自藩臬歷中丞著勞山左背城借一蓬萊賴以屹然增馬添兵浦口藉其建白人以其衰憊置之其實精力猶堪鞭策則臣所謂未用者此也伏乞皇上勅下該部再加察覈如果臣言不謬卽同黃道周解學龍等一併賜環予以原職或以理學正人心或以議論定國是而封疆之托亦有裨侮太平之理拭目望之矣抑臣又有說焉用才宜適長短情才宜均勞逸何也車不利水舟不利陸鶴足自長鳧脰自短六藝原有分課四科豈可兼長用其長

去其短是謂善用才乃所以惜才也廣大如鵬六月亦息超駛如驥九曲亦疲寶劍不拭豈能終利良弓不煅豈能終強有屢擢不出乎衝邊十載陸沉于督撫身非金石得不銷鑠乎始勞之終逸之是謂善惜才乃所以用才也善乎臣同官馬嘉植用惟其才不用盡其才之言也敢因用人并及之伏祈皇上採擇施行

崇禎十五年九月十九日具題本年十月十八日奉聖旨已有旨了該部知道

### 五報殘邑糧數疏

欽差督催江北新漕戶科給事中臣李維楫謹奏爲五報殘邑糧數併過洪過濟日期以慰聖懷事竊臣於催糧之役無不晨夕奔走啟處不寧期得一當以盡臣職無若時勢交窮如安慶

十八

敬鄉樓叢書

一府蕭英二縣徐宿二州之半通興化加增之過甚萬難措手除臣與總漕臣史可法合詞請寬外安慶一屬先徵皇恩浩蕩寬至豐收矣但奉有地方諸臣審力度勢酌量措處已徵的勒令兌發之明旨臣即嚴檄地方官竭力措處已徵者勒令推官來集之親赴水次監兌開行定限中秋以前過洪彼時臣在清口董口催催運艘去安慶二千里而遙一檄往返動輒數月今臣已在臨濟間據推官來集之揭報懷寧縣完米一千三百八十八石四斗九升五合兌與千戶耿直言領運訖此乃署印經歷梁居正補前官之缺竭盡心力而僅得此寥寥者也又據望江縣報稱措處銀七千六百二十五兩批差汪升富解淮買麥兌運訖又完過米五百三十五石并撥剩米三百六十四石有奇俱兌與千戶張君輔領運訖此實知縣袁懋齡心血之所結

即明旨所謂酌量措處勒限兌發者也至於碭山豐縣臣已報完在先即沛縣倉場水次化爲兵燹臣亦勒令買麥兌運今據該縣申報除措銀六千一百兩解准抵麥二千九百零四石七斗海運外又徵完五千八百五十五石七斗四升交兌壽州百戶黃應龍領運悉於五七等月初五六八等日次第過洪訖惟是徐宿先完之數允兌未開臣於八月初間嚴限江北漕總吳士俊押之過洪九月十三二十六等日見趕幫各船陸續過濟陸續過臨而臣頭幫抵通之船隻銜尾回空亦相見於臨濟上下間矣理合一併馳奏伏乞皇上勅部察覈施行船行在先文到任後奏報參差亦勢使之然也并乞聖明鑒照

崇禎十五年九月十九日具題本年十月二十九日奉聖旨戶部知道

諫垣奏議

十九

敬鄉樓叢書

舉劾在事官弁疏

欽差督催江北新漕戶科給事中臣李維禔謹題爲臣糧先已登厥後幫次第過濟謹循例舉劾在事官弁以信功令事竊臣奉命江北內外諸臣無不爲漕事危難爲臣危臣亦度勢量力必不善了以無負皇上之任使爲自己危何也去歲漕艘冬猶在濟去歲回空夏未至淮且去歲之通糧多有待補後人者加以今年水滯甚之災疫甚之離亂甚之臣憂去年光景轉在眼前而欲挽遲爲速更難乎其足危也不待識者而後知也幸賴皇上蚤見豫圖大小臣工一時振奮總漕臣史可法過署不入者七閱月巡漕臣霍達溯洄黃河者三四回總河臣張國維往返波濤者數千里臣從從諸臣後勉効馳驅自八月初三日起至九月十三日止除頭幫盡數登廈外後幫相繼過濟望

望津通不遠矣然先事料理則有史可法之豫辦米麥以待補湊前按臣張愷爵之家事視國今按臣王鼎鎮之身事視民催科撫字手口卒瘁而漕道毛士龍漕白兼任勞怨不辭揚州兵道黃家瑞既顧漕又顧寇又顧河威足以肅惠足以綏合諸臣之力而後粗完斯局臣敢冒爲已有哉其餘有司除推官何綸功深捍禦志切痼瘼已經行取楊鼎熙聲實並茂心政咸宜已經陞任知縣劉達品在雲霄勞著軍國已經華選劉天斗潔已裕民實心任事已經丁艱不敢榮叙外所有應薦應劾官弁臚狀如左伏乞皇上勅下該部如果臣言不謬即將馬鳴騶等優叙吉人傑等分別處分庶幾賞罰明而功令信漕政肅矣

計開薦官二十員知州二員揚州知府馬鳴騶清操玉尺水壺長才轟雷掣電無利不舉無奸不釐無髻孺士女不感激

諫垣奏議

二十

敬鄉樓叢書

而一以平恕出之明敏運之漕蠹漕弊悉清軍船民船咸賴一方之糞黃節鉞之鼎望也鳳陽知府李應節九載嚴疆備嘗艱苦寢食于盾之上往來蓬蒿之中偶承人匱分催漕糧幾乎嘔出心肝幸也全獲運務至積穀萬石於陵城之中江北勞臣無出其右同知三員徐河同知朱夢弼爲河臣奔走水濱護堤浚淺晨夜不寧代李官分催徐屬衝寇冒荒心力幾殫今春淝河之捷本官與有勞焉真堪大用者也淮安同知李固本攝篆海州事事幹辦拮据荒寇之地調服悍獷之民徵麥募船不至捉襟露肘其才智有足多者揚州同知張爾傑以名門之裔殫急公之誠督造運艘賠累數千至損家植以供公務亦足尚也通判一員漕捕監紀通判黃鉉才諳邊務勞著嚴臨練家丁以衛民捐橐資以買馬自春徂夏復

償清口董口運船五千餘隻并餐廢寢冒雨蕩風亦云勞矣  
推官一員揚州推官湯來賀監兌力洗陋規漕蠹肅然歛手  
督漕催辦勞薪萬狀至於苦心讞訊平反大辟軍徒無慮百  
十餘宗吏民仰若神明紳衿誦爲鸞鳳而布蔬清約不異書  
生品高木天望隆公輔原任鳳陽今調淮安府推官陳師泰  
清三千金衙役之頂首以補漕欠省十八屬漕兌之陋規以  
甦民窮平反獄情力禁差役才可斷兇風堪破柱知州三員  
泰州知州陳素曉暢民情通達治體抗疏爲災黎請折心血  
幾枯措麥爲闔境完漕哀鴻復集保民之慈母應變之能臣  
也高郵知州張垣靜以詞煩清以率屬確守官方洞悉民隱  
步禱烈日之下期於雨足而後止尤見留心農務足禱江北  
循良邳州知州朱逸泓志切憂時才能任事濬濠加城練兵  
除器河工漕務事事整頓下拜聲勢屹然金湯知縣九員江  
都知縣歐陽添清不求知才不標異處頭器衝劇之地而神  
閒氣定賦足民安求獲已切痼瘼持法力破情面固以清而  
見執實以慈而成勇者也由陽知縣金和丰神玉立才致雲  
流茂績久著於金灘新嶺再見於淮浦甫到任而即條陳驛  
馬葺理郵亭疲邑翕然改觀至力催水脚以急軍辦料鳩工  
以護水代江南易麥募船以補運心憂如灼形鰥可憐實政  
勞薪罕見其僱輿化知縣武備業精天文心存民隱當凋泐  
災傷之坤漕兌如期軍民咸服可謂經綸應手操縱從心儀  
真知縣鄭瑜才以誠運智絲膽生處極衝極囂之地有綢繆  
安戢之方增垣濬濠繕器製藥爲一方之倚賴河漕竭蹶不  
寧軍國資其一臂天長知縣李逢春割剗弘才品瑩粹品豫

諫垣奏議

二十一

敬鄉樓叢書

買米麥以待轉輸故徵兌獨先各邑至於撐持疲驛安集殘  
黎清惠萬口同聲規畫百年永賴沐陽知縣劉十環英標強  
幹遠識弘猷創未有之郵傳捍方張之強寇完歷年之通漕  
百責交萃隻手獨撐能吏亦勞吏也清河知縣何光斗一塵  
不染百廢具興處疲邑而揮斥如意完糧獨先可稱才守雙  
美沛縣知縣李正茂才品均超憂勞獨至水次倉場之遭寇  
化作灰飛河工漕兌之兼營慮出血洵是有用之才鹽城  
知縣楊惟中糧視他邑惟多地當海濱特苦能於旱潦疊災  
嶺點橫行之地追述完賦禽寇安民亦難事也劾官三員知  
縣一員蕭縣知縣吉人傑才庸識闇罔肯無能聽胥役之撥  
置如醉夢之未醒此時何時此地何地而可以土偶任之乎  
一本官忝土賊橫行全無捍禦日與求撫以鄰爲壑一本官  
任百姓流離不知招集何方終日飲食酣睡而已一本官政  
事悉憑左右上下其手貽累無窮怨聲載道一本官不顧軍  
需重計漕餉本折錢糧一付之不理此一官者百事廢弛地  
方罔賴所當降調以救危城者也同知一員廬州府同知徐  
中台性格猖狂心計疏莽不諳治體措置乖張一本官署巢  
假事權於衙役肆螫毒於小民怨聲大著一本官徵漕頗多  
穢跡地方節有煩言一本官口禦無聞反借寇擾民一方騷  
動此一官者壞封疆而無悔禍之心借離亂而肆貪求之計  
所當重懲以快民憤者也百戶一員長淮衛分運百戶劉學  
孟志便私圖罔赴公急頑鈍無靈三尺不顧一分兌桃源縣  
糧冬不到次直至春深屢檄不應一兌糧婪索話會久措不  
開一桃源水次過洪不過一程之遙本弁逍遙河上鞭策不

諫垣奏議

二十一

敬鄉樓叢書

前而遭風之報業業良絲官不在船一聽奸旗玩弄此一弁者應兌不兌應開不開應行不行紊亂漕規所當重懲責以賠補者也

崇禎十五年九月日具題本年十一月日奉聖旨以下原缺

### 恭繳勅書關防疏

欽差督催江北新漕戶科給事中臣李維楸謹題為恭繳勅書關防事竊臣奉命督催江北漕務通計漕練五十萬五千三百四十三石有奇除徐宿蕭英四州縣及安慶一郡寇荒特甚已邀皇仁浩蕩寬至豐收外前糧盡數通完自去年十一月十七日入境起至五報續完糧數止一一馳奏御前臣不敢再咨其遼糧一項舊例江北另派另解官民滋擾臣於四月間具疏題明奉有遼糧各省直俱隨漕徵運何獨江北另派以後着隨漕

### 諫垣奏議

二十二 敬鄉樓叢書

帶徵帶運之明旨至於軍船十缺其九俱紳給有司共相僱募幸已足用臣一路催備重載於八九等月次第登庚船隻次第空回即一二尾幫亦於十月十四等日盡數抵津且淮截津訖臣漕務粗完謹隨同官諸臣於本月二十四日朝見所有原領勅書關防相應請繳伏乞皇上勅下該部察收臣不勝惶悚待命之至

崇禎十五年十月二十六日具題本年十一月初四日奉聖旨知道了着該衙門察收

### 目擊沿途情形疏

戶科給事中臣李維楸謹題為目擊沿途情形心憂來年漕額謹陳末議仰乞睿裁事臣嘗考唐天寶時與宋元符時唐之戶口多宋六七十萬而宋江淮歲入運米反多唐四百餘萬迄今

懸揣莫得其故若此時勢即有白英東劉晏才清瑄作用欲以達零桂割濠泗復續會通焉不可得臣是以干役江北上憂國計如此下痛民生如彼設處百端而後粗完漕局謬謂合兩年之積儲可紓司計之仰望不圖通津兩處僅救燒眉未充騰飽即來歲漕額足將恐不支况乎必不足也何也臣竣事之後江北州縣相繼淪沒南浙二處大浸稽天帆影漸北而嶧魚臨德之間滿目蒿萊千村窳冷僅東昌天津稍稱有年乃流徙乍回之民播種米麥不及十分之三而狼籍街衢無人收買則窮民之死喪略盡可知也已蒙皇上特允山東撫按請將十三年以前錢糧察取款項分別停緩矣臣竊計之若時有豐歉可以分別停徵既無民矣無論舊逋即本年催徵何處下手合無山東新漕分別災傷輕重議停議折以招流民之復業復業者衆

### 諫垣奏議

二十四 敬鄉樓叢書

下年錢糧可望足額不然民畏吏呼重足不來日復日年復年漕額之足何日之有若乃南浙漕數實半七省量折三三分以賑窮民庶幾有司乃可措手臣同官馬嘉植與臺臣周燦周一敬皆言之矣部議謂漕額自有舊制豈容輕減計臣之言良是然臣之議折也非減漕額實增漕額也何也南浙水荒實甚糧米一石約費四兩若折一兩民間已沾三兩之惠而以其價收麥於北地則一石可得二石之麥勒限撫按不拘何項錢糧先解收買或在淮陰或在東津北收者貯津南收者海運亦通變之道也如此雖不敢望如宋人之多運亦豈至坐聽漕額之虧損故曰增漕額非減漕額也且不獨此也省運船省水脚省輕齎一事而三利焉何不為乎當此世道清明皇上崇儒好學之日臣何敢以利言然生財有道經傳記之以節為生倘亦今日

所當講求與不然臣恐南浙之奇荒江北山左之無民通數必多與其攬肩於事後不若籌畫於事先臣是以不憚煩聒而望皇上之諦思而審處也伏乞勅下該部從長酌議施行再照漕糧粒粒小民脂膏亦粒粒有司心血一登漕艘遂恣弁旗侵盜十二三年之欠弁尙奉明旨察誅不許徇縱而本年船隻聽其沿途拋擲而不之問可乎黃河之遭風派流之遇閘多舟之相觸其沉沒猶可原也如桃源之過洪不過一日之程累月觀望卒不免於狂濤之覆沒其故謂何臣知之矣侵漁暗銷於雀鼠罪案明歸於風伯也至董口而上猶可委於流急而閘多一過南旺水漸平閘且少趕幫船隻亦無幾何而處處壞船何爲乎楊柳青去天津益無幾何而亦壞焉臣又知之矣清虛於滿船空載事迫於水落石出也凡此數處船隻所當察取嚴究追賠

諫垣奏議

二十五

敬鄉樓叢書

庶不啻奸弁奸旗術中且儆一懲百儆今懲後也敢因議漕并及之

崇禎十五年十一月初五日具題本年十一月初五日奉聖旨戶部看議具奏漕船沈壞明有侵蠹情弊著該管河漕臣嚴察究追該部即與飭行

治河治兵着有宜先議戰議守事有當慎疏

戶科給事中臣李維楸謹題爲治河治兵着有宜先議戰議守事有當慎謹瀝血誠以裨陸運以重封疆事自賊決河口淫雨助之汴城化爲巨浸藩王播遷臣民流徙爲三百年未有之慘事皇上發帑金十萬特遣御史一員前去自藩王以及臣民將士資予有差乃至化碧青燐各各沾恩大小臣工罔不感奮而獨不聞治河之有成命悠悠道旁底績何日舊河臣張國維親

歷河干相度計工疏請保督侯恂力肩其事侯恂賢者能辦此而後朝食况形勢得於目擊海口易於取携必待新河臣到恐鞭長難及水堅可虞循至春來則水之蓄也必多泛濫日甚疏築逾難關係陵運豈淺渺也說者謂保督辦賊者也乘其潰散趨汝正當整棚尾擊之時不知汴城之圍兩軍持久尙通天誅則賊勢之未易日晚撲滅姑以辦賊之精神用之河上爲更喫緊至於辦賊一着實費商量何也秦兵一譁而潰僅存三千無兵矣左帥驕蹇而不用命無將矣如此光景則用土殲流之議猶非確着况奴氛狎聞平竊謂辦虜者以設地險復臺兵爲緊關辦賊者以察地勢守淮揚爲全注未可平時悠悠臨事倉皇也近者遼撫黎玉田以水師請矣臣謂鳥師之設是虛着亦是要着觀先年皮島之猶能牽制則覺華諸島之兵之當設可知

諫垣奏議

二十六

敬鄉樓叢書

也但三空四盡之日募兵難措餉更難必須有實着而後可言虛着有正兵而後可言奇兵未聞各領兵單關門未固而顧急其所不急者也若淮揚財賦甲於天下爲五省運道之所自出譬之一家然京師堂奧也豫東門戶也邊關藩籬也淮揚則府藏也豈堂奧不可不嚴門戶藩籬不可不固而府藏可示以隙乎皇上歲以二十萬金守淮揚誠重之矣說者謂此地宜頓重兵臣愚不以爲然守淮揚當守之虛鳳若待賊至城下不可守矣滁之來安鳳之天長盱眙各有間道可達淮揚不必盡出浦六縣天來則逼處江儀爲疾雷之不及掩絲盱眙則突犯安東爲首尾之不及應凡此三處皆不可不設兵皆所以守淮揚者也不特此也在盱眙則有尖山陡山大紅等山外側中夷外枯中苑逶迤二州四縣二百里而遙其地藏兵可十餘萬芻糧豆



麥足用數年此臣爲令時聞之士人之言如此若使賊踞之而時以數百騎出擾淮揚我兵罷於奔命是添一英霍巢穴矣事有先着我踞此山以攔賊則淮揚有勝算守固而後乃可言戰臣在差上已與撫按熟商之矣戰兵宜簡驍勁而守兵只須土着禁旅但可護陵而左良玉不可使援江北何也良玉跋扈之形已見調之不來則紕法調之即來亦驅虎於羣羊之中而已今鳳督馬士英朝氣方新銳意進剿有史可法爲之犄角江北塊土可恃以無恐惟厚其力而縱之馳驅無掣其肘而使之瞻顧可也故曰禁旅但可護陵而內員不可責之視師則進剿之策臣知兩督撫之必有成竹也然臣更有進焉狡賊窺渡之謀已非朝夕年來舟楫漸多用舟楫漸熟今歲下無爲則用舟矣舊冬焚掠池浦濠梁之間亦絲長江而來對岸卽是陵京幸藻

諫垣奏議

一二十七

敬鄉樓叢書

竟不渡而風鶴時驚設有不逞之徒勾之南行誰爲察之而誰爲禦之則防江之法不可不講求也臣考宋史孟宗政孟珙父子設堡設寨以土人自爲守成法具在瀕江村落荒僻無兵之處放而行之亦今日之要着也伏乞皇上勅部詳酌施行庶馮夷効順伏莽潛踪陵寢安而運道復矣臣曷勝惶悚待命之至崇禎十五年十一月初九日具題本年十一月初九日奉聖旨防河早宜修築侯恂是否能力兼任新河臣速催受事已有旨了其餘餘鳳盱眙各處間道作何堵扼并護陵防江事宜通着該部酌議具奏

虜情不可不明人心不可不定疏

戶科給事中臣李維樾謹題爲虜情不可不明人心不可不定懇乞申飭以固封疆事自邊吏不戒烽火無聞虜騎入口而後

574 243

見報已可詫異入數日後乃有報劄營不動者有報有步無馬者未幾又聞圍昌黎矣圍薊州矣至十三日聲息斷絕十四日但稱東協有警而東西兩協無之紛紛傳聞總無確據三協之撫道將領曷用乎如此又安望堵截掩殺之有成算則今日要着惟募間諜擺塘報以明耳目爲最先臣謂虜之來也志在剽掠則近海三郡與保定河間皆其所必到若窺榆關憂未艾也莫若嚴檄三協督撫分信力堵必須關門固而後餘着可次第布置若城守一節堅壁清野二事盡之諸臣繼繼言之矣但言堅壁則啟閉未免失候言清野則奸弊種種隨之諸臣中亦有言之者乃據臣耳目所及不敢不以入告臣與爵臣陳延祚七員派坐宣武門每見出入擁擠軍民紛雜盤詰維艱臣與諸臣設法疏通出入西以免填塞每日輪流一臣盤詰城外設

諫垣奏議

一二十八

敬鄉樓叢書

難民一籍登注明白以備巡城御史之察賊本月十四日該臣與延祚往見有崇文課稅部臣朱從義遣胥役吳瑞及衙役七八人在於城外察稅各役竟阻販糞車輛不容進城臣早間恭誦明綸軫念商民暫停門稅一時歡聲謦聞竊意崇文課稅應在停免之內司官之徵稅與胥役之越門稽察均之非法即或稅未奉免稽察可也而執其人阻其車於軍民雜運車馬紛闐之日明有借端誣索之情弊臣已將客車放入示以免稅之明旨而吳瑞不信臣亦不知此稅之果免與否而刁難阻抑吳瑞與諸役法當嚴懲借一以儆諸也崇文課稅請乞明旨一視同仁并行暫免使客貨得以速入胥役無所肆奸不獨便商所關於城市之取給不少也至於彰義三門及朝陽等門聞每日有開半日者有關一時者任難民之奔走徬徨非法也此數門者

247

或係外城或係單門過於怯慎亦從城池起見實非有它然難  
民皇上之民也若仰體皇上愛民之意能忍然乎合無遵辰開  
申閉之聖諭而或設探馬于二十里之內以偵虜情庶幾耳目  
明而啟閉不至錯悞則公私兩得之道也此外則各府州縣之  
城守亦當申飭臣聞十一年間名城屢墮多因人心不固非平  
日撫綏無術即臨事措置乖方臣觀都城如此而惴惴爲各州  
縣懼之矣安人心以通煤米爲先一聞虜警京師煤價騰貴異  
常不獨貴也而且無勢必紛紛出城邀截封帖其不然者竟屢  
日無煤立見窘困得不張皇小戶苦大戶愈苦所當亟爲開煤  
護煤之計使入者多而買者不匱紛紛攘臂者不尼而止矣再  
照軍需告匱作何設處外解觀望作何趨催所當與通煤攙撥  
一併亟議以救燒眉者也伏惟皇上嚴飭施行臣不勝惶悚待  
諫 垣 奏 議

二十九 敬鄉樓叢書

命之至

崇禎十五年十一月十五日具題本年十一月十八日奉聖旨  
三協分信必先固關門說得是門稅已有旨暫免這崇文課稅  
也准并免俟事平日另議吳瑞等何得放肆難阻着懲儆該司  
官姑不究其各門辰開申閉遠偵確探并一應開煤護煤事理  
俱着與嚴飭行該部知道

特糾抗旨抽稅司官縱役擾民疏

戶科給事中臣李維楸謹題爲特糾抗旨抽稅司官縱役擾民  
事臣於十五日在宣武門外盤詰見有崇文課稅戶部山西司  
主事朱從義差役吳瑞等多人在於郊外刁勒索貨不許進城  
臣即具本題參於是已知門稅停免并請崇文課稅一體暫停  
以廣聖德以恤窮民至十八日奉聖旨三協分信必先固關門

說得是門稅已有旨暫免這崇文課稅也准停免俟事平日另  
議吳瑞等何得放肆難阻着懲儆該司官姑不究其各門辰開  
申閉遠偵確探并一應開煤護煤事理俱着與嚴飭行該部知  
道欽此臣於門上捧誦明諭不勝感極而喜竊謂皇上愛民如  
此客貨源源而來城市取携甚便不獨利民且於城守有裨也  
忽於十九日早辰該司官仍差書役張維垣許榮多人將涿州  
販酒人康時泰百端陵轍索去黃錢一千八百文值銀一兩八  
錢此一酒也所值幾何即上稅復幾何而嚇詐如此煌煌明旨  
司官悍然不遵胥役惑不知畏在門科道各官十目共見尙且  
如此則其平時婪索滋擾不知作何狀臣所見者宣武門也其  
餘諸門爲耳目所不見者其擾害又不知凡幾是使皇上德意  
不及於小民官胥之罪可勝誅乎伏乞勒下該部將司官朱從  
諫 垣 奏 議

三十 敬鄉樓叢書

義議處并前後胥役吳瑞張維垣許榮等懲儆追錢庶幾三尺  
伸而商民便亦安集人心之一事也臣不勝惶悚待命之至  
崇禎十五年十一月十九日具題本年十一月二十五日奉聖  
旨門稅停免奉旨甚明朱從義何又縱役擾索着議處吳瑞等  
着嚴懲究追該部知道

時事孔亟空言無裨疏

戶科給事中臣李維楸謹題爲時事孔亟空言無裨再懇宸斷  
以圖戰守實着事臣竊見虜寇交訂以來督師屢換敗衄時聞  
守爲虛守戰爲虛戰兵爲虛兵餉爲虛餉報爲虛報捷爲虛捷  
有心之士懊恨填胸無可如何即令今日夷虜入口原無幾何  
而薊城之下已十日行間諸臣曾無一確探相聞無問戰矣乃  
薊城之變實緣我兵有謂督師范志完剋剋實甚節制全無隱

自內作良有以也然事勢至此不必深求往事但當勒限志完驅虜出境恢復巖疆爲要着不當觀望援兵銷磨時日也不然七百餘萬之練餉所練何兵而不能捍數千騎之夷虜耶臣願其合三協之力與新督趙光抔會師力圖堵剿無使滋蔓庶可以蓋前愆耳若都城守着最爲喫緊細入如何盤詰細伏如何摘發細起如何消弭萬一虜騎薄城如何捍禦如何策應須實實有確着事事有頭緒乃克有濟未可一坐門一巡視便了守局也至於羣工手足宜忙皇上心思宜暇必一事一疏一疏一覆一覆一批答不勝煩矣蓋此時此事繁覆不如實行申飭不如急做覆得十件不如行得一件覆而後行不若行而後覆何也兵機呼吸轉換運用之妙存乎一心若事事形於文移我可以制敵敵亦可以制我計自今凡各條陳應密商者即與密覆

諫垣奏議

三十一

敬鄉樓叢書

其無須躊躇者徑勅部院諸臣着實力行於京城行於督撫行於監司州縣某日行某事果否可以禦敵之來扼敵之去必實有以制敵之死命而後奏報於皇上他日踐其言即予上賞否則厚罰隨之督撫鎮將有不即實行者科道諸臣得而糾舉之監司州縣有不即實行者督撫按與督察科臣皆得而糾舉之於是監司州縣之功罪即爲督撫之功罪可遞推而下亦可轉遞而上愈於今日覆某疏明日覆某疏一奉俞旨度之高閣徒費無用之精神以虛有用之歲月究何補於成敗之數哉書曰有備無患易曰繻有衣袽終日戒此時何時可不實做急做多方戒備乎况諸臣條陳原不期覆而期行行之不覆可也其不可行者不必覆也如是則臣工之幹辦既專皇上之批答亦省易簡而天下之理得信敏而天下之務成守則實守戰則

實戰兵則實兵餉則實餉報則實報捷則實捷虜平而賊不足計矣皋陶之贊舜曰臨下以簡孔子誦舜之好問亦曰用中於民爲治之貴力行古今同揆也伏惟宸斷臣不勝拳切待命之至

崇禎十五年十一月二十六日具題本年十一月三十日奉聖旨奏內繁覆不如實行申飭不如急做等語殊切時宜餘已有旨了范志完正在辦虜圖功不必苛議該部知道

聞命謝恩在信題知疏

戶科給事中臣李維樾謹題爲題知事臣維樾漕完復命荷蒙皇恩准臣實授時初聞虜警派坐宣武門防守未敢暫離信地今於本月初二日恭赴關門叩頭謝恩仍遵辰開申閉之明旨即刻回信料理理合題知

諫垣奏議

三十一

敬鄉樓叢書

崇禎十五年十一月初二日具題本年十二月初九日奉聖旨知道了

重臣共舉一城疏

禮科右給事中臣李維樾謹題爲重臣共舉一城宜定職掌以免交謫以固巖疆事竊照虜在薊城連營不動其中必有狡謀近聞零騎時掠三河漸迫通鎮通鎮之中有督治王鰲永又有薊督趙光抔有計臣白貽清又留舊計臣李選知合諸臣之力不難剪滅此而後朝食乃人心隄危若有刻不自保之意其故何也臣聞總兵張汝行先送家眷以歸遂使人心惶惑夫一城之中數萬生靈數百萬軍儲獨恃鎮將爲長城而先移孳以爲民望無知小民安得不震動也汝行非他卽向領數萬兵馬以出而僅以二千歸者也如此鎮將安望堵剿之有成算事迫矣

急更恐滋誘卸後効可蓋前愆則收拾餘燼背城借一行也勉乎哉至於重臣聚於一城位望既旬意見易左臣惴惴爲不必然之慮合無請旨申明職掌軍機進止則聽薊督城守號令則聽通督事權不相侵亦不相誘若兩計臣共承糧務亦宜分任其事或管收斂或管支放他日可以按事而課功不然舊計臣意中知有專官之責任新計臣意中知有明旨之責成萬一虜騎突至收斂不成收斂支放不成支放無將兩誤而不收共濟之功哉夫此一糧也小民脂膏國家命脉催漕諸臣之心血狼藉可惜也齎盜更可虞也臣是以憂心如灼而不禁鯁鯁過計耳伏乞皇上亟下畫一之詔使戰守有專責軍儲有分圖職掌明而紛囂定人心安而疆圉固矣臣不勝急切祈懇之至

崇禎十五年十一月十八日具題本年閏十一月二十八日奉  
諫垣奏議

三十三 敬鄉樓叢書

聖旨該部知道

諫垣奏議補遺

李維楸 拙予

請議釐制疏 瑞安縣志九

臣聞建非常之功者必有非常之事夫非常者固非常人之所能慮也臣奉命督漕江淮固兢兢惟漕是急然竊見天下大利大害所關尚有什伯於漕者莫如亟議釐制蓋惟運程猶是一時之事而議更釐制乃萬世之計也何言之天下大利害莫大於民生之安危尤莫大於省官而節財與官冗而費濫此治亂興亡之機所由決不可以不審也以釐之官言之自院司已下若大若小何其繁也有一官必有一官之俸祿而財之費在國有一官之衙門必有一衙門之蠶猶以剝民而瘠國而財之費在民仍在國以民之不安言之官嚴於督商而商病商牟

諫垣奏議

補遺

一

敬鄉樓叢書

利而取償於竈而竈病由是厲私鹽之禁法立種種甚且株連無辜害難更僕為國家者何令至此幸當聖明在上臣敢竭其愚忠臣竊謂官之不可不多者為有商也商之不可更制者為開中也開中初制為實邊也自葉淇准商人改折開中法今已不行矣開中之法不行是徒重商以分竈戶之利也商不可以已乎商苟已則官必可議省即一切私鹽關防無不可弛若此者何也臣愚欲將商人之利全歸竈戶而引額之銀即於竈戶供之可耳以臣竊計釐司終歲之入有二一曰餘鹽之課一曰商引之課今若用臣之議仍舊據沿海煎地給與煎丁者歲徵餘鹽如故是餘鹽之課額分毫無損也竈丁苦於奸商之腹削私鹽之關查久矣今若用臣之議將引額配之煎戶令其計地科鹽計鹽科引輸銀於官鹽聽自賣利之所在民不令而趨登

孽斷者自轉運之不餘力深山窮谷無不易於得鹽而竈戶又樂於輸引是商引之課額分毫無損也二者之額既無所損則所謂商之可已者信乎其可已矣又何官之不容省私鹽關防之不可弛哉如是則能行非常之事建非常之功矣雖然正至常之經耳周禮之書王道也土田而外山澤餘賦無不有制但任土因地而行無所事耳且王道抑末而重本不事開中則商所不重末當抑也竈戶煎燒猶農夫之耕田弛鹽禁也而責其納引額輸丁課一照土田科徵例不使商人得漁竈戶之利正重本之道也是又以非常之舉復至常之經何非常之與有伏望聖明採擇焉

馬政疏 江文徵十八

臣稽國朝馬政度越前代內有監苑問寺之官馬外有茶市之

諫垣奏議

補遺

一

敬鄉樓叢書

開中與七監之孳生宜乎天庥充物雲錦成羣矣乃年來徵調節苦無馬何以故則馬政之浸失其舊絲來久也馬政之失其弊有九在內則官馬變為折色地方通解半屬兵荒問寺空虛半絲挪借年例馬價時發各鎮買馬無聞弊一解馬之舖墊若寄養之賠累更苦因而愚民猾胥狼狽為奸臨時買馬以應重賂歸於衙蠹款段亦充上駟矣弊二營軍之騎操料豆不充馬力困罷點驗總是虛文責賦時多占役弊三在外則茶馬舊制每三年一開中番人望茶切馬進以時三閱月而事竣而金牌之制失而年年開市賤茶貴馬刀脅百端終歲不了民夷相習雜販私通吏有借會勦之名執票買馬鞭撻番合通官者阻市挑毀莫此為甚弊一茶市之馬邊鎮之置日甚即近年喪師時聞而從前蓄積為往倘亦營廢之無術也弊二茶馬年例解京

一千五百疋苑馬解京二百三十疋先京後邊是亦常情究竟解京之馬何曾足額是京與邊交諉也且往往截留解京馬價以抵年例之馬價是本與折兩誤也弊三秦地產馬自古記之自王老虎倡亂七教之地化爲伏莽牧養無人學生路絕弊一固原舊頓重兵自鎮將調發七監失其長城兩道不關痛癢城堡朽摧牧地安在弊二監正或出費郎問苑多繇遷客目前有幸命之憂將來無功名之望誰肯悉心料理乎弊三去此九弊徐興九利臣請爲皇上陳之在內則依馬宜慎挪借宜清年例之發宜嚴騎操之法宜簡占役之弊宜禁在外則茶馬之制宜詳解京之馬與解邊之馬宜各留不宜互解茶馬御史宜加覈馬之權七監東三監萬安武安清平宜屬平涼道西四監安定廣甯黑水宜屬固原道改其勅印專責勸撫監正宜簡風力宜諫

垣奏議 補遺 敬鄉樓畫書

考成分別優陞行太僕行苑馬宜課其職掌或轉藩臬或轉京堂以功名勸其勞勤而學生之法臣更有說焉已撫之賊宜招之養馬辦驟馬一正者給地三頃聽其耕種不計科三年但課一駒輟轉學生而馬不勝用且境無荒土芻糧日饒上收馳勦之功下獲守望之益則一舉之矣七監之利興而後三年之市可行金牌之制可復如是則馬之入必精三月之限必信民夷相集雜販私通挑激邊釁之事可永遠無虞也

薦毛十龍方震孺疏 瑞安縣志九

扇焰烹鵝脯麟一時正人吞噤殆盡天地之深意朝廷之厚社二祖十一宗在天之英靈默佑千磨百鍊之孤臣於不死留以輔皇上者止科臣毛十龍道臣方震孺兩人而已震孺尙未出山十龍則新經起用者也命下之日朝士彈冠野士手額下至田夫牧豎亦皆歡呼踴躍以爲十五年蟄伏豹隱之氣一朝得伸皇上知人善任誠無遺不屆無微不徹矣乃十龍甫任漕河之事遂爾朝聞夕行瘦馬輕輶無分曉夜催漕漕立辦董河河立辦督運奔運奔立辦視其一月可以當人數年出其中乘可以作人上駟雖十龍在廷在外總是王臣司漕無非王事斷無擇地而官擇官而仕之意然其經綸才具自足當喉舌股肱若云徐徐而進之試觀此時何時此際何際要地早得人一日則天下早安康一日皇上早寬慰一日矣至如道臣方震孺諫

垣奏議 補遺 敬鄉樓畫書

無論大孝大忠博識典籍即如壽州無官無兵震孺以一散人全城殲賊百攻百應料敵如神以致耕耨不廢漕儲不逋其才其識其膽可概見矣臣與二臣素昧平生見皇上憐才若渴體宗社需人若霖不忍以忠貞隱匿俯伏乞皇上將十龍震孺一併賜環重用此天下所共仰望非臣一人之私幸也

東南民力維艱疏 慎江文徵十八

臣聞國之托勢在民之司命在上故邽隆之代不廢懋和而積困之餘尤勤軫恤頃者逆闖肆虐狐突鷓張感憤不共之讐孰無廓清之望欲求治理先審禍原臣竊思關中百二之險猶昔也晉國表裏之雄猶昔也至於燕京高深鮮麗隴石渠答嚴岵有加即人無墨子四應之才不及襄樊三年之困乃賊臨之聞無人焉嗟淚鶴之共驚棄版章而共梗抑何人心渙散至此

乎豈我祖宗深仁厚澤培養二百七十餘年先皇帝恭儉勤民十有七載曾不足以固結民心也祇緣邇年羽檄紛馳無點金之術民間箕斗悲泣鮮炊石之方兼之染鼎梁頤石壕呼夜官日削則民日窮民日窮則困日積反裘自負危若莫支一旦獸號鳥驚遂至不可收拾向之失也以人心之離則今之得也必求人心之合法貴通變事難縷陳姑以東南積困言之如浙金衢紹南糧一項向係折色會典開載甚明近時改徵本色盤運艱難在民則苦解求免恣狼貪鼠竊之困在官則追呼不前有剋肉醫瘡之苦貧富交困公私兩虧先帝朝獨折衢郡蓋因道臣夏尙綱駐劄衢州得之目擊而不知金紹之勢同疲累亦同頃經撫臣黃鳴俊籲請奉有三府一例恐自後踵請者不止金紹之旨臣竊以爲此又不必慮也浙東自金紹而外並無南糧

諫垣奏議

補遺

五

敬鄉樓叢書

者買之市固不勞而辦也且行此有三善焉蠶婦無官絹之勞解戶免畏避之苦一也解運繁難稽延歲月今折色彙解甚便取攜二也在途日久絹多滯滯若市買朝取而暮入五綵煥然三也所不便者內外各衙門胥吏耽此爲奇貨耳然去蠹實便民之圖而存貯皆封樁之積德莫厚焉利莫弘焉所謂收拾人心者此又其一方今郊鼎再定之時不忘桃蟲小恙之暢更絃瑟而聯指臂膏黍苗以厚股肱滅虜恢京之本實始基之矣

請定刑書疏 慎江文徵十八

諫垣奏議

補遺

六

敬鄉樓叢書

臣聞之刑者所以取中也司刺曰斷中士師曰受中司寇曰登中以中用刑刑乃不濫從逆一案經侍郎朱之臣之議誠嚴且盡矣微有可商者逆之一字未可以槩施也導賊略地攻城是逆則偷生非逆受賊顯秩要津是逆則毀形非逆受賊半職一



司敗之法以正刑誅所謂刑亂國用重典也參考功之法以別從逆所謂刑新國用輕典也臣竊視大明律中參酌事情輕重立定罪名故死者無憾生者知恥皇上舜禹同仁即在八法之內而微臣春秋定例務求一字之嚴伏乞天語憲申別是逆非逆爲兩案毋使一念貪生與十惡不原者同名獲罪則平中可賀神明正辭可昭萬世辟以止辟國法大申而羣心允服矣

纂修神廟實錄疏慎江文徵十八

臣聞史以傳信有舉必書有書必法煌煌乎巨典也頃見輔臣高弘圖先帝實錄一疏奉有開局纂修之旨伏念實錄一書非獨先帝急宜採輯即神廟尙爲闕典四十八年厚澤深仁至今窮谷猶塵哀慕先帝時記注書成恭呈御覽鄭重考訂久置宮中遂稽頌發痛自燕京離黍玉署煨殘縱有奎章徒供脉望何諫垣奏議

補遺

七

敬鄉樓叢書

可言也皇上孝思繩武弘緒光前殷憂多難則念神祖幼冲泣祚之艱未明求衣則念神祖靜攝歷年之永優禮蒼碩則念神祖尊師重道之隆江海寬茹則念神祖止葦受言之美焦勞雪恥則念神祖共武撻伐之勳將道見羹臠神符著蔡豈可令神聖芳徽僅存神野鑿坡遺稿竟付烟墟哉當日纂修總裁舊輔臣傳冠也豈無家藏副本若其無有請飭撫按遍訪史館舊臣來年計吏使監司郡縣撫拾往事及故老傳聞各成一帙獻之於朝其有計偕孝廉能編輯信記者許其入告能如知幾之三長不妨優以木天之選次亦可爲中翰天下非乏人也博物君子此句上當雅志舊聞集腋成裘窺斑見豹者足資剪裁哉文獻既備纂局弘開我神祖在天之靈實式臨之矣抑臣更有感焉本朝百度超軼唐宋獨國史少遜花碑移影乙夜編羣徒取

否陳文牘而已其於左右史登記缺如也若乃密地酸鹹幕中擊笑屏人躡足誰與聽聞其最大者革除土木之間辭多隱諱使孫蒙祖號弟襲兄年識者竊有遺憾表章釐正道待其人臣所厚望蓋不但神祖四十八年之芳規與先帝一十七載之鴻業一時並舉昭示來茲已者臣知皇上慈孝上通數百年如一日必有愾乎如聞愾乎如見者矣

請地封表瑞安縣志九

爲聖主恩宏錫類微臣志切報劉敬遵詔書比例地贈以光孝治以展孫情事竊維聖明御籙萬福攸同玉音昭泰道之華金册煥於皇之采凡在臣子皆得推情水木旌賁蒿楸可謂千載一時矣伏讀恩詔中有地贈祖父母一欵大哉王言孝思維則此新朝莫大之恩臣子不世之遭也臣祖李茂春身雖布衣生諫垣奏議

補遺

八

敬鄉樓叢書

有俠骨念歲歉糧逋賠解正賦數千金世嗣末造倭寇海邦養兵之費亦累數千金而家殖遽落終身樂饑歌咏自得雖率土之誼當然而急公之儔罕見臣生五歲母氏棄捐繼母亦相繼物故臣父貧苦舌耕於外每歲餘一歸臣維樾樂糶孤苦賴祖父母撫育而成全之而臣之幼也疾病纏綿藥餌飲食悉出祖母周氏之手心最苦力最勞雖並享遐齡而祿養不逮言念音容愀然如見惟有杜喬執硯之悲愧無李密陳情之表幸遇覃恩得邀異數願以臣并妻封典地贈祖父母藉綸綍之榮寵闡泉壤之幽光存歿頂戴宏恩世世脚結無極頃見臣同官黃雲師懇恩允地封典一疏奉有地封祖父亦子孫至情吏部議覆之明旨臣敢循例以請伏維聖慈下部一併議覆施行臣不勝翹切待命之至

李氏維樾諫垣奏議溫州經籍志八注曰佚而瑞安張振軒先生桐藏有鈔本爲文一十八篇余既輾轉假鈔一册余友楊志林所輯甌海集內編一亦盡錄之而未刻也李氏遺著據嘉慶瑞安縣志溫州經籍志尙有紀錄薦牘掖垣封事折衝紀述江浦縣志格言集要督漕行草等書余嘗廣求之卒無所得而其遺文別見於縣志者奏疏四篇內一篇已見張氏所藏鈔本中又見於慎江文徵者疏奏四篇今并輯爲補遺錄於卷後縣志又載其謁卓忠貞公祠五言古詩一首周易敝書序一篇祭安鄉侯墓文一篇以非奏議不錄李氏乾隆溫州府志有傳孫琴西先生甌海軼聞亦著其遺事數則系以按語足補本傳之遺因并

錄於卷首爲民國十七年五月黃羣記

諫

垣 奏 議

一

敬鄉樓叢書

諫垣奏議

葉行字誤 正

軼聞 三八十均弭 坳珥

序 一三八周州

目錄 一十五二二賦兵 兵賦

奏議 二二四十八完全 全完

五二四二三抄秒

八三十八効

八九六雅鎮 雅鎮中字缺

十九二四十六度庾

二十一十九州府

二二三六薪辛

二二二二薪辛

二二八十惟為

二二九九五節噴

二六二三七吁

二六二四二二芻芻

二七五一著著

二九二十四糾糾

三十一十八停并

三二一六二三糾糾下行同

三三二一十四旬同

三三七十六無將將無

補遺 三四八教監

四十六十四肺肺

六六二二暢揚

七十七六裨裨

七十八二傳傳

八十九十九蒿松

八十九八杜范

一七二二三疏奏

一七二二三疏奏

一七二二三疏奏

一七二二三疏奏

敬鄉樓叢書 正誤表 永嘉黃氏校印

敬鄉樓叢書 正誤表 永嘉黃氏校印

敬鄉樓叢書 正誤表 永嘉黃氏校印

敬鄉樓叢書 正誤表 永嘉黃氏校印

敬鄉樓叢書 正誤表 永嘉黃氏校印

敬鄉樓叢書 正誤表 永嘉黃氏校印

敬鄉樓叢書 正誤表 永嘉黃氏校印

敬鄉樓叢書 正誤表 永嘉黃氏校印

敬鄉樓叢書 正誤表 永嘉黃氏校印

敬鄉樓叢書 正誤表 永嘉黃氏校印

敬鄉樓叢書 正誤表 永嘉黃氏校印

敬鄉樓叢書 正誤表 永嘉黃氏校印

敬鄉樓叢書 正誤表 永嘉黃氏校印